

গামতী - গম গামতী

ভারতী ।

সত্য হইবে না ।

বন্দী ।

প্রথম পরিচ্ছেদ ।



সত্যব্রতকে কেহ নির্দোষ বলিত না। তাঁহাকে সকলে সচরিত্র বলিয়াই জানিত।
বিভ্রান্ত্যাসেও বেশ মন ছিল। অধ্যয়ন সমাপ্ত হইলে কি করিবেন সেই কথা লইয়া গৃহে
কিছু আন্দোলন হইতেছিল। পিতা ধনী। পুত্র রাজকর্মে নিযুক্ত হয় এমন তাঁহার ইচ্ছা
ছিল না, অথচ নিষ্কর্মা হইয়া গৃহে বসিয়া থাকে এমনও ইচ্ছা ছিল না। সত্যব্রতের নিজের
কোন মতামত ছিল না, পিতার আজ্ঞাই শিরোধার্য। পিতা অনেক ভাবিয়া চিন্তিয়া,
শ্রীমদারিজন বন্ধুর সহিত পরামর্শ করিয়া স্থির করিলেন যে সত্যব্রতের পক্ষে বাণিজ্য
ব্যবসায় করাই শ্রেয়। সত্যব্রত তৎক্ষণাৎ তাহাতে সম্মত হইলেন।

ব্যবসা কর্ম সত্যব্রতের পিতা ভাল বুঝিতেন। মনে করিলেন পুত্রও সেইরূপ বুঝিবে।
একটা ছোট খাট হৌস খুলিয়া পুত্রের হস্তে সমস্ত ভার সমর্পণ করিলেন। সত্যব্রত পিতাকে
কহিলেন, “আমি কর্ম কাজ কখন করি নাই, আপনি না দেখিলে কেমন করিয়া আপিস
চালাবে?” পুত্রের নামে আপিস হইল কিন্তু পিতাই সমস্ত পর্যবেক্ষণ করিতেন। সত্যব্রত
মুহুর্ত দিন আপিসে বসিয়া থাকিতেন কিন্তু তাঁহাকে দিয়া কর্ম বড় এগাইত না। আপিসে
আমার যাহা হুঃখ সত্যব্রতকে নিবদেন করিত, তিনি সকলের উপকার করিতেই ব্যস্ত
থাকিতেন। অবকাশ পাইলেই চিকিৎসা-বিষয়ক গ্রন্থ পড়িতেন, ঔষধাদিও বিতরণ করিতে
আরম্ভ করিয়াছিলেন। হয়ত কোন দিন কোন কেরাগী আসিয়া কহিল, “মহাশয়, আমার
বড় কষ্ট, বহু পরিবার, ত্রিশ টাকায় মাস কুলায় না। যদি মাহিয়ানা কিছু বাড়াইয়া দেন।”

সত্যব্রত কহিলেন, "এখানে কতদিন হইতে আছ?"
 কেশব কহিল, "ছয় মাস হইল।"
 সত্যব্রত কহিলেন, "দেখ, সে দিন চন্দ্রশেখর আমাকে ঐ কথা বলিয়াছিল। আমা-
 ইচ্ছা বেতন বাড়িয়া দিই, কিন্তু কত মত করিলেন না। বলেন আপিস এই অন্ন
 খোলা হইলে কেমন চলিবে এখনও যমা যায় না। আর বেতন বাড়ানের বাড়াই
 হইলে সকলেরই বাড়াইতে হয়। তোমার কথা বলিলেও হয়ত সেই কথা বলিবেন। ত
 তাঁহাকে সাহস করিয়া বলিতে পারিতেছি না। এখন এই দশটা টাকা লইয়া যাও, কে
 যেন কিছু জানিতে না পারে, তাহা হইলে কত রাগ করিবেন।"
 আপিসের সঙ্গে সত্যব্রতের সম্বন্ধ অনেকটা এইরূপ। স্ত্রী যুবতী, স্বামীকে সের্তার আ-
 জ্ঞান করিতেন। কিন্তু স্বামীর হৃদয় তিনি সম্পূর্ণ স্বাধিকার করিতে পারেন নাই
 অন্ততঃ তাঁহার মনে এইরূপ হইত। সত্যব্রত রুদ্র কথা বলিতে জানিতেন না, স্ত্রীকে অত্যন্ত
 প্রীতিচক্ষে দেখিতেন, কিন্তু নবীন দম্পতী-প্রণয়ের তন্ময়তা তাঁহাকে কখন ব্যাকুল করে
 নাই। তিনি গৃহে আসিতেন যাইতেন, স্ত্রীর সহিত মেহালাপ করিতেন, কিন্তু যদি কেহ
 কাহারও মিপদের অথবা অস্বপ্নের সংবাদ আনিত তাহা হইলে তিনি আর গৃহে থাকিতে
 পারিতেন না। রাত্রি স্থিপ্রহরের সময় যদি শুনিতেন প্রতিবেশীদের গৃহে কেহ শীড়িত
 হইয়াছে তৎক্ষণাৎ শয্যা হইতে উঠিয়া যাইতেন। দীন ছঃখীকে দান করিবার সময় নিজের
 কাছে কিছু না থাকিলে স্ত্রীর নিকট হইতে চাহিয়া লইতেন। স্বামী কতকটা স্বার্থপর না
 হইলে স্ত্রীর সুখ সম্পূর্ণ হয় না। সন্তানাদি কিছু হয় নাই বলিয়া সত্যব্রতের স্ত্রী কিছু
 দুঃখিত থাকিতেন।

দ্বিতীয় পরিচ্ছেদ।

ব্যবসা উত্তমরূপ চলিতে লাগিল। সত্যব্রতের পিতার তদ্ব্যবধানে যথেষ্ট লাভ হইতে
 আরম্ভ হইল। অগ্ৰাচ্ছ কর্মের মধ্যে হস্তীর কারবারও হইত। সত্যব্রত ও তাঁহার পিতাকে
 বিশ্বাস করিয়া অনেকে অনেক টাকা রাখিত। সকল কর্মেই পূর্বের ত্রায় সত্যব্রত নিলিপ্ত
 থাকিতেন। তাঁহার নিকট লোকে হয় লাভের না হয় উপকারের আশায় আসিত।
 কর্মের নিমিত্ত হয় তাঁহার পিতার নিকট না হয় আপিসের লোকের নিকট যাইত।
 কিছুদিন এইরূপে গেল। কিছুদিন পরে সত্যব্রতের পিতার কাল হইল। তখন নিয়ম
 কর্মের সমস্ত ভার সত্যব্রতের উপর পড়িল। লোকের বিশ্বাস পূর্বের মত রহিল, কিন্তু
 সত্যব্রত একে কোমলস্বভাব তাহাতে ব্যবসা কর্ম তেমন বৃদ্ধিতেন না। এজন্ত পূর্বের মত
 আর লাভ হইত না। আপিসে কে কি করিত সত্যব্রত তাহার বড় সন্ধান রাখিতেন না।

ভা বৈশাখ ১৩০১)

বন্দী।

কয়েক মাস পরে লোকে কাণাকানি করিতে লাগিল যে আপিসে পূর্বের মত লাভ হয়
 না, লোকসান হইতে আরম্ভ হইয়াছে। দুই চারি জন বন্ধু সত্যব্রতকে সতর্ক করিয়া দিলেন,
 কিন্তু তিনি পূর্বের মতই অতর্কিত রহিলেন। অবশেষে একদিন খাজাঞ্চি নিরুদ্দেশ হইল,
 হস্তীর কারবার বন্ধ হইল। যাহাদের টাকা পাওনা ছিল তাহারা আসিয়া আপিস ঘিরিল।
 এক দিনে সত্যব্রত নিঃস্ব হইলেন। নিজের জন্ত একবারও চিন্তা করিলেন না, এত
 লোক একেবারে সর্বস্বান্ত হইল মনে করিয়া কাতর হইলেন। যাহাদের টাকা গিয়াছিল
 তাহাদের অনেকে নাশিশ করিল। তাহারা কহিল সত্যব্রতকে বিশ্বাস করিয়াই তাঁহার
 নিকট টাকা জমা রাখিয়াছিল। কিছুদিন পরে নিরুদ্দিষ্ট খাজাঞ্চি ধরা পড়িল। সে
 খাতাপত্র সমস্ত পুড়াইয়া ফেলিয়াছিল। আদালতে অমানবদনে কহিল, "আমি কিছু
 জানি না। টাকাকড়ি বাবু নিজে রাখিতেন, খাতাপত্রও তাঁহার কাছে থাকিত। আমাকে
 পলাইতে বলিয়াছিলেন সেইজন্ত পলায়ন করিয়াছিলাম। আমি কিছু জানি না।" তাহার
 কথা শুনিয়া সত্যব্রত বিস্মিত হইয়া তাহার মুখের দিকে চাহিয়া রহিলেন, কিন্তু কোন
 কথা বলিলেন না।

মকদ্দমা আরম্ভ হইল। সাক্ষীরা সকলে বলিল যে সত্যব্রত অতি সাধুচরিত্র, অল্প লোকে
 তাঁহাকে ঠকাইয়া থাকিবে। কিন্তু বিচারক কেমন করিয়া সে কথা শুনিবেন? তিনি
 আসামীকে জিজ্ঞাসা করিলেন, "লোকে তোমাকে বিশ্বাস করিয়া তোমার নিকট টাকা
 রাখিয়াছিল?"

সত্যব্রত কহিলেন, "হাঁ আমাকেই বিশ্বাস করিয়া টাকা রাখিয়াছিল।"

"তুমি সে টাকা সাধ্যমত সাবধানপূর্বক রাখিয়াছিলে!"

"এখন মনে হইতেছে রাখি নাই।"

"তোমার খাজাঞ্চি যে কথা বলিতেছে তাহা কি সত্য?"

"উহাকেই জিজ্ঞাসা করা হউক। আমি কোন উত্তর দিব না।"

বিচারের পর অপরাধী প্রমাণিত হইয়া সত্যব্রতের পাঁচ বৎসর কারাদণ্ডের আদেশ
 হইল।

TRACING LAMINATED.

PAGE CONTAINS TWO COLOUR.
 INTENTIONAL
 DUPLICATE EXPOSURE.

তৃতীয় পরিচ্ছেদ।

লেখাপড়া জানিতেন বলিয়া সত্যতঃ কারাগারে আগিসের কর্মে নিযুক্ত হইলেন। কারাধ্যক্ষ দেখিলেন সত্যতঃ কর্মে পটু, পরিশ্রমে অকাতর, এবং তাঁহার স্বভাব অত্যন্ত শাস্ত। কিছু দিনে সত্যতঃ কারাধ্যক্ষের অত্যন্ত প্রিয়পাত্র হইয়া উঠিলেন।

বন্দীদের সহিত সত্যতঃ এরূপ ব্যবহার করিতেন যে তাহারা তাঁহাকে পরম আত্মীয়ের স্থায় জ্ঞান করিতে লাগিল। কোন ছুঃখ কষ্ট হইলে তাঁহাকে জানাইত। কোন বন্দী কোন অপরাধে অভিযুক্ত হইয়া কারাধ্যক্ষের সম্মুখে নীত হইলে সত্যতঃ কারাধ্যক্ষকে বলিতেন, “আপনাকে একটা কথা নিবেদন করিবার আছে।”

কারাধ্যক্ষ স্মিতমুখে জিজ্ঞাসা করিতেন, “কি কথা?”

“এ ব্যক্তি অপরাধ করিয়াছে। ইহার কি হইবে?”

“অপরাধ করিলে যাহা হইয়া থাকে। দণ্ড হইবে।”

সত্যতঃ কহিলেন, “অপরাধ করিলেই দণ্ড হয় আমরা সকলেই জানি, কেননা আমরা অপরাধের দণ্ড ভোগ করিতেছি। কিন্তু অপরাধ করিলে মার্জনাও আছে এ কথা এই কারাগারে কেহ জানে না। আপনি কেন একবার অপরাধ মার্জনা করিয়া দেখুন না?”

কারাধ্যক্ষ কিছুক্ষণ মৌন হইয়া চিন্তা করিতে লাগিলেন। অবশেষে অপরাধীকে কহিলেন, “এবার তোমার অপরাধ মার্জনা হইল। ভবিষ্যতে সাবধান থাকিবে।”

অপরাধী অতিমাত্র বিস্মিত হইয়া, সত্যতঃের মুখের দিকে চাহিয়া ধীরে ধীরে চলিয়া গেল।

কারাবাসীদের মধ্যে আশ্চর্য্য পরিবর্তন হইতে লাগিল। পূর্বে কারাধ্যক্ষ সর্বদা সশঙ্কিত থাকিতেন—সর্বদাই দাঙ্গা হাঙ্গামার ভয়, সর্বদাই কলহ, সর্বদাই উৎপাত। ক্রমশঃ সে শঙ্কা নিবারিত হইতে লাগিল। বন্দীগণ স্বেচ্ছাপূর্ব্বক আপন আপন কর্ম করে, পরস্পরে কলহ করে না, কর্মচারীদের আদেশ সর্বদা পালন করে। সত্যতঃ সর্বদা বন্দীদের সঙ্গে থাকিতেন, তাহাদিগকে কি বলিতেন, কি বুঝাইতেন কেহ জানিতে পাইত না। তাহারা তাঁহাকে দেবতার স্থায় মাত্র করিত। কারাধ্যক্ষ এক একবার মনে করিতেন যে বন্দীদের উপর একজন বন্দীর এতটা আধিপত্য হওয়া ভাল নয়, কিন্তু সত্যতঃের স্বভাব ও আচরণ দেখিয়া তাঁহার মনে কোনরূপ শঙ্কা হইত না।

কয়েক মাস পরে একজন বন্দীর অত্যন্ত পীড়া হইল। পীড়া সাংঘাতিক, কিন্তু কারাগারে বন্দী মরিলে কিবা বাঁচিলে কে চিন্তিত হয়? সত্যতঃ কারাধ্যক্ষকে মিনতি করিয়া কহিলেন, “আমাকে অজমতি করুন, আমি রোগীর সূক্ষ্মা করিব।”

কারাধ্যক্ষ কহিলেন, “তুমি রোগের সূক্ষ্মা কি জান? বিশেষ, রাজে তুমি এমন কর্মে নিযুক্ত হইতে পার না।”

সত্যতঃ কহিলেন, “পূর্বে আমি কখন কখন রোগের সূক্ষ্মা করিতাম। রাজে ষা হউক দিনে রোগীর নিকট আমার থাকিতে দিন।”

সত্যতঃের আগ্রহ দেখিয়া কারাধ্যক্ষ সম্মত হইলেন। সত্যতঃ সমস্ত দিন রোগীকে এরূপে সূক্ষ্মা করিলেন যে চিকিৎসক সন্ধ্যার সময় আসিয়া কহিলেন, এমন সূক্ষ্মা বন্দীদের মধ্যে কেহ করিতে জানে না। সত্যতঃ তৎক্ষণাৎ যুক্তকরে চিকিৎসককে কহিলেন, “আমার একটা নিবেদন আছে!”

“কি?”

“আপনি কারাধ্যক্ষকে বলিয়া দিন যেন রাজেও আমি রোগীর সূক্ষ্মা করিতে পাই।”

“সমস্ত রাত্রি জাগরণ করিতে পারিবে?”

“পারিব।”

চিকিৎসক কারাধ্যক্ষকে বলিয়া দিলেন। রাজেও সত্যতঃ রোগীর নিকট রহিলেন।

চিকিৎসক যে যে ঔষধি ব্যবস্থা করিয়াছিলেন সত্যতঃ দিবাকালে তাহা লক্ষ্য করিয়া দেখিয়াছিলেন। রাজেও সেইরূপ করিলেন। পরদিবস প্রভাতে চিকিৎসক আসিলে সত্যতঃ অত্যন্ত বিনীত স্বরে কহিলেন, “অত্যাশ্চর্য্য ঔষধির সঙ্গে আর একটা সামগ্রী দিলে হয় না,” বলিয়া একটা ঔষধির নাম করিলেন।

যে পর্য্যন্ত সত্যতঃ কেবল রোগের সূক্ষ্মা করিতেছিলেন সে পর্য্যন্ত চিকিৎসক তাঁহার উপর সন্তুষ্ট ছিলেন। ঔষধের নাম শুনিয়া, অসন্তুষ্ট হইয়া, ক্র কুক্ষিত করিয়া কহিলেন, “তুমি ডাক্তার না কি?”

সত্যতঃ অপ্রতিত হইয়া কহিলেন, “আজ্ঞা, না। ডাক্তারেরা ঔষধি ব্যবস্থা করিতেন আমি তাহাই দেখিতাম। আপনার উপর কথা কহিবার আমার সাধ্যও নাই, সে স্পর্ধাও নাই।”

কারাধ্যক্ষ পাশে দাঁড়াইয়াছিলেন। ডাক্তারকে কহিলেন, “ইহাতে বিরক্তির কোন কথা নাই। তুমি বিবেচনা করিয়া দেখ এই ঔষধে কোন উপকার হইবে কি না।”

ডাক্তার সত্যতঃকে জিজ্ঞাসা করিলেন, “তোমার কি মনে হয় এই রোগী রক্ষা পাইবে?” সত্যতঃ কহিলেন, “এ কথার উত্তর কে দিবে? চিকিৎসকের কর্তব্য সাধ্যমত চেষ্টা করা, এবং রোগীকে রক্ষা করিতে না পারিলে রোগের যন্ত্রণার লাঘব করা।”

চিকিৎসক কিঞ্চিৎ ইতস্ততঃ করিয়া সত্যতঃের কথা মত সেই ঔষধি ব্যবস্থা করিলেন। সেই ঔষধি পান করিয়া রোগী কিছু স্বচ্ছন্দ বোধ করিতে লাগিল। কয়েক দিন পরে তাহার মৃত্যু হইল, কিন্তু সকলে বলিতে লাগিল যে সেই ঔষধি সেবনে তাহার মৃত্যু যন্ত্রণা বড় অধিক হয় নাই।

চতুর্থ পরিচ্ছেদ।

কারাধ্যক্ষ একদিন সত্যত্রতকে ডাকিয়া জিজ্ঞাসা করিলেন, “তুমি যে অপরাধে দণ্ডিত হইয়াছ তাহা অত্যন্ত গুরুতর। সত্যই কি তুমি লোকের টাকা লইয়া ফাঁকি দিয়াছিলে?”

সত্যত্রত কহিলেন, “অপরাধ না করিলে দণ্ড হইবে কেন?”

কারাধ্যক্ষ কহিলেন, “সে কথা বলা যায় না। এমনঅনেক নির্দোষীর দণ্ড হইয়া থাকে।”

সত্যত্রত কহিলেন, “নিজেকে নির্দোষী কেমন করিয়া বলিব? পরের ধন আমি অপহরণ করি নাই, আমার কর্মচারীরা করিয়াছিল। কিন্তু লোকের বিশ্বাস আমার উপরেই ছিল। আমি যখন টাকা সাবধানে রাখিতে পারিতাম না তখন টাকা রাখাই আমার পক্ষে অশাস্ত হইয়াছিল।”

কারাধ্যক্ষ কহিলেন, “পরের অপরাধে তোমার এই দণ্ড হইয়াছে। তুমি যে কোন গর্হিত কর্ম করিতে পার আমার বিশ্বাস হয় না।”

কিছু দিন পরে কারাধ্যক্ষের একটি পুত্র বসন্ত রোগে আক্রান্ত হইল। কারাধ্যক্ষ সাহেব, ভয়ে পুত্রের নিকট গমন করিতেন না। রুগ্ন বালক একটা স্বতন্ত্র গৃহে রক্ষিত হইল, সে গৃহে পিতা, মাতা, অথবা জ্ঞাতা ভগিনী কেহ যাইত না। সত্যত্রত পীড়ার কথা শুনিয়া সাহেবকে কহিলেন, “আপনার পুত্রের সেবা করিব, আপনি অল্পমতি দিন।”

কারাধ্যক্ষ কহিলেন, “পীড়া বড় কঠিন। যে নিকটে থাকে তাহারও রোগ হইবার আশঙ্কা। পরে সে কথা প্রকাশ হইলে আমার বিপদ।”

সত্যত্রত কহিলেন, “সাহেব, আমা দ্বারা কোন কথা প্রকাশ হইবে না, সে বিষয়ে আপনি নিশ্চিন্ত থাকুন। আমার মনে কোন প্রকার আশঙ্কা জন্মিতেছে না, অতএব আমাকে রোগীর নিকটে থাকিতে দিন।”

এদিকে ডাক্তার বলিয়াছিলেন, “রোগের লক্ষণ ভাল বোধ হইতেছে না। উত্তমরূপে সূক্ষ্মা হইলে রক্ষা পাইতে পারে। আর কোন উপায় দেখিতেছি না।”

কারাধ্যক্ষ সাত পাঁচ ভাবিয়া সত্যত্রতের কথায় সম্মত হইলেন।

সত্যত্রত সেই যে রোগীর শয্যাপার্শ্বে গিয়া বসিলেন আর উঠিতেন না। দিন নাই, রাত্রি নাই, নিদ্রা নাই, ক্লান্তি নাই, সত্যত্রত এক মনে রুগ্ন বালকের সূক্ষ্মা করিতে লাগিলেন। কয়েক দিবস চিকিৎসক আসিয়া রোগীকে দেখিয়া যাইতেন, কোন কথা কহিতেন না। এক দিন প্রাতঃকালে আসিয়া বালককে দেখিয়া কহিলেন, “আর কোন ভয় নাই। এ যাত্রা রক্ষা পাইয়াছে।”

বাহিরে আসিয়া কারাধ্যক্ষকে কহিলেন, “আপনার পুত্রের জন্ম আর ভাবিত হইবেন

না, আর কোন ভয় নাই। কিন্তু সে যে রক্ষা পাইয়াছে কেবল সূক্ষ্মার বলে। যে বন্দী তাহার নিকট বসিয়া রহিয়াছে সেই আপনাদের ধন্বাদের পাত্র। রোগের সূক্ষ্মা কাহাকেও ওরূপ করিতে দেখি নাই।”

পুত্র আরোগ্য হইলে কারাধ্যক্ষ সত্যত্রতকে সঙ্গে করিয়া আপনার স্ত্রীর নিকট লইয়া গেলেন। কহিলেন, “এই ব্যক্তি আমাদের পুত্রের প্রাণদাতা। এ বন্দী, কিন্তু আমরা ইহাকে স্পর্শ করিবার যোগ্য নহি।”

বালকের মাতা কাঁদিয়া ফেলিলেন। সত্যত্রতকে কহিলেন, “তুমি আমার সন্তানের প্রাণ রক্ষা করিয়াছ। আমি কি বলিয়া তোমাকে আশীর্বাদ করিব?”

সত্যত্রত কহিলেন, “আপনার সন্তান আরোগ্য লাভ করিয়াছে ইহাতেই আমার আনন্দ।”

পঞ্চম পরিচ্ছেদ।

কৃতজ্ঞতা প্রকাশের উপায় নির্ধারণ করিয়া কারাধ্যক্ষ কর্তৃপক্ষীয়দিগকে লিখিলেন সত্যত্রত কারাগারে অতি উত্তমরূপে ব্যবহার করিতেছে। তাহার দণ্ডের এক বৎসর রহিত হওয়া উচিত। কর্তৃপক্ষীয়েরা বিবেচনা করিয়া ছয় মাস দণ্ড রহিত করিলেন।

কারাধ্যক্ষ সত্যত্রতকে ডাকিয়া এই সঙ্গবাদ শুনাইলেন। তিনি মনে করিয়াছিলেন এই সঙ্গবাদ শ্রবণে সত্যত্রত অত্যন্ত আনন্দিত হইবেন। কিন্তু সত্যত্রত বিশেষ আনন্দ প্রকাশ না করিয়া কহিলেন, “সাহেব, পাঁচ বৎসর আমার দণ্ড, ছয় মাস কম হইল কেন?”

সাহেব কহিলেন, “আমি সূপারিস করিয়াছিলাম।”

সত্যত্রত কহিলেন, “পাঁচ বৎসর ও সাড়ে চার বৎসরে বিশেষ প্রভেদ কি?”

সাহেব বিস্মিত হইয়া কহিলেন, “তুমি বিনা অপরাধে এই দণ্ড ভোগ করিতেছ। মুক্ত হইতে তোমার ইচ্ছা হয় না?”

সত্যত্রত কহিলেন, “প্রথমে মনের ভাব যেরূপ ছিল তাহাতে কষ্ট বোধ হইত। এখন কোন কষ্টবোধ হয় না।”

কারাধ্যক্ষ কহিলেন, “তোমার গৃহে কেহ নাই? স্ত্রী নাই, সন্তানাদি নাই? তাহাদিগকে দেখিতে ইচ্ছা হয় না?”

সত্যত্রত কহিলেন, “সন্তানাদি নাই। গৃহে স্ত্রী আছেন। তাঁহাকে দেখিতে ইচ্ছা হয় বটে, কিন্তু সে ইচ্ছা কেবল আত্মস্বথ। পৃথিবীতে স্বথ অল্প, হুংখ পাপ বিস্তর। পরের হুংখমোচনই মথার্থ স্বথ। অল্প স্বথ জগতে নাই।”

এই মহতী বানী সাহেব ভাল বুঝিতে পারিলেন না, কারণ নীতি যাহাই বলুক আজ-মুখই ইংরাজের জীবনের প্রচলিত আদর্শ। তিনি মুহূর্ত্তেরে কহিলেন, “খন্ড তোমার জীবন, ষ্ঠ তোমার স্বার্থশূন্যতা!”

মুক্তির দিবস উপস্থিত হইল। প্রত্যাতকালে সত্যত্রত কারামুক্ত হইলেন। কারাগার হইতে মুক্ত হইবার পূর্বে বন্দীগণ তাঁহার নিকট হইতে বিদায় লইতে আসিল। কেহ তাঁহাকে আলিঙ্গন করিল, কেহ তাঁহার পদতলে নৃত্তিত হইয়া তাঁহার পদধূলি লইল, কেহ নীরবে কেহ মুক্তকণ্ঠে রোদন করিতে লাগিল।

দ্বারের নিকট কারাধ্যক্ষ দাঁড়াইয়া ছিলেন। সত্যত্রতের হস্ত ধারণ করিয়া কহিলেন, “আমার মনে এখন যাহা হইতেছে প্রকাশ করিতে পারিতেছি না। এই যে বন্দীরা তোমার জন্ম কঁাদিতেছে ইহাদের অপেক্ষা আমার কষ্ট অধিক হইতেছে। তুমি আমার যে উপকার করিয়াছ ইহজন্মে সে ঋণ পরিশোধ করিতে পারিব না।”

সত্যত্রত গলাদ স্বরে কহিলেন, “সাহেব, ইচ্ছাপূর্ব্বক আমি এখানে আসি নাই, ইচ্ছাপূর্ব্বক যাইতেছি না। আমি এখানে নিশ্চিত ছিলাম, এখান হইতে যাইবার কোন ইচ্ছা ছিল না।”

বাহিরে আসিয়া নগরীর কোলাহল, রাস্তাপথের জনতা, বৃক্ষশাখে পক্ষীর কলরব। সুন্দ্র প্রাচীরকূট, সন্ধ্যা, প্রহরীরক্ষিত কারাগারে এত কাল বাস করিয়া সত্যত্রত নগরে যেন দিগ্‌নির্গম করিতে পারিলেন না। অকূল সমুদ্রে যেমন দিক্‌ভ্রম জন্মিয়া থাকে সত্যত্রত সেইরূপ কিছু নির্গম করিতে পারিলেন না। নগরের কোলাহলে তাঁহার শ্রবণ ব্যথিত হইতে লাগিল, লোকের ব্যস্তসমস্তভাব ও ইতস্ততঃ গমনাগমন দেখিয়া তিনি বিস্মিত হইলেন।

গৃহে আত্মীয়বর্গ তাঁহার অপেক্ষা করিতেছিল। অন্তঃপুরে প্রবেশ করিতে তাঁহার স্ত্রী তাঁহার চরণতলে পতিত হইয়া তাঁহার চরণ ধারণ করিয়া রোদন করিতে লাগিলেন। তখন সত্যত্রত মুছ মুছ হাসিয়া, অন্ন কুষ্ঠিত হইয়া কহিলেন, “এইবার বন্দী হইলাম।”

ত্রীনগেন্দ্রনাথ গুপ্ত।

বৈজ্ঞানিক সার-সংগ্রহ।

উদ্ভিজ্জ বিস্তার।

আমরা কখন কখন দেখিতে পাই, কিছুদিন পূর্বে যে উদ্ভিজ্জ প্রায়ই দৃষ্টিগোচর হইত না, অল্পকাল মধ্যে তাহার এত অধিক বিস্তার হইয়া পড়ে, যে প্রদেশস্থ আদিম উদ্ভিজ্জের জায় ইহা সকল স্থানেই বিনা যত্নে স্বতঃই উৎপন্ন, বর্দ্ধিত ও যথাসময়ে ধ্বংসপ্রাপ্ত হইতে থাকে। উদ্ভিজ্জ বিস্তারের কারণ অল্পসন্ধান করিলে কখন কখন দেখা যায়, যে উদ্ভিদ বর্তমানে আমাদের দেশে বহু বিস্তৃতিলাভ করিয়াছে তাহার বীজ কোন এক সময়ে বিদেশ হইতে নীত হইয়াছিল; কিন্তু অনেক উদ্ভিদের ইতিহাসে, এই সামান্য কারণটা পর্য্যন্তও বহু অল্পসন্ধান, বাহির করিতে পারা যায় না। স্তত্রাং অল্পকাল রোদ্ভবাত ও মনুষ্যকর্তৃক বীজ নীত হওয়া, উদ্ভিজ্জ বিস্তারের দুইটা সামান্য কারণ মাত্র; ইহাদের সহিত অজ্ঞাত কারণ সকল একযোগে উপস্থিত না থাকিলে বিস্তার অসম্ভব হইয়া পড়িত।

উদ্ভিদ-তত্ত্ববিদ পণ্ডিতগণ অল্পসন্ধান করিয়া দেখিয়াছেন, মনুষ্যের নিয়ন্ত্রণের প্রাণিগণই উদ্ভিজ্জ বিস্তারের প্রধান সহায়। বড়ই আশ্চর্যের বিষয় উচ্চবুদ্ধিসম্পন্ন জীবশ্রেষ্ঠ মনুষ্যদ্বারা যে সকল কার্য সম্পন্ন হয় না, পশুদি জন্তুদ্বারা অলক্ষিতভাবে ধীরে ধীরে তাহাই সম্পাদিত হইতেছে।

গবাদি পশু উদ্ভিজ্জ বিস্তারের বিশেষ সহায়তা করে,—কথাটা প্রথমতঃ অসম্ভব বলিয়া বোধ হয়, কিন্তু ইহার সত্যতা সন্দেহ অনেক উদাহরণ দেওয়া যাইতে পারে। জামেকাধীপে সামান্য নামক একজাতীয় বৃক্ষের উৎপত্তি ও বিস্তার, গোজাতি দ্বারা সাধিত হইয়াছে বলিয়া স্থিরীকৃত হইয়াছে। পূর্বে জামেকাতে উৎকৃষ্ট গরুর অভাব ছিল, এই কারণে দক্ষিণ আমেরিকার ভেনিজুয়েলা প্রদেশ হইতে গবাদি আনীত হইত। জাহাজে অবস্থানকালীন যথেষ্ট খাণ্ডের প্রায়ই অভাব হওয়ায় তৃণাদির সহিত পশুগণ অনেক সময়েই সামান্য বৃক্ষের ফল আহার করিত। এই ফলের বীজসকল স্বভাবতঃ অতি কঠিন, স্তত্রাং পশুর চর্কণে ও উদরের পাকক্রিয়ায় ইহাদের কোন অংশই নষ্ট হইত না। পশুগণ নির্দিষ্ট স্থানে নীত হইলে, ইহাদের উদরস্থ বীজ সকল গোময়ের সহিত গোচারণ ক্ষেত্রে পতিত হইয়া এবং ক্রমে অঙ্কুরিত ও বর্দ্ধিত হইয়া, মহাবৃক্ষে পরিণত হইত। মহাসমুদ্রের অন্তরায় উত্তীর্ণ করিয়া পূর্বেকৃত উপায়ে উদ্ভিদের বিস্তারের আরও অনেক উদাহরণ দেখিতে পাওয়া যায়। বীজ কিয়ৎকাল পশু উদরস্থ থাকায় ইহার সজীবতার কোনও ক্ষতি হয় না, বরং ইহাদ্বারা বীজ সকল আশু অঙ্কুরিত হয়, এবং আরও ভূপতিত হইবামাত্র গোময় আবৃত হওয়ায়, অঙ্কুরো-

মুখ্য বীজ সকল প্রতিকূল রৌদ্রবাতের অন্তর্গত রক্ষিত হয় এবং অক্ষুরিত হইলে গোময়যুক্ত সারবান মৃত্তিকাদ্বারা বৃক্ষ নীত্রই বর্ধিত হইতে থাকে। সুতরাং পশু সকল কেবলমাত্র বিদেশ হইতে বৃক্ষের বীজ আনিয়া ও বপন করিয়া ক্ষান্ত থাকে না, কি প্রকারে সেই বীজ নানা বাধা বিঘ্ন অতিক্রম করিয়া অক্ষুরিত হইয়া, বৃক্ষে পরিণত হইবে এবং কি প্রকারেই বা ভবিষ্যতে, তাহাদের আতপরিষ্কৃত বংশধরগণ স্মৃতিতল ছায়া ও স্নান্ন আহাৰ্য্যফল প্রাপ্ত হইবে, তাহার উপায় উদ্ভাবনেও ইহারা সৰ্বদা নিযুক্ত থাকে।

পাঠক পাঠিকাগণ হয়ত দেখিয়া থাকিবেন আমাদের দেশীয় বাবলা (Arcadia Arabica) বৃক্ষের বিস্তারও গবাদি পশু হইতে হইয়া থাকে। বাবলাফল পশুদিগের প্রিয়খাদ্য। সুপক্ক ফল উদরস্থ হইলে ইহার বীজের কঠিন আবরণ পাকক্রিয়া দ্বারা কোমল হইয়া যায়, পরে গোময়ের সহিত নির্গত হইলে শীঘ্র অক্ষুরিত হইয়া ক্রমে বৃদ্ধি প্রাপ্ত হইতে থাকে। বাবলাবীজ অপর উপায়ে প্রোথিত করিলে প্রায়ই অক্ষুরিত হয় না, এই কারণে বাবলাবীজবাসারী বাবলাক্ষেত্রে গবাদি পশুর “খোয়াড়” স্থাপনের জন্ত সৰ্বদা ব্যস্ত থাকে। “পেয়ারা” জাতীয় উদ্ভিদের বিস্তার অবিকল বাবলার স্থায় হইয়া থাকে। সাধারণ উপায়ে পেয়ারাবীজ বপন ও তাহাতে জলসেচন করিলে ইহা প্রায়ই অক্ষুরিত হয় না, কিন্তু নরবিষ্ঠাস্থ বীজ বিনাযন্ত্রে অক্ষুরিত ও বর্ধিত হইতে থাকে।

ভূমির উর্বরতা বৃদ্ধির জন্ত ব্যবহৃত সারদ্বারা কখন কখন উদ্ভিদ্ধবিস্তার হইতে দেখা গিয়াছে। বিখ্যাত উদ্ভিদতত্ত্ববিদ নরিস সাহেব, তাহার গ্রন্থের একস্থানে লিখিয়াছেন, যে সেন্টহেলেনায় ভ্রমণকালীন জেমস্ টাউনের নিকটবর্তী কৃষিক্ষেত্রে কোন প্রকার সারই ব্যবহৃত হয় না দেখিয়া, অস্বর্কর ভূমির উন্নতি সাধনে কৃষকদিগের উদাসীনতার কথা জিজ্ঞাসা করায় তিনি জানিতে পারিয়াছিলেন যে, উক্ত স্থানে নরবিষ্ঠাজাত সার ব্যবহার করিলেই ক্ষেত্রে একজাতীয় সৰ্বশুক ফলবৃক্ষ জন্মিতে আরম্ভ করে, এবং ইহা এত অধিক পরিমাণে উৎপন্ন হয়, যে তাহার উচ্ছেদ সাধন অসম্ভব হইয়া পড়ে, বলা বাহুল্য সেন্টহেলেনা বাসীগণ উক্ত ফল অধিক পরিমাণে ভক্ষণ করে এবং তাহাদের পরিত্যক্ত মলস্থ ক্ষুদ্র ক্ষুদ্র সজীব বীজ দ্বারাই, বৃক্ষ জন্মিতে থাকে। গোময় সারদ্বারাও উদ্ভিদ বিস্তারের অনেক দৃষ্টান্ত আছে। গোভুক্ত তৃণের “গিরা” গোময়ের সহিত নির্গত হইলেও সজীব থাকে, এবং কৰ্ষিত ভূমিতে পতিত হইলে অচিরেই অক্ষুরিত হইতে আরম্ভ করে। স্কচগ্রাস্ নামক এক জাতীয় শস্যসমৃদ্ধির তৃণের বিস্তার গোময় সার হইতে হইয়াছে বলিয়া প্রমাণিত হইয়াছে।

কয়েক জাতীয় সৰ্বশুক ফলবিশিষ্ট লতার বিস্তার অতি আশ্চর্য্যরূপে সংঘটিত হইয়া থাকে। সবীজ ফল সকল, ইহাদের আবরণস্থ কোমল কণ্টকদ্বারা, পখাদির রোমে বদ্ধ হইয়া, বহু দূরে নীত হয়, এবং কালক্রমে তথায় পতিত হইয়া, সাধারণ উপায়ে অক্ষুরিত হইয়া বংশ বিস্তার করে। পক্ষীজাতিও উদ্ভিদ্ধ বিস্তারের সহায়তা করে। বট, অশ্বখ প্রভৃতি বৃক্ষ সকল প্রায়ই পক্ষী বিষ্ঠাস্থ বীজ হইতে জন্মাইয়া থাকে, ইহাদের দ্রুতগমনশীলতার

জন্ত, অপরিজ্ঞাত বিদেশজ উদ্ভিদ অতি নীত্রই বিস্তৃত হইয়া পড়ে! জামেকাদ্বীপে কমলা লেবুর বিস্তার পক্ষীকর্জুক সম্পাদিত হইয়াছে বলিয়া নিদ্রিষ্ট হইয়াছে।

উপরোক্ত কয়েকটা কারণ ব্যতীত বায়ু ও জলপ্রবাহদ্বারা অনেক সময় উদ্ভিদ্ধ বিস্তার হইতে দেখা যায়। নবসংগঠিত দ্বীপ সমূহে প্রায়ই শোষোক্ত উপায়ে উদ্ভিদ্ধ সংস্থাপন হইয়া থাকে; নিকটবর্তী উপকূল ও দ্বীপস্থ উদ্ভিদের বীজ সকল স্রোতদ্বারা নীত হইয়া দ্বীপ সমূহে সঞ্চিত হয় এবং পরে অক্ষুরিত ও বৃক্ষে পরিণত হইয়া প্রাণীহীন দ্বীপসকল জীববাসোপযোগী করিয়া তোলে। ইহা ব্যতীত উদ্ভিদ্ধ বিস্তারের আরও কয়েকটা ক্ষুদ্র ক্ষুদ্র কারণ উল্লেখ করা হইয়া থাকে, কিন্তু সেগুলি প্রত্যক্ষ ও সৰ্ববাদীসম্মত নয়।

তৈলের একটা নবাবিষ্কৃত শক্তি।

মহা ঝটকার, যখন প্রচণ্ড তরঙ্গবাত, বহুমূল্য বাণিজ্যপোত সকল সমুদ্রবিপদসঙ্কুল হয়, সেই সময়ে তরঙ্গারিত জলে কিয়ৎপরিমাণ তৈল নিক্ষেপ করিলে, মুহূর্ত্ত মধ্যে তাহা বহুদূর পরিব্যাপ্ত হইয়া ও সাগরের ভীষণতা নিমিষে প্রশমন করিয়া, আসন্ন বিপদ হইতে ধনজনপূর্ণ পোত সকলকে রক্ষা করে। তৈলের এই তরঙ্গপ্রশমন শক্তি পূর্বে অপরিজ্ঞাত ছিল না, আর্নিস্টটল্ ও প্লিনি প্রভৃতি প্রাচীন পণ্ডিতগণ, তাহাদের গ্রন্থের অনেক স্থানে ইহার উল্লেখ করিয়া গিয়াছেন; জাসেরিয়ান ডুবুরিগণ শুক্রি সংগ্রহকালে, তৈলের সাহায্যে সমুদ্রজল শাস্ত করিত বলিয়া জানা যায়, এবং উত্তর যুরোপের এন্সিমো জাতি তৈলের এই শক্তির ব্যবহার অতি প্রাচীনকাল হইতে অবগত আছে, তাহারা অর্থাপিও সমুদ্রভ্রমণকালীন তৈলদ্বারা জলপথ স্বগম ও নিৰ্ভীর্ণ করিয়া থাকে। প্রাচীনতম সময়ে যদিও এতগুলি প্রমাণ দৃষ্ট হইয়া থাকে, কিন্তু আশ্চর্য্যের বিষয় এই যে এই মহতী শক্তিটাকে ব্যবহারোপযোগী করিতে কেহই চেষ্টা করেন নাই, সামান্য ঐতিহাসিক ঘটনার স্থায় বহুকাল হইতে ইহা প্রাচীন গ্রন্থে লিপিবদ্ধ ছিল মাত্র। অল্পদিন হইল বেনজামিন ফ্রান্সলিন প্রমুখ পণ্ডিতগণ স্বাধীন গবেষণা দ্বারা তৈলের এই শক্তির নবাবিষ্কার করিয়া ও ইহাদ্বারা তরঙ্গের প্রমত্ততা নিবারণ সম্ভবপর দেখাইয়া একটা অশেষ কল্যাণকর কার্যের অনুষ্ঠান করিয়া গিয়াছেন।

গত পঞ্চদশবর্ষ মধ্যে, অনেকগুলি জাহাজ, কেবল মাত্র তৈলের সাহায্যে জননিমজ্জন হইতে রক্ষা পাইয়াছে। এই কারণে জাহাজের নিরাপদের জন্ত আবশ্যকীয় দ্রব্যগুলির মধ্যে, তৈলও যে একটা ইহা স্থিরীকৃত হইয়া নানা নাবিকসমিতি কর্তৃক জাহাজে যথেষ্ট পরিমাণ তৈল রাখা বিধিবদ্ধ হইয়াছে, এবং কি উপায়ে তরঙ্গপ্রশমন শক্তির আরও অধিক সদ্যব্যহার হয়, তাহার চিন্তায় অনেকে নিযুক্ত আছেন।

বায়ু ও জলরাশির পরস্পর সংঘর্ষণে তরঙ্গ উৎপন্ন হয়। থাকে, এবং বায়ু যত প্রবল হইতে থাকে ততই বেগবান বায়ুরাশি, জলে বাধা প্রাপ্ত হইয়াও জলরাশি আন্দোলিত করিয়া ভীষণ তরঙ্গ উৎপন্ন করে। কিন্তু জল তৈলাক্ত হইলে, তৈলের সাধারণ পিচ্ছিলতা গুণদ্বারা পূর্বোক্ত সংঘর্ষণ অনেক কমিয়া যায় এবং প্রবাহমান বায়ুরাশি, জল আন্দোলিত না করিয়া অপ্রতিহত গতিতে, জলরাশির উপর দিয়া অনায়াসেই চলিয়া যায়, স্ততরাং দেখিতে গেলে তরঙ্গ প্রশমন শক্তি একটা পৃথক গুণ নয়, ইহা তৈলের প্রধান গুণ পিচ্ছিলতার প্রকারান্তর মাত্র।

তৈলের সাহায্যে, যুরোপের প্রধান প্রধান বন্দর সকল ভয়াবহ তরঙ্গের প্রকোপ হইতে নিরাপদে রাখিবার জন্ত, নানা প্রকার উদ্যোগ চলিতেছে কিন্তু আজও কোন স্থানেই সর্বদুর্ভাগ্য উপায় আবিষ্কৃত হয় নাই। পিটারহেডের বন্দরে, সমুদ্রতলে নল বসাইয়া পরে আবশ্যিক সময়ে, বায়ুচাপদ্বারা পম্পের প্রণালীতে সমুদ্রজলে তৈল প্রেরণ করার ব্যবস্থা করা হইয়াছিল; অপর আর এক স্থানে তৈল পরিপূর্ণ সছিদ্র গোলক ঝটিকার সময় কামান দ্বারা সমুদ্রে নিক্ষেপ করিবার প্রস্তাব করা হইয়াছিল, কিন্তু দুর্ভাগ্যবশতঃ কোন উপায়ই সুবিধাজনক বলিয়া বিবেচিত হয় নাই।

জাহাজ নিরাপদে রাখিবার জন্ত অতি অল্প তৈলের ব্যয় হইয়া থাকে। পরীক্ষা দ্বারা স্থির হইয়াছে, মহাঝটিকাতেও একখানি বৃহদায়তন জাহাজের জন্ত ঘণ্টায় অর্ধ গ্যালনের (প্রায় দেড়সেরের) অধিক তৈল আবশ্যিক হয় না। তৈল নিক্ষেপ কার্যও অতি সহজ উপায়ে সম্পাদিত হইয়া থাকে। ঝটিকার সময় কতকগুলি তৈল পরিপূর্ণ সছিদ্র থলি, রজ্জুসংলগ্ন করিয়া জাহাজের বিভিন্ন অংশ হইতে জলে নিক্ষেপ করা হইয়া থাকে; ভাসমান থলি সকল হইতে শ্রোত ও জলের চাপে ধীরে ধীরে তৈল নির্গত হইয়া, সমুদ্রের চঞ্চলতা নিবারণ করে; এই সকল থলিতে অধিক তৈল রাখিবার আবশ্যিক হয়, প্রত্যেক-টিতে দুই গ্যালন করিয়া তৈল রাখিলে চলে।

তৈল প্রক্ষেপের এই সহজ উপায় থাকায় নাবিকগণের বিশেষ উপকার হইয়াছে, এই কার্যের জন্ত স্বতন্ত্র যন্ত্রাদি প্রস্তুত রাখিবার কোনই আবশ্যিকতা হয় না; নদীর নাবিকগণ পর্যন্ত এই সহজ উপায় অবলম্বন করিয়া জলপথে নিরাপদে যদুচ্ছা যাতায়াত করিয়া থাকে। তৈলের এই নবাবিষ্কৃত শক্তির পূর্বরূপ সন্ধ্যাবহার ব্যতীত ইহা আরও অধিক লোকহিতকর কার্যে প্রযুক্ত হইতে পারে বলিয়া স্থিরীকৃত হইয়াছে, এখন কি উপায়ে সেই সকল কার্য সুসম্পাদিত হইবে তাহার গবেষণার অনেক পণ্ডিত নিযুক্ত রহিয়াছেন।

পাতা বাঁধবেন না।

সাক্কারিণ বা অঙ্গারক শর্করা।

প্রায় দশবৎসর অতীত হইল মার্কিন রাসায়নিক ফালবার্গ (Fahlberg) সাক্কারিণ নামক এক অতি মিষ্ট পদার্থ প্রস্তুত করিয়াছেন। কেবল মাত্র পাথুরিয়া-কয়লা জাত আলুকাতরা হইতে এই অত্যাস্চর্য্য পদার্থ প্রস্তুত হইয়া থাকে। অবিমিশ্র সাক্কারিণ, একটা শ্বেতবর্ণ চূর্ণ পদার্থ, ইহার মিষ্টতা অতি উৎকৃষ্ট শর্করার মিষ্টতা অপেক্ষা প্রায় তিনশত গুণ অধিক। সাক্কারিণের কথা প্রথম সাধারণের প্রচারিত হইলে, এই অদ্ভুত মিষ্ট পদার্থের প্রকৃত অস্তিত্ব সম্বন্ধে অনেকেই সন্দেহান হইয়াছিলেন, কিন্তু যখন ফালবার্গ সাহেব বহুল পরিমাণে সাক্কারিণ প্রস্তুত করিয়া সাধারণের পরীক্ষার্থে প্রেরণ করিতে লাগিলেন, তখন সকলেই, এই পদার্থের গুণ দেখিয়া বিস্মিত হইয়াছিলেন। অতি অল্প ব্যয়ে সাক্কারিণ প্রস্তুতের উপায় উদ্ভাবিত হওয়ার, কিছুদিন ইহা সাধারণ শর্করা অপেক্ষা অনেক মূলভূল্যে বিক্রীত হইয়াছিল এবং নানা প্রকার মিষ্টানে ও মদ্যে চিনির পরিবর্তে ব্যবহৃত হইয়াছিল।

এই প্রকারে সাক্কারিণের বহুল ব্যবহারে চিনিব্যবসায়ীগণ বিশেষ ক্ষতিগ্রস্ত হইয়াছিল, এবং চিনি বিক্রয় এক প্রকার বন্ধ হওয়ার, অনেক গবর্ণমেন্টের রাজস্বও হ্রাস হইয়াছিল। চিনিব্যবসায়ীগণ একত্রিত হইয়া, কয়েকটা গবর্ণমেন্টের সহিত একযোগে, সাক্কারিণ প্রচলন রহিত করিয়া, ধ্বংশপ্রায় চিনির ব্যবসায় পুনঃ সংস্থাপনের চেষ্টা করিতে লাগিলেন; কিন্তু সাক্কারিণ রহিত করিবার জন্ত কাহাকেও বিশেষ কষ্ট স্বীকার করিতে হয় নাই। এই সময়ে কয়েকজন খ্যাতনামা বৈজ্ঞানিক বিশেষ পরীক্ষা করিয়া, ইহাকে অস্বাস্থ্যকর পদার্থ বলিয়া প্রতিপন্ন করিয়াছিলেন, এবং ইহা বিশ্লেষ করিয়া ইহাতে কোনও পুষ্টিকর পদার্থের অস্তিত্ব দেখিতে না পাইয়া, সাক্কারিণ মনুষ্য খাদ্যরূপে কোনক্রমেই ব্যবহৃত হইতে পারে না বলিয়া প্রচার করিয়াছিলেন। বৈজ্ঞানিক ও ভিষকগণের এই কথায়, সাক্কারিণ ব্যবহার ক্রমে হ্রাস হইতে আরম্ভ হইয়াছিল এবং অল্পদিনের মধ্যেই সকলেই ইহা পরিত্যাগ করি শর্করা পুনর্ব্যবহার করিতে আরম্ভ করিয়াছিলেন। সর্ববাদীসম্মতিক্রমে সাক্কারিণ অস্বাস্থ্যকর বলিয়া স্থিরীকৃত হওয়ার, যুরোপ আমেরিকা প্রভৃতি সকল দেশেই, আইন দ্বারা ইহার ব্যবহার রহিত করিবার আদেশ প্রচার হইয়াছিল, এবং সেই সময় হইতে কর্তৃপক্ষীদের অজ্ঞাতসারে সাক্কারিণ বা তদসংযুক্ত কোন পদার্থ প্রস্তুত বা আমদানি করা কঠোর দস্তার্ডি বলিয়া বিধিবদ্ধ হইয়াছে।

শর্করা ও সাক্কারিণের রাসায়নিক প্রকৃতি সম্পূর্ণ ভিন্ন, শর্করায় যে সকল পদার্থ যে পরিমাণে বর্তমান থাকে, সাক্কারিণে তাহাদের কিছুই ঐক্য দেখিতে পাওয়া যায় না। সাক্কারিণ জলের সহিত মিশ্রিত হয় না, এমনকি অত্যুষ্ণ জলেও দ্রব হয় না। উদরস্থ হইলে, পাকক্রিয়া দ্বারা ইহা কিছুতেই জীর্ণ হয় না, মলাদির সহিত অক্ষতভাবে পুত্রীর

হইতে নির্গত হইয়া যায়। এই সকল কারণে, ইহার অত্যন্ত মিষ্টগুণ থাকা সত্ত্বেও, সাক্কারিণ কোন ক্রমেই খাদ্যরূপে বা চিনির পরিবর্তে ব্যবহৃত হইতে পারেনা; তবে বহু-মুত্রাদি রোগে এবং যে অবস্থায় চিনির ব্যবহার একাধীন নিষিদ্ধ, সেই সময়ে, সাক্কারিণ, কেবলমাত্র ইহার মিষ্টতার জন্ত ব্যবহৃত হইতে পারে।

শ্রীজগদানন্দ রায় ।

অশ্বপুষ্ঠে ।

দার্জিলিঙ থেকে রঙ্গিৎ বাবার অভিপ্রায়, তিনজনের তিনটা ঘোড়ার আবশ্যক। এখন ঘোড়া পাওয়া যায় কোথায়?—সেইটেই কিছু সমস্যা। সায়েব বাজীর কথাটা একবার বিচারে আনা গিয়েছিল, কিন্তু মনের সে আর্জিটি বেশী দূর পেশ হতে না হতেই তাকে চটপট ডিসমিস করে দেওয়া গেল;—সায়েব বাজীর ঘোড়ায় আমাদের পোষাবেনা। মূল্য বাহুল্যের জন্তে? ছোঃ—সে কথা যেন স্বপ্নেও কারো মনে না হয়,—ইতর পয়সার জন্যে কি আমরা কেয়ার করি? কিন্তু দেশান্নরাগ তখন আমাদের মনে বড় প্রবল হয়ে উঠেছিল, তাই ঠিক করা গেল সাহেবকে টাকা দিয়ে দিশী লোককে বঞ্চিত করা হবে না।

যাব আমরা তিনটা; সে তিন জনের পরস্পরের সম্বন্ধ ব্যক্ত করা অনাবশ্যক, শুধু বয়সের তারতম্যসূত্রে বলা যাক একজন আমার বয়োজ্যেষ্ঠ, একজন বয়ঃকনিষ্ঠ ও আমি স্বয়ং। আমাদের দলের আর ঝাঁক ছিলেন তাঁরা এবিষয়ে বড় গা করতেন না, তাঁদের মধ্যে কেউ কেউ বা আগের বছর রঙ্গিৎ ঘুরে এসেছেন, কারো বা অতখানি সখ নেই, কিম্বা থাকলেও তার খাতিরের অতখানি শক্তির প্রবৃত্তি নেই। তাই তাঁহাদের সহায়ত্বের উত্থাপের কোলে আমাদের শিশুসংকল্পটি লালিত হয়নি। একেত পয়সার খাঁকতি—খুড়ি! দেশান্নরাগ! তার উপর আবার দলের উৎসাহের অভাব—নিতান্ত প্রতিকূল অবস্থায় আমাদের সংকল্প মাছুষ হতে লাগল। শ্রীমান মংকনিষ্ঠ প্রতিদিন একবার করে দার্জিলিঙ সহরের অলিগলি ঘুরে আসেন কোথাও যদি কোন খোঁটা ঘোড়ওয়ালাকে আমাদের দেশান্নরাগের পাত্র হতে সম্মত করে আসতে পারেন; কিন্তু তাঁর সাধুসংকল্পে অকৃতকার্য হয়ে প্রতিসন্ধ্যায় নিরাশ হৃদয়ে বাড়ী ফিরে আসেন।

শ্রীযুৎ মদগুজ,—সদানন্দ ইতি প্রসিদ্ধ—একরকম উদাসভাবে বাড়ীতে বসে কাল কাটান, যেন সব ফাঁকা ফাঁকা, কি যেন চান, কি যেন পাননা, যেন তারিগী বামুনের রামাখে আর রোচে না, যেন গফুরের হাতের গরম কাটনেট অনেককাল আঁসাদন

হয়নি—যেন রঙ্গিৎ বড় বহুদূরে, নিতান্ত আয়ত্তের বাইরে। শর্শা কিঞ্চিৎ সংঘত আগ্রহের সঙ্গে শ্রীমানের পথ চেয়ে বসে থাকেন। এইরকম ত আমাদের তিনজনের অবস্থা, এমন সময় একদিন সন্ধ্যাবেলায় তাঁর নিত্যপর্যটন থেকে ফিরে এসে ভায়া বলেন, “ঘোড়া যোগাড় করে এসেছি, তিনটে ঘোড়া একদিনের জন্তে বার টাকার রফা হয়েছে; কাল ভোরে আসবে, আজ রাত্রিরেই সব শুছিয়ে গাছিয়ে রাখ।”

আমাদের কিছুতেই বিশ্বাস হয় না। একেত ভায়ার যোগাড়, তার উপর বার টাকার রফা! অসম্ভব সস্তা—আমরা সকলে হেসেই উড়িয়ে দিলুম—“তোর কথায় অমনি ঘোড়া এল, নিশ্চয় তোর সঙ্গে ঠাট্টা করেছ। সে বারম্বার আমাদের আশ্বস্ত কর্তে লাগল, তখন কতক বিশ্বস্ত কতক সন্দ্বিহান চিত্তে যাত্রার আয়োজনে মনোনিবেশ করা গেল। আমাদের এসম্বন্ধীয় আশা নিরাশা, স্তম্ভহুৎথ কিন্তু দলের অত্যাচার লোকদের স্পর্শও করেনা, তাঁরা আমাদের চাকল্যে তিলমাত্র বিচলিত না হয়ে সমান অবিশ্বাস ও সমান উদাত্তের সঙ্গে প্লেটের উপর হোসেন্দ্রি কাবাবের সাতটি করে কাটি একে একে নিঃশেষিত মাংস করলেন। উৎসাহে আগুহে আমাদের সে রাত্রি প্রায় অনশনে কাটল।

তার পরদিন ভোরে আমরা বিছানা থেকে উঠবার আগেই বাইরে অন্ন সোরসরাব পড়ে গেল। চাকররা এতক জাগায়, সে তাকে ডাকে। একজন দরজা খুলে ঘরে এসে আমাদের জাগিয়ে দিয়ে বলে “বাবুরা উঠুন, ঘোড়া এসেছে।” তখনও বাবুদের ভালরকম চেতনা হয়নি, তখনও চোখে নিদ্রা এবং মনে বিশ্বস্তি আছে, কিন্তু যেমন উচ্চারণ হল “ঘোড়া এসেছে,” অমনি সে বৈদ্যতী প্রভাবে বাবুদের স্তম্ভস্বায়ু সব সজাগ হয়ে উঠল, বাবুরা তড়াঙ্ক করে বিছানা থেকে লাফিয়ে পড়ে সাজসজ্জা কর্তে লাগলেন। বাইরে আসা গেল। অন্ন অন্ন আলোতে জিনগুদ্ধ তিনটা ঘোড়া দেখতে পেলুম, একটা লাল ও ছটা সাদা; সেইসরা লাগশম ধরে দাঁড়িয়ে আছে, লাগামের লোহার টুকুরে দাঁতের মধ্যে করে ঘোড়ারা শব্দ করছে, আর মধ্যে মধ্যে পাথরে খুর ঠোকারও শব্দ হচ্ছে। সেদিন ভোরের বেলায় পাহাড়ের উপর এই ছটা শব্দ আমাদের কানে যে কত মধুর লেগেছিল তা আর কি বলব। আর একটু ফরসা হয়ে এলে ঘোড়ায় চড়বার উপক্রম করা গেল। সে উপক্রমণিকা কিছু সময়সাপেক্ষ, এবং তার বিস্তারিত ব্যাখ্যা আবশ্যক।

আমাদের মধ্যে অশ্বারোহণে আমিই যৎকিঞ্চিৎ পারদর্শী, ভায়াও মন্দ নন, কিন্তু শ্রীযুৎ সদানন্দ সম্বন্ধে ও বিশেষণটা স্তম্ভপ্রযুক্ত হয় না। হস্তাতিনেক পূর্বে আমাদের একবার সিঞ্চল প্রয়াণের প্রস্তাব হয়, তখন তিনি কি যান অবলম্বনে সেখানে যাত্রা করবেন সে বিষয়ে অনেক আলোচনা উপস্থিত হয়। তিনি লম্বায় সাড়ে চার হাত, আর ওজনে আড়াই মন; তাঁর বিপুল আঁটসাঁট দেহটির পক্ষে দাঁড়ি নিতান্ত অল্পপরিসর। তানাহলেও তিনি দাঁড়ি চড়তে নারাজ, কেননা সংস্কার আছে রোগী ছাড়া আর কোন পুরুষের দাঁড়িওয়ালার কাঁধে চাপাটা নিতান্ত লজ্জাকর দৃশ্য, আর তাঁর মতন জোয়ানকে রোগী বলে চালানু করাও

কিছু শক্ত—কিছু, কিঞ্চিৎ। এদিকে পাহাড়ী ঘোড়াতেও হয়ত তাঁকে মানাবে না, সম্ভবতঃ তাঁর সবটুকু পদধর জননী ধরণীকে স্পর্শ করে থাকবে। যদি বা বড় ঘোড়া পাওয়া যায় তাহলেও বিপদ, কেননা অশ্বারোহণে তিনি ষোল আনা অনভ্যস্ত এবং বার আনা অসম্মত। অবশেষে হেঁটে পাড়ি দেওয়াই তাঁর মত হল। তাঁর বন্ধুবান্ধবরা তাঁকে এসংকল্প থেকে নিবৃত্ত করবার বিশেষ চেষ্টা করলে। শেষকালে এই সাব্যস্ত হল যে তাঁর জন্তেও একটা ঘোড়া অর্ডার দেওয়া যাক, কপাল হুঁকে তিনিত চড়ে বসবেন তারপর যা থাকে বিধাতার মনে। তার পরদিন ঘোড়া এল, আর সবাই চড়লে, তিনি কিছুতেই আমাদের স্তম্ভুখে চড়তে রাজী নন। আমরা একটু এগিয়ে গিয়ে অপেক্ষা কর্তে লাগলুম, তাঁর ঘোড়ার চড়ার বিষয় চেষ্টা চলতে লাগল। অনেকে বাদে খবর পাওয়া গেল তিনি ঘোড়ার পিঠে সওয়ার হয়েছেন, তখন আমরা স্ব স্ব অশ্ব ছুটিয়ে দিলুম।

আমি বোধ হয় সবচেয়ে এগিয়ে ছিলাম, একবার পিছনে চেয়ে দেখি আমাদের দলের আর কাউকে দেখতে পাচ্ছিলাম। ঠিক পথে যাচ্ছি কি না একটু সন্দেহ হওয়াতে রাশ টেনে নিয়ে অশ্বদের প্রতীক্ষা কর্তে লাগলুম। খানিক পরে দেখি অদূরে একজন অশ্বারোহী ঘোড়া ছুটিয়ে আসছে। আমি ঠাওরানুম মংকনিষ্ট; তার পিছনে দ্বিতীয় ঘোড়া না দেখে নিঃসন্দেহে স্থির করলুম, শ্রীসদানন্দ তবে সওয়ার হচ্ছে আর বেশীদূর অগ্রসর হননি, বাড়ীর উঠোনেই বোধ হয় ছচার কদম চলই ঘোড়সওয়ারের স্বাদটা মেরে নিয়েছেন, আর বেশীর জন্তে লালায়িত হননি। মনে মনে বিলক্ষণ আমোদ অহুতব করাগেল, এবং বাড়ী গিয়ে তাঁকে এ বিষয়ে যৎপরোনাস্তি পীড়ন করে আরো আমোদের আশা রাখলুম। দেখতে দেখতে উক্ত অশ্বারোহী আমার নিকটবর্তী হলেন। গুঁতো, কিল, লাথি এবং উৎসাহবর্ধক নানারূপ শব্দ ঘোড়ার উপর অজস্রধারে প্রয়োগ কর্তে কর্তে, আমার প্রতি দৃকপাত মাত্র না করে তিনি আমার ছাড়িয়ে চলে গেলেন। বিশ্বয়ের উপর বিশ্বয়! সেই কিললাথিবর্ষী নির্ভীক অশ্বারোহী পুরুষ আর কেউ নয়—শ্রীযুত সদানন্দ দেবশর্মা! তারপর তাঁকে ধরে ওঠা আমার প্রায় হুঃসাধ্য হয়ে উঠল, এমনি সবেগে, সাবেগে তিনি ঠাণ্ডা পাহাড়ী টাট্টা ছুটিয়ে চলেছেন। সেদিন বাড়ী ফিরে এসে তাঁর উৎসাহের সীমা নেই। ঘোড়ার চড়া এমন সহজ! তিনি রোজ একটা করে ঘোড়া ভাড়া করে সমস্ত দার্জিলিং পর্যটন করে বেড়াবেন। কিন্তু তার পরদিন সকালবেলায় গায়ের ব্যথার যখন বিছানা থেকে উঠতে পারেন না, তখন তাঁর উৎসাহ আঠার আনা নিবে গেল। আর অনেক কাল ধরে ঘোড়ার চড়ার নাম করেননি। কিন্তু তারপর যখন ক্রমে গায়ে ব্যথা মরে এল, তার স্থিতিও মরে এল, এবং পুনর্বার অশ্বারোহণের হুঃসাধ্য মনে প্রবল হয়ে উঠতে লাগল। লাথি গুঁতো ও তানুতে জিহ্বার সংস্পর্শজাত বিবিধ শব্দের জোরে তিনি ফের অশ্বারোহণের ভরসা রেখেছিলেন, কিন্তু তার উপক্রমণিকার পালাটা সম্পূর্ণ বিস্মৃত হয়েছিলেন। পাহাড়ী ঘোড়ার একবার উঠেপড়ে, জিনের সঙ্গে সন্নদ্ধ হয়ে টাট্টাটির শাস্তপ্রকৃতিতে বিশ্বাস

জন্মে গেলে আর ভয় নেই, কিন্তু সেই ওঠার, সেই প্রথম আশ্বসমর্পণের পরটাই গোলযোগে। বুঝি বা এতদিনের বড় যত্নের আশা ক্ষুটোমুখে বিসর্জন দিতে হয়, রঞ্জিত দেখার সাধ নিতান্তই বিলোপ কর্তে হয়। তাঁর পূর্বের নৈরাশ, পূর্বের ভয়, পূর্বের দ্বিধা, সব ফিরে এল। এক একবার রেকাবে পা অগ্রসর করেন, আবার নামিয়ে নেন; একবার ঘোড়ার ডাইনে যান, একবার বাঁয়ে আসেন, কোনদিক থেকে কিছু স্রবিধা করে উঠতে পারেন না,—বিভী-ষিকা হুধারেই সমান ওজনের। প্রায় আধঘণ্টাটুকু এই রকমে কেটেগেল, ক্রমে রোদ উঠবার উপক্রম হল, আমরা অস্থির হয়ে উঠলুম, অবশেষে অনেক কষ্টে অনেক সাধ্যসাধনায়, অনেক অহুতববিনয়ে, অনেক উত্তেজনাভাড়াইয় তিনি বুকে খুব খানিকটা সাহস বেধে ফস্করে ঘোড়ার পিঠে চড়ে বসলেন। ইতিমধ্যে আমাদের দলের সবাই বাইরে এসে দাঁড়িয়ে ছিলেন। সেই দর্শকবৃন্দের মুগ্ধদৃষ্টি পশ্চাতে রেখে আমরা তিনটা অশ্বারোহীপ্রবর যাত্রা করলুম।

তখনও রাস্তায় বেশী লোকের আবির্ভাব হয়নি। কেবল ছটা একটা ইংরেজ আকর্ষ বিপুল আল্টারনুত হয়ে উষাক্রমণে বেরিয়েছে। মলরোড জনশূন্য। সেই প্রশস্ত পার্কিত্য-প্রাপ্ত অল্পক্ষণের জন্ত ছুটা পেয়েছে, স্তরশস্ত অভভেদী পর্বতমালা সম্মুখে রেখে, ক্ষণকালের জন্তে নিজের নিস্তক হৃদয়ের গভীরতায় সে নিমগ্ন হয়ে রয়েছে, স্নিগ্ধশীতল প্রাতঃসমীরণ তাকে সম্মেহে বীজন করছে। আমরা ভুটিয়াবস্তির রাস্তা ধরে চলতে লাগলুম। সেদিন প্রভাতে যাত্রারম্ভে আমাদের মনে কত আনন্দ, শিশুর মত পথে যা দেখছি তাই ভাল লাগছে। যখন অল্প অল্প অন্ধকারে বড় বড় গাছের তলাদিয়ে অগ্রসর হচ্ছি, তখন সেই অন্ধকার, সেই গাঢ় ছায়াই আনন্দে মায়ার মনকে সিক্ত করছে—যেন এখানেই আমাদের খেলাঘর, যেন সত্যিই আমরা শিশু। যখন অল্পে অল্পে অন্ধকার দূর হয়ে আলোর উন্মেষ হচ্ছে সে আলোও কত বিশ্বাস আনছে, তার মুহু উত্তাপে শরীরে কেমন স্নিগ্ধতা সঞ্চারণ করছে। সেদিন মনে হতে লাগল আমরা রোজ কেন ভোরে উঠিনে, ভোরের এত উপভোগ্য সামগ্রী হেলান হারাই কেন।

খানিকটা পথ অগ্রসর হয়ে একজন ভুটিয়া গোয়ালার সঙ্গে দেখা হল। সে যেন সেই পাহাড়ের প্রত্ন্যবের একটা অঙ্গ। যেদিন দিগ্বল গিয়েছিলুম সেদিনও দেখেছিলুম, ভুটিয়া গোয়ালারা স্বর্ঘ্যোদয়ের আগেই সর্কোচ্চ শিখরে যেখানে অনেকটা প্রশস্ত সমতল ভূমি আছে সেখানে গরুদের চরতে নিয়ে যাচ্ছে, তাদের গুহ্রমুখ আর প্রত্ন্যবের তীক্ষ্ণ শীতনিবারণোপযোগী গায়ের কাপড়ে যেন তাদের গুহ্র, তীক্ষ্ণ শীতল উষারই একটা অংশ বলে বোধ হয়। গোয়ালার তার বাঁশের নল থেকে আমাদের হুধ ঢেলে দিলে, আমরা বাক্কেট থেকে গেলাস বের করে সেই কাঁচা হুধ নিয়ে খেলুম। বেশ স্বাদ! পথে নগদা পয়সা দিয়ে নিজের হাতে হুধ কেনা! কেমন রোমাণ্টিক! বাড়ী গিয়ে কেমন গল্প করা যাবে! এই আমাদের প্রথম ঘটনা।

তারপরে আমরা মাইলষ্টোন দেখে দেখে চলতে লাগলুম। পাহাড়ের গায়ে কোন অদৃষ্টপূর্ব ফল দেখলেই তুলি, কোথাও বা ছাতা বাড়িয়ে লতা টেনে আনি, কোথাও শৈবাল জড় করি, কোথাও ফার্ণ, কোথাও ব্রুকেরি এই রকম করে করে আমরা অগ্রসর হতে লাগলুম। একটা খোলা জায়গায় এসে পড়লে স্বর্ঘ্যটা যখন হঠাৎ ঠিক কপালের উপর কিরণ বর্ষণ কর্তে লাগল, আর তার তাপটা কিছু বেশী প্রথর বোধ হ'তে লাগল, তখন যেন একটা নতুন কিছু আবিষ্কার করা গেল। কিন্তু সেদিন—কিন্তু একটু সঠিক করে বলতে গেলে, সেবেলা—আমাদের ছনিয়ার কিছুই উপর অসন্তোষ নেই, তাই স্বর্ঘ্যের অত্যাচার বেশ ঐচ্ছিক সঙ্গ সহ করা গেল। ক্রমে বেলা বাড়তে লাগল, ক্ষুধার উদ্রেক হতে লাগল, কিন্তু আমরা ঠিক করলুম রঙ্গিৎ না পৌঁছিয়ে মহাপ্রাণিকে তুষ্ট করা হবে না, পথে খেলে আর্দ্রক মজাই মাটি।

দার্জিলিঙ সাত হাজার ফিট উঁচু, আর রঙ্গিৎ মোটে হাজার ফিট—এই ছ হাজার ফিট আমাদের নামতে হবে—আর এই উৎরাইটা ১১ মাইলের পথ। এখানে ঘোড়া ছোটাবারও যো নেই তা হ'লে ঠোকর খেয়ে ঘোড়া ও আরোহী দুজনেই পড়ে যাবে,—তাই আস্তে আস্তে যেতে হ'চ্ছিল। ফেব্রুয়ার সময় চড়াই হবে তখন ঘোড়া ছুটিয়ে সময় সংক্ষেপ করা যাবে হির ছিল। এদিকে রোদ্দুরে এতটা পথ হাঁটতে হাঁটতে ঘোড়ারাও পরিশ্রান্ত হয়ে এসেছে, বিশেষতঃ আমার বয়োজ্যেষ্ঠের অশ্বটি। যদিও তিনি তাঁর ঘোড়াকে বাঁচাবার জন্তে এক ফন্দি বের করেছিলেন। একটা ঘোড়া ক্রমাগত ১১ মাইল ধরে তাঁকে বহন করলে ফিরতি বেলায় নিতান্ত অসমর্থ হয়ে পড়বে বলে তিনি ঠিক করেছিলেন মাঝে মাঝে ভায়ার সঙ্গে ঘোড়া বদলাবেন। তা হলে ছোটোর মধ্যে পরিশ্রম ভাগাভাগি হলে কারোই তেমন বেশী কষ্ট হবে না কিন্তু এতে যে হিতে বিপরীত হবে তা কে জানত। বা হোক সে কথা পরে বলব।—তাই রাস্তার মাঝে থেকে থেকে তিনি তাঁর ঘোড়া থেকে অবতীর্ণ হয়ে ভায়ার ঘোড়ার চড়েন এবং ভায়া তাঁর খিন্ন ঘোড়াটির ভারলাঘব করেন। পরমে ঘোড়াদের পিপাসা অত্যন্ত বৃদ্ধি হয়েছে, এখন থেকে পথে বরণা পেলেই তারা আপনা হতে আরোহীকে সেই দিকে নিয়ে গিয়ে, মাথা বুঁকিয়ে বরণায় মুখ দিয়ে জল খায়।

নীচে নামতে নামতে ক্রমে অনেক চা ক্ষেত দেখা দিলে, বহুসংখ্যক কুলি ক্ষেতে কাজ করছে—অবিকাংশই মেয়ে—আর একটা মস্ত শোলাহাট পরা ঘোড়ায় চড়া সাহেব ছড়ি হাতে তাদের তদারক করছে। সাহেবের বাঙ্গলা কাছেই, আমরা তার গা দিয়ে গেলুম। আমরা যত নীচে নামছি ততই গরম বাড়ছে, গাছ পালাও ক্রমে বদলাচ্ছে। দার্জিলিঙের নীচে যে সব ফল মূল জন্মাতে পারে না, এখানে তার চাষ হয়। প্রথমেই আমরা কলাগাছ লক্ষ্য করলুম, কেমন সিঁধ সবুজ রঙ, অনেককালের পর একে দৃষ্টিগোচর করে বেশ দিঠে লাগল। আরও নীচের উপত্যাকা থেকে অনেকরকম শাকশব্জি, ধান চাল সব

দার্জিলিঙের হাটে বিক্রির জন্তে আসছে। তত্পরযোগী ঘোড়ার উপর বস্তা চাপিয়ে বিক্রো-তার, ক্রমাগত আনাগোনা করছে। আমরা চলেছি—পথশেষ হবার কোন লক্ষণ নেই, আমাদের যেন সে প্রত্যাশাও নেই। সত্যিই যে একসময় পথ ফুরাবে, আমরা একটু গম্ভীর গিয়ে পৌঁছব, পথ চলতে চলতে এটা যেন সম্পূর্ণ ধারণা হয় না। হঠাৎ এক জায়গায় একটা ভয়ঙ্কর গর্জন কানে এল—যেন দশ বারটা ট্রেন একত্রে সোঁ সোঁ করে ছুটেছে। আমরা ভারি বিস্মিত হয়ে গেলুম, এখানে ট্রেন কি করে এল? আমরা কি একেবারে মিলিঙড়িতে এসে পৌঁছেছি? সেইসময় কাছে শুনলুম তানয়—ও রঙ্গিতের শব্দ। রঙ্গিতের শব্দ! পাহাড়ে নদী যে কেমন তা আগে জানতুম না, তাই নদীর ও রকম গর্জন শুনে ভারি অদ্ভুত ঠেকল। প্রথমটা সেইসময় কথায় পুরো বিশ্বাস হল না, কিন্তু যখন একটা গাছের ফাঁকে একবার রঙ্গিতের ক্ষীণ শুভ্ররখা দেখতে গেলুম, আর শব্দের দিকও সেই দিকেই নির্ধারণ করলুম তখন আর সন্দেহ রইল না। তখন আমাদের ভারি উৎসাহ হল। বাঁকে বাঁকে কখন সেই রেখাটি দেখতে পাব তার জন্তে ভয়ানক আগ্রহান্বিত হয়ে উঠলুম। ইতিমধ্যে সেই তরী রেখাটির কল্লোলধ্বনি, তার গম্ভীর নির্ঘোষ আমাদের মন অধিকার কর্তে লাগল। যেমন যুদ্ধঘোঁটক দূর থেকে রণবৃংহিতি শুনে সেই দিকে কাণ পেতে চঞ্চল হয়ে উঠে, তার সমস্ত মায়ু তাকে সেই দিকে প্রধাবনে উন্মুখ করে আমাদেরও মন সেই রকম হতে লাগল। মনে হল যেন রঙ্গিৎ আমাদের ডাকছে, আমরা তাকে দেখবার জন্তে যেমন অস্থির হয়েছিলুম, সেও আমাদের পাবার জন্তে তেমনি ব্যগ্র হয়েছে, গাছের ফাঁকে ফাঁকে আমাদের দেখতে পেলেই তরঙ্গবাহ তুলে বলছে “আয়! আয়! আয়! ওরে কাছে আয়, চলে আয়, ছুটে আয়।” আমরা বড় বিস্মিত হয়ে খানিকক্ষণ দাঁড়িয়ে তার আহ্বান শুনে লাগলুম। তার গুরুনাদে প্রাণ আকৃষ্ট হল অথচ একটা অজানিত ভয়ে যেন স্তম্ভিতও হল! কিন্তু সে উন্মাদ আহ্বানের আকর্ষণী শক্তি আর সব রকম ভাবকে ছাড়িয়ে উঠল, আমরাও উন্মাদ আগ্রহে, উন্মাদ আনন্দে অগ্রসর হতে লাগলুম। কতদূর থেকে তার আহ্বান শুনে গেয়ে ছিলুম, কিন্তু তার কাছে—একেবারে নদী কিনারায় পৌঁছতে কত বিলম্ব হল। সে ক্ষীণ রেখা ক্রমে প্রশস্ত হতে লাগল, কিন্তু তখনও যেন মাটির উপর হাত দুই তিন চওড়া খানিকটা পারা ভাসছে, ক্রমে আরও প্রশস্ত ও স্পষ্টতর হল, ক্রমে খুব ভাল করে দেখা গেল, ক্রমে সবটা দেখা গেল তবু তার ধারে গিয়ে পৌঁছতে পাচ্ছিলাম, পথ যেন দ্রৌপদীর বস্ত্রের মত ক্রমাগতই বেড়ে যাচ্ছে।

যাহোক সে বস্ত্রের শেষ না থাক পথের শেষ ক্রমে দেখা গেল, আমাদের ঈঙ্গিত লাভ হল, রঙ্গিতের তীরে এসে দাঁড়ালুম,—সে যে ছবি চোখের স্রমুখে খুলে গেল। দেখলুম রাশি রাশি প্রকাণ্ড প্রকাণ্ড প্রস্তরখণ্ডের উপর দিয়ে তরঙ্গিনী ফেনিয়ে ছুঁসিয়ে লাফিয়ে গর্জিয়ে চলেছে। প্রস্তর রাশি মুক প্রহরীর মত তার পথ রোধ করে রয়েছে। স্তম্ভরী অভিমানিনীর কত আঘাত, কত লাঞ্ছনা, কত তিরস্কার,—সব তারা ঘাড় পেতে মগেমাচ্ছে,

কিন্তু তবু কর্তব্যে অটল,—এতটুকু স্থানভ্রষ্ট হচ্ছে না, তরঙ্গিনী মহা রাগভরে তাদের মাথার উপর দিয়ে লাফিয়ে ছিটকিয়ে বেরিয়ে পড়ছে।

এও নদী, গঙ্গাও নদী, কিন্তু দুয়ে কত প্রভেদ—গঙ্গা যেন প্রৌঢ়া শান্তি, এ যেন শুধু তরুণ ঝাঁক, কেবলি ঝাঁক। এই জলপ্রবাহের তীরে দাঁড়িয়ে কে বলতে সাহস করবে এ শুধু জড় অচেতন পদার্থমাত্র, এর প্রাণ নেই, চেতনা নেই, আত্মা নেই। যে চেতনা যে আবেগ, যে অভিমান এই ছটোবাষ্প মিশ্রণের প্রতি কণা বিদীর্ণ করে প্রকাশিত হচ্ছে পঞ্চভূতের-সমষ্টিতে তার তুলনা কোথায়? এই যে ফেণকুণ্ডলা, ভীষণ নির্যোময়ী কুপিতা স্কন্দরী তটিনী এর তুল্য প্রাণময়ী কোন মানবীকে দেখা গেছে? যে মৌন পাষণ্ডও তার বিশাল বক্ষের উপর কল্লোলিনীর সমস্ত অত্যাচার অবিকৃত ঐর্ষ্যের সঙ্গে বহন করছে তার ভিতরেও চৈতন্যের প্রচ্ছন্নসঞ্চার কে না উপলব্ধি করবে? আমরা পুলকিতহৃদয়ে, অনন্তমনে এইদৃশ্য দেখতে লাগলুম।

কতকাল থেকে রঙ্গিৎ এমনি ভাবে প্রবাহিত হচ্ছে—আজ আমরা তাকে দেখলুম; মনে হল যেন সৃষ্টির আরম্ভ থেকে সে আমাদের প্রতিজ্ঞা করেছিল, ছুপাশের পাষণ্ড প্রাচীর আর মাঝখানের পাষণ্ডবাহিনী নদী সকল মিলে আজ আমাদের স্বাগত সম্ভাষণ করে তাদের মাঝে ডেকে নিলে। যদি এই নদীতে আমরা একটীবার শরীর নিমজ্জন কর্তে পার্তুম তা হলে আমাদের স্মৃতি সম্পূর্ণ হত, কিন্তু তখন তার কোন উপায় আছে জানতুম না, পরে যখন সেটা জানতে পারলুম আমাদের আর আপশোষ রাখবার জায়গা রইল না।

ছেলেরা নূতন কিছু জিনিস পেলে তাকে স্পর্শ করে করে ভাল করে জানতে চায়, কোন জিনিস ধরা ছোঁয়া না গেলে বড়দেরও মনে অভূপ্তি থেকে যায়, আমরাও রঙ্গিতের জলের উপর হাত রেখে, তাকে খানিক নাড়াচাড়া করে তার সঙ্গে ভাব কর্তে লাগলুম। অনেকক্ষণ ধরে এই রকম খেলা করে আমরা নদীর ধারে মস্ত একখানা পাথরের উপর বসে আহারে মন দিলুম—নদীর জল পাথরের তলা ধুয়ে যাচ্ছে। রঙ্গিতের দিকে মুখ করে একখানা পাথরের উপরে বসে আর একখানা পাথরে ঠেসান দিয়ে, কেউ বা একেবারে লম্বা হয়ে এক হাতে মাথার ভর রেখে খেতে লাগলেন। খাওয়া দাওয়া হয়ে গেলে আমরা অনেকক্ষণ স্ব স্ব স্থানে নিশ্চেষ্টভাবে পড়ে রইলুম, তারপরে স্থির করা গেল বেতের সাঁকো পার হয়ে ওপারে যেতে হবে। সদানন্দ প্রভু তাঁর নখর দেখে সেই নখরতর সাঁকোর হাতে সমর্পন কর্তে কিছুতেই রাজী হলেন না, তাঁকে কত প্রলোভন দেখান গেল কিছুতেই টললেন না। আমরা হুজনেই গেলুম।

বাস্তবিকই সে পুলের উপর দিয়ে যেতে প্রাণ হাতে করে যেতে হয়। শুনলুম আমরা যাবার পর দিন থেকে তার উপর দিয়ে লোক যাতায়াত নিষেধ হয়ে গেছে। তখন পুলের নিভান্ত ভয়দশা;—খুব ভাল অবস্থাতেও সে পুল গুটীকতক কক্ষির সমষ্টি বৈ আর কিছু নয়। এখন আবার যেখানে যেখানে কক্ষি ভেঙ্গে গেছে সেখানে আস্ত আস্ত বড় বড়

বাঁশ ফেলে রেখেছে; সেই বাঁশের উপর সাবধানে সাবধানে পা ফেলে যেতে হবে,—হাতে ভর রাখবার আশ্রয়ও প্রায় কিছুই নেই—যদি একবার পা ফেলে যায় তাহলে রঙ্গিতের পাষণ্ড শস্যার উপর দেহলতা লুপ্তিত হয়ে চূর্ণ বিচূর্ণ হয়ে যাবে। কিন্তু যখন একবার যেতে অগ্রসর হয়েছি তখন আর বিপদ দেখে ফেরা যায় না। আমরা ভয়ে ভয়ে সাবধানে সাবধানে পা ফেলে ফেলে চলতে লাগলুম, আমাদের প্রতি পদক্ষেপে পুলটা দোলনার মত দুল্লে, আমাদের বুকের মধ্যেও একটা দোলনি বয়ে যাচ্ছে। বেশী বড় পুল নয় তাই শীঘ্রই ওপারে পৌঁছলুম, শক্ত মাটিতে পা দিয়ে যেন ধাত ফিরে পেলুম। এখন যে পারে এসেছি এপার সিকিম, ওপার ছিল ভূটান। সিকিমের ডাঙ্গা মাড়িয়ে, “সিকিমে এসেছি” এই আমাদের আনন্দ! খানিকটা এদিক ওদিক ঘুরতে ঘুরতে একটা দোকানের কাছে একজন পুলিশের সাক্ষাৎ লাভ হল। সে আমাদের অনেক অত্ননয় করে বললে নদীতে একখানা নৌক আছে, আমরা নৌক করে ওপারে ফিরব কি? আমরা তৎক্ষণাৎ রাজী হলুম,—বেশত আর একটু নতুন হব, তা ছাড়া সে বেতের সাঁকোটি দেখতে বেশ ছবির মত বটে, কিন্তু তার দোলানি তখনও আমাদের অন্তরে জেগে ছিল, তাই অল্প-কোন উপায়ে ওপারে ফিরতে আমাদের কিছুমাত্র আপত্তি ছিল না। নৌক করে ফিরে এলুম, একরত্তি নদীটি, পার হতে কিছুই সময়ক্ষেপ হয় না, তবে তার পাথর বাঁচিয়ে নৌক চালানতেই যা সময় গেল। আমরা আমাদের অগ্রজকে যেখানে রেখে গিয়েছিলাম দেখলুম ঠিক সেই খানে সেই রকম ভাবেই তিনি বসে রয়েছেন, এদিকে তিনি আশা করছিলেন আমরা পুল দিয়ে ফিরে আসব, সেই দিকেই চেয়ে ছিলেন—নৌকর অস্তিত্বের কথা জানতেনও না। হঠাৎ আমাদের ছটাকে তাঁর অনতিদূরে উপ করে নৌক থেকে লাফিয়ে পড়তে দেখে তারি বিস্মিত হয়ে গেলেন। তারপরে আমাদের দার্জিলিঙ ফেরবার সময় হয়ে এল।

এখনি যেতে হবে! এই রঙ্গিৎ, এই শামল তীর, এই শোভা, এ সঙ্গীত—সবই এখনি ছেড়ে যেতে হবে। আর কখন বোধ হয় দেখা হবে না। শুধু একটা দিনের একটু খানির মিলনের জন্তে কি শত শত বৎসরের এই আয়োজন? তবু যেতে হবে! আমরা চলে গেলেও রঙ্গিৎ প্রবাহিত হবে, এ সবই তেমনি থাকবে—শুধু রঙ্গিতের সেই কটা বিদেশী মুগ্ধ প্রণয়ী আর থাকবে না।

সইসরা বোড়ার গিঠে ফের সাজ চাপালে, মোটমাট সব কাঁধে বেধে নিলে, আমরা দার্জিলিঙের জন্তে রওনা হলুম। পথের ছটো একটা বাঁকের পরই রঙ্গিৎ বিরলদর্শনা হল, সেই আরম্ভের মত শুধু মাঝে মাঝে জায়গায় জায়গায় তার স্কীপ রেখা দেখা যেতে লাগল—তাতে আরও মন খারাপ হতে লাগল, আর তার কল্লোল যেন আমাদের ডাকছেন, সে শুধু তার নিজের প্রাণের সঙ্গীত, নিজের ভাবে ভোর হয়ে সে বয়ে চলে যাচ্ছে, আর কোন দিকে তার দৃষ্টি নেই।

আমরা প্রথমটা মন্দ গতিতে পরে ক্রমশঃ গতি বাড়িয়ে আলো ও ছায়ার ভিতর দিয়ে চলতে লাগলুম! তখনও রোদ পড়েনি, কিন্তু রোদের প্রখরতাও তেমন নেই। ঘোড়া ছোটাতে সইসরা পিছনে পড়ে গেল, আমরা তাদের জন্তে অপেক্ষা না করে মাইল ষ্টোন অল্পসরণ করে চলতে লাগলুম। কিন্তু এ বেলা যেন এক একটা মাইলকে ওবেলার চেয়ে ঢের বেশী লম্বা মনে হতে লাগল—প্রায় আধঘণ্টায় একটি করে মাইল অতিক্রম কর্তে লাগলুম—তাহলে এগার মাইল কতক্ষণে পৌঁছব, তাছাড়া মল্লরোড থেকে আমাদের বাড়ী পর্যন্তও প্রায় আর দেড় মাইল হবে! স্বর্ঘ্য দেখতে দেখতে অস্তে গেল, চা-ক্ষেতের সাহেব কুলিদের ছুটি দিয়ে বাড়ীমুখে ফিরলে, পাল পাল বস্তার ঘোড়া আমাদের পথ রোধ কর্তে লাগল,—তাদের মালিকরা সঙ্গে সঙ্গেই আছে। একজায়গার একজন যুবক টা প্ল্যাণ্টার আমাদের পাশাপাশি ঘোড়ায় চড়ে যাচ্ছে, তার ছুটি ছোট ছোট কুকুর তার সঙ্গে পক্ষে হেঁটে চলেছে। একটা বাঁক ফিরতে কুকুরছুটি অনেকগুলি বস্তার ঘোড়ার মাঝে পড়ে গেল, যে দিকে যাবে সেই দিকেই ঘোড়ার পায়ে মাড়িয়ে যাবার সম্ভাবনা, প্ল্যাণ্টার তার নিজের ঘোড়া থেকে রুঁকে হাত বাড়িয়ে একটা কুকুরকে কোলে তুলে নিলে, অষ্ঠটাকে উঠাতে পারলেনা। ঘোড়ার হিন্দুস্থানী মালিককে হিন্দিতে নরম কথায় কুকুরটাকে তার কোলের উপর উঠিয়ে দিতে বলল। মেড়ুয়াবাদীর সেদিকে ক্রক্ষেপও নেই। আমার এমন রাগ ধরল, ছোট কুকুরটা অতগুলি ঘোড়ার পায়ের মধ্যে পড়ে ভয়েই ভ্যাবাচ্যাকা খেয়ে গেছে, কোন্‌দিকে নড়বে কি করবে ভেবে পাচ্ছেনা, তার বিপদও সমূহ, আর কাটখোটা মাছঘটা দিবা-নিশ্চিন্তভাবে তাই দেখছে, একটু হাত বাড়িয়ে কুকুরটাকে প্ল্যাণ্টারের কোলে তুলে দেবে তা না। আমি তার ব্যবহার দেখে কিছু রুচতায় তার কাছে সাহেবের কুকুর বাঁচাতে বল্লুম, তখন সে গুনলে। প্ল্যাণ্টার ত আমার প্রতি তারি কৃতজ্ঞ, আমি ঘোড়াওয়ালাকে আমার বক্তব্য বলে এবং সেটা পালন হচ্ছে দেখেই ভিড়ের মধ্যে থেকে নিজের ঘোড়া বের করে নিয়ে, খোলা জায়গায় খানিকটা ছুটিয়ে নিয়ে গিয়েছিলুম। খানিক পরে দেখি প্ল্যাণ্টার তার ঘোড়া ছুটিয়ে আমাকে ধরবার চেষ্টা করছে, আমার কাছে এসে নিতান্ত মিষ্ট ভাষায় তার কৃতজ্ঞতা জানালে—আমিই তার কুকুরকে বাঁচিয়েছি—ইত্যাদি ইত্যাদি। বলা বাহুল্য এত সামান্য কাজের জন্তে এত ধন্যবাদ পেয়ে আমি নিতান্ত অপ্রতিভ হয়ে তার নগণ্যতার সাপক্ষে ছ এক কথা বলতে চেষ্টা করলুম। তার পরে তার সঙ্গে “Good bye” করে আমি অগ্রবর্তী হলুম, সে তার বাঙ্গলাভিমুখে ঘোড়া ফেরালে।

এদিকে যে একটা বিষম গোলযোগ বেধেছে সে কথা এতক্ষণ বলতে অবসর পাইনি। শ্রীযুক্ত সদানন্দের ঘোড়া আর চলতে পারে না, প্রথমে তার পেটা ছিঁড়ে গেল, সেই প্ল্যাণ্টারের সাহায্যে তিনি সেটা কতকটা দোরস্ত করে নিলেন, কিন্তু তাঁর দেহভার বহন কর্তে সে এখন আর নিতান্তই অক্ষম। তিনি আবার ভায়ার ঘোড়ার সঙ্গে মাঝে মাঝে অদলবদলের চেষ্টায় ছিলেন, কিন্তু সে এবারে কিছুতেই রাজী হয় না—সে বলে

“আম্বার সময় মাঝে মাঝে তোমাকে বওয়ালেই আমার ঘোড়া হয়রাণ হয়ে গেছে, এখন আবার তা করলে এও আর এক পা নড়তে পারবে না।” কাজে কাজেই তাঁকে নিজের ঘোড়ার উপরই সম্পূর্ণ নির্ভর কর্তে হল। প্রথম মাইল ছই তিন আমরা ঘোড়া ছুটিয়ে হিলুম, কিন্তু আর ছোটাতে পারছিনে, বেচারারা বড় শ্রান্ত হয়ে পড়েছে। আমি সব চেয়ে লঘুভার, তাই আমার ঘোড়ার অবস্থা তবু ভাল, কিন্তু তাহলেও রাস্তাটা আগাগোড়া চড়াই, তাই সে বেচারিও ছ চার পা করে উঠেই খুঁকে পড়ছে, আমি তখন তাকে খানিকক্ষণ দাঁড় করিয়ে তার গায়ে হাত বুলিয়ে, তার প্রতি অল্পকম্পাসহচক ছুটা মিষ্টি কথা বলে ফের অগ্রসর হচ্ছি। ছ একবার এই রকম করবার পর আমার মাথায় হঠাৎ যেন বজ্রপাত হল, আমার এই নিরীহ আচরণে প্রভু সদানন্দের ক্রোধবহি হঠাৎ ভয়ানক প্রজ্বলিত হয়ে উঠল। তাঁর ঘোড়ার অবস্থা নিতান্ত করুণরসাত্মক, তারই উপর আবার তার প্রভুর কিলটা চাপড়টা ও চলছে, কিন্তু তাতেও কিছু ফলোদয় হচ্ছে না—সদানন্দের মনের তখন নিতান্ত ঝালাপালা অবস্থা, সেই সময় ঘোড়ার সঙ্গে আমার মিষ্টলাপটা তাঁর কি রকম অসহ হয়ে উঠল। কল্পনা কর একটা মুক্ত পার্শ্বতা প্রাপ্তর, তার থাকে থাকে রাস্তা এঁকে বেঁকে গেছে, তারই একটার উপর তিনটা বিদেশী বিপন্ন অধারোহী যুবক, একজন মহাজুদ্ধ, একজন মহাহাশ্বপরায়ণ আর একজন নির্বিবাদী, নিশ্চেষ্ট। প্রভু যত আমার উপর রাগ করেন আমার হাসির লহরী তত উচ্ছ্বসিত হয়ে ওঠে, আমি তাঁকে তত বোঝাতে চেষ্টা পাই আমি কি অপরাধটা করলুম? আমার ঘোড়াকে কেন আমি মায়্যা করছি, তাকে কেন জিরোতে দিচ্ছি—সেইটেই আমার অপরাধ। কিন্তু আমার ঘোড়ার প্রতি অল্পকম্পার সঙ্গে তাঁর ঘোড়ার চলৎশক্তিরহিষের যে কোথায় যোগ আমি সেটা কিছুতেই ধর্তে পারলুম না। আমি দ্বিতীয় নম্বর অপরাধ এই করেছিলুম যে একটা খোটা ঘোড়াওয়ালার সঙ্গে পথে আলাপ পরিচয় করছিলুম; সে কোথা থেকে আসছে, কদর যাবে, পাহাড়ে কবছর আছে, কিসের চাষ করে, কেমন পোষায়, এবশ্বিধ অনেক প্রশ্ন করছিলুম, এবং অবিজ্ঞি আমাদের সৃষ্কে তারও কতক কতক কৌতুহল নিবৃত্ত কর্তে হয়েছিল। মদগ্রজের বিশ্বাস সে লোকটা ঘোর মাতাল, আমরা কিন্তু তাতে মাতালের কোন লক্ষণ দেখতে পাইনি। আবার এক-সময়ে হঠাৎ তাঁর মনে হল আমরা পথ হারিয়েছি, আম্বার সময় যে পথ দিয়ে এসেছিলুম এ সে পথ নয়। এ যে সেই পথই সে বিষয়ে আমার তিল মাত্র সন্দেহ ছিল না, তবু তাঁকে সন্তুষ্ট করার জন্তে রাস্তায় একজন ভুটিয়াকে দেখতে পেয়ে তাকে পথ জিজ্ঞাসা করলুম। সে জায়গাটাতে ছুটা শাখা রাস্তা বেরিয়েছে, ভুটিয়া আমাদের দার্জিলিংয়ের আসল রাস্তাটা দেখিয়ে দিলে। আমিও জানতুম যে সেই আসল রাস্তা,—আমার পথের দৃশ্য বেশ মনে ছিল—কিন্তু সদানন্দ ঠাকুরের কিছুতেই ভুটিয়ার কথায় বিশ্বাস হয় না, তিনি আমাকে বলতে লাগলেন “তোমার যেমন কাণ্ড, ওকে রাস্তা জিজ্ঞেস কর্তে গেছ, ওরা সব চোর, ও নিশ্চয় একটা মন্দ রাস্তা বলে দিয়েছে, ওদের আড্ডায় নিয়ে গিয়ে, আমাদের মেয়ে ফেলবার চেষ্টা।” তিনি কিছুতেই সে রাস্তায়

যাবেন না। অথচ আমাদের দুজনের স্থির বিশ্বাস ঐটেই ঠিক রাস্তা, বরঞ্চ অল্প রাস্তায় গেলেই পথ হারাব, তাই ভুটিয়ানির্দিষ্ট পথে যাওয়াই আমাদের দৃঢ়সংকল্প। শেষকালে তিনি কি করেন, আমাদের জেদ দেখে অগত্যা তাঁকে আমাদের সঙ্গ নিতে হল, কিন্তু বরাবর বলতে বলতে চললেন “কক্ষণো এ রাস্তা দিয়ে আমরা সকালে আসিনি, ও নিশ্চয় চোর, আমাদের ভুল রাস্তা দেখিয়ে দিয়েছে।”

ইতিমধ্যে চাঁদ উঠেছে, অত্যন্ত পরিষ্কার জ্যোৎস্না, কিন্তু কখন যে দিনের আলো চলে গেল, চাঁদের আলো তার স্থান নিলে আমরা কিছু জানতে পারিনি, আমাদের বাইরের প্রকৃতির যে পরিবর্তন হয়েছে তা অস্বভব করিনি। জ্যোৎস্নায় সেই পার্শ্বত প্রকৃতির যে কেমন শোভা হয়েছিল তা দেখবার আমাদের তিলমাত্র অবকাশ ছিল না, সদানন্দের মেজাজ বিগড়ে যাওয়াতে আমরা এমন বিব্রত হয়ে ছিলাম। যাহোক্ মাইলের পর মাইল অতিক্রম করে আমরা ক্রমে ভুটিয়াবস্তির কাছাকাছি অগ্রসর হলুম। সেই সময়টা ভুটিয়াদের ঘরে ঘরে দশহারা উৎসব, তারা তখন ভয়ানক মাতাল হয়ে থাকে শোনা ছিল, তাই ভুটিয়া বস্তির নিকবর্তী হবার সময় সদানন্দের সপ্তস্বপ্নবাহার কথা আর কহতব্য নয়। প্রত্যেক কুটীরটা অতিক্রম করছেন আর মনে করছেন একটা ফাঁড়া কাটল। হঠাৎ একটা বাড়ী থেকে একটা লম্বা, ঝোলা, কাল কাপড়পরা ভুটিয়া বেরিয়ে এল, মাটিতে তার ছায়া ভয়ানক দীর্ঘ দেখাতে লাগল, সদানন্দ প্রতি মুহূর্তে মনে কর্তে লাগলেন বুঝি আমাদের সর্ব্ব্ব অপহরণ করার জন্তে সে আমাদের গলায় কুকুরি বদিয়ে দেয়। তাঁর ভয় আমাদের মনেও কিছু সংক্রামক হল। কিন্তু সে ভুটিয়া নিঃশব্দে আমাদের প্রতি একদৃষ্টে চেয়ে দাঁড়িয়ে রইল, আমরাও নিঃশব্দে ধীরে ধীরে নিতান্ত স্বচ্ছন্দতার ভান করে বোড়া চালাতে লাগলুম। এবার দার্জিলিঙের আলো দেখতে পাচ্ছি কিন্তু দার্জিলিঙ এখনও দূরে। এদিকে মাইল কতক আগে থেকে সদানন্দের বোড়ার পেট ফের ঝিঁড়ে গেছে, তার পিঠে সাজ আর শক্ত করে বসান যায় না। বোড়া তাঁকে বহন না করে তাঁকে বোড়াকে বহন করে আনতে হচ্ছে। হরি হরি, যে প্রভাতে রঞ্জিত যাত্রা করেছিলুম সে কি আজকেকারই প্রভাত! সে যেন কত দিনকার স্বপ্ন-কথার মত মনে হচ্ছে,—সে আনন্দ, আমাদের তিনটা সহযাত্রীর সে সম্ভাব এখন কতদূরে। তাঁর বোড়া নিয়ে যত বেগ পেতে হচ্ছে, সদানন্দ আমাদের উপর ততই চটছেন, যেন আমাদের দোষেই তাঁকে এই বিপদগ্রস্ত হতে হয়েছে। তাঁর স্থায়ী অপ্রসন্নতায় শেষাশেষি আমরাও হাত্তোচ্ছ্বাস বন্ধ হল, বাড়ী পৌঁছিয়ে এই অপ্রসন্ন খিটখিটে সঙ্গীটির সঙ্গ কেড়ে ফেলবার জন্যে মন উচাটন হল। মলরোড পাওয়া গেল, হাঁফছেড়ে বাঁচলুম! তারপরে বাড়ী পৌঁছন আর বেশী ক্ষণের কথা নয়। আমরাভোরের নিস্তরকার মধ্যে গিয়েছিলুম, রাত্রের নিস্তরকার মধ্যে দিয়ে ফিরে এলুম। ছটা শ্রান্ত পথক্রিষ্ট প্রাণী,—তিনটা মানুষ ও তিনটা অশ্ব, বাড়ীর উঠানে এসে দাঁড়ালুম। আমাদের অশ্রু সঙ্গীরা আমাদের ফিরতে এত বিলম্ব দেখে উৎকণ্ঠিত চিত্তে আমাদের প্রতীক্ষা

১৩৩৪ / ১৫/১৩৭

করে সকলেই দরজার সম্মুখে দাঁড়িয়ে ছিলেন। আমাদের দর্শনপ্রাপ্তিমাঝে সব ভাবনা দূর হল। আমরাও বোড়ার থেকে নেমে বাড়ীর চৌকাঠ ডিকোতেই যেন আমাদের সব পথশ্রম কেটে গেল, আর আমাদের পরস্পরের প্রতি মনের মানিও এক নিঃশ্বাসে ছুটে গেল। তখন গল্প করার মহামুহূর্ত!

তার পরদিন ভোরে উঠে দেখি আমাদের ছটা সঙ্গী নিরুদ্দেশ—এঁরাই আমাদের রঞ্জিত যাত্রার বিষয়ে বিশেষ নিরুৎসাহ করেছিলেন। সন্ধান নিয়ে জানলুম আমরা সকালে যাত্রা করা অবধি এঁদেরও যাবার ইচ্ছা এমন বলবতী হয়ে উঠেছিল যে সেই দিনের মধ্যেই বাহনের বন্দোবস্ত ঠিক করে, তারপর দিন ভোরে চুপি চুপি যাত্রা করেছেন। আমাদের লুকিয়ে যাবার অর্থ আমাদের চমৎকৃত করা। এঁরা বাস্তবিক আমাদের হারিয়েছিলেন—রঞ্জিত মনে করেছিলেন। তাঁরা যখন ফিরে এসে সে গল্প করলেন তখন তাঁদের জানতে দিলুম না যে আমরা সেটাকে বিশেষ একটা কিছু কীর্তি মনে করছি, কিন্তু মনে মনে দুঃখে অহুতাপে মরে রইলুম। কিন্তু সে শুধু আমরা ছটা—আমি ও কনিষ্ঠ। শ্রীশ্রীসদানন্দ মহাপ্রভুর তখন এ সব সেন্টিমেন্টের অবসর ছিল না, তাঁকে তখন আর এক খবরে বিশেষ কাঁবু করেছে,—তাঁর অশ্বরাজ কিছু দানা উদরস্থ করছে না, তার আশু পঞ্চম-প্রাপ্তির সমস্ত লক্ষণ দেখা যাচ্ছে, বোড়াওয়াল চার টাকার বদলে নাকি শখানেক টাকা দাবী করবে! প্রভুর চক্ষুস্থির! আমরা পরম আমোদিত !!

মুসলমানের গো-বলি।

আজ কাল গোহত্যা লইয়া তুমুল আন্দোলন হইতেছে। সে দিন বসেতে গোহত্যা লইয়া কি ভয়ানক কাণ্ড হইয়া গেল। গোহত্যার বিষয়ে অনেকেই আপনাপন মত প্রকাশ করিতেছেন, কিন্তু মুসলমান ধর্মের পুস্তকাদি হইতে কেহই নিজ মত সমর্থন করিয়া বিশেষ কিছু লেখেন নাই। ডাক্তার লাইটনার “এসিয়াটিক কোয়ার্টার্লি রিভিউ” নামক বিলাতি পত্রিকায় মুসলমানের গো-বলি সম্বন্ধে এক প্রবন্ধ লিখিয়াছিলেন, কিন্তু তাহাতে দেশাচারের (custom) কথাই অধিক ছিল। ইসলাম ধর্মের আর্বী গ্রন্থাদি হইতে অতি অল্প সাহায্যই গ্রহণ করিয়াছিলেন।

আমরা এখানে মুসলমানের গো-বলি সম্বন্ধে ইসলাম ধর্মের পুস্তকাদি হইতে শ্লোক উদ্ধৃত করিয়া দেখাইতে চেষ্টা করিব যে মুসলমানের কুরবানিতে (বলিদান) গো-হত্যা করিবার কোনও আবশ্যক নাই, স্তবরাং গো-হত্যা না করিলে ইসলাম ধর্মের কিছুমাত্র অপমান করা হয় না।

ধর্মপুস্তকাদি হইতে নিজ পক্ষ সমর্থন করিবার পূর্বে দেখা উচিত যে কোন্ কোন্ পুস্তক মুসলমানের পবিত্র জ্ঞান করেন এবং তাহাদের মধ্যে কোন্ গুলি সর্ক প্রধান।

সকলেই জানেন যে মুসলমানের মধ্যে দুই সম্প্রদায় আছে—শিয়া ও সুন্নি। বসে এবং আজমগড়ে গো-হত্যা লইয়া হিন্দুদের সহিত সুন্নিদের বিবাদ হয়, শিয়া সম্প্রদায় মারামারিতে ছিল না। সেইজন্ত আমরা এখানে কেবল সুন্নিদিগের ধর্মপুস্তক হইতে দেখাইব যে গো-হত্যা উহাদের পুজার একটা অঙ্গ নহে।

কোরানকে সকল মুসলমানই অকাটা ঈশ্বর বাক্য বলিয়া মানেন; এবং দেশাচারের কোরান খণ্ডন করিবার কোন ক্ষমতা নাই।

কোরানের পর “হুদিস্” অর্থাৎ মহম্মদের আজ্ঞা, অথবা মহম্মদ যাহা স্বয়ং করিয়াছেন, কিম্বা যাহা তিনি বারণ করেন নাই, ইত্যাদি।

হুদিসের মধ্যে নিম্ন লিখিত গুলি সর্বোচ্চ স্থান অধিকার করে :—

- ১ সহি বুখারি,
- ২ সহি মুসলিম,
- ৩ সুন্না—ই—আবু দাউদ,
- ৪ সুন্না—ই—নসাই,
- ৫ ইব্বনি মাজেহ্,
- ৬ তিরমিজি,

৭ মিশ্কাত,

৮ জমিউল্ জওয়ামেহ্।

হুদিসের পরে মুসলমানেরা কোরানের টীকাগুলিকে মানেন। এই টীকার নাম “তফাসির্”। নিম্ন লিখিত তিন খানি তফাসির সর্কপ্রধান :—

১ বৈজাবি।

২ মদারিক।

৩ মালিমুত্ তন্জিল্।

উপরোল্লিখিত পুস্তকগুলিকে সকল সুন্নি মৌলবির মাশ্র করেন।

যদি ধর্মপুস্তকের কোন বিশেষ শব্দের অর্থ লইয়া গোলমাল উপস্থিত হয়, তাহা হইলে নিম্নলিখিত প্রসিদ্ধ অভিধানগুলির মতেই তাহার অর্থ স্থির করা হয় :—

১ কামুস্।

২ সুরাহ্।

৩ মুণ্ড খবুল্ লুবাং।

৪ মজমউ বিহারিল্ অনুওয়ার্।

এইত গেল কোরান, তাহার টীকা এবং অভিধানের নাম। (বলা বাহুল্য যে আর্বী শব্দ বাঙ্গলাতে ভাল করিয়া লেখা যায় না, আর্বী শব্দ বাঙ্গলা অক্ষরে লিখিবার কোন Hunarian System নাই।)

প্রথমে দেখা যাক কোরাণে গো-বলি সম্বন্ধে কি আছে।

সর্কপ্রথমে কোরাণখানি কি তাহা জানা আবশ্যক। কোরাণখানি এক সময়ে এক ব্যক্তি লেখেন নাই! মুসলমানেরা বলেন যে মহম্মদ ধ্যানে বসিলে ঈশ্বরের আদেশ, স্বর্গীয় দূত জিব্রিল্ ইল্ (Gabriel) তাহার কর্ণে আসিয়া বলিয়া যাইতেন, এবং মহম্মদ তাহাই তাহার শিষ্টিদিকে বলিতেন, তাহাদের মধ্যে কেহ কেহ ঈশ্বরের আজ্ঞাগুলি লিখিয়া রাখিতেন। এই প্রকারে মক্কা ও মেদিনাতে ক্রমাগত তেইশ বৎসর ধরিয়া, ঈশ্বরের আদেশ, স্বর্গীয় দূত জিব্রিল্ ইল্ মহম্মদকে আনিয়া দেন; এবং এই আদেশগুলি পুস্তকাকারে লিখিত হইলে উহার নাম হইল কোরান অর্থাৎ সর্কশ্রেষ্ঠ পুস্তক। মুসলমানেরা কোরাণের অনেক গুণ বর্ণনা করেন, তাহার মধ্যে একটি এই যে অমন সুন্দর ভাষা স্বয়ং ঈশ্বরের ভিন্ন অন্য কাহারও হইতে পারে না।

কোরাণখানি ১১৪ সর্গে বিভক্ত এবং উহার মধ্যে একটি সর্গ আছে যাহার নাম “সুরাতুল্ বকর” অর্থাৎ গো-সর্গ। গো-হত্যার কথা ইসলাম ধর্মে নাই বলিলেই অনেকে মাথা নাড়িয়া গস্তীরভাবে বলেন যে তবে কোরাণের মধ্যে “গো-সর্গ” কেন? ইহার উত্তর অতি সহজ। যিনি কোরাণের কিছুমাত্র পড়িয়াছেন তিনিই জানেন যে সর্গের

নামের সহিত ভিতরকার বিষয়ের বিশেষ কোন সম্পর্কই নাই। পূর্বেই বলা হইয়াছে যে জিবরইল স্বর্গ হইতে অন্ন অন্ন কোরাণের অংশ আনিয়া মহম্মদকে দিতেন। প্রথমে যে কথাগুলি মহম্মদের নিকট আসিত, সেই মতেই কোরাণের সর্গের নামকরণ হইত। ইহুদিদিগের ধর্মপুস্তক সিডারিমেরও নাম রাখা এই প্রকারে হইয়াছে, বোধ হয় ইতিহাসজ্ঞ ব্যক্তি মাঝেই জানেন।

এই “সুরাতুল বকর (গো-সর্গ) কোরাণের সকল সর্গাপেক্ষা বৃহৎ এবং ইহাতে ২৮৬টি শ্লোক (আয়াত) আছে, কিন্তু গো-হত্যার কথা কেবলমাত্র একবার আছে। দেখা যাক গো-হত্যার বিষয় কি আছে।

সুরাতুল বকরের অষ্টম (রুকু) প্যারাগ্রাফ :—

ওয়া ইজ্ কালামুসা.....যুরিকুম আয়াতিহি। (বাঙ্গালা অক্ষরে আর্কা ভাষা লেখা হুর্হ বলিয়া সমস্ত উদ্ধৃত করা গেল না,) অর্থাৎ মুসা ইহুদিদিগকে বলিলেন, “ঈশ্বরের আদেশ, তোমরা একটা গরু কাট” ইত্যাদি।

এখানে একটি গল্পের উল্লেখ আছে। হুই সহোদরে মিলিয়া তাহাদের খুড়তুত ভাইকে মারিয়া ফেলিয়া মুসাকে বলে যে হত্যাকারী কে তাহা জানি না, তাহাকে দণ্ড দেওয়া উচিত। মুসা বলিলেন “তোমরা একটা গরু কাটিয়া তাহার একখণ্ড মাংসদ্বারা মৃত ব্যক্তির শরীরে মার, তাহা হইলে সে উঠিয়া বলিয়া দিবে কে তাহাকে হত্যা করিয়াছে।” হুই সহোদরে ভাবিল যে মৃতব্যক্তি পুনর্জীবিত হওয়া অসম্ভব, স্ততরাং গোমাংস দ্বারা মৃতব্যক্তির শরীরে মারিলে হত্যা প্রকাশ পাইবার কোন সম্ভাবনা নাই। এই স্থির করিয়া মুসার আজ্ঞামতে তাহারা একটা গরু বলিদান করিল, এবং একখণ্ড গোমাংস লইয়া মৃত ব্যক্তির উপর নিক্ষেপ করিল। মৃতব্যক্তি তৎক্ষণাৎ উঠিয়া বসিল এবং হত্যাকারীদিগের নাম বলিয়া দিল। ইহা মুসার একটি অলৌকিক ব্যাপার (miracle); কোন বিশেষ কার্য সম্পাদনের জন্ত এইরূপ আজ্ঞা হইয়াছিল, স্ততরাং ইহা হইতে গো-বলিদান সম্বন্ধে মুসলমান ধর্মের মতামত কিছুই টের পাওয়া যায় না। ঐ আদেশ মুসা ইহুদিদিগকে দিতেছেন মুসলমানকে নহে, স্ততরাং ইসলাম ধর্মের আদেশ কোনক্রমেই বলা যাইতে পারে না। এখানে কেবলমাত্র গো-হত্যার কথা আছে, গো-বলিদানের নাম গন্ধও নাই। স্ততরাং দেখা যাইতেছে যে কোরাণের “সুরাতুল বকর” অর্থাৎ গো-সর্গে গরু বলিদানের কথা আদৌ নাই। এই সর্গে বলিদানের কথা আছে বটে, কিন্তু তাহা নরবলি গো-বলি নহে। মুসা ইহুদিদিগকে বলিতেছেন “তোমরা বৎস পূজা করিয়াছ বলিয়া তোমাদের নিজ প্রাণ বলিদান দিয়া ঈশ্বরের নিকট সেই পাপের ক্ষমা প্রার্থনা করা উচিত।” গো-সর্গে বলিদান অথবা গো-হত্যার কথা আর নাই।

তারপর বলিদানের কথা “সুরাতুল হুজ্” অর্থাৎ তীর্থ সর্গে আছে :—

ওয়াল বৃদনা যালনাহা.....লাহুত্ তক্ ওয়া মিনকুম ! অর্থাৎ উষ্ট্র বলিদান তোমাদের ঈশ্বর ভক্তির চিহ্ন স্থির করিয়াছি, ইত্যাদি।

এখানে এই “বৃদনা” শব্দের অর্থ লইয়া কেহ কেহ মহা গোলযোগ করিয়া থাকেন। তাঁহারা বলেন যে “বৃদনা” অর্থে উট ও গরু দুই বুঝায়। আমরা বলি যে “বৃদনা” শব্দের অর্থ উট ব্যতীত আর কিছুই হইতে পারে না। যাহারা পার্শী অথবা আর্কাঁ কিছু জানেন তাঁহারা সকলেই দিল্লীর সুলতান মৌলবি আবদুল কাজির সাহেবের নাম শুনিয়াছেন। ইনি “বৃদনা” অর্থে উট লিখিয়াছেন। খ্যাতনামা সেল সাহেব কোরাণের তরজমাতে বৃদনা camel বলিয়া তরজমা করিয়াছেন। প্রসিদ্ধ অভিধান “কামুস” “মজমউ বিহারিল্ অনওয়ার” ও “মুগুখবুল্ লুবাৎ” সকলেই একবাক্যে লিখিয়াছেন যে বৃদনা মানে যে সে উট নহে বরং বলিদানের উট। সাধারণ উটকে আর্কাঁ ভাষায় ইবিল্ বৈর ইত্যাদি কহে। বৃদনা শব্দের প্রকৃত (literal) অর্থ বড় জন্ত, এই জন্ত কেহ কেহ বলেন যে গরু ও বুঝায়। কিন্তু নিম্নলিখিত শ্লোক হইতে স্পষ্ট বুঝা যায় যে বৃদনা মানে গরু নহে। প্রসিদ্ধ টীকাকার বৈজাবির মতে “বৃদনা” মানে কেবলমাত্র উট, গরু নহে, যথা :—

“নহরনা মা রহুল ইন্নাহে অলবৃদনতা অনসবাতিন্ ওয়াল বকরতা অনসবাতিন্”। অর্থাৎ মহম্মদের সঙ্গে, সাতজনের জন্ত একটি উট (বৃদনা) এবং সাতজনের জন্ত একটি গরু (বকর) বলি দেওয়া হইয়াছিল। যদি “বৃদনা” অর্থে গরুও বুঝাইত তাহা হইলে পুনরায় “বকর” (গরু) শব্দ লেখা হইল কেন ? ইহা হইতে স্পষ্টই দেখা যাইতেছে যে বৃদনা অর্থে কেবল উট বুঝায়, এবং “বকর” মানে আর্কাঁতে গরু। উদ্ভূতে বকরা মানে ছাগল বুঝায়। এই হুই শব্দের বানান এক নহে। এখন আর কোন সন্দেহ রহিল না কোরাণে উট বলিদানের কথা বলা হইয়াছে, গরু বলিদানের নহে।

কোরাণের আর এক স্থানে বলিদানের উল্লেখ আছে। “সুরাতুল কোথর” নামক সর্গে আছে :—

“ইমা আতৈনা কল্ কোথর ফসল্লেরবিকা ওনহর !” অর্থাৎ আমরা (ঈশ্বর) তোমাকে (মহম্মদ) “কোথর” দিলাম, সেই জন্ত পূজা কর এবং বলি দাও !” কোথর অথবা কোসর শব্দের অর্থ প্রচুরতা, এখানে বিত্তা বৃদ্ধির প্রচুরতা। কোথর অর্থে স্বর্গের হুজ্ ও মধুপূর্ণ নদীও বুঝায়। কোথর শব্দ লইয়া কোন গোলমাল নাই। বিবাদ কেবল “নহর” শব্দের অর্থ লইয়া। কেহ কেহ বলেন যে “নহর” অর্থে উট, গরু উভয় বলিদানই বুঝায়। আমরা বলি যে “নহর” শব্দ কেবল উট বলিদানের সময় ব্যবহৃত হয়, এবং “জিবেহ্” (বাঙ্গলা জবাই) উট, গরু, ছাগল, ভ্যাড়া, সকলের জন্ত প্রয়োগ হয়। প্রসিদ্ধ গ্রন্থ “মজমউ বিহারিল্ অনওয়ার,” “কামুস,” “বৈজাবী,” ও “তফাসির হুসেনির,” মতে “নহর” মানে উট বলিদান। এখন স্পষ্টই দেখা যাইতেছে যে কোরাণে গোবলির নাম গন্ধও নাই।

এই ত গেল কোরাণের কথা, এখন হাদিসে কি আছে দেখা যাক। অনেক বাজে বচনকে মূর্খলোকে হাদিস বলে। কিন্তু তাহা হাদিস (মহম্মদের আদেশ) নহে। স্বয়ং মহম্মদ হাদিস চিনিবার এই উপায় বলিয়া গিয়াছেনঃ—

অনু ইব্বনি উমরা কালা রহুলিল্লাহি.....ফলম্ অকলহ। অর্থাৎ “অনেকেই অনেক কথা বলিবে যে আমি (মহম্মদ) বলিয়া গিয়াছি। তাহা সত্য কি না জানিবার এই উপায়, যে যদি কোরাণের সহিত ঐক্য হয় ত আমি বলিয়াছি, নতুবা আমি কখনও বলি নাই।” স্মরণ্য যে তা একটা বচন খাড়া করিতে পারিলেই তাহা মহম্মদের আদেশ (হাদিস) হইতে পারে না। হাদিস কাহাকে বলে তাহা ভাল করিয়া বুঝাইতে গেলে অনেক কথা লিখিতে হয়। সংক্ষেপে বলিতে হইলে ইংরেজি পুস্তক হইতে উদ্ধৃত করিলে আর্কীর অপেক্ষা সহজ হয়। “Haji Khalifa defines the science of tradition (হাদিস) to be the means of discriminating knowledge of the sayings of the Prophet, together with his actions and circumstances and divides it into two parts,—(I), the science of the reporting of tradition—which treats of the conditions under which a tradition is considered as reacting back to the Prophet, and (II), the science of the understanding of tradition—which treats of the meaning of a particular tradition as ascertained by its language by reference to the fixed principles of Muslim law or by the analogy of known circumstances relating to the Prophet” (vide Journal of the American Oriental Society Vol VII, page 61.)

অবশ্য ছুই এক স্থানে হাদিসে গোবলির কথা আছে। “স্মনানই আবু দাউদে” আছে “হুদেবিয়াতে মহম্মদের সঙ্গে একটি উট সাতজনের জন্ত, এবং একটি গরু সাতজনের জন্ত বলিদান দিয়াছিলাম।”

এখানে বলা হইল যে উট বলি গরু বলির সমান, অর্থাৎ ছুই সাত জনের জন্ত।

কিন্তু প্রসিদ্ধ “তিমিজ” ও “নসই”তে আছে যে সাত জনের জন্ত গরু ও দশ জনের জন্ত উট বলি হইয়াছিল। এখানে ছুই বচনে পার্থক্য দৃষ্ট হইতেছে। মুসলমান মৌলবিদের একটি প্রসিদ্ধ বচন আছেঃ—

“ইজা তারজা তসাকতা” অর্থাৎ যদি ছুই বচনে অর্নেক্য হয়, কোন বচনই নানা উচিত নহে। এই নিয়ম মতে গরু বলির বিষয়ে যে কয়টা বচন হাদিসে আছে, সমস্তই আপনা আপনি কাটিয়া যায়।

গরু বলির বিপক্ষে আর এক কথা আছে। ইমাম আহম্মদ বলেন যে মহম্মদ বলিয়াছেন যে, যে জন্ত বলিদান দেওয়া যায় তাহার এক একটা লোমে এক একটি পুণ্য হয়। এ নিয়ম মতে যে ভেড়া বলিদান দেওয়া সকল অপেক্ষা উত্তম সে বিষয়ে আর সন্দেহ নাই।

পূর্বেই বলা হইয়াছে যে আর্কীর শব্দ বকর মানে গরু। বকরিদ শব্দ আর্কীর বকর হইতে উৎপন্ন হয় নাই। উহা বোধ হয় উর্দু বকরা (ছাগল) হইতে হইয়াছে। আরব দেশে “বকরিদ” শব্দ আদৌ ব্যবহৃত হয় না, সেখানে উহাকে “ইদ্—উজ্—জুহা” অথবা “ইদ্—উন্—নহর” কহে। এ নামগুলিও কোরাণের কোন স্থানে নাই। হাদিসে এই নামগুলি পাওয়া যায়। আরব দেশে গরু নাই বলিলেই হয়, সেই জন্তই বোধ হয় গরুর কথা কোরাণে নাই, এবং হাদিসেও অতি অল্প।

সকলেই বোধ হয় জানেন যে ভদ্র মুসলমানেরা কখন গোমাংস খান না। এমন কি সকল ভদ্র মুসলমান সমাজেই এই আর্কীর বচনটি প্রসিদ্ধ আছেঃ—

“লবনুলু বকরে দওয়াউন্, ওলেহেমুহা দাউন” অর্থাৎ “গো হৃৎ ওঁবধ কিন্তু গোমাংস ব্যাধি।”

এখন বোধ হয় সকলেই বুঝিতে পারিবেন যে গো বলি না হইলে যে মুসলমানের কুর্বানি মাটি হয়, ইহা নিতান্ত অমূলক।

শ্রীসিদ্ধমোহন মিত্র।

* এ বিষয়ে গত বৎসর লেখক “রইস ও রায়ত” পত্রিকায় এক প্রবন্ধ লিখিয়াছিলেন এবং উর্দুতে সবিস্তারে এক পুস্তিক লিখিয়াছেন, উহা প্রেসে আছে শীঘ্রই প্রকাশ হইবে। মহম্মদের সময় অবরোধ প্রথা ছিল না এবং স্বয়ং মহম্মদ অবরোধ প্রথার পক্ষপাতী ছিলেন না, এই বিষয়ে ইনি একখানি পুস্তিক লিখিতেছেন। ভাঃ সং।

ব্রাহ্মণ ও বৌদ্ধ।

ভারতবর্ষের প্রাচীন ইতিহাস বিলুপ্ত। কিন্তু ভূতত্ত্ববিদেরা যেমন ভূপঞ্জরের স্তরের পর্যায় পর্যালোচনা করিয়া কতক পরিমাণে পৃথিবীর প্রাচীন ইতিহাস উদ্ধার করিয়াছেন, সেই রূপ এ দেশের মানসিক ও বাহ্যিক অবস্থার পরিবর্তনের পর্যায় ও ক্রম আংশিক রূপে নির্দিষ্ট করা একেবারে অসম্ভব নহে।

বিষ্ণুপুরাণে বর্ণিত একটা ঘটনাদ্বারা আমাদের প্রাচীন ইতিহাসের নূতন একটা স্তরের আরম্ভ স্পষ্ট স্থচিত হয়। চন্দ্রবংশীয় শেষ রাজচক্রবর্তী স্বীয় শূদ্র মন্ত্রীর কর্তৃক নিহত হইলে পর সন্থাক্ষণগণ তাঁহাকে পরিত্যাগ করিয়া হিমালয় পার হইয়া দেশান্তরবাসী হইলেন। ছুষ্ঠী রাজ্য প্রভৃত অর্থ দানে ইতর ব্রাহ্মণদিগকে বশীভূত করিয়া তাহাদের সাহায্যে কৃত্রিম শাস্ত্র রচনা ও ব্যবহারবিপ্লবের দ্বার উদ্ঘাটিত করেন। প্রাচীন ধর্ম শাস্ত্রানুসারে রাজহত্যা গুরুতর পাতক। শাস্ত্রে অল্পমাত্র শ্রদ্ধা থাকিলে কখনও কোন ব্রাহ্মণ রাজবাতীর সহিত সম্পর্ক রাখিতেন না। এবং এই রাজব্রতপাতই দেশের অধঃপাতের নিমিত্তক হইয়া পড়িল। ব্রাহ্মণ সর্কপ্রকার ধর্মে জলাঞ্জলি দিয়া মহাপাপী রাজাকে প্রজাপীড়ন কার্যে সহায়তা এবং প্রাচীন ব্যবহারের বন্ধে পদাঘাত করিয়া নূতন কুব্যবহার প্রবর্তনা করিল। এই দারুণ বিষমঞ্চারে দেশের সর্কাদ্র ক্রমশঃ বিকল হইয়া পড়িল। কুব্রাহ্মণের সাহায্যে শূদ্রেরও ক্ষত্রিয়ত্ব লাভ হইল এবং প্রজাগণ সিংহচর্ম্মাবৃত গর্দভকে রাজপূজা দিতে বাধ্য হইল। একরূপ ঘটনায় যাহা হইয়া থাকে তাহাই ঘটিল। দেশের আধ্যাত্মিক জীবন একেবারে বিনষ্ট হইয়া গেল। স্বাভাবিক আত্মাত্মবুদ্ধির বিপর্যয় ঘটিল। বিনাশের প্রথম সূচনা বুদ্ধির সঙ্কণ্ডের রজস্বলগুণের দ্বারা অভিভব। বুদ্ধিশাশ্রয় প্রণশ্রুতি। এই নিয়মে সচ্চরিত্রতা প্রভৃতি নৈতিক গুণের যে উৎকর্ষ তাহা ক্রিয়া কলাপে আরোপিত হইল—যজ্ঞীয় হবিঃ কুকুরের ভাগে পড়িল। দাস্তিক লোকের পক্ষে এই রূপ ব্যবহার বিশেষ উপাদেয়। ইহাতে আত্মদমনের আবশ্রুকতা নাই, হৃদয়ের কুপ্রবৃত্তির উদ্দামভাবে স্বচ্ছন্দে বিচরণের পথ ইহাতে পরিষ্কার হয়। এবং বহল ব্যয় ও আয়াসসাধ্য ক্রিয়া কলাপে নিবিষ্ট হইয়া সংবুদ্ধিকে গাঢ় নিদ্রায় অভিভূত করা যায়। এই কারণে যে রূপ কার্য ঘটে তাহা সর্কত্রই দেখা যায়। ইহুদিদিগের ফারিসীসম্প্রদায়ের ইতিহাস ইহার দৃষ্টান্তহল, যুরোপের মধ্যযুগে খৃষ্টিয়ানদিগের মধ্যেও এই রূপ কার্যকারণের শৃঙ্খলা লক্ষিত হয়। যে পরিমাণে যথার্থ আধ্যাত্মিক দৃষ্টির ক্ষীণতা ঘটে সেই পরিমাণে বাহ্যক্রিয়ার আড়ম্বর বৃদ্ধি হয়। তৎকালে এদেশেও ঐ নিয়মের প্রভাব বৃদ্ধি হইতে লাগিল। অধর্ম্মলব্ধ রাজদানে ধনশালী হইয়া ব্রাহ্মণগণ আমরণ ক্রিয়া কলাপের আড়ম্বরে কাটাইতে লাগিল। জ্ঞানপ্রদীপ

একেবারে নিভাইবার জন্ত তৎকালে এক নূতন দর্শন শাস্ত্রের অভ্যুদয় হইল।* বেদের ভাবার্থকে বলিদান দিয়া শব্দার্থের প্রতিষ্ঠা করা এই দর্শনের উদ্দেশ্য। এবং ইহার দ্বারা একবার বুদ্ধিঅভিভূত হইলে ক্রিয়াকলাপের গাণ্ডীর বাহির হইবার জন্ত বুদ্ধির আর প্রবৃত্তি থাকে না। এই সকল দার্শনিকদিগের পূর্ক পুরুবদিগকে উল্লেখ করিয়া ভগবান শ্রীকৃষ্ণ বলিয়াছিলেন :—

যামিমাং পুস্পিতাং বাচং প্রবদন্ত্য বিপশ্চিতঃ ।
বেদ বাদরতাঃ পার্থ নাশ্রুদন্তীতি বাদিনঃ ॥
কামস্বানঃ স্বর্গপরাঃ জন্ম কর্ম্মফল প্রদাং ।
ক্রিয়া বিশেষ বহলাং ভোগৈশ্বর্য্য গতিং প্রেতি ॥
ভোগৈশ্বর্য্য প্রসক্তানাং তয়োপহৃত চেতসাং ।
ব্যবসায়াত্মিকা বুদ্ধিঃ সমাধৌ ন বিধীয়তে ॥

তে তং ভুক্ত্বা স্বর্গলোকং বিশালাং ক্ষীণে পুণ্যে মর্ত্ত লোকং বিশস্তি ।

এবং ত্রয়ী ধর্ম্ম মনুপ্রপন্নাঃ গতাগতং কামকামাং লভন্তে ॥

এ দেশের তৎকালিক চর্গতির কিয়ৎ পরিমাণে অল্পভব করিবার জন্ত এই দার্শনিকদিগের ছই একটা মত আলোচনা করিবার প্রয়োজন। ঈশ্বর সম্বন্ধে মতবিভেদ বশতঃ এই দার্শনিকের মধ্যে ছইটি সম্প্রদায় গঠিত হয়। এক সম্প্রদায়ের মতে ক্রিয়াই ঈশ্বর তদতিরিক্ত আর ঈশ্বর নাই—ব্রহ্মের স্বাতন্ত্র্য ও অদ্বয়ত্ব ইহারা একেবারে স্বীকার করেন না। অপর সম্প্রদায় ঈশ্বরের স্বাতন্ত্র্য স্বীকার করেন বটে কিন্তু বলেন যে তাঁহার সম্বন্ধে মনুষ্যের সম্পূর্ণ উদাসীন থাকা উচিত কেন না কৃতকর্ম্মেরা উপযুক্ত ফল দেওয়া ভিন্ন ঈশ্বরের আর কোন ঈশ্বরত্ব নাই। অতএব স্বর্গকামনার যাগ যজ্ঞ, ইষ্টপূর্ত্ত, সাধনই পরম পুরুবার্থ। জন্ম জন্ম কর্ম্ম করিয়া স্বর্গ ও মানুস লোকে ইন্দ্রিয়ভোগই জীবনের চরম উদ্দেশ্য। উভয় সম্প্রদায়েরই মতে রাগ দ্বেষ, স্রথ ছঃখ ও প্রবত্ত আত্মার নিত্যগুণ এবং আত্মা চেতন অচেতন উভয় ধর্ম্ম-বিশিষ্ট। এই সকল মতের ব্যবহারিক ফল নির্ণয় করা বিশেষ কঠিন নহে। আত্মার স্রথেচ্ছা যদি নিত্যগুণ হয় তবে বাহাতে সর্কাবস্থায় স্রথভোগ হইতে পারে তৎপ্রতি দৃষ্টি রাখার পুরুবার্থ সাধন। এবং যখন আত্মা জড়াংশ জড়িত তখন চিরকালই জড় উপভোগ ভিন্ন আত্মার তৃপ্তি অসম্ভব। এক কথায় এই মতে স্বার্থপরতা সর্কোচ্চ পদবীতে প্রতিষ্ঠিত।

এই মতাবলম্বনের সামাজিক ফল ও সমান অনিষ্টকর। ব্রাহ্মণগণ নিজ স্বার্থ সাধনের

* প্রভাকর প্রভৃতি পূর্ক মীমাংসা সম্প্রদায় ইহার পূর্কও থাকিতে পারে কিন্তু এই সময়ে ইহার বলবৃদ্ধি হইয়াছিল নিসেন্দেহ। কোন দর্শন কখন রচিত হয় বলা যায় না তবে কোন ঘটনাবলীর সাহায্যে কোন দর্শন কখন বিশেষ প্রবলতা লাভ করে তাহা কতক পরিমাণে স্থির করা বাইতে পারে। যেমন রামমোহন রায়ের পর বাঙ্গালায় উপনিষদের চর্কা জন্মিয়াছে। তাহার পূর্ক এ প্রদেশের পক্ষে উপনিষৎ থাকিয়াও ছিল না।

+ ব্রাহ্মণদিগের শাস্ত্রে কর্ম্ম শব্দে বেদোদিত ক্রিয়া। সচরাচর ইহার যে বিস্তৃত অর্থে ব্যবহার দেখা যায় তাহা বৌদ্ধদিগের কৃত।

জন্ম যে সকল বহুব্যয়সাধ্য ক্রিয়াকলাপের বিধান করিয়াছিল তাহার দ্বারা স্বর্গলোকে অপর্যায় সন্তোষের লালসায় প্রজাপীড়ন করিয়া অর্থ সঞ্চয় করা নিতান্ত আবশ্যিক হইয়া পড়িল। সুলভ: এই বলা যাইতে পারে যে, এই সকল শক্তির সঞ্চারণে লোক দুঃখভারে অত্যন্ত ক্লিষ্ট হইয়াছিল।

কতদিন পর্য্যন্ত যে এই দুঃখবহা চলিয়াছিল বলা যায় না তবে ইহা একরূপ স্থির যে শাস্ত্র দিক্কারের আবির্ভাব পর্য্যন্ত ইহার বিশেষ উপশম হয় নাই। বুদ্ধদেবের উপদেশ হইতেই তৎপূর্ব্ববর্তী সময়ের বিশদ প্রমাণ পাওয়া যায়। যথার্থতঃ পূর্ব্ববর্তী অবস্থার সহিত না মিলাইয়া লইলে বৌদ্ধ মত সম্পূর্ণরূপে বোধায়ত্ত হয় না। অস্ত্য দেশে বৌদ্ধ মতের অপেক্ষাকৃত আধুনিক গঠনের সহিত উপস্থিত ক্ষেত্রে প্রয়োজনাত্মক। কেবল চারিটি বৌদ্ধ দর্শনই ভারতবর্ষীয় চিন্তার স্রোতে বহমান। বেদের প্রামাণ্য অস্বীকারই ব্রাহ্মণ ও বৌদ্ধ মতের বিচ্ছেদভূমি। বৌদ্ধদিগের বেদের প্রামাণ্য অস্বীকারের যথার্থ ভাব বুঝিতে হইলে কতকগুলি আত্মবিক্ষিপ্ত ঘটনার আলোচনা আবশ্যিক। “স্বত্ত্বনিপাতের” অন্তর্গত “ব্রাহ্মণস্বত্ত্ব” বুদ্ধদেব বলিয়াছেন যে প্রাচীন ব্রাহ্মণদিগের মধ্যে সত্য জ্ঞানের প্রচার ছিল।* কিন্তু ব্রাহ্মণ আচার্য্যদিগের মধ্যে কেহই এখনও বেদত্যাগ করেন নাই। অতএব বুদ্ধদেবের বেদ প্রত্যাখ্যান একরূপ ভাবে বুঝিতে হইবে যাহাতে উপরোক্ত সত্যের কোন প্রকারে অপলাপ না হয়। আরও দ্রষ্টব্য যে বুদ্ধদেব উল্লিখিত “স্বত্ত্ব” ব্রাহ্মণদিগের অধঃপাতের কারণ বেদ এ কথা কোন স্থানে বলেন নাই কেবল ইহাই বলিয়াছেন যে রাজত্ববর্ণের কুদৃষ্টান্তেই ব্রাহ্মণের অবনতি। এক অর্থে বেদত্যাগ ব্রাহ্মণদিগেরও সম্ভব।

ত্রৈগুণ্য বিষয়া বেদাঃ নিত্রেগুণ্যোভবাজ্জুন।

যাবানর্থ উদপানে সর্বতো সম্ভ্রুতোদকে।

তাবান্ সর্বেষু বেদেষু ব্রাহ্মণশ্চ বিজ্ঞানতঃ ॥

যদা তে মোহকলিলং বুদ্ধিব্যতিরিয়্যতি।

তদা গন্তাসি নির্লেদং শ্রোতব্যস্ত শ্রুতস্ত চ ॥—ভগবদগীতাঃ।

পলালমিব ধাত্মার্থী ত্যজেৎ শাস্ত্রমশেষতঃ ॥—পঞ্চদশী।

অবিদিত্তে পরে তত্ত্ব শাস্ত্রাধীতিস্ত নিষ্ফলা।

বিদিত্তেহপি পরে তত্ত্ব শাস্ত্রাধীতিস্ত নিষ্ফলা ॥—বিবেক চূড়ামণিঃ।

বুদ্ধদেবেরও বেদ প্রত্যাখ্যান অনেকটা এই প্রকার। বিশেষ এই যে ব্রাহ্মণ আচার্য্যগণ

বেদাদি শাস্ত্রকে জ্ঞান সাধনের উপায় বলিয়া অভ্যাস করিতে বলেন। বুদ্ধদেব ঐ সকল শাস্ত্রের পরিবর্তে অল্প বাক্যরাশির শ্রবণ মননের ব্যবস্থা করিয়াছেন। একরূপ বিশেষের কারণ স্পষ্ট দেখা যায়। প্রাচীনকালে ব্রাহ্মণগণ অল্প বর্ণের জ্ঞানী পুরুষদিগের নিকট জ্ঞানোপদেশ গ্রহণ করা নিষিদ্ধ বলিয়া মনে করিতেন না। ইহার প্রমাণ ছান্দোগ্য উপনিষদের রাজা অশ্বপতির আখ্যানে অতি স্পষ্টরূপে পাওয়া যায়। অজাতশত্রু, জনক প্রভৃতি ব্রাহ্মণ বর্ণ না হইরাও যে ব্রহ্মজ্ঞানে পরিপক্ক হইয়াছিলেন ইহারও উল্লেখ আছে। এমন কি রাজা অশ্বপতি যে বিত্তা ব্রাহ্মণগণকে দান করিয়াছিলেন তাহা যে তৎপূর্ব্ব ব্রাহ্মণদিগের অপরিজ্ঞাত ছিল তাহাও কথিত আছে। ভগবদগীতাতে ভগবান ক্রীষ্ণ বালিয়াছেন যে, বিশেষ একটা উপাসনা প্রণালী মনাদি রাজার পরম্পরাক্রমে প্রাপ্ত হইয়াছিলেন। ইহাতেও স্মৃতি হয় যে ঐ প্রণালীর উপাসনা রাজর্ষিদিগের মধ্যেই আবদ্ধ ছিল। কিন্তু বৌদ্ধদেবী কুমারিলভট্টের চক্ষে বুদ্ধদেব ক্ষত্রিয় কুলোৎপন্ন হইয়া ধর্ম্মোপদেষ্টা হইয়াছিলেন এইটাই অমার্জনীয় দোষ। ইহাতে দৃঢ়ভাবে অনুমান করা যায় যে বুদ্ধের বহুকাল পূর্ব্বাবধিই ব্রাহ্মণের বর্ণের পক্ষে শাস্ত্র অধ্যাপনা বিশেষরূপে গর্হণীয় হইয়া দাঁড়াইয়াছিল। অপর বুদ্ধদেবের ইতিহাসেও দেখা যায় যে, উচ্চ বর্ণের মধ্যে তাঁহার পছন্দ অপ্রচারের একটা প্রধান কারণ ব্রাহ্মণের অস্তিত্ব। তাঁহার অনন্তকাল পূর্ব্বাবধি ব্রাহ্মণগণ শাস্ত্রের যেকোন ছুটি অর্থ প্রচার করিয়াছিল তাহাতে ক্ষত্রিয়কুলোদ্ভব শাক্যসিংহের পক্ষে সদ্‌ব্যখ্যা উপায়েয় করিয়া প্রচার করা একরূপ অসম্ভব হইত, ইহা নিশ্চিত। বেদের ভিত্তিতে বহুকাল যাবৎ যে সকল অসত্য ও অমঙ্গল প্রতিষ্ঠিত হইয়াছিল বেদের প্রামাণ্য স্বীকার করিলে তাহার নিরাকরণ কখনই সম্ভবপর হইত না।

এখানে স্মরণ রাখিতে হইবে যে, ছুটি রাজা ও তাহাদের পৃষ্ঠপোষক ব্রাহ্মণদিগের অত্যাচারে তাহাদের ও সাধারণ প্রজাবর্ণের ভিতর গভীর নিশ্চিন্তার নদী বহমান হইয়াছিল। বেদবাদেরত নান্যদন্তীতিবাদী পণ্ডিতমতাদিগের চক্ষে বহুব্যয়সাধ্য যজ্ঞাদির দ্বারা কামোপভোগাঙ্গির জন্ম ইন্ধন সংগ্রহ করাই জীবনের একমাত্র উদ্দেশ্য হইয়া দাঁড়াইয়া ছিল। ব্রাহ্মণদিগকে ভূরি দক্ষিণায় বশীভূত করা নিঃস্ব প্রজাদিগের পক্ষে অসম্ভব। সুতরাং ইহাদের চক্ষে প্রজাগণ পশুতুল্য নগণ্য, উভয়লোক হইতে বঞ্চিত। প্রজাদিগের মধ্যে কেহ কিছু অর্থ সম্পন্ন হইয়া ব্রাহ্মণদিগের দৃষ্টি আকর্ষণ করিতে পারিলেই তাহাদের জন্ম নূতন জাতি সৃষ্টি হইত, তাহাতে অপরাপর প্রজার আরও অবনতি ঘটিত। রাজপুত্রগণ নীচবংশোৎপন্ন হইয়াও চুরি ডাকাইতি করিয়া অর্থবলে ক্ষত্রিয় হইয়া দাঁড়াইল। এখনও বাঙ্গালাপ্রদেশে কৈবর্ত অর্থবলে কায়স্থ হইতেছে শুনা যায়। সাধারণ্যে শাস্ত্রের প্রচার না থাকায় ব্রাহ্মণগণ ইচ্ছামত শাস্ত্র গড়িতে পারেন এবং ইচ্ছামত ব্যবহার চালাইতে সক্ষম হন। জাতির সংখ্যা বাড়িলে তাহার সঙ্গে সঙ্গে বিশেষ বিশেষ ক্রিয়া কর্ম্মও বাড়িয়া যায় ও তাহাতে ব্রাহ্মণদিগের উপার্জনের রাস্তা খুলে।

এই সকল উৎপীড়িত নীচজাতির উদ্দেশ্যেই বুদ্ধদেবের উপদেশ প্রধানতঃ প্রবর্তিত। এবং এই জন্ত ঘৃণিত প্রাকৃত ভাষা বৌদ্ধদিগকে ব্যবহার করিতে হয়। চারি শ্রেণীর বৌদ্ধদিগের অপর ছুইটি সাধারণ মত এখানে আলোচ্য। জগতে ঈশ্বর নাই ও মনুষ্যে আত্মা নাই— যোগাচার, মৌগত, মাধ্যমিক, বৌদ্ধ চারি সম্প্রদায়েরই ইহা মত। এই মতের ভাবার্থ পাইবার জন্ত একটুকু বিস্তারিত আলোচনার আবশ্যক। স্ববিধার জন্ত আলোচনা ছুই ভাগে বিভক্ত করা আবশ্যক। প্রথমে দেখিতে হইবে এই ছুইটি মত ধারণার নিষ্কণ্ট ফল কি। তাহার পর আলোচ্য যে কি কারণে উপস্থিত ভাবে এই ছুইটি মত প্রকটিত হইয়াছে। যাহারা সৎ, বস্ত বা ব্রহ্মের সত্তা বিশ্বাস করেন তাহারা জানেন যে আমরা উহার সম্বন্ধে যাহাই ভাবি না কেন উনি তাহাতে অস্পৃষ্ট। ভ্রম অর্থ আর কিছুই নয় কেবল সত্ত্বস্তর স্বরূপ সম্বন্ধ আমাদের মনের সংকল্প বিকল্পকে সৎ বা সত্য বলিয়া ধারণ। আর যদি ইহা স্বীকার করা যায় যে সৎ আছেন এ জ্ঞান ধারণের বৃত্তি আমাদের বুদ্ধিতে আছে তাহা হইলে ইহা স্পষ্ট প্রতীয়মান হইবে যে সৎ সম্বন্ধে যথার্থ ধারণার উদয় হইলে সংকল্প বিকল্প আর থাকিবে না। সংকল্প বিকল্পশূন্য যে অবস্থা তাহাতে যদি জাগতিক অন্তর ও বহির্বস্তুর জ্ঞান না থাকে এবং সে অবস্থা যদি স্নস্তুতি, মুচ্ছা প্রভৃতির অবস্থা হইতে ভিন্ন হয় তবে অবশ্যই সে অবস্থায় যথার্থতঃ সৎপ্রকাশিত হইবে। বেদান্তশাস্ত্রে এই অবস্থারই নাম তুরীয় অবস্থা। মনখালি হইলে অবশ্যই সৎ বিদিত হন যেহেতু সৎস্বপ্রকাশ। একথা ব্রাহ্মণ আচার্যগণ ঋতি সম্মত বলিয়া গ্রহণ করেন। এখন দেখিতে হইবে যে আমি নাই, ঈশ্বর নাই এই জ্ঞান পরিপক্ব হইলে পূর্বোক্ত তুরীয় অবস্থা উদিত হয় কি না। অনাত্মবাদী বৌদ্ধ এ ধারণা ত্যাগ করেন যে ইঞ্জির মন ও শরীরের কোন ব্যাপারে আমি আছি। এবং নিজের শরীর ও জগৎ আছে ও আমি নাই এইরূপ ধারণাবলে মন ক্রমশঃ নির্কাসনা হইয়া “আমি নাই” এই ভাব বা জ্ঞান থাকিয়া যায়। অতএব প্রথম অবস্থার জ্ঞান যে “আমি আছি” ও সাধনজনিত জ্ঞান যে “আমি নাই” এই ছুই পরস্পর আপেক্ষিক জ্ঞানের অস্তিত্বে দাঁড়ায় এই যে মন ও বুদ্ধির সকল প্রকার ব্যাপার সাম্যাবস্থায় আসিয়া কেবল সৎ ভাসমান থাকে। তাহাই পঞ্চদশীতে উক্ত হইয়াছে :—

সর্ববোধে ন কিঞ্চ শ্রাৎ যদ্বিকল্পতদেবতৎ ॥

সর্ব বিষয়ের ব্যাবৃত্তিতে কিছুই থাকে না—যাহাকে কিছুই না বলিতেছ তাহাই সৎ। এই যে “কিছুই না” জ্ঞান তাহারই সর্কাতীত সাক্ষীকে বেদান্তে আত্মা বা চৈতন্য বলা হয়। এই চৈতন্য ব্যক্তির হিসাবে জীবাত্মা ও জগতের হিসাবে পরমাত্মা। অতএব বৌদ্ধ যতি যখন ঈশ্বর ও আত্মার অনস্তিত্ব অল্পভব করেন তখনই উভয়েরও সাধারণ আধার যে সৎ তাহারও উপলব্ধি হয়। এই সৎ নির্কিশেষ তাহার সম্বন্ধে কোন বিশেষণ প্রয়োগ করা যায় না। এমন কোন চিহ্ন নাই যদ্বারা তাহাকে চিনিতে বা চিনাইতে পারা যায়। কেবল মন্দ বুদ্ধি সাধকের প্রতি অল্পকম্পাবশতঃ ঋতিতে তাহার সবিশেষ নিরূপণের দ্বারা ক্রমশঃ স্তির সোপানে গঠিত হইয়াছে। একথা বৈদান্তিক সম্প্রদায়ের প্রচলিত আছে :—

নির্কিশেষঃ পরাত্মানং সাক্ষাৎ কর্তৃমনীষরাঃ ।

যে মন্দা স্তানল্পকম্পস্তে সবিশেষ নিরূপণৈঃ ॥

বৌদ্ধদিগের সর্বব্যাবৃত্তি * ঋতিতে অতদব্যাবৃত্তিরূপে† ব্রহ্ম নিরূপণ মাত্র।

এই সকল কথা বিশেষরূপে বিবেচনা করিলে স্পষ্টরূপে পাওয়া যায় যে, জীব নম্বর কি অনম্বর সে বিষয়ে শিক্ষা দেওয়া বৌদ্ধতন্ত্রের যথার্থ উদ্দেশ্য নহে। সৎ যে মনোবাক্যের অতীত এই জ্ঞান দেওয়াই ইহার লক্ষ্য। এই জ্ঞানই পরম পুরুষার্থসাধক কেননা সত্য জানিতে পারিলে আর ছঃখের সম্ভাবনা থাকে না। স্নস্তুত ছঃখের সহিত যথার্থতঃ তোমার সম্পর্ক নাই এই জ্ঞানের পর ছঃখের ভয় ও স্নস্তুতের আশা উভয়ই অন্তর্হিত হইয়া যায় ও চিরশান্তি বিরাজমান থাকে।

যে অবস্থায় বৌদ্ধ আগমের অভ্যুদয় তাহার উপর লক্ষ্য রাখিলে ইহার বাহু আকার যে কেন এত নিবেদ্যাক, কেন সাক্ষাৎ বিধিমুখে সৎসম্বন্ধে কোন উপদেশ নাই তাহা সম্যক বুঝিতে পারা যায়। যে আত্মার কামনাগ্নি অনন্তভোগেও শমিত হয় না, যে ঈশ্বর দরিদ্র ছঃখী অক্ষমের প্রতি পাষণ্ডবৎ উদাসীন, তাহার নিবেদ্যই যুক্তিযুক্ত। এতদুভয়ের নিবারণ বিনা তৎকালের ব্যবহারিক ও আধ্যাত্মিক দৌরাত্ম্য নিবারণের উপায়ান্তর ছিল না।

নূতন আধ্যাত্মিক স্রোতে জাতিবন্ধন ভাসিয়া গেল এবং কালসহকারে যদিও ভারতবর্ষে জাতিভেদ পুনর্জীবিত হইয়াছে তথাপি হিন্দুস্থানে আর কখনও পূর্ববৎ বললাভ করিতে সক্ষম হয় নাই। কাননিক ধর্ম্মাধর্ম্ম স্থানে পুনরায় নৈতিক উৎকর্ষ সিংহাসনাভিষিক্ত হইল ও সর্কভূতে দয়া মনুষ্য চরিত্রের উপর অধিকার লাভ করিল। প্রসঙ্গক্রমে উল্লেখ করা যাইতে পারে যে, বহুকালের পর বৌদ্ধধর্ম্মের প্রভাবে ভারতবর্ষ মানসিক স্বাধীনতা লাভ করিবার একটি ফল এখনও বর্তমান। বৌদ্ধদিগের নিশ্চিত অজস্তার মন্দিরের সৌন্দর্য্য ব্রাহ্মণদিগের সমধর্ম্ম কীর্ত্তিকলাপ লোপ করিয়া জগতে সর্কত্র সমাদৃত হইয়াছে—ইহার প্রধান কারণ বৌদ্ধদিগের মানসিক স্বাধীনতা ও ব্রাহ্মণদিগের নিয়মের দাসত্ব।

বৌদ্ধধর্ম্মের জন্ম যে অবস্থায় ঘটে তাহাতে তাহার এক বিষয়ে অপূর্ণতা অবশ্যস্তাবী। বৌদ্ধধর্ম্ম দীন ছঃখীর ধর্ম্ম। যাহার মমতা করিবার কেহ নাই বৌদ্ধধর্ম্ম তাহাকেই কোলে তুলিয়া লয়। ভগ্ন হৃদয় বৌদ্ধধর্ম্ম জোড়া দেয়, উৎপীড়িতের চক্ষের জল মুছায়। বাসনার বস্ত্র নাই—ইহা ব্রাহ্মইয়া বৌদ্ধধর্ম্ম মানুষকে শান্ত করে। আধ্যাত্মিক পূর্ণতা লাভ করিয়া রাজ্য করা বৌদ্ধধর্ম্মের বিরোধী নহে কিন্তু ফলাভিসন্ধি ঈশ্বরে সমর্পণ করিয়া রাজকার্য্যের সাহায্যে যে মানুষ পূর্ণতা প্রাপ্ত হইতে পারে একথা বৌদ্ধধর্ম্মে নাই। নিষ্কাম কর্ম্ম যে পবিত্রতা লাভের একটা প্রথম উপায় ইহা বৌদ্ধের ভিতর নাই। রাজনৈতিক মহত্ব যে ভারতবর্ষে

* “আত্মা নাই” বা “আত্মা কিছুই নহে” এইরূপে সর্কপ্রকার বিদিত ও অবিদিত পদার্থের আত্মহ নিবেদ্য।

† লক্ষ্য বস্ত্র যাহা নহে তাহাকে মন হইতে সরাইয়া লক্ষ্য বস্তুর নিরূপণ।

প্রচলিত, প্রাচীন বৌদ্ধধর্মের সহিত অসঙ্গত তাহাতে সন্দেহহীন অল্প। বৌদ্ধধর্মের অপেক্ষাকৃত আধুনিক যে বিকাশ দেশান্তরে ঘটিয়াছে তাহার সহিত আমাদের বিশেষ কোন সম্পর্ক নাই। পার্শ্ববর্তী রাজত্বের সহিত ধর্মরাজের সংঘর্ষে বৌদ্ধধর্মের এদেশে অবনতি। জটিল ক্রিয়াকলাপের সহিত সন্মিলন ধর্মের আয়তন। এবং ব্যাপককাল রাজ্যের সহিত ঘনিষ্ঠতা সম্পর্ক রাখিয়া কখনও কোন ধর্ম ক্রিয়াত্মক শূন্য থাকিতে পারে না। রাজকার্য বড়ই জটিল। সরল আধ্যাত্মিক ধর্মের অধিক কাল তাহার সহিত স্বচ্ছন্দে একত্র বাস অসম্ভব। এই অসম্ভব কর্তৃক আক্রান্ত হইয়া বৌদ্ধধর্ম অচিরে পরাভূত হইল। ব্রাহ্মণ ও বৌদ্ধধর্মের মধ্যে যে রূপ প্রতিবন্দীতা ছিল তাহাতে বৌদ্ধধর্ম ব্রাহ্মণদিগের যথার্থ সাংস্কৃতিক ক্রিয়া সকলে গ্রহণ করিতে অসমর্থ হইয়াছিল। কাজেকাজেই অনাথ্য ক্রিয়াকলাপ তাহাতে প্রবেশ করিতে লাগিল। বৃক্ষ ও নাগ পূজা ও বিবিধ ঐশ্বর্যজনক ক্রিয়া বৌদ্ধধর্মের অঙ্গীভূত হইয়া পড়িল। পরিশেষে “মানতী মাধবে” দেখা যায় যে বৌদ্ধ জাহ্নবীর নামান্তর মাত্র।

এ দেশে বৌদ্ধধর্মে দুই শ্রেণীর ফল প্রসব করিয়াছিল। এদিকে সাধারণ লোকে ইহার সাহায্যে বিশুদ্ধ আধ্যাত্মিক ধর্ম লাভ করিয়াছিল। অত্রদিকে ইহা ব্রাহ্মণদিগকে নিজ ধর্ম সংস্কার করিতে বাধ্য করিয়াছিল। ভারতবাসীর উপর এখন খৃষ্টধর্ম অল্পরূপে প্রভাব বিস্তার করিতেছে। বৌদ্ধধর্মের সংস্পর্শে প্রথমতঃ সাংখ্য দর্শনের পুনরুদ্ধার হয়। বেদকে প্রামাণ্য বলিয়া যে সকল দর্শন স্বীকার করে সাংখ্যদর্শন তাহার মধ্যে বৌদ্ধধর্মের সর্বাপেক্ষা সারিকটস্থ ঈশ্বর কৃষ্ণের কারিকা বোধ হয় নিজ জাতীয় যাবতীয় গ্রন্থ হইতে পুরাতন। ইহার ভাষ্যকার গোড়পাদাচার্য্য শঙ্করাচার্য্যের গুরু গুরু। ইনি মথুরা উপনিষদের কারিকাকার। এই কারিকা দেখিলেই সহজে উপলব্ধি হয় যে ইহার রচনাকালে বেদান্ত দর্শন বর্তমান আকার ধারণ করে নাই। গোড়পাদের শিষ্য গোবিন্দনাথ। বৈদান্তিক সম্প্রদায়ে একটা প্রবাদ প্রচলিত আছে যে, ইহারই অশ্রু নাম পতঞ্জলি এবং এই শেফালী নামে ইনি যোগসূত্রের রচয়িতা।

সাংখ্য দর্শনকে বৌদ্ধ মতের সর্বাপেক্ষাসম্মিকটস্থ বলিবার হেতু দুইটি। প্রথমতঃ যদিও ইহাতে বেদকে প্রমাণের মধ্যে ধরেন তথাপি সে প্রমাণের কার্যতঃ প্রয়োগ সাংখ্যাচার্য্য দিগের মধ্যে দেখা যায় না। বৌদ্ধ দর্শনের শ্রায় সাংখ্য দর্শনেও কেবল প্রত্যক্ষ ও অল্পমান এই দুই প্রমাণের ব্যবহার দেখা যায়। বৌদ্ধ ও সাংখ্য উভয়ই নিরীশ্বরবাদী। উভয় মতেই অচেতন কারণ হইতে জগতের উৎপত্তি। সাংখ্য দর্শন নিরায়বাদী নহে কিন্তু সাংখ্যের কৈবল্য বৌদ্ধদিগের কি বহুদূরবর্তী?

এবং তত্ত্বাত্ম্যসাৎ নাতি নামে নাহং ইত্য পরিশেষঃ।

অবিপর্যয়াস্তি শুদ্ধং কেবলং উৎপত্ততে জ্ঞানং ॥ সাংখ্যকারিকা ॥ ৩৪ ॥

উদত্তর পাতঞ্জল দর্শনের আবির্ভাব। সাংখ্যদর্শনের বিস্তৃতিসম্পাদন করিয়া ভগবান পতঞ্জলি বড় বিংশ তত্ত্ব বলিয়া ঈশ্বর অঙ্গীকার করিলেন। বিবেকানন্দ কেবলীভূত যজ্ঞশাস্ত্রপত্তি।

বৌদ্ধমতের সহিত যোগের প্রভেদ সাংখ্য অপেক্ষা অধিক এবং ইহা ঔপনিষদিক মতের অপেক্ষাকৃত নিকটবর্তী। তবে ইহাতে প্রকৃতিহইতে বিচ্ছেদই পরম পুরুষার্থ বলিয়া নির্দিষ্ট হইয়াছে। বৌদ্ধমতের সহিত এইস্থলেই কথঞ্চিৎ সাম্য রহিয়াছে।* বৌদ্ধদিগের ভারতবর্ষে প্রাচুর্য্যকালে মীমাংসা দর্শনের অভ্যুদয় দেখা যায় না।

ভারতবর্ষে বৌদ্ধধর্মের বিনাশ এবং পূর্ব ও উত্তর মীমাংসার পুনরুদ্ধার সময়ান্তরে আলোচিত হইবে।

শ্রীমোহিনীমোহন চট্টোপাধ্যায় ।

বিদ্যাপতি ।

পশিলে তোমার অন্তঃপুরে,
রোদ্রে দৃষ্ট দিবাচর, হয়ে যায় শ্রামময়,
বসিয়া হোথায় শ্রাম সরোবর তীরে ।
শীকর সম্পূর্ণ বায়শীতলিয়া যায় কায়
—হৃদয় কমলগন্ধ নাসারক্কে, যিরে ;
আত্মাণিয়া জাগে হিয়া হৃদয়-কুটীরে ;
দেখাইয়া শত পথ, পূর্ণ কর মনোরথ,
পবিত্র তীরের সাথী হেন আর কে রে,
চল নিরখিতে শ্রামে যমুনার তীরে ।
এল এল মধুমাস, কাজ নাই বেশ বাস,
আঁকা সে মধুরহাস প্রতি শিরে শিরে !
চল নিরখিব শ্রামে যমুনার তীরে !
এখনো আহির নারী লইয়া গাংরি ঝারি,
শ্রাম প্রতিবিষ তথা হেরে শ্রাম নীরে !
তেমতি বিগঙ্গগীত কুঞ্জ কুঞ্জ উথলিত,
কম্পিত মাধবীলতা মুছ বায়ে ধীরে
শিহরিত কম কায়, তেমতি কদম ভায়,
ফুলে ফুলে অলি ধায় মধু গুঞ্জরণে !
চকিত হরিণীনেত্র বাঁশরীর স্বনে ।
তাজি কুল লাজ বাধা, অভিসারে চলে রাধা,
মুখর নুপুর রুণু ধ্বনিত চরণে ।
তাজিতে কি পারে শ্রাম স্তম্বনাবনে ।
চল নিরখিতে শ্রামে যমুনা পুলিনে । শ্রীগিরীন্দ্রমোহিনী দাসী ।

রবির প্রেম।

প্রতিদিন উষাকালে,
তুমি জ্যোতির্ময় রবি,
কারে দিতে উপহার
হৃদয়ের প্রেম ছবি,—
কালকাল তুচ্ছ করি
যুগ যুগান্তর ধরি
গাহিছ প্রণয় গীতি,
তরুণ অরুণ কবি?
হেথায় কে বুঝে তব
হৃদে কি গভীর মেহ?
প্রাণের অসীম রূপ
ধরিতে কি জানে কেহ?
ফুটাইতে পূর্ণ হাসি
আনন্দের জ্যোতি চালো,
সহিতে কে পারে হেথা
অত প্রেম, অত আলো!
হাসিতে স্নেহের হাসি
“তাপ” তাপ উঠে তান!
প্রেমের বাসনা যত
বিলাপেতে অবসান!

হেথায় আকঙ্ক্ষা শুধু,
তৃপ্তি কেহ নাহি চায়!
চাহে প্রেম ততক্ষণ
যতক্ষণ নাহি পায়!
রূপ হেথা শুধু কথা,
চাহেনা স্বরূপ রূপ!
সম্মুখে অনন্ত সিন্ধু
তারি খুঁজে মরে কুপ!
হেথায় চাহে না ভাব
শুধু তারি চাহে কথা!
চাহে না হেথায় স্মৃথ
শুধু তারি চাহে ব্যথা!
সত্যের আদর নাহি
শুধু তারি চাহে মায়া!
কে হেথা আলোক চাহে
শুধু তারি চাহে ছায়া!
এই কি বিশ্বের ধারা
সসীমে অসীম লয়!
তবে কেন অশ্রুজল?
এ অশ্রু মোছার নয়!

শ্রীশ্বর্নকুমারী দেবী।

স্বরলিপি।

সঙ্কেতের ব্যাখ্যা।

স র, গ, ম, প, ধ ন = শুদ্ধ স্বর।
রো, গো, ধো, নো = কোমল স্বর।
মী = কড়ি মধ্যম।

মধ্য সপ্তকের স্বরে কোন চিহ্ন থাকে না। উপরের সপ্তকের স্বরের মাথায় রেফ্ এবং নিম্ন সপ্তকের স্বরের নীচে হসন্ত থাকে যথ, স, স, স্।

সহজে একটা অক্ষর উচ্চারণ করিতে যতটুকু সময় লাগে তাহাকে একমাত্রা কাল কহে। একটি স্বর যতগুলি মাত্রা অধিকার করিয়া থাকিবে, তাহার মাথার উপর সেই চিহ্নিত অঙ্ক দেওয়া যাইবে। যথা :—স^১ এই স্বরটা একমাত্রা কাল স্থায়ী অর্থাৎ শুদ্ধ সা উচ্চারণ করিতে যে সময় লাগে সেই সময় পর্যন্ত স্বরটি স্থায়ী।

স^২—ইহাতে সা উচ্চারণ করিয়া আর এক আ পর্যন্ত টানিয়া রাখিতে হইবে। যথা, সা—আ।

স^৩—ইহাতে সা উচ্চারণ করিয়া আর দুই আ পর্যন্ত টানিয়া রাখিতে হইবে। যথা, সা—আ—আ—ইত্যাদি।

আবার কোন মাত্রা চিহ্নিত স্বরের পূর্ববর্তী স্বরে কিম্বা স্বরগুলিতে যদি মাত্রাচিহ্ন না থাকে তাহা হইলে বুঝিতে হইবে যে, মাত্রা চিহ্নিত স্বরের কাল-মধ্যেই ঐ সব স্বরগুলি উচ্চারিত হইবে। যথা :—

সর^১।—এখানে একমাত্রাকালের মধ্যে দুটি স্বরই বাজাইতে হইবে।

সরগ^১।—একমাত্রা কালের মধ্যে তিন স্বরই বাজাইতে হইবে।

আবার সর-গ^১ ও সরগ^১ য়ে বিশেষত্ব আছে। সর-গ^১, এ স্থলে কশির বাম পার্শ্বস্থিত স্বরের মাত্রা কাল তাহার দক্ষিণ পার্শ্বস্থিত স্বরের মাত্রা কালের সমান, অর্থাৎ ‘সর’ ইহা অর্ধ মাত্রা কাল স্থায়ী এবং ‘গ’ ইহা অর্ধ মাত্রা কাল স্থায়ী। কিন্তু সরগ^১য়ের প্রত্যেক স্বরের মাত্রাকালসমান, স একতৃতীয়াংশমাত্রিক, র একতৃতীয়াংশমাত্রিক, ও গ একতৃতীয়াংশ মাত্রিক, তিনে মিলিয়া পূর্ণ একমাত্রা সম্পন্ন।

সর^২—এ স্থলে বাম পার্শ্বস্থিত ক্ষুদ্র ‘স’কে ভূমিকা বলা যায়, তাহা মীড়ের কাজ করে, সর^১ ও সর^২ ইহাদের প্রভেদ এই যে সর^১ র প্রত্যেক অক্ষরের মূল্য আছে ‘স’র মূল্য অর্ধমাত্রা ও ‘র’র মূল্য অর্ধমাত্রা, উভয়ে মিলিয়া একমাত্রা। কিন্তু সর^২র ‘স’য়ের

কোন মূল্য নাই, এখানে শুধু 'র'ই পূর্ণ একমাত্রা। 'স'কে শুধু কোনমতে তাড়াতাড়ি স্পর্শমাত্র করিয়া প্রধান সুর র' বাজাইতে হয়।

দেড়মাত্রা নিম্নলিখিত উপায়ে বুঝাইতে হয়; প'প'ম'। এখানে প্রথম 'প'র মূল্য একমাত্রা

দ্বিতীয় 'প'র মূল্য অর্ধমাত্রা, উভয়কে বন্ধনীতে আটক করিতে উহার বিভিন্ন 'প' না হইয়া একটা দেড়মাত্রা কাল স্থায়ী 'প' হইল। বন্ধনী না থাকিলে উহার দুই স্বতন্ত্র 'প' হইত, একটার মূল্য একমাত্রা অপরের মূল্য অর্ধমাত্রা। এখন উহাদের স্বতন্ত্ররূপে দুইবার করিয়া না বাজাইয়া শুধু প্রথম প বাজাইয়া দেড়মাত্রা পর্যন্ত তাহাকে টানিয়া রাখিতে হয়।

[] এই ত্র্যাকেট পুনরাবৃত্তির চিহ্ন, যে অংশ ইহার অন্তর্ভুক্ত থাকিবে তাহা দুইবার বাজাইতে হইবে।
{ } দ্বিতীয়বার আবৃত্তির কালে কতকগুলি সুর বাদ দিতে হইলে তাহারা এই বন্ধনীতে আটক থাকে, ইহার অন্তর্ভুক্ত সুরগুলিকে দ্বিতীয়বারের বেলা না বাজাইয়া ডিঙ্গাইয়া যাইতে হইবে।

কলির শেষে আ—প্র থাকিলে প্রথম কলির আরম্ভে প্রত্যাবর্তন বুঝায়।

শেষ = আরম্ভে প্রত্যাবর্তন করিয়া গান যেখানে শেষ করিতে হইবে।

আ = আরম্ভে প্রত্যাবর্তন কালে কোন কোন স্থলে প্রথম দুই একটা সুর বাদ দিয়া আরম্ভ করিতে হয় সেই স্থলে যে সুরের মাথায় 'আ' থাকিবে সেই সুরে ধরিতে হইবে।

কখন কখন স্বরশ্রেণীর কোন কোন সুরের মাথায় উপর আর এক শ্রেণী সুর থাকে। তখন বুঝিতে হইবে যে পুনরাবৃত্তির কালে গানের পদে নীচের সুরের বদলে সেই উপরের সুর সংযোজন করিতে হইবে। নিম্নে যে গানের স্বরলিপি দেওয়া হইয়াছে তাহাতে ইহার দৃষ্টান্ত পাওয়া যাইবে।

প্রত্যেক তাল কতকগুলি নির্দিষ্ট মাত্রার বিভক্ত যেমন কাওয়ালি চতুর্মাত্রিক, একতালা ত্রিমাত্রিক ইত্যাদি। চতুর্মাত্রিক তালযুক্ত গানের স্বরলিপিতে প্রত্যেক চারিমাত্রা অন্তর এক একটা দাঁড়ির চিহ্ন থাকিবে। সেইরূপ অথ কোন তালযুক্ত গানের স্বরলিপিতে নির্দিষ্ট সংখ্যক মাত্রার পর তালের পূর্ণ আবৃত্তি বুঝাইবার জন্ত এক একটা দাঁড়ির চিহ্ন থাকিবে।

যে স্থলে মাত্রা চিহ্নিত কশির নীচে গানের পদের স্থানে কশি টানা থাকিবে সে স্থলে বুঝিতে হইবে যে তাহার অব্যবহিত পূর্বের সুরের রেশ চলিতেছে কিন্তু যে স্থলে নীচে কোন কশি নাই সে স্থলে নির্দিষ্ট সংখ্যক কাল পর্যন্ত বাজনা বা গলা ছাড়িয়া রাখিতে হইবে।

মগ'। ম' নো' ধ'। ধন' ন' স'। নস'র' স'ন' ন'। স'। —' স'।
শু' ক' ক' ক' ক' বা য়' ব — হে যায় তার

ন' স' ন'। স'র' স' স'ধ'। ধনো' ধনোস' নো'। ধ'। —' ধ'।
কা নে কা নে কি যে ক — হে যা য তাই

“রুক রুক বায়ু বহে যায়” “কানে কানে কি যে কহে যায়” এই দুই স্থলে প্রথম “যায়” তিন মাত্রা কাল টানিয়া রাখিয়া তাহার পরে একমাত্রা কাল ছাড়িয়া দিতে হয়। দ্বিতীয় “যায়” সে একমাত্রা কালও টানা থাকে।

চিত্রে যেমন আলো ও ছায়ার সমাবেশে চিত্রটা আরো ফুটিয়া উঠে সুরের সেইরূপ মুহু ও প্রবল আওয়াজের তারতম্য রক্ষা করিয়া গাহিলে গানের ভাবটী সম্যক্রূপে ফুটিয়া উঠিয়া গানকে আরও স্মৃষ্টিতর করে।

সুরের আওয়াজের চিহ্ন এইরূপ :—

প্রবল আওয়াজ	(ব)
মুহু আওয়াজ	(মু)
অতি প্রবল আওয়াজ	(বব)
অতি মুহু আওয়াজ	(মুম)
মধ্য বলের চিহ্ন	(ম)
আওয়াজ বৃদ্ধির ঐ	(বৃ)
হ্রাসের ঐ	(হ্র)
ক্রমশঃ বৃদ্ধির ঐ	(ক্র-বৃ)
ক্রমশঃ হ্রাসের ঐ	(ক্র-হ্র)

এই অক্ষরগুলি স্রবিধা বুঝিয়া পদের নীচে কিম্বা সুরের মাথায় বসিবে।

কোন বিশেষ চিহ্নের পর যত দূর এইরূপ বিন্দুশ্রেণী..... থাকিবে তত দূর পর্যন্ত সেই চিহ্নের কার্য চলিবে।

পারস্য গজল্।

কথা—হাফেজ*।

স্বর—শ্রীমতী সরলা দেবী।

মিশ্রসিক্কানাদা—কাওয়ালী।

হেজাবে চেহেরয়ে জী মেশব্দ গোবারে তনম্।†

খোশাদমেকে জী চেহেরা পরদা বরফগনম্ ॥

চনী কফস্ নসজায়ে চুমনে খোশেল্হানেস্ত্ ॥

রবম্ বগোলশনে রেজোরী কে মুরগেআ চমনম্।

সঃ রঃ রঃ । রগোমঃ গোঃ রঃ সঃ । রঃ মঃ মঃ মঃ । পঃ মঃ । পধঃ নোসঃ
 হে জা বে চে হে র য়ে জী — মে শ ব্দ গো বা —
 (ক্র-বৃ).....শেষ । (ব).....

—ঃ । নোধঃ পমঃ —ঃ । —ঃ পঃ পঃ । মপঃ মগোঃ রসঃ নোঃ । মঃ পঃ
 — — — — — রে ত ন — — ম। থো শা

 (ক্র-হৃ).....(আ-প্র) (ম)...

পঃ । পমঃ নোঃ নোঃ নোঃ । নোঃ পঃ পঃ মঃ । পঃ মঃ মগোঃ রঃ ।
 দ মে — কে জী চে হে রা প র দা ব র

* এই গানের উচ্চারণের প্রতি দৃষ্টি রাখা আবশ্যিক।

ফ র উচ্চারণ ইংরাজী F এর তুল্য

জ " " Z " "

ব " " V " "

থ র উচ্চারণ কিছু অদ্ভুত ; 'আঃ' এই শব্দটি বিসর্গের উপর জোর দিয়া উচ্চারণ করণান্তর হসন্ত থ উচ্চারণ করিতে চেষ্টা করিলে অনেকটা থ এর উচ্চারণ আসিবে। পূর্বের স্থায় 'আঃ'র পর হসন্ত থ উচ্চারণ করিতে চেষ্টা করিলে অনেকটা গুর উচ্চারণ হইবে।

কর উচ্চারণ লিখিয়া বুঝান কাঠন।

† এই গানের অর্থঃ—আমার শরীরের ধূলা (মনের পানি) উড়ে প্রাণপ্রিয়ের প্রেমমুখ আবৃত করে।

সেই আমার শেষ নিঃশ্বাসই স্বপ্নের হবে যখন সে প্রেমমুখ হতে ঐ শরীরাবরণ ফেলে দেবে।

আমার মত এমন খোশআওয়াজ পাখীর এ পিঞ্জর উপযুক্ত নয়।

আমি স্বর্গের বাগানে চলে যাই কারণ আমি সেই বাগানের পাখী।

রঃ সঃ নঃ ।

নী ক নধ সঃ নঃ রঃ

সঃ রঃ সনোঃ । [নঃ নঃ নঃ । নঃ নঃ নঃ । নঃ সঃ সঃ সঃ । সঃ সঃ সঃ নঃ সঃ ।
 ফ গ নম্ । [চ নী ক ফস্ ন স জা য়ে চু ম নে খো শেল্

... (আ-প্র) (ব).....

সঃ

স্ত

রঃ সঃ । রঃ সঃ গোঃ । —ঃ রঃ গোঃ । রঃ । —ঃ সঃ সঃ ।] মঃ পঃ পঃ ।
 হা — নে — — — — — স্ত চ] র বম ব
 (বব).....

নো নোঃ নোঃ পঃ পঃ । নোঃ নোঃ পঃ । নঃ সঃ সঃ নোঃ ধনোঃ । পঃ মঃ
 গো ল শ নে রে জো রী কে মুরগে আ চ ম ন ম্
 (ব)

গোঃ রসনোঃ ॥

—
 (আ-প্র)

শ্রীসরলা দেবী।

নক্ষত্রদিগের জাতিবিচার।

চার্লস ডারউইন জীবরাজ্যে ক্রমাভিব্যক্তিবাদ প্রচার করিয়া জগতে এক নূতন জ্ঞানরাজ্য প্রতিষ্ঠিত করিয়া গিয়াছেন। ইহার বিধানবলে জ্ঞাত হওয়া যায় যে মানুষের দেহ ক্রমে কীটানুকীট হইতে ক্রমাভিব্যক্তি প্রাপ্ত হইয়া একে একে সকল প্রকার জীবদেহ ধারণ ও পরিহারপূর্বক বর্তমান মানবদেহে পরিণত হইয়াছে। এই বিধানে সৃষ্টিনিয়ন্ত্রণের অত্যাশ্চর্য্য সৃষ্টিকৌশল প্রকাশ পায়, এবং সৃষ্টিরাজ্যে নিয়মের শৃঙ্খলা ও বন্ধন দেখিয়া মানুষের চিত্ত স্তম্ভিত হয়! মানুষ নিজের স্বাতন্ত্র্য ভুলিয়া নিজকে সমস্ত বিশ্বরাজ্যের অঙ্গীভূত বলিয়া অনুভব করে! চার্লসের প্রণোদিত বাদ বিজ্ঞান জগতে 'জীববিজ্ঞান' (Biology) নামে এক নবশাখার অভ্যুদয় করিয়াছে। তিনি কেবল ক্রমাভিব্যক্তিবাদ প্রচার করিয়াই ক্ষান্ত হন নাই; আমাদিগকে এক্ষণে ঐ বাদের প্রত্যক্ষসত্য উপলব্ধি করিবার জন্ম কেবল গ্রহে কিম্বা বহির্জগতে নেত্রপাত করিতে হইতেছে না; আমরা তাঁহারই বংশধরদিগকে ইহার অলস্ত দৃষ্টান্তরূপে গ্রহণ করিতে পারিতেছি।

ক্রমাভিব্যক্তি বা বিবর্তনবাদ জীব জগতে সম্যক পরিষ্কৃত হইতে না হইতেই,—ঐ প্রচারিত সত্য সাধারণের হৃদয়ঙ্গম হইবার বহুবিঘ্ন থাকিতেই,—চার্লসের জ্যেষ্ঠপুত্র জর্জ ডারউইন* উক্ত বিবর্তনবাদের ধ্বজা লইয়া জীবরাজ্য পরিহারপূর্বক নক্ষত্ররাজ্যে উপনীত হইয়াছেন। যে বিবর্তনবলে জীবজগতে এক জাতীয় জীবদেহ হইতে অপর ও উন্নত জাতীয় জীবদেহ সকল ক্রমবিকশিত হইয়া অভ্যুদিত হইতেছে, সেইরূপ বিবর্তন-বশে নক্ষত্র জগতেও দেখা যাইতেছে যে এক জাতীয় নক্ষত্র হইতে অপর নানা জাতীয় নক্ষত্রসকল ক্রমাভিব্যক্তি হইয়া বিরাজ করিতেছে। পিতা ডারউইনের প্রণোদিত বাদ যেমন 'জীববিজ্ঞান' প্রবর্তিত করিয়া গিয়াছে পুত্র ডারউইনের প্রণোদিত বাদও সেই প্রকারে 'নক্ষত্রবিজ্ঞান' (Cosmology) নামে এক বিজ্ঞান শাখা অভ্যুদিত করিয়া জগতের জ্ঞানরাজ্যের পরিসর বিস্তৃত করিয়াছে। পিতা যে বাদকে কীটরূপে সৃষ্টি করিয়া ধরাতলে বিচরণ করিতে ছাড়িয়া দিয়াছিলেন পুত্র তাহার পক্ষ বিস্তৃতি ঘটাইয়া তাহাকে গগনে উড্ডীয়মান করিয়া দিলেন, ইহা দেখিয়া যেমন একদিকে কীট হইতে পতঙ্গের ক্রমাভিব্যক্তি জ্ঞাত হওয়া যাইতেছে তেমন অপর দিকে পিতা হইতে পুত্রের ক্রমাভিব্যক্তি প্রকাশ পাইতেছে।†

* G. H. Darwin, Plumian Professor of Astronomy & Experimental Philosophy, Cambridge University.

† হিন্দু পাঠকের নিকট এই শৈবোক্ত বাদ নূতন না হইতে পারে। মহাভারতে বক্রবাহন সংবাদ ইহার অলস্ত দৃষ্টান্ত।

নক্ষত্রদিগের ক্রমাভিব্যক্তি বিষয়ে কোন কথা বলিবার পূর্বে ব্রহ্মাণ্ডে যতজাতীয় নক্ষত্র আছে তাহাদের স্বরূপ জ্ঞাত হওয়া আবশ্যিক, অতএব 'নক্ষত্ররাজ্যে বিবর্তন' বিচারের সূচনাস্বরূপ বর্তমান প্রবন্ধে তাহাদিগের জাতীয়ত্ব পর্যালোচনা করা যাইতেছে।

গগনে যত জাতীয় জ্যোতিষ্ক দৃষ্টিগোচর হয় তাহাদের মধ্যে সাধারণতঃ দেখা যায় যে কতকগুলি সদাগতিশীল এবং অপরগুলি অপেক্ষাকৃত স্থির ভাবে অবস্থিতি করিতেছে। সদাগতিশীল জ্যোতিষ্ককে 'গ্রহ' এবং স্থির জ্যোতিষ্কদিগকে 'নক্ষত্র' বলা যায়। নক্ষত্র-দিগকে সাধারণতঃ মুক্তনেত্রে গতিবিহীন দৃষ্ট হইলেও দূরবীক্ষণবলে তাহাদের অতি সূক্ষ্মগতি পর্যবেক্ষিত হয়, এই গতিতে নক্ষত্রের 'স্বকীয় গতি' (Proper motion) বলা হইয়া থাকে। এক্ষণে বহুগবেষণার পর ইহা সিদ্ধান্ত করা হইয়াছে যে ঐ স্বকীয় গতি প্রকৃতপক্ষে নক্ষত্রদিগের গতি নহে; বস্তুতঃ সৌরজগৎ ইহার অধিকারভুক্ত যাবতীয় গ্রহ উপগ্রহ সহ গগনমার্গে বিচরণ করিতেছে, কোন সূর্যাবস্থিত নক্ষত্র ইহাকে স্বীয় বলে আকর্ষণ করিয়া ঐ গতি উপাদিত করিতেছে, এবং সেই গতিবশতঃ সৌরজগতাস্তম্ভৃত ধরাতলবাসী জনসাধারণের নিকট ইহা অস্বীকৃত হয় যেন সৌরজগৎ স্থির রহিয়াছে কিন্তু নক্ষত্রমালা স্বীয় স্বীয় অবস্থিতি হইতে বিচলিত হইয়া কোন নির্দিষ্ট পথে পরিভ্রমণ করিতেছে।

এতদ্বির ইহাও জ্ঞাত হওয়া গিয়াছে যে কতকগুলি নক্ষত্র এইরূপ আছে যে মুক্তনেত্রে তাহাদিগকে একটা নক্ষত্র বলিয়া দেখা যায়, কিন্তু দূরবীক্ষণ প্রয়োগ করিলে তাহারা স্থলবিশেষে দুই কিম্বা ততোধিক নক্ষত্রের সমষ্টি বলিয়া পর্যবেক্ষিত হয়; তাহারা পরস্পর এত সন্নিধানে অবস্থিত যে দূরবীক্ষণ প্রয়োগ না করিলে তাহাদের মধ্যবর্তী দূরত্ব কিছুমাত্র অস্বীকৃত হয় না, অতএব তাহাদিগের সমষ্টিকে একটা মাত্র সোজ্জল নক্ষত্ররূপে নেত্রগোচর করা হইয়া থাকে। ইহাদিগকে 'যুক্ততারকা' বলা যায়।*

জর্মনে জ্যোতিষী 'মায়ার' এই জাতীয় নক্ষত্রদিগের এক তালিকা প্রস্তুত করিয়াছিলেন; তাহাতে তিনি তৎপূর্ববর্তী জ্যোতিষীদিগের এবং তাঁহার নিজের পর্যবেক্ষিত যাবতীয় নক্ষত্রগুলি তালিকাবদ্ধ করিয়া সর্বশুদ্ধ ৮৯টা 'যুক্ত তারকার' স্থিতি ও স্বরূপ প্রকাশ করেন।†

১৭৮১ খৃঃ অঃ পর্যন্ত যে সকল 'যুক্ত তারকা' পর্যবেক্ষিত হইয়াছিল তাহাদিগকেই উক্ত তালিকার অন্তর্ভুক্ত করা হইয়াছে। 'মায়ার' একস্থলে উল্লেখ করিয়াছেন যে,—“যে

* যে নক্ষত্র সমষ্টিতে দুইটা মাত্র সন্নিহিত তারকা দৃষ্টিগোচর হয় তাহাকে 'যমক তারকা' (Double Stars) এবং তদধিক তারকার সমষ্টিকে 'বহুযমিক তারকা' (Multiple Stars) বলা হইয়া থাকে (ভারতী ও বালক, ফাল্গুন ১২৯৪, ত্রিযুক্তা স্বর্ণকুমারী দেবী প্রণীত 'যমক ও বহুযমিক তারকা' শীর্ষক প্রবন্ধে জন্ম।) কিন্তু ভাষা সংক্ষেপার্থ আমি তাহাদিগকে একমাত্র 'যুক্ত তারকা' নামে অভিহিত করিয়াছি।


† Vide 'Astronomische Jahrbuch, 1781'. মায়ারের তালিকাত্তরকাগুলি সমস্তই 'যমকতারকা'।

সকল তারকা মুক্তনেত্রে এক সংখ্যক কিন্তু দূরবীক্ষণ সাহায্যে দুইটা স্বতন্ত্র তারকা বলিয়া দৃষ্টিগোচর হয় তাহাদিগকে 'যমক তারকা' বলা যায়। ইহাদিগের দূরত্বের পরিমাণ কয়েক বিকলা মাত্র; অতএব কোন উৎকৃষ্ট দূরবীক্ষণ ব্যতিরেকে তাহাদিগকে বিচ্ছিন্নভাবে দৃষ্টিগোচর করা সম্ভবপর নহে। ইহাদিগের ধারাবাহিক কালব্যাপী পর্যবেক্ষণদ্বারা ই নক্ষত্রদিগের 'স্বকীয় গতি' আবিষ্কার করা যাইতে পারে।[†] এতদ্বন্দ্বেষ্টে তিনি ১৭৫৬ খৃষ্টাব্দে যুক্ত তারকাদিগের পর্যবেক্ষণারম্ভ করিয়াছিলেন।

যমকতারকা সম্বন্ধে তাৎকালিক জ্যোতিষীদিগের এই ধারণা ছিল যে কোন দুইটা পরস্পর বহুদূরবিস্তৃত নক্ষত্রদ্বয় ধরাপৃষ্ঠ হইতে এক সমন্বয়ে দৃষ্ট হইলে তাহারা 'যমকতারকা' রূপে লক্ষিত হইয়া থাকে, বস্তুতঃ দুইটা নক্ষত্রের আপাতঃদৃষ্ট সম্মিধান কেবল মাত্র ঐ নক্ষত্রদ্বয়ের দৃষ্টিরেখার প্রায় একত্ব ভিন্ন অপর কিছুই নহে। তাহাদের মধ্যে যে প্রকৃতপক্ষে অতিশয় অল্প দূরত্ব রহিয়াছে তাহা তাৎকালিক জ্যোতিষীবর্গের বিশ্বাসসাপেক্ষ ছিল না।

১৭৮১ খৃঃ অঃ ৬ই ডিসেম্বর সার উইলিয়ম হর্শেল রয়েল সোসাইটিতে 'স্থির নক্ষত্রদিগের লম্বন' (On the Parallax of Fixed Stars*) সম্বন্ধে এক প্রবন্ধ প্রকাশ করেন। তাহাতে তিনি ইহা বিজ্ঞাপিত করেন যে নক্ষত্রদিগের দূরত্ব নির্ধারণ করিবার জন্ম তাহাদের 'লম্বন'† পরিমাপার্থ সচেষ্ট হইয়া কিছুদিন যাবৎ তিনি এক নূতন প্রণালীতে কার্য করিতেছেন, এবং ইহাতে আশু ফললাভের সম্ভাবনা দৃষ্ট হয়! সেই প্রণালী এইরূপঃ—

মনে কর ক খ রেখা ধরাক্ষের ব্যাস, এবং ক ও খ বিন্দুদ্বয় হইতে চ ও ছ নক্ষত্রদ্বয় পর্যবেক্ষিত হইতেছে। এস্থলে চ ও ছ এমত ভাবে অবস্থিত যেক হইতে ঐ উভয়কে দৃষ্টি করিলে অতিশয় সন্নিকটবর্তী অনুভব করা যায়। এরূপ স্থলে ইহাদিগকে 'যমক তারকা' বলা হইয়া থাকে। এ স্থলে চ ক ছ কোণের পরিমাণ অত্যল্প মাত্র। কিন্তু খ বিন্দু হইতে পর্যবেক্ষণ করিলে চ খ ছ কোণের পরিমাণ প্রভূত প্রতাপন্ন হয়। আরও দৃষ্ট হইবে যে চ ক ছ ও চ খ ছ কোণদ্বয়ের অন্তর ক চ খ ও ক ছ খ কোণদ্বয়ের অন্তর সমান; অধিকন্তু ক চ খ কোণ চ নক্ষত্রের 'লম্বনের' এবং ক ছ খ কোণ ছ নক্ষত্রদ্বয়ের



* See 'Philosophical Transactions of the Royal Society' 1781, p. 82.

† ধরাক্ষের ব্যাসের প্রান্তদ্বয় হইতে কোন নির্দিষ্ট নক্ষত্রের দিকে রেখা টানিলে ঐ রেখাদ্বয়ের মধ্যবর্তী যে কোণ উৎপন্ন হয় তাহাকে ঐ নক্ষত্রের 'লম্বন' বলা যায়। ঐ কোণের পরিমাণ এবং ধরাক্ষের ব্যাস জানা থাকিলে তাহা হইতে ঐ নক্ষত্রের দূরত্ব সাধন করা যাইতে পারে।

লম্বনের সমান। অতএব ঐ নক্ষত্রদ্বয়ের লম্বনের অন্তর উক্ত চ ক ছ ও চ খ ছ কোণদ্বয়ের অন্তরের সমান। যদি চ ও ছ নক্ষত্রদ্বয় অতিশয় সন্নিক্ত থাকে তবে চ ক ছ ও চ খ ছ কোণদ্বয়ের অন্তর গণনাসাপেক্ষ হয় না, অতএব তদ্বারা 'লম্বন' পরিজ্ঞাত হওয়া অসম্ভব। কিন্তু হর্শেল ঐ সময়ে নক্ষত্রদিগকে অতিশয় সন্নিক্ত বলিয়া ধারণা করিতে পারেন নাই, অতএব তিনি মনে করিলেন যে যমকতারকার দূরত্ব কোণের অন্তর পর্যবেক্ষণ করিতে পারিলেই তাহা হইতে তাহাদের লম্বন সাধন করা যাইতে পারিবে। ১৭৭৯ খৃষ্টাব্দে তিনি এই উদ্দেশ্যে গগন পর্যবেক্ষণ ও 'যুক্ততারকা'গণের সংখ্যা ও স্থিতি নির্দেশ করিতে আরম্ভ করিলেন। পরে দৃষ্ট হইবে যে এই পর্যবেক্ষণফল হইতেই যুক্ত তারকাদিগের প্রকৃত স্বরূপ নির্দেশিত হইয়াছিল!

১৭৮২ খৃষ্টাব্দে ১০ই জানুয়ারি হর্শেল স্বীয় পর্যবেক্ষিত 'যুক্ততারকা'দিগের এক তালিকা প্রকাশ করিলেন; তাহাতে ২৬৯টা নক্ষত্রের স্বরূপ ও স্থিতিগতি প্রদত্ত হইয়াছিল। এই সকল যুক্ততারকার স্থিতিবৈষম্য পর্যালোচনা করিয়া তিনি দেখিতে পাইলেন যে ধরাক্ষবর্তনদ্বারা তাহাদের কোন অন্তর লক্ষিত না হইলেও নক্ষত্রদিগের একটা স্বকীয় গতির আভাস পাওয়া যাইতেছে যদ্বারা ইহা সিদ্ধান্ত হইতেছে যে নক্ষত্রগণের এক একটা স্বকীয় গতি রহিয়াছে*। তাহা হইতে তিনি ইহা অনুমান করিলেন যে, সকল নক্ষত্রই যদি গতিশীল হইয়া থাকে তবে স্বর্ঘ্য কেন গতিবিহীন থাকিবে? অতএব সৌরজগতেও কোন একটা নির্দিষ্ট দিগাহী গতি রহিয়াছে†। কিন্তু তিনি যে উদ্দেশ্যে যুক্ততারকার পর্যবেক্ষণে নিরত হইয়াছিলেন তাহার কোন লক্ষণ জ্ঞাত হইতে পারিলেন না। ইহা হইতে তাহার মনে এই ধারণা হইয়াছিল যে নক্ষত্রগণ পরস্পর হইতে দূরবিস্তৃত হইলেও ধরার কক্ষব্যাসের সহিত তুলনায় ধরা হইতে তাহাদের দূরত্ব অপরিণীম; অতএব পর্যবেক্ষণদ্বারা তাহাদের লম্বনান্তর নিরাকরণ করা সম্পূর্ণ অসম্ভব।

উপরোক্ত সিদ্ধান্তে উপনীত হওয়ার পরও হর্শেল 'যমকতারকা' পর্যবেক্ষণে ক্ষান্ত হইলেন না। তাহার মনের একটা বিশেষ ভাব এই ছিল যে তিনি কোন একটা নবভাব ধারণার আয়ত্ত করিলেও যে পর্যন্ত তাহা সাধারণের প্রত্যক্ষীগোচর বা সহজে হৃদোধ করা হইতে সক্ষম না হইতেন সে পর্যন্ত তাহা কাহারও নিকটে কদাপি প্রকাশ করিতেন না। তদ্ব্যতীত তিনি

* তাহার পূর্বে 'মায়ার' যদিও এই সিদ্ধান্ত করিয়া কার্যে প্রবৃত্ত হইয়াছিলেন কিন্তু হর্শেল তাহার বিন্দুসির্গও জ্ঞাত ছিলেন না! তিনি কদাপি অন্তর তালিকা ব্যবহার করেন নাই; কাবণ তিনি প্রবন্ধে একস্থলে বলিয়াছেন,—“As I intended to view the heavens myself, Nature, that great volume, appeared to me to contain the best Catalogue.”

† হর্শেলের বহুপরে ইহা স্থির সিদ্ধান্তরূপে জ্ঞাত হওয়া গিয়াছে যে নক্ষত্রদিগের স্বকীয় গতি প্রকৃতপক্ষে সৌরজগতের কোন নির্দিষ্ট দিগাহী পরিভ্রমণের ফলমাত্র।

স্বীয় উদ্দিষ্ট ফললাভে বিফল মনোরথ হইলেও কি উদ্দেশ্যে 'যমকতারকা' পর্যবেক্ষণে নিরত রহিয়াছিলেন তাহা কাহারও নিকট প্রকাশ না করিয়া ক্রমাগত ঐ পর্যবেক্ষণে ব্যাপৃত রহিলেন। ১৭৮৪ খৃষ্টাব্দে ৯ই ডিসেম্বর তিনি অপর একটা তালিকা প্রকাশ করিয়া তাহাতে ৪৩৪টা 'যমকতারকা' স্থিতি ও গতি বিজ্ঞাপিত করিয়াছিলেন। তৎপর ১৮০২ খৃষ্টাব্দে ১লা জুলাই তিনি "ব্রহ্মাণ্ডের নিৰ্মাণ প্রণালী" (On the Construction of the Universe) বিষয়ে এক প্রবন্ধ প্রকাশিত করেন, তাহাতেই প্রথমতঃ 'যুক্ততারকা' দিগের প্রকৃত স্বরূপের সংজ্ঞা প্রদত্ত হইয়াছিল; এবং ১৮০৩ খৃষ্টাব্দে ৯ই জুন "গত ২৫ বৎসরের পর্যবেক্ষণে যমকতারকাদিগের যে আপেক্ষিক স্থিতিবৈষম্য লক্ষিত হইয়াছে তদ্বিবরণ সহ তাহার কারণ নির্ধারণ" বিষয়ে* অপর একটা প্রবন্ধ প্রকাশ করিয়া তাহাতে যুক্ততারকাদিগের পর্যবেক্ষণ ফল হইতে গণিত সমগ্রা বলে তাহাদের প্রকৃত স্বরূপ সিদ্ধান্ত করিয়া দর্শাইয়া দিয়াছেন। এই দুইটা প্রবন্ধ সমালোচনা করিবার পূর্বে আমরা এ স্থলে অপর একটা প্রবন্ধের উল্লেখ করিতে বাধ্য হইতেছি।

১৭৮৩ খৃঃ অঃ ২৭শে নবেম্বর 'জন মিচেল' নামক এক ব্যক্তি Royal Societyতে একটা প্রবন্ধ পাঠ করেন।† তাহাতে তিনি ইহা প্রকাশ করেন যে "হর্শেল যে সকল তারকাকে 'যমক' বা 'যুক্ত' বলিয়া অভিহিত করিয়াছেন তাহাদের স্বরূপ ও স্থিতি পর্যালোচনা করিলে চিত্তাশীল ব্যক্তিগণেই ইহা অনুভব করিতে সমর্থ হইবেন যে ঐ সকল 'তারকা যুগলের' মধ্যে (সকল গুলি না হইলেও) অধিকাংশই এক একটা নক্ষত্রজগৎরূপে বিরাজ করিতেছে, এবং ঐ তারকাযুগল পরস্পরের স্থিতি-সম্বন্ধে থাকিয়া পরস্পরের আকর্ষণ-বল অনুভব করিতেছে! অতএব ইহা অতি সহজে অনুমান করা যাইতে পারে যে উক্ত আকর্ষণবলে একে অত্বে বেঁধে রাখিয়া আবর্তিত হইতেছে এবং এমত সময় বহুদূরবিস্তৃত নহে যখন ইহাদের আবর্তন কালও আমাদের জ্ঞানগোচর হইতে পারিবে।"

অতঃপর মিচেল গণিতবলে ইহা দর্শাইতে প্রবৃত্ত হইয়াছেন যে যদি মনে করা যায় যে এইরূপ একটা নক্ষত্রজগৎ আমাদের জ্ঞানগোচর করা যায় যাহাতে একটা নক্ষত্রকে বেঁধে রাখিয়া অপর এক কিম্বা ততোধিক নক্ষত্র পরিলম্বন করিতেছে তবে তাহার আবর্তন কাল জ্ঞাত হওয়া সহজ হইবে; এবং মধ্যবর্তী বা কেন্দ্রস্থানীয় নক্ষত্রের আপাতঃদৃষ্ট ব্যাস পরিমাণ পর্যবেক্ষণ করিতে পারিলে তাহা হইতে অনায়াসেই (সূর্যের সহিত তুলনা দ্বারা ও তাহাকে 'গাঢ়তার' (density) সূর্যের সমকক্ষ মনে করিয়া) নক্ষত্রদ্বয়ের মধ্যবর্তী দূরত্ব এবং পৃথিবী বা সূর্য হইতে ঐ নক্ষত্রদ্বয়ের দূরত্ব সাধন করা যাইতে পারে। এতদ্বিধা তিনি ঐ সূদীর্ঘ প্রবন্ধে আলোক ও তাহার গতি পর্যালোচনা করিয়া আপেক্ষিক ব্যাস

* See Proceedings of the Royal Society, 1800—14, Vol. I pp. 126—9.

† See Abridged Transactions of the Royal Society, Vol. XV., pp. 465-77.

হইতে নক্ষত্রের 'গাঢ়তা' নিরাকরণের প্রণালীও দর্শাইয়াছেন। এস্থলে ইহা স্বীকার করিতে বাধ্য হইতেছি যে আমূল প্রবন্ধটা কেবলমাত্র অনুমান ও কল্পনার উপর নির্ভর করিয়া প্রণীত হইয়াছে; প্রথমতঃ, নক্ষত্রের আপেক্ষিক ব্যাস পর্যবেক্ষণ করা এযাবৎ মানবের সাধ্যাত্ত হয় নাই, তৎপর 'গাঢ়তা' নিরাকরণার্থ তিনি যে প্রণালী প্রস্তাব করিয়াছেন তাহা আলোকের 'আণবিক জনয়নের' (Corpuscular propagation) উপর নির্ভর করিয়া উদ্ভাবিত হইয়াছে, অতএব আলোকবিজ্ঞানের আধুনিক জ্ঞানের সহিত ঐ প্রণালীর সম্ময় করা যাইতে পারিতেছে না; এই হেতু নক্ষত্রের 'গাঢ়তা' নিরূপণ অত্বেও মানবের সাধ্যের অনায়ত্ত রহিয়া গিয়াছে। কিন্তু এই সকল অনুমান ও কল্পনা উপেক্ষা করিলেও, যে অনুমানের উপর নির্ভর করিয়া মিচেল তাহার দীর্ঘ প্রবন্ধ রচনা করিয়াছিলেন তাহা একান্ত উপেক্ষার বস্তু বলিয়া অগ্রাহ করা যায় না। এই প্রবন্ধেই আমরা দেখিতে পাই যে যুক্ততারকার প্রকৃত স্বরূপ প্রথম অভিব্যক্ত হইয়াছে; যদিও ইহা বলা যাইতে পারে যে সম্ভবতঃ হর্শেল ইহার বহু পূর্বেই তাহাদের স্বরূপ জ্ঞানগোচর করিতে সক্ষম হইয়াছিলেন, কিন্তু মিচেলের অনুমান (যাহা পরে হর্শেল সত্য বলিয়া সপ্রমাণ করিয়াছিলেন) প্রথম ভাষাতে প্রকাশিত হইয়াছিল!

এস্থলে ইহা প্রশ্ন হইতে পারে যে তবে কি মিচেলকে 'যুক্ততারকার স্বরূপের' আবিষ্কারী বলিয়া আখ্যাত করা যাইতে পারে? তদন্তরে জ্ঞাত হওয়া আবশ্যিক যে বিজ্ঞান অনুমানের উপর প্রতিষ্ঠিত নহে; তাহার মূল সত্যোত্তে প্রোথিত, 'প্রমাণ বচন' অন্তঃসার বিধানপূর্বক তাহার বর্ধনের সহায়তা করে। মিচেল অনেক বিষয়েই অনুমানমাত্র করিয়া গিয়াছেন এবং তাহাদের সত্যাসত্য বিচারে উদাসীন হইয়া ঐ সকল অনুমানদ্বারা ফলসাধন পর্যন্ত কল্পনা করিয়া গিয়াছেন; কিন্তু হর্শেল সম্পূর্ণই তাহার বিপরীত পথালম্বন করিয়া কার্যক্ষেত্রে অবতীর্ণ হইয়াছিলেন,—তিনি যাহা সপ্রমাণ করিতে সক্ষম হন নাই তাহা কেবলমাত্র অনুমানগ্রাহ্য করিয়া তদুপরি ফললাভে আশান্বিত হন নাই, বরঞ্চ যাহাতে অসম্ভব বিষয় প্রমাণদ্বারা সত্যোত্তে পরিণত করিতে পারেন তদ্বিষয়ে সচেষ্ট ও প্রাণপণে যত্নবান ছিলেন। এই হেতু 'যুক্ত তারকার স্বরূপাবিস্কার' হর্শেল ভিন্ন অপর কাহারও প্রতি আরোপিত করা যাইতে পারে না! তিনি স্বীয় কার্যকে কেবল অনুমানে পর্যাবসিত না করিয়া তাহাকে প্রমাণ বচনে ও গণনাতে সত্যলব্ধ করিয়া গিয়াছেন!!

এক্ষণে মিচেলের প্রবন্ধ পরিত্যাগ করিয়া হর্শেলের প্রথমোক্ত প্রবন্ধের সমালোচনাতে প্রবৃত্ত হওয়া যাইতেছে। ১৮০২ খৃঃ অঃ ১লা জুলাই হর্শেল যে প্রবন্ধ প্রকাশিত করেন তাহাতে তিনি গগনবিহারী নক্ষত্রমালাকে দ্বাদশ শ্রেণীতে বিভক্ত করিয়াছেন, যথা,—

(১) অসম্বন্ধ তারকা :—ইহারা এরূপভাবে অবস্থিত যে অপর কোন নক্ষত্রই তাহাদের উপর কোনরূপ আকর্ষণ বিকর্ষণাদি ভৌতিক প্রক্রিয়া সংঘটন করিতে পারে না। সূর্য্য এই

শ্রেণীর তারকা; ইহার সর্বাধিক নিকটবর্তী নক্ষত্র হইতে পৃথিবীতে আলোক আসিতে ১১০ বৎসর কাল অতীত হয়, এবং আলোক প্রতি সেকেন্ডে ১৮৬০০ মাইল পথ অতিক্রম করে; অতএব এতদ্বারা উক্ত নক্ষত্র হইতে সূর্যের দূরত্ব জ্ঞাত হওয়া যায়। ইহা সপ্রমাণ হইয়াছে যে এই নক্ষত্র হইতে সূর্যের অধিকতর সম্মুখে অপর কোন নক্ষত্রই বিদ্যমান নাই। হর্শেল প্রবন্ধের টীকাতে প্রকাশ করিয়াছেন যে প্রকৃতপক্ষে এরূপ তারকা জগতে বিদ্যমান থাকা প্রকৃতির নিয়মবিরুদ্ধ; কিন্তু তাহারা অপর সকল নক্ষত্র হইতে এতদূরে অবস্থিত যে তাহাদের উপর অপর কোন নক্ষত্রের কার্য্য বহু শতাব্দীতেও গণনা সাপেক্ষ করা যায় না। আমরা এক্ষণে জ্ঞাত হইয়াছি যে সূর্য্য গগনমার্গে কোন নির্দিষ্ট পথাবলম্বনে পরিভ্রমণ করিতেছে; এরূপও অনুমান করা গিয়াছে যে এই পরিভ্রমণ কোন দূরস্থিত 'মহাসূর্য্যের' আকর্ষণজনিত।

(২) যমক তারকা:—ইহাদের সম্বন্ধে হর্শেল এইরূপ বলিয়াছেন, "ইহা একরূপ স্থির নিশ্চয়রূপে জ্ঞাত হওয়া গিয়াছে যে ইহারা প্রকৃতপক্ষে এক দৃষ্টিরখানিবদ্ধ নক্ষত্রমালা নহে; পূর্বে যদিও এরূপ অনুমান করা গিয়াছিল এবং গগনে এরূপ নক্ষত্র বিরল নহে, কিন্তু এই শ্রেণীতে যাহাদিগকে ভুল করা যাইতেছে তাহারা পরস্পর মাধ্যাকর্ষণ-বলে আবদ্ধ হইয়া উভয়ের মধ্যবর্তী ভারকেন্দ্রকে বেষ্টিতপূর্ব্বক উভয়ে শূন্যমার্গে পরিভ্রমণ করিতেছে। পরে দৃষ্ট হইবে যে এই উক্তি গণনা দ্বারা সপ্রমাণিত হইতে পারে, কারণ পদার্থবিজ্ঞান-বলে জ্ঞাত হওয়া যায় যে, অপর কোন নক্ষত্রের কার্য্য এইরূপ দুইটা নক্ষত্রের ক্ষেত্রবহির্ভূত থাকিলে, উভয়েই তাহাদের ভারকেন্দ্রকে বেষ্টিত করিয়া আবর্তন করিবে, এবং তাহাদের উভয়ের গতি সর্বাঙ্গ সমান্তরালভাবে থাকিয়া পরস্পরের বিপরীতদিকে নির্দেশিত হইবে। আমি স্বয়ং যে সকল পর্য্যবেক্ষণ ক্রিয়া সম্পন্ন করিয়াছি তাহা প্রকাশ করিয়া অচিরে জগৎকে দর্শাইতে পারিব যে গত ২৫ বৎসরের মধ্যে অনেক যুক্ততারকা স্থানচ্যুত হইয়া গিয়াছে এবং তাহাদের গতি প্রণালী উক্ত নিয়মের বশবর্তী হইয়া সম্পাদিত হইয়াছে। ইহা অসম্ভব নহে যে অচিরে কোন কোন স্থলে তাহাদের আবর্তনকাল পর্য্যন্ত নির্ধারণ করিতে সক্ষম হইতে পারিব।" (এই স্থলেই আমরা প্রথমে হর্শেলের মুখে যুক্ততারকার স্বরূপ পরিজ্ঞাত হইতেছি এবং তিনি যে প্রমাণ ব্যতিরেকে কেবলমাত্র অনুমানলব্ধ ফল প্রকাশ করিতে পরামুগ্ধ ছিলেন, বস্তুতঃ এতকাল তাহাদের প্রকৃত স্বরূপ জ্ঞাত থাকিয়াও তাহা প্রমাণ দ্বারা বুঝাইবার জন্তই পর্য্যবেক্ষণদ্বারা প্রমাণ সংগ্রহ করিতে ব্যাপৃত ছিলেন তাহার পরিচয় পাইতেছি।)

(৩) বহুবক্ষিক তারকা:—যমকতারকাস্থলে কেবলমাত্র দুইটা নক্ষত্রকে পরস্পর মাধ্যাকর্ষণবলে আবদ্ধ বলিয়া কথিত হইয়াছে, কিন্তু ইহা সহজে অনুমান করা যায় যে যদি দুইটা তারকায় আকর্ষণ ক্ষেত্রান্তর্ভূত হইতে পারে তবে স্থলবিশেষে ততোধিক নক্ষত্রের ঐরূপ হওয়া বিচিত্র নহে। হর্শেল বলিতেছেন,—"এরূপ রাত্রি প্রায় যায় না যে এমত কতকগুলি

যুক্ততারকা আমার দূরবীক্ষণ-ক্ষেত্রে আবির্ভূত না হয়, যাহাদের মধ্যে তিনটা কিম্বা চারিটা অথবা ততোধিক নক্ষত্র এক ক্ষেত্রে পরস্পর সম্বন্ধরূপে দৃষ্ট হইতেছে। কালব্যাপী পর্য্যবেক্ষণ দ্বারা তাহাদিগকে মাধ্যাকর্ষণ-বলে পরস্পর সম্বন্ধ এক একটা জগৎ বলিয়া নির্ধারণ করা যাইতেছে।" অতঃপর হর্শেল এক সূর্য্য গণনা দ্বারা তাহাদের সমষ্টির মধ্যকেন্দ্র নিরাকরণ করিয়া তাহার চতুর্দিকে ঐ সকল নক্ষত্রের আবর্তনের ক্রম পর্য্যালোচনা করিয়াছেন এবং তাহা পর্য্যবেক্ষণ ফলের সহিত ঐক্য করিয়া দেখাইয়া দিয়াছেন।

(৪) তারকাপুঞ্জ:—গগনের নানাস্থানে দেখা যায় যে বহুসংখ্যক তারকা গগনের কোন একটা অপ্রশস্ত অংশে রাশীকৃত হইয়া পুঞ্জাকারে বিরাজ করিতেছে; ইহারা আকৃতিতে রেণুকাকার ক্ষুদ্র প্রতিপন্ন হয়, বস্তুতঃ তাহারা বহুদূরবর্তী, এবং তাহাদের দৃষ্টি রেখা সমূহ পরস্পর অতিশয় সম্মিলিত বলিয়া একস্থানে এইরূপ রাশীকৃত দৃষ্ট হইয়া থাকে। 'ছায়াপথ' এইরূপ রাশীকৃত তারকার সমষ্টি দ্বারা গঠিত বলিয়া সপ্রমাণিত হইয়াছে; এবং ইহা পর্য্যবেক্ষিত হইয়াছে যে ছায়াপথের একস্থলে কেবলমাত্র ৫ অংশমিত অপ্রশস্ত স্থানের ভিতর ৩৩১০০০টা তারকা বিরাজ করিতেছে। কেবলমাত্র দৃষ্টিরখার সম্মিলিত হেতু যে সকল তারকাপুঞ্জ বহুবক্ষিক বলিয়া লক্ষিত হয় তাহারা এই শ্রেণী ভুক্ত।

(৫) তারকাস্তম্ভ:—ইহারা পরস্পর সম্মুখে অবস্থিত বহুসংখ্যক সদৃশাকৃতিবিশিষ্ট তারকার সমষ্টিমাত্র। বহুবক্ষিক তারকার সহিত ইহাদের এই বিশেষ প্রভেদ যে বহুবক্ষিক-স্থলে যেরূপ পরস্পরের আকর্ষণজনিত গতি লক্ষিত হয়, এবম্বিধ স্তম্ভে তাহা হয় না। এ কারণ ইহাদিগকে ভিন্ন শ্রেণীতে নিবিষ্ট করা হইয়াছে; কিন্তু প্রকৃতপক্ষে ইহারা কি বলে এইরূপ ভাবে অবস্থিত করিতেছে তাহা হর্শেল নিরাকরণ করিতে সমর্থ হইয়াছেন নাই।

(৬) তারকা রেণু:—এক এক স্থলে দৃষ্ট হয় যে অনেকগুলি রেণুকাকার বিসদৃশ তারকা স্তম্ভাকারে অবস্থিত করিয়া তাহাদের মধ্যকেন্দ্রের দিকে সমাকৃষ্ট হইতেছে। ইহাতে ঐ তারকাসমষ্টির একটা নির্দিষ্ট আকৃতি (প্রায়শঃ গোলাকার) লক্ষিত হয়, এবং ইহা প্রতীয়মান হয় যে এই আকৃতি ক্রমশঃ সঙ্কুচিত ও তাহার কেন্দ্রভাগ ক্রমশঃ ঘনীভূত হইতেছে। হর্শেল ইহা হইতে অনুমান করিয়াছেন যে এই সঙ্কোচন ও ঘনীভূত হওন বস্তুতঃ ঐরূপ এক একটা তারকারেণুর সমষ্টি কালে এক একটা নক্ষত্রে পরিণত হইবে; এক্ষণে কেবল ইহাদের নক্ষত্রাকারে গঠিত হইবার পূর্ব্বাবস্থা মাত্র।

(৭) নীহারিকা:—(৪)(৫) ও (৬) সংখ্যক নক্ষত্রশ্রেণীতে যে সকল তারকার কথা বলা হইয়াছে তাহাদের অঙ্গীভূত ক্ষুদ্র তারকাগুলি পরস্পর অসংলগ্নভাবে জ্যোতিঃকণারূপে লক্ষিত হইয়া থাকে। কিন্তু গগন পর্য্যবেক্ষণকালে সচরাচর ইহা প্রত্যক্ষ করা যায় যে এমত কতকগুলি 'স্তম্ভ' রহিয়াছে যাহাদের অঙ্গীভূত 'তারকা' গুলিকে অসম্বন্ধ বলিয়া অনুভব করা যায় না কিন্তু বাস্পাকারে অবস্থিত 'নক্ষত্রাণু' বলিয়া অনুমান হয়। এই সকল স্তম্ভকে নীহারপুঞ্জ বা নীহারিকা বলা যায়। ইহাদিগকে নক্ষত্রজগতের

আদিম অবস্থা বলিয়া অনুমান করা হইয়া থাকে; এই সকল নীহারপুঞ্জ ক্রমে ঘনীভূত হইয়া নক্ষত্ররেণুতে এবং তাহা হইতে ক্রমে সদৃশাবয়ববিশিষ্ট নক্ষত্রে পরিণত হয়।

(৮) কদম্বতারকা:—সাধারণতঃ গগনে আমরা যে সকল নক্ষত্র নেত্রগোচর করিয়া থাকি তাহারা সকলই এক একটা আলোক মণ্ডিত জ্যোতিষ্ক বিন্দুরূপে দৃষ্ট হইয়া থাকে; কিন্তু দূরবীক্ষণ সাহায্যে বিশেষ অনুধাবনপূর্বক পর্যবেক্ষণ করিলে দেখা যায় যে তাহাদের মধ্যে কোন কোনটা এরূপ যে তাহা কেবল মাত্র একটা নির্দিষ্ট জ্যোতিষ্ক বিন্দুতে পর্যাবসিত হয় নাই, তাহার চতুর্দিকে একটা আলোকজাল তাহাকে কুয়াসাকারে সমাচ্ছাদিত করিয়া রাখিয়াছে, এবং তাহার মধ্যবিন্দুটা অপেক্ষাকৃত অধিক তেজোময় লক্ষিত হইয়া থাকে। হর্শেল অনুমান করিয়াছেন যে ইহা কোন অতি দূরস্থিত 'তারকারেণু'; দূরাবস্থানহেতু রেণুসকলের দৃষ্টরেখা পরস্পর অতি সন্নিহিত হওয়াতে রেণুস্বপের মধ্যবিন্দুকে আলোকের সমষ্টি বা জ্যোতিষ্কবিন্দুরূপে পর্যবেক্ষিত হইয়া থাকে। ইহাদের সর্দাবয়ব অস্পষ্টরূপে আলোকিত এবং পার্শ্বদেশ হইতে ঐ আলোক ক্রমশঃ মধ্যভাগের দিগে ঘনীভূত হইয়া বিকশিত হইয়াছে; দেখিলে ঠিক কদম্বফুল বলিয়া মনে হয়।

(৯) নীহারচ্ছায়া:—এই জাতীয় জ্যোতিষ্কের যথার্থ অস্তিত্ব বিষয়ে অনেকে সন্দেহ করিয়া থাকেন; হর্শেল স্বয়ং এ বিষয়ে নিঃসন্দেহ ছিলেন না। তিনি বলিতেছেন "গগনপর্যবেক্ষণ কালে সময় সময় দেখা যায় যেন কয়েকটা ভিন্ন ভিন্ন 'তারকাপুঞ্জ, (৪ নং দেখ) পরস্পর পাশাপাশি সংলগ্নভাবে অবস্থিত করিতেছে, ইহাদের সমষ্টিকে কখনও বা নীহারমালা-পরিবৃত 'ছায়াপথের' আভাস বলিয়া মনে করা যায়, অতএব তাহাদিগকে 'নীহারচ্ছায়া' বলা যাইতে পারে। দূরত্বনিবন্ধন তারকাপুঞ্জের অঙ্গীভূত নক্ষত্রগণ নীহারাকারে পর্যবেক্ষিত হইয়া থাকে। কিন্তু ইহা আশ্চর্যের বিষয় নহে যে ঐ সকল 'নীহারচ্ছায়ার' মধ্যে কোন কোনটা বহুদূরবর্তী না হইতে পারে; সে স্থলে ইহাদিগের 'নীহার-প্রকৃতি' বাস্তবিক প্রকৃত বলিয়া অনুভূত হয় এবং তাহাদিগকে যথার্থই 'নীহারচ্ছায়া' বলা যায়। 'কালপুরুষের' অন্তর্ভূত যে এবস্থিৎ একটা 'নীহারচ্ছায়া' পর্যবেক্ষিত হইয়া থাকে তাহাকে এই জাতীয় অর্থাৎ প্রকৃত 'নীহারচ্ছায়া' বলিয়া সপ্রমাণ করা যায়। এই সকল জ্যোতিষ্কের স্বরূপ এই যে ইহারা পরস্পর বিভিন্ন 'গাঢ়তা'বিশিষ্ট 'নীহারপুঞ্জের' সমষ্টিদ্বারা গঠিত হইয়া থাকে; দেখিলে এরূপ মনে হয় যেন কতকগুলি বিভিন্ন অবস্থাপন্ন নীহারমালা পরস্পর সংলগ্ন হইয়া গগনে বিরাজ করিতেছে।

(১০) নীহারতারকা:—ইহারা দেখিতে ঠিক অষ্টম জাতীয় জ্যোতিষ্কের ঠায়; কিন্তু এতদূরত্বের মধ্যে এই একটা জাতিগত পার্থক্য রহিয়াছে যে অষ্টম জাতীয় 'কদম্ব তারকা'সকল প্রকৃতপক্ষে এক একটা বিচ্ছিন্ন নক্ষত্র নহে; তাহা বহুসংখ্যক ক্ষুদ্র তারকারেণুর সমষ্টিমাত্র। 'নীহারতারকা' পর্যবেক্ষণ কালে তাহার মধ্যভাগ একটা উজ্জ্বল জ্যোতিষ্কাকারে লক্ষিত হয় এবং ঐ জ্যোতিষ্কের চতুর্পার্শ্বে বায়ুস্তরের ঠায় আলোকস্তর

ক্রমশঃ বিস্তৃত হইয়া বহির্দিকে প্রসারিত হয়। হর্শেল সপ্রমাণ করিয়াছেন যে, স্থানে স্থানে খণ্ডাকার নীহারিকা সকল মাধ্যাকর্ষণবলে ক্রমশঃ ঘনীভূত ও সঙ্কচিত হইতেছে; অতএব তাহাদের মধ্যস্থল ক্রমশঃ গাঢ়তা প্রাপ্ত হইয়া কঠিন পদার্থখণ্ডে পরিণত হইয়াছে এবং তৎচতুর্পার্শ্বে নীহারস্তর তাহাকে বাষ্পাকারে আচ্ছাদিত করিয়া রাখিয়াছে।

(১১) গ্রহনীহারিকা:—স্থানে স্থানে খণ্ডাকার নীহারিকা সূর্য্য কিম্বা কোন হিরনক্ষত্রকে বেষ্টন করিয়া পরিভ্রমণ করিতে দেখা যায়, ইহাদিগকে 'গ্রহনীহারিকা' আখ্যা প্রদান করা হইয়াছে।

(১২) স্বেচ্ছগ্রহনীহারিকা:—যখন গ্রহ নীহারিকা সকল ক্রমশঃ ঘনীভূত হইয়া কেন্দ্রস্থল গাঢ়তা প্রাপ্ত হইতে থাকে তখন তাহারা গ্রহাকার ধারণ করিবার পূর্বা-বস্থাতে উপনীত হয়; কিন্তু তখন পর্যন্তও তাহারা অপরাপর গ্রহদিগের ঠায় কঠিন অবয়ববিশিষ্ট হয় না, তাহাদের চতুর্দিক নীহারবাস্পে আচ্ছন্ন থাকে। ইহাদের সহিত 'নীহারতারার' জাতিগত পার্থক্য না থাকিলেও অবস্থাগত পার্থক্য রহিয়াছে। কারণ 'নীহারতারার' অপর কোন নক্ষত্র হইতে এতদূরে অবস্থিতি করে যে তাহার উপর অপর কোন নক্ষত্রের আকর্ষণ কার্যকারী হয় না; কিন্তু 'গ্রহনীহারিকা' সকল কোন নক্ষত্রের আকর্ষণ ক্ষেত্রের অন্তর্ভূত হওয়াতে তাহারা ঐ আকর্ষণবলে চালিত হইয়া উক্ত নক্ষত্রকে বেষ্টনপূর্বক পরিভ্রমণ করিয়া থাকে।

এক্ষণে আমরা দেখিতে পাইতেছি যে হর্শেল কত বিশিষ্টরূপ অনুধাবন ও পর্য্যালোচন-পূর্বক নক্ষত্রদিগের জাতি বিচারে প্রবৃত্ত হইয়াছিলেন। সংজ্ঞাদৃষ্টে সহজেই অনুভূত হইবে যে (৪) (৫) ও (৬) সংখ্যক তারকাদিগকে পরস্পর হইতে পৃথক ভাবে শ্রেণীবদ্ধ করা কত আয়াসসাধ্য! কিন্তু (৮) ও (১০) জাতীয় তারকাদিগের মধ্যে দর্শনজনিত কোন পার্থক্য লক্ষিত না হওয়া সত্ত্বেও তাহাদিগকে ভিন্ন জাতীয় বলিয়া অনুমান ও শ্রেণী বিভাগ করিতে সচেষ্ট হওয়া বিশেষ বুদ্ধিমত্তা ও দিব্যজ্ঞানের পরিচায়ক !!

এই সকল শ্রেণীবিভাগের পর হর্শেল উক্ত প্রবন্ধে শেষোক্ত ছয় শ্রেণীর জ্যোতিষ্কদিগের এক তালিকা প্রদান করিয়া তাহাতে ভিন্ন ভিন্ন জাতীয় ৫০০ তারকার নাম ধাম ও স্বরূপাদি বিজ্ঞাপিত করিয়াছেন। এই তালিকাদৃষ্টে জ্ঞাত হওয়া যায় যে হর্শেল কত অবধানতার সহিত গগন পর্যবেক্ষণ করিয়াছিলেন এবং কিরূপ অপক্ষপাতিতা ও সতর্কতার সহিত তারকাদিগের শ্রেণীবিভাগ করিয়াছিলেন,—কোন কোন তারকা আকৃতিতে সদৃশ হইলেও প্রকৃতি বিচারপূর্বক কিরূপে তাহাদিগের প্রকৃত জাতি নির্ণয় করিয়াছিলেন!

শ্রীঅপূর্বচন্দ্র দত্ত।

লান্‌করানের উজীর।*

এই আজব নাটকের সবিশেষ বৃত্তান্ত চারি অঙ্কে সন্নিবিষ্ট ও সমাপ্ত হইয়াছে।

নাট্যোল্লিখিত ব্যক্তিগণ।

মীরজা হবীব। লান্‌করানের খাঁর উজীর।
 হায়দার। উজীরের ফরাশ।
 করীম। উজীরের সহিস।
 আকা বাশীর। উজীরের নাজির।
 উজীরের ফরাশদিগের আর কয়েক জন।
 জীবাখান্নম্। উজীরের জ্যেষ্ঠাপত্নী।
 শোলিখান্নম্। উজীরের কনিষ্ঠা ও প্রেমসী পত্নী এবং নিসাখান্নমের জ্যেষ্ঠা ভগিনী।
 নিসা খান্নম্। উজীরের শালিকা ও তৈমুর আকার প্রণয়িনী।
 পরী খান্নম্। উজীরের স্বশ্রু, যিনি কনিষ্ঠা কন্যা নিসাখান্নমের সহিত উজীরের গৃহে অবস্থান করিতেছেন।
 রুফ আকামন্নম্। উজীরের খোজা।
 খাঁ। লান্‌করানের শাসনকর্তা।
 আজীজ আকা। খাঁর সর্দার চাকর।
 সলীম বেগ। খাঁর নাজীর।
 কাদির বেগ। নায়েব ও দেউড়ীর অধ্যক্ষ।
 সমদ বেগ। খাঁর সর্দার ফরাশ।
 দেউড়ীতে আরজদার আসামী ও ফরিয়াদীর চারিজন।
 খাঁর দেউড়ীর ফরাশদের কয়েকজন।
 দেশীয় আমীর ও ওমরাহদিগের কতিপয়। গোলাম পঞ্চাশজন।
 তৈমুর আকা। খাঁর ভ্রাতৃপুত্র ও নিসাখান্নমের প্রণয়ী।
 রেজা। তৈমুর আকার ধাত্রীপুত্র।
 হাজি সালি। সওদাগর।
 হাকীম। লান্‌করানের বাসেন্দা।

* মূল পারস্ত হইতে অনুবাদিত।

প্রথম অঙ্ক।

[পঞ্চাশ বৎসর পূর্বে, কাঙ্গিয়ান সমুদ্রের উপকূলবর্তী সহর লান্‌করানে, মির্জা হবীব উজীরের গৃহে এই দৃশ্য সংঘটিত হয়। উজীর অন্তঃপুরের সম্মুখবর্তী গৃহমধ্যে উপবিষ্ট, এবং হাজিসালি তৎসম্মুখে দণ্ডায়মান।]

উজীর। হাজি সালি, শুন্‌লেয তুমি রাশ্বৎ যাছ? সত্যি নাকি?

হাজিসালি। আজ্ঞে হ্যাঁ, যাচ্ছি।

উজীর। হাজি সালি আমি তোমার উপর একটা কাজের ভার দিতে চাই, আমার হয়ে তোমায় সেটা কর্তে হবে। এই জন্তেই তোমাকে ডেকেছিলাম।

হাজি। আজ্ঞে করুন, দিল্‌জান দিয়ে সরকারের ফরমায়েস পালন কর্তেই হজুরে হাজির আছি।

উজীর। দেখ হাজি, রাশ্বতে একটা নীলরঙের জরিয়া আঙ্গিয়া তৈরি করাতে হবে, তেমন আঙ্গিয়া যেন আজ পর্যন্ত লান্‌করানে কেউ না দেখে থাকে। আঙ্গিয়া তৈরি হলে স্যাকরাকে দিয়ে চক্রিশটা সোনার বোতাম গড়াবে—বোতামগুল যেন মুরগীর ডিমের চেয়ে কিছু ছোট, পায়রার ডিমের চেয়ে কিছু বড় বড় হয়, তারপর সেই বোতামগুল আঙ্গিয়ার গলার চারিধারে লাগাতে দেবে। ফেব্রুয়ার সময় তুমি নিজে সঙ্গে করে এনো; এই নাও এই পঞ্চাশ মোহর (কাগজ মণ্ডিত মুদ্রা সম্মুখে রক্ষণ) যা লাগে সব দিও, যদি এতে কম পড়ে ফিরে এলে হিসেব মেটান যাবে। তুমি শীগ্‌ঘির ফিরছত? না কি?

হাজি। মাসখানেকের মধ্যেই ফিরব; আমার বিশেষ কোন কাজ নেই। নগদ টাকা নিয়ে যাচ্ছি, রৈসম কিনেই চলে আসব। কিন্তু হজুর, আঙ্গিয়ার মাপটা জানতে পারলে খুব ভাল হত, কেননা সেখানে সেলাই হবে হয়ত বেশী সৰু বা বেশী মোটা, কি বেশী খাট বা বেশী লম্বা হয়ে পড়বে, তাহলে হজুরের ফরমায়েসটা নিখুঁত রকম সেরে আসতে পারব না।

উজীর। একটু লম্বা কি মোটা থাকলে ক্ষতি নেই। গায়ে ঠিক না হলে এখানে দোরস্ত করে নেওয়া যেতে পারে।

হাজি। আজ্ঞে যদি আমি কাপড় কিনে, বোতাম গড়িয়ে এখানে নিয়ে আসি তাহলে কি চলে না? যিনি পরবেন তাঁর গায়ের মাপে কেটে তাহলে এখানেই আঙ্গিয়া সেলাই হতে পারে।

উজীর। আরে ধোদার বান্দা! তোমাদের সকলেরই কেমন একটা বেশী কথা কয়ে নিজের বিত্তে ফলান অভ্যেস। তোমার আসল মংগবটা এই যে এর রহস্তটা তোমায় খুলে বলি! আরে জাননাকি এখানে গায়ের মাপ নিয়ে জামা সেলাই কর্তে দিলে কিরকম কাণাকাণি ফিসির ফিসিরের পাল্লায় পড়ব? কি ছুগ্রহ ভোগ কর্তে হবে?

হাজি। আজ্ঞে না মশায়, আমি তার কি জান্‌ব বলুন ?

উজীর। তাহলে দেখছি তোমায় আগে থাকতে সব খুলে বলতে হল, না হলে এখনই হয়ত বাজারে গিয়ে কারো সঙ্গে দেখা হলেই রাষ্ট্র করে দেবে উজীর তোমায় এই রকম এই রকম কাজের ভার দিয়েছে, আর আমার শান্তি অসম্ভব করে তুলবে, হৃদয় নিশ্চিন্তি হয়ে বসতে পাব না। বন্ধু হে, ব্যাপারখানা এই—আর দুমাস পরে নরুজের পরব আসছে আমি সেদিন শোলি খানুমকে একটা কিছু আজব জিনিষ উপহারদিতে চাই। এখন আমি যদি আঙ্গিয়াটা এখানে তৈরি কর্তে দিই তাহলে জীবাখানুমও ঐরকমের একটা চাবে, তাকে আবার দিতে গেলে আমার খরচ অনেক বেড়ে যাবে অথচ তার সৌন্দর্যও তাতে কিছু মাত্র বৃদ্ধি পাবে না, আর না দিলে তার গজর গজরের হাত থেকে পরিভ্রাণ পাব না, আমার প্রতিদিনকার অন্ন শিরঃপীড়ার কারণ হবে, জীবন অতিষ্ঠ হয়ে উঠবে।

হাজি। কিন্তু মশায় শোলিখানুমকে যখন আঙ্গিয়াটা দেবেন তখন কি জীবাখানুম ঐ রকমের একটা চাবেন না ?

উজীর। আল্লা হো আক্ববর! কি বিপদেই পড়া গেছে! আরে মানবক! তোর সে খবরে কাজ কি? তোকে যা বলা গেছে তাই করগে না! শোলিখানুমকে আঙ্গিয়া দেবার সময় আমি বলব আমার বোন রাশতের হিদায়ৎ খাঁর স্ত্রী এই জামা শোলিখানুমের জন্তে সওগাত পাঠিয়েছে, তাহলে আর জীবা খানুম তার প্রতি আমার তাম্বিল্য ধরে গোটা দিতে পারবে না। কিন্তু তুমি আমার কথা একটা অক্ষরও কাউকে বলবে না ত হে?”

হাজি। আজ্ঞে না মশায়, আপনার ঘরের কথা বাইরে রটলে আমার কি লাভ বলুন? আর সে কি আমার দাড়ীর যোগ্য?

উজীর। আল্লা তোমায় সেলামতে রাখুন। আচ্ছা এখন যেতে পার। (হাজি সালির সেলামান্তর নিষ্ক্রমণ। তাহার পশ্চাৎ জীবা খানুমের হঠাৎ সজোর ছই হাতে গৃহের অপর্ দ্বার ঠেলিয়া ক্রন্দন ও চীৎকার করিতে করিতে প্রবেশ, আকস্মিক শব্দে চমকিত হইয়া উজীরের ভীতভাবে পশ্চাতে দৃষ্টিপাত)

জীবাখানুম। বটে! আহরে স্ত্রীর জন্তে গলায় সোনার বোতামওয়ানা আঙ্গিয়া ফরমাস দেওয়া হচ্ছে! আল্লা তোমার মর্দানির কুশল করুন! আমার তুমি বলবে “আমার বোন হিদায়ৎ খাঁর স্ত্রী শোলিখানুমকে এই জামা সওগাত পাঠিয়েছে?” আল্লা হে! তোমার বোনের নাম করে বলবে! যার কিপটেমি ইস্পাহানী সওদাগরের তুল্য,—কাঁচের ভিতর পণীর রেখে বাইরে রুটা ঘসে! আজ সে হঠাৎ পকাশ ষাট মোহরের আঙ্গিয়া তোমার স্ত্রীকে সওগাত পাঠাতে যাবে! অর্থাৎ আমি এমনই আহাম্মক যে ঐ কথায় বিশ্বাস করব!

উজীর। মাগী তুই যে আমার ভয় পাওয়ালি! কিসের সওগাত? কোথাকার আঙ্গিয়া? তুই কি পাগল হয়েছিস নাকি?

জীবা। আর চালাকী কর্তে হবে না, অমন করে কথা উটে নিতে হবে না। তুমি হাজি সালিকে যা যা বলেছ আমি তার আছোপাস্ত হরফকে হরফ সব শুনেছি। যখন হাজিকে ডাকতে পাঠালে তখনই আমি বুঝেছিলুম, তখনই আমার মনে খটকা লেগেছিল, চুপি চুপি ঐ কবাটটার আড়ালে এসে দাঁড়ানুম, কান পেতে সব শুনলুম, যা ভেবেছিলুম ঠিক তাই! আল্লা করুন গলায় সোনার বোতামওয়ানা সেই আঙ্গিয়া যেন তোমার স্ত্রীর পয়মন্তর হয়। আহা তৈমুর আকার চোখ কি রোশনাই হয়ে উঠবে! তার প্রেমসীর জন্তে নতুন জামা ফরমাস হয়েছে! সেই জামা পরে তৈমুরের সামনে সে কত হাবভাব করবে।

উজীর। বৃড়ি। বাজে বক্‌ছিস কেন? আর কদিন পর্যন্ত তোর বেয়াদব স্ত্রীর সংঘম করবিনে? তোর কিছু লজ্জা নেই? আমার মুখের সামনেই আমার পরিবারের কুংসা করছিস? আমার ঘরের বদনাম কর্তে চাস?—আদবজ্ঞান সংসারে বড় ভাল জিনিষ, কি লজ্জা!

জীবা। হ্যাঁ, আমি যদি তোমার ঘরের বদনাম কর্তে চাইতুম তাহলে একটা সুন্দরহোন মুরপুরুষকে হাত করে তার সঙ্গে প্রণয় কর্তেম! তোমার বড় আদরের আদরিণীই তোমার ঘরের বদনাম করছেন। রাত নেই দিন নেই তাঁর হাত তৈমুর আকার গলা জড়িয়েই রয়েছে। আমার বাদী কতবার না তাদের স্বচক্ষে দেখেছে।

উজীর। (বিবর্ণ হইয়া) তোর কিম্বা তোর বাদী কারো কথাই আমি বিশ্বাস করিনে।

জীবা। আমি একলা একথা বলছি। লান্‌করানের সবাই এ খবর জানে। তারা বলে তুমি চোখ বুজে বসে আছ, চকোরের মত বরফের নীচে মাথা পেতে রয়েছ। তোমার নিজের ভাল মন্দ নিজে বোঝ না, আর মনে কর পরেও বোঝে না।

উজীর। তুমি কি বলছ কি? শোলি তৈমুর আকার কি জানে? তাকে দেখলে কোথায়?

জীবা। তুমি নিজেই দেখিয়েছ, নিজেই চিনিয়ে দিয়েছ।

উজীর। (উচ্চৈঃস্বরে) আমি দেখিয়েছি? আমি চিনিয়ে দিয়েছি?

জীবা। আজ্ঞে হ্যাঁ তুমিই দেখিয়েছ, তুমি না ত কি আমি দেখাতে গিয়েছিলুম না কি? রমজানের মাসে ইদের দিন তোমার প্রেমসীকে বলে না “খাঁ আজ কেবলর বাইরে শাহজাদদের কুস্তি করাচ্ছেন, তুমি ও নিশাখানুম বাদী আর খোজাকে সঙ্গে নিয়ে এস, কেবলর পাঁচিলের তলায় রাস্তার উপর ফরাস বিছিয়ে বসে তামাসা দেখো?” ওরা সবাই দেখতে গেল। সেখানে পঁচিশ বছরের টাটকা যুবো, সুপুরুষ, জোয়ান, তৈমুর আকা আর সব শাহজাদদের হারিয়ে দিলে, আর শোলি খানুম এক প্রাণে নয় হাজার প্রাণে মুগ্ধ হল। তারপর কে জানে কি ফন্দি করে তাকে হাতে এনেছে। এখন যদি একদিন তাকে না দেখে ত ঠাণ্ডা হয় না। আমি তখনই তোমায় বলিনি যে এই বয়সে অমন ছুঁড়ী তোমায় সাজে না? আমার কথা যেমন শুনে না, এখন তেমনি তার ফল ভোগ কর।

উজীর। আচ্ছা বেশ! তুমি যাও এখন থেকে—বাস্! চের হয়েছে, আমার কাজ আছে— একলা থাকতে দাও—বেরোও!

জীবা। (নিঃশব্দকালে মুহূর্তের বিড় বিড় করণ) আমি কেন বেরোতে যাব? তোমার সোহাগিনী তার উপপতিকে নিয়ে বেরোক,— তা তুমি যেমন লোক তোমার পক্ষে ঠিকই হয়েছে।

উজীর। (একাকী) আমার মনে কিছুতেই বিশ্বাস হচ্ছে না যে শোলি খানুমসাহেবা এই কাজ করেছে। কিন্তু এ খুব সম্ভব বটে যে তৈমুর আকার বলবীর্ষ্য দেখে সে মুগ্ধ হয়েছে, আর বোকা মেয়ে কিছু না ভেবে চিন্তে এর ওর কাছে তার প্রশংসা করেছে, তার পরে বুড়ী হিংসেতে তার কথার উন্ট ব্যাখ্যা করে তাকে ফাঁদে ফেলতে চায়। যাহোক শোলির মন থেকে এ ভাবটা দূর করা ভাল, কোন না কোন রকম করে তাকে জানান দরকার যে তৈমুর আকা এমনই কিছু বলবান নয়। সে কুস্তিতে যাদের পেড়ে ফেলেছিল তারা নিতান্ত বাচ্ছা, হয় ত এই উপায়ে তৈমুরের গুণ তার মন থেকে দূর হতে পারে, তাহলে আর তার নাম মুখে আনবে না। এখন উঠে খাঁর ওখানে যাই, তারপরে ফিরে এসে তার ঘরে গিয়ে দেখব কি কর্তে পারি।

(উত্থান)

জীবা। (প্রবেশান্তর) আজ হাজুরি আর খানার কি খেতে সাধ হয় বলে দাও, তাই রাখবে।

উজীর। তুমি আমাকে এত কাঁটা আর বিষ খাইয়েছ যে আর এক মাস কিছু না খেলেও আমার পেট ভরা থাকবে।

(গমনোদ্যম) গৃহমধ্যে একটা চালুনি পড়িয়া রহিয়াছে, ঘরের দিকে চাহিয়া সচিস্তিত-ভাবে যাইতে যাইতে চালুনির কানাচের এক প্রান্তে পা লাগিয়া অপর প্রান্ত লাফাইয়া তাঁহার জানুতে আঘাত। জানু ধরিয়া মুখ বিকৃত করিয়া, উপবেশন পূর্বক স্ত্রীর প্রতি চাহিয়া) আঃ মারা গেলম! এখানে এ চালুনি কি করছে? পোড়া বাপের মেয়ে!

জীবাখানুম। (সবিস্ময়ে) আমি কি জানি? এখানে চালুনি কি করছে আমি কেমন করে বলব? ঘরে এলেই আমার সঙ্গে বগড়া আর গালাগালি! আর একজন আঙ্গিয়া পুরুক আমি শুধু গাল খেয়ে মরব!

উজীর। ফরাস!

(হায়দার ফরাসের দালান হইতে গৃহে প্রবেশান্তর বক্ষে হস্তস্থাপনপূর্বক শিরোনমন)

জীবাখানুমের মুখ চাকিয়া গৃহের এক কোনে গমন)।

উজীর। (সক্রোধে) হায়দার! ঘরের মাঝে এই চালুনি কি করছে?

হায়দার। হজুর, ভোর বেলায় আমি যখন ঘর কাঁটা দিচ্ছিলেম করিম সইস চালুনি হাতে করে এখানে আসে, ছ একটা কথা কয়েই চলে যায়। বোধ হয় সেই এখানে চালুনিটা ফেলে চলে গেছে।

উজীর। সেই বদ্মায়েস সইসকে ডাক দিকিন, একবার দেখাই মজা! (ফরাসের সহিসের

উদ্দেশ্যে নিঃক্রমণ) আল্লা হো আকবর! সইসের আমার ঘরে কি কাজ? চালুনি আমার ঘরে কি করে? আজ চারদিক থেকেই আমার ঝালাপালা করে তুলেছে। যতবার এই ঘরটায় ঢুকি একটা না একটা কিছু ফ্যাসাদে না পড়ে আর বেরোতে পারিনে।

জীবাখানুম। তাত হবেই, শোলিখানুম এখানে নেই কি না! তা যদি তাই হয়, তবে আর এখানে আস কেন? শোলিখানুমের ঘরেই হামেযা যেতে পার না?

(ফরাস ও সহিসের প্রবেশ)

উজীর। (অত্যন্ত ক্রোধান্বিত যইয়া) ছোঁড়া! করিম! আমার ঘরে তোর কিনের দরকার? তোর জায়গা আস্তাবল! তুই কোন্ সাহসে আমার ঘরে পা দিয়েছিলি? পোড়া বাপের ছেলে!

সহিস। হজুর আমি এক মিনিটের জন্তে হায়দারকে জিজ্ঞেস কর্তে এসেছিলেম আপনি আজ ঘোড়ায় চড়বেন কি না! জিজ্ঞেস করেই তখনি বেরিয়ে গিয়েছিলেম।

উজীর। তবে এ চালুনি এখানে ফেলে গিয়েছিলি কেন?

সহিস। ঘোড়াদের দানা ঝেড়ে দেবার জন্তে চালুনি আমার হাতে ছিল। আমি ভুলে এখানে ফেলে গিয়েছিলেম।

উজীর। তবে পরে নিতে এলিনে কেন?

সহিস। আমার একবারও মনে হয়নি যে এখানে ফেলে গেছি, কিন্তু সেই পর্যান্ত সব জায়গায় খুঁজে বেড়াচ্ছি।

উজীর। (প্রথমে সহিসকে পরে হায়দারকে) হারামজাদা তোর মন তখন কোথায় ছিল?

আকা বাশীর নাজীরকে এসুনি এখানে ডেকে আন, লাঠি আর খুঁটি সঙ্গে করে আনিস, আর বাইরে থেকে তিনজন ফরাসকে এখানে আসতে বল।

সহিস। (কাঁপিতে আরম্ভ করিয়া ও সরোদনে) ধর্ম্মাবতার! খাঁর দোহাই! এবার আমার মাপ কর্তে আচ্ছা হোক।

উজীর। (ক্রোধবশতঃ চাপাস্বরে) চোপ রও কুতকি একা।

সহিস। (কাঁদিতে কাঁদিতে) আমি হজুরের কুরবানি হই, কসুর করেছি, মাটি খেয়েছি! হজুরের বাপজানের কবরের দোহাই আমার মাপ করুন। আমার কসুর হয়েছে, আমার বাপের কসুর হয়েছে, আমার মায়ের কসুর হয়েছে আর কখন আমি এখানে পা দেব না।

উজীর। চোপরাও গাধে কি বাচ্ছা!

(এতদ্বাে আকা বাশীর নাজীর, ষষ্টি হস্তে হায়দার ফরাস ও আর তিনজন ফরাসের প্রবেশ ও অভিবাদন)

উজীর। (ফরাসদিগের প্রতি) নাজীরকে মাটিতে ফেল, খুঁটিতে ওর পা বাঁধ!
(ফরাসদের নাজীরকে ভূমে পাতন, এবং খুঁটি ঠিক করিয়া পাদবন্ধন। হুইজন
ফরাসের খুঁটি ধারণ ও হুইজনের যষ্টি গ্রহণ)

উজীর। মার।

(ফরাসদের প্রহার)

নাজীর। হুজুর! আমার জান! আপনার মাথা খবরদারি করি। আমার কি
কসুর হয়েছে যে এরা আমার মারচে?

উজীর। (সক্রোধে, অঙ্গুলি নির্দেশ করিয়া) এই চালুনি ঘরের ভিতর কি করছে?

নাজীর। কোন্ চালুনি ধর্ম্মাবতার?

উজীর। হু যা লাঠি খেলে তখন বুঝবে কোন্ চালুনি।

(ফরাসদের প্রহার)

নাজীর। হুজুর মার করন! হুজুর ইন্সার করন! আপনার মাথা খবরদারি করি!
নিদেন আমার জানতে দিন আমার কসুর কি! আপনার কুব্বানি হই! আমার কসুর কি
আগে বলুন, তারপরে আমার গর্দান নিতে চান নেবেন, যা খুসী করবেন!

উজীর (ফরাসদের প্রতি) থাম! আঁকা বাশীর তোমার কসুর এই, দেউরীর চাকরদের
কর্তব্য তুমি তাদের বুঝিয়ে দাওনি, আর দেউরির কাজের তদারকের ভার তোমারই উপর
দেওয়া আছে। তোমার প্রত্যেককে তাদের নির্দিষ্টস্থান ও কাজ বলে দেওয়া উচিত, তাদের
কর্তব্য বুঝিয়ে দেওয়া উচিত। আন্তাবলের সহস আন্তাবল ছাড়া আর কোন জায়গায় পা
দেবে না। আমার ঘরের মধ্যে চালুনি ফেলে যাবে না। আজ করিম সহস চালুনি হাতে
করে আমার ঘরে ঢুকে চালুনি ফেলে চলে গেছে। আমি দৈবাৎ তার কানায় পা দিয়েছি,
তার অস্ত্র ধার লাফিয়ে উঠে আমার হাঁটুতে লেগেছে, এখন পর্য্যন্ত বেদনায় পা নাড়াতে
পাচ্ছিনে। আমি একটা বড় রাজ্যের শাসনভার চালাই, আর তুই নির্কোঁধ গাধা! একটা
বাড়ী আর বাড়ীর চাকরদের চালাতে পারিস নে?

নাজীর। হুজুর খোদা আপনার বুদ্ধি বিচক্ষণতা অনেক বড় করেছেন, আমি কেমন
করে আপনার মত হতে পারব?

উজীর। (ফরাসদের প্রতি) মার!

নাজীর। আপনার মাথার দিব্য ধর্ম্মাবতার এবার আমার মার করন, আর কখন
এমন কাজ হবে না।

উজীর। আচ্ছা যখন কসম খেয়েছে ওকে ছেড়ে দে, চের হয়েছে। আঁকা বাশীর এবার

তোমায় মার করলেম, কিন্তু যদি এর পরে আর কখন আমার ঘরে চালুনি দেখতে পাওয়া
যায় ত নিজেকে মরা জেনো।

নাজীর। (উঠিয়া) আজ্ঞে আপনি নিশ্চিত হোন।

উজীর। যাও! বেবোও!

সহিস। (স্বগত) আল্লা ধন্য!

(চালুনি কুড়াইয়া লইয়া সকলের অগ্রে তাহার নিষ্ক্রমণ, এবং অস্থদের তাহার
পশ্চাদাহুসরণ)

যবনিকা পতন।

শ্রীমরলা দেবী।

প্রবাসে।

সন্ধ্যাকালে চেয়ে চেয়ে কত পড়ে মনে

প্রিয় পরিজনে;

স্বর্গ্য যবে অন্ত যায়, আঁখি শুধু ফিরে চায়
কোথা ফেলে আসিয়াছি স্বদেশ রতনে!
কোথা স্নেহ পরশন, কোথা ভাই বন্ধুগণ,
কোথা সেই স্বধামাথা স্নেহ কণ্ঠস্বর;
ললিত কোমল ভাষ, মৃদু স্বকোমল হাস,
মৃদল মধুর বায়ু শান্ত নিশাকর!

২

সন্ধ্যার আঁধার হতে নীরবে দাঁড়ায়

স্বর্ণের মহাকায়!

সে দিকে না চাহে আঁখি, শুধু ফিরে ফিরে দেখি,
দূর হতে প্রিয়মুখ কেমন দেখায়!
শব্দ নাহি পশে কাণে, বায়ু শুধু বহে আনে,
অক্ষুট কাকলি সম পরিচিত ধ্বনি।
নাম ধরে ডাকে সবে, আকুলিত কণ্ঠসবে,
স্নেহপূর্ণ সন্তাষণে পোহায় রজনী।

৩

জ্যোৎস্নায় ডুবিয়ে নিশি, স্তব্ধ এবে দশদিশি
অতি ধীরে বহিতেছে নিশীথ বাতাস।
মৃদু মৃদু উঠিছে নিশ্বাস!
ধীর স্রোতে পুনরায়, কত আসে কত যায়,
যারে দেখি তারে শুধু স্মধাই যতনে—
প্রবাসীরে পড়ে কতু মনে?
শ্রীনগেন্দ্রনাথ গুপ্ত।

আর একবার।

প্রথম পরিচ্ছেদ।

লক্ষ্মী নগরীর গোমতাতীরে কুঞ্জলাল শেঠের সুন্দর ভবন শোভা পাইত। জনকোলাহলময় প্রশস্ত রাজপথের দিকে বাড়ীর সদর; অন্দরমহলের অব্যবহিত পার্শ্বে গোমতীনদী অবিরাম বহিয়া যাইত। ক্ষুদ্র বৃহৎ তরঙ্গমালা নিশিদিন শেঠ ভবনের চরণ চুম্বন করিত। দ্বিতল প্রকোষ্ঠের পর্য্যাক্কে বসিয়া শেঠ-ললনাগণ গোমতীর মুক্তবায়ু উপভোগ করিতেন। নদীতীরবর্তী ঘনবিহঙ্গ বনশোভা, তরঙ্গীশোভিত পালের অমলধবল ত্রী, উদ্ভটীয়মান দলবদ্ধ অসংখ্য বিহঙ্গের সমবেত কাকলী, শিখাধারী মেড়ুয়াগণের সবলহস্তনিষ্কিন্ত দাঁড়ের শব্দের সহিত তাহাদের দুর্কোষ্য বিরহ-গীতি গোমতীতীরবাসীগণের যুগপৎ চক্ষু কর্ণের প্রসাদন করিত। নদীজল হইতে গৃহের সহিত প্রস্তরঘাট সংযুক্ত ছিল: সেই খানে একদিন কুঞ্জলাল শেঠ বসিয়া নদী দেখিতেছিলেন। কিয়ৎকাল পূর্বে ভীষণ ঝড় হইয়া গিয়াছে, গোমতীর তরঙ্গতাড়ন এখন নাই; বরষার আতটপূর্ণা গোমতী উদ্ভাম যুবতীস্বদয়ের ছায় সচঞ্চলে বহিয়া চলিয়াছে। অসংখ্য বাতাহত বৃক্ষাবলী, ভগ্নশাখা, পক্ষীকুণাঘ, ভগ্নমাস্তুল, পর্ণকুটীর ঝটীকাবদানে স্রোত-জলে ভাসিয়া আসিতেছিল। শান্ত গোমতী কিঞ্চিৎ পূর্বে ভীষণ ঝটিকার সহিত তরঙ্গরঙ্গে মাতিয়াছিল, এখন পর্য্যন্ত তাহার শরীরে তাহার চিহ্ন স্পষ্ট লক্ষিত হইতেছিল। এমন সময় একটি বৃহৎ বৃক্ষের ভগ্নাংশের সহিত রজ্জুবদ্ধ কি একটা পদার্থ স্রোতাবেগে সেইদিকে আসিতে লাগিল। কুঞ্জলাল শেঠ কি সন্দেহ করিয়া তখন উঠিয়া দাঁড়াইলেন। সোপান নিয়ে অবতরণ করিয়া বিশেষ মনোনিবেশ সহকারে দেখিলেন, একটি স্কুমার বালকের দেহ ভাসমান বৃক্ষের সহিত রজ্জুবদ্ধ হইয়া আসিতেছে! কুঞ্জলাল সমগ্র সোপানাব-তরিত হইয়া হাত বাড়াইলেন, কিন্তু ধরিতে পারিলেন না। তখন তিনি স্রোতে গা ভাসাইয়া স্বরিত রাইয়া বালককে একহস্তে স্থাপিত করিলেন। ঘাটে ফিরিয়া আসিয়া বালককে কোঁড়ে তুলিয়া লইয়া দেখিলেন, ছরন্ত ঝটিকা কাহার সর্কনাশ করিয়া একটি তিন বৎসর বয়স্ক সুন্দর বালককে তাহার মাতৃক্রোড় হইতে বিচ্ছিন্ন করিয়াছে। সেই খানে শেঠ গৃহের সকলে এতক্ষণ উপস্থিত হইয়াছিল; বালকের মৃতকর শরীর দেখিয়া কুঞ্জলাল এবং তাঁহার পত্নী অশ্রুসংবরণ করিতে পারিলেন না। বালককে তদবস্থাপন্ন হইয়া ভাসিতে দেখিয়া সকলে স্থির করিলেন, এই ছরন্ত ঝড়ের কোন নৌকাডুবির সময় ইহার নৌকাত্রী পিতামাতা উপায়ান্তর না দেখিয়া প্রাণাধিক পুত্রকে বাঁচাইতে ঐ অন্তিম উপায় অবলম্বন করিয়াছেন। প্রথমতঃ সকলেই বালকের

জীবনে হতাশ হইল, জীবনের কোন লক্ষণই পাওয়া গেল না; কিন্তু অনেকক্ষণ অবিশ্রান্ত শুশ্রূষার পরে ক্রমশঃ শরীরে উত্তাপ পাওয়া গেল। ধীরে ধীরে বালক চক্ষুরুদ্মীলন করিয়া কাঁদিয়া উঠিল। শেঠপত্নী আশাবিত্ত হইয়া বালককে ক্রোড়ে তুলিয়া লইয়া কহিলেন, 'আহা, কার এমন কোল ভরা ছেলে!' সহায়ত্বের সদ্যোক্ষ অশ্রুবিন্দু তাঁহার সুন্দর গণ্ড বহিয়া গড়াইয়া পড়িল। বালক প্রাণ পাইল, কিন্তু তাহার হৃদয়-ভাঙ্গা ক্রন্দন থামিল না। কয়েক দিন মা ও বাবা বলিয়া কাঁদিয়া কাঁদিয়া বালক নিরুপায় হইয়া অবশেষে ক্রন্দনে নিবৃত্ত হইল। মেহময়ী শেঠপত্নী জননীতুল্য যত্নসহকারে তাহাকে পালন করিলেন; তাঁহার মেহ মমতার গুণে ক্রমে বালক তাঁহাকে ভালবাসিল। ক্রমে বালক তাঁহাকে মা বলিয়া ডাকিতে আরম্ভ করিল। তখন এক দিন কুঞ্জলাল আদর করিয়া বালককে তাহার নাম জিজ্ঞাসা করিলেন, বালক আধ ভাষায় কহিল,— মন্মঠ। ইহার বেশী সে আর কিছু বলিতে পারিল না। তাহার নামের আর খানিকটাও সে বলিতে পারিল না। কুঞ্জলাল মন্থকে ক্রোড়ে বসাইয়া তাহার পিতার নাম জিজ্ঞাসা করিলেন। চক্ষু জল-ভরাবনত হইয়া আসিল, বালক উত্তর করিল—'বাবু'।

দ্বিতীয় পরিচ্ছেদ।

দুরতিশয় ঘটনাবর্তে পড়িয়া বালক যখন কুঞ্জলালের আশ্রয় পাইল, কুঞ্জলালের পত্নীর ক্রোড়ে তখন এক বৎসরের একটা শিশুকণ্ঠ। শেঠদম্পতী বহুদিন পরিণীত হইয়াও সন্তান লাভে বঞ্চিত হইয়াছিলেন। নিঃসন্তানজনিত ক্রেশে তাঁহার উভয়েই সর্বদা স্রিয়মান থাকিতেন। ধনৈর্ধর্য্য সকলি বুঝা ভাবিয়া তাঁহার ক্রমশঃ সংসারের প্রতি বিরাগী হইতেছিলেন। সন্তান সন্মুখে তাঁহার সম্পূর্ণ নিরাশ হইয়াছেন, এমন সময়ে শেঠপত্নীর সন্তান সন্তান হইল। কুঞ্জলাল ও তাঁহার পত্নীর আনন্দের অবধি রহিল না। যথাকালে কুঞ্জলালের পত্নী এক লাভণ্যময়ী কন্যা প্রসব করিলেন। শিশুসন্তানহীন শেঠগৃহ কন্যারত্নের আগমনে উজ্জল হইয়া উঠিল, হতাশ শীর্ণ দম্পতির অধরে আবার হাসিরেখা দেখা দিল, সংসার-বিরাগী কুঞ্জলালের পুনরায় সংসারে মন বসিল। ক্রমে শিশুর হৃদয়দন্ত ফুটিল, শিশুর আধভাষা ফুরিত হইল, পিতা মাতা আদর করিয়া কন্যার নাম রাখিলেন— কুসুম। সেইবার দেশে ছরস্ত ঝড় বহিয়া গেল, নদীবক্ষে কত ছর্ভাগ্যের ধনে প্রাণে সর্বনাশ ঘটিল। একটি ভদ্র লোক সপরিবারে গোমতী-সলিলে জীবন সমর্পণ করিলেন। সংসারে তাঁহাদের আর খবর হইল না,—তিন বৎসর বয়স্ক শিশু ঘটনাচক্রে লক্ষ্যের শেঠগৃহে আশ্রয় পাইল।

মন্মথ বালক। 'বাবু' ব্যতীত সে তাহার পিতার নাম বলিতে পারিল না। কোন দেশে

বাড়ী, কি জাতি, কাহার সন্তান জানিতে কুঞ্জলাল যথাসাধ্য চেষ্টা করিলেন কিন্তু হর্ভাগ্যক্রমে তাহার পিতামাতার কোনই সন্ধান পাইলেন না। কুঞ্জলাল নিতান্ত স্নেহদয়ের ন্যায় বহু অর্থব্যয় করিয়াও দেশদেশান্তরে অনুসন্ধান করিলেন, কিন্তু ফলকার্য্য হইলেন না। পরে তিনি সে আশা পরিত্যাগ করিয়া পুত্রনির্কির্শেষে বালককে প্রতিপালন করিতে লাগিলেন। যদিও কুঞ্জলাল নানা দেশে পুত্রহারা পিতামাতার অনুসন্ধান করিয়া তাঁহাদের শূন্য ক্রোড় পূর্ণ করিবার আশায় দিবারাত্রি চেষ্টা করিতে লাগিলেন, কিন্তু তথাপি যদি তখন হঠাৎ জন্মগত বালকের পিতামাতা শেঠগৃহে উপস্থিত হইয়া তাহাদের পুত্রের কথা জিজ্ঞাসা করিতেন, তাহা হইলে সন্তানহারা পিতামাতার সন্তান পুনঃপ্রাপ্তির আনন্দে আনন্দিত হইয়াও কুঞ্জলাল ও শেঠপত্নী বিনা অশ্রুপাতে তাঁহাদের যত্ন-পালিত বালককে তাহার পিতামাতার সহিত বিদায় দিতে পারিতেন না। এক দিকে ভুবন মোহিনী বালিকা কুসুম, কুসুম-কলিকার ন্যায় অনুক্ষণ পিতামাতার নয়নাভিরাম হইয়া ছিল, আর এক দিকে পিতৃমাতৃহীন বালক শেঠগৃহে সমান আদর-স্নেহে বর্ধিত হইতে লাগিল। ভাল খাবার আসিলে তাহার অর্ধেক কুসুমের, অর্ধেক মন্মথের; ভাল কাপড় আসিলে তাহার একখানি কুসুমের, একখানি মন্মথের। কেবল মাত্র জিনিষ দ্বারা নহে, হৃদয়ের মেহও মন্মথ অর্ধেক ভাগ করিয়া লইয়াছিল। বাল্যকালে দুইটিতে বাল-স্নাত চপল ক্রীড়ায় মগ্ন থাকিত, তখন একবৃন্তে দুটি ফুলের শোভা দেখিয়া লোকে আনন্দ লাভ করিত; কুঞ্জলাল ও শেঠ-পত্নী সে শোভা প্রাণ ভরিয়া দেখিতেন; নিশি দিন দেখিয়া ও তাঁহাদের দেখিবার সাধ মিটিত না। কুসুম ও মন্মথ ক্রমে বড় হইতে লাগিল; তাহাদের বয়সের সঙ্গে তাহাদের শোভা ও পরস্পরের মেহ ভালবাসা বাড়িতে লাগিল। দুটিতে সোদর প্রীতির আদর্শ স্বরূপ। এক জন আহার না করিলে আর এক জন আহার করে না, একের অভাবে আর একজন বেড়াইতে যায় না। দু জনের মধ্যে যদি কখন কাহারো কোন পীড়া হইত তবে আর এক জনের মুখ স্নান হইয়া উঠিত—নিশি দিন অবিরাম শয্যা-পার্শ্বে বসিয়া দিন কাটিত—ব্যারাম আরোগ্য না হইলে খেলায় মন লাগিত না। ক্রমে দুই জনই বড় হইল। শৈশব বাল্যে পরিণত হইল, বাল্য কৈশোরে পরিণত হইল, ক্রমে বালক বালিকা উভয়েই যৌবনের সীমার দিকে অগ্রসর হইতে লাগিল। কুসুম ধীরস্বভাব বালিকা, অন্যের নিকটে সে অধিক কথা কহিত না, কিন্তু মন্মথের নিকটে তাহার ব্যবস্থা স্বতন্ত্র ছিল। যেখানে কুসুম ধীরস্থির হইয়া থাকিত সেখানে মন্মথ আসিলে তাহার কথা ফুটিত, হাসি দেখা দিত। উদ্ভান-নিভূতে, সরোবর সোপানপংক্তিতে, পুষ্পিতা লতিকাপার্শ্বে, গোমতীর প্রস্তরমণ্ডিত তীরে, মন্মথের পার্শ্বে বসিয়া কুসুম এক—দুই—তিন করিয়া সন্ধ্যাতারা গুণিত; একখানা—দুইখানা করিয়া পান্ডি গুণিয়া মন্মথকে দেখাইত। রঙ্গিন সাতীর আঁচল ভরিয়া ফুল তুলিয়া নদীতীরে আসিয়া মন্মথের পাশে বসিয়া মালা গাঁথিত কখন বা একটা—দুইটা করিয়া ফুল এক সঙ্গে জলে ভাসাইয়া দিত। নিভৃত-উচ্ছানে লোকের

গতিবিধি ছিল না। সরোবরের সোপানোপরি বসিয়া মম্মথ ও কুসুম তাহাদের মনের কথা কহিত।

মম্মথ যদিও শেঠভবনে বালাবাবি পালিত হইয়াছে, যদিও সে শেঠগৃহের সকলকে প্রাণাপেক্ষা ভালবাসিত, তথাপি সে তাহার জনকজননীর কথা একেবারে ভুলিতে পারে নাই। কুসুমের জননী সর্বদা সাবধান থাকিতেন যেন তাঁহাদের স্মৃতি মম্মথর কণ্ঠের কারণ না হয়, কিন্তু অলক্ষ্যে পিতৃমাতৃহীন বালক তাহার ভূত কথা ভাবিয়া ভাবিয়া সময়ে সময়ে জীবন বিড়ম্বিত বোধ করিত। বয়োবৃদ্ধির সঙ্গে সঙ্গে সেই চিন্তা ক্রমে প্রগাঢ়তায় পরিণত হইল। যদিও কুসুম বিহনে সে আপনার অস্তিত্ব কল্পনা করিতেই পারিত না, তথাপি কুসুমের প্রিয়সান্নিধ্যে থাকিয়াও সময়ে সময়ে তাহার মুখমণ্ডল সহসা স্মান হইয়া উঠিত; অব্যক্ত মনোকষ্ট মুখে চোখে স্পষ্ট রেখাক্রিত করিত। কুসুম নিকটে থাকিলে সে সকলই বৃষ্টিত। তখনি জলভারাবনত-নয়না কুসুম কাতর-কণ্ঠে মম্মথর হাতখানি চাপিয়া ধরিয়া কহিত ‘মহু, তুমি আমাদের ভালবাস না?’ কুসুমের সেই স্নিগ্ধ-মেহ তাহার চিন্তাপীড়িত হৃদয়কে জিয়াইয়া রাখিত।

তৃতীয় পরিচ্ছেদ।

কুসুমের বয়স হইয়াছিল। শেঠ পরিবারের অন্তরঙ্গ মহিলাগণের মধ্যে যদি কেহ কোন দিন শেঠ-পত্নীর নিকট কুসুমের বিবাহপ্রসঙ্গ উত্থাপন করিত, কুসুমের মা একটু মুছ হাসিয়া সে কথার উত্তরে বলিতেন, ‘হবে’। কুঞ্জলালের খুড়ীমা সম্পর্কে এক বর্ষীয়সী রমণী গৃহিণীকে বলিলেন,—‘তা, মা, ছেলে খুঁজতে বাইরে যেতে হবে কেন, ঘরেই ভ রয়েছে! রূপ, গুণ, মাছবে যা চায় তার কিছুই অভাব নেই। আঁহা, ছ’টিতে যেন মানিকজোড়!’

সেইখানেই কুসুম ও মম্মথ দাঁড়াইয়া ছিল, তাহাদিগকে লক্ষ্য করিয়া বুদ্ধা ঠাকুরাণী এই কথা বলিবামাত্র লজ্জা পাইয়া তাহারা ছইজনেই ঘরের বাহিরে চলিয়া গেল।

মা বলিলেন,—‘ঠাকুরাণ, সে স্মথ অদৃষ্টে ঘটবে কি না বলতে পারি নে। তাই এত দিন মনে মনে আশা করেছিলাম, কিন্তু কর্তা কোন মতেই রাজি হন না।’

ঠাকুরাণী কহিলেন,—‘কেন মা কুঞ্জলাল রাজি হন না?’

গৃহিণী অতি ক্লেশকণ্ঠে কহিলেন,—‘মম্মথ পরের ছেলে, ভেঙ্গে এসেছিল, আমরা তাকে কুড়িয়ে ঘরে নিয়ে রেখেছি। অজ্ঞাতকুলশীল ব’লে সমাজ জাতঃপাত করবে, এই ভয়। না হলে ঠাকুরাণ, সে কথা কি আর বলতে হতো! মম্মথ তার মা বাপকে জানে না

আমিই তাকে লালনপালন করেছি। কুসুম মম্মথ স্মথে থাকতে কি আমার অসাধ, কিন্তু কি করি বল সমাজ ছেড়ে তো অমন কাজ করতে পারিনে। তা কেমন করে হবে বল।’

ঠাকুরাণী তত্বতরে বলিলেন,—‘তা, মম্মথ তা’র মা বাপ আবার ফিরে পেলেও তোমার সম্বন্ধ কখনই এড়াতে পারবে না। মায়ের একবিন্দু ছুঁধের ধার শোধ করা যায় না আর কিনা তুমি মম্মথকে আজ চোদ্দ বছর বুকে ক’রে মানুষ করলে; এ সম্বন্ধ কি আর কিছুতে যায়! তবে মা, যে আশা ক’রেছিলে সেতো আর হবার নয়। জাত খুঁইয়ে তো আর কুঞ্জলাল সে স্মথ কিনতে পারবে না।’

তাহার কথা শেষ হইতে না হইতে তিনি দেখিলেন, কুসুমের মায়ের নয়নযুগল অশ্রুপূর্ণ। ছঃখাবেগ গোপন করিতে তিনি অঞ্চলে অশ্রু মুছিলেন, কিন্তু বর্ষীয়সী সকল বৃষ্টিতে পারিয়া বলিলেন,—‘মা, মম্মথ তোমারই আছে। ছেলে নাই, মম্মথকে দিয়ে সেই সাধ মেটাও। পাবাণে বুক বেঁধে মেয়েকে অজ্ঞাতচরিত্র একজনের হাতে সমর্পণ করতেই হবে। কথার পিতামাতার এ দেশে এ ছঃখত নিশ্চিতই।’

সে দিন সেখানে উভয়ে আর কোন কথাবার্তা হইল না। দরজার বাহিরে একজন দ্রুত স্পন্দিত-হৃদয়ে দাঁড়াইয়া অলক্ষ্যে এই কথা শুনিতেছিল। কথা শেষ না হইতেই সেই মূর্ত্তি দ্রুতপদবিক্ষেপে ফিরিয়া কোথায় চলিয়া গেল। এই লুক্কায়িত শ্রোতা আর কেহই নয়,—কুসুম! উজ্জল দিনের পরিণাম ঘোরান্ধকার অমাবস্তা রজনী! আকাশ নির্মল, নক্ষত্রখচিত, নিমেষমধ্যে একখানি কালো মেঘ তাহাকে ছাইয়া ফেলিল!

আগে আগে সকলেই বলিয়াছে কুসুম ও মম্মথে বিবাহ হইবে। কুসুমের মাও প্রকাশ্যে সেই কথা বলিয়া মম্মথ ও কুসুমের শোভা অতৃপ্ত নয়নে দেখিয়া স্মথী হইতেন। এ আশা একদিনের নয়, বৎসরাধিককাল হইতে মম্মথ ও কুসুম শুনিতেছিল; অজ্ঞাতসারে তাহারা পরস্পর হৃদয় বিনিময় করিয়াছিল। আজ হঠাৎ এই নিদারুণ কথা! বজ্রাহতের স্থায় হৃদয় তাহার একেবারে ভাঙ্গিয়া পড়িল। নিরাশ্রয়া বালিকা অশ্রুনিষেকে বুক ভাসাইয়া ফেলিল। অবশেষে একথা মম্মথরও কানে উঠিল। উভয়ের মনের অবস্থাই শোচনীয়। একদিন পূর্বে বাহাদের চক্ষের সম্মুখে সংসার অপূর্ণ নন্দনকাননস্বরূপ প্রতীত হইতেছিল, আজ তাহাই বিষবোধ হইতেছে। আশা, ভরসা, স্মথ, শাস্তি পুড়িয়া ভস্মীভূত হইয়া গিয়াছে। জীবনের সম্মুখে এখন কেবলি অনন্ত দুর্ভেদ্য অন্ধকার—অন্ধকার—অন্ধকার!

লোকহীন নির্জনে-জ্যোৎস্নালোকপ্রাণিত উদ্যানে দাঁড়াইয়া ছটা মস্তপ্ত বালক বালিকা পরস্পর বিদায় ভিক্ষা চাহিতে ছিল। তাহাদের পরস্পরের প্রতি দৃষ্টি নিক্ষেপে, প্রতি নিশ্বাসে ও কণ্ঠস্বরে আকুল ক্রন্দন উচ্ছ্বসিত হইয়া উঠিতেছিল। প্রকৃতি ও শোকোচ্ছ্বাসময়ী। বৃক্ষ শাখায় কোকিলের নৈশকুহুতান, উর্দ্ধ আকাশে ত্র্যম্বক চাতকের করুণ সঙ্গীত, সমীরণান্দোলিত সলিলের মুছ তরঙ্গক্ষেপ ও শ্রামল তরুশ্রেণীর দীর্ঘ মর্ম্মর শব্দ, শিশির

সিদ্ধ নব কিশলয়ের বিনয় শোকত্রী, ও প্রক্ষুটিত শুভ্র বেলার স্ববাসের সহিত মিশিয়া সেই নৈশপ্রকৃতিকে বিষয়তার প্রতিমূর্তিরূপে সজ্জিত করিয়াছিল।

বালিকা কাঁদিতেছিল। নিদারুণ যন্ত্রণায় শোকাক্রম মুক্তাফলের স্রাব গণ্ড বহিয়া, ক্রমে বক্ষঃবহিয়া ঝরিয়া পড়িতেছিল। যেন স্নান গোলাপের পাঁপড়ির উপর স্বচ্ছ সলিল-বিন্দু ভাসিতেছিল।

নিশ্চরিত ভঙ্গ করিয়া যুবক কহিল,—‘সতাই, আর বুঝি দেখিতে পাইব না! হৃদয় বারম্বার বলিতেছে তোমায় আমার আর কখনো সাক্ষাৎ হইবে না।’

অশ্রুময়ী বালিকা ঐ কথা শুনিয়া একবার হতাশপীড়িত নয়নে যুবকের মুখে দিকে তাকাইল। তাহার পর সহসা যন্ত্রণা কাতর স্বরে কহিল,—‘ভাই, আবার দেখা হইবে, অবশ্যই হইবে। এই বাগানে, এই বকুল তলায় আমরা আর একবার সন্মিলিত হইব।’

কুসুমের সহিত মম্মথর বিবাহ হইল না। পাটনার লালাবংশীয় এক ব্যক্তির সহিত কুসুমের সম্বন্ধ স্থির হইয়া গেল। সম্বন্ধ স্থির হইল, বিবাহোত্তোগ হইতে লাগিল, বর আসিল, মম্মথর কথা ফলিল, কুসুমের সহিত অপরিচিত আর একজনের বিবাহ হইল। মম্মথ দাঁড়াইয়া তাহাই দেখিল। তাহার কুসুম আর একজনের হইল।

কুসুম যে দিন তাহার ঋণুরালয়ে যাত্রা করিবে, তাহার আগের দিন উদ্যানের বকুলতলায় দাঁড়াইয়া অনিবার অশ্রুপাতের সহিত হতাশোন্মত্ত মম্মথকে বলিয়া গেল,—‘ভাই, এইখানে এই বকুলতলে, আমার পিতৃগৃহের পূণ্যভূমে তুমি আমার আর একবার দেখিতে পাইবে।’

মম্মথ রহিল, কুসুম চলিয়া গেল। তরণী হেলিয়া ছলিয়া নববধু ক্রোড়ে তুলিয়া লইয়া নিজ নিকেতনে যাত্রা করিল। যে ঘাটে গোমতী তটে ছুইজনে বসিয়া ভাসমান ফুলদল নির্নিমেঘে চাহিয়া দেখিত, আজ ঠিক সেইখানে ছুইজনে একজন বসিয়া আর একজনের বিদায় দৃশ্য দেখিতেছে। নৌকা ভাসিল, একটু দূর—আরো দূর—আরো দূরে ক্রমশঃ নৌকা চক্ষের বাহির হইয়া চলিয়া গেল। স্পষ্ট—ঈষৎস্পষ্ট—অবশেষে নৌকা আকাশের সঙ্গে কোথায় মিশিয়া গেল!

সে অনেক দিনের কথা। তখন পাটনা হইতে প্রায়শঃ জলপথেই ভদ্র পরিবারের যাতায়াত করিতেন, একবার কোন খানে গেলে ফিরিয়া আসা সহজ ছিল না। কুসুম স্বামীসঙ্গে ঋণুরালয়ে গেল; আর কতদিনে ফিরিয়া আসিবে কে জানে? তখন দূরদেশে কত বিবাহ দেওয়ার সময় জনকজননী কত আশা ত্যাগ করিয়া পাত্রের হস্তে সমর্পণ করিতেন। পাষাণে বুক বাধিয়া শেঠদম্পতী একমাত্র ছুইতাকে বিদায় দিলেন। স্নহৃৎস্বনের মন স্বাভাবিক অমঙ্গলাশঙ্কাময়, পিতামাতা কত আশঙ্কিত করিয়া আশীর্বাদ করিবার সময় তাঁহাদের দেহমন অবসন্ন হইল;—আর কি কুসুম ফিরিয়া আসিবে?

কুসুম স্বামীগৃহে গেল। সেখানে স্বভাবগুণে সকলের প্রশংসালাভ করিল। দূরে থাকিয়া পিতামাতা তাহা শুনিয়া স্তম্ভ হইলেন।

চতুর্থ পরিচ্ছেদ।

ঐ ঘটনার তিনবৎসর পরে একদিন একখানি বজরা গঙ্গা বহিয়া আসিতেছিল। বজরার আরোহীদের মধ্যে প্রকোষ্ঠান্তরে একটি অলোকনামায়া সুন্দরী বসিয়াছিল। পরিচ্ছদ দেখিলেই বোধ হয় বিধবা। কুসুম বিধবা হইয়া পিত্রালয়ে আসিতেছিল। নৌকা অনেক পথ অতিক্রম করিয়া ক্রমে পুণ্যতীর্থ কাশীতে আসিয়া লাগিল। নৌকারোহীদের তীর্থ করা উদ্দেশ্য ছিল না, হঠাৎ পথিমধ্যে তিনি ভীষণ জ্বররোগে আক্রান্ত হইলেন। নৌকা ক্রমাগত গন্তব্যস্থানের দিকে চলিতেছিল কিন্তু আকস্মিক বিপদ দেখিয়া সকলের পরামর্শে কাশীতে অপেক্ষা করিয়া রোগের সূচিকিৎসা করাই সম্ভব বোধ হইল। রোগী স্থানান্তরিত হইলেন না, বজরার সুরপরিচ্ছদ প্রকোষ্ঠেই তিনি শয্যাগত থাকিলেন। চিকিৎসক আনীত হইলে নাড়ীর অবস্থা পরীক্ষা করিয়া তিনি অস্বাভাবিক গম্ভীর হইলেন। অতি সাবধানতার সহিত চিকিৎসা চলিতে লাগিল, তিন চারিজন বিচক্ষণ চিকিৎসক একত্রে মিলিয়া ঔষধের ব্যবস্থা হইতে লাগিল, কিন্তু ভীষণ বৈকারিকজ্বর ক্রমেই মারাত্মক উপসর্গ আনিয়া রোগীর অবস্থা ক্রমশঃ মন্দ হইতে মন্দতর করিতে লাগিল। তীব্র জ্বররোগের সহিত মুহুর্ৎ মুহুর্ৎ ও আক্ষেপ। ক্ষণেকের জন্ত মুহুর্ৎ ও শরীরক্ষেপ নিবৃত্তি হইলে রোগী তখন অসংলগ্ন প্রলাপ বাক্য কহে, চিকিৎসক ও সঙ্গীয় আত্মীয়গণ কেহই তাহার অর্থ বুঝিতে পারে না।

হঠাৎ একদিন রোগীর দিব্য জ্ঞানসঞ্চার হইল। অবিরাম অত্যুষ্ণ শরীর তখন অস্বাভাবিক শীতল। চীৎকার করিয়া রোগী কহিল,—‘দরজা খুলে’ দাঁও, জানেলা খুলে দাঁও, আমি একটু দেখব—

তৎক্ষণাৎ নদীর দিকের জানেলা খুলিয়া দেওয়া হইল। প্রসারিত গঙ্গা শুভ্ররজত-রেখার মত একটানে বহিয়া চলিয়াছে, কত নৌকা অহুকুল প্রতিকূল স্রোতে আপনাপন নির্দিষ্ট স্থানে চলিয়াছে। অদূরে, নগরান্তরে ও ভাগীরথীর পুণ্যতীর্থ প্রান্তরতে প্রান্তঃস্নানাত্মিক-পরায়ণ ত্রিপুঞ্জ কশোভিতললাট ব্রাহ্মণগণের প্রশস্ত বক্ষোপরি শুভ্র যজ্ঞোপবীত শোভা পাইতেছে ও তাঁহাদের সহস্র কণ্ঠোচ্চারিত ‘শিব শঙ্কোধরনি’ প্রাসাদ সমাকীর্ণ বিরাট দিগ্ভ্রমণে পরিব্যাপ্ত হইতেছে। কল্লোলিনী সহস্র রক্তকুসুম ও শ্যামলপত্র বৃকে করিয়া অনন্তের উদ্দেশে চলিয়াছে, নগরান্তরে হইতে শঙ্খ-ঘণ্টা-ধূপ-দীপ ও পূজা পরায়ণ ব্রাহ্মণ কণ্ঠোচ্চারিত বৈদিক উদাত্ত-গীতির মনোমুগ্ধকারী শব্দ ও গন্ধে নদীবক্ষ আমোদিত হইতেছে। গঙ্গাতীরবর্তী কোন ত্রিতল প্রাসাদ শীর্ণ হইতে স্নমধুর শানাই ভৈরব রাগিণীর ঝঙ্কার দিতেছে।

বাতনাগ্রস্ত রোগীর মনে এ সকল একটুও স্পর্শ করে নাই। জানেলার দিকে মুখ করিয়া অতি যত্ননাগ্রস্তের ছায় হৃদয়ে হাত দিয়া রোগী বলিল,—‘আমি—আমি—কথা রাখিব সে আবার আমার দেখিবে।’

তখন চিকিৎসক ও শুশ্রূষাকারিণী রমণী আসিয়া জিজ্ঞাসা করিলেন, ‘কি হইয়াছে মা ? কি বলিতেছেন ?’

মাহুম দেখিয়া রোগী ছই চোখ কপালে ভুলিল; ধীরে নরম বালিশের উপরে মাথা রাখিল। চিকিৎসক নাতী টিপিয়া ধরিলেন, নিম্পন্দ হইয়া বৃকে হাত দিয়া থাকিলেন। এই সময়ে রোগীর চোখ আরো বড় হইল, আরো যেন অস্বাভাবিক হইল। একবার আক্ষেপ, আর একবার আক্ষেপ, তখন আবার শরীর স্থির হইল। চিকিৎসক তখনও হাত ধরিয়া আছেন। দশ মিনিট পরে তিনি হাত ছাড়িয়া উঠিয়া দাঁড়াইলেন, নিফলক শুভ্র হাত খানি খেত বস্ত্রাবরণের উপরে পড়িয়া রহিল। হাত ছাড়িয়া দিয়াই চিকিৎসক দৃঢ়চেষ্টাকণ্ঠে কহিলেন,—‘হইয়া গিয়াছে।’

সকলেই বুঝিল। বিধবা বালিকার জন্ম নৌকায় শোকের অক্ষুট ক্রন্দন শোনা গেল। কিন্তু তাহা অতি অল্প সময়ের জন্ম। বারানসীর অদূরে জনকোলাহল হইতে পৃথক থাকিয়া জালুীবক্ষে একখানি নৌকার মধ্যে একটা বিধবা বালিকা সংসারের চক্ষে চিরবিদায় লইল। তখনও তাহার ফুলারবিন্দু স্রী। সে যেন মরে নাই। নিম্নলিখিত নয়নে বালিকা কাশ্মীরিশালে আবৃত হইয়া যেন নিশ্চিন্তে সুমাইয়াছে।

পঞ্চম পরিচ্ছেদ।

(মন্থথর কথা।)

আশ্বিন মাসে গুনিলাম কুসুম একবার তাহার পিতালয়ে আসিবে। কতদিন কুসুমকে দেখি নাই। কুসুম আসিবে, ভাবিলাম কুসুম তাহার কথা ঠিক রাখিবে। অনেক দিনের পর আমি যথার্থ স্মৃতি অল্পভব করিলাম।

এখন কেবলি স্মৃতি দেখিতেছি। আহা! নিদ্রা ভুলিয়া ‘দিন রাত্রির অধিকাংশ সময় নদীর ঘাটে বসিয়া থাকি, কখন কুসুম আসে।

এক দিন কাশী হইতে ক্রত-পত্র-বাহক সংবাদ লইয়া আসিল, ‘কুসুমের জর হইয়াছে, জর সারা পর্যন্ত কাশীতে থাকিতে হইল, এজন্য লক্ষ্যে পৌছিতে কয়েকদিন বিলম্ব হইবে। চিন্তার কারণ নাই।’

সুদীর্ঘ তিন বৎসর সহ করিয়া ছিলাম কিন্তু কুসুমের অসুস্থতার সংবাদ আসা অবধি প্রাণ নিতান্ত ব্যাকুল হইয়া উঠিল। কি করিব ? উপায় কি ? অব্যক্ত যন্ত্রণা বৃকে করিয়া কুসুমের আগমন প্রত্যাশা করিতে লাগিলাম।

শরৎকাল। সে রাত্রে পরিষ্কার নীলাকাশে একাদশীর চাঁদ কি সুন্দর ফুটিয়া উঠিয়াছে। হিমসিক্ত বৃক্ষাবলীর শ্রামল পত্র জ্যোৎস্নাবিধৌত হইয়া রমনীয় দেখাইতেছিল। কুসুমের রোগ সংবাদ পাওয়া অবধি মন বড় অস্থির, তাই নিরুজ্জনতার আশায় পুষ্পবাটিকায় বেড়াইতে গেলাম। প্রকৃতির শোভা রমণীয়; উদ্যান শোভা তাহারিসঙ্গে মিশিয়া আরো সুন্দর দেখাইতেছিল। সিন্ধিঘাষের ক্ষেতখানি চন্দ্রালোকে ঠিক যেন একখানি বিস্তীর্ণ স্বর্ণবস্ত্র-পের মতন প্রতীয়মান হইতেছিল। সবুজ ঘাষের পাশে পাশে ছোট ছোট নীল, লোহিত, শুভ্র ফুলগুলি ফুটিয়াছিল, বোধ হইতেছিল যেন একখানি মূল্যবান কারপেট পাতিয়া রাখিয়াছে। তখনকার চতুর্দিকস্থ দৃশ্যশোভা মধুময়, কিন্তু কি জানি আমার মন অন্ধকারময়। ঠিক সেই সময়ে ভাবিতেছিলাম তিন বৎসর আগে যাহার পার্শ্বে বসিয়া স্বর্ণসুখের তুলনা করিতাম, এই সেই স্থান। যেখানে তাহার বীণা-বিনিমিত কণ্ঠস্বর ধ্বনিত হইত, সে কোথায় ? সংসারের অবিচার অত্যাচারে ভগ্নহৃদয় হইয়া আজ সেই স্বর্ণীয় স্বাস্থ্যের প্রতিমূর্ত্তি দূর কাশীতে রুগ্নশয্যায় শয়ান।

সেই দিন, সেই রম্যকানন মধ্যে একাকী দাঁড়াইয়া আমি যখন এই সব কথা ভাবিতে-ছিলাম তখন তোমরা কি বিশ্বাস করিবে ? তখন ঠিক সেইখানে—আমি সত্য কহিতেছি—আমার কুসুমকে আমি দেখিলাম। স্বপ্ন নয়—ভ্রান্তি নয়—মানসবিকার নয়। সে কথা কহিল; আমার জিজ্ঞাসা করিল। আমার হৃৎসে থাকিল না কেন ?

দম্ভুখে পুথুর ঘাট, পিছনে বাগান, মাঝখানে দাঁড়াইয়া ধ্যান-নিরত হইয়া আমি ভাবিতেছি,—কুসুম কি তার প্রতিজ্ঞা রাখিবে না ? আবার কি কোন বিপদ ঘটবে ? তাহাকে কি আর আমি দেখিতে পাইব না ? অর ত বেশী গুরুতর হয় নাই ?

আমার মস্তিকে বিছাচ্চালনা করিয়া, সমগ্র বনস্থলী মুখরিত করিয়া আমার চিরপরিচিত কণ্ঠ যেন বীণায় ঝঙ্কার দিয়া কহিল,—‘মন্থথ, আমি এসেছি।’

আমার দক্ষিণে, যে দিক হইতে কুসুম ডাকিল, আমি চকিত দৃষ্টিতে সেই দিকে তাকাইলাম। ঘাটের পাশেই ঝাঁপড়া লতার গাছ, তার পাশে বকুল গাছ। দেখিলাম লতা ও ফুল নড়িতেছে; ভাবিলাম বাতাস অথবা পাখী; আর এক মুহূর্ত্ত—দেখিলাম কুসুম! তৃষিতা কুসুম আমার মুখের দিকে একধানে তাকাইয়া আছে! উন্মাদের মতন ছুটিয়া তাহাকে বৃকে করিতে গেলাম, তাহাকে ধরিতে পারিলাম না! আমি কুসুমের দিকে যতই যাই তাহাকে ধরিতে পারি না; সে আমা হইতে প্রায় ছইহাত দূরে থাকে। দৃষ্টি তাহার তিলকের জন্মও অন্য কোথাও নাই, কেবল তাহা আমার মুখের প্রতি বিন্যস্ত। আমি তাহাকে ধরিতে পারিলাম না। অগত্যা স্থির হইয়া

দাঁড়াইলাম। মানসিক দারুণ উত্তেজনায় আমি কাতর ব্যাকুল হইয়া জিজ্ঞাসা করিলাম,—
'কুসুম!'

কুসুম স্থির দাঁড়াইয়া। পলকহীন দৃষ্টি আমার প্রতি স্থাপিত করিয়া ঠিক আবার
বলিল,—'আমি এসেছি।

আমি অতি কাতর কণ্ঠে কহিলাম,—'কুসুম, আমি আশ্চর্য্য হইয়াছি; তুমি আমার
নিকটে আনিতেন কেন?'

কুসুম কথার উত্তর করিল না আমি দেখিলাম তাহার হৃৎক্ষে জল।

'আমি তখন স্তম্ভিত—মস্তমুগ্ধ। আনুলায়িত-কুণ্ডলা কুসুম আমার সম্মুখে দাঁড়াইয়া;
রেশমের মতন কুঞ্চিত অলকাবলী সীমন্তের দুই দিকে মুছ-বাঘু-হিল্লোলে ধীরে ধীরে
তুলিতেছিল। সধবার বেশে শুভ্র পরিচ্ছদ। অর্ধ উন্মুক্ত দুই হাতে দুই গাছি হীরার
বালা। কুসুমের পাখুর মুখশ্রী, ঠিক তেমনি। স্বাস্থ্যের বর্ণ তাহাতে নাই। একবার চক্ষু
মুদ্রিত করিয়া আবার দেখিতে ইচ্ছা হইল, কিন্তু ভয় হইল পাছে আবার দেখিতে না পাই!
আমার মনোবাঞ্ছা পূর্ণ হইল না; ধীরে ধীরে আমার চক্ষে সে যেন অপসারিত হইতে
লাগিল। ধীরে ধীরে কুসুম সম্পূর্ণ অন্তর্হিত হইল; উন্মত্তের মতন চমকিয়া উঠিয়া
ডাকিলাম,—কুসুম! কুসুম! আর কুসুম নাই!

প্রতিজ্ঞা পালন করিয়া কুসুম আমার স্মরণভঙ্গি দিয়া চলিয়া গেল।

আকাশে তাকাইয়া দেখিলাম, ছোট এক থানা মেঘ উড়িয়া আসিয়া চাঁদ ঢাকিয়া
ফেলিল। তখন পর্য্যন্ত আমার জ্ঞান ছিল, বুঝিলাম একটা উষ্ণ দম্কা বাতাস আসিল;
টুপ্ টুপ্ করিয়া বৃষ্টির মতন আমার মাথায় শেফালিকা ঝরিয়া পড়িল।

এই পর্য্যন্ত বলিতে পারি। সে রাত্রির কথা আর জানি না।

মঠ পরিচ্ছেদ।

শেষ।

(ডাক্তারের কথা)

আমার নাম লাল হর প্রসাদ। কুসুমের মৃত্যুর সময় আমিই তাহার চিকিৎসা করিয়া
ছিলাম। এমন আশ্চর্য্যজনক মৃত্যু আমি কখনও দেখি নাই। সন্ধ্যার সময়
তাহার মুচ্ছার সহিত হৃদপিণ্ডের ক্রিয়া রুদ্ধ হওয়ায় আমরা তাহাকে মৃত ঠিক করিলাম।
আমি বালিকাকে মৃত সাব্যস্ত করিয়াই চলিয়া আসি নাই। বালিকা বস্ত্রে আবৃত হইয়াছিল,
অন্ত্যেষ্টিক্রিয়ার জন্য নৌকা হইতে নামাইবার সময় কৌতূহল পরবশ হইয়া আমি তাহার
মুখের উপর হইতে শাল উঠাইয়া দেখি, তাহা মৃতের ন্যায় নহে! দেখিলাম, পুনরায়
কষ্ট-নিঃশ্বাস চলিতেছে। হাত দেখিলাম, নাড়ী বহিতেছে! নিজের ভ্রমে লজ্জিত ও ব্যথিত
হইলাম। একপ ঘটনা আমার জীবনে আর কখন হয় নাই। পুনরায় চিকিৎসার চেষ্টা
হইল, কিন্তু তাহা নিষ্ফল। রোগীর ঔষধ গলাধঃকরণের ক্ষমতা ছিল না। আমরা তখনও
আশা করিলাম রোগী বাঁচিলেও বাঁচিতে পারে। একঘণ্টা কাল একই অবস্থায় কাটিল।
অজ্ঞানচ্ছন্ন, অর্ধ-নির্মীলিত নয়ন, শ্লেষ্মাজড়িত কষ্ট-শ্বাস। সন্ধ্যার কিছু পরে আবার
বালিকার মুচ্ছা হইল, নিঃশ্বাস প্রশ্বাস রুদ্ধ হইয়া পুনরায় সম্পূর্ণ মৃত্যু-লক্ষণ প্রকাশ পাইল।
এবার মৃত্যু নিশ্চয়। গতবারে এক ঘণ্টার পর পুনরায় রোগীর শ্বাস বহিয়াছিল, এবার
সেই জন্ত চারঘণ্টা অপেক্ষা করা হইল। অন্যান্য চিকিৎসকেরাও পরীক্ষা করিলেন
সকলে একবাক্যে বলিলেন, মৃত্যু স্থির।

ইহার পর যাহা শুনিলাম তাহা আরো আশ্চর্য্যের বিষয়। রোগীকে নাকি মৃত্যুর
পূর্বে সন্ধ্যার সময় তাহাদের বাড়ীতে কেহ সশরীরে প্রত্যক্ষ দেখিয়াছিলেন। সেই সময়েই
নির্জীব অচেতন বালিকাকে আমার প্রাণশূন্য বলিয়া ভ্রম হয়।

শ্রীকিশোরী মোহন রায়।

কৃত্রিম উপায়ে খাঁটি হীরক প্রস্তুত করণ।

বর্তমানের অল্প অশেষবিধ বৈজ্ঞানিক বিজয়কীর্তির মধ্যে কৃত্রিম উপায়ে খাঁটি হীরক প্রস্তুত করণ, আর একটি। জর্ডানের ফরাসী বিজ্ঞানবিদ বহু বৎসর যাবৎ অক্লান্ত শ্রমস্বীকার ও অশেষ যত্নসাধন করিয়া সম্প্রতি হীরক উৎপন্ন করিতে সমর্থ হইয়াছেন। কয়েক বৎসর পূর্বে হইতেই বিজ্ঞান জগৎ একরূপ জানিয়াছিল যে, সহিষ্ণুতা সহকারে পরীক্ষা করিতে করিতে একদিন হীরক উদ্ভাবন প্রণালী আবিষ্কার হইয়া পড়িবে,—এক্ষণে সে দিন উপস্থিত হইয়াছে। পাঠকেরা জানেন হীরক বহু মূল্যবান হইলেও উহা অঙ্গারকের এক প্রকার রূপান্তর মাত্র। কিন্তু সেই রূপান্তর কিরূপে সাধিত হইয়া অকিঞ্চিৎকর সামান্য কয়লা—দুধ কাঠখণ্ড—খনিমধ্যে হীরকরূপে পরিণত হইয়াছে, তদ্বিষয় জানা ছিল না। উল্লিখিত ফরাসী বৈজ্ঞানিক (M. Moisson) আট দশ বৎসর ক্রমাগত নানাবিধ পরীক্ষা দ্বারা অবশেষে প্রকৃত উপায় উদ্ভাবনে সমর্থ হইয়াছেন। এতাবৎ অজ্ঞাত যে যে খনিজ পদার্থ কৃত্রিম উপায়ে প্রস্তুত হইয়াছে, সেই সেই খনিজ পদার্থ খনিমধ্যে স্বাভাবিক অবস্থায় কিরূপে অবস্থান করে, তাহা তন্ন তন্ন অন্বেষণ করিবার পর কৃত্রিম প্রণালী সকল উদ্ভাবিত হইয়াছে। বস্তুতঃ ঐ সকল খনিজ পদার্থের খনিমধ্যস্থ স্বাভাবিক অবস্থা ও তদাঙ্গসঙ্গিক অজ্ঞাত বিষয়গুলির যথাযথ অন্বেষণ করিয়াই লাবরেটরীতে খনিজ পদার্থ প্রস্তুতকরণে বৈজ্ঞানিকেরা সমর্থ হইয়াছেন। বর্তমানে, হীরক প্রস্তুতপ্রণালী সম্বন্ধেও সেই পন্থা অবলম্বন করাতে বিজ্ঞানের চেষ্টা ও যত্ন সফল হইয়াছে।

ইতিপূর্বে অনেকে অনেক প্রকার পরীক্ষা করিয়াছিলেন বটে, কিন্তু তাঁহাদিগের অক্লান্ত-কাৰ্য্য হইবার প্রধান কারণ এই ছিল যে, তাঁহারা হীরকের স্বাভাবিক খনিজ অবস্থা সম্যক্ অধ্যয়ন করেন নাই এবং আপনাদিগের পরীক্ষাপ্রণালীও সেই স্বাভাবিক অবস্থার অনুযায়ী করেন নাই। দক্ষিণ আফ্রিকায় যে হীরকখনি আবিষ্কৃত হইয়াছে, সেই খনির অবস্থা দর্শন করিয়া খনিজপদার্থবিদগণ সর্ব প্রথমে হীরক উৎপন্নের কারণের আভাস পান। সেখানে যে প্রস্তর স্তূপের মধ্যে হীরক পাওয়া গিয়াছে, তাহা নীলবর্ণের প্রস্তর। ইংরাজীতে ইহাকে Kimberlite বলে। এই নীল প্রস্তরের চতুঃস্থার্শ্ব শিলাস্তূপের মধ্যে একটা স্তূপ এক প্রকার কৃষ্ণকায় পদার্থনির্মিত। এই কৃষ্ণকায় পদার্থকে ইংরাজীতে “Shale” বলে। “শেল” লৌহ অঙ্গারক ও মৃত্তিকা সংশ্লিষ্ট এক প্রকার খনিজ পদার্থ। প্রোক্ত নীল প্রস্তরের মধ্যেও স্থানে স্থানে উত্তাপ ও অজ্ঞাত কারণে পরিবর্তিত এবং রূপান্তরিত “শেল” খণ্ড পরিদৃষ্ট হইয়া থাকে! আর ঐ নীল প্রস্তরের মধ্যেই স্বভাবজ হীরকখণ্ড প্রাপ্ত হওরা যায়। ইহা হইতে সহজে এই অনুমানই মনে আসিয়া পড়ে যে উক্ত নীলপ্রস্তরনিহিত “শেলের”

অঙ্গারক অংশই তাপ চাপাদি ভৌতিক কারণ প্রভাবে পরিবর্তিত ও রূপান্তরিত হইয়া সমুজ্জল হীরকখণ্ডে পরিণত হইয়াছে। দক্ষিণ আফ্রিকায় হীরক খনি হইতে হীরক উৎপত্তি সম্বন্ধে এইরূপ একটা পূর্বাভাস কৃত্রিম প্রণালীতে হীরক উৎপাদনে কৃতকার্য্য হইবার সম্বন্ধে বহুল সহায়তা করিয়াছে। এতদিন ইহা অজানিত ছিল বলিয়া প্রকৃত প্রণালী মতে পরীক্ষা করা হয় নাই স্তরাতঃ কৃতকার্য্য হওয়াও যায় নাই।

বোধ হয় পাঠকেরা অবগত আছেন বিশুদ্ধ অঙ্গারক সাধারণতঃ তিন প্রকার অবস্থায় পাওয়া যায়—১ঃ সাধারণ কয়লা অর্থাৎ কাঠ পোড়াইলে যে কয়লা জমে (Charcoal) ২ঃ পেন্সিলের কয়লা (Graphite); ৩ঃ হীরক। আমরা এখানে মৃদঙ্গারকের কথা উল্লেখ করিলাম না। কেন না ইহার সহিত অজ্ঞাত অনেক পদার্থ মিশ্রিত থাকে। মৃদঙ্গারক অমিশ্র বা বিশুদ্ধ অঙ্গারকের উদাহরণ স্থল হইতে পারে না। উক্ত ত্রিবিধ অবস্থাপন্ন অঙ্গারকের মধ্যে হীরক সর্বাপেক্ষা কঠিন। অল্পজান বাষ্পের মধ্যে পোড়াইলে হীরক হইতে কার্বনিক অ্যাসিড বাষ্প উৎখিত হয়। কিন্তু যদি অল্পজানের অভাব হয়, হীরক অগ্নি মধ্যে স্থায় স্বাভাবিক ওজ্জ্বল্য বিহীন হইয়া কৃষ্ণবর্ণ হইয়া পড়ে। বস্তুতঃ বহুমূল্য হীরক তখন আর হীরক থাকে না; অতি সামান্য কয়লা হইয়া পড়ে। যদিও অধিক উত্তাপ প্রয়োগ করিলে পুড়িয়া ভয় হইয়া যায়, তাহা হইলেও উত্তাপের সহিত চাপ প্রয়োগ করিলে সামান্য কয়লাই আবার হীরক হইতে পারে। উত্তাপের সহিত চাপ প্রযুক্ত হইলে, উত্তাপের ক্রিয়াফলের যে এক বিশেষত্ব ঘটে, তাহা অনেক দিন হইতেই জানা আছে। চা-খড়িকে এইরূপে উত্তাপ সহ চাপযুক্ত করিয়া মার্কেল প্রস্তর প্রস্তুত হইয়া থাকে। মোরাস তাঁহার কৃত্রিম খাঁটি হীরক প্রস্তুত প্রণালী সম্বন্ধে এই নিয়মটির সম্যক্ আশ্রয় গ্রহণ করিয়াছিলেন। এক্ষণে দেখা যাক কিরূপে হীরক লাবরেটরীতে পরীক্ষা দ্বারা প্রস্তুত হইয়াছে।

পূর্বেই বলা হইয়াছে হীরক এক প্রকার অঙ্গার বিশেষ। এমন কি সামান্য কয়লা হইতে বিশেষ স্বতন্ত্র নহে। কিন্তু আমরা জানি কেবল দানা বাধিয়াই (Crystallized) সেই ভঙ্গপ্রবন অঙ্গারক অণুগুলি সম্পূর্ণ রূপে রূপান্তরিত হইয়া স্বচ্ছ উজ্জ্বল হীরক রূপে পরিণত হয়। তবে এখন দেখা যাক কোন পদার্থের দানা কিরূপে বাধে। পাঠকবোধ হয় জানেন খনিজ যাবতীয় দানাদার পদার্থকে ছই প্রধান উপায়ে সাধারণতঃ দানা বাধান যাইতে পারে—১ঃ, তরলীকৃত দ্রব পদার্থকে ক্রমশঃ শীতল করিয়া, ২ঃ কঠিন পদার্থকে উত্তাপ সহযোগে বাষ্প করিয়া এবং সেই বাষ্পকে ক্রমশঃ শীতল করিয়া অর্থাৎ যাহার দানা গঠন করিতে হইবেক, তাহাকে কোন রূপ দ্রাবক দিয়া (যেমন জল, সুরাসার, ইথর, বা অ্যাসিড ইত্যাদি) গলাইয়া ফেলিয়া ক্রমশঃ শীতল হইতে দিলে, উহার দানা বাধিতে পারে; অথবা যদি উহা কোন দ্রাবকে দ্রবীভূত হয়, উত্তাপ সহযোগে উহাকে বাষ্প করিতে হইবে এবং এই বাষ্পকে ক্রমশঃ শীতল করিলে উহা দানা বাধিবে। এখন কয়লার দানা গঠন উপরোক্ত ছই উপায়ের কোনটিরও আয়ত্তীভূত নয়। এমন কোন অ্যাসিড বা অ্যালকেলি

এ পর্যন্ত জানা যায় নাই। যাহাদ্বারা কয়লা দ্রব করা যাইতে পারে। জল, সুরাসার বা ইথেরেও কয়লা দ্রব হয় না। উত্তাপ সংযোগে উহাকে বাষ্প করিবার সম্ভাবনাও নাই। সুরাং কয়লা দ্রব করিবার জন্ত অল্প উপায় অবলম্বন করিতে হইয়াছিল। দ্রব ধাতুময় পদার্থের সহিত কয়লা যে কতক পরিমাণে গলিয়া মিশিয়া থাকিতে পারে ইহা পূর্ক হইতে কতকটা জানা ছিল। যেমন, Blast furnace এ যখন লৌহ গলান হয়, তখন খানিকটা অঙ্গারকও সেই সঙ্গে গলাইয়া দ্রব লৌহের সহিত মিশ্রিত হইয়া পড়ে এবং লৌহ শীতল হইলে তৎসঙ্গে দ্রব কয়লাও শীতল হইয়া কঠিন হয়, ও কখন কখন দানা বাঁধিয়া গ্রাফাইটের মতও হয়। মোয়ার্স এই সন্ধান লইয়া তৎপূর্ব দ্রবমান লৌহকে কয়লার দ্রাবক রূপে ব্যবহার করিলেন। লৌহকেই কয়লার দ্রাবক রূপে ব্যবহার করিবার দৃষ্টি প্রধান কারণ আমরা মনে করিতে পারি। একটি আফ্রিকার হীরকখণির মধ্যে ও গালিন্দে যে কৃষ্ণকায় পদার্থের (Shale) কথা আমরা পূর্ক উল্লেখ করিয়া আসিয়াছি এবং যাহা হইতে বা যন্মধ্যে খনিজ হীরক পাওয়া গিয়াছে সেই "শেল" লৌহ ও অঙ্গারক পদার্থে মিশ্রিত থাকে। অপরটি খনিজ স্বাভাবিক হীরক পোড়াইলে যে, ভয় অবশিষ্ট থাকে, তাহাতে Oxide of iron পাওয়া গিয়া থাকে।

মোয়ার্স প্রথমে প্রথমে যে পরীক্ষা করিতেন তাহাতে তিনি পোড়াইলে যে অঙ্গারক উৎপন্ন হয়, সেই অঙ্গারক ব্যবহার করিতেন। বৈজ্ঞানিক চুল্লীতে লৌহ গলিয়া যখন ষ্বেতবর্ণ হইত তখন তাহার সহিত যত পরিমাণে অঙ্গারক মিশিতে পারে তত পরিমাণ অঙ্গারক মিশাইতেন। বলা বাহুল্য লৌহের সহিত অঙ্গারকও গলিয়া মিশিয়া যাইত। পরে যে মুচীতে করিয়া লৌহ ও অঙ্গারক গলান হইতেছিল সেই মুচীটি দ্রবীভূত লৌহ ও অঙ্গারক সমেত শীতল জলমধ্যে নিমজ্জিত করা হইত। মিশ্র দ্রব লৌহাঙ্গারক শীতল জল সংস্পর্শে ক্রমশঃ শীতল হইবার সময় সর্ব প্রথমে উহার বহিঃপ্রদেশটি ঠাণ্ডা হইয়া আভ্যন্তরীণ দ্রব পদার্থের চতুষ্পার্শ্বে একটি কঠিন আবরণ স্বরূপ পরিগঠিত হয়। অর্থাৎ গলিত পদার্থের সমস্ত অংশটা একবারে শীতল হইয়া কঠিন হয় না। ভিতরের অংশ দ্রব থাকিতে থাকিতে বাহিরের অংশ শীতল সলিল সংস্পর্শে শক্ত হইয়া পড়ে। এই বহিরাবরণ লোহিত বর্ণের থাকিতে থাকিতেই মুচীটিকে জল হইতে উঠাইয়া অতি অল্পে অল্পে শীতল হইতে দেওয়া হয়। এক্ষণে এই রূপে একটি শক্ত বহিরাবরণের মধ্যে আবদ্ধ হইয়া আভ্যন্তরস্থ দ্রব লৌহ যখন ক্রমশঃ শীতল হইয়া কঠিন হইতে থাকে, তখনই আশ্চর্য ঘটনা ঘটে। লৌহের একটি বিশেষ ধর্ম এই যে, উহা শীতল হইয়া কঠিন হইবার সময় আয়তনে বৃদ্ধি হয়। (জল যেমন জমাট হইয়া বরফ হইলে আয়তনে বাড়ে সেই রূপ) এখন সেই মুচীর মধ্যস্থ দ্রব-লৌহ শীতল জলে নিমজ্জিত হইবার কালে উহার উপরি অংশটা অপেক্ষাকৃত কঠিন হইয়া পড়িয়াছে কিন্তু ভিতরে তখনও দ্রব লৌহ। এই দ্রব-লৌহ যখন শীতল হইয়া শক্ত হয়, তখন উহার আয়তন বৃদ্ধি হইবার কথা। কিন্তু স্থান সীমাবদ্ধ; কেন না, বহিঃস্থ দ্রবময় পদার্থ ইতি-

পূর্ক শক্ত হইয়া গিয়াছে এবং আভ্যন্তরস্থ দ্রব পদার্থের চতুষ্পার্শ্বে এক কঠিন আবরণরূপে পরিণত হইয়াছে। সুরাং এই কঠিন বহিরাবরণের মধ্যে আভ্যন্তরীণ দ্রব পদার্থ শীতল ও শক্ত হইবার সময় লৌহের স্বাভাবিক ধর্মামুসারে প্রসারিত হইতে গিয়া কঠিন বহিরাবরণের মধ্যে খুব চাপ পায় এবং পেষিত হইয়া পড়ে। সুরাং অতি ধীরে ধীরে এবং ভয়ানক চাপের মধ্যে আভ্যন্তরীণ দ্রব-লৌহ শীতল হইয়া কঠিন হয়। কিন্তু মুচীর মধ্যস্থ দ্রব পদার্থ শুদ্ধ লৌহ নহে। উহার সহিত অঙ্গারক দ্রবাবস্থায় মিশ্রিত ছিল। এই মিশ্রিত অঙ্গারকের কিয়দংশও বিষম পেষণভারে পিষ্ট হইয়া দানা বাঁধিতে বাধ্য হয়। এক্ষণে যদি ফুটন্ত হাইড্রোক্লোরিক অ্যাসিডে নিষ্ক্ষেপ করিয়া লৌহ অংশটা গলাইয়া ফেলা হয়, তন্মধ্য হইতে অঙ্গার-ফটিক (Crystallized carbon) স্বতন্ত্র হইয়া পড়ে।

এই প্রক্রিয়ামুসারে যে দানাদার অঙ্গারক পাওয়া যায়, তাহা পরীক্ষা করিয়া দেখিলে দেখা যায় যে, উহার কিয়দংশ গ্রাফাইটরূপে জমাট বাঁধিয়াছে। অবশিষ্টাংশ তাহাপেক্ষাও আরো ঘনতর দানাশিষ্ট এবং এত শক্ত যে পান্নার উপরও দাগ পাড়াইতে পারে। শেথোক প্রকার দানার মধ্যে যেগুলি অপেক্ষাকৃত ভারী সে গুলি উজ্জল ও ঈষৎ স্বচ্ছ হয় এবং তাহাদের গায়ে সমান্তরাল রেখাচিহ্ন (Striae) ও ত্রিকোন বিশিষ্ট ক্ষুদ্র ক্ষুদ্র গর্ত (Triangular depression) থাকে। (হীরকের এগুলি বিশেষ লক্ষণ।) এই ক্ষুদ্র ক্ষুদ্র উজ্জল ও স্বচ্ছ অঙ্গারক দানাকে অল্পজান বাষ্পের মধ্যে ১০৫০ শতাংশী উত্তাপ প্রয়োগে পোড়াইলে কার্বনিক অ্যাসিড গ্যাসও উৎপন্ন হয়। কিন্তু এই নমুনাগুলি এত ক্ষুদ্র যে ইহাদের লইয়া কোনরূপ রাসায়নিক পরখ চলেনা। তথাপি, ইহা স্থির যে ঐ উজ্জল, স্বচ্ছ, দানাদার অঙ্গারক রেগুলি ক্ষুদ্র ক্ষুদ্র হীরক, সম্পূর্ণরূপে খনিজ হীরকসদৃশ।

মোয়ার্স সম্প্রতি একটু পরিবর্তিত প্রণালীতে পরীক্ষা করিয়া এত বড় ও এত উৎকৃষ্ট ধরণের প্রকৃত হীরক প্রস্তুত করিতে সমর্থ হইয়াছেন যে, সেগুলি লইয়া অনায়াসেই রাসায়নিক পরখ দ্বারা সকল সন্দেহ নিরাকৃত হইয়াছে। হীরকের একটি প্রধান পরখ এই যে, উহা অল্পজানে পোড়াইলে কার্বনিক অ্যাসিড গ্যাস উৎপন্ন হইবে। মোয়ার্স পূর্ক পরীক্ষালব্ধ হীরকেরেণু অতীব ক্ষুদ্র হইত বলিয়া নিঃসন্দেহরূপে এই পরখ করা সম্ভবিত না। কার্বনিক অ্যাসিড গ্যাস জন্মিলেও তাহা এত সামান্য পরিমাণে হইত যে, অল্পমান করিয়া লইতে হইত। কিন্তু এই নূতন প্রক্রিয়ালব্ধ হীরক এত বড় ও এত উত্তম হয় যে, কার্বনিক অ্যাসিড গ্যাসের পরখ স্বচ্ছন্দে করিয়া সকল সন্দেহ নিরাকৃত হইতে পারে। নূতন পরিবর্তিত প্রণালী এই:—

বৈজ্ঞানিক চুল্লীতে ও চাপ সংযোগে লৌহসহ যত পরিমাণ অঙ্গারক মিশিতে পারে তত মিশাইয়া উভয়কে উত্তপ্ত ও দ্রবীভূত করিয়া ষ্বেত বর্ণ করিতে হইবেক। তৎপরে যে মুচীতে করিয়া উক্ত উভয় দ্রব দ্রবীভূত হইল, সেই মুচীটি শুদ্ধ দ্রব লৌহাঙ্গারক, খানিকটা দ্রব সীসকের মধ্যে নিমজ্জিত করিতে হইবেক। এই রূপ করিলে, দ্রব লৌহ

পূর্ব-পরীক্ষায় বর্ণিত জলমধ্যে নিষ্ক্ষেপণ অপেক্ষা, শীঘ্র শীতল হয়। কারণ, লৌহ যখন এত উত্তপ্ত হয় যে একবারে লাল বর্ণ পরিত্যাগ করিয়া স্বেত বর্ণ ধারণ করে, সেই অবস্থায় উহাকে জলে নিষ্ক্ষেপ করিলেও উহা প্রকৃতপক্ষে জলে সংস্পৃষ্ট হয় না। জল বাষ্প হইয়া উহার চতুষ্পার্শ্ব আচ্ছন্ন করিয়া ফেলে এবং বাষ্প ভাল তাপ পরিচালক নয়। দ্রবীভূত সীসার মধ্যে কিন্তু সেরূপ হয় না। আর সীসার তাপপরিচালক শক্তি জল অপেক্ষা অনেক বেশী। কায়েকায়েই উত্তপ্ত সীসার 'রাসের' মধ্যে দ্রব-লৌহ শীঘ্র শীতল হয়। লৌহ অপেক্ষা সীসার আপেক্ষিক গুরুত্ব অধিক বলিয়া, তৈল যেমন জলের উপর ভাসে, দ্রবলৌহ ছোট ছোট ফোঁটার আকারে তপ্ত সীসার রাসের উপর ভাসিয়া থাকে। স্তবরাং মুচীস্থিত দ্রবলৌহ সীসার রাসের মধ্যে নিষ্ক্ষিপ্ত হইলে, উহা ছোট ছোট ফোঁটার মত সীসার উপর ভাসিয়া উঠে। ভাসমান ফোঁটাবৎ দ্রবলৌহ পিণ্ডগুলির উপরিভাগ অর্থাৎ বহির্দেশ, অগ্রে শীতল হইয়া পরে কঠিন হইয়া পড়ে। কিন্তু উহাদের অভ্যন্তর দেশ তখনও তরল থাকে। এখানেও অভ্যন্তরদেশ শীতল হইবার সময় প্রসারিত হইবার চেষ্টা করে। কিন্তু বহিরাবরণ ইতিপূর্বেই শক্ত হইয়া গিয়াছে বলিয়া ভিতরের অংশ বন্ধিতায়তন হইতে গিয়া শক্ত বহিরাবরণ মধ্যে পেষিত হয়। এই পেষণের সময়, যে অঙ্গারক অংশ এতক্ষণ দ্রব-লৌহের সহিত মিশিয়া ছিল, তাহারও কিয়দংশ শক্ত ও জমাট হইয়া দানা বাধিয়া, তরল দ্রব লৌহ হইতে পৃথক হইয়া পড়ে। কিয়ৎক্ষণ পরে যখন সীসাও ঠাণ্ডা হইয়া শক্ত হয়, ছোট ছোট ফোঁটার মত বর্তুলগুলি তন্মধ্যে সংলগ্ন রহিয়া যায়। এক্ষণে যদি উক্ত ছোট ছোট লৌহ বর্তুলগুলিকে সীসার 'রাস' হইতে স্বতন্ত্র করিয়া নাইট্রিক অ্যাসিড দ্বারা সংলগ্ন সীসক গলাইয়া ফেলা যায়, আর হাইড্রোক্লোরিক অ্যাসিড দ্বারা বর্তুলের লৌহ অংশ গলাইয়া ফেলা যায়, তাহা হইলে উহার মধ্য হইতে উজ্জল ও স্বচ্ছ দানাদার অঙ্গারক বাহির হইয়া পড়িবেক। ইহাই হীরক খণ্ড। খনিজ স্বাভাবিক হীরক হইতে কোন অংশে একবিন্দুও অল্পকৃষ্ণ বা হীন নহে।

অবশ্য, এইরূপে হীরক প্রস্তুত করিতে অনেক পরিশ্রম, অনেক সময়, অনেক প্রকার রাসায়নিক প্রক্রিয়া ও দ্রাবকব্যবহার প্রয়োজন। কিন্তু তাহা হইলেও ইহাতে বৈজ্ঞানিক কীর্তির কিছুই লাঘব হয় না। যত শ্রম-সাধ্য, ও সময়সাপেক্ষ হউক না, এক্ষণে বৈজ্ঞানিক উপায়ে প্রকৃত ও বিশুদ্ধ হীরক উৎপাদন এক সংস্কৃত ব্যাপার।

মোয়ার্সের শেষোক্ত পরীক্ষালব্ধ হীরকখণ্ড সকল তাঁহার প্রথম পরীক্ষা সম্বৃত্ত হীরক রেণু অপেক্ষা অনেক বড়! ইহাদিগের ব্যাস প্রায় অর্ধ মিলিমিটার। (এক মিলিমিটার এক মিটারের সহস্র ভাগের এক ভাগ, এবং এক মিটার প্রায় ৩৯.৪ ইঞ্চির সমান।) ইহারাও যদিও ক্ষুদ্রায়তনের বটে, তবুও আশা করা যায় এ সম্বন্ধে আরো যত পরীক্ষা হইবে ও উন্নতি সাধিত হইবে, ততই অপেক্ষাকৃত বৃহদায়তনের হীরক খণ্ড প্রস্তুত হইবার সম্ভাবনা হইবেক। কিন্তু বিজ্ঞানের এই অভিনব কীর্তির মধ্যে আমাদের যাহা বিশেষ দ্রষ্টব্য

তাহা এই যে, কৃত্রিম পান্নার মত, এ কৃত্রিম হীরক বাস্তবিক কৃত্রিম অর্থাৎ 'নকল' বা 'ভেল' বা 'বুটা' নহে। ইহা সর্বাংশে ও সর্বতোভাবে খনিজ অকৃত্রিম হীরকসদৃশ। স্বভাবতঃ হীরকের ন্যায় ইহা স্বচ্ছ ও উজ্জল দীপ্তিসম্পন্ন; দানার আকার, গঠন, উপরিস্থ সমান্তরাল রেখাচিহ্ন ও ত্রিকোণাকৃতি ক্ষুদ্র ক্ষুদ্র গর্ত—ঠিক খনিজ হীরকের স্থায়। খনিজ হীরকের স্থায় এ হীরকেরও প্রতিফলনক্ষমতা অত্যন্ত অধিক। আলোক রাশি খনিজ হীরকের উপর সম্প্রতি হইলে যে যে বিশেষ বিশেষ গুণ প্রকাশ করে, ইহাও ঠিক তদ্রূপ করে। খনিজ হীরকের স্থায় ইহাও অতি কঠিন এবং ইহার আপেক্ষিক গুরুত্ব ঠিক খনিজ হীরকের স্থায়। অত্যধিক তাপের মধ্যে দানা বাঁধে বলিয়া খনিজ হীরকের মধ্যেও যেমন কখন কখন এক এক বিন্দু বাষ্প কণা রহিয়া যায় এবং যাহার জন্য খনিজ হীরক সময়ে সময়ে আপনাপনিই বিদারিত হইয়া পড়ে, আমাদের বৈজ্ঞানিক উপায়ে প্রস্তুত হীরকের মধ্যেও সেইরূপ কখন কখন বাষ্প কণা বদ্ধ থাকে এবং আপনাপনি তাহা ছটকাইয়াও পড়ে। বস্তুতঃ ইহা সর্বাংশেই খনিজ হীরকের সদৃশ। কেবল এই পার্থক্য যে বর্তমানে অতি ছোট ছোট আকারের ও অতি অল্প পরিমাণেই ইহা উৎপন্ন হইয়াছে।

শ্রীশ্রীপতি চরণ রায়।

নিজাম রাজ্য।

নিজাম রাজ্য যে সর্ব প্রথম দেশীয় রাজ্য তাহা বোধ হয় সকলেই জানেন। ইহা আয়তনে প্রায় ফ্রান্সের মত, এবং লোক সংখ্যা এক কোটির অধিক। ইহার বাৎসরিক আয় প্রায় চারি কোটি টাকা। নিজাম রাজ্য অর্থে এখন যাহা বুঝায়, তাহারই কথা বলিতেছি, অর্থাৎ বেরার ছাড়া।

প্রায় দুই শত বৎসর হইল আসফ্‌ যাহ্ নিজাম-উল-মুল্ক নামে দিল্লির সুলতানের এই রাজ্যের ভিত্তি স্থাপন করেন। আজ পর্যন্ত হায়দ্রাবাদ রাজ্যকে "সলতনত-ই-আসফিয়া, অর্থাৎ আসফের রাজ্য কহে।

প্রায়ই লোকের ধারণা যে হায়দ্রাবাদে সমস্তই মুসলমান, কিন্তু ইহা নিতান্ত অমূলক। নিজাম রাজ্যের লোক দশ ভাগের এক ভাগ মাত্র মুসলমান, অর্থাৎ প্রায় সমস্তই হিন্দু। তবে এখানে হিন্দু বলিলে যাহা বুঝায় আমাদের দেশে ঠিক তাহা বুঝায় না। এখানে ব্রাহ্মণ ব্যতীত সকল হিন্দুই কুকুট মাংস ভক্ষণ করে। পেরাজ খাওয়ার কোন পাপ নাই।

হিন্দুদিগের মধ্যে অবরোধ প্রথার নাম গন্ধও নাই। এ দেশে এক সম্প্রদায় মাজাজি ব্রাহ্মণ আছেন বাহারিা নিজের মামাত ভগ্নী এবং ভাগিনেয়ীকে বিবাহ করেন। বঙ্গ দেশের পণ্ডিত মহাশয়রা গুনিয়া বোধ হয় আড়ষ্ট হইবেন, এবং বলিবেন যে ওখানকার ব্রাহ্মণ মেচ্ছ হইয়া গিয়াছেন। যে সকল ব্রাহ্মণের কথা বলিতেছি তাঁহারা জুতা পায় দেন না, দুই হস্ত পরিমিত টিকি রাখেন, কখনও আমিষ ভক্ষণ করেন না, তাম্রকুট সেবন করেন না, ইত্যাদি গুণ বিশিষ্ট। এ প্রকার মামা ভাগ্নীতে এবং মামাত পিস্তত ভাই ভগ্নীতে বিবাহ যে কালেভদ্রে ঘটে তাহা নহে। প্রায়ই এরূপ শুনিতে পাওয়া যায়। এমন কি মামা থাকিতে ভাগিনেয়ীর অস্ত্র কাহারও সহিত বিবাহের কথা হওয়ায় মামা নালিষ পর্যন্ত করিয়াও ভাগিনেয়ীর পাণিগ্রহণ করিয়াছেন, ইহাও শুনা গিয়াছে। মামা ব্যতীত যে ভাগিনেয়ীর অস্ত্র কোন উপায় নাই, তাহা বলিতেছি না। যদি মামা না থাকেন, কিম্বা মামার বিবাহ পূর্বে হইয়া গিয়া থাকে, অথবা মামার ভাগিনেয়ীকে বিবাহ করিবার ইচ্ছা না থাকে, তাহা হইলে অবশ্যই ভাগিনেয়ীর অস্ত্র বিবাহ হয়।

এখানকার হিন্দু সমাজ অনেক দিনের পুরাতন। কথিত আছে যে রামচন্দ্র এইখান হইতেই অধিকাংশ সৈন্ত সংগ্রহ করিয়া সীতা উদ্ধার করিয়াছিলেন। নিজাম রাজ্যের মধ্যে আনাওন্দি নামে এক জমিদারি আছে। আনাওন্দির রাজা স্ত্রীবেব বংশধর বলিয়া স্পর্ধা করিয়া থাকেন। বালির বংশের কেহ এখনও রাজত্ব করিতেছেন কি না তাহা জানি না। বলা বাহুল্য যে স্ত্রীবেব বংশধর বলিলে বঙ্গদেশে যাহা বুঝায় আনাওন্দিতে তাহা বুঝায় না। আমাদের দেশের সীতাদেবী কোমল প্রকৃতি। এখানে সীতা মারাহাঠা রকমে কাছা দিয়া কাপের পরা এবং “চুলি” আঁটা; হটাৎ দেখিলে কুস্তিগির জোয়ান বলিয়া বোধ হয়। “চুলি” অর্থে বক্ষ চাকিবার এক প্রকার ছোট জামা বিশেষ, ইহাতে বোতাম নাই, ফিতা দিয়া বক্ষের কাছে বাঁধা থাকে। এ দেশে ভদ্র, অভদ্র, যুবতী, বৃদ্ধ, সূকলেই এই চুলি ব্যবহার করিয়া থাকেন; কেবল কোন কোন পরিবারে বৃদ্ধা বিধবারা চুলি পরেন না।

এখানে অনেক প্রকার মুসলমান আছে। আরব, রোহিলা কাবুলি, বেলুচি প্রভৃতি সকলই দেখিতে পাওয়া যায়। কিন্তু পুরুষাঙ্ক্রেমে দক্ষিণের “চিন্তা পণ্ডু মির পকালু” অর্থাৎ তেঁতুল এবং লক্ষা, খাইয়া তাহারাত খর্কাকৃতি হইয়া পড়িয়াছে। হঠাৎ দেখিলে আমাদের দেশের “চাচা” বলিয়া ভ্রম হয়। ইহাদের কথা বার্তাতেও অনেক তামিল শব্দ পাওয়া যায়।

অন্য স্থানের শ্রায়, এখানেও শিয়া, স্ননি দুই সম্প্রদায়ই আছে। নিজামের বংশ স্ননি, সালার জঙ্গের বংশ শিয়া। সালার জঙ্গ যখন জীবিত ছিলেন, রাজকার্য নিরূহ করিবার বড় স্নন্দর ব্যবস্থা ছিল, শুনিতে পাই। নিজাম স্ননি, স্ননিরা তাঁহার কাছে ষাইত, মন্ত্রী সালার জঙ্গ শিয়া বলিয়া শিয়াদের পক্ষ তিনি সমর্থন করিতেন, এবং মহারাজ নরেন্দ্র প্রসাদ পেশকার হিন্দুদের প্রার্থনা শুনিতেন। ফল এই দাঁড়াইত যে, কোন সম্প্রদায়ের উপর অবিচার হইত না। ইহা কত দূর সত্য বলিতে পারি না।

বর্তমান নিজামের বয়স প্রায় ত্রিশ বৎসর। ইনি ইংরাজি গোষাক পরেন; কেবল পাগড়িটি হায়দ্রাবাদি। ইহা এক নূতন প্রকার পাগড়ি। উত্তর পশ্চিম প্রদেশের চাদর জড়ান ব্যাপার নহে। ইহা সকল রকম রংয়ের হয়। ভদ্র লোকে প্রায়ই সাদা অথবা ফেল্টের পাগড়ী ব্যবহার করেন। একটি পাগড়ির মূল্য দুই টাকা হইতে চল্লিশ টাকা পর্যন্ত। ইহাতে জরিব নাম গন্ধও নাই।

এখনকার নিজামের নাম মির মহবুব আলি খান। কিন্তু খেতাব মিলাইয়া নামটি খুব বড় হইয়া যায়, যথা

আসফ্ বাহ মজফ্ফর, উল-মমালিক্ নিজাম্-উল্-মুল্ক্, নিজাম্-উদ্-দৌলা মির মহবুব আলি খাঁ বাহাদুর ফতে জঙ্গ জি, সি, এস্, আই।

এই সঙ্গে আর গুটি কতক বড় নামের নমুনা দিতেছি। এখন যিনি মন্ত্রী, তাঁহার নাম :—নবাব সিকন্দর জঙ্গ, ইকবাল-উদ্-দৌলা, ইকুতদার-উল্-মুল্ক্, ওকার-উল্-উমরা বাহাদর। ইহাঁকে সচরাচর ওকার-উল-উমরা বলা হয়। ইংরাজেরা বলেন “Life is too short to pronounce such a big name এবং সংক্ষেপ করিয়া ওকার-উল-উমরা কে তাঁহার “ভিকার” বলেন। ইংরাজিতে Vicar অর্থে পাদ্রি, এই জন্যই বোধ হয় ক্রমে ক্রমে Vicar এর পূর্বে The সংযোগ হইয়াছে। ইংরাজেরা প্রায়ই “The case is before the Vicar” ইত্যাদি বলিয়া থাকেন। আমাদের মন্ত্রী মহাশয় গোলযোগে পড়িয়া পাদ্রি হইয়া গেলেন!

ইহার পূর্বে যিনি মন্ত্রী ছিলেন তাঁহার নাম :—

নবাব মহমদ মজহরুদ্দিন খাঁ, রফতু জঙ্গ, বশির-উদ্-দৌলা, উমদত-উল্-মুল্ক্, অজম্-উল্-উমরা, আমির-ই-অকবর, স্যার আসমান্ বাহ বাহাদর, কে, সি, আই, ই।

সচরাচর ইহাঁকে কেবল স্যার আসমান্ বাহ বলা হয়।

এখনকার যিনি প্রধান নবাব, (Premier noble) তাঁহার নাম :—

নবাব শম্-উদ্-দৌলা, শম্-উল্-মুল্ক্ শম্-উল্-উমরা, অমির-ই-কবির, শ্রার খুরসেদ বাহ বাহাদর কে, সি, আই, ই।

সচরাচর ইহাঁকে শ্রার খুরসেদ বাহ বলা হইয়া থাকে। আর লম্বা নামের নমুনা দিবার বোধ হয় প্রয়োজন নাই। নামের ধরণ সকলেই বোধ হয় এখন বুঝিতে পারিয়াছেন।

নিজামের সচরাচর দুইজন এডিকং থাকেন। বলা বাহুল্য যে ইহাঁদেরও খেতাব দিয়া নবাব করা হইয়াছে। নবাব দুই প্রকার, এক নবাব বংশে জন্মিয়া নবাব, আর খেতাব লইয়া নবাব। বিলাতে অর্ল, মার্কুইসের মত এখানকার নবাবেরও শ্রেণী আছে।

১। জঙ্গ, (যুদ্ধ) যথা ইমাদ্ জঙ্গ;

২। দৌলা, (রাজ্য) যথা ইমাদ্ উদ্ দৌলা;

৩। মুল্ক্, (দেশ) যথা ইমাদ্-উল্-মুল্ক্;

৪। উমরা, (সম্ভ্রান্ত, noble) যথা ওকার-উল-উমরা ;

৫। যাহ, (পদ, Dignity) যথা খুরসেদ যাহ।

“যাহ” সর্বোচ্চ খেতাব। বলা বাহুল্য যে সকল খেতাবের ঠিক অর্থ হয় না, যেমন ইমাদ-নওয়াজ-জঙ্গ। কিন্তু প্রায়ই অধিকাংশ খেতাবের মানে আছে, যথা “সালার জঙ্গ” অর্থাৎ যুদ্ধে প্রধান, ইমাদ-উদ-দৌলা অর্থাৎ রাজরক্ষক, ইমাদ-উল-মুল্ক অর্থাৎ দেশ রক্ষক ; (ইমাদ শব্দের প্রকৃত অর্থ স্তম্ভ) ওকার-উল-উমরা অর্থাৎ সম্ভ্রান্তদিগের গৌরব ; আশ্মান্ যাহ অর্থাৎ আকাশের মত উচ্চ পদ, খুরসেদ যাহ অর্থাৎ সূর্যের মত উচ্চ পদ।

পাঁচজনে বসিয়া প্রায়ই তর্ক করিয়া থাকেন খুরসেদ যাহ খেতাব বড়, কি আশ্মান্ যাহ বড়? আকাশ হইতে সূর্য উচ্চ অথবা সূর্য হইতে আকাশ। এ বিষয়ের মীমাংসা না হইলে যে বিশেষ কাহারও নিজার ব্যাঘাত হয় তাহা ত বোধ হয় না; তবে এই রকম তর্ক আরম্ভ করিয়া বেয়ারিং পোটে গুড়ুক খাইবার খুব স্খবিধা বলিয়াই বোধ হয় “বিজ্ঞ” লোকেরা এ বিষয়ে মনোযোগ দেন। বলা বাহুল্য যে এ বিষয়ের মীমাংসা এখনও হয় নাই, স্তত্রাং শ্রদ্ধাও এখনও শেষ হয় নাই।

মন্ত্রীর পরে এখানে Cabinet Council আছে। ইহাতে মন্ত্রীমহাশয় এবং সেক্রেটারিরা মিলিয়া ব্যবস্থা করেন। সম্ভ্রতি এখানে Legislative Council ও হইয়াছে। Cabinet Council অথবা Legislative Council এ কি প্রকার কার্য কর্তব্য হয়, তাহা বিচার করা এ প্রবন্ধের উদ্দেশ্য নহে। কেবল কি আছে না আছে, তাহাই বলা হইতেছে।

এখানে High Court আছে, তাহাকে “মজলিস-ই-আলিয়া” কহে; জজকে “ক্লকন্” বলে। জজেরা টেবিল, চেয়ার ব্যবহার করেন। এজলাসে, টেবিলের উপর পান ও নীচে পিকদানি কখন কখন দেখিতে পাওয়া যায়। হাইকোর্টের এবং অস্ত্রাশ্র সকল কাজ কর্তব্যই উর্দুতে হইয়া থাকে। এখানকার উর্দু উত্তর পশ্চিম প্রদেশের উর্দু র মত খুব ভাল নহে। অনেক তামিল শব্দ মিশ্রিত হইয়া গিয়াছে। উর্দু ব্যাকরণের প্রতি কাহারও প্রায় জ্ঞান নাই।

নিজামের স্বতন্ত্র পোষ্টআফিস আছে, টিকিটও স্বতন্ত্র। পোষ্ট মাষ্টার জেনারেল এক জন বৃদ্ধ মৌলবি। এখানকার রাজকর্মচারীগণ বেশ বেতন পান। সেক্রেটারির বেতন দুই হইতে চারি সহস্র মুদ্রা, হাইকোর্টের জজেরা ১৫শ হইতে দুই সহস্র, আমাদের পোষ্ট মাষ্টার জেনারেল মহাশয় বারশ টাকা পান, অস্ত্রাশ্র কর্মচারীর বেতনও নিতান্ত অল্প নহে।

এখানকার কর্মচারীগণ দুই শ্রেণীতে বিভক্তঃ—

১। হিন্দুস্থানী;

২। দক্ষিণী।

হিন্দুস্থানী অর্থে উত্তর পশ্চিম প্রদেশের লোক বুঝায়, এবং দক্ষিণী বলিলে হায়দ্রাবাদ ও মাদ্রাজ অঞ্চলের লোক বুঝায়। এই দুই সম্প্রদায়ের মধ্যে বড় বিশেষ আন্তরিক সদ্ভাব নাই। উচ্চ কর্মচারীগণ প্রায় সমস্তই মুসলমান, দুই একজন মাত্র ইংরাজ ও হিন্দু আছেন।

নিজামের সৈন্ত দুই প্রকারঃ—

১। বেকায়দা অর্থাৎ Irregular.

২। বাকায়দা অর্থাৎ Regular,

বেকায়দা (Irregular) সৈন্তের কোন এক রকম (uniform) পোষাক নাই। তাহার অপর লোকের স্ত্রায় নিজের কায কর্তব্য করে, কেবল মাসে মাসে সরকার হইতে কিছু কিছু বেতন পায়; যুদ্ধের সময়ে ডাক পড়িলে উপস্থিত হইতে হইবে এই কথা। এখন ত যুদ্ধের নাম গন্ধও নাই, স্তত্রাং ইহাদিগকে মহরমের সময়ে, বৎসরে একবার প্যারেডে আসা ভিন্ন, যে অস্ত্র কোন কর্তব্য করিতে হয়, তাহা বোধ হয় না। ইহাদের প্যারেডে দেখিলে, পাঁচশত বৎসর পূর্বে ভারতের সৈন্যের অবস্থা কি ছিল, তাহার আভাস পাওয়া যায়। পূর্বেই বলা হইয়াছে যে ইহাদের এক রকম পোষাক নাই। কাহারও গায়ে একটি মাত্র ছেঁড়া জামা, কেহ বা পাজামাপরা গাখালি, কাহারও বা মাথায় এক পাগড়ি এবং পায়ে বুট জুতা, কিন্তু গাত্রে ছিন্ন বস্ত্রখণ্ড মাত্র। এই ত গেল পোষাক। অস্ত্রও সকলে একরূপ ব্যবহার করে না। কাহারও হাতে একটা বস্ত্রম, কেহ বা একটি চোং ভাঙ্গা বন্দুক নইয়া বাহির হইয়াছে, কাহারও ভাগ্যে কুড়ালি বা খস্তা ভিন্ন অন্য কিছুই ঘোটে নাই। চিরকাল ইংরেজি প্যারেড দেখিয়া, যোগলাই বেকায়দা ফৌজের প্যারেড দেখিলে মনে অনেক প্রকার ভাবের উদয় হয়।

বাকায়দা (Regular) ফৌজ ঠিক ইংরাজী সৈন্তের মত, ইহাদের সৈন্তাধ্যক্ষ একজন ইংরাজ কর্ণেল।

বাকায়দা সৈন্তের মধ্যে African Body Guards দেখিতে অতি সুন্দর। কাফ্রিরা সুপুরুষ কেহ যেন না বুঝেন। এই কাফ্রি সৈন্যের পোষাক দেখিতে অতি উত্তম, এবং যখন ইহার স্তত্রাং অশ্বে চড়িয়া বাহির হয়, তখন সাদা ঘোড়ার উপর রঙ্গীন পোষাক পরা কাল মূর্ত্তি বাস্তবিকই অতি সুন্দর দেখিতে হয়।

নিজামের একজন রাজকবি—Poet Laureate—আছেন। তাঁহাকে সচরাচর “বুলবুল-ই-দক্ষিণ বলা হয়। তাঁহার লম্বা নামটি এখন মনে পড়িতেছে না।

এখানে প্রায় কেহই লাখের কম কথাই কহে না। দুই বৎসর পূর্বে মণিকার জেকবের সহিত নিজামের যে হীরার মকদ্দমা হয়, সেই হীরা খানির মূল্য ছিল ৪৫লক্ষ টাকা। ভারতবর্ষে আর কেহ এত মূল্যবান হীরা ক্রয় করিতে সক্ষম বলিয়াত বোধ হয় না। গত বৎসর একটি লাখ টাকা ঘুষের গোলমাল হইয়া গিয়াছে। তখন মন্ত্রী ছিলেন স্যার আশ্মান্ যাহ বাহাদুর। তিনি নিজামের প্রিয় পাত্র নবাব সরওয়ার জঙ্গ বাহাদুরকে টাকা পাঠাইয়া দেন। কেহ বলেন উৎকোচ, আর কেহ বলেন বকসিস দেওয়া হইয়াছিল। যাহাই হউক, আমাদের বক্তব্য যে হাদ্রাবাদে কথায় কথায় লাখ টাকা। সারওয়ার জঙ্গ বাহাদুর টাকা পাঠাইয়া নিজামের সম্মুখে উপস্থিত করিয়া সমস্ত কথা বলেন। অল্পসন্ধান

প্রকাশ পায় যে, নবাব মেহদি আলির (Financial Secretary) পরামর্শে স্যার আসমান্‌ যাহ্ এই কার্য করেন। কিছু দিন পরে নিজাম, নবাব মেহদি আলিকে দেশ হইতে বহিস্কৃত (Deport) করিয়া দেন এবং স্যার আসমান্‌ যাহ্‌র স্থানে নূতন মন্ত্রী নিযুক্ত করেন। প্রধান বিচারপতি এবং Judicial Secretary মহাশয়রাও এই বিষয়ে লিপ্ত ছিলেন, নিজাম তাঁহাদের ধমকাইয়া অব্যাহতি দিয়াছেন।

দেশীয় রাজ্যে “Deportation” ছুট লোক দূর করিবার একটি সহজ উপায়। প্রায় পাঁচ বৎসর হইল একটি বারবিলাসিনী লইয়া ছই জন নবাবের মধ্যে বিশেষ গোলমাল হইবার উপক্রম হইয়াছিল। হঠাৎ একদিন প্রাতে শুনা গেল যে মোগলাই পুলিশ সেই বেথাকে নিজাম রাজ্য হইতে বহিস্কৃত করিয়া দিয়াছে। এক কথায় সমস্ত গোলমাল মিটিয়া গেল; ব্যবস্থা মন্দ নহে।

এখানে নেটিভ খৃষ্টান সংখ্যা অত্যন্ত বেশী। ইহারা অধিকাংশ খানসামা বাবুর্জির কাজ করে। ইংরাজি পড়ে নাই, কিন্তু ইংরাজিতে কথা কহিয়া এক প্রকার কাজ চালাইয়া লয়। ইহাদের এ দেশে “Boy” কহে। “Boy” এর বয়স দশ বৎসরও হইতে পারে এবং ৬০ বৎসরও হইতে পারে। ইহাদের সকলের নামও ইংরাজি যথা George, Francis, ইত্যাদি। নেটিভ খৃষ্টানদের মধ্যে কেহ কেহ ভাল কর্মও করে। হঠাৎ দেখিলে ইহাদের হিন্দু বলিয়া বোধ হয়। যখন প্রথম এখানে আসি, একদিন বড়ই আনন্দ হইয়াছিল। “Boy” আসিয়া কার্ড দিল। নাম লেখা আছে “Mr. R. Samuels.” ভাবিলাম বুঝি কোন ইংরাজ আসিয়াছেন; তাড়াতাড়ি টিলা পায়জামা ফেলিয়া কোট পেণ্টুলন পরিয়া বাহিরে আসিলাম। দেখিলাম কেবল মাত্র একজন টিকিওয়াল, তিলক কাটা, পাগড়ি বাঁধা ভদ্র লোক বসিয়া আছেন। ইনি “Mr. R. Samuels!” কিছু কথা বার্তার পর জিজ্ঞাসা করিলাম “আপনি খৃষ্টান তবে টিকি ও তিলক কেন?” মিষ্টার স্যামুয়েল সদর্পে উত্তর করিলেন “I have only changed religion and not my forefathers' customs” সেই অবধি আর কাহাকেও কিছু জিজ্ঞাসা করি না, তবে কার্ডের উপর ইংরাজি নাম দেখিলেই জানালা দিয়া উঁকি মারিয়া দেখি মূর্তি খানা কেমন; তাহা বুঝিয়া টিলা পায়জামায় বাহির হওয়া উচিত কি না স্থির করি।

এখানকার দেশীয় খৃষ্টানদিগের মধ্যে অধিকাংশই Roman Catholic। শুনিতে পাই যে ইহাদের খৃষ্টান করিতে পাদ্রি মাহাশয়রা কিছুই বেগ পান নাই। এক একটিকে জর্ডানের জল দিয়া শুদ্ধ করিতে হয় নাই। একেবারে এক একটি গ্রাম ব্যাপ্টাইজ করা হইয়াছে। ব্যাপ্টাইজ করিবার প্রথা এইরূপ। এক গ্রামের চারিদিকে চারিজন পাদ্রি গিয়া “ইহারা সকলেই খৃষ্টান হইয়াছে” বলিয়া ঢাক ঢোল বাজাইয়া দিলেন! ইহা নিতান্ত আশাঢ়ে গল্প বলিয়া বোধ হয় বটে, কিন্তু অনেকের মুখে শুনিয়াছি বলিয়া লিপিবদ্ধ করিলাম।

এ দেশে সতীত্বের বিশেষ মূল্য নাই। ছোট লোকের মধ্যে অনেকেই পিতা কে, তাহা জানে না। ইহারা “মুর্লির” সন্তান। এখানে এক অদ্ভুত প্রথা আছে। দরিদ্র লোকের পাত্র না যুটিলে, একটা বৃক্ষের সহিত কস্তুর বিবাহ দেয়। কস্তা, ইহার পর সাধারণের সামগ্রী বলিয়া পরিগণিত হয়, অর্থাৎ বেথারূপে করিয়া কাল কাটায়। পূর্বে পুরুষের কাছে ইহারা টাকা লইতে পারিত না, কেবল অন্ন ও বস্ত্র পাইত; কিন্তু এখন ও “ধর্মবন্ধন” টুকুও ছিন্ন হইয়া গিয়াছে!

হায়দ্রাবাদ নবাবি দেশ হইলেও গুড়ুকতামাকের বিশেষ আদর নাই। সিগারেট ব্যবহার করাই আজকাল ফ্যাশন হইয়াছে; তবে ছই একটি পুরাতন পরিবারে এখনও আলবোলা গুড়ুগুড়ি দেখিতে পাওয়া যায়।

পোষাক এখনকার লোকের অনেকটা ইংরাজি রকম হইয়া দাঁড়াইয়াছে। যুবকেরা প্রায়ই গলা পর্যন্ত টাই কলার দোরস্ত ইংরাজি পোষাক পরেন; কেবল হাটের পরিবর্তে মাথায় একটি পাগড়ি। চাপকান ও চোপা এখানে নাই বলিলেই হয়, উহার বদলে “শের-ওয়ানি” অর্থাৎ ইংরাজি ফ্রক্‌কোটের মত এক প্রকার লম্বা কোট, সকলে ব্যবহার করে।

ভদ্রলোকের বাটীতে প্রায়ই ইংরাজি Drawing room, তবে নবাবদের বাটীতে ঢালা বিছানাও আছে।

বাল্যকালে ঠানদিদির কাছে যে সকল নবাবির গল্প শুনা যাইত, তাহার ছই একটি এখানে এখনও দেখিতে পাওয়া যায়। কোন কোন নবাব চায়ের সহিত মুক্তা ভঙ্গ মিশ্রিত করিয়া খান। মুক্তা ভঙ্গ করিবার বিশেষ নিয়ম আছে। চায়ে দিবার পূর্বে মুক্তাটি আস্ত থাকে, কিন্তু দিবা মাত্র গলিয়া মিশাইয়া যায়। কোন কোন নবাব পরিবারে বিবাহ রাত্রিতে বরকে পান খাইতে দেওয়া হয়, তাহাতে চূনের পরিবর্তে মুক্তাভঙ্গ থাকে। বাদাম পেস্তা দেওয়া চা বোধ হয় কেহ জানেন না। এখানে ইহাও নিতান্ত অপ্রচলিত নহে।

ভদ্রলোকের সহিত দেখা করিতে গেলে, ছোট এলাচি চিকি স্পারি এবং আতর দিয়া অভ্যর্থনা হইয়া থাকে।

নবাব মাত্রেই অনেকগুলি বেগম, কতক বিবাহিতা কতক রক্ষিতা। কেবল একজন নবাবকে জানি ষাঁহার একটি মাত্র সহধর্মিণী।

সে কালের লোকের কুসংস্কারের অনেক গল্প শুনিতে পাওয়া যায়। ছই একটি গল্প পাঠক পাঠিকাগণকে উপহার দিতেছি। যখন প্রিন্স অব ওয়েল্‌স্‌ এখানে আসেন, ছই একজন বৃদ্ধ নবাবের তাঁহাকে দেখিবার বিশেষ ইচ্ছা ছিল, কিন্তু তাহা হইয়া উঠিল না, কারণ তাঁহার জিতল গৃহে জন্মগ্রহণ করিয়াছেন এবং সমস্ত জীবন সেইখানেই কাটাইয়াছেন; উপর হইতে নামিতে মানের হানি বোধ করিলেন, সুতরাং রাজপুত্র দর্শন হইল না!

যখন এখানে প্রথমে মিউনিশিপালিটি হয়, মিউনিশিপ্যাল এন্‌জিনিয়ার একজন ইংরাজ, সহরের স্তপাকার ময়লা পরিষ্কার করিতে যান। ছই একজন প্রবীন বৃদ্ধ আসিয়া

এনজিনিয়ারকে বাধা দিয়াছিলেন “ইয়েহ্ নবাব অফ্ জল-উদ্-দৌলা বাহাদুর কা জমানা কা কচড়া হয়, অগর উঠাওগে সহরকা বরকত যাতা রহেগা,” অর্থাৎ ইহা বর্তমান নিজামের পিতার সময়ের ময়লা, ইহা ফেলিয়া দিলে সহরের অকল্যাণ হইবে। শেষকালে নাকি পাহারা খাড়া করিয়া ময়লা পরিষ্কার করিতে হইয়াছে!

এখানে গোলকণ্ডা নামক হীরার খনির কথা সকলেই বোধ হয় শুনিয়াছেন। গোলকণ্ডায় যে কখনও হীরা পাওয়া গিয়াছে, ইহার কোনও ঐতিহাসিক প্রমাণ কেহই দিতে পারেন না, বোধ হয় কথাটা নিতান্ত অমূলক। একজন জর্মন পণ্ডিত গোলকণ্ডার মৃত্তিকা পরীক্ষা করিয়া বলিয়াছেন যে হীরা ত দূরের কথা, কয়লা পর্যন্ত নাই।

বাহারা আগ্রা, দিল্লী প্রভৃতি দেখিয়াছেন, তাঁহাদের দেখিবার বিশেষ কিছুই এখানে নাই। তবে বর্তমান মন্ত্রী নবাব ওকার-উল-উমরা বাহাদুর একটি বৃহৎ অট্টালিকা নির্মাণ করিয়াছেন। ইহার নাম “ফলক-নুমা” অর্থাৎ স্বর্গদৃশ্য। ইহাতে চল্লিশ লক্ষ টাকা ব্যয় হইয়াছে। তাই মহল ব্যতীত ইহা অপেক্ষা উৎকৃষ্ট অট্টালিকা ভারতে নাই।

কলিকাতার ইডেন গার্ডেনের মত বেড়াইবার স্থান এখানে নাই। একটা সাধারণের বেড়াইবার বাগান আছে, কিন্তু উহার প্রাচীর এত উচ্চ যে উহার মধ্যে বায়ুসেবন হয় না। এই বাগান হইতে নিজামের বেগমরা রেল গাড়িতে উঠেন, সেই জন্ত ইহা উচ্চ প্রাচীরদ্বারা পরিবেষ্টিত। এখানে কোন কোন বাগানের প্রাচীর এত উচ্চ করা হয় যাহাতে রাজপথ দিয়া হস্তির উপর চড়িয়া গেলেও “জনানা” দেখিতে না পাওয়া যায়। হোসেন সাগর নামে একটি বৃহৎ হ্রদ আছে, ইহার ধারেই সকলে বায়ু সেবন গিয়া থাকেন। হ্রদের পরিধি প্রায় দশ মাইল। ইহা প্রসিদ্ধ “ভূপাল তাল” অপেক্ষাও অনেক বড়।

হায়দ্রাবাদ তিন ভাগে বিভক্ত। ১—সহর, যেখানে নিজাম ও নবাব প্রভৃতি থাকেন। তাহার পর চাদরঘাট, এখানে ইংরাজ এবং অধিকাংশ উচ্চ রাজকর্মচারীদের বাটা। চাদরঘাটটি কলিকাতার চৌরঙ্গির মত পরিষ্কার স্থান। সহর এবং চাদরঘাটের মধ্যে মুসা নামে একটি ক্ষুদ্র নদী ব্যবধান। মুসা নদী বর্ষাকাল ব্যতীত বারমাসই প্রায় শুষ্ক অবস্থায় থাকে। ৩—সিকান্দ্রাবাদ। ইহা এখানকার Cantonement। সিকান্দ্রাবাদ এবং চাদর ঘাটের মধ্যে হোসেন সাগর হ্রদ।

এখানে জলের কল হইয়াছে, কিন্তু এখনও গ্যাসের আলো হয় নাই। ড্রেন নাই বলিলেই হয়।

এখানে সংবাদ পত্রের বিশেষ হৃদ্বশা। রাজপুরুষগণের মনোগত না হইলে কাগজ উঠাইয়া দেওয়া হয়। পূর্বে তিনখানি ইংরাজি সংবাদ পত্র ছিল, ক্রমে ক্রমে সব গুলিই উঠিয়া গিয়াছে। প্রায় তিন বৎসর হইল একখানি উদ্ কাগজে একজন উচ্চ রাজকর্মচারীর বিপক্ষে কিছু লেখা হইয়াছিল। জুই এক দিনের মধ্যেই মোগলাই পুলিশ গিয়া উপস্থিত হইল, এবং কাগজ কলম মুদ্রায় প্রভৃতি টানিয়া লইয়া গেল। এডিটর

মহাশয় কিছুদিন গাটাকা দিলেন। এখন তিনি এক খানি দোকান খুলিয়া নিরবেগে জীবন যাপন করিতেছেন। সম্প্রতি বাঙ্গালোরের একখানি ইংরাজী পত্রিকার প্রতি রাগ করিয়া নিজাম গবর্নেন্ট আজ্ঞা দিয়াছেন যে, নিজামের কোন কর্মচারী যেন সে কাগজ খানি না লয়েন। কলিকাতা হইতে স্বাধীনতা গেল বলিয়া তুমুল আন্দোলন হইল। এখানে ঘাড় পাতিয়া লোকে আদেশ পালন করিল; টু শব্দটি নাই!

নবাবের প্রাসাদকে এখানে “দেউড়ি” কহে। নবাবদের দেউড়ি প্রায়ই বৃহৎ কাণ্ড। তাহার মধ্যে ছয় সাত খানা বড় বড় বাড়ি, জুই চারিটা “বাউলি” অর্থাৎ বৃহৎ বৃহৎ কুপ, কুড়ি পঁচিশটা ঘোড়া রাখিবার আস্তাবল এবং ছশ একশ সৈন্য থাকিবার স্থান। ঘরগুলি কিন্তু বড়ই ছোট, জানালা নাই বলিলেই হয়। দেউড়ির চারিদিকে বৃহৎ প্রাচীর, দেউড়ি গুলি এক একটিকে বলাইলেই হয়। এক একটিকে দেউড়ি ৫০৬০ বিঘা স্থান অধিকার করিয়া থাকে। বৃহৎ ফটক দিয়া দেউড়িতে প্রবেশ করিতে হয়। দ্বাররক্ষকগণ প্রায়ই আরব, কখন কখন রোহিলাও দেখিতে পাওয়া যায়। দেখিতে ইহার নিজামের বেকায়দা সৈন্যের মত। ফটকের জুই পার্শ্বের ঘর ইহাদের বাসস্থান। ইহাদের বন্দুক কিরিচ প্রভৃতি ঐ খানেই টাঙ্গান থাকে। যখনই যাও দেখিতে পাইবে কেহ বা মুখ ধুইতেছে, কেহ মাংস কাটিতেছে, আবার কেহ বা আকবী ভাষায় কি বলিতেছে। আগন্তুককে দেখিয়া অভ্যর্থনা করিল কি গালাগালি দিল কিছুই বুঝা যায় না। কার্ড পাঠান প্রথা প্রায়ই দেউড়িতে খাটেনা যদিও কোন কোন স্থানে “টিকিট কঁহা” জিজ্ঞাসা করে। প্রায়ই দেউড়িতে মান অপমান বেশ ভূষা এবং গাড়ি ঘোড়ার উপর নির্ভর করে। তবে দক্ষিণা দিতে পারিলে সব লেঠা চুকিয়া যায়। “দক্ষিণা” যেমন তেমন করিয়া দিলেই হয় না; তাহাতে একটু “ডিপ্লমেন্সি” চাই। প্রায় পাঁচ বৎসর হইল একটি বন্ধু আমাকে লইয়া একজন বড় নবাবের দেউড়িতে গেলেন। বলা বাহুল্য যে দেউড়িতে বাহবার পূর্বে হ্যাট কোট ফেলিয়া মোগলাই পোষাক পরিলাম। এখানে মোগলাই পোষাক অর্থে পেণ্টলুন, সেরওয়ানি (বড় কোট) জরির কোমর বন্দ এবং পায়ে পাম্প শু ও মাথায় হায়দ্রাবাদি পাগড়ি। হঠাৎ দেখিলে কাহার সাধ্য বলে যে আমি বাঙ্গালী।

দেউড়িতে পৌছিয়াই বন্ধু আমার গাড়ি হইতে নামিলেন। আমিও নামিলাম। বন্ধু একজন সামান্য প্রহরীকে ডাকিলেন “জমাদার সাহেব”। একজন সামান্য সিপাহীকে “জমাদার সাহেব” বলাতে সে আফ্লাদে আটখানা হইয়া দৌড়িয়া আসিল। বন্ধু বলিলেন “কেউ মিয়া, তোমরা নাম কেয়া?” উত্তর হইল “খএরুদ্দিন”। বন্ধু অমনি তাহাকে “খইরুদ্দিন সাহেব” বলিতে আরম্ভ করিলেন। সিপাহি ওরফে “খইরুদ্দিন সাহেবকে” এক পার্শ্ব ডাকিয়া তাহাকে পাঁচটি টাকা দিয়া বন্ধু “টিপ” করিলেন। দক্ষিণা পাইয়া সিপাহি বলিল “হুকুম”। বন্ধু বলিলেন নবাব সাহেবকে সংবাদ দিতে। নবাব সাহেব তখন “জানানায়”। আমি ভাবিলাম সব বুঝি মাটি, কারণ পুরুষের সেখানে বাহবার

অধিকার নাই। কিন্তু খইরুদ্দিন নেমকহারাম নহে। সে “মামা, মামা” বলিয়া চীৎকার করিল। আমাদের দেশে এপ্রকার চীৎকার কখন কখন শুভিকালয়ে শুনিতে পাওয়া যায়। এখানে “মামা” অর্থে দাসী; আমরা যেমন ঝি বলিয়া ডাকি এখানে “মামা” সেই রূপ। একজন “মামা” আসিয়া উপস্থিত হইল। খইরুদ্দিন তাহাকে কি বলিল এবং টাকা দেখাইল। “মামা” দৌড়াইয়া গেল এবং মুহূর্ত মধ্যে ফিরিয়া আসিয়া বলিল, “সরকার ইয়াদু কিয়” অর্থাৎ নবাব সাহেব ডাকিতেছেন। আমরা ভিতরে প্রবেশ করিলাম। চোপদার পথ দেখাইয়া চলিল। একটি ছোট ঘরে আমাদের বসিতে বলিল। ঘরটি বোধ হয় পাঁচ হস্ত লম্বা এবং চারি হস্ত মাত্র প্রস্থে। টেবিল চেয়ার কিছু নাই; ঢালা বিছানা পাতা, একটি মাত্র তাকিয়া আছে। তাকিয়াটিতে জরির পাড় বসান। আমরা জুতা খুলিয়া জাহ্নু পাতিয়া বোড় হস্তে বসিলাম। এমন সময়ে চারি দিকে “রোশন নিগাহ” বলিয়া চোপদারেরা চীৎকার করিল। বন্ধু বলিলেন “সরকার তশরিফ লাতে হায়”; আমরা সকলে উঠিয়া দাড়াইলাম। নবাব সাহেব সামান্য সাদা পোষাক পরিয়া ছিলেন। হঠাৎ দেখিলে তাঁহাকে একজন নবাব বলিয়া চিনিবার কোনও উপায় ছিলনা। সকলেই খুব খুঁকিয়া সেলাম করা গেল। বন্ধু আমার পরিচয় দিলেন, নবাব সাহেব সেকলে লোক, পার্শী কথা খুব অভ্যস্ত, আমার সহিত পার্শীতে কথা কহিতে আরম্ভ করিলেন। মাঝে মাঝে উর্দু ও চলিতে লাগিল। আমরা তাঁহার কাছে একটু প্রয়োজনে গিয়াছিলাম। একখানি কাগজে তাঁহার দস্তখত আবশ্যক ছিল। অনেকক্ষণ কথাবার্তার পর কাগজখানি চাহিলেন, আমাদের সঙ্গেই ছিল, তৎক্ষণাৎ দেওয়া হইল। একজন মোসাহেবের দিকে দৃষ্টি নিক্ষেপ করিলেন। মোসাহেব অমনি “মাগর পেশা” বলিয়া চীৎকার করিল।

একেবারে পাঁচ সাতজন চাকর দৌড়াইয়া আসিল। হুকুম হইল কলমদান লে আও। সোণা দিয়া বাঁধান কলমদান আসিল। তাহার কালি শুখাইয়া গিয়াছিল, জল দিয়া তখনই ঠিক করিয়া লওয়া হইল। নবাব সাহেব আসনপিড়ি হইয়া বসিয়াছিলেন, কাগজখানি তাকিয়ার উপর রাখিয়া সহি করিয়া দিলেন। আমরা উঠিয়া সেলাম করিলাম। ইহাই এখানকার thanks, কিছু পরে বিদায় লইয়া বন্ধুর সহিত বাহিরে আসিলাম। খইরুদ্দিন বলিল “মামুল” অর্থাৎ তাহার পাওনা। বন্ধু কুড়িটা টাকা তাহাকে দিলেন এবং আমাকে দেখাইয়া বলিলেন “মির্মা খইরু, জব্ব ইয়েহ সাহেব আঁওয়ে ফোরণ সরকার সে ইতলা করনা।” সিপাহি উত্তর করিল “খইরা গোলাম আপ্কা”। বন্ধুর ডিপ্লমেন্সির বলে “খইরুদ্দিন সাহেব” ক্রমে “খইরা গোলাম” হইয়া পড়িল।

এক বৎসরে গুটি পাঁচ ছয় দরবার হয়। দরবার প্রায়ই রাজিতে হয়। সকলেই জাহ্নু পাতিয়া ভূমিতে বসেন। নিজামকে “নজর” দেওয়া হয়। যাহার বেক্রপ ক্ষমতা তিনি সেইরূপ নজর দেন। নজরের মোহর অথবা টাকা সরকারে জমা হয়।

এখানকার টাকা ইংরাজি টাকার সাড়ে তের আনা মাত্র; মোহরও সেই পরিমাণে

কম। আতুলি, দিকি ও ছ্যানি আছে, কিন্তু অতি অল্প ব্যবহার হয়। এখানে গুটলে পয়সা ব্যবহৃত হয়। এক টাকায় সচরাচর একশত পয়সা পাওয়া যায়, সুতরাং চারি পয়সার আনা না হইয়া, ছয় পয়সার আনা হয়।

শ্রীসিদ্ধমোহন মিত্র।*

(হায়দ্রাবাদ)।

বিষ্ণুপ্রয়াগ।

২৭ মে বুধবার—অপরাহ্ন।—আজ যোশীমঠ হতে বের হবার আমার একটুও ইচ্ছা ছিল না। শুধু একদিনের জন্তে নয়, আমার ইচ্ছা তিন চারি দিন এখানে থাকি, শঙ্করাচার্যের এই অতীত গোরবের সমাধিক্ষেত্র, এই স্মরণীয় স্থান ছেড়ে আমার সহজে যেতে ইচ্ছে করছিল না। থাকবার ইচ্ছা কল্পম বটে কিন্তু থাকা হলো না, স্বামীজী জেদ করতে লাগলেন আজই রওনা হতে হবে, তার উপর অসহিষ্ণু বৈদান্তিকের তাড়না অসহ হলে উঠলো। দু'দণ্ড যে কোথাও একটু বিশ্রাম করবো সে যো নেই, বোধ হয় জন্মান্তরে আমি গুরু এবং বৈদান্তিক রাখাল ছিলাম, তাই বুঝি আজও নাকে দড়ি দিয়ে ঘুরিয়ে বেড়াবার কোঁক ছাড়তে পারেন নি। কি করা যায়, বেরিয়ে পড়া গেল।

আগেই বলেছি পাহাড়ের উপর যোশীমঠ, নীচে বিষ্ণুপ্রয়াগ। যোশীমঠ হতে বিষ্ণুপ্রয়াগ একটা খুব খাড়া ‘উৎরাই’। যদি পাহাড়ের গায়ে গাছ পালা না থাকতো তাহলে শঙ্করের মন্দির হতে গা ছেড়ে দিলে তৎক্ষণাৎ বিষ্ণুপ্রয়াগে এসে একেবারে অলকনন্দা দাখিল হওয়া যেতো। যোশীমঠ হতে এই উৎরাইটুকু নামতে আমার একটু বেশী কষ্ট হয়েছিল, কারণ পাহাড়ের গা এমন সোজা যে নামতে গেলে আস্তে আস্তে লাঠীতে ভর দিয়ে নবাবী চালে নামা যায় না, নামতে বেশ একটু বেগ পেতে হয়, বোধ হয় কে যেন উপর হতে অর্ধচন্দ্র দিতে দিতে ঠেলে নীচে নামিয়ে দিচ্ছে। আমরা বেলা প্রায় ৫টার সময় রওনা হয়েছিলুম কিন্তু আধ ঘণ্টার মধ্যেই একেবারে বিষ্ণুগঙ্গার উপর টানা সাঁকোর কাছে এসে পড়লুম। এই বিষ্ণুপ্রয়াগে বিষ্ণুগঙ্গা অলকনন্দার সঙ্গে মিশেছে।

আজ একবছরের উপর হতে শুধু প্রয়াগের কথাই বলাছি; একটা প্রয়াগের যাত্রায় পাঁচটা প্রয়াগের কথা বলাছি, তবু আমার প্রয়াগ ফুরোয় না। আজ আবার আর এক

* ইনিই হায়দ্রাবাদ Pamphlet case-এর এস, এম, মিত্র; বলা বাহুল্য যে ইনি হায়দ্রাবাদের সকল বিষয় বিশেষ অবগত আছেন। ভাঃ সং।

প্রয়াগে উপস্থিত। সবশুদ্ধ প্রয়াগ পাঁচটাই বটে, কিন্তু বিষ্ণুপ্রয়াগকে পূর্ববর্ণিত প্রয়াগ গুলির মধ্যে একটা Supplement বলে ধরে নেওয়া দরকার, Supplement এই জন্তে বলছি যে, 'কেদার থণ্ড' পাঁচটার বেশী প্রয়াগের উল্লেখ নেই,—কিন্তু তথাপি বিষ্ণু-প্রয়াগকে প্রয়াগ না বললে তার প্রতি নিতান্ত অবিচার করা হয়, শুধু অবিচার নয়, এতে তার যথেষ্ট অপমান করাও হয়; বিষ্ণুপ্রয়াগকে প্রয়াগ শ্রেণীভুক্ত না করাতে অন্ততঃ এই প্রমাণ হয় যে 'কেদার থণ্ড' লেখক একজন চিন্তাশীল এবং ভক্ত হ'তে পারেন কিন্তু তিনি কবি নন, এবং কবিত্বের মাধুর্য্য ও গোরব অপেক্ষা তিনি পৌরাণিক আধিপত্যকেই শ্রেষ্ঠ আসন দিতে চান।

যাহোক কাব্যজগতে বিষ্ণু-প্রয়াগের মহিমা স্বপ্রকাশিত, তা কোন লেখকের লেখনী-মুখে ব্যক্ত হোক আর নাই হোক। আজ কাল প্রকৃতির জীবন্ত সৌন্দর্য্যের শ্রীতিপূর্ণ সিন্ধু সস্তার পৌরাণিক প্রতিষ্ঠার উপর নিঃসঙ্কোচে রাজত্ব করচে, স্মরণ্য এ যুগে বিষ্ণুপ্রয়াগকে প্রয়াগসমষ্টির মধ্যে শ্রেষ্ঠ স্থান দিলে বেশী আপত্তি হবার সম্ভাবনা দেখা যায় না। আর যদি ছই নদীর সঙ্গম স্থলকেই প্রয়াগ বলা যায় তাহলে এই স্থানটিকেই সকলের আগে প্রয়াগ বলা উচিত। কেন, সে কথা পরে বলছি।

আমরা যখন যৌশীমঠ হতে ঋনিকটে নেবে এসেছি, সেই সময় ঋনিকদূরে জলের একটা গম্ভীর কল্লোল শুনা গেল, এই অবিরাম কল্লোলের সঙ্গে কার যে তুলনা দেওয়া যেতে পারে তা অনেক চিন্তা করেও স্থির কর্তে পারিনি। কোথা হতে এই শব্দ আসচে তা কিছুই ঠিক কর্তে পারিলাম না, বিশেষ আমাদের তিনজনেরই অভিজ্ঞতা সমান, স্মরণ্য কোন রকমেই মীমাংসা হলো না। তবে অনুমান করিলাম এ শব্দ অলকনন্দার স্রোতের শব্দ ভিন্ন আর কিছু নয়। ক্রমে যখন ধীরে ধীরে বিষ্ণুগঙ্গার সাঁকোর উপর এসে পড়লাম তখন খুব প্রবল শব্দ শুনতে পাওয়া গেল; একটু এদিকে ওদিকে সন্ধান কর্তেই দেখলাম, বিষ্ণুগঙ্গা খুব প্রবল বেগে বয়ে যাচ্ছে, এ শব্দ তারই স্রোতের শব্দ। আমরা যুরতে যুরতে নদীর কাছে এসে দাঁড়ানুম। এখানে নদীর তলদেশ অত্যন্ত ভয়ানক, বড় উচু নীচু, তাই এ রকম জলের শব্দ হচ্ছে।

আমরা সাঁকো পার হয়ে বাজারে উপস্থিত হলাম, বাজার ত ভারি, সেই "যথাপূর্ব্ব তথাপর" ঋনিকটে অপ্রশস্ত সমতল জায়গায় ঋনচার দোকান; তাতে আটা, ডাল, ঘি, লুন, শুড়, বিক্রয় হয়। আমরা বাজারে উপস্থিত হবামাত্র একজন দোকানদার—ফরমাইস পেলো সে তখনি গরম গরম পুরী, ভুজি (তরকারী) তৈয়েরী করে দিতে পারে এই কথা আমাদের কাছে উচ্চকর্মে ঘোষণা করে দিলে এবং কথার সাক্ষীস্বরূপ আর তিন চার জন লোককে দাঁড় করালে, তারাও মুক্তস্বরে এই হালুইকর ঠাকুরের যশোগান কর্তে প্রবৃত্ত হ'ল। এদের রকম স্কম দেখে আমার বড়ই আনন্দ বোধ হয়েছিল, আমার আরো আমাদের কারণ তারা আমাদের যতটা নিরোধ ভেবে ছ পয়সা উপায়ের চেষ্টা

কচ্ছিল, স্মৃথের বিষয় আমরা ততটা নিরোধ নই, কিন্তু সে জন্তে তাদের মনে অনেকখানি আশার সঞ্চার সম্বন্ধে কোন বাধা হয়নি! দেখলুম কলিকাতার বড়বাজারের দোকান-দাররাই যে খুঁট এবং ব্যবসাকার্য্যে দক্ষ তা নয়, হিমালয়বন্দে এই সকল দোকানদাররাও জানে কিরকম করলে ছ পয়সা উপায় হতে পারে।

যাহোক মিষ্ট কথা এবং ভবিষ্যতে পুরীর খরিদার হবার ঘোল আনা রকম আশা দিয়ে এই দোকানদারপুঞ্জটিকে বশকরা গেল, কোথায় রাজি কাটান যায় তা ঠিক করবার জন্তে তার উপরই ভার দিলুম, বুলুম আজ তাকে যে লোভ দেখান গিয়াছে তাতেই সে আমাদের জন্তে সকল কষ্ট স্বীকার করবে; আর বাস্তবিকও দেখলুম এই 'সাধু'দের কাছে ছ পয়সা লাভ করতে পারবে বুলে সে আমাদের একটা আড্ডার জন্তে খুব উৎসাহের সঙ্গে ঘুরে বেড়াতে লাগলো। কিন্তু তার চেষ্টার ফলটা না হলেও, অদৃষ্ট ত আমাদের সঙ্গে সঙ্গে আছে, কাজেই কোথাও আড্ডা মিললো না। বামুন ঠাকুর অনেক অহুস্কানের পর অকৃতকার্য্য হয়ে যখন আমাদের সম্মুখে কাতর ভাবে দাঁড়াল, তখন আমাদের নিজের কথা ভেবে যতটা দুঃখ না হোক ঠাকুরের ভাব দেখে তার চেয়ে বেশী দুঃখ হয়েছিল। আমি ঠাকুরকে বুঝিয়ে দিলুম তার আর কষ্ট করবার দরকার নেই আমরাই একটা বাসা খুঁজে নিচ্ছি, কিন্তু এতে যেন সে নিরুৎসাহ না হয়, লুচি তরকারী তার দোকান ছাড়া আমরা আর কোথাও নিচ্ছিনে।

আশ্রয়ের সন্ধানে বেরিয়ে পড়া গেল, স্থান আর মেলেনা। সকাল বেলায় যেসব যাত্রী যৌশীমঠে না গিয়ে রাস্তা হতে আমাদের ছেড়ে নীচের পথ দিয়ে বরাবর এখানে চলে এসেছে, তারাই এখানে সকল আড্ডা দখল করে ফেলেছে, একটা প্রাণীও এখানে ছেড়ে যায় নি, স্মরণ্য পরে আসার জন্তে আমাদের স্থানাভাব হয়ে উঠেছিল। এখনো অনেক বেলা আছে অথচ যাত্রীর দল আর অগ্রসর না হয়ে এখানে কেন সময় ক্ষেপ করচে জানবার জন্তে বিশেষ কোতূহল বোধ হল। শুনলুম আগামী কাল যে পথে চলতে হবে তার মত ভয়ানক, বিপদপূর্ণ রাস্তা বদরিনারায়ণের পথে আর নেই; অপরাহ্নে এপথে চলা দুঃসহ। রাত্রে নিদ্রায় শ্রান্তি দূর করে সকালে এই পথে চলা স্মৃবিধা ও যুক্তিসঙ্গত মনে করে যাত্রীরা আজকের মত এখানেই অপেক্ষা কচ্ছে। অল্প কয়েক ঋনি ঘর তারা এমন পরিপূর্ণ মাত্রায় দখল করেছে যে তার মধ্যে একটু পা বাড়াবার যায়গা নাই। লোক যে বড় বেশী তা নয়, তারা যদি একটু গোছাল ভাবে বিছানাগুলি বিছিয়ে নিত তাহলে প্রত্যেক ঘরে আরো ৫৭ জনের স্থান হতে পারতো, কিন্তু সন্ন্যাসী বাবাজিরা তীর্থ করতেই এসেছেন এবং নারায়ণ-দর্শন করে অনেকখানি পুণ্য সঞ্চয়ই তাঁদের অভিপ্রায়, তাঁরা অহুগ্রহ করে পাছখানি একটু গুটিয়ে বসলে সেই পদতলে আমরা যৎকিঞ্চিৎ স্থান পেয়ে এই বরফের রাজ্যে কৃতার্থ হয়ে যাই, তাঁদেরও পুণ্য সঞ্চয় হয় সে কথা বোধ করি তাঁদের ভাবার অবসর হয়নি। এতটুকু অস্মৃবিধা যারা সহ করতে প্রস্তুত নয় তারা যে কেন সন্ন্যাসী হয়েছে তা আমি বুঝতে পারিনে। বলা বাহুল্য সন্ন্যাসীদের এই স্বার্থপরতা দেখে

বেশী রাগ হয়েছিল কি রাজিবাসের অহুপায় দেখে বেশী রাগ হয়েছিল এখন তা ঠিক করে বলতে পারিনে, তবে মনে হয় গাছ তলায় বরফে পড়ে থাকার চেয়ে ঘরে একটু আরামে থাকা যায় আর এই সন্ন্যাসীগুলো সেই আরামের বিষম বিষ, অতএব নিজের হৃদয়ের কথাটা পিছনে দাঁড় করিয়ে তাদের স্বার্থপরতার উপরই রাগটা বেশী প্রবল হয়ে উঠেছিল। বাস্তবিক কত সময় আমরা পরের স্বার্থপরতা দেখে রাগ করি; কিন্তু আমাদের সে রাগও স্বার্থপরতা পূর্ণ। আমার মনে হতে লাগলো যদি আমাদের দেশ কি আমাদের ইষ্টারণ বেঙ্গল ষ্টেটের রেলগাড়ি হতো তাহলে এখনি পুলিশম্যান ডেকে ওদের গাঁটরি ও বোঁচকাবুচকী সরিয়ে দিয়ে এত জায়গা করে নিতে পাষ্টুম যে তাতে বসে হাত পা মেলে বিলক্ষণ আরাম করা যেত। কিন্তু এখানে সে রকমের প্রীতিকর সম্ভাবনা কিছু মাত্র নেই, কাজেই উপস্থিত মত রাগটা চাপা দিয়ে বাসার অহুসন্মানে অস্ত্র প্রস্থান করা গেল।

খানিক ঘুরতে ঘুরতে স্বামীজী ও অচ্যুত ভায়া বসে পড়লেন। আমার শ্রান্তি ক্রান্তি নেই আমি ভাবলুম আগে সঙ্গমস্থলটা দেখে আসি তার পরে যা হয় করা যাবে। সঙ্গম স্থলে চলুম। বাজারের পিছনে খানিকটা নীচেই সঙ্গম স্থল, কিন্তু বাজারের পিছনে অল্প একটু নেবেই একেবারে ঠিক সঙ্গমস্থলের মাথার উপরে পাহাড়ের গায়ে একটা খুব নূতন ছোট মন্দির দেখলুম। মন্দিরটি এমন স্থানে নির্মিত যে এখানে মহাদেব প্রতিষ্ঠা না করে যদি একজন কবিকে প্রতিষ্ঠা করা যেত তাহলে ঠিক কাজ করা হতো। বিষ্ণুগঙ্গা ও অলকনন্দা গভীর নীচে দিয়ে আনন্দোচ্চাসের বিপুলকল্লোলে পরস্পর পরস্পরকে আলিঙ্গন করেছে, পাশে জম্বৎ বক্র সমুদ্রত বিশাল পর্বত আকাশ ভেদ করে উঠেছে, এবং তারই গায়ে এই ক্ষুদ্র মন্দির, প্রকৃতির স্বহস্ত নির্মিত চিত্রবৎ। তখন সন্ধ্যার বড় বিলম্ব ছিল না, আলো ও অন্ধকারের কোমল মিলন মন্দিরের শোভন দৃশ্যকে আরও মধুর করে তুলেছিল। আরো অগ্রসর হয়ে দেখলুম মন্দিরটির পাদদেশ হতে আরম্ভ করে পাহাড়ের গা খুঁদে ছোট ছোট সিঁড়ি তৈরী করা হয়েছে তা একবারে সঙ্গমস্থলে এসে পড়েছে; উদ্দাম তরঙ্গ সেই সিঁড়িতে, পর্বতের কঠিনগায়ে ক্রমাগত আছড়ে পড়েছে। এ পর্য্যন্ত অনেক সুন্দর দৃশ্য দেখেছি, কিন্তু এই প্রকারের এমন সুন্দর দৃশ্য আমার চক্ষে এই নূতন। মন্দিরের কাছে এসে ইচ্ছা হলো আজ এখানেই থাকি, তার বাইরে খানিক বারন্দা বের করা ছিল, তাতে তিন চারজন লোক বেশ থাকতে পারে; কিন্তু কাকেও না দেখে দাঁড়িয়ে ইতস্ততঃ করছি এমন সময় দেখি সেই দোকানদার বামুন সেখানে উপস্থিত। কথায় কথায় জানতে পাল্লুম মন্দির এখন সেই দোকানদারেরই জিম্মায় আছে; আমি তখন এই মন্দিরে থাকবার অভিপ্রায় প্রকাশ করলুম কিন্তু সে প্রথমে কিছুতে রাজি হলো না কারণ মন্দিরটি এই নূতন তৈরীর হয়েছে, তাতে এখনো দেবতা প্রতিষ্ঠা হয়নি। একবৎসর হলো ইন্দোরের রাণী এসে এই মন্দির তৈরীর করিয়ে দিয়েছেন, এই বৎসর

নন্দদাতীর হতে মহাদেবের লিঙ্গমূর্তি এনে মন্দির ও দেবতা উভয়ই প্রতিষ্ঠা করা হবে।

আমিত জোর জবরদস্তি করে মন্দিরের সম্মুখে বসে পড়লুম, সেও কিন্তু নাছোড়বান্দা। যাহোক ছুই চারিটি বচন দেওয়ার পর সে আর কোন আপত্তি করে না; মন্দির দ্বারে একটু ছোট ছেলে বসে ছিল, তাকে বাজারে পাঠিয়ে স্বামীজী ও অচ্যুত ভায়াকে ডাকিয়ে আনলুম। স্বামীজী মন্দির ও স্থানের সৌন্দর্য দেখে আনন্দেই অধীর, বৈদাস্তিক পাঠ্য পক্ষে কারো প্রশংসা করেন না, কিম্বা অল্প কারণে তাঁর হৃদয়ের উচ্ছ্বাস ওঠের উপকূলে প্রকাশ পায় না, কিন্তু এই সুন্দর স্থান আবিষ্কার করার জন্তে তিনি আজ আমাকে কলম্বাসের পাশে আসন দিতে সঙ্কুচিত হলেন না। বাস্তবিক কোথায় আজ স্থানাভাবে এই নীতে, বরফের মধ্যে, অনাবৃত আকাশ তলে বাস করার জন্তে তাঁরা প্রস্তুত হচ্ছিলেন, আর কোথায় এই সুন্দর স্থানে, দেববাহিত মন্দিরের মধ্যে স্মৃৎ শয্যা!

মন্দিরের ভিতরটি আটকোনবিশিষ্ট, উপরে যথারীতি চূড়া। দ্বারের দিকে গাড়ী বারান্দার মত একটা বারান্দা বের করা, তারো তিন দিকে বড় বড় কপাট লাগানো স্তরং ইচ্ছা কলেই চারদিক বন্ধ করে বেশ সুরক্ষিত অবস্থায় থাকা যায়। আমরা মন্দিরের মধ্যে প্রবেশ না করে আগে যে সিঁড়ির কথা বলেছি সেই সিঁড়ি দিয়ে সঙ্গম স্থলে নেবে গেলাম। সেখানে—আর শুধু সেখানে কেন এই মন্দির মধ্যেও কথা বোলতে হোলে খুব টেঁচিয়ে বলতে হয় কারণ জলের এত শব্দ যে ছোট কথা কিছুতেই শুনতে পাওয়া যায় না। বিষ্ণুপ্রয়াগ সমতল স্থান নয়, হৃদিক হতে যে দুটি নদী আসতে তারা উভয়েই পাহাড়ের ঢালু বয়ে নাবতে স্তরং অল্প স্থান চেয়ে এখানে নদীর স্রোত এবং শব্দ ছুই-ই বেশী। তার উপর যেখানে সঙ্গম স্থল তার আট দশ হাত উজানে অলকনন্দা একটা পাহাড়ের উপর হতে লাফিয়ে নীচে পড়তে স্তরং এই মন্দিরের কাছে শব্দ আরো বেশী। সমুদ্র গর্জন অনেকেই শুনেছেন, অপার জলধির সেই বিপুল গর্জন, বায়ুহিল্লোলে উন্নত তরঙ্গ রাশির অসীম মুক্ত প্রদেশে নির্ঝর নৃত্য এবং তার প্রবল বিক্রম, এসকলের মধ্যে কোমলতা বা সংকীর্ণতা নেই, তাই বৃষ্টি আমাদের ক্ষুদ্র কল্পনা তার ভিতর পড়ে শ্রান্ত অবসন্ন এবং ব্যতিব্যস্ত হয়ে পড়ে; কিন্তু এই সঙ্গম স্থলের জলের অবস্থা সেরকম নয়। এই অবিশ্রান্ত শব্দে মনে শ্রান্তি আনে না শান্তি আনে, এই উগ্র শব্দের মধ্যে এমন একটু কোমলতা, এমন একটু মিষ্টতা আছে যা মর্ম্পর্শী, অনেকক্ষণ এই শব্দ শুনতে শুনতে বোধ হয় ঘুম আসে; কিন্তু তাই বলে এর বিক্রম কম নয়, সঙ্গম স্থলের এই ঘূর্ণিত ফেনিল জলে নামে কার সাধ্য? নাবতে সাহসই হয় না। দিব্যরাত্রি জল আলোড়িত হচ্ছে, জলের কাছে গেলে মাথা ঘুরে যায়। ইন্দোরের রাণী মন্দির হতে সিঁড়ি প্রস্তুত করিয়ে তার সব নীচের সিঁড়ির দুপাশে পাহাড়ের মধ্যে লোহার শিকল বাধিয়ে দিয়েছেন; এই শিকল জলের উপর দোলে, যাত্রীরা এই শিকল ধরে জলস্পর্শ করে,

মান করবার শক্তি কারো নেই। যাদের মাথা ভাল নয়, একটা কিছু গোলমাল দেখলেই সহজে যাদের মাথা ঘুরে উঠে তাদের এ জলের কাছে যাওয়া উচিত নয়। হিমালয়ের মধ্যে এমন অনেক স্থান আছে, যাদের সঙ্গে এর তুলনা হতে পারে কিন্তু সে তুলনা আমি ছাড়া আর কেউ বুঝবেন কিনা সন্দেহ, তার চেয়ে যদি বলা যায় এ একটা ছোটখাট নায়েগ্রার মত, তাহলে বোধ করি অনেকে বুঝতে পারেন, কারণ বাঙ্গালীর মধ্যে ছচার জন ছাড়া আর কেউ নায়েগ্রা না দেখলেও অনেকেই তার বর্ণনা পড়ে পড়ে তাতে অভ্যস্ত হয়ে গেছেন, স্ততরাং এই সঙ্গমস্থল নায়েগ্রার একটা ছোট প্রতিকৃতি বলেই বোধ হয় বর্ণনা যোল আনা রকম হয়, এতে যিনি সন্তুষ্ট নন তাঁকে সঙ্গে করে আমি দুর্গম পাঁহাড় পর্বত ভেঙ্গে বরং এখানে আসতে রাজী আছি কিন্তু বর্ণনা দিতে সম্পূর্ণই অক্ষম।

সমস্ত দেখে শুনে আমরা উপরের সেই মন্দিরে এসে উপস্থিত হলাম। যাবার সময় দেখে গিয়েছিলুম মন্দিরের ভিতরের দ্বার বন্ধ, এখন দেখি দ্বার খোলা, একটি ৮৯ বছরের ছেলে সেই উন্মুক্ত দ্বারের মধ্যে বসে আছে। ভিতরের দিকে চেয়ে দেখলুম, ভবিষ্যতে যেখানে শিবমূর্ত্তি হবে সেইখানে একখানা কাঠের ছোট চৌকীর উপর তেল সিঁহুর মাখানো পাথরে খোদা কয়েকখানা মূর্ত্তি; তেল সিঁহুরের প্রসাদে তারা পুরুষ কি স্ত্রী, মানুষ কি আর কিছু, কিছুই বুঝবার উপায় নেই। মন্দিরের মালিক এখনও আসেন নি তাই এই বালক নিখরচায় তার পুতুলগুলিকে মন্দিরের মধ্যে বসিয়ে অনায়াসে ছচার পয়সা রোজগার করছে; পরে যখন মন্দিরের প্রকৃত অধিকারী এসে উপস্থিত হবেন তখন এই দেবতারার অশান্ত জাতিভাষার মত বৃক্ষতল আশ্রয় করবেন। জিজ্ঞাসা করে জানলুম বালকটি আমাদের সেই লুচিওয়ালা বামন ঠাকুরের ছেলে, এদের বাড়ী যোশীমঠে। ছেলেটির সঙ্গে গল্প যুড়ে দেওয়া গেল। এদিকে বৈদাস্তিক ভায়া দোকানদারকে পুরী প্রভৃতির ফরমাইস দিলেন, যে পরিমাণে জিনিষ তিনি ফরমাইস দিলেন তাতে আমার ও স্বামীজীর চার পাঁচ দিন চলতে পারতো, এবং যদি বৈদাস্তিকের উদরের পরিমাণ সম্বন্ধে আমার অভিজ্ঞতা না থাকতো তাহলে হয়ত মনে করতুম ভায়া এই তীর্থস্থানে বৃষ্টি আট দশজন সাধু সন্ন্যাসীকে খাইয়ে স্বর্গপথ কিঞ্চিৎ প্রশস্ত করবার চেষ্টায় আছেন। কিন্তু তিনি তেমন লোক নন, পুণ্যার্জনের জন্তে তিনি সর্বত্যাগ করেছেন, কিন্তু উদরের জন্তে তিনি এই পুণ্যেরও কিয়দংশ অব্যাকুলভাবে ত্যাগ করতে প্রস্তুত।

সন্ধ্যা হয়ে এল। অন্ধকার হয়েছে দেখে ছেলেটি উপরে উঠে বাজারে গিয়ে ঘি সবচেয়ে প্রদীপ নিয়ে এল; তাতেই বুঝতে পারলুম মন্দিরের বর্তমান অধিবাসীগণ প্রতাহ প্রদীপের মুখ দেখতে পান না। আজ আমাদের কল্যাণে তাঁরা একটু দেবদ্র উপভোগ করে নিলেন। শুধু ঘি সলতে নয়, ছেলেটি যথারীতি আড়ম্বর করে ঠাকুরদের আরতি করলে; তারপর আবার উপরে দোকানে গিয়ে খানকত লুচি আর খানিকটা গুড় এনে ঠাকুরদের ভোগ দিলে, বলা বাহুল্য আমাদের জন্তে তার বাপ যে লুচি তৈয়রী করেছিল,

মন্দিরের ঠাকুর মশায়েরা তারই ভাগ বসালেন। ভোগ হয়ে গেলে ছেলেটা আমাদের প্রসাদ দিতেও ক্রটি করে না। এ অবস্থায় সেই বালককে যৎকিঞ্চিৎ না দেওয়া ভাল দেখায় না, স্ততরাং তাকে কিছু দেওয়া গেল, সে তা প্রণামী প্রণীভুক্ত করে, বকসিশের জন্তে জেদ করতে লাগলো, কাঁদা মন্দ নয়। বৈদাস্তিক ভায়া বলেন এখন ঐ পর্যন্ত থাক, ফিরে আসবার সময় বকসিসের ব্যবস্থা দেখা যাবে, বোধ হয় আমাদের আর বিরক্ত করা সম্ভব নয় মনে করে, সে মন্দির ত্যাগ করে চলে গেল, এবং যাবার সময় প্রদীপ নিবিয়ে 'তুমি যে তিমিরে তুমি সে তিমিরে' করে দোরের তাল লাগিয়ে গেল। সে সেই রাত্রে এই চড়াই উঠে যোশীমঠে যাবে, কি সাহস! বাঙ্গালী বালক দুরের কথা, বাঙ্গালী সাহসী যুবকও একাজে প্রবৃত্ত হ'তে সাহস করেন না, এ জন্তে একবার আমাদের নিজেকে নিন্দা করবার জন্তে মনটা একটু ব্যস্ত হয়ে উঠেছিল কিন্তু ভেবে দেখলুম এ বালকের এই অভ্যাস ও শিক্ষা অনেক দিনের। পর্বত ক্রোড়ে প্রতিপালিত এই সকল বালকবালিকা মাতৃক্রোড় হতে পর্বত ক্রোড়ে প্রথম পদক্ষেপ করেই এই রকম কষ্টসহ, নির্ভীক হ'তে শিক্ষা করেছে,—ভাই বৃষ্টি একজন যুরোগীয় কবি বলেছেন পর্বত স্বাধীনতার প্রসূতি,—কিন্তু আমরা কোথা হতে সাহসী, কষ্টসহ হতে শিক্ষা করবো? ছেলেবেলা চলতে চলতে দৈবাৎ যদি পদস্থলন হতো তাহলে মা দৌড়ে এসে কোলে নিয়ে গায়ের ধুলো ঝেড়ে দিতেন এবং মাটিতে লাগি মেরে বৃষ্টিয়ে দিতেন আমার কিছু দোষ নেই যত দোষ সমস্ত মাটির, সেই তাঁর সোণার যাছকে গড়াগড়ি খাইয়েছে। তার পর ক্রমে বড় হয়ে হারিকেন লণ্ঠনছাড়া চলতে শিখিনি এবং ঠাকুরমার রোমাঞ্চকর ভূতের গল্প শুনে নিজের লম্বা ছায়াকেও বিকট ভূত মনে করে কতদিন চীৎকার করেছি, স্ততরাং আমাদের সঙ্গে এদের কি রকম করে তুলনা হ'তে পারে? আমরা আহালাদি করে মন্দিরে গমনের উত্তোগ কর্তে লাগলুম। পাঠক পাঠিকা আমাদের ক্ষমা করবেন, এই আহালাদের পূর্বে আমার ডাইরীতে এমন একটা ব্যাপারের উল্লেখ আছে যা এখানে উল্লেখ করতে আমার সম্পূর্ণ আপত্তি ছিল কিন্তু আমার এই ডাইরি নকল করবার সময় আমার কাছে আমার একটি আত্মীয়া বসেছিলেন, এই ব্যাপারটি গোপন করতে আমার উপর এমন গণনা আরম্ভ করলেন যে আমি সেটি উল্লেখ না করে থাকতে পাচ্ছিলাম, বিশেষ তাঁর অহরোধ উপেক্ষণীয় নয়। ব্যাপারটি তেমন কিছু গুরুতর নয় একটু চা খাওয়া মাত্র। বিষ্ণুপ্রয়াগে এই শীতের মধ্যে একটু গরম হবার অভিপ্রায়ে যোশীমঠ হতে কিঞ্চিৎ চা সংগ্রহ করে আনা হয়েছিল, মন্দির পর বিশেষ আয়েস করে সেই চা পান করা গিয়েছিল, তাতে আমাদের যে তৃপ্তি হয়েছিল তা বর্ণনানীত, এবং স্বামীজী চা পানের উপসংহারে যে "আঃ" বলে আরাম জ্ঞাপক একটা শব্দ উচ্চারণ করেছিলেন তা অনেকদিন মনে থাকবে। আমরা সন্ন্যাসী মাত্র, তবু আমাদের এই পর্বতের মধ্যে কাতলির অভাবে লোটাতে জল গরম করে, চিনির অভাবে গুড় দিয়ে চা খাওয়ার বিড়ম্বনা কেন এই মনে করে যদি কোন বিদ্রূপপায়না পাঠিকা নাসিকা কুঞ্চিত করেন

এই ভয়ে আমি এই চা খাঁওয়ার বৃত্তান্তটি বেমানাম গোপনের চেপ্টায় ছিলাম, কিন্তু ঘরের টেকি কুমুর হলে নিতান্তই বিপদ। যাহোক এই ব্যাপার প্রকাশ কর্তে বাধ্য করায় আমি তাঁর উপর বড় রাগ করেছিলাম কিন্তু তাতে আমাকে তিনি যে গল্প শুনিতে দিলেন তাতে আমি বড়ই জন্ম হলাম। তিনি বলেন, একবার পুরুষোত্তমে এক সন্ন্যাসী একখানা ইঁট মাথায় দিয়ে গিয়েছিল, কতকগুলি যাত্রী সেই পথ দিয়ে যাচ্ছিল, তাদের মধ্যে একজন তার সঙ্গীদের ডেকে বলে “একবার সন্ন্যাসী ঠাকুরের স্মৃতি দেখ; যদি উঁচু জায়গায় মাথা না রাখলে শোয়া না হয়ত সন্ন্যাসী না হলেই হতো।” সন্ন্যাসী এই কথা শুনে ইঁটখানি দূরে ফেলে দিয়ে শুধু মাথায় শয়ন করলে তাতেও বেচারার অব্যাহতি নেই, পূর্ককথিত যাত্রী বলে উঠলো “হঁ স্মৃতিটুকুও আছে রাগটুকুও আছে।” আগে যদি জানতুম কিছুদিন বাদে আমাকে এমন একটা বিড়ম্বনা সহ করতে হবে তাহলে কখন বিষ্ণুপ্রয়াগের সেই মন্দিরে বসে চা খাঁবার যোগাড় কর্তুম না, আর কলেও ডাইরীতে তার উল্লেখ কর্তুম না, বুলুম ভগবান মানুষকে সর্বস্ব না করুন, নিদেন ছ এক জায়গায় ভবিষ্যতজ্ঞ না করে কাজ ভাল করেন নি।

আহারাদির পর স্বামীজী ও বৈদান্তিক শয়ন করলেন, আমার চক্ষু ঘুম নেই। মন্দিরের মধ্যে ঘোর অন্ধকার, সমস্ত জগৎ নিস্তর, কেবল মন্দিরের নীচে সঙ্গমস্থল হতে জলের ‘হু’ ‘হু’ শব্দে নৈশ নিস্তরতা ভঙ্গ করে দিচ্ছে। কঞ্চলটা মুড়ি দিয়ে ধীরে ধীরে বাইরে এলাম, তখন রাত্রি অনেক এবং আকাশে গুরুপক্ষের ক্ষীণ চন্দ্রের উদয় হয়েছিল, বিজন পার্কতা প্রদেশ ঘুমন্ত, তার উপর চন্দ্রের মুছ রশ্মি ব্যাপ্ত হয়ে পড়েছে। আমি আস্তে আস্তে অতি সাবধানে মন্দিরের সিঁড়ি দিয়ে জলের ধারে এলাম এবং অনেক ক্ষণ সেখানে বসে রইলাম। অতি সুন্দর মধুর রাত্রি, যদি এত শীত না থাকতো। ছোট ছোট ধাপ, তার উপর নির্মল জল আছড়ে পড়ছে আর ফেনিল আবর্তের উপর জ্যোৎস্না পড়েছে, একখানা সুন্দর ছবির মত দেখাতে লাগলো। গভীর রাত্রে এই অবিরাম শব্দ এই উচ্ছ্বল ভাব যেন আকুল ভাবে বোলতে লাগলো :—

“এ আবেগ নিয়ে কার কাছে যাব,
নিতে কে পারিবে মোরে!
কে আমারে পারে আঁকড়ি রাখিতে
হুখানি বাহর ডোরে!
আমি কেবল কাতর গীত!
কেহবা শুনিয়া ঘুমায় নিশীথে,
কেহ জাগে চমকিত।
কত যে বেদনা সে কেহ বোঝে না,
কত যে আকুল আশা,
কত যে তীব্র পিপাসা কাতর ভাষা!”

অনেকক্ষণ এখানে বসে থাকলাম, যতক্ষণ বসেছিলাম বোধ হয়েছিল বুঝি জেগে জেগেই স্বপ্ন দেখছি, যেন মৃত্যুর আবরণ ভেদ করে এক মহাজীবনের অমর প্রান্তে এসে লেগেছি, এখন ভাসতে ভাসতে কোথায় যাব কে জানে?

অনেক রাত্রে স্বস্থানে এসে শয়ন করলাম এবং অল্পক্ষণের মধ্যেই গভীর নিদ্রায় অভিভূত হয়ে পড়লাম।

শ্রীজলধর সেন।

অশিক্ষিতা।

শিক্ষায় কি রমনীর কিছু কাজ নাই!
কিছু নাহি জেনে ফল বিশ্ব কিবা ঠাই?
প্রতি পত্রে প্রতি পুষ্পে প্রতি কণা মাঝে,
কি মহা করুণা কথা জাগ্রত বিরাজে,—
রবি শশী তারা আর শত কোটি বিশ্ব,
রেখেছেন রশ্মিবন্ধ কে তিনি অদৃশ,
কেন বা পেয়েছি প্রাণ, কার তাহা দান,
কোথায় বাইতে হবে হ'লে অবসান,—
কর্তব্যের তরে যত পুণ্যবানগণ
কেমনেতে করেছেন নিজ প্রাণপণ,
কাজ নাই শুনে কি সে মহেশ্বের ভাষা!
কাজ নাই বুঝে যত উচ্চ মহা আশা!
উপহাস করি সদা বলিতেছ সবে,
শিক্ষা পেয়ে বাঙ্গালীর মেয়ের কি হবে?
আফিসে যাবে কি তারা বাঁধিয়ে পাগড়ি?
আনিবে টাকার তোড়া করিয়ে চাকরী?
বুঝিয়াছ সারমর্ম তাই কি শিক্ষার?
পাশ দিয়ে ছলে বলে টাকার জোগাড়!
বিনীত মস্তকে তাই আফিসে বাইয়া,
টাকার সহিত আন পাছকা বহিয়া!

ঘরে বসে সেই স্নগ্য ভিক্ষাঅন্ন খাও!
নিদ্দা তোষামোদ ঘুমে সময় কাটাও!
বি-এ এম-এ আদি যত কলেজ পরীক্ষা,
তাই কি ভেবেছ সবে চরম স্বশিক্ষা?
কি জানি পাইলে নারী সত্য, প্রেম জ্ঞান
তোমাদের কর্মে যদি বাধা করে দান!
পেটে খেলে পিঠে সয় অতি বড় তন্দ্র,
যদি না বুঝিতে চায় ইহার মহত্ত্ব!
পাঠাতে সন্তানে যদি সংসারের রণে
নাহি বলে “বুঝে চলো, যেমন যে ক্ষণে,
যাহা কর দেখো নিজে থেকে সাবধান,
আর সব হয় শেষ বাঁচিলে পরাণ।”
যদি বলে “শুন বৎস সত্য ধর্মের বরি
করিও কর্তব্য কাজ প্রাণপণ করি।
স্মৃতি হুঃখ যাহা পাও যেমনা বিপথে,
মৃত্যু যদি হয় হোক, চলি বিভূ মতে।”
হায় হায় একি খোর বিপদ আশঙ্কা!
কোথায় পাছকা বহা, কোথা শুভ টকা!
কাজ নাই রমণীরে শিক্ষা দিয়ে তবে,
তাহলে বাঙ্গালী আর বাঙ্গালী না হবে!
শ্রীহিরণ্যমী দেবী।

লান্‌করানের উজীর।

দ্বিতীয় অঙ্ক।

[শোলি খান্‌মের গৃহে ইহা সংঘটিত হয়]

তৈমুর আকা। (নিসাখান্‌মের সম্মুখে দণ্ডায়মান) বল, দেখা যাক, কি করা উচিত। উজীরের এ কি খেয়াল চেপেছে? আমি কি তবে মরেছি নাকি যে সে তোমায় যাকে তাকে দিয়ে দিতে পারবে? খাঁর সঙ্গে কুটুখিতায় তার কি লাভ?

নিসাখান্‌ম। কিন্তু তুমি কি জান না তাঁর কি লাভ? লাভ—খ্যাতি, প্রতিপত্তি, সম্মান!

তৈমুর আকা। কিন্তু খাঁ ওকে এ পর্যন্ত যত খ্যাতি প্রতিপত্তি দিয়েছেন তাতে কি ওর তৃপ্তি হয় নি?

নিসাখান্‌ম। তৃপ্তি হয়েছে বৈকি, কিন্তু তার স্থায়ীত্বে বিশ্বাস নেই। কুটুখিতায়ত্রে খ্যাতি আর প্রতিপত্তিকে কায়মী কর্তে চান।

তৈমুর। বেচারি নিতান্ত আহান্‌ক। খাঁ ওর চোখের সামনে নিজের আত্মীয়দের সঙ্গে যে রকম ব্যবহার করেন তা ও দেখেও দেখে না বুঝি। যাহোক কোন রকমে এর একটা প্রতিকার বের কর্তে হবে। আমাকে এতদিন তুমি মিছিমিছি ওকে সব কথা খুলে বলতে দাও নি। কাল আমি চাকর দিয়ে বলে পাঠাব যেন এ রকম বৃথা সংকল্প ত্যাগ করে, যদি না শোনে তবে নিজের হিত নিজে বুঝবে না।

নিসাখান্‌ম। রক্ষে কর আকাজান। এ রকম খেয়াল ছাড়! এ ব্যাপার উজীরকে জানান অসম্ভব। কতবার না উজীরকে বলতে শুনেছি “তৈমুর আকাকে মেরে ফেলার জন্তে খাঁ হামেবা ছুতা খুঁজে বেড়ান।” আর আমি জানি তিনি এই সম্বন্ধে উজীরের সঙ্গে বারবার পরামর্শ করেন। আমাদের প্রণয়ের কথা যদি উজীর জানতে পারেন নিজের স্বার্থ নিজের হিতের জন্যে তৎক্ষণাৎ খাঁর কাছে গিয়ে জানাবেন যে তাঁর কণের উপর তুমি দৃষ্টি দিয়েছে। আরও বিশেষতঃ এই জন্যে যে উজীর নিজেই তোমার উপর তারি অপ্রসন্ন।

তৈমুর আকা। আমার বাপের রাজ্য সম্পদ দখল করেও খাঁর সন্তোষ হল না? আমাকে মেরে ফেলার অভিসন্ধি হচ্ছে? বৃথা কল্পনা!

নিসাখান্‌ম। অবিশ্বি। তোমায় নিজের সব কাজের বিষয় বলে জানেন। আমি ঢের শুনেছি তিনি সন্দেহ করেন তুমি হয়ত কোন দিন পৈতৃকরাজ্যে দাবী করবে। লোকের সামনে বাধ্য হয়ে তোমায় সম্মান দেখান কিন্তু একবার স্বেবিধা পেলে আর একটি দিনও বাঁচতে দেবেন না।

তৈমুর আকা। এর মতন খাঁদের কস্মিন্‌কালে সাধ্য নেই আমার মারে। অধিকাংশ প্রজা আর সমস্ত আমীর ওয়রারা আমার বাপের গুণে আমার আন্তরিক ভাল বাসেন। আমি মুরগী নই যে ওরা আমার মাংস খাবে। আচ্ছা বল দিকি উজীরের আমি কি করেছি যে সে আমার প্রতি অপ্রসন্ন?

নিসাখান্‌ম। তুমি যে পুরোধ উজীরের ছেলে মির্জা সলিমকে নিজের কাছে আনিয়েছ, তাকে তোমার পেকার করেছ। উজীর মনে করেন তোমার হাতে যদি কখন ক্ষমতা আসে তাহলে বিনা বাক্যব্যয়ে তোমার আশ্রিত মির্জা সলিমও তার বাপের পদ পাবে। আপাততঃ তাঁর এই অভিপ্রায় যে খাঁকে বলে তাকে রাজ্য থেকে নির্বাসিত করে দেন।

তৈমুর আকা। আমার পেকার ওর কথায় অমনি রাজ্য থেকে নির্বাসিত হল আর কি। আমার বাপের নিমক যেন ওর চোখ অন্ধ করে দেয়—আমার সম্বন্ধে এমন মন্দ অভিপ্রায় পোষণ করে? আল্লা যদি স্বেপ্রসন্ন হন, ওর সব চক্রান্ত উন্টে দিয়ে আমি নিজের মূল্যবে চন্দ। কিন্তু তুমি ঠিক বলেছ উজীরকে এখনও আমাদের প্রণয়ের কথা জানতে দেওয়া হবে না। শোলি খান্‌ম কোথায়? তাঁর সঙ্গে আমার গোটাকত কথা আছে।

নিসাখান্‌ম। মার ঘরে আছেন।

তৈমুর আকা। তুমি গিয়ে তাঁকে একবার এখানে ডেকে আনতে পার না?

নিসাখান্‌ম। মা ঘরে নেই, ছুজনেই সেখানে যাই চল।

তৈমুর আকা। বেশ, চল যাই।

(উভয়ের নিষ্ক্রমণ, তদনন্তর)

জীবাখান্‌ম। (প্রবেশ পূর্বক) আরে হতচ্ছারি অবশেষে তোমার এদুর বাড়াবাড়ি হয়েছে যে আমার বাদীকে গালমন্দ করেছ, আমার পেছনে লেগেছ? উজীর তোমার এমনিই মাশা ঘুরিয়ে দিয়েছে? (গৃহে কেহ নাই অবগত হইয়া ইতস্ততঃ নিরীক্ষণ) আঃ দেখ দেখ ছুঁড়ীটা আবার কোথায় গেছে দেখ। উজীরের ঘর দোর সব চুলোয় যাক—শেব কালেতে আমার এমন দশা করেছে! (নিষ্ক্রমণেচ্ছা। পুরুষের কণ্ঠস্বর শুনিয়া হঠাৎ দ্রুত হইয়া ভূমে উপবেশন) ওমা কি হবেগো! বেগানা পুরুষের গলার আওয়াজ আস্ছে! ওমাগো! কোথায় যাবোগো! এখনি দোর দিয়ে ঢুকে পড়বে! কি করি! কেমন করে বেরিয়ে যাই। হায়! হায়! কোন্ ধুলো মাথায় ছড়াই?

(ইতস্ততঃ ঘুরিতে ঘুরিতে পরদার পশ্চাতে লুকায়ন। তদনন্তর তৈমুর আকা ও

শোলিখান্‌মের প্রবেশ)।

তৈমুর আকা। তোমার মা কি শীগগির মন করে ফিরলেন? তাঁর ঘরে কথা কইতে পেলুমনা, ফুরুহুং হলনা। আমার ঢের কথা আছে, কিন্তু এখানে উজীরের আসবার কোন সম্ভাবনা নেইত?

শোলিখান্‌ম। খাতির জমা হয়ে বসে থাক। উজীর আজ এখানে আসতে পারেন না।

তৈমুর আকা। পারেন না কেন ?

শোলিখানুম। আজ যে জীবাখানুমের ঘরের পালা। তার গঞ্জনা আর হাদাম হজ্জুতের ভয়ে এখানে আসতে সাহস করবেন না।

তৈমুর আকা। একথা হিসবী বটে; কিন্তু শুধু এর উপর নির্ভর করে নিশ্চিত হওয়া যায় না, সতর্কতাকে হাতছাড়া করা উচিত নয়। আর, একবারত তিনি হঠাৎ এসে পড়েও ছিলেন।

শোলিখানুম। নিশ্চিত হও, নিসাখানুমকে দালানের সামনে বসে থাকতে বলেছি। যদি উজীরকে এদিকে আসতে দেখতে পায় তখনই আমাদের খবর দেবে। কিন্তু তুমি ভয় পাচ্ছনাত ?

তৈমুর আকা। না, আমি ভয় পাব কেন ? কিসের ভয় ? আমি কাউকে ভয় করবার লোক নই ! কিন্তু কতকগুলো কারণে আমি চাইনে যে উজীর আমাকে এখানে দেখতে পেয়ে খাঁকে গিয়ে খবর দেয়। আমার যে মংলবগুলো আছে সেগুলি আগে হাসিল কর্তে চাই।

নিসাখানুম। অবিশ্বি—উজীরকে এসব জানতে দেওয়া হবে না, নয়ত খাঁকে গিয়ে বলে দেবেন, তাহলে আর কি—“গাধাকে আন, তার ঘাড়ে সীম বোঝাই কর।”

(এতদ্বিধে নিসাখানুম গৃহে মাথা ঢুকাইয়া) আল্লা রক্ষ করুন উজীর আসছেন।

শোলিখানুম।—(দ্রুত দ্বারের সম্মুখে গিয়া দেখিতে দেখিতে) রক্ষ আল্লা ! উজীর একেবারে সিধে আমার ঘরের দিকে আসছেন। কিন্তু তৈমুর আকা তোমার আর কোথাও যাবারও যো নেই এখানে থাকবারও যায়গা নেই।

তৈমুর আকা। তাহলে কি করা যায় ? কি করব ? বোধ হয় ওকে কেউ বলে দিয়েছে যে আমি এখানে আছি। খোদার কসম, যে কেউ ওকে আমার এখানে আসার কথা বলেছে এই খাঁড়া তার নাড়ীভূঁড়ী ফুকুরের খাদ্য করবে (নিজের খঞ্জ হস্ত প্রদান)

শোলিখানুম। লক্ষী বাপ আমার এখন কথা কবার সময় নয়, এসো এই পরদার পিছনে যাও। আমি দেখি যদি ওঁকে কোন রকমে বিদায় কর্তে পারি। (কিংকর্তব্য বিমুঢ় হইয়া তৈমুর আকার পরদার আড়ালে গমন)

উজীর (খোঁড়াইতে খোঁড়াইতে গৃহে প্রবেশান্তর) শোলিখানুম কি করছ ? তোমার শরীর ভাল ত ?

শোলিখানুম। আল্লা ধন্য হোন ! আপনার দৌলতে আমার শরীর সর্বদাই ভাল থাকে। আপনি কেমন আছেন ? বড় আশ্চর্যের বিষয় যে আজ এখানে আপনার আগমন হয়েছে। কিন্তু আপনি এমন খোঁড়াছেন কেন ? ভুরু কুচকিয়ে রয়েছেন কেন ? আল্লা ত কোন বালাই দেন নি ?

উজীর। উঃ আজ আমার কাঁধে যে একটা কাজ চেপেছিল তার কথা কয়না, জিজ্ঞেসও করোনা—কখন আমার কলনায়ও আসেনি। কুকুরের মত বিস্ত্রী দিন গেছে।

আগা মসুদ এক পেয়লা কফি তৈরি করে আন। (খোজা মসুদের শিরোনাম পূর্বক প্রস্থান)

শোলিখানুম। বলুন না ? শুনি আপনার ঘাড়ে কি এমন কাজ চেপেছিল ? কি থাক্—হয়ত বলতে অনেকক্ষণ লাগবে, আপনার বিরক্ত ধরবে।

উজীর। না, বেশীক্ষণ লাগবে না। এই হয়েছিল আর কি যে আজ জন কতক আমীর ওমরার সঙ্গে খাঁর সামনে বসেছিলুম, তৈমুর আকার জোরের কথা হচ্ছিল।

সকলে বলতে লাগল সমস্ত লান্‌করানে তার জোরের কাছে কেউ এগোতে পারে না। খাঁও তাতে সায় দিলেন। আমি অস্বীকার করলুম। বললুম, তৈমুর আকার কিছুই জোর নেই, যদিও রোজার মাসে ইদের দিন কতক লোককে জমীতে পেড়ে ফেলেছিল বটে, কিন্তু তারা নিতান্ত বাচ্ছাকাচ্ছা। তৈমুর আকা হজ্জুরে দাড়িয়ে ছিল। খাঁ আমার কথা

না মেনে বলেন “তুমি কোন প্রমাণে তোমার কথা প্রতিপন্ন করবে ?” আমি জবাব দিলুম “আমার পদের অনুপযুক্ত যদি না হত তাহলে দেখতেন এই পঞ্চাশ বছর বয়সে তৈমুর আকার সঙ্গে কুস্তি করে তাকে মাটিতে পেড়ে ফেলতুম।” খাঁও বরাবর এই রকম কাজেই

খুব সখ, হকুম করলেন তখন আমার তৈমুর আকার সঙ্গে কুস্তি কর্তে হবে। আমিও নাচার হয়ে উঠলুম, আমরা হাত ধরাধরি করলুম, আমার অপমানের ভয়ে গায়ে কেমন জোর এল, এক মিনিট না যেতে যেতে তাকে হাঁটুর নীচে ধরলুম, তারপরে জানিনে

কেমন করে মাটিতে ফেলে দিলুম, বেচারী ছোকরা অজ্ঞান হয়ে ছবির মত পড়ে রইল, এন্দর হয়ে ছিল যে আধঘণ্টা পরে তার ধাত ফিরে এল, জোর কর্তে দিয়ে আমার কোমরে চার লেগে ভয়ানক ব্যথা হয়েছে তাই সিধে হয়ে চলতে পাচ্ছিনে।

শোলিখানুম। (হাসিতে উপক্রম করিয়া) হে আমার প্রাণপ্রিয় এ কি কাজ করেছেন ? পনের ছেলে যদি পড়ে মারা যেত তাহলে তার মায়ের জীবন কি অন্ধকাব হয়ে যেত ?

উজীর। আমি নিজেও খুব দুঃখিত হয়েছিলেম, কিন্তু তাতে কি ফায়দা বল ? মোদ্দা এই রকমটা ঘটে ছিল।

শোলিখানুম। আচ্ছা বেশ, তাহলে বেচারী এখনও সেখানে পড়ে আছে আর তুমি উঠে আমার তোমার বীরত্বের নিশানা দিতে এসেছ ?

(উজীরের এই সকল বাক্যে তৈমুর আকার হস্ত সঞ্চরণ অসম্ভব হইয়া ফুক করিয়া হস্ত। উজীরের দ্রুত উঠিয়া গিয়া পরদা উঠাইয়া জীবাখানুম ও তৈমুর আকারকে পরদার পশ্চাতে দেখিতে পাইয়া অবাক হওন। শোলিখানুমও জীবাখানুমকে দেখিয়া অত্যন্ত বিস্মিত)

উজীর। শুভনাল্লা। এ আবার কি ব্যাপার ? (তৈমুর আকার দিকে চাহিয়া তারস্বরে) আকা তুমি এখানে কি করছ ?

(তৈমুর আকার বাড় হেঁট করিয়া অবস্থান। পুনশ্চ উজীর) নিদেন কথা কও,

ওনি তুমি কোথেকে? এখানে কোথায়? কি করছিলে এখানে? তোমার কি কাজ ছিল?
(তৈমুর আকা কোন জবাব না দিয়া পরদার পশ্চাৎ হইতে বাহির হইয়া আসিয়া
ঘাড় হেঁট করিয়া নিশ্ক্রমণের উপক্রম)

উজীর। (তাঁহার হাত ধরিয়া) যতক্ষণ না বলবে এখানে কি করছিলে ততক্ষণ
আমি যেতে দিচ্ছিনে, বল।

তৈমুর আকা। (হাত বাঁকাইয়া) ছেড়ে দাও।

উজীর। (আরও শক্ত করিয়া হাত চাপিয়া ধরিয়া) অসম্ভব! আমার কথার জবাব
না দেওয়া পর্য্যন্ত যেতে পারবে না।

(তৈমুর আকা অনন্তোপায় হইয়া এক হস্তে উজীরের ঘাড় ও অপর হস্তে পা
ধরিয়া ভূমি হইতে উঠাইয়া তাঁহাকে বস্তার ঠায় ঘরের মধ্যে ছুঁড়িয়া ফেলিয়া দ্রুত লাক্কাইয়া
বহির্গমন।)

উজীর। (মুহূর্ত্ত পরে আশ্বস্ত হইয়া, জীবাখান্নমের দিকে চাহিয়া) আরে পাগিষ্ঠা!
আমার মাথায় ফের এ কি বালাই আনুলি?

জীবাখান্নম। আমি তোমার মাথায় আনলুম না কি? আমার সঙ্গে এর কি যোগ?
বাহোক আহা বেচার!—তুমি খবর পেলে কোথেকে?

উজীর (ক্রোধান্বিত হইয়া) চুপ্ কর আবাগীর বেটা, ফের বক্ বক্ করিসনে তোকে
আমি চিনেছি। এই সব তোমারই কাণ্ড! আল্লা যদি রাজী হন আমি তোমায়
দেখাচ্ছি মজা।

জীবাখান্নম। আরে হতভাগা! আমাকে মজা দেখাবে কেন বল দিকিন? আমি
কি আইনের খেলাপ করেছি? কারো সঙ্গে প্রণয় করেছি? কারো বাড়ী গেছি? চুরি
করেছি? পাপ করেছি? না কি করেছি?

উজীর। বজ্জাত মাগি! এর বেশী আর কি কর্তে চাস? পরদার পিছনে অমন
মোটা গর্দানের সঙ্গে ধরা পড়েছিস্!

জীবাখান্নম। আহা বেচার!—তোমার স্ত্রী শোলিখান্নমকে জিজ্ঞেস কর বেগানা পুরুষ
তার ঘরের ভিতর কি করছিল।

উজীর। লক্ষীছাড়ি! তুই আগে আমায় জবাব দে! এক পরদার পিছনে পর
পুরুষের সঙ্গে কি করছিলি?

জীবাখান্নম। আচ্ছা, খুব ভাল। আগে আমি বলি তারপরে ও বনুক, দেখি ও
কি বলে? তোমার স্ত্রী শোলিখান্নম আমার দাসীকে গাল দিয়েছিল, তাই আমি ওকে
বলতে এসেছিলাম “তোমার গালচের মাপে পা বাড়াস নে কেন? আমার বাদী তোর রুটা
খায় না, তাকে কেন গাল দিয়েছিস্?” এসে দেখলুম ঘরে নেই। তখুনি ফিরে যেতে
চাইলুম। দেখলুম শোলিখান্নম একজন পুরুষের সঙ্গে কথা কইতে কইতে ঐ দিকে

পাতা বাড়বেন না!

থেকে ঘরের বাগে মুখ করে করে আসছে। অবাক হয়ে গেলুম, বেরোতে পারলুম না,
পরদার আড়ালে গিয়ে রইলুম যে দেখি এখানে ওরা কি করে, তার পরে গিয়ে তোমায় খবর
দেব। বিশেষ আমার মাথা খালি ছিল তাই পরপুরুষের সামনে বেরোতে পারলুম না।
এমন সময় তুমি এসে পৌছলে। যখন খুব কাছে এসেছ, তখন সে আর উপায়ান্তর না দেখে
তোমার কাছ থেকে মুখ লুকোবার জন্তে পরদার আড়ালে এল, যতক্ষণ না তুমি যাও
এইখানে দাঁড়িয়ে থাকবে।

উজীর। যদি তাই হয় তাহলে তুই তখন বেরিয়ে এসে আমায় খবর দিলিনে?

জীবাখান্নম। আমি যদি পারতুম তাহলে কি আর আসতুম না? সে বললে একটা কথা
কও ত এই ঝাঁড়া বাঁট পর্য্যন্ত তোমার বুক বসিয়ে দেব।

উজীর। (সন্দেহভাবে শোলিখান্নমের দিকে চাহিয়া) শোলি! ঠিক বল দিকিন! এই
পুরুষ কি তোমার কাছে এসেছিল?

শোলিখান্নম। তোমার এই স্ত্রীটির তোতা পাখীর মত বাজে কথা বেশী কথা আর
মিছে কথা কওয়া অভ্যাস। আমি ও ছোঁড়াকে কখন দেখিওনি, চিনিও নে।

উজীর। চেননা কেন? তৈমুর আকাকে দেখনি? খুব ভাল করেই চেন।

শোলিখান্নম। তৈমুর আকা এখানে কি করছিল? আর তৈমুর আকাকে তুমি ভূঁয়ে
ফেলে দিয়ে তার মার কাছে পাঠিয়ে এসে ছিলে না?

উজীর। যাও যাও! বেশী বক্ছ! আমার কথার জবাব দাও। তাহলে এতে করে
মানুছ যে তৈমুর আকা তোমার কাছে এসেছিল?

শোলিখান্নম। না, মাপ করবেন। তৈমুর আকা যদি আমার কাছে আসত তাহলে
আমাকে ওর সঙ্গে একজায়গায় দেখতেন। জীবাখান্নম জানত আজ আমি স্নানে গিয়েছি।
আমার ঘর খালি পড়ে থাকবে ঠাওরিয়ে ঠিক করলে এখানে তার প্রণয়ীকে আনবে আর
মশগুল হয়ে স্নথে দিন কাটাবে। আজ ওর ঘরে তোমার যাবার পালা বলে নিজের ঘরে
তাকে নিয়ে যাবার যো ছিল না। এদিকে আজ স্নানের ঘরে জল ছিল না। আমিও
কিছু না ভেবে চিন্তে ঘরে ফিরে এলুম। আমি হঠাৎ এসে পড়াতে আমার সামনে দিয়ে
বেরিয়ে যেতে পারলে না। দুজনে পরদার আড়ালে গেল যে আমোদপ্রমোদ করবে আর
যতক্ষণ আমি ঘরের বাইরে না যাই সেখানে লুকিয়ে থাকবে তার পরে ফুরলুৎ পেলেই
বেরিয়ে আসবে। এই হচ্ছে আসল কথাটা। তোমার ঘটে বুদ্ধি জমা কর, এই বেহারার
চাতুরীতে ঠোকোনা, না হোক আমার সম্বন্ধে মন্দ ভেবো না।

জীবাখান্নম। (চীৎকার করিয়া শোলিখান্নমের প্রতি) ওরে বজ্জাত! এ সব কি
কথা বানাচ্ছিস, তোর নিজের দোষ আমার ঘাড়ে চাপাচ্ছিস, ওমা গো! একি কথা গো।
আমি আশ্বহত্যা করব।

শোলিখান্নম। তুই বজ্জাত, তুই হতছারি! ইচ্ছে হয় আশ্বহত্যা কর ইচ্ছে হয়

করিসনে। তোর এই সব কারখানা লান্কারানের সবারেরই জানা আছে। চেঁচামেচি করে কেঁদেকেটে আর নিজেকে দোরস্ত্‌চাল বলে চালাতে পারবিনে। তোর স্বামীর চোখ আছে, দেখতে পাচ্ছে এ কাজ তোর কি আমার।

জীবাখান্নম! হে আল্লা মেহেরবানী কর! ইনসাফ কর! আমি আশ্রয়ত্যা করে মরব। ও বেটাছেলে, তুমি এই বেহায়ার মুখে খাপড় মারছ না কেন? আমার নামে এমন করে বানাচ্ছে তুমিও দাঁড়িয়ে তামাসা দেখছ?

শোলিখান্নম। হ্যাঁলা হতভাগী আমার মুখে খাপড় মারতে যাবে কেন? ও যদি পুরুষ হয়ত ওর উচিত তোকে টুকরো টুকরো করে কাটে যে বেগানা পুরুষের সঙ্গে ধরা পড়েছিল।

উজীর। (জীবাখান্নমের প্রতি) তাইত তোকে টুকরো টুকরো করা উচিত। একটু সবুর কর আমি নিজে খাঁর কাছে যাচ্ছি। আগে তোর উপপতির সব বন্দোবস্ত করে আসি তার পরে তোর বিষয়ে মনোযোগ দেব। তুই চিরটা জীবন মিছে কথা বলে কাটিয়েছিস। আমি তোকে চিনেছি।

জীবাখান্নম (সজ্ঞোধে) ঠিক! আমি মিথ্যাবাদী, কিন্তু আল্লা জানেন তোমরা সবাই সত্যবাদী, যেমন তুমি একটু আগে যে গল্পটা করলে তার থেকে মালুম হল।

উজীর। আমার সামনে থেকে বেরো হতভাগি।

(জীবাখান্নমের গৃহ হইতে নিষ্ক্রমণ)

উজীর। শোলি, সত্যি বল তুমি এর কিছু জান কিনা ঠিক বল।

শোলিখান্নম। আপনার মরার মাথা দেখি আমি যদি এ বিষয়ে দৃশ্য কিছু করে থাকি। (এই সময় খোজা মস্তদের কফি আনিয়া পেয়ালাতে চালিয়া উজীরের মাথার পশ্চাদিক হইতে সম্বোধন) আকা কফী নিতে আজ্ঞে হোক।

উজীর। (ফিরিয়া হস্তদ্বারা পেয়ালা আঘাত করিয়া খোজা মস্তদের শিরে কফি ছিটকান) সরে যা আধ পোড়া গাধা! এই রকম ঝালা পালার সময় কি কফি খাবার সময় নাকি? এখন আমি খাঁর কাছে যাচ্ছি, তখন সব জানা যাবে (আকামম্বদ সরিয়া যাইয়া, তাহার পাগড়ীর উপর পরিত্যক্ত কফি পরিষ্করণে উদ্যত।)

উজীর। (ভয়ঙ্কর বিকৃত মেজাজে) শীগগির যাও, আমার লাল বোড়া আনতে বল, আর পাটুকিলে রঙ্গের জোকা জিনের উপর দিতে বল, বোড়া যেন শীগগির বের করে আনে।

আকামম্বদ। যে আজ্ঞে হজুর। চোখের মাথা খাই! যেমন হুকুম করলেন ঠিক তেমনি করে আনছি এখুনি।

(তদনন্তর উজীরের নিষ্ক্রমণ)

শোলিখান্নম। আল্লা হো আকবর! আচ্ছা বিপদে পড়া গিয়েছিল! যাহোক জান বেঁচেছে। খোদার মেহেরবানী! (এই কথা বলিতে বলিতে নিদাখান্নমের প্রবেশ, তাহার

দিকে চাহিয়া) নিসা, অতুত কাও ঘটেছে—জানিসনে? উজীর তৈমুর আকাকে জীবাখান্নমের সঙ্গে পরদার আড়ালে দেখতে পেয়েছেন।

নিসাখান্নম। সত্যি? জীবাখান্নম কি বলে পরদার পিছনে কি করছিল?

শোলিখান্নম। আমি জানিনে মাগী কখন এসে ওখানে গিয়ে আমার জান বাঁচিয়েছে। কিন্তু খাঁ নিঃসন্দেহ তৈমুর আকাকে মেরে ফেলবে। জানিনে তাকে বাঁচানর কি উপায় আছে।

নিসাখান্নম। ভয় কোরোনা! খাঁ তৈমুর আকাকে মার্জে পারবে না। কিন্তু এ রকমটা না হওয়াই উচিত ছিল। এখন যখন ঘটেছে তখন ব্যাপারটা অনেকদূর গড়াবে। মামশি তোমায় ডাকছেন, তাঁর ঘরে চল। আগা মস্তদকে খাঁর দেউড়ীতে পাঠিয়ে দিই আমাদের সব খবর এনে দিক।

(উভয়ের নিষ্ক্রমণ ও যবনিকা পতন) শ্রীসরলা দেবী।

বিদ্বজ্জন-মিলন।

(কেন্দ্রিজ)

মানুষ সর্বত্রই মানুষ। মানুষের সহিত আলাপ ব্যবহারে যে ভাব মনে হয় তাহা যথাযথ ভাবে ব্যক্ত করিলে সকলেরই প্রীতি আকর্ষণ করিতে পারে বোধ হয় এবং কিয়ৎ পরিমাণে শিক্ষাও যে তাহা হইতে অসম্ভব এমন নহে। মানুষ প্রতি দেশেই সর্বশ্রেষ্ঠ পদার্থ। তাই কোন দেশের সম্বন্ধে শিক্ষা লাভ করিবার ইচ্ছা হইলে সে দেশের মানুষকে শিক্ষার বিষয় করিলে সিদ্ধি লাভের প্রশস্ত উপায় পাওয়া যায়। যত শ্রেষ্ঠ মনুষ্য হইবে ততই উপায় প্রশস্ততর হইবে। ইহার মধ্যে কেবল একটা কথা আছে। গুণী লোক দিগের সহিত আলাপ ব্যবহারের সময় যদি আমরা কেবল গুণের প্রতিই লক্ষ্য করি তাঁহাদের ভিতরকার মনুষ্যত্ব—যাহা শ্রেষ্ঠ অশ্রেষ্ঠ, গুণী অগুণী, সকলেরই মধ্যে সাধারণ—দেটির প্রতি দৃষ্টিচ্যুত হই, তাহা হইলে ঠকিতে হয়। পরমেশ্বর যেমন সৃষ্টির অতীত, সৃষ্টি তাঁহার পরিচায়ক মাত্র, গুণ তেমনই মানুষের পরিচায়ক মাত্র—মানুষ গুণের অতীত। এক জন মনুষ্য চুরি করিয়াছে তাহাকে যদি আমরা কেবল চোর বলিয়া জানি তবে তাহাকে আমরা কিছুই জানিলাম না। সচরাচর মনুষ্য-ব্যবহারে তাহাকে চোর ভিন্ন অপর কিছু বলিয়া জানিবার উপায়ও নাই, এজন্ত স্ফুটিত উপন্যাস এত উপাদেয়। কবি নিজের কবিতার অতীত—কবিতা তাঁহার পরিচায়ক মাত্র। কোন কবির কবিতা তন্ন তন্ন করিয়া অভ্যাস করিলেও কবি আমাদের নিকট যথার্থ রূপে পরিচিত হন না। কবিতা উপভোক্তার তীক্ষ্ণ অন্তর্ভূতি শক্তি ও কল্পনাপ্রার্থ্য না থাকিলে কখনও কবিকে

চিনিতে পারেন না। এ নিমিত্তই যথার্থ সহস্রছত্বতির সহিত রচিত জীবন-চরিত্র এত আদরের বস্তু।

এ দেশে বিদ্যার প্রভাবে পরিচিত এমন যে ছুই চারি জনের সহিত সৌভাগ্য ক্রমে লেখকের পরিচয় হয় তাঁহাদের সহিত আলাপ ব্যবহারে লেখকের মনে যে চিত্র পড়িয়াছে তাহারই একটা স্থূল মানসিক ছবির প্রতিক্রম অঙ্কিত করা এখানে উদ্দেশ্য। কালাশ্রোতে ছবির অনেক সূক্ষ্ম রেখা, অনেক বাঁকা চোরা, অনেক আলো ছায়া, বিলুপ্ত হইয়াছে। ভালই! তাহাতে লেখকের ব্যক্তিগত বৈশিষ্ট্য অনেক লোপ পাইয়াছে। যাহা আছে তাহা থাকিবার বস্তু, চিত্রের অনন্যপ্রিয় খুঁটিনাটির বিলোপে সাধারণের সুবিধাই।

ইংলণ্ডে জুন মাস যথার্থ বসন্তের রাজ্য। মাঠে সবুজ কাপেট বিছান সে সবুজের কাছে আমাদের দেশের সবুজ রং কতকটা হলুদ বর্ণ দেখায়। বড় বড় অক্সাইড ডেজী ফুটন্ত,—যেন কাপেটে বোনা ফুল। ডেজী চসারের আমল হইতে ইংরেজ কবির প্রিয়—কবিতাপ্রিয় ব্যক্তি মাজেই ইহা জানেন। ইংরেজ গ্রাম্যকন্যারা এই ফুলে তুক করে। প্রিয়তম ভাগবাসে কিনা একথা নির্জনে ডেজীকে জিজ্ঞাসা করা হয়। একটা ডেজীকে সন্নেহে বৃত্তচ্যুত করিয়া প্রশ্নকাতরা “সে ভাল বাসে” বলিয়া একটা পাপড়ি ছিন্ন করে। “সে ভাল বাসে না” বলিয়া অপর একটা পাপড়ি ছিন্ন হয়। এইরূপে He loves me, He loves me not বলিয়া এক একটা করিয়া সমুদয় পাপড়ি গুলি ছিঁড়িলে শেষের পাপড়ির সহিত যে কথার মিল হয় তাহাই ফুলের গণনার ফল। বাল্যাবধি ডেজীর প্রশংসা শুনিয়া প্রথম সাক্ষাতেই যেন পূর্ন পরিচিত বলিয়া স্নেহ জন্মায়। চারিদিকে ফুটন্ত buttercup, cowslip প্রভৃতি ফুলের যে রূপ প্রাচুর্য্য তাহাতে পা ফেলিতে একটুকু সঙ্কোচ হয়। এই মাঠভেদ করিয়া রূপার তারের মত ক্ষুদ্র একটা জল ধারা চলিয়া গিয়াছে—ওই ক্যামনদী। ইহা হইতেই কেব্লিজের নামকরণ হইয়াছে। ছুই তীরে গাঢ় শ্রাম নশ্রশিরঃ তৃণরাজি—ঘাষও ব্র্যাক্‌ন। অদূরে দীর্ঘ, সরল, ঘনপত্র পপলার বৃক্ষাবলী—যেন কোন যাহুকর কর্তৃক এই মাগার রাজ্যে বাস্তবের প্রবেশ নিষেধের জন্য প্রহরী রূপে স্থাপিত হইয়াছে। চক্ষু তুলিয়া আর একটুকু দূরে চাহিলেই গস্তীর মূর্ত্তি কেব্লিজের প্রাচীন বিদ্যামন্দির সমূহ প্রস্তরময় অস্থলি উর্দ্ধে উঠাইয়া বিদ্যার গতি নির্দেশ করিতেছে।

১৮৮৪ সন জুন মাসের কোন একটা মঙ্গলপূত সায়াহ্নে ট্রিনিটি কলেজের ভিতর দিয়া প্রসারিত রাস্তার দিকে চাহিয়া থাকিলে দেখিতে পাইতে একজন অর্ধ বয়স্ক, লম্বা টুপী, ইংরেজ ও একজন এদেশীয় যুবক পাশাপাশি হাঁটিয়া যাইতেছে। ইংরেজ নাতিদীর্ঘ, কাঁচা পাকায় মিশান দাড়ী, সোণালি আভার চুল, হাতে সাদা কাপড়ের ঘেরাটোপ দেওয়া ছাতা, ভদ্রোচিত সাদাসিদে পোষাক পরা। ইনি ফ্রেডেরিক মায়ার্স। ইহার Life of Wordsworth অনেক কালেজের ছাত্রদের নিকট সুপরিচিত। ইনি একজন স্থূল ইন্স্পেক্টর।

আজকের মত স্থূল পরিদর্শন শেষ করিয়া এই কতক্ষণ রেলে ফিরিয়া আসিয়াছেন। ষ্টেশনে পূর্বেকার বন্দোবস্ত মত আগন্তুক ভারতবর্ষীয়ের সঙ্গে মিলিত হইয়া ইনি বাড়ী ফিরিতেছেন। বিদেশীকে ছ'চারি দিনের জন্ত আতিথ্য দিবেন।

ক্রমে সহর পিছু রাখিয়া পশ্চিমদিকে সহরতলীর দিকে ছুইজন সহযাত্রী অগ্রসর হইতে লাগিলেন। পাকাবাড়ী, লাল রাস্তা ক্রমে কমিয়া গাছ পালা, বাগান, cottageএর সংখ্যা বাড়িতে লাগিল। ছু'দিকে সবুজ রঙের সজীব বৃক্ষের কেয়ারি করা বেড়ার ভিতরের রাস্তা ধরিয়া ছুইজনে চলিতে চলিতে একটা খোলা জায়গায় আসিয়া পড়িলেন। অনতিদূরে রাস্তার বাম ধারে, দক্ষিণ দিকে একটা বৃহৎ বাগানের সামনের দিকে একটা সুদৃশ্য বাড়ী—এ দেশের তুলনায় বাড়ীটি বড় নয়, কিন্তু চোতলা।

পৌছিয়া মায়ার্স পকেট হইতে চাবি লইয়া বাহিরের দরোয়াজা খুলিলেন এবং বাড়ীতে প্রবেশ করিয়া আগন্তুককে সাদরে প্রবেশ করিতে আহ্বান করিলেন। দাসীকে হলের টেবিলের নীচে হইতে আগন্তুকের ব্যাগ লইয়া যাইতে বলিলেন এমন সময় স্নবেশা, সুন্দরী মায়ার্স-পত্নী আসিয়া উপস্থিত। তিনি অভ্যাগতের সহিত পরিচিত হইয়া তাহার অভ্যর্থনা করিলেন।

মায়ার্স বলিলেন, “আমাদের অতিথির জন্ত ঘরের বন্দোবস্ত ঠিক আছে ত?” একবার অভ্যাগতের দিকে একবার পতির দিকে চাহিয়া মায়ার্স-পত্নী বলিলেন, “মিঃ—উঁহার ঘরে গিয়া বোধ হয় সমুদয় বন্দোবস্ত ঠিক দেখিবেন। তুমি উঁহাকে উঁহার ঘরে লইয়া যাওনা”—বলিয়া মায়ার্সের দিকে চাহিলেন।

তৃতীয় তলায় অভ্যাগতের ঘর নির্দিষ্ট হইয়া ছিল। সিঁড়িতে যাইতে যাইতে মায়ার্স বলিলেন, “আমাদের বাড়ীতে এখন অনেকগুলি নিমন্ত্রিত ব্যক্তি রহিয়াছেন—এড্বিন আর্পল্ড, হেনরি জেমস, মিস্ ডরথি টেনাট (ইনি মায়ার্সের শালিকা, এক্ষণে বিখ্যাত আফ্রিকা পরিভ্রামক হেনরি ষ্ট্যানলির সহধর্মিণী)। ঘর সকল অধিকৃত হইয়া গিয়াছে। বোধ হয় তোমার ঘর ততবড় নহে বলিয়া ভাল পছন্দ হইবে না।”

“ঘর বড় না হইলেও এত বিখ্যাত লোকের সমাগমে অভ্যর্থনার কিছুই ক্রটি রহিল না” আগন্তুক এই উত্তর করিলেন।

“এ কথা বলা কেবল তোমার সৌজন্ত।”

নির্দিষ্ট ঘরে আসিয়া পৌছিলে মায়ার্স ঘরে ঢুকিয়া সমস্ত বন্দোবস্ত দেখাইয়া দিলেন। বলিলেন, “কোন কিছুই দরকার হইলে দড়ী টানিয়া ঘণ্টা বাজাইলে দাসী আসিবে তাহাকে ফরমাস করিও। এখন ৭টা। সাড়ে ৭টার সময় কাপড় ছাড়িবার ঘণ্টা বাজিবে। আমাদের ডিনার ৮টায়। সুসজ্জিত হইয়া নীচে আসিবার সময় স্মরণ থাকে যেন, যে আমাদের ড্রয়িং রুম সিঁড়ির বাঁ ধারে। এখন বিদায়।”

নিমন্ত্রিত স্ত্রীপুরুষগণ যথানিয়মে বৈঠকখানায় সমবেত হইয়া পরে খাওয়ার ঘরে

উপস্থিত হইলেন। গৃহকর্তার একদিকে একটা বর্ষীয়সী মহিলা ও অপর দিকে একটা স্মরণ্য ক্রীড়াঙ্গী তরুণী বসিয়াছিলেন। যতক্ষণ ডিনার শেষ না হইয়াছিল ততক্ষণ মায়ার্স যে কথাবার্তার তাঁহাদের বিশেষরূপ পরিতোষ সাধন করিয়াছিলেন তাঁহাদের হাসির ছটায় সে বিষয়ে সন্দেহের স্থল মাত্র ছিল না। আমার একদিকে ছিলেন মিস্ ডরথি টেনান্ট অত্রদিকে মিস্ বার্গার্ড (ভূতপূর্ব শাসনকর্তা সন্ন চার্লস বার্গার্ডের ভগিনী। যে সময়ের কথা হইতেছে তাহার কিছুদিন পরে কেশ্বিজের বিখ্যাত ডাক্তার লেখামেনের সহিত ইহার বিবাহ হয়)। মিস্ ডরথি টেনান্ট সর্ব বিষয়ে মনোজ্ঞা। দীর্ঘাকৃতি সর্বাঙ্গশোভন যেন মুখশ্রী বুদ্ধির আলোকে উদ্ভাসিত—স্বচ্ছ। ষাঁহারাতৎকালের English Illustrated Magazine দেখিয়াছেন বা দেখিবেন তাঁহারা মিস ডরথি টেনান্টের চিত্র নিপুণতা ও ভাষা প্রয়োগ কৌশলের পরিচয় পাইবেন। মরণপথ হইতে প্রেরিত পার্লামেন্টের সভ্য মিঃ বর্টের ছবি অঙ্কিত করিয়া ইনি বিশেষ প্রতিষ্ঠা লাভ করিয়াছিলেন, মনে আছে। আরও মনে হয় যে রয়াল অ্যাকাডেমির চিত্র প্রদর্শনীতে অনেকবার “ডিঃ টেনান্ট” স্বাক্ষরিত ছবি দেখিয়াছি। মিস্ ডরথির একটা বিশেষ গুণ এই যে অলক্ষিতভাবে ইনি মাহুষের ভিতর যাহা ভাল তাহাই টানিয়া বাহিরে আনিতে পারেন। ইহার সহিত আলাপে লোকের মুখে এমন চক্চকে, ফুটফুটে কথা বাহির হয় যে বক্তা সময়াস্তরে তাহা স্মরণ করিয়া আশ্চর্য্যান্বিত হইয়া পড়েন। মিস্ বার্গার্ড গভীর প্রকৃতি, সহজেই সন্নীহা হয়, ইনি তখন কেশ্বিজের একটা ক্রীলোকের কালেজের প্রধানা ছিলেন—গার্টন কি নিউণ হাম মনে নাই। ইহার সহিত সে দিনের—ঠিক বলিতে হইলে সে রাত্রে—কথার মধ্যে ছ’একটা মনে আছে।

তিনি জিজ্ঞাসা করিলেন, “ভারতবর্ষ হইতে আসিয়া এদেশে কোন্ বিষয়টি বিশিষ্ট বলিয়া মনে হয়?”

উত্তর। প্রাণের পরিসর। এ দেশের তুলনায় ভারতবর্ষের প্রাণ অতি অল্প।

প্রশ্ন। এ দেশের সামাজিক ব্যবহার সম্বন্ধে কি মনে হয়?

উত্তর। এ দেশে ঠিক রকমে অঠিক কাজ করা যায় কিন্তু অঠিক রকমে ঠিক কাজ করা যায় না।

মিস্ ডরথি টেনান্ট আমাকে একবার জিজ্ঞাসা করিলেন এ দেশে কিছু কাল ধরিয়া বাস করিবার পর বাঙ্গলা কথা শুনিবার জন্য আমার আকিঞ্চন হয় কি না? সেই প্রশ্নে চিত্রকর ভ্যাল প্রিন্সেপ সম্বন্ধে যে গল্প বলিয়াছিলেন তাহা এখানে সংকলন করা উচিত। ১০।১২ বৎসর পূর্বে ভ্যাল প্রিন্সেপ নামে একজন ইংরেজ চিত্রকর এদেশে আসেন অনেকের বোধ হয় স্মরণ আছে। তিনি এক সময় নিজের বিজ্ঞাপ্রয়োগের বিষয় অহুসন্ধানার্থে পাইরিনিস পার্বত্যপ্রদেশে ভ্রমণ করিতেছিলেন। একদিন সন্ধ্যার প্রাকালে এক জন স্প্যানিশ মদ্য আসিয়া তাঁহাকে জিজ্ঞাসা করিল,

“আপনি কি ইংরেজ?” এবং তাঁহার পরিচয় পাইয়া তাঁহাকে সঙ্গে করিয়া আপনাদের মঠে লইয়া গেল। সেখানে গিয়া দেখিলেন যে, সেই মঠের একজন আইরিষ মদ্য মৃত্যু শয্যা শয়ান। খড়ের বিছানার উপর কবল পাতা, তাহার উপর দীর্ঘাকৃতি অস্থিচর্ম শেষ মুণ্ডিতশির মুমূর্ষু ক্রীষ্ট সন্ন্যাসী। প্রিন্সেপকে দেখিয়া তাঁহার গম্বর-প্রোথিত চক্ষে অস্বাভাবিক জলু ব উদিত হইল। ধীরে ধীরে সন্ন্যাসী বলিলেন, “আজ পনের বৎসর আমি ইংরেজী শব্দ শুনি নাই—ইংরেজের মূর্তি দেখি নাই। তাই আজ মরিবার সময় মাতৃভাষা শুনিবার জন্য প্রাণ ছুঁ ফুঁ করিতেছে। আমার গুরু ভাতারা আজ ৫৬ দিন চেষ্টার পর তোমাকে পাইয়াছেন। তুমি “Last Rose of Summer” গাহিতে পার?” প্রিন্সেপ হৃৎথের সহিত বলিলেন, “আমি গাহিতে জানি না।”

সন্ন্যাসী। তবে কথা গুলি বল।

প্রিন্সেপ। তাহাও মনে নাই।

সন্ন্যাসী। তবে শিস্দিয়া না হয় “হুঁ হুঁ” করিয়া একবার ঐ গানের সুরটা আনাকে শুনাও।

প্রিন্সেপ নিতান্ত অপারগ হইয়া মনের দুঃখে অধীর হইয়া পড়িলেন—ভাবিলেন জীবনের মধ্যে সঙ্গীত অনভিজ্ঞতার জন্ত ইহার অধিক বেদনা কখনও অনুভব করেন নাই।

মুমূর্ষু হতাশ হইয়া দেয়ালের দিকে মুখ ফিরাইলেন। পর দিবস অহুসন্ধান করিয়া প্রিন্সেপ জানিলেন যে, সন্ন্যাসীর মৃত্যু হইয়াছে।

আহার শেষ হইবার পর গৃহস্বামিনী অপরাপর মহিলাদিগের দৃষ্টি আকর্ষণ করিয়া টেবিল হইতে উঠিলেন। গৃহস্বামী তাড়াতাড়ি আসন ত্যাগ করিয়া খাওয়ার ঘরের দরোয়াজা খুলিয়া একধারে দাঁড়াইয়া রহিলেন। মহিলাগণ একে একে বাহির হইয়া গেলেন। চারিদিক রেসমও মাটিগের খস্ খস্ শব্দে অহুরণিত হইল—প্রতিফলিত আলোকে বিদ্যুত চমকিয়া উঠিল। পুরুষেরা আবার টেবিলের চারিদিকে বসিয়া ধূম্রপাণ করিতে লাগিলেন। কেহ কেহ ডিকান্টার হইতে নিজ গেলাসে ক্লারেট বা সেরি চালিয়া প্রতিবেশীর সামনে ডিকান্টার রাখিয়া দিলেন। মহিলাগণের তিরোধানে পুরুষগণ পরস্পরের প্রতি মনোযোগ দিবার অবসর পাইলেন।

কথাবার্তার উৎস খুলিয়া গেল। রমণীর কোমল সান্নিকর্ষ অন্তর্হিত হওয়ায় অনেক কঠিন বিষয়ের সমালোচনা উঠিল। রাজনীতি, সমাজনীতি, দর্শন, অধ্যাত্মবিজ্ঞা প্রভৃতি যথেষ্টক্রমে উদিত ও তিরোহিত হইল। যে সময়ের কথা হইতেছে তাহার কিছুকাল পূর্বে অধ্যাপক ব্রাইস যিনি এখন ইংলণ্ডের মন্ত্রীসভার একজন সদস্য তিনি কিছুকাল আমেরিকায় থাকিয়া তৎদেশের শাসনতন্ত্রের পর্য্যালোচনা করিয়াছিলেন। তাঁহার অহু-সন্ধানের ফল পুস্তকাকারে বাহির হইবে এ কথা সর্বত্র প্রচারিত হইয়াছিল। সেই অবধি ইংরেজ পাঠকমণ্ডলী উল্লসিতভাবে সেই পুস্তকের প্রতীক্ষা করিতেছিলেন। এ বিষয়ে

উপস্থিত সকলের আগ্রহ দেখিয়া এ দেশীয় লোকের মনে হইল এমন দিন কি কখনও হইবে যখন কোন বঙ্গীয় লেখক পাঠকদিগের মনে এরূপ আগ্রহ, উৎসাহ ও ঐৎসুক্য জন্মাইতে পারিবেন।

অধ্যাত্মবিচার আলোচনা প্রসঙ্গে একজন একটা বড় কৌতুহলজনক গল্প করিয়াছিলেন। সত্য হউক মিথ্যা হউক কথাটা বড় বিস্ময়কর। ইংলণ্ডের উত্তর অংশে এক বাড়ীর দুইটি মেয়ে ছিলেন তাঁহারা সম্পর্কে ভগিনী, সোহাদেও ভগিনী। ছোট ভগিনী এক সময় আশ্চর্যরূপ স্বপ্ন দেখিতে আরম্ভ করিলেন। কাল রাত্রের স্বপ্নদৃষ্ট ঘটনার যেখানে শেষ আজ রাত্রের স্বপ্ন সেইখানে আরম্ভ। আর ঘটনাগুলি বাস্তবের শ্রায় স্থির ও পরিষ্কার। স্বপ্নে রোজই তিনি একজন অপরিচিত পুরুষকে দেখিতেন যদিও কখন না দেখিতেন তাহা হইলে তাহার উপস্থিতি সম্পূর্ণরূপে অনুভব করিতেন। অনিচ্ছাসত্ত্বেও স্বপ্নে তাঁহাকে সেই পুরুষের অভিপ্রায় মত কার্য্য করিতে হইত। তরুণীটি কখনও ইংলণ্ডের বাহির হন নাই, কিন্তু সেই পুরুষ ইচ্ছা করিলেই তখন তাঁহাকে দেশদেশান্তরে লইয়া যাইতে পারিত। “আমরা এখন সুইস্ দেশে যাই” স্বপ্নদৃষ্ট পুরুষ এই কথা বলিবামাত্র যেন সুইটসরলণ্ডে উপস্থিত—সব ভিন্ন দৃশ্য। স্বপ্নদৃষ্ট বিবরণ পরে তদ্দেশ সম্বন্ধীয় পুস্তকের সঙ্গে মিলাইয়া দেখিলেন ঠিক। এই সমস্ত বিবরণ পুঙ্খানুপুঙ্খরূপে তিনি রোজনাট্যায় লিখিতেন ও ভগিনীকে বলিতেন। কিছুকাল এইরূপ চলিতেছে এমন সময় ছই ভয়ী একদিন Liverpoolএ একটা ball এ যান। কোন একবারকার মত নৃত্য শেষ করিয়া বিশ্রাম করিতেছেন এমন সময় দূরে একজন পুরুষকে দেখিতে পাইলেন। পুরুষ পাশ ফিরিয়া চলিয়া যাইতেছিলেন। কিন্তু দেখিবামাত্র তরুণী তাহাকে স্বপ্নদৃষ্ট পুরুষ বলিয়া চিনিয়া উদ্ভিন্ন হইলেন। সেই পুরুষও ফিরিয়া তাঁহার নিকট আসিয়া কথা কহিতে লাগিল। ইতিমধ্যে তাঁহার ভগিনী আসিয়াও পূর্বশ্রুত বিবরণ বলে তাহাকে চিনিলেন। পরে অনুসন্ধান জানা যায় যে, এই লোকটা একজন জন্মাণ ইহুদি। কিছুদিন পরে তরুণীর স্বপ্ন বন্ধ হইল। তখন অনুসন্ধান জানা গেল সে লোক ইংলণ্ডে নাই। আবার স্বপ্ন আরম্ভ হইল—দেখা গেল সে লোক ইংলণ্ডে আসিয়াছে। এইরূপে দেখা যায় সে ব্যক্তি ইংলণ্ডে আসিলেই স্বপ্ন ঘটত আর না থাকিলেই স্বপ্ন বন্ধ হইত।

তাঁহার পর সেদিন, গর্ডনপাশা, কাউন্টটলষ্টয়, পোলবর্জে, এলেন টেরী পার্লামেন্টের সভানির্বাচনে রূপাণ মজুরদিগের ভোট ইত্যাদির কথাবার্ত্তা হইল। তাঁহার মধ্যে একটা কথা বিস্মৃত হওয়া উচিত নহে। সেই সময় ভারতেশ্বরীর পৌত্র শোচ্যস্থিতি ভিত্তর আলবার্ট বিদ্বার্থী হইয়া কেশ্বিজ্ঞে ছিলেন। তাঁহাকে উপলক্ষ করিয়া মহারানী ও রাজপরিবার সম্বন্ধে অনেকে অনেক কথা বলিলেন, বস্ত্রার জলের ন্যায় কথাগুলি সরিয়া অদৃশ হইয়াছে। জমীর উর্ধ্বরতাবদ্ধক বন্যার পলিমাটার ন্যায় ভাব তাহার এখনও রহিয়া গিয়াছে। ইংরেজের শাস্ত, গস্ত্রীর, তেজস্বী, স্নিগ্ধ রাজভক্তি একটা অপরূপ পদার্থ—আমাদের ধারণা

হয় না। ইংরেজ চরিত্রের এই উপাদানের উপর দৃষ্টি করিলে আমাদের চরিত্রের দারিদ্র্য ফুটিয়া উঠে। এরূপ উৎসাহের পদার্থ আমাদের পক্ষে একেবারেই নাই। বান্দালা সাহিত্যে যে রাজা রাজগ্যবর্গ ও রাজসভা দেখা যায় কি কৃত্রিম, কি অসম্ভব, কি অসার!

যথা সময়ে সকলে আবার ড্রয়িংরুমে সম্মিলিত হইবার পর ক্রমে ক্রমে বাহিরের নিমন্ত্রিতেরা চলিয়া গেলেন। পরে সেই গৃহের রমণীগণও রাত্রের মত বিদায় লইলেন। হেনরি জেমস্, এড্বিন আর্নল্ড, ম্যার্স ও লেখক ড্রয়িং রুমের পার্শ্বস্থ, লম্বা ঘরে, সিঁড়ির নিকটে বসিয়া সেল্টজার ওয়াটার পান ও গল্প করিতে লাগিলেন। হেনরি জেমসের লেখা যেমন চাঁচা ছোলা, চোস্ত, তাঁহার কথাও তেমনই। কথায় তিনি লেখার শ্রায় সম্পূর্ণরূপে আত্মগোপন করিতে সক্ষম। তাঁহার লেখাও যেমন বুদ্ধিগত শ্রীতির হেতু কথাও তেমনই। এড্বিন আর্নল্ড ঠিক বিপরীত। যেমন Light of Asiaতে ইংরেজি কবিতায় কপিলবস্তুর সম্মাসী রাজ কুমারের চরিত্র দেশনির্দেশেই সকলের হৃদয়ে বসাইয়াছেন, ডেলি টেলিগ্রাফ যে গুণে সর্কাপেফা অধিক পাঠক সংগ্রহ করিয়াছে, তাঁহার কথাতোও সে গুণ আছে। যে সময়ের কথা হইতেছে তখন তাঁহার বয়স ৬০ বৎসরের উপর বলিয়া মনে হয়। কিন্তু তাঁহার কথা বার্ত্তা ও সঙ্গ শ্রীতিকর নবীনতায় পরিপূর্ণ। এ কথা শুনিয়া তিনি একদিন বলিয়াছিলেন, তাঁহার বর্তমান জীবনের একটি প্রধান পরিতোষের বিষয় এই যে, তিনি হাঁটা ও ঘোড়ায় চড়ায় তাঁহার জ্যেষ্ঠ পুত্রকে হারাইয়া দিতে পারেন। তাঁহার জ্যেষ্ঠপুত্র আমাদের নিকট একেবারে অপরিচিত নহেন। তিনি নীলগিরি পর্বতে একজন কাফীকর ছিলেন এবং সম্প্রতি উপস্থাসকার বলিয়া প্রতিষ্ঠা লাভ করিতেছেন। তাঁহার রচিত Phra the Phoenician অনেকেই পড়িয়াছেন। ইনি এড্বিন আর্নল্ডের প্রথম পক্ষের সন্তান। প্রথম স্ত্রী গত হইলে তিনি বিলিয়ম্ হেনরি চ্যানিংসের কন্যাকে বিবাহ করেন। বিলিয়ম্ হেনরির পিতা বিলিয়ম্ এলেরি চ্যানিংকে এ দেশে অনেকেই জানেন। তাঁহার লিখিত নেপোলিয়ন-বোনাপার্টের জীবনী ১৫। ১৬ বৎসর পূর্বে কালেজের ছাত্রদিগের মধ্যে বিশেষ আদৃত হইত। রামমোহন রায়ের সহিত বৃদ্ধ চ্যানিংসের দূর হইতে পরিচয় ছিল। বিলিয়ম্ হেনরি এমার্সনের Chalk Farm এ নূতন সমাজতন্ত্রের অগ্রতম পারিষদ ছিলেন। এই সাহিত্যকার পারিষদ high thinking and plain livingএর চূড়ান্ত দৃষ্টান্ত দেখাইয়াছিলেন। গাছ কাটা, চাষ করা প্রভৃতি কার্য্য ও জীবন্ত সাহিত্য রচনা করা পর্য্যায় ক্রমেই তাঁদের দৈনিক জীবন ব্যাপ্ত করিত। এড্বিন আর্নল্ডের শ্যালক হেনরি চ্যানিং বর্তমান পার্লামেন্টের একজন সভ্য। যে সময়ের কথা হইতেছে তাহার অল্পদিন পরে এড্বিন আর্নল্ডের দ্বিতীয় পত্নী বিয়োগ হয়। সেই স্ত্রীর স্মরণার্থেই In my Lady's Praise নামে খ্যাত কবিতাগুলি রচিত। এই দ্বিতীয়বার গৃহশূন্য হইয়া এড্বিন আর্নল্ড সমস্ত পৃথিবী পরিভ্রমণ করিয়াছেন।

আর একটি কথা। অনেকে মনে করেন এড্বিন আর্নল্ড ও ম্যাথু আর্নল্ড সম্পর্কীয়।

কিন্তু বস্তুতঃ ইহাদের মধ্যে কোনই সম্পর্ক নাই। এ দুইজন খ্যাতিপন্ন লোকের মধ্যে আকার সাদৃশ্যেরও সম্পূর্ণ অভাব। মাথায় আর্গন্ডের কথাবার্তা চক্চকে, ঝক্‌ঝকে, কঠিন— তাহাতে তরলতার ছায়া মাত্র নাই। কিন্তু এড্ডিন আর্গন্ডের কথার প্রধান আকর্ষণ তাহার স্নিগ্ধতা। একদিন তাড়াতাড়িতে, ভিড়ের মধ্যে ভিক্টোরিয়া রেলওয়ে ষ্টেশনে এড্ডিন আর্গন্ডের সহিত দেখা হয়। অতর্কিত ভাবে পশ্চাৎ হইতে একজন কাঁধে হাত দিল, ফিরিবামাত্র দেখি এড্ডিন আর্গন্ডের মুখ সম্মুখে। সম্ভাষণের পর বলিলেন, “ভারতবর্ষীয় লোক দেখিতে চোখের আরাম আছে। আমি উইল করিব যে মুহূর্তের পর আমার হৃৎপিণ্ড যেন গঙ্গার তীরে পৌঁতা হয়। আমি এই দুইদিনের ছুটিতে পাড়াগায়ে যাচ্ছি। আমার এ ব্যাগের ভিতর কি আছে জান? উপনিষৎ। আমি আজকাল উপনিষৎ পড়ি।” এড্ডিন আর্গন্ডের উপনিষৎ পাঠের ফল “Secret of Death”—কঠোপনিষদের অনুবাদ। সময়ান্তরে এড্ডিন আর্গন্ড Light of Asia প্রকাশ্যে গুনিয়া বৃকে হাত দিয়া বলিয়াছিলেন, “I don't deserve praise. I have done nothing. Here's the Hindu heart and there's good English; the result is my book.” “By Jove! Is that the way you speak of your wonderful felicity of expression and rare sympathy of thought?” “I am proud to hear you say so.”

যে দিনের কথা হইতেছিল সে দিন প্রথম লক্ষ্য করি যে এড্ডিন আর্গন্ড কখনও খালি মাথা করেন না। ঘরের ভিতরে আহারের সময়েও তাঁহার মাথায় কাল রঙ্গের নরম ঝগা-হীন এ দেশী টুপী। কারণ অনুসন্ধানের পরে প্রকাশিত হয় যে, কপালের উপর একটি নাতিহ্রস্ব আব চাকিবার জুই এই ব্যবস্থা। চিত্রনিপুণ আর্চার, যিনি কিছুদিন পূর্বে এখানে আসিয়াছিলেন তাঁহাকে বোধ হয় অনেকেরই মনে আছে। তিনি এড্ডিন আর্গন্ডের যে ছবি আঁকিয়াছেন তাহাতে মাথায় টুপী নাই দেখিয়া কতকটা বে-মক্কা মনে হয়।

সে দিন নিজার অনুসন্ধানের পরে কামরায় যাইবার পূর্বে আহার কালে তাঁহার পার্শ্বস্থ তরুণীটির বিষয় জিজ্ঞাসিত হইলে মায়ার্স বলিলেন, “মিস—কে কি ইতিপূর্বে কখনও দেখে নাই। অ্যাকাডেমিতে বর্ণজোন্সের Beggar maid অবস্থ দেখেছ—সে ইহারই মূর্তি।”

“সত্যি?”

গরিষ্ঠার নিখুঁত্বেরে মায়ার্স বলিলেন।

Her hands across her breast she laid
She was fairer than words can say
Bare-footed came the beggar maid
Before king Cophetua.

পরদিন সকালে breakfastএর আগে কয়েকজন আসিয়া বাগানে বেড়াইতেছিলেন— তাঁহাদের মধ্যে হেনরি জেম্‌স্ একজন। বাগানের অপর ধারে কৃত্রিম পাহাড়, পপী ফুলে

লালে লাল। তাহার উপরে গ্রীষ্মাবাস (Summer-house) ভিন্ন ভিন্ন জাতীয় লতায় বেষ্টিত, তাহাতে নানা রঙের ফোটা ফুল—নীল ও লাল রঙ্গেরই প্রাচুর্য। জেম্‌স্ তাহার পদতলে বেড়াইতেছিলেন। প্রসঙ্গ ক্রমে কথা উঠিল যে ইংরেজদের চা-পানের আশক্তি কুক্ষি বলিয়া কাফীপ্রিয় অ্যামেরিকানগণ নিন্দা করিয়া থাকেন। জেম্‌স্ বলিলেন, “আমি অ্যামেরিকান কিন্তু কাফী প্রিয় নহি। একবার হুবুঁকি বশতঃ প্যারিসে কাফী পান করিয়া এমনই অস্থখ হইয়াছিল যে একেবারে শুইয়া পড়িতে হয়।”

“কি আশ্চর্য্য! কি অসম্ভব!”

পাছে তাঁহার দিকে কথার স্রোত বহমান হয় এই ভয়ে যেন জেম্‌স্ বলিলেন, “মিসেস্ মায়ার্স আপনার কচি মেয়েটিকে কখন নাহান? আমি অনেক দিন ছেলে নাহান দেখি নাই। আপনার আপত্তি না থাকে ত দেখি। টবে বসে ছেলেদের ইলিবিলি করা— বড় চমৎকার দৃশ্য।”

এক জন মহিলা বলিলেন, “আপনি যে রকম ছেলে ভাল বাসেন তা’তে এত দিন যে কেন বিবাহ করেন নাই এই বড় আশ্চর্য্য।”

জেম্‌স্ উত্তর করিলেন, “বিবাহ কি মনে করিলেই করা যায়? লোকে যে কি করিয়া বিবাহিত অবস্থা লাভ করে—আমার পক্ষে একটা রহস্য।”

“বোধ হয় আপনি অনেক বিবাহার্থিনীর বড়বড়ের বিষয় হইয়াছেন।”

“ছুঃখের সহিত সত্যের অমুরোধে এ মধুর অপবাদ অস্বীকার করিতে হয়।”

তাহার পর breakfastএর ঘণ্টার শব্দে সকলেই বাড়ীর দিকে ফিরিলেন।

Breakfast এ বাহিরের একজন নিমন্ত্রিত ব্যক্তি ছিলেন। তাঁহার নাম প্যাথকফ, —তিনি স্বদেশ রুসিয়া হইতে শিক্ষার জন্য কেপ্তি জ বিশ্ববিদ্যালয়ে প্রবেশ করিয়াছিলেন। আহারের পর সকলেই বাগানে আসিলেন। মায়ার্স এড্ডিন আর্গন্ডকে জিজ্ঞাসা করিলেন “কেমন ঘুম হইয়া ছিল?”

উত্তর—“Nuit blanche—আদতে ঘুম হয় নাই।”

“বড় দুঃখিত হইলাম। কিন্তু এ জায়গাটি এমন নিঃশব্দ তাহাতে ঘুমের কোন বিষ অহুত্ব করা যায় না। আমার স্নায়বীয় অবস্থা এমনই যে লগুনে শব্দের জন্য এক রাত্রও ঘুমাইতে পারি না। কিন্তু এখানে প্রতি রাত্রেই পূর্ণ মাত্রায় নিদ্রা সেবা করিয়া থাকি।”

“তোমার মত শান্ত conscience থাকিলে আমিও খুব ঘুমাইতে পারিতাম”—এই বলিয়া এড্ডিন আর্গন্ড হাসিতে লাগিলেন।

মায়ার্স প্যাথকফ ও লেখককে বলিলেন, “রুসিয়ান ও ইণ্ডিয়ান এ উভয়েরই দেখিতেছি বৈদেশিক ভাষা আয়ত্ত করা বড় সহজ।” পরে প্যাথকফের দিকে চাহিয়া জিজ্ঞাসা করিলেন, “ইংরেজি ভাষায় ত তোমার ইংরেজের মত অধিকার। আচ্ছা, তুমি যখন ভাব তখন কি ভাষা ব্যবহার কর—ইংরেজি কি রুসিয়ান?”

প্যাঙ্কফ্ উত্তর করিলেন, “তা, অনেকটা বিষয়ের উপর নির্ভর করে। যদি সাধারণ, ঘরকন্না সম্বন্ধে কোন বিষয় লইয়া ভাবি তবে মনেমনেও রসিয়ান ভাষায় ভাব ব্যক্ত হয়। কিন্তু যে সকল বিষয় ইংরেজি ভাষায় প্রথমে পড়িয়া শিখিতে হইয়াছে তাহা ইংরেজিতেই মনে ব্যক্ত হয়। আসলে মনে হয় যে বিষয় শিক্ষার সময় বা প্রথম অভূতির সময় যে ভাষার সহিত ভাবের মিল থাকে সহজ বলিয়া পরেও সেই ভাষায় সে বিষয়কে চিন্তা করাই স্বাভাবিক।”

আমাদের এখনকার ইংরেজি ও বাঙ্গালা মিশান খিচুড়ি ভাষা উৎপত্তির হেতুও কি এইরূপ?

অনেকেই জানেন যে দেহাতিরিক্ত আধ্যাত্মিক শক্তির অল্পসন্ধান কার্যে ম্যার্স্ বিশেষ উৎসাহী। ছুই এক ঘণ্টা তাঁহার সহিত একত্রে কাটাইলে এ বিষয়ের কথা এক বারে না হওয়া অসম্ভব। বিশ্ব্টিবশতঃ এ প্রসঙ্গের অনেক কথা পত্রস্থ হইল না। একটা কথা উল্লেখ যোগ্য। হেনরি জেমস্ বলিলেন, “যাহাকে বহিরিক্রিয়ের ব্যাপার ব্যাভীত মন হইতে মনে ভাব সংক্রমন বলিয়া বোধহয় তাহার একটা দৃষ্টান্ত আমি জানি। এক দিন লণ্ডনে breakfast এর পর আমি একটা ভাড়াটিয়া গাড়ী চড়িয়া গাডোয়ানকে কোন এক স্থানে যাইতে বলি। রাস্তায় হঠাৎ আমার অপর এক জন বন্ধুর সহিত দেখা করিবার প্রবল ইচ্ছা হয়। কিন্তু সেই ইচ্ছা কার্যে পরিণত করা তখন অমৌক্তিক মনে করিয়া আমি তাহাকে ত্যাগ করিবার চেষ্টা করি। কিন্তু সম্পূর্ণ কৃতকার্য হইতে পারি নাই। ইচ্ছাটা একবার উদয় একবার অন্তর্ধান হইতে লাগিল। এমন সময় হঠাৎ গাড়ীর দরোয়াজা দিয়া দেখি যে যে স্থানে যাইবার বিষয় আমার মনে বিতর্ক উপস্থিত হইয়াছিল প্রায় তাহার সন্নিকটে আসিয়া পড়িয়াছি। তাড়াতাড়ি গাডোয়ানকে জিজ্ঞাসা করিলাম, “কোথায় যাচ্ছ?” গাডোয়ান হতবুদ্ধির মত উত্তর করিল, “তাইত, কোথায় যাচ্ছি?” পরে গাড়ী ফিরাইয়া গন্তব্য স্থানে চলিল।”

“পরখটা কি মাটা হইয়া গেল। আর একটুকু চূপ করিয়া থাকিলেই পরখের চূড়ান্ত হইত। গাডোয়ান খামিত কিনা দেখিলেই বেশ হইত।”

কথাটা গম্ভীর কি ঠাটা মীমাংসা করিতে অক্ষম।

উপস্থিত ব্যক্তিদিগের মধ্যে একজন এড্বিন আর্গন্ডকে জিজ্ঞাসা করিলেন, “এত তাড়া তাড়িতে বড়বড় ইংরেজি প্রাত্যহিক পত্রিকা কি করিয়া এত সর্লঙ্গ স্নন্দর হয়—বিষয় ভাষা ও ছাপা!”

আর্গন্ড বলিলেন, “ইহা সমবেত চেষ্টার ফল। প্রতিদিন প্রাতঃকালে নিয়মিত লেখকগণ সে দিন যে যে বিষয়ে leading article লিখিতে পারিবেন তাহার তালিকা ও মতামতের স্থল মর্দা এক টুকুরা কাগজে লিখিয়া আমার কাছে পাঠাইয়া দেন। আমি তাহার মধ্যে যেটা পছন্দ করি তাহার পার্শ্বে দাগ দিয়া দি। সে বিষয় নিশ্চিত। লেখক পরীক্ষিত,

বিষয় অভিমত। প্যারা, নিউস, ত আফিসেই প্রস্তুত হয়—আমার তত্ত্বাবধানে। তাহার পর বিদেশীয় (Foreign) পত্র প্রেরকদিগের পত্র ও টেলিগ্রাম আসে। যদি সে বিষয়ে কিছু লিখিবার থাকে তবে তৎক্ষণাৎ লেখা হয়। লেখকগণ নিজের নিজের লেখার প্রফ সংশোধন করেন। তাহার পর literary editor সমস্ত লেখা পড়িয়া তাহাতে কোন স্থানে কমা, সেমিকোলনের ভুল থাকিলে বা কোন শব্দ স্প্রযুক্ত না হইলে তাহা শুদ্ধ করিয়া দেন। ইহার পর night editor। তাঁহার কর্তব্য রাত্রে দেশী বা বিদেশী কোন গুরুতর সংবাদ আসিলে তৎসম্বন্ধে ব্যবস্থা করা। প্রয়োজন হইলে নৈশ সম্পাদক প্রধান সম্পাদককে টেলিফোন করিয়া জানান।”

একজন জিজ্ঞাসা করিলেন, “আচ্ছা, যখন একটা বড়গোছ বক্তৃতা হয়—যেমন গ্র্যাডুয়েটের কি সলস্বেবির—তখন রাত্রে বক্তৃতা হ’ল আর সকালে তা’র উপর বড় একটা leader বেরুল—এ কি করে হয়?”

আর্গন্ড উত্তর করিলেন, “ও রকম বক্তৃতার সময় ৮।১০ জন রিপোর্টার ও একজন লেখক বক্তৃতা স্থলে উপস্থিত থাকেন। নিয়ম এই যে, প্রত্যেক রিপোর্টার এক মিনিট করিয়া রেখাক্ষরে বক্তৃতা লিখিয়া লইবে। প্রথম রিপোর্টার এক মিনিট শেষ হওয়া মাত্র রেখাক্ষরে লিখিত রিপোর্ট সাধারণ অক্ষরে লিখিতে থাকেন এবং দ্বিতীয় রিপোর্টার অমনি রেখাক্ষরে লিখিতে আরম্ভ করেন। পর্যায়ক্রমে যখন রেখাক্ষরে লিখিবার ভার আবার প্রথম রিপোর্টারের উপর পড়ে তাহার পূর্বেই তাঁহার প্রথমবারের “কাপি” লইয়া “কাপি”-বাহক বালক আফিসের দিকে ছুটিয়াছে। এইরূপে বক্তৃতা শেষ হইতে না হইতে তাহার ছাপা শেষ হইয়া যায়। আর যে লেখক বক্তৃতা স্থলে উপস্থিত থাকেন তাঁহাতে ও যিনি আফিসে বসিয়া কাপি দেখেন উভয়ে মিলিয়া অতি অল্প ক্ষণের মধ্যেই leading article তৈয়ারি করিয়া ফেলেন।”

নিঃস্বাস ছাড়িবার ভাব করিয়া একজন বলিলেন, “জুংথের বিষয় এই যে, এত পরিশ্রমে এত মস্তিষ্ক শোষণ করিয়া যে সাহিত্য জন্মে তাহার আয়ু কয়েক ঘণ্টা—জোর একদিন—এর অধিক নহে।”

আর্গন্ড বলিলেন, “ইহা যেমন গভীরতায় কম তেমনি বিস্তৃতিতে বেশী। অতি উৎকৃষ্ট একখানি গ্রন্থ কর্তৃদিনে ১০ লক্ষ লোকে পড়ে? এক খানি উৎকৃষ্ট প্রাত্যহিক পত্রিকার প্রতিদিনের পাঠক সংখ্যা ১০ লক্ষেরও অধিক হইতে পারে।”

ম্যার্সের বাড়ীর স্কুলেরই সে দিন অধ্যাপক সিজবিকের বাটীতে lunch এর নিমন্ত্রণ হইয়াছিল। যথা সময়ে সকলে পদব্রজে সিজবিকের বাটী চলিলেন। পথি মধ্যে যুহ্ ভাবিত কথা কাণে গেল যে, “অধ্যাপক ফসেট!” এ নাম শুনিলে এবং ইহার বাট্যের সান্নিকট্য স্থচিত হইলে ভারতবাসীর হৃদয় যে উদ্বেলিত হইবে ইহাতে আর আশ্চর্য কি? অদূরে একটা প্রাচীন বৃক্ষের ছায়ায় একজন দীর্ঘাকৃতি ইংরেজ একজন পুরুষ ও একজন

জীলোকের হাতে হাত দিয়া নীচু ভূমি হইতে উঁচুতে উঠিতেছেন। অর্দ্ধক্ষুরিত স্বরে একজন বলিলেন, “ইনিই ফসেট।” সকলেরই মুখ তাঁহার দিকে ফিরিল—সকলেরই চরণ তাঁহার দিকে চলিল। সেই গাভীয়া কারুণ্য-রস-প্রাপিত মূর্তির সম্মুখে সকলেই শুভিত হইয়া দাঁড়াইল। পার্শ্বস্থ ফসেটপত্নী পতিকে বলিয়া দিলেন, “মিস্ ডরথি টেনাণ্ট আসিয়াছেন।” ফসেট তাঁহার কর-মর্দন করিয়া বলিলেন, “অন্ধের প্রতি এরূপ সৌজন্ত বিশেষ দয়ার কর্ণ্য।” ক্রমে ক্রমে সকলের পরিচয় পাইয়া তাঁহাদিগকে যথোচিত সম্ভাষণ করিলেন। ভারতবর্ষীয়কে উল্লেখ করিয়া বলিলেন, “আপনার দেশীয় লোকের কর-মর্দন করিয়া বিশেষ শ্রীতি লাভ ও নিজেকে সম্মানিত মনে করিলাম।”

“আপনার মুখে এ কথা শুনা আমাদের সৌভাগ্যের বিষয়—” এ ভিন্ন ভারতবাসী আর কি উত্তর করিতে পারে ?

বিদায় লইয়া প্রত্যাবর্তনের সময় বোধ হয় অনেকেই মনে করিয়া থাকিবেন যে এরূপ মানসিক আলো পাইলে বাহিরের আলোক ত্যাগ করা কঠিন নহে।

অধ্যাপক সিজবিক শুভ্রকেশ, ইংরেজের পক্ষে নাতিদীর্ঘ, বয়সে প্রাচীন কিন্তু বুদ্ধির তেজ ক্ষুণ্ণতায় অস্পষ্ট। তাঁহার পত্নী লর্ড সলসবেরীর ভাগিনেয়ী, আর্থার ব্যালফোরের ভগিনী। তাঁহার চরিত্র যেমন মাধুর্যময়, তাঁহার বুদ্ধি তেমনই তেজস্বিনী। ব্যালফোর বংশ বুদ্ধি-বিদ্যায় বিখ্যাত। আর্থার ব্যালফোর স্নলেখক, স্নবক্তা। তাঁহার রাজনৈতিক দক্ষতা সর্বত্র বিদিত। জর্জ ব্যালফোরের ৩২ বৎসর বয়সে মৃত্যু হয় কিন্তু এই অপেক্ষাকৃত অল্প কালের মধ্যেই তিনি ক্রপতন্ত্র বিদ্যায় অসাধারণ পারদর্শিতাগুণে বিশেষ যশস্বী হইলেন। জেরল্ড-ব্যালফোর দর্শন শাস্ত্রে স্নদক্ষ—ইনি আমাদের পূর্ব ভাইসরয় লর্ড লিটনের জামাতা। যে সময়ের কথা বলিতেছি তখন ইনি দর্শন শাস্ত্রের আলোচনার স্নবিধার জন্ত ফ্লরেন্সের নিকটস্থ একটি পল্লীগ্রামে একাকী বাস করিতেন। সিজবিকের বাড়ী যেন শান্ত শ্রীতির আশ্রম। প্রবেশ মাত্র যেন নূতন ভাবে মন আপ্ত হয়। অধ্যাপক একটুকু বিশেষ রকম তোতলা। কিন্তু বোধ-হয় এ কথাটা তাঁহার কখনও মনে হয় না। সাধারণের সমক্ষে তাঁহার বক্তৃতা শুনিবার সময় এক একবার তাঁহার কথা কহিবার পুনঃ পুনঃ বিফল চেষ্টা দেখিয়া শ্রোতার মনে এমনি উদ্বেগ জন্মে যে ইচ্ছা হয় তাঁহার হইয়া চৈতাইয়া কথাটা বলিয়া দি। কিন্তু যখন কথাটা বাহির হয় তখন দেখা যায় যে কথাটা শ্রোতব্য।

অধ্যাপক কেব্লিজে কর্তব্যনীতির শিক্ষক। এ বিষয়ে তাঁহার রচিত গ্রন্থ সর্বত্র সমাদৃত—এ দেশে কলেজে পাঠ্য। নীতিশাস্ত্রের অল্পশীলনে তাঁহার মন সমগ্রে রক্ষিত, স্পর্শ-কাতর যন্ত্রের স্থায় হইয়াছে। কেব্লিজে তাঁহার সম্বন্ধে একটা গল্প প্রচলিত আছে, যাহাতে তাঁহার স্বভাব পরিষ্কার রূপে প্রতিভাষিত হইতেছে।

একদিন সিজবিককে তাড়াতাড়ি টেন ধরিতে হইবে। সময় অতি অল্পই আছে। রাস্তায় একটা ভাড়াটিয়া গাড়ী চড়িয়া গাড়োয়ানকে বলিলেন, “যত শীঘ্র পার চালাও—

বকসিস্ পা'বে।” গাড়ী দ্রুতবেগে ছুটিল। সিজবিক ভাবিতে লাগিলেন যে, “গাড়োয়ান ত মূর্খ। বকসিসের লোভে প্রাণপণ বেগে গাড়ী ছোঁটাবে। তাতে যদি কিছু বে-আইনী ঘটে সে দোষ ত হবে আমার।” কিছুকাল এই রূপ বিবেচনা করিয়া গাড়োয়ানকে ডাকিয়া বলিলেন, “দেখ, যতদূর বেগে গাড়ী ছোঁটান আইন বিরুদ্ধ না হয়, ততদূর বেগে ছোঁটো—তার চাইতে অধিক বেগে যেন ছোঁটান না হয়।”

সিজবিকের বাড়ী স্নন্দর, সরল রুচিতে স্নসজ্জিত, বড় অথচ আত্ম প্রকাশে বিমূখ। শীতকালের স্নর্যরশ্মির স্থায় গৃহকর্ত্রী যেন এক স্থানে থাকিয়াও সর্বত্র বিচরণ করিতেছেন প্রসঙ্গ ক্রমে এ দেশে জীলোকের হত্যাদরের কথা উঠিল। সিজবিক বলিলেন, “পর্যালোচনার ফলে ইহাই পাওয়া যায় যে জীলোক বেশী intuitive আর পুরুষ বেশী ratiocinative. পূর্ব-ভূভাগের সাহিত্য আলোচনায় পাওয়া যায় যে প্রাচ্যলোক পাশ্চাত্যদিগের অপেক্ষা অধিক intuitive তাহাদের বুদ্ধি অনেকটা স্নীহভাবাপন্ন। তবে ও দেশে স্নীবুদ্ধির এত অপ্রশংসা কেন ?”

উত্তর। “যে কারণে প্রাচ্যলোকের নিকট experimentএর হত্যাদর সেই কারণেই জীলোকের হত্যাদর—দাসত্ব। ভয়ে যেমন বুদ্ধির বহিঃপ্রচার বন্ধ হয় ভয়ে তেমনই নির্দয়তা, স্থায়দোহ জন্মায়। আসল আমাদের প্রাণ নাই, মন খালি, বুক খালি। আমাদের দেশে দেখিবেন স্নীজনস্নলভ কোমল গুণের প্রাচুর্য—সহিষ্ণুতা, বৈরাগ্য, পররজন, আত্মত্যাগ ইত্যাদি। পুরুষোচিত গুণ আমাদের অল্প।”

একজন হাসিয়া বলিলেন, “তবে কি যে জন্ত জীলোকের স্নীলোকের প্রতি দয়া হয় না পূর্বাঞ্চলে জীলোকের হত্যাদর ও সেই জন্ত।”

উত্তর। “তাই কি ? যিশুখৃষ্টও ত প্রাচ্য, তাঁহার চরিত্রেও স্নীগুণের প্রাচুর্য। তবে জীলোকের প্রতি তাঁহার এত আদর কেন ?”

অন্ত কথা উঠিল। বেলা শেষের দিকে চলিল। অনেকে টেনিস্ খেলিবার জন্য ব্যগ্র হইয়া উঠিলেন। সভা ভঙ্গ হইল। এ সকল কথা এখন স্নখ স্নপ্নের তুল্য। মন ইহাতে ছাড়িয়া দিলে ফিরাইয়া আনা দুষ্কর। কিন্তু সকল বস্তুই অন্তবান্—দিবসের আলোকে স্নপ্নের প্রলয়, বাস্তবে স্নৃতির নিমজ্জন—প্রসঙ্গের সমাপনও তেমনি।

শ্রীমোহিনীমোহন চট্টোপাধ্যায়।

মুদ্রারাক্ষস।

ছই শতাব্দী হইতে দ্বাদশশতাব্দী পর্যন্ত, সহস্র বৎসর ধরিয়া সংস্কৃত নাটকের ধারা প্রবাহিত হইয়াছে, অথচ সবে খানদশেক মাত্র সুপাঠ্য নাটক আমরা পাইয়াছি—অপাঠ্যের সংখ্যাও যে খুব বেশী তাহা নয়, আর গোটাছুড়িক মাত্র। এই কথখানি মাত্র গ্রহে অতীত নিজের ছাপ রাখিয়া গিয়াছে—সেকালের অগণ্যমহুয়াসমাজের চিত্র প্রতিফলনের পক্ষে কি স্বল্প স্থান! এই সংকীর্ণ ক্ষেত্রে সেকালের মানুষ অতি যৎসামান্তই আমাদের নিকট ধরা দিয়াছে। সংস্কৃত নাট্যসাহিত্যের এই প্রধান অভাব অপ্রাচুর্য্য। আরও একটা গুরুতর অভাব ইহার আছে—বৈচিত্র্যহীনতা। ছোট কবির দল নিজেদের প্রতিভার স্বল্পপুঞ্জিত্ব বশতঃ কেবলমাত্র তদগ্রবর্তী কবিগণের কৃতির অনুরূতির দ্বারা নাট্যসাহিত্য জগৎকে একরূপ পুনরাবৃত্তি শ্রোতে প্রাবিত করিয়া দিয়াছেন যে তাহাতে অনুরূতও অনুরূপ ছই ভাসিয়া যায়, একটিকে ছাড়িয়া আর একটিকে বাছিয়া লওয়া হুঃসাধ্য হয়। মোটের উপর মনে এই ধারণা থাকিয়া যায় যে সংস্কৃত নাটকগুলি বড় একঘেয়ে, উপাখ্যানাংশেও সকলের প্রভেদ নাই এবং অত্যাংশে প্রভেদ আরও কম। সেই একই রকম উপমার শ্রেণী, একই রকম চরিত্র সমাবেশ, তাহাদের একই রকম আচরণ এবং নাটকান্তর্গত রস মোটের উপর একই—হয় আদি নয় বীর। যে বেগবর্তী চিত্তবৃত্তি সর্বকালে সকল মহুয়ের কার্যের মূল এবং যাহাদের সংখ্যা অসংখ্য তাহাদের গুটীকতমাত্রকে লইয়া সকল কবিই নাড়াচাড়া করিয়াছেন। তাই সংস্কৃত নাট্যসাহিত্যে আমাদের সর্বাঙ্গীন সহৃদয়তা ফুটি পায় না। যাহা হউক ইতর কবির রচনা অনুরূপ ছষ্ট হইলেও কবিগুরুরা তাহাদের প্রতিভার যে কটা নিদর্শন রাখিয়া গিয়াছেন তাহারা পুনঃ পুনঃ আলোচ্য। কিন্তু এই আলোচনার ফলেও একটা অভাব পরিলক্ষিত হইবে। সংস্কৃত নাট্যকাব্যের অংশ বিশেষ ছাড়া সম্পূর্ণ গ্রন্থখানি পাঠের পোনঃপুত্রের কথা মনে স্থান পাইবে না। অথচ সেক্ষণীয়রের নাটকগুলি আত্মোপাস্ত পুনঃ পুনঃ পাঠ করিলেও শ্রান্তি জন্মে না, তাহাদের আমাদের চিরসহচর মনে হয়। সংস্কৃত নাটকের সহিত কোথায় সহৃদয়তার অভাব?—মহুয়া চরিত্রে। কবির যে প্রধান গুণ সৃষ্টিক্ষমতা—স্বভাবানুকারী অথচ স্বভাবান্তিরিক্ত সম্পূর্ণ সৌন্দর্যের সৃষ্টি করিয়া মহুয়ের চিত্তোৎকর্ষ সাধন করা—সংস্কৃত কবিগণের সেক্ষমতা চরিত্রবিষয়িণী নহে। তাহাদের রচনায় সৌন্দর্যের অভাব নাই। এক একখানি সংস্কৃত নাটক যে অপূর্ণ কবিত্তে পরিপূর্ণ, ভাবের যে মাধুর্য্যে পরিপ্লুত তাহার তুলনা কেবল জগতের শ্রেষ্ঠ সাহিত্যেই প্রাপ্য। সংস্কৃত কবিহৃদয়ের উপর বহিঃপ্রকৃতির প্রভাব নিরতিশয় প্রবল। সুন্দরী রমণী তাহার প্রেমমুগ্ধ ক্রীতদাসের উপর যেরূপ প্রভাবশালিনী প্রকৃতি সুন্দরীরও কবিহৃদয়ের উপর তদ্রূপ আধিপত্য। তাহার প্রতি ভঙ্গী প্রতি লীলা কবিকে

মাতোয়ারা করিয়া তোলে, প্রতি হেলনে প্রতি দোলনে সৌন্দর্য্য বিচ্ছুরিত হইয়া পড়ে, প্রতি অঙ্গে প্রতি প্রত্যঙ্গে মাধুর্য্য অনুলিপ্ত রহে। তাহার প্রেমসী কোণায় গিরিনির্বরিণী-মুখরিতা, কোণায় কুহুমহাসা, কোণায় স্ননীলাধরপরিহিতা, কোণায় কুরঙ্গনয়না পাতি পাতি করিয়া খুঁজিয়া কবি তাহা টানিয়া বাহির করেন। তাহাতে যে সৌন্দর্য্য সৃষ্টি হয় তাহা অতুলনীয়। আবার মানবহৃদয়ের আবেগ বর্ণনেও ইহার সিদ্ধ হস্ত। ভবভূতি তমসার মুগ্ধ দিয়া একবার বলাইয়াছেন সীতা যে অতি অল্পক্ষণের মধ্যে রাগ, ক্ষোভ, হুঃখ, আনন্দ প্রভৃতি বিবিধ বিরুদ্ধভাব ব্যক্ত করিলেন সে সকলই এক মূল প্রেমভাবেরই বিভিন্ন অভিব্যক্তি। সেই প্রেমের যত প্রকার ক্রম আছে তাহাদের সকলকে লেখনীমুখে কল্পিত করিয়া তোলা কবির আর এক সৃষ্টি।

কিন্তু চরিত্রসৃষ্টিচাতুর্য্যে প্রাচ্য কবিগণ পাশ্চাত্য কবির নিকট পরিহীন। নাটকের কবিত্ব ও উপাখ্যানাংশ লোকের চিত্তরঞ্জন করে, কিন্তু নাটকান্তর্গত চরিত্রবিশেষ প্রায়ই লোকের মনে স্থায়ী গভীর রেখা পাড়ে না। “প্রায়ই,”—কেন না কখন কখন তাহার অলম্ব্য হয়, কিন্তু সে সংস্কৃত কাব্য-জগতে যে ছই কবিকে শ্রেষ্ঠ আসন দেওয়া হইয়াছে, তাহাদের রচনায় নহে, ছইটা অপেক্ষাকৃত ইতর কবির রচনায়—তাঁহারা মুচ্ছকটিকও মুদ্রারাক্ষসকার।

সাহিত্যে চরিত্রমাহাত্ম্যের চিত্র যেরূপ চিত্তশুদ্ধি উৎপাদন করিতে পারে, এমন কোন বক্তৃতা নয়। তাই মহৎ চরিত্রের মহৎ কার্য কাব্যের একটা প্রধান সৌন্দর্য্য। সে সৌন্দর্য্য মুচ্ছকটিক ও মুদ্রারাক্ষসে আছে। ইহাদের আরও একটা আকর্ষণ আছে। সংস্কৃত নাটকে প্রজার কথা বড় বিরল, রাজার কথারই ছড়াছড়ি তাই বাস্তবের ভাব তেমন পরিস্ফুট নহে। সেইজন্ত যেখানে সাধারণ লোকের ছই একটা ছবি পাওয়া যায় সেখানে আম্মদের সহৃদয়তা দ্বিগুণ আকৃষ্ট হয়, কোতুহল সহসা বেশী উদ্দীপ্ত হইয়া উঠে। কিন্তু রাজচরিত্রপ্রধান নাটকে তাহাকে অল্পেই তুষ্ট হইতে হয়। যেখানে নায়ক রাজা নহে সেইখানেই কোতুহলের চারণক্ষেত্র প্রশস্তপরিসর। মুচ্ছকটিকে তাৎকালিক উজ্জয়িনীর সর্বাঙ্গীন চিত্র দেওয়া আছে, ছোট বড় নানা চরিত্র এবং তাহাদের নানারূপ কার্য্যাবলীর সমাবেশে নাটকখানি মহুয়ের সম্পূর্ণ হৃদয়গ্রাহী করা হইয়াছে। কেবলমাত্র বছদারিক রাজার দারান্যালাভের বৃত্তান্ত নহে। রাজা, রাজমহিষী, রাজমন্ত্রী ও বিদুষক এই কটীমাত্র অসামান্ত প্রাণীর কার্য্যকলাপের চিত্র নহে। আমাদেরই স্থায় সামান্য মহুয়ের বাস্তবিক স্মৃৎ হুঃখ বাস্তবিক আশা নিরাশার কাহিনী বিবৃত হইয়াছে। তখনকার মহুয়াজীবনের কতদিক চিত্রিত হইয়াছে, আরও কতদিকের আভাস দেওয়া হইয়াছে।

সত্যতার ছইটি অঙ্গ—বিলাস ও পলিটিক্‌স্। রাজ্যমধ্যে সাধারণভাবে বিলাসের প্রচার ও বিশেষভাবে গুটীকত রাজনীতিজীবী মহুয়ের কুটনৈপুণ্যবনী বুদ্ধির পরিচর্যা। এক দ্যুতশালা ও গণিকাভবনের নিত্যযাত্রীগণ, নগরের চির উৎসবময় ভাব, নাট্যালোচনা,

সঙ্গীতাত্মশীলন, শ্রেষ্ঠশিল্পীসমবায়ে বিবিধ শিল্পজাতোদ্ভাবন, মহাসমৃদ্ধ বণিকপণের সুরমা হর্ষা, প্রমোদকানন, নগররক্ষক, ধর্মাদিকরণ ও চৌর এবং আর এক রাষ্ট্রে রাষ্ট্রে সংস্পর্শ, সন্ধি, বিগ্রহ, বিচ্ছেদ, সেনাধ্যক্ষ, অশ্বাধ্যক্ষ, গজাধ্যক্ষ বিবিধ ছন্দবেশধারী গুপ্তচর, গুপ্তমন্ত্রণা, চতুরে.চতুরে অবিরত পরস্পর বশীকরণ চেষ্টা। সংস্কৃত সভ্যতার বিলাসাস্পের চিত্রকর শূদ্রক এবং পলিটিক্যাল অঙ্গের চিত্রকর বিশাখদত্ত। কিন্তু একটা কথা ভুলিয়া না যাই, মুচ্ছকটিক ও মুদ্রারাক্ষসে ছয়শত বৎসরের ব্যবধান। মুচ্ছকটিকে যে হিন্দুসমাজ চিত্রিত হইয়াছে, মুদ্রারাক্ষসে তাহার ছয়শত বৎসরের পরন্তন সমাজ চিত্রিত আছে। তাহা সম্বন্ধে যে উভয়ের মধ্যে একটা কালগত ঐক্য মনে প্রতিভাত হয়, তাহার কারণ ভারতবর্ষে বৌদ্ধধর্মের উদ্ভবের পর মুসলমানের আগম পর্য্যন্ত আর নূতন কোন ঘটনা ঘটে নাই, আর নূতন কোন বিপ্লবে হিন্দু সমাজ বিক্ষুব্ধ হয় নাই। তাই মধ্যযুগের সংস্কৃত সভ্যতা বহু শতাব্দী ধরিয়া এক ধারায় বহিয়া আসিতেছিল। অবশ্য বিভিন্ন শতাব্দীতে বিভিন্ন কবিরা কতক কতক বিভিন্ন সামাজিক অবস্থা, বিভিন্ন সংস্কারের মধ্যে নিজ নিজ গ্রন্থ রচনা করিয়াছেন। তথাপি দ্বিতীয় শতাব্দী হইতে দশম শতাব্দী পর্য্যন্ত যে সকল নাটক রচিত হইয়াছে তাহাদের সকলকে এক পরিবারভুক্ত বলা যাইতে পারে।

যে সময় কাশ্মীরীধিপতি ললিতাদিত্য কনোরাজরাজ যশোবর্মাকে পরাজয় করিয়া তাঁহার সভাকবি ভবভূতিকে কাশ্মীরে লইয়া যান, সেই সময়েই ভারতবর্ষে সিদ্ধপ্রদেশে প্রথম মুসলমান সমাগম হয়। কাসিম কেন সিদ্ধ বিজয়ে প্রবৃত্ত হইলেন, এবং তদনন্তর কনোজক্রমণের সংকল্প পোষণ করিয়া তাহা সিদ্ধ হইবার পূর্বেই অকালে প্রাণ হারাইলেন, এ সকল ইতিহাসের কথা এখানে বিবৃত করিবার আবশ্যক নাই। আমাদের শুধু এইটুকু জানা আবশ্যক যখন মুসলমানেরা প্রথম ভারতাকাশের প্রান্তদেশে আবির্ভূত হইলেন, প্রথম বৈদেশিক বলসমাগমে ভারতবর্ষের জীবনীভাব অপেক্ষাকৃত প্রোঞ্জল হইয়া উঠিল, অথচ ভারতের গৌরবরবি যখনও অস্তাগমমুখী নহে সেই সময় বিশাখদত্ত মুদ্রারাক্ষস রচনা করেন।

মৌর্য চন্দ্রগুপ্ত নন্দগণ কর্তৃক উৎপীড়িত হইয়া পাদলগ্ন কুশের উন্মুলনের নিমিত্ত তাহার দাহে রুতসংকল্প অতিকোপণ চাণক্যের সাক্ষাৎ লাভ করিয়া তাঁহার সাহায্যে কিরূপে নন্দবংশ ধ্বংস করিয়াছিলেন এ বিষয়ে আমাদের দেশে নানা কিম্বদন্তী প্রচলিত আছে। কিন্তু তাহাদের ঐতিহাসিক ভিত্তি যৎসামান্য। বিষ্ণুপুরাণে মগধের ক্ষিতীশ-বংশাবদীর বিবরণে শুধু এইটুকু উল্লেখ পাওয়া যায় যে মহানন্দীনের শূদ্রার গর্ভে নন্দ নামক পুত্র জন্মগ্রহণ করিয়া দ্বিতীয় পরশুরামের শ্রায় ক্ষত্রিয়কুল নিধন করিবেন, কেননা তাঁহার পর হইতে পৃথিবীর শূদ্র শাসনকর্তা হইবে। নন্দ ভারতবর্ষকে একছত্র করিবেন। তাহার স্ত্রীমালা প্রভৃতি অষ্টপুত্র তৎপশ্চাৎ রাজত্ব করিবে। তিনি এবং তাঁহার সন্তানের একশত বৎসর পৃথিবী শাসন করিলে দ্বিজকৌটিল্য নবনন্দের উচ্ছেদ সাধন করিবেন।

নন্দবিনাশের সহিত এই নাটকের উপাখ্যানাংশের বিশেষ বোগ আছে, কিন্তু তাহা এই নাটকের বর্ণনীয় বস্তু নহে। ইহার বস্তু ভক্তির প্রতি বুদ্ধির আকর্ষণ, ভক্তিকে বুদ্ধির স্বীয় সাহচর্যে আনয়নচেষ্টা এবং তাহার সফলতা। ইহার নায়ক চন্দ্রগুপ্ত নহে, কুটিলমতি কৌটিল্য নহে, নবনন্দের কোন নন্দ নহে,—নন্দবৎসল, ভক্তিতে অটল, হৃদয়ান্তপুরঃপর্য্যন্ত-নন্দপ্রবেশকর্তৃক পরিবেষ্টিত, একা, অসহায় নন্দামাত্য রাক্ষস।

নাট্যরসে নান্দীদ্বয়েই বক্ষ্যমান নাটকীয় বস্তু কতকটা ধ্বনিত হইয়াছে। শাঠ্যই যে ইহার প্রধান অঙ্গ তাহা জটাজুটকুহরনিলীনা গঙ্গাসম্বন্ধে পার্শ্বতীর প্রমোত্তরে শিবের ছলোক্তিতেই ব্যক্ত হইয়াছে। দ্বিতীয় নান্দীতে আধারামুরোধে ত্রিপুরবিজয়ীর হস্তপদ নকোচপূর্বক ছুঁখনুতোর বর্ণনায়, রাক্ষসাদির বিনাশনিবারণেচ্ছ চাণক্যের কিঞ্চিৎ সংযত কুটিল নীতিপ্রয়োগ ধ্বনিত হইতেছে। এই নান্দীদ্বয় অলঙ্কারশাস্ত্রসম্মত বৈদ্যক্যে পূর্ণ কিন্তু কবিসম্পর্কশূন্য।

নন্দকুলবিনাশের পরে যে এই নাটকের জিয়া আরম্ভ তাহা নান্দ্যস্তে সূত্রধার সূত্রোপলে স্থচিত করিয়াছে। পরিষদের অমুরঞ্জণার্থ সঙ্গীতক অমুরঞ্জনের নিমিত্ত সূত্রধার নটীকে ডাকিতে গিয়া দেখে তাহাদের গৃহে আজ মহা উৎসব। পরিজনরা সকলেই স্ব স্ব কর্ণে অধিকতর অতিযুক্ত, কেহ জল বহন করিতেছে, কেহ মসলা পিষিতেছে, কেহ বিচিত্র মালা গাঁথিতেছে। ব্যাপার খানা কি? “হে আমার ত্রিবর্গসাধিকে কার্য্যচার্য্যে দ্রুত এস, বলে যাও আজ পাকশাকের এত আড়ম্বর কেন? আজ কি ব্রাহ্মণ ভোজন করিয়ে তোমার কুটুম্বটিকে (স্বামী) অমুরঞ্জিত করবে না বাড়ীতে অতিথি এসেছে।” নটী উত্তর করিল ব্রাহ্মণ ভোজনের জন্তই এই সব আয়োজন, যেহেতু আজ চন্দ্রগ্রহণ। “আর্য্যো চতুষ্টয়ঃ জ্যোতিঃশাস্ত্রে কিঞ্চিৎ পরিশ্রম করা গেছে—তা ব্রাহ্মণদের উদ্দেশ্যে পাকশাক চলছে চলুক—কিন্তু চন্দ্রোপরাগ বিষয়ে কারও দ্বারা প্রতারণিত হয়েছ। দেখনা কেন যোগাযোগ না হলে জোর করে কি জ্বরগ্রহ কেতু পূর্ণমণ্ডল চন্দ্রকে অভিভব কর্তে পারে?”

এমন সময় নেপথ্যে একটা হুঙ্কার উঠিল “আঃ কেরে আমি থাকিতে?”

নটী চমকিয়া বলিল “এ কে? ধরনীগোচর হয়ে কে চন্দ্রকে গ্রহাভিযোগ থেকে রক্ষা কর্তে চায়?” সূত্রধার কাণ পাতিয়া স্বরব্যঞ্জির দ্বারা বক্তাকে জানিতে চেষ্টা করিল, পুনর্বার উচ্চারণ করিল “জ্বরগ্রহ কেতু কি পূর্ণমণ্ডল চন্দ্রকে অভিভব করিতে পারে?” পুনর্বার হুঙ্কার উঠিল “আঃ কে রে আমি থাকিতে চন্দ্রগুপ্তকে অভিভব করিতে চায়?” সূত্রধার বলিল “বুঝেছি, কৌটিল্য।” কৌটিল্যের নামেই নটী বড় সৌকুমার্যের সহিত একটুখানি ভীতির অভিনয় করিয়া আমাদের একেবারে নাটকের কেন্দ্রস্থলে অবতীর্ণ করিয়া দিল। সূত্রধারও বলিল “ইনি কুটিলমতি কৌটিল্য, নন্দবংশকে নিজের ক্রোধায়িতে ভস্মীভূত করেছেন, এখন “চন্দ্র” গ্রহণের কথা শুনে নামের মিলেতে করে মৌর্যের দ্বিষদভিযোগ কল্পনা করছেন। চল এখানথেকে সরে পড়া যাক।”

প্রস্তাবনা শেষ হইল। অমূল্যধারা উন্মুক্ত শিখা নাড়িতে নাড়িতে পুরোঁক বাক্য আবৃত্তি করিতে করিতে ক্রুদ্ধ চাণক্যশর্মা দর্শকের সম্মুখে আবির্ভূত হইলেন। সংস্কৃত নাটকের এই প্রস্তাবনাগুলি বড় চাতুর্যময়। সত্যে মিথ্যে মিলাইয়া মিশাইয়া ভারি সুকৌশলে দর্শকের মন জুলান হয়। আরম্ভে স্বত্রধার দর্শকগণের সমসাময়িক ষ্টেজম্যানেজাররূপে আত্মপ্রকাশ করে কিন্তু শেষে তাহাকে নাটকের বর্ণনীয় ঘটনার সমকালবর্তী লোক বলিয়া প্রতিভাত হয়। অথচ অতি সহজে, অতি অবলীলাক্রমে এই ছলনা সাধিত হয়।

চাণক্য শিখায় হস্ত বুলাইতে বুলাইতে গঞ্জিতে লাগিলেন, “কোন বধ্য নন্দকুল কালভুজঙ্গ-স্বরূপিনী আমার এই শিখা বন্ধ দেখিতে না ইচ্ছা করে?” তিনি প্রতিজ্ঞা করিয়াছিলেন নন্দকুল ধ্বংস না করিয়া শিখা বন্ধ করিবেন না। এখন সে প্রতিজ্ঞারূপ উত্তীর্ণ হইয়াছেন, তথাপি আরও কিছুকাল অপেক্ষা করিতেছেন। নন্দামাত্য রাক্ষসকে আয়ত্ত করিতে না পারিলে চন্দ্রগুপ্তের সিংহাসন অটল হইবে না। কিন্তু রাক্ষসের নন্দবংশে ভক্তি অচলা, মনে মনে সেই কথা আলোচনা করিতে করিতে তাঁহার চরিত্রমাহাত্ম্যে অভিভূত হইয়া চাণক্য বলিয়া উঠিলেন, “সাধু অমাত্য রাক্ষস সাধু! পৃথিবীতে লোকে স্বাধিসিদ্ধির জন্ত ঐশ্বর্যশালীরা সেবা করে, কিম্বা ঐশ্বর্যচ্যুত ব্যক্তির পুনর্বার ঐশ্বর্যে প্রতিষ্ঠাপিত হইবার আশা থাকিলে বিপদে তাহার অনুগমন করে, কিন্তু তোমার-স্থায় যে, প্রভুর সম্পূর্ণ বিনাশেও ফলাশারহিত হইয়া কেবলমাত্র পূর্নকৃত স্মরণ করিয়া তাঁর কার্যভার বহন করে এরূপ মনুষ্য অতি দুর্লভ।”

তাই চাণক্য রাক্ষসকে বৃষল চন্দ্রগুপ্তের সচিব্য স্বীকৃত করাইতে চান, কেননা “ভৃত্য যদি নিরোধ ও কার্যক্ষম হয় তাহা হইলে সে ভক্তিমান হইলেও কোন ফল নাই আবার বিজ্ঞ ও কার্যক্ষম যদি ভক্তিশূন্য হয় তাহাও নিফল, রাক্ষসের ন্যায় বুদ্ধি, কার্যক্ষমতা এবং ভক্তি এই তিনটা গুণ যাহার আছে সেইরূপ ভৃত্যের দ্বারাই নৃপতি উপকৃত হইবেন।” তাই চাণক্য এ বিষয়ে অশরানভাবে চেষ্টা করিয়াছেন।

এদিকে রাক্ষসও নিশ্চেষ্ট নহেন। তিনিও চন্দ্রগুপ্তের বিনাশের জন্ত অবিশ্রান্ত অজস্র কৌশল প্রয়োগ করিতেছেন। চাণক্য মহাবল পর্তেজের সৈন্য যোগাড় করিয়া তাহার দ্বারা কুম্ভমপুর রোধ করিয়াছিলেন, যুদ্ধজয় হইলে অর্দ্ধনন্দরাজ্য তাঁহাকে দিতে প্রতিশ্রুত ছিলেন। রাক্ষস যখন বিষকণ্যা নিযুক্ত করিয়া চন্দ্রগুপ্তের প্রাণসংহার করিতে চেষ্টা করিলেন, চাণক্য কৌশলে পর্তেজের প্রতি সেই বিষকণ্যা নিয়োগ করিয়া অর্দ্ধরাজ্য পণ হইতে অব্যাহতি লাভ করিলেন এবং রাক্ষস যে তাঁহাদের পরমোপকারী মিত্র পর্তেজকে বিষকণ্যার দ্বারা নিহত করিয়াছেন এইরূপ লোকাপবাদ রটনা করিয়া দিলেন। কিন্তু পর্তেজের পুত্র মলয়কেতু তাঁহার উত্তরাধিকারী রহিয়াছে, তাহাকে কিরূপে নন্দরাজ্য হইতে বঞ্চিত করা যায়? স্বীয় অমুচর ভাণ্ডারায়ণকে দিয়া মলয়কেতুকে গোপনে বলাইলেন “রাক্ষস নই—চাণক্যই তোমার পিতার প্রাণ হরণ করিয়াছে। পালাও, পালাও।” মলয়কেতু প্রাণ ভয়ে

ভীত হইয়া পলায়ন করিল। রাক্ষস তাহাকে পিতার মৃত্যুর প্রতিশোধার্থ উত্তেজিত করিয়া এবং সমস্ত নন্দরাজ্যলোভে প্রোৎসাহিত করিয়া স্বপক্ষে আনিলেন। কিন্তু চাণক্য তাহার জন্ত কিছুমাত্র ভীত নহেন। তিনি জানেন যথাকালে যথা কৌশলে মলয়কেতুর উত্তম বার্থ করিতে পারিবেন। এদিকে বহুবিধ দেশ বেষ ভাষা আচার ও সঞ্চারজ্ঞ নানা ছদ্মরূপধারী চরের দ্বারা তিনি রাক্ষসকে ঘিরিয়াছেন। ইন্দুশর্মা নামক তাঁহার সহায়ী মিত্র রূপণক সাজিয়া কুম্ভমপুর নিবাসী সমস্ত নন্দামাত্যের সহিত বন্ধুত্ব স্থাপন করিয়াছে বিশেষতঃ রাক্ষসের অত্যন্ত বিশ্বাসী পাত্র হইয়া উঠিয়াছে। তাহার দ্বারা অনেক কাজ পাওয়া যাইবে।

অক্ষমুখে চাণক্যের স্বগতোক্তিতে এই সকল বৃত্তান্ত জানা যায়। এইবার তাঁহার এক চরের সহিত আমাদের সাক্ষাৎ হইবে এবং তাহার কার্যপ্রণালীর কতকটা পরিচয় পাওয়া যাইবে। একখানা যমপট লইয়া একটা লোক গৃহস্থের দ্বারে দ্বারে ঘুরিয়া বেড়াইতেছে আর অগ্ন্যাত্ত দেবতার উপর যমের প্রার্থনাসঙ্গীত গাহিতেছে। চাণক্যের গৃহে প্রবেশকালে শিখা তাহাকে নিবারণ করিল,—“ভদ্র ন প্রবেষ্টব্যম্”। শিখার সাধা নাই গুরুর রহস্য তলায় বা গুরুর নিয়োজিত চরকে চেনে। চরও চতুর, অজ্ঞতার ভাণ করিয়া জিজ্ঞাসা করিল “ব্রাহ্মণ এ কার গৃহ?”

“আমাদের উপাধ্যায়, স্নগৃহীতনামধেয় আর্ঘ্য চাণক্যের।”

“বটে? তবেত আমারই ধর্মভ্রাতার। আমায় যেতে দাও তোমার উপাধ্যায়কে যমপট দেখিয়ে কিঞ্চিৎ ধর্মোপদেশ দিয়ে আসি।”

শিখা চট্টয়া আগুণ। “মুর্থ তুই আমার উপাধ্যায়কে ধর্মোপদেশ দিবি? তুই তাঁর চেয়ে ধর্মবিত্তর?”

“ওহে ব্রাহ্মণ অত চোটোনা। সকলেই কিছু আর সব জানে না। তোমার উপাধ্যায় কিছু জানেন, আমরাও কিছু জানি।”

“তুই বলতে চাস আমার উপাধ্যায় সর্লজ্ঞ নন?”

“আচ্ছা তিনি যদি সর্লজ্ঞ, তাহলে তিনি জানেন চন্দ্র কার প্রিয় নয়?”

চর ক্রমশঃ বাক্যকৌশলে চাণক্যের শ্রুতি আকর্ষণ করিতে চেষ্টা করিতেছে। কিন্তু শিখা মহাশয়ের পক্ষে প্রশ্নটা বেশী সূক্ষ্ম হইল, চরদত্ত হেয়ালীর কোন অর্থ করিতে না পারিয়া তিনি আরও চট্টয়া বলিলেন, “মুর্থ তা জানলেই কি আর না জানলেই কি!” “তোমার উপাধ্যায় বুঝবেন এ জানলে কিছু লাভ আছে কি না, তুমি মোদ্দা এইটুকু শিখে রাখ যে চন্দ্র কালের অপ্ৰিয়।”

শিখার এবিধ প্রগল্ভতা অসহ্য হইয়া উঠিতেছে,—“মুর্থ কি অসম্বন্ধ বকে যাচ্ছি?”

“এই স্নস্বন্ধ হত যদি উপযুক্ত শ্রোতা পেতেম।”

গৃহমধ্যে বসিয়া চাণক্য সব শুনিয়াছেন। তাঁহার বুদ্ধিতে বাকী রহিল না যে এ তাঁহারই নিযুক্ত চর চন্দ্রগুপ্তের প্রতি অপরক্ত পুরুষের সম্বাদ আনিয়াছে। তিনি বাহিরে আসিয়া কহিলেন, “ভদ্র বিশ্বস্তচিত্তে প্রবেশ কর, শ্রোতা এবং জ্ঞাতা উভয়ই পাইবে।”

গৃহে আসিয়া উপবেশন করাইয়া চরের দিকে চাহিয়া চিনিতে চেষ্টা করিলেন এ কে? সে এমন নিপুণতাসহকারে নিজেকে ছদ্মবেশে সজ্জিত করিয়াছে যে বাস্তবিকই কাহারও চেনা ছঃসাধ্য। কিন্তু চাণক্যশর্মাকে বেশীক্ষণ ঠকিতে হইল না, বুঝিলেন প্রজাগণের চিত্ত পরিচয়ের নিমিত্ত যে নিপুণকে নিযুক্ত করিয়াছিলেন এ সেই। সম্বাদ জানিতে চাহিলেন। নিপুণক কহিল, পূর্ন বিরাগধারণ সকল অপহৃত হওয়া অবধি প্রজারা চন্দ্রগুপ্তের প্রতি অত্যন্ত

অমররক্ত। কিন্তু এই নগরে তিনটা পুরুষ আছেন যাহারা অমাত্য রাক্ষসের প্রতি মেহবশতঃ চক্রগুপ্তের শ্রী অসহনক্ষম।

কোন ভরফ হইতে বাধার সম্ভাবনা শুনিয়াই চাণক্যের রক্ত গরম হইয়া উঠিল, বলিলেন, “বল তারা নিজের প্রাণধারণ অসহনক্ষম। তাদের নাম জান ?”

“আজ্ঞে হ্যাঁ, অজ্ঞাতনামাধেরের কথা কি আপনার কাছে নিবেদন করতেন ? শুধু, আপনার শত্রুপক্ষে বন্ধপক্ষপাত প্রথম ব্যক্তি হচ্ছে ক্ষপণক জীবসিদ্ধি, যে অমাত্য রাক্ষস কর্তৃক নিযুক্ত হয়ে পর্ত্তেশ্বরকে বিষকন্টার ঘারা হনন করে।”

চাণক্য শুনিয়া আশ্চর্য হইলেন। জীবসিদ্ধি আর কেহ নহে তাঁহারই বন্ধু ইন্দুশর্মা, কিন্তু চরও এ রহস্য ভেদ করিতে পাই—“আর কে ?”

“আর অমাত্য রাক্ষসের প্রিয়বয়স্ক কায়স্থ শকটদাস।”

চাণক্য মনে মনে হাসিয়া বলিলেন, “কায়স্থ ? লম্বী মাত্রা! তবু প্রাকৃত রিপুকেও অবহেলা করা উচিত নয়। তাই সিদ্ধার্থকে স্তম্ভলে তার পিছনে লাগিয়ে দেওয়া গেছে।” প্রকাশ্যে কহিলেন “তৃতীয় ব্যক্তির নাম শুনতে ইচ্ছা করি।”

“তৃতীয়, অমাত্য রাক্ষসের দ্বিতীয় হৃদয়তুল্য পুষ্পপুরনিবাসী মণিকারশ্রেষ্ঠী চন্দনদাস। তার গৃহে পরিবার রেখে অমাত্য রাক্ষস নগর পরিত্যাগ করে গেছেন।”

চাণক্য মনে মনে ভাবিলেন স্তম্ভতম বটে, তাহা না হইলে তার গৃহে পরিবারস্থান করিয়া রাক্ষস অত্যাচার গমন করিতেন না। প্রকাশ্যে জিজ্ঞাসা করিলেন রাক্ষস যে তাহার গৃহে পরিবার রাখিয়া গিয়াছেন নিপুণক তাহা কেমন করিয়া জানিল ?

চর চাণক্যের হস্তে একটা অঙ্গুলিমুদ্রা সমর্পণ করিয়া বলিল “এই অঙ্গুলিমুদ্রা আপনাকে সকল সূত্রান্ত অবগত করাইবে” তাহার পর সবিস্তারে তৎপ্রাপ্তি বিবরণ কহিল। “আপনা কর্তৃক পৌরজনের চরিতাবেষণে নিযুক্ত হইয়া আমি পরগৃহপ্রবেশের জন্ত সকলের অনাশঙ্কনীয় এই যমপট লইয়া ঘুরিতে ঘুরিতে মণিকারশ্রেষ্ঠী চন্দনদাসের গৃহে প্রবেশ করিলাম। সেখানে পট বিছাইয়া গান গাহিতে লাগিলাম। একটা পাঁচ বৎসরের সুন্দর বালক বালস্বলত কোতুলবশতঃ একটা পরদার অন্তরাল হইতে বাহিরে আসিতে চেষ্টা করিল। তখন পরদার অপর পার্শ্ব হইতে স্ত্রীকণ্ঠে “হা নির্গত, হা নির্গত” এইরূপ কোলাহল উত্থিত হইতে লাগিল। একজন রমণী পরদা হইতে স্নিগ্ধ মুখ বাড়াইয়া বালকটাকে তিরস্কার করিতে করিতে কোমল বাহুলতা দিয়া তাহাকে কোলে তুলিয়া লইলেন। সেই সময় অঙ্গুলি প্রচলিত হওয়ার পুরুষের মাগের এই অঙ্গুরীয় তাঁহার অঙ্গুলির পক্ষে ঢিলা হওয়ার তাঁহার হাত হইতে গলিয়া মাটিতে পড়িয়া গড়াইতে গড়াইতে আমার পায়ের কাছে আসিল, তিনি টের পাইলেন না। কিন্তু আমি ইহাতে অমাত্য রাক্ষসের নাম অঙ্কিত দেখিয়া আপনার নিকট লইয়া আসিলাম।”

চাণক্য হর্ষাধিত হইয়া উঠিলেন, রাক্ষসের অঙ্গুলিমুদ্রা যখন তাঁহার করায়ত্ত হইয়াছে তখন রাক্ষসকে আয়ত্ত করিতে আর বিলম্ব নাই। এই মুদ্রার সাহায্যেই তাঁহার সংস্কর সিদ্ধ করিবেন, রাক্ষসকে বৃষলের সাচিব্য স্বীকার করাইবেন!

এই মুদ্রাই এই নাটকের মেরুদণ্ড, তাহা হইতেই ইহার নাম ‘মুদ্রারাক্ষস’।

(ক্রমশঃ)

শ্রীসরলা দেবী।

সংক্ষিপ্ত সমালোচনা।

শিখযুদ্ধের ইতিহাস। শ্রীবরদাকান্ত মিত্র কর্তৃক প্রকাশিত। মূল্য ১।।০ লেখকের বিশ্বাস “আজিকার দিনে বাঙ্গলা ভাষায় পুস্তক লেখা বিড়ম্বনা মাত্র” বিশেষতঃ ইতিহাস। “যাহারা শিক্ষিত তাঁহাদের বিশ্বাস বাঙ্গলা সাহিত্যে পড়িবার পুস্তক নাই; বাঙ্গলা ভাষায় ভাল পুস্তক জন্মিবার দিন এখনো আসে নাই, তাঁহারা মাতৃভাষাকে অনেকটা “রূপাপাত্রী বলিয়া বিবেচনা করেন এবং সেই জন্ত বলিষ্ঠ ইংরাজি সাহিত্যের সহিত নিয়ত “সংগ্রামশীল বুদ্ধির ক্রান্তিময় আলস্তের অবসরে, মধ্যে মধ্যে বাঙ্গলা সাহিত্যের উপর করুণা “কটাক্ষ করিয়া থাকেন। সময় ও অসময়ে উচ্চকণ্ঠে মুহুমুহু উত্থানপতনশীল মুষ্টিভূয়িষ্ঠ “অঙ্গসঞ্চালনের সহিত বাঙ্গলা সাহিত্য সম্বন্ধে আপনার অযত্নলব্ধ অভিমত প্রচার করিয়া থাকেন। যাহারা অশিক্ষিত বা অর্ধশিক্ষিত, তাঁহাদের অল্পরাগ উপস্থান নবস্থান বা “নাটকের উপর। ইতিহাস অক্ষরের ভিতর তাঁহারা একটা বিভীষিকার ছায়া দেখিতে পান। কোন শাস্তিপ্রিয় বাঙ্গালিপ্রাণ, রহসি আলাপের প্রেমিকপ্রেমিকার শ্রামলম্বিত “নিভৃত নিকুঞ্জের অন্তরাল ছাড়িয়া প্রলয়ের ঘোর অন্ধকার, ধূমগন্ধপূর্ণ কামানের শ্রবণবিদারি “শব্দ মুখরিত রণক্ষেত্রের পৈশাচিক উৎসবের মধ্যে স্বেচ্ছায় ঝুস্প প্রদান করিতে ইচ্ছা করে।

“আমাদের ইতিহাস সম্বন্ধে কিন্তু ধারণা ভিন্নরূপ। ইতিহাসের উদ্দেশ্য মহৎ, কোটি “কোটি মানবের সুখ দুঃখ জীবন মরণ এবং সহস্র সহস্র সাম্রাজ্য উপরাজ্যের উত্থান ও “অবমানের দুর্ভেদ্য, চিরন্তন রহস্যের মধ্যে উহার মূল নিহিত, এবং মানব জাতির সুখ দুঃখ শান্তি বিপ্লব, নতন পুরাতন, বর্তমান ও অতীতের মধ্যে পালিত গুহ ও বন্ধিত হইয়া উহা “আপনার কার্যক্ষেত্র কতদূর বিস্তার করিয়াছে এবং আকাঙ্ক্ষা কত উর্দ্ধে উন্নীত করিয়াছে “তাহা কয়েকজন মনীষির ইতিহাস সম্বন্ধে অভিমত পাঠ করিলে স্পষ্ট বুঝা যায়।”

আমাদের মনে হয়, লেখক বাঙ্গালীদিগের উপর অথবা দোষারোপ করিয়াছেন, শিক্ষিত বাঙ্গালীর কথা দূরে থাক; ইতিহাসের উপকারিতা অস্বীকার করেন অর্ধশিক্ষিতের মধ্যেও এমন কেহ আছেন বলিয়া আমরা অন্ততঃ জানি না। বাঙ্গালী ভীক, অযোদ্ধা, কামানের ধূমের মুখে যাইতে ভয়ে কম্পমান, এ সমস্তই মানিয়া লওয়া গেল, কিন্তু তাহা হইলেও পুস্তকের ফাঁকা গর্জনের সহিত আলাপ করিতে কেন যে তাঁহার আমোদ না হইবে তাহা ত বুঝিতে পারা যায় না। বরঞ্চ কাজ যেখানে নাই গল্পের উপভোগ্যতা সেখানে, আরো অধিক হইবারই কথা। তবে ইহা সত্য বটে, বঙ্গ সাহিত্যের অপেক্ষা ইংরাজি সাহিত্যের প্রতি বাঙ্গালীর অধিক শ্রদ্ধা, তাহার কারণ বঙ্গভাষার প্রতি বীতরাগ নহে, প্রকৃতই ইংরাজি সাহিত্যের মত বাঙ্গলা সাহিত্যে উৎকৃষ্ট গ্রন্থাদির অভাব। বঙ্গ-ভাষায় যাহা কিছু আদরযোগ্য পুস্তক প্রকাশিত হইয়াছে তাহাই যে পূর্ণমাত্রায় আদর পাইয়াছে; বঙ্কিম বাবুর উপস্থান তাহার প্রকৃত দৃষ্টান্ত। যাহারা ইংরাজিতে অত্যাৎকৃষ্ট ভূরি ভূরি নভেল পড়েন, তাঁহাদের নিকটেও বঙ্কিম বাবুর উপস্থান অনাদরের নহে। স্তরায় বঙ্গভাষায় উৎকৃষ্ট ইতিহাস রচিত হইলে যে তাহা বঙ্গবাসীর নিকট আদৃত হইবে

না, ইহা হইতেই পারে না। লেখক তাঁহার পরিশ্রমের ফল অচিরে লাভ করিবেন, ইহা আমাদের দৃঢ় বিশ্বাস। যদিও পুস্তকখানির ভাষা জটিল, অনুবাদ অস্পষ্ট, তথাপি বিষয়ের গুণে ইহা বঙ্গসাহিত্যের একখানি মূল্যবান পুস্তক হইয়াছে। পুস্তকখানির প্রধান গুণ, অনেকগুলি ইংরাজি গ্রন্থ পড়িয়া লেখক তাহার সার সঙ্কলন করিয়াছেন। শিখযুদ্ধের ইতিহাস এবং মহারাজ দলিপসিংহের জীবনী এই গ্রন্থে বেশ স্বেচ্ছায় বলা হইয়াছে।

পঞ্জাব সর্দারদিগের হীন স্বার্থপর আচরণ, এবং দলিপসিংহের প্রতি ইংরাজ গভর্ণমেণ্টের অত্যাচার ব্যবহার পড়িতে পড়িতে হৃদয় শোকতপ্ত হইয়া উঠে।

উপনিষদ। ঈশ, কেন, কঠ, প্রম, মুণ্ডক ও মাণ্ডুক্য—এই ছয়খানি সমগ্র উপনিষদ তাহার বঙ্গানুবাদ সহ। শ্রীমদানন্দ দত্ত প্রণীত।

মহাত্মা শঙ্করাচার্যের ভাষা—শ্রীমদানন্দ গিরির টীকা, অধ্যাপক ম্যান্মুল্লের ইংরাজি অনুবাদ, স্বর্গীয় আনন্দচন্দ্র বেদান্তবাগীশ মহাশয়ের সংস্করণ এবং বাবু কুঞ্জবিহারী সেন প্রকাশিত রাজা রামমোহন রায়ের ব্যাখ্যা—এই সকল পুস্তক হইতে সাহায্য লইয়া শ্রীমদানন্দ দত্ত—এই গ্রন্থখানি সঙ্কলন করিয়াছেন। আমাদের বিবেচনায় তাঁহার এই পরিশ্রম সার্থক হইয়াছে। উপনিষদ ভারতীয় ব্রহ্মজ্ঞানের আকর। স্মরণ্য এতদ্বিহিত সত্য যত সরলভাবে সাধারণের আয়ত্তসাধ্য হয় ততই ভাল। বাবু শ্রীতানাথ নন্দী এই কার্য সাধন করিয়া যে দেশের যথেষ্ট উপকার করিয়াছেন তাহাতে সন্দেহ নাই।

ভক্তচরিতামৃত। অর্থাৎ শ্রীগোরাঙ্গ প্রবর্তিত বৈষ্ণবসম্প্রদায়ের আদিগুরু শ্রীমৎ রূপ, সনাতন ও জীবগোপালীর জীবনচরিত।

বইখানি বেশ প্রীতিজনক। সেই সময়কার ইতিহাস, দেশের এবং সমাজের জ্ঞান ও ধর্মের অবস্থা এই জীবনচরিতখানি পড়িলে বোধগম্য হয়।—আমাদের দেশের চলিত কথা রূপ, সনাতন মূলমান ছিলেন পরে বৈষ্ণব হইয়া রূপ সনাতন নাম গ্রহণ করেন, কিন্তু লেখক বলিতেছেন ইহারা ব্রাহ্মণসন্তান।

পদ্যপ্রসূন। শ্রীহরিচরণ আচার্য প্রণীত। কবিতাগুলি নিতান্ত নীরস নহে। বইখানি বাসকদিগের পাঠ্যপুস্তকের যোগ্য।

কুমারসম্ভব। শ্রীশরচ্চন্দ্র বন্দোপাধ্যায় কৃত। বঙ্গভাষায় এই প্রথম কুমারসম্ভবের সমগ্র অনুবাদ প্রকাশিত হইল। গ্রন্থকার এজ্ঞ বঙ্গ সাহিত্য-সমাজে বিশেষ ধন্যবাদার্থ। অনুবাদ বেশ ভালই হইয়াছে। ইহার প্রধান গুণ ইহার ভাষা বেশ সরল, বুঝিতে কষ্ট হয় না এবং মূল ভাবের ও বড় ব্যত্যয় ঘটে নাই। তবে কোন কোন স্থলে মূল গ্রন্থের সৌন্দর্য্য সুরক্ষিত হয় নাই। স্থানান্তর না হইলে আমরা সেইগুলি উদ্ধৃত করিতাম। কিন্তু তাহা না হইলেও মোটের উপর অনুবাদ প্রশংসনীয়।

অঞ্জলিদান। শ্রীবঙ্কিমচন্দ্র মিত্র।

প্রতিভাপূজা। শ্রীদেবেন্দ্রবিজয় বসু।

এই দুইখানিই শোক গাথা। বঙ্কিম বাবুর মৃত্যু উপলক্ষে রচিত। সকলেই জানেন ৩ দিনবন্ধ মিত্রের সহিত বঙ্কিম বাবুর কিরূপ সৌহার্দ্য ছিল। এই শোকগান পিতৃভুল্য পিতৃ-স্বহৃদদের বিরোধে তাঁহারি পুত্র জামাতার অকৃত্রিম শোকক্রন্দন।

আর্য্যগাথা। দ্বিতীয় ভাগ।

শ্রীদেবেন্দ্রলাল রায় প্রণীত। বহুদিন পূর্বে ইহার প্রথমভাগ পড়িয়া আমরা যেমন সন্তুষ্ট হইয়াছিলাম এখানি পড়িয়াও সেইরূপ। ইহার কিরূপ কবিত্বশক্তি, পুরাতন ভাবও ইনি কিরূপ নূতন ছাঁদে নূতন সুরে নূতন করিয়া লেন তাহার দৃষ্টান্তরূপ একটি গান নিম্নে উদ্ধৃত করিয়া দেওয়া গেল।

কীর্তন।

১
একবার

যাও দেখে যাও কত ছুখে যাপি দিবানিশি,—

যা বিহনে, বঁধু হে;—

যা বি'নে তপন আভাহীন, উদাস মলয়,

যা বি'নে শূণ্য ভুবন অন্ধকারময়;

যা বি'নে শুষ্ক ফুলমালা, নীরস সাঁঝের মেঘের খেলা

যা বি'নে, পূর্ণ চাঁদ স্নান মুখে চায়;

যা বি'নে শিথিল জীবন, একধারে পড়ে' কাঁদে মন,

তার আশা বীণা করে হায় হায়;

যা বি'নে নিরুদ্দেশ মম প্রবাসী হৃদয়;

যা বি'নে সব সাধ নাথ ধূলিসাৎ হয় হে।

২

সাধ করেছিল হে—

সায় রাখিব হৃদয়ে গৃহদেব করি, (মনে ছিল)

সায়, পুঞ্জিব জীবন দিয়া প্রাণভরি, (মনে ছিল)

সায়, জীবন নদীর পূর্ণাতম তীর

সায়, সৈধ্য তোমার মন্দির, (মনে ছিল)

সায়, ভকতির ধূপ নিত্য পূজা দিব, (মনে ছিল)

সায়, প্রেম ঢালি আশা মিটাইব, (মনে ছিল)

সায়, উঠিবে হৃদয়ে প্রীতি, তার সহ

সায়, হিবে শান্তিভরা গন্ধবহ (মনে ছিল);—

সায় সাধ মনে রইল হে।

৩

সাধে নিরাশ কৈলে নাথ,

আশায় নিরাশ কৈলে নাথ—

নাথ হে, বঁধু হে,

বড় সাধে—

সায় সাধ প্রাণে রৈল হে নাথ—

সায়, সায়, দীপ নিভে গেল, আশার

দীপ নিভে গেল; বিনা তৈল হে নাথ;

অমনি জগত আঁধার হৈল হে নাথ;

একবার দেখে যাও—

৪

মনে ছিল, কভু ক্রীড়া ছলে হব আমি রাজা তব,

উদ্ভাবিব নিতি নিতি সাজা নব নব।—

বিদ্রোহী বলিয়ে তোমায় ল'ব বন্দী করি,

বাহুবন্ধ দিয়া তব গলদেশ'পরি;

দেখাইব কারাগার—অপূর্ণ মধুর—

নিভৃত মলয়কুহুময় অন্তঃপুর;

দেখা ল'ব তোমায় দিয়া পরাইয়ে বালা,

বাধাইব বেণী মম, গাঁথাইব মালা;

করায়ে লইব শত প্রণয়ের ক্রিয়া,

শাসিব বিদ্রোহোত্তম অভিমান দিয়া;

ভাস্কিব বৃকের তব পাষাণ, ও তাহে

বহাইব মন্দাকিনী প্রবাহে প্রবাহে।

৫

কেন জাগিলাম—

স্বপ্নের স্বপন দেখিতেছিলাম—জাগিলাম;

শতবীণাধ্বনি শুনিতেছিলাম—জাগিলাম;

চাঁদের হাসিতে ভাসিতেছিলাম—জাগিলাম;

প্রেমের চরণে হাসিতেছিলাম—জাগিলাম;

মলয় পরশে শিহরিতেছিলাম—জাগিলাম;

নন্দনকাননে বিহরিতেছিলাম—জাগিলাম;

আঁধারে কেন জাগিলাম, অকূল আঁধারে কেন জাগিলাম

এ শূন্য, নীরব প্রদাহী আঁধারে কেন জাগিলাম হে

একবার দেখে যাও—

৬

মনে ছিল—খেলিব প্রেমের পাশা আমরা হৃৎনে,

হার জিত বুকে ল'ব তুষিত চুম্বনে;

রব হৃদয় ভাষা তাহে র'বে পণ,
বে পণ—কণ্ঠমালা বাহ আলিঙ্গন;
লায় তোমার যদি পরাজয় ঘটে,
ঝ ল'ব প্রতি কড়া তোমার নিকটে ;—
ব বাধি করতল করতল দিয়া,
স্র পুষ্পের ভাষা রচিত চাহিয়া,
খাব জগতে আছে নিভৃত হৃদয়,
খাব জগতে নহে শুধু বিনিময়,
র রাজ্যে—গীতভরা ধরণী আকাশ;
দেখাব সে রাজ্যে আমি প্রভু তুমি দাস—

৭

ন ছিল, সাজাব তোমারে মোর প্রেমিক সন্ন্যাসী;
জিব আপনি তব সন্ন্যাসিনী দাসী,—
হরিব কুঞ্জ কুঞ্জ তপোবন ছলে;
রিব প্রেমের তপ আমরা বিরলে;
খিব মিলিত বক্ষ সে কাননে বসি;
নয়ের উপদ্রব, শরতের শশী;
খিব বিজলি শ্যাম বরিষা অধরে;
খিব বর্ণের খেলা নিদাঘের ঘরে;
স্বঃখ ভেদ করি চলি যাব, হাসি
ঢাতে ছড়াতে পায়ে পুষ্প রাশি রাশি;
থলিবে যুগ্মবক্ষে কাকলীর ভাষা;
ঝিব—জগৎ এক মহা ভালবাসা।

৮

চান প্রাণে ভুলে আছ প্রিয় সখে—
ময়জীবনারে ?
ত কি কঠিন সংসারের বেড়—
পাশিতে পার না যারে ?
ত শুধু কিহে পুরুষের প্রাণ
কাইয়ে যায় যাহে—
। কিছু জীবনে পবিত্র, মধুর,
ন্দর, উজল,—তা হে ?

৯

খে—রমণী পুরুষখেলনা,
—প্রণয় পুরুষ খেলা,—
।খনি কত আদর,
।খনি অবহেলা—

পুরুষ রমণী-দেবতা,—
প্রণয় রমণী-রাধনা,—
পুরুষ রমণী স্বরগ হে,—
প্রণয় রমণীসাধনা।
সখে—প্রণয় তব বিলাস হে,—
প্রণয়ই মম করম;
প্রণয়ই মম জ্ঞান,
প্রণয়ই মম ধরম ;—
শিখে বালিকাছদি নীরবে
অক্ষুট প্রণয়ভাষা;
সে হৃদয়ে আজীবন
জলে শৈশবভালবাসা।
হায়—পুরুষ প্রণয়ে হাসে, রমণী
পোড়ে অহুরাগে;
পুরুষ ঘুমায় প্রণয়ে, সখে
রমণী প্রণয়ে জাগে;
প্রণয় পুরুষ প্রহর,
ক্ষণিক জোৎস্না আলো;
প্রণয় রমণীজীবন
ইহকাল, পরকাল'।

১০

একবার এসে দেখ হে—
অলস চিকুর মম পৃষ্ঠবিলম্বিত
রক্ষ উড়ে অবসাদে;
কেশ ভূষণ সব—বিমলিন নীরথ
মম ঘরময় পড়ি কাঁদে ;—
সীমন্তে মম সিন্দুরবিন্দু
অর্ধবিমুচ্ছিত শয়নে;
ক্ষীণ গাণু দিয়া মুহুমুহু বরিষত
বারি হীনপ্রভ নয়নে;
পাংশু অধর'পর যায় সত্তমগতি
অক্ষুট কম্পিত বাণী ;—
জুড়িন সখসম তাজত বলয় হত-
বৈভব বাহু দুখানি ;—
চাহে না বহিতে পদ বিপ্রব-
অর্ধ-ভগ্ন মম দেহ ;—
তেরাগিতে প্রাণ চায় নিতি নিতি
শূন্য এ হৃদয় গেহ।

প্রলয়।

বর্তমান প্রবন্ধে যে প্রস্তাবের অবতারণা করা যাইতেছে তাহার দুইটা বিভাগ রহিয়াছে ;
একটা পুরোভাগ এবং অপরটা উত্তরভাগ। ইহার পুরোভাগ অর্ধশতাব্দী পূর্বে সার জন
হর্শেন (ইঙ্গপ্রহের আবিষ্কর্তা সুবিখ্যাত সার উইলিয়াম হর্শেলের পুত্র) কর্তৃক প্রথম
লৌকিক ভাষাতে প্রকাশিত হয়। তিনি ইহাকে জগতের “নিগূঢ় সমস্তা” (Great
Secret) বলিয়াছেন ; তিনি মনে করিতেন যে ইহা ভাবুকদিগের ভাবনাতেই বিরাজ
করিবার উপযুক্ত, জগতের জন-সমাজে সাধারণভাবে প্রচারিত হইলে তাহার গাঢ়তা বিনষ্ট
হইয়া যাইবে। একারণ তিনি আপন ভাষাকে এমত আবরণে আচ্ছাদিত করিয়া প্রকাশ
করিয়াছিলেন যাহাতে তাঁহার চরিত্রে একটা মহান হিন্দুভাব প্রকটিত হইয়া থাকে; এই
ভাবের নাম “মন্ত্র-গুপ্তি”। সার জন হিন্দুর ঘরে না জন্মিয়াও যে হিন্দুভাব হৃদয়ে পোষণ ও
তদনুযায়ী কার্য্য করিয়াছিলেন, আমি হিন্দুসন্তান হইয়া তাহার বিরুদ্ধাচরণ করিতে যাইতেছি,
তাঁহার “নিগূঢ় সমস্তাকে” বন্ধীয় পাঠকদিগের নিকট প্রকাশ করিয়া দিতে বসিয়াছি।
আমার এই অহিন্দুয়ানী মার্জনীয় কি না বলিতে পারি না; তবে পাঠকগণ ইহা মনে করিয়া
আত্মপ্রাণ উপভোগ করিতে পারিবেন যে আমি তাঁহাদিগকে ভাবকের দলভুক্ত করিয়া
“গোপনে” প্রকাশ্য পত্রিকাসমূহে তাঁহাদের নিকট এই গুঢ়তত্ত্ব প্রকাশ করিতেছি; তাঁহারা
যেন এ বিষয়ে কেবল ভাবনা করেন এবং ভাবুক ভিন্ন অপর কাহারও নিকট ইহা ব্যক্ত না
করেন।

গত বৈশাখের “সাধনা” পত্রিকাতে ঠিক উপরোক্ত শীর্ষক একটা প্রবন্ধ প্রকাশিত
হইয়াছে। তাহাতে সুযোগ্য লেখক শ্রীযুক্ত বাবু রামেন্দ্রসুন্দর ত্রিবেদী প্রলয়-সম্ভাবনার
কয়েকটা হেতু অতি দক্ষতার সহিত ব্যক্ত করিয়াছেন। আমি আদৌ বলিয়া রাখিতেছি
যে ঐ প্রবন্ধের প্রতিবাদ বা সম্যক সমালোচনা করা আমার এই প্রবন্ধের উদ্দেশ্য নহে;
কেবল একস্থলে তিনি প্রলয়ের উত্তরভাগ আলোচনা করিতে গিয়া যে অংশবিশেষ অসম্পূর্ণ
রাখিয়া দিয়াছেন তাহা সম্পূর্ণ করিতে চেষ্টা করাই আমার উদ্দেশ্য। রামেন্দ্র বাবু
প্রস্তাবের প্রথম অবতারণা করিয়াছেন, আমি তাঁহার পদানুসরণ করিতেছি মাত্র। এই
সকল আলোচনা পাঠ করিয়া যদি কোন পাঠকের চিত্তপ্রাণ জন্মে তবে তিনি তজ্জন্ম
রামেন্দ্র বাবুকেই দায়ী করিতে পারিবেন; সারজন হর্শেলের “নিগূঢ় সমস্তা” প্রকাশ করিয়া
“মন্ত্রগুপ্তির” নিয়ম লঙ্ঘন জন্ম যদি কেহ দায়ী হন তবে তাহাও রামেন্দ্র বাবু; কারণ আমি
কেবল প্রলয়ের উত্তরভাগ সম্বন্ধেই কথা কহিতে যাইতেছি, আমার উক্তিতে “নিগূঢ় সমস্তা”
সংজ্ঞাটা না খাটিতে পারে বলিয়া আমি “আইনতঃ অব্যাহতি” পাইতে সচেষ্ট থাকিব!

কথাটা এইঃ—“চন্দ্রমণ্ডল সমুদ্রের জলরাশিকে প্রত্যহ পৃথিবীর দৈনিক আবর্তনের প্রতিকূলে টানিয়া লইয়া যাইতেছে। ফলে পৃথিবীর আবর্তনের বেগ একটু করিয়া কমিতেছে ও চন্দ্রের দূরত্বও একটু করিয়া বাড়িয়া যাইতেছে।.....

“যে কারণে চন্দ্র পৃথিবী হইতে দূরে যাইতেছে ঠিক সেই কারণে পৃথিবীও সূর্য হইতে ক্রমশঃ দূরে যাইবে। পৃথিবীর কক্ষ চ্যুতির এই একটা কারণ।”*

পৃথিবী ২৪ ঘণ্টায় একবার স্বীয় মেরুদণ্ডে আবর্তন করিয়া থাকে, এবং চন্দ্র ২৭ দিবসের কিঞ্চিদধিক সময়ে একবার পৃথিবীকে আবর্তন করিয়া পরিভ্রমণ করে। এই হেতু পৃথিবীর পৃষ্ঠস্থ কোন পদার্থাদি চন্দ্রের কেন্দ্র হইতে প্রায় ২৭ গুণ বেগে পৃথিবীর কেন্দ্রকে আবর্তন করে। চন্দ্র ধরাপৃষ্ঠস্থ পদার্থাদি সকলকে স্বাভাভিমুখে আকর্ষণ করিয়া থাকে; কিন্তু তরল পদার্থের অণু সকল সামান্য বলে আকৃষ্ট হইলেই পরস্পর হইতে স্থলিত হইয়া চলিতে আরম্ভ করে; এই হেতু স্থলভাগহইতে জলভাগ চন্দ্রাকর্ষণে তাহার দিকে অধিকতর লক্ষিত হয় এবং ভিষাকৃতি ধারণ করিয়া সর্বক্ষণ চন্দ্রের দিকে স্বীয় লম্বিতাংশ প্রসারিত রাখিতে চেষ্টা করে। এ দিকে পৃথিবীর বিঘূর্ণন বশতঃ ঐ জলভাগ ধরাকেন্দ্রকে বেষ্টন করিয়া বিঘূর্ণিত হইতে চেষ্টা করে। আবার ইহাও দেখা যাইতেছে যে স্থলভাগ চন্দ্র কর্তৃক বিচলিত না হওয়াতে যে বেগে বিঘূর্ণিত হয় জলভাগ সে বেগে চলিতে পারে না, কারণ চন্দ্রের আবর্তন ধরাবিঘূর্ণনের সহিত তুলনায় মন্থর হওয়াতে চন্দ্র পশ্চাদ্বর্তী থাকে এবং জলরাশিকে পশ্চাদ্গে টানিয়া রাখিতে চেষ্টা করে। জলভাগ ও স্থলভাগ পরস্পর সংলগ্ন থাকিয়াও বিভিন্ন গতিসম্পন্ন হওয়াতে তাহাদের মধ্যে ঘর্ষণ উৎপাদিত হইয়া থাকে। ঘর্ষণে উত্তাপ জন্মে, এবং উত্তাপে শক্তির অপচয় হয়; পৃথিবীর শক্তির ভাণ্ডার স্বীয় গতিতে, অতএব তাহা হইতে শক্তি ব্যয় করিতে হইলেই গতি হ্রাস করিতে হয়। এইরূপে জল ও স্থলেতে যতই পৃথিবীর ঘূর্ণনের প্রতিকূলে ঘর্ষণ হইতেছে ততই ঘূর্ণনবেগ হ্রাস হইয়া পৃথিবীর গতি ক্রমশঃ থর্ক হইয়া আসিতেছে। এ দিকে আবার মাধ্যাকর্ষণবলে ইহাও জ্ঞাত হওয়া যাইতেছে যে চন্দ্র যেমন পৃথিবীর জলরাশিকে টানিয়া পশ্চাদ্বর্তী করিতেছে সেই প্রকার ঐ জলরাশিও চন্দ্রকে আপনাদিকে টানিয়া লইতে চেষ্টা করিতেছে। জলভাগ চন্দ্রের দিকে ঈষৎ লক্ষিত হইয়া অগ্রগামী হইতেছে অতএব তাহার আকর্ষণ চন্দ্রকে ঈষৎ অগ্রসর করিতে চেষ্টা করিতেছে। ইহার ফল এই হইতেছে যে চন্দ্রের কক্ষপথে পরিভ্রমণের বেগ বৃদ্ধি হইতেছে, তদ্বারা তাহার “কেন্দ্রাপসারিণী প্রক্রিয়া” প্রবল হইয়া উঠিতেছে এবং চন্দ্র ক্রমশঃ পৃথিবী হইতে দূরে গমন করিতে চেষ্টা পাইতেছে। অপর দিকে আবার দেখা যায় যে পৃথিবীর ঘূর্ণন বেগ হ্রাস হওয়াতে কক্ষাবর্তনবেগ বৃদ্ধি পাইতেছে, অতএব পুরোক্ত কারণে সূর্য হইতে তাহারও দূরত্ব বৃদ্ধি পাইতেছে। ইহাই উক্ত তাংশের তাৎপর্যার্থ, এবং ইহা হইতেই রামেন্দ্র বাবু

* সাধনা, বৈশাখ ১৩০১, — ৫১১ পৃষ্ঠা।

সিদ্ধান্ত করিয়াছেন যে “পৃথিবীর কক্ষচ্যুতির এই একটা কারণ।” কিন্তু আমি বলিতে বাধ্য হইতেছি যে—a caveat! সাবধান, এখনও আলোচনা শেষ হয় নাই! আগেই সিদ্ধান্ত করিয়া বসা যুক্তি সঙ্গত নহে।

আমরা উপরোক্ত আলোচনাতে তিনটা মাত্র বিষয় জানিতে পারিতেছি;—(১) পৃথিবীর ঘূর্ণন বেগ হ্রাস হইতেছে, (২) চন্দ্রের দূরত্ব বৃদ্ধি পাইতেছে, এবং (৩) সূর্য হইতে পৃথিবী দূরে সরিয়া যাইতেছে। এ স্থলে একটা কথা জানিয়া রাখা আবশ্যিক, যে রামেন্দ্র বাবু পৃথিবীর ধ্বংসাবস্থাকেই প্রলয় বলিয়া উল্লেখ করিয়াছেন, পৃথিবীর আমাদের মতন জীবের বাসের অল্পপুঞ্জ হওয়াকে তিনিও প্রলয় বলেন নাই আমিও বলিব না।

প্রথমতঃ,—পৃথিবীর ঘূর্ণন বেগ হ্রাস হওয়াতে তাহার কাল পরিমাণ অর্থাৎ আমাদের দিনের দিনমান বৃদ্ধি পাইতেছে; এখন আমরা যতদিনে বৎসর গণনা করি, অতঃপর আর তাহা হইবে না; বৎসরে দিনের সংখ্যা ক্রমশঃই হ্রাস হইয়া যাইবে। রামেন্দ্র বাবুও বলিয়াছেন যে এমন সময় আসিবে যখন আমরা ৭।৮ দিনে বৎসর গণিব।

দ্বিতীয়তঃ,—চন্দ্র যতই দূরে সরিয়া যাইতেছে, তাহার কক্ষায়তন এবং তদনুসারে তাহার আবর্তন কাল ততই ক্রমশঃ বৃদ্ধি পাইতেছে। চন্দ্রের এক কক্ষাবর্তন করিতে যে সময় লাগে তাহাকে যদি স্থলভাগে একমাস কহা যায় তবে দেখা যায় যে আমাদের মাস পরিমাণও ক্রমশঃ বৃদ্ধি পাইতেছে; অতএব এখন যত মাসে বৎসর হয় অতঃপর তাহা হইতে কম-সংখ্যক মাসে বৎসর গণনা করা যাইবে। কিন্তু দিন এবং মাস উভয়ের পরিমাণ একত্রে বৃদ্ধি পাইলেও দিনের বৃদ্ধি মাসের বৃদ্ধি হইতে দ্রুততর রূপে সম্পন্ন হওয়াতে, এবং মাস পরিমাণ দিন পরিমাণ হইতে অধিক থাকাতে উভয়ে ক্রমশঃ পরস্পরের সহিত মিলিত হইবার দিগে অগ্রসর হইতেছে। কালে এমন সময় আসিবে যখন আমাদের দিনমান মাসপরিমাণের সমান হইয়া যাইবে,—এই সময়ের পরিমাণ বর্তমান সৌর ঘণ্টায় প্রায় ১২৫০ ঘণ্টা হইবে এবং এইরূপ ৭ দিনে বা মাসে আমাদের বৎসর পূর্ণ হইবে। (রামেন্দ্র বাবু ইহার উল্লেখ করিয়াছেন, কিন্তু তাহার ফল কি দাঁড়াইবে তাহা বিচার করেন নাই)।

এক্ষণে ইহার ফল আলোচনা করা যাউক। দিন এবং মাস পরিমাণ যতই একসের দিগে ছুটিতে থাকিবে ততই চন্দ্রের দূরত্ব বৃদ্ধিহেতু জলভাগোপরি তাহার আকর্ষণবল কমিয়া আসিবে, অতএব জল এবং স্থলভাগে ঘর্ষণও ক্রমশঃ হ্রাস হইতে থাকিবে। যখন দিন এবং মাস সমান হইবে তখন জলরাশি বিঘূর্ণন বশে ধরাকেন্দ্রকে বেষ্টন করিয়া যে বেগে আবর্তন করিবে চন্দ্রও সেই বেগে আবর্তন করিবে অতএব চন্দ্রাকর্ষণ জলভাগকে পশ্চাদ্বর্তী করিতে চেষ্টা করিবে না। ইহার ফলে চন্দ্রাকর্ষণজনিত ঘর্ষণ বন্ধ হইয়া যাইবে; এবং সেই সঙ্গে দিনমান ও মাস পরিমাণ উভয়েরই বৃদ্ধি বন্ধ হইয়া যাইবে ইহা সহজেই অল্পমান করা যায়। পাঠকগণ দেখিতে পাইতেছেন যে এরূপ স্থলে প্রলয়ের কোন সূত্রপাত লক্ষিত হইতেছে না; অতএব আমরা অবাধে “মা ভৈঃ!” রব তুলিতে পারি। কিন্তু এ স্থলে তাহা

পারিয়া উঠিলাম না; যেই রব তুলিব বলিয়া মুখব্যাদান করিতে যাইব অমনি দুর্ধর্ষ লাম্পাশ কাণে ধরিয়া আবার বলিল—*caveat!* সাবধান! চন্দ্র যদি সম্পূর্ণ বৃত্তাকার কক্ষ পরিভ্রমণ না করে তবে উপরোক্ত অবস্থায় তিষ্ঠিতে পারিবে না, সামান্য মাত্র বিচলনে তাহা কক্ষচ্যুত হইয়া যাইবে। চন্দ্রের কক্ষ কিছুতেই উপরোক্ত স্থলে পূর্ণ বৃত্তে পরিণত হইবার সম্ভাবনা নাই; অতএব দেখা যায় যে প্রলয় ধরাপক্ষে না হইলেও চন্দ্রপক্ষে অনেকটা সম্ভবপর বটে! কিন্তু এ স্থলে আবার জর্জ ডারউইন্ উঠিয়া বলিতেছেন—*caveat!*

চন্দ্র যে প্রকারে জলরাশিকে আকর্ষণ করিয়া স্ফীতিমুখে লম্বিত করিয়া থাকে সূর্য্যও ঠিক সেই প্রকারে (কিন্তু তাহা হইতে কম মাত্রায়) জলরাশিকে আকর্ষণ করিয়া উল্লস্রুপে লম্বিত করিয়া থাকে। পৃথিবীর বিঘূর্ণনবশতঃ জলরাশি সম্মুখের দিগে এবং সৌরাকর্ষণহেতু পশ্চাদ্দিগে গতিশীল হইতেছে; এই উভয় গতির সমাবেশ হেতু স্থলভাগ ক্রমশঃ জলভাগ হইতে অগ্রে গমন করিতেছে এবং উভয় ভাগের গতি অসমমিত হওয়াতে তাহাদের মধ্যে বর্ষণ উৎপাদিত হইয়া থাকে। (আমরা যে দৈনিক জোয়ার ভাটা দেখিতে পাই তাহা চন্দ্র ও সূর্য্য এতদুভয়কর্তৃক উচ্ছসিত জলরাশির গতি সমাবেশদ্বারা সংঘটিত হয়।) সূর্য্যজনিত বর্ষণ চন্দ্রজনিত বর্ষণ হইতে ক্ষীণতর হইলেও কালে তাহার ফল প্রকটিত হইয়া পড়ে এবং সূর্য্যজনিত বর্ষণদ্বারাও গতির হ্রাস হইয়া পৃথিবীর দিনের পরিমাণ বৃদ্ধি পাইতে থাকে। পূর্বে যে দিনের পরিমাণ উল্লিখিত হইয়াছে তাহা উভয় বর্ষণের ফলদ্বারা গণিত হইয়াছে; কেবল চন্দ্রজনিত বর্ষণদ্বারা দিনমান বৃদ্ধি হইতে অধিক সময় লাগিত এবং দিন ও মাস পরিমাণ যখন সমান হইত তখন প্রায় ১৪২০ সৌর ঘণ্টায় দিন বা মাস গণনা হইত।

পূর্বে চন্দ্রপক্ষে যাহা কথিত হইয়াছে তাহা হইতে সূর্য্যপক্ষেও ইহা সপ্রমাণ হইবে যে সূর্য্যের চতুর্দ্দিগে পৃথিবীর আবর্তন কাল, এবং পৃথিবীর বিঘূর্ণনকাল যখন এক সমান হইবে তখন সূর্য্যকর্তৃক লম্বিত জলরাশি পৃথিবীর স্থল ভাগের সহিত সমান বেগে আবর্তিত হইবে অতএব তখন বর্ষণ বন্ধ হইয়া আসিবে; এই হেতু যখন আমাদের দিনমান বৃদ্ধি পাইতে পাইতে বৎসর পরিমাণের সহিত সমান হইয়া যাইবে তখন পৃথিবীতে আর জলোচ্ছাস থাকিবে না। কিন্তু ইতি পূর্বে আমরা চন্দ্রকে এক বিষম সঙ্কটাপন্ন অবস্থায় ছাড়িয়া আসিব; দেখা যাউক, তখন চন্দ্রের ভাগ্যে কি ঘটবে। পূর্বে কথিত হইয়াছে যে যখন দিনমান ও মাসপরিমাণ সমান হইয়া যাইবে তখন যদি বর্ষণ একেবারে বন্ধ হইয়া যায় তবে চন্দ্রের কক্ষচ্যুত হইয়া যাইবার সম্ভাবনা রহিয়াছে। এক্ষণে দেখা যাইতেছে যে সেস্থলে বর্ষণ একেবারে বন্ধ হইতে পারিতেছে না কারণ তখন দিনমান ও বৎসরের পরিমাণ সমান হইবে না। অতএব সে স্থলেও বর্ষণ অল্প মাত্রায় চলিতেই থাকিবে এবং সেই অল্পমাত্রায় দিনমানও বৃদ্ধি পাইবে; কিন্তু মাস পরিমাণ আর কিছুতেই বৃদ্ধি পাইতে পারিবে না। ইহার ফল এই দাঁড়াইবে যে পৃথিবীর জল ভাগ হইতে চন্দ্র অধিকতর দ্রুত

চলিতে থাকিবে, একারণ চন্দ্রাকর্ষণে জলরাশিকে অগ্রবর্তী এবং জলাকর্ষণে চন্দ্রকে পশ্চাদ্বর্তী করিবে। চন্দ্র পশ্চাদ্বর্তী হইলেই তাহার কক্ষপথে গতি হ্রাস হইবে অতএব ধরাাকর্ষণ অধিকতর প্রবল হইয়া তাহাকে ধরার নিকটবর্তী করিতে প্রয়াস পাইবে। অতএব দেখা যাইতেছে যে চন্দ্র ঐ সঙ্কটাপন্ন অবস্থায় উপনীত হইয়াই পুনরায় পৃথিবীর দিগে অগ্রসর হইতে আরম্ভ করিবে। এ দিগে চন্দ্রের দূরত্ব হ্রাস হওয়াতে তাহার কক্ষায়তন ও কক্ষাবর্তনকাল উভয়ই হ্রাস হইবে; এবং দিনমানের বৃদ্ধির সহিত মাস পরিমাণের হ্রাস হওয়াতে চন্দ্র উত্তরোত্তর পৃথিবীর সন্নিকটবর্তী হইতে থাকিবে। এ স্থলে আমরা একটা আশু প্রলয়ের সম্ভাবনা দেখিতেছি, কারণ পুনরায় দিন ও মাসের সমকালত্ব ভিন্ন চন্দ্রের দূরত্বহ্রাস বন্ধ হইবার অপার কোন হেতু দেখা যাইতেছে না; এবং এক্ষণে স্থলে দিনমান ও মাস পরিমাণ সমান হইবারও কোন কারণ নির্দেশ করা যায় না। যদি তাহা না হইল তবে চন্দ্র যে একদিন পৃথিবীর উপর আসিয়া নিপতিত হইবে ইহা কে নিবারণ করিবে? এস্থলে কি *caveat* প্রয়োজন হইবে? জর্জ ডারউইন্ বলিতেছেন ইহার কোনই প্রয়োজন হইতেছে না। কারণ চন্দ্র বহু কোটি বৎসর পূর্বে পৃথিবীর অঙ্গ হইতে স্থলিত হইয়া গিয়াছিল; আবার বহু কোটি বৎসর পরে তাহা পৃথিবীর সহিত মিলিত হইবে ইহা প্রকৃতির নিয়তির এক অঙ্গ মাত্র! চন্দ্রসম্পাতে পৃথিবীর অংশবিশেষ বিধ্বস্ত হইতে পারে কিন্তু তাহাতে কাহারও সমুলে ধ্বংস হইবার কোন সম্ভাবনা নাই।

পাঠকগণ জর্জ ডারউইনের এই আশ্বাস বাণীতে কতদূর আশস্ত হইলেন বলিতে পারি না; কারণ চন্দ্র ও পৃথিবী ধ্বংসপ্রাপ্ত না হইলেও, যে স্থলে চন্দ্র পৃথিবীর সংস্পর্শে আসিবে তথায় যদি আমাদের বাসস্থান হয় তবে ঐ সংঘর্ষে আমাদের কি দশা ঘটবে? ইহার উত্তর দেওয়ার পূর্বে আমাদের বিবেচনা করিতে হইবে যে তখন পৃথিবী কি অবস্থায় থাকিবে? পূর্বে কথিত হইয়াছে যে পৃথিবী সূর্য্য হইতে দূরে চলিয়া যাইতেছে; তাহা হইলে সূর্য্যের উত্তাপ ক্রমে পৃথিবীতে কম পরিমাণে আসিতে থাকিবে, অতএব পৃথিবীর জলভাগ (এমন কি বায়ু পর্য্যন্ত) জমাট হইয়া কঠিনত্ব প্রাপ্ত হইবে। তখন যে কেবল পৃথিবী আমাদের মতন জীবের বাসের অল্পপযুক্ত হইবে তাহা নহে, তখন পৃথিবীতে জলভাগে ও স্থলভাগে বর্ষণও বন্ধ হইয়া যাইবে; এবং ঐ অবস্থায় উপনীত হইবার পর আর পূর্বোক্ত ঘটনা সকল কিছুই ঘটিতে পারিবে না। অতএব তখন আর পূর্ণ কিম্বা আংশিক কোন প্রকার ধ্বংসেরই সম্ভাবনা নাই।

পাঠকগণ পাছে এ সমস্তই কল্পনা মনে করেন তাই সৌরজগতে যে পূর্বোক্ত ঘটনাবলীর দুই একটা দৃষ্টান্ত আছে তাহার উল্লেখ করা যাইতেছে।—

(১) ধরা কক্ষের অভ্রান্তরে বৃধ এবং শুক্র গ্রহদ্বয় বিচরণ করিতেছে। পর্য্যবেক্ষণ দ্বারা জ্ঞাত হওয়া গিয়াছে যে তাহাদের পৃষ্ঠদেশ জবতা শূন্য। * বৃধ ৮৮ দিনে এবং শুক্র ২২৫ দিনে একবার সূর্য্যকে প্রদক্ষিণ করিয়া থাকে; কিন্তু তাহাদের বিঘূর্ণন কাল এতদিন

পর্যন্ত প্রায় ২৪ ঘণ্টা বলিয়া অনুমান করা যাইত। গত ১৮৯০ খৃষ্টাব্দে শিয়াপারেলি নামক জনৈক ইতালীয় জ্যোতিষী প্রচার করিয়াছেন যে ঐ গ্রহদ্বয় স্ব স্ব কক্ষাবর্তন ও বিঘূর্ণন এক সমকালেতে সম্পন্ন করিয়া থাকে। লাপ্লাশের জগৎপত্তি-বিধান মতে ইহা জ্ঞাত হওয়া যায় যে তাহারা দ্রবাবস্থায় সূর্যের অঙ্গ হইতে স্থলিত হইয়াছিল, তৎপরে ক্রমে ঘনীভূত হওয়াতে এক সময়ে পৃথিবীর স্থায় তাহাদের পৃষ্ঠদেশে জলভাগ সঞ্চিত হয় এবং সূর্যকর্তৃক আকৃষ্ট ও লম্বিত হওয়াতে স্থলভাগের সহিত ঘর্ষণ উৎপাদন করে। ঐ ঘর্ষণ তাহাদের বিঘূর্ণন কাল ধরু করিয়া ক্রমে তাহা আবর্তন কালের সহিত একত্রে পরিণত করিয়াছে। ইত্যবসরে গ্রহ সূর্য হইতে ক্রমে দূরীভূত হওয়াতে তাহার পৃষ্ঠদেশস্থ তরলভাগ জমাট হইয়া গিয়াছে অর্জ ডারউইন ১৮৮১ খৃষ্টাব্দে এই সিদ্ধান্তে উপনীত হইয়া ছিলেন এবং রয়েল সোসাইটিতে তাহা বিজ্ঞাপিত করিয়াছিলেন, কিন্তু তখন সকলেরই বিশ্বাস ছিল যে ঐ গ্রহদ্বয় প্রায় ২৪ ঘণ্টাতে একবার বিঘূর্ণিত হয়; অতএব তৎকালে ঐ মত পোষকতা প্রাপ্ত হয় নাই। কিন্তু তাহার ৯ বৎসর পরে যখন পর্যবেক্ষণ দ্বারা তাহা সপ্রমাণিত হইতে চলিল তখন এ বিষয়ে অনেকেই একমত হইয়াছেন। (এখন পর্যন্ত এ বিষয়ের আলোচনা শেষ হয় নাই।)

(২) যেহেতু ইহা অনুমান করা যাইতেছে যে গ্রহ হইতে স্থলিত হইয়া উপগ্রহের উৎপত্তি হইয়াছে; অতএব গ্রহের বিঘূর্ণন কাল উপগ্রহের আবর্তন কাল হইতে (মাধ্যাকর্ষণ বলে) অধিক পরিমিত হওয়া অসম্ভব। যখন মঙ্গলের দুইটা উপগ্রহ আবিষ্কৃত হয় তখন ইহা দেখা গিয়াছিল যে মধ্যবর্তী উপগ্রহটি ৭ ঘণ্টা ৪০ মিনিটে একবার কক্ষাবর্তন করিয়া থাকে কিন্তু গ্রহ স্বয়ং ২৪ ঘণ্টা ২৭ মিনিটে একবার মেরুদণ্ডাবর্তন করে। এই আবিষ্কার পর লাপ্লাশের জগৎপত্তি-বিধান লইয়া মহা হলহুল পড়িয়া গিয়াছিল, এবং ঐ বিধান আর টিকিল না বলিয়া নিনাদ উঠিয়াছিল। এই সঙ্কটাপন্ন অবস্থায় অর্জ ডারউইন আবার আসরে নামিলেন;—তিনি সপ্রমাণ করিলেন যে, যেহেতু মঙ্গলে জলাভাব ঘটে নাই অতএব তাহাতে এখনও ঘর্ষণ চলিতেছে ও গ্রহের ঘূর্ণনবেগ হ্রাস হইতেছে। এদিকে উপগ্রহ স্বীয় আবর্তনের উর্দ্ধনীমা অতিক্রম করিয়া এখন ক্রমশঃ গ্রহের নিকটবর্তী হইতেছে। ইহার ফল এই দাঁড়াইবে যে উপগ্রহ একদিন গ্রহের উপর নিপতিত হইবে! মঙ্গলে যদি জীব বিদ্যমান থাকে তবে ঐ দিন তাহাদের পক্ষে বিধ্বংসাবস্থা না ঘটিলেও জলপ্লাবন হেতু খণ্ডপ্রলয় ঘটবে!!

এস্থলে রামেজ বাবুর প্রবন্ধ সম্বন্ধে আরও দুই একটা কথা বলিয়া বর্তমান প্রবন্ধ শেষ করিব। সাধনার ৫০৮ পৃষ্ঠায় বলা হইয়াছে “অলবার্স সাহেবের অনুসন্ধান ফলে উনবিংশ

* সূর্যগ্রহে এখনও অত্যন্ত পরিমাণ বাষ্পাবরণ রহিয়াছে বলিয়া অনুমিত হয়, কিন্তু তাহা এখনও সিদ্ধান্ত হয় নাই।

শতাব্দীর প্রথম বৎসরেই...বৃহস্পতি ও শনৈশ্চরের কক্ষপথের অভ্যন্তরে নূতন গ্রহ আবিষ্কৃত হয়।” এইস্থলে দুইটা ভ্রম প্রকটিত হইয়াছে; প্রথমতঃ,—সূর্য গ্রহগুলি মঙ্গল ও বৃহস্পতি গ্রহদ্বয়ের কক্ষান্তরে আবিষ্কৃত হইয়াছে; বৃহস্পতি ও শনির কক্ষান্তরে কোন গ্রহ বিদ্যমান নাই। দ্বিতীয়তঃ,—১৮০১ খৃষ্টাব্দে ১লা জানুয়ারি পিয়াজি সাহেব কর্তৃক প্রথম সূর্যগ্রহ আবিষ্কৃত হয়; তৎপর বৎসর অর্থাৎ ১৮০২ খৃষ্টাব্দে ২৮শে মার্চ অলবার্স সাহেব অপর একটা সূর্যগ্রহ আবিষ্কার করেন। একাধিক গ্রহ আবিষ্কৃত হইতে দেখিয়া এবং তাহাদের সম্বন্ধ বিচার করিয়া অলবার্স ইহা প্রচার করেন যে একটা বৃহৎ গ্রহ বিচূর্ণিত হইয়া ইহাদের উৎপত্তি হইয়াছে; তৎপর ক্রমে আরও অনেকগুলি সূর্যগ্রহ আবিষ্কৃত হইতে দেখিয়া অনেকে অলবার্সের মতে সায় দিলেন। কিন্তু এক্ষণে ঐ মত ভ্রান্ত বলিয়া প্রতিপন্ন হইয়াছে। বিজ্ঞানসূত্রমতে ইহা অবশ্যজ্ঞাতব্য যে যদি একটা গ্রহ কোন স্থানে আঘাত প্রাপ্ত হইয়া বিচূর্ণিত হয় এবং খণ্ডগ্রহ সকল নির্দিষ্ট কক্ষপথে পরিভ্রমণ করে, তবে ইহা অবশ্যস্বাভাবী যে ঐ সকল গ্রহকক্ষ উপরোক্ত সংঘাতবিন্দুর মধ্যদিয়া গমন করিবে; কিন্তু অনেক গুলি সূর্য গ্রহ আবিষ্কৃত হইলে পর তাহাদের কক্ষ পর্যালোচনা করিয়া ইহা দেখা গিয়াছে যে গগনে এমত কোন বিন্দু নাই যাহার মধ্য দিয়া ঐ সকল কক্ষপথ গমন করিতে পারে। অতএব সংঘাতবশে সূর্য গ্রহদিগের উৎপত্তি অপ্রামাণিক! এস্থলে রামেজ বাবু যে “আমাদের নিকটেই প্রলয় ব্যাপার হুচনা” দেখিতে পাইতেছেন আমরা তাহা দেখিতে অক্ষম।

লর্ড কেলবিনের ‘জাগতিক শক্তির অপচয়’ এবং হেল্মহোল্টজের ‘সূর্য নির্কাপন, সম্বন্ধীয় মতদ্বয় সম্বন্ধে রামেজ বাবু যাহা বলিয়াছেন তাহা অপ্রতিবিদ্যেয় নহে; ১৮৮২ খৃঃ অঃ ২০ শে ফেব্রুয়ারি স্তুবিখ্যাত বৈজ্ঞানিক সাইমেন্স সাহেব “সৌরোপচয়িত শক্তির প্রতিবিধান” বিষয়ে একটি প্রবন্ধ* প্রকাশ করেন, তাহাতে তিনি ইহা দর্শাইতে চেষ্টা করিয়াছেন যে সূর্য যেমন উত্তাপ বিকীরণদ্বারা শক্তিক্ষয় ও দেহের সঙ্কীর্ণণ করিতেছে তেমন আবার ঐ শক্তি অত্র উপায়ে উক্ত অপচয়িত শক্তির সম্পূরণ ও সৌর দেহের পুষ্টিসাধন করিবে। অবশ্য সৌরদেহ যে আয়তনে বৃদ্ধি পাইবে তাহা তিনি বলেন না, কিন্তু তাহাতে শক্তি জন্মাইবার অত্র উপকরণ রহিয়াছে। এ বিষয়ের আলোচনা এখনও শেষ হয় নাই।

শ্রীঅপূর্বচন্দ্র দত্ত।

* See ‘Proceedings of the Royal Society,’ Vol. 33, pp. 389-98.

কি দোষ তোমার !

কি দোষ তোমার !

দোষ যদি কারো থাকে বিধাতার দোষ !
 দেবতা ক'জন হেথা,—ফুল শত শত !
 যদি কোন পুণ্যবলে, কোন স্রুপ্রভাতে
 উষার আলোক শুভ্র শুভ্রতর করি
 কোন সৌম্য দেবমূর্তি প্রকাশে নয়নে,
 থাকিতে পারে কি তারা—থাকিবে কেমনে !
 মুক্ত করি দিয়া রুদ্ধ চির জীবনের
 আবেগিত, তরপিত, আলোড়িত, ক্ষীভ—
 মানস-পূজার তপ্ত আকাঙ্ক্ষা-উচ্ছ্বাস—
 নিমেষেতে শত ফুল পায়ে এসে পড়ে—
 তুমি কি করিবে, তাহে, কি দোষ তোমার !
 চরণ সরিয়ে নিয়ে তুলিতে একটি,
 প্রফুল্ল পাপড়িগুলি মুহূর্তে দলিত !

ঐরূপ ভাগ্য লয়ে জন্মিয়াছে ওরা,
 তুমি কি করিবে, দেব, করুণা করিয়া !
 ভালবেসে লও যারে হৃদয়ে তুলিয়া,
 সরমে সরমে ঢাকি সন্তয়ে সঙ্কোচে
 সে-ও চাহে খসিবারে শতধা হইয়া,
 প্রতিশ্রুতি অল্পভবি হীনতা আপন।
 চরণ সামগ্রী ওরা, নহে হৃদয়ের ;
 চরণে লভিতে চাহে ছর্লভ মরণ—
 মহস্র সোহাগময় আদর যতন
 বাধিয়া রাখিতে নারে হৃদয়ের পরে।
 এই যদি—এই হবে—এই হোক তবে,
 বিফল জীবন-চেষ্টা করোনা ওদের।
 মরিয়া যাদের স্রুথ মরুক তাহারা—
 তুমি কি করিবে, দেব, কি দোষ তোমার !

শ্রীস্বর্ণকুমারী দেবী।

ঈশ্বারে।

আমরা সপরিবারে ইংলও যাইতেছি। ৭ই মার্চ বুধবার প্রত্যুষে আমাদের ঈশ্বার কলিকাতা হইতে রওনা হইবে। পূর্বরাতে আহাঙ্গারির পর আমরা জাহাজে উঠিলাম, কিন্তু একে রাত্রিটা গরম তাহাতে আবার আমরা জাহাজে শয়নে অনভ্যস্ত, কাহারই ভাল করিয়া ঘুম হইল না। আশিত ৫টা না বাজিবার পূর্বেই জাহাজ হইতে কলিকাতা কেমন দেখায় তাহা দেখিবার জন্ত তাড়াতাড়ি ডেকের উপর আসিয়া বসিলাম। চতুর্দিকের দীপমালা ব্যতীত আর অধিক কিছু দেখা গেল না বটে, কিন্তু সেই দীপাবলী গঙ্গাবক্ষে প্রতিবিম্বিত হইয়া এক অপূর্ণ শোভা ধারণ করিয়াছিল। উত্তরে পূলের শুভ্র জ্যোতির্শর ইলেক্ট্রিক্ ল্যাম্পের শ্রেণী, উভয়পার্শ্বে কলিকাতা ও হাবড়ার দীপরাজি, মধ্যে মধ্যে গঙ্গাবক্ষ-গামী জাহাজে নানা বর্ণের দীপ সকল এবং উপরে মেঘশূঁ তারকা-খচিত নভোমণ্ডল অতি রমণীয় দৃশ্য ! কিন্তু এরূপ দৃশ্য অধিকক্ষণ রহিল না। অল্প সময়ের মধ্যে পূর্বাগমন উষার লোহিত আভায় রঞ্জিত হইল এবং তারকার ও দীপমালার আলোক ক্রমশঃ ক্ষীণতর হইয়া কিছু পরে একেবারে নিরূপিত হইল। এদিকে জাহাজে গোলমাল আরম্ভ হইল, আরোহীরা তাড়াতাড়ি করিয়া আশিতে লাগিল ও নাবিকেরা নঙ্গর তুলিবার ও জাহাজ রওয়ানা করিবার বন্দোবস্ত করিতে লাগিল, ক্রমশঃ সমুদয় আরোহীরা আসিয়া পৌঁছিল, জাহাজও সমুদ্রাভিমুখে চলিল।

সেদিন সমস্তদিন জাহাজ চলিল এবং ক্রমশঃ আমরা কলিকাতা মাটীয়া-বুরুজ বোটা-নিকাল গার্ডেন ও গঙ্গাতীর সন্নিহিত কলিকাতার নিকটবর্তী অশ্রাণ স্থানগুলি পার হইয়া চলিলাম। কিন্তু গঙ্গাতীরের সমুদয় স্থানের নাম আমি জানি না, এবং অনেক সময় জিনিষ পত্র ও ছেলেদের লইয়া ব্যস্ত থাকিতে হইয়াছিল বলিয়া ডেকে বসিয়া উভয়পার্শ্বের দৃশ্য সকল দেখা ঘটয়া উঠে নাই। ক্রমশঃ গঙ্গা বিস্তৃত হইয়া আসিল এবং সময়ে সময়ে তীরের জব্যগুলি দৃষ্টিপথের বহির্ভূত হইতে লাগিল। রাত্রিতে গঙ্গায় জাহাজ চালাইলে অনেক-প্রকার আপদের সম্ভাবনা থাকে, সেইজন্ত রাত্রিতে আমাদের জাহাজ নঙ্গর করিয়া রহিল, পরদিন আবার নঙ্গর তুলিয়া ক্রমশঃ সমুদ্রের নিকটস্থ হইতে লাগিল। গঙ্গার শ্রায় নদীতে জাহাজ চালান অতিশয় কঠিন এবং সেজন্ত বিশেষ অভিজ্ঞতার প্রয়োজন আছে বলিয়া এই কার্য একজন প্রবীন পাইলটের হস্তে সমর্পিত হয়, আমাদের জাহাজের পাইলট ৮ই তারিখে জাহাজের ভার কাপ্তেনের হস্তে সমর্পণ করিয়া চলিয়া গেলেন। প্রাতঃকাল হইতেই জাহাজে একটা বিজ্ঞাপন জারি হইয়াছিল যে যাহার যে পত্র পাঠাইবার থাকে তাহা তিনি লিখিয়া ৩টার পূর্বে জাহাজের পোষ্টবাক্সে দিলে সেই সকল চিঠি কলিকাতায় ডাকঘরে পৌঁছিয়া দেওয়া যাইবে। এই কারণে অনেক আরোহীরা সে দিন পত্র সিঁথিতে

বাস্ত ছিলেন, আমরাও আমাদের আত্মীয় বন্ধুদিগকে পত্র লিখিলাম। পাইলটের সঙ্গে পত্রগুলিও চলিয়া গেল, আর কিছুকালের জন্ত আমরাও বহির্জগৎ হইতে সম্পূর্ণরূপে বিচ্ছিন্ন হইলাম, এই জাহাজখানিই আমাদের পৃথিবী স্বরূপ হইয়া দাঁড়াইল, ইহার বাহিরের লোকদের সঙ্গে আমাদের আর কোনও প্রকার সংস্পর্ক নাহিল না। এই তারিখ ৩টার সময় পাইলট চলিয়া গেল, তীরও তখন হইতে আমাদের দৃষ্টি হইতে অন্তর্হিত হইল। জাহাজের আরোহীদের সঙ্গে তখনও আমাদের ভাল করিয়া আলাপ পরিচয় হয় নাই, ক্রমশঃ আলাপ হইতে আরম্ভ হইল। ৯ই মার্চ ১২টা পর্যন্ত আমরা ২২২ মাইল মাত্র গেলাম তার পরদিন আমরা ২৩২ মাইল পথ অতিক্রম করিলাম। জাহাজ প্রতিদিন কত পথ যায় তাহা মাপিবার কয়েকটি উপায় আছে। জাহাজের পশ্চাদ্ভাগে দুইটি ছোট ছোট যন্ত্র সন্নিবেশিত আছে, তাহার দ্বারা জাহাজের গতির বেগ নিরূপণ করা যায়, ইহার মধ্যে একটি অটোম্যাটিক অর্থাৎ তাহা স্বতঃই জাহাজের গতি নির্ণয় করিয়া দেয়। এই যন্ত্রটি দেখিতে একটি ঘড়ির মত; তাহার পশ্চাদ্ভাগে একখানি ছোট পিতলের চাকা আছে, এই চাকাখানি দিব্যরাত্রি অবিরাম সবেগে ঘুরিতেছে। এইচাকার কেন্দ্র হইতে এক গাছি তারের রজ্জু নির্গত হইয়া জাহাজের পশ্চাদ্ভাগে জলময়; এই চক্রে যে ঘড়ি আছে তাহাতে কত মিনিটে জাহাজখানি এক মাইল পথ যায় তাহা দেখা যায়, এবং জাহাজখানি এক মাইলের আট ভাগের এক ভাগ গেলেই ঘড়িটি একবার করিয়া বাজিয়া উঠে। দ্বিতীয় যন্ত্রটি অণুপ্রকারের। ইহার প্রধান অংশ এক গাছি তারের রজ্জু। তাহার অগ্রভাগে একখানি গোলাকার কাঠফলক সংলগ্ন। রজ্জু গাছটি একটা লোহের লাটাইয়ের উপর জড়ান থাকে। প্রতি ঘণ্টায় জাহাজের একজন কোয়ার্টারমাস্টার দুইজন খালাসিকে লইয়া এই যন্ত্রদ্বারা জাহাজের গতির বেগ নির্ণয় করে; কোয়ার্টার মাস্টার কাঠফলকখানি জাহাজের পিছনদিকে সমুদ্রে ফেলিয়া দেয় এবং একটা ছোট বালির গ্লাস দ্বারা দেখে যে এক মিনিটে কতটা রজ্জু বাহির হইয়া যাইতেছে। যতটা রজ্জু এক মিনিটে বাহির হয় এক ঘণ্টায় জাহাজ তার যতটা পথ যায়। আমাদের জাহাজ বাতাস ও জলের স্রোতের তারতম্য-বশতঃ ঘণ্টায় ১০ মাইল হইতে ১৩ বা ১৩।০ মাইল চলে। কোন কোন জাহাজ ঘণ্টায় ১৫, ১৬ বা ১৮ মাইল পর্যন্ত যায়, কিন্তু এ প্রকার দ্রুতগামী জাহাজ কেবল ইয়ুরোপ ও আমেরিকার মধ্যে চলে। জাহাজ এত দ্রুতবেগে চলাইতে হইলে অত্যন্ত ভাল এঞ্জিনের প্রয়োজন এবং অনেক অধিক কয়লার শ্রদ্ধ করিতে হয়। ইয়ুরোপ হইতে আমেরিকায় যাইতে ৭ দিন মাত্র লাগে, অনেক অধিক করিয়া কয়লা পোড়াইলেও জাহাজে ৭ দিনের কয়লা রাখা যায়। কিন্তু ভারতবর্ষ, চীন, ও অষ্ট্রেলিয়া হইতে যে সকল জাহাজ ইয়ুরোপে যায়, তাহাদিগকে এত পথ যাইতে হয় এবং এক এক যাত্রায় এত অধিক কয়লা প্রয়োজন যে বেশি যাত্রায় কয়লা পোড়াইলে অধিকাংশ জাহাজে সেই বহুল পরিমাণ কয়লার সহজে স্থান হয় না।

জাহাজের গতি নির্ণয়ের যে দুইটি উপায়ের বিবরণ আমি উপরে লিখিলাম তাহাতে কোন জাহাজ কোন এক সময়ে কি বেগে যাইতেছে তাহাই জানা যায় কিন্তু এক ঘণ্টায় বা এক দিনে জাহাজ কত পথ অতিক্রম করিল তদ্বারা তাহা ঠিক করিয়া জানা যায় না। পূর্বে ২৪ ঘণ্টায় যত পথ চলিল প্রত্যহ ঠিক মধ্যাহ্নের সময় জাহাজের আফিসরদের তাহা নির্ণয় করিতে হয়। তাহারা সেই সময়ে সেক্সট্যান্ট নামক যন্ত্রের দ্বারা জাহাজ ঠিক কত লাট্টিউড ও কত লঞ্জিটুডে আছে তাহা নির্ণয় করে। এইটি জানিতে পারিলে পূর্বেদিন মধ্যাহ্নের সময় জাহাজ যে স্থানে ছিল সে স্থান হইতে কত পথ আসিয়াছে তাহা অতি সহজেই জানা যায়।

আমরা প্রতিদিন কত পথ চলিলাম তাহা লিখিবার প্রয়োজন নাই, এবং লিখিলেও পাঠকদিগের তাহা স্মরণ থাকার সম্ভব নাই। ১০ই মার্চ সন্ধ্যার কিঞ্চিৎ পূর্বে আমরা মাস্কোজো আসিয়া পৌঁছিলাম। মাস্কোজো-হারবার নির্মাণ করিতে অনেক টাকা ব্যয় হইয়াছে এবং হারবারটি অতি বিস্তৃত এবং বড় বড় প্রস্তর খণ্ডের দ্বারা অতি দৃঢ়রূপে নির্মিত, যখন এই হারবার প্রস্তুত হয় নাই তখন মাস্কোজো উত্তিতে বা জাহাজ হইতে অবতরণ করিতে লোকের বিনয়কণ কষ্ট হইত। এখন সে কষ্ট দূরীভূত হইয়াছে। আমরা সন্ধ্যার প্রাক্কালেই মাস্কোজো পৌঁছিলাম। সে সময়ে সহরে কিছুই দেখা যাইবে না বলিয়া অতি অল্পসংখ্যক আরোহীই জাহাজ হইতে অবতরণ করিলেন। জাহাজে কয়লা লইবার হুড়াহুড়ি পড়িয়া গেল; এবং অল্প সময়ের মধ্যে জাহাজের সমুদয় অনাবৃত অংশ কয়লার গুড়াতে ঢাকিয়া গেল। যাহারা নিতান্ত কয়লাকে ভয় করেন এমন কয়েক জন সৌখীন আরোহী জাহাজ ছাড়িয়া গিয়া হোটেলের স্থান লইলেন। কিন্তু হোটেলের স্থানাভাব ছিল, সেই জন্ত অনেকেই কোন প্রকারে আপনাদের কাবিনের মধ্যে রাত্রিটা কাটাইলেন। ১১ই মার্চের প্রাতঃকালটা ত আমরা মাস্কোজো হারবারে রহিলাম; কিন্তু আমরা তীরে অবতরণ করার বিশেষ প্রয়োজন দেখিলাম না। মাস্কোজোর বিশেষ কোন সৌন্দর্যের স্মৃতি নাই স্মরণে আমাদের মাস্কোজো দেখিবার বড় আগ্রহ ছিল না। প্রাতঃকাল হইতে অনেক প্রকার খেলনা ও অন্যান্য সামগ্রী লইয়া কতকগুলি মাস্কোজো আসিল, ও আরোহীদিগকে যথাসাধ্য ঠকাইতে চেষ্টা করিল। ১১ই মার্চ ১০টা ১১টার সময় আমাদের মাস্কোজো যাহা কিছু করিবার ছিল তাহা শেষ হইল, কতক মাল জাহাজ হইতে নামান হইল, এবং কতক নূতন মাল নেওরা হইল; কয়েকজন আরোহী চলিয়া গেলেন এবং কয়েকজন নূতন আরোহী জাহাজে আসিলেন এবং আমরা পুনর্বার কলম্বো অভিমুখে চলিলাম।

১২ই মার্চ দ্বিপ্রহরের সময় আমরা মাস্কোজো হইতে ২৫৫ মাইল পথ গেলাম। এই দিন আমাদের জাহাজে একটা ক্রীড়া-কৌতুকের কমিটি সংগঠিত হইল, কমিটির একজন সভাপতি একজন কোষাধ্যক্ষ একজন সম্পাদক ও কয়েকজন সদস্য মনোনীত হইলেন, এবং তাহারা আরোহীদিগের নিকট ১০ সিলিং করিয়া টাকা সংগ্রহ করিলেন ও একটা ক্রীড়া কৌতুকের

কার্যপ্রণালী প্রস্তুত করিলেন। ক্রীড়ার মধ্যে সতরঞ্চ, হুইষ্ট (তাস), বাকগমান, অপ্ ডেক্সিস, ব্লুস্, বকেট ইত্যাদি ছিল। ইহার মধ্যে প্রথম চারিটি বোধ হয় অনেক লোকেই জানেন, কেননা এ গুলি কেবল জাহাজে খেলা হয় এমন নহে, কিন্তু শেষ দুইটি কেবল জাহাজেই খেলা হয়, এবং ইহাদের সংক্ষিপ্ত বিবরণ আমি নিম্নে লিখিতেছি। ব্লুস্ খেলিবার জন্ত একখানি বোর্ড ও ছয়খানি চর্শ্ম-নির্মিত ডিস্কের প্রয়োজন। বোর্ড খানিতে ১২ট ঘর আছে এবং তাহার ১০টি ঘরে ১ হইতে ১০ পর্যন্ত অঙ্কিত আছে, বাকী দুইটি ঘরে দুইটি বৃষের মাথার চিত্র আছে। সচারচর দুইজন লোকেই 'ব্লুস্' খেলা হয়, কিন্তু অধিক সখ্যক লোকেও খেলিতে পারে। প্রত্যেক খেলোয়ার পর্যায়ক্রমে ডিস্কগুলিকে ১ হইতে ১০এর ঘরে ফেলিতে চেষ্টা করে তার পর দুইটি বৃষের ঘরে ফেলে এবং তার পর আবার বৃষের ঘর হইতে আরম্ভ করিয়া ক্রমশঃ ১০ হইতে ১এর ঘরে আসিতে হয়। যে খেলোয়ার প্রথমে যথাক্রমে সকল ঘরে ডিস্কগুলি ফেলিতে পারে তাহারই জিত হয়। যে সময় ১এর ঘরে ফেলিবার কথা সে সময়ে ২এর ঘরে ফেলিলে কোন ফল হয় না, অথচ কোন দোষও হয় না; কিন্তু যখন বৃষের ঘরে ডিস্ক ফেলিবার কথা নয় তখন যদি কোন খেলওয়ার সেই ঘরে আপনাদি ডিস্ক নিক্ষেপ করে, তাহা হইলে তাহার অনতিপূর্বের খেলাটা পচিয়া যায়। মনে কর একজন খেলওয়ার ৪এর ঘরে ডিস্ক ফেলিয়া ৫এর ঘরে ডিস্ক ফেলিবার সময় তাহার ডিস্ক সে ঘরে না পড়িয়া বৃষের ঘরে পড়িল তাহা হইলে তাহাকে আবার ৪এর ঘরে ফেলিতে হইবে। বকেট খেলাটা আরও সহজ, এই খেলাতে একটা বকেট বা বালুটি ও ক্যানবিস-মোড়া কয়েকটি ছোট ছোট বিঁড়ার প্রয়োজন; প্রত্যেক খেলওয়ার পর্যায়ক্রমে বিঁড়াগুলিকে বালুটির ভিতর ফেলিতে চেষ্টা করে, যে অধিক সখ্যক বিঁড়া বালুটির মধ্যে ফেলিতে পারে তাহারই জিত হয়।

প্রত্যেক রকম খেলার একটা করিয়া 'টুর্নামেন্ট' হইয়াছিল, একখানি কাগজ লটকাইয়া দেওয়া হইয়াছিল তাহাতে যিনি যে খেলাতে যোগ দিতে চাহেন তিনি সেই খেলার নীচে আপনাদি নাম লিখিয়া দিলেন। একটা নির্দিষ্ট সময়ের মধ্যে মনে করুন 'ক' 'খ', 'গ', 'ঘ', 'ঙ', ও 'চ', এই ছয় জন চেস খেলিবার ইচ্ছা প্রকাশ করিলেন। তখন ক, খ'র সঙ্গে, গ ঘ'র সঙ্গে, ও ও চ'র সঙ্গে খেলিলেন। মনে করুন ক, ঘ, ও ও, জয়ী হইলেন, তখন ক আবার ঘ'র সঙ্গে খেলিলেন এবং ধরুন ক জয়ী হইলেন; এখন 'ক'কে ও'র সঙ্গে খেলিতে হইবে, এবং এই দুই জনের মধ্যে যিনি জয়ী হইলেন তিনি চেসে সর্দঙ্গরী হইলেন, এবং ১০ সিলিং ১৫ সিলিং বা এক আউণ্ড পুরস্কার পাইলেন।

কমিটির প্রোগ্রামে এই সকল টুর্নামেন্ট ব্যতীত আরও কয়েক প্রকার আমোদের ব্যবস্থা হইয়াছিল, তন্মধ্যে নাচ কন্সর্ট ও ব্যায়াম-ক্রীড়াই লিখিতব্য। ডান্সের রাত্রিতে একজন মহিলা পিয়ানো বাজাইতেন এবং যে সকল পুরুষ ও মহিলা ইচ্ছা করিতেন তাঁহারা নাচিতে, কন্সর্টের রাত্রিতে এইরূপ একজন পিয়ানো বাজাইতেন ও

অন্ত একজন গান করিতেন। ব্যায়াম ক্রীড়ার প্রথম দিন ছয় প্রকার খেলা হইয়াছিল। প্রথমটার নাম affinity stakes। ইহাতে একজন পুরুষ ও একজন মহিলা পরস্পরের হাত ধরিয়া একটা নির্দিষ্ট স্থান হইতে দৌড়িয়া আর একটা নির্দিষ্ট স্থানে যাইবেন; সেখানে পুরুষটি একটা চূরুট ধরাইবেন এবং স্ত্রীলোকটি এক গ্লাস মদ্য বা জল পান করিবেন, তাহার পর উভয়ে আবার হাত ধরিয়া প্রথম স্থানে ফিরিয়া আসিবেন। এইরূপ পাঁচ সাতজন পুরুষ ও পাঁচ সাতজন রমণী একত্রে দৌড়িলেন, যে পুরুষ ও রমণী সর্বাগ্রে ফিরিলেন তাঁহাদেরই জিত হইল। দ্বিতীয় খেলার নাম egg and spoon race। ইহাতে কেবল মহিলাই যোগ দিয়াছিলেন, প্রত্যেক মহিলাকে একখানি করিয়া চামচ এবং একটা করিয়া ডিম দেওয়া হইয়াছিল এবং তাঁহাকে ডিমটি চামচে করিয়া লইয়া একটা নির্দিষ্ট স্থান হইতে দৌড়াইয়া আর একটা নির্দিষ্ট স্থানে যাইতে হইয়াছিল। যিনি ডিমটি না ফেলিয়া সর্বাগ্রে পৌঁছিলেন, তাঁহারই জিত। আমাদের জাহাজে এই রেসে ডিম না দিয়া আলু দেওয়া হইয়াছিল, বোধ করি ডিমটা পড়িয়া ভাঙ্গিয়া গেলে পাছে স্থানটা অপরিষ্কার হয় এই ভয়ই এইরূপ পরিবর্তনের মূল কারণ। তৃতীয় খেলার নাম Driving race। ইহাতে একজন পুরুষ ঘোড়া ও একজন রমণী তাহার চালক হইলেন। ঘোড়ার চোক বাধিয়া দেওয়া হইল এবং একগাছা রজ্জু তাঁহার দুই হাতে বাধিয়া রমণী লাগাম করিয়া ধরিলেন, যে চালক তাঁহার ঘোড়াকে সর্বাগ্রে ফিরাইয়া আনিতে পারিলেন, তাঁহারই জিত হইল। চোক-বাধা ঘোড়াগুলোর দৌড় দেখিতে বড় কৌতুকজনক হইয়াছিল, কোন ঘোড়া এক বারে হুটপাট করিয়া দৌড়িয়া এখানে তাল চুকিয়া ওখানে চু মারিয়া দৌড়িয়া গেল, আবার কোন ঘোড়া কোন প্রকারে কাঁপিতে কাঁপিতে চলিল, এই ঘোড়দৌড়ের জন্ত ঘোড়াগুলোকে আগে খুব ট্রেনিং দেওয়া হইয়াছিল। একটা খুব লম্বা চোড়া ঘোড়া, ১৬ হাত ওয়েলর বলিলেই হয়, ট্রেনিংএর সময় খুব লাফাইয়াছিল। পরে তিনি যখন অশ্ব হইতে মনুষ্য প্রাপ্ত হইলেন তখন তিনি নিজের দৌড়ানর বিষয় দর্শকদিগকে জিজ্ঞাসা করার একজন দর্শক বলিলেন, "Oh you ran like a horse in hydrophobia!" আসল দৌড়ের সময় এই ঘোড়ার একটা বিপদ ঘটয়াছিল, ঘোড়াটা পূর্বের মত পাগলা ঘোড়ার ছায় দিখিদিখি জ্ঞানশূন্য হইয়া দৌড়িয়া গিয়া একটা স্বাই-লাইটের উপর পড়িয়া রক্তাক্ত কলেবর হইয়া মাঠ হইতে ফিরিয়া গেল। সোভাগোর বিষয় এই যে আঘাতটা গুরুতর বা সাংঘাতিক হয় নাই। আর একটা খেলার নাম Potato race। এই খেলাতে ৮ কি ১০টা আলু ওফিট অন্তর রাখা হইয়াছিল। প্রথম আলুটার নিকট একটা বালুটি ছিল। যে যে লোক এ খেলাতে যোগ দিলেন তাঁহারা বালুটির নিকট হইতে দৌড়াইয়া গিয়া একটা আলু ভুলিয়া আনিয়া বালুটিতে ফেলিলেন আবার গিয়া আর একটা আনিয়া বাস্টিতে ফেলিলেন, এইরূপে যিনি সর্বাগ্রে প্রথমে সমুদয় আলুগুলি বালুটিতে ফেলিতে পারিলেন তাঁহারই জিত হইল। আর এক রকম খেলার নাম বালাক্লাভা রেস (Balaclava race)। সম্ভবতঃ বালাক্লাভার যুদ্ধ হইতে এই নামের

ছরবস্থা দেখাবার জন্তে নর্দমার কাছে হাত ধরে নিয়ে গেলেন। পণ্ডিতের কিন্তু চক্ষু স্থির!—“অপরং বা কিং ভবিষ্যতি” এই রকম ভাবে ফলবে তা কে জানতো?

বৈদান্তিক বোলেন, মরণের পরও যখন অদৃষ্ট সঙ্গে সঙ্গে ফেরে তখন আমার স্মৃতিভোগের আশাটা অলীক মাত্র! বৈদান্তিকের আর কোন ক্ষমতা না থাকে তিনি মনটিকে বেশ দমিয়ে দিতে পারেন, কিন্তু আমার তাতে বিশেষ বড় আসে যায় না।

গল্প কর্তে কর্তে রাস্তায় বেরিয়ে পড়া গেল। উপক্রমণিকাভেই স্বামীজি আমাকে খুব ধীরে চলবার জন্তে অহুমতি কল্লেন, এবং আজ যদি তাড়াতাড়ি চলি তা হলে আমার অস্বস্তি হতে পারে বলে ভবিষ্যৎবাণী কর্তেও ছাড়লেন না, কিন্তু তাঁর এরকমের ভবিষ্যৎ বাণী এ নূতন নয়, কাজেই আমার কাছে তার তেমন দর হোল না।

আমরা খানিক দূর অগ্রসর হ'য়ে একটা কাঠের সাঁকো দিয়ে অলকনঙ্গা পার হলাম; সাঁকোটার উপর দিয়ে যেতে বড়ই ভয় করতে লাগলো। ইংরেজের তৈয়েরী লোহার সাঁকোর উপর দিয়ে বেশ সগর্বে চলে যাওয়া যায়, কিন্তু পাহাড়ী কারিকরদের তৈয়েরী এই কাঠের সাঁকোর কাছে এসে আমার সে কালের সেই লছমন ঝোলার কথা মনে পড়লো। বাস্তবিক এমন খারাপ সাঁকো আমি এ পর্যন্ত একটাও দেখিনি। যাহোক অতি সাবধানে ত সাঁকোটা পার হওয়া গেল, খানিক দূর এগিয়ে যখন পেছন ফিরে চাইলুম তখন সঙ্গীদের কাকেও দেখতে পেলুম না। এই বাঁকা রাস্তায় ৫০ হাত এগিয়ে এলে আর কাকেও বড় দেখবার ঘো নেই।

সাঁকো পার হয়ে রাস্তার ভীষণতা দূরতে পারলুম। এ পর্যন্ত অনেক “চড়াই উৎরাই” দেখেছি কিন্তু এমন “চড়াই উৎরাই” আর কোন দিন নজরে পড়েনি। বরাবর শুধু চড়াই আর উৎরাই। বহুক্ষেপে আধ মাইল চড়াই উঠলুম, ওঠা যেই শেষ হলো অমনি আবার উৎরাই আরম্ভ; আবার যেই উৎরাই শেষ হলো অমনি চড়াই আরম্ভ। নাগর-দোলার মত কেবল চড়াই আর উৎরাই। সমান জমী কি সামান্য উচু নীচু রাস্তা মোটেই নেই; এই তিন চারটে চড়াই উৎরাই পার হোলোই মানুষের জীবান্না জাহি মধুসূদন হাঁক ছাড়ে। আমি কতবার ক্রমাগত সাত আট মাইল চড়াই উঠেছি কিন্তু কখন এত কষ্ট হয়নি। একবার উঠা তার পরেই নামা, এতে যে কি কষ্ট তা বুঝান সহজ নয়, বুকের হাড় ও পঁজরাগুলো যেন চড় চড় করে ভেঙ্গে যায়, আর তার সঙ্গে আবার সর্কনেশে তৃষ্ণা। এই মাত্র বরণার জল খাওয়া গেল পরক্ষণেই মুখ নীরস, গলা শুকনো, যেন কতকাল জল খাওয়া হয়নি, বুকের মধ্যে কে যেন মরুভূমি সৃষ্টি করে রেখেছে। তবে সূতের মধ্যে এই পথে যত বরণা এত বরণা আর এ পাহাড়ে রাজ্যের কুত্রাপি দেখিনি, আর এত বরণা আছে বলেই এ পথে মানুষ চলাচল করতে পারে।

রাস্তায় চলতে আরম্ভ করে গন্তব্য স্থানে না পৌঁছিয়ে আর আমি কখন বিশ্রাম করিনে, কিন্তু এই ভয়ানক পথে এরকম জিদ বজায় থাকলো না। চলি আর বসি এবং বরণা

দেখলেই সেখানে গিয়ে অঞ্জলি পূরে জল নিই, রাস্তায় চার পাঁচবার বিশ্রাম করে এবং দশবারো বার জল খেয়ে শরীরের সঙ্গে, শক্তির সঙ্গে, আর এই বিষম পথের সঙ্গে প্রবল যুদ্ধ করতে করতে আট মাইল দূর পাণ্ডুকেশ্বরে উপস্থিত হলাম; বেলা তখন প্রায় ৯টা। এতখানি রাস্তা আমি তিন ঘণ্টায় এগেছি, শুনলুম যে সকল সন্ন্যাসী পাহাড় ভ্রমণে অভ্যস্ত অভ্যস্ত তাঁহারাও পাঁচ ছয় ঘণ্টার কম বিষ্ণু প্রয়াগ হ'তে পাণ্ডুকেশ্বরে আসতে পারেন না, খুব অল্প সংখ্যক পাহাড়ী জোয়ানেরাই তিন ঘণ্টায় এ রাস্তা হাঁটতে পারে। আজ এই ভয়ানক দুর্গম রাস্তা অতিক্রম কর্তে একজন ছুঁকল বঙ্গ-সন্তান প্রবল বিক্রম, বলিষ্ঠ দেহ পাহাড়ীর সমকক্ষ হয়ে উঠেছে মনে করে অহঙ্কারে আমার বুকখানা দশ হাত হয়ে উঠলো এবং নিজেকে অদ্বিতীয় বঙ্গবীর স্থির করে যথেষ্ট আত্মপ্রসাদ ভোগ করা গেল। কিন্তু হায়, সকলে আমার মত বঙ্গবীর নয়, বঙ্গভূমির মুখ উজ্জ্বলও সকলের দ্বারা হওয়া সম্ভব নয়; আমি অমিত পরাক্রমে তিনঘণ্টায় বিষ্ণু প্রয়াগ হতে পাণ্ডুকেশ্বরে এলাম বটে কিন্তু স্বামীজি, বৈদান্তিক কারো দেখা নেই, এ বেলা যে তাঁরা আসতে পারেন সে বিষয়েও আমার সন্দেহ হোল, তাঁরা দেখছি বাঙ্গালীর নাম রাখতে পারেন না।

কি করা যায়, পাণ্ডুকেশ্বরে এসে একটু ঘুরে বেড়ান গেল। প্রথমেই পাণ্ডুকেশ্বরের নাম-রহস্য জানবার জন্ত কোতুহল হলো; শুনলুম এখানে মহারাজ পাণ্ডু দীর্ঘকাল যাবৎ তপস্তা করেছিলেন তাই এস্থানের নাম “পাণ্ডুকেশ্বর।” এখানে একটা খুব প্রাচীন মন্দির দেখতে পেলুম, বদরিকাশ্রমের রাস্তায় এপর্যন্ত যতগুলি মন্দির দেখেছি, তার মধ্যে ছটির মত প্রাচীন মন্দির আর আমার নজরে পড়েনি, একটি হৃষিকেশে আর একটি এই পাণ্ডুকেশ্বরে; অনেক কালের পুরানো ব'লে মন্দিরটার খানিক অংশ মাটির মধ্যে বসে গিয়েছে, মন্দিরের পাশে ছোট ছোট চার পাঁচটা পাথরের কোটা বাড়ী আছে, সেগুলিরও জীর্ণ অবস্থা, “নানা রকমের গাছ পালা তাদের মাথার উপর সগর্বে দাঁড়িয়ে রয়েছে; গাছগুলোই কি অল্প দিনের? তাদের মোটা মোটা শিকড়গুলি পাথরের মধ্যে প্রবেশ কর্তে কতকাল লেগেছে! এই সকল মন্দিরের সংস্কারের কোন সম্ভাবনা নেই, আর বিশ পঁচিশ বছর পরে সমস্ত ভেঙ্গে পড়ে যাবে, এবং এগুলি কি ছিল তা জানবার পর্যন্ত উপায় থাকবে না; এরকম ভাঙ্গা স্থাপ আমরা এপর্যন্ত কত দেখেছি, সেগুলি উদাসীন চোকের সামনে ছদগের বেশী স্থায়িত্ব লাভ করেনি, কিন্তু এককালে সে সকল স্থাপ যে কত গৌরব, কত পবিত্রতা এবং মহিমার অঞ্চল বাসস্থান ছিল, তা ভাবলে মনের মধ্যে একটা সঙ্কোচ পূর্ণ ভক্তির আবির্ভাব হয়, মনে হয় জীবন ও মৃত্যু শুধু জীব জগৎকেই যে আচ্ছন্ন ক'রে আছে তা নয়, এই জড় জগতের বহু দ্রব্যও জীবিতের শ্রায় উচ্চ সন্মান এবং এবং প্রবল খ্যাতি লাভ করে কিন্তু কালক্রমে তাদের মৃত্যু হলে, তখন তাদের মান সম্মান, খ্যাতি প্রতিপত্তি সমস্তই শৈবালাচ্ছাদিত হইষ্টক বা প্রস্তর-স্তম্ভের নিম্নে সমাহিত হ'য়ে যায় এবং দর্শকগণ কদাচিত্ তাদের দিকে একবার চক্ষু ফিরিয়ে অতীত গৌরবের কথা চিন্তা করে।

পাণ্ডুকেশ্বরের বাজারটা নিতান্ত ছোট নয়, কিন্তু যদি বার মাস এখানে লোক বাস করতে পারতো তাহলে বাজারটা আরও ভাল হতো, গ্রীষ্মের চার পাঁচ মাস কেবল এখানে লোকে বসবাস কর্তে পারে, দোকানেও কেবল সেই কয় মাস খরিদ-বিক্রী হয়, শীত পড়তে আরম্ভ হলে দোকানী পসারী এবং বাসিন্দা লোকজন বিষ্ণু-প্রয়াগ, যোশীমঠ প্রভৃতি স্থানে উঠে যায়, গ্রীষ্মের প্রারম্ভে আবার সকলে ফিরে এসে নিজ নিজ আড্ডা দখল করে বসে। এতদিন এ স্থানটা জনসমাগমশূন্য ছিল, আজ কয়েক দিন হতে আবার লোক জুটতে আরম্ভ হয়েছে। কারণ এখানে এই গ্রীষ্মের স্বত্রপাত মাত্র। গ্রীষ্মের স্বত্রপাত শুনে পাঠক মনে করবেন না আমাদের দেশে ফাল্গুন মাসের শেষে যে অবস্থা হয় এখানেও সেই রকম; মাঘমাসের শীতের তিনগুণ শীত কল্পনা করে নিলে এখানে গ্রীষ্ম সম্বন্ধে ধানিকটা আভাষ পাওয়া যায়, কিন্তু শীতকালের অবস্থা আমরা কিছুতেই কল্পনা করে উঠতে পারিনে—তা আমাদের কল্পনাশক্তি যতই প্রবল হোক। এখন বরফ গলছে আর সহরগুলি বরফের মধ্যে থেকে ধীরে ধীরে প্রকাশিত হচ্ছে, এদৃশ্য বড়ই সুন্দর, শীতকালে সমস্ত বরফে ঢাকা থাকে। একটা স্থান দেখলুম সমস্ত বরফে ঢাকা, একদিন পরেই দেখা গেল বরফ গলে গলে তার মধ্য হতে একটা দীর্ঘচূড় প্রকাণ্ড মন্দির-বের হয়ে পড়েছে, হঠাৎ এই রকম পরিবর্তন দেখলে মনে ভাবি আনন্দ হয়। আমি চলতে চলতে দেখছি সহরের অনেক স্থান এবং অনেক পথ এখনো বরফে ঢাকা রয়েছে, স্থানে স্থানে বা বরফ গলছে আর তার ভিতর হতে ঘাস বেরিয়ে পড়েছে, চারদিক সাদা, মধ্যে মধ্যে নবীন তৃণ মাথা তুলে দিয়ে চারিদিকের ডুয়ার-খবল স্তম্ভের মধ্যে অনেকখানি নূতনত্ব বিস্তার করচে।

ঘুরে ঘুরে একটা দোকান ঘরে এসে বসলুম। দশটা বেজে গিয়েছে, এখনও সঙ্গীদের দেখা নেই; এই অপরিচিত জনবিরল স্থানে একা বড়ই কষ্ট বোধ হতে লাগলো, সঙ্গীদের জন্তও ভাবনা হতে লাগলো।

ক্রমে যত বেলা বাড়তে লাগল ততই শরীরের মধ্যে গরম বোধ কর্তে লাগলুম, বোধ হতে লাগলো যেন শরীরের মধ্যে দিয়ে আগুণ ছুটে বেরোচ্ছে; আমি আর বসে থাকতে পারলুম না, কষল মুড়ি দিয়ে সেই দোকানেই শুয়ে পড়লুম। ক্রমে এমন মাথা ধরলো যে তা আর বলবার নয়, মনে হলো মাথার মধ্যে কে ক্রমাগত হাতুড়ীর বাড়ি মারছে, চোক ছুটি ছুটে বের হবার উপক্রম হলো এবং বুকের মধ্যে এমন যন্ত্রণা যে শ্বাসরোধের আশঙ্কা হতে লাগলো। স্থির হয়ে থাকতে পারলুম না, যন্ত্রণায় ছট ফট কর্তে লাগলুম, শুয়ে থাকি তাতেও কষ্ট, উঠে বসি তারও উপায় নেই; তার উপর এমন জায়গায় এসে পড়েছি আমাকে একটা কথা জিজ্ঞাসা করে এ রকম লোকও একটি নেই। যে দোকানে পড়ে রয়েছি সে দোকানদার এখনও নীচে হতে এসে পৌঁছেনি, পিপাসায় প্রাণ ওঠাগত, অদূরে ঝরণা কিন্তু সাধ্য নেই উঠে গিয়ে একটু জল খেয়ে আসি। অল্পক্ষণ পরে বমি আরম্ভ হলো, সঙ্গে সঙ্গে পিপাসারও বৃদ্ধি হলো। এই দারুণ পথে বেড়াতে বেড়াতে অনেক বারই আসন্ন মৃত্যুর হাত হতে উদ্ধার

পেয়েছি, কিন্তু মনে হোল যেন আজ আর অব্যাহতি নেই। এই মহাপ্রস্থানের পথে একটা ব্যর্থ জীবন তার অলস মধ্যাহ্নেই কি আয়ুর শেষ প্রান্তে এসে উপস্থিত হোল। হায়, আজ সকালেও জানতুম না এই নির্জন স্থানে, সঙ্গীহীন অবস্থায় এ রকম ভাবে প্রাণ বিয়োগ হবে! শারীরিক যাতনার সঙ্গে এইরূপ মানসিক চিন্তার উদয় হওয়ার প্রাণ আরো ছট ফট কর্তে লাগলো; মৃত্যুভয়ে যে বেশী কাতর হয়েছিলুম এমনও বলতে পারিনে, দুঃখ, কষ্ট, অশান্তি, যন্ত্রণা কিসের অভাব আছে যার জন্তে মৃত্যুর শাস্তি এবং নিকরদেগ তুচ্ছজ্ঞান করবো? তবে এত যন্ত্রণাতেও যে বেঁচে থাকতে ইচ্ছা হচ্ছিল, এটাও অস্বীকার করতে পারিনে। আসল কথা, আমাদের জীবনের প্রতিদিনের এই অভ্যস্ত শ্রোত, এবং স্লথ ছুঃখ হাসি কান্নার চক্রের—মধ্যে হঠাৎ যে একটা অজ্ঞাত, পরীক্ষাতীত, রহস্যময় ঘটনার নূতনত্ব এসে সমস্ত গোল করে দেবে এবং বর্তমানের সমাপ্তি হয়ে যাবে এ দেখতে আমরা রাজী নই, তাই হাজার দুঃখেও আমরা মৃত্যু চাইনে; কে জানে মৃত্যুর পর আমাদের প্রাণ বর্তমানের আকাজকা, অভাব, ও কষ্টের প্রাবল্যকেই কত স্নমধুর বলে পুনর্জীবন তা পাবার জন্তে আগ্রহ করে কি না?

বেলা যখন দ্বিপ্রহর হয়ে গেছে তখন আমার সঙ্গীদ্বয় সেখানে এসে পৌঁছলেন; তাঁরা পথশ্রমে ছইজনে মরার মত হয়ে এসেছিলেন, কিন্তু আমার অবস্থা দেখে তাঁরা নিজের কষ্ট ভুলে অবাক হয়ে দাঁড়িয়ে রইলেন। তার পরেই স্বানিজি ব্যস্ত সমস্ত হয়ে আমাকে কোণে ভুলে বাতাস কর্তে লাগলেন, এবং ব্যাকুল-ভাবে আমাকে কত স্নেহের ভৎসনা কল্লেন! অচ্যুতভায়া আমার সর্ক শরীরে হাত বুলোতে লাগলেন আমার মাথাটা যাতে একটু ভাল থাকে এজন্তে সহস্র চেষ্টা হতে লাগলো। আমার আরোগ্যের জন্তে এঁদের দুঃখনের প্রাণের সময় আগ্রহ এবং হৃদয়ের সমস্ত শক্তি নিয়োজিত হোল; কিন্তু তাঁদের চেষ্টার ফল হওয়ার কোন লক্ষণই দেখা গেল না। আমি অবশেষে অবসন্ন হয়ে পড়লুম; নিরুপায় দেখে স্বানিজি ও অচ্যুতভায়া একজন চাকরকে জল গরম করতে অনুমতি দিলেন। তাঁরা ক্রমাগত জল গরম করে আমার পায়ে ঢালতে লাগলেন। জলই কি শীঘ্র গরম হয়? অনেক চেষ্টাতে জল ধানিকটে গরম হোল,—টগুবগু করে ফুটতে, হুঃ করে তাপ উঠতে, উনোন হতে নামিয়ে যেমনি পায়ে ঢালা অমনি ঠাণ্ডা। আমাদের দেশে শীত কালে কলসীর জল যে রকম ঠাণ্ডা হয় সেই রকম। অনেকক্ষণ এই রকম জল ঢালতে ঢালতে মাথাটা একটু ঠাণ্ডা হোল। তখন তাঁরা আমাকে ধরাধরি করে চারিদিকে বন্ধ একটা অন্ধকার ঘরে নিয়ে গিয়ে শোয়ালেন। ক্রমে আমি ঘুমিয়ে পড়লুম, অনেকক্ষণ ঘুমিয়ে ছিলুম।

শেষ বেলা জেগে উঠে দেখি অচ্যুতানন্দ ও স্বানিজি আমার পাশে বসে আছেন, আর আমার সম্মুখে একখানি আসনে একজন গায়ে জামাজোড়া মাথায় প্রকাণ্ড পাগড়ি ভদ্র-লোক ঘরখানা জমকে নিয়ে বসে রয়েছেন। লোকটির চেহারা দেখেই একজন বড় লোক বলে বোধ হল। হঠাৎ এখানে তাঁর কি রকমে আবির্ভাব হোল ভেবে আমি একটু

আশ্চর্য্য হয়ে গেলুম, এদিক ওদিক চেয়ে দেখলুম তাঁর সঙ্গে অল্প দুই চারজন লোকও আছে। এঁদের পরিচয় জানবার জন্ত আমার ভারী কৌতুহল হোল, কিন্তু ক্ষুধার প্রবৃত্তিটা আরো প্রবল হয়ে ওঠায় আগে আগে আহ্বারের চেষ্ঠাতেই প্রবৃত্ত হতে হোল। আমি নিদ্রিত হ'লে স্বামিজী ও অচ্যুতভারা কৃষ্টি তৈয়েরী ক'রে নিজেরা খেয়ে আমার জন্তে কতক ভাগ রেখে দিয়েছিলেন, আমি উঠে বসে পরিপূর্ণ তৃষ্ণির সঙ্গে সেগুলি উদরস্থ করলুম, আহ্বারান্তে এক ফোটা জল খেয়েই সমস্ত ক্লান্তি ও পরিশ্রম যেন দূর হয়ে গেল।

একটু স্থস্থ হয়ে এই অভ্যাগত ভ্রমলোকের সঙ্গে আলাপ করলুম। এঁর নাম পণ্ডিত কাশীনাথ জ্যোতিষী, জন্মস্থান গুজরাট, সংপ্রতি কলকাতা হতে আসছেন। কলকাতার ইনি মহারাজা সার যতীন্দ্র মোহন ঠাকুর বাহাদুরের বাড়ীতে বাস করেন, গুলুম মহারাজ বাহাদুর একে খুব শ্রদ্ধা ভক্তি করেন। বাঙ্গালা দেশের কোন সংবাদই অনেক দিন পাইনি, জ্যোতিষী মহাশয়ের সঙ্গে বাঙ্গালা দেশ সম্বন্ধে অনেক কথা হোল, তিনি কলকাতার অনেক বড় বড় ঘরের কথা বলতে লাগলেন, দেখলুম লোকটি শুধু জ্যোতিষের রহস্যময় পর্য্যালোচনাতেই যে সময় ক্ষেপ করেন তা নয়, রাজনীতি ও সমাজনীতি সম্বন্ধেও তাঁর স্বাধীন মতামতের পরিচয় পাওয়া গেল, আর বাস্তবিক এতে আশ্চর্য্য হবারও বিশেষ কিছু নেই, লোকতত্ত্ব বীদের অসাধারণ কৃতিত্ব আছে—রাজনীতি সমাজনীতিও তাঁদের সহজে বোঝাই সম্ভব।

এতক্ষণ পরে জ্যোতিষী-মহাশয় নিজের কথা পাড়লেন, কলকাতার ধনকুবের এবং সম্ভ্রান্তব্যক্তিগণের মধ্যে কার কি রকম অদৃষ্ট গণনা করেছেন, কার কি কি ফ'লেছে এবং কে তাঁকে কি রকম শ্রদ্ধা ভক্তি করেন সেই সকল কথা পুনঃ পুনঃ বলতে লাগলেন, নিজ মুখে যদি কাকেও আশ্রয়-প্রশংসা কর্তে শোনা যায়—তবে সে হাজার ভাল লোকের মুখে হলেও ভাল লাগে না। জ্যোতিষী-মহাশয় খুব বিজ্ঞ, বিচক্ষণ ধার্মিক লোক হতে পারেন, কিন্তু তাঁর এইরূপ আশ্রয়-প্রশংসায় আমি অতি কষ্টে ধৈর্য্য রক্ষা করতে পেরেছিলুম, বিশেষ এই অস্থস্থ শরীরে। যা হউক আমার এই ধৈর্য্যাতিশয়ে জ্যোতিষী-মহাশয়ের উৎসাহ বা সাহস বোধ হয় বেড়ে গেল, হযত এমন নিরীকিবাদ শ্রোতা বহুদিন তাঁর ভাগ্যে জোটেনি। তিনি একজন ভৃত্যকে ডেকে তাঁর বাস আনতে বললেন। বাস আনা হলে তিনি তার মধ্য হতে কতকগুলি খাতা পত্র বের করেন, আমার বড়ই আশঙ্কা উপস্থিত হোল,—বিবেচনা করলুম এখনি বা আমার অদৃষ্ট গণনা করে আমার জুত ভবিষ্যৎ বর্তমান সব নথ দর্পণে দেখিয়ে দেন। আমার ভবিষ্যৎ জানবার জন্তে কিছুমাত্র আগ্রহ ছিল না, জানি সেখানে আমার জন্তে অনেক ছুঃখ জমান আছে, আলাদা আলাদা ক'রে ফর্দ-মাপিক সে সমস্ত ছুঃখ জেনে আর কি ফল হবে?—মনে মনে এই রকম তর্ক করছি, এখন সময় জ্যোতিষী-মহাশয় আমার হাতে কতকগুলি কাগজ-পত্র দান করলেন। ওহরি, এগুলো জ্যোতিষের কোন পুঁথি নয়—ইংরাজী পারদীতে লেখা জ্যোতিষী

মহাশয়ের কতকগুলি প্রশংসা পত্র। সে সমস্ত আমার দেখবার কিছু মাত্র আবশ্যক ছিল না এবং সেজন্তে আমার মনে একটুও কৌতুহলের উদ্রেক হয়নি। কিন্তু জ্যোতিষী মহাশয় ছাড়বার পাত্র নয়, ইংরেজীগুলো পড়ে তাঁকে তার অর্থ বোঝাবার জন্তে আমাকে অমরোধ করলেন, এবং আমি পারসি জানিনে বলে ছুঃখ ক'রে তিনিই পারসি প্রশংসা পত্রগুলি পড়ে আমাকে তার অর্থ বোঝাতে লাগলেন, পড়ার ভঙ্গিমাই বা কি! আমি বলি আমার অর্থ বোঝাবার দরকার নেই, কিন্তু তিনি যদি কিছুতে ছাড়েন! দেখলুম ভারতবর্ষের বহু প্রদেশ হ'তে তিনি প্রশংসা-পত্র পেয়েছেন, এবং সকল প্রশংসা-পত্রেই তাঁর পঞ্চান জ্যোতিষী ব'লে খ্যাতি আছে। দেশে মহারাট্টাদের প্রদত্ত অনেক জায়গীর আছে, তা হ'তে জ্যোতিষীজির প্রচুর অর্থাগম হয়, ইনি নিজের অর্থে তীর্থ পর্য্যটনে এসেছেন, যেখানে যান সেখানেই অনেক অতিথিসেবা করান, সঙ্গে অনেক সাধু সন্ন্যাসী ও চাকর বাকর আছে, এই দুরারোহ পাঁহাড় কি হেঁটে পার হওয়া যায়?—তাই পাঁহাড়ীদের কাঁধে চ'ড়ে তীর্থ ভ্রমণ করতেন, ইত্যাদি নানা কথা বলতে লাগলেন। লোকটার লেখা পড়াও জানা আছে কিন্তু নিজের গরিমা, বিদ্যার গরিমা, ধনের গরিমা, দানের গরিমা, মানসন্ত্রমের গরিমা, প্রকাশ করবার জন্তে লোকটা মহাব্যস্ত। ভারী আশ্চর্য্য মনে হয় যে এই রকম গরিমা প্রকাশ করাটা নিতান্তই অল্পচিত কাজ, এবং এতে মাহুষের কাছে বরঞ্চ আরো লবু হয়ে পড়তে হয় এতটুকু সাধারণ জ্ঞানও কেন এঁদের নেই? যা হউক স্ববিধার বিষয় এই, যারা ঐরূপ প্রশংসা-প্রিয়, তাঁদের খোসামোদ দ্বারা সময় সময় ঢের কাজ বাগান যায়। এই প্রসঙ্গে আমার একটি বন্ধুর কথা মনে পড়ছে। বন্ধুটি কলিকাতার একজন সম্ভ্রান্ত লোক, তাঁর অর্থ অনেক। কিন্তু আমাদের গ্রাম বন্ধুগণের ভোজে সে অর্থের সং ব্যয় কদাচিৎ মাত্র হয়ে থাকে। আমরা একদিন তাঁর আতিথ্য গ্রহণ করায় তাঁর ভ্রাতা একটা খুব বড় রকমের মাছ এনে একটু ভাল রকম খাওয়ার আয়োজন করেন, বন্ধুটা ভ্রাতার এই কার্য্যে একেবারে খড়্গহস্ত; রাগে কত কথাই বলেন, একবার বলেন, “এ কালের ছোঁড়াগুলো কর্তব্যাক্রমের গ্রাহই কর্তে চায় না, (তাঁর অল্পমতি না নিয়ে মাছ আনা হয়েছিল তাই বোধ করি একথা)। আবার বলেন, “এ কালের ছেলেগুলো ভারি অমিতব্যয়ী, বাজে পয়সা খরচ না করে এদের হাত যেন গুড়গুড় করে” (১।০ সিকা দিয়ে মাছ কেনা হয়েছে সে কি সহ হয়?) আহ্বারান্তে বললেন “ছেলেগুলো ইংরেজী শিখে দেশটা উজ্জ্বল দিলে”। (নিজে ইংরেজী জানেন না)। এই ঘটনার পরদিন আমি আর উল্লিখিত মিতব্যয়ী বন্ধু এই ছুঃখনে বেলা আটটার সময় ট্রামে চেপে চৌরঙ্গির দিক হতে ফিরে আসছি। বিভিন কোয়ারের কাছে এসে আমাদের থাওয়া দাওয়ার গল্প আরম্ভ হ'ল। আমি বলুম, “আগে আগে কলকাতায় এসে ভাল খাওয়া পাওয়া যেতো, এখন সে রামও নেই সে অবোধাও নেই, যারা খাওয়াবে তারা সকলেই এখন কলকাতা ছাড়া, তবু যে মধ্যে মধ্যে এখানে এলে ভাল খাওয়া যায় সে কেবল এক তোমার জন্তে, তুমি ত আর

কিছু বন্ধু-বান্ধবকে খারাপ খাওয়াতে পার না, এজন্তে পরমা ব্যয় কর্তেও তোমার আলিঙ্গি নেই, নিজেই ভাল জিনিস সন্ধান করে খাওয়া দাওয়ার উদ্যোগ কর, এ গুণটি তোমার যেমন আর কারো সে রকম দেখতে পাইনে।” বন্ধু যেন স্বর্গ পেলেন, অমনি তাঁর মুখ খুলে গেল, আমার হাত দুটি ধরে সবিনয়ে বলেন, “দেখ, ভাই, তোমাদের খাওয়ানর জন্তে আমার বড়ই আগ্রহ হয়, এক সঙ্গে যে পাঁচদিন আমোদে কাটান যায় সেও পরম স্নেহের কথা, টাকাকড়ি আরত সঙ্গে যাবেনা, কিন্তু এ কথা বোঝে কজন?”—দেখতে দেখতে ট্রাম গাড়ী ঘড় ঘড় শব্দে নতুন বাজারের রাস্তার মধ্যে এসে পড়লো, বন্ধুবর চীৎকার ক’রে বলেন, “বোধো” ? গাড়ী না বাধলে ভায়া নামতে পারতেন না, স্ততরাং তাঁর নামবার আবশ্যক হলে তার জন্তে অনেক খানি আয়োজন কর্তে হ’তো; অনেক সোর গোল ক’রে তিনি নেমে পড়লেন, তারপর আমার হাত ধরেও টানাটানি, আমি বলুম “নামতে হবে শোভাবাজারের মোড়ে, এখানে হঠাৎ তোমার কি কাজ পড়ে গেল ?” ভায়া কোন দিকে কাণ না দিয়ে আমার হাত ধরে বাজারের ভিতর প্রবেশ করেন, এবং খেজুর গাছের মাথার মত মাথাওরালা এক ডজন গল্লাচিংড়ি, ছুঁচু ল্যা ফুলকপি, এবং কড়াই স্তুটি প্রভৃতিতে তিন টাকার বাজার নিয়ে বাসার দিকে চললেন। শুধু আমি অবাক নই, বাসায় উপস্থিত হলে সকলেই অবাক হয়ে গেলেন। রাত্রে মহাধুমে পোলাও কালিয়ার বন্দোবস্ত হ’লো। সে দিন দাদার মিতব্যয়িতার পরিচয় পেয়ে অমিতব্যয়ী ছোট ভাইটি যে সকল স্বগত উক্তি করেছিল, তা প্রকাশে বন্ধে বোধ হয় আমোদ আর একটু বেশী হ’তো। বাহোক ইংরাজী না শিখলে দেশ কি রকম ক’রে উদ্ধার হয় রাত্রে দাদার কাছে সে তার অতি স্নান্দর পরিচয় পেয়েছিল। সেই অনেক দিনের পুরানো কথা আজ খুলে দিখলুম এখন বন্ধু বিচ্ছেদনা হ’লে বাচি।

যা হোক শতশত প্রশংসা-পত্র দেখিয়েও জ্যোতিষী-মহাশয়ের আশ মিটলো না। শেষে বাব্বের ভিতর হ’তে ছ তিন খানা “অমৃত বাজার” বের ক’রে আমাকে ছই তিনটে জায়গা পড়তে দিলেন, পাশে লাল দাগ দেওয়া—দেখলুম হরিদ্বারে কুস্ত মেলার সময় ইনি নিজে খরচ পত্র ক’রে অনেক গরীব এবং সাধু সন্ন্যাসীকে আহাির দিয়ে ছিলেন, এতস্তির প্রচুর বস্ত্র অর্থাদিও দান করেছিলেন, এই কথা কে অমৃতবাজারে টেলিগ্রাম করেছে ইনি সেই সমস্ত টেলিগ্রাম সংগ্রহ করে রেখেছেন।

জ্যোতিষীর কাছে মহারাজ ঠাকুর বাহাছর ও কুমার বাহাছরের ফটো দেখতে পেলুম, উজ্জল, প্রসন্ন, শান্তিপূর্ণ বদন এবং তাতে পুরুষ-স্বলভ কাঠিছের অঁভাব দেখে মনে আপনি একটা স্ত্রীতি এবং স্নান্ধাত্তির ভাব এসে উপস্থিত হলো। কত দিন স্বদেশ দেখিনি—স্বদেশীর মুখ পর্য্যন্ত যেন ভুলে গিয়েছি আছ এই ছবি ছুখানি দেখে ভারি আনন্দ লাভ কলুম, এই প্রবাসের মধ্যে বোধ হলো এঁরা আমার পরম আত্মীয়। কোথায় মঠৈস্বর্ধ্য সম্পন্ন সম্ভ্রান্ত রাজ পরিবার আর কোথায় সংসার ত্যাগী সন্ন্যাসী আমি, কিন্তু এখানে

আমাদের মধ্যে এই গভীর ব্যবধান ভুলে গেলুম। স্বর্গে, শুনেছি, মানুষে মানুষে ব্যবধান নেই, স্বর্গের এই দ্বারদেশে কি তারই পরিচয় পাওয়া যাচ্ছে ?

সন্ধ্যার সময় একটু বাইরে বেড়াতে গেলুম। সন্ধ্যার বাতাসে এবং স্নিগ্ধতার মধ্যে শরীর অনেকটা ভাল বোধ হচ্ছে ; আস্তে আস্তে পাণ্ডুকেশ্বর মন্দির এবং আরও গোটাকত ভাল মন্দির দেখে ঘুরে এলুম, দেখতে দেখতে আকাশে মেঘ করে এল, আমরা কখন মুড়ি দিয়ে ঘরের মধ্যে আশ্রয় নিলুম। অলক্ষণের মধ্যেই ভয়ানক শিলাবৃষ্টি আরম্ভ হ’লো, শীতে আমরা আড়ষ্ট হয়ে পড়লুম—ভাগ্যি আমরা আগেকার সেই দোকান ঘরটা ছেড়ে এসেছি তাই, নতুবা আজ মারা পড়া শক ছিল না। যতক্ষণ জেগেছিলুম বৃষ্টি একবারও থামেনি, রাত্রে আর কিছু আহািরাদি হোল না, বেশ আরামের সঙ্গে রাত্রি কাটান গেল। স্বামীজি বলেছিলেন আগামী কল্যই আমরা বদরিকাশ্রম পৌছতে পারবো, সেই কথা শুনে পর্য্যন্ত আমার বড় আনন্দ হয়েছিল। এত কষ্ট, এত পথশ্রম, এত কঠোর উত্তম, কাল সমস্ত সার্থক হবে ! যারা নির্ভাবান ধার্মিক, ভগবানের চিরপ্রসন্নতাই যাদের লক্ষ্য, এবং ভক্তিকেই যারা এই জীবন পথের অমূল্য পাথের বলে ধ্রুব জেনেছে, তাদের শান্তিলাভ অসম্ভব কথা নয়। কিন্তু আমার লক্ষ্য আমার উদ্দেশ্য যে কিছুই নেই, বদরি নারায়ণের মধুরসঙ্গীত কি আমার হৃদয়ের দারুণ পিপাসা নিবারণ কর্তে পারবে ? দেখি, যদি হিন্দুর এই অভিষ্ট মন্দিরে এই সনাতন ধর্মের পীঠতলে একটু শান্তি, একটু তৃপ্তি যুগান্তব্যাপী মাহাশয়ের মধ্যে লুক্কায়িত থাকে ! আশা উৎসাহে এবং স্বপ্ন জাগরণে সমস্ত রাত্রি কেটে গেল।

শ্রীজলধর সেন।

কেম্ব্রিজের ছাত্রজীবন।

যাঁহারা কলিকাতা বিশ্ববিদ্যালয় ও তাহার শিক্ষাপ্রণালী হইতে কেম্ব্রিজ বিশ্ববিদ্যালয়ের কাল্পনিক চিত্র গড়িতে চেষ্টা করিবেন তাঁহাদের নিতান্তই ভ্রমে পড়িবার সম্ভাবনা। যেমন “লণ্ডন ইউনিভার্সিটি” বলিলেই বার্লিঙটন হাউসের কথা মনে পড়ে, তেমনি কলিকাতা বিশ্ববিদ্যালয় বলিলে ‘সেনেট হাউস’ই বুঝায়। আরও বিশেষ ভাবে বুঝিতে গেলে হয়ত পরীক্ষা পরীক্ষক ও পুস্তকের তালিকার কথাও মনে আসিতে পারে, কিন্তু কেম্ব্রিজ কি অক্সফোর্ড সম্বন্ধে তাহা কখন হয় না। সেখানেও এ সকলই আছে, (যদিও তাহাদের ধারা অল্প প্রকার) কিন্তু এই গুলিই তাহার বিশেষত্ব নহে, অত্যন্ত অঙ্গমাত্র। ইহা ব্যতীত আরও অনেকগুলি বিষয় আছে, সেই সকলগুলির প্রতি লক্ষ্য রাখাই অক্সফোর্ড ও কেম্ব্রিজ বিশ্ববিদ্যালয়ের বিশেষত্ব। যাঁহারা কিছুদিন অক্সফোর্ড কি কেম্ব্রিজ স্থাপন করিয়াছেন, তাঁহাদেরই নিজের ইউনিভার্সিটির ও নিজের কলেজের প্রতি, এমন একটা ভক্তি ও ভালবাসা দাঁড়াইয়া যায়, যাঁহা কখনই নোপ পাইবার নহে! বাস্তবিক Alma Mater কথাটা অপর কোন বিশ্ববিদ্যালয়ের প্রতিই এরূপ প্রযুক্ত্য মনে হয় না। যাঁহারা লণ্ডন ইউনিভার্সিটির উপাধিদারী তাঁহারা হয়ত, উহার পরীক্ষার কাঠিন্দ লইয়া গর্ভ করিবেন, জার্মান বিশ্ববিদ্যালয়ের লোকেরা, হেল্মহোল্ট্জ (Helmholtz), ভিরকো (Virchow) প্রভৃতির নাম করিয়া কি তাহাদের বড় বড় Laboratoryর কথা বলিয়া দর্প করিতে পারেন, অক্সফোর্ড ও কেম্ব্রিজের লোকেরা শুধু বিশ্ববিদ্যালয়ের নাম করাই আপনাদের যথেষ্ট সম্মানসূচক বলিয়া মনে করেন। তাঁহাদেরও বড় বড় লোক আছেন; নিউটনের সময় হইতে প্রতিভাশালী লোকের অভাব নাই; আজ কাল কেম্ব্রিজে বিজ্ঞান-শাস্ত্রের চর্চার উপযুক্ত অনেক Laboratory হইতেছে, কিন্তু সে সকলের জন্ম কেহই গর্ভ প্রকাশ করেন না। কেম্ব্রিজের ট্রাইপস্ ও অক্সফোর্ডের Honor Schools, লণ্ডনের অনার পরীক্ষা হইতে কোন অংশই নূননহে, কিন্তু তাহা এই সকল বিশ্ববিদ্যালয়ের বিশেষ গৌরবের কারণ বলিয়া অনেকেই মনে করেন না। ইহাদের ছাত্রজীবনে এক বিশেষ ভাবের সহিত ইহারা এক বিশেষ ভাবে সংলগ্ন বলিয়াই ইহাদের এত গৌরব। তবে বিদ্যালয়ের প্রাচীনত্ব, ইহাদের সমৃদ্ধি, ইহাদের শিক্ষাপ্রণালী অবশ্য সেই গৌরব বর্ধন করে; এবং ইংরাজ জাতীয় মহত্ব সে গৌরবকে আরও জাজ্জল্যমান রাখে।

এই বিশ্ববিদ্যালয় দুইটা আরও এক বিশেষ শিক্ষার স্থল। দুইজন লোকের পরস্পর সাক্ষাৎ হইলে যদি তাহারা অত্যন্ত “ভার্সিটির” লোক হন তাহা হইলে আর অল্প পরিচয় অনাবশ্যক। এই যে এক ইউনিভার্সিটির পুরন্বতন ছাত্রদের মধ্যে ঘনিষ্ঠ ভ্রাতৃত্ব

ইহার সঙ্গে ইংরাজ জাতীয় জীবনের বিশেষ সম্বন্ধ আছে সন্দেহ নাই। বাস্তবিক বলিতে গেলে ইংরাজের মধ্য উচ্চশ্রেণীস্থ লোকের যে সকল সদগুণ আছে, যাঁহার জন্মই ইংরাজী ইতিহাস এত উপাদেয় গ্রন্থ, এই সকল উন্নতিতে অক্সফোর্ড ও কেম্ব্রিজের অনেক হাত আছে। সেই জন্মই তাহা বিলাতের ভদ্রলোকদের বিশেষ আদরের জিনিষ এবং সাধারণ লোকদিগের ভক্তি আকর্ষক।

যদিও আমি কেম্ব্রিজের বিবরণই বিশেষভাবে দিতে সক্ষম, তথাপি উপরোক্ত কথা গুলি উভয় বিশ্ববিদ্যালয়ের সম্বন্ধে খাটে বলিয়াই দুইটার কথাই একেবারে বলিলাম। ইহারা এক অর্থে পরস্পরের প্রতিদ্বন্দ্বী, কিন্তু এ প্রতিদ্বন্দ্বীতা এ কালে আপনাদের ভিতরে। সাধারণের সমক্ষে ইহারা পরস্পরের পৃষ্ঠপোষক। বাস্তবিক সাধারণের চক্ষে, ইহারা জাতীয় জীবনের এক বিশেষ পরিচ্ছেদের দুইটা শাখামাত্র।

কেম্ব্রিজের ছাত্র জীবনের বিবরণ দিবার অগ্রে দুই একটা কথা বলা আবশ্যক। ইউনিভার্সিটি এক অর্থে ছাত্রসমষ্টি। তাঁহারা এই এম, এ হইবার তিন বৎসর পরে সেনেটের মেম্বর হন ও বিশ্ববিদ্যালয়ের সমস্ত কার্য নিরূহ করেন। Chancellor ও Vice-Chancellor নিযুক্ত করা, পার্লামেন্ট ও ভিন্ন ভিন্ন শিক্ষা সমিতির সভা ও অগ্রাঙ্ক কর্মচারী নিয়োগ সকলই তাঁহাদের হাত। অল্প কথায় ইউনিভার্সিটি অর্থে, কলেজ সকলের সমন্বয়; তাঁহাদের প্রতিনিধিরাই কার্য নিরূহ করেন। এই দুই অর্থের বিভিন্নতা নাই। কারণ, কলেজ অর্থে ছাত্র ও কর্তৃপক্ষ (ফেলোর) সমষ্টি।

আমাদের এখানে কলেজ বলিলে যেমন কেবল বক্তৃতার জায়গা মনে হয়, সেখানে কলেজ অর্থে তাহা নহে। প্রত্যেক কলেজে দুইটা দরদালান আছে। একটার নাম হল, সেখানে দীনাঙ্কে একবার ছাত্রদের ও কর্তৃপক্ষদের সমবেত আহাৰ হয়। আর একটার নাম Combination room কর্তৃপক্ষদের বসিবার স্থান। এতদ্ব্যতীত একটা ধর্মালয় ও কতকগুলি ছোট বড় বক্তৃতার স্থান, একটা কলেজের পুস্তকাগার ও একটা ছাত্রদের সভাগৃহ আছে। বাকি অধিকাংশই ছাত্রদের ও ফেলোদের থাকিবার জন্ম ঘর। প্রত্যেক ছাত্রের কিংবা ফেলোর একটা (ছোট) শয়নঘর ও একটা (বড়) বসিবার ঘর। সকল ছাত্রদেরই কলেজে স্থান হয় না সুতরাং প্রথম বার্ষিক ছাত্রদের সহরে বাসা করিয়া থাকিতে হয়। তাহাদের সঙ্গে অল্প ছাত্রদের তফাত কিছুই নাই কেবল স্থানের বিভিন্নতা। এখানে বৎসরে প্রায় ছয় মাস ছুটি। অক্টোবর হইতে জুন পর্যন্ত বাকি ছয় মাস তিন টার্মে বিভক্ত।

ব্যায়াম, সামাজিকতা, বিদ্যালয়শীলন, এই তিনটাই সেখানকার ছাত্রজীবনের প্রধান অঙ্গ। যেখানে এত যুবকের সমাগম (কেম্ব্রিজে প্রায় তিন চার হাজার ছাত্র আছেন), আর জীবনীতাব এত অধিক, সেখানে অবশ্য নানা রকমের ছাত্র পাওয়া যায়। একদল পড়া শুনাতেই ব্যস্ত সাধারণতঃ তাঁহাদের নাম Smugs। একদল ব্যায়াম লইয়াই থাকেন তাঁহাদের

কিছু নাম নাই, কারণ তাঁহাদের দলই বেশী এবং তাদের মাত্রও অধিক। আবার একদল হয়ত ব্যায়ামাদি সকলেরই কিছু কিছু করেন। প্রথম দলের কথা কিছু বলিবার নাই। তাহাদের সংখ্যা অতি কম তবে তাঁহারাও যে একেবারে আর কিছুই করেন না এমনও নহে। ইউনিভার্সিটির এমন কতকগুলি ধারা আছে, যাহাতে কাহাকেও সমস্ত দিনরাত্রি পুস্তক পুস্তক, কার্য কার্য করিয়া পাগল হইতে দেয় না। দ্বিতীয় দলের অবস্থা (এক অর্থে) কিঞ্চিৎ শোচনীয়। ইহারা প্রায়ই কিছু দেহীতে (৯টা ১০টার সময়) শয্যা হইতে উঠেন। কেহ কেহ কখনও ১২টা পর্যন্তও নিদ্রাসুখ ভোগ করেন। তারপর প্রাতঃকৃত্য, ষাওয়া দাওয়া ইত্যাদিতে কোন রকমে ১টা বাজে। এই দলের একটা নিয়ম, প্রায়ই তাঁহারা হয় বন্ধুদের নিমন্ত্রণ করেন, না হয় নিজে নিমন্ত্রিত হন। ইহারা ১টার সময় lunch করিয়া বিশেষ বিশেষ ব্যায়াম ক্রীড়ায় নিযুক্ত হন। দাঁড়টানা, ফুটবল, ক্রিকেট, পলো, গল্প, প্রভৃতিতে সন্ধ্যা হইয়া যায়। সেখান হইতে আসিয়া কাগড় ছাড়িয়া হাত মুখ ধুইয়া, “হলে” কিম্বা অল্প কালেজে নিমন্ত্রিত হইয়া আহায়ে ষাওয়া হয়। আহায়াস্তে ক্লাবে গিয়া, তামাক টানিয়া, কাগজ পড়িয়া ঘণ্টাখানেক কাটে। তারপর নিজের কালেজে কি অল্প কালেজের বন্ধুদের ঘরে গিয়া তাসখেলা, গল্প করা কান্ধি ষাওয়া,—কি আরও কিছু ষাওয়া। কিম্বা হয় ত থিয়েটার দেখিতে বা কিছু খেলিতে ষাওয়া হয়। নিয়ম মতে ১০টার আগে কালেজে (কিম্বা বাসায়) ফিরিয়া আসা উচিত। ১১টার মধ্যে আসিলে জরিমানা দিতে হয়; তারপর আসিলে আর কালেজে (কিম্বা বাসায়) ঢুকিবার হুকুম নাই।

অনেকেই হয় ত জিজ্ঞাসা করিবেন তাঁহাদের পড়াশুনার সময় কখন। আমি যার কথা মনে করিয়া লিখিতেছি, তিনি প্রায় কখন পরীক্ষার পড়া পড়িতেন না; তবে সকলকেই না পড়িলে চলে না। ৯টা হইতে ১টার মধ্যেকার সময়টা বাধ্য হইয়া কোনদিন পড়া শুনা করিতে ও কালেজের বক্তৃতা শুনিতে যাইতে হয়। রাত্রে আর ইহাদের পড়া শুনা হইয়া উঠে না।

পূর্বেই বলিয়াছি এ দলভুক্ত লোকের সংখ্যাই বেশী। তাহারা অধিকাংশই ভদ্র ঘরের সন্তান। ইহাদের উপাধি বেচিয়া খাইতে হইবে না, আমাদের দেশের জমীদার তালুকদার যে শ্রেণীর লোক ইহারাও সেই শ্রেণীর। ইহাদের অনেকেই টাকা ব্যবসা হইতে। তাঁহাদের শিক্ষা—পুস্তকগত শিক্ষার কথা বলিতেছি না, আমাদের বড়লোকের শিক্ষা কি শিক্ষার অভাব হইতে যথেষ্ট বিভিন্ন। সেখানকার শিক্ষা বিশ্ববিদ্যালয়ের সীমাবদ্ধ নহে। সেখানে কেবল শিক্ষার আরম্ভ মাত্র। স্থানীয় ও সামাজ্য সম্বন্ধীয় রাজনীতি, সমাজনীতি ও অর্থনীতি পর্যালোচনা ইংলণ্ডে বিশাল কর্মক্ষেত্রের কেন্দ্র; তাহাতে নিজের ক্ষমতা ও স্থানানুসারে কার্য করা কম শিক্ষাপ্রদ নহে। শুধু কেম্ব্রিজে কেন বিলাতের সর্বত্রই এই জীবনী ভাব লক্ষিত হয়, তাহার মধ্যে নিবিষ্ট থাকিলে আমাদের পল্লীগামের বড়লোকদিগকে নির্জীবতা পরিত্যাগ করিতে হইত।

তৃতীয় দলের কার্য কলাপই বিশ্ববিদ্যালয়ের বিশেষত্বের পরিচায়ক। ইহাদের মধ্যে অধিকাংশ লোকেই ৯টার মধ্যেই কাজ কর্মের জন্ত প্রস্তুত হন; কেহ বক্তৃতা শুনিতে যান কেহ নিজের ঘরে বসিয়া পড়েন। ২টার পর কিন্তু কেহই প্রায় আর পড়েন না, তখন হইতে ডিনারের সময় পর্যন্ত কোন রকম ব্যায়াম, বা কাহারও ঘরে গিয়া চা ষাওয়া গল্প ইত্যাদিতেই তাঁহাদের সময় অতিবাহিত হয়। ষাদের Smugs বলে, তাঁরাও অনেকে অন্ততঃ কিছুক্ষণের জন্ত বেড়াইতে যান। ব্যায়ামের মধ্যে যাহারা কেবল বেড়াইতে যান তাঁদের লোকে কিছু অকর্ষণ্য বলিয়া মনে করে, Loafer বলিয়া উপহাস করে। যদিও কেম্ব্রিজের ছাত্রদের মধ্যে খুব অল্প লোকই আছেন যাহারা সর্বরকম ব্যায়ামের কিছু না কিছু জানেন, তবে বিশেষ কারণে অনেকেই loafer হইতে হয়। একদলের ছাত্রেরা, রাত্রেও কিছুক্ষণ কাজ কর্ম করেন। ইহাদের মধ্যে অনেকেই সঙ্গতি কম কাজেই নিমন্ত্রণ আমন্ত্রণ, থিয়েটার ইত্যাদিতে যাইবার তত সঙ্গতিও থাকেনা, তদ্ব্যতীত ট্রাইপসের জন্ত পড়িতে গেলে এত সময়ও কুলায় না। মোটের মধ্যে ছয় হইতে আট ঘণ্টা পড়াই সাধারণতঃ নিয়ম তবে বক্তৃতা শোনা (এখানে যেমন কালেজে ষাওয়া) ইহারই মধ্যে।

পূর্বে যাহা বলা হইয়াছে, তাহা হইতে প্রতীয়মান হইবে যে, এখানকার শিক্ষাপ্রণালীতে পুস্তকগত শিক্ষার সহিত অল্প প্রকার শিক্ষা বিশেষভাবে সম্বন্ধ।

প্রথমতঃ, যাহাকে সামাজিকতা বলিয়াছি তাহার শিক্ষা অনেক। এক বাড়ীতে ভিন্ন ভিন্ন স্থানের যুবকদের একত্রে ভ্রাতৃত্বাবে বাস; ইহাতে জাতীয় জীবন গঠনে বিশেষ অঙ্কুরিত করে। সেখানে হাইল্যান্ডের যুবকও আছেন, আয়ারল্যান্ডের পশ্চিমসীমাবর্তী লোকও আছেন, আবার লণ্ডনের লোকেরও অভাব নাই। ইংলণ্ড, স্কটলণ্ড, আয়ারল্যান্ডের যত বড় বড় স্থান আছে, সকল স্থান হইতেই যুবকের সমাগম। কেবল একমাত্র অল্পবিধা, তাঁহারা সকলেই প্রায়ই উচ্চশ্রেণীর নয় মধ্যবিৎ শ্রেণীর লোক। মধ্যবিৎ শ্রেণীর লোকের মধ্যেও যাহারা অনেক টাকা কড়ি, কিম্বা জলপানী পান, তাঁহারা ই অক্সফোর্ড কিম্বা কেম্ব্রিজে আসিতে পারেন; সাধারণ লোকের একবারেই আসিবার যো নাই। দুই একজন বোর্ড স্কুলের ছাত্র মধ্যে মধ্যে ইউনিভার্সিটীতে আসিয়া স্থখ্যাতি লাভ করেন, কিন্তু তাহাতে সাধারণ নিয়মের ব্যতিরেক হয় না। এই জন্যই বিশ্ববিদ্যালয় দুইটা স্থিতিশীল দলের দুর্গস্বরূপ। এই দোষ সত্ত্বেও বেশ বুঝিতে পারা যায়, দেশের রাজনীতি প্রভৃতি বিষয়ে, যাহারা স্বাভাবিক নেতা, তাঁহাদের এইরূপ পরস্পর মিলনে অনেক সফল ফলে। সকলেই জানেন, পল্লীগামের বালকেরা কলিকাতায় আসিলে তাহাদের কত উদারতা (যাহা অনেক সময়ে মন্দ দিকে যায়) বাড়ে; ভারতবর্ষের নানা স্থানের লোকে অল্প দিনের জন্তেও একত্র সমাগমে কত সফল ফলিতে পারে; কিন্তু আমি যে সমাগমের কথা বলিতেছি তাহা আরও বিশেষ ভাবে। স্মৃষ্টি একত্র বাস নহে। প্রত্যহ একত্র ভোজন, একত্রে ব্যায়াম শিক্ষা, অনেকটা একত্র পাঠ। তদ্ব্যতীত পরস্পরের সহিত সাক্ষাৎ ও আলাপ পরিচয়ের আরও বিধি

আছে। যে সকল ছাত্র, দুই বৎসর কি তাহার অধিক দিন ইউনিভার্সিটিতে আসিয়াছেন, তাহাদের প্রথম বার্ষিক ছাত্রদের সহিত সাক্ষাৎ করিতে যাওয়া প্রথা। পরস্পরের ঘরে গিয়া চা খাওয়া প্রায়ই ঘটে। পরস্পরকে নিমন্ত্রণ করারও বিধি আছে। এতদ্ব্যতীত ক্লাবে দেখা হয়, সেখানে সপ্তাহে বক্তৃতার জন্ত এক সভা হয়। সেখানেও পরস্পর পরিচয় হইবার সুবিধা। নিজের কালেক্টর ছাত্রদের সঙ্গে যেমন, অন্য কালেক্টর ছাত্রদের সঙ্গেও তেমনি ঘনিষ্ঠ সম্বন্ধ সম্ভব, এবং তাহা হইয়াও যায়। প্রতি সপ্তাহে দুই দিন করিয়া 'Guest Hall' হয়; অর্থাৎ সেই দুই দিন, অন্য কালেক্টর বন্ধুদিগকে নিমন্ত্রণ করিয়া খাওয়ান চলে, তাহার দরুণ অবশ্য যিনি নিমন্ত্রণ করেন তাঁহাকে টাকা দিতে হয়। নিজের ঘরেও যাহাকে ইচ্ছা নিমন্ত্রণ করা যাইতে পারে। কালেক্টর রন্ধনশালায় হুকুম করিলেই ডিনার প্রেরিত হয়, টার্মের শেষে, অন্য খরচের টাকা দিবার সময়, ইহার দাম দিলেই চলে।

এই সকল রীতি পদ্ধতি পর্য্যালোচনা করিলেই ইহার উপকারিতা বুঝিতে পারা যায়। কত চিরজীবনব্যাপী বন্ধুতা হইয়া দাঁড়ায়, কত রকম দোষ সংশোধিত হইয়া যায়, কত রকম চরিত্র শিক্ষা করিবার সুযোগ হয় তাহা বলা যায় না। অধিকাংশ ছাত্রই প্রায় উনিশ বৎসর বয়সে ইউনিভার্সিটিতে আসেন। প্রথম যৌবন হইতেই সাধারণ মতের প্রতি লক্ষ্য রাখিয়া চলিতে শিক্ষা হয়। কোন রকম 'অভদ্র' ব্যবহার করিলে তাহার ফল হাতেহাতেই পাওয়া যায়। অবশ্য অভদ্র ব্যবহার কথার হয়ত বিশেষ অর্থ আছে; সাধারণ মতেরও যৌবনস্থলত ধুইতা আছে। সামাজিকতা হইতে অনেক রকম দোষও আসিতে পারে। বড় লোকের দলে মিশিতে গিয়া অনেক মধ্যবিত্ত ছাত্র আপনার ও বাপের সর্বনাশও করিয়া ফেলেন। সমাজের মধ্যে আবার নানা প্রকার বিভেদ হইয়া দাঁড়ায়। এরূপ এক একটা দলকে 'সেট' বলে। ঠাঁহারা অনেক খরচ পত্র করেন, তাঁদের ও তাঁদের মোনোহেবদের লইয়া একটা সেট, বোর্ডিং সেট, পঠনশীলদের সেট ইত্যাদি। বড় বড় কালেক্টর এ রকম সেট অনেক। সুধু তাই নয়; বিলাতে Eton আর Harrow ছুইটা প্রধান স্কুল আছে, অক্সফোর্ড ও কেম্ব্রিজের যেরূপ পরস্পর সম্বন্ধ, তাহাদেরও সেইরূপ। এই ছুই স্কুলের যে সকল ছাত্র কেম্ব্রিজে আছেন, তাঁহারা পরস্পরের মধ্যে, বিশেষতঃ নিজের কালেক্টর এক সেট বাঁধেন। তাঁহারা প্রায়ই হয় 'ট্রিনিটি' কিম্বা 'কিংস' কালেক্টর যান, সেখানে তাঁহাদের দল পৃথক। এখানে আরও এক প্রকার দলবিভাগ আছে। কোন কালেক্টর হয়ত অধিকাংশ ছাত্রই সুরতি খেলেন সেখানে এরূপ প্রকৃতির লোক ভিন্ন ভক্তি হইলে তাহাকে সকলে ছেঁয় জ্ঞান করে, তাহার সহিত মেশেনা। আবার কোন কালেক্টর হয়ত অধিকাংশ ছাত্র দাঁড় বাঁহা কিম্বা অন্য খেলা লইয়া ব্যস্ত, সেখানে 'loafer'এর স্থান বড় নাই। এ সকল দোষ মহুগ্ণ স্বভাবস্থলত; ইহার জন্য পদ্ধতির দোষ দিতে পারা যায় না।

সামাজিকতার এক বিশেষ লক্ষণ এখনও বর্ণনা করা হয় নাই। কেম্ব্রিজে নানা

বয়সের নানা শ্রেণীর লোক আছেন। ঠাঁহাদের কথা এতক্ষণ বলিতেছি, তাঁহারা ছাড়া এম, এ, বি, এ উপাধিধারী ছাত্রও অনেকে কেম্ব্রিজে কিছুদিন থাকেন। তদ্ব্যতীত, প্রত্যেক কালেক্টর কতকগুলি করিয়া ফেলো আছেন, ইহারাই কালেক্টর কর্তৃপক্ষ ও শিক্ষক, ইহারাই আবার বিশ্ববিদ্যালয়ের কর্তা। এই সকল শ্রেণীর লোকের মধ্যেই পরস্পরের বিশেষ সামাজিক বন্ধন আছে। কর্তৃপক্ষীদের মধ্যে মধ্যে ছাত্রদের নিমন্ত্রণ করেন, তাঁহারা কখনও কখনও ছাত্রদের তর্কমতায় আসেন ও বক্তৃতা দেন; ছাত্রদের সঙ্গে দেখা সাক্ষাৎ করেন। কাহারও পীড়া হইলে তত্ত্বাবধান করেন। ছাত্রগণ আবার কোন প্রকার পরামর্শ জিজ্ঞাসা করিতে হইলে তাঁহাদের কাছে যান। তাঁহাদের বাটীতে কোন ছাত্র যাইলে যতদূর খাতির যত্ন করা উচিত তাঁহারা তাহা করেন। সাধারণত বলিতে গেলে ছাত্রদের শারীরিক, আধ্যাত্মিক, বৈষয়িক, ও শিক্ষাসম্বন্ধীয় সকল বিষয়ের তত্ত্বাবধান করা কর্তৃপক্ষদের কর্তব্য কার্যের মধ্যে পরিগণিত। ফলকথা শিক্ষক ও ছাত্রদের, কর্তৃপক্ষ ও তদবীনস্থ লোকের যেরূপ সম্বন্ধই স্বাভাবিক ও স্ত্রনীতি সম্মত তাহাই সেখানে দেখিতে পাওয়া যায়। আমার যতদূর অভিজ্ঞতা আছে, শুধু কেম্ব্রিজে কেন, বিলাতে সর্বত্রই বোধ হয় শিক্ষক ও ছাত্রের এইরূপ ঘনিষ্ঠ সম্বন্ধ। এরূপ সম্বন্ধ না থাকিলে যথার্থ শিক্ষা হওয়া দুষ্কর। শিক্ষক যদি কেবল বক্তৃতা দেন, তাঁহার জীবনের সহিত যদি ছাত্রদের জীবনের কোন প্রকার সম্বন্ধ না থাকে, তাহা হইলে তাঁহাদের ছাত্রজীবন গঠনে প্রভাব অতি অল্পই এবং ইহার অভাবে শিক্ষা বিশেষ অঙ্গহীন বলিয়া মনে হয়।

বিশ্ববিদ্যালয়ের সামাজিকতার সম্পূর্ণ বিবরণ দিতে হইলে এতদ্বিষয়ে আমার নিজের বিশেষ কি অভিজ্ঞতা আছে বলা আবশ্যিক। এক সময়ে ভারতবাসীদের কেম্ব্রিজের কোন কালেক্টরেই প্রবেশ করিবার ক্ষমতা ছিল না। ইহা বিশেষ আশ্চর্যের বিষয় নহে। ক্রারণ এক সময়ে যাহারা ইংলণ্ডে প্রবর্তিত বিশেষ ধর্মমতাবলম্বী তাঁহারা ব্যতীত আর কেহই কোন কালেক্টরে প্রবেশ করিতে পাইতেন না। তৎপরে যদিও তাঁহারা প্রবেশ অল্পমতি পাইলেন, ফেলো হইবার অধিকার পাইতে আরও কিঞ্চিৎ বিলম্ব হইল। আর এক কথা। ইংরাজদিগের কতকগুলি জাতিগত কুসংস্কার আছে। শিক্ষার গুণে, অনেকেই সে সকল পরিহার করিতে পারেন ভদ্রতার খাতিরে অনেকে তাহা লুক্কায়িত রাখিতে পারেন কিন্তু ইহাদের সম্পূর্ণ পরিহার করিতে বহুকাল ও চেষ্টার আবশ্যিক। বিদেশীয়দের বিশেষতঃ কৃষ্ণবর্ণ লোকের উপর, ইংরাজদের স্বভাবতঃ একটা কুসংস্কার আছে। শিক্ষার, সভ্যতার কিন্তু এমনি বল, যে সে কুসংস্কার প্রায়ই প্রকাশ পায়না। ক্রমশঃ আবার বিশেষ আলাপ পরিচয়ে তাহা প্রায় লোপ পাইয়া যায়। আমাকে কেম্ব্রিজে থাকিতে এ কুসংস্কারের জন্য মনোকষ্ট প্রায়ই পাইতে হয় নাই। আমি যে কেম্ব্রিজ সাধারণ সমাজ হইতে বিভিন্ন ইহা কেহই প্রায় আমাকে জানিতে দিতেন না। এমন কি একবার Debating Societyতে

আমার একজন বন্ধু আমার নাম করিতে গিয়া আমি যে ভারতবাসী শুধু এই কথাটা অতি মিষ্টভাবে উল্লেখ করাতোও অনেকেই তাহা bad form বলিয়া তাঁহার উপর বিরক্ত হইলেন। শুধু কেশ্বির কেশ, অন্যান্য স্থানেও ভদ্রলোক ও ভদ্র মহিলাদের এইরূপ ব্যবহার। তাঁহাদের মতে আমি সেখানে ভারতবাসী নহি শুধু কালেক্সের একজন ছাত্র ও সেই সভার সভ্য।

হুই একবার ক্লাবের কথা বলিয়াছি। প্রত্যেক কালেজে একটা ক্রীড়া ক্লাব আছে। এখানে শীতকালে সপ্তাহে একবার ক্রীড়া বক্তৃতা হয়; গ্রীষ্মকালে দিন বড়, সন্ধ্যার আগে বেড়ানর বড় সুরবিধা, এজন্য সে সময় বক্তৃতা চলে না। ইহা ব্যতীত ক্লাবের সঙ্গে খবরের কাগচ পড়িবার বন্দোবস্ত আছে একটা ছোট লাইব্রেরীও আছে তাতে কেবল উপন্যাস। এই সকলের মস্তকের উপর ভার্সিটি ক্লাব The Union। ছোট কালেজের প্রায় সকল ছাত্রই এই ক্লাবের সভ্য কিন্তু বড় বড় কালেজে বড় ছুটি তিনটি করিয়া এই রকম ক্লাব আছে। এই ক্লাব ছাড়া, সঙ্গীত তামখেলা প্রভৃতির নানা প্রকার ক্লাব আছে। ইহাদের মধ্যে Amalgamation Club সর্কাপেক্ষা বৃহৎ ও সর্কাপেক্ষা সম্মানিত। বোর্ডিং স্কুল ইত্যাদি ব্যায়াম বিষয়ক ক্লাবযোগে এই ক্লাবের সৃষ্টি। কালেজের অধিকাংশ ছাত্রকেই ইহার সভ্য হইতে হয়। টানা প্রত্যেক টার্মে প্রায় ২৫ শিলিং, সকলের এই টাকা হইতে ভিন্ন ভিন্ন ক্লাবের খরচের জন্য টাকা দেওয়া হয়। ইহার সম্পাদক, সভাপতি, কোষাধ্যক্ষ প্রভৃতি প্রতি বৎসর নিযুক্ত হন। কালেজের যারা শুভাকাঙ্ক্ষী, তাঁহারা ইহারও শুভাকাঙ্ক্ষী। যে কালেজে ইহার কার্য ভালরূপে চলিতেছে না, নিশ্চয়ই বুঝিতে হইবে, সে কালেজের অবস্থা মন্দ। কারণ তাহার জন্ত সে কালেজে ব্যায়ামে উৎসাহী, অধিক লোক নাই। স্তরাং তাহার ছাত্রসংখ্যাও অল্প। কোন বৎসর, সিনিয়ার র্যাঙ্কার কি সিনিয়র ক্লাসিকএর উপযুক্ত ছাত্র কালেজে ভর্তি হইলে কি হইবে, যদি সে বৎসর দক্ষ ফুটবলের দল সংগ্রহ না হইল! কোন বৎসর ট্রাইপ্স ৭৮ জন ছাত্র প্রথমশ্রেণীতে উত্তীর্ণ হইলে কি হইবে, যদি লেন্ট কি মে রেসে কালেজের বোর্ডিং এক পদ নামিয়া গেল! আমাদের কয়েক বৎসর পরীক্ষার ফল ভাল বটে, কিন্তু কই আমাদের মধ্যে একজন চিহ্নিত 'ব্লু' নাই ত! আমাদের কালেজে এমন অনেক লোক শিক্ষালাভ করিলেন, যাহারা এখন পৃথিবীর মধ্যে খ্যাতিমান, কিন্তু কই ১৮১৬ সাল হইতে আমাদের কালেজের বোর্ডিং ভার্সিটির মধ্যে প্রথম স্থান অধিকার করিতে পারে নাই ত। এই প্রকার কথা শুনিয়াই বুঝিতে পারা যায় ব্যায়ামের বিষয়ে কেশ্বির লোকের কত যত্ন ও উৎসাহ। সে যত্ন, সে উৎসাহ, শুধু ব্যায়ামশীল লোকের ভিতরেই আবদ্ধ নহে। যাহারা ব্যায়ামের কিছুই জানেন না, তাঁহারাও ইহাতে মনোযোগ না দিয়া থাকিতে পারেন না। এইরূপ উৎসাহ, স্নু ভার্সিটির লোকের ভিতরে আবদ্ধ নহে; বিলাতের ছোট বড় সকল লোকেরই এ বিষয়ে আগ্রহ। ভদ্রমহিলাদের মধ্যেও এই আগ্রহ

প্রবেশ করিয়াছে। রাজনীতির কথা অনেকেই হয়ত বুঝিতে সক্ষম নন; ব্যবসা বাণিজ্যের কথাতেও সকলে যোগ দিতে পারেন না কিন্তু গত ক্রিকেট খেলাতে কে সর্কাপেক্ষা বেশী দোড়িয়াছিল, টেনিসে আজকাল প্রধান খেলোয়ার কে এই সকল বিষয়ে সকলেরই বক্তব্য আছে। হাজার হাজার লোক পয়সা দিয়া বড় বড় খেলা দেখিতে যান। হুংখের বিষয় কেবল উৎসাহ দেখাইয়াই ইহার নিরস্ত নহেন। এই সকল লইয়া বাজির খুব ধুম পড়িয়া যায়। এটা ইংরাজদের জাতীয় স্বভাবের একটা কলঙ্ক। 'কি বাজি,' এটা তাহার এক বিশেষ অঙ্গ হইয়া দাঁড়াইয়াছে। সুরতিখেলা আইনবিরুদ্ধ, কিন্তু কই তাহাতে কিছুই ফল হয় না। ইউনিভার্সিটিতেও—যেখানে এ বিষয়ে কর্তৃপক্ষরা খুব কড়া নিয়ম জারি করিয়াছেন—ইহার খুব প্রাদুর্ভাব। দেশের প্রকাশ্য সাধারণ মত ইহার অত্যন্ত বিরোধী, তাহা কেবল পাদরীদের প্রভাবে। কিন্তু তাহাতে আভ্যন্তরিক রোগের প্রতিকার হয় না।

ইউনিভার্সিটির ব্যায়ামাঙ্গশীলন বিষয়ে রীতি পদ্ধতি অতি সূন্দর। পূর্বে যাহা বলিয়াছি তাহাতেই প্রতীত হইয়াছে, স্বায়ত্বশাসন ও স্থিতিশীল উন্নতি ইহার বিশেষ লক্ষণ। যেমন রাজকীয় বিষয়ে ইংরাজ এই সকলের সামঞ্জস্য করিবার পছন্দ বাহির করিয়াছে, তেমনি এ সকল বিষয়েও বিফল যত্ন হয় নাই। বৎসর বৎসর নতুন নতুন ছাত্র আসিতেছে তথাপি বিভিন্ন প্রকার ব্যায়াম ঠিক সুপ্রণালীমতে চলিয়া আসিতেছে তাহাতে প্রথার উন্নতি হইতেছে। ফুটবল ক্রিকেট প্রভৃতি খেলিতে প্রথম শিক্ষা চাই, সমস্ত স্কুলেই এ সকলের চর্চা আছে। কাজেই অধিকাংশ নতুন লোক এ বিষয়ে অনেকটা দক্ষ। কালেজের মধ্যে যাহারা সর্কাপেক্ষা উৎকৃষ্ট তাহাদের লইয়া কলেজ-টিম (দল) হয়। ইহার অস্ত্র কলেজের টিমের সঙ্গে খেলিতে পান। এইরূপে সকল ইউনিভার্সিটির মধ্যে যাহারা কোন বিষয়ে সর্কশ্রেষ্ঠ তাহাদের লইয়া ভার্সিটি-টিম হয়। ইহারাই অক্সফোর্ডের সঙ্গে এবং বিলাতের অন্যান্য বড় বড় ক্লাবের সঙ্গে খেলিতে পায়। ইহারাই 'ব্লু' উপাধিধারী। ব্লু উপাধি পাওয়া মহাসম্মান। ব্যারিষ্টারদের যেমন লর্ড চান্সেলার হওয়া আকাঙ্ক্ষার শেষ সীমা, তেমনি ইউনিভার্সিটির ব্যায়ামশীল ছাত্রদের মধ্যে ইহাই চরম উদ্দেশ্য। ইহাদের যাহারা নেতা তাহাদের সম্মান সিনিয়ার র্যাঙ্কারের অপেক্ষাও অনেক বেশী।

সকল খেলার অপেক্ষা, নৌকার দাঁড় বাহার উপর লোকের মনোযোগ অধিক। তাহার কারণ বৎসরের সকল সময়েই ইহা চলিতে পারে, তদ্ব্যতীত এবিষয়ে হুই ইউনিভার্সিটিতে প্রতিদ্বন্দ্বিতা কিছু বিশেষ রকমের। যাহাদের ইহাতে পারদর্শিতা লাভ করিবার ইচ্ছা তাহাদের অধিকাংশ সময়ই দাঁড় বাহিতে হয়। প্রত্যহ অভ্যাস করার কথা। কি করিয়া দাঁড় ফেলিতে হইবে, কি করিয়া রজু লইতে হইবে, কি করিয়া ভাল রাখিতে হইবে, তাহা প্রণালীবদ্ধ রাখিয়াছে। বোর্ডের সঙ্গে সঙ্গে তীর দিয়া প্রত্যহ একজন এই সকল বিষয় শিক্ষা দিতে দিতে দোড়ান—ইহাদের কোচ বলে। পারদর্শী লোকের দাঁড় বাহা

একটা অতি সুদৃশ্য। তাহার উপর তাহাদের ব্যায়ামশীল সবল শরীর, কলেজের অস্থায়িক রঙ্গিন কোর্ট (ব্লেকার ও ক্যাপ) আরও সে দৃশ্যের সৌন্দর্য বর্ধন করে। মার্চ মাসের প্রথমে ও মে মাসের শেষে এই দুইবার ভিন্ন ভিন্ন কালেজে এই বিষয়ে প্রতিদ্বন্দ্বীতা হয়। প্রত্যেক কলেজের বোটের নির্দিষ্ট স্থান আছে। যদি কোন বার পরবর্তী বোট, পুর্কের বোটের নাগাইল পায় তবে তাহার এক পদ উন্নতি হয়। কোন কালেজ প্রকার উষ্টিতে পারিলে, ছাত্রদের মহলে খুব ধুমধাম, খাওয়া দাওয়া নৃত্যগীত। এই বাচ খেলার সময়ের দৃশ্য অতি সুন্দর। সারি সারি বোট ভিন্ন ভিন্ন বর্ণের ব্লেকার পরিহিত ছাত্রের হস্তকৌশলে বেগে চলিতেছে; তীরে দলে দলে ছাত্রগণ ভিন্ন ভিন্ন বর্ণের ব্লেকার পরিয়া নিজ কালেজের বোটকে উৎসাহ দিতে দিতে (well rowed Trinity ইত্যাদি) দৌড়িতেছে, দুই পার্শ্বে লোকের জনতা, চীৎকার,—তখন কাহার মন, উৎসাহে নৃত্য না করিয়া থাকিতে পারে? মে মাসের বাচে আরও বিশেষ জাঁক জমক। তখন বিলাতের নানা স্থান হইতে ছাত্রদের বহুগণ কেম্ব্রিজে আসেন। তখন গ্রীষ্মকালের আরম্ভ। যুবতীগণের নানা প্রকারের বেশভূষা সে দৃশ্যের সৌন্দর্য বৃদ্ধি করে। বাচের পর বোট সকল একদিন ছুদল মিলিয়া নানা রকমের ফুল পত্রে সজ্জিত হইয়া কলেজের পশ্চাৎ দিয়া কিছু দূর যায়। তখনকার রঙ্গের বাহার কি চমৎকার।

মে মাসের শেষভাগে, এই বাচ ছাড়া, আরও অনেক আমোদ আফ্লাদ আছে। নানা প্রকার খেলা, বল (Ball) ও চারিদিকে স্ফূর্তিতা সুরূপা রমণীর সমাগম। বৎসরের শেষ কমদিন অধিকাংশ ছাত্রের সুখের কারণ হইয়া দাঁড়ায়।

অকসফোর্ড ও কেম্ব্রিজের বাচখেলার কথা সকলেই শুনিয়াছেন। এমন ইংরাজ কমই আছেন যাহারা এই বিষয়ে বিশেষ আগ্রহ ও উৎসাহ প্রকাশ না করেন। নির্দ্ধারিত দিনের অনেক পূর্বে হইতেই (এক অর্থে প্রায় সমস্ত বৎসরই) ইহার জন্ত আভ্যাস চলে; কিছুদিন পূর্বে হইতে প্রতিদিন তাহার বিবরণ সমস্ত দৈনিক পত্রিকায় বাহির হয়। অধিকাংশ ইংরাজই 'মধ্যভারতে রুস' প্রভৃতি বিষয় অপেক্ষা ইহা অধিক আগ্রহের সহিত পড়েন, এবং এই বিষয় লইয়া তর্ক বিতর্ক করেন। ভার্টিটার লোকের সঙ্গে এ সময়ে সাক্ষাৎ হইলে আর অল্প কিছু বিষয়েই আলোচনা হয় না।

এক্ষণে শিক্ষাপ্রণালীর কথা কিছু বলা আবশ্যিক। 'পাস' পরীক্ষার কথা কিছু বলিতে হইবে না। অনার পরীক্ষা বা ট্রাইপস্ লইয়াই এখানকার জাঁক জমক। পুস্তক বিশেষ অধ্যয়ন করিবার রীতি নাই এবং যে বিষয় শিক্ষা করিতে হইবে, তাহা ভন্ন ভন্ন করিয়া স্বল্প বিস্ময়ভাবে শিক্ষা করিতে হইবে। পরীক্ষার উপযোগী বক্তৃতা আছে কিন্তু বিশেষ শিক্ষা বিশেষ শিক্ষকের (Coach) নিকটেই হয়। বিশ্ববিদ্যালয়ের খ্যাতিনামা উপাধিদারী অনেকেই এইরূপ শিক্ষকতা করেন কারণ ইহাতেই সর্কোপেক্ষা অধিক লাভ। একজন দুইজন কি দশ বার জন ছাত্র পর্য্যন্ত এক সঙ্গে সপ্তাহে তিনদিন তাঁহার বাড়ীতে পড়িতে

যায়। তিনি বক্তৃতা দেন, পড়িবার পদ্ধতি বলিয়া দেন ও সাপ্তাহিক পরীক্ষা করেন। কোন কোন কালেজে আজ কাল (যেমন অকসফোর্ডে) এইরূপ শিক্ষকতার জন্ত লোক নিযুক্ত আছে। শিক্ষার এক বিশেষ দোষ, বিষয় বিশেষে (যেমন গণিতশাস্ত্র) কুটম্ব লইয়া অনেক সময় কাটিয়া যায়। তাহার ফলও ফলে, অনেকের শরীর রুগ্ন হইয়া পড়ে, অনেকের শাস্ত্রের প্রতি বিতৃষ্ণা জন্মিয়া যায়; অনেকেই সহস্রম উপাধি পাইলে তাহার সদ্যবহার করেন না। এই জন্ত অনেকে জর্শ্বণির ধারা আদরণীয় বলিয়া মনে করেন। কিন্তু এ বিষয়ে মতভেদ থাকিলেও, সাধারণতঃ বলা যাইতে পারে, এইরূপ মানসিক ব্যায়ামের গুণ অনেক অল্প বয়সে (১৯ বৎসর হইতে ২২ পর্য্যন্ত) সফলপ্রদ; অধিক বয়স লোকের পক্ষেই জর্শ্বণির প্রথা সফলপ্রদ। তবে শিক্ষাপ্রণালীর বিশেষ দোষ, ইহাতে খরচ অনেক পড়ে, 'coach' রাখিতে হয়। সেই জন্তেও শিক্ষাতে কুটম্ব আসিয়াছে। পরীক্ষকদিগের সহিত ছাত্রদের ও তাহাদের শিক্ষকদের এক প্রকার যুদ্ধ চলিতেছে। দুই দলই আপনাদের নিপুণতা দেখাইতে চেষ্টা করিতেছেন। পরীক্ষকেরাও হয়ত ৪৫ বৎসর অগ্রে ছাত্র ছিলেন। তাহাতে এরূপ প্রতিদ্বন্দ্বিতা বৃদ্ধি পায়, কম হয় না। আজকাল কিন্তু পরীক্ষার নিয়ম এরূপ পরিবর্তিত হইয়াছে যে এইরূপ কুটম্ব অধিক চলিবে না। ইউনিভার্সিটির কর্তৃ-পক্ষীয়েরা নিজেই পূর্বেপ্রণালীর দোষ বৃদ্ধিতে পারিয়াছেন। যেখানে 'স্বায়ত্বশাসন' আছে, এবং লোকে আপনাদের সাহায্য করিতে পারে, সেখানে উন্নতির ভাবনা কি?

আজকাল কেম্ব্রিজে বিজ্ঞানচর্চার বড়ই ধুম পড়িয়া গিয়াছে। গত দশ বৎসরের মধ্যে অনেক বড় বড় Laboratory, Museum ইত্যাদি প্রস্তুত হইয়াছে। বিজ্ঞানচর্চা বিষয়ে ইংলও ইউরোপের অন্যান্য দেশের পরে। কিন্তু শীঘ্রই সকলকে ছাড়াইয়া উষ্টিবার সম্ভাবনা। স্থিতিশীলতাই ইংরাজের স্বাভাবিক; কিন্তু ইহার সহিত উত্তম, উৎসাহ, জাতিগরিমা জড়িত; এই সংলগ্নে উন্নতির বেগ আসিলেই আর সকল জাতিকেই তাঁহার নিকট পরাস্ত হইতে হয়।

শুধু শিক্ষাপ্রণালীতেই বিচার যথার্থ উন্নতি হয় না। বিজ্ঞানচর্চার ভাব চতুর্দিকে জাগরিত থাকা প্রয়োজন। এই ভাব মনে উদ্দীপ্ত না হইলে লোকে বিজ্ঞানচর্চা ও বিজ্ঞান-সত্য আবিষ্কার বিষয়ে যথার্থ আগ্রহ ও উৎসাহ দেখাইতে পারেন না। বিশ্ববিদ্যালয়ে এই ভাব সর্বত্রই দেখিতে পাওয়া যায়। ইহার পূর্বেতন ছাত্রগণের যশ, ইহার ইতিহাস, ইহার চিরন্তন প্রভাব, সকলই ইহার বর্তমান ছাত্রদিগকে স্ব স্ব ক্ষমতাসমারে স্কার্যে—মহৎ কার্যে অগ্রসর হইতে, অভিনায়াণী ও পারক করে।

ত্রীদেবেন্দ্রনাথ মল্লিক।

বঙ্কিমচন্দ্র ।*

(৪)

যে অসাধারণ প্রতিভার অকালমৃত্যুতে সমস্ত বঙ্গদেশে শোকের তরঙ্গ উখিত হইয়াছে, তাঁহার জীবনের সংক্ষিপ্ত পরিচয় সাধারণের অপ্রীতিকর হইবে না। তিনি নৈহাটীর নিকটবর্তী কাঁটালপাড়া নিবাসী স্বর্গীয় সুপ্রসিদ্ধ যাদবচন্দ্র চট্টোপাধ্যায়ের তৃতীয় পুত্র। ১২৪৫ সালের ১৩ই আষাঢ় তারিখে তিনি জন্মগ্রহণ করেন, তৎকালে তাঁহার পিতা বঙ্গদেশের জনৈক সুপ্রসিদ্ধ ডেপুটীকলেक्टर ছিলেন।

স্বকবি Wordsworth যথার্থই বলিয়াছেন—“Child is father of the man”। বঙ্কিমচন্দ্র সশব্দে একথা সর্কথা সত্য। তিনি শৈশবে যে অতুল প্রতিভার পরিচয় দিয়াছিলেন, জীবনের পরিণত অবস্থায় তাহা পূর্ণ বিকশিত হইয়া দেশের অশেষ কল্যাণ সাধন করিয়াছিল। জীবনের প্রভাত সময়ে তিনি তাঁহার আত্মীয়-বন্ধুগণের ও পরিচিত ব্যক্তিবর্গের অন্তরে তাঁহার ভবিষ্যৎ মহত্ত্ব সশব্দে যে আশার সঞ্চার করিয়াছিলেন, জীবনের মধ্যাহ্নকালে তাহা পূর্ণমাত্রায় সফলতা লাভ করিয়াছিল। বাল্যকাল হইতেই তিনি স্মৃতিশক্তি ও অদ্ভুত অধ্যবসায়ের পরিচয় দিয়াছিলেন। কথিত আছে পঞ্চমবর্ষ বয়ঃক্রম কালে তিনি একদিনেই সমস্ত বাঙ্গালা বর্ণমালা শিক্ষা করিয়াছিলেন। বর্ণমালা শিক্ষার পর তিনি কিছুদিন পাঠশালায় শিক্ষালাভ করেন। অসাধারণ স্মরণ-শক্তি ও অত্যাশ্চর্য্য বুদ্ধি প্রভাবে তিনি গুরুমহাশয়ের গভীর ভালবাসা প্রাপ্ত হইয়াছিলেন। তাঁহার আট বৎসর বয়সের সময় তাঁহার পিতা ইংরাজী শিক্ষাদানের অভিপ্রায়ে তাঁহাকে মেদিনীপুরে লইয়া যাইয়া তত্রত্য ইংরাজী বিদ্যালয়ে ভর্তি করিয়া দেন। বালক বঙ্কিমচন্দ্র ইংরাজী শিক্ষায় যেরূপ উৎসাহ ও বুদ্ধির পরিচয় দিয়াছিলেন তাহা শুনিতে বিস্মিত হইতে হয়। তিনি ছয়মাস অন্তর একশ্রেণী হইতে অপর শ্রেণীতে উন্নীত হইয়া বৎসরে দুই শ্রেণীর শিক্ষা শেষ করিতেন, এবং পরীক্ষার সময় প্রায় সর্বোচ্চ স্থান অধিকার পূর্বক সকলের ভালবাসা ও সমাদরের পাত্র হইতেন।

* মহামুভব বঙ্কিমচন্দ্র চট্টোপাধ্যায়ের মৃত্যু-জন্মিত শোক প্রকাশার্থ ভবানীপুরের একটা প্রকাণ্ড সাধারণ সভায় লেখক যে বক্তৃতা করিয়াছিলেন এই প্রবন্ধট তাহারই সার সঙ্কলন। কিছুদিন হইল প্রবন্ধটি আমাদের হস্তগত হইয়াছে—স্থানান্তরবশতঃ উহা গত জ্যৈষ্ঠ মাসের পত্রিকায় প্রকাশিত হয় নাই। প্রবন্ধের কলেবর কিছু দীর্ঘ হওয়ায় উহার কোন কোন স্থান একবারেই পরিত্যক্ত হইয়াছে।
ভাঃ সং।

তাঁহার ত্রয়োদশ বর্ষ বয়ঃক্রম কালে তাঁহার পিতা ২৪ পরগণায় নিয়োজিত হইলেন; সুতরাং তাঁহাকেও পিতার সহিত মেদিনীপুর ছাড়িয়া আসিতে হইল। এই সময় তিনি হুগলী কলেজে প্রবিষ্ট হইলেন। নির্দিষ্ট পাঠ্যপুস্তকে তাঁহার অসীম জ্ঞান-পিপাসা মিটত না—তিনি পাঠ্যপুস্তক ছাড়িয়া প্রতিদিন বিদ্যালয়ের পুস্তকালয় হইতে রাশি রাশি সদ্গ্রন্থ পাঠে নিবিষ্টচিত্ত হইতেন। ইহাতে তাঁহার বার্ষিক পরীক্ষাদানের কোন ব্যাঘাত বা ক্ষতি জন্মিত না—প্রতি বৎসর পরীক্ষাতে তিনি সর্বোচ্চ স্থান অধিকার ও বহুবিধ মূল্যবান পুরস্কার লাভ করিতেন। হুগলী কলেজ হইতেই তিনি যথা সময়ে বিশেষ দক্ষতার সহিত সিনিয়ার স্কলারশিপ পরীক্ষায় উত্তীর্ণ হইয়াছিলেন। এই কলেজে অধ্যয়ন কালে তিনি কাঁটালপাড়ার কোন কৃতবিদ্ব অধ্যাপকের নিকট চারি বৎসর কাল যত্ন-সহকারে সংস্কৃত শিক্ষা করেন।

হুগলী কলেজের পাঠ শেষ হইলে বঙ্কিমচন্দ্র আইন শিক্ষার জন্ত প্রেসিডেন্সি কলেজে প্রবিষ্ট হন। ১৮৫৮ সালে বি, এ, পরীক্ষার প্রথা প্রথম প্রবর্তিত হয়। তিনি আইন পাঠ বন্ধ রাখিয়া উক্ত পরীক্ষার্থ প্রস্তুত হইতে লাগিলেন, এবং অল্পকালের মধ্যেই উক্ত পরীক্ষায় উত্তীর্ণ হইয়া বিশেষ সম্মান লাভ করিলেন। তিনিই বঙ্গদেশের সর্বপ্রথম বি, এ, উপাধিধারী। প্রেসিডেন্সি কলেজে পাঠকালে কি সাহিত্য, কি ইতিহাস, কি গণিত, কি বিজ্ঞান; সকল বিষয়েই তিনি বিশেষ প্রতিষ্ঠা লাভ করিয়াছিলেন। বঙ্গদেশের তদানীন্তন গুণগ্রাহী লেফটেনেন্ট গবর্নর হ্যালিডে সাহেব তাঁহার অসামান্য বিদ্যাবুদ্ধির পরিচয়ে মুগ্ধ হইয়া তাঁহাকে ডেপুটী ম্যাজিস্ট্রেটের পদে নিযুক্ত করিলেন। বিংশতিবর্ষ বয়ঃক্রম কালে তিনি এই অবাচিত রাজ-সম্মান গ্রহণ পূর্বক যশোহর গমন করিলেন। প্রায় ৫।৬ মাসের মধ্যেই তাঁহার কার্য ও বিচার-দক্ষতার প্রশংসা শুনা যাইতে লাগিল। এই স্থানে অবস্থান কালেই ইনি তাঁহার পূর্ব-পরিচিত স্নেহধক দীনবন্ধু মিত্রের সহিত স্মৃঢ় বন্ধুত্ব-স্বত্রে আবদ্ধ হন। যখন বঙ্কিমচন্দ্র হুগলী কলেজে পাঠ করিতেন তখন ঈশ্বরচন্দ্র গুপ্তের “সংবাদ প্রভাকর” নামক সংবাদপত্রে দীনবন্ধুর বিদ্যাবুদ্ধির প্রথম পরিচয় পান। উক্ত সংবাদপত্রে দীনবন্ধু মিত্র ও দ্বারকানাথ অধিকারী বিবিধ বিষয়ে কবিতা লিখিতেন। তিনিও তাঁহাদের সহিত প্রতিযোগিতা প্রদর্শনের জন্ত উহাতে কবিতা লিখিতে প্রবৃত্ত হইয়াছিলেন।

সাত মাস কাল যশোহরে অবস্থিতির পর তিনি কাঁথি মহকুমার কার্যভার প্রাপ্ত হন। একবৎসর কাল দক্ষতার সহিত তথায় বিচার ও শাসন-কার্য সম্পাদন করিয়া খুলনার প্রেরিত হইলেন। এই সময় দুর্দান্ত নীলকরগণের অত্যাচারে তত্রত্য দরিদ্র প্রজাবর্গ একান্ত উৎপীড়িত ও ব্যতিব্যস্ত হইয়াছিল। প্রবল নীলকরদিগের ভীষণ উৎপীড়ন ও অসহায় দুর্দল প্রজাবর্গের দুর্গতি ও কাতর ক্রন্দন স্বচক্ষে দর্শন করিয়া তাঁহার কোমল হৃদয় একান্ত ব্যথিত হইল। যে হতভাগ্য উৎপীড়িত প্রজাবর্গের দুঃখবহা ও সকাতির ক্রন্দনে

তাঁহার প্রিয়স্বহৃদ সহৃদয় দীনবন্ধু নীলকরণের বিষয়ত ভগ্ন করিবার জন্ত “নীল দর্পণ” রূপ অমোঘ অস্ত্রের সৃষ্টি করিয়াছিলেন; তিনিও খুলনার স্বচক্ষে তাহাদের কার্যকলাপ দেখিয়া অবিলম্বে নিজে দীনবন্ধুর সহিত পরামর্শ করিয়া নীলকর-অত্যাচার দমনে যথাসাধ্য চেষ্টা ও শক্তি নিয়োগ করিলেন।

এই সময় হইতেই বঙ্কিমচন্দ্রের হৃদয়ে স্বদেশান্তরগণ ও স্বজাতি-প্রেম বদ্ধমূল হইতে লাগিল—এই সময় হইতেই তিনি ছুটির দমন ও শিষ্টের পালন, স্বাধীনতাপ্রিয়তা ও শ্রামান্তরগণের পরিচয় প্রদানে কি বিদেশীয়, কি স্বদেশীয়, সকলেরই ভক্তি ও শ্রদ্ধা সমভাবে আকর্ষণ করিতে লাগিলেন। তিনি সাহিত্য-জগতে যে অতুল প্রতিভার পরিচয় দানে অমরতা লাভ করিয়াছেন, খুলনার অবস্থিতি কালেই তাহার প্রথম বিকাশ। এই সময় কিশোরীচাঁদ মিত্র কর্তৃক সম্পাদিত “Indian field” নামক পত্রিকার বিশেষ প্রতিপত্তি ছিল। বঙ্কিমচন্দ্র ইহাতে প্রথমতঃ “Rajmohan's wife” নামক একটা উপন্যাস ইংরাজীতে লিখিতে আরম্ভ করেন। হুঃখের বিষয় উপন্যাসটি সম্পূর্ণ হইবার পূর্বেই ইংরাজীতে লিখিতে আরম্ভ করেন। হুঃখের বিষয় উপন্যাসটি সম্পূর্ণ হইবার পূর্বেই পত্রিকাখানি বন্ধ হইয়াছিল। ইংরাজী ভাষায় তাঁহার অসাধারণ ব্যুৎপত্তি ছিল—ইচ্ছা করিলে তিনি উপন্যাসখানি শেষ করিয়া ইংরাজী ভাষায় আরও অনেকগুলি উপন্যাস ও বিবিধ সদগ্রন্থ লিখিয়া ইংরাজী ভাষায় স্বলেখক বলিয়া পরিচিত হইতে পারিতেন। কিন্তু তিনি শীঘ্রই বুঝিতে পারিলেন যে, সর্কাস-স্বন্দর সমুজ্জল-রঙ্গ-রাজি-সুশোভিত ইংরাজী সাহিত্যভাণ্ডারের অঙ্গ-পুষ্টি সাধন ও শোভা সঞ্চর্ধনে প্রতিপত্তি লাভের প্রয়াস বঙ্গীয় লেখকের পক্ষে বিভ্রম মাত্র। স্বদেশান্তরগণী বঙ্কিমচন্দ্র শুভক্ষণে ইংরাজী ভাষায় পুস্তক রচনার ইচ্ছা পরিত্যাগ পূর্বক বিপুল উৎসাহ ও অতুল আনন্দের সহিত মাতৃভাষার পরিচর্যা ও পরিপুষ্টি সাধনে কৃতসঙ্কল্প হইলেন। প্যারিচাঁদ মিত্রের প্রদর্শিত উজ্জল দৃষ্টান্ত অল্পসংখ্যক পূর্বক তিনি সংস্কৃতান্তরগণী হুবোধভাষা সাধারণের বোধগম্য সরল ভাষায় পরিণত এবং উহাতে হৃদয়ের বিবিধ ভাব-নিচয় সহজে স্পন্দরূপে বিকশিত করিবার উপযোগী উপকরণ লইয়া “হুর্গেশনন্দিনী” রচনায় মনোনিবেশ করিলেন। তিনি যে সময় মাতৃভাষায় গ্রন্থ প্রণয়নের জন্ত লেখনী ধারণ করিয়াছিলেন, তখন উক্ত ভাষায় যে কিরূপ ছরবহা ছিল, তাহা বঙ্কিমচন্দ্রের লিখিত “বাস্তালা সাহিত্যে ৩প্যারিচাঁদ মিত্রের স্থান” শীর্ষক প্রবন্ধে বিশেষরূপে জানিতে পারা যায়।

সুপ্রসিদ্ধ উপন্যাস লেখক স্বর্টের “Ivanhoe” গ্রন্থের ছায়ামাত্র অবলম্বনে বঙ্কিমচন্দ্র “হুর্গেশনন্দিনী” উপন্যাস রচনায় প্রসূত হইয়া নূতন ভাব ও নূতন কল্পনা ও মাধুর্যের একত্র সমাবেশে বঙ্গভাষাকে প্রথমতঃ কতকগুলি কুসংস্কার ও কুপ্রথার নিগড় হইতে নিশ্চুক্ত করিবার জন্ত বন্ধপরিষ্কার হইলেন। খুলনা হইতে বারুইপুরে প্রেরিত হইবার অল্পকাল পরেই এই উপন্যাস গ্রন্থাকারে প্রকাশিত হইল। অমনি চারিদিকের পণ্ডিত-মণ্ডলী হইতে গ্রন্থকর্তার প্রতি স্তুতিস্বরূপ সমালোচনার বাণ বর্ষিত হইতে লাগিল। এই সকল

সংস্কৃতভিমানী পণ্ডিতগণের অগ্রণী দ্বারকানাথ বিজ্ঞানভূষণ তাঁহার প্রতি সমধিক নিষ্ঠুরভাবে আক্রমণ করিয়াছিলেন, তিনি নির্ভীক হৃদয়ে দণ্ডায়মান থাকিয়া সমস্ত আক্রমণ সহ্য করিতে লাগিলেন, এবং সমালোচনা-স্রোত মন্দীভূত হইতে না হইতেই নব তেজ নব উৎসাহ ও নব অধ্যবসায় সহকারে সূচক আভরণে নূতন নূতন গ্রন্থ রচনায় বঙ্গভাষার শোভা সম্পাদন ও সম্পদ বর্ধনে মনোনিবেশ করিলেন। বারুইপুরে অবস্থানকালে “কপালকুণ্ডলা” ও “মৃগালিনী” নামক দুইখানি উপন্যাস প্রকাশ করিলেন।

বহরমপুর অবস্থান কালে, ১২১৯ সালে তিনি “বঙ্গ দর্শন” মাসিক পত্র প্রচার করেন। এই বঙ্গদর্শন হইতে তাঁহার প্রতিপত্তি ও গৌরব দেশ দেশান্তরে পরিব্যাপ্ত হইল। বঙ্গদর্শন চারি বৎসর কাল নিয়মিত রূপে তৎকর্তৃক পরিচালিত হইয়া বঙ্গ সাহিত্যের উন্নতি-পথে এক নূতন যুগ আনয়ন ও মহা-বিপ্লব সাধন করিয়াছিল। বঙ্কিমচন্দ্র তাঁহার পত্রে পত্রে কত প্রাণ কত আলোক, কত তেজ, কত উৎসাহ, কত উদ্দীপনা, কত মধু ও কত মদিরা ঢালিয়া দিয়া বঙ্গ সাহিত্যের উন্নতির স্রোত পূর্ণ উচ্ছ্বাসে উচ্ছ্বসিত, করিয়াছেন। তিনি একদিকে নির্মাণ ও অপর দিকে সংস্কার ও উচ্ছেদ সাধনে বঙ্গ ভাষার উন্নতির স্রোত বেগে প্রবাহিত করিয়াছিলেন। অদূরদর্শী ও চিন্তা-শক্তি-বিহীন লেখকগণের যথেষ্টাচারে বঙ্গ-সাহিত্যের উন্নতির পথে যে সকল জঞ্জাল ও আবর্জনা জন্মিতেছিল, তাঁহার কঠোর অল্পশাসনে তৎসমস্ত ছিন্ন ভিন্ন ও ইতততঃ অনাদরে বিক্ষিপ্ত হইয়া উক্ত পথ পরিমার্জিত হইয়াছিল। বঙ্গ দর্শনের সমুজ্জল দৃষ্টান্তস্বরূপে দিন দিন কত পুস্তক, কত পত্রিকা, ও কত প্রবন্ধ প্রণীত ও প্রকাশিত হইয়া বঙ্গ-সাহিত্য ভাণ্ডার পূর্ণ হইতে লাগিল।

নানা কার্যে যোরতর পরিশ্রম বশতঃ তাঁহার স্বাস্থ্য ভঙ্গ হওয়াতে ১২৮২ সালের শেষ ভাগে তিনি বঙ্গদর্শনের সম্পাদকীয় কার্যভার পরিত্যাগ করিলেন। যতদিন বাঙ্গালি জাতি ও বাঙ্গালা ভাষা জগতে বিদ্যমান রহিবে, ততদিন বঙ্গদর্শনে বঙ্কিমচন্দ্রের অনন্ত কীর্তি অক্ষুণ্ণ ভাবে জগতের বিশাল স্মৃতি-ক্ষেত্রে বিরাজিত রহিবে।

১২৮৩ সালে তাঁহার স্ত্রীমোক্ষমধ্যম ভ্রাতা সঞ্জীবচন্দ্র বঙ্গদর্শনের পুনঃ সম্পাদন ভার লইলেন। তৎকর্তৃক পরিচালিত হইয়া বঙ্গদর্শন আরও কয়েক বৎসর সগৌরবে স্বকর্তব্য সাধনে ব্রতী হইল। বঙ্কিমচন্দ্র তখনও উহাতে বিবিধ উপন্যাস ও প্রবন্ধের অবতারণায় বঙ্গ-সাহিত্যের পরিচর্যায় বিরত হন নাই।

বঙ্গদর্শনের সঙ্গে সঙ্গে “বিষুবন্ধু,” “চন্দ্রশেখর,” “কৃষ্ণ কান্তের উইল,” “দেবী চৌধুরাণী,” “আনন্দ মঠ,” “সীতারাম,” “ইন্দিরা,” “কমলাকান্তের দপ্তর,” “বিজ্ঞান রহস্য,” ও “দাম্য,” প্রভৃতি গ্রন্থনিচয় দিন দিন বঙ্গ-সাহিত্যের কলেবর পরিপুষ্ট ও সমৃদ্ধি বর্ধন করিয়াছিল। তাঁহার এক একখানি গ্রন্থ বঙ্গভাষায় এক একটা অতুল্য রঙ্গ-স্বরূপ।

বঙ্কিমচন্দ্র জীবনের শেষাবস্থায় তাঁহার তেজস্বিনী কল্পনা ও উদ্দাম ভাব-তরঙ্গ স্পৃহিত

করিয়া জগতের কল্যাণকর অভিনব ধর্মতত্ত্বের আলোচনার বঙ্গ-সাহিত্যের নবজীবন বিধান ও নবশোভা সম্বন্ধে প্রবৃত্ত হইলেন। কৃষ্ণচরিত্র ও ধর্মতত্ত্বে তিনি সরাস্ত্রঃকরণে সহজ প্রণালীতে যে সকল কুসংস্কার বর্জিত গভীর ধর্ম-মত প্রকাশ করিয়াছেন, তাহা অতিশয় বিস্ময়জনক। তিনি হিন্দুর গৃহ-দেবতা ত্রীক্ষণের দেবত্ব ও মহত্ব প্রতিপাদনার্থ ত্রীক্ষণ চরিত্রে যেরূপ ধীর ও সংযতভাবে সংসাহস, সূন্দর যুক্তি, পরিমার্জিত বিচার-শক্তি গভীর অল্পসঙ্কীর্ণতা ও কঠোর সত্যানুসারের পরিচয় দান করিয়াছেন, তাহা পাঠ করিলে কুসংস্কারাচ্ছন্ন ব্যক্তিরও হৃদয় অনির্কচনীয় আনন্দ ও অপার বিস্ময়ে উদ্বেলিত হইয়া উঠে। অল্প দিন হইল তিনি হিন্দুর অমূল্য ধর্মগ্রন্থ গীতার বিশদ ব্যাখ্যা ও বেদের বিশুদ্ধ ভাষ্য প্রচারে প্রবৃত্ত হইয়াছিলেন। বঙ্গভূমির ঘোর দুর্ভাগ্য বশতঃ এই দুইটি অবলম্বিত বিষয় পরিসমাপ্ত হইবার পূর্বেই নির্ভর কাল তাঁহাকে অনন্ত সমুদ্রে নিমজ্জিত করিল! এই দুইটি মহৎ বিষয় সংসাধিত হইলে জগতের অশেষ কল্যাণ ও বঙ্গ-সাহিত্যের চিরস্থায়ী ত্রীযুক্তি সাধিত হইত।

লেখক বঙ্কিমকে অনেকেই জানেন, কিন্তু মাহুষ বঙ্কিমটী সকলের পরিচিত নহেন। তাঁর হৃদয়ের চারু শোভা সকলের বিদিত নহে। মাতাপিতার প্রতি প্রগাঢ় অহুরাগ স্বাধীনতা-প্রিয়তা ও শ্রায়াহুরাগ তাঁহার হৃদয়ের উজ্জ্বল অলঙ্কার স্বরূপ ছিল। তোষামোদ ও অথবা স্ততিবাদে রাজপুরুষগণের মনোরঞ্জে তিনি চিরকাল সমভাবে যুগা ও অনায়া প্রকাশ করিতেন; এজন্য তিনি দুই একবার দুই একজন উচ্চত-স্বভাব দাত্তীক রাজ-কর্মচারীর একান্ত অপ্রিয় ভাজন হইয়াছিলেন। তাহাতেও তাঁহার স্বাধীনতা ও সত্যানু-রাগ থক্ক হয় নাই। শ্রায়-বিচার ও কার্য-বিচক্ষণতা প্রভাবে তিনি কি স্বদেশীয় কি বিদেশীয়, সকলেরই সমান ভাবে শ্রদ্ধা ও সম্মানভাজন হইয়াছিলেন।

তিনি চিরদিন নির্ভয়ে ও অসঙ্কোচে উদার মত প্রকাশে আনন্দ অনুভব করিতেন। একবৎসর গত হইল শোভাবাজারের সুশিক্ষিত ও সহৃদয় কুমার বিনয় কৃষ্ণদেব, হিন্দুর সমুদ্র-যাত্রা শাস্ত্র-নিষিদ্ধ কিনা তৎসম্বন্ধে তাঁহার অভিমত জিজ্ঞাসা করিয়াছিলেন। তদুত্তরে তিনি হৃদয়গ্রাহী যুক্তির সহিত হিন্দুর সমুদ্র-গমন শাস্ত্রবিরুদ্ধ নহে, একথা প্রতিপন্ন করিবার জন্ম যে সকল উদার মত প্রকাশ করিয়াছিলেন, তাহা যাহারা পাঠ করিয়াছিলেন, তাঁহারা সুস্পষ্টরূপে বুঝিতে পারিয়াছিলেন সে তাঁহার উন্নত হৃদয় কুসংস্কার হইতে অতি দূরে অবস্থিত করিত।

বঙ্গুর প্রতি তাঁহার অকৃত্রিম অহুরাগ ও গভীর ভালবাসা ছিল। কমলজন লোক তাঁহার শ্রায় বঙ্গুর প্রতি সমাদর ও প্রীতি প্রদর্শন করিতে জানেন? যে সৌভাগ্যশালী ব্যক্তি একবার তাঁহার শ্রদ্ধা ও ভালবাসা লাভ করিয়াছিলেন, তিনি চিরদিন তাঁহার প্রগাঢ় প্রেম ও প্রীতি উপভোগ করিয়াছেন। দীনবন্ধুর প্রতি তাঁহার কিরূপ অকৃত্রিম ভালবাসা ছিল, যাহারা দীনবন্ধুর জীবন চরিত ও আনন্দ মঠের উৎসর্গ-পত্র পাঠ করিয়াছেন, তাঁহারা তাহা

পূর্ণ মাত্রায় অনুভব করিতে সমর্থ হইয়াছেন। তাঁহার বঙ্গুগণের মধ্যে অনেক সৌভাগ্য-শালী ব্যক্তি জীবিত থাকিয়া এখনও স্বদেশ ও স্বজাতির কল্যাণার্থে নিযুক্ত আছেন - বঙ্কিমচন্দ্রের অকাল অন্তগমনে আজি তাঁহাদের হৃদয় একান্ত শোকাকুল হইয়া উঠিয়াছে।

অপরিচিত লোকের প্রতিও তিনি কখনও বিনয়, নম্রতা ও সন্মতবহার প্রদর্শনে কুণ্ঠিত হন নাই। সকলের প্রতি শিষ্টাচার প্রদর্শন ও গুণীর প্রতি সমাদর ও সম্মান প্রকাশ তাঁহার চরিত্রের আর একটি প্রধান গুণ ছিল। একদিন কোন একটি বিশেষ ঘটনা উপলক্ষে আমি তাঁহার শিষ্টাচার ও গুণীর প্রতি শ্রদ্ধার পরিচয় পাইয়া একান্ত পরিতুষ্ট হইয়াছিলাম। প্রায় ৫ বৎসর গত হইল আশ্বিন মাসে বিজয়াদশমীর পরে এক দিন আমি তাঁহার কলিকাতার বাটীতে তাঁহার সহিত সাক্ষাৎ করিতে গিয়াছিলাম। তথায় উপস্থিত হইয়া দেখিলাম, তিনি একখানি সোফায় বসিয়া সংবাদ-পত্র পাঠ করিতেছেন। আমি তাঁহার চরণ তলে ভূমিষ্ট হইয়া প্রণামান্তর তাঁহার পদধূলি গ্রহণ করিতে উদ্যোগী হইলে তিনি শিষ্টাচার বশতঃ তদীয় চরণ-যুগল বস্ত্রাবৃত করিয়া লুকাইতে চেষ্টা করিলেন; এবং বলিলেন “পদধূলি পাইবে না”। তখন আমি তাঁহাকে বিনম্রভাবে বলিলাম, “আমি হিন্দুর মস্তান—হিন্দুর প্রথা অনুসারে আপনাকে বিজয়া দশমীর প্রণাম করিতে আসিয়াছি—পদধূলি গ্রহণে আমার বিশেষ প্রয়োজন।” তিনি হাসিমাখা মুখে বলিলেন, “প্রণাম করিয়াছ, তাহাতেই আমি যথেষ্ট সুখী হইয়াছি—পদধূলী পাইবে না—বিশেষ আত্মীয় ও গুরুজন ভিন্ন যার তার পদধূলি গ্রহণ ভাল নয়।” আমি বলিলাম, “সত্যই কি আপনার পদধূলি গ্রহণে আমার অধিকার নাই?—বিদ্যালয়ে আপনার নিকট শিক্ষা লাভ করি নাই সত্য, কিন্তু গৃহে বসিয়া আপনার পুস্তকরাশি হইতে যে অপূর্ণ শিক্ষা লাভ করিয়াছি তাহা চিরজীবন মনে থাকিবে। আপনার বঙ্গদর্শন যৎকালে প্রকাশিত হয় তখন আমি ক্ষুদ্র বালক—তখন উহার প্রকৃত মর্ম ও উদ্দেশ্য বুঝিতাম না, কিন্তু পরে বয়ঃক্রম বৃদ্ধির সঙ্গে সঙ্গে উহা হইতে কত গভীর তত্ত্বের শিক্ষা লাভ করিয়াছি। আপনার “চন্দ্রশেখর” ও “প্রতাপ” আমার নিকট দেবতার শ্রায় আরাধ্য। আপনার “আনন্দ মঠ” হইতে গভীর স্বদেশভক্তি ও স্বদেশের প্রতি সন্তানের কর্তব্য শিক্ষা পাইয়াছি। অতএব আপনার পদধূলি গ্রহণে আমার সম্পূর্ণ অধিকার আছে। তবে যদি আপনি আমাকে উহা গ্রহণের অযোগ্য বিবেচনা করেন, তাহা হইলে কায়ে কায়েই আমি নিরস্ত হইব।” এই কথা বলিবা মাত্র তিনি আনন্দের সহিত চরণদ্বয়ের বস্ত্র উন্মোচন পূর্বক বলিলেন,—“এই লও! “এতক্ষণ পায়ে মোজা আঁটা ছিল, এই মাত্র উহা খুলিয়া ফেলিয়াছি! মোজা আঁটা পরিষ্কার পায়ে একবিন্দুও ধূলি পাইবে না।” আমি আপন মনে আমার বাসনা পূর্ণ করিলাম। তিনি দুই বাহু প্রসারণ পূর্বক দণ্ডায়মান হইলেন এবং আমাকে স্বকোমল ও স্নানিত আলিঙ্গন-পাশে আবদ্ধ করিয়া বলিলেন, “আমার পায়ের ধূলা তোমার মাথায় এক বিন্দুও লাগে নাই, কিন্তু সত্য সত্যই আর কোথা হইতে মস্তকে ধূলা লাগিয়াছে, আমি তাহা

ঝাড়িয়া দিতেছি,— এই বলিয়া তিনি গভীর স্নেহের সহিত আমার মস্তকে হাত বুলাইতে লাগিলেন। প্রায় ৫ মিনিট কাল ঐরূপ অবস্থায় আমি তাঁহার আলিঙ্গন মধ্যে আবদ্ধ রহিলাম। যতদিন আমি জীবিত থাকিব ততদিন তাঁহার সেই প্রগাঢ় স্নেহ আমার স্মৃতি-পথে দেদীপ্যমান রহিবে।

আমরা উভয়ে যথাস্থানে উপবিষ্ট হইলে তিনি হাসিতে হাসিতে জিজ্ঞাসা করিলেন “তবে কি আজ কেবল বিজয়াদশমীর প্রণাম করিতে আসিয়াছ, অথবা আরও কিছু প্রয়োজন আছে?” আমি বলিলাম, “আমার আর একটা বিনীত প্রার্থনা আছে।” “আমি স্বর্গীয় মহাত্মা প্যারীচাঁদ মিত্র মহাশয়ের জীবনচরিত লিখিবার জন্ত কতিপয় মাননীয় আত্মীয় বন্ধু কর্তৃক অল্পরুদ্দ হইয়াছি। আপনার মুখে আমি অনেকবার উক্ত মহাত্মার প্রশংসাবাদ শুনিয়াছি—আপনি যদি অল্পগ্রহ পূর্বক আমার কার্যে সহায়তা করেন, তাহা হইলে আমি নির্ভয়ে এই গুরুতর কার্যে প্রবৃত্ত হইতে পারি।” তিনি উৎসাহের সহিত বলিলেন, “আমাকে কি করিতে হইবে বল—আমি তাহা অবশ্য করিব।” আমি বলিলাম, “আপনাকে প্রস্তাবিত পুস্তকের আছোপাস্ত যন্ত্রের সহিত দেখিয়া সংশোধন ও পরিবর্তনাদি করিয়া দিতে হইবে, এবং পুস্তকখানির জন্ত একটা দীর্ঘ ভূমিকা লিখিতে হইবে।” তিনি হাসিতে হাসিতে বলিলেন, “আমি আনন্দের সহিত এই ভার লইতে প্রস্তুত আছি—আমি পুস্তকখানি যন্ত্রের সহিত দেখিয়া দিব এবং উহাতে একটা সুন্দর ভূমিকা লিখিব।” এই বলিয়া তিনি আমার যথেষ্ট উৎসাহ বর্দ্ধন ও প্যারীচাঁদের কতই গুণকীর্তন করিলেন। এই দিন তিনি সুস্পষ্টরূপে উল্লেখ করিয়া ছিলেন যে বঙ্গসাহিত্যের সেবা ও উন্নতি সাধনে প্যারীচাঁদ মিত্রই তাঁহাকে পথ প্রদর্শন পূর্বক উৎসাহ দান করিয়াছিলেন। আমাদের দেশের অনেক স্থলেখক ঈর্ষাপরতন্ত্র হইয়া তাঁহার পূর্ববর্তী অথবা সমসাময়িক লেখকের প্রতিভা ও ক্ষমতা স্বীকার করিতে রুঠিত হন। বন্ধিমচন্দ্র সে প্রকৃতির লোক ছিলেন না—তিনি অকপটে প্যারীচাঁদের গুণবস্ত, বুদ্ধিমত্তা ও স্বদেশানুরাগের যথেষ্ট প্রশংসা করিলেন। এই দিন হইতে আমি বন্ধিমচন্দ্রকে ভালরূপে চিনিলাম—এই দিন হইতে আমি তাঁহার প্রকৃত স্নেহ ও ভালবাসা লাভ করিয়া তাঁহাকে অন্তরের সহিত শ্রদ্ধা ও ভক্তি করিতে শিখিলাম।

তিন বৎসর হইল বন্ধিমচন্দ্র রাজকার্য্য পরিত্যাগ করিলে একদিন আমি কোন প্রয়োজন উপলক্ষে তাঁহার বাটতে গিয়াছিলাম। সেই সময় দেশীয় সংবাদপত্রে কোন একটা রাজনৈতিক বিষয়ের ঘোরতর আন্দোলন চলিতেছিল। অনেকক্ষণ পর্য্যন্ত তিনি আমার সহিত উক্ত আন্দোলন সম্বন্ধে বিবিধ বিষয়ের বাদানুবাদ করিলেন। প্রতি কথায় আমি তাঁহার গভীর রাজনীতি-জ্ঞানের পরিচয় পাইয়া বিশেষ আনন্দ লাভ করিতে লাগিলাম। তিনি কথা প্রসঙ্গে বলিলেন, “ভারতবাসীর হুঃখ ও অভাবে প্রকৃত রূপে সহায়ত্ব প্রকাশ করেন, এরূপ ইংরেজ এ দেশে অল্পই আছেন—যাহারা সেরূপ উদার প্রকৃতির লোক

তাঁহার ক্ষণক্ষমা।” এই বলিয়া তিনি রেভিনিউ বোর্ডের ভূতপূর্ব প্রধান মেম্বর ক্রীযুক্ত রেণল্ড্‌স সাহেবের কোন কোন গুণের বিশেষ প্রশংসা করিলেন। তিনি বলিলেন, “এই লোকটি যতদিন এ দেশে ছিলেন, ততদিন কেহ তাঁহার প্রকৃতির প্রকৃত পরিচয় পায় নাই। এ দেশ ছাড়িয়া গেলে পর অনেকে তাঁহাকে জানিতে পারিয়াছে—এখন অনেকেই তাঁহার মহত্ব অল্পভব করিতেছেন। আমাদের কনগ্রেসের সহিত তাঁহার বিশেষ সহায়ত্ব আছেন।” যখন আমি তাঁহার মুখে “আমাদের কনগ্রেস” এই কথা শুনিলাম, তখন মনে বড়ই আনন্দ জন্মিল। তাঁহার কথা শেষ হইলে আমি সুযোগ পাইয়া বলিলাম—“আপনি এক্ষণে রাজকার্য্য হইতে অবসর পাইয়াছেন—এখন যদি আপনি কনগ্রেসে যোগদান করেন তাহা হইলে উহার বিশেষ হিত সাধিত হইতে পারে; আপনি কি উহাতে যোগদান করিবেন না?”

তিনি হাসিতে হাসিতে বলিলেন, “আপাততঃ নয়।” আমি আগ্রহাতিশয় সহকারে জিজ্ঞাসা করিলাম, “কেন দিবেন না?” তিনি বলিলেন, “তুমি একজন কনগ্রেসের চেলা, স্তরাতঃ উহার বিশেষ পক্ষপাতী—আমি কি জন্ত উহাতে এখন যোগ দিতে পারি না, তাহা বলিলে হয় ত তুমি ব্যথিত হইবে, এজন্ত উহা না বলাই ভাল—তবে আমি এই পর্য্যন্ত বলিতে পারি যে, আমি কনগ্রেসের বিপক্ষ বা উহার অনিষ্টাকাজী নহি।” কনগ্রেসে তাঁহার যোগ দান না করিবার কারণ জানিবার জন্ত আমি বিশেষ উৎসাহ প্রদর্শন করিলে তিনি বলিলেন,—“কনগ্রেসের প্রতি আমার সহায়ত্ব নাই, এ কথা আমি কখনই বলিতে পারি না—উহার উদ্দেশ্য অতি মহৎ তদ্বিষয়ে কাহারও কোন সন্দেহ নাই; কিন্তু যে প্রণালীতে উহার কার্য্য পরিচালিত হইতেছে তাহাতে আজ পর্য্যন্ত উহা সাধারণের যোগদানের উপযুক্ত হয় নাই। উহার সমস্ত আন্দোলন যেন ক্ষণস্থায়ী ও অন্তঃসারশূন্য বলিয়া প্রতীয়মান হয়। উহা এখনও সমস্ত দেশের লোকের সাধারণ সম্পত্তি হয় নাই—দেশের সাধারণ লোকদিগকে দূরে এবং অন্ধকারে রাখিয়া কতিপয় শিক্ষিত লোকের অভিপ্রায় অল্পরূপে কার্য্য সাধিত হইলে কখনই উহার গৌরব বর্দ্ধিত হইবে না এবং দেশের লক্ষ লক্ষ অশিক্ষিত লোক কখনই উহার আবশ্যকতা ও মহত্ব অল্পভব করিতে সমর্থ হইবে না। দেশের সাধারণ জনসমষ্টিকে মন্ত্রণা-গৃহ হইতে দূরে রাখিয়া বৎসরান্তে একবার ক্ষণস্থায়ী আন্দোলনে প্রমত্ত হইলে তাহাতে দেশ জাগিবে না যতদিন দেশের লক্ষ লক্ষ অশিক্ষিত লোকদিগের জ্ঞান-চক্ষু প্রস্ফুট করিবার কোন ব্যবস্থা প্রবর্তিত না হইবে, যতদিন তাহার তাহাদের প্রকৃত অভাব ও স্বদেশের প্রতি তাহাদের কঠোর কর্তব্য বুঝিতে সক্ষম না হইবে, যতদিন ধর্ম্মনীতি ও সমাজনীতি রাজনৈতিক আন্দোলনের মূলভিত্তি না হইবে, ততদিন কেবলমাত্র নীরস রাজনৈতিক আন্দোলনে দেশের সর্বাঙ্গীন উন্নতি সাধিত হইবার কোন সম্ভাবনা নাই। যাহার গৃহে চির অন্ধকার, দুর্নীতি স্রোতে যাহার সমস্ত অল্পটান ভাসিয়া যাইতেছে, কেবল রাজনীতির আলোচনায় তাহার কি স্থায়ী মঙ্গল সাধিত হইতে

পারে ? আমার বিবেচনার রাজনীতির সঙ্গে সঙ্গে ধর্মনীতি ও সমাজনীতির আন্দোলন সমস্ত দেশ মধ্যে পরিব্যাপ্ত হওয়া উচিত। সর্বাগ্রে সকলের অধিক পরিমাণে সরলতা ও আয়ত্যাগ শিক্ষা করিতে যত্নবান হওয়া সর্বতোভাবে কর্তব্য। আমি নানা চিন্তা ও নানা আন্দোলনের পর এক্ষণে ধর্মগ্রন্থের অমূল্যলন ও ধর্মতত্ত্ব প্রচারে মনোনিবেশ করিয়াছি— আমার দৃঢ় বিশ্বাস এই যে, ধর্মচর্চা ও ধর্মামুঠান ব্যতিরেকে মনুষ্যের প্রকৃত মহত্ত্ব ও উন্নতি সাধিত হয় না—একমাত্র ধর্মামুঠানই জাতিমাত্রকে প্রকৃত বলশালী ও গৌরবান্বিত করিতে পারে। এই জন্তই সর্বাগ্রে আমাদের সৎ ও ধার্মিক হইতে হইবে, অস্তথা কোন আন্দোলন সফল প্রদান করিবে না।”

অনেকক্ষণ পর্যন্ত ধীরভাবে তাঁহার জলন্ত উদ্দীপনাপূর্ণ উপদেশগুলি পর্যালোচনা করিয়া আমি মনে মনে চিন্তা করিলাম যে, তিনি যথার্থই বিদেশীয় কবির শ্রায় বৃষ্টিয়াছেন—

“Religion comes from God's right hand,
And needs a godly train,
For 'tis righteousness that makes our land,
A nation once again.”

কনগ্রেসের পৃষ্ঠপোষক অনেকেই হয়ত বঙ্কিম বাবুর এই উক্তি পাঠে স্তম্ভিত হইবেন— অনেকে হয়ত মনে মনে তাঁহার প্রতি একান্ত অসন্তুষ্ট হইবেন। কিন্তু আমাদের আশা আছে যে, যাহারা আমাদের জাতীয় দুর্বলতা ও অসারতা বিশেষরূপে অনুভব করিয়াছেন, তাঁহারা ক্ষণকালের জন্ত স্বজাতীয় কলঙ্কের কথা ভাবিয়া ধীরে ধীরে এক একটা দীর্ঘনিঃশ্বাস পরিত্যাগ পূর্বক হৃদয়ের ভার লঘু করিবেন। বঙ্কিমচন্দ্র যে কনগ্রেসের বিপক্ষ ছিলেন না, তাহা প্রতিপন্ন করিবার জন্ত অধিক আয়াস স্বীকার করিতে হইবে না। কনগ্রেস-সৃষ্টির বহুদিন পূর্বে তিনি তৎপ্রণীত আনন্দমঠ নামক গ্রন্থে অপূর্ণ সন্তানদলের সৃষ্টি ও মাতৃপূজার বিরাট আয়োজনে “বন্দে মাতরং” এই অমৃতময় সঞ্জীবনী উদ্বোধন মন্ত্রে কোটি কোটি সন্তানের নিজামত্ব হৃদয়ে কিরূপ অত্যাগ্র মদিরা ঢালিয়া দিয়াছিলেন, তাহা যাহারা অবগত আছেন তাঁহারা এক বাক্যে স্বীকার করিবেন যে, কনগ্রেসের মহৎ উদ্দেশ্য তাঁহার সমস্ত হৃদয় সম্পূর্ণরূপে অধিকার করিয়াছিল।

তাঁহার মৃত্যুর পূর্বে গভর্নমেন্ট C. I. E. উপাধি দানে বঙ্গসাহিত্য সেবকবৃন্দের সম্মান-বর্দ্ধন করিয়াছিলেন। তিনি একজন বিচক্ষণ কার্যদক্ষ ডেপুটি বলিয়া জগতে বিশেষ খ্যাতি লাভ করেন নাই—তিনি মৃতবৎ বঙ্গসাহিত্যের প্রাণদাতা ও উন্নতি বিধাতা বলিয়াই লক্ষ লক্ষ লোকের নিকট সুপরিচিত—বঙ্গসাহিত্যে তাঁহার অতুল প্রতিপত্তিই তাঁহাকে অমরতা দান করিয়াছে।

শ্রীবিজয়লাল দত্ত।

বঙ্কিমচন্দ্র চট্টোপাধ্যায় ।

শ্রীশ্রী দাঁড়াইয়া বঙ্কিমচন্দ্রের চিত্র নিদ্রিত মুখ দেখিয়াছিলাম। মৃত্যুর পরে মুখে এমন শান্তি কখন দেখি নাই। সন্ধ্যা হইয়া আসিয়াছে। পশ্চাতে মহানগরীর সান্ধ্য কোলাহল, সম্মুখে জাহ্নবীবক্ষস্থিত তরনীতে দীপালোক। বর্ষশেষে, শতাব্দীশেষে, দিবাবসানে বঙ্কিম তিরোহিত হইলেন! সেই প্রশান্ত প্রমুগ্ন মুখমণ্ডল দর্শন করিতে করিতে মনে হইতেছিল বঙ্গবাসী কেমন করিয়া এই বঙ্গসন্তানের ঋণ পরিশোধ করিবে ?

বঙ্কিমচন্দ্রের অকাল মৃত্যুতে বাঙ্গালী শোকাচ্ছন্ন হইয়াছে। কিন্তু এই শোকের মধ্যে কি সাহসনা নাই? কালকালের অপেক্ষা কীর্তি জীবনের প্রকৃত মানদণ্ড। যে কীর্তি বঙ্কিম রাখিয়া গিয়াছেন তাহা না থাকিলে আজ আমাদের কিসের আশা থাকিত? তাঁহাকে ত্যাগ করিলে আমাদের গৌরবের আর কি অবশিষ্ট থাকে ?

জাতীয়তার মূলে ধর্ম এবং ভাষা। ধর্ম জীবনের এবং উন্নতির ভিত্তি, সাহিত্য তাহার সূচনা। শুক্রতারা যেরূপ উষার পূর্বে উদিত হয় সাহিত্যের সৃষ্টি সেইরূপ সর্ব-প্রকার উন্নতির পূর্বে লক্ষণ। আমাদের কোন আশা ছিল না, কোন উৎসাহ ছিল না, কোন বল ছিল না, কোন গৌরব ছিল না। বঙ্কিমকে পাইয়া আমরা সকল আশার অধিকারী হইয়াছি।

বিবেচনা করিয়া দেখিলে আমাদের বর্তমান অবস্থায় সাহিত্যের সৃষ্টি এক প্রকার অসম্ভব বোধ হয়। আমাদের অল্প সংস্থানের জন্ত অতি কঠোর বিজাতীয় ভাষা শিক্ষা করিতে হয়। সেই ভাষায় ব্যুৎপন্ন হইলে আগুনাদিগকে কৃতার্থ মনে করি, সেই ভাষায় লিখিতে ও বলিতে শিখিলে প্রশংসিত হই। কেবল স্বদেশে নহে; বিদেশে সে প্রশংসা ধনিত হয়। রাজকর্মে, জিয়াক্ষেত্রে, সর্বদা সেই ভাষার প্রয়োজন। আমাদের যেরূপ শারীরিক ও মানসিক দুর্বলতা তাহাতে ইহার পর কতটুকু মনস্তিতা অবশিষ্ট থাকে? মাতৃভাষার সেবা এবং উন্নতি কল্পে যে তন্ময়তা ও সাধনা আবশ্যিক তাহার জন্ত কতটুকু ক্ষমতা বা অবসর থাকে? এমন অবস্থায় ইংরাজীতে গ্রন্থ রচনা করিয়া, কবিতা লিখিয়া, সংবাদ পত্র লিখিয়া, বক্তৃতা করিয়া বাঙ্গালি যশস্বী হইবার প্রয়াস পাইবে তাহাতে বিচিত্র কি? শূর ওয়ান্টার স্ট্রক্কে যদি পারসী ভাষা শিখিয়া মুর্শিদাবাদের নবাবের কাছারীতে উর্দুতে কন্ঠ করিতে হইত তাহা হইলে তিনি কখনো উৎকৃষ্ট ইংরাজি গ্রন্থ রচনা করিয়া যাইতেন ?

বঙ্কিম যখন অধ্যয়ন সমাপন করিয়া রাজকর্মে নিযুক্ত হন সে সময়কার অবস্থা আরও কঠিন। সে সময় শিক্ষিত বাঙ্গালি বাঙ্গালী ভাষাকে ঘৃণা করিত। মাতৃভাষায় অজ্ঞ, মাতৃভাষা লিখিতে জানে না বলিয়া গৌরব করিত। লেখকের মধ্যে তখন ঈশ্বরচন্দ্র গুপ্ত। তিনি স্বয়ং ইংরাজী ভাল জানিতেন না, যাহারা ইংরাজী শিখিয়াছিল তাহারা

ঠাহাকে শ্রদ্ধা করিত না। বঙ্কিম যেরূপ ইংরাজী শিখিয়াছিলেন, মনে করিলে অল্প কালের মধ্যে ইংরাজীতে স্নেহক বলিয়া প্রশংসা লাভ করিতে পারিতেন। আলৌকিক প্রতিভা বলে সে লোভ তিনি সঞ্চরণ করিলেন। ইংরাজীর প্রবল শ্রোতে আমাদের সর্বস্ব ভাসিয়া যাইতেছিল। হলধর যেমন হলের মুখে যমুনাকে আকর্ষণ করিয়াছিলেন বঙ্কিম একাকী সেইরূপ সেই তীব্র শ্রোতের বিপক্ষে দণ্ডায়মান হইয়া স্বীয় লেখনীর বলে সেই শ্রোত ফিরাইয়া মাতৃভাষা ও মাতৃভূমির অভিমুখে প্রবাহিত করাইলেন।

হয়ত বঙ্কিমের প্রতিভার যথাযথ আলোচনা এক্ষণে সম্ভবপর নহে। কালের ব্যবধান আরও দীর্ঘ হওয়া উচিত। আমরা বঙ্কিমের মায়ায় মুগ্ধ। তিনি গুরু, আমরা শিষ্য; তিনি রাজা, আমরা প্রজা। তিনি আমাদের কি না করিয়াছেন, কোন ঋণে না আবদ্ধ করিয়াছেন? ঠাহার রচনা পাঠ করিয়া আমরা—বাস্তালি জাতি—মাতৃভাষাকে, মাতৃ-ভূমিকে ভাল বাসিতে শিখিয়াছি। ঠাহার কথায় কাঁদিয়াছি, মনে আশাকে স্থান দিয়াছি। যে যেখানে থাকি, স্বদেশে হউক, বিদেশে হউক, যখন যেমন অবসর পাইয়াছি তন্নি পূর্বক শ্রদ্ধা পূর্বক মাতৃভাষার সেবায় যথাসাধ্য উৎসর্গ করিয়াছি, জীবনের কর্তব্যের মধ্যে একটা নূতন কর্তব্য গণনা করিতে শিখিয়াছি। অর্থদান ত অতি তুচ্ছ দান। কর্ণের স্থায় একটা নূতন কর্তব্য গণনা করিতে শিখিয়াছি। অর্থদান ত অতি তুচ্ছ দান। সাহিত্যের দাতা হইলেও সকলের দায়িত্ব মোচন করিতে পারে না। বঙ্কিমের দান মহাদান। সাহিত্যের সহিত হৃদয়, হৃদয়ের সহিত ভক্তি, ভক্তির সহিত শ্রীতি, শ্রীতির সহিত বিমল বিশ্বাস অক্ষয় আনন্দ। প্রতিভার এই দান। প্রতিভার আলোচনার সময় উপস্থিত না হইলেও দান প্রাপ্তির জন্ত রুতজ্ঞতা প্রকাশ করিবার সময় উপস্থিত হইয়াছে।

এরূপও মনে হয় যে বঙ্কিমের প্রতিভা সম্পূর্ণরূপে আমরা বুঝিতেও পারি না। মধ্যাহ্ন সূর্যের স্থায় সে প্রতিভা জলিতেছে; সেই আলোকে আমরা সকল বস্তু দেখিতেছি, কিন্তু আলোকদাতার প্রতি চক্ষু তুলিয়া চাহিবার সাধ্য নাই। বঙ্কিম কীর্তির যে অট্টালিকা নির্মাণ করিয়াছেন তাহা আমাদের সম্মুখে নিশ্চিত হইয়াছে এবং আমরা সেই অট্টালিকায় বাস করিতেছি। এই জন্ত তাহার নিশ্চয় কৌশল ও সৌন্দর্য ভাল করিয়া বুঝিতে পারি না। যাহারা দূর হইতে আসিতেছে, তাহারা আমাদের অবর্তমানে আমাদের স্থানীয় হইবে তাহারা উৎকৃষ্ট রূপে বুঝিতে পারিবে। জীবিত সমালোচক অথবা বোদ্ধাদিগের দ্বারা বঙ্কিমের প্রতিভা অতি-প্রশংসিত হইতে পারে না।

বঙ্কিমের পূর্বে বঙ্গ ভাষার কি অবস্থা ছিল, ঠাহার সাক্ষাতে, ঠাহার পরে সে অবস্থার কি পরিবর্তন হইয়াছে! পরিচয় দিবার কেহ ছিল না এমন নহে। বিদ্যাপতি, চণ্ডীদাস মুকুন্দ রাম, কাশীরাম, কৃত্তিবাস, ভারতচন্দ্র, রামপ্রসাদ বঙ্গ ভাষার অক্ষয় কীর্তি রাখিয়া গিয়াছেন। ঈশ্বরচন্দ্র গুপ্ত বাঙ্গালীর নিকট বাঙ্গালা ভাষাকে সমাদৃত করাইয়াছিলেন। স্বয়ং বঙ্কিম ঠাহার নিকট গণী। মধুসূদন দত্ত নূতন মধুচক্র করিয়া চির-যশস্বী হইয়া গিয়াছেন। তথাপি বঙ্গভাষা অত্যন্ত দীনাবস্থায় ছিল। কাব্য, কবিতা সাহিত্যের অলঙ্কার। সাহিত্যের

বল, সাহিত্যের সর্বাঙ্গীণ সম্পূর্ণতা কেবল কাব্যে প্রকাশিত হয় না। ছন্দ ব্যতীত ভাষায় ভাব প্রকাশের অল্প উপায় ছিল না। ঈশ্বরচন্দ্রগুপ্ত যে গদ্য প্রচলিত করিয়াছিলেন তাহা প্রাণশূন্য, বলশূন্য। ঠাহার কবিতার স্থায় সে ভাষা আড়ম্বর অল্পপ্রাস ভারে পীড়িত, শব্দের শৃঙ্খলে বদ্ধ, অপরিষ্কৃত, বেগশূন্য। প্রথম অভাব ঈশ্বরচন্দ্র বিদ্যাসাগর মোচন করিলেন। গদ্যে প্রসন্নতা, নিশ্চলতা জাগিল। আর একদিকে অক্ষয়কুমার দত্ত ভাষার এই গুরুতর অভাব মোচনে প্রবৃত্ত হইলেন। এই দুইজন লেখক অসাধারণ ক্ষমতাসালী, কিন্তু অহু-বাদেই ঠাহাদের ক্ষমতা পর্য্যবসিত হইল। যুগ্মীয় প্রতিমা গঠিত হইল মাত্র; প্রতিমার অলঙ্কার, প্রতিমার প্রাণ প্রতিষ্ঠা, সমস্তই অবশিষ্ট রহিল। প্যারীচাঁদ মিত্র এবং দীনবন্ধু মিত্র কতক পরিমাণে ইহা জীবন্ত করিয়া তুলিলেন। তাহার পর এই উভয় কৰ্ম্ম অত্যাশ্চর্য্য কৌশলের সহিত সম্পাদিত করিবার জন্ত বঙ্কিমচন্দ্রের আবির্ভাব হইল। ভাষার সর্বাঙ্গে তিনি যে মহামূল্য অলঙ্কার পরাইয়াছেন তাহার তুলনা কোথায় হইবে? ব্রাহ্মণ-কুলতিলক বঙ্কিমচন্দ্রের অপেক্ষা ভাষার প্রাণ প্রতিষ্ঠাস্বরূপ পৌরহিত্য কৰ্ম্মে নিযুক্ত হইবার যোগ্যতর ব্যক্তি কে? বঙ্গদর্শনের অভ্যুদয়ে বঙ্গসাহিত্যে বিচিত্র বিপ্লব উপস্থিত হইল। সাহিত্যের পল্লী সহসা বিস্তৃত হইয়া সাহিত্যের রাজ্যে পরিণত হইল, দক্ষ মঞ্চভূমে শীতল-সলিলা কুলপ্রাণিনী শ্রোতস্বিনী বহিল। দরিদ্রের কুটীর সহসা ধনধান্য মণিমুক্তা পরিপূর্ণ হইল। সমগ্র শিক্ষিত বঙ্গবাসী সেই অভিনব আনন্দপূর্ণ রাজ্যের প্রজা হইল। সকলে একবাক্যে হর্ষ জয়ধ্বনি করিয়া বঙ্কিমের শিরে রাজমুকুট পরাইল। রাজ্যোচিত সকল গুণেই তিনি ভূষিত ছিলেন। যেমন গুণদার্য্য তেমনি প্রতাপ। শিষ্টের পালনে যেমন মনোযোগী ছুটের দমনে সেইরূপ ক্ষিপ্তহস্ত। তিনি জানিতেন সাহিত্য সাধনার সামগ্রী, অযোগ্য ব্যক্তির ক্রৌড়া কোঁতুকের নহে। ভাবের, ভাষার উৎস মুক্ত করিয়া দিয়া তিনি স্বয়ং প্রহরী হইয়া দাঁড়াইলেন, পাছে কেহ সেই নিশ্চল সলিল আবিলা করে। সেই সলিলে সূর্য্যকিরণ পতিত হইয়া ইন্দ্রধনুর স্থায় নানা বর্ণ উৎপাদিত করিল। বঙ্গবাসী বিস্মিত, মুগ্ধ, আনন্দিত হইয়া সেই প্রবাহ এবং সেই বর্ণবৈচিত্র্য দর্শন করিতে লাগিল।

বঙ্গ ভাষার স্তরে স্তরে যে রূপরাশি এতদিন লুক্কায়িত ছিল বঙ্কিম একে একে তাহা উন্মোচিত করিতে লাগিলেন। ভাবের অভাবে যে ভাষা মৃতপ্রায় ছিল ভাবপ্রাচুর্য্যে তাহা সৌভাগ্যশালিনী হইয়া উঠিল। যে ভাষা নিরর্থ শব্দভারে প্রপীড়িত হইয়াছিল সেই ভাষা ছন্দোময়ী, আবেগময়ী হইয়া উঠিল। মহামহিমাময়ী প্রতিভা, অপূর্ব্ব সৃষ্টি কুশলী কল্পনা বঙ্গ ভাষার অভাব মোচনে দৃঢ় অধ্যবসায়ের সহিত নিযুক্ত হইল। মহাশক্তিশালী ঐন্দ্র-জালিকের কৌশলে ভাষায় মোহমন্ত্র বিরচিত হইল। যেমন বেগ তেমনি সংযম, যেমন তীব্রতা তেমনি কোমলতা, যেমন মাধুর্য্য তেমনি গাভীর্য্য! কে জানিত এই সঙ্গীর্ণ দরিদ্র ভাষায় এত বল এত বৈচিত্র্য ছিল! পঞ্চলের, গোপ্পদের স্থায় সঙ্গীর্ণ ভাষা সমুদ্রগামিনী পূর্ণ প্রবাহিনীর স্থায় সহস্রমুখী হইয়া, নানা তরঙ্গভঙ্গ বঙ্গদেশ প্লাবিত করিয়া, বঙ্গসন্তানের

হৃদয় সরল কোমল করিয়া অপ্রতিহত গতিতে প্রবাহিত হইল। বাঙ্গালির হৃদয়ের নিৰ্জন প্রদেশে কোথায় এক তারা বাজিতেছিল, সহসা একেবারে সপ্তস্বরা বীণা বাজিয়া উঠিল।

প্রতিভা কিরূপ বলবতী হইতে পারে বঙ্কিমচন্দ্রের প্রতিভা তাহার সমুজ্জ্বল দৃষ্টান্ত। কোমলতা, গভীরতা, তন্ময়তা বঙ্গসাহিত্যে ইতি পূর্বেও দেখিতে পাওয়া যায় কিন্তু এমন বলবত্তা দেখিতে পাওয়া যায় না। এই বলে বঙ্কিম সৌন্দর্য্য সৃষ্টিতে, চরিত্র গঠনে অতুলনীয়। তাঁহার প্রণীত গ্রন্থ সমূহে এই বল সর্বত্র জাগিয়া রহিয়াছে। এই বলে তাঁহার কল্পনা এমন মৰ্ম্মস্পর্শী, প্রেম এত বলবান, পরোপকার এরূপ সৰ্ব্বত্যাগী। এইজন্ত কোন স্থানে তাঁহার রসভঙ্গ হয় নাই, কুত্রাপি দুর্বলতার চিহ্ন নাই। মনুষ্য হৃদয়তন্ত্রী সৰ্বদা তাঁহার সম্মুখে সুরের বাঁধা থাকিত, যখন যে তারে অত্রান্ত সিদ্ধ হস্তে আঘাত করিতেন, সেইরূপ প্রতিশব্দ হইত। এই জীবনব্যাপী সাধনা ও একাগ্রতায় তিনি কদাপি আত্মবিস্মৃত হন নাই, মুহূর্তের জন্ত তাঁহার বলদৃপ্ত প্রতিভা উচ্ছ্বল হইতে পায় নাই। আড়ম্বরের লেশ নাই, ঐশ্বর্যের পরিপূর্ণতা আছে। ভাবে, যুক্তিতে, রসিকতায়, সৌন্দর্য্যে সর্বত্র আদর্শ মিলন। কোথাও আয়াস নাই, অঙ্গভঙ্গী নাই, নীরস চপলতা নাই। শব্দ বিছাসের অন্ধকার ঘনঘটা কোথাও নাই, প্রতিমধুর শব্দপ্রবাহ, নয়নরঞ্জন উজ্জ্বল কারুকার্য সর্বত্র আছে। নিরবচ্ছিন্ন অমৃত নিস্তন্ধিনী ভাষা, অথচ শব্দলালিত্যের নিমিত্ত ভাবগৌরব কোথাও বিনষ্ট হয় নাই। স্মরণ করিতে হইবে যে যখন বঙ্কিমচন্দ্র বাঙ্গালা লিখিতে আরম্ভ করেন তখন ভাষা অত্যন্ত অসম্পূর্ণ, সঙ্কীর্ণ। কিস্তি সংস্কার আরম্ভ হইয়াছে মাত্র। যদি বঙ্কিম উপস্থাস রচনা করিয়াই ক্ষান্ত হইতেন তাহা হইলে ভাষার পরীক্ষা অসম্পূর্ণ রহিয়া যাইত। কিন্তু ভাষার সৰ্ব্বাঙ্গ সম্পূর্ণতা, সর্বোপযোগিতা বঙ্কিম চন্দ্রের ব্রত। কাব্যে, উপস্থাসে, ইতিহাসে, বিজ্ঞানে, সমালোচনায়, কুট প্রবন্ধে, বিগুহ্ন রহস্তে; ধর্ম্মের গভীর আলোচনায় তিনি এই দুর্বল বঙ্গভাষা পরিচালিত করিলেন—দেখাইলেন কোথাও অসামঞ্জস্য নাই, ভাষার কোন অভাব নাই। সর্বত্র তিনি ভাষাকে গৌরবান্বিত করিয়াছেন, সর্বত্র অবিশ্রান্ত অপরিণীম বলবত্তার পরিচয় দিয়াছেন।

এই বলের সহিত তেজস্বিতা ও তীব্রতার সংযোগ বিচিত্র নহে। এই দুর্বল বঙ্গভাষা বঙ্কিমের লেখনীর মুখে শাণিত অসির তীক্ষ্ণতা, বজ্রবিছাতের বল ধারণ করিয়াছে। তর্কে, সমালোচনায় এই তীব্র তেজের পরিচয় পাওয়া যায়। এক মুষ্টি স্তম্ভিকা গ্রহণ করিয়া পুরাকালে সমরচাৰ্য্য যেরূপে শত্রু নিবারণ করিতেন বঙ্কিমচন্দ্র সেইরূপে সংক্ষেপে অবলীলাক্রমে সাহিত্য সাধনক্ষেত্র হইতে ভণ্ড অক্ষমকে খেদাইয়া দিতেন। তাঁহার হস্তে ব্যঙ্গ বজ্র হইয়া উঠিত।

গ্রন্থের অবয়ব বর্তমান কালের উপযোগী হইলেও মানব চরিত্র স্বজনে বঙ্কিমের প্রতিভা প্রাচীন আর্ধ্যদিগের অহুয়ারী। ঋষিদিগের বিশাল আকাশব্যাপী সৃষ্টির তুলনা বোধ হয় কোন জাতি কোন কালে দেখাইতে পারিবে না, কিন্তু বঙ্কিমের প্রতিভা দূর হইতে

তাঁহাদিগেরই পদানুসরণ করিয়াছে। বঙ্কিমের মানব মানবী সেই ছাঁচে ঢালা, তবে ছাঁচের আকার ক্ষুদ্র। আদর্শ সেইরূপ উচ্চ। বাঙ্গালির ঘরেও বঙ্কিম সেই আদর্শ রাখিয়া গিয়াছেন। ঋষিদিগের আদর্শ ধ্যানধারণার সামগ্ৰী, হাত বাড়াইয়া নিকটে পাওয়া যায় না। বঙ্কিমের আদর্শ মনে হয় খুঁজিয়া দেখিলে বাঙ্গালির ঘরেও পাওয়া যায়।

বঙ্কিম যখন সাহিত্যে প্রথমে আদর্শ অব্বেষণ করিতেছিলেন তখন রসিকতার নামাস্তর গালি ছিল। ইতর অলীল ভাষায় গালি দেওয়ার লোকে কৌতুক বিবেচনা করিত। ঈশ্বরচন্দ্র গুপ্ত ও গুড়গুড়ো যখন অশ্রাব্য ভাষায় ভয়ানক ঘনঘন করিতেন তখন লোকে আনন্দে হাসিয়া অস্থির হইত। উচ্চ শিক্ষার ফলে, উচ্চ আদর্শের গুণে, নিশ্চল প্রতিভার বলে সে দোষ বঙ্কিমকে স্পর্শ করিতে পায় নাই। লোকের গায় কাদা ছিটাইয়া তিনি কখন লোক হাসান নাই। বিগুহ্ন রসিকতা প্রতিভার অতি উচ্চ অঙ্গ। বঙ্কিম পূর্ণমাত্রায় তাহা পাইয়াছিলেন। নিশ্চল হস্তকৌতুক পরিহাসের আদর্শ তিনিই বঙ্গসাহিত্যে সৃষ্টি করিয়া গিয়াছেন। যে রসিকতা অতি গভীর, অতি বিগুহ্ন, যে হাসির গভীর তলদেশে অশ্রুজল লুক্কায়িত থাকে বঙ্কিম স্বজাতিকে তাহাই দিয়া গিয়াছেন।

সনাতন ধর্ম্মের সংস্কারের জন্ত তিনি যাহা করিয়া গিয়াছেন তাহার বিচার বিস্তারিত রূপে স্বতন্ত্র স্থলে হওয়া কর্তব্য। প্রাচীন বয়সে ধর্ম্মচর্চার তিনি সর্বদা নিবিষ্ট থাকিতেন। তাঁহার বিশ্বাস কেবল ভক্তিমূলক ছিল না, অনামাচ্ছ বক্তিকৌশলে তিনি বিশ্বাসকে দৃঢ় করিয়াছিলেন। কালে ধর্ম্মসংস্কারকের মধ্যেও যে তিনি উচ্চ স্থান অধিকার করিবেন তাহাতে সন্দেহ নাই।

জন্মভূমিকে কেমন করিয়া ভাল বাসিতে হয় বঙ্কিম তাহার উৎকৃষ্ট শিক্ষা দিয়া গিয়াছেন। এখন সংবাদ পত্রে, বক্তৃতায় স্বদেশবাসস্যের ছড়াছড়ি। তর্জন গর্জন চীৎকারে কর্ণপ্রায় বধির হইয়া গিয়াছে, কিন্তু স্বদেশকে কেমন করিয়া ভাল বাসিতে হয় বঙ্কিমই একা তাহা শিখাইয়াছেন। ভারতমাতার সম্বন্ধে অসংখ্য গীত গান, প্রবন্ধ, বক্তৃতা কাহার স্মরণ আছে? কিন্তু এমন হতভাগ্য বাঙ্গালি কয়জন আছে যাহাদের “বন্দে মাতরং,” অন্ততঃ এক ছত্র, স্মরণ নাই? সেই কয়টি কথা বঙ্কিম বাঙ্গালির হৃদয়ে বিদ্ধ করিয়া গিয়াছেন। ইচ্ছামত তাহা স্মরণ করিতে অথবা ভুলিতে পারা যায় না। যে হৃদয় হইতে এমন কথা উৎসারিত হইয়াছে সে হৃদয়ে স্বদেশের প্রতি কেমন গাঢ় অহুরাগ তাহা প্রকৃতরূপে অনুভব করিতে পারা যায় না। ধমনীর ছন্দে, হৃদয়ের শোণিতে চক্ষের অশ্রুতে, সে অনুরাগ মিশ্রিত ছিল। জন্মভূমিকে ভালবাসিতে শিখিয়া বাঙ্গালি উন্নত পুত্র বীর হইতে পারে বঙ্কিম তাহার উপায় করিয়া দিয়া গিয়াছেন।

জীবন শেষে কয়জন এমন নিশ্চিত হইয়া বলিতে পারে যে জীবনের কর্তব্য এমন উৎকৃষ্ট রূপে সম্পাদিত হইয়াছে? এই কারণে মহাপ্রস্থানকালে অন্তরায়ার স্নগভীর শান্তি বঙ্কিমের মুখে প্রতিভাত হইয়াছিল।

বাঙ্গালি জাতির জীবনের যুগ পরিবর্তনের সন্ধিস্থলে বঙ্কিমের আবির্ভাব। সাহিত্য তাঁহার প্রতিভা বিকাশের উপলক্ষ্য মাত্র। জাতীয় মহিমশালিতা প্রচার করাই তাঁহার উদ্দেশ্য। তাঁহার সর্বতোমুখী প্রতিভা এই শিক্ষা দেয়। দুর্বল জাতির মধ্যে তিনি মহা বলবান। বঙ্গ সাহিত্য দরিদ্র ছিল, তিনি তাহাকে ঐশ্বর্যশালী করিয়া গিয়াছেন। বঙ্গবাসীর হৃদয়ে স্বদেশানুরাগ তেমন দৃঢ় ছিল না, তিনি বঙ্গবাসীর হৃদয়ে সে অনুরাগ দৃঢ় করিয়া গিয়াছেন। ধর্মসংস্কারের প্রয়োজন ছিল, তিনি তাহার পথ দেখাইয়া গিয়াছেন। তিনি যে পথের প্রদর্শক বঙ্গবাসী কি সাহস করিয়া আশাপূর্ণ হৃদয়ে সেই পথের পথিক হইবে ?

যোগী।

চকিতে চমকি চেয়ে কিরাই নয়ন—
ঝলসিত ছই আঁখি
চমকি সভয়ে ঢাকি,
অলস্ত জ্যোতির মাঝে আঁধার ভীষণ!
শূচ্যাসনে উর্দ্ধাননে,
বসিয়ে মগন মনে,
আচম্বিতে হেরি এক মহাযোগী জন;
জুড়িয়ে গগন গায়
বিরটি মুরতি ভায়,
ললাটে জ্বলিছে স্থির মধ্যাহ্ন তপন;
নির্মীলিত আঁখি ভেদি
ধায় কিরণের নদী,
উরসে পূরণ শশী শোভন দর্শন!
ধুমকেতু করতলে
আকাশ উজলি চলে,
বিজড়িত চরণেতে তারা অগণন।
ব্রহ্মরন্ধু ফুটে ফুটে
দীপ্ত বহি জালা ছুটে,
রুক্ষ রুক্ষ জটাজুট লটপট প্রায়,
লুটায় চরণ তলে,
লুটায় ধরণী তলে,
ধীরে ধীরে জটাজালে বিজুলি বেড়ায়।
দূরে দূরে ধিরে ধিরে
ইন্দ্রধনু ফিরে ফিরে
মণ্ডল করিয়ে ধীরে ঘুরে অবিরল,
চন্দ্রাতপ সম শিরে
উলট আকাশ ধিরে,
ছলিয়ে ছলিয়ে যেন পড়ে পদতল!

ক্রীনগেন্দ্রনাথ গুপ্ত।

স্বরমিলন।

আমাদের দেশের রাগরাগিণী অর্থাৎ কতকগুলি সুবিজ্ঞত স্বরপরম্পরা সঙ্গীতশাস্ত্রের বর্ণমালা মাত্র। যেমন অ, আ, ক, খ, গ, চ, ন প্রভৃতি স্বতন্ত্র অক্ষরের প্রত্যেকের চেহারা ও আমাদের মনে তাহাদের ধারণা একরূপ এবং কখন কলম কাপড় প্রভৃতি তাহাদের মিলনজাত বাক্যের চেহারা এবং আমাদের মনে তাহাদের ধারণা অন্তরূপ, সেইরূপ আমাদের দেশীয় একহারা স্বর ও ইয়ুরোপীয় বহুমিলনায়ক স্বরের মধ্যেও প্রভেদ। আমাদের গানের স্বর সঙ্গীতের বর্ণমালা এবং ইয়ুরোপীয় কর্ড তাহার সার্থ বাক্য। শৈশবে জানের প্রথম উন্মেষে যাহা কিছু লাভ করা যায় তাহাকেই অপূর্ব কবিত্বময় রোধ হয়, মনে আছে, “বড় গাছ” “ছোট পাতা” “লাল ফুলের” সঙ্গে যখন প্রথম পরিচয় হয় তাহারা কি আনন্দ প্রদান করিয়াছিল—এই বয়সে কোন শ্রেষ্ঠ কবির রচনা পড়ার সমান! আরও আরম্ভে “ক খ গ ঘ উ ঝা” “চ ছ জ ঝ ঙ্গ ঝ” ও বিশেষ রসায়ক ঠেকিয়াছিল। সঙ্গীত সম্বন্ধে সেই কথা খাটে, আরও বিশেষতঃ এই জন্ত যে ক খ গ ঘ অপেক্ষা রাগ রাগিণীর স্বর পরম্পরা কর্ণের অধিক তৃপ্তিকর। আমরা সরস্বতীর বীণার একটামাত্র তার লাভ করিয়াছি আমাদের নিকট তাহারই লালিত্য অপরিণীম। কিন্তু ইংরাজেরা তাঁর সব কটা তারের সন্ধান পাইয়া যে অপূর্ব মাধুর্যময় ভাবপ্রগাঢ় ভাষার স্বজন করিয়াছেন তাহার নিকট আমাদের স্বর ক খ গ ঘ মাত্র।

আমরাও বেহালা বাজাইয়া থাকি, ইংরাজেরাও বাজান, আমাদের স্বরে একটি ক্ষীণ কারুণ্য ব্যক্ত হয়, ইংরাজের স্বরে মানবের সহস্রতরঙ্গতাভিত বেদনাবান্ আত্মা শতধা বিদীর্ণ হইতে চাহে। কেন এ প্রভেদ? তাহাদের স্বরমিলন আছে আমাদের নাই।

এ স্বরমিলন শিক্ষার ইংরাজী সঙ্গীতচর্চাই একমাত্র উপায়। বাঙ্গলা গানের স্বরে ইংরাজী পদ্ধতি অস্থায়িক কর্ড বসাইয়া তাহার স্বরলিপি প্রকাশ করিয়া ইয়ুরোপীয় সঙ্গীতের বৃহত্তর কোন আভাষই দেওয়া হইবে না। তথাপি এ বিষয়ে অনেকের দ্বারা বারবার অনুরোধ হওয়ায় নিম্নে একটা কর্ডযুক্ত বাঙ্গলা গানের স্বরলিপি দেওয়া গেল। বাঙ্গলা গানেও একরূপ কর্ডের উপযোগিতা প্রভূত, প্রথমতঃ কর্ণের পরিতৃপ্তি হয়, দ্বিতীয়তঃ কর্ডের সাহায্যে গানের ভাবটি ফুটাইয়া তুলিবার সুবিধা হয়। যদি বাঙ্গলা গানে স্বরমিলনের আবাদ পাইয়া কেহ ইয়ুরোপীয় সঙ্গীত চর্চায় প্রলুব্ধ ও যত্নবান হন তাহা হইলে আমাদের পরিশ্রম সফল জ্ঞান করিব।

সঙ্কেতের ব্যাখ্যা।

স—মধ্য সপ্তকের স। স—উহার উপরের সপ্তক। স্—উহার নীচের সপ্তক।
স্বরের মাধ্যম যটা রেফ থাকিবে তটা উপরের সপ্তক বুঝাইবে, স্বরের নীচে যটা হসন্ত থাকিবে তটা নীচের সপ্তক বুঝাইবে।

ডান হাতে প্রধান সুর বাজাইতে হইবে, বাম হাতে তাহার আনুষঙ্গিক সুর বা কড় মনে কর শুধু সরগমপধনসর্ বাজাইতে চাহ। একহাতে বাজাইলে তাহার এইরূপ স্বরলিপি হইবে। সঃ রঃ গঃ মঃ । পঃ ধঃ নঃ সঃ ॥ যদি ঐ সুরই দুই হাতে দুই বিভিন্ন সপ্তকে বাজাইতে হয়, তবে তাহার স্বরলিপি প্রণালী এইরূপ :—

ড	সঃ রঃ গঃ মঃ	পঃ ধঃ নঃ সঃ
ব	স্ঃ র্ঃ গ্ঃ ম্ঃ	প্ঃ ধ্ঃ ন্ঃ স্ঃ

‘ড’ অর্থাৎ ডান হাত, ঐ পংক্তির সুর ডান হাতে বাজাইতে হইবে। ‘ব’ অর্থাৎ বাম হাত, ঐ পংক্তির সুর বাম হাতে বাজাইতে হইবে। এখন ডান হাত ও বাম হাত পরস্পরের সহিত মিলিয়া কিরূপে ভাল রক্ষা করিয়া চলিবে তাহা বুঝান আবশ্যক। দেখা যাইতেছে একহারা সুরের স্বরলিপির স্থায় ইহারও নির্দিষ্ট মাত্রার পর দাঁড়ি রহিয়াছে। ডান হাতেও চারি মাত্রার পর দাঁড়ি এবং বাম হাতেও চারি মাত্রার পর দাঁড়ি। ডান হাতের প্রথম স্ঃ ও তাহার নিম্নবর্তী বাম হাতের স্ঃ সমমাত্রিক। স্তরঃ স্ঃ ও স্ঃ দুই হাতে একত্রে বাজাইতে হইবে এবং উভয় সুরে সমান কাল অবস্থান করিতে হইবে। র্ঃ র্ঃ, গ্ঃ গ্ঃ, ম্ঃ ম্ঃ প্রভৃতি সম্বন্ধেও সেই একই নিয়ম। আর একটি দৃষ্টান্ত লওয়া যাক।

ড	সঃ রঃ গঃ মঃ	এখানে ডান হাতের সুরের মাত্রা সংখ্যাও চার এবং
ব	স্ঃ র্ঃ গ্ঃ ম্ঃ	বাম হাতের সুরের মাত্রা সংখ্যাও চার, কিন্তু ডান হাতে

চারটি সুর আছে, আর বাম হাতে মোটে দুটি সুর। এখানে ডান হাতের স্ঃ ও র্ঃ বাজাইতে যতক্ষণ লাগিতেছে, বাম হাতের শুধু স্ঃ বাজাইতে ততক্ষণ লাগিবে। স্ঃ এর সহিত স্ঃ আরম্ভ করিয়া র্ঃ বাজান পর্যন্ত স্ঃ কে টানিয়া রাখিতে হইবে আবার গ্ঃ ও ম্ঃ র বেলায় গ্ঃ সহিত গ্ঃ আরম্ভ করিয়া ম্ঃ বাজান পর্যন্ত গ্ঃ কে বাম হাতে টিপিয়া রাখিতে হইবে।

স্বরলিপির সঙ্কেতে বলা আছে গমপঃ এরূপ লেখা থাকিলে একমাত্রার মধ্যে গ্ঃ ম্ঃ ও প্ঃ এই তিনটি সুর তাড়াতাড়ি বাজাইতে হইবে। কিন্তু গ্ঃ ম্ঃ ও প্ঃ এই তিনটি সুর যদি একত্রে বাজাইবার ইচ্ছা হয়, হার্মোনিয়মে এই তিনটি সুরকে একসঙ্গে টিপিয়া রাখিতে চাহি তাহা হইলে তাহার সঙ্কেতিক চিহ্ন (গমপঃ)। উপরে যে স্বরলিপি দেওয়া হইয়াছে তাহার একটু আকার পরিবর্তন করিয়া দেখাইলে ইহা বুঝা সহজ হইবে।

(১)	ড	সঃ রঃ গঃ মঃ	র পরিবর্তে লেখা যাউক—
	ব	স্ঃ র্ঃ গ্ঃ ম্ঃ	

(২)	ড	সঃ রঃ গঃ মঃ
	ব	স্ঃ (গ্ঃ প্ঃ স্ঃ)

প্রথম স্বরলিপির বাম হাতে গ্ঃ র পরিবর্তে দ্বিতীয় স্বরলিপিতে (গ্ঃ প্ঃ স্ঃ) লেখা হইয়াছে এইটুকু মাত্র প্রভেদ। শুধু গ্ঃ র পরিবর্তে গ্ঃ প্ঃ ও স্ঃ এই তিনটি সুর একত্রে টিপিয়া দুই মাত্রাকাল রাখিতে হইবে। এই একাধিক সুরের সংযোজনই কড়। (গ্ঃ প্ঃ স্ঃ) না থাকিয়া বাম হাতে গ্ঃ প্ঃ স্ঃ থাকিলে পূর্বের নিয়মামুসারে দুই মাত্রার মধ্যে ঐ তিনটি সুর বিচ্ছিন্নভাবে তাড়াতাড়ি বাজাইতে হইত।

স্বরলিপি।

কথা—শ্রীরবীন্দ্রনাথ ঠাকুর।

সুর—শ্রীরবীন্দ্রনাথ ঠাকুর কর্তৃক সংগৃহীত।
মিল—শ্রীমতী সরলা দেবী কর্তৃক রচিত।

কর্ণাটভঙ্গ—একতাল।

সকাতরে ওই কাঁদিয়ে সকলে
শোন শোন পিতা।
কহ কানে কানে শুনাও প্রাণে প্রাণে
মঙ্গল বারতা।
ক্ষুদ্র আশা নিয়ে, রয়েছে বাঁচিয়ে,
সদাই ভাবনা—
যা কিছু পায় হারায় যায়,
না মানে সাধনা!
স্বথ আশে দিশে দিশে
বেড়ায় কাতরে—
মরীচিকা ধরিতে চায়
এ মরু প্রান্তরে।
ফুরায় বেলা, ফুরায় খেলা
সন্ধ্যা হয়ে আসে,
কাদে তখন আকুল মন
কাঁপে তরাসে।
কি হবে গতি, বিশ্ব পতি,
শান্তি কোথা আছে।
তোমারে দাও, আশা পূরাও
তুমি এম কাছে ॥

ড) নোঁ	সঁ	নোঁ	নোঁ	নোঁ	নোঁ	নোঁ	সঁ*	রোঁ	গোঁ	গোঁ	মঁ
ব) (ধোঁধোঁ)²	(সগোঁধোঁ)²	(সগোঁধোঁ)²	(সগোঁধোঁ)²	(সগোঁধোঁ)²	(সগোঁধোঁ)²	(সগোঁধোঁ)²	(সগোঁধোঁ)²	(সগোঁধোঁ)²	(সগোঁধোঁ)²	(সগোঁধোঁ)²	(সগোঁধোঁ)²
স	কা	ত	রে	ও	ই	—	কাঁ	দি	ছে	স	—
ফু	দ্র	আ	শা	নি	য়ে	—	র	য়ে	ছে	বা	—
সু	থ	আ	শে	—	—	—	দি	শে	দি	শে	—
ফু	রা	য়	বে	লা	—	—	ফু	রা	য়	থে	—
কি	হ	বে	গ	তি	—	—	বি	—	খ	প	—

ড) গোঁ	গোঁ	গোঁ	গোঁ	গোঁ	গোঁ	গোঁ	গোঁ	গোঁ	গোঁ	গোঁ	গোঁ
ব) (সগোঁধোঁ)²	(সগোঁধোঁ)²	(সগোঁধোঁ)²	(সগোঁধোঁ)²	(সগোঁধোঁ)²	(সগোঁধোঁ)²	(সগোঁধোঁ)²	(সগোঁধোঁ)²	(সগোঁধোঁ)²	(সগোঁধোঁ)²	(সগোঁধোঁ)²	(সগোঁধোঁ)²
ক	লে	শো	ন	শো	ন	পি	তা	—	—	—	—
চি	য়ে	স	দা	ই	ভা	ব	না	—	—	—	—
—	—	বে	ডা	য়	কা	ত	রে	—	—	—	—
লা	—	স	ন্	কা	হয়ে	আ	সে	—	—	—	—
তি	—	শা	—	ত্তি	কোথা	আ	ছে	—	—	—	—

ড) সঁ	রোঁ	নোঁ	নোঁ	নোঁ	নোঁ	নোঁ	নোঁ	নোঁ	নোঁ	নোঁ	নোঁ
ব) (সগোঁধোঁ)²	(সগোঁধোঁ)²	(সগোঁধোঁ)²	(সগোঁধোঁ)²	(সগোঁধোঁ)²	(সগোঁধোঁ)²	(সগোঁধোঁ)²	(সগোঁধোঁ)²	(সগোঁধোঁ)²	(সগোঁধোঁ)²	(সগোঁধোঁ)²	(সগোঁধোঁ)²
—	—	ক	হ	কা	গে	কা	গে	—	—	—	—
—	—	যা	কি	ছ	পা	—	য়	—	—	—	—
—	—	ম	রী	চি	কা	—	—	—	—	—	—
—	—	কাঁ	দে	ত	খ	—	ন	—	—	—	—
—	—	তো	মা	রে	দা	—	ও	—	—	—	—

ড) সঁ	রোঁ	নোঁ	নোঁ	নোঁ	নোঁ	নোঁ	নোঁ	নোঁ	নোঁ	নোঁ	নোঁ
ব) (সগোঁধোঁ)²	(সগোঁধোঁ)²	(সগোঁধোঁ)²	(সগোঁধোঁ)²	(সগোঁধোঁ)²	(সগোঁধোঁ)²	(সগোঁধোঁ)²	(সগোঁধোঁ)²	(সগোঁধোঁ)²	(সগোঁধোঁ)²	(সগোঁধোঁ)²	(সগোঁধোঁ)²
ঙ	নাও	প্রা	গে	প্রা	গে	ম	ফ	ল	—	—	—
হা	রা	য়ে	যা	—	য়	না	মা	নে	—	—	—
ধ	রি	তে	চা	—	য়	এ	ম	ক	—	—	—
আ	কু	ল	ন	—	ন	কাঁ	—	পে	—	—	—
আ	শা	পু	রা	—	ও	তু	মি	এ	—	—	—

* প্রথম শ্লোক ব্যতিরেকে অল্প সকল শ্লোকের সেলায় নীচের স্থরের পরিবর্তে উপরের স্থরে গানের পদ যোজনা করিতে হইবে।

ড) নোঁ	সঁ	নোঁ	নোঁ	নোঁ	নোঁ	নোঁ	নোঁ	নোঁ	নোঁ	নোঁ	নোঁ
ব) গোঁ	(রোগোপ)²	(রোগোপ)²	(রোগোপ)²	(রোগোপ)²	(রোগোপ)²	(রোগোপ)²	(রোগোপ)²	(রোগোপ)²	(রোগোপ)²	(রোগোপ)²	(রোগোপ)²
বা	—	র	তা	ক	হ	—	—	—	—	—	—
সা	—	স্ত	না	যা	কি	—	—	—	—	—	—
প্রা	—	স্ত	রে	ম	রী	—	—	—	—	—	—
ত	—	রা	সে	কাঁ	দে	—	—	—	—	—	—
স	—	কা	ছে	তো	মা	—	—	—	—	—	—

ড) গোঁ	গোঁ	গোঁ	গোঁ	গোঁ	গোঁ	গোঁ	গোঁ	গোঁ	গোঁ	গোঁ	গোঁ
ব) (সগোঁধোঁ)²	(সগোঁধোঁ)²	(সগোঁধোঁ)²	(সগোঁধোঁ)²	(সগোঁধোঁ)²	(সগোঁধোঁ)²	(সগোঁধোঁ)²	(সগোঁধোঁ)²	(সগোঁধোঁ)²	(সগোঁধোঁ)²	(সগোঁধোঁ)²	(সগোঁধোঁ)²
কা	গে	কা	গে	ঙ	নাও	প্রা	গে	প্রা	—	—	—
ছ	পা	—	য়	হা	রা	য়ে	যা	—	—	—	—
চি	কা	—	—	ধ	রি	তে	চা	—	—	—	—
ত	খ	—	ন	আ	কু	ল	ম	—	—	—	—
রে	দা	—	ও	আ	শা	পু	রা	—	—	—	—

ড) গোঁ	গোঁ	গোঁ	গোঁ	গোঁ	গোঁ	গোঁ	গোঁ	গোঁ	গোঁ	গোঁ	গোঁ
ব) (সগোঁধোঁ)²	(সগোঁধোঁ)²	(সগোঁধোঁ)²	(সগোঁধোঁ)²	(সগোঁধোঁ)²	(সগোঁধোঁ)²	(সগোঁধোঁ)²	(সগোঁধোঁ)²	(সগোঁধোঁ)²	(সগোঁধোঁ)²	(সগোঁধোঁ)²	(সগোঁধোঁ)²
গে	ম	ফ	ল	বা	র	তা	—	—	—	—	—
য়	না	মা	নে	সা	স্ত	না	—	—	—	—	—
য়	এ	ম	ক	প্রা	স্ত	রে	—	—	—	—	—
ন	কাঁ	—	পে	ত	রা	সে	—	—	—	—	—
ও	তু	মি	এ	স	কা	ছে	—	—	—	—	—

ড) সঁ	রোঁ	নোঁ	নোঁ	নোঁ	নোঁ	নোঁ	নোঁ	নোঁ	নোঁ	নোঁ	নোঁ
ব) (সগোঁধোঁ)²	(সগোঁধোঁ)²	(সগোঁধোঁ)²	(সগোঁধোঁ)²	(সগোঁধোঁ)²	(সগোঁধোঁ)²	(সগোঁধোঁ)²	(সগোঁধোঁ)²	(সগোঁধোঁ)²	(সগোঁধোঁ)²	(সগোঁধোঁ)²	(সগোঁধোঁ)²
—	—	ক	হ	কা	নে	কা	নে	—	—	—	—
—	—	যা	কি	ছ	পা	—	য়	—	—	—	—
—	—	ম	রী	চি	কা	—	—	—	—	—	—
—	—	কাঁ	দে	ত	খ	—	ন	—	—	—	—
—	—	তো	মা	রে	দা	—	ও	—	—	—	—

ড) নোঁ	নোঁ	নোঁ	নোঁ	নোঁ	নোঁ	নোঁ	নোঁ	নোঁ	নোঁ	নোঁ	নোঁ
ব) (রোগোপ)²	(রোগোপ)²	(রোগোপ)²	(রোগোপ)²	(রোগোপ)²	(রোগোপ)²	(রোগোপ)²	(রোগোপ)²	(রোগোপ)²	(রোগোপ)²	(রোগোপ)²	(রোগোপ)²
কা	নে	ঙ	নাও	প্রা	গে	প্রা	গে	—	—	—	—
—	য়	হা	রা	য়ে	যা	—	য়	—	—	—	—
—	—	ধ	রি	তে	চা	—	য়	—	—	—	—
—	ন	আ	কু	ল	ম	—	ন	—	—	—	—
—	ও	আ	শা	পু	রা	—	ও	—	—	—	—

ড)	সঁ	সঁ	রৌ	নৌ	সঁনৌধ	পঁ	ধৌ*
ব)	ধৌ	গৌ	ধৌ	গৌ	(রৌগৌপ)	(রৌগৌপ)	(ধৌসৌগৌধৌ)*
	ম	ক্ষ	ল	বা	—	র	তা
	না	মা	নে	সা	—	স্ব	না
	এ	ম	ক্ষ	প্রা	—	স্ত	রে
	কা	—	পে	তা	—	রা	সে
	তু	মি	এ	স	—	কা	ছে

শ্রীসরলা দেবী।

রামমোহন রায়।*

জগতের মধ্যে মনুষ্য যে সর্বোৎকৃষ্ট পদার্থ এ কথা সর্ববাদী সন্মত। এবং অনেকেই অহুমোদন সহকারে কবি পোপের উক্তি উদ্ধৃত করেন যে,

The best study of mankind is man.

মনুষ্যজাতির শিক্ষার বিষয়ের মধ্যে মনুষ্যই সর্বোৎকৃষ্ট।

কিন্তু সচরাচর গৌণব্যবহারে কার্যতঃ এ বাক্যের সম্পূর্ণ ব্যতিচার লক্ষিত হয়। মনুষ্যের তুলনায় মনুষ্যের কীর্তিকলাপের প্রতি লোকের দৃষ্টি অধিক। তাজমহলের তুলনায় পরিদর্শকের নিকট ভারতবাসীর আদর অল্প। অক্টরলোনী মনুষ্যমেটের দর অক্টরলোনীর অপেক্ষা অধিক। যদিও বা কোন সময় মনুষ্যের প্রতি দৃষ্টি পড়ে তবে সে এক অদ্ভুত “গড়পড়তার” মনুষ্য, রক্তমাংসের সংসারে তাহার অস্তিত্ব নাই। ইহাতে আশ্চর্য্য এই যে প্রকৃত মনুষ্যের সম্বন্ধে শিক্ষালাভ করা একটা ছুরছ ব্যাপার নহে। যে জাতি, যে দেশ ও যে শ্রেণীর মধ্যে যে সকল ব্যক্তি মহাপুরুষ বলিয়া পরিগণিত তাঁহাদের চরিত্র আলোচনার ফলস্বরূপ যে শিক্ষালাভ করা যায় সেই জাতি, দেশ ও শ্রেণীর সম্বন্ধে তাহাই প্রশস্ত শিক্ষা।

এই কথাটি সম্পূর্ণ আয়ত্ত করিবার জন্ত কয়েকটা বিষয়ের আলোচনা আবশ্যিক। প্রথমতঃ দেখিতে হইবে যে লোকে বা সমাজে কোনও ব্যক্তি কি কি গুণ থাকিলে মহাপুরুষ বলিয়া প্রতিষ্ঠিত হইলেন। মহাপুরুষ পদ দিবার অধিকার রাজার নাই, লোক বিশেষেরও নাই, কোন লোকমণ্ডলীরও নাই। মহাপুরুষ পদ ঈশ্বরদত্ত, স্বাভাবিক। যাহারা না তলাইয়া আংশিক ভাষা ভাষা রূপেও মহৎচরিত্রের আলোচনা করিয়াছেন তাঁহারাও এ সত্যটি অন্যায়সে ধরিয়াছেন। মহাপুরুষ-চরিত্র বিশ্লেষণ করিয়া প্রথমেই দেখা যায় যে অসাধারণ স্বপ্ন, দূর দৃষ্টি ঐ চরিত্রের একটি প্রধান গুণ বা শক্তি। মনুষ্য বা মনুষ্যমণ্ডলী অজ্ঞাতসারে কি বস্তুকে নিজের কল্যাণ বলিয়া গ্রহণ করে, কিসের উদ্দেশে লোকপ্রবাহ

* “রামমোহন রায়” রবের বিগত ষাটাব্দিক অধিবেশনে অভিযুক্ত বক্তৃতার সারাংশ।

সহস্র বিঘ্নসমুল পথে চালিত হইতেছে, কিসের অভাবে যথার্থ দুঃখ ও দুর্গতি, এই শক্তির প্রভাবে মহাপুরুষের তাহা যথার্থ ধারণা হয়। ইহার পরে দেখা যায় যে অসাধারণ লোক-স্নেহ বা অহুকম্পা বলে মহাপুরুষগণ লোক বা লোকমণ্ডলীর প্রকৃতির অহুকূল যে যে উপায়ে সেই উপায় লাভ হইতে পারে তাহার উদ্ভাবন করিতে সক্ষম হইলেন। এবং অদম্য উৎসাহ উদ্যোগে সেই উপায় ও উপায় জ্ঞান কথার ও ব্যবহারে লোক সমাজে প্রচার করেন। মহাপুরুষের জ্ঞান, দয়া ও উত্তম অসাধারণ। ইহার একটিরও অভাব হইলে মহাপুরুষের ক্ষমতা হয়। আর এই তিনটি গুণ বা শক্তির ভারতম্যে মহাপুরুষদিগের মধ্যে ভারতম্য ঘটে। মনুষ্য নিজের হিত সর্বসময়ে বুঝিতে পারে না কিন্তু সেই হিত যদি কেহ দেখাইয়া দেয় তাহা হইলে মনুষ্য চিরকাল ভৎপ্রতি ওদাস্ত ও অশ্রদ্ধা করিতে পারে না—ইহা একটি প্রাকৃতিক সত্য। অবশ্য ব্যক্তি বিশেষে নানা কারণে এ সত্যের অপন্যাস দৃষ্ট হইতে পারে ও হয়, কিন্তু মনুষ্যের সাধারণ ধর্ম ইহাই। মনুষ্যের জ্ঞান শক্তি, দয়া বৃত্তি, ও কর্তব্য নিষ্ঠা অনাবৃত হইলেই মনুষ্য মহাপুরুষের সহিত সম প্রকৃতি হইয়া পড়ে, কেবল পরিমাণের ভারতম্য থাকে।

এই গুণগুলির উপর দৃষ্টি করিলে সহজেই প্রতীতি হইবে যে সাধারণের স্বভাব মহাপুরুষের স্বভাবের অন্তর্গত। মহাপুরুষ সাধারণের আদর্শস্বরূপ। মহাপুরুষ সাধারণ মনুষ্যের এক প্রকার দৈবী প্রকৃতি। মহাপুরুষের প্রতি সন্মান শ্রদ্ধা ভিন্ন আপনাদের প্রতি সন্মান শ্রদ্ধা রক্ষিত হইতে পারে না। এজন্ত মহাপুরুষ-চরিত্রের আলোচনার সাধারণ লোকের চরিত্র বিজ্ঞাত হয়। এই ভাবটি ফুটাইয়া রাখিবার জন্ত কেহ কেহ মহাপুরুষ শব্দের পরিবর্তে প্রতিনিধি পুরুষ (Representative man) শব্দ ব্যবহার করিতে চাহেন।

মহাপুরুষের যে সকল সাধারণ ধর্ম ইতিপূর্বে কথিত হইয়াছে সেই গুলি রামমোহন রায়ের সম্বন্ধে প্রয়োগ করিয়া দেখিতে হইবে।

যাহারা আন্তিক্য বুদ্ধিতে আধ্যাত্মিক ধর্ম গ্রহণ করেন তাঁহারা সকলেই এক বাক্যে স্বীকার করেন যে, ঈশ্বর-প্রাপ্তিই পরম পুরুষার্থ। ঈশ্বরই মনুষ্যের পরম কল্যাণ, তন্নিম্ন অপর কল্যাণ নাই। অপর যাহা কিছু কল্যাণ বলিয়া বোধ হয় তাহা তৎসৃষ্ট বা তাঁহার আংশিক বিকাশ মাত্র। মনুষ্য বুদ্ধক আর নাই বুদ্ধক—

নুণাং ভ্রমেকো গন্তব্যোহসি পয়সামর্গবহিব।

যেমন নানা দিগাহিনী নদীর শেষ এক গতি সমুদ্র, তরুণ মনুষ্যের এক মাত্র গতি তুমি। রামমোহন রায় সুবোধ্য ভাবে এই সেই পরম গতি ব্রহ্মের নিরূপণ করিয়া এবং তৎপ্রাপ্তির সুগম উপায় দেখাইয়া এবং অদম্য উৎসাহের সহিত সেই উপায় সম্প্রদায় নির্দেশে জগতে প্রচার করিয়া আপনাদের মহাপুরুষদের অকাট্য প্রমাণ দেখাইয়াছেন। তিনি ব্রহ্মদানে জগতের কৃতজ্ঞতার ভাজন হইয়াছেন—সর্বোদ্যমেব দানানাং ব্রহ্মদানং বিশিখ্যতে।

যাহারা আধ্যাত্মিক ধর্ম বিশ্বাস করেন না রামমোহন রায় তাঁহাদেরও নিকটে মুহা-

পুরুষ। “ভারতীতে” পুনঃ পুনঃ বলা হইয়াছে যে দুই সহস্র বৎসর ধরিয়া মানুষের মধ্যে বহু বৈচিত্র্য গড়ে ও মহত্ব জাতির স্বাভাবিক যে একত্ব আছে তাহার ধারণা ক্রমশঃ বিকশিত হইতেছে। যে জাতি এই একত্বের ভাবটিকে শ্রদ্ধার সহিত আতিথ্য দিয়াছে জগতে তাহারই অভ্যুদয় ও যে জাতি এই ভাবটিকে অশ্রদ্ধার সহিত প্রত্যাখ্যান করিয়াছে তাহারই অধঃপাত লক্ষিত হয়। স্পেন এক সময় সমুদ্রের একাধিপত্য লাভ করিয়া পৃথিবীতে স্বেচ্ছিত সাম্রাজ্য স্থাপন করিয়াছিল। কিন্তু পৃথিবীতে রোমান ক্যাথলিক ধর্মাবলম্বী ভিন্ন মনুষ্যের যে মনুষ্যত্ব আছে স্পেনের মস্তিষ্কে বা হৃদয়ে এ কথা স্থান পায় নাই। এইরূপ বিপরীত ধারণা বশতঃ যখনই স্পেন ধর্ম-পরীক্ষা (inquisition) প্রবল করিয়া তুলিল সেই অবধি স্পেন অবনতির পথে অগ্রসর হইল—এ কথা ইতিবেত্তাগণ সকলেই স্বীকার করেন। সে সাম্রাজ্য এখন কোথায়? আফ্রিকার অর্ধসভ্য আরবদিগের নিকটও এখন স্পেন ত্রস্ত—জিব্রলটারে এখনও বৃটিশ পতাকা উড়িয়ায়মান। যে ইংরেজ সাম্রাজ্যের উপর সূর্যাস্ত নাই, যে এঙ্গলো-সাক্সন জাতি পৃথিবীর উপর অণ্ড প্রভুত্ব করিতেছে বলিলেও অতুল্য হইয় না, তাহাদের মধ্যেই মনুষ্যের একত্ব জীবন্ত ভাবে বিরাজমান। মানুষ যে মানুষকে কেনা-বেচা করিবে ইহা সহ্য করিতে না পারিয়া ইংরেজ-যে কত অর্থব্যয় ও জীবনপাত করিয়াছে—তাহা ইতিহাস পাঠকের অবদিত নাই। আমেরিকার সমবেত রাজ্যে যখন এঙ্গলো সাক্সনগণ নিজেদের হৃদয়-রক্তে স্বাধীনতার প্রতিষ্ঠা করে তখন প্রথমেই বিধিবদ্ধ করিয়া সমুদয় দেশ সমগ্র বিশ্ববাসী মনুষ্যকে দেয়—যে কেহ তদদেশীয় ব্যবস্থা অক্ষুণ্ণ রাখিবে দেশ তাহারই। একজন বাঙ্গালী আজ মার্কিন সমবেত রাজ্যে বাস করিলে তাঁহার পুত্র রাজ্যেশ্বর হইতে পারে। আমেরিকান এঙ্গলো সাক্সনেরা মানুষ কেনা-বেচা বন্ধ করিবার জন্ত যোরতর আত্মবিচ্ছেদ ও জুরকর্মী সমরান্নির মধ্যে প্রবেশ করিয়া মনুষ্য মাত্রেই ধন্য হইয়াছে।

যেদিক দিয়াই দেখা যাউক না কেন মানুষের একত্ব এখন কোমৎ প্রভৃতি জ্ঞানিদিগের বিশ্বাস, টেনিসন প্রভৃতি কবিদিগের স্বপ্ন ও আংশিক রূপে কাভ্যুর, বিস্মার্ক, গর্ষাকর্ষ, রোজবেরি প্রভৃতি রাজনীতিজ্ঞের কার্যক্ষেত্র। সর্বত্রই একত্বের দিকে মানুষের গতি, প্রবৃত্তি। জ্ঞানোন্নতির দিকে দেখিলেও ইহা পাওয়া যায় যে, যত বহুত্বের ভিতর একত্ব বাহির হয় ততই জ্ঞানের উপচয়। বর্তমান সময়ের মতি গতি বাহারা বৃষিতে পারেন তাঁহারা স্বীকার করিবেন যে science এখন ভিন্ন ভিন্ন আকার সত্ত্বেও এক science of existence বলিয়া পরিচিত হইতেছে। Art ও এখন সাম্প্রদায়িকতা পরিত্যাগ করিয়া এক art of expression বলিয়া গৃহীত হইতেছে।

বিচার করিয়া দেখিলে অবশ্য প্রতীতি জন্মিবে যে রামমোহন রায় মানুষের বৈচিত্র্য-সংরক্ষক একত্ব অতি বিশদরূপে অনুভব করিয়াছিলেন। তিনি এই একত্ব অনুভূতি দুই রকমে প্রকাশ করিয়াছেন। এক সর্ব প্রকার ধর্ম-সম্প্রদায়ের মূলনিহিত একত্ব দর্শাইয়া

রামমোহন রায় একরূপ comparative theologyর প্রবর্তক। কিন্তু হৃৎকের বিষয় এই বিদ্যা তাঁহার স্বদেশ অপেক্ষা বিদেশে অধিক ফলবতী হইয়াছে। দ্বিতীয়, লৌকিক বিদ্যার সহিত আধ্যাত্মিক বা পরা বিদ্যার আন্তরিক অবিরোধ দেখাইয়া তিনি এদেশে উচ্চ শিক্ষার দ্বার উদ্ঘাটিত করিয়াছেন।

রামমোহন রায় নিজ “অনুষ্ঠান” নামক ক্ষুদ্র পুস্তিকায় ব্রহ্মোপাসনার উপদেশ করিয়া প্রমোত্তর ক্রমে বলিয়াছেন :—

“প্রশ্ন। বিচারতঃ এই উপাসনার কেহ বিরোধী আছে কি না।

উত্তর। এ উপাসনার বিরোধী বিচারতঃ কেহই নাই। যে হেতু আমরা জগতের কারণ ও নির্বাহকর্তা এই উপলক্ষ করিয়া উপাসনা করি? অতএব একরূপ উপাসনার বিরোধ সম্ভব হয় না, কেননা প্রত্যেক দেবতার উপাসকেরা সেই সেই দেবতাকে জগৎ কারণ ও জগতের নির্বাহকর্তা এই বিশ্বাসপূর্বক উপাসনা করেন। স্ততরাং তাঁহাদের বিশ্বাসানুসারে আমাদের এই উপাসনাকে সেই সেই দেবতার উপাসনারূপে অবশ্যই স্বীকার করিবেন। এই প্রকারে বাহারা কাল কিসা স্বভাব অথবা বুদ্ধ কিসা অথ কোন পদার্থকে জগতের নির্বাহকর্তা কহিয়া থাকেন তাঁহারাও বিচারতঃ এ উপাসনার, অর্থাৎ জগতের নির্বাহকর্তা রূপে চিন্তনের বিরোধী হইতে পারিবেন না। এবং চীন ও জিব্বৎ ও ইউরোপ ও অল্প অল্প দেশে যে সকল নানাবিধ উপাসকেরা আছেন তাঁহারাও আপন আপন উপাস্তকে জগতের কারণ ও নির্বাহকর্তা কহেন, স্ততরাং তাঁহারাও আপন আপন বিশ্বাসানুসারে আমাদের এই উপাসনাকে সেই সেই আপন উপাস্তের আরাধনা রূপে অবশ্যই স্বীকার করিবেন।

প্রশ্ন। আপনারা অল্প অল্প উপাসকের বিরোধী ও দ্বেষ্টা হন কিনা।

উত্তর। কদাপি না, যে কোন ব্যক্তি বাহারা বাহারা উপাসনা করেন সেই সেই উপাস্তকে পরমেশ্বর বোধে কিসা তাঁহার আবির্ভাব স্থান বোধে উপাসনা করিয়া থাকেন, স্ততরাং আমাদের দ্বেষ বা বিরোধ ভাব তাঁহাদের প্রতি কেন হইবেক।”

ভিন্ন ভিন্ন উপাসক সম্প্রদায়ের প্রতি কিরূপ ব্যবহার করা উচিত ও তাঁহাদের সম্বন্ধে কিরূপ ভাব রক্ষা করা কর্তব্য সে বিষয়ে রামমোহন রায় বলিয়াছেন;—

“দশনামা সন্ন্যাসীদিগের মধ্যে অনেকে এবং গুরু নানকের সম্প্রদায়, দাহপন্থী, কবীরপন্থী ও সন্ত মতাবলম্বী প্রভৃতি এই ধর্মাক্রান্ত হইলে, তাঁহাদের সহিত ভ্রাতৃত্বাবে আচরণ করা আমাদের কর্তব্য হয়।”

খৃষ্টিয়ানদের মধ্যে বাহারা ঈশ্বরের অদ্বয়ত্ব মানেন তাঁহাদের সম্বন্ধে তিনি বলিয়াছেন;—

“তাহাদিগেরও উপাস্তের ত্রৈকার্য্যবোধে অতিশয় প্রিয়পাত্র জ্ঞান করা কর্তব্য হয়।

* * * তাঁহাদের সহিত পরমার্থ বিষয়ে আত্মীয়তা কিরূপে হয় এমত আশঙ্কা উচিত নহে।”

তিনে এক ঈশ্বর যে সকল খৃষ্টিয়ানের একরূপ বিশ্বাস তাঁহাদের প্রতিও বিরোধিতাব কর্তব্য নহে। “বরঞ্চ যেরূপে আমাদের মধ্যে বাহারা বাহারা বাহাতে প্রতিমা নিষ্ঠান না

করিয়া মনেতে রামাদি অবতারকে পরমেশ্বর জানিয়া তাহাদের ধ্যান ধারণা করেন এবং ঐ নানা অবতারের ঐক্যতা দর্শান, তাহাদের সহিত যেরূপ অবিরোধভাব রাখি, সেইরূপ ঐ ইউরোপীয়দিগের প্রতিও কর্তব্য।”

আমাদের মধ্যে ঐহারা রামাদির পতিমা করিয়া উপাসনা করেন তাহাদের ও যে সকল খৃষ্টিয়ান যীশুখৃষ্টকে ঈশ্বর জানিয়া প্রতিমা রচনা করেন এছয়ের প্রতি একইরূপ ব্যবহার করা উচিত—রামমোহন রায়ের উপদেশ এই।

মুসলমান ইহুদি প্রভৃতি উপাসকের কথা বর্ণিত নাই কিন্তু তাহাদের সম্বন্ধে রামমোহন রায়ের মত জানা কঠিন নহে—সহজেই অনুমিত হইতে পারে।

একটুকু মনোনিবেশ পূর্বক দেখিলে উপলব্ধ হয় যে সিকাগোর ধর্ম মহাসভার বীজ কোন দেশে কাহা কর্তৃক রোপিত। এই কথাটার বিচারকালে স্মরণ রাখা আবশ্যক যে, রাম মোহন রায়ের কথা ও কার্য অপরাপর দেশের তুলনায় নূতন হইলেও এদেশের তুলনায় নূতন নহে। এজন্তই রামমোহন রায় তাহারা প্রতি ধর্মসংস্কারকছ আরোপের অপনোদন করিয়াছিলেন। প্রাচীন কালেও ঐ সকল কথা পুরুষ বিশেষের নিকট শুনা গিয়াছিল। মাণ্ডুক্যোপনিষদের কারিকায় গৌড়পাদাচার্য্য বলিয়াছেন,—

নাম রূপাদি নির্দেশে বিভিন্নানামুপাসকাঃ।

পরস্পরং বিরুদ্ধস্তি ন তৈরেতৎ বিরুদ্ধতে ॥

নামরূপাদি নির্দেশে হেতু বিভিন্ন উপাস্যের উপাসকদিগের মধ্যে পরস্পর বিরোধ হয় কিন্তু ইহার অর্থাৎ ব্রহ্মোপাসনার সহিত তাহাদের বিরোধ ঘটে না।

বিদ্যা শিক্ষার সহিত আধ্যাত্মিক বা পারমাণ্বিক উন্নতির সম্বন্ধ বিচার করিয়া রামমোহন রায় বলিয়াছেন যে, জ্ঞানের বিস্তারে লোকে বিবিধ সম্প্রদায়ের মধ্যে তুলনায় দোষ গুণ বিচার পূর্বক তাহাদের অভ্যন্তরিক অভেদ ভাব উপলব্ধ করিতে সক্ষম হয় এবং তাহাদিগের মধ্যে ভেদ বিরোধ যে সামাজিক ও জাতীয় উন্নতির বিনাশক ইহা জানিয়া সেই ভেদ বিরোধ ত্যাগ করিতে ও করাইতে যত্নশীল হয়। এই বুদ্ধিতেই তিনি দেশে বিদ্যা-চর্চার প্রচারের জন্ত অত যত্নশীল ছিলেন। পৃথিবীর পক্ষে রামমোহন রায়ের মহাপুরুষত্ব এই সকল কথাই আলোচনায় কতক পরিমাণে পরিষ্কার হয়।

এখন আমাদের দেশের দিক হইতে রামমোহনের মহত্ত্ব আলোচনার আবশ্যক। পূর্বে বলা হইয়াছে ইতিহাস লব্ধ জ্ঞান সমন্বয় করিলে ইহাই দাঁড়ায় যে মনুষ্য জাতির এখন মানুষের একই অল্পভূতির দ্বারা ব্যবহার রঞ্জিত করিতে প্রবৃত্তি। এই প্রবৃত্তির প্রতিরোধ যেমন ভারতবর্ষে এমন আর কোথাও দেখা যায় না। ভারতবাসীরা যেমন কুপ মণ্ড কবৎ আপন আপন জন্মস্থানে আপন আপন সঙ্গীর্ণ সম্প্রদায়ে আবদ্ধ থাকিতে ভাসবাসে এমন আর কাহারও ভিতর দেখা যায় না। তাপাি ভিন্ন ভিন্ন ধর্ম ভিন্ন ভিন্ন আচার ব্যবহার, ভিন্ন

ভিন্ন ভাষা যেরূপ ভারতবর্ষে সমবেত এমন আর কোন স্থানে লক্ষিত হয় না। যে অদৃষ্ট শক্তি মানুষকে এক্ষের দিকে চালিত করিতেছে তাহা ভারতবাসীকে স্বাতন্ত্র্য রক্ষা করিতে দেয় নাই। প্রাকৃতিক শক্তির কার্য পরিবার একটা নিয়ম এই যে, যদি তুমি বেছাপূর্বক তাহার বশবর্তী না হও তাহা হইলে তোমাকে অনিচ্ছাসহে ও অবশেষে ছায় তাহার বশবর্তিতা স্বীকার করিতে হইবে। পর্তত যতপি মহম্মদের নিকট না আসে তবে মহম্মদকে পর্ততের নিকট যাইতে হইবে। ভারতবর্ষ কাহাকেও চাহে না তাহাই ভারতবর্ষকে সকলে চাহিতেছে। চীনেরা মোগলদিগকে দূরে রাখিবার জন্ত তদেন্দীয় বিখ্যাত দেওয়াল গড়িল কিন্তু সেই মোগল এখন চীনের সম্রাট।

ভারতবর্ষে কয়েক শতাব্দী হইতে যেরূপ অবস্থা ঘটয়াছে তাহাতে এই এক্ষের অনুশীলন ভিন্ন রাজনৈতিক, সামাজিক, আধ্যাত্মিক উন্নতির সম্ভাবনা দেখা যায় না। এই এক্ষের উপদেষ্টা রামমোহন রায়। অজ্ঞাত যে সকল বিষয়ে রামমোহন আমাদের অভাব মোচন করিয়াছেন ও আমাদের আশা ফলবর্তী করিবার পথ পরিষ্কার করিয়াছেন তাহার উল্লেখ এখানে আবশ্যক নাই। যে ভাবটার ধারণা ভিন্ন আমাদের উন্নতি কেন সংস্থিতের পর্যন্ত সম্ভাবনা নাই তাহারই আলোচনা যথেষ্ট। আমরা যদি এই বৈচিত্র্যসম্বল দেশের মধ্যে কোন প্রকারে এই এক্ষের ভাবকে কার্যকারী করিতে পারি তাহা হইলে দেশের পরমোপকার ও জগতের একটা বিশেষ কল্যাণ সাধিত হইবে এবং তাহাতে আমরা জগতের দুঃস্থস্থল ও কৃতজ্ঞতার পাত্র হইয়া পরমেশ্বরের আশীর্বাদ আকর্ষণ করিব, সন্দেহ নাই।

উপসংহারে একটা কথা আবশ্যক। অনেক আপাততঃ দৃষ্টিতে দেখেন যে রামমোহন রায় প্রতিমা উপাসনার বিদেবী ছিলেন। উপাসনা সমন্বয় করিতে গিয়া তিনি এই উপাসনার স্থল দেখিতে পান নাই। যখন মানুষের মধ্যে প্রতিমা পূজা প্রচলিত রহিয়াছে তখন উহার প্রতি কেবল মাত্র বিদেব দেখাইয়া উহাকে বুদ্ধিতে চেঁচা না করা অজ্ঞানের কার্য কিন্তু এ অজ্ঞান রামমোহন রায়কে অধিকার করিতে সক্ষম হয় নাই। প্রতিমা পূজা যে যথার্থতঃ কি তাহা রামমোহন রায় বুদ্ধিতে ও বুঝাইবার চেঁচা করিয়াছিলেন, এ কথা নিঃসন্দেহে বলা যায়। তাহার চেঁচা ইহাই ছিল যে প্রতিমা পূজার যথার্থ অধিকার সীমা উপযুক্তরূপে নির্দিষ্ট থাকে। ইহার প্রমাণ স্বরূপ রামমোহন রায়ের কয়েকটা কথা নিম্নে উদ্ধৃত হইল।

“শাস্ত্রে কহিতেছেন। অধিকারি বিশেষেণ শাস্ত্রান্যুক্তান্য শেষতঃ। অধিকারী প্রভেদেতে শাস্ত্রে নানা প্রকার বিধি উক্ত হইয়াছে অর্থাৎ যে ব্যক্তির পরমার্থতত্ত্বে কোন মতে প্রীতি নাই এবং সর্বদা অনাচারে রত হয় তাহাকে অব্যবহার্যের আদেশ করেন তদনুসারে সেই ব্যক্তি কহে যে অব্যবহার্য পরোমস্তঃ। অব্যবহার্যের পর আর নাই। আর যে ব্যক্তি পরমার্থ বিষয়ে বিমুখ ও পানাদিতে রত তাহার প্রতি বামাচারের আদেশ করেন এবং সে কহে যে অগ্নিা বিন্দুমাত্রেন ত্রিকোটি কুলমুদ্বরেৎ। বিন্দু মাত্র মদিরার দ্বারা তিন কোটি

কুল উদ্ধার হয়। আর যে ব্যক্তির পরমেশ্বর বিষয়ে শ্রদ্ধা না হইয়া জীমুখাদি বিষয়ে সর্বদা আকাজ্ঞা হয় তাহার প্রতি জী পুরুষের ক্রীড়া ঘটত উপাসনার উপদেশ করিয়াছেন এবং সে কহে বিক্রীড়িতঃ ব্রজবধুভিরিদঞ্চ বিষ্ণোঃ শ্রদ্ধাযিতো হুয়শ্শুভাদথবর্ণয়েযদ্ ইত্যাদি। যে ব্যক্তি ব্রজবধুদিগের সহিত শ্রীকৃষ্ণের এই ক্রীড়াকে শ্রবণ করে ও বর্ণন করে সে ব্যক্তির শ্রীকৃষ্ণেতে পরম ভক্তি হইয়া অন্তঃকরণের হুঃখ ত্বরায় নিবৃত্তি হয়। আর যাহারা হিংসাদি কৰ্ম্মেতে রত হয় তাহাদের প্রতি ছাগাদি বলিদানের উপদেশ করিয়াছেন এবং সে কহে যে স্বমেকমেকমুদরা তৃপ্তা ভবতি চণ্ডিকা। ইত্যাদি। মেঘের কৃধির দান করিলে এক বৎসর পর্য্যন্ত ভগবতী প্রীতা হয়েন। এ সকল বিধি অপরা বিদ্যা হয় কিন্তু ইহার তাৎপর্য্য হয় যে আশ্বত্থবিমুখ সকল যাহাদের স্বভাবতঃ অশুচি ভক্ষণে মদিরা পানে জী পুরুষ ঘটত আলাপে এবং হিংসাদিতে রতি হয় তাহারা নাস্তিকরূপে গর্হিত কৰ্ম্ম না করিয়া পূর্নলিখিত রকমে নির্ভর করিয়া ঈশ্বরোদ্দেশে এ সকল কৰ্ম্ম যেন করে যেহেতু নাস্তিকতার প্রাচুর্য্য হইলে জগতের অত্যন্ত উৎপাত হয়। * * * আর ইহাও জানা কর্তব্য যে, যে শাস্ত্রে ঐ সকল আহার বিহার ও হিংসা ইত্যাদির উপদেশ আছে সেই সকল শাস্ত্রেই সিদ্ধান্তের সময় সঙ্গীকার করেন যে আশ্বজ্ঞান ব্যতিরেকে যে সকল উপদেশ সে কেবল লোকরঞ্জন মান্দ। কুলার্গবে প্রথমোক্তাসে! তন্মাদিত্যাদিকংকৰ্ম্ম লোকরঞ্জন কারণং। মোক্ষস্ত কারণং বিদ্ধি তত্ত্বজ্ঞানং কুলেশ্বরী ॥”

নিষ্কলশ্রাদ্ধিতীয়শ্চ ইত্যাদি বচন সকলেই অবগত আছেন বিস্তারিত উল্লেখ নিশ্চরোজন।* রামমোহন রায়ের মহৎ চরিত্রের এই একটা মাত্র অংশ আলোচনার যে জ্ঞান লাভ হয় তাহাতে আমাদের কর্তব্যতা বিষয়ে কি আসে যায়? বীশুশৃষ্ট বলিয়াছিলেন যে, “যদি আমাকে স্নেহ কর তবে আমার মেঘশাবকদিগকে ভক্ষ্য দাও।” যদি রামমোহন রায়ের রায়ের প্রতি শ্রদ্ধা কর তবে যাহাতে তাহার কার্য্য অপ্রতিহতবেগে বহমান থাকে তাহার জ্ঞান চেষ্টা কর। মাহুষের মধ্যে যে মনগড়া একত্ব নহে স্বাভাবিক একত্ব আছে তাহার যাহাতে উত্তরোত্তর স্ফূর্তি হয় সে বিষয়ে আমাদের সর্বদা অতন্ত্রিত ভাবে যত্নশীল হওয়া কর্তব্য।

শ্রীমোহিনীমোহন চট্টোপাধ্যায়।

* এ বিষয়ে বিস্তারিতরূপে অহুসন্ধান করিবার ইচ্ছা হইলে রামমোহন রায়ের কৃত ঈশোপনিষদের ভূমিকা দ্রষ্টব্য।

হরপার্বতীর তপস্যা।

পার্বতী।

হায়, সখি, হায়!

নিতান্ত বিফল হবে, জীবন আমার তবে?

সেকি শুধু একবার চাবে না আমায়!

দিন রাত্রি নাহি—

নাহি শ্রান্তি না বিশ্রাম, তার তরে অবিরাম

বসিয়ে রয়েছি হেথা সেই মুখ চাহি!

দিন পরে দিন—

ঋতু পরে ঋতু যায়, আমি বসে আছি হায়!

নইয়ে বাসনা এই চিরতৃপ্তি হীন।

প্রভাতের রবি

যায় যবে সন্ধ্যাকালে ধরণীর অন্তরালে,

তখন দেখিয়া যায় মোর এই ছবি।

সন্ধ্যার চাঁদিমা—

সুদীর্ঘ যামিনী শেষে, মিশে যায় ক্ষীণ বেশে

চাহিয়া অবাধ নেত্রে একই মূর্তি দীনা।

প্রতি বিভাবরী—

হেরি মোরে একাসনে, তারকা ব্যথিত মনে

শিশিরের অশ্রুধারা চালে শিরোপরি।

বসন্ত মুকুল—

ধীরে ধীরে ফুটে ওঠে, আকুল স্তবাস ছোটে

আবার স্মরণে সেই ঝরে যায় ফুল।

নিদাঘ তপন—

মোর শূন্য শিরে হানে অনল-কিরণ বাণে,

বর্ষার নীরদ করে ধারা বরিষণ।

শরৎ হেমন্ত—

করণ সঙ্কীত ধারে চেতনা আনিতে নারে

ব্যাকুলি ডাকিয়া আনে হিমালী ছরন্ত।

‘মুহূর্ত্ত একটি—

নহে স্থির নহে চুপ, নহে কেহ একরূপ
মোর চিত্ত এক নিত্য ভজিছে ধূস্কটি।

জনম ধরিয়া—

এমনে যাহারে হৃদি পূজিতেছে নিরবধি
না পেয়ে তাহারে প্রাণ যাবে কি ধরিয়া!

কার পূজা করি?

পূজা করি যার পায়, সে কি তা জানিতে পায়
ধ্যান ভরে আপনারে রয়েছে বিশ্বরি।

মহাযোগীবর

রহিয়াছে সদা ভোর, বিশ্বব্যাপী যোগে যোর;
কে আমি তাহার কাছে অতি তুচ্ছতর।

আমি যেন ভুজ্জ,

কিন্তু সারা প্রাণ দিয়ে, একমনে একহিয়ে
এই যে তপস্যা মোর নহে কি তা উচ্চ!

ক্ষুদ্র তৃণ ফুল—

রবিরে সে উপহার, দেয় ক্ষুদ্র হৃদি তার—
নাহি কিছু মূল্য তার, সবি মিথ্যা ভুল?

এ মোর প্রণয়

একবার মেলি আঁখি, চেয়ে দেখিবে না তা কি?
একটি করণা কণা পাবে না হৃদয়!

চিরকাল প্রাণ—

করিয়া বিফল ধ্যান—হয়ে যাবে অবসান,
জানিতেও নারিবে সে ধ্যানেতে অজ্ঞান।

নহে তাহা নয়;

ত্রিকালজ্ঞ মহেশ্বর, জান সর্ব চরাচর
জান এ হৃদয় মোর আকুলতা ময়।

এই মত আমি—

তব ধ্যানে চিরদিন জীবন করিব লীন,
প্রেমময় মহাদেব প্রাণেশ্বর স্বামী।

হর ।

সব পরিহরি—
তাজিয়ে বিলাস ভোগ দিন রাত তার যোগ।
একেলা বিজনে বসি এক মনে করি ।
কঠিন পর্ত—
ছায়াহীন গৃহহীন, হিমে দেহ সমাসীন
সগর্ভে রয়েছে তুলি মস্তক উন্নত !
এই স্তম্ভ স্থানে
পাসরি সংসার মায়া, পাত করিতেছি কায়া,
এক মনে এক প্রাণে থাকি তার ধ্যানে ।
আমি হইলাম—
হায়রে যাহার লাগি, এইরূপ সর্বভাগী
কই তবু এত করে তারে পাইলাম ?
ত্রিলোক রাজিনী,
আলো করে দশ দিশি, দশ রূপে আছ মিশি
সন্ধান কেমনে পাব অনন্ত রূপিণী ।
এই রণ রঙ্গ—
মহিষ মর্দিনী বাংলা, গলে নরমুণ্ড মালা
চরণে দলিত দীন কল্পিত আতঙ্গ ।
কখনো জননী—
পুত্র কস্তাগুলি সব, আশে পাশে নিয়ে তব
মেহময়ী মাতা রূপে ভূলাও অবনী ।
কত জান মায়া,
এই অন্নপূর্ণা বেশে অন্নদান কর দেশে
অন্ন কভু নাহি মেলে ভিখারীর জায়া ।
কত ধর ছল !
কত হাসি স্খাভরা, অন্ননয় অশ্রুধারা
পিতৃগৃহে বাবা তরে সোহাগ-কৌশল ।

পতি অপমান—
শুনি উগ্র ক্রোধ ভরে, মজ্জ লণ্ড ভণ্ড ক'রে
বিসর্জন কর সতী আপনার প্রাণ ।
যেই দিকে চাই—
ক্ষণে ক্ষণে নব বাস প'রে হও পরকাশ
চিনিতে পারি না আমি তত্ত্ব নাহি পাই ।
ইচ্ছায় তোমার—
মুহুর্তে স্বজন হয়, মুহুর্তে ব্রহ্মাণ্ডলয়
কমল করেতে রাজে অনন্ত সংসার ।
মহাশক্তি রূপী,
এ নিখিল চরাচর, জড়, প্রাণ, দেব নর,
করিছে তোমার ধ্যান যুগ যুগ ব্যাপী ।
সর্ব ভূতময়ী,
তবু না দেখিতে পাই, কেবল আকুলে চাই,
কেবল আকুলে ডাকি কোথা ছুমি অয়ি !
উন্নতের মত—
শ্মশানে মশানে ঘুরি তোমার সন্ধানে ফিরি
সমস্ত বিধেতে খুঁজি ত্রিমি অবিরত ।
অচিন্ত্য রূপসী—
তোমার মুরতি দিয়ে, ব্রহ্মাণ্ড রাখি ভরিয়ে
কেমন দেখিতে তোমা জানিনে প্রেমসী ।
অয়ি যোগময়ী
কোথা আছ কোথা নাই, অন্ত তব নাহি পাই
কর গো দর্শন দানে সর্ব যোগজয়ী ।

শ্রীহিরণ্ময়ী দেবী ।

আকবর সাহের হিন্দু-প্রীতি ।

আকবর সাহের জীবনের ঘটনাবলীর সহিত হিন্দু সামন্ত রাজগণের, ও সাধারণ হিন্দুজাতির এতদূর অবিচ্ছেদ্য সম্বন্ধ যে, সমগ্র হিন্দু অংশটা পৃথক করিয়া লইলে আকবর সাহের রাজ-মৈত্রিক জীবন নিতান্ত শূন্য হইয়া পড়ে। সেই তীব্রবুদ্ধি, দূরদর্শী, প্রত্যক্ষজ্ঞানবিশিষ্ট সম্রাট হিন্দুর আত্মকুল্যে এই বিশাল হিন্দুবহুল ভারতভূমিতে একছত্র আধিপত্য প্রতিষ্ঠাপিত করিয়াছিলেন। তাঁহার প্রপৌত্র ঠিক তদ্বিপরীত নীতিপথগামী হইয়া, স্বদূর বিস্তৃত বহ্মায়ত মোগলসাম্রাজ্যকে অন্তঃসার শূন্য করিয়া গেলেন। যাহাতে প্রতিষ্ঠা হয়, তদ্বিপরীত নীতি অবলম্বনে যে পতন হইবে, ইহা প্রকৃতির একটা অবশ্যস্বাবী কঠোর সত্য ।

আকবরের রাজত্বকালের দ্বাদশ বৎসর উত্তীর্ণ হইয়া গিয়াছে। ইহার প্রথমার্ধ ভাগ বৈরাম খাঁর কর্তৃত্বাধীনে ও শেষার্ধভাগ, জাতি ও স্বজাতি বিদ্রোহ দমনে ব্যয়িত হইয়াছে। এই বার বৎসরকাল তাহার শিক্ষানবিশির সময়। ইহার মধ্যে স্বজাতীয় আত্মীয় বন্ধু ও পৃষ্ঠপোষকগণের যে প্রকার স্বল্প অমুরক্তি ও ক্ষীণ সহায়ত্ব পাইয়াছিলেন, তাহাতে তাঁহার মনে নিশ্চয়ই একটা প্রতীতি জন্মিয়াছিল যে হিন্দুহানের রাজা মবল ও স্বদৃঢ় রাখিতে হইলে এই হিন্দুপ্রধান দেশে বলবীর্য্যশৌর্য্যশালী হিন্দুজাতির আন্তরিক সহায়ত্ব ভিন্ন আর গত্যন্তর নাই ।

তাঁহার সহধর্ম্মীরা তাঁহাকে বড়ই আলাতন করিয়া তুলিয়াছিল। প্রতিপদে বিদ্রোহ-হান্ধামা দমন করিতে তাঁহাকে সেই কিশোর জীবনের অধিকাংশ সময় কঠোরতর পরীক্ষায় পড়িতে হইয়াছিল। সে শিক্ষা, সে বহুদর্শিতা তিনি প্রচুর ক্রমের ব্যয়ে লাভ করিয়াছিলেন। তাঁহার কোন আত্মীয়ের সামান্য একটা অসন্তোষের কারণ ঘটিলেই সেই আত্মীয় বিদ্রোহ উপস্থিত করিয়া একটা মহা অশান্তির উদয় করিত ।

অভিজ্ঞতাই আকবরকে জীবনের সেই কোমল অবস্থার প্রত্যক্ষদর্শী, পরিণামাত্মক করিয়া তুলিয়াছিল। তিনি দেখিতে পাইলেন, রাজপুতই তখন দেশের মধ্যে বীর্য্যবান; রাজ্যের মূলভিত্তি দৃঢ় করিতে হইলে, সেই রাজপুতগণের সহায়ত্ব ভিন্ন আর উপায়ান্তর নাই। এই উদ্দেশ্যসিদ্ধির অভিমুখে ছইটা উপায় তাঁহার দৃষ্টিপথে পতিত হইল। প্রথম রাজপুতকে উচ্চ রাজকর্মে নিয়োগ, দ্বিতীয়ত—তাহাদের সহিত কুটুম্ব-সম্বন্ধ স্থাপন ।

প্রথমটা তাঁহার নিজের করায়ত্ত ছিল, কিন্তু দ্বিতীয়টার জন্ত তিনি প্রস্তুত থাকিলেও উদ্দেশ্যসিদ্ধি সম্বন্ধে অনেক বাধা বিঘ্ন উপস্থিত হইল। হিন্দু মুসলমানকে কত দিবে কেন? বিশেষতঃ রাজা রাজড়ার ঘরে উগ্রবীর্য্য জাত্যাভিমানপূর্ণ রাজপুতের ঘরে বিবাহ

স্বল্প স্থাপন, বড় ছরুহ ব্যাপার। উদ্যম আকবরের জীবনে “সাকলোর” মূলমন্ত্র। উদ্যমেই তিনি এই বিশাল হিন্দুস্থানে মহাবিস্তৃত সাম্রাজ্যের দৃঢ়ভিত্তি স্থাপিত করিয়া গিয়াছিলেন। উদ্যোগী পুরুষ যেমন স্বতঃ পরতঃ চেষ্টা-পরায়ণ আবার অশুদিকে তেমনি সুবিধাজনক ঘটনার অপেক্ষাকারী। আকবর “উদ্যম” আশ্রয়ে সেই অন্তর্নিহিত সংকল্পকে সুন্দররূপে পরিচালিত করিবার জন্ত অবসরের অপেক্ষা করিতে লাগিলেন।

হিন্দুর প্রতি—রাজপুতের প্রতি বিশ্বাসস্থাপনের প্রয়োজনীয়তা ও উপযুক্ততা সম্বন্ধে আকবর কতকগুলি বিশেষ প্রমাণ পাইয়াছিলেন। তিনি জানিতেন, বীরধর্মী রাজপুত যেমন দৃঢ়হস্তে রণক্ষেত্রে শক্রনিপাতে পড়ি, আবার অশুপক্ষে তেমনি মিত্রের জন্ত সকল বাধা বিঘ্ন আলিঙ্গন করিয়া মৃত্যুমুখে পড়িতেও মজবুত। রাজপুত জন্তু বিশ্বাস কখনও জীবন সম্বন্ধে অপচয় করিতে জানে না। রাজপুত আত্মাভিমानी, বলদপিত ও জাতীয় গৌরবে উদ্ভাস্তচিত্ত,—সত্যকথন, প্রতিজ্ঞাপালন প্রভৃতি গুণ তাহার মাতৃহৃৎকের সহিত গৌরবে উদ্ভাস্তচিত্ত,—সত্যকথন, প্রতিজ্ঞাপালন প্রভৃতি গুণ তাহার মাতৃহৃৎকের সহিত শিরায় শিরায় সঞ্চারিত। রাজপুত যাহাতে একবার “হাঁ” বলে তাহা আর “না” করিবার সম্ভাবনা অতি অল্পই থাকে। এ হেন রাজপুতের উপর বিশ্বাসস্থাপনে শঙ্কার বিষয় কি?

কিন্তু আর একটা বোরতর আপত্তি ছিল। রাজপুত স্বাধীনতা-প্রিয়ানী, রাজপুত হিন্দুরাজ্য পুনঃ প্রতিষ্ঠানের জন্ত অবসরোপেক্ষী, মাতৃভূমির জন্ত রাজপুত কি না করিতে পারে? সে রাজপুত যে যখনরাজ্য বিস্তারের সহায়তা করিবে, যখনরাজ্যের মূল দৃঢ় করিবে, ইহারই বা সম্ভাবনা কোথায়?

এ সকল বিষয়ে নিশ্চিত উত্তর সম্ভব নহে। কিন্তু দূরদর্শী যুবক আকবর একবার রাজপুতের গর্ভিত জাতীয় ভাবের প্রতি তীক্ষ্ণ দৃষ্টি করিলেন, তাহাদের মাতৃ-হৃৎকের সহিত পরিপুষ্ট, পুরুষকার-পূর্ণ প্রকৃত বীরোচিত গুণাবলীর প্রতি তাঁহার উৎকোশ দৃষ্টি ফিরাইলেন। ভাবিলেন, উচ্চপদে প্রতিষ্ঠিত থাকিয়া যদি রাজপুত মাতৃভূমির মধ্যে সর্বশ্রেষ্ঠ আধিপত্য পায়, মাতৃভূমির সেবা করিতে পারে, তাহা হইলে সে আংশিক সন্তোষ লাভ করিবে। রাজপুত এখন পর, কিন্তু পরে যে আপনার হইবে না, তাহারও কোন কারণ বর্তমান নাই। হিন্দু ও মোগলে ইতিপূর্বে অনেকবার সখ্যতা বন্ধন হইয়াছে। যখনই মুসলমান বিজেতা প্রয়োজনমতে হিন্দুরাজ্যের সহায়তা চাহিয়াছেন—তখনই তিনি তাহা পাইয়াছেন। ইব্রাহিম লোদীকে রাজ্যচ্যুত করিবার সময় বাবর সাহ তৎকালীন শ্রেষ্ঠ রাজপুত রাণা সঙ্গের ছায়* মহাবীরের সহায়তা লাভ করিয়াছিলেন। হুমায়ুনও প্রয়োজনমতে হিন্দুর সহায়তা লইয়াছিলেন। অমরকোটের রাণা তাঁহার যথেষ্ট সহায়তা করিয়াছিলেন। সের সাহের বিরুদ্ধে যুদ্ধ করিবার পূর্বে তিনি ঘোষণা করিয়াছিলেন যে নিকট হইতে সাহায্য

* Erskine's Memoirs of Babar and Humayun vol. I. 462. and Tuzaki Bábarí p. 264. Tod's Rajasthan I. 305.

পাইয়াছিলেন। তারপর, বাহাদুর সাহ যখন প্রথম চিতোর আক্রমণ করেন, তখন মহারাণা স্বয়ং হুমায়ুনের নিকট সাহায্য চাহিয়া পাঠান।*

উদয়সিংহের মাতা রাণী কর্ণাবতী এক সময়ে হুমায়ুনকে “রাখিবন্দ ভাই”† করিয়া ছিলেন। হুমায়ুনও তাঁহার রাজপুত ভগিনীর সহায়তায় বিশেষ মনোযোগ প্রদান করেন। স্বল্প প্রতিষ্ঠানের সময় তিনি সুদূরে বাঙ্গলার পাঠানদিগের সহিত যুদ্ধে নিযুক্ত ছিলেন। হুমায়ুনের সহায়তা পাওয়া গেল না, বাহাদুর সাহ চিতোর ধ্বংস করিলেন। বীররমণী কর্ণাবতী যুদ্ধক্ষেত্রে মহিষমর্দিনী রূপে সেনা পরিচালনা করিয়া গৌরবময়ী রাজপুত রমণীগণের সহিত চির পুণ্যময় “জহর ত্রতের” অঙ্কন করিলেন। হুমায়ুন আসিয়া দেখিলেন, চিতোর শ্মশানে পরিণত হইয়া গিয়াছে। এতদ্ব্যতীত আকবর নিজে রাজপুতের ঘরে জন্মিয়াছেন, হিন্দুর প্রতি তাঁহার বিশ্বাস প্রথম হইতেই অটলভাবে হৃদয়মধ্যে পোষিত হইতেছিল। তিনি হিন্দুসহায়তার মর্যাদা বুঝিয়াই তাহাদিগকে তাঁহার সাহায্যে আহ্বান করেন। প্রধান প্রধান হিন্দুগণ তাঁহার রাজসরকারে সর্বোচ্চ কর্মে নিযুক্ত হইয়াছিলেন।

আকবরের হিন্দু-প্রীতি কি প্রকার বৃদ্ধি পাইয়াছিল, হিন্দুদিগকে তিনি কি প্রকার বিশ্বাস করিতেন, তাহার বিশেষ প্রমাণ এই যে, প্রধান প্রধান রাজপুত রাজগণ ও সামন্তগণকে তিনি রাজ্যমধ্যে নিম্ন হইতে শ্রেষ্ঠতম সৈনিক পদ পর্যন্ত সকল কর্মেই নিয়োগ করিয়াছিলেন। তাঁহার মৃত্যুর পর হইতেই, উচ্চ রাজকর্মে হিন্দু নিয়োগ-প্রথা ক্রমশঃ হ্রাস পাইতে লাগিল। জাহাঙ্গীরের রাজত্বের শেষ ভাগ হইতে সাজাহান, আরঞ্জীবের রাজত্ব উচ্চপদে নিযুক্ত হিন্দু কর্মচারী অত্যল্পই দেখা যায়।

আকবরের রাজত্বকালমধ্যে যে সকল হিন্দু উচ্চ রাজকর্মে নিয়োজিত হইয়াছিলেন, তাঁহাদের নাম বহুদূরে সংগৃহীত হইয়াছে। ইতিহাস-প্রিয় পাঠককে তাঁহাদের প্রত্যেকেরই সংক্ষিপ্ত পরিচয় দিয়া আকবরের হিন্দু-প্রিয়তার জাঙ্ঘল্যমান উদাহরণ দেখাইব।

- | | |
|------------------------------|------------------------------|
| (১) রাজা বিহারিমল্ কছওয়ারা। | (৬) রাজা কল্যাণ মল্ল। |
| (২) রাজা ভগবান দাস কছওয়ারা। | (৭) রাজা রায় রায় সিংহ। |
| (৩) রাজা মান সিংহ। | (৮) কুমার জগন্নাথ। |
| (৪) রাজা টোডরমল্। | (৯) রায় সর্জন হাদা (চৌহান)। |
| (৫) রাজা বীরবল্। | (১০) রায় ছুর্গা শিশোদিয়া। |

* Ferista II. 74. Erskine II. 14.

† রাজপুত কস্তুরা কোন বিপদে পড়িলে অপরিচিত রাজপুতের নিকট “রাখি” প্রেরণ করিয়া ভ্রাতৃস্বয়ং যাপন করিতেন। এই প্রকার ভাইকে রাজপুতেরা “রাখিবন্দ ভাই” বলিত।

- | | |
|---|-----------------------------|
| (১১) কুন্ওয়ার মধু সিংহ। | (৩২) রামচাঁদ (কছওয়ার)। |
| (১২) কুন্ওয়ার জগৎ সিংহ। | (৩৩) রায় মনোহর। |
| (১৩) রাজা রাজ সিংহ। | (৩৪) শিলহাদী। |
| (১৪) রায় ভোজ। | (৩৫) বাঙ্কা কছওয়ার। |
| (১৫) কুন্ওয়ার ধারু। | (৩৬) বলভদ্র রাঠোর। |
| (১৬) রায় সাল দরবারী। | (৩৭) কেণ্ডাস মার। |
| (১৭) রায় রপশী বৈরাগী। | (৩৮) তুলসীদাস যাদব্। |
| (১৮) রায় উদয় সিংহ। | (৩৯) কিশ্বদাস (কুন্ওয়ার)। |
| (১৯) রায় পাত্ৰদাস (রাজা বিক্রম জিৎ)। | (৪০) মানসিংহ (কছওয়ার)। |
| (২০) মেদিনী রায় চৌহান। | (৪১) বাহাছর গিহলোট। |
| (২১) পরমানন্দ ক্ষেত্রী। | (৪২) রায় রামদাস দেওয়ান। |
| (২২) জগমল। | (৪৩) কুন্ওয়ার প্রতাপ সিংহ। |
| (২৩) রাওয়াল ভীম। | (৪৪) রাণা শক্র। |
| (২৪) রামদাস কছওয়ার। | (৪৫) মথুরাদাস ক্ষেত্রী। |
| (২৫) কুন্ওয়ার অক্ষয় সিংহ। | (৪৬) সপ্তরাদাস ক্ষেত্রী। |
| (২৬) কুন্ওয়ার সবল সিংহ। | (৪৭) লালা—(বীরবলের পুত্র)। |
| (২৭) কুন্ওয়ার শকুৎ সিংহ (হিম্মৎ সিংহ)। | (৪৮) সানওয়াল দা যাদব্। |
| (২৮) রামচাঁদ বুদ্ধলা। | (৪৯) রাজা আঙ্কারাণ।* |
| (২৯) রাজা মুকৎমান। (ভদৌরিয়া) | (৫০) রায় লনকারাণ।* |
| (৩০) রাজা রামচন্দ্র (উড়িয়ার জমীদার) | (৫১) রাজা কনগার।* |
| (৩১) দলপত্ রাও। | (৫২) রাজা গোলাপ।* |

অনেক অহুসন্ধানের পর আমরা এই বাহায় জন মন্ডবদারের নাম, “পাদশানামা” ও “আকবর নামা” হইতে বাহির করিয়াছি। ইহার মধ্যে—(*)তারকা-চিহ্নিত কয়জনের নাম আকবর নামায় পাওয়া যায় না। নিজামউদ্দিন আখ্বেসের “তব্বাকাত্-ই-জাহাঙ্গিরী” নামক গ্রন্থে এই চারিজন হিন্দুসামন্তের নাম অতিরিক্ত পাওয়া যায়। আকবরের সমসাময়িক ইতি-বৃত্তকারদের মধ্যে—আবুল ফজলের বৃত্তান্ত সমধিক প্রামাণ্য ও বিশ্বাসজনক। তাঁহার অব্যবহিত পরবর্তী অশ্রাশ মুসলমান ইতিহাসকারগণ যাহা বলিয়া গিয়াছেন, তাহার মধ্যে অনেক গোলমাল ও বিশৃঙ্খলার আবির্ভাব হইয়াছে। উপরের তালিকায় যাহাদের নাম নিবিষ্ট হইয়াছে তাঁহারা সৈনিকবিভাগে, রাজ্যের শাসনবিভাগে উচ্চপদে নিযুক্ত ছিলেন। এতদ্ব্যতীত, আকবরের রাজসভায় অনেক হিন্দু সভাসদ-পণ্ডিতরূপে নিযুক্ত ছিলেন। বিধর্মী দিল্লীশ্বরের “ব্রাহ্মণ সভাপণ্ডিত” কথাটিতে তাঁহার ধর্মসম্বন্ধে উদার মতের যশোরাপি প্রচার করে।

আকবর সাহ হিন্দুধর্মের পক্ষপাতী ছিলেন। অপর ধর্মালোচনা না করিতেন এমত নহে। একবার তিনি খৃষ্টানধর্মের আলোচনা প্রয়াসী গোয়ার মিসনরী সম্প্রদায়কে পত্র লেখেন। তদনুসারে পাদরী রডলফ্ আগ্রায় সম্রাটের নিকট উপস্থিত হন। দিনকতক তর্ক বিতর্কের পর আকবর সাহ খৃষ্টানধর্ম সম্বন্ধে বীতশ্রদ্ধ হইয়া পাদরীসাহেবকে বিদায় দেন।

হিন্দুর ধর্মকে আদর্শ করিয়া তিনি তাঁহার “Divine faith” বা “উদার ধর্ম” মতের মূলভিত্তি স্থাপন করিয়াছিলেন। ঈসলাম ধর্মের প্রতি তিনি একান্ত শ্রদ্ধাবান ছিলেন না। তিনি মুসলমান হইয়া শ্রদ্ধাশ্রয় করিয়াছিলেন—রাজ্যমধ্যে শ্রদ্ধাশ্রয়নের আজ্ঞাও পরোক্ষভাবে প্রচার করিয়াছিলেন। গোমাংস ও সুরাপান বিধি সম্পূর্ণরূপে আইন কাহ্নাদি প্রচলন দ্বারা রুদ্ধ করিয়া দেওয়া হইয়াছিল। তাঁহার সময়ে “জিজিয়ার” নাম গন্ধ পর্য্যন্ত ছিল না। তিনি অগ্নি উপাসক ছিলেন। সর্কজ্যোতির কেন্দ্রস্বরূপ ভগবান মরীচিমালিকে প্রকাশভাবে উপাসনা করিতেন, দেব বৈশ্বানরকেও তিনি উপাসনা করিতেন। তিনি হোম করিয়া টাকা পরিতেন। রামায়ণ মহাভারত গ্রন্থের অপূর্ণ গাথানিচয় তাঁহার রাজপুত্র পত্নী ও সভাসদগণের মুখে শুনিতেন। হিন্দুপণ্ডিতেরা তাঁহাকে পুরাণ, দর্শন, ও সনাতনধর্মের মহাকেন্দ্রস্বরূপ বেদাদি ব্যাখ্যা করিয়া শুনাইতেন। তাঁহার যত্নে রামায়ণ মহাভারতাদি গ্রন্থ এবং “অপর্কবেদ” পারসীতে অহুবাদিত হইয়াছিল।

আকবরের প্রাসাদ মধ্যে গভীর রাত্রিতে ধর্মশাস্ত্র সম্বন্ধে নিরপেক্ষ ভাবে ও উদারতার সহিত ধর্মালোচনার জন্ত “নিশীথ” সমিতি বসিত। এই সভায় হিন্দু, মুসলমান, পারসী, খৃষ্টান, সকল জাতীয় পণ্ডিতগণই উপস্থিত থাকিতেন। ধর্মমত বিচারের শেষ নীমাংসা দিল্লীশ্বর করিতেন। সামাজিক শ্রেষ্ঠ ও উচ্চপদের সহায়তায় তিনি যে বিচারপতির আসন গ্রহণ করিতেন এরূপ নহে। শায় মুক্তির মর্যাদা সম্পূর্ণরূপে রক্ষা করিয়া চলিতেন। সকলের কথাই শুনিতেন, সকলের তর্ক বিতর্ক শুনিতেন। অবশেষে যাহার কথা সর্কাপেক্ষা প্রামাণ্য বলিয়া বোধ হইত, তাহারই অহুসরণ করিয়া মতামত প্রকাশ করিতেন।

দিল্লীশ্বরের সভায় হিন্দুপণ্ডিতগণের তালিকা সংগ্রহ করিবার ইচ্ছা আমাদের অনেক দিন হইতেই আছে। চেষ্টাও অনেক করিয়াছি কিন্তু তাহার ফল লাভে নিজেরই পরিতোষ জন্মে নাই। যাহা হউক পাঠকবর্গের অবগতির জন্ত কয়েকটি সংগৃহীত নাম নিম্নে প্রকাশ করিতেছি।

প্রথম শ্রেণীর পণ্ডিতেরা, শাস্ত্রজ্ঞ, ও প্রত্যক্ষদর্শী বলিয়া বিবেচিত হইতেন। তাঁহারা “বাহ” ও “অন্তর্জগতের” গূঢ় রহস্য বিশদরূপে ব্যাখ্যা করিতেন। ইহারাই এই “নিশীথ সমিতির” শ্রেষ্ঠ স্থান অধিকার করিতেন। প্রথম শ্রেণীর মধ্যে—নিম্নলিখিত নয় জনের নাম পাওয়া গিয়াছে।

- (১) মধু স্বরস্বতী। (২) মধুহৃদন। (৩) নারায়ণ আশ্রম স্বামী।

- (৪) হরিজি হর। (৫) দামোদর ভট্ট। (৬) রামতীর্থ।
(৭) নরসিংহ, (৮) পরমিস্ত্র। (৯) অদিতাচার্য্য।

আমাদের বড় আশা ছিল, এই তালিকার মধ্যে কোন বাঙ্গালী পণ্ডিতের নাম দেখিতে পাইব, কিন্তু তাহা সম্পূর্ণ সিদ্ধ হয় নাই। “মধু স্বরস্বতী”র নামটা যেন একটু সন্দেহজনক। তিনি বাঙ্গালী হইলেও হইতে পারেন। মুসলমান লেখকগণ নামগুলি সম্পূর্ণ করিয়া লিখিতে বড়ই গোলযোগ করিয়াছেন। বিশেষতঃ এই পণ্ডিতদিগের অল্প কোন বিশেষ পরিচয় নাই।

দ্বিতীয় শ্রেণীর পণ্ডিতগণ, “মনস্ববিদ্” ছিলেন। তাহাদের মধ্যে “রামভদ্র” ও “বহুরূপ” বলিয়া দুইজন হিন্দুর নামোল্লেখ দেখিতে পাওয়া যায়।

চতুর্থ শ্রেণীর পণ্ডিতগণ দার্শনিক। দর্শন ও শাস্ত্রশাস্ত্র সম্বন্ধীয় সমস্ত বিষয়গুলি তাহাদের দ্বারা বিচারিত হইত। আমরা যতদূর বুঝিয়াছি পণ্ডিতদিগের পদবিভাগ বিদ্যার তারতম্য অনুসারে নহে। বিষয়াস্তরই পদবিভাগের কারণ বলিয়া বিবেচিত হয়। চতুর্থ শ্রেণীর পণ্ডিতদিগের তালিকাটি আমাদের পক্ষে বহুমূল্য রত্নস্বরূপ। এই তালিকার মধ্যে দুইজন বঙ্গবাসী নৈসর্গিক ও দার্শনিক পণ্ডিতের নাম দেখিতে পাওয়া যায়। তবে হুঃখ এই ইহাদের জীবন ইতিহাস কিছুই পাওয়া যায় না। ইতিহাসজ্ঞ স্বদেশহিতৈষী কোন পাঠক যদি ভবিষ্যতে ইহাদের বিবরণ বা এতদসম্বন্ধে প্রচলিত লোক প্রবাদ “ভারতী”তে লিখিয়া পাঠান তাহা হইলে বর্তমান লেখক আপনাকে বিশেষরূপে গৌরবান্বিত মনে করিবে। দার্শনিক পণ্ডিতদিগের নাম।

- (১) নারায়ণ। (২) মধুভাট। (৩) শ্রীভাট।
(৪) বিষ্ণুনাথ। (৫) রামকিষণ। (৬) বলভদ্র মিশ্র।
(৭) বসুদেব মিশ্র। (৮) বামন ভট্ট। (৯) বিষ্ণুনিবাস।
(১০) গৌরীনাথ। (১১) গোপীনাথ। (১২) কিষণ পণ্ডিত।
(১৩)—ভট্টাচার্য্য (??)। (১৪) ভগীরথ ভট্টাচার্য্য। (১৫) কাশীনাথ ভট্টাচার্য্য।

ভগীরথ ভট্টাচার্য্য ও কাশীনাথ ভট্টাচার্য্য যে বাঙ্গালী ছিলেন, তাহাতে আর কিছু মাত্র সন্দেহ নাই। (১৩) সংখ্যা চিহ্নিত নামহীন “ভট্টাচার্য্য” ও বাঙ্গালী বলিয়া আমাদের বিশ্বাস। তাহা হইলে মোটের উপর আমরা তিনটা বাঙ্গালী পণ্ডিতের নাম পাইতেছি। এতদ্ভিন্ন—“বিষ্ণুনিবাস” “গৌরীনাথ” “গোপীনাথ,”—এই তিনটি নামও অনেকটা বাঙ্গালী রকমের। সকলের যদি পূর্ণ উপাধি এবং নিবাস স্থানের পরিচয় থাকিত, তাহা হইলে হয় ত আমরা ইহাদের সম্পূর্ণ বিবরণ সংগ্রহ বিষয়ে ক্রতকার্য্য হইতে পারিতাম।

ভবিষ্যতে আমরা উল্লিখিত হিন্দু সম্প্রদায়গণের পূর্ণ পরিচয় প্রদান করিব।

শ্রীহরিসাধন মুখোপাধ্যায়।

কোলজাতির আমোদপ্রমোদ।

বিগত ভাদ্রমাসের “ভারতী”তে কোলজাতির সংক্ষিপ্ত বিবরণ প্রকাশিত হইয়াছে। তাহাদের আমোদপ্রমোদ সম্বন্ধে আর দুই চারিট কথা বলা যাইতেছে।

কোলজাতি কিরূপ আমোদপ্রিয় পূর্ব বিবরণে তাহার আভাষ দিয়াছি। বহু অসভ্য জাতি হইলেও ইহাদের সঙ্গীতালয় অত্যন্ত প্রবল। ইহাদের বাণ্যমন্ত্র, সঙ্গীত এবং নৃত্য সম্বন্ধে ক্রমশঃ লেখা যাইতেছে।

বাণ্যমন্ত্র। ছুমান্দ্র (অর্থাৎ মাদল), বনাম (একপ্রকার বেহালা), ও রুতু (বাঁশী) ইহাদের প্রধান বাণ্যমন্ত্র। মাদলের একঘেয়ে বাজনার তালে তালে ইহাদের সকল গান এবং সকল প্রকার নৃত্য হইয়া থাকে। মাদলের বাজনাকে কোল ভাষায় চপড়া বলে। হাতের চাপড় দ্বারা উহা বাদিত হয় বলিয়া উহার নাম চপড়া। ইহাদের “বনাম” এক হস্ত পরিমিত দীর্ঘ এবং উহার ছড়ি অর্দ্ধহস্ত মাত্র। ইহার নির্মাণ-কৌশল অতি সামান্য। একটা মুৎপাতের উপরিভাগ চর্মাবৃত করিয়া উহার এক পার্শ্বে এক হস্ত পরিমিত একখণ্ড বংশ সংলগ্ন, এবং অপর পার্শ্বে তিনটি কখন বা চারিটি “কাণ” দ্বারা তাঁতগুলি সংযুক্ত থাকে। ইহা হইতে তাহার স্তমধুর স্বর নির্গত করিতে প্রয়াস পায়।

ইহাদের গান এক গ্রামের সপ্তস্বর অতিক্রম করে না। স্তরসং এইরূপ হ্রস্বভাবে নির্গত বনাম হইতে ইহাদের গানের স্বর এক রকম বেশ নির্গত হয়, এবং তাহা গানের সঙ্গেও স্তমধুর মিলে। ইহারা তারা গ্রামের স্বরে গান করে, চড়া হইলেও তাহা মিষ্ট বোধ হয়। বনাম বাজাইবার সময় ইহারা দেহ সম্মুখদিকে কিঞ্চিৎ আনত করে।

সচরাচর যে প্রকার বাঁশের বাঁশী দেখিতে পাওয়া যায় রুতু তদ্রূপ। ইহা হইতে তারা গ্রামের স্বর বাহির হয়। বনাম ও রুতুর স্বরের সঙ্গে কোল রমণীদিগের গলার স্বর বেশ মিলিয়া যায়। নাগরাকে উহার দমা বলে, ইহাও নৃত্য গীতের সঙ্গে বাদিত হইয়া থাকে। ইহাদের সংক্ষিপ্ত গানগুলি যেমনই শ্রুতিমধুর, ছুমান্দ্র ও দমার বাণ্য তেমনই শ্রুতিকটু। ইহারা ছুমান্দ্র এবং দমার উপরে এত জোরে আঘাত করে যে তাহা বহুদূর পর্য্যন্ত ধ্বনিত হয়। নিকটে আসিলে ত কথাই নাই, তাহার গম্ভীর গগণভেদী শব্দে কর্ণ বধির হইবার উপক্রম হয়।

কোলেরা করতাল ও ব্যবহার করিয়া থাকে। পূর্বে ইহাদের মধ্যে করতালের ব্যবহার ছিল না। অন্তর্দীন হইল ইহারা উহা ব্যবহার করিতে আরম্ভ করিয়াছে। করতালের কোন কোল প্রতিশব্দ নাই। করতালকে করতল বলে। ঢাকের বাজনাও ইহাদের মধ্যে প্রচলিত আছে। শিবোৎসব পূজার সময় ইহারা ঢাক ও শিঙ্গা ব্যবহার করে। শিঙ্গাকে

ইহারা “সকয়া” করে। যখন ইহারা একত্রিত হইয়া শিখবোদ্ধার উদ্দেশে পূজা করিতে যায়, তখন তাহারা সেই একঘেয়ে রকমে ঢাক বাজাইতে বাজাইতে এবং নৃত্য করিতে করিতে মাঠাভিমুখে গমন করে। ইহাদের ঢাক আঘাদের ঢাকের অল্পকরণে নিশ্চিত। ইহারা ঢাককে “ডাঁক” অথবা “ডোল” বলে। কোল বিবরণে বলা গিয়াছে যে ইহারা বর্গের দ্বিতীয় ও চতুর্থ বর্গ উচ্চারণে অক্ষম, সুতরাং ঢাকের পরিবর্তে ডাঁক উচ্চারণ করে।

নৃত্য ও গীত। বিবাহ, সম্বানের নামকরণ প্রভৃতি বিভিন্ন পর্বে উপলক্ষে নৃত্য ও গীত ভিন্ন ভিন্ন। কেবল বিবাহ নামকরণাদি পর্বাদিতেই যে গান হয়, তাহা নহে। তদ্ব্যতীত যে সকল ঘটনায় তাহাদের আনন্দ আশ্চর্য বা ভীতির উদ্ভেদ হয়, তাহা লইয়াও এক একটা তিন চারিটি পদযুক্ত গান রচিত হয়। তাহারা উৎফুল্ল মনে পুনঃ পুনঃ আবৃত্তি করিয়া সমস্বরে সেই গান গায়। হয়ত ছই ভাইয়ের মধ্যে একজন নিপুণতার সহিত বাঁশী বাজাইতেছে, অপরটি ছমাস্ক বাজাইতেছে। একটা অতি সামান্য ঘটনা যেমন তাহাদের হৃদয় স্পর্শ করিল, অমনি তাহাদের গান আরম্ভ হইল।

“রতানু ছমাস্ক বলে বারেং রতানু ছমাস্ক
বলে বারেং রতানু ছমাস্ক চাপড়াতানা মাজাড়া।”

ইহার অর্থ। বসি ছটি ভাই মনের হরবে,
ছমাস্ক বাঁশরী বাজায় উল্লাসে।

এই যে ছই ছই গান, ইহাতে তাহাদের প্রাণের আনন্দ কত! মনের ক্ষুধি ও উৎসাহ কত! যখন তাহারা বাজনার তালে তালে পা ফেলিয়া অগ্র গশচাং সরিয়া যায়, এবং কখন বা ভূমি হইতে এক এক পদ কিঞ্চিৎ উচ্চ করিয়া সংক্ষিপ্ত গানগুলি পুনরাবৃত্তি করিতে করিতে নৃত্য করে, তখন তাহাদিগকে নৃত্য গীতে বিহ্বল বলিয়া স্পষ্টই প্রতীয়মান হয়। নূতন গানের সৃষ্টির সঙ্গে পুরাতন গানগুলি তাহাদের নিকট অনাদৃত বা পরিত্যক্ত হয় না। পুরাতন গানগুলিও একইভাবে একই সুরে ধারাবাহিকক্রমে তাহাদের কণ্ঠে ধ্বনিত হয়। এইরূপ এক গান পুনঃ পুনঃ আবৃত্তি করিয়াও তাহাদের প্রাণে বিরক্তির উদ্ভেদ হয় না।

মাঘি পর্কের একটি গান এই। ইহাও সেই ছই ছই শ্রেণী।

“সাল সলেতা মাগে বাবা রাকাকলেনা তেজরপঞ্জঃ-
ভুই দলনে রাকাবলেনা সালে বাবা তেজরপঞ্জঃ”

ইহার অর্থ। বাছ ধান সবে পরিষ্কার করে
আবর্জনাগুলি ফেলে দাও দূরে।

শান্তা বুদ্ধিবেন না।

কল্পা স্বামীগৃহে বাইতেছে, বাইবার সময় মেয়ে কাঁদিয়া আকুল, মা তাকে বুকে ধরিয়া সান্তনা করিতেছে।

আলম্ বুলিও পিরিল পিরিল
আলম্ বুলিও কুছুড কুছুড
সাসাং গুস্তি সামাডোম দো
বারেং বুলি লো তেলাকেনা।

ইহার অর্থ। যাহুমণি আর কেঁদনা,
তোমার ছইটি ভাই
তোমার ঘরেতে যাই,
ভেটিবে তোমায় নিয়ে হৃদয় গহনা।

ইহারা বড় হরিদ্রাপ্রিয়। যে কোন শুভ কার্য হউক না, হরিদ্রা দ্বারা ইহারা প্রথমে তাহার মঙ্গলাচরণ করে। হরিদ্রা ইহাদের নিকট একটা মাদুলিক দ্রব্য বলিয়া গণ্য। তাই মাতা হরিদ্রার উল্লেখ করিয়া কথাকে সান্তনা করিবার প্রয়াস পাইতেছে। এতদ্ব্যতীত ইহারা কখন কখন গায়ে হরিদ্রা লেপন করিয়া স্নান সমাপন করে।

বাস্তানির সংস্রবে আসিয়া ইহাদের মধ্যে যাহারা বাঙ্গালা ভাষা কিছু কিছু শিক্ষা করিয়াছে তাহারা কোল ভাষা মিশ্রিত বাঙ্গালায় গান করিয়া থাকে। তাহাদের শিশুস্বলভ অনঙ্গম বাঙ্গালা গান শুনিলে আমাদের হাসি পায়, কিন্তু তাহাদের অন্তঃকরণ কতদূর কোমল তাহাদের গানের অস্পষ্ট ভাবের দিকে মন দিলে তাহা বেশ বুঝা যায়। ইহাদের ভাষার শব্দসংখ্যা নিতান্ত অল্প। বাঙ্গালা ভাষাজ্ঞানও তদল্পরূপ। বস্তুতঃ শিশুরা যেমন অল্প কথায় মনের ভাব প্রকাশ করিতে চেষ্টা করে, ইহারাও প্রায় তদ্রূপ করে।

আমার কোন আত্মীয়কে কার্যোপলক্ষে মধ্যে মধ্যে চাইবাসা হইতে পুরুলিয়া অথবা পুরুলিয়া হইতে চাইবাসায় অশ্বারোহণে এক দিনে যাইতে হইত। চাইবাসা হইতে পুরুলিয়া ৭২ মাইল। একদিন তিনি পুরুলিয়া হইতে চাইবাসা আসিতেছেন, এমন সময় কয়েকটা কোল রমণীর সঙ্গে তাহার সাক্ষাৎ হয়। ইহারা আমাদের পরিচিত ছিল, কখন কখন আমাদের বাড়ী আসিত, এবং আমাদের অত্যন্ত ভাল বাসিত। যখন তাহারা কথাবার্তা জানিল যে তিনি একদিনে ৭২ মাইল পথ অশ্বারোহণে আসিয়াছেন, তখন তাহারা অবাক হইয়া নিতান্ত ভীতি ও বিস্ময়পূর্ণ লোচনে তাহার প্রতি চাহিয়া রহিল। তাহার পর দিন দেখি, তাহারা নিম্ন লিখিত গান গাহিতে গাহিতে আমাদের বাড়ী আসিতেছে।

“বাবু বাবুনা (ভাবনা) দিলো
বাবু বাবুনা দিলো
চদিনের রছতা (রাস্তা) একোদিনে গেলো
বাবু বাবুনা দিলো”

এই গানের ভাবে হাস্য সম্বরণ করিতে পারিলাম না। কিন্তু তাহাদের এই উচ্চারণ-দোষ মিশ্রিত বাক্যগুলি শুনিতে অতিশয় স্মৃষ্টি বোধ হইল। তাহাদের এই হাস্যোদ্দীপক অকিঞ্চিৎকর গানের মধ্যেও তাহাদের হৃদয়ের কেমন একটু কোমলতা এবং স্নেহের ভাব ফুটিয়া উঠিত। হিংস্রক স্বাপদ সঙ্কুল নিবিড় অরণ্য মধ্য দিয়া পর্বত পথে আমার আত্মীয়কে যাতায়াত করিতে শুনিয়া তাহাদের কোমল প্রাণে তাঁহার বিপদাশঙ্কা স্বতঃই জাগ্রত হইয়াছিল। নতুবা “বড় বাবুনা দিলো” কথা তাহাদের মনে উদয় হইত না। তাঁহার সম্বন্ধে আর একটি গান তাহারা কোল ভাষায় গাহিত।

“বুরু বিতরে (ভিতরে) বাবু বুরু বিতরে
মেনোতানা বাবু মেনোতানা
এছু কুলা বাবু মেনা, আঁয়া জিদো আকুলতানা”

ইহার অর্থ। নিবিড় অরণ্যে বাবু করেন গমন,
বড়ই অস্থির হয় আমাদের মন।

ইহাদের লিখিবার ভাষা নাই, এজন্ত কাহাকেও লেখ পড়া করিতে দেখিলে ইহারা কি প্রকার আশ্চর্য্যান্বিত হয়, নিম্ন লিখিত গানে তাহা প্রতিপন্ন হইবে।

“চাইবাসার চোকরা বাবু কাচারী বিতরে (ভিতরে)
বাবু কাচারি বিতরে
বসি বসি বাবু চোঙা (ছেলে) পুতি
লিকিদোচিলো।” (লিখিতেছিল)

ভূতপূর্ব ডেপুটী কমিশনার কর্ণেল হাউটন চাইবাসার রোডো নদীর উপর পুল নির্মাণ করিয়াছিলেন। সেই সেতু দিয়া যাইতে যাইতে কোল রমণীগণ গাহিত

“চাইবাসা.টুটো সাইব
রোডো নদী বান্দিলো”

কোন যুদ্ধ কর্ণেল হাউটনের এক হস্তের সমুদায় অঙ্গুলি নষ্ট হইয়াছিল, তাই কোলেরা তাঁহার “টুটো সাইব” নাম দিয়াছিল।

দিবারাত্রি, যখন তখন তাহারা এই সকল গান গাহিয়া থাকে। প্রত্যহ কতকগুলি কোল রমণী চাইবাসা সহরে কার্য করিতে আসিত, কেহ বা বাগানের কার্য করিত, কেহ বা অল্প মজুরি খাটিত। কার্যের সময়ও তাহাদের গানের নিবৃত্তি নাই। তাহাদের সরল প্রাণের হাসি ও গানের একত্র সমাবেশে প্রাণকে বড়ই আনন্দময় করিয়া রাখে।

ইহাদের নৃত্য চক্ষে দর্শন না করিলে বর্ণনা দ্বারা বুঝান যায় না। এক মাঝি পর্বের

নৃত্য কোল বিবরণে জানান গিয়াছে। অল্প অল্প পর্বোপলক্ষের নৃত্য নানা প্রকার। অল্প অল্প নৃত্য অপেক্ষা তাহাদের “আন্দু স্তম্বনা” (বিবাহের নৃত্য) বড় ভাল লাগিয়াছিল।

পর্ব ছাড়া অল্প সময়েও ইহারা সর্বদাই নৃত্য গীতাদি আমোদে উৎফুল্ল থাকে। হয়ত স্ত্রী শব্দ কাটিতেছে, স্বামী দূরে বৃক্ষের স্তম্বীতল ছায়ায় বসিয়া বনাম বাজাইতেছে, স্ত্রী শব্দ কাটিতে কাটিতে বনামের সুরে সুর মিশাইয়া গান করিয়া পরিশ্রম লাঘব করিতেছে। আবার হয়ত স্বামী সহরে কার্য করিতে আসিয়াছে, স্ত্রী দ্বিপ্রহরে তাহার আহ্বানের জন্ত “ডিয়েং” লইয়া আসিয়াছে। উভয়ে ডিয়েং পানান্তে নির্জন স্থানে যাইয়া গল্প করিয়া, অথবা স্বামী বনাম বাজাইয়া স্ত্রী গান করিয়া, কিম্বৎকালের জন্ত বিশ্রাম করে। এই প্রকার স্বাভাবিক স্কৃষ্টি ও আমোদে তাহাদের অসভ্য জীবন কেমন নির্বিবাদে নির্বাহিত হইতেছে।

সারাদিনের পরিশ্রমের পর সন্ধ্যার প্রাকালে যখন তাহারা ক্ষুদ্র ক্ষুদ্র দলে বন্ধ হইয়া দূরে রাস্তার উভয় পার্শ্ব দিয়া স্তম্বধুর স্বরে গান গাহিতে গাহিতে গৃহাভিমুখে যাইত, তখন তাহাদের সেই মধুর প্রাণস্পর্শী গানগুলি সান্ধ্য সমীরণে প্রবাহিত হইয়া কর্ণ কুহরকে যেন শীতল করিত, তখন প্রাণে স্বতঃই কেমন একটা উদাস ভাব আসিয়া উপস্থিত হইত। শুভ্র জ্যোৎস্নাধোত রজনীতে যখন তাহারা পুলকিত প্রাণে আনন্দে বিহ্বল হইয়া নৃত্য গীত করে, নৈশ সমীরণ হিলোলে তাহাদের স্তম্বধুরের গীতধ্বনি ইতস্ততঃ সঞ্চালিত হইয়া আমাদের প্রাণেও এক অপূর্ব ভাব জাগাইয়া তুলিত। ঘটনা চক্রে পড়িয়া এখন আমি তাহাদের হইতে বহুদূরে আসিয়া পড়িয়াছি, কিন্তু এখনও তাহাদের সেই স্তম্বধুর গীতধ্বনি কর্ণকুহরে প্রতিধ্বনিত হইতেছে। কোল রমণীর নয়নের জ্যোতিঃ সৌম্য মুখস্রী এখনও আমার মানস চক্ষে প্রতিভাত হইতেছে।

ভারতীর সঙ্গীতপ্রিয় পাঠক পাঠিকাদের কৌতুহল নিবারণার্থে উপরোক্ত গান কয়েকটির মধ্যে একটির স্বরলিপি নিয়ে দেওয়া গেল।

কোলের গান।

সং রং। পং মং। — রং সং। সং সং রং। মং রং সং। স°। স° স° স°।
চাই বা সার চোক — রা বা বুর কা চা রি বি ত রে বা বুর কা

— রং মং। রং সং স°। —°। স° স° রং। মং রং। রং স° স°। —° স°
— চা রি বি ত রে — ব সি ব সি বা বুর চোঙা — পু

স°। রং রং মং। —° রং মং। —°।
তি লিকিদো — চিলো — ॥

শ্রীগিরিবাল দেবী।

হত্যারহস্য।

প্রথম পরিচ্ছেদ।

১২৮—, মালের ১৭ই ভাদ্র আমার জীবনে একটি ভয়ানক ঘটনা ঘটিয়াছিল; অনেকদিন অতীত হইয়াছে, কিন্তু এখনো সে কথা মনে হইলে আমার প্রাণ কাঁপিয়া উঠে। রমণী হইয়াও সেদিন কি ছঃসাহসের কাজই না করিয়াছিলাম। আমাদের দেশে রমণীর দ্বারা এমন কঠিন কাজ আর কখন হইয়াছে কি না জানিনা, কিন্তু আমি ইহা করিতে পারিয়াছিলাম শুধু প্রেমের বলে, প্রিয়তমকে কঠোর রাজদণ্ড এবং তদপেক্ষাও কঠোরতর মিথ্যা কলঙ্ক হইতে রক্ষা করিবার জন্তই আমি পুরুষোচিত কার্যে প্রবৃত্ত হইয়াছিলাম। আজ সেই কথা বলিব, কিন্তু সে কথা বলিবার পূর্বে আমার এই অকিঞ্চিৎকর জীবনের কাহিনী আপনাদিগকে ধৈর্য ধারণ পূর্বক শুনিতে হইবে।

আমার পিতার বাসস্থান শান্তিপুর। পিতা তাঁহার প্রতিবাসী জমীদার উমাচরণ বাবুর নায়েব ছিলেন। আমার সাত বৎসর বয়সের সময় মায়ের মৃত্যু হয়, কিন্তু পিতার স্নেহে কোনদিন মাতার অভাব জানিতে পারি নাই। কাজকর্মের অনুরোধে পিতাকে সর্বদাই উমাচরণ বাবুর বাড়ী থাকিতে হইত, আমি একাকী বাড়ী থাকিতে পারিতাম না, আমিও জমীদারদের বাড়ীতে থাকিতাম; ক্রমে উমাচরণ বাবুর বাড়ীই আমার বাড়ী হইয়া উঠিল। উমাচরণ বাবুর ছুইটি মাত্র কন্যা, বড়টির নাম বসন্ত, বিবাহের অল্পকাল পরেই বিধবা হইয়া তিনি এখন তাঁহার খুড় শ্বশুরের সহিত কাশীবাস করিতেছেন। আমি তাঁহাকে কখন দেখি নাই, অথবা নিতান্ত শৈশবকালে দেখিয়া থাকিব মনে নাই, শুনিয়াছি তাঁহার খুড়শ্বশুর কলিকাতার একজন প্রসিদ্ধ দালাল ছিলেন এবং প্রচুর অর্থ সঞ্চয় করিয়াছিলেন।

উমাচরণ বাবুর কনিষ্ঠাকন্যার নাম শরৎ আমা অপেক্ষা তিনি পাঁচ বৎসরের বড়। কলিকাতার কোন সম্ভ্রান্ত যুবকের সহিত বিবাহ হইয়াছে, নাম শ্রীশচন্দ্র, তিনি ডিপুটি ম্যাজিস্ট্রেট করেন। শরৎকে আমি দিদি বলিয়া ডাকি এবং দিদির মত ভক্তি করি তিনিও আমাকে ছোট ভগিনীর মত স্নেহ করেন; আমাদের মধ্যে কখনও ভুল ভ্রাতার আচরণ লক্ষিত হইত না। দিদিকে পড়াইতে পণ্ডিত আসিতেন, আমিও তাঁহার কাছে পড়িতাম। দিদির বিবাহের পর পণ্ডিত আসিতেন না, আমরা ছুজনেই পড়াশুনা করিতাম।

আমার বার বৎসর বয়সের সময়ে বাবার মৃত্যু হইল। মৃত্যুকালে বাবা দিদিকে বলিলেন, “শরৎ, কুহুমকে তোমার হাতেই দিয়া যাইতেছি, তুমি ভিন্ন তাহাকে স্নেহ

করিবার এ সংসারে আর কেহ থাকিল না।” পরে উমাচরণ বাবুর দিকে চাহিয়া বলিলেন, “দেখিয়া শুনিয়া কুহুমের একটা বিবাহ দিবেন, নিতান্ত লক্ষীছাড়ার হাতে না পড়ে; আপনাকে আর বেশী কি বলিব যতদিন বাঁচিয়াছিলাম আমার ভার লইয়াছিলেন আমার অনাথ কন্যার ভারও আপনি ভিন্ন আর কে গ্রহণ করিবে?” উমাচরণ বাবু অশ্রুপূর্ণলোচনে পিতার অন্তিম প্রার্থনা স্বীকার করিলেন।

সেই সময় হইতে আমি কাম্যেী রকমে উমাচরণ বাবুর পরিবার ভুক্ত হইলাম। একটা কথা বলিতে ভুলিয়া গিয়াছি সেইটা আমার জীবনের সর্বপ্রধান কথা। নগেন্দ্রনাথ নামে একটি বালক উমাচরণ বাবুর বাড়ী সর্বদা আসিতেন, উমাচরণ বাবুর সহিত তাঁহার অল্প সখ্যতা ছিল, বসন্তের শ্বশুর নগেন্দ্রের মামা হইতেন। নগেন্দ্রের পিতা অত্যন্ত দরিদ্র ছিলেন, পৌরহিত্য করিয়া কোন প্রকারে দিন যাপন করিতেন। আমার পিতার মৃত্যুর এক বৎসর পরে, নগেন্দ্রও পিতৃহীন হইলেন; তখন তাঁহার বয়স উনিশ বৎসর।

একদিন সন্ধ্যাকালে গা ধুইয়া নদীতীর হইতে বাড়ী আসিতেছি, উমাচরণ বাবুর আম বাগানের নিকট নগেন্দ্রের সহিত দেখা হইল। তাঁহার মুখ বিষন্ন, অশ্রুপূর্ণ লোচনে আমাকে বলিলেন “কুহুম আমি আর এখানে থাকিয়া কি করিব? ভগবান জানেন তোমাকে দিনান্তে একবার দেখিলেও আমি কত সুখী হইতাম, কিন্তু এখানে বসিয়া আলস্তে এজীবন বৃথা ক্ষেপণ করিবনা। সংসারে সকলেই কিছু না কিছু কাজ করিতেছে, সংসারশ্রোতে তুণের স্থায় না ভাসিয়া আমিও যাহাতে কিছু করিতে পারি তাহারই চেষ্টায় যাইব, কিন্তু যাইবার আগে তোমার নিকট একটা কথা শুনিবার ইচ্ছা আছে, আমার ভবিষ্যতের চেষ্টা, উত্তম, সুখ সমস্ত তাহারই উপর নির্ভর করিতেছে। যতদিন তোমাকে বিবাহ করিবার যোগ্য না হই, ততদিন কি তুমি আমার জন্ত অপেক্ষা করিবে?”

আমি কি উত্তর দিব? আমার চক্ষু দিয়া জল পড়িতে লাগিল। আমি সে কথা কখন উত্তর না করিয়া বলিলাম, “আবার কবে আসিবে, আবার আমাদের কবে দেখা হইবে?”

বোধ করি আর বেশী কিছু বলার আবশ্যক ছিল না; নগেন্দ্র আমার মনের ভাব বুঝিলেন। সন্ধ্যার অন্ধকারে নগেন্দ্র আমার অশ্রু দেখিতে পান নাই; আমার কম্পিত কথা শুনিয়া কাতরভাবে বলিলেন, “কুহুম কাঁদিতেছ? কাঁদিও না। ঈশ্বর যদি মুখ তুলিয়া চান, তোমাকে সুখী করিয়া সুখী হওয়া ভিন্ন আমি আর অধিক কিছু চাহি না। আবার দেখা হইবে; যখন যেখানে থাকি পত্র লিখিব, তুমি ভাই উত্তর লিখিতে ভুলিও না।”

সেই সন্ধ্যার অন্ধকারে নগেন্দ্রনাথ ধীরে ধীরে চলিয়া গেলেন, আমি অশ্রুপূর্ণনেত্রে কাতরদৃষ্টিতে তাঁহার দিকে চাহিয়া রহিলাম। অনেকক্ষণ পর্যন্ত তাহার পদধ্বনি শুনিতে পাওয়া গেল, আমি উৎকর্ণ হইয়া শুনিতে লাগিলাম। বসন্তের মৃৎ সাক্ষ্যস্মরণ হিল্লোলে বৃক্ষপত্র কাঁপিতেছে, আম্রবাগানে অন্ধকার নিবিড়তর হইয়াছে, ঝিঁঝিঁ অবিরাম ঝঞ্ঝারে চতুর্দিক পূর্ণ করিয়াছে এবং বৃক্ষপত্রে শত শত জোনাকী মিটমিট করিয়া জলিতেছে।

কতক্ষণ আমি বিহ্বলহৃদয়ে সেখানে দাঁড়াইয়া রহিলাম । অনেকক্ষণ পরে উজ্জ্বল নক্ষত্রপূর্ণ অনন্ত আকাশের দিকে চাহিয়া যুক্ত করে বলিলাম, “ভগবান, নগেন্দ্রকে কুশলে রাখিও, যেন তাঁহার কোন বিপদ না ঘটে ।”

নগেন্দ্র আমাকে যেরূপ বলিয়াছিলেন, উমাচরণ বাবুর নিকট গিয়া সেইরূপ প্রস্তাব করিলেন । কিন্তু উমাচরণ বাবু তাঁহার প্রস্তাবে সম্মত না হইয়া বলিলেন, “তোমার কবে কাজকর্ম হইবে তাহার অপেক্ষায় আমি কুসুমকে অবিবাহিত রাখিতে পারিব না । সে বড় হইয়াছে ভাল পাত্রের অপেক্ষায় মাত্র এতদিন তাহার বিবাহ দিই নাই । তাহাকে যদি বিবাহ করিতে চাও ত বিবাহ করিয়া তুমি কার্যের জন্ত যাও । কুসুম আপাততঃ আমাদের ঘরে থাক । তাহার পর যখন স্ত্রীবিধা করিতে পারিবে তখন উহাকে লইয়া যাইও ।” উমাচরণ বাবুর এই দৃঢ় সংকল্প কিছুতেই বিচলিত হইল না । নগেন্দ্রনাথ আমাকে বিবাহ করিয়া রাখিয়া গেলেন ।

দ্বিতীয় পরিচ্ছেদ ।

স্বামী শান্তিপুত্র ত্যাগ করিয়া প্রথমে তাঁহার মামীর কাছে কাশীতে গমন করিলেন । সেখানে একজন ভদ্রলোকের সহিত বিশেষ পরিচয় হওয়ার সাহায্যে বর্দ্ধমানে ইঞ্জিনিয়ারের আফিসে একটি কেরানীগিরি পদ প্রাপ্ত হইলেন । তাঁহার বেতন সামান্য স্ত্রীর আমাকে তখন সেখানে লইয়া যাওয়া তাঁহার পক্ষে স্ত্রীবিধা হইল না, আমি শান্তিপুত্রেই রহিলাম । কিছুদিন পরে দিদি তাঁহার স্বামীর কর্মস্থান হুগলিতে আগমন করায় আমিও তাঁহার সঙ্গী হইলাম । স্বামী অবসর পাইলেই মাঝে মাঝে বর্দ্ধমান হইতে হুগলী আসেন ।

স্বখে হুগে দুই বৎসর কাটিল । ১২৮—সালের ভাদ্র মাস আসিল । ৪ঠা ভাদ্র স্বামী আমাদের সঙ্গে দেখা করিতে আসিবেন কথা ছিল ; সেইদিন সকাল বেলা তাঁহার একখানি পত্র পাইলাম, তিনি লিখিয়াছেন, “কুসুম হুগলীতে যাইতে পারিলাম না । কাশী হইতে মামীমা টেলিগ্রাম করিয়াছেন । বিশেষ প্রয়োজন । এই ট্রেনেই যাইতেছি । দেখা হইল না বলিয়া দুঃখিত হইও না । ফিরিয়া আসিয়া দেখা করিব ।”

পূর্বেই বলিয়াছি, বসন্ত দিদির শ্বশুরী আমার স্বামীর মামী, বসন্ত দিদি ও তিনি অনেক দিন হইতেই কাশী বাস করিতেছেন, পুরুষ অভিভাবক সেখানে কেহ ছিল না, পুরুষের মধ্যে বসন্ত দিদির এক খুড়তুত দেবর গোপালচন্দ্র ; শুনিয়াছি তিনি কলিকাতায় থাকিতেন, এদানী তাঁহার চরিত্র ও ব্যবহার নিতান্ত মন্দ হইয়াছিল বলিয়া তাঁহার পিতৃব্যপত্নী তাঁহাকে দেখিতে তেন না । কর্তৃক বয়স অনেক হইয়াছিল । তাঁহার নগদ টাকাকড়ি প্রচুর, সদায়ও ? স্বামী তাহার সম্পত্তি স্ত্রীকে সমস্ত দান করিয়া গিয়াছিলেন, স্ত্রীর এ সম্পত্তিতে তাঁহার দান বিক্রয়ের অধিকার ছিল । স্বামীকে হঠাৎ

টেলিগ্রাম করায় মনে হইল হয় ত তাঁহার অন্তিমকাল নিকটবর্তী হইয়া আসিয়াছে, বৈষয়িক কোন বন্দোবস্তের জন্তই তাঁহাকে ডাকিয়াছেন ।

স্বামীর কাশী রওনার পর পাঁচদিন কাটিয়া গেল । কোন পত্রাদি না পাওয়ার মনে বড়ই হুর্ভাবনা হইল ; আবার ভাবিলাম, নানাকাজে ব্যস্ত আছেন বলিয়া হয় ত তিনি পত্র লিখিবার অবসর পান নাই ; কিন্তু ইচ্ছা থাকিলে কি এই কয়দিনে একখানি পত্র লেখা যায় না ? আমরা ক্রীলোক, সকল সময়েই আমাদের ভাবনা, কিন্তু যাহারা পুরুষ সর্দদা কাজে ব্যস্ত থাকেন, আমাদের হুর্ভাবনায় তাঁহাদের কেন মাথাব্যথা করিবে ?

আরও দুই তিন দিন পরে ষি দিদির হাতে একখানি ডাকের চিঠি আনিয়া দিল, দিদি খুলিয়া পড়িতে লাগিলেন, কোথাকার পত্র জানিবার জন্ত আমি দিদির নিকটে আসিয়া দাঁড়াইলাম, পত্র পড়িতে পড়িতে দিদি একবার আমার দিকে চাহিয়াই আবার মুখ নাবাইলেন, দেখিলাম তাঁহার চক্ষু ছল ছল করিতেছে, পত্র পড়িয়া মুখখানি শুকাইয়া গিয়াছে ; আমি সোদেগে বলিলাম, “দিদি কোথাকার পত্র ?” দিদি কাতরদৃষ্টিতে আমার দিকে চাহিয়া মৃদুস্বরে বলিলেন, “কাশীর ।”

“কাশীর পত্র, তাঁহার ত কোন অমঙ্গল সংবাদ নাই ?” মনের মধ্যে হঠাৎ এই কথা উদয় হইল, ব্যগ্রভাবে দিদিকে বলিলাম, “কাশীর পত্র ? কে লিখিয়াছেন ? দিদি তুমি ও রকম করিতেছ কেন ? কিছু খারাপ খবর আছে ? মাথা খাও শীঘ্র বল ।”

দিদি কিছু উত্তর না করিয়া পত্রখানি আমার হাতে দিলেন । আমি অত্যন্ত ব্যগ্রভাবে পড়িতে লাগিলাম, আমার সর্কশরীর বাতাহত কদলী পত্রের ত্রায় কাঁপিতে লাগিল, বদন্তদিদির পত্র, শরৎ দিদিকে লিখিয়াছেন, “শরৎ, আমাদের সর্কনাশ হইয়া গিয়াছে । কর্তৃকুরাগি খুন হইয়াছেন । আজ কয়দিন হইল তাঁহার ভাগিনের নগেন্দ্রনাথ বর্দ্ধমান হইতে তাঁহার সঙ্গে দেখা করিতে আসিয়াছিলেন, আমার দুর্কুন্দি সেদিন সন্ধ্যার পূর্বে আমি বিন্দু ঠাকুরমার সঙ্গে দেখা করিতে গিয়াছিলাম, ফিরিয়া আসিতে একটু রাত্রি হইয়াছিল, আসিয়া দেখি ঠাকুরাগীর প্রাণহীন দেহ বিছানায় পড়িয়া আছে, রক্তে সমস্ত শয্যা প্রাণিত । তাঁহার হাতবান্ধে নগদ ও নোট পাঁচশত টাকা ছিল, তাহাও নাই, নগেন্দ্রনাথও সেই রাত্রি হইতে নিরুদ্দেশ । সকলেরই বিশ্বাস একাজ নগেন্দ্রনাথ ভিন্ন অল্প কাহারও নহে ।” আর পড়িতে পারিলাম না, মাথা ঘুরিয়া উঠিল । এ কি স্বপ্ন, না ইন্দ্রজাল ? কিছুই বুঝিয়া উঠিতে পারিলাম না । সেই সত্যনিষ্ঠ, ধার্মিক, সরল, সুন্দর পুরুষ তাঁহার এই কাজ ? ইহা কি কখন সম্ভব হইতে পারে ?

অনেক চিন্তার পর মন সংযত করিলাম । বুঝিলাম দারুণ আঘাতে ভাঙ্গিয়া পড়িবার এ সময় নহে । এই ভীষণ পৈশাচিক কার্য কখনই তাঁহার দ্বারা সংঘটিত হয় নাই ; ইহার তিতর নিশ্চয়ই কোন গভীর রহস্য লুক্কায়িত আছে । যে কলঙ্ক সাগরে তাঁহার স্নানম হইয়াছে, যে রহস্যময় গুপ্তহত্যার জন্ত তাঁহার জীবন বিপন্ন হইয়াছে, সেই কলঙ্ক সাগর

হইতে, সেই বিষম বিপদ হইতে তাঁহাকে নিষ্কলঙ্কভাবে উদ্ধার করিব, এই গুপ্ত রহস্য ভেদ করিব; না হয় এ জীবন যাহার জন্ত রাখিয়াছি তাঁহারই কাঞ্জে বিসর্জন দিব।

বৈকালবেলা শরৎ দিককে জিজ্ঞাসা করিলাম “দিদি তুমি কি তাঁহাকে দোষী বলিয়া মনে কর?”

মানহাসি হাসিয়া দিদি উত্তর দিলেন “কখন না, নগেন্দ্র এ রকম কাজ করিতে পারে দেখিলেও বিশ্বাস হয় না। নিশ্চয়ই ইহার মধ্যে কোন রহস্য আছে।”

আমি নিশ্বাস ফেলিয়া বলিলাম, “দিদি বাঁচাইলে, তোমার মুখে ফুলচন্দন পড়ুক। এই ঘটনার মধ্যে যে একটি গুপ্তরহস্য রহিয়াছে আমিও তাহা বুঝিতে পারিতেছি। আমি সেই রহস্য ভেদ করিব। তাঁহাকে উদ্ধার করিব।”

দিদি বোধ করি আমার কথার অর্থ বুঝিতে পারিলেন না; শূন্য দৃষ্টিতে আমার মুখের দিকে চাহিয়া রহিলেন। আমি আবার বলিলাম, “দিদি, আমার এই শেষ অমুরোধটি তোমাকে রক্ষা করিতে হইবে, বসন্ত দিদি এই পত্রে তোমাকে একজন বি পাঠাইতে লিখিয়াছেন, বেণীর সঙ্গে আজই আমাকে পাঠাইয়া দাও, আমি সেখানে দাসীগিরিতে নিযুক্ত হইব।”

দিদি অবাক হইয়া গেলেন, আমাকে বলিলেন, “তুই বলিস্ কি, পাগল হলি নাকি?”

আমি বলিলাম, “না দিদি, পাগল হই নি, কিন্তু এখন আমাকে পাগলের অপেক্ষাও ছঃসাহসের কাজ করিতে হইবে, তুমি তাহাতে বাধা দিও না।”

দিদি উত্তর দিলেন, “তুই যে অসম্ভব কথা বলিস্, এখন সেখানে কি রকম অবস্থা ভেবে দেখ দেখি, এখন কি তোকে সেখানে পাঠান উচিত? চারদিকে পুলিশ ঘুরচে, বাড়ীঘর হোটেলের মত হয়েছে, কখন কার কি বিপদ ঘটে ঠিক নেই, চাকর বাকর পর্য্যন্ত ভয়ে পালিয়ে যাচ্ছে, তাই দিদি একজন বিশ্বাসী বাঙ্গালী বি পাঠাতে লিখেছে, আর সেই জারগায় তোকে পাঠাব? দিদিই বা কি মনে করবে? আর তুই যে দাসীগিরি করবি তা আমার প্রাণে সহ হবে না।”

আমি বলিলাম, “বসন্তদিদি আমাকে কখন দেখেন নাই, স্তরতাং বি বলিয়া পরিচয় দিলে তাঁর কোন সন্দেহ হবে না, বিশেষ যে জন্ত এ দাসীগিরি নিতে চাই, মনে কর দেখি সেটি কত বড় গুরুতর কাজ। তোমার কিছু ভাবনা নেই, আমার যাবার বন্দোবস্ত ঠিক করে দাও, আমার জন্তে অনেক করেছ, এই উপকারটুকু করে আমাকে বাঁচাও।” আমি কাঁদিতে লাগিলাম।

দিদি অনেকক্ষণ চিন্তা করিলেন, অবশেষে বলিলেন, “কুসুম তোর বড় সাহস, জানি না তোর মনে কি আছে, যাই থাক, ভগবান তোর মনস্কামনা পূর্ণ করুন।”

বাড়ীর পুরাতন বিশ্বাসী ভৃত্য বেণী ঘোষের সঙ্গে সেই রাত্রেই কাশীযাত্রা করিলাম।

(ক্রমশঃ)

বিষম সমগ্র।

মেয়েরা পুরুষাপেক্ষা শ্রেষ্ঠ কি নিকৃষ্ট, এই এক বিষম সমগ্র। লইয়া আজকাল সমস্ত সভ্য-সমাজে এক তুলুল আন্দোলন উত্থাপিত হইয়াছে, তাহা লইয়া অনবরত তর্ক বিতর্ক বাদানুবাদ চলিতেছে, অনেক যুক্তি অযুক্তি বর্ষিত হইতেছে। কতকগুলি পুরুষ জী-জাতির পক্ষ আর কতকগুলি স্ত্রী পুরুষের পক্ষ।

দেখা যায় এখন হইতে পঞ্চাশ বৎসর পূর্বে আমাদের দেশে জীজাতি সম্বন্ধে কোন কথা বলিবার বড় বিশেষ প্রয়োজন হইত না। এই অর্ধ শতাব্দীর মধ্যে দেশীয় সাহিত্যের যেরূপ অভাবনীয় শ্রীবৃদ্ধি হইয়াছে, মেয়েদেরও সেইরূপ অকস্মাৎ অদৃষ্ট ফিরিয়াছে বলিতে হইবে। পূর্বে কোথাও যেখানে অধমত্বজ্ঞাপক কোনও তুলনার প্রয়োজন হইত, সেইখানেই কেবল হতভাগ্য নারীর নামোল্লেখ হইত। যেমন অসুক “স্ত্রীলোকেরও অধম” ইত্যাদি। এখনও যে নারীর প্রতি অন্তর হইতে এতাব দূর হইয়াছে এমন বলি না, তবে আজকাল বাহিরে ধূম স্বতন্ত্র উঠিতেছে! যাউক।

আজকাল সংবাদপত্র, মাসিকপত্র, সভাসমিতি, রঙ্গালয়, বিচারালয়, নারীর প্রসঙ্গে পূর্ণ। ইহা হইতে স্নহ বা গরল যাহাই উথিত হোক, এই আন্দোলন মেয়েদের পক্ষে অত্যন্ত আশাশ্রয় বলিতে হইবে। মেয়েরাও এখন সকলে আর সে ভাবে নাই, অস্বার্থ্যম্পর্শা গৃহপিঞ্জর-বন্ধ পক্ষিণী নাই, তাঁহারা এখন উড়িয়া আসিয়া ছুড়িয়া বসিবার চেষ্টা করিতেছেন। তাঁহারা স্কুল, কলেজ, কার্যক্ষেত্র, রণক্ষেত্র প্রভৃতি সকলেতেই সমানাধিকার স্থাপনার্থ প্রস্তুত হইয়াছেন। পুদনিক্লেপ-শক্তি নিরীহ অবস্থাদিগের মধ্যে এ ভাব কোথা হইতে আসিল, কেন আসিল? তাহার বিচার এখানে অনাবশ্যক।

কিন্তু মেয়েদের এই অত্যাচারে পুরুষ-সম্প্রদায় কিছু বিচলিত, কিছু চিন্তিত ও শঙ্কিত হইয়া পড়িয়াছেন। তাঁহাদের মধ্যে এক সম্প্রদায় বলেন, কোমলাঙ্গী রমণী কঠিন কর্মক্ষেত্রে বিচরণ করিলে তাঁহাদের সৌন্দর্য্য রমণীয়তা প্রভৃতি কমণীর গুণগুলি সম্পূর্ণ বিনষ্ট হইবে। মেয়েরা আদৌ সে উপাদানেই গঠিত নহেন, গৃহস্থালীর ছোটখাট কর্ম, সন্তান পালন প্রভৃতি ইহাই তাঁহারা পারেন, এবং উহাই তাঁহাদের কর্তব্য। জগতে কোন বৃহৎ কার্য কখন নারীদ্বারা সম্পন্ন হইতে দেখা যায় নাই, ছ একটি স্থলে যাহা দেখা যায় তাহা সম্পূর্ণ নহে। মেয়েরা ক্ষণিক আবেগের বশবর্তী হইয়া একটা কার্য করিতে পারেন, কিন্তু ধারাবাহিক বা নিত্যনৈমিত্তিকরূপে কখনও পারেন না।

মেয়েরা এখন যে অবস্থায় আছেন, তাহার মধ্য হইতে না পারাই সম্ভব। কিন্তু কখনও পারিবেন না, ইহার অকাটা প্রমাণও কিছুই নাই। উহার নীমাংসা কালদাপেক্ষ।

পুরুষেরা পুরুষ পরম্পরাগত জাতীয় শিক্ষার ফলের কথা স্বীকার না করিয়া গায়ের জোরে মেয়েদের হীনতা সম্বন্ধে পক্ষপাতিত্ব দোষে প্রকৃতিকে অপরাধ করিয়া থাকেন। তাঁহাদের সংস্কার বাহা থাকে থাকুক তাহাতে বড় কিছু আসে যায় না, তবে গায়ের জোরে উত্তরে কথা চলে না, গায়ের জোরই আবশ্যিক। সেটা মেয়েদের বেশী নাই। পুরুষেরা মেয়েদের সামর্থ্য পক্ষে ছু চারিটা উদাহরণকে আমল দেন না, নগণ্য করেন। কিংবা উদাহরণ-বাহুল্যই যখন পুরুষদের সর্বস্ব, তখন মেয়েদের প্রতি উহার স্বল্পতা প্রক্ষিপ্ত কেন! যতদিনে পুরুষেরা ইতিহাসের ষোল আনা পৃষ্ঠা অলঙ্কৃত করিয়াছেন, ভরসা করি ততদিনে মেয়েরা তদপেক্ষা আরও অধিক ছু চারি পৃষ্ঠা উজ্জ্বল করিতে পারিবেন।

একজন ইংরাজপুরুষের কৰ্মদক্ষতা, নির্ভীকতা, অটলতার সহিত তুলনা করিলে, একজন বাঙ্গালী পুরুষকে রমণীর মতই প্রতীয়মান হয়। কিন্তু তাই বলিয়া এমন সিদ্ধান্তে উপনীত হওয়া যায় না যে, বাঙ্গালী চিরদিন ইংরাজের কেরানীগিরি করিবার মত উপাদানেই গঠিত হইয়াছে। এখন কেরানীগিরি ছাড়াইয়া অনেকেই জজ, মাজিস্ট্রেট হইয়াছেন, দেখিয়া কি মনে হয়? বাঙ্গালী গোড়ায় দুর্বল বলিয়া, দুর্বলতা পোষণ করিয়া রাখাকে কেহ সদযুক্তি বলিতে পারে না? রমণী চিরদিন গৃহস্থালীর ছোট ছোট কৰ্ম করিয়া আসিতেছেন বলিয়া যে শিক্ষা পাইলেও কখন তদুর্দে উঠিতে পারিবেন না, এমন কথা কখন আর বলা সাজে না। ঊনবিংশ শতাব্দীর পূর্বের অবস্থার সহিত বর্তমানের তুলনা করিলেই উহা বেশ বোঝা যাইবে।

কেহ কেহ এমনও বলেন, মেয়েরা যদি বিদ্যা বুদ্ধি ও জ্ঞান বলে পুরুষদের সমকক্ষ হইতে পারিত, তবে হইল না কেন? ইহার উত্তরে বলা যায়, পুরুষ-সমাজ এখন যেরূপ সভ্য ও উন্নত পদবীতে আরূঢ় হইয়াছে, গোড়াতেই তাহা হয় নাই কেন? গোড়াতে কি তাঁহাদের বল বুদ্ধি ছিল না? ইহা হইতে যেমন একেবারেই চিনিতে পৌঁছান যায় না, প্রথমে শুভ, পরে বারম্বার রিফাইন হইয়া চিনি হয়, তেমনি পুরুষেরা পুরুষসমাজে চেষ্টা ও ব্রত দ্বারা রিফাইন হইয়া চিনি হইয়াছেন। মেয়েদের তাহা কেহ করে নাই, তাই হয় নাই, শুভই আছে।

দেখা যায়, যখনই কোন নারী স্বভাব-প্রণোদিত হইয়া অধীন জড়ক্রীড়া পুত্তলীভাব পরিহার করিয়া জ্ঞানচক্ষু উন্মীলনের চেষ্টা করেন, মহাশয়ের দিকে পদমাত্র বাড়াইতে অগ্রসর হইলে, তখনই পুরুষ সমাজ, বাধা বিয়, দৃষ্টান্ত, সিদ্ধান্ত, অস্ত্র শস্ত্র লইয়া উপস্থিত হইয়াছেন। ইহার তাৎপর্য কি? জিজ্ঞাসা করি, রমণীর অস্তিত্ব কি তাহাদের নিজের নহে? নর ও নারী উভয়েই পৃথিবীর জীব, একে পিতা অপরে মাতা, সন্তানের রক্ষণাবেক্ষণ ও পালন উভয়েরই কর্তব্য কৰ্ম, পুরুষের যদি আত্মনির্ভরতা, স্বাধীনতার আবশ্যক হয়,—আত্মোন্নতির জন্ত প্রচুর জ্ঞান শিক্ষার, জীবন রক্ষার জন্ত জীবিকা নির্বাহার্থ ব্যবসায়ের প্রয়োজন হয়, তখন মেয়েদের উহাতে প্রয়োজন নাই কেন? তাহারা কি পৃথিবীর জীব

নহে? কেবল সন্তানকে স্তম্ভ দান, ও পুরুষের দাসীত্বের নিমিত্তই কি নারী স্বজিত হইয়াছে, পুরুষের খেয়ালের উপর অহুগ্রহের উপর নির্ভর করিয়া থাকিবার জন্ত নারীর স্বষ্টি হইয়াছে? এ কথা কেহ বলিতে পারেন না। আত্মনির্ভরতা জীবমাত্রেরই পক্ষে প্রয়োজনীয়, ইহা কেহই অস্বীকার করিতেও পারেন না। অতএব সকলেরই উহা থাকা আবশ্যিক। মেয়েদের এমন অবস্থা কি সচরাচর উপস্থিত হয় না, যখন পিতার ভার, ও মাতৃ কর্তব্য উভয়েই তাহাকে নির্বাহ করিতে হয়?

গার্হস্থ-ধর্ম-পালন পতি পত্নী উভয়ে মিলিয়াই করিয়া থাকেন। তদ্ব্যতীত উভয়ের স্বতন্ত্র কর্তব্যও আছে। কিন্তু জিজ্ঞাসা করি, অমিত বলবীৰ্য্যে প্রণোদিত হইয়া বৃহৎ ভাবে অহু-প্রাণিত হইয়া বীর পুরুষ, যখন, গৃহে কপর্দক-হীন, অপোগণ্ড সম্বলিতা, সংসার-শিক্ষা বিরহিতা গৃহিণীকে গৃহে রাখিয়া বিদেশে রণক্ষেত্রে জীবন বিসর্জন দিতে গমন করেন, তখন শুধু গার্হস্থ্যধর্মের নয় সেই অনাথিনী অপোগণ্ড-নিপীড়িতা ভার্য্যা-রত্নের সর্বনাশ সাধন করা হয় কি না? বোধ করি, তখনই তাঁহাদের পতি ও পিতৃ উভয় কর্তব্যই চরম পরিণতি লাভ করে! জিজ্ঞাসা করি, তখন সেই অসহায় বামার আত্মরক্ষার্থ, মাতৃ-কর্তব্য পালনার্থ, আত্মনির্ভরতা, এবং কঠোর জীবন সংগ্রামের উপযোগী শক্তিপঞ্জের বিশিষ্ট প্রয়োজন কি না?

যে দেশে ভদ্রকুল-জাতা অপোগণ্ড-নিপীড়িতা অনাথিনীর সামান্য পাচিকা বৃত্তির অবলম্বনের সুযোগ পর্য্যন্ত সর্বদা ঘটিয়া উঠে না, বাহাদের জন্ত আইনে ধনী পিতার গৃহে এক কপর্দকেরও ব্যবস্থা নাই, তাহাদের স্বাবলম্বনের আবশ্যকতা নাই বা কৰ্মক্ষেত্রে প্রবেশের প্রয়োজন নাই, একথা স্পষ্ট করিয়া কেহই বলিতে পারেন না। বরং একদিন এ কথা বলিলে শোভা পায়, “মাঠে! চিন্তা কি? তোমাদের দড়ি কলসীর কড়ি আমরা দিব।”

প্রবচন আছে, কথায় চিড়া ভেজে না। কিন্তু আমাদের অসীম প্রতাপশালী পুরুষেরা চিরদিন কথাতাই চিড়া ভিজাইয়া আসিতেছেন, তাঁহাদের কথাগুলি শুনিতে যেমন মিষ্ট, তেমনি সত্য ও সরল, কিন্তু কার্যতঃ অতি বিরল। তাহারা বলেন, পুরুষে সারাজীবন তেমনি সত্য ও সরল, কিন্তু কার্যতঃ অতি বিরল। তাহারা বলেন, পুরুষে সারাজীবন কঠোর পরিশ্রম করিয়া বাহা উপার্জন করিতেছেন, তাহা কি ‘রাগীর’ পদ-প্রাপ্তেই উৎসর্গীকৃত হইতেছে না, তবে মেয়েদের কাজের জন্ত এত মাথা ব্যথা কেন? উত্তর—নিমক হারামি! স্বীকার করা যাক, পুরুষ চিরদিন দানে মুক্তহস্ত, উপার্জন করিয়া নিঃস্ব ভিখারী! রমণী গৃহে বসিয়া অন্নপূর্ণা। কিন্তু শতের মধ্যে এমন সৌভাগ্যশালিনী কয়জন? আমরা বলিতে পারি, বাহাদের ভাগ্য প্রসন্ন তাহারা শত উপার্জন উন্মুক্ত হইলেও নিশ্চিত আরাম শয্যা ছাড়িয়া, কখন কাণে কলম গুঁজিয়া, বা মাথায় শামলা বাধিয়া, শুদ্ধ বাহাহারীর উদ্দেশে পুরুষদের সহিত সমকক্ষ হইবার জন্ত ছুটিবেন না। কিন্তু এক নিরম সমাজের সর্বত্র খাটে না। মার্জনা করিবেন, বাহাদের পদপ্রান্তে কেবল বর্ধরতা স্থপীকৃত হয়—দুঃখের বিষয় অধিকাংশই তাই! তাঁহাদের জন্ত কোন ব্যবস্থা আছে কি?

সংসারযাত্রা নির্কাহের জন্ত সামান্য অর্থের আবশ্যক হয়, কিন্তু জীবনযাত্রা নির্কাহের জন্ত তদপেক্ষা উচ্চ জ্ঞান-ধনের আবশ্যক, মহৎশিক্ষার প্রয়োজন। যদি কোন ধনবতীর শিয়রে অর্থ, পদপ্রাপ্তে অর্থ, আশেপাশে অর্থ, স্তম্ভীকৃত থাকে, অথচ তিনি অমূল্য জ্ঞানরত্নে বঞ্চিত হন, তবে আমরা তাঁহাকে শতবার দরিদ্র মনে করিতে কুণ্ঠিত হই না, স্তম্ভী মনে করি না। এ মহৎশিক্ষার ছাপ উপাধি নহে। তাহা হইলে উপাধিধারী পুরুষ মাত্রকেই মনুষ্যত্বে শোভিত দেখিতে পাইতাম। যে শিক্ষার মধ্যে বিত্ত আছে অথচ ধর্মের প্রাণ নাই, জ্ঞানের কোটিল্য আছে, অথচ বিচার নাই, সত্যের আচ্ছাদন আছে, অথচ চরিত্রের বন্ধন নাই; স্বার্থের দৌরাত্ম্য ও প্রলোভনের বাণুরা আছে, অথচ প্রেমের হৃদয় নাই; সে শিক্ষা মেয়েদের প্রয়োজনীয় বলিয়াও মনে করি না, এ শিক্ষা যত্ন করিয়া কেহ শিখেন এমন সাধও নাই।

যে শিক্ষায় হৃদয় পবিত্র উন্নত ও প্রশস্ত হয়, যাহাতে পৃথিবীর তত্ত্ব অবগত হওয়া যায়, মনুষ্যত্ব অর্জিত হয়, যাহাতে সেই সত্যশিবস্বন্দরের সমীপবর্তী হওয়া যায়, তাহাকেই কেবল মহৎশিক্ষা বলিয়া মনে করি, এবং ইহাই যথার্থ প্রার্থনীয়। তবে সংসারধর্ম নির্কাহের উপযোগী কর্ম বা ব্যবসায় শিক্ষার প্রয়োজন আছে বলিয়া যদি আজকাল মেয়েরাও কোন ব্যবসায় শিক্ষার জন্ত চেষ্টা করেন, তাহাতে উপহাসের কথাই কি আছে।

সকল দেশে সর্বত্রই দেখা যায় পুরুষদের দৃঢ় আত্মনির্ভরতার ভাব হইতে এমন একটা অন্ধ অভিমান জন্মিয়াছে, যাহাতে তাঁহারা সর্বদাই বলিয়া থাকেন পুরুষে নির্ভর করাই নারীজাতির প্রকৃতিগত ধর্ম। কিন্তু ছুঃখের বিষয় তাঁহারা বিস্মৃত হন যে ঈশ্বরের পক্ষপাতিতা ব্যতীত এ কথাই অপর কোনই অর্থ নাই! তাঁহারা শেষ কথা এই বলেন, মেয়েরা যে এক্ষণে স্বাবলম্বনের চেষ্টা পাইতেছেন উহা তাঁহাদের বাতুলতার সূচনা মাত্র। ইহার উত্তরে এই মাত্র বলা যাইতে পারে যে, মেয়েদের একটু চক্ষু কর্ণ ফুটিতে দেখিলে পুরুষেরা যে তাঁহাদের বাতুলতার সূচনা দেখিবেন তাহা কিছুই বিচির নহে, চীনদেশে মেয়েদের সম্বন্ধে পুরুষদের বিশ্বাস, মেয়েদের স্বতন্ত্র আত্মা নাই! তখন আর বাকীই বা কি আছে? যিনি যাহাই বলুন তাহাতে মেয়েদের ক্ষুণ্ণ হইবার প্রয়োজন দেখি না, বুদ্ধি আপনাই আপনার পথ-প্রদর্শক। হৃদয়ই কর্তব্য জ্ঞানের প্রণোদক, কাল-ই ক্ষতের পূরণ-কর্তা! তাঁহাদের স্বরণ রাখা কর্তব্য ব্রাহ্মণেরা একদিন সমাজকে উচ্চশিক্ষা হইতে বঞ্চিত রাখিয়া আপনারা সর্বময় কর্তা হইয়াছিলেন, আজ আর সে দিন নাই, সে দিন চলিয়া গিয়াছে।

নারীশিক্ষা সম্বন্ধে কাহারও মত—উহাদের কেবল স্কুলমার সাহিত্য, সঙ্গীত, ও চিত্র-বিত্তা প্রভৃতি শিক্ষা করাই কর্তব্য, এবং উহাই তাহাদের উপযোগী; কঠিন দর্শন, বিজ্ঞান প্রভৃতির আলোচনায় উহাদের স্বাভাবিক কোমল হৃদয়কোরক বিগুণ্ড ও কঠিন হইবার বিশেষ আশঙ্কা আছে। প্রথমতঃ, ইহা নিতান্তই ভ্রমাত্মক সংস্কার। দ্বিতীয়তঃ কেবল সাহিত্য

সঙ্গীত ইত্যাদি ঐরূপ শিক্ষাই যদি মেয়েদের পক্ষে যুক্তিযুক্ত হয়, তাহা হইলে পুরুষদের স্বাভাবিক দৃঢ়তা কাঠিন্য প্রভৃতি পৌরুষিক গুণাবলীর রক্ষার নিমিত্ত কাব্য, সঙ্গীত ও চিত্রবিত্তা প্রভৃতির ধার দিয়া চলাও অকর্তব্য, তাঁহাদের পক্ষে কেবল ব্যায়াম, কাঠচালা, পাথরভাঙ্গা, নরহত্যা প্রভৃতিরই ব্যবস্থা করিতে হয় অর্থাৎ যাহাতে তাঁহাদের কি শারীরিক, কি মানসিক উভয়বিধ কাঠিন্যের বিশেষ শ্রীবৃদ্ধি হয়, তাহাই সমস্ত। আরও দেখা যাইতেছে বাঙ্গালী পুরুষদের মধ্যে যখন এ পর্যন্ত একজনও নিউটন বা সেক্সপীয়ার হইতে পারিলেন না, তখন কাব্য বিজ্ঞান প্রভৃতির আলোচনা বা শিক্ষা তাঁহাদের পক্ষেও তেমন প্রয়োজনীয় বলিয়া বোধ হয় না।

জিজ্ঞাসা করি, কঠিন পাদপ যে যুক্তিকার রসাকর্ষণ করিয়া গুপ্ত হয়, সেই যুক্তিকার রস গ্রহণ করিয়াই কি স্নেহামল লতাটিও বর্ধিত হয় না? যে রস পান করিয়া একে স্বীয় স্বাভাবিক কাঠিন্য লাভ করে, সেই রস পান করিয়াই কি অপরের কোমলত্ব অটুট থাকে না। তবে জ্ঞানের উন্নত শিখরে আরোহণ করিলে কেন যে মেয়েদের হৃদয় কঠিন হইয়া যাইবে তাহা আমরা বুঝিতে সম্পূর্ণ অক্ষম।

স্বীকার করি কঠোর শ্রমসাধ্য কার্য করিলে শারীরিক শ্রী সৌন্দর্যের কিছু হানি হয়, এবং জীবন রক্ষার সম্বন্ধে শ্রী সৌন্দর্য রক্ষাও আবশ্যক। কিন্তু জীবন রক্ষার নিমিত্ত বা সন্তান পালনের নিমিত্ত কোন প্রকার কঠিন শ্রমসাধ্য কার্য করিবার আবশ্যক হইলে তাহা কর্তব্য কি না? সন্তান-পালন ও গৃহস্থালীর মধ্যে সৌন্দর্য-হানিকর, স্বাস্থ্য-নষ্টকর কার্য কি যথেষ্ট নাই? ছুঃখের বিষয় সস্ত্রান্ত গৃহের মেয়েদের ছাড়িয়া দিলে, মধ্যবিত্ত গৃহস্থ-ঘরে কি দেখা যায়? বাটনাবাটা, রন্ধন, গৃহসাজন প্রভৃতি সমস্ত কর্মে কোমলতা বা সৌন্দর্যহানি যথেষ্ট হইয়া থাকে। তবে নারী যদি চাকরাণীগীরি ছাড়িয়া কেরাণী বা শিক্ষয়িত্রী প্রভৃতি অল্প কোনরূপ কার্য করেন তাহাতে কি এতই অধিক অনিষ্ট হইবে তাহাত আমরা বুঝিলাম না।

আর কর্ম করিলে যদি সৌন্দর্য নষ্ট হয় হউক। এতদিন রমণীর জ্ঞানের অভাবে, বুদ্ধি বিত্তার অভাবে, পূর্ণ মনুষ্যত্বের অভাবে, যদি পুরুষদিগের ও সমাজের কোন ক্ষতি না হইয়া থাকে, তাঁহারা তুণ্ড হইয়া থাকেন, তাহা হইলে যাহা ক্ষণিক বই রয় না, সে চঞ্চল শ্রী-সৌন্দর্যের অভাবেও কিছু ক্ষতি হইবে না! মেয়েরাও এতদিন যদি জ্ঞাননেত্রের অভাব, বিত্তা বুদ্ধির অভাব, ক্ষমতার অভাব, নানাবিধ দুর্গতির প্রভাব, ধৈর্যসহকারে বহন করিতে পারিয়া থাকেন, তবে ভরসা করি তাঁহারা সামান্য শ্রী সৌন্দর্যের একটু অভাবে কাতর বা বিচলিত হইবেন না। আর পুরুষ যদি রমণীর স্নেহ হন তবে মধুরতা কোমলতা প্রভৃতির নাম লইয়া প্রবঞ্চনা কেন? বাহিরের শ্রী-সৌন্দর্য কি এতই মূল্যবান? আর পুরুষ এত কোমলতা-প্রিয় বলিয়াই কি পঞ্চাশ বৎসরের বৃদ্ধ আট বৎসরের বালিকাকে অর্দ্ধাঙ্গ-ভাগিনী করিতে সঙ্কুচিত হন না?

সত্যের অমুরোধে ইহাও বলা আবশ্যক পতিভক্তি অনেক স্থলেই আর এখন পুষ্পাঞ্জলির মত প্রদত্ত হয় না, ক্রোঁকের মত দংশন করিয়া টানিয়া লইতে হইতেছে! ইহাতে মেয়েদের আমরা দোষ দিতে পারি না। কেবল ভক্তি ও সম্মানের উপযুক্ত হইলেই তবে ভক্তি ও সম্মান দেওয়া যাইতে পারে, নচেৎ পশুশ্বের পূজা করিতে পরামর্শ দিলেও তাহার ফল দর্শে না এবং তাহাতে জাতীয় অবনতির ত্রিভুজি ব্যতীত আর কিছু লাভের বিশেষ সম্ভাবনা দেখা যায় না।

মেয়েরা পুরুষাপেক্ষা বুদ্ধি বা বলে শ্রেষ্ঠ কি নিকৃষ্ট, কিম্বা সকল বিষয়ে পুরুষের সমকক্ষ হইতে পারিবেন কি না, ইহা লইয়া যুধা তর্ক বিতর্ক বাদামুবাদে কোন ফল নাই। কি সংসারক্ষেত্র, কি কার্যক্ষেত্র সকল ক্ষেত্রই উভয়ের জন্তই উন্মুক্ত থাকুক। যে যাইতে চাহে যাউক নিবারণের আবশ্যক নাই, বাধা দিবার প্রয়োজন নাই। যদি সে আপনাকে অক্ষম মনে করে তবে আপনিই প্রতিনিবৃত্ত হইবে, এবং আপন কর্তব্য কি তাহাও ভাল রূপে বুঝিতে সমর্থ হইবে ও সন্তুষ্টচিত্তে তাহা নির্বাহ করিবে। অন্ততঃ তখন মেয়েরা পুরুষদিগকে তাহাদের উন্নতি পথের অন্তরায় বলিয়া জ্ঞান করিবেন না।

আবার বোঝার উপর শাক আঁটিরও অভাব নাই; মেয়েদের নানাবিধ হীনতার অপবাদের উপর আবার এক নূতন অপবাদ এই যে, নারীর সৌন্দর্য উপভোগের তেমন ক্ষমতা নাই—তাঁহারা রুদ্র সৌন্দর্য্য মোটেই উপভোগ করিতে পারেন না। জিজ্ঞাসা করিতে পারি কি রুদ্র সৌন্দর্য্য ছাড়া তাঁহারা আর কি মঞ্চ লইয়া গৃহিণীর সমক্ষে উপস্থিত হন? এবং কিসের বিনিময়ে স্নেহ প্রেমার্থ উপহার প্রাপ্ত হইয়া থাকেন?

সত্য বটে, বর্হিজগতের সহিত সংগ্রামে প্রবৃত্ত হইতে হইলে, কেবল দয়া, মায়া, প্রভৃতি কোমল বৃত্তিগুলি সম্যক্ অল্পশীলিত হয় না, এবং পুরুষকে এই কারণে অধিকাংশ সময়েই কঠোরতা অবলম্বন করিতে হয়, তাই বলিয়া ইহাও বলিতে পারি না যে, পুরুষ হৃদয় কেবলই কাঠিগের আধার, দয়া মায়া স্নেহ প্রভৃতি কোমল গুণরাজির তাহাতে অধিকার নাই। যখন কোন ছুই বালককে শাসন করিতে হয়, তখন মাতাকেও কঠোরতা অবলম্বন করিতে হয়। তাহাতে মায়ের হৃদয়, কখনও স্নেহ শূন্য হয় না। অতএব বর্হিজগতের সংঘর্ষে আসিলেই যে স্ত্রী-প্রকৃতি স্বাভাবিক স্নেহ হইতে বঞ্চিত হইবে, এমন কথা বিশ্বসনীয় নহে।

পুরুষেরা বলেন, লতা চিরদিন তরুকেই আশ্রয় করিয়া থাকে, ইহাই স্বভাবের নিয়ম। পুরুষের প্রেমাশ্রয়ের মধ্যে লালিতা হইতে মেয়েদের আপত্তি নাই। কিন্তু অত্যাচারীর স্ত্রীত্ব শাসনদণ্ডের আশ্রয়ধীন হওয়ার পক্ষে সম্পূর্ণ আপত্তি থাকিতে পারে। পরস্পরের আদান প্রদানে যে স্নেহ, একের নিকট হইতে অপরের গায়ের জোরে কাড়িয়া লওয়া বা ভিক্ষা করিয়া চাহিয়া লওয়ার সে স্নেহ পাওয়া যায় না। পরস্পরের প্রীতি ও মৈত্রী প্রভৃতির স্থলেই যথার্থ আদান প্রদান হইয়া থাকে। ভক্তিতে ভজাই ভজা, ভয়ে ভজা কেবল ফাঁকি বই আর কিছুই বলা যায় না।

আর এক কথা এই, যে সন্তান-পালনের কথা লইয়া এত বাদামুবাদ, সেই সন্তান-পালনের ভার, কি সত্য সমাজে কি ইতর সমাজে, কোথাও পুরুষের প্রতি অর্পিত হইয়াছে এমন দেখা যায় না, এবং কখনও অর্পিত হইবে বলিয়া বোধ হয় না? তবে জ্ঞানের স্নেহ, স্বাধীনতার স্নেহ, উভয়ে যদি ভাগাভাগি করিয়া লন, তাহাতে পুরুষের ক্ষতি বা আপত্তি কি? সমানে সমানে মিলনের যে স্নেহ, আশা করি, মেয়েদের উন্নত অবস্থা হইতেই তাঁহারা প্রাপ্ত হইবেন।

আর মেয়েরা কার্য ক্ষমতা লাভ করিলেই যে গৃহস্থালী থাকিবে না, বা পুরুষের সহিত স্বতন্ত্র হইয়া আলাদা হাঁড়ি কাড়িবেন, বা পুরুষ হইয়া যাইবেন—ইহা অতীব বিচিত্র সংস্কার। পুরুষেরা, আপনাদের বিরুদ্ধে মেয়েদের ধৈর্য্য সহকারে অপেক্ষা করিতে বলিয়া কালে জয়ের প্রত্যাশা দিয়া থাকেন, পরামর্শটি বড় মন্দ নহে। কিন্তু 'নেড়ার বেলতলায়' বেশীবার যাওয়া উচিত হয় না—অতিশয় কিছুই ভাল নহে! কে জানে অতি ধৈর্য্য, অতি বিশ্বাসের ফলে অত্যন্ত নির্ভর করিয়া মেয়েরা বর্তমান হীনাবস্থা প্রাপ্ত হইয়াছেন কি না? অপরথা কিং ভবিষ্যতি! আমাদের মনে হয়, পুরুষেরা যদি একটু বিবেচনা করিয়া ক্ষমতার ব্যবহার করেন, তাহা হইলে আর উদরে মস্তকে এ বিবাদ সংঘটিত হয় না। ভরু রমণীকেও বিদ্রোহী, অপরাধে অপরাধিনী হইতে হয় না? —

ফুল ও অলি।

অলি। সখি, সকালে ফুটেছিলে, বিকালে মর' মর' !
হায়! সে নব রূপরশি মলিন ঝর ঝর!
নাহি সে মধু হাসি, নাহি সে পরিমল,
চাহিয়া মুখপানে নয়নে আসে জল!

ফুল। কিসের দুখ সখা, না হয় নেই ফুটে,
না হয় ঘাব ঝরে, পড়িব ভুঁয়ে লুটে!
আমার ছিল যাহা স্নগন্ধ রূপবিভা,
সুব ত দিয়ে গেছি, ঝরিব ক্ষতি কিবা!

অলি। ক্ষতি কি জানি না ত, হৃদয় কাঁদি কহে,
অমন রূপরশি কেন না চির রহে!
ফুটিতে না ফুটিতে অমনি ম্লান মুখ,
তিয়াস সার শুধু স্নেহ সে কত টুক?

ফুল। স্বপ্ন সে কত টুক! কেমন কথা ভাই!
স্বপ্ন ত সবই মোর, ছপ্ন যা দিয়ে যাই।
ফুটিয়ে থাকিতাম, যদি গো চির স্থির,
দিতে কি উপহার করণ আঁখি নীর!
আদর করিতে কি এমন প্রাণ ভ'রে
যদি এ রূপরাশি থাকিত চিরতরে?
বাসনা তুয়া ইথে তোদেরি জাগে প্রাণে,
মোরা, ফুটিয়ে ঝ'রে যাই, স্বপ্নের মাঝখানে।

অলি। তা যদি? সেই ভাল, আমরা কেঁদে মরি
তোমরা চিরদিন আদরে যাও ঝরি।

শ্রীশর্গকুমারী দেবী।

মহম্মদ ও তাঁহার ধর্মমত।

একাল পর্যন্ত যে সকল মহাপুরুষ প্রাচ্যভূখণ্ডে জন্মগ্রহণ পূর্বক স্ব স্ব প্রবর্তিত ধর্মবৈচিত্র্যে বিভিন্ন দেশে ভিন্ন ভিন্ন জাতির মধ্যে আপনাদিগের অটল কীর্তিস্তম্ভ প্রতিষ্ঠিত করিয়াছেন তাঁহাদের মধ্যে মহম্মদ অগ্রতম। একদিন মহম্মদের শিষ্যগণ কোরাণ এবং তরবারী হস্তে আসিয়া ও ইউরোপের বিস্তীর্ণভূখণ্ডে কি কাণ্ডেরই না অন্বেষণ করিয়াছিল; পূর্বে ভারতবর্ষ এবং পশ্চিমে ফরাসীরাজ্য এই উভয় দেশের মধ্যবর্তী সমুদয় ভূভাগ তাহাদের বীরদর্পে কল্পিত হইয়াছিল। কিন্তু চিরদিন সমান যায় না, “ফকিরী” গ্রহণ করাই যে ধর্মের উচ্চ আদর্শ, সেই মুসলমানধর্ম ক্রমে বিলাস ও যথেষ্টাচারের হস্তে ক্রীড়নক মাত্রে পর্যবেসিত হইল; পবিত্রতা ও উদারতার পরিবর্তে স্বার্থপরতাপূর্ণ অহুদার মত সকল এই কুশর্ম্মল ধর্ম্মজীবনের প্রতিগ্রহি বিবাক্ত করিয়া দিল। তখন ইহার দেহ ক্রমে ক্রমে অবসন্ন হইয়া আসিল এবং মুসলমানের দোদীর্ঘ প্রতাপের সহিত মুসলমানধর্ম্মের সেই তেজোগর্ভময় অগণবিস্তৃতি ধীরে ধীরে সঙ্কুচিত হইয়া পড়িল।

পৃথিবীতে মুসলমানধর্ম্মের সম্মান অল্প নহে। ভারতের সহিত মুসলমানদিগের দীর্ঘ কালের সম্বন্ধ, জেতা ও বিজিতের মধ্যে সম্বন্ধের যে পার্থক্য তাহা দূরীভূত হইয়া ইহা পবিত্র ভাষ্ সন্ধে পরিণত হইয়াছে; ভারতে হিন্দু ও মুসলমান বর্তমান রাজনৈতিক ক্ষেত্রে

একাসনে উপবিষ্ট। অতএব মহম্মদ ও তাঁহার ধর্ম্ম সন্ধে আলোচনা নিতান্ত নিষ্ফল নহে।

মহম্মদের জীবনী এবং তাঁহার ধর্ম্মমত বিশ্লেষণ করিলে তন্মধ্যে ছয়টি বিভিন্ন অংশ দেখিতে পাওয়া যায়।

- ১। মহম্মদের ব্রত ও তাঁহার সিদ্ধিলাভ।
 - ২। কোরাণের প্রধান প্রধান বিশেষত্ব।
 - ৩। কোরাণের আনুসঙ্গিক রচনাবলী।
 - ৪। মুসলমানধর্ম্মের মূল তত্ত্ব।
 - ৫। মুসলমানধর্ম্মের নৈতিক এবং কার্যকরী ব্যবস্থাবলী।
 - ৬। সাম্প্রদায়িক বিভিন্নতা।
- এই ছয়টি বিভিন্ন অংশ আমরা ক্রমে আলোচনা করিব।

১। মহম্মদের ব্রত ও তাঁহার সিদ্ধিলাভ।

ধর্ম্মজগতে মহম্মদের ব্রত ও তাঁহার সিদ্ধিলাভের কার্যকারণ অল্পসন্ধান করিতে হইলে তাঁহার আবির্ভাবকালে আরবের কি অবস্থা ছিল সর্বপ্রথমে সেইদিকে দৃষ্টিপাত করা কর্তব্য। বৈদেশিকের মধ্যে ইহুদীগণই সর্বপ্রথমে আরব জাতির সংস্পর্শে আসিয়াছিল; আসিরিয়ান, গ্রীক, এবং রোমানগণ কর্তৃক মাতৃভূমি হইতে ক্রমাগত বিতাড়িত হইয়া তাহারা আচার ব্যবহারে আরবের অহরূপ হইয়া পড়ে। এই সময় আরবজাতি একেশ্বর বাদী ছিল, স্তবরাং ইহুদীজাতির সহিত তাহাদের ধর্ম্মগত কোন পার্থক্য লক্ষিত হয় নাই। কিন্তু কালক্রমে যখন রোমানরাজ্য খৃষ্টীয়মুদ্রে দীক্ষিত হইল, তখন সেই খৃষ্টশিষ্যগণ অস্ত্রস্থ স্থানের স্থায় আরবেও আপনাদিগের বাসস্থান নির্দিষ্ট করিয়া লইয়াছিল; এই ঘটনা উপলক্ষে ইহুদী, খৃষ্টান ও আরবগণের মধ্যে মতগত পার্থক্যের প্রচুর সামঞ্জস্য সাধিত হয়। ক্রমে উপনিবেশিকদিগের যুক্তি ও বিশ্বাস ধীরে ধীরে আরবজাতির হৃদয় সম্পূর্ণরূপে অধিকার করিয়া ফেলিল; কিন্তু যে ইহুদীয় ও খৃষ্টীয়মত আরবজাতির ভিতরে সম্প্রসারিত ও আদৃত হইয়াছিল তাহা নিতান্ত অহুদার ও বিবিধ কুসংস্কারলুপিত। ইহাতে আরবজাতির হৃদয় সত্যের উজ্জ্বল এবং পবিত্র আলোকে আলোকিত করিতে পারে নাই, এমন কি একেশ্বরের পরিবর্তে বহুদেবতার উপাসনা, স্বর্ঘ্য ও গ্রহ নক্ষত্রাদির আরাধনা, পৌত্তলিকতা, প্রেতার্চনা পশু, বৃক্ষ, লতা ও প্রস্তর পূজা এবং নানাবিধ অন্ধবিশ্বাস ও কুসংস্কার আরবের অধিবাসী-বর্গের মনোবাজ্যে অধিকার বিস্তার করিয়াছিল। অতি অল্পসংখ্যক, প্রতিভাশালী,

চিন্তাশীল লোকের হৃদয়েই “একমেবাদিতীয়ং”—পরমেশ্বরের সমুন্নত মহিমার পূণ্যময় ধ্বনি প্রতিধ্বনিত হইত।

আরবের ধর্মজগৎ যখন এইরূপ অবস্থাপন্ন, সেই সময় মহম্মদ* ৫৭০ খৃষ্টাব্দে মক্কা নগরে জন্মগ্রহণ করেন। মহম্মদের পিতা আবদুল্লা পুত্রমুখ দর্শনের সুখ লাভ করিতে পারেন নাই; মহম্মদের জন্মের কয়েক মাস পূর্বেই তিনি ইহলোক পরিত্যাগ করেন, পিতৃহীন শিশুকে ছয়বৎসর বয়সের সময় মাতৃহীন হইতে হয়। কিন্তু এই পিতৃ মাতৃহীন বালক, এই ভবিষ্যৎ ধর্মবীর কোন দিন পিতার স্নেহ ও মাতার আদরের অভাব অনুভব করেন নাই। মহম্মদের মাতামহ আবদুল মাতালিব তাঁহাকে দত্তকরূপে গ্রহণ করেন। ঐতিহাসিক পণ্ডিতগণ বলেন এই ঘটনা তাঁহার ভবিষ্যতের গৌরবপূর্ণ উন্নতির যথেষ্ট অঙ্কুর হইয়াছিল। আবদুল মাতালিব সামান্য ব্যক্তি ছিলেন না, আরবীয় অভিজাতবর্গের মধ্যে তিনি সুবিখ্যাত ছিলেন; কথিত আছে আবদুল কুরেশ জাতির অন্তর্ভুক্ত প্রসিদ্ধ হাসিম বংশোদ্ভব ছিলেন, এবং এই জাতই মক্কার কাবা নামক সুপ্রসিদ্ধ মসজিদ তাঁহার তত্ত্বাবধারে রক্ষিত হইয়াছিল। কাবামসজিদ, ত্রিকোণাকৃতি, পাষাণে নির্মিত, বহুশত বৎসর হইতে তাহা পবিত্র বলিয়া আরবজাতির কর্তৃক সম্মানিত হইয়া আসিতেছিল; এই মসজিদের তত্ত্বাবধারক নিযুক্ত হওয়া আরবে অদ্বিতীয় সম্মানের পদ বলিয়া পরিগণিত হইত। আরবগণের বিশ্বাস এই পুত্র মসজিদ আত্রাহাম কর্তৃক সর্লপ্রথমে প্রতিষ্ঠিত হয় এবং এইখানেই আত্রাহাম ইসমাইলকে বলিদান করিবার জন্ত আদিষ্ট হইয়াছিলেন।†

মহম্মদের মাতামহ আবদুল্লের মৃত্যু হইলে তাঁহার মাতুল আবু তালিব তাঁহার অভিভাবক হন, এই সময়ে মহম্মদের বয়স অধিক হয় নাই। আবুতালিব উচ্চ বংশোদ্ভব হইলেও তিনি নিতান্ত দরিদ্র ছিলেন, এবং এই জাত বালক মহম্মদকে মক্কার নির্জন প্রান্তরে মেঘ পরিচালন পূর্বক জীবিকা নির্বাহ করিতে হইয়াছিল। তাঁহার আদর্শস্থানীয় মহামতি মুসাও একসময় তাঁহার শিশুর যত্নের মেঘপালন করিতেন।(ক)

পঁচিশ বৎসর বয়সের সময় মহম্মদ খাদিজা নামী এক ক্রমবৃত্তি রমণীকে বিবাহ করেন; খাদিজা মহম্মদের জ্ঞাতিকণ্যা, তিনি মহম্মদ অপেক্ষা পঞ্চদশ বর্ষের বয়োজ্যেষ্ঠা। তিনি প্রথমে তাঁহার বৈষয়িক কার্যের তত্ত্বাবধারণ জন্ত মহম্মদকে তাঁহার কার্যাব্যাহার নিযুক্ত করেন। কিন্তু ক্রমে এই যুবক কর্মচারীর বিশ্বস্তভাব, চরিত্রের কমনীয়তা, ও সদ্যবহারে এতই

* আরবীয় “হামাদ” ধাতু নিজন্ত করিয়া “মহম্মদ” এই শব্দ সিদ্ধ হইয়াছে। হামাদ অর্থে—“প্রশংসা করা,” সুতরাং মহম্মদ = প্রশংসিত।

† আরবদিগের বিশ্বাস আত্রাহাম ইসমাইলকে বলি দিবার আদিষ্ট হইয়াছিলেন, ইসাককে নহে।

(ক) বসওয়ার্থ শিখ নামক বক্তা একদা মহম্মদের মহিমা কীর্তন উপলক্ষে বলিলেন, মুসা যেখানে যোপুয় মেঘপাল চরাইতেন মহম্মদ একবার টিক সেই স্থলেই একদল উট চরাইয়াছিলেন।

প্রীত হইলেন যে তাঁহার পাণিগ্রহণের দ্বারা মহম্মদের প্রতি প্রীতি ও কৃতজ্ঞতা ব্যক্ত করিলেন। খাদিজার মৃত্যুকাল পর্যন্ত তিনি তাঁহার প্রতি বিশ্বস্ত ছিলেন, মহম্মদের ৫১ বৎসর বয়সের সময় খাদিজার মৃত্যু হয়।

খাদিজার গর্ভে মহম্মদের চারিটি পুত্র জন্মগ্রহণ করিয়াছিল, কিন্তু একমাত্র কণ্যা ফাতিমা ভিন্ন অন্যান্য সন্তানসম্ভতি বাল্যকালে পরলোকে গমন করে। খাদিজার মৃত্যুর অন্তকাল পরে মহম্মদ ইহদীয় পিতৃতন্ত্র অহুশাসন অহুসারে এবং মুসার ব্যবস্থানুযায়ী পুনর্ব্বার কয়েকটি দারপরিগ্রহণ করেন।(খ) কেহ কেহ বলেন এইরূপ বিবাহদ্বারা মহম্মদ নীতির মূলে যে কুঠারাঘাত করেন তাহারই ফলে বহুবিবাহ, অবৈধ বিবাহ, স্ত্রীত্যাগ প্রথা ও রমণীর বিবিধ প্রকার দুর্গতির কারণ ধীরে ধীরে মহম্মদীয় সমাজে পরিব্যাপ্ত হইয়া পড়িয়াছে। এতদিন পরে, আজও সেই সমস্ত হীন প্রথা প্রায় প্রত্যেক মুসলমান রাজ্যের এক স্ত্রীতীর কলঙ্করূপে বিরাজিত রহিয়াছে এবং তাহা তাহাদের জাতীয়জীবন বিধাত এবং রাজনৈতিক ও সামাজিক উন্নতির পথ কণ্টকাকীর্ণ করিয়া তুলিয়াছে। এক সময় মহম্মদের ধর্মে পৃথিবীতে ইঙ্গ্রজালের রচনা করিয়াছিল, কত বীর, কত শ্রেষ্ঠ ধনী, এবং কত স্বদেশ প্রেমিক এই ধর্মের সমুন্নত গৌরব-পতাকাতে সমবেত হইয়া ইমলাম ধর্মের জয়যোষণায় চতুর্দিক কল্পিত করিয়াছিল; কিন্তু তাঁহার ধর্মপ্রবাহিত দুর্গতিশ্রোত তাঁহার লক্ষগৌরব অব্যাহত রাখিতে পারে নাই।

যাহা হউক মহম্মদ বহুবিবাহ করিলেও আত্মত্যাগ ও বিলাসহীনতা বিবরে তিনি পৃথিবীর কোন ধর্মপ্রচারক কিম্বা ধর্মসংস্থাপক অপেক্ষা নূন ছিলেন না। তাঁহার প্রথমা পত্নী-পরিভাল অতুলঐশ্বর্য্য, সেই রমণীর অগাধ এবং অচঞ্চল প্রেম ও তাঁহার নিজহৃদয়ের এক সুমহান আকাঙ্ক্ষা মহম্মদকে তাঁহার গৌরবময় ভবিষ্যৎ জীবনের উজ্জল নেপথ্য অভিমুখে পরিচালিত করিয়াছিল। বাল্যকাল হইতে মহম্মদ ধর্মপরায়ণ ও চিন্তাশীল ছিলেন। এইরূপ অবস্থাপন্ন এবং এই প্রকার হৃদয় ভাববিশিষ্ট লোক যে তাঁহার স্বদেশীয়গণকে কুসংস্কারাচ্ছন্ন ও দুর্নীতিপরায়ণ দেখিয়া বিরক্ত বোধ করিবেন তাহার আর আশ্চর্য্য কি? তাঁহার অবসরের অভাব ছিল না, প্রত্যহ অবসর সময়ে তিনি নির্জনে বসিয়া তাঁহার একমাত্র প্রিয়তম চিন্তার উদ্বোধনে নিরত থাকিতেন। ক্রমে যতই দিনের পর দিন গত হইতে লাগিল ততই তাঁহার হৃদয়ের অন্তঃপুরে একটি অক্ষুট এবং নিভৃত-চিন্তা ধীরে ধীরে বিকশিত হইয়া তাঁহার দেহ ও মনকে এক অপূর্ণ উত্তেজনার উন্মত্ত করিয়া ফেলিল; তিনি নগর-প্রান্তস্থ একটি পর্ব্বতের এক বিজন উপত্যকায় বসিয়া গভীর চিন্তার সময়াতিপাত করিতেন। এইরূপে স্তূর্দীর্ঘ উপবাস, এবং সাগ্রহ প্রার্থনা ও অতীন্দ্রিয় জগতের সহিত আত্মার একটি সুপবিত্র এবং নিগূঢ় মিলনের আনন্দোচ্ছ্বাস তাঁহার চিন্তাশীল মস্তিষ্কে অধীর করিয়া

(খ) কাহারও কাহারও মতে মহম্মদ নয়টি বিবাহ করিয়াছিলেন, কিন্তু তাঁহার ব্যবস্থায় এতাদিক বিবাহ নিষিদ্ধ।

তুলিল; তাঁহার বিশ্বাস হইল দেবলোকের পবিত্রবাণী তাঁহার দ্বারা মর্ত্যভূমে ধ্বনিত হয় ইহাই বিধাতার অভিপ্রায়।

চল্লিশ বৎসর বয়সের সময় মহম্মদের এই মহৎ আকাঙ্ক্ষা তাঁহার জাগ্রত বিশ্বাসের সহায়তায় কার্যকারী হইয়া উঠিল। তিনি তাঁহার স্বদেশের নৈতিক, সামাজিক এবং ধর্মসম্বন্ধীয় অধঃপতনের আমূল সংস্কারের জন্ত বহুপরিকর হইলেন। কথিত আছে একট বিজন গিরিগহ্বরে তিনি যখন ভগবানের উপাসনায় মনোনিবেশ করিয়াছিলেন সেই সময় সহসা অমরবাণীতে তাঁহার কর্ণে ধ্বনিত হইল “ঘোষণা কর।”—কম্পিতদেহে রুদ্ধকণ্ঠে মহম্মদ বলিলেন “কি ঘোষণা করিব?”—উত্তর হইল “তাঁহারই নাম ঘোষণা কর যিনি সৃষ্টিকর্তা এবং সকলের প্রভু।”

মহম্মদ সর্বপ্রথমে এই সংবাদ তাঁহার পত্নী খাদিজার গোচর করিলেন, খাদিজা বিশ্বস্ত-হৃদয়ে মহম্মদকেই প্রেরিত পুরুষ বলিয়া স্বীকার করিলেন। তাঁহার দ্বিতীয় শিষ্য তাঁহার জামাতা আলি; অতঃপর মহম্মদের প্রভুতন্ত্র ক্রীতদাস জাইদ তাঁহার ধর্মমত গ্রহণ করিল ও আবুবেকর (অবশেষে ইনি মহম্মদকে নিজ কস্তা সম্প্রদান করিয়াছিলেন) তাঁহার শিষ্য শ্রেণী-ভুক্ত হইলেন।

ক্রমে দুই একজন করিয়া মহম্মদের আত্মীয় বন্ধুবর্গ তাঁহার ধর্মমত গ্রহণ করিতে লাগিলেন। এই ঘটনা হইতে স্পষ্টই বুঝিতে পারা যায় মহম্মদের চরিত্রে বিশেষ বল ও মহত্ব ছিল, নতুবা তাঁহার আত্মীয়বন্ধুগণ কখন তাঁহার মতে শ্রদ্ধা প্রকাশ করিতেন না। চরিত্র-বল ও মহত্ব থাকিলেও সর্বদা আত্মীয়স্বজন মধ্যে প্রতিষ্ঠা লাভ করা যায় না, মহামতি খুষ্টের চরিত্রবল ও মহত্ব দেবতার সহিত তুলনীয়। কিন্তু তাঁহার প্রতিবাদী ইহদীগণ তাঁহাকে পশুর স্থায় হত্যা করিয়াছে। বুদ্ধদেবও অতুল ঐশ্বর্যের অধিপতি হইয়াও নিতান্ত নির্লিপ্ত, সর্বভ্যাগী সন্ন্যাসীর স্থায় সমস্ত বিলাস কামনা পরিত্যাগ পূর্বক ভিক্ষুপদকেই একমাত্র গৌরবের পদ বলিয়া গ্রহণ করিয়াছিলেন, কিন্তু তাঁহার প্রতিবাদী ব্রাহ্মণধর্ম তাঁহার ধর্মকে ভারতবর্ষ হইতে নির্মূলাসিত করিয়াছিল। যাহা হউক মহম্মদ তাঁহার আদর্শ মুসার স্থায় অলৌকিক ঘটনার সাহায্যে আপনার অসাধারণত্ব প্রতিপাদন করিবার প্রয়াস পান নাই। তিন বৎসরে তাঁহার শিষ্যসংখ্যা ক্রমে চতুর্দশটি হইয়াছিল; যখন মহম্মদ দেখিতে পাইলেন তাঁহার ধর্মমত তাঁহার পারিবারিক ভিত্তি ভেদ করিয়া সাধারণের মধ্যে প্রসারিত হইতেছে না এবং সেরূপ না হইলে তাঁহার অন্তর্গত সংস্কারে সাধারণের কোন লাভ নাই তখন তিনি প্রকাশভাবে প্রচার কার্য আরম্ভ করিলেন। কাবা মসজিদের চতুর্দিকে প্রত্যহ বহুসংখ্যক নাগরিকবর্গ সমবেত হইত। মিথ্যাধর্ম এবং পৌত্তলিকতার মূল উচ্ছেদ করিয়া সত্যধর্ম গ্রহণ করিবার জন্ত তিনি তাহাদিগকে আহ্বান করিতে লাগিলেন।

কিন্তু এইরূপ কার্যে যে প্রকার ফল হইবার সম্ভাবনা তাহাই হইতে লাগিল। এতদিন

পর্যন্ত তাঁহার নূতন বিশ্বাস তাঁহার সাধনার পথে কোন বিঘ্নই উপস্থিত করে নাই, কিন্তু জগতের নিয়মই এই, যেত্র তত মহত্তর হয় তাহার চতুর্দিকে বাধাবিঘ্নের প্রাচীর তত অধিক দৃঢ়ভাবে উন্নতমস্তকে দণ্ডায়মান হইয়া সাফল্যের সম্ভাবনা লোপ করিয়া দিতে প্রস্তুত হয়; এক্ষেত্রেও তাহাই হইল। মহম্মদ সত্যের অগ্নিতে যখন শত শত বৎসরের পুঞ্জীভূত কুসংস্কার ও দৃঢ়মূল অন্ধবিশ্বাস দল্ল করিবার জন্ত উত্তত হইলেন তখন তাঁহার স্বদেশীয়গণ তাঁহার উপর নানাপ্রকার নির্ঘাতন আরম্ভ করিল; কিন্তু তাঁহার আত্মীয়স্বজনের হস্তেই তাঁহাকে সর্বাপেক্ষা অধিক নির্ঘাতন সহ্য করিতে হইয়াছিল। মক্কা তখন বিবিধ কুসংস্কারের লীলালীকিতে পরিণত হইয়াছিল, এবং ইহাতে মহম্মদের আত্মীয়স্বজনের যথেষ্ট পরিমাণে বৈষয়িক স্বার্থও বিজড়িত ছিল, স্তত্রাং স্বার্থ হানির সম্ভাবনায় তাহারা ক্রোধে উন্নত হইয়া উঠিল। মহম্মদের প্রচার কার্য বন্ধ করিবার জন্ত তাহারা প্রাণপণে চেষ্টা করিতে লাগিল। এমন কি তাঁহার জীবন পর্যন্ত দুই তিনবার বিপন্ন হইয়া উঠিয়াছিল, এবং যদি তাঁহার মাতুল আবুতালিব (আলির পিতা) তাঁহার নিজগৃহে সর্বদা অতিমাহসের সহিত সযত্ন রক্ষা না করিতেন তাহা হইলে তাঁহার আত্মরক্ষা অসম্ভব হইয়া পড়িত।

মহম্মদের শিষ্যগণকেও অল্প নির্ঘাতন সহ্য করিতে হয় নাই। তাঁহার মুষ্টিমেয় শিষ্য-গণের অধিকাংশই আবিসিনিয়া দেশে পলায়ন করে।(গ) কিন্তু এই পলাতকগণের অল্প-সরণে মক্কা হইতে আবিসিনিয়া পর্যন্ত দূত প্রেরিত হইয়াছিল। আবিসিনিয়ার রাজা সেই শরণাগত বিপন্ন ব্যক্তিগণকে তাহাদিগের পলায়নের কারণ জিজ্ঞাসা করিলে তাহারা কহিল, “মহারাজ, আমরা অজ্ঞতা ও অসত্যতার অন্ধকারে ডুবিয়াছিলাম; আমরা পুত্রলিকার পূজা করিতাম, প্রবলের শাসন দণ্ড ভিন্ন অস্ত্র কোন আইন সম্বন্ধে আমাদের কিছুমাত্র অভিজ্ঞতা ছিল না। পরমেশ্বর আমাদের মধ্যে একজন মানুষ দিয়াছেন, তিনি সত্যবাদী, মহৎ এবং পবিত্রচেতা। তিনি আমাদেরকে একেশ্বরবাদ শিক্ষা দিয়াছেন, এবং নিষ্পাপ থাকিবার উপায়, উপাসনা করিবার নিয়ম, ভিক্ষাদানের প্রথা ও উপবাসের সংযম সম্বন্ধে আমরা তাঁহারই নিকট উপদেশ পাইয়াছি। তাঁহার লোকাভিত দোত্যকার্যে আমরা বিশ্বাস-স্থাপন করিয়াছি এবং তাঁহার প্রদত্ত শিক্ষা গ্রহণ করিয়াছি। এই জন্ত আমাদের স্বদেশীয়-গণ আমাদের উপর পাশবিক অত্যাচার আরম্ভ করিয়াছিল, আমরা পদে পদে নিদারুণ যন্ত্রণার দন্ধ হইতেছিলাম; এই জন্ত তাহাদের মধ্যে বাসকরা আর নিরাপদ নহে স্থির করিয়া অবশেষে নিরুপায়-চিত্তে আপনার আশ্রয়ে উপস্থিত হইয়াছি, ভরসা করি এই আশ্রিত বৈদেশিক কয়টিকে আপনি তাহাদের উৎপীড়কের হস্তে নিক্ষেপ করিবেন না।”

সমস্ত শুনিয়া রাজার হৃদয়ে দয়ার সঞ্চার হইল। তিনি তাহাদিগকে নির্ভয়ে তাঁহার রাজ্যে বাস করিবার অনুমতি দান করিলেন।

(গ) এই ঘটনা মুসলমানদিগের প্রথম পলায়ন নামে অভিহিত, ইহা ৬১০ খৃষ্টাব্দে ঘটে।

এদিকে মহম্মদকে তাঁহার মাতুলের আশ্রয়ে বাস করিতে দেখিয়া কুরেশ বংশ (মহম্মদের জাতিগণ) তাহাকে হস্তগত করিবার জন্ত বিবিধ উপায় অবলম্বন করিতে লাগিল। কেহ বলিল “যদি তুমি প্রচারকার্যে হস্তক্ষেপ না কর তাহা হইলে তোমাকে প্রচুর পরিমাণে অর্থ ও উচ্চসম্মান প্রদান করা যাইবে।” কিন্তু মহম্মদ দৃঢ়চেতা বীরের জায় উত্তর দিলেন “যদি তোমরা আমার দক্ষিণহস্তে সমুচ্ছল স্বর্ঘ্য এবং বামহস্তে স্নিগ্ধকাস্তি চন্দ্র প্রদান করিতে সমর্থ হও তাহা হইলেও আমি তোমাদের প্রলোভনে ভুলিয়া প্রচারকার্যে কখন বন্ধ করিব না; যতদিন পর্যন্ত পরমেশ্বরের ইচ্ছা সংসাধিত না হয় কিম্বা আমি ইহলোক হইতে অপস্থত না হই ততদিন পর্যন্ত আমার প্রতিজ্ঞা অবিচলিত রহিবে।”

অন্ত এক সময় তাঁহার শক্রবর্গ সমবেত হইয়া তাঁহাকে কহিল “তুমি যে ঈশ্বর প্রেরিত ব্যক্তি তাহার প্রমাণ কি? দুই একটি অলৌকিক ঘটনার পরিচয় দিয়া প্রথমে আমাদের সন্দেহ দূর কর।” তাহার উত্তরে মহম্মদ বলিলেন “জগদীশ্বর আমার দ্বারা কোন অসম্ভব কার্য সাধনের জন্ত আমাকে এখানে প্রেরণ করেন নাই; তোমাদের নিকট সত্যধর্ম প্রচার করিবার জন্তই তিনি আমাকে পাঠাইয়াছেন। যদি তোমরা পবিত্রবাক্তা গ্রহণ কর তাহা হইলে ইহলোকে ও পরলোকে তোমরা স্মৃথী হইবে। যদি আমার উপদেশে অবহেলা প্রদর্শন কর, আমি তাহাতে অসহিষ্ণু হইব না কিন্তু এমন একদিন আসিবে যেদিন সকলকে সেই মহাবিচারকের সম্মুখে উপস্থিত হইতে হইবে; আমি তোমাদেরই একজন মহম্মদীয় কিন্তু আমি তোমাদের জন্ত আকাশবাণী আনয়ন করিয়াছি।

মহম্মদের মাতুল আবৃতালিক এবং তাঁহার পত্নী খাদিজার মৃত্যু হইলে তাঁহার ধর্মগত উদ্দেশ্যসাধন-পথে নব নব বিঘ্নজাল বিস্তৃত হইতে লাগিল। তাঁহাকে অসহায় দেখিয়া তাঁহার শক্রদল বদ্ধিত পরাক্রমের সহিত তাঁহার শক্রতা সাধন করিতে লাগিল এবং প্রচলিত ধর্মের এই নব শক্র যাহাতে বিনাশ প্রাপ্ত হয় তজ্জন্ত বিধিমতে চেষ্টা করিতে লাগিল। এই সময় মহম্মদ যে ধীরতা, অসীম বীরত্ব, অসামান্য আত্মত্যাগ এবং অনন্তসাধারণ নির্ভীকতার পরিচয় প্রদান করিয়াছিলেন, ধর্মজগতের ইতিহাসে তাহা অতীব দুর্লভ। মুসলমান ধর্মের অভ্যুদয়ের সূচনা সময়ে মহম্মদের সহিষ্ণুতা ও ত্যাগশীলতার এই গৌরবময় কাহিনী স্বর্ণাক্ষরে অঙ্কিত হইবার উপযুক্ত। যখন তাঁহার সমস্ত আশা বিলুপ্ত হইল, যাহাদের সহায়তায় তিনি এই দীর্ঘকাল অক্রান্তভাবে দুর্নীতি ও অধর্মচারণের সহিত যুদ্ধ করিয়া আসিতেছিলেন তাঁহারা যখন ইহলোক ত্যাগ করিলেন, তখন তিনি আপনার বিপদ বৃদ্ধিতে পারিলেন, বৃদ্ধিলেন তিনি একাকী যে কার্যে হস্তক্ষেপ করিয়াছেন দুর্লভ মানবের পক্ষে তাহা একান্ত গুরু ভার,—কিন্তু নিশ্চেষ্টতা ও অবসন্নতা কাহাকে বলে মহম্মদ বাল্যকাল হইতেই তাহা জানিতেন না, তিনি আপনাকে “প্রেরিত পুরুষ” বলিয়াই বিশ্বাস করিতেন, স্মরণ্য সমস্ত জগৎ তাঁহার বিরুদ্ধে দণ্ডায়মান-হইলেও তাঁহার ব্রত ভঙ্গ হইবার নহে। তিনি অতুল সাহসে নির্ভর করিয়া আপনার অসহায় স্বন্ধেই সমস্ত ভার গ্রহণ

করিলেন এবং বিপুল হৃদয়ে শত শত বর্ষের বর্দ্ধিতাতন কুসংস্কার, হিংসা দেহ ও ধর্মাক্রান্তার বিরুদ্ধে যুদ্ধ করিতে লাগিলেন, কিন্তু যখন তাঁহার চতুর্দিকে অগ্নি কিছুতেই নির্দীপিত হইল না, যখন তাঁহার চতুর্দিকে অসংখ্য জুদ্ধ হস্ত যুগপৎ উত্থিত হইয়া তাঁহাকে নিষ্পেষিত করিবার উপক্রম করিল তখন তিনি বৈদেশিকদিগের নিকট-প্রচার কার্য আরম্ভ করিলেন।

বৈদেশিকদিগের মধ্যে মেদিনা নগরস্থ ছয়জন অধিবাসী সর্বপ্রথমে তাঁহার শিষ্যত্ব গ্রহণ করে। এক বৎসর পরে আরো ছয়জন তাহাদের সাহচর্য অবলম্বন করিল, এবং এই দ্বাদশ শিষ্যের দ্বারাই প্রথম মুসলমান সম্প্রদায় প্রতিষ্ঠিত হইল। ইহারা প্রতিজ্ঞা করিলেন “আমরা পার্থিব কোন বস্তুতে ঈশ্বরত্ব আরোপ করিব না। চুরি, ব্যভিচার এবং অশাস্ত্য দুর্ধর্ম হইতে সম্পূর্ণরূপে নিষ্কুল থাকিব। কখন পুত্র কন্যা হত্যাপাপে লিপ্ত হইব না, কখন পরনিন্দা কিম্বা পরদেষ করিব না। প্রেরিত পুরুষের সমস্ত সত্য মত আমরা প্রাণপণ শক্তিতে পালন করিব, এবং স্ত্রুখে দুঃখে চিরদিন তাঁহারই অঙ্গুগত হইয়া থাকিব।”

মহম্মদের এই দ্বাদশ শিষ্য মেদিনায় ফিরিয়া মেদিনাবাসীর হৃদয়ে নব প্রাণের প্রতিষ্ঠায় প্রবৃত্ত হইল। নূতন সত্যের সন্ধান পাইয়া বহুসংখ্যক তৃপ্ত হৃদয় আকৃষ্ট হইল এবং পরবৎসর পঁচাত্তরজন লোক মেদিনা হইতে মক্কার গমনপূর্বক এই নবধর্ম গ্রহণ করিল। তাহারা মহম্মদীয় ধর্ম গ্রহণ করিয়াই স্নান থাকিল না, মহম্মদকে তাঁহার শক্রগণের আক্রমণ হইতে রক্ষা করিবার জন্তও বন্ধপরিষ্কর হইল। মহম্মদের শক্রগণ এই সংবাদ পাইয়া তাঁহার প্রতি ভয়ানক উৎসাহিত হইয়া উঠিল, তখন উপায়ান্তর না দেখিয়া তাহারা মেদিনায় পলায়ন করিল। মেদিনা নগরে মহম্মদের উৎসাহশীল শিষ্যসংখ্যা ক্রমেই বাড়িয়া উঠিতে লাগিল।

এই ঘটনার পর মহম্মদ দেখিলেন মক্কার তাঁহার বাস অসম্ভব হইয়া উঠিয়াছে, এবং প্রকাশ্যভাবে লোকালয়ে বাহির হওয়া পর্যন্ত কঠিন হইয়া পড়িয়াছে, নিরুপায় হইয়া পলায়নের দ্বারা আপনার বিপন্ন জীবন রক্ষা করিতে লাগিলেন। কিন্তু পলায়ন করিয়াও নিরুত্তর নাই, প্রত্যেক বৃক্ষচূড়া, প্রত্যেক গিরিগর্ভ এবং প্রাচীন ভগ্নাট্টালিকার নিভৃত কক্ষ তন্ন করিয়া অল্পসন্ধানপূর্বক মহম্মদকে ধৃত করিবার চেষ্টা হইতে লাগিল।

একদিন মহম্মদ তাঁহার প্রিয়তম সঙ্গী আবুবেকরকে লইয়া এক পর্বতের নির্জন গহবরে লুকায়িত ছিলেন, শক্রগণ চতুর্দিকে তাঁহার অল্পসন্ধান করিতেছিল, পাছে তাহারা কোনরূপে সন্ধান পায় এই জন্ত তাঁহারা যথোচিত সতর্কতা অবলম্বন করিয়াছিলেন, কিন্তু দীর্ঘ পর্যটনের শ্রান্তি, দারুণ ক্ষুৎপিপাসা, নৈরাশ্র এবং ভয় যুগপৎ আবুবেকরের দুর্লভ হৃদয় আচ্ছন্ন করিয়া ফেলিল। মাহম্মদের সহিষ্ণুতা এবং আশার একটি নির্দিষ্ট সীমা আছে। সেই সীমা অতিক্রম করিলেই অটল উৎসাহশীল পুরুষও নিরুৎসাহ হইয়া পড়েন, বীরের নির্ভীক এবং প্রবৃত্ত বলদর্পিত সাহসী হৃদয়ও শ্রান্তিভরে ভাঙ্গিয়া পড়ে, তখন মনে হয় মানবজীবন নিতান্ত ধূলিময়, অসার এবং অক্ষম। আবুবেকরের মানসিক অবস্থাও সেইরূপ।

এতদিন ধরিয়া তিনি দিবারাত্রি প্রভু-আজ্ঞার প্রতি ইঙ্গিতের অনুসরণ করিয়া চলিয়াছেন, স্মৃতে ছুৎথে ছায়ার ছায় প্রভুর অনুসরণ করিয়াছেন, একদিনও তাঁহার মনে কিছুমাত্র সন্দেহ স্থান পায় নাই। আজ সমস্তদিন নির্জন গিরিগহ্বরে লুক্কায়িত থাকিয়া তিনি নিজের অতীত জীবনকাহিনী চিন্তা করিতে লাগিলেন। দেখিলেন মহম্মদের শান্তির অমৃত নিঃসরণ ব্যতীত সেখানে যাহা কিছু সমস্তই বিভীষিকা পূর্ণ; শুধু শত্রুর তীক্ষ্ণ-তরবারঝঙ্কনা, তাহাদের কঠোর নির্ধাতন, এবং অবশেষে যুত্বুর অবিচল মূর্তি নিঃশব্দে দণ্ডায়মান। আবুবেকর আর স্থির থাকিতে পারিলেন না; সন্দেহাকুলচিত্তে কল্পিতকণ্ঠে মহম্মদকে বলিলেন “প্রভু, আমাদের এত চেষ্টা অনর্থক, ছইজন আমরা এই প্রবল শত্রুসেনার বিরুদ্ধে কি করিব? আমাদের আর কোন আশা নাই।”—মহম্মদ তখনও নির্ভীক-হৃদয়ে, তখনও ভগবানের প্রতি পূর্ণ বিশ্বাস ভরে হাসিয়া বলিলেন “আবুবেকর, ভয় পাইয়াছ? ছইজন হইলে আমরা ছুর্কল হইতাম, কিন্তু আমরা ছইজন নছি, তিনজন, পরমেশ্বর আমাদের সঙ্গে আছেন; সে কথা ভুলিয়া গিয়াছ তাই বিপদে ভীত হইয়াছ।”—একজন ক্ষুদ্র ব্যক্তিতে ও মহম্মদে এইখানে প্রভেদ। আমাদের বিশ্বাস অন্ন, অল্প বিপদে বা সামান্য কারণে আমাদের সেই বিশ্বাস বিদূরিত হইয়া যায়, স্মৃতরাং আমরা আমাদের বিপদের মেঘকে আশার বিছাতালোকে স্তরজিত দেখিতে পাই না, কিন্তু প্রকৃত বাহারা বিশ্বাসী তাঁহারা বিপদতরঙ্গে দেহ সমর্পণ করেন বটে কিন্তু তাঁহাদের বিশ্বাস সেই তরঙ্গই তাঁহাদিগকে কুলে টানিয়া তুলিবে।

কথিত আছে আর একদিন মহম্মদ শত্রুহস্তে পতিত হইয়া অতি সামান্য উপায়ে অব্যাহতি লাভ করেন। শত্রুসেনা দ্রুতবেগে তাঁহার অনুসরণ করিতেছে দেখিয়া তিনি একটা পর্বত-গহ্বরে প্রবেশ করিলেন, বিপক্ষদল কিঞ্চিৎ পরে ঘুরিতে ঘুরিতে সেই গহ্বর সন্নিহানে উপস্থিত হইল এবং মহম্মদ গুহার মধ্যে আছেন বিবেচনা করিয়া কেহ কেহ তন্মধ্যে প্রবেশ করিতে অগ্রসর হইল; হয়ত আর একমুহূর্ত পরে মহম্মদকে সেই গহ্বর মধ্যেই ইহজীবনের লীলা শেষ করিতে হইত, কিন্তু শত্রুসৈন্য গহ্বরদ্বারে অবিচ্ছিন্ন উপাতিস্ত দেখিয়া আর সেই গহ্বরে প্রবেশ করা আবশ্যক মনে করিল না।

এইরূপে পদে পদে বিবিধ বিপদাক্রান্ত হইয়া মহম্মদ আর মক্কায় বাসকরা সুরবিধাজনক বিবেচনা করিলেন না। চিরদিন যদি আশ্রয়লাভ করিতে সময় কাটিবে, তাহা হইলে যে মহাবীর ধারণ করিয়া তিনি জগতের দ্বারে উপস্থিত, তাহা কিরূপে উৎসাহিত হইবে? অতএব তিনি মক্কা পরিত্যাগ করাই স্থির করিলেন; ৬২২ খৃষ্টাব্দে তিনি মেদিনায় প্রস্থান করিলেন। এই ঘটনা উপলক্ষে হিজিরা সনের গণনা আরম্ভ হইয়াছে। মেদিনায় পলায়নের সময় তাঁহার বয়স বাহান বৎসর কিন্তু তখন তাঁহার কশ্মলীল জীবনের ত্রয়োদশ বৎসর মাত্র অতি-বাহিত হইয়াছিল।

এইকাল পর্য্যন্ত মহম্মদ যাহা করিয়া আসিয়াছিলেন সেজন্ত তাঁহার অদম্য ইচ্ছাশক্তি, তাঁহার স্বাবলম্বিত ধর্ম প্রবল বিশ্বাস এবং জনসাধারণকে তাঁহার ধর্মান্তিমুখে আকর্ষণ

করিবার আশ্চর্য্য ক্ষমতা ভিন্ন অস্ত্রঅস্ত্রের সাহায্য লইতে হয় নাই। বাল্যে মহম্মদ নগর-প্রান্তস্থ পর্বতের নিভৃত উপত্যকায় মেঘচারণ করিতেন, ক্রমে সেই কিশোরবয়স্ক, গভীর-প্রকৃতি বালক যৌবন প্রাপ্ত হইলেন। তাহার পর খাদিজার বিয়ের ভার প্রাপ্তি। এই সময়ে তাঁহার হৃদয়ে ধর্মচিন্তার উজ্জল-বহ্নি ধীরে ধীরে প্রজ্জ্বলিত হইয়া অজ্ঞতার অন্ধকার বিদূরিত করিতে লাগিল। এবং “আমি কে?—কোথায় আসিয়াছি, কোথা হইতে আসিয়াছি, আবার কোথায় যাইব, যদি যাইব তবে আসিয়াছি কেন?” প্রভৃতি যে সকল উৎকট চিরহস্তান্তর প্রশ্ন পৃথিবীর শ্রেষ্ঠ দার্শনিক এবং মনীষিবর্গের হৃদয় চিরকাল আলোড়িত করিয়া আসিতেছে কিন্তু কোন নির্দিষ্ট মীমাংসায় উপস্থিত হইতে পারে নাই, সেই সকল প্রশ্ন প্রহেলিকা তাঁহার উদ্ভ্রান্তচিত্তকে অধীর করিয়া তুলিল।

ইহার পরই তাঁহার ধর্মজীবনের আরম্ভ হইল। সেই নির্ভীক, বীর্যবান সংস্কারকে দশবৎসর ধরিয়া সংগ্রাম করিতে হইয়াছিল। তিনি যে শুদ্ধ তাঁহার শত্রুবর্গের আক্রমণ হইতে আশ্রয়লাভ করিবার জন্তই যুদ্ধ করিতেছিলেন এবং তাহাতেই তাঁহার বীরত্ব প্রকাশিত হইয়াছিল তাহা নহে, তিনি শত্রু মিত্রবর্গের দীর্ঘসম্বন্ধিত যুগব্যাপী মিথ্যা এবং অপবিত্রতার বিরুদ্ধে দশবৎসর কাল উদ্বেগপূর্ণ হৃদয়ে—কখনও হর্বোৎফুল্ল মনে, কখন বা ভয়-সন্ত্রস্তচিত্তে কঠোর প্রতিবাদ করিয়াছিলেন। পরীক্ষা যত কঠোরতর হইয়াছে, কাম্যফল তত নিকটবর্তী হইয়া আসিয়াছে। অবশেষে যখন মহম্মদ মেদিনা নগরে প্রবেশ করিলেন তখন তিনি দেখিলেন ঈশ্বর কোন অদৃশ্যহস্তে জয়মাল্য রচনাপূর্বক তাঁহার কণ্ঠলগ্ন করিবার জন্ত মেদিনাবাসীরা করে সমর্পণ করিয়া গিয়াছেন। পলাতক মহম্মদকে মেদিনাবাসীগণ বীরের ছায়, দেবতার ছায় সম্মানে গ্রহণ করিল। সেই চিন্তাক্রিষ্ট উদ্বেগেরাশ্রিত সদাশক্তিত মুখভাব কথঞ্চিৎ শান্তিপূর্ণ হইল। যিনি শুধু ভবিষ্যতের প্রদীপ্ত গৌরবরশ্মির উদ্দেশে আপনার প্রাণের সমস্ত আকাঙ্ক্ষা সমর্পণ পূর্বক বিধাতার দিকে লক্ষ্য করিয়া প্রত্যহ নির্ভীক বিশ্বাসীর ছায় যুত্বুর সম্মুখে অগ্রসর হইয়াছেন, কিন্তু কঠোর সাধনা ত্যাগ করেন নাই; আজ সেই সাধনা সিদ্ধ হইয়াছে দেখিয়া, বহুবাহুব-সমাকীর্ণ নগরে একাগ্রচিত্ত শত শত অল্পচর, তাহাদের উৎসাহ, তাঁহার প্রতি তাহাদের অবিচলিত ভক্তি ও শ্রীতি, তাহাদের বিচিত্র কার্যকুশলতা এবং পরাক্রম তাঁহাকে অপমানের ও অত্যাচারের হস্ত হইতে রক্ষা করিবার জন্ত প্রস্তুত রহিয়াছে লক্ষ্য করিয়া তাঁহার হৃদয় আনন্দে গলিয়া গেল, সেই বিশ্বাসী প্রেমিকের কৃতজ্ঞ-হৃদয় হইতে পবিত্র ভক্তিস্রোত চিরমঙ্গলময়ের উদ্দেশে উৎসারিত হইতে লাগিল।

ক্রমে তিনি দেখিতে পাইলেন তাঁহার সম্মুখে অনেকগুলি নবকর্তব্য সমুপস্থিত হইয়াছে। প্রাচীন কুসংস্কার এবং অপবিত্রতা তিনি দূর করিলেন বটে কিন্তু তাঁহার মতাবলম্বীদের মধ্যে শাস্তি ও ব্যবস্থা সংস্থাপিত না হওয়াতে তাহারা ক্রমে ছর্কিনীত হইয়া উঠিতেছে এবং তাহাদিগের হৃদয় হইতে সহিষ্ণুতা, স্মৃশাসনশৃঙ্খলা ও একতা বিদূরিত হইতেছে, তখন তিনি

সকলকে এক সমাজভুক্ত ও ভ্রাতৃত্বশৃঙ্খলে আবদ্ধ করিবার জন্ত, তাহাদিগের মধ্যে নব নব কর্তব্য ও অহুষ্ঠানের প্রবর্তন করিলেন। এতদিন পর্য্যন্ত তিনি একজন বিশ্বাসী সাধু এবং ধর্মোপদেষ্টা ছিলেন এবং স্বর্গের পবিত্রবাণী ঘোষণা করাই যেন তাহার জীবনের চরম উদ্দেশ্য ছিল, কিন্তু এই ধর্ম সংস্থাপনের পর তিনি নিজেই শাসনকর্তা, বিচারক, ব্যবস্থাপক, সেনানায়ক এমন কি রাজরাজেশ্বর পর্য্যন্ত হইয়া উঠিলেন।

মেদিনাতে মহম্মদ যে সমস্ত কার্য সম্পন্ন করেন তাহার ধারাবাহিক বিবরণ বিবৃত করা বাহুল্য; তবে তাহার প্রধান প্রধান কার্য উল্লেখযোগ্য। ইহুদীয় ধর্মে এবং খৃষ্ট-ধর্মে সমস্ত সাধনের জন্ত তিনি বিপুল চেষ্টা করিয়াছিলেন। জেরুজিলামকে তিনি প্রথম কিব্লা অর্থাৎ উপাসনার প্রশস্ত দিক রূপে পরিগণিত করেন। কিন্তু তিনি ইহাও বলিয়াছেন “পূর্ব বা পশ্চিম সকল দিকেই জগদীশ্বরের পূর্ণসত্তা বিরাজিত অতএব যে দিকে ফিরিয়াই উপাসনা করা যাউক সেই দিকেই তাহার সম্মুখ।” যদিও প্রথমে ইহুদীয় ও খৃষ্টমতের সামঞ্জস্য সাধনে প্রবৃত্ত হইয়াছিলেন কিন্তু অবশেষে তিনি সেই চেষ্টা হইতে সম্পূর্ণরূপে বিরত হন, এবং মক্কার কাবামসজিদ কিবলায় পরিণত করেন।

মহম্মদের মেদিনায় উপস্থিত হওয়ার অল্পকাল পরে সেখানে এক মসজিদ নির্মিত হইয়াছিল। মহম্মদ সেখানে উপাসনাদি ক্রিয়া ও কোরাণের ব্যাখ্যা দি করিতেন। এই সময় বাদরের যুদ্ধ ঘটে; মুসলমান ধর্ম জগতে বাদরের যুদ্ধ একটি সুপ্রসিদ্ধ ঘটনা, এই যুদ্ধ ক্ষেত্রে ৩১৩ জন মুসলমান ১০০০ বিধর্মীর (কুরেশ সৈন্য) বিরুদ্ধে জয় লাভ করে। এই যুদ্ধজয় মুসলমান ধর্মের সম্প্রসারণে প্রচুর সাহায্য করিয়াছিল।

এই যুদ্ধের অল্পদিন পরে মহম্মদ ওহদ পর্বত প্রান্তে একযুদ্ধে পরাস্ত হন, কিন্তু অবশেষে কয়েকটি ক্ষুদ্রযুদ্ধে জয়লাভ করিয়া ২০০০ অহুষ্ঠানের সহিত ৬২৮ খৃষ্টাব্দে অর্থাৎ হিজিরা ৬ সালে মক্কানগরে পদার্পণ করেন। কিন্তু ৬৩০ খৃষ্টাব্দে অর্থাৎ প্রথম মক্কাত্যাগের আট বৎসর পরে মহা আড়ম্বরপূর্ণক তাঁহার মক্কাপ্রবেশ এবং নগরস্থ ৩৬০ খানি প্রতিমাধ্বংশই বিশেষ উল্লেখ যোগ্য ঘটনা।

এইখানে আরবিক মহাপুরুষের চরিত্রগত মহত্ব এবং উদারতা দেখিতে পাওয়া যায়। যেদিন তিনি বিজয়ী বীরবেশে দ্বিতীয় বার মক্কায় প্রবেশ করিলেন, সেদিন তিনি আপনার যশোরশ্মিপ্রদীপ্ত গোরবমুকুট পরাজিত শত্রুকণ্ঠের কলঙ্কিত করেন নাই। অসাধু ব্যবহারের পরিবর্তে সদাচরণ, হিংসার বিনিময়ে প্রেম সমর্পণ, ইহাই মানবজন্মস্থ উন্নততম বৃত্তির সর্বোচ্চ বিকাশ। মহম্মদের শিষ্যগণ যাহারা কোরাণ ও তরবারির সাহায্যে জগতে একেশ্বরবাদ, এবং কোরাণের অভ্রান্ততা প্রচারের জন্ত উন্মুখ হইয়া নররক্তে হস্ত কলুষিত করিয়াছিলেন, তাহারা আপনাদিগের গর্বোদ্ধত, মাংসর্ষ্যপূর্ণ, ধর্মাত্ম উন্মত্ততা ত্যাগ করিয়া যদি একবার তাহাদের আদর্শ পুরুষের সুপ্রকাশিত জীবনীর প্রতি লক্ষ্য করিতেন তাহা হইলে দেখিতেন যে মক্কার লোক মহম্মদের আজন্মের ব্রত নিষ্ফল করিবার জন্ত প্রাণপণে যত

করিয়াছিল, যতদিন তিনি মক্কায় ছিলেন, তাঁহাকে বিনষ্ট করিবার জন্ত প্রতিদিন নানা উপায় উদ্ভাবন করিয়াছিল এবং তাঁহার প্রাণাধিক সহচরবর্গকে তাঁহার প্রবর্তিত ধর্মমত গ্রহণ করিবার জন্ত নিদারুণ যন্ত্রণা দিয়া নিহত করিয়াছিল, সেই মক্কায় তিনি রাজার ছায় প্রবেশ করিয়া অপরাধী মক্কাবাসীদেরকে পুত্রের ছায় ক্ষমা করিলেন। নগরে শান্তি স্থাপিত হইল। তাহার পর মহম্মদ তাঁহার চির সন্ধিত ঘণার একমাত্র আশ্রয় কাবা মসজিদস্থিত প্রতিমা গুলিকে বিধ্বস্ত করিবার অহুমতি দিয়া বলিলেন “সত্যের আলোক আসিয়াছে, শিকায় অন্ধকার বিদূরিত হউক।”

এই ঘটনার পর হইতে ইসলামধর্মের বিস্তৃতি আরম্ভ হইল, দলে দলে লোক এই নবধর্মে দীক্ষিত হইতে লাগিল। কিন্তু মহম্মদ দীর্ঘকাল জীবিত থাকিয়া তাঁহার সেই ক্ষুদ্র ভরুটিকে দিগন্ত বিস্তৃত শাখা প্রশাখা সমাচ্ছন্ন মহামহীক্কে পরিণত হইতে দেখিতে পান নাই। কিয়দিন কিঞ্চিৎ শান্তি লাভ করিয়াই ধীরে ধীরে তিনি জরা এবং অবসাদে আক্রান্ত হইলেন। বিরাম উপভোগে তাঁহার শত বৎসর, সদাক্ষমনিরত জীবনের প্রতিক্রিয়া আরম্ভ হইল, বায়ু বৎসর বয়সে হিজিরা দশসালে মেদিনা নগরে ইহলোক পরিত্যাগ করিলেন। বৈচিত্র্যপূর্ণ, কাম্বীল, ভক্ত, বীর জীবনের উপর একখানি রহস্যময় অন্ধকার যবনিকা ধীরে ধীরে প্রসারিত হইল। কিন্তু সেই যবনিকান্তরালবর্তী যে উত্তম, শ্রমশীলতা এবং মহম্মদের শক্তি নিহিত ছিল তাহা যেন ঐশ্বরজালিক বলে শুদ্ধ আরব নহে, সমস্ত সভ্য-জগতে এক অতুল্যপূর্ণ বিপ্লব উপস্থিত করিল, সেই বিপ্লববহিঃ সূদীর্ঘ সার্বভৌম শতাব্দীতেও নির্দোষিত হয় নাই, এতদিন পরে আজও তাহার স্কুলিঙ্গ সভ্যতম ইয়ুরোপ এবং আমেরিকার ধর্মযাজক বর্গের মনে দারুণ ভ্রাস সঞ্চার করিতেছে।

যে উদ্দেশ্য লইয়া মহম্মদ অনন্তব্রতভাবে জীবন যাপন করেন, মুত্তার পূর্ব মুহূর্ত্ত পর্য্যন্ত সেই উদ্দেশ্যের প্রতি তাঁহার বিশ্বাস অবিচলিত ছিল এবং তাঁহার দ্বারা অনেক অশ্রায়, অহুদার ও কঠোর কার্যের অহুষ্ঠান হইলেও এই বিশ্বাসবলেই তিনি জীবনের শেষদিন শান্তিতে অতিবাহিত করিতে সক্ষম হইয়াছিলেন। সাধারণ মহম্মদের ছায় মহম্মদ আপনাকে শান্তিতে অতিবাহিত করিতে সক্ষম হইয়াছিলেন। সাধারণ মহম্মদের ছায় মহম্মদ আপনাকে সম্পূর্ণ পাপী এবং ভ্রমাবীন বলিয়াই বিবেচনা করিতেন। তিনি বলিয়াছেন “ঈশ্বরের করুণা যদি স্বর্গের দ্বার উন্মুক্ত না করে তাহাহইলে আমি সেই চিরবাস্তিত জ্বনে প্রবেশ করিতে কখন সমর্থ হইব না।” যাহাই হউক তাঁহার অহুষ্ঠিত অশ্রায় ও হুষ্টিত কতখানি অংশ তাঁহার জ্ঞানরূত এবং শ্রেষ্ঠতম মানব সমাজের তিনি কোনস্থান অধিকার করিয়াছেন দীর্ঘকাল হইতে এখন পর্য্যন্ত তাহা যুরোপীয় সমালোচকগণ কতক আন্দোলিত ও বিতর্কিত হইয়া আসিতেছে, কিন্তু তাঁহাদের সামাজিক ও নৈতিকজীবন যে আদর্শে গঠিত এবং তাঁহারা যে উন্নতিশীল বৈজ্ঞানিক যুগে আবিস্কৃত—তাহাতে সমস্তদিক হইতে বিবেচনা করিয়া মহম্মদকে তাঁহার ছায়া অধিকার প্রদান করা তাঁহাদের পক্ষে অতি কঠিন কার্য।

অশ্রান্ত সাধারণ মানবের ছায় মহম্মদের হৃদয় বৃত্তিও দুইটি বিভিন্ন দিকবর্তী ছিল।

আসক্তি ও ত্যাগ চিরদিন তাঁহার হৃদয়ে প্রবল বন্ধ করিয়াছে কিন্তু দীর্ঘকাল পর্যন্ত কেহ কাহাকেও অতিক্রম করিতে পারে নাই। মহাত্মা ঈশা এবং বুদ্ধদেব কামনার উপর জয় লাভ করিয়া ত্যাগকেই জীবনের সার করিয়াছিলেন কিন্তু মহাম্মদ ত্যাগের সহায়তায় কামনার কল্পবৃক্ষমূলে সমাগত হইতে সক্ষম হইয়াছিলেন। বাস্যোর বিলাসশূন্যতা, যৌবনের অনাসক্ত ভাব, স্বদেশের মঙ্গল চিন্তা, ধর্ম জগতের আমূল সংস্কারের জন্ত বলবৎ আগ্রহ তাঁহাকে হৃদয়স্থ ক্ষুদ্রতা ও স্বার্থপরতা হইতে উর্ধ্বে নবসত্য আবিষ্কারের জ্যোতির্শ্মর পথে অগ্রসর করিয়াছিল। তাহার পর যখন তিনি সিদ্ধিলাভ করিলেন, বহিঃশত্রুর অবিরাম আক্রমণ যখন সেই বিরাট পুরুষকে কর্তব্য পথ হইতে ব্যাহত করিতে না পারিয়া শ্রান্ত হইয়া পড়িল, তখন তাঁহার হৃদয়ের অন্তঃস্তলবর্তী প্রবল ক্ষমতা-প্রিয়তা, অসংযত উচ্চাভিলাষ, নিদারুণ প্রতিশোধ স্পৃহা এবং উদ্যম স্বথভোগেচ্ছা প্রভৃতি হৃদমনীয় কামনা শ্রোত তাহাদের নিভৃত নিলয় হইতে শতমুখে বহির্গত হইয়া তাঁহাকে অধীন করিয়া ফেলিল। মেদিনায় পলায়নের পূর্বে পর্যন্ত মহাম্মদের জীবন কঠোর আত্মত্যাগ এবং পরম পুরুষে একান্ত নির্ভরতার উজ্জল দৃষ্টান্ত।

শ্রীদীনেশকুমার রায়।

সাধের তরণী আমার*

কথা—বঙ্কিমচন্দ্র চট্টোপাধ্যায়।

স্বর—শ্রীমতী সরলা দেবী।

মিশ্র-বাগেশ্রী—আড়াঠেকা।

সাধের তরণী আমার কে দিল তরঙ্গে

কে আছে কাণ্ডারী হেন কে যাইবে সঙ্গে।

ভাসল তরী সকাল বেলা, ভাবিলাম এ জল খেলা

মধুর বহিবে বায়ু ভেসে যাব রঙ্গে।

গগনে গরজে ঘন, বহে খর সমীরণ

কূল তাজি এলাম কেন মরিতে আতঙ্গে;

মনে করি কূলে ফিরি, বাহি তরি ধীরি ধীরি

কূলেতে কণ্টক তরু বেষ্টিত ভূজঙ্গে।

যাহারে কাণ্ডারী করি, সাজাইয়া দিলু তরি

সে কভু না দিল পদ তরণীর অঙ্গে ॥

* "সাধের তরণী"র প্রচলিত থিয়েটারের স্বর বঙ্কিম বাবুর সম্পূর্ণ অমনোনীত থাকায় তাহার আত্মীয়গণের অনুরোধে মৎকর্তৃক ইহাতে নূতন স্বর সংযোজিত হইল।—শ্রীসরলা দেবী।

আ

সঃ সঃ সঃ সঃ । [—^২ মঃ মঃ । মঃ মঃ মঃ মঃ মঃ । গোঃ রঃ গোঃ মঃ ।
না ধে — — — — — র ত র — — — — — লী — — — — —]

রঃ রঃ সঃ । —^৪ । সঃ সঃ সঃ । —^২ মঃ মঃ । মঃ মঃ পঃ । মঃ পঃ ধঃ ।
আ — — — — — মার — — — — — কে দি — — — — — ল ত র — — — — —
শেষ।

পঃ নোঃ । ধনোঃ সঃ । নঃ সঃ সঃ সঃ সঃ সঃ নোঃ । পঃ নোঃ । —^২
— —

ধনোঃ সঃ । সঃ নোঃ সঃ নোঃ । পঃ ধপঃ মঃ ॥] নঃ নঃ নঃ । —^২
—
(আ-প্র)

ধনঃ ধনঃ সঃ । সঃ । —^০ সঃ । সঃ নঃ রঃ সঃ । সঃ সঃ সঃ নোঃ ধপঃ । ধঃ
— — — — — কা — — — — — ঙা রী — — — — — হে ন — — — — — —

পঃ পঃ পঃ । রঃ রঃ পঃ মঃ । পঃ মঃ গোঃ । গোঃ রঃ গোঃ মঃ । রঃ রঃ সঃ
—
কে যা ই — — — — — বে — — — — — স — — — — — গু গে — — — — —

সঃ । —^০ সঃ । সঃ মঃ গঃ পঃ । —^১ পঃ পঃ ধঃ । পঃ নোঃ । —^০
— — — — — ত র গু —
(ক্র-বৃ)...(ব).....

নোঃ । নোঃ সঃ নঃ সঃ সঃ । সঃ সঃ সঃ সঃ সঃ নোঃ । পঃ নোঃ । —^২ ধনোঃ সঃ ।
— — — — — ত র — — — — — স্কে —

সঃ নোঃ সঃ নোঃ । পঃ ধপঃ মঃ ॥ মঃ মঃ নোঃ । —^১ ধঃ নোঃ
—
মা ধে — — — — — ভাস্ লো ত — — — — —

(আ-প্র)

পঃ । পঃ নোঃ সঃ —^১ সঃ । নঃ সঃ সঃ । নঃ সঃ । পঃ সঃ নঃ । সঃ সঃ সঃ
—
নী স কাল — — — — — বে লা ভা বি — — — — — লাম এ

—^১ সঃ । নঃ সঃ । নঃ সঃ সঃ । সঃ সঃ সঃ সঃ সঃ নোঃ পঃ নোঃ । —^৪ ।
— — — — — জ ল —

ধঃ নোঃ ধঃ নোঃ । ধঃ সঃ নোঃ নোঃ । পঃ মঃ । মঃ ধঃ পঃ পঃ
—
ম ধু র ব হি বে — — — — — বা য় — — — — — ভে সে যা ব

হইতে বোম্বাই, সুরাট প্রভৃতি স্থানের নিঃস্ব পার্শিদিগের ভরণপোষণ, শিক্ষা ও অন্ত্যেষ্টিক্রিমার ব্যয় নির্বাহ হয়। পার্শিদেরই চাঁদাতেই এই ফণ্ড গঠিত। স্তর দিনসা মানক্কা পোটিটের স্তায় পার্শিদের মধ্যে প্রধান প্রধান লোকেরাই ইহার টুটী।

অত্যাশ্চর্য কথার পূর্বে পার্শিদের পূর্ববৃত্তান্ত কিঞ্চিৎ বলা আবশ্যক। আমি এতৎ সম্বন্ধে আমার এক পার্শি বন্ধুর নিকট যেরূপ শুনিয়াছি তাহাই বলিতেছি। পার্শিরা জোরোয়াষ্টারের মতাবলম্বী। কেহ কেহ অল্পমান করেন, এই জোরোয়াষ্টারই আমাদের বৈদিক জরাজ্জন্দ (?) ঋষি। এ অল্পমানের সত্যাসত্য নির্ণয় করা আমার পক্ষে হুঃসাধ্য। জোরোয়াষ্টারের শিষ্যগণ সর্বপ্রথমে পারশ্বদেশেই বাস করিত। মুসলমান ধর্মের প্রাচুর্য কালে তাহাদের মধ্যে একদল মত পরিবর্তন করিয়া মুসলমান হয়। কালক্রমে ইহারাই প্রবল হইয়া পার্শিদের উপর ঘোরতর অত্যাচার আরম্ভ করে। অত্যাচার অসহ্য হওয়াতে পার্শি সম্প্রদায় ভারতবর্ষে পলায়নপর হয়। পার্শিদের বিশ্বাস, এই ঘটনা ১২৬৫ বৎসর পূর্বে ঘটিয়াছিল। একদল সমুদ্রপথে আর অপর একদল স্থলপথে কাশ্মীর হইয়া ভারতবর্ষে আগমন করে। স্থলপথে যাহারা আসিয়াছিল গুজরাটে তাহারা ওয়ারওয়া নামক স্থানে প্রথম বসতি করে। এইস্থান পার্শিদের নিকট তীর্থ স্বরূপে পরিগণিত। প্রতি বৎসর শতশত পার্শি এখনও এই পবিত্র ভূমি দর্শনার্থ গমন করিয়া থাকে। ওয়ারওয়া হইতে পার্শিগণ ক্রমে আসেপাশে বিস্তৃত হইয়া পড়ে।

স্থলপথে যাহারা আসিয়াছিল তাহাদের সহিত অনেক পুরোহিতও ছিল। এই পুরোহিতেরাই পারশ্ব হইতে পবিত্র অগ্নিবহন করিয়া লইয়া আসে। সেই অগ্নি ধূপ ধূনা ও চন্দন কাঠের দ্বারা আজ পর্যন্ত প্রজ্জ্বলিত রাখা হইয়াছে।

আর এককথা এই স্থানে বলা আবশ্যক। পারশ্বরাজের অল্পজ্ঞাভাবে পার্শি রমণীগণ ভারতবর্ষে ইহাদের অল্পগমন করিতে পারেন নাই। স্তরং পার্শিগণ অগত্যা হিন্দুরমণীদের (অবশ্য নীচ শ্রেণীর) সহিত বিবাহস্বত্রে আবদ্ধ হইতে বাধ্য হন। এই হিন্দু ও আদিম পার্শির সংমিশ্রনে বর্তমান পার্শিজাতির উদ্ভব। পার্শিদের মাতৃভাষা অধুনা গুজরাটি। ভারতকেই ইহার এক্ষণে মাতৃভূমি মনে করে।

পার্শিদের ধর্ম। পার্শিরা চন্দ্র, সূর্য ও অগ্নির পূজা করিয়া থাকে। পার্শিরা “অগ্নির উপাসক” এই চলিত বিশ্বাসটি কিন্তু ভ্রমাত্মক। ইহার বস্তুতঃ একেশ্বরবাদী। চন্দ্র, সূর্য ও অগ্নি নিরাকার ও অচিন্ত্য ঈশ্বরের তেজ ও বিগুহির পরিদৃশ্যমান নিদর্শন বলিয়া ইহাদের নিকট পূজা প্রাপ্ত হয়। ইহার অগ্নিকে সম্মুখে রাখিয়া ঈশ্বরের উপাসনা বা ধ্যান করে। পার্শিদের মধ্যেও ধর্ম বিষয়ে উদারনৈতিক ও রক্ষাশীল, এই দুই দল আছে। দুই দলের দুই জন স্বতন্ত্র প্রধান ধর্মযাজক আছে। হিন্দুদের সহিত পার্শিদের অনেক বিষয়ে সাদৃশ্য লক্ষিত হয়। ব্রাহ্মণদের স্তায় ইহার উপবীত ধারণ করে। পার্শিক্য এই যে, পার্শিদের মধ্যে কি পুরুষ কি স্ত্রীলোক উভয়েরই উপবীত ধারণে সমানাধিকার।

পার্শিদের উপবীত সচরাচর বাহান্তরটি হ্রত্বিশিষ্ট। ইহাকে “দস্তর” বলে। হিন্দুদের স্তায় পার্শিরাও গোজাতির প্রতি ভক্তিমান। গোড়া পার্শিরা—যদিও এরূপ পার্শি এক্ষণে বিরল—প্রত্যহ প্রাতে “নিরাণ” অর্থাৎ গোমূত্র দ্বারা মুখ প্রক্ষালন করিয়া থাকে।

এইবার পার্শি রমণীদের বিষয় কিছু বলিব। পার্শি মহিলাদের মধ্যে আজকাল বিলাসী রীতি নীতি অহুৎসবের বিশেষ ধুম পড়িয়া গিয়াছে। পার্শি বালিকারা এখন প্রথম হইতেই গুজরাটের সঙ্গে সঙ্গে ইংরেজি ভাষা শিখিতে আরম্ভ করে। এমন কি ইংরাজদের চাল চলন, ভাব ভঙ্গি পর্যন্ত অহুৎসব করিতে শিক্ষা দেওয়া হয়। মহিলাদের শিক্ষার জন্ম রীতিমত স্কুল কলেজ আছে। আমি জনৈক পার্শি মহিলা-স্কুলের পারিতোষিক-বিতরণ দেখিতে যাই। সেখানে ইংরেজী, ফ্রেঞ্চ ও গুজরাটের সহিত শিল্প কার্য, সঙ্গীতাদির শিক্ষা দেওয়া হয়। ৬৭ বৎসরের বালিকা হইতে ২০২৫ বৎসরের যুবতীরাও এই স্কুলে শিক্ষা লাভ করেন। অত্যাশ্চর্য বিষয়ে ইংরাজ মহিলাদের অহুৎসবশীল হইলেও পার্শি মহিলারা এখন পর্যন্ত জাতীয় পরিচ্ছদ পরিত্যাগ করেন নাই। ইহার গুজরাটি রমণীগণের স্তায় মাড়ী পরেন। তফাতের মধ্যে ইহাদের জ্যাকটের নীচে হইতে শুভ্র কামিজ দেখা যায় ও মাথায় রুমাল বাঁধা থাকে। পার্শি ধর্মের মস্তক অনাবৃত রাখা নিষিদ্ধ। পুরুষেরা এই জন্ম সর্দাদাই টুপী এবং স্ত্রীলোকেরা শাদা রুমাল দ্বারা মস্তক আবৃত করিয়া রাখেন। পার্শি পুরুষগণ পাজামা ও লম্বা কোট পরিধান করেন, ইহাদের টুপীর আকার কিছু অদ্ভুত ধরণের। বঙ্গদেশেও যখন পার্শিদের বসবাস আছে তখন ইহাদের পোষাক পরিচ্ছদ সম্বন্ধে অধিক বলা বাহুল্য মাত্র।

পার্শি রমণীদের মধ্যে গহনার তেমন প্রচলন দেখিলাম না। শুনা যায় ইংরাজ ললনার স্তায় ইহারও এখন আর অধিক অনঙ্কার পছন্দ করেন না; গহনার টাকা সাড়ীতেই ব্যয় করেন। অল্পমূল্য বোম্বাই সাড়ীতে আর ইহাদের মন উঠে না। সঙ্গতিপন্ন পার্শি রমণীগণ ৬০৭০১০০ টাকা মূল্যের জাপানী কিম্বা চীন সাড়ী নহিলে ব্যবহার করেন না। ইংরাজ ললনাদের অহুৎসব করিতে গিয়া ধনী পার্শি রমণীগণ গুলহালীর সর্বপ্রকার কাজকর্মে শৈথিল্য প্রদর্শন করিতে শিখিয়াছেন। রন্ধনাদি কার্য ইহার অতিশয় ঘণার চক্ষে দেখেন। শিল্পকার্য, দোকান করা, বন্ধুবান্ধবের সহিত দেখা সাক্ষাৎ করা ও সন্ধ্যার প্রাক্কালে বায়ুসেবনে বহির্গত হওয়াই ইহাদের জীবনের প্রধান কাজ। সন্তানাদি পর্যন্ত ইহার নিজ হস্তে মালুষ্য করিতে রাজী নহেন।

বিবাহ উপলক্ষে কিম্বা বন্ধুবান্ধবের মৃতদেহ অল্পগমনের সময় পার্শিরা আপাদ মস্তক খেতবর্ণ পরিচ্ছদে আবরিত করে—সাদা কোট, সাদা পায়জামা, সাদা টুপী।

পার্শিদের মধ্যে অবরোধ প্রথা মোটেই নাই। আগন্তুক ভ্রমলোক বাড়ী আসিলে বাড়ীর স্ত্রীলোকেরাই তাহাদের অভ্যর্থনা করিয়া থাকেন। বন্ধুবান্ধবের বাড়ী ইহার স্বচ্ছন্দে ইচ্ছানুসারে গমনাগমন করেন। সন্ধ্যার প্রাক্কালে আপোলো বান্দরে যাও দেখিবে

শত শত পার্দিমহিলা বায়ুসেবনার্থ আগমন করিয়াছেন—কেহ গাড়ীতে কেহ বা পদব্রজে। নানা বর্ণের সাদা শোভিত মহিলাগণ যখন সমুদ্রতীরে উপবিষ্ট হইয়া সমুদ্র তীরের শোভা-বর্ধন করেন, তখনকার দৃশ্য অতি মনোহর!


পার্দীদের শিক্ষা সম্বন্ধে আরও ছই এক কথা বলা আবশ্যক। পার্দি যুবকেরা বড় উচ্চ শিক্ষার জন্ত লালায়িত নহেন। তাঁহারা কেবল উপার্জনের পন্থা খোঁজেন। কেমন করিয়া অর্থ উপার্জন করিতে হয় এ শাস্ত্রে পার্দিমাত্রেই সুপণ্ডিত। ইহাদের বিষয়বুদ্ধি, উত্তম ও অধ্যবসায় দেখিলে বাস্তবিকই বিস্মিত, এবং—বিশেষতঃ বাঙ্গালীকে লজ্জিত হইতে হয়। বোম্বায়ের অধিকাংশ কাপড়ের কলগুলিই পার্দীদের।

পূর্বেই বলা হইয়াছে পার্দিরা স্ত্রী-শিক্ষার সম্বন্ধে বিশেষ মনোযোগী। আমার পূর্বোক্ত বন্ধুর পাঁচ কন্যা। প্রথমটি চিত্র-বিজ্ঞান পারদর্শিনী। তাঁহাকে আরও অধিকতর পারদর্শিনী করিবার অভিপ্রায়ে প্যারিসে পাঠান হইয়াছে। দ্বিতীয়টি বোম্বাই মুনিভার্ষিটীর প্রবেশিকা পরীক্ষার উত্তীর্ণ হইয়া মেডিক্যাল কলেজের তৃতীয় বার্ষিক শ্রেণিতে ডাক্তারি শিক্ষা করিতেছেন। তৃতীয়টি (বয়স ১৫) এইবার প্রবেশিকা পরীক্ষা দিবার জন্ত প্রস্তুত হইতেছেন। অপর দুটি বালিকা ৭।৮ বৎসরের মাত্র। ইহারাও গুজরাটী ও ইংরাজী পড়ে—ইহার উপর আবার সঙ্গীত ও সূচিকার্য আছে। আমার পার্দি বন্ধুটি মধ্যবিত্ত ভদ্রলোক হইলেও কন্যাকে প্যারিসে রাখিয়া শিক্ষাদানের ব্যয়ভার অমান বদনে বহন করিতেছেন।

পার্দীবিবাহ। পার্দীদের মধ্যে বিবাহ প্রায় কিছু অধিক বয়সেই হইয়া থাকে। বরের বয়স সচরাচর ২৫ হইতে ৩৫, কন্যার ২০ হইতে ২৫। তবে বাল্যবিবাহ যে একেবারে উঠিয়া গিয়াছে এমন বলা যায় না। অশিক্ষিত দরিদ্র পার্দীদের মধ্যে ৫ বৎসর বয়স মেয়ে ছেলের বিবাহ দেওয়ার কথা এখনও মধ্যে মধ্যে শুনিতে পাওয়া যায়। ইহাদের মধ্যে পাশ্চাত্য কোর্টসিপ প্রথা বিলক্ষণ প্রচলিত। ইংরাজদের মত ইহাদের বিবাহও কতকটা চুক্তিগত—প্রত্যেক বিবাহই রেজিষ্টারি করিয়া হয়, আর তাহাতে অন্ততঃ দুইজন করিয়া সাক্ষী থাকা আবশ্যক। প্রথমে বর কন্যাকে পরস্পরের সম্মুখবর্তী করিয়া বসান হয়। “গুভদৃষ্টির” পর তাহাদের পাশাপাশি চেয়ারে বসিতে হয়। তারপর প্রায় দেড়ঘণ্টা কাল ধরিয়া পুরোহিতে মন্ত্র পাঠ করেন এবং বর-কন্যার উপর খই (লাজ) নিক্ষেপ হয়। এইরূপ ব্যাপার একবার সন্ধ্যার সময় আর একবার রাত্রি দ্বিতীয় প্রহরের সময় হয়। উন্নতিশীল দল কিন্তু একবার খই নিক্ষেপ করিয়াই সন্তুষ্ট থাকেন। তারপর বন্ধ বান্ধবদের পানাহার, তাঁহাদের নিকট হইতে বর-কন্যার উপহার গ্রহণ, পুরোহিতকে দক্ষিণা দান প্রভৃতি হইয়া বিবাহ-কার্য সমাপ্ত হয়। পার্দীদের কন্যার বিবাহে পণ দিতে হয়। কন্যার পিতার অবস্থাসম্মারে ২০০০ হইতে ৫০,০০০ টাকা পর্যন্ত পণ গৃহীত হয়। আমার পার্দি বন্ধুটি বলিলেন, আগে ছিল ভাল, আগে এরূপ ছিল না। আমার বন্ধুর পাঁচ কন্যা; পাঁচটাই অবিবাহিত। চিন্তার বিষয় বটে! এইবার পার্দীদের অস্ত্যেষ্টিক্রিয়া সম্বন্ধে সংক্ষেপে কিছু বলা যাউক। ইহারা আমাদের

পাতা থাকবে না!

মত মৃতদেহ অগ্নিতে সংস্কার করে না, খুঁট বা মুসলমানদের মত সমাধিস্থ করে না। পার্দীদের মৃতদেহ শকুনির দ্বারা ভুক্ত হইয়া থাকে। ইহাদের মৃতদেহ মৌনমন্দিরে (Tower of Silence) আনীত হয়। বোম্বাই নগরীতে এইরূপ মৌনমন্দিরের সংখ্যা তিনটি। একটি খুব বড়; অপর দুইটি ছোট ছোট। যেটি সর্বাঙ্গের বৃহৎ সেটি প্রস্তর নির্মিত ৩০ ফুট উচ্চ দেওয়াল দ্বারা পরিবেষ্টিত, উপরদিকে সম্পূর্ণ খোলা। একটি মাত্র প্রবেশের দ্বার আছে। এই দ্বার দিয়া শববাহীগণ মৃতদেহ লইয়া প্রবেশ করে। শববাহীগণ ব্যতীত অপর কাহাকেও কখন মন্দিরের ভিতর প্রবেশ করিতে দেওয়া হয় না—পার্দীরা নিজেও কখন ইহার ভিতর প্রবেশ করে না। মন্দিরের ভিতরকার বন্দোবস্ত বৃষ্টিবার সুবিধার জন্ত নিম্নে তাহার ছবি প্রদত্ত হইল।



“খ” প্রবেশ-দ্বার। মন্দিরের ঠিক মধ্যস্থলে একটি বৃহৎ কূপ আছে (“ক”)। কূপের চতুর্পার্শ্বের স্থান ৩ ভাগে (১,২,৩) বিভক্ত। প্রত্যেক ভাগে ৭২ খানি করিয়া ক্লষ্ণপ্রস্তর আছে। ১নং স্থান শিশুদের জন্ত, ২নং স্ত্রীলোক-দিগের, ও ৩নং পুরুষদের মৃতদেহের নিমিত্ত। শব-বাহীগণ শবকে বিবস্ত্র করিয়া নির্দিষ্ট বিভাগের একখানি প্রস্তর খণ্ডের উপর শয়ন করাইয়া রাখিয়া বাহিরে চলিয়া আসে।

পূর্বেই বলা হইয়াছে, মন্দিরের উপরিভাগ এককালে খোলা। এখানে সহস্র সহস্র শকুনির বাস। মুহূর্ত্ত মধ্যে দলে দলে অসংখ্য শকুনি মৃতদেহের উপর আদিয়া পড়ে। ৫ মিনিট সময় বাইতে না বাইতে, মৃত ব্যক্তির আশ্রয় মঙ্গলের নিমিত্ত আশ্রয়স্বজনদের ঈর্ষার নিকট প্রার্থনা শেষ হওয়ার বহুপূর্বেই, মৃতদেহে আর মাংসের লেশমাত্র অবশিষ্ট থাকে না। কেবল অস্থিগুলি মাত্র পড়িয়া থাকে। এক বৎসর দেড় বৎসরের পর এই অস্থিগুলি লইয়া মধ্যস্থিত কূপে নিক্ষেপ করা হয়। মৃত্যুর পর কি ক্রোড়পতি কি ভিখারী সকলেরই অস্থি এই কূপ মধ্যে একত্রিত হয়। কি বংশ-মর্যাদা, কি ধনগোরব, কি উচ্চপদাভিমান, মৃত্যুর পর সকলই শূন্যে মিলাইয়া যায়।

পার্দীদের উত্তম এবং অধ্যবসায়ের একটি দৃষ্টান্ত দিয়া ও ইহাদের দানের বিষয় কিঞ্চিৎ উল্লেখ করিয়া এই প্রবন্ধের উপসংহার করিব।

পার্দীদের উত্তম ও অধ্যবসায়ের দৃষ্টান্ত স্বরূপ পেটিট মিলগুলির কথা এখানে উল্লেখ করিব। এই মিলগুলি একটি জয়েন্ট ষ্টক কোম্পানি কর্তৃক স্থাপিত। কোম্পানির মূলধন ৪০ লক্ষ মুদ্রা। এই টাকার অর্ধেক অর্থাৎ ২০ লক্ষ টাকা স্তর দিনসা মানকজি পেটিটের। প্রধান অংশীদারের নামানুসারে মিল তিনটির নাম পেটিট মিল হইয়াছে। ইহার মধ্যে বড়টি বোম্বাই সহরের মধ্যে সর্বাঙ্গের বড়। ইহাতে ১২০০ তাঁত ও ৬০,০০০ স্পিণ্ডল

আছে। এই কাপড়ের কলে সাড়ে চার হাজার মজুর নিত্য খাটতেছে। এই মিলের এঞ্জিন নাকি পৃথিবীর মধ্যে বৃহত্তম—ফরমাইজ দিয়া তৈয়ারী, ৪,০০০ হর্ষ পাউয়ার। শুধু এঞ্জিনের দামই ৩ লক্ষ টাকা। ম্যানেজারের মাহিয়ানা মাসিক ৯০০ টাকা। পেট্রোল মিলদে মাহিয়ানা দিতে প্রতিমাসে প্রায় ৬০,০০০ হাজার টাকা ব্যয় হয়। এই মিলের প্রতি সেয়ারের মূল্য ১০০০ টাকা। প্রতি বৎসর শতকরা ১০৭ টাকার উপর লাভ হয়—লাভ এত অধিক বলিয়া ১০০০৭ টাকার সেয়ারের দাম এখন ১৫০০৭ হইতেও অধিক। এই কলগুলিতে সামান্য সেলাই করার স্ততা হইতে গঞ্জিফক মোজা উৎকৃষ্ট তোয়ালে ও সর্ক-প্রকার কাপড় প্রস্তুত হয়।

পার্সিদের মত দানশীল জাতি জগতে আর দ্বিতীয় আছে কি না সন্দেহ। ইহারা স্বজাতির উন্নতিকল্পে লক্ষ লক্ষ টাকা অনায়াসে ব্যয় করে। অশান্ত জাতির উপকারার্থ অর্থ ব্যয় করিতেও ইহারা কুণ্ঠিত নহে। বোম্বাই নগরের এলফিনষ্টোন কলেজ, বিশ্ববিদ্যালয়-মন্দির ৩। ৪টি হাঁসপাতাল, ৭। ৮টি ঔষধালয় ইহাদের বদাশ্চত্যের পরিচায়ক। শ্রম জ্যামসেটজী জীজীভাই, শ্রম ক্যাওয়ার্সজী জাহাঙ্গির রেডিমনী প্রভৃতির নাম বদাশ্চত্যের জ্ঞাত দেশ বিদেশে বিখ্যাত। শ্রম কাওয়ার্সজী ৬৬,০০০৭ টাকা ব্যয়ে সুরাতে একটি হাঁসপাতাল ৯৭,০০০৭ টাকায় বোম্বাইতে চক্ষুরোগ চিকিৎসার হাঁসপাতাল, ৫০,০০০৭ টাকায় পুনর এঞ্জিনিয়ারিং কলেজ প্রভৃতি নির্মাণ করাইয়া দেন। এতদ্ব্যতীত শ্রম কাওয়ার্সজী ইউনিভার্সিটি হলে ১১০,০০০, ও এলফিনষ্টোন কলেজে ২০০,০০০৭ টাকা দান করেন। তিনি জীবদ্দশায় মোট প্রায় ১৭ লক্ষ টাকা দান করিয়া যান। প্রিন্স অফ ওয়েল্‌সের সাংঘাতিক পীড়া হইতে আরোগ্য লাভ করা উপলক্ষে শ্রম কাওয়ার্সজী রেডিমনী ৩,০০০৭ টাকা দানের জ্ঞাত ইংলণ্ডে পাঠাইয়া দেন। এই দান সম্বন্ধে বিলাতী “পাঞ্চ” নামক পত্রে এইরূপ মন্তব্য প্রকাশিত হয়; “Is Mr. Readymoney a Parsi?—at any rate he is not *parisi-monious*!”

উপসংহারে এইমাত্র বক্তব্য যে, পার্সিদের নিকট আমাদের শিখিব্য বিষয় অনেক আছে। বোম্বাইতে ৮৭টি* কাপড়ের কল আছে, কিন্তু বাঙ্গালার কেন একটিও নাই? পার্সিরা এত ধনশালী, আর আমাদের দারিদ্র্য কেন বোচো না? লজ্জা-নিবারণোপযোগী এক খণ্ড বস্ত্রের জ্ঞাত আমরা বিলাতের মুখাপেক্ষী, আর পার্সিরা প্রতি বৎসর কত লক্ষ খণ্ড বস্ত্র প্রস্তুত করিয়া দেশ বিদেশে চালান দিতেছে। ব্যবসা বাণিজ্যের দ্বারা জাতীয় অবস্থা যে কতদূর উন্নীত হইতে পারে পার্সিদের বর্তমান অবস্থা তাহার জলন্ত উদাহরণস্থল। পার্সিদের বদাশ্চত্যও

* এই ৮৭টি কলের সকলগুলি যে পার্সিদের তাহা নহে। কতকগুলি হিন্দুদের। মারহাট্টাগণ ও ভাটিয়াগণ বাঙ্গালীর অপেক্ষা এ বিষয়ে অনেক উন্নত।

† চীন ও জাপানে বোম্বাই কাপড়ের কত কাটতি। দুঃখের বিষয় এই যে, নিজ ভারতে বোম্বাই কাপড়ের গেমস আদর নাই।

প্রশংসার যোগ্য ও সর্কথা অহুকরণীয়। পার্সিরা সর্কথা দোষশূন্য এ কথা আমি বলি না। অনেকগুলি গুরুতর দোষ ইহাদের ভিতর বর্তমান রহিয়াছে। কিন্তু দোষের আলোচনা এ স্থলে বাঞ্ছনীয় নহে।

শ্রীবসন্তকুমার রায়।

কাজ নেই।

কাজ নেই এসে কাছেতে আমার!

খাক, সখি, খাক দুরে;
দূর হতে ওই মুখখানি তব,
দিবস রজনী চালে নব নব,
কল্পনা-বিমোহী সৌন্দর্য লহরী
আমার হৃদয় পুরে।
শ্রামল-বোবনা ধরণীর কোলে
তোমার স্নেহমা রাশি;
ফুলের মাঝারে ফুটে যেন রম,
ওই ফুল-মুখ কোমলতাময়,
তোমারি কাছেতে শিখিয়াছে যেন
চন্দ্রমা জ্যোৎস্না-হাসি!
শিশির মাখান উজ্জ্বল কোমল
তরুণ অরুণ মাঝে,
তোমারি গো, সখি, যেন মনে হয়,
আয়ত বিশাল, স্নিগ্ধ-জ্যোতির্ময়,
অশ্রু-চল-চল করুণা-মাখান,
নলিন নয়ন রাজে!
পান্থীদের গানে শিশুদের বোলে
সুখ-সুখময় গীতে,
নির্বর রাণীর মুছ বর করে,
তটিনীর তানে, পাঁতা মর্মরে,
নব নব স্বরে ও হৃদয় কথা
ফুটে পুণ্য মাধুরীতে।
সারা বিশ্ব মোর ব্যাপিত তোমারি
অতুল রূপের ভায়;
যখন যে দিকে যেই ভাবে চাই
বিকশিত তুমি, দেখিবারে পাই
ভয় শুধু জাগে কাছে এলে পাছে
এ ঘোর ভাঙ্গিয়া যায়!

দেখি যদি শুধু মাটির প্রতিমা।

সোনার গিলটি মাথা!
দিব্য দৃষ্টি হীন বঙ্কিম নয়ন,
বিদ্যাবর দুটি অলঙ্কারজন,
অপরূপ তব নিভাব নিরূপ
হাসিটি তাহাতে আঁকা!
কাছাকাছি এলে সংসর্গে যদি
চিত্র-রাগ যায় উঠে!
দেহ হতে সরে অমূল্য বসন,
খুলে যায় প'ড়ে রতন ভূষণ,
মুকুট হইতে ধীরে ধীরে যায়
হীরক মুকুতা টুটে!
হৃদয়ের মাঝে চাপিয়া ধরিলে
যদি তাহে ব্যথা বাজে!
মাটা ভেঙ্গে গিয়ে পাইব দেখিতে
ধূলি খড় কুটা ভরা ঐ চিতে,
অনন্ত মধুর কোথা সে মুরতি
বিষম শূন্যতা রাজে!
কাজ নেই, সখি, এসে তবে কাছে,
আছি এই মত ভালো!
কাছে এলে যদি ভেঙ্গে যায় ভুল,
হেরিব চৌদিকে পাথার অকুল,
আঁধারে মগন নিরাশ জীবন,
কোথায় পাইব আলো!
তোমা-হীন বিশ্ব চেয়ে রবে মুখে
বিদ্রূপ কটাক্ষ করি;
নাহি রে আশ্রয় নাহি দয়া মায়ী,
নাহি সত্য কিছু, শুধু সব ছায়া,
ধূলার মাঝারে হৃদয়ের দেবী
গড়াগড়ি যায় মরি!
শ্রীহিরণ্ময়ী দেবী।

বিহারিলাল চক্রবর্তী ।

লেখকের যশ ছই প্রকার । কেহ বহুসংখ্যক গ্রন্থ রচনা করিয়া যশস্বী হন, কেহ বা একটা মাত্র গ্রন্থ রচনা করিয়া স্মরণীয় হন । বিহারিলাল চক্রবর্তী এই দ্বিতীয় দলের লেখক । তিনি এক কাব্যের কবি । “সারদামঙ্গল” সেই কাব্য । প্রায় পঞ্চদশ বর্ষ অতীত হইল এই কাব্য প্রকাশিত হয় । এক প্রকার সেই সময় হইতেই কবির লেখনী নীরব । এখন কবি সংসার হইতে বিদায় গ্রহণ করিয়াছেন । বাঙ্গালীর জন্ম “সারদামঙ্গল” রাখিয়া গিয়াছেন ।

বিহারিলাল আর কোন গ্রন্থ রচনা করেন নাই এমন নহে । তাঁহার রচিত আরও কয়েকটা কবিতাগ্রন্থ প্রকাশিত হয়, কিন্তু সেগুলির নাম ইতিমধ্যেই বিলুপ্ত হইয়াছে । কেবল সারদামঙ্গলের পূর্বে প্রকাশিত গ্রন্থ “বঙ্গসুন্দরী” সাধারণ্যে কতক পরিচিত । কিন্তু এ ছই গ্রন্থেও প্রভেদ বিস্তর ।

এই শ্রেণীর কবির কথা মনে হইলে চিত্তে বিষাদের উদয় হয় । তাঁহার পূর্বে রচনা গলা সাধারণ মত; গলা সাধিয়া স্মর মিলিলে অপূর্বে শ্রুতিমোহর একখণ্ড গীত শ্রোতাগিকে বিস্ময়-পুলক-আনন্দপরিপূর্ণ করে । তৎপরে সে কণ্ঠ নীরব হইয়া যায়, আর শুনিতে পাওয়া যায় না । কেবল সেই গীতখণ্ডের মোহ কর্ণে লাগিয়া থাকে ।

জীবিতাবস্থায় কবির যশ দেশে তেমন ব্যাপ্ত হয় নাই । “ভারতী”তে, “সারদামঙ্গলের” উপযুক্ত প্রশংসা হইয়াছিল, কিন্তু সারদামঙ্গলের কবি অনেকের নিকট অপরিচিত ছিলেন । যে কাব্যের প্রশংসা পথে ঘাটে শুনিতে পাওয়া যায় “সারদামঙ্গল” সে জাতীয় কাব্যই নহে । কোন কালেই বোধ হয় এই কাব্যের বহুল প্রচার হইবে না ।

কবি ও কাব্যের তন্ময়তা ইহার প্রধান কারণ । কবি বলিয়াছেন, “আপন সৌরভে প্রাণ আপনি পাগল ।” অতীতকালে তাঁহার দৃষ্টি ছিল না । “সারদামঙ্গল” যেরূপ প্রেমসঙ্গীত সে প্রেম সকলে বুঝিতে পারে না । বীণাপাণির ভক্তি প্রেমোন্মত্ততা রূপে তাঁহার হৃদয় অধিকার করিয়াছিল । সেই মত্ততাজনিত এই সঙ্গীত । এই কাব্যের সৌন্দর্য্যে সম্যক্রূপে প্রবেশ করিতে হইলে কবির মত্ততায় প্রবেশ করিতে হইবে । সকল পাঠকে তাহা পারে না ।

দ্বিতীয় কারণ, কাব্যের স্থান বিশেষ অসংলগ্ন, স্থানে স্থানে অসম্বন্ধ । ইহাও প্রেমোন্মত্তদের লক্ষণ । কিন্তু পাঠকের পক্ষে ইহাতে ব্যাঘাত জন্মে ।

যত্নপূর্ব্বক “সারদামঙ্গল” পাঠ করিলেই প্রতীতি জন্মে যে সরস্বতী-প্রেম সাধনার এরূপ সঙ্গীত বঙ্গভাষায় নাই, কবিতার এরূপ মধুময়ী বেগবতী তরল ভাষা ইতিপূর্বে বিরচিত হয় নাই ।

“বঙ্গসুন্দরীর” উপহারে কবি নিজের অবস্থা বর্ণন করিয়াছেন—

“আমি ভ্রমি কমল কাননে,
যথা বসি কমল আসনে,
সরস্বতী বীণা করে,
স্বর্গীয় অমিয় স্বরে,
গান গান সহাস আননে ।

করি সে সঙ্গীত সুধা পান,
পাগল হইয়ে গেছে প্রাণ;
দৃষ্টি নাই আসে পাশে
সমুখেতে স্বর্গ হাসে,
ভুলে আছে তাতেই নয়ান ।”

কিন্তু সে সময় সেই স্বর্গীয় অমিয় স্বর কবির আয়ত্ত হয় নাই । তখনও তিনি স্মর সাধিতে-
ছেন, ঠিক লাগাইতে পারেন নাই । স্বভাবের বিবিধ সৌন্দর্য্যের নিমিত্ত আকুলতা
জন্মিয়াছে ।—

“কতু ভাবি কোন ঝরণার,
উপলে বন্ধুর যার ধার;
প্রচণ্ড প্রপাত ধ্বনি
বায়ুবেগে প্রতি ধ্বনি
চতুর্দিকে হতেছে বিস্তার;—
গিয়ে তার তীর তরু তলে,
পুরু পুরু নধর শাবলে,
ডুবাইয়ে এ শরীর,
শব সম রব স্থির
কান দিয়ে জল কল কলে ।

কতু ভাবি সমুদ্রের ধারে,
যথা যেন গর্জে একে বারে
প্রলয়ের মেঘ সঙ্ঘ;
প্রকাণ্ড প্রকাণ্ড ভঙ্গ
আক্রমিছে গর্জিয়া বেলারে ।
সমুখেতে অসীম, অপার,
জলরাশি রয়েছে বিস্তার;
উত্তাল তরঙ্গ সব,
ফেন পুঞ্জ ধব ধব,
গঙগোলে ছোটে অনিবার ।”

* * * * *

“সারদামঙ্গলের” সঙ্গীত তখনও বহুদূরে । “বঙ্গসুন্দরী” কাব্যে বিশেষ ক্ষমতার পরিচয়
নাই, ছন্দ সঙ্গীত, ভাষা অনেক স্থানে শ্রুতি কর্কশ । কেবল ছই একটা গানে সারদামঙ্গলের
পূর্ব্বলক্ষণ দেখিতে পাওয়া যায় । “বঙ্গসুন্দরীর” নবম সর্গের শেষের গান—

“ফুটিল অশ্রু তলে
তারা হীর দলে দলে,
রাজিল চঞ্জিমা ছটা প্রকৃতির চন্দ্রাননে ।
বনদেবী হাসি হাসি,
আদরে সমুখে আসি,

সাজালেন বর ক’নে চারু ফুল আভরণে ।
আনন্দে আপনা হারা,
নয়নে আনন্দ ধারা,
হৃজনের মুখপানে চেয়ে আছে ছই জনে ।”

সারদার জন্ম রূতান্ত সারদামঙ্গলের প্রথম সর্গের বিষয় । আদি কবি বাঙ্গালীর ললাট
হইতে বীণাপাণি সারদা জন্ম পরিগ্রহ করিলেন । এরূপ কল্পনা নূতন নহে । মিনার্ভার
উৎপত্তি সকলেরই স্মরণ আছে । কিন্তু এমন বিচিত্র বিমল কবিতা বাঙ্গালা ভাষায় নূতন ।

“অথরে অরুণোদয়,
তলে ছলে ছলে বয়
তমসা তটিনী-রাগী কুলু কুলু স্বনে ;
নিরখি লোচন লোভা
পুলিন-বিপিন-শোভা
জমেন বাম্বীকি মুনি ভাব ভোলা মনে।

শাখি-শাখে রসস্বখে
ক্রৌঞ্চ ক্রৌঞ্চী মুখে মুখে
কতই সোহাগ করে বসি ছজনায়,
হাগিল শবরে বাণ,
নাশিল ক্রৌঞ্চের প্রাণ,
কুধিরে আগ্নুত পাখা ধরণী লুটায়।

ক্রৌঞ্চী প্রিয় সহচরে
ধিরে ধিরে শোক করে,
অরণ্য পুরিল তার কাতর ক্রন্দনে।

চক্ষে করি দরশন
জড়িমা-জড়িত মন,
করণ-হৃদয় মুনি বিহ্বলের প্রায় ;
সহসা ললাট ভাগে
জ্যোতির্ময়ী কণ্ঠা জাগে,
জাগিল বিজলী যেন নীল নব ঘনে।

কিরণে কিরণময়
বিচিত্র আলোকোদয়,
ত্রিয়মান রবি-ছবি, ভুবন উজলে।

চন্দ্র নয়, সূর্য্য নয়,
সমুজ্জল শান্তিময়,
ঋষির ললাটে আজি না জানি কি জলে!
কিরণ-মণ্ডলে বসি
জ্যোতির্ময়ী সুরূপসী

যোগীর ধ্যানের ধন ললাটিকা মেয়ে
নামিলেন ধীর ধীর,
দাঁড়ালেন হয়ে স্থির
মুগ্ধ নেত্রে বাম্বীকির মুখ পানে চেয়ে।

করে ইজ্রধনু-বালা,
গলায় তারার মালা,
সীমন্তে নক্ষত্র জলে, ঝলমলে কানন ;
কর্ণে কিরণের ফুল,
দোহল চাঁচর চুল
উড়িয়ে ছড়িয়ে পড়ে ঢাকিয়ে আনন।

হাসিহাসি-শশি-মুখী,
কতই কতই সুখী !
মনের মধুর জ্যোতি উছলে নয়নে।
কতু হেসে চল চল,
কতু রোষে জল জল,
বিলোচন ছল ছল করে প্রতিক্ষণে।

করণ ক্রন্দন রোল
উক উত উতরোল,
চমকি বিহ্বলা বালা চাহিলেন ফিরে ;
হেরিলেন রক্তমাখা
মৃত ক্রৌঞ্চ ভগ্ন-পাখা,
কাঁদিয়ে কাঁদিয়ে ক্রৌঞ্চী ওড়ে ধিরে ধিরে।

একবার সে ক্রৌঞ্চীরে
আর বার বাম্বীকিরে
নেহারেন ফিরে ফিরে, যেন উম্মাদিনী ;
কাতরা করুণা-ভরে,
গান্ স করুণ স্বরে,
ধীরে ধীরে বাজে করে বীণা বিষাদিনী।”

সারদা-সর্ব্বক কবির অস্ত্র কোন আকাঙ্ক্ষা নাই। লক্ষ্মীকে বলিতেছেন—

“যাও লক্ষ্মী অলকায়,
যাও লক্ষ্মী অমরায়,
এসনা এ যোগী-জন তপোবন স্থলে !”

সারদার বিরহে কবি ব্যাকুল হইয়া সর্ব্বত্র তাঁহার অন্বেষণ করিতেছেন। কল্পনা-চক্ষে তাঁহার বিবিধ মূর্ত্তি দেখিতেছেন। কখন বিষাদিনী উদাদিনী মূর্ত্তি শ্মশানবাসিনী, কখন ভয়ঙ্করী সংহারমূর্ত্তি, ত্রিশূলধারিণী। একস্থানে রতিকাম কবির দৃষ্টিগোচর হইলেন। কবিতার তরল স্রোত ও ঝঙ্কার কেমন !

“কি এক ভাবেতে ভোর,
কি যেন নেশার ঘোর,
টলিয়ে চলিয়ে পড়ে নয়নে নয়ন ;
গলে গলে বাহুলতা,
জড়িমা-জড়িত কথা,
সোহাগে সোহাগে রাগে গলগল মন।

করে কর থর থর,
টলমল কলেবর,
গুরু গুরু ছরু ছরু বৃকের ভিতর ;
তরুণ অরুণ ঘটা
আননে আরক্ত ছটা,
অধর কমল-দল কাঁপে থর থর।

প্রাণর পবিত্র কাম,
স্বপ্ন-স্বর্গ-মোক্শ-ধাম !
আজি কেন হেরি হেন মাতোয়ারা বেশ !
ফুল ধরু ফুল ছড়ি
দূরে যায় গড়াগড়ি ;
রতির খুলিয়ে বেঁপা আলুখালু কেশ !

সারদার অন্বেষণে কবি হিমাচলে উপনীত হইলেন। হিমালয়ের বর্ণনা,—

“পদে পৃথ্বী, শিরে ব্যোম,
তুচ্ছ তারা সূর্য্য সোম
নক্ষত্র, নখাগ্রে যেন গণিবারে পারে ;

বিহ্বল পাগল প্রাণে,
চেয়ে সতী পতি পানে,
গলিয়ে গড়িয়ে কোথা চলে গেছে মন ;
মুগ্ধ মত্ত নেত্র ছুটি,
আধ ইন্দীবর মুটি,
ছন্ন ছন্ন দুন্ন দুন্ন করিছে কেমন !

আলসে উঠিছে হাই,
ঘুম আছে, ঘুম নাই,
কি যেন স্বপন মত চলিয়াছে মনে ;
স্বপ্নের সাগরে ভাসি
কিবে প্রাণখোলা হাসি !
কি এক লহরী খেলে নয়নে নয়নে !

উথলে উথলে প্রাণ
উঠিছে ললিত তান,
ঘুমায়ে ঘুমায়ে গান গায় ছই জন ;
স্বরে স্বরে সম রাধি
ডেকে ডেকে ওঠে পাখী,
তালে তালে চলে চলে চলে সমীরণ।

হিমালয়ের বর্ণনা,—

সম্মুখে সাগরাস্ররা
ছড়িয়ে রয়েছে ধরা,
কটাক্ষে কখন যেন দেখিছে তাহারে।

ঝটিকা ছরস্ত মেয়ে,
বুকে খেলা করে খেয়ে
ধরিত্রী গ্রাসিয়া সিদ্ধ লোটে পদতলে।

হিমালয় শিখরে, প্রকৃতির বিশাল মন্দিরে, সারদার সহিত কবির পুনর্মিলন হইল।

“উদার—উদারতর
দাঁড়িয়ে শিখর-পর
এই যে হৃদয়-রাগী ত্রিদিব-স্বপ্নমা!

এ নিসর্গ-রঙ্গভূমি,
মনোরমা নটী তুমি,
শোভার সাগরে এক শোভা নিরূপমা!

আননে বচন নাই,
নয়নে পলক নাই,
কান নাই মন নাই আমার কথায়;

মুখখানি হাস হাস,
আলুথালু বেশ বাস,
আলুথালু কেশপাশ বাতাসে লুটায়।

* * * *

সারদামঙ্গলের কবি কেবল কবি নহেন সাধক। বাঙ্গলা ভাষায় কবিতার অভাব নাই, কিন্তু সারদামঙ্গলের স্থান স্বতন্ত্র। ছন্দের দোল, ভাবার শুভ্র সৌন্দর্য, ভাবের তন্ময়তা একরূপ দেখিতে পাওয়া যায় না। এই জন্ত বঙ্গদেশীয় কবিদিগের মধ্যে সারদামঙ্গলের কবি স্মরণীয়।

ত্রীনগেন্দ্রনাথ গুপ্ত।

জলস্ত-অনল-ছবি
ধক ধক জলে রবি,
কিরণ-জলন-আলা মালা শোভে গলে।”

প্রিয়ে সঞ্জীবনী লতা,
কত যে পেয়েছি ব্যথা
হেরে সে বিবাদময়ী মুরতি তোমার!

হেরে কত হৃৎস্বপন
পাগল হয়েছে মন,
কতই কেঁদেছি আমি কোরে হাহাকার!

আজি সে সকলি মম
মায়ায় লহরী সম
আনন্দ সাগর মাঝে খেলিয়া বেড়ায়।

দাঁড়াও হৃদয়েশ্বরী,
ত্রিভুবন আলো করি,
হু নয়ন ভরি ভরি দেখিব তোমায়!”

লান্‌করানের উজীর।

তৃতীয় অঙ্ক।

[লান্‌করানের খাঁর সমুদ্রোপকূলবর্তী দেওয়ানখানায় এই দৃশ্য সংঘটিত হয়। খাঁ তালারের* সম্মুখভাগে সিংহাসনোপরি উপবিষ্ট। সলিম বেগ নাজীর বেত্রহস্তে খাঁর সম্মুখে দণ্ডায়মান এবং উভয় পার্শ্বে লান্‌করানের সম্ভ্রান্ত পুরুষবর্গ শ্রেণীবদ্ধ। সমদ বেগ সর্দার-ফরাশ এবং আজীজ আকা সর্দারচাকর আর দুই তিনজন চাকরের সহিত দ্বারদেশে উপবিষ্ট। এবং তালারের নিম্নে আরজদারগণ কাদির বেগ নায়েবের নিকট সমনের প্রতীক্ষায় উপস্থিত। ফরাশগণ তালারের নিম্নে দ্বারের বাহিরে জমায়েৎ।]

খাঁ। আজ বেড়ে হাওয়া দিচ্ছে। আদালতের পব সমুদ্রে খানিক বেড়াতে যাব, দিল দরাজ হবে। আজীজ আকা কিস্তী ওয়ালাদের হুকুম দিয়ে রাখ সমুদ্রের ধারে যেন নৌক হাজির রাখে।

আজীজ আকা! যে আজ্ঞে, চোখের দিব্যি! (নিষ্ক্রমণ)।

খাঁ। সলিম বেগ আরজদারদের সামনে আনতে বল।

নাজীর। (তালারের অভ্যন্তর হইতে) কাদির বেগ আরজদারদের একে একে সামনে নিয়ে এস।

(কাদির বেগের দুই ব্যক্তি—আসামী ও ফরিয়াদীকে সম্মুখে আনিয়া অভিবাদন) আরজদার ফরিয়াদী। খাঁ আপনার কুরবানি হই, আমার একটা আরজ আছে।

খাঁ। বল, দেখা যাক, তোর কি আরজ রে?

ফরিয়াদী। খাঁ আপনার কুরবানি হই। আজ আমার ঘোড়াকে জল খাওয়াতে নদীতে নিয়ে গিয়েছিলুম। ঘোড়া আমার হাত ছাড়িয়ে পালিয়ে গেল। এই লোকটা সামনে দিয়ে আসছিল। ওকে ডেকে বলুন “ভাই! খোদার কিরে ঘোড়াটাকে এই দিকে

* আমাদের দেশের গাড়ীবান্দা যেমন মূল গৃহ হইতে খানিকটা সামনে বাহির হইয়া আসিয়াছে, পারস্যদেশীয় তালার বা সিংহাসনগৃহও সেইরূপ; প্রভেদ এই তাহার মাথায় ছাদ আছে, এবং দ্বার ও সিঁড়ির দ্বারা প্রাঙ্গন অর্থাৎ মূল সভাগৃহের সহিত তাহা যুক্ত। খাঁর প্রধান কর্মচারীবর্গ এবং সম্ভ্রান্ত আসীর ওমরাহেরা তালারের মধ্যে তাঁহার চতুর্পার্শ্বে দাঁড়াইয়া থাকেন, এবং সাধারণ লোকে তালারের কয়েক হাত নিম্নে জমা হয়। বিচারপ্রার্থী অগ্রসর হইয়া খাঁর দৃষ্টিপথে দাঁড়াইলে তিনি তাহার আরজ শ্রবণ করেন। তালারের অর্থবোধক বাঙ্গলা শব্দ না থাকায় ‘তালার’ শব্দই ব্যবহার করা গেল।

ফেরাও।” সে লুয়ে মাটি থেকে একটা পাথর কুড়িয়ে আমার ঘোড়ার দিকে ছুঁড়ে মারলে। পাথরটা ঘোড়ার ডান চোখে লেগে ঘোড়া কানা হয়ে গেল, এখন সে একেজো হয়ে পড়ে রয়েছে, আমার আর কোন কাজই দিতে পারবে না। আমি ওর কাছে খেদারং চাচ্ছি, ও দেবে না আমার সঙ্গে তকরার করছে।

খাঁ। (আসামীর প্রতি) হাঁরে একি ঠিক ?

আসামী। হজুর আপনার কুরবানি হই, এ ঠিক, কিন্তু আমি ইচ্ছে করে পাথর ছুঁড়িনি।

খাঁ। বাজে বকিস্নে; যদি ইচ্ছে না থাকবে তবে মাটি থেকে পাথর উঠিয়ে ছুঁড়তে যাবি কেন ? তোর নিজের ঘোড়া আছে ? না কি ?

আসামী। আছে হজুর—আপনার কুরবানি হই।

খাঁ। (ফরিয়াদীর প্রতি) ব্যাটা তুইও যা, গিয়ে ওর ঘোড়ার চোখে মেরে কানা করে দে। “দাঁতের বদলে দাঁত, চোখের বদলে চোখ, ঘায়ের বদলে ঘা” এ কোন মুন্সিলের ব্যাপার নয়। সমদ বেগ একটা ফরাসকে পাঠিয়ে দাও, যতক্ষণ এ নিজের প্রতিশোধ নেয় ততক্ষণ সে গিয়ে দাঁড়িয়ে থাকুক।

(সমদ বেগের অভিবাদনান্তর তালারের নীচে যাইয়া ফরাসের হাতে তাহাদের সমর্পণ পূর্বক পুনঃ প্রবেশ)

খাঁ। সলিম বেগ, বল যে, আর যদি কোন আরজদার থাকে তারা সাম্নে আসুক। শীঘ্রির কর, আজ আমি বোটে বেড়াতে যেতে চাই।

সলিম বেগ। কাদির বেগ, যদি আর কোন আরজদার তোমার কাছে থাকে সাম্নে নিয়ে এসো।

(কাদির বেগের আর দুই ব্যক্তিকে আনয়ন)

খাঁ। হায় ক্ষমতা! তোমার চেয়ে কষ্টকর কি ছনিরাতে আর কিছু আছে! লোকের সবাই-নিজের নিজের আরানের ভাবনা ভাববে, আর আমার হাজার হাজার লোকের ভাবনা ভাবতে হবে, তাদের ছুঃখ কষ্টের খবর রাখতে হবে। আমার রাজত্বের প্রথম দিন থেকে আজ পর্যন্ত একটা আরজদারকেও আমি দেউড়ী থেকে ফিরিয়ে দিইনি।

সলিম বেগ। এই সমস্ত লোকের আশীর্বাদ আপনার কষ্টের পুরস্কার! সত্যি কথা বলতে গেলে এদের আপনি নিজের সম্ভানের চোখে দেখেন। এই লানকরান সহরের যা কিছু শ্রী সম্পদ সে আপনারই স্মৃতিচারের দৌলতে।

(আরজদারগণের সম্মুখে আসিয়া অভিবাদন)

ফরিয়াদী। খাঁ তোমার কুরবানি! আমার ভায়ের অস্থখ করেছিল, লোকে বলে “এ হাকিম,” আমি তিন তোমান দিনুস। ভায়ের মাথার কাছে নিয়ে এলুম আরাম করবেন বলে। রুগীর মাথার এসে ইনি জৌক বসালেন আর রক্তও বেরুতে লাগলেন আমার

ভাইও মলেন। এখন আমি বলছি “ওগো পাবাণ! নিদেন আমার তোমান কটা ফিরিয়ে দাও।” কিন্তু আমার টাকা উনি কিছুতেই ফিরিয়ে দিচ্ছেন না, বলছেন “আমি যদি না রক্ত বের কর্তুম ত এর চেয়েও খারাপ হত,” বরঞ্চ উণ্টে আমার কাছে আরও কিছু দাবী করছেন। ইনসাফ কর! মাথা খবরদারি করি।

খাঁ। (আসামীর প্রতি) হাকিম সাহেব! রক্ত বের না করলে এর চেয়ে খারাপ কি রকম হত? এর চেয়ে খারাপ আর কি হতে পারে?

আসামী। আপনার কুরবানি হই খাঁ! এর ভাই মারাত্মক উদরী রোগাক্রান্ত হয়েছিল। আমি যদি রক্ত বের না কর্তুম তা হলে ছমাস পরে সে নিশ্চয়ই মরত, তাতে নন্দেহমাত্র নেই। একবার রক্ত বের করে আমি ওকে আরও ছমাসের অনর্থক খরচ থেকে বাঁচিয়ে দিয়েছি।

খাঁ। তা হলে হাকিম সাহেব! এ লোকটার আপনাকে আরও বেশী কিছু দেওয়া উচিত?

হাকিম। আজ্ঞে; আপনার কুরবানি হই, যদি শ্রায়মত করে তা হলে অবিশ্বি!

খাঁ। (উপস্থিতবর্গের প্রতি মুখ ফিরাইয়া) আল্লা! জানিনে এদের কেমনতর বিচার করব যাতে ঠিক দাওয়া মেটে, এমন মুন্সিলের বিচারে আর কখন পড়িনি।

উপস্থিতবর্গের মধ্যে একজন। আপনার কুরবানি হই, হাকিমদের প্রতি সম্মান করা উচিত, তাঁরা সবায়ের কাজেই খাটেন, এ লোকটাকে হুকুম করুন হাকিম সাহেবকে আর একখানা ভাল কাপড় খেলাং দিয়ে সন্তুষ্ট করুক, বিশেষতঃ এই জন্তে যে হজুরের বান্দা জানে যে ইনি অতি বিচক্ষণ হাকিম।

খাঁ। তা যদি তোমার জানত হয় তাহলে তাই হোক, তুমি যেমন বলেছ তেমনি করুক। (ফরিয়াদীর প্রতি চাহিয়া) ব্যাটা! হাকিম সাহেবকে একটা জোকা খেলাত দে যে উনি তোর উপর খুদী হন। সমদ বেগ একজন ফরাসকে পাঠাও, সে গিয়ে এই লোকটার কাছ থেকে কাপড় নিয়ে হাকিম সাহেবকে দিক।

(সমদ বেগের নিয়ে অবতরণ। এই সময়ে উজীরের হাঁফাইতে হাঁফাইতে দ্বারদেশ দিয়া তালারে প্রবেশ, জেব হইতে কলমদান বহির্করণ এবং ভূমে খাঁর সম্মুখে রক্ষণ)

উজীর। কুরবানি হই! আমার অনেক উজীরী হয়েছে, ঢের হয়েছে, আমার খিদমতির বক্সিস পৌঁছিয়েছে! আমার পরে যাকে যোগ্য বিবেচনা করেন, তাকে উজীরী দেবেন। আমার এ রাজ্য থেকে বেরিয়ে দোরে দোরে ঘুরতে হবে!

খাঁ। (বিস্মিত হইয়া) উজীর সাহেব আপনার হয়েছে কি? একি ব্যাপার? কিসের জন্তে?

উজীর। কুরবানি হই! আজ ছনিয়ার সর্বত্রে আপনার ইনসাফ, আদালত, মেহেববানী সকলের জবানের বিষয়। আপনার ভয়ে কোন সরকারী চাকর কোন ফকিরেরও

ধন কি পরিবারের দিকে হাত বাড়াতে পারে না। কিন্তু দেখুন আপনার ভাইপো তৈমুর আকা আপনাকে কতদূর অমান্য করে। দিনেছপুরে আমার মত লোকের বাড়ী এসে তার জীর অপমান কর্তে চেষ্টা পায়।

খাঁ। (ক্রোধান্বিত হইয়া) উজীর তুমি কি বলছ? তৈমুর এতদূর সাহস করেছে? তোমার কথার মানে কি?

উজীর। আপনার নিমক আমায় কাণা করে দিক্, যদি আমি মিছে কথা কয়ে থাকি! আমি নিজে স্বচক্ষে দেখেছি। আমি তাকে আপনার কাছে নিয়ে আসবার জন্তে ধরে-ছিলুম, কিন্তু সে আমায় ঝাঁক দিয়ে হাত ছাড়িয়ে পালিয়ে গেল।

খাঁ। সমদ বেগ শীগগির যাও, তৈমুরকে এখানে ডেকে আন, কিন্তু এ সব কথা কিছু বলো না। (সমদ বেগের অভিবাদনপূর্বক নিজমণ)

খাঁ। উজীর ঠাণ্ডা হও! আমি এমন বিচার করব যে, সমস্ত পৃথিবী এর থেকে দৃষ্টান্ত নেবে।

উজীর। কুরবানি হই! সে কালের বাদসাহেরা বিচারে নিজের ছেলে কি আত্মীয়কেও কখন মায়্যা কর্তেন না। বড় বড় খালিফরা কারো জীর প্রতি আড়চোখে চাওয়ার জন্তেও অত্যন্ত কঠিন শাস্তি দিতেন। গজনীর সুলতান মামুদ এই অপরাধে নিজে হাতে তাঁর একজন সভাসদের গলা কেটেছিলেন। সেই জন্তে এককাল বাদেও তাঁদের স্থবিচারের খ্যাতি পৃথিবীতে লোপ পায়নি।

খাঁ। (উজীরের প্রতি) উজীর—তুমি এখন দেখবে তোমার খাঁ কোন বিবরেই খালিফ ও সুলতান মামুদের চেয়ে কম করবেন না, বিশেষতঃ এই বিষয়ে—

(এই সময় সমদ বেগের তৈমুর আকার সহিত প্রবেশপূর্বক অভিবাদন)

খাঁ। (তৈমুর আকার প্রতি) তোমাকে আমি বলিনি যে আমার সামনে ছোরা পরে এস না?

তৈমুর আকা। আমি ত ছোরা পরিনি?

খাঁ। আমার মনে হয়েছিল বুঝি পরেছ। আচ্ছা উজীরের হারমে তোমার কি দরকার ছিল?

(তৈমুরের খাড় হেঁট করিয়া অবস্থান)

তোমার মতলব এই যে, তোমার মত বজ্জাত বদমায়েস ভাইপোর দরুণ আমার দেশময় নাম খারাপ হোক। তোমার মত ভাইপোয় আর আমার দরকার নেই—এই! ফাঁশ! আন!

(কতকগুলি ফরাসের কাশ্মীরি শাল হাতে করিয়া প্রস্তুত হওন)

এই বদমায়েসের গলায় শাল ফেলে টান!

(শাল ফেলিবার জন্ত ফরাশদিগের অগ্রসর হওন, সভাস্ত্র সহস্র লোকের চক্ষু অশ্রুপূর্ণ)

নাজীর ও খাঁর সহিত ঘনিষ্ঠ সম্পর্কীয় ব্যক্তিগণ। খাঁ কুরবানি হই! ছেলে মালুম! এবারটা ওর দোষ মাপ করুন।

খাঁ। আমার বাপের দিব্য কখনই ওকে মাপ করব না (ফরাশদিগের প্রতি ফিরিয়া) শাল ফেল!

(ফরাশদিগের আর একটু অগ্রসর হওন, ছোট বড় সকলে আত্ম-সম্মরণে অক্ষম হইয়া ব্যাকুলভাবে রোদনারম্ব, ভূমিতে পড়িয়া অল্পনয় বিনয়) হে খাঁ দয়া করুন, অমন হুকুম দেবেন না, মাপ করুন! ও মায়ের এক ছেলে! (হাহাকার করিয়া ক্রন্দন)

খাঁ। তা হোতে পারে না! তা হোতে পারে না! আল্লা না করুন! (অত্যন্ত ক্রুদ্ধ হইয়া ফরাশদিগের প্রতি ফিরিয়া) কুতকি একা! বলিনি তোদের শাল ফেল?

(ফরাশদের শাল হাতে করিয়া আর একটু নিকটে অগ্রসর হওন, তৈমুর আকা মহসা পশ্চাতে হাত দিয়া কোমর হইতে পিস্তল বাহির করিয়া ফরাশদিগের সন্মানে ধারণ, ফরাশরা ইহাতে ভীত হইয়া পিছু হঠিতে তৈমুর আকা যাহারা তাঁহাকে ধরিবে বা বাধা দিবে তাহাদের নিকট হইতে লাফ দিয়া বহির্গমন)

খাঁ। (তাঁহার পশ্চাৎ) এই ধর! ধর! যেতে দিস্নে!

(সকলেরই ইতস্ততঃ ধাবন কিন্তু কেহই তাঁহার পশ্চাদানুসরণশীল নহে।)

খাঁ। (বিকৃত মেজাজে সম্ভ্রান্ত ব্যক্তিগণের দিকে চাহিয়া) তোমাদের মধ্যে কেউই আমার অনুগ্রহের যোগ্য নও! এই পাজি বজ্জা তাকে পালিয়ে যেতে দিলে কেন?

(সকলে নিরুত্তর)

খাঁ। সমদ বেগ! (সমদ বেগের সম্মুখে আগমন) শীগগির পঞ্চাশজন গোলামকে সঙ্গে নিয়ে যাও। ছনিয়ার যেখানে থাকুক তৈমুরকে খুঁজে বের করে হাত বেঁধে এখানে নিয়ে এস। যতক্ষণ না ওকে ফাঁসী দেব, এদেশে শাস্তি হবে না, আমার মনও নিশ্চিত হবে না।

সমদ বেগ। চোখের মাথা! (বহির্নিষ্ক্রমণ)

খাঁ। (সম্ভ্রান্তবর্গের প্রতি) যাও! এখন যেতে পার।

(সভা ভঙ্গ)

আজীজ আকা! (আজীজ আকার সম্মুখে আগমন) কিস্তী হাজির?

আজীজ আকা। হাজির।

খাঁ। (উঠিয়া) উজীর তুমি যাও, ঠাণ্ডা হও! ভেবো না! তোমার প্রতিশোধ পড়ে থাকবে না! এই নাও! এই আংটা নিমা খাচ্ছমকে দিও। আজ আমি বিশেষ করে সোপারের কাছে লোক পাঠিয়েছিলুম—এই আংটাটা নিয়ে এসেছে। বিয়ের জোগাড়ে মন দাও, এক হস্তা বাদে ওতে নিযুক্ত হতে হবে!

উজীর। যে আজ্ঞে, হজুরের ফরমায়েস মাফিক করব!

(অভিবাদনপূর্বক নিজমণ, তাহার পর খাঁ ও আজীজ আকার নৌকায় চড়িয়া পায়ুসেবনে গমন)

শ্রীসরলা দেবী।

বৈজ্ঞানিক সার-সংগ্রহ।

কেরোসিন ল্যাম্প।

আজকাল আমাদের দেশে কেরোসিন তৈল বহুল আমদানি হইয়া, দেশীয় অশুদ্ধ জ্বালানি তৈল অপেক্ষা অনেক সুলভ মূল্যে বিক্রীত হইতে আরম্ভ হওয়ায়, এবং আলোক উৎপাদনার্থে ইহার উপযোগিতা সর্বশ্রেষ্ঠ বলিয়া বিবেচিত হওয়ায়, ধনী নির্ধন সকলেই আজ কাল এই তৈল ব্যবহার করিতেছেন। কেরোসিন ব্যবহার প্রবর্তিত হইবার পূর্বে, ল্যাম্প ফাটনা যাওয়া বা দীপস্থ তৈল এককালীন প্রজ্বলিত হইয়া ভয়াবহ ছর্ষটনা উপস্থিত হওয়ার কথা আমরা প্রায়ই শুনিতে পাইতাম না; কিন্তু আজ কয়েক বৎসর হইতে এই প্রকার ছর্ষটনা দৈনন্দিন ব্যাপারের মধ্যে দাঁড়াইয়াছে এবং ইহার ফল অধিকাংশ স্থলেই অশুভে পরিণত হইয়া, প্রতি বৎসর অনেক লোক ধনপ্রাণে ক্ষতিগ্রস্ত হইতেছেন। কেবল আমাদের দেশে নয়,—যুরোপ ও আমেরিকা প্রভৃতি স্মৃত্য দেশেও কেরোসিন ব্যবহারের ক্রমিক বিস্তারের সহিত ছর্ষটনার সংখ্যা ধীরে ধীরে বৃদ্ধি পাইতেছে।

কেরোসিন-ঘটিত ছর্ষটনা সংখ্যার এই প্রকার ক্রমিক বৃদ্ধি কোন দেশেই বাঞ্ছনীয় নয় বিবেচনা করিয়া আমেরিকার যুক্তরাজ্যের কর্তৃপক্ষীয়গণ সম্মতি ইহার প্রকৃত কারণ অনুসন্ধানার্থে একটি অনুসন্ধান-সমিতি নিযুক্ত করিয়াছিলেন এবং সমিতির সুযোগ্য সভ্যগণ কয়েক বৎসর ধরিয়৷ বিশেষ যত্নের সহিত নানা পরীক্ষায় নিযুক্ত থাকিয়া, অল্পদিন হইল তাঁহাদের অনুসন্ধানের ফলও গবর্ণমেন্টকে জানাইয়াছেন। এই অনুসন্ধান-সমিতি গঠিত হইবার কিছু পূর্বে ১৮৮৫ অব্দে কয়েকটি খাতনামা রসায়নবিৎ পণ্ডিত উপস্থিত বিষয়টির নীমাংসার্থে নিযুক্ত ছিলেন, কিন্তু ছর্ষটনাগতঃ তখন এই সর্বলোকহিতকর অনুষ্ঠানে সাধারণের উৎসাহ ও সহায়ত্ব না পাইয়া তাঁহারা ইহা হইতে শীঘ্রই নিরত হইতে বাধ্য হইয়াছিলেন। কিন্তু আমেরিকার এই শেষ সমিতির কার্য দ্বারা অশেষ উপকার সাধিত হইয়াছে; কেরোসিন-ঘটিত ছর্ষটনার প্রকৃত কারণ নির্দেশ করিয়া ও যাহাতে সেই সকল কারণ উপেক্ষিত না হয়, সকলকে সে বিষয়ে সতর্ক করিয়া, সমিতির বিজ্ঞ সভ্যগণ ব্যক্তি মাত্রেই যথার্থ ধন্যবাদে পাত্র হইয়াছেন।

সমিতি প্রথমে বহু পরিশ্রম ও অর্থব্যয়ে, নানাদেশীয় কেরোসিন-ছর্ষটনার বিবরণ সংগ্রহ করেন; এইরূপে প্রায় সকল স্থলেই অভ্যন্তরস্থ তৈল জলিয়া ও ল্যাম্প ফাটনা বিপদ উপস্থিত হইতে দেখিয়া অশুদ্ধ স্কুদ কারণানুসন্ধানে বৃথা সময়ক্ষেপ না করিয়া, ল্যাম্প

ফাটনার প্রকৃত কারণ কি এবং তাহার প্রতিকারেরই বা উপায় কি, তাহারই অনুসন্ধান, সভ্যগণ বিশেষ মনোযোগী হইয়া অল্পদিন মধ্যেই উদ্দেশ্যসিদ্ধিতে কৃতকার্য হইয়াছিলেন।

ইহারা বলেন, কেরোসিন ছর্ষটনার জন্ম এই তৈলের কোন দোষ দেওয়া যায় না এবং ইহা নিবারণের জন্ম কেরোসিন ব্যবহার রহিত করিবার কোনই আবশ্যকতা নাই, তৈল ব্যবহারে সাধারণ লোকের অসাবধানতা ও ঘোর অজ্ঞতাই এই সকল অনর্থের প্রধান কারণ। এই সকল কারণ বিদূরিত হইলে আর কোন বিপদের ভয় থাকিবে না। অনুসন্ধানান্তে নিম্নলিখিত কয়েকটি কারণই ছর্ষটনার হেতু বলিয়া স্থিরীকৃত হইয়াছে :—

(১) ল্যাম্প স্থানান্তরিত করিবার সময়, ইহার অভ্যন্তরস্থ তৈল আন্দোলিত হইয়া, তৈল-বাষ্প উৎপন্ন হয়, ইহা তৈলাধারে বন্ধ থাকিয়াই তন্মধ্যস্থ বায়ুসহ মিশ্রিত হইয়া, এক ভয়ানক দাহ-পদার্থ উৎপন্ন করে, এবং ইহা ল্যাম্পের ছিদ্রাদি দিয়া দীপশিখার নিকটবর্তী হইবামাত্র প্রজ্বলিত হইয়া ল্যাম্প ফাটাইয়া ফেলে।

(২) ল্যাম্পে তৈল পুরিবার ছিদ্র উন্মুক্ত থাকিলে বা ইহার আবরণটি বিকল হইয়া ছিদ্র সম্পূর্ণ বন্ধ না করিলে, এই মুক্তপথ দ্বারা বায়ু প্রবিষ্ট হইয়া, পূর্বোক্ত প্রকারে তৈলাধার ফাটাইয়া ফেলে।

(৩) ল্যাম্প সহসা শীতল বায়ু দ্বারা সংস্পৃষ্ট হইলে, প্রায়ই ছর্ষটনা সংঘটিত হয়;— কারণ শীতল বায়ু সংস্পর্শে তৈলাধারস্থ বায়ু সঙ্কুচিত হইয়া যায়, এবং শূন্যস্থান পূরণার্থে বহিঃস্থ বায়ু ইহার মধ্যে প্রবিষ্ট হইয়া তৈল-বাষ্প সংমিশ্রণে পূর্বোক্ত প্রকারে ভীষণ বাষ্প উৎপন্ন করে। শৈত্যাধিক্য-প্রযুক্ত অভ্যন্তরস্থ বায়ু অধিক সঙ্কুচিত হইলে আবার নূতন বিপদ ঘটবার আশঙ্কা উপস্থিত হয়, কারণ তৈলাধারে বায়ু সবেগে প্রবিষ্ট হইতে আরম্ভ করিলে, ইহার সহিত অগ্নিশিখাও প্রবিষ্ট হইয়া প্রায়ই মহা বিপদ উপস্থিত করে। ফৎকার দ্বারা ল্যাম্প নির্মাণ করিতে গেলে এই প্রকার ছর্ষটনা ঘটবার বিশেষ সম্ভাবনা, এতদ্ব্যতীত পলিতার অতি অল্পাংশ জ্বালাইলে বা পলিতা পুড়িয়া নির্মাণোন্মুখ হইয়া জ্বলিতে থাকিলে ল্যাম্প শীঘ্র উত্তপ্ত হইয়া পড়ে এবং এই তাপদ্বারা কখন কখন তৈল ও তৎসংলগ্ন বাষ্প প্রজ্বলিত হইয়া বিশেষ অনিষ্ট উৎপাদন করে। চিহ্ননিম্নে বায়ু প্রবেশের পথ ধূলি বা দক্ষ পলিতা ইত্যাদি আবর্জনা দ্বারা রুদ্ধ থাকিলে এবং পলিতার দৈর্ঘ্য হ্রাস হইয়া ক্রমে তৈল ছাড়িয়া বা তৈল স্পর্শ করিয়া থাকিলে, পূর্বোক্ত ছর্ষটনাগুলি প্রায়ই ঘটিতে দেখা যায়।

(৪) প্রস্থের অল্পতাবশতঃ হউক বা অল্প কোন প্রকার অনবধানতাপ্রযুক্ত প্রজ্বলিত পলিতা তৈলাধারে পড়িয়া অনেক সময়েই ল্যাম্প বিদীর্ণ করিয়া ফেলে।

(৫) তৈলের প্রকার-ভেদ দ্বারা নানা ছর্ষটনা ঘটবার বহুল উদাহরণ দেখিতে পাওয়া যায়। যে সকল তৈল অতি অল্প তাপেই প্রজ্বলিত হইয়া উঠে, তাহা ল্যাম্পে জ্বালাইলে অতি দামাচ্ছ উত্তাপেই তৈলাধার কেরোসিন বাষ্পে পরিপূর্ণ হইয়া পড়ে ও শূন্য স্থান না

থাকায় বায়ু প্রবেশ করিতে পারে না; সুতরাং বায়ু অভাবে পুরোঁক দাহ বাষ্পও উৎপন্ন হইতে না পারিয়া ল্যাম্পা-নিরূপদ্রবে জ্বলিতে থাকে। কিন্তু যে সকল তৈল জ্বলিতে অপেক্ষাকৃত অধিক তাপের আবশ্যক হয়, তদ্বারা অনেক সময়ই বিপদ সংঘটিত হইতে দেখা যায়; কারণ অল্প তাপ দ্বারা এই প্রকার তৈলের বাষ্প অধিক উৎপন্ন হইতে না পারায়, তৈলাধারের অধিকাংশ স্থানই বায়ুপূর্ণ থাকে এবং ইহার সহিত কিঞ্চিৎ তৈল-বাষ্প মিশ্রিত হইলেই মহানিষ্টিপাতের সূত্রপাত করে। প্রজ্বলনার্থ আবশ্যকীয় তাপের আধিক্য-সাধনে, আমরা অনেকেই কেরোসিনের সদৃশ ও তাহা নিরাপদে ব্যবহৃত হইবার উপযোগিতা হিসাব করিয়া থাকি, কিন্তু এই হিসাবে কত ভুল আছে, পুরোঁক বিবরণ হইতে এখন কতকটা বুঝিতে পারা যাইবে। এই ক্ষুদ্র ভুলটি সংশোধন করিবার জন্ত আমাদের বিশেষ সতর্ক হওয়া আবশ্যক এবং ইহা দ্বারা যে অলক্ষিতভাবে সর্বদাই মহানিষ্টি উপস্থিত হইতে পারে তাহাও সর্বদা মনে রাখা আবশ্যক।

আকস্মিক অগ্নি।

শ্রুতি বৎসর ভীষণ অগ্নিপূজবে, পৃথিবীর কত লোক মৃত ও সর্বস্বান্ত হয় এবং কত বহুমুদ্রা দ্রব্য ভস্মীভূত হয়, তাহা ভাবিলেও বিস্মিত হইতে হয়। সভ্যতা বিস্তারের সহিত, অগ্নিভয় নিবারণার্থ ও উৎপন্ন অগ্নি নির্মূলাপিত করিবার জন্ত সকল দেশেই নানাপ্রকার যন্ত্রাদির ব্যবহার প্রবর্তিত হওয়ার, মৃত্যু সংখ্যা অনেক কমিয়া আসিয়াছে সত্য, কিন্তু বাৎসরিক অগ্নি ক্ষতির পরিমাণ প্রায় সমানই রহিয়াছে।

তুলা, শণ ও পাট প্রভৃতি সহজ-দাহ পদার্থ-সম্বন্ধে স্থান বহু সতর্কতার সহিত রক্ষিত হইলেও, ইহাতে প্রায়ই অগ্নি উৎপন্ন হইয়া সকলই ভস্মসাৎ হইতে দেখা যায় এবং বহু অনুসন্ধান করিলেও অধিকাংশ স্থলেই অগ্নির বিশিষ্ট কারণ খুঁজিয়া পাওয়া যায় না। নানাবিধ 'ইনসুরেন্স' প্রথা প্রচলিত থাকা সত্ত্বেও এই মহা উপদ্রবে অনেক ধনী ব্যবসায়ী এককালীন কঠোর দারিদ্র্যে পতিত হইতেছেন।

যে সকল স্থলে বাহির হইতে প্রত্যক্ষভাবে অগ্নি প্রয়োগ অসম্ভব সেখানেও অনেক সময়ে অগ্নিপাত হইতে দেখিতে পাওয়া যায়, আমেরিকা ও অগ্নি দেশের বণিকগণ অগ্নির প্রকৃত কারণ আবিষ্কারের জন্ত, অনেকদিন হইতে বিশেষ যত্নবান আছেন এবং সম্প্রতি কয়েকটি খ্যাতনামা বৈজ্ঞানিকের সাহায্যে, এই দুর্দৈবের দুই একটি কারণ আবিষ্কার করিয়াছেন। বৈজ্ঞানিকগণ বলেন, বাস্তবিকই এই সকল অগ্নি কোন বহিঃস্থ কারণে উৎপন্ন হয় না, পদার্থ সকল অবস্থা বিশেষে বায়ু হইতে অক্সিজেন বাষ্প শোষণ করিয়া, রাসায়নিক সংমিশ্রণে তাপ দ্বারা স্বতই অগ্নিকাণ্ড উৎপন্ন করে। জৈবিক (organic)

পদার্থ মাত্রেরই এবং কতকগুলি অপর পদার্থের এই অক্সিজেনশোষণ ক্ষমতা অস্বাভাবিক পরিমাণে সর্বদাই লক্ষিত হয়; কিন্তু অবিকৃতাবস্থায় অধিকাংশ পদার্থেরই এই ক্ষমতা এত অল্প থাকে যে, ইহা দ্বারা অগ্নিপত্তি হয় না, কিন্তু পদার্থগুলিতে কোন প্রকারে জল সংযুক্ত হইলে এই ক্ষমতা অত্যধিক বৃদ্ধি প্রাপ্ত হয়, এবং আকস্মিক অগ্নিপত্তি সম্ভাবনা অতি প্রবল হইয়া পড়ে। আমরা সাধারণতঃ যে সকল পদার্থ লইয়া সর্বদা নাড়াচাড়া করিয়া থাকি তাহা প্রায়ই ক্ষুদ্রায়তনবিশিষ্ট হওয়ার তাপ জনননের অস্বাভাবিক অবস্থায় থাকিলেও, উক্ত রাসায়নিক তাপ ত্তি অল্পই উৎপন্ন হয়, এবং ইহা সঞ্চিত হইবার উপায় না থাকায় তাপ উৎপন্ন হইবামাত্রই মুক্তস্থানে বিকিরিত হইয়া অন্তর্হিত হয়, কাজেই এই সকল পদার্থদ্বারা অগ্নি উৎপন্ন হইতে দেখা যায় না। কিন্তু আবার এই সকল পদার্থই যদি অধিক পরিমাণে একত্রিত করিয়া মুক্ত বায়ুহীন স্থানে আবদ্ধ রাখা যায়, তাহা হইলে অগ্নি উৎপত্তির সর্বদাই আশঙ্কা করিতে পারা যায়, কারণ এই বদ্ধ স্থানে পুরোঁকিত রাসায়নিক কার্যের তাপ সঞ্চিত হইবার সুযোগ প্রবল। পরিচালন (conduction) ও বিকিরণাদি দ্বারা ইহার কোন অংশই নষ্ট হয় না, কাজেই সঞ্চিত তাপ দ্বারা পদার্থ সকল প্রজ্বলিত হইয়া উঠে। এই সকল কারণে আর্দ্র তুলা প্রভৃতি দ্বারা জাহাজ বা ক্ষুদ্র ক্ষুদ্র গৃহ সকল পরিপূর্ণ থাকিলে, প্রায়ই সহসা অগ্নি উৎপন্ন হইয়া, সকলই ভস্মসাৎ করিতে দেখা যায়; এতদ্ব্যতীত শস্তাগার সমূহে, ও রাশিকৃত তুণাদির গোলায়, ঠিক পুরোঁকিত প্রকারে অগ্নি উৎপন্ন হয় বলিয়া স্থিরীকৃত হইয়াছে। গ্রাম্য পাঠকপাঠিকাগণের মধ্যে অনেকেই দেখিয়া থাকিবেন, পুঞ্জীকৃত তুণাদির মধ্যে কোন প্রকারে জল প্রবিষ্ট হইলে, তুণ সকল অত্যন্ত উষ্ণ হইয়া পড়ে এবং তাহার পর শুষ্ক হইলে, সিক্ত তুণগুলি বিকৃত বর্ণ হইয়া, অর্ধ-দগ্ন পদার্থের-স্তায় কাল হইয়া যায়; বলা বাহুল্য আর্দ্রতাপ্রযুক্ত অক্সিজেনশোষণ ক্ষমতা বৃদ্ধি পাওয়ার তুণগুলি এই প্রকার বিকৃত অবস্থা প্রাপ্ত হয়। সুতরাং এই সকল পদার্থ জল সংযুক্ত হইলে, যথেষ্ট সতর্কতার সহিত শীঘ্র শুষ্ক না করাইলে বা বায়ু পরিচালনের উপযুক্ত উপায় বিধান না করিলে, ইহাই যে ভীষণ অগ্নিকাণ্ডের ও লোকের সর্বস্বান্তের কারণ হইবে তাহাতে আর আশ্চর্য কি? অগ্নিপত্তির এই সকল সাধারণ কারণ, অনেকের নিকটই অজ্ঞাত থাকায়, অকস্মাত শস্তাগার ও গোলাবাড়ি দগ্ন হইবার ঘটনা আমরা প্রায়ই প্রত্যক্ষ করিয়া থাকি; এবং অগ্নির অগ্ন কারণ নির্ণয় করিতে না পারিয়া নির্দোষ প্রতিবেশীগণকে জৈবিকাদি মহাদোষে ছুঁই করিয়া তাহাদিগকেই অনর্থক প্রকৃত কারণ ঠাওরাইয়া লই। যাহা হউক অগ্নিপত্তির এই সকল যথার্থ কারণগুলি উপেক্ষিত না হইয়া, যথাসময়ে সযত্নে নিরাকৃত হইলে যে, বিশেষ মঙ্গল হয় তাহাতে আর সন্দেহমাত্র নাই।

এতদ্ব্যতীত অনুসন্ধান দ্বারা আরও দেখা গিয়াছে, সাধারণ পাথুরিয়া কয়লার সহিত গন্ধক ও লৌহ মিশ্রিত (Magnetic pyrites) এক প্রকার খনিজ পদার্থ-মিশ্র থাকিলে, ইহার

অত্যাশ্চর্য্য অক্সিজেনশোষণ ক্ষমতা উৎপন্ন হয়, এমন কি কিছুদিন মুক্তবায়ুতে রাখিয়া দিলে ক্রমে বাষ্প শোষণ করিয়া ইহাকে স্বতই প্রজ্জ্বলিত হইতে দেখা যায়। বৈজ্ঞানিকগণ স্থির করিয়াছেন, এই ভয়ানক কয়লা, জাহাজের আকস্মিক অগ্নির অশ্রুতম কারণ; ইহা বাতীত তৈল ও তার্পিনসিক্ত কয়লা, কাঠচূর্ণ বা বদ্বখণ্ড, কখন কখন অগ্নির কারণ হয়।

বিদ্যুৎশক্তি ও আলোক।

আধুনিক বৈজ্ঞানিকগণ প্রায় সকল প্রাকৃতিক ব্যাপারেরই একটি না একটি সিদ্ধান্ত খাড়া করিতেছেন, এবং অনেক বিষয়ের একাধিক সিদ্ধান্তও আজ কাল বড় ছত্রাণ্য নয়, কিন্তু ছত্রাণ্য বশতঃ অনেক গবেষণার পরও, বৈদ্যুতিক ব্যাপারের কোনও সম্ভাব্যজনক সিদ্ধান্ত প্রতিষ্ঠিত হয় নাই। ঈথরের সহিত বিদ্যুতের একটি ঘনিষ্ঠ সম্বন্ধ আছে বলিয়া অনুমিত হওয়ায় ঈথরকেই বিদ্যুৎ জননের কারণ বলিয়া প্রমাণ করিবার জন্ত, বৈজ্ঞানিকগণ অনেকদিন অবধিই বিশেষ চেষ্টা করিয়া আসিতেছিলেন কিন্তু আশাহুরূপ ফল লাভে কৃতকার্য্য হন নাই। সম্প্রতি প্রোফেসর হার্টস অনেক চিন্তা ও গবেষণার পর, একই ঈথরের কম্পন ও আলোকের দ্বারা আলোক ও বিদ্যুৎ উভয়ই উৎপন্ন হয় বলিয়া সিদ্ধান্ত করিয়াছেন।

প্রসিদ্ধ বিজ্ঞানচার্য্য ফ্যারাডে, ঈথরের সহিত বিদ্যুৎক্রিয়ার কোনও বিশেষ সম্বন্ধ আছে বলিয়া অনুমান করেন; পরে অশ্রুতম দার্শনিক ম্যাক্সওয়েল ফ্যারাডের অনুমান সূক্ষ্মপূর্ণ ও সারগর্ভ বিবেচনা করিয়া, প্রশ্নটির সীমাংসার্থে, অনেকদিন অবধি নানা পরীক্ষায় নিযুক্ত ছিলেন, এবং অবশেষে ঈথর কণার কম্পন হইতেই আলোক ও বিদ্যুৎ উৎপন্ন হয়, এবং এই কম্পনজাত তরঙ্গের আকারের পার্থক্য (Difference in the waves lengths) বশতঃই দুইটি সম্পূর্ণ পৃথক ঘটনা পরিণত হয়, বলিয়া স্থির করিয়াছিলেন।

অধ্যাপক হার্টস তাঁহার পরীক্ষালব্ধ ঘটনাদ্বারা কোনও নূতন সত্য আবিষ্কারে কৃতকার্য্য হন নাই; ম্যাক্সওয়েলের প্রচারিত সিদ্ধান্তটি যে সম্পূর্ণ অশ্রুত এবং ইহার বিরুদ্ধে যে সকল আপত্তি উত্থাপিত হইয়াছিল, সেগুলি বাস্তবিকই যে ভিত্তিহীন ও অযৌক্তিক, তাহাই, আলোকের গতি পরিমাণ বিদ্যুতশক্তি পরিচালনের গতির সহিত অবিকল সমান দেখাইয়া এবং আরও অশ্রুত সহজ সাধ্য পরীক্ষাদির বিবরণ সর্বসমক্ষে উপস্থিত করিয়া প্রতিপন্ন করিয়াছেন মাত্র। যাহা হউক ম্যাক্সওয়েলের পদাঙ্কসরণ করিয়া, তদাবিস্কৃত সিদ্ধান্তটি যাহাতে প্রকৃত সিদ্ধান্ত পদবাচ্য হইতে পারে, ও যাহাতে সকল শ্রেণীর লোকই অসম্বুদ্ধিত চিত্তে এটিকে সত্য বলিয়া গ্রহণ করিতে পারে তাহার সুন্দর উপায় উদ্ভাবন করিয়া হার্টস সাহেব ম্যাক্সওয়েল অপেক্ষা কম ধন্যবাদের পাত্র হন নাই।

ঈথর তরঙ্গ হইতে আলোক ও তড়িৎ উৎপন্ন হয় প্রমাণ করিয়া হার্টস সাহেব বিদ্যুৎ

হইতে এক অভিনব উপায়ে আলোকোৎপাদন করিতে কৃতসংকল্প হইয়াছেন এবং ইহা কার্য্যে পরিণত করিবার জন্ত নানা আয়োজনও করিতেছেন। এই নূতন চেষ্টার দ্বারা তাঁহার স্বয়ং সর্বদেশেই ঘোষিত হইয়াছে, উদ্দেশ্য সিদ্ধি করিতে কৃতকার্য্য হইলে এই মহাশ্রম নাম যে চিরস্মরণীয় হইবে তাহাতে আর সন্দেহ নাই।

যখন একমাত্র ঈথরের কম্পন দ্বারা আলোক ও বিদ্যুৎ উৎপন্ন হইতেছে এবং ঈথরের বৈদ্যুতিক কম্পন অপেক্ষা আলোক জননকার্য্য কম্পন কিছু অল্প বলিয়াই যখন দুইটি সম্পূর্ণ বিভিন্ন শক্তির বিকাশ হইতেছে, তখন কোন প্রকার কৃত্রিম উপায়ে বৃহত্তর বৈদ্যুতিক তরঙ্গ-গুলিকে ক্ষুদ্রতর করিয়া আনিলে আলোকশক্তির পূর্ণ বিকাশ হইবে কি না—এই প্রশ্ন নইয়া হার্টস সাহেব অনেকদিন অবধি নানা পরীক্ষায় নিযুক্ত ছিলেন, এবং বিদ্যুৎশক্তিকে পূর্ণোক্ত উপায়ে আলোকশক্তিতে পরিণত করা সম্ভবপর ও সহজসাধ্য ব্যাপার বলিয়া সম্ভ্রতি স্থির করিয়াছেন, এবং তাঁহার এই অত্যুত আবিষ্কার সর্বসমক্ষে দেখাইবার জন্ত চেষ্টা করিতেছেন। যাহা হউক হার্টসের এই চেষ্টা ব্যর্থ না হইলে আধুনিক বিজ্ঞানের ইতিহাসে একটি অত্যাশ্চর্য্য ব্যাপার সংঘটিত হইবে।

পতঙ্গের বর্ণ বৈচিত্র্য।

অনেকদিন হইল নিকোলাস বাগনার নামক জর্মনক বৈজ্ঞানিক, পতঙ্গাদি জীবের বর্ণ বৈচিত্র্যের প্রকৃত কারণ অনুসন্ধানার্থে অনেক পরীক্ষা করিয়া অবশেষে এই বর্ণ বৈচিত্র্য জীবশরীরস্থ বিদ্যুৎপ্রবাহ দ্বারা সংঘটিত হয় বলিয়া স্থির করেন। আজ কাল সকল ব্যাপারই বিদ্যুৎমূলক বলিয়া প্রমাণ করা, বৈজ্ঞানিকগণের মধ্যে একটা ফ্যানসান হইয়া দাঁড়াইয়াছে দেখিয়া প্রথমতঃ ওয়াগনারের এই সিদ্ধান্তটি অনেকেই বৈজ্ঞানিকের একটি কল্পনা বলিয়া অনুমান করিয়াছিলেন। কিন্তু গত ১৮৮৫ অব্দে অ্যাকাডেমি অব সায়েন্স নামক বিজ্ঞানসভায় তিনি কয়েকটি ফড়িঙের দেহে বিদ্যুৎ প্রবাহ প্রবেশ দ্বারা স্বাভাবিক বর্ণ পরিবর্তন করাইয়া এ সন্দেহের অপনোদন করিয়াছেন।

ওয়াগনারের এই চেষ্টার পর অনেকদিন অবধি এই ব্যাপারটির প্রতি কাহারও দৃষ্টি আকর্ষিত হয় নাই, এবং কেহই বিষয়টির পুনরালোচনা করিতেও প্রয়াস পান নাই। সম্প্রতি কয়েকটি বৈজ্ঞানিক ইহার পুনঃপরীক্ষায় নিযুক্ত ছিলেন; ইহারাও পরীক্ষান্তে বাগনারের আবিষ্কার সম্পূর্ণ সত্য বলিয়া প্রচার করিয়াছেন, এবং বর্ণ বৈচিত্র্য ব্যাপারের কয়েকটি নূতন সত্যও আবিষ্কার করিয়াছেন। ইহারা বলেন, পতঙ্গগণের শারীরিক অবস্থাভেদে, তড়িৎ প্রবাহের তারতম্য ঘটে, এবং ইহা দ্বারা বর্ণ পরিবর্তন হয়। প্রজাপতি ইত্যাদি পতঙ্গের শরীরে গ্যালভানোমিটারের ছই তার সংযুক্ত করিয়া,

ইহাদের স্বাভাবিক বর্ণ পরিবর্তনকালে তড়িৎপ্রবাহের ভারতম্য লক্ষিত করিয়া বৈজ্ঞানিক-গণ তাঁহাদের কথার সত্যতা বেশ প্রমাণ করিয়াছেন, এবং পতঙ্গ শরীরে কৃত্রিম বিদ্যুৎ প্রবাহ প্রবিষ্ট করাইয়া প্রবাহের ভারতম্যানুসারে তাহাদের স্বাভাবিক বর্ণ পরিবর্তিত হইতে প্রত্যক্ষ করিয়া অপর উপায়ে ইহা সম্পূর্ণ সত্য বলিয়া প্রতিপন্ন করিয়াছেন। পতঙ্গশরীরের বর্ণবৈচিত্র্য সম্বন্ধে আজও অনেক রহস্য বর্তমান রহিয়াছে, বাগ্নার ও অপর কয়েকটি পণ্ডিতের এই অত্যাশ্চর্য্য আবিষ্কার দ্বারা উৎসাহিত হইয়া, আজকাল অনেক খ্যাতনামা বৈজ্ঞানিক এই রহস্যোৎসাহটনে প্রয়াস পাইতেছেন। তাঁহাদের চেষ্টা সফল হইলে বিজ্ঞান জগতের এক বিভাগের যে বিশেষ উন্নতি সাধিত হইবে তাহা বলা বাহুল্য মাত্র।

নূতন যৌবন।

নূতন যৌবন তবে—

আশা ফুটতেছে সবে,

সমস্ত হৃদয় ভরি বসন্তের সাড়া,

ঠোটে পথ-হারা হাসি,

নয়ন কিরণ রাশি,

শিরায় শোণিত-স্রোত মদিরার বাড়ি ;

চরণ চঞ্চল-গতি,

সরল বিশদ মতি,

আকাশ পৃথিবী, দেহ ইন্দ্রিয়, নবীন ;

রামধনু-কল্পনার

রাঙাইয়া চারি ধার

শুভ্রে বাস্তব করে, বাস্তবে মলিন,

গোলাপ বিজ্ঞান পায়—কণ্টক-বিহীন।

আকবরসাহের হিন্দুপ্রীতি।

দ্বিতীয় প্রস্তাব।

গতবারে আমরা কেবল আকবরের সময়ের হিন্দু রাজগণের কষ্ট-সংগৃহীত তালিকা দিয়াছি। এইবার হইতে তাঁহাদের সংক্ষিপ্ত জীবনী ও মোগল রাজত্বের সহিত তাঁহাদের ধারাবাহিক সম্বন্ধ ও কার্যপ্রণালী আলোচনা করিব। মুসলমানের লিখিত ইতিহাস হইতে মনের মত করিয়া হিন্দুর জীবনের ঘটনাবলী সংগ্রহ করা বড়ই কঠিন কাজ।* অজ্ঞতাবশতঃই হউক, বা ঈর্ষা, কিস্বা অথ কোম কুপ্রবৃত্তি চালিত হইয়াই হউক, তাঁহারা স্বজাতীয় ও স্বধর্ম্মী আর্মীর ওমরাহদের সম্বন্ধে যেরূপ বিশদবৃত্তান্ত লিপিবদ্ধ করিয়াছেন, বিধর্ম্মীদের সম্বন্ধে অধিকাংশ স্থলেই সেরূপ করেন নাই। “দশহাজারী মন্সবদার” মোগল সাম্রাজ্যের সর্বশ্রেষ্ঠ পদবী। বাদসাহের জ্যেষ্ঠ পুত্র বিনি সিংহাসনের অধিকারী তিনিই এই গৌরবান্বিত পদের উপযুক্ত ব্যক্তি। তার নীচে “আটহাজারী” “সাতহাজারী,” ইহা অশ্রু রাজকুমারদিগের প্রাপ্য। আকবরের সময়ে, সাহজাদা সুলতান সেলিম, দশহাজারী ও সাহজাদা সুরাদ ও দানিয়েল যথাক্রমে আট ও সাতহাজারী মন্সবদারের পদে প্রতিষ্ঠিত ছিলেন।

সাত হাজারের নীচে সর্বশ্রেষ্ঠ পদ পাঁচহাজারী মন্সবদার। এই পদে থাকিয়া সাম্রাজ্যের পৌত্রগণ যুদ্ধ বিজ্ঞার শিক্ষানবিশী করিতেন। রাজ্যের প্রধান সেনানী ও মন্ত্রী এই পাঁচহাজারীর মধ্য হইতে নির্বাচিত হইত।

সর্বশ্রেষ্ঠ মন্সবদারেরা এক এক স্থবার শাসনভার পাইতেন। বাঙ্গলা, বিহার, উড়িষ্যা,

* “আকবর নামা” “তুজুক-ই-ই-জাহাঙ্গিরী” “তবকাৎ-ই-আকবরী”। বনৌদির গ্রন্থ হইতে বর্তমান প্রস্তাবের সমস্ত উপকরণ সংগৃহীত হইবে। মুসলমানে হিন্দু ওমরাহগণের সম্বন্ধে কিরূপ মত প্রকাশ করিয়াছেন, তাহাদের জীবনের অশুভল ঘটনাবলী কিরূপ বিশৃঙ্খলভাবে চিত্রিত করিয়াছেন, তাহারও প্রকৃত পরিচয় পাওয়া যাইবে।

কাবুল প্রভৃতি এক একটা স্রবায় সর্ববিষয়ে শাসন কর্তৃক পাইয়া তাঁহার বাদসাহের নিম্নেই কর্তৃত্ব উপভোগ করিতেন। ইহাদিগকে প্রথমে “সিপাহি-সালার” বলা হইত, তৎপরে ইহার “সাহেব-স্রবা” ও ক্রমশঃ “স্রবাদার” এই নামে পরিচিত হইয়া পড়িতেন।

মস্‌বদারেরা বেতন ব্যতীত, পদমর্যাদার উপযুক্ত জায়গীরাদি পাইতেন। দেশীয় রাজত্ববর্গ যদিও এই প্রকার জায়গীরাদি ব্যবহার বা তাহার স্বত্ব ভোগ করিতেন না, তথাপি নিয়মমত সরকার হইতে ইহার সনন্দ লইয়া অধীনস্থ লোকদিগের মধ্যে বিভাগ করিয়া দিতেন। পদ পরিবর্তনের বা কর্মচ্যুতির সঙ্গে সম্রাট প্রদত্ত এই সমস্ত সম্পত্তি হস্ত পরিবর্তন করিত।

মস্‌বদারেরা কখন কখন বা রাজ্য মধ্যে সামরিক ও দেওয়ানী উভয়বিধ শাসন ক্ষমতা পরিচালন করিতেন, আবার কখনও বা সমরক্ষেত্রে বাদসাহের পৃষ্ঠপোষক প্রধান সেনাপতিরূপে বাহিনীদল পরিচালনা করিতেন। প্রতি বৎসরে একটা নিয়মিত সময়ে মস্‌বদার নির্ধারিত হইত।

“আকবর নামা” হইতে দেখিতে পাওয়া যায় দেশীয় হিন্দুস্থানী মুসলমানেরা সম্রাটদিগের বিশেষ বিশ্বাসভাজন ছিলেন না। মস্‌বদার শ্রেণীর মধ্যে তাঁহাদের ছই চার জনের নাম পাওয়া যায়। ইহাদের মধ্যে অধিকাংশই ইরানী, তুরানী ও বৈদেশিক পাঠান। আফগানের দলই কিছু বেশী। সাধারণ সৈন্তশ্রেণীও ঐরূপে নির্ধারিত। আকবরের সময়ে চারিশত পনের জন মস্‌বদারের মধ্যে আমরা ৫৫জন হিন্দুর নাম দেখিতে পাই; এবং আকবরের সময়ে হিন্দু মস্‌বদারের অনেকেই উচ্চশ্রেণীতে উন্নীত হইয়াছিলেন। কিন্তু সাহজাহানের সময়ে ইহার বিপরীত দেখা যায়। সাহজাহানের রাজত্বের বিংশ বৎসরে দ্বাদশজন পাঁচহাজারী মস্‌বদারের মধ্যে একজনও হিন্দু ছিলেন না। ইহাতে আশ্চর্য্য হইবার কিছুই নাই। কারণ আকবর যে নীতি চালিত হইয়া অধিক পরিমাণে হিন্দু নিয়োগ করিতেন, সাহজাহান হিন্দু রাজার গর্ভ সজ্জ হইয়াও তাহার বিপরীত নীতির অনুসরণ করিয়াছিলেন।

এক কথায় উচ্চশ্রেণীর মস্‌বদারেরা সম্রাটের দক্ষিণহস্ত স্বরূপ ছিলেন। কি সামরিক ক্ষমতায় কি রাজকার্য পরিচালনে সকল বিষয়েই তাঁহার সম্রাটের প্রধান সহায় ছিলেন। তাঁহার পদমর্যাদার অনুযায়ী বেতন পাইতেন, এতদহরূপ জীবন যাত্রা নির্বাহ করিতেন, কৃতিত্ব দেখাইলে সঙ্গের পুরস্কার পাইতেন, বিশ্বাসঘাতকতায় দণ্ডিত হইতেন। মস্‌বদারী পদের সৃষ্টি করিয়া সামরিক বিভাগ নিজ হস্তে কেন্দ্রীকৃত না করিলে আকবরসাহ বোধ হয় অত নীচ মোগল সাম্রাজ্যের ভিত্তি সূদৃঢ় করিতে পারিতেন না।

ইংরাজ রাজত্বের পদস্থ শাসন বিভাগীয় ও সৈনিক কর্মচারীদিগের সহিত তৎকালীন মস্‌বদারদিগের অবস্থার যে বিশেষ বিভিন্নতা ছিল, তাহার প্রমাণ জন্ত আমরা নিম্নলিখিত তালিকাটি প্রস্তুত করিয়া দিলাম।

পদমর্যাদা	উৎকৃষ্ট অশ	উৎকৃষ্ট হস্তী	ভারবাহী গজ	মাসিক বেতন		
				১ম শ্রেণী টাকা	২য় শ্রেণী টাকা	৩য় শ্রেণী টাকা
১০০০০	৭০০	২০০	৫২০	৬০০০০
৮০০০	৫০০	১৬০	৪২৪	৫০০০০
৭০০০	৩৯২	১৪০	৩৬৭	৪৫০০০
৫০০০	৩৪০	১১০	২৬০	৩০০০০	২৯০০০	২৮০০০
৪২০০	৩০০	৯৮	২৫৩	২৭৬০০	২৭৪০০	২৭৩০০
৩০০০	২৪০	৭০	১৬৪	১৭০০০	১৬৮০০	১৬৭০০
২০০০	১৫০	৪০	১৩৭	১২০০০	১১৯০০	১১৮০০
১০০০	১০৪	২৪	৬৭	৮২০০	৮১০০	৮০০০
৫০০	৩০	১২	২৭	২৫০০	২৩০০	২১০০
২৫০	১৪	৬	১১	১১৫০	১১০০	১০০০
২০০	১২	৬	১০	৯৭৫	৯৫০	৯০০
১০০	১০	৩	৭	৭০০	৬০০	৫০০
৫০	৭	২	৩	২৫০	২৪০	২৩০
২০	৫	২	২	১৩৫	১২৫	১১৫
১০	৪	১০০	৮২ই	৭৫

প্রত্যেক মস্‌বদারের অধীনে নিয়মিত সংখ্যক পদাতিক থাকিত। পদ-মর্যাদার গুরুত্ব ও লঘুত্ব অনুসারে সেই সকল পদাতিকও অশ্বারোহী এবং গোলন্দাজ সৈন্ত চালনা করিতেন। মস্‌বদারের অধীনস্থ হস্তী ও অশ্বাদি সম্রাটের হস্তী ও অশ্বশালায় রক্ষিত হইত।*

* আকবরের হস্তী ও অশ্বশালায় বন্দোবস্ত অতি সুন্দর ছিল। এতৎ সম্বন্ধে সমস্ত কথা বলিতে গেলে একটা স্বতন্ত্র প্রবন্ধ হইয়া পড়ে। মোটের উপর দুই চারিটা কথা বোধ হয় অপ্রাসঙ্গিক হইবে না ও পাঠকগণের তাহাতে বিরক্তির কোনও সম্ভাবনা নাই। এ সম্বন্ধে আকবর নামার গ্রন্থকার যাহা বলিয়াছেন, তাহা এই—“হিন্দুদিগের শাস্ত্রে এক কিম্বদন্তী আছে যে অষ্ট দিক (?) আটটা হস্তীর দ্বারা সুরক্ষিত হইতেছে। ইহাদের মধ্যে,—১ ঐরাবত পূর্বদিকে, ২ পুণ্ডরীক দক্ষিণপূর্বে, ৩ বামন দক্ষিণে, ৪ কুমার দক্ষিণপশ্চিমে, ৫ অঙ্গন পূর্বে, ৬ পুষ্পদণ্ড উত্তরপশ্চিমে, ৭ সার্কভৌম উত্তরে, ৮ সূপ্রতীক উত্তরপূর্বে অবস্থান করিতেছে। ভূমণ্ডলের সমস্ত হস্তী এই অষ্ট গজের বংশোদ্ভব। খেতচর্ম ও খেতকাং হস্তী ঐরাবতের; বৃহৎমুদ্রা দীর্ঘকেশ

বিহারীমল কছওয়ান। রাজপুত রাজাদিগের মধ্যে অম্বররাজ বিহারিমল সর্ব-প্রথমে আকবরের সহিত সাংসারিক সম্বন্ধে প্রবিষ্ট হন। আকবরের রাজত্বের প্রথম বৎসর অতীত হইয়াছে এই সময়ে তিনি সখ্যতা করণার্থে রাজা বিহারী মলকে দিল্লীতে আহ্বান করিয়া পাঠান। রাজা তাঁহার পুত্র তগবান দাস ও পৌত্র মানসিংহকে লইয়া সম্রাটের সহিত সখ্যতাবন্ধনে আবদ্ধ হন।

বিহারী মল তবে কি ক্ষীণহস্তে তরবারি ধারণ করিতেন? রাজপুতের পবিত্র শোণিত তবে কি তাঁহার শিরায় শিরায় মন্দীভূত তেজে বহিতেছিল? তিনি যে সহজে পূর্ব পুরুষের বীরত্বকাহিনীময় জলন্ত গাথা ভুলিয়া গিয়া তুর্কীয় বস্ত্র-প্রাপ্ত চূষন করিলেন, তাহাতে কি তাঁহার হীনবীর্যতা ও মোগলভীতি প্রকাশিত হইয়াছে? না তাহা নহে; রাজা বিহারীমল

পদ্মবয় উম্মুক্ত সাহসী ও ভীষণ দর্শনহস্তী পুওরীকের; সূদৃশ কৃষ্ণবর্ণ উন্নতপৃষ্ঠ হস্তী বামনের; দীর্ঘকায় অশাণ্ড ক্ষুদ্রকেশ কৃষ্ণ বা লোহিত চক্ষু বিশিষ্ট হস্তীগণ কুমারের; কৃষ্ণাঙ্কল-পৃষ্ঠ দীর্ঘদন্ত শ্বেতবক্ষ ও খেতোর দীর্ঘ অথচ স্থূলপাদ হস্তী অঞ্জনের; ক্ষুদ্রকর্ণ দীর্ঘশ্রু ও ভীষণদর্শন হস্তী পুষ্পদণ্ডের; ক্ষীণোদর লোহিত চক্ষু দীর্ঘশ্রু ও হস্তী সার্কভোমের এবং এই সপ্তবিধ গুণের একত্র সমীকরণবিশিষ্ট হস্তী হস্তীকৈর বংশোদ্ভব।

লোকের মনে আগে একুণ কুমস্কার ছিল যে হস্তী পালন করিলে সংসারের অমঙ্গল হইয়া থাকে। কিন্তু মহাজ্ঞানী সম্রাট আকবরের সময়ে তাঁহার দৃষ্টান্ত দেখিয়া সকলে সেই কুমস্কার পরিত্যাগ করিয়াছিল। এক একটী হস্তীর মূল্য গুণানুসারে এক লক্ষ হইতে শত মুদ্রা পর্যন্ত নির্দিষ্ট হইত।

সম্রাটের হস্তীশালায় চারি প্রকারের হস্তী থাকিত। প্রথম শ্রেণী—“ভদ্র”; দ্বিতীয় শ্রেণী—“মঙ্গ”; তৃতীয় “মৃগ” ও চতুর্থ “নীর” জাতীয় ছিল। “ভদ্র” হস্তী, সাহসী সমরকুশল স্থগঠনশালী দীর্ঘবক্ষ দীর্ঘকর্ণ ও পরিশ্রম সহিষ্ণু হইত। ইহাদের মস্তকের অভ্যন্তরে এক প্রকার মাণিকা পাওয়া যাইত যাহাকে “গজমানিক” বলে। “মঙ্গ”—কৃষ্ণকায় পীত চক্ষু স্থগঠিত শরীরবিশিষ্ট বৃদ্ধ ও অদম্য। ইহারাও সমরের সহায়তা করিত। “মৃগের” শরীরের চর্ম খেতাব এবং কৃষ্ণবর্ণের চিত্তাবিশিষ্ট, চক্ষের বর্ণ পীত লোহিত ও কৃষ্ণশুক্ল বর্ণের সংমিশ্রণ। “নীর” ক্ষুদ্রমূর্ধা সহজেই বশীভূত হয় কিন্তু বজ্রের শব্দে বড় চমকিত হইয়া উঠে।

এই চারি জাতীয় হস্তীর সংমিশ্রণে নূতন শ্রেণীর হস্তী উৎপাদন করা হইত। হিন্দুরা সহ, রজঃ, তনু, তিনটা গুণের উল্লেখ করিয়াছেন। বাদসাহ হস্তীদিগকে এই তিনটা গুণের অবতার স্বরূপ বিবেচনা করিতেন। সহগুণবিশিষ্ট হস্তী সূদৃশ স্বল্পাহারী প্রশান্তগুণবিশিষ্ট আজাসহ এবং হস্তিনীসংসর্গবিমুখ; রজঃগুণবিশিষ্ট হস্তী ভীষণদর্শন মদগর্ভিত সাহসী অশান্ত। শেযোক্ত অর্থাৎ তমোগুণবিশিষ্ট হস্তী স্বেচ্ছাপরায়ণ নিস্রাণী কক্ষম এবং ক্রোধশীল।

যুদ্ধার্থে ব্যতীত হস্তী অত্যাধ ব্যবহারেও লাগিত। বাদসাহ তাহাদিগকে সঙ্গীতের তালে তালে নৃত্য করিতে শিখাইতেন। যন্ত্রের তালে তালেও তাহারা নৃত্য করিতে শিখিত। ধনুক হইতে তীর নিক্ষেপ, কামানছোড়া, ভূমিতল হইতে ক্ষুদ্রতম বস্ত্র উত্তোলন ইত্যাদি অসম্ভব কাব্যেও তাহারা পটু ছিল। মাহেক্ষে প্রতি তাহারা এত অমুরক্ত হইত যে ঘাসের আঁটা খাইতে দিলে তাহা মুখের মধ্যে নুকাইয়া রাখিয়া নিজের মাহতকে দিত।

পাচ বৎসর বয়স পর্যন্ত হস্তীশিশু মাতৃসুত পান করিত। এই সময়ে ইহাদের আখ্যা “বাহুহস্তী”

মৌখিক প্রীতি ও সম্মান দেখাইলেও মনে মনে মোগলকে ঘৃণা করিতেন। কিন্তু কতকগুলি কারণে তিনি অগত্যা সম্রাটের সহায়তাপ্রার্থী হন। তারপর সম্পূর্ণরূপে সম্রাটের সহিত একত্রীভূত হইবার ইচ্ছা না থাকিলেও আকবর হীয় উদার স্বভাবে তাঁহাকে আপনান্ন করিয়া তোলেন।

আকবরের বন্ধুত্বপূর্ণ আহ্বান তিনি সহজেই প্রত্যাখান করিতে পারিতেন, কিন্তু তাহা করিয়াই বা ফল কি? তাঁহার ক্ষুদ্র অম্বর রাজ্য তখন স্বজাতীয় শত্রুর আক্রমণে ব্যতিব্যস্ত ও ছিন্ন ভিন্ন, অত্যাধ রাজপুত ভূপতি ও সামন্তগণ দিল্লী হইতে অনেক দূরে, তাঁহারা মোগলের ক্ষীণতেজ দেখিয়া অধীনতা পাশ ছিন্ন করিবার চেষ্টায় ছিলেন। কিন্তু বিহারী মলের পক্ষে সেরূপ কোন সম্ভাবনা ছিল না। দিল্লীর অত সান্নিধ্যে থাকিয়া সেই প্রভূত প্রতাপ, যুবক বাদসাহের সহিত প্রতিযোগিতা করা ক্ষুদ্র অম্বররাজের সম্ভবপর নহে বলিয়া, তিনি গোরবজনক বন্ধুত্ব আহ্বানে আকবরকে আসিয়া আশ্রয় করিলেন।

আকবর তখন আদিলশার প্রধান হিন্দু সেনানী হিমুকে পরাজিত করিয়া নিজ শিবিরে বিশ্রাম করিতেছিলেন, সেই সময়ে বিহারী মল সর্বপ্রথমে তাঁহার সহিত সাক্ষাৎ করেন। দিল্লীর সৈন্যবাসে তখনও রণরঙ্গের উন্নত ভাব তিরোহিত হয় নাই। জয়োন্মাসবিকৃত সৈনিকের উচ্চ মস্তিষ্ক হইতে তখনও যুদ্ধ বাসনা তিরোহিত হয় নাই। আকবরের শিবিরে একটা বীরত্বের মহা আক্ষালন পড়িয়া গিয়াছে। সৈনিকেরা তরবারি লইয়া তখনও পরস্পরে আমোদ প্রমোদ স্বরূপে আপনান্ন আপনান্ন কসরৎ দেখাইতেছে। বিহারী মল শিবিরেব এক প্রান্তে এই গোলযোগের সময় উপস্থিত হইয়া দেখিলেন এক সুসজ্জিত কাব্য, সৌম্যমুষ্টি যুবক এক সুবিশাল উন্নত হস্তীর উপর বসিয়া তাহাকে অক্ষুশাঘাতে অবনত করিবার চেষ্টা করিতেছেন। সেই বিপুলকার মাতঙ্গরাজ কিছতেই অবনত হইবে না বা আজ্ঞাপালন করিবে না কিন্তু তাহার আরোহীও আবার তাহার অপেক্ষা দৃঢ়প্রতিজ্ঞ। সর্বশেষে আরোহীরই জয় হইল। মত্তমাতঙ্গ আরোহীর উত্তম ও মহাশক্তির নিম্নে অবনত হইল। বিহারী মল এই যুবককে চিনিতেন না, কিন্তু তাহার এই দৃঢ়প্রতিজ্ঞাময়, শক্তি সঞ্চালনী ক্ষমতা দেখিয়া তাঁহার অন্তরস্থ তেজের পরিচয় পাইলেন। যুবক হস্তী হইতে অবতরণ করিয়া, বিনয়ের সহিত নিজের পরিচয় দিয়া, তাঁহাকে হাত ধরিয়া শিবির মধ্যে লইয়া গেলেন।

দশ বৎসর বয়সে ইহাদের নাম “পুত,” বিশ বৎসরে “বিক্রা” এবং ত্রিশ বৎসরে “কলবা”। স্বা আগরা, নারওয়ার, ইলাহাবাদ, (আলাহাবাদ) গোড়াঘাট রতনপুর, নন্দনপুর, মালওয়া, চন্দোরী, বিজাপুর, রেচিস্ চারণও ও বাঙ্গলা স্ববার সপ্তগ্রামে (হগলী) বিস্তর হস্তী সংগৃহীত হইয়া সম্রাট দরবারে বিক্রীত হইত।

হস্তীর সেবার রূপ বাদসাহ ভূম্মা ও মাতত বন্দোবস্ত করিয়া দিতেন। হস্তীর রক্ষার জন্ত “হালকা” আখাধারী সেনাদল গঠিত হইয়াছিল। ইহাদের অধ্যক্ষ একজন ফৌজদার। ফৌজদারেরা হস্তীদিগকে যুদ্ধকুশল বলিষ্ঠ সাহসী ও শিক্ষিত করিতেন। তাহাদের আহার ও শ্রমের বন্দোবস্ত করিতেন। প্রত্যেক হস্তীর স্ববহার উন্নতি ও শিক্ষার দৃষ্টিতে তাহাকে সম্রাটের নিকট এতলা করিতে হইত।

অধররাজ পূর্বে আকবরকে দেখেন নাই। এই অবাধ্য বিদ্রোহী হস্তী দমনকারী পুরুষকে আকবর জানিয়া তিনি তাঁহার গুণের ও শৌর্যবীর্যের পক্ষপাতী হইয়া উঠিলেন।

বীরের সহিত বীরের সন্মিলন হইল। যে যুবক একাকী এক মত্তমাতঙ্গকে অস্থূশাঘাতে পদানত করিতে পারে, সে যে অগণ্যবাহিনী লইয়া হিন্দুস্থান পদানত করিবে তাহার আর আশ্চর্য কি? অধররাজ ও আকবরের মধ্যে শীঘ্র বন্ধুত্ব জন্মিল। সেই বন্ধুতার ও প্রীতির পরিণাম স্বরূপে আকবর সাহ তাঁহার কন্যাকে বিবাহ করিলেন।*

বিহারী মল্ল “কছওয়ান” শ্রেণীভুক্ত রাজপুত্র। কছওয়ানগণ—“রাজাবৎ” ও “টেকোবৎ” এই দুই শ্রেণী বিভক্ত। অধর ইহাদের মাতৃভূমি। ১৬৭ খৃঃ অব্দে ধোলা রায় অধর স্থাপন করেন। বিহারী মল্ল, ধোলা হইতে অষ্টাদশ পুরুষ। জয়পুরের বর্তমান মহারাজা ধোলা রায় হইতে চতুঃত্রিংশ পুরুষ।

বিহারী মল্লের—চারি ভাই ছিল। (১) পুরাণ মল্ল, (২) রূপসী (৩) আঙ্কারণ, (৪) জয়মল্ল। বিহারী মল্ল পুরাণ মল্লের কনিষ্ঠ।

রূপসী—আকবরের রাজত্বের ষষ্ঠ বর্ষে তাঁহার সহিত পরিচিত হন। রূপসী দেড় হাজার মসবদার ছিলেন। রূপসীর পুত্র জয়মল্ল আজমীর ও মীরাতার থানাদার ছিলেন। পতন ও আহাঙ্গদাবাদের যুদ্ধে তিনি বাদসাহের সহচর হইয়া মহা বীরত্ব প্রকাশ করেন। আকবর উহাকে একবার বঙ্গদেশে তাঁহার প্রতিনিধি স্বরূপ পাঠাইয়া দেন। কিন্তু বৌদা পর্যন্ত পৌছিয়া তিনি অর রোগে প্রাণ ত্যাগ করেন।

উদয়পুরের “মোটারাজার” কন্যাকে জয়মল্ল বিবাহ করেন। পতির মৃত্যুর পর তিনি সহমরণে যাইতে অস্বীকৃতা হওয়ায়, উহার গর্ভজাত সন্তান উদয়সিংহ তাঁহাকে পীড়ন করেন। আকবর এই সংবাদ অবগত হইয়া স্বয়ং কার্য ক্ষেত্রে উপস্থিত হইয়া তাঁহাকে উদ্ধার করিলেন।

জয়মল্লের বর্ষ একটা বিখ্যাত দ্রব্য। এতাদৃশ ভার বিশিষ্ট বর্ষ তৎকালীন কোন রাজপুত্রেরই ছিলনা। জয় মল্লের মৃত্যুর পর আকবর সেই বর্ষ মালদেবের পৌত্রকে প্রদান করায় রূপসীর সহিত তাহার মনোবিবাদ উপস্থিত হয়।

আঙ্কারণ—সম্বন্ধে বৃত্তান্ত অতি সামান্য রূপে লিপিবদ্ধ হইয়াছে। তিনি তিনহাজারী মসবদার ছিলেন। ঝান্সির নিকট, উরচাধিপতি মধুকরের বিরুদ্ধে তিনি সম্রাট কর্তৃক প্রেরিত হন। আকবরের ২৫ বৎসর বয়সে বেহারে তিনি টোডর মল্লের অধীনে কার্য করিয়াছিলেন, তার পর আগরার সুবাদারি করেন। ইহার পুত্র রাজসিংহ পিতার মৃত্যুর

* বিহারীমল্লের কন্যা যে জাহাঙ্গীরের গর্ভধারিণী এ সম্বন্ধে মতভেদ দৃষ্ট হয়। জাহাঙ্গীর যে হিন্দু রমণীর গর্ভ সন্তত ইহার এক প্রমাণ এই, তিনি নিজ জীবনবৃত্তান্তে সকলের কথাই বলিয়াছেন কিন্তু মাতৃ নামোপেণ করেন নাই।

পর রাজসাহ সরকার হইতে রাজা উপাধি প্রাপ্ত হন। আকবরের রাজত্বের চতুঃচত্বারিংশ বৎসরে ইনি গোয়ালিয়রের শাসনকর্তা নিযুক্ত হন। তৎপরবৎসর আকবরের অধীনে আমীর দুর্গ অবরোধ করেন। ইহার দুই বৎসর পরে সুলতান সেলিম বীরসিং দেউ বন্দেলার সাহায্যে আবুল ফজলকে নিহত করেন। আকবর রাজসিংহকে, রায়রায়া পাত্রদাসের সহিত বন্দেলার দমনার্থে পাঠান। পরিশেষে সূখ্যাতির সহিত কার্য করিয়া ইনি চারি হাজার মসবদারীতে উন্নীত হন। জাহাঙ্গীরের রাজত্বের তৃতীয় বৎসর দক্ষিণাত্যে, যুদ্ধক্ষেত্রে প্রাণ ত্যাগ করেন।

জয়মল্ল—সম্বন্ধেও বিশেষ বৃত্তান্ত কিছু নাই। কেবলমাত্র তিনি আকবরের রাজত্বের অষ্টাদশ বর্ষে পতন ও আহাঙ্গদাবাদে যুদ্ধযাত্রা করেন। তৎপুত্র কাঙ্গার রাজা বিহারী মল্লের সহিত আগরার রাজসভাতেই থাকিতেন, ইব্রাহিম হোসেন দিল্লী আক্রমণ করিলে কাঙ্গার তৎবিরুদ্ধে প্রেরিত হইলেন। তারপর আকবরের রাজত্বের অষ্টাদশ বর্ষে পতনে যুদ্ধযাত্রা করেন। মহারাণা প্রতাপসিংহের বিরুদ্ধে যুদ্ধযাত্রাকালীন ইনি রাজা মানসিংহের অধীনে যাত্রা করিয়াছিলেন। শেষকালে সাহাবাজ খাঁর অধীনে তিনি বঙ্গদেশে সুবাদারী করিয়াছিলেন। ইনি এক হাজারী মসবদার ছিলেন।

(ক্রমশঃ)

গোলাপি কাণ্ডারি।

“কাণ্ডারি” বলায় অনেকে উপহাস করিবেন। আজকাল ক্রিটিকের ত অভাব নাই। বাজে আওয়াজে লিটারারি গড়েরমাঠ সতত খরহরি কল্পিত। ওরিজিছালিটি বেচারি একদম কোণ্ঠেসা। তবে মাকে মাকে মাথা নাড়িয়া হুমকি দেখাইয়া থাকে বটে। ফলে মুখে আর ‘টু’ শব্দটিও নাই। পাছে দোদুপ্রতাপ সমালোচক বাবাজীরা মনে করেন আমি হিন্দু জানি না, কথটা কর্ণকুহরে প্রবেশ করিয়া যথোচিত হৃদয়ঙ্গম হয় নাই, ডিসক্রিমিনেশন অভাবে একপ বিদ্ভাট ঘটয়াছে, তাই ফাঁকতালে একটু আত্মগরিমা করিলাম। আমি হিন্দু বিলক্ষণ জানি ও বুঝি। শুধু শুনিতে বুঝিতে পারি এমন নয় অনায়াসে অনর্গল বলিতেও পারি। তবে অ্যানি বেশান্ত যেমন ইংরাজী বলেন, তেমন না হইলেও অনেক কথা পেসাদার অপেক্ষা ভাল পারি। কখন তানপুরা লইয়া গলা সাধি নাই, তাই এখনও এখানে হাঁ করিয়া বসিয়া আছি; নতুবা এতদিন কবে একটা বিটকেল বক্তার হইয়া বিলাতে বা আমেরিকায় রওনি হইতাম। বাহা ইউক “কাণ্ডারি” কথটা আমি জানিয়া শুনিয়া সুস্থ শরীরে ও খোবতবিয়তে লিখিয়াছি এবং লিখিবারও যথেষ্ট কারণ আছে।

প্রত্নকল্পনন্দিনী।

আগে আমার নূতন নূতন সকলি ভাল লাগিত। এমন কি, প্রায়ই দিবসের নূতন পরিচ্ছেদে মোড়া থাকিতাম। নূতন কলাই, নূতন আলু, নূতন পটল, নূতন বেগুন, নূতন কোপি প্রভৃতিতে একপ্রকার মজিয়া ছিলাম। শুদ্ধ নূতন চাউল বরদাস্ত হইত না বলিয়া দুঃখের সীমা থাকিত না। এখন কিন্তু আর আমার সে মতি নাই। এখন প্রাচীন আমার প্রাণ। কেহ “নবজীবন” বলিলে রাগে সমস্ত শরীরের রক্ত ফুটিতে থাকে। একখানি প্রাচীন ইষ্টকখণ্ড পাইলে সর্কদা বুকে করিয়া পড়িয়া থাকি। একটা পুরাতন আমকাঠের সিন্দুক দেখিলে হৃদয়ে স্ময়সমুদ্র তরঙ্গিত হইয়া উঠে এবং ভাব-গদগদ-চক্ষে লবণাসু গড়াইয়া বক্ষ ভাসিয়া যায়। নূতন কথা যেন কাণে বজ্রাঘাতের মত বোধ হয়। নূতন সামগ্রী চক্ষের শূল। তাই নিত্য অনিত্য নূতন কাপড় ছিঁড়িয়া তালি লাগাই এবং যাহাতে পুরাতন দেখায় বিধিমেতে তাহাই চেষ্টা করিয়া থাকি। নূতন বাড়ীতে সদাই কত কি কেরামতী করি, এবং জরাজীর্ণ দেখাইবার জন্ত আটের বাকি রাখি না। উঠিতে নামিতে পড়িয়া হাত পা ভাঙ্গিবার ভয় সবেও প্রাচীন ছুরোরোহ অক্ষুণ্ণ সিঁড়ি পাইলে মহানন্দের সহিত বারম্বার উঠা নাবা করি। কলিকাতার পয়োনালি স্বরূপ অপার প্রাচীন চিংপুর রোডেনানা বিয় বিপত্তির আশঙ্কা অবহেলা করিয়া বিনা কারণে অবলীলাক্রমে দশবার গমনাগমন করি; কিন্তু সাংঘাতিক আবশ্যক হইলেও নূতন হারিসেন রোডের মুখাবলোকন করি না। বলিতে কি অনেক সময় প্রাণের মমতা পরিত্যাগ করিয়া নিঃশব্দে প্রাচীন কাঁটারূপ বটিকা করিয়া থাকি।

ইচ্ছা হয়, করেকটা নূতন কথা গঙ্গা পার করিয়া দিয়া আসি। জানি না কি দুঃখে, কোন অভাবে, লোকে, কৃতবিদ্য লোকে—এ কথাগুলোকে জিহ্বাগ্রে প্রশ্ন দেয়। দেশহিতৈষীতা, বাগ্মিতা, তাড়িত্বাভী, ব্যোমযান, ল্যাম্প, রেলের গাড়ি, কনগ্রেস, জুরি-নোটফিকেশন, টেলিফোন, ফনোগ্রাফ প্রভৃতি ভজকট কথা কেন্ আস্বাদে লোকে মুখে আনে? আমার জে শুনিবামাত্র জ্বর আইসে এবং প্রকৃত গাত্রদাহ উপস্থিত হয়। যদি বেলাডেন্ হত্যার মামলার মত এ কথাগুলার বিচার ভার আমার হাতে থাকিত ত দেখিতাম কেমন করিয়া কাঁসি ছিঁড়িত। মুড়ুলি, বাজে বকা, উডো খবর, পক্ষীরাজ ঘোড়া, দেউচী, দেকোঁ, একা, একজাই, সোণার চ্যাংড়া, চকা, ফুসুম প্রভৃতি কথার শরীর রোমাঞ্চ হইয়া উঠে। ভুকো ভুলোর কবি, ফক্রে ধোবার পাঁচালি, সম্যাদী মররার তুকো, কাঙ্গলা বিশ্বের ঝুমুরে যে রস ছিল তাহা কি আর গিয়েটর, সখের যাত্রা, সার্কাস, ঘোড়দৌড়, একজিবিসন, টাউনহল বক্তৃতায় কখনও পাই-বার যো আছে? মনে হয় লোকে চুঁচুড়ারসু হারাইয়া কি স্নেহে ধাচিয়া আছে। নূতন ভারতে,

শিক্ষিত ভারতে, আজ কি আছে যে তাহার সহিত তুলনা হইতে পারে? লেভিতে, ছোট বড় লাটসভার, খৃষ্টীয় হরিসংকীর্ণনে কি সে আনন্দের সিকি পাওয়া যায়?

আর অধিক কি বলিব? মনে হইলে বুক ফাটিয়া যায়। ছোটবড় লাটসভায় যে টুকু বা স্নেহ ছিল, তার তো এখন আর অর্ধেকও নাই। নাস্তিক ব্রাডলো কটা দেশীয় অকাল কুয়াণ্ডের সংযোগে আমাদের সে স্নেহে ত কাঁটা দিয়াছে। ইচ্ছা হয়, এ কজন বেন-জীর-বদরে-মেনেকে দারুণ গ্রীষ্মকালে তৃতীয় শ্রেণীর রেল গাড়িতে বোঝাই দিয়া একদম হরিষার চালান করি এবং ভাঙা-কুঁজা-কাঁধে পানিপাঁড়ে যেন সর্কত্র মেঘনাদের মত অন্তরীক্ষে থাকিয়া কটাক্ষ বণ বর্ষণ করে। চড়ক গাজন তো আর নাই। একটা বৃহৎ প্রাচীন পার্ক একবারে লুপ্ত হইয়া গেল! তখন যে কত ধর্মপরায়েণের স্মৃধুর মধুসানে গৃহদেশ চুলকাইয়া উঠিত তাহা কে গণনা করিতে পারে? কালের কি কুটিল গতি! কালচক্রের ভীষণ আবর্তনে এখন সেই স্মৃধুর দশ-আনি চুলকানি বদন কন্দরে গড়াইয়া পড়িয়াছে। তাই নিতি নিতি বিরাট বিদ্রাট সভায় জাতীয় জীবনের জলন্ত প্রতিভা গগন স্পর্শ করিয়া থাকে। ওষ্ঠাধর সম্ভাডনে, দন্তসংঘর্ষণে, শুদ্ধ জিহ্বাতানুর আক্ষাননে চকুদিকে ছুঁ-ফেগ-নিভ উজ্জল কথামুক্তিপাতি উঠিয়া, ফুটিয়া, ছুটিয়া আর্ধ্যবঙ্গের গোরবের বুকনির মত করতালিনীল শ্রোতৃবর্গের শরীর বিভূষিত করে বটে। কিন্তু ছুধের স্বাদ কি ঘোলে মিটে? হায় সে প্রাচীন—অতি প্রাচীন—অগ্রাণ্যবহর প্রাচীন বিশ্বজনবিক্ষিত “দিল্লীকা লাডু”! আত্মশাসন প্রণালীতে তাহার এক আনা স্নেহও নাই।

আজকাল তো আমার মনের এইরূপ ভাব। “প্রত্নকল্পনন্দিনী” পড়িয়া অবধি মাথা ঘুরিয়া গিয়াছে। এখন আমার নবজীবন—ছি! প্রাচীন জীবন উপস্থিত। প্রত্নতত্ত্বে মর্মান্তিক যত্ন জন্মিয়াছে। স্মরণ্য কোন কথা উপস্থিত হইলে, তাহার উৎপত্তি, স্থিতি বিস্তৃতি, পরিণতি প্রভৃতি মীমাংসা না করিয়া জল গ্রহণ করি না। তাই গোলাপি কাণ্ডারি সখকে যতদূর পারিয়াছি প্রাচ্য ও পাশ্চাত্য ইতিবৃত্ত উল্কাটন করিতে লেশমাত্রও অচুঠানের ক্ষমা করি নাই। আমার যথাসক্তি ইহার প্রত্নতত্ত্বরূপ পঙ্কোদ্ধার করিয়া সাধারণ সম্মুখে প্রতিষ্ঠা করিলাম। কায়মনোবাক্যে বলা বাহুল্য মাত্র। এক্ষণে স্পর্শক এবং স্পর্শিকা-স্বপ্নের মনোনীত হইলে সমস্ত গলদর্শনশ্রম স্মার্তক মনে করিব।

প্রাচ্য তত্ত্ব।

“গোলাপি কাণ্ডারি” ছুইট কথা বন্ধিতে হইবে। একটি বিশেষণ এবং অপরটি বিশেষ্য। “গোলাপি” কথাটির আলোচনা করিতে গেলে আ-বৈদিক গ্রন্থের তন্ন তন্ন সমালোচনার

আবশ্যক। যিনি ভুবনমোহিনীর প্রতিভা হইতে ৮ কালিদাসের নক্সা এবং উৎকলকুল-
তিলক সুরসাল গোপালের টপ্পা হইতে বুদ্ধ বেদব্যাসের খেয়াল ধ্রুপদ গর্ভাস্ত্র আওড়াইয়াছেন
তাঁহার অবশ্যই প্রতীত হইয়াছে যে 'গোলাপি' কথাটি বিশেষ্য-বিশেষণ। 'গোলাপি বনেদী
বিশেষ্য। ইহার অর্থে ফুল বিশেষ বুঝাইয়া থাকে। তবে অলঙ্কারশাস্ত্রানুসারে রূপকে
মানুষও বুঝায়; যথা, গোলাপসিংহ। আরও মিষ্ট করিতে হইলে সুন্দরীও বুঝায়; যথা,—
আর যথায় কাব্য নাই। 'গোলাপি' (কথাটি বিশেষ্য বিশেষণ যেন মনে থাকে) অর্থে
কুসুম বিশেষের গুণবিশিষ্ট বুঝায়। ফলে কালিকাব্যবসায়ী নৈয়ায়িক এহলে একটু খাপচা
কাটিয়া থাকেন। কোথাও গোলাপের গন্ধ এবং কোথাও গোলাপের বর্ণবিশিষ্ট অর্থে প্রয়োগ
করেন। সটিক ব্যবসায়ী কল্পক্ষেত্রে নৈয়ায়িক। তাঁহারও 'গোলাপি' এই বৈতভাবেই
ব্যবহার করেন; যথা, গোলাপি নারিকেল তৈল। গোলাপের গন্ধবিশিষ্ট বলিয়া লইলেও
বিক্রি, আর বর্ণবিশিষ্ট বলিয়া লইলেও বিক্রি। এতদ্ব্যতীত অর্থের সঙ্গতিতে খরিদারের
দ্বিগুণ সঙ্গতি; অথচ যে পদার্থ সেই পদার্থই রছিল; কোন দিকে কোন ব্যত্যয়ই জমিল
না। ইংরাজী সভ্যতার সংস্পর্শে ইহার অর্থের আর একটু পরিণতি হইয়াছে। উন্নতশীল
প্রশস্তচেতা স্রবুন্ধি যুবকদিগের নিকট ইহার আর একটু স্রমধুর বিমঝিমে চলঢলে অর্থ
আছে; যথা, গোলাপি নেশা।

ইক্ষুখণ্ডের অন্নপ্রাশনের দিন যে মহাপুরুষ 'গোলাপি কাণ্ডারি' নাম দিয়াছেন, তিনি
একজন প্রভাতচিন্তামোদিত মুক কবি। Brevity is the soul of wit. তিনি দুই
কথায়—সামান্য দুই কথায় বিশ্বসংসারের সমস্ত রস একত্র করিয়াছেন। মহাকবি গইতে
বলেন স্বর্গের গরিমা, মর্ত্যের মাধুরিমা সমস্তই এক শকুন্তলায় নিহিত আছে। ফলে
'গোলাপি কাণ্ডারি'তে যে কাব্যরস প্রত্যক্ষ পাওয়া যায়, তাহা শত শকুন্তলা একত্র করিলেও
পাবার যো টুকু নাই। শুদ্ধ দুটি কথায় যে স্রমধুর ভাব ব্যক্ত হইয়াছে, তাহা দশ-সের-
পরিমাণ-কাগজে-মুদ্রিত দেখা যায় নাই। অধিকন্তু 'গোলাপি কাণ্ডারি' নামদাতা বর্তমান
বঙ্গকবিদের প্রথাস্রমের নিজ ভাবের আভাস খুলেন নাই, লোকের আশার আশ্রয়ই
রাখিয়া গিয়াছেন। গোলাপের গন্ধও নাই, বর্ণও নাই, স্পর্শও নাই; অথচ ভাবুকের মনে
ছায়াবৎ, মায়াবৎ, প্রেমের গাথাবৎ, নিরীচন বক্তৃতাবৎ, হোমকল বিলবৎ, সাইমলটেনিয়স
একজামিনবৎ, ভারতের উন্নতিস্বপ্নবৎ, রএল-কমিসনবৎ, আমাদের রিফর্মেশন নেশাবৎ
কি-য়েন-কি চটক লাগিয়া যায়।

কি-য়েন-কি লাগল পরানে!

শ্রবণহি ঢুকল, কোথাদে পলাওল,

মরম মরল; মাঝখানে

আছে-নাই দোহি স্রমধুর গানে!!

কাণ্ডারিকে মৃত লোকে গেঙেরি বলে। বাহাদের বর্ণজ্ঞান নাই, অমার্জিত মেধা,
শুদ্ধ হৃদয়, তাহারা এই এমন ভয়ঙ্কর বিভ্রান্ত ঘটাইয়া থাকে। প্রথমতঃ, গেঙেরি কথাটি
নিতান্ত শ্রুতিকটু। কাব্যরস দূরে থাক, ইহা কখন খেজুররসের কাছ দিয়াও যায় নাই।
শুনিবামাত্র কাণে যেন রাবণের চুলি জলিয়া উঠে। পায়নিয়রের "বান্ধালিবাবু" ইহাপেক্ষাও
মিষ্ট। স্নেহ মুখে আদ আদ বরণ একটু লাগে ভাল। কিন্তু গেঙেরি কথাটি যেন বাপ-রে
মা-রে করিয়া মুখ দিয়া বাহির হয়। রসভরা ইক্ষুখণ্ডের এ প্রকার কদর্য নাম কখনই
সম্ভাবিত নহে। ইহা অবশ্য কোন মিষ্ট কথার ব্যভিচার হইবে, সন্দেহ নাই। এখন
ভাষাসমুদ্রে পলি পড়িয়া সে রত্নটি যে কোথায় ঢাকা আছে, তাহা ভাষাবিজ্ঞানের প্রথাস্র-
মারে কাচিম খোঁজা না করিলে কদাপি পাইবার সম্ভাবনা নাই।

কোন দিগ্গজ প্রভুতত্ত্ববিৎ বলেন "গানদারী ইহার স্বরূপ নাম। রায় গুণাকর ভগবন্
ভারতচন্দ্র ইক্ষুর প্রতি নিতান্ত নির্দয় থাকা প্রযুক্ত "গানদারী" হইতে বীভৎস "গেঙেরি"
হইয়া পথমধ্যে বা মধ্যপথে দাঁড়াইয়াছে। অর্থাৎ, পূর্বে ইহার নাম "গানদারী" (গানের
মত মজাদারী) ছিল; পরে নিষ্ঠুর কবির নিষ্ঠুর পৃষ্ঠপোষকেরা পূর্বজন্মের আক্রোশে
"গেঙেরি" করিয়া তুলিয়াছেন। ফলে একথা নিতান্ত অমূলক। এই কার্যপ্রধান, গ্রাম-
প্রধান, দর্শনপ্রধান, আর্ধ্যবঙ্গে যে জিহ্বার আঘাত কর্ণে প্রযুক্ত হইবে, ইহা কোন বুদ্ধিমান
ব্যক্তি স্বীকার করিবেন? এক্ষণে ভাষাবিজ্ঞানের নিবিড় অরণ্যে প্রবেশ পূর্বক শব্দভেদি
বাণে লক্ষ্যভেদ করাই শ্রেয়।

শব্দসাদৃশ্যে এ রহস্য ভেদ করাও মহা নটখটি ব্যাপার। শুদ্ধ বিশালদৃষ্টি থাকিলে
ইহাতে কৃতকার্য হইবার সম্ভাবনা নাই। বাহার দূর নিকট, তিতর বাহির অভূতিতে তীক্ষ্ণ
চৌখোস জ্ঞান আছে, তাঁহারই এ গুরুতর বিষয়ের মীমাংসায় হস্তক্ষেপ করা উচিত।

'গাণ্ডারী' কেমন লাগে? অতি বৃহৎ, অতি কদর্য, অতি কর্কশ, অতি কুরূপ। এমন
বদৃচ্ছ নাম রসাত্মক, মোলায়েম, সুরূপ, শুদ্ধ ইক্ষুতে কখনই আরোপিত হইতে পারে না।
মানুষ কখন এমন কঠোর নির্মম বলিয়া মনে আইসে না। ব্ল্যাক্‌ভার্মি কটুকটাবোও এমন
ঠকঠকি ব্যাপার স্বপ্নাতীত। "গান্দারী" কেমন দেখায়? ইক্ষুর আবার বিশেষ স্রগন্ধ
কোথায়? কেন?—"গোলাপি"তে? সাহিত্যপ্রেমিক লোকে কখনই এরূপ উদার বোকা
বুদোর ঘাড়ে আরোপ করিবেন না। গান্দারী? সত্যত্বের আদর্শ গান্দারী আমাদের গৌরবের
ধন—আর্ধ্যজীবন বটে। তবে ইক্ষুর কাণাভাবআদৌ ভাল লাগে না। 'খণ্ডারী' বা 'খণ্ডারী'?—
অর্থাৎ খণ্ড খণ্ড (টুকু) বিক্রি। কথাটা কতক লাগে বটে; কিন্তু পাছে ভট্টাচার্য্য মহাশয়ের
"কণ্টিকারি" হইয়া পড়ে, তাই ভয়ে স্থান দেওয়া গেল না। আর তন্নাতীত কথাটায় স্থায়
আছে, দর্শন আছে, বিজ্ঞান আছে; শুদ্ধ কাব্য নাই, তাই ফেলিয়া দিলাম।

আর যদি শব্দসাদৃশ্যই একমাত্র ইহার সম্বল হইল, তবে 'কাণ্ডারি' অপরাধ কি?
ইহাতো সর্লাজ সুন্দরই হইতেছে। কাব্য, দর্শন প্রভৃতি সকল দিকই বজায় থাকিতেছে।

‘কাণ্ডারির’ সংসর্গে তো মনে স্বতঃই কাণ্ড, মাল্লু, জল, নৌকা আইসে। ইক্ষুতেই বা তাহার অপ্রতুল কই? ইক্ষুতো স্বয়ংই একটা কাণ্ড—প্রকাণ্ড কাণ্ড; বিক্রেতা এবং চর্কিততা বা চার্কীক উভয়েই মাল্লু; নৌকাস্থলে ঠোঙ্গা। জল তাহারই বা অপ্রতুল কই? ইহার অন্তর্ভুক্ত রস। And to make assurance doubly sure; বিক্রেতার মলিন তৈলাক্ত গামচাকসায়িত জলে ইহাতো প্রভাতশিশিরধৌত পদ্মের মত সতত জব জব করে। এ-নালজিতো চুলে চুলে মিলিয়া গেল। তবে ভবকাণ্ডারি রূপকটুকুতে একটু গোল রহিল। ফলে বিলাসী চার্কীকের পক্ষে কোন গোলই নাই। ভল্লিরস ও ইক্ষুরস তাহার পক্ষে একই কথা। তবে দুই চারিজন বিটকেল বেপেটেস্ট ব্যাদড়া ভক্তের কথা ছাড়িয়া দাও। অধিকন্তু সাদৃশ্যের তো মনামাটি বাদ আছে। “সদৃশ” অর্থে ‘সেই’ নহে; তাহার মত। চন্দ্রমুখ বলিলে চাঁদের মত গোল মুখ বুঝায় না। সদৃশ বস্তুতে সকল পয়েন্ট মেলে না; তবে কতক মেলা চাই।

ইতিহাস।

‘কাণ্ডারি’ প্রকৃত ইতিবৃত্ত অল্পসরণ করিতে গেলে মাংসাতার আমোলের আর্ষা নরপতি ইক্ষাকুর সিংহাসনের পদপ্রাপ্তে দাঁড়াইতে হয়। নরসিংহ নাকি ইক্ষুকে পরাস্ত করিয়া (ইক্ষু বেচারী অমর হইয়া চিরকালই মাল্লুয়ের হাতে জীবন্ত) নন্দনকানন হইতে অমৃতপণ্ড আনিয়া নিজ রাজধানীতে ক্ষেত্রস্থ করেন। সেই জন্ত প্রাচীনেরা ‘কাণ্ডারিকে’ ইক্ষু বলিতেন। আমাদের হতভাগ্য দেশে তো কোন ইতিহাসই নাই; স্মরণ্য ভাষাবিজ্ঞানের শব্দভেদি বাণে এই অবধি লক্ষভেদ হইল। আর সকল কথাই কালের করাল কবরে কবলিত রহিল। আকাশ হইতে space, নক্ষ হইতে night, আর ইক্ষুকু হইতে ইক্ষু স্বতঃসিদ্ধ ব্যাপার।

কোন আধুনিক ভাষাতত্ত্বগার সে দিন এ কথার প্রতিবাদ করিয়া মহা হলহুল ঘটাইয়া ছিলেন। তাঁহার মতে ইক্ষুর আদৌ জেক্জেলানে জন্ম। ভারতে দৈবাবীন আমদানি মাত্র। মথিলিখিত স্মসমাচারে কথিত আছে যে ইডেন গার্ডেনে দুইটা প্রধান উদ্ভিদ ছিল, একটা জ্ঞান ও অপরটি জীবন। প্রথমটি তাঁহার মতে বর্তমান নারিকেল বৃক্ষ; কেননা নারিকেল খাইতে গেলে অনেকটা জ্ঞানার্গোদয় হয়। কারণ ইহার স্বক ও শস্ত সম্বন্ধে মহাগোল আছে। এমন কি অনেক সময় স্বক ও শয্যে পার্থক্য করা বড়ই কঠিন সমস্যা হইয়া পড়ে! জীবন বৃক্ষটি হয় ইক্ষু নয় অত্র। তাঁহার মতে ইক্ষুই প্রকৃত জীবনবৃক্ষ দাব্য হইয়াছে। হিন্দুশাস্ত্রে নাকি অমের একটা বিশ্বেী কিস্বদণ্ডি আছে এবং তাহাতে

স্বতঃই স্বয়ংই বা!

নানাবিধ ভ্রমপ্রমাদাদি দেখিয়া তিনি ইক্ষুই মথার্থ জীবন বৃক্ষ স্থির করিয়াছিলেন। তাঁহার বৈজ্ঞানিক বিবেচনায় হুম্মানচন্দ্রের সংশ্রব বড়ই অলীক কথা। তাই তাঁহার নিকট অমের গোরব লাঘব হইল। অধিকন্তু ইক্ষুর রসেই যে শুদ্ধ জীবন আছে এমন নহে; ইহার সকল অংশই জীবনে পরিপূর্ণ। ভূমিস্থ হইলেই গজাইয়া উঠে। অপিত ইক্ষুদ্বারায় একটা ভয়ঙ্কর নাস্তিক তর্ক খণ্ডিত হয়। আগে বীজ, না আগে গাছ? এতাবৎকাল ইহা কর্তৃক হিন্দু প্যান্থিরিজম প্রবল রাখিয়া আসিতেছিল। ইক্ষু বিষয়ক অত্রতাই উহার মূল কারণ। ইক্ষুর জেনেসিসে (genesis) অগ্রে বৃক্ষই প্রতিপন্ন হইয়া থাকে। কারণ ইহার যে কোন অংশ উৎপ হইবে তাহাই বাড়িয়া উঠিবে।

বাহা-হটক, দিক্‌পাল ভাষাতত্ত্বনিধি অনেক গবেষণার পর একখণ্ড ইক্ষু মহাপ্রলয়ের সময় নোয়ার জাহাজে বহুযত্নে সংরক্ষিত দেখিতে পাইয়াছিলেন। পরে গোমরের জ্যেষ্ঠ পুত্র অসকেনজ (অফেনজ) কৃষ্ণমাগরের পাড়ে উহার চাষ আরম্ভ করেন। তদবধি তাঁহার নামেই উহা প্রচলিত। তবে ইংরাজী, হিব্রু ও সংস্কৃত ভাষার প্রকৃতি পার্থক্যে অফেনজ হইতে ইক্ষুতে দাঁড়াইয়াছে। মেঘপালকুলপাল মুসা একদা একখণ্ড ইক্ষু দাঁতে ছাড়াইতে ছাড়াইতে ইন্সেলদিগকে সমভিব্যাহারে লইয়া পলায়নশীল ছিলেন। সম্মুখে পথ আগলাইয়া লোহিত সমুদ্রকে পড়িয়া থাকিতে দেখিয়া রোষকশায়িতলোচনে সেই অর্ধতক্ষ ইক্ষুদণ্ড দ্বারা জলে সজোরে আঘাত করিলেন। প্রচণ্ড লণ্ডড় আঘাতে যেমন মেঘমাংসাদি পৃথক হইয়া জীবদেহে অস্থি বাহির হইয়া পড়ে, সমুদ্রের জল সেইরূপ আহতস্থলের ছইধারে সরিয়া পড়িল এবং মধ্যে কঠিন মাটি দেখা দিল। কিন্তু ছুংখের বিষয় সেই ভীষণ আঘাতে অর্ধ ভক্ষ ইক্ষু দুই খণ্ড হইয়া গেল। এক খণ্ড হাতের ধন হাতেই রহিল; অপরটি সমুদ্রের উত্তালতরঙ্গে ভাসিতে ভাসিতে কেলিকটের সন্নিকট ঠেঁকিবামাত্র শত মূল বাহির করিয়া ভূমে বসিয়া পড়িল। তদবধিই ভারতে ইক্ষুর উৎপত্তি।

এই লোমহর্ষণ কথায় চারি দিকে রৈঃ রৈঃ পড়িয়া গেল। ধর্মভীত ভারতের আজ মহা ভয় উপস্থিত। উচ্ছিষ্ট ইক্ষু! ধর্মলোপ! জাতিনাশ! এক কথায় সব মাটি! কৃষ্ণ ও খৃষ্ট একাকার! কনভার্টেরা এতদিন বাঙ্গালার মরি মরি করিয়া কৃষ্ণ ও খৃষ্টে পার্থক্য রাখিয়া আসিতেছিল তাহা সব এক কথায় গোল্লায় গেল! ঘোর ব্যাপার! মহা মনস্তাপ! ভয়ঙ্কর অন্তর্দাহ! বিষম বিপ্লব! ইংরাজদের দ্বিতীয় সিপাহি বিদ্রোহের ভয় হইল! চারিদিকে মশস্ত্র পাহারা! ফিরাস্তী ভল্যান্টিয়রেরা Bivoac করিতে লাগিল। বেওয়ারিস গড়ের মাঠে পিপড়ার মত পিলপিল করিয়া লোকস্রোত চলিল। হিন্দুদিগের বিরাট সভা! কালিঘাটে বিরাট সন্ত্যয়ন! কেহ্লার কামান সব বারুদঠাসা! বড়নাটের সাদী খড়খড়ি বন্ধ! পাছে বিদ্রোহের বাক্স্রোত বায়ুভরে প্রবেশ করে! এদিকে বিরাট সভায় বিরাট মূর্তিতে বিরাট বক্তৃতা! বিরাট রেজলিউশনের উপর বিরাট রেজলিউশন! বিরাট রেজলিউশন বিরাট একবাক্যে পাশ! বক্তাবাগীশদের চিৎকারে কামান নীরব! তাব, ভঙ্গি, দস্তকড়সড়িতে

গাছের পাতা খসিয়া পড়িতে লাগিল। আকাশ কাক চিলে ভরিয়া গেল। শেষ আর্ধ্যাকেশরীয়া: সাব্যস্ত করিলেন মিছা বিবাদে ফল নাই। শান্তি উনবিংশতি শতাব্দের জয়পতাকা! সেনা-নায়ক বজ্রনাথে বলিলেন “আজ হইতে ইক্ষুর নাম কাণ্ডারি করা গেল” এক কথায় সকলদিক্ বজায় রহিল। আর খুঁটানো কোন সংস্পর্শের ভয় রহিল না। চারিদিকে জয়োন্মেষের বিরটি করতালি পড়িল অনায়াসে ধর্মরক্ষা হইল। আনন্দে, বিরটি আনন্দে যে যাহার পদ্য কুটরে ফিরিয়া আসিলেন! মাঠে প্রতিধ্বনি বলিতে লাগিল! জয় ভারতের জয়!

সম্প্রদায়িক প্রতিষ্ঠা।

সম্প্রদায় বিশেষে কাণ্ডারির আদর সমধিক। ষাঁহার প্রকৃষ্ট মিত্র, (spiritualist) এ solid দেহকে অনায়াসে গাছে চড়াইয়া চতুঃসাগর ভ্রমণ করিতে পারেন, তাঁহারাই ইহার মর্গ্যান বৃন্দেন। ষাঁহার দিবারাত্র solid হইতে liquid, liquid হইতে gas এবং ক্রমে সূক্ষ্মাদপি সূক্ষ্ম সত্ত্বায় উঠিবার প্রয়াসে আফিমের সাধনা করেন, তাঁহারাই ইহার যথার্থ মর্মগ্রাহী। solid আফিম ধূমে পরিণত হইলে কাণ্ডারি ব্যতীত হৃদয়ঙ্গম হওয়া বড়ই কঠিন। সেইজন্য আমাদের সচ্চিদানন্দ রঘুনাথ আকের চিবা পাইলে মহাপ্রসাদের মত কদর্য স্থান হইতেও কুড়াইয়া খান। কখন চিবা গুচ্ছ বোধ হইলে ক্ষেপককে রূপণ বলিয়া দারুণ গালি বা অভিশাপ প্রদান করেন। তাঁহার মতে সরশ চিবা ফেলাই নোকের নিতান্ত কর্তব্য কর্ম। একটুও বস না রাখায় মহাপাপ। গুনিতে পাই গবর্মেন্ট পক্ষে ইনি নাকি অপিয়ম কমিসনে একজন প্রধান সাক্ষিই ছিলেন। জানি না, বলিতে পারি না। নূতন বর্ষের সম্মানভালিকা না দেখিয়া কোন মীমাংসাই করা যায় না। রঘুনাথের মতে আফিম অমৃত বিশেষ। এই বিপুল প্রাচীন ভারতভূমি এখনও আফিমের জোরে বাঁচিয়া আছে, নতুবা এতদিন কবে চারিদিকের সমুদ্রের জোলো হাওয়ায় সংক্রামক জ্বর বা উদরাময়ে মরিয়া যাইত। আফিমের ধূমে বায়ুর নাকি ওজন (ozone) বাড়িয়া থাকে।

নাম সঙ্গ্রহ।

নূতন লোক কলিকাতায় আসিয়া মহা ভক্তি সহকারে গোলাপি কাণ্ডারির অহুসরণ করে। পরে সামান্ত ইক্ষুর এতবড় জমকাল নামে হস্তদ্বান হইয়া পড়ে। তাহার ভাবে কলিকাতার

ব্যাপারই স্বতন্ত্র। এখানে নামে ডাকে গগণ ফাটে। বস্তুতঃ ইটি তাহাদের নিতান্ত ভ্রান্তি। বহুদর্শীতার অভাব পরিচায়ক। ইক্ষু সরস সারবান পদার্থ; স্ততরাং নামের ভড়ঙে আরও সুন্দর হইয়াছে। কিন্তু জগতে কত নাম আছে—সল্পম আছে, পদার্থ নাই; তাহা কে প্ৰশনা করিতে পারে? কত রাজাবাহাদুর, রায়বাহাদুর, শায়রুল, মহামহোপাধ্যায়ের অস্থিত সমাজে খুঁজিয়া পাওয়া যায় না। টাইটেলের বস্তার জাবদা ও খতিয়ান রাখিয়াও কত কৃতমহাপুরুষ সমাজে ভেরেণ্ডা ভাজিয়া থাকেন। যশ ভাগ্যধীন ব্যাপার। ইচ্ছায় হয় ওনা, করাও যায় না। লর্ড বাইরণ টিক বলিয়াছেন, “আমি একদা প্রাতে শয্যা হইতে উঠিয়া দেখিলাম বশবী হইয়াছি।” বস্তুতঃ যখন হয়, তখন এইরূপই হয়। আমাদের প্রাতঃস্মরণীয় যে ইকমেতর, নিমুখানসামা, গুরিয়ামা, পাঁচী ধোবানী, ইহার সাক্ষ্যস্থল। লোকের মানসিক ভক্তি ফলমাকারে পথে পথে আপনি ঝুলিয়া পড়িয়াছে। আজ সেই কীর্তিস্তম্ভের জন্ম কত রাজারাজড়া পিতৃমাতৃদায়ের মত লোকের দ্বারে দ্বারে ভিক্ষা করিয়াও কৃতকার্য্য নহেন। নাম একটা মহাভাগ্য। কোথাও গুণে হয়, কোথাও দোষে হয়, কোথাও কেন যে হয় তাহা বলা যায় না।

নূতন কর।

সেদিন পাণ্ডুরের “ঘরের সংবাদদাতা” নাকি লিখিয়াছেন যে অচিরাৎ ভারত-মহাসভায় কাণ্ডারির উপর কর সংস্থাপন সম্বন্ধে আইনের পাণ্ডুলিপি পঠিত হইবে। গবর্ন-মেণ্টের প্রাইভেট খবরের পক্ষে পারনিয়র authority বিশেষ। স্ততরাং একথা নিতান্ত উপেক্ষার বিষয় নহে। বিলাতী বস্তাদিতে কর স্থাপিত হইলে যে টাকা আমদানি হইত, ইহাতে তাহার চতুঃগুণের প্রত্যাশা আছে। কারণ ষ্ট্যাটিস্টিক্সে জানা যায় যে এ গ্রীষ্মপ্রধান দেশে বস্তাদি অপেক্ষা কাণ্ডারির কাট্টি অধিক। বিশেষতঃ যে দেশে মদ, চা, সোডা, প্রভৃতির খরচ অল্প, তথায় কাণ্ডারির যে ভয়ঙ্কর আদায় তাহার আর দ্বিগুণি নাই।

টাইমসের কলিকাতাস্থ সংবাদদাতা তদর্শনে মহা ব্যগ্রভাবে ও সাতিশয় eloquently ঘরের কাগজে লিখিয়া পাঠাইয়াছেন যে আফিমের মত কাণ্ডারির চাষ ভারত গবর্নমেণ্টের হাতে থাকা উচিত। ইহা আফিম অপেক্ষা লভ্যজনক অথচ কমিসন বসিবার ভয়শূন্য। তিনি অনেক ডাক্তার ও ইন্জিনিয়রের মত পত্রস্থ করিয়াছেন। আজকাল ডাক্তার ও ইন্জিনিয়র সভ্য জগতের ছই হাত। কাণ্ডারির গাঁট নাকি বনিয়াদে দিলে ড্যাম্প নিবারণ হয় এবং ভালরূপ পরিপক হইলে কাণ্ডারিতে বাসের কার্য্যও হইতে পারে। ইহার রসে রেস্তার গাঁখুনি ও পঙ্কের কাজ অতি পরিপাটি হইতে পারে। গুড়ে ভালরূপ মেহগুনির

আঁস ফেলা যায়। অধিকন্তু কাণ্ডারি চর্মকারক ঘর্ষকারক, বিরেচক পিত্তনাসক, পুষ্টিকর, তুষ্টিকর, ইত্যাদি। গবর্ণমেন্টের হাতে করিবার পক্ষে অকাটা প্রমাণ এই যে ইহার রসে ভিনিগর প্রস্তুত হয়, সুতরাং আবগারী আইনের অধীনে আসাই আয়া।

নব আবিষ্কার।

শুনিতে পাই লক্ষাসায়ে নাকি একজন দ্বিতীয় এডিসন্ আবিষ্কৃত হইয়াছেন। ইহার আবিষ্কৃত কলে কাণ্ডারি ফেলিয়া দিলে এক দিকে ভিনিগর এবং অপর দিকে ঢাকাই কাপড় বুনিয়া বাহির হইতেছে। কাণ্ডারির রস খাইয়া খোয়ায় তুলা ধুনিয়া ভারতে কাপড় করিয়া পাঠান বড় সামান্য বুদ্ধির কার্য্য নহে। তথাকার তত্ত্ববায়-সমিতি কাণ্ডারির উপর করস্থাপনের কথায় একবারে মাতিয়া উঠিয়াছে। গ্রেট সেক্রেটারি বাবাজীর মাথা ঘুরিয়া গিয়াছে। এ উল্লবনের তাঁতি নহে! তাঁহারি বড় বড় ডাক্তার ও এনজিনিয়ারের মত সংগ্রহ করিয়া “টাইমসের কলিকাতা সংবাদ-দাতাকে” বড়ই অপ্রতিভ করিয়াছেন। সংগৃহীত মতে কাণ্ডারি সর্ষ রোগের মূল। ইহার সহিত বহুমূত্রের বিশেষ সংশ্রব। ড্যান্স নষ্ট হওয়া দূরের কথা, ইহাতে কাদা হয়, বাদ্যবন হয়; সুতরাং ম্যালেরিয়ার ভিত্তি। ভারতে অনারুণের কারণ স্কন্দরবনের শোভা নষ্ট নহে; কাণ্ডারির আধিক্য। ইহা দ্বারা ভূবায়ুর জলকণা অপহৃত হইয়া থাকে। কাণ্ডারিতে খোড়া কিছু মোটা করে বটে; কিন্তু The nation of racers কখনই ইহার পক্ষপাতী হইতে পারে না। কারণ মোটা ঘোড়া রেসে কোন কাবেরই নহে। ভারত গবর্ণমেন্ট মহা বিপাকে পড়িয়াছে। অনারবল মেম্বারদের প্রশ্ন পটকায় প্রাণান্ত পরিচ্ছেদ। এবার ভারতে সাদা কাল একমত এক প্রাণ হইয়া এক-তানে সাদা কাল (in black and white) গৃহে (Home) তোটকস্কে হাঁকুলি বিকুলি (agitation) করিবেন। জয়! ভারতের জয়! চাই গোলাপি কাণ্ডারি!!

আকর্ষণী শক্তি।

কাণ্ডারির লোকাকর্ষণী শক্তি কাহারও অবিদিত নাই। মধ্যাকর্ষণী শক্তির দ্বারা ইহা লোকগণকে “হড় হড় হড়ে” টানিয়া থাকে। রামলীলায় যাও, কাণ্ডারি; রণে, চড়কে, গাজনে, টাউনহলের মিটিংএ, কাণ্ডারি। মিউনিসিপ্যাল আফিসের দ্বারে, ছোট বড়

আদালতের চাতালে, পুলিশের চারি ধারে কাণ্ডারি বিরাজমান। বেবুনে, প্যারেডে, দ্বাদশ-গোপালে, খড়দহর রাসে, বড়বাজারের দোলে, রামকৃষ্ণের মহোৎসবে, একজিবিসনে, ফ্লাওয়ার শোএ, ঠাকুর বিসর্জনে, বারওয়ারি পূজায়, বিবাহের প্রোসেসনে কাণ্ডারি সারি সারি অগ্রণীভাবে দেদীপমান দেখা যায়। যত্র অগ্নি তত্র ধূম; ধূম হইতে অগ্নির অল্পমান অপরিহার্য্য। যথায় জনতা তথায় কাণ্ডারি; সুতরাং কাণ্ডারি হইতে জনতার অল্পমানও স্বতঃসিদ্ধ। একরূপ অল্পমানে cow-killing riot এর মূলে কাণ্ডারি বই আর কি হইতে পারে? গাছে মাটির তদন্তের জন্ত সম্যাসী ফকির না ধরিয়া একটা বড় বাজারের মোটা গোছের কাণ্ডারিওরালাকে গ্রেপ্তার করিলে এত দিন কবে ইহার সটীক রহস্ত ভেদ হইত। আনার ক্ষুদ্র বিবেচনায় এবং সামান্য অল্পমানে বোধ হয় সিপাহী-বিদ্রোহ অবধি তলাইয়া দেখিলে কাণ্ডারি পাওয়া যায়। কথায় বলে, “কাণ্ডারি বিহনে তরী” ইহার তাৎপর্য্য এই যে, কাণ্ডারি ব্যতীত লড়াই হাক্কাম দুরের কথা সামান্য নৌকাখানাও চলে না। বোধ হয় ইংরাজি canard কাণ্ডারি কথারই অপভ্রংশ। তাহা হইলে Scientific Frontier একটি নরদ কাণ্ডারি। রুব মধ্য এশিয়া সভ্য করিতেছে, উদ্দেশ্য গোলাপি কাণ্ডারি। ভারতের পদপ্রান্তে ফ্রান্স তোষদান, বন্দুক, বারুদের শ্রাব করিতেছে এবং তার সঙ্গে শ্রামবাসীদেরও শ্রাব হইতেছে, উদ্দেশ্য গোলাপি। তাই বলি কাণ্ডারি সকল গোলমালের অমূল-মূল।

মাহাত্ম্য।

আহা! গোলাপি কাণ্ডারির কি স্তমধুর নাম! কি চিত্তাকর্ষণী মহিমা!! কি অপার অতল প্রভাব!! কি অতুল অপারিসমীম শক্তি!!!! পারি আর নাই পারি, বেচি আর নাই বেচি, কিনি আর নাই কিনি, একবার ‘গোলাপি কাণ্ডারি’ বলিয়া জিহ্বার ক্ষোভ মিটাই— জীবন সার্থক করি। যখন বোর বর্ষাকালে অপার চিংপুর রাত্তা ক্লার্ক সাহেবের প্রতিভার ক্ষীরদ সমুদ্র হইয়া পড়ে এবং পালভরে বিশাল ট্রামগাড়ি হেলিতে চলিতে থাকে তখন গোলাপি কাণ্ডারির উচ্চ নাম শ্রবণ করিয়া কাহার না হৃদয়ে ভবকাণ্ডারির বল ও ভরসা উছলিয়া উঠে? তখন মাইভঃ মাইভঃ করিয়া আশা মারাবিনী দৌড়াদৌড়ি করিয়া সকলের কাণে কাণে যেন বলিয়া যায় “পার হইলেও হইতে পার”। যখন দারুণ গ্রীষ্মকালে গুঁটাগতপ্রাণ রেপ্রেজেন্টেটিভ বা chosen কমিসনর বেচারী উদরস্থ বক্তৃতা উদগার করিতে না পারিয়া খেই হারাইয়া ছাই গিলিতে থাকেন, তখন অদূরে গোলাপি কাণ্ডারির মধুমাথা নামে কি যে আনন্দ তাহা কি অস্ত্রে অল্পভব করিতে পারে? যখন প্যারেড, রিভিউ বা নবগত সাত দেবিতে গিয়া ক্ষীণায় বায়ুগ্রস্ত বাঙ্গালি ভিড়ে পেশিত বা পুলিশ সস্তাড়িত হইয়া

ধর্মাত্মকলেবরে ও খড়ি উড়া দস্তে প্রাণ হাতে করিয়া পলায়ন করেন, তখন গোলাপি কাণ্ডারীর যে কি অপরিমীম মহিমা তাহা তাঁহারই উপলব্ধি হইয়া থাকে। যখন ঘরমুখে ক্ষুধাতৃষ্ণাতুর পরিশ্রান্ত কেরাগী বাহাদুর আফিসে লাক্ষিত হইয়া ঝিমাইতে ঝিমাইতে সকল পথ মাড়াইয়া অদৃষ্ট ধোয়াইয়া চলেন, তখন গোলাপি কাণ্ডারির স্বর্গীয় যে নাম তিনিই অল্পভগ করিতে পারেন। যখন পাহারাওয়ালার ঘুমস্ত স্বপ্নের মত দ্বারে দ্বারে আস্তাবোলে, খিলির দোকানে গুড়ুক টানিয়া ঘুম ছাড়াইতে থাকে, এবং মরিমারি করিয়া রোঁদে “খবর আছা খোদাবন্দ” বলিতে পারিলে পুনর্জন্ম মনে করে, তখন কাণ্ডারির অপ্সরাকর্ষণীতিবৎ নামে তাহার হৃদয়ে স্মৃতিসমুদ্র ঢালিয়া দেয়। যখন দারুণ নিদ্রাঘোর দ্বিপ্রহর বেলায় ঘরের পয়সা দিয়া স্মৃত্য ইংরাজ রাজ্যে তৃতীয় শ্রেণীর রেল গাড়ীতে প্যাক্ হইয়া “পানি পাড়ের”, মোহন মুরতি অদর্শনে বিরহবেদনা উপস্থিত হয় এবং মনস্তাপে শুষ্ক জিহ্বা গলায় ঢুকিয়া যায় তখন কাণ্ডারির স্মৃতিসমুদ্র নামে কে না তন্নয় হইয়া যায়? যখন লন্ডন সত্য peopled champion গ্রীবা বাকাইয়া কোন অত্যাচার সম্বন্ধে প্রশ্ন করিয়া রাজপুরুষদিগকে অপ্রতিভ করিবেন ভাবিয়া লক্ষ লক্ষ করেন, পরে ‘মুড়ি খাই ত খাই’ উত্তরে আহত হইয়া লেজ মুখে করিয়া গৃহে ফিরিয়া আসিয়া দেখেন পৃষ্টপোষকেরা আশায় সারি সারি বসিয়া আছেন তখন যে তাঁহার সাংঘাতিক পিপাসা হয়, তাহা কাণ্ডারির অমৃত রস ব্যতীত কি নিবারিত হইতে পারে? যখন বিএ পাশ জামাই কিনিবার জন্ত ভিটস্থ যুযুস্থ হইয়াও গাত্র হরিজ্ঞার দিন অভরন্তি-পেট পূজাপাদ বেয়াই প্রভুর হাতে মার খাইয়া কণ্ঠাকর্ত্তি বেচারি বিবাহভঙ্গ প্রযুক্ত রাগে, ক্ষোভে, বাতনায়, যুগায় শুষ্ক কলিজায় অন্তঃপুরে প্রবেশ করেন, তখন কণ্ঠাপ্রসবিনী গৃহিণী তাঁহাকে কাণ্ডারি ব্যতীত আর কি দিয়া সাহসনা করিতে পারেন? যখন একমাত্র পুত্রের লেখাপড়ার জন্ত পিতা সর্কস্বাস্ত হন ও পুত্র হাইকোটের ওকালতী পাশ করিবামাত্র গৃহলক্ষী পুত্রবধু ড্যামেজ মাল বৃদ্ধ শশুরকে গৃহ হইতে খেদাইয়া দেন এবং সেই বিনাইটেড ওল্ড ফুল পরদ্বারে “হা কুম্ব দ্বারিকানাথ” করিয়া উদরানের জন্ত মাথা কুটিতে থাকেন, তখনই তাঁহার গোলাপি কাণ্ডারির প্রেমময়ভাব চিত্তফলকে পরিষ্কট হইয়া উঠে। যখন তীরস্থ মুমূর্ষুর পাপ প্রাণ বাহির হইয়া বৈতরণীতে খেয়া দিতে ইতস্ততঃ করিয়া বিলম্ব করে এবং আশ্রয় অন্তরঙ্গের সেই ভীষণতার নিত্যস্ত ব্যথিত হয়, তখন কাণ্ডারি ব্যতীত এই দুস্তর ভবনাগরে কে আর পার করিতে পারে? একপ পাপতাপহারী কাণ্ডারির গুণ কীর্ত্তন করিতে স্বয়ং পঞ্চানন্দ পঞ্চমুখে অপারগ, আমরা ক্ষুদ্রাশয় একমুগো মাল্লব আর কি করিতে পারি? সদ্যরঙের খেয়াল।

মহম্মদ ও তাঁহার ধর্মমত।

(শেষ প্রস্তাব)

৫। মুসলমান ধর্মের নৈতিক এবং আনুষ্ঠানিক অংশ।

মুসলমান ধর্মের আনুষ্ঠানিক বিভাগের দিকে দৃষ্টিপাত করিলে আমরা দেখিতে পাই যে যদিও এই ধর্ম সর্কপ্রকার বাহ্যলুষ্ঠানের বিরোধী তথাপি কর্মশীলতা বিষয়ে ইহা কোন ধর্ম অপেক্ষা উদাসীন নহে। অল্প ধর্ম যাহাই হউক, কর্মলুষ্ঠানে যাহারা অতীষ্টপথে অগ্রসর হইয়াছে মুসলমানধর্ম তাহাদিগের জন্ত স্বর্গপথ উন্মুক্ত করিয়া রাখে।

যে যুগে ও যে কুসংস্কারক অসভ্যজাতির মধ্যে কোরাণ প্রথম প্রচারিত হইয়াছিল তাহার তুলনায় কোরাণের নীতির আদর্শ অতি উচ্চ। এমন কি কোন কোন বিষয়ে উদার এবং সুপবিত্র খৃষ্টীয়নীতি অপেক্ষা ইহা কোন অংশে হীন নহে। কোরাণের দ্বিতীয় সূত্র, ১৭২ অংশ পাঠ করিলে অতি উন্নত ধর্মভাব ও নিষ্ঠার পরিচয় পাওয়া যায়, পাঠকের অবগতির জন্ত আমরা রডওয়েল সাহেবের অল্পবাদিত কোরাণের উক্ত অংশের বঙ্গানুবাদ নিয়ে প্রকাশ করিলাম।

“পূর্ক বা পশ্চিমে মুখ ফিরাইলেই ধার্মিক হওয়া যায় না, কিন্তু সেই ব্যক্তিই প্রকৃত ধার্মিক যিনি ঈশ্বর বিশ্বাসী, শেষদিন, দেবদূত, শাস্ত্র এবং মহাপুরুষদিগের প্রতি যাহার বিশ্বাস নাই, যাহার ভগবন্তক্তি তাঁহার স্বজাতিগণের মধ্যে, অনাথ ও আর্তদিগকে, ভিক্ষুক এবং ফকিরবর্গকে ধনদানে উন্মুখ করে এবং যিনি ক্রীতদাসদিগের মুক্তি পণ্যদানে সর্কদা মুক্ত হস্ত। যিনি উপাসনা করেন, ব্যবস্থানুরূপ ভিক্ষা প্রদান করেন, যিনি প্রতিজ্ঞা পালন করেন ও রোগী, পরিশ্রান্ত এবং বিপন্ন ব্যক্তিগণের সহিত সহানুভূতি প্রকাশ করেন, যিনি শায়পর এবং ধর্মভীরু।”

মুসলমানদিগের আনুষ্ঠানিক কর্তব্য পাঁচভাগে বিভক্তঃ—১ম কালিমা পড়িয়া ধর্ম বিশ্বাস স্থাপনের কথা স্বীকার করা (সাহাদৎ); ২য়, উপাসনা (সলাৎ, নমাজ); ৩য় উপবাস (রুজা); ৪র্থ ভিক্ষাদান (জাকাৎ); ৫ম, তীর্থ দর্শন (হাজ)।

প্রত্যহ পাঁচবার উপাসনার নিয়ম; প্রত্যেকবার উপাসনা করিবার পূর্কে হস্তপদ ধৌত করা বিধেয়, এমন কি উপাসনার সহিত এই নিয়ম এমনি বিজড়িত যে ইহাকে “উপাসনার চাবি বলিয়া উল্লিখিত হইয়াছে। উপাসনার ভাষা আরব্য। হিন্দুদিগের দেবপূজার উদ্বোধনে যেমন ‘সঙ্কল্প’ আছে, মুসলমানদিগেরও উপাসনার পূর্কে সেইরূপ “সংকল্প”

আছে, ইহাকে “নিযাত” বলে। ঈশ্বরের নিরনব্বুইটি বিভিন্ন নাম উচ্চারণ করাও ধার্মিক মুসলমানগণের পক্ষে বিশেষ গৌরবের কার্য্য, এইরূপ নাম জপকে ‘জিকর’ বলে।

রমজানের মাসে ‘রুজা’ অর্থাৎ উপবাস করিবার নিয়ম। স্বর্ধ্য মধ্যাকাশ পরিত্যাগ না করিলে কোন আহাধ্যাজব্য এমন কি একবিন্দু জল পর্য্যন্তও জিহ্বাগ্রে স্পর্শ করা নিষিদ্ধ। রমজান প্রায়ই গ্রীষ্মকালে পড়িয়া থাকে, প্রবল গ্রীষ্মে দারুণ যন্ত্রণা অনুভব করিলে এবং পিপাসায় তালু শুষ্ক হইলেও কাহারও বিন্দুমাত্র জলপানে অধিকার নাই।

ভিক্ষাদান মুসলমান ধর্মের একটি অবশ্যকর্তব্য অনুষ্ঠান। মুসলমান ধর্মশাস্ত্রানুসারে ভিক্ষার অর্থ—“ঈশ্বরে অর্পিত ঋণ”—এই ভিক্ষাই দাতাদিগকে নরক হইতে উত্তোলন করিয়া স্বর্গপথে প্রবেশ করাইয়া দেয়। কথিত আছে কুষ্ঠাশ্রম প্রতিষ্ঠার মূলে মুসলমান ধর্মের এই অনুষ্ঠানের সার্থকতা দেখিতে পাওয়া যায়; আতুরগণের প্রতি যত্ন করা মুসলমান ধর্মের একটি প্রধান অঙ্গ। নিম্নশ্রেণীর প্রাণীগণের প্রতিও মহম্মদের যত্ন এবং অনুরাগের পরিচয় পাওয়া যায়, তবে মুসলমান ধর্মে পশুদিগকে পরকালের অংশভাগী করা হয় নাই বটে।

যাহাদের শারীরিক সামর্থ্য এবং অর্থবল আছে, তাহাদিগের জীবনে অন্ততঃ একবারও মক্কা দর্শন করা উচিত; কিন্তু এই তীর্থভ্রমণের মধ্যেও বিবিধ কুসংস্কারের প্রায়শ্চেষ্টা দেখিতে পাওয়া যায়। তথায় কাবা মসজিদকে সাতবার প্রদক্ষিণ করা, কৃষ্ণপ্রস্তরখণ্ড চুষন করা, জোড় পাহাড়ের ভিতর দিয়া সাতবার আনাগোনা করা ও প্রস্তর নিক্ষেপ করা ধর্মের আনুসঙ্গিক অনুষ্ঠান হইয়া উঠিয়াছে বলিয়া মুসলমান ধর্মের বিরুদ্ধবাদীগণ এই ধর্মের কঠোর সমালোচনার অবসর প্রাপ্ত হন।

যাহা হউক একথা নিঃসন্দেহে বলা যাইতে পারে যে, যে সমস্ত প্রাচীন কুসংস্কার দেশের অস্থি মজ্জাগত হইয়া পড়িয়াছিল মহম্মদ সে সমস্ত অপবিত্রতা বিদূরিত করিতে পারেন নাই এবং যে যুগে তাঁহার জন্ম হইয়াছিল তাহাতে সেরূপ কার্য্য করাও যথেষ্ট পরমাণে অসম্ভব ছিল, এমন কি তাঁহাকেও কিয়ৎ পরিমাণে এই সকল সাধারণ সংস্কারের বশবর্তী হইয়া চলিতে হইয়াছিল। তিনি কাবা মন্দিরের অপবিত্রতা বিদূরিত করিয়াছিলেন বটে কিন্তু তাঁহাকে তাহার প্রাথমিক অপ্রতিহত রাধিতে হইয়াছিল। অত্যাশ্চর্য্য বিষয় বিবেচনা করিলে দেখা যায় মহম্মদ আনুষ্ঠানিক জিয়ার উপর বিশেষ বীতস্পৃহ ছিলেন। কথিত আছে তাঁহার ধর্মে দীক্ষাসূচক কোন প্রকার প্রাথমিক সংস্কারই ছিল না, পরে তিনি বাপ্তাইজ করাই ধর্মে দীক্ষিত করিবার সর্ব্বোৎকৃষ্ট উপায় বলিয়া নির্দ্ধারণ করেন কিন্তু অবশেষে তিনি এই প্রথার পরিবর্তে স্বকচ্ছদ প্রথা প্রবর্তিত করেন।

তথাপি ইহা অবিসংবাদিতরূপে সত্য যে মহম্মদের মনুষ্যসুলভ বিবিধ দোষ সত্ত্বেও তিনি একজন অতি উচ্চশ্রেণীর সামাজিক ও নৈতিক সংস্কারক ছিলেন। তাঁহার সময়ে বহুবিবাহ প্রথা এবং দাস ব্যবসায় বহুলরূপে প্রচলিত ছিল। তিনি ঐ সকল কুপ্রথা দমনের জন্ত কোন

প্রকার ব্যবস্থা বিধিবদ্ধ করিতে পারেন নাই। হয়ত তাঁহার মনোবৃত্তি এ চিন্তা ধারণা করিয়াই উঠিতে পারে নাই যে এই সকল স্বেচ্ছা ত্যাগ করিয়া সমাজ কিরূপে স্থায়িত্বলাভ করিতে পারে। কিন্তু যাহাতে এই সকল কুপ্রথার আর বৃদ্ধি না হয় এজন্য তিনি অনেক কঠোর এবং সূক্ষ্ম নিয়মের অনুষ্ঠান করেন, এবং শিশু হত্যা, মাদক সেবন, দূতক্রীড়া, প্রভৃতি নিবারণের জন্ত তিনি সমগ্র প্রাচ্য ভূখণ্ডের রুতজ্ঞতা লাভের পাত্র।

৬। মুসলমান সম্প্রদায়ের বিভিন্ন বিভাগের কথা উল্লেখ করিয়া আমরা এই প্রস্তাবের উপসংহার করিব। মহম্মদ ভবিষ্যৎ বাণী করিয়াছিলেন যে তাঁহার মৃত্যুর পর মুসলমানগণ ভিন্ন ভিন্ন ৭৩ অংশে বিভক্ত হইবে।

মুসলমানগণ প্রধানতঃ তিন ভাগে বিভক্ত—শিয়া, সুন্নি এবং ওহাবি। তুর্কী, ইজিপ্তিয়ান, আরব, এবং ভারতীয় মুসলমানগণ সুন্নি। পারস্যবাসীগণ অধিকাংশই শিয়া। এতদ্ভিন্ন পূর্ব আরবের অধিবাসীগণ ওহাবি সম্প্রদায়ভুক্ত। পারস্যে এখন অনেক সুন্নি সম্প্রদায়ভুক্ত মুসলমান দৃষ্টিগোচর হয় এবং যে সকল দেশে সুন্নি অধিবাসী অধিক সেখানেও অনেক শিয়া বাস করে। শিয়া ও সুন্নির মধ্যে বিশেষ কোন পার্থক্য নাই, সুন্নিরা মহম্মদের শস্ত্র আবুবেকর এবং ওমার ও তাহার জামাতা ওসমানকে খালিফ বলিয়া স্বীকার করেন এবং তাহারার সুন্নার (শ্রুতির) ভাষ্যকার হানিফা, বালিক, সফিয়াই ও হনবল এই চারিজন ইমামকে মান্য করিয়া থাকেন এবং সুন্নার আদেশ শিরোধার্য্য করেন।

শিয়া সম্প্রদায় কেবলমাত্র মহম্মদের জামাতা আলিকেই খালিফ বলিয়া স্বীকার করেন। এতদ্ভিন্ন ইহঁারা দ্বাদশজন ধর্মগুরুকে (ইমাম) শ্রেষ্ঠ বলিয়া গণনা করেন। ইহাদের মধ্যে আলি, হাসেন, হুসেন এবং আবু কাশেম প্রধান। আবু কাশেম শেষ ধর্মগুরু, ইহঁার অপূর্ণ নাম ইমাম মেহেদী (অর্থাৎ ঈশ্বর পরিচালিত ধর্মগুরু)। ইনি এখন পর্য্যন্ত জীবিত আছেন বলিয়া মুসলমান সাধারণের বিশ্বাস। কথিত আছে ইনি ২৫৮ হিজিরা মাসে বোন্দাদের নিকট-বর্তী কোন গ্রামে জন্মগ্রহণ করিয়াছিলেন। ইহঁার তিরোধানের ব্যাপার রহস্যপূর্ণ এবং জনরব প্রলয়কালে ইনি পুনর্বার আবির্ভূত হইবেন। এক্ষণে শিয়াদিগের কেহ ধর্মোপদেশী নাই তবে “মস্তাহি”গণ (ধর্মশাস্ত্রবিদ পণ্ডিত) যে উপদেশ ও ব্যবস্থা প্রদান করেন শিয়ারা তদনুসারেই চলিয়া থাকেন।

শিয়া সম্প্রদায়ভুক্ত মুসলমানেরা আলিকেই সর্ব্বাপেক্ষা অধিক প্রাধান্য দান করেন এবং তাঁহাকে “ওয়ালি” এই নামে অভিহিত করিয়া থাকেন, “ওয়ালি” অর্থে “ঈশ্বরের প্রতিনিধি।” শিয়া সম্প্রদায় আবার বত্রিশ বিভিন্ন দলে বিভক্ত, ইহাদের অধিকাংশই আলিকে মহম্মদের অপেক্ষাও উচ্চ সম্মান দান করে।

শিয়া সুন্নি সম্প্রদায় অপেক্ষা অধিকতর ধর্মভাবের সহিত মহরমে যোগ দেয়। মহরমের দশমদিনে আদম ও ইত জন্মগ্রহণ করিয়াছিলেন এই উপলক্ষে সুন্নিরা উক্তদিন বিশেষ সংযমের সহিত যাপন করিয়া থাকে। কিন্তু শিয়ারা এই দশদিনই আলির দেহপাত ও তৎপূত্র হাসেন

ও হুসেনের শোচনীয় মৃত্যুর জন্ত শোক করিয়া থাকে। জনৈক মুসলমান লেখক প্রণীত বিষাদসিন্ধু নামক পুস্তকে মহরমের শোচনীয় কিন্তু হৃদয়গ্রাহী কাহিনী বিস্তৃতরূপে বর্ণিত হইয়াছে। কোতুহলী বঙ্গীয় পাঠক সেই পুস্তক পাঠ করিলে এ সম্বন্ধে সমস্ত বিষয় জানিতে পারিবেন। এখানে এই মাত্র বলিলেই যথেষ্ট হইবে যে হোসেন শত্রুর পরামর্শে তাঁহার ক্রৌঞ্চক বিধ্বংসপ্রয়োগে নিহত হন; এবং হোসেন বাহাদুরজন আক্কাবীরের সহিত বোন্দাদের নিকটবর্তী কার্কালাক্ষেত্রে উমজাদ খালিফের পুত্র এজিদ কর্তৃক বিনষ্ট হন।

মক্কায় কাবা মসজিদ দেখিয়া পুণ্য সঞ্চয় করা ভিন্নও শিয়ারা কার্কালায় হুসেনের সমাধি দর্শন উপলক্ষে তীর্থযাত্রা করিয়া থাকে। শিয়াগণ সূন্নি সম্প্রদায় অপেক্ষা চিন্তাশীল এবং তত্ত্বাসম্বন্ধে, কোরাণের বাক্যার্থ অপেক্ষা ভাবার্থকেই অধিক আদর করিয়া থাকে। উপাসনা কালে অঙ্গভঙ্গি করা সম্বন্ধে উভয় সম্প্রদায়ের মধ্যে কিঞ্চিৎ বিভিন্নতা দেখা যায়। নমাজ করিবার সময় সূন্নিরা বক্ষস্থলের উপর ভাজ করিয়া হাত রাখে, শিয়ারা সরলভাবে নামাইয়া দেয়। শিয়া সম্প্রদায়ের মধ্যে এক প্রকার দার্শনিক মত বিদ্যমান আছে, এই নিগূঢ় দার্শনিক তত্ত্বকে 'সুফী' মত বলে, ইহা কিয়ৎ পরিমাণে আমাদের বেদান্ত দর্শনের অনুরূপ।

ওহাবি সম্প্রদায় অত্যন্ত আধুনিক; কিছুকম দুইশত বৎসর পূর্বে মহম্মদ নামক এক ব্যক্তি এই দল সংস্থাপন করেন এবং তাঁহার পিতৃনাম স্মরণীয় করিবার জন্ত আবদুল ওহাব এই নামে সম্প্রদায়ের নামকরণ করেন। ইহারা সর্বপ্রকার অল্পাধিকতার বিরোধী এবং মহম্মদের অনুচরবর্গ যে সকল উপদেশ দান করিয়া গিয়াছেন তাহা ভিন্ন অল্প কাহারও উপদেশ গ্রহণ করেনা, কিম্বা ইমামদিগের প্রতিমূর্তি এবং পীরদিগের 'দরগা' যে পুণ্য সঞ্চয়ের সোপান এ কথাও স্বীকার করে না। মুসলমান সম্প্রদায়ের পবিত্রতার পরিসর বৃদ্ধি করাই ইহাদের মূল উদ্দেশ্য কিন্তু ইহারা অত্যন্ত অসহিষ্ণু এবং খৃষ্টিয়ান 'ক্রুসেডের' ছায় 'জেহাদ' অর্থাৎ ধর্মযুদ্ধের বিশেষ পক্ষপাতী।

ভারতীয় মুসলমানগণ অধিকাংশই সূন্নি, ইহাদিগকে চারিভাগে বিভক্ত করা যায়। সৈয়দ মোগল, পাঠান ও সেথ। সৈয়দগণ মহম্মদের বংশাবলী বলিয়া প্রসিদ্ধ এবং হিন্দুর নিকট ব্রাহ্মণের যেরূপ শ্রেষ্ঠতা, মুসলমান সমাজে ইহারাও তদ্রূপ উচ্চ স্থান অধিকার করিয়া আছেন। সৈয়দদিগের সাধারণ উপাধি সৈয়দ বা মির।

ভারতবর্ষে যে সকল তাতারবংশীয় মুসলমান সাম্রাজ্য সংস্থাপন করেন তাঁহাদের উত্তর পুরুষগণ মোগল বলিয়া খ্যাত ইহাদিগের উপাধি মির্জা বা বে। পাঠানগণ আফগানবংশ সম্বৃত, ইহাদিগের উপাধি খাঁ। এই সকল মুসলমান সম্প্রদায় ব্যতীত ভারতীয় মুসলমানগণ যাহারা পূর্বে ভিন্ন ধর্মাবলম্বী ছিল কিন্তু দিগ্বিজয়ী মুসলমানদিগের পরাক্রমে, কোশলে অথবা প্রলোভনে বশীভূত হইয়া পৈত্রিক ধর্মমত পরিত্যাগপূর্বক মুসলমানধর্মে দীক্ষিত হয় তাহারা এবং তাহাদের বংশধরগণ "সেথ" নামে আখ্যাত। তবে এমনও দেখা যায় অনেক সেথ অতি সম্ভ্রান্তবংশে বিবাহ করিয়া উচ্চ বংশগৌরব লাভ করিয়াছে। আবার অনেক সেথ

হলাঞ্জল টানিয়া বা মোট বহিয়া জীবিকা নির্বাহ করিতেছে কিন্তু তাহার সহোদর ভ্রাতা হয়ত নীলকুঠিতে গোমস্তাগিরি লাভ করিয়া বিশ্বাস বা মণ্ডল উপাধি মণ্ডিত হইয়াছে।

ভারতীয় মুসলমানগণের মধ্যে অনেক অপবিত্রতা, পৌত্তলিকতা এবং বহুবিধ কুসংস্কার প্রবেশ করিয়াছে। অনেক স্থলে বিস্মৃতিকা বা বসন্ত রোগের প্রাদুর্ভাব হইলে ইহারা ওলা-বিবি ও শীতলাদেবীর পূজা করিয়া থাকে এবং হিন্দুমন্দিরেও তাহাদিগকে মাথা ঠুকিতে দেখা যায়। কিন্তু ইহাতে আশ্চর্য্য বোধ করিবার কোন কারণ নাই, এই সকল মুসলমানের পূর্ব পুরুষ নিঃসন্দেহ হিন্দুসমাজভুক্ত ছিলেন; আমি রাজসাহিতে অনেক পুরাতন দলিল পত্রাদিতে দেখিয়াছি অনেক মুসলমান ব্রাহ্মণ সম্পত্তির অধিকারী। জানিতে পারা গিয়াছে তাহাদের পূর্বপুরুষগণ ব্রাহ্মণ ছিলেন—মুসলমান শাসনকালে তাহারা মহম্মদীয় ধর্ম গ্রহণ করিয়াছিলেন। ধর্মমত পরিত্যাগ করিয়াও অনেকে পূর্বপুরুষদিগের আচার ব্যবহার বা সংস্কার ত্যাগ করিতে পারে না। এতদ্ভিন্ন পূর্বে অতি সহজে জাতিপাত হইত; একালে অনেক কুলীন ব্রাহ্মণসন্তান গোপনে নিবিদ্ধ মাংস ভক্ষণ পূর্বক নিরীক্সে পরিপাক করিয়া হিন্দুত্বের অসার অংশের প্রতি শ্রদ্ধাবিহীন হিন্দুর জাতি মারিবার জন্ত বিশেষ উৎসাহ প্রকাশ করেন। বলিয়া শুনিতে পাওয়া যায়, পূর্বে ইহা অপেক্ষাও অল্প কারণে জাতি চ্যুতি ঘটিত। স্মরণ্য ধর্মত্যাগ করিতে বাধ্য হইলেও তাহারা চিরভাস্ত লোকাচার পরিত্যাগ করিতে সক্ষম হয় নাই। এদিকে সমাজ কর্তৃক পরিত্যক্ত হইয়া তাহার উপরও তাহারা তেমন প্রদম দৃষ্টিপাত করিত না আবার নূতন ধর্মে প্রবেশ করিয়া তাহার অমুষ্ঠানও তাহারা ছাড়িতে পারিত না; ইহার ফল এই হইয়াছে যে, ইহারা ছর্গোৎসবের সময় নূতন কাপড় পরিয়া দলে দলে পূজা বাড়ীতে প্রতিমা দেখিতে যায় এবং দেবমহিমার নিকট প্রণত মস্তকে আপনার কাতর প্রার্থনা জানায়, আবার বকরিদের সময় হিন্দুমন্দিরের নিকট গো-বধ করিবার প্রলোভনও ত্যাগ করিতে পারে না।

শ্রীদীনেন্দ্রকুমার রায়।

ভুল।

গেছে চলে ঘুম বোর,
তবুও পরাণ মোর
নয়ছে স্বপনে ভোর
কেন গো এমন ?
সে যদি গিয়েছে চলে
কি জানি কি মন্ববলে
কেন তার স্মৃতি ছলে
দেখায় স্বপন ?
তাহার সে হাসি রাশি
কেন কেড়ে নেয় আসি
আমার মুখের হাসি ?
কল্পিত অধর !
কেন আনে অন্ধকার
নয়নের স্ফোতি তার ?
জাঁখি হতে অশ্রুধার
ঝরে ঝর ঝর !

বুঝি না কোনটি মায়া
কোনটি সত্যের কায়া
হৃদয়েতে আলো ছায়া
রচে দুজন্যর।
তাই স্বপ্নে ভোর থাকি
হৃদয় মাঝারে ঢাকি
দোহে একসাথে রাখি
স্নিগ্ধ স্নেহ ছায়।
ছুটি মিলে খেলা করে
আমার প্রাণের ঘরে ;
একে রাখি অস্ত্র তরে,—
ছুই বুঝি ভুল !
ভুলিতে পারি না তারে,
পারিলেও চাহিনারে,
তাই বুঝি স্বপ্ন ভারে
পরাণ আকুল !

শ্রীহিরণ্যদেবী।

চক্র।

তৃতীয় পরিচ্ছেদ।

কাশীনাথ এবং শ্রীপতি বাল্যবন্ধু। শ্রীপতি ধনীর সন্তান, সচরিত্র, বিজ্ঞানভাগী। কাশীনাথ তাহার স্বজাতি কিন্তু দরিদ্র সন্তান। লক্ষ্মী যাহার প্রতি বিমুগ্ধ, বাণী তাহার প্রতি অনেক সময় সদয়। কাশীনাথ অসাধারণ ধীশক্তি সম্পন্ন; তর্ককুশল, জ্ঞানপিপাসু; স্বভাব উদ্ধত এবং গর্ভিত। শ্রীপতি এবং কাশীনাথ অনেক সময় একত্রে শাস্ত্রপাঠ করিত। বিজ্ঞা ও চিন্তার প্রথম গৌরবে কাশীনাথ সকল বিষয়েই সংশয় উপস্থিত করিত। শ্রীপতির চিন্তে সংশয় উপস্থিত হইতে কিছু বিলম্ব হইত, কাশীনাথের ছায় অল্পে বিচলিত হইত না। যৌবনের উদ্যম চঞ্চলতাবশতঃ উভয়ে নানা প্রসঙ্গে তর্ক করিত, নানা স্থানে ভ্রমণ করিত, নানা বিষয়ে চিন্তা করিত। সংসারের প্রবেশ দ্বারে এই উচ্ছ্বল চঞ্চলতা সর্বদা লক্ষিত হয়। একদিন কাশীনাথ শ্রীপতিকে কহিল, “দেখ, একটা নূতন কথা মনে হইতেছে। আইস, আমরা বাড়ী ছাড়িয়া পলাই।”

শ্রীপতি কিছু বিস্মিত হইয়া কহিল, “কেন, পলায়ন করিবার কারণ ? পলায়ন করিয়া কোথায় যাইব।

“আরে, সত্য কি আর পলাইব ! ছুই চারি দিন নিরুদ্দেশ হইয়া কোথাও চলিয়া যাই, আবার ফিরিয়া আসিব।”

শ্রীপতি কহিল, “বাড়ীর সকলকে ভাবাইবার আবশ্যক কি ? বলিয়া গেলেই ত হইবে যে ছুই চারি দিনের জন্ম বেড়াইতে যাইতেছি।”

কাশীনাথ কহিল, “আচ্ছা, তাহাই হইবে। কিন্তু আর একটা কথা আছে।”

“কি ?”

“সঙ্গে পাথের লইয়া যাইব না। পথে যাহা পাওয়া যায় তাহাতেই দিনাতিপাত করিতে হইবে।”

শ্রীপতি কহিল, “এ কথা ভাল।”

এই কথা স্থির করিয়া একদিন দুইজনে গৃহ হইতে যাত্রা করিল। তৃতীয় দিবস সন্ধ্যার সময় দুই বন্ধু ভাগীরথী তীরে উপনীত হইল। নিকটে গ্রাম নাই, কোন দিকে লোকালয় দেখিতে পাওয়া যায় না। পথজনিত শ্রান্তি এবং ক্ষুৎপিপাসায় দুইজনে কাতর।

অন্ধকার হইয়া আসিল। অন্ধকারে নদীর জল অন্ধকার হইল, জলে নক্ষত্র বিম্বিত হইল, চারিদিক নিস্তব্ধ হইল, কেবল সময়ে সময়ে নদীতীরে বালুকার টিট্টিভের রব শ্রুত হইতে লাগিল। কিয়ৎকাল পরে নদীতীরে দূরে আলোক দেখা দিল। সেই আলোকের নিকটবর্তী হইয়া শ্রীপতি ও কাশীনাথ দেখিল তীরে একটা নৌকা লাগিয়াছে। নৌকারোহীগণ চড়ায় নামিয়া পাকের আয়োজন করিতেছে। আরোহীদের সংখ্যা বিস্তর নহে।

নৌকার সমীপবর্তী হইলে যটধারী ছইজন দরওয়ান অগ্রসর হইয়া জিজ্ঞাসা করিল, “কোন স্থায়?”

কাশীনাথ কহিল, “ভয় নাই। আমরা ডাকাত নই।”

এই কথা শুনিয়া আর এক ব্যক্তি নিকটে আসিল। অন্ধকারে মুখ স্পষ্ট দেখিতে পাওয়া যায় না, কিন্তু পলিত কেশ দেখিতে পাওয়া যায়। যুবকদ্বয়কে জিজ্ঞাসা করিলেন, “তোমরা কে?”

শ্রীপতি কহিল, “আমরা অতিথি।”

বর্ষায়ান সন্ধিহানের স্থায় জিজ্ঞাসা করিলেন, “তোমাদের বেশ ত ভিক্ষকের মত নহে?”

সম্মিত মুখে শ্রীপতি কহিল, “আমরা ভিক্ষুক নহি, ভদ্রসন্তান। ভ্রমণ করিতে করিতে গৃহ হইতে দূরে আসিয়া পড়িয়াছি, নিকটে গ্রাম নাই। রাজ্যে উপবাদী থাকিতে হয় বলিয়া এখানে উপস্থিত হইয়াছি।”

বৃদ্ধ কহিলেন, “তোমরা একটু অপেক্ষা কর, আমি আসিতেছি।”

যুবকদ্বয় দাঁড়াইয়া রহিল। নিকটে দরওয়ান ছইজন সতর্কভাবে দাঁড়াইয়াছিল। বালুকার উপর যে স্থানে পাকের উল্লোহ হইতেছিল বৃদ্ধ সেই দিকে গমন করিলেন। এক বর্ষায়াদী রমণী পাক করিতেছিলেন। নিকটে বসিয়া ছইটা কিশোরী পাকের আয়োজন করিয়া দিতেছিল।

এই ছইজনের মধ্যে একজন বৃদ্ধকে জিজ্ঞাসা করিল, “মামা, কি হইয়াছে? কাহার সঙ্গে কথা কহিতেছিলে?”

মামা বলিলেন, “ছইজন অতিথি আসিয়াছে। তাহাদের আহার হয় নাই, আহার করিতে চায়।”

দ্বিতীয়া কিশোরী কহিল, “এখানে অতিথি? যদি ডাকাত হয়!”

বর্ষায়াদী কহিলেন, “তুই আর বকিসনে, নিশ্চল! আহা, তারা খেতে পায়নি, তাই এসেছে। তা বেশ হয়েছে, আমি এই ভাত চড়াচ্ছি। প্রভা, আর দু মুঠো চাল দে, আর গোটা দুই আলু ছাড়িয়ে দে, ভাতে দেব। তুমি তাদের মুখ হাত ধুয়ে বসতে বল। আমরা ব্রাহ্মণ তাদের বলেছ ত? জিজ্ঞাসা কর ত কি জাতি।”

মাতুল জিজ্ঞাসা করিয়া জানিলেন, অতিথি ছইজন স্বজাতি। অতিথিকে আর অধিক কিছু জিজ্ঞাসা করিলেন না।

আহার প্রস্তুত হইলে শ্রীপতি ও কাশীনাথ আহার করিতে বসিল। বালুকার উপর শাল পাতায় অন্ন; আলু আর মুগের ডাল ভাতে, বেগুন পোড়া, আলুর একটা ডানলা। ক্ষুধার্ত পখিকদ্বয়ের মনে হইল যেন এমন উপাদেয় সামগ্রী তাহারা কখন আহার করে নাই। তাহাদের মুখে রন্ধনের স্মৃতি শুনিয়া বৃদ্ধা পুলকিত হইলেন। মনে করিলেন, গরিবের ছেলে, নহিলে এই সামান্য সামগ্রী খাইয়া এত স্মৃতি করিবে কেন?

নিশ্চল ও প্রভাবতী দূরে বসিয়া গা টিপাটপি করিয়া নিঃশব্দে হাসিতেছিল।

প্রভাবতীর মাতুলের নাম নিরঞ্জন। নিরীহ ভাল মানুষ, কিছু ভীতস্বভাব। আহাঃ! অতিথিদ্বয়কে তাহুল দিয়া জিজ্ঞাসা করিলেন, “এখন তোমরা কোথায় যাইবে?”

শ্রীপতি কহিল, “নিকটেই কোন গাছতলায় শয়ন করিয়া থাকিব।”

অতিথি ছইজন বিদায় হইল। নিরঞ্জন দরওয়ানদ্বয়কে ডাকিয়া বলিলেন, “এই যে ছইজন অতিথি আসিয়াছিল ইহাদ্বয়কে ভাল মানুষ বোধ হইতেছে। তবু সাবধান থাকা ভাল। তোমরা পালনা করিয়া রাজি জাগিও, খবরদার ঘুমাইয়া পড়িও না।”

দরওয়ানেরা কুকুটাকুটল মুখ চক্ষু ঘুরাইয়া কহিল, “মামা বাবু, আপ বেকিকির রহিয়ে। চোর ডাকু আওয়েগা তো কেয়া ভাগ যারগা? উন্কা টাঙ্গ তোড় দেঙ্গে।” বলিয়া হাতের লাঠি সবলে বালুকার প্রোথিত করিল। ভাব এই যে বালুকার লাঠি পোঁতা আর ডাকাতের পা ভাঙ্গা এই দুই বপুরুষদ্বয়ের পক্ষে সমান স্মাধ্য। তাহাদের কথা শুনিয়া এবং হস্তমুখের ভঙ্গী দেখিয়া নিরঞ্জন অনেকটা আশ্বস্ত হইলেন।

দরওয়ানেরা প্রত্যেকে তিন পোয়া আটার রুটি, ছইটা বেগুনের চোখা, আর সাড়ে চারিটা লক্ষা খাইয়া আলুগোচে ছই ঘটা জল খাইল। তাহার পর দোজা এবং চূণ মিশাইয়া খইনি খাইতে খাইতে নিশ্চিন্ত হইয়া বসিল। নাবিক ছই চারিজন পূর্বেই শয়ন করিয়াছিল।

বয়সের শূণ্য বা বিশূণ্য নিরঞ্জন মৌতাতী লোক। এরূপ পথে বাহির হইলে মাত্রা একটু বাড়িত। তিনি তামাকু ছই এক ছিলিম বেশী খাইলেন; খানিক ক্ষণ কাঁসিলেন; খানিক চুলিলেন; অবশেষে অহিফেনের দিব্য নেশার সঙ্গে তজ্রা আসিল। নৌকার একটা কামরার মত ছিল। স্ত্রীলোকেরা তাহার ভিতর শয়ন করিয়াছিল।

দরওয়ানেরা বসিয়া গল্প করিতে লাগিল। একজন একটা বৈশাখী বিবহ গায়িল— “বেরি বেরি যালে সইয়া পুরবি বণিজিয়া।” দ্বিতীয় দরওয়ান, বনওয়ারী সিং, গায়িতে জানিত মন্দ নয়। লছমন তেওয়ারীর ভগ্ন, কদম্বা কণ্ঠ শুনিয়া, গলা ছাড়িয়া, জল কাঁপাইয়া গায়িল, “পিয়া কি আওয়ন কি ভই রে বেরিয়া, সইয়া দরওয়ারজওয়া ঠাঢ়ি রহ!” লছমন তেওয়ারী গান শুনিয়া, অত্যন্ত সন্তুষ্ট হইয়া কহিল, “ভইয়া, পহেলা পহর তুম জাগো। হম তো জরা করওয়ট ফের লেওয়ে।”

তেওয়ারীর উদরে রুটি জীর্ণ হইতে আরম্ভ হইয়াছিল।

গানের ফোয়ারা খুলিয়া দিয়া বনওয়ারী সিং বড় ক্ষুধিতে ছিল, কহিল, “কোই চিন্তা নহি, তেওয়ারী জি, ময় বয়ঠা হু, তুম সো যাও।”

বলাও যেই তেওয়ারী জীও সেই নিশ্চিন্ত হওয়া। বনওয়ারী সিং গায়িতে লাগিল, তেওয়ারীর নামাধ্বনি তাহার গানের সঙ্গে ভাঙ্গা বেঙ্গলা তানপুরার মত বলিতে লাগিল। ক্রমে তানপুরাটাই প্রবল হইতে লাগিল, কণ্ঠস্বর ক্ষীণ হইয়া আসিল। শেষে একেবারে বন্ধ হইয়া গেল। বনওয়ারী সিং আর ছুই একবার গায়িবার চেষ্টা করিল, কিন্তু গলা খুলিল না। ছুই চারিবার ঢুলিল, অবশেষে পা ছড়াইয়া শয়ন করিল। নৌকার উপর নানাবিধ নাসিকাগর্জন ভিন্ন অণু শব্দ রহিল না।

নৌকাতলে জল ঠেকিয়া অতি মধুর, তন্দ্রাকর্ষক, পত পত ছল ছল শব্দ হইতেছিল। কখন নৈশ পক্ষীর রব, কখন বৃক্ষপত্রে নৈশ সমীরণের সর সর গতি।

নৌকা হইতে অদূরে, এক প্রাচীন বটবৃক্ষতলে শ্রীপতি ও কাশীনাথ শয়ন করিয়াছিল। গভীর রাত্রে কাশীনাথের অকস্মাৎ নিদ্রাভঙ্গ হইল, মনে হইল যেন কোথায় একটা শব্দ হইতেছে। মনোযোগ পূর্বক শুনিল, মুখ চাপিয়া ধরিলে মনুষ্য বস্তু অক্ষুট কাতরোক্তি করে সেইরূপ শব্দ শোনা যাইতেছে। শ্রীপতির অঙ্গ স্পর্শ করিবামাত্র সে উঠিয়া বসিল, জিজ্ঞাসা করিল, “কি হইয়াছে?”

কাশীনাথ শ্রীপতির অধরে অঙ্গুলি স্পর্শ করিয়া, চুপি চুপি কহিল, “চুপ করিয়া শোন।” ছুইজনে শুনিতে লাগিল। নৌকা হইতে শব্দ আসিতেছে। সেই কাতরোক্তির পর এক ব্যক্তির ভীতিবিহ্বল চীৎকার, তাহার পর রমণীর আর্তকণ্ঠ, তাহার পর কর্কশ, গম্ভীর স্বর, তাহার পর আর কোন শব্দ নাই।

শ্রীপতি লক্ষ্য দিয়া উঠিল। কাশীনাথও তাহার দেখাদেখি উঠিল। শ্রীপতি কহিল, “আইস!”

কাশীনাথ শ্রীপতির স্বন্ধে হস্ত দিয়া কহিল, “আমরা গিয়া কিছু করিতে পারিব? আমরা মোটে ছুই জন, তাহাতে একেবারে নিরস্ত্র। গিয়া কিছু ফল হইবে?”

শ্রীপতি কহিল, “সে কথা বিচার করিবার কি এই সময়? আমরা উহাদের অন্ন খাই-
য়াছি, আর যদি নাই খাইতাম তাহা হইলে কি দাঁড়াইয়া উহাদের বিপদ দেখিতাম? কাশীনাথ, তোমার মুখে এমন কথা আমি কখন শুনি নাই।”

ছুই বন্ধ গৃহ হইতে এক এক গাছি ছড়ি লইয়া বাহির হইয়াছিল। তাহারা না কি একেবারে শূন্যহস্ত, এজন্ত তাহাদের দস্তুভয় ছিল না। কাশীনাথ শ্রীপতির ব্যগ্রতা দেখিয়া কহিল, “তবে আইস। ছড়ি হাতে লও। কোন কাজে না আইসে ফেলিয়া দিও। একটাও কথা কহিও না, নীরবে আইস। যেরূপ দেখা যাইবে সেইরূপ করা যাইবে।”

ছুইজনে নীরবে, বেগে নৌকার অভিমুখে গমন করিল। ছুই জনই বলবান, ব্যায়ামপটু, সাহসী। নৌকার উঠিয়া দেখিল চারিটা কৃষ্ণকায়, বিকটাকার পুরুষ দরওয়ান ছুইজনকে

বাধিবার উপক্রম করিতেছে, দরওয়ানেরা সাধ্যমত বল প্রকাশ করিতেছে। নিরঞ্জন দূরে বসিয়া কাঁপিতেছেন। নাবিকেরা ভয়ে জড়সড় হইয়া একপার্শ্বে চুপ করিয়া বসিয়া আছে। আর একটা কৃষ্ণকায় দীর্ঘাকার মনুষ্য বলপূর্বক কামরার দ্বার ভাঙ্গিবার উপক্রম করিতেছে।

শ্রীপতি গিয়া এই ব্যক্তিকে ধরিল। সে বিস্মিত হইয়া চীৎকার করিয়া উঠিল, “কেরে?” তাহাকে বল প্রকাশের অবকাশ না দিয়া শ্রীপতি তাহাকে জলে নিক্ষেপ করিল।

চীৎকার শুনিয়া আর চারিজন দস্যু ফিরিয়া চাহিল। শ্রীপতি ও কাশীনাথ তখন তাহাদের উপর গিয়া পড়িল। দরওয়ানেরা হতবুদ্ধি হইয়া, আগস্তক ছুই ব্যক্তিকে দস্যু বিবেচনা করিয়া, নিশ্চেষ্ট হইয়া রহিল। শ্রীপতি এবং কাশীনাথ তাহাদের নিকট কোনরূপ সহায়তা পাইল না। দরওয়ানদিগের নিকট তাহাদের লাঠি পড়িয়া ছিল। কাশীনাথ একটা লাঠি তুলিয়া লইল। শ্রীপতি তাহার দেখাদেখি আর একটা লাঠি তুলিয়া লইল। দস্যুদিগের মাথায় ছুই চারি ঘা পড়িতেই তাহারা জলে লাফাইয়া পড়িল। তাহাদের মনে হইতেছিল বহুসংখ্যক লোক আসিয়াছে। যে দস্যুকে শ্রীপতি জলে ফেলিয়া দিয়াছিল সে আবার আসিয়া নৌকা ধরিয়া উঠিবার চেষ্টা করিতেছিল। তাহার কালো মুণ্ড দেখিয়া শ্রীপতি তাহার মাথায় লাঠি ঘুরাইয়া মারিল। দস্যুরা তখন তিলার্দ্ধ বিলম্ব না করিয়া উল্কাধাসে পলায়ন করিল। নৌকা নিক্ষেপক দেখিয়া দরওয়ান ছুইজন উঠিয়া শ্রীপতি ও কাশীনাথের হস্ত হইতে লাঠি ছিনাইয়া লইয়া পলাতক দস্যুদিগের উদ্দেশে গালি দিতে দিতে লাঠি আফালন করিতে লাগিল। শ্রীপতি ও কাশীনাথ হাসিতে হাসিতে নৌকার উপর বসিয়া পড়িল।

তেওয়ারী জী ক্রুদ্ধ হইয়া কহিলেন, “কেঁও বাবু, হাস্তা হায় কেঁও?”

নিরঞ্জন অতিথি ছুই জনকে চিনিতে পারিয়াছিলেন। তাহার জব্ব বিশ্বাস জন্মিয়াছিল যে ইহারাই ডাকাতের সদ্দার। কাঁপিতে কাঁপিতে কহিলেন, “বাবা, দোহাই তোমাদের আমাদের কাছে কিছু নাই। এই সন্ধ্যার সময় তোমরা আহা করিয়া গেলে, তার পর—
বাবা—আমি কিছু জানি না।”

কাশীনাথ হাসিয়া কহিল, “সে কি, মহাশয়, আমাদের কি ডাকাত মনে করিতেছেন না কি? এই যে আপনাদের সম্মুখে তাহাদিগকে মারিয়া তাড়াইয়া দিলাম।”

কামরার ভিতর হইতে রমণীকণ্ঠ আসিল, “মামা, উঁহারাই ত আমাদের রক্ষা করিয়া-
ছেন। উঁহাদের বল যে এ উপকারের শোধ আমরা জন্মে দিতে পারিব না।”

তখন নিরঞ্জনের চৈতন্য হইল। তিনি বিস্তর বাগাড়ম্বর করিয়া কৃতজ্ঞতা প্রকাশ করিতে লাগিলেন। ইঙ্গিতে বুঝাইলেন যে যুবকদিগের নাম ধাম জানিতে পারিলে রাজ-
ধানীতে উপনীত হইয়া কিছু পুরস্কার পাঠাইয়া দিবেন।

বীণা বন্ধারের ছায় রমণীকণ্ঠ শুনিয়া নিরঞ্জনের কথায় শ্রীপতির ক্রোধ অথবা বিরক্তি হইল না। উঠিয়া কহিল, রাত্রি অল্পই অবশিষ্ট আছে, আর কোন আশঙ্কা নাই। এখন আমরা বিদায় হই।”

নিরঞ্জন উঠিয়া তাড়াতাড়ি তাহার হাত ধরিয়া কহিলেন, “না, না, এখন যাইও না। এখনও রাত্রি আছে, এখনও অনেক আশঙ্কা। যদি আমাদের রক্ষা করিয়াছ ত স্বর্ঘ্যোদয় পর্যন্ত নৌকায় থাক।”

বুদ্ধা ভিতর হইতে ডাকিয়া কহিলেন, “এখন উঁহাদিগকে যাইতে বারণ কর। আমাদের বড় ভয় করিতেছে। কাল সকালে যেন আহা করিয়া যাওয়া হয়।”

তাহার পশ্চাৎ অল্প স্থরে আর একজন বলিল, “আমাদের সকলেরই ভয় করিতেছে উঁহারা এখন যেন না যান।”

শ্রীপতি ও কাশীনাথ উপবেশন করিল। শ্রীপতি কহিল, “তবে আমরা এখন আর যাইব না। কাল প্রাতেই যাইব।”

নিরঞ্জন তখন নিশ্চিত হইয়া দরওয়ানদিগের উপর ধমক চমক করিতে লাগিলেন— “নিমকহারাম, পেটুক, বিতীষণের মত খাইবে আর কুস্তকর্ণের মত ঘুমাইবে। একটা রাত্রি জাগিতে পারে না।” বিতীষণ যে অত্যন্ত পেটুক ছিলেন এটা নিরঞ্জনের নিজের কল্পনা।

অবশিষ্ট রাত্রি বসিয়াই কাটিল।

চতুর্থ পরিচ্ছেদ।

প্রভাত হইলে নিরঞ্জন দেখিলেন শ্রীপতি ও কাশীনাথ যথার্থ ভদ্র সন্তান বটে। জিজ্ঞাসা করিয়া জানিলেন, তাহারাও রাজধানী যাইতেছে। কহিলেন, “আমাদের সঙ্গে চল না।”

শ্রীপতি কাশীনাথের দিকে চাহিয়া কহিল, “আপনাদের কোন অসুবিধা না হয় ত আমাদের কোন আপত্তি নাই।”

শ্রীপতি ও কাশীনাথ নৌকা হইতে নামিয়া এদিক ওদিক ঘুরিয়া বেড়াইতে লাগিল। পাককার্য শীঘ্র সমাধা হইয়া গেল। যে স্থানে নৌকা লাগিয়াছিল সে স্থান হইতে রাজধানী এক বেলায় পথ। বেলা অধিক না হইতে যাত্রা করিলে সন্ধ্যার পূর্বে পঁহুঁছিবার সম্ভাবনা।

প্রভাবতী ও নিশ্চলা কাননবাসিনী, তাহাদের, বিশেষ প্রভাবতীর বড় লজ্জা ছিল না। শ্রীপতি ও কাশীনাথ তাহাদিগকে দেখিতে পাইল। সন্ধ্যার সময় নৌকা রাজধানীর সম্মুখে লাগিল। শ্রীপতি ও কাশীনাথ নিরঞ্জনের সঙ্গে অদ্বৈতপ্রসাদের গৃহ পর্যন্ত গমন করিল।

পরদিবস শ্রীপতি নিরঞ্জনের নিমন্ত্রণ করিয়া আপনার গৃহে লইয়া গেল। শ্রীপতি যে এত ধনবান নিরঞ্জনের প্রথমে তাহা বিশ্বাস হয় না। এমন ধনী সন্তান হইয়া শ্রীপতি

ভিক্কুর মত বেড়াইতেছিল কেন? শ্রীপতি কহিল, “এমন করিয়া না বেড়াইলে কেমন করিয়া আপনার সহিত আলাপ হইত?”

নিরঞ্জন কহিলেন, “তোমরা না থাকিলে আমাদের রক্ষা করিতই বা কে?”

নিমন্ত্রণ খাইয়া আসিয়া নিরঞ্জন অদ্বৈতপ্রসাদকে এক দীর্ঘ পত্র লিখিলেন। নৌকার ঘটনাটা অলঙ্কারবাহুল্যে আর একরূপ হইয়া দাঁড়াইল। পত্র পড়িয়া কেহই অল্পমান করিতে পারিত না যে দস্যুদিগকে দেখিয়া নিরঞ্জন ভয় পাইয়াছিলেন। দুই বন্ধুর গুণ এবং শ্রীপতির ঐশ্বর্য্যও বিস্তারিতরূপে বর্ণিত হইল। উত্তরে অদ্বৈতপ্রসাদ লিখিলেন, “আমার কর্তব্য নিজে উপস্থিত হইয়া তাহাদিগকে ধন্যবাদ দিই, কিন্তু এখন যাওয়া আমার পক্ষে এক প্রকার অসম্ভব। তাহারা বেড়াইতে ভালবাসেন; এ স্থান নিরঞ্জন, রমা, শান্তিপূর্ণ। তাহারা যদি একবার এখানে আসেন ত আমি তাহাদিগকে দেখিয়া সুখী হই!”

এই পত্র নিরঞ্জন শ্রীপতিকে দেখাইলেন। শ্রীপতি একটু চিন্তা করিয়া, কিছু লজ্জিত ভাবে জিজ্ঞাসা করিল, “আপনার কি এখানে কিছুদিন থাকিবেন?”

নিরঞ্জন কহিলেন, “না, এই দুই চারিদিনের মধ্যে ফিরিয়া যাইব। আমি কিন্তু আবার এখানে চলিয়া আসিব।”

“আপনারা সকলে?”

“না, আমি একা। আর সকলে সেইখানে থাকিবেন।”

শ্রীপতি অল্পক্ষণ চিন্তা করিয়া কহিল, “আপনি লিখিবেন যে তাহারা দর্শনসৌভাগ্য লাভের জন্ত আমরা শীঘ্রই যাইব।”

পঞ্চম পরিচ্ছেদ।

এই ঘটনার কিছুদিন পূর্বে একদিবস অপরাহ্নকালে রাজধানী হইতে কয়েক ক্রোশ পূর্বে কাশীনাথ একাকী ভ্রমণ করিতেছিল। নিকটে যে দুই একখানি গ্রাম ছিল, তাহাতে প্রবেশ না করিয়া শস্তক্ষেত্রের পার্শ্ব দিয়া গমন করিতেছিল। ক্ষেত্রের সম্মুখে দিয়া একটা ক্ষুদ্র নদী কিছু বেগে বহিতেছিল। কাশীনাথ অল্প মনে কখন শস্তশীর্ষের দিকে, কখন নদীর জলের দিকে, কখন পশ্চিমাংশে চাহিয়া গমন করিতে করিতে একটা গ্রাম্য পথের প্রান্তে আসিয়া উপনীত হইল। গ্রামের লোক আবশ্যক মত সেই পথ দিয়া নদীর ধারে যাত্রাত করে।

পশ্চাতে অশ্বকুরের শব্দ শ্রবণ করিয়া কাশীনাথ ফিরিয়া চাহিল। দেখিল, একটা অশ্ব অত্যন্ত বেগে সেই দিকে ছুটিয়া আসিতেছে। অশ্বারোহী বালক, কোন মতে অশ্বকে

সংঘত করিতে পারিতেছে না। কাশীনাথ অশ্বের পথ ছাড়িয়া দাঁড়াইল। অশ্ব সেইরূপ বেগে আসিয়া, নদীর তীরে উপস্থিত হইয়া, জল দেখিয়া একেবারে থমকিয়া দাঁড়াইল। আকৃষ্ট ছিলা হইতে মুক্ত হইলে শর ঘেরূপ বেগে নিক্ষিপ্ত হয়, বালক সেইরূপ বেগে অশ্বগৃহ হইতে জলে নিক্ষিপ্ত হইল। জলে পড়িবামাত্র অদৃশ হইল।

বালক কোথায় ডুবিল কাশীনাথ লক্ষ্য করিয়া দেখিল। তৎপরে কিছু দূর ধাবিত হইয়া পাছকা তাগ করিয়া জলে প্রবেশ করিল। এই সময় বালক ভাসিয়া উঠিল। কাশীনাথ সম্ভরণ পূর্বক তাহাকে ধরিয়া তীরে তুলিল। দেখিল বালক সংজ্ঞাপূর্ণ। জলে অতি অল্পক্ষণ নিমজ্জিত ছিল, অধিক জল পান করে নাই, কিন্তু ভয়ে, জলপতনের বেগে, এবং নিশ্বাস রুদ্ধ হইয়া মুচ্ছিত হইয়াছে। বালকের বয়স অল্পমান ত্রয়োদশ বৎসর, বেশ ধনী সন্তানের ছায়। কাশীনাথ বালককে স্বন্ধে তুলিয়া লইয়া গ্রামের অভিমুখে চলিল। কিছু দূর গমন করিয়া দেখিল গ্রাম হইতে বহুসংখ্যক লোক কোলাহল করিয়া দোড়িয়া আসিতেছে। কাশীনাথের আর্দ্র বস্ত্র এবং তাহার স্বন্ধে মৃতকল্প বালককে দেখিয়া তাহার মনে করিল বালক ডুবিয়া মরিয়াছে। কয়েকজন রোদন করিতে আরম্ভ করিল।

কাশীনাথ কহিল, “কোন ভয় নাই। বালকের মুচ্ছা হইয়াছে, এখনই চৈতন্য হইবে। ইহাকে কোথায় লইয়া যাইতে হইবে?”

কয়েক ব্যক্তি আসিয়া বালককে বহন করিতে উদ্ভত হইল। কাশীনাথ কহিল “আমি ইহাকে স্বন্ধে লইয়া যাইতেছি, তোমরা পথ দেখাইয়া চল।”

কিছুদূর গিয়া কাশীনাথ দেখিল সম্মুখে এক সুবিস্তৃত প্রাসাদ। কয়েক ব্যক্তি তাহার সঙ্গে প্রাসাদের অভিমুখে চলিল, আর সকলে ফটকের বাহিরে দাঁড়াইয়া রহিল। প্রাসাদের ভিতরেও অত্যন্ত গোলযোগ। একজন প্রবীন পুরুষ অস্থির হইয়া কাশীনাথের সম্মুখে আসিয়া কহিলেন, “বাচিয়া আছে কি?”

কাশীনাথ অল্পমান করিল ইনিই গৃহস্থানী এবং বালকের পিতা। কহিল, “কোন চিন্তা করিবেন না, মুচ্ছিত হইয়াছে। এখনই মুচ্ছাভঙ্গ হইবে।”

বালকের আর্দ্র বস্ত্র খুলিয়া, তাহাকে শয্যা শয়ন করাইয়া, কাশীনাথ তাহার চৈতন্যোৎপাদনে নিযুক্ত হইল। অল্পক্ষণেই বালক নিশ্বাস ত্যাগ করিয়া চক্ষু উন্মীলন করিল।

তখন কাশীনাথ শয্যাপার্শ্ব হইতে উঠিয়া বালকের পিতাকে কহিল, “আর কোন ভয় নাই। অল্প ছুটি আহার করাইলে ভাল হয়। এখনই নিদ্রা আসিবে।”

কাশীনাথ গমন করিতে উদ্যত হইল। গৃহস্থানী কহিলেন, “সে কি কথা! বিপ্রদাস!”

কাশীনাথের সমবয়স্ক এক যুবা পুরুষ সম্মুখে আসিয়া কহিল, “আজ্ঞা!”

“ইহাকে কাপড় ছাড়াইয়া আহারাতি করাও! আমার সহিত সাক্ষাৎ না করিয়া যেন চলিয়া না যান।”

“বে আজ্ঞা,” বলিয়া বিপ্রদাস কাশীনাথকে সঙ্গে করিয়া আপনার ঘরে লইয়া গেল।

কথাবার্তায় কাশীনাথ জানিল গৃহস্থানীর নাম গৌরীশঙ্কর; যথেষ্ট পৈত্রিক সম্পত্তি আছে, নিজে সে সম্পত্তি বাড়াইতেছেন। বিপ্রদাস এবং গুরুদাস দুই পুত্র। বিপ্রদাস উপযুক্ত হইয়া পিতার নিকট বিষয় কর্ম দেখিতে শিখিতেছে।

আহারের সময় গৌরীশঙ্কর স্বয়ং আসিয়া কাশীনাথের পরিচরাদি জিজ্ঞাসা করিলেন। জীলোকেরা ঘরের এবং গবাক্ষের অন্তরাল হইতে কাশীনাথকে দেখিতে লাগিল। অলঙ্কারের শিল্পন এবং মুক্ত কথোপকথন শব্দ অনেক বার কাশীনাথের শ্রবণে গেল। গৌরীশঙ্কর রাত্রি কোন মতে কাশীনাথকে ছাড়িয়া দিলেন না। প্রভাতে যাইবার পূর্বে কাশীনাথকে ডাকিয়া কহিলেন, “দেখ, তুমি আমার পুত্রের প্রাণরক্ষা করিয়াছ। এখন হইতে তুমিও আমার পুত্রতুল্য। তুমি বিদ্যা শিক্ষা করিয়াছ; অর্থাভাবে যদি ভবিষ্যতে কোন ব্যাঘাত হয় ত আমাকে তোমার পিতৃস্থানীয় বিবেচনা করিবে। শীঘ্রই তোমার ভাল কর্ম করিয়া দিব, কিম্বা আপনি কর্ম শিখাইব। এই গৃহ তোমার গৃহ জানিবে। যেমন বিপ্রদাস তেমনি তুমি।”

কাশীনাথ কহিল, “আপনি আমার অত্যন্ত অহুগ্রহ করিতেছেন। কিন্তু সম্পত্তি বিষয় কর্মে আমার অভিরুচি নাই। আমার জন্ম আপনি কেন অনর্থক কষ্ট স্বীকার করিবেন?”

গৌরীশঙ্কর স্মচতুর, বহুদর্শী। কাশীনাথের প্রতি তীক্ষ্ণ দৃষ্টিপাত করিয়া কহিলেন, “অর্থ-লালসানাই? উত্তম কথা। বিষয়বাসনাই রহিল? ধন লোভ ত্যাগ করিলে কি কোন কামনা থাকে না? যশের আকাঙ্ক্ষা আছে ত, কর্তব্যকর্মে ত নিকাম নিষ্ঠা থাকা উচিত।”

কাশীনাথ কহিল, “তাহাও বলিতে পারি না। কোন আকাঙ্ক্ষা নাই, কিছুতেই যেন বিশ্বাস হয় না।”

গৌরীশঙ্কর কহিলেন, “সে কথা আরও ভাল। তোমার সহিত আমার মনের ভাব অনেক মিলে। আবার শীঘ্র আসিও, তোমার সঙ্গে অনেক কথা আছে।”

কাশীনাথ প্রতিশ্রুত হইয়া বিদায় হইল। অঙ্গীকার মত আবার আসিল, আবার পূর্বের ছায় সমাদরের সহিত সকলে অভ্যর্থনা করিল। দিন কয়েক এইরূপ যাতায়াত করিতে করিতে অত্যন্ত ঘনিষ্ঠতা জন্মিল। প্রতিবারেই গৌরীশঙ্কর কাশীনাথের সহিত একান্তে নানা প্রশ্নে কথোপকথন করিতেন। একদিন অচ্যুত কথার পর গৌরীশঙ্কর কহিলেন, “যদি বিষয় কর্মে তোমার অনুরাগ না থাকে, আয়জ্ঞানই; যদি তোমার অতীষ্ট হয়, তাহা হইলেও কর্ম ত্যাগ করিবে কি রূপে? ইচ্ছা করিলে অতি মহৎ কর্মে তুমি আমার প্রধান সহায় হইতে পার। সে কর্মে আমার স্বার্থ নাই, তোমার স্বার্থ নাই, অথচ দেশ শুদ্ধ লোকের স্বার্থ আছে।”

কাশীনাথ ব্যঙ্গের ভাব চাপিয়া রাখিয়া কহিল, “দেশোদ্ধার না কি?”

গৌরীশঙ্করের ঘন ক্রুর তলে গভীর চক্ষে আকাশপ্রান্তে অতি ক্ষীণ বিহ্বলের ছায় আলোক জ্বলিল, আবার তখনি নিভিয়া গেল। কহিলেন, “আমাদের দেশে কথাটা ষণ্ণাব্যক্ত হইয়া উঠিয়াছে। বস্তুতঃ কি হাসির কথা? আমি প্রাচীন, আমার তেমন

উৎসাহ না থাকিতে পারে; কিন্তু যুবকের পক্ষেও কি ইহা বিজ্ঞপের বিষয়? এমন কথা লইয়া কি ব্যঙ্গ করা যায়? আমাদের জাতিতে সেরূপ স্বার্থশূন্যতা নাই, তেমন কর্তব্যজ্ঞান নাই, সেরূপ নির্ভীকতা নাই বলিয়াই কি এমন বিষয় লইয়া বিজ্ঞপ করিতে হইবে? পুরুষাঙ্ক্রেমে আমরা পদদলিত পরাধীন জাতি বলিয়াই কি জীবনের একরূপ মহৎ আদর্শ রহস্তের সামগ্রী হইবে? স্বদেশের উদ্ধার অসম্ভব বলিয়া কি সেই কথা লইয়া আমরা কোতুক করিব? যে জাতির বংশধর বলিয়া আমরা গৌরব স্পর্ধা করি সেই জাতির নিকট কি এই শিক্ষা পাইয়াছি? অসাধ্য সাধনই তাঁহাদের ব্রত ছিল, অসম্ভবকে সম্ভব করাই তাঁহাদের জীবনের উদ্দেশ্য ছিল। তাঁহাদের কীর্তি, তাঁহাদের জ্ঞানের, তাঁহাদের গৌরবের আমরা উত্তরাধিকারী, তাঁহাদের নিষ্ঠা, তাঁহাদের ঐকান্তিকতা, তাঁহাদের কর্তব্যজ্ঞান চেষ্টা করিলে কি আমরা পাই না? আমাদের জীবদশায় আমাদের মনোবাঞ্ছা পূর্ণ না হইতে পারে, কিন্তু জাতীয় জীবনের স্রোতে ত আমরা বিন্দু মাত্র। সিদ্ধি কি সর্বদা করতলগত ফলের আয়? সিদ্ধির মার্গ অবলম্বন করাই আমাদের কর্তব্য। সর্বাস্তঃকরণে এক ব্যক্তি যদি এই মহৎ উদ্দেশ্যে আপনার জীবন উৎসর্গ করে ত কোন অচিন্ত্যপূর্ক ফল না ফলিতে পারে? তোমার মত স্বার্থশূন্য ব্যক্তি এমন কর্মে হস্তক্ষেপ না করিলে আর কে করিবে? সাধারণ লোকের যে সকল প্রলোভন তোমার তাহা কিছুমাত্র নাই। অর্থাৎ, পদমর্ধ্যাদার তোমার কোন লোভ নাই। তুমি পণ্ডিত, শাস্ত্রজ্ঞ, আমাদের পূর্বপুরুষদিগের বহুযত্নসঞ্চিত জ্ঞানভাণ্ডার হইতে নানাবিধ রত্ন আহরণ করিয়াছ। তোমার চিত্ত নির্মল, বুদ্ধি তীক্ষ্ণ, অধ্যবসায় দৃঢ়। কর্মযোগী হইবার তোমার আয় উপযুক্ত পাত্র কে? যে কথা লইয়া মুর্থ, স্বার্থপর ব্যক্তির বিজ্ঞপ করে তুমি তাহাই জীবনের লক্ষ্য কর, স্বদেশহিত ব্রত গ্রহণ কর।”

শুনিত শুনিতে কাশীনাথের বক্ষ স্ফীত হইল, নিশ্বাস দ্রুত বহিল, চক্ষু জ্যোতির্ময় হইল। আবেগপূর্ণ স্বরে কহিল, “আমাকে কি করিতে হইবে?”

গৌরীশঙ্কর কহিলেন, “এই ব্রত গ্রহণ করিবার জন্ত একটা সম্প্রদায় আছে। তুমি সেই সম্প্রদায়ভুক্ত হও। আমি আপাততঃ উহার অযোগ্য নেতা।”

কাশীনাথ জিজ্ঞাসা করিল, “আর কাহারও নাম শুনিতে পাই?”

“এখন পাইবে না। কিছুদিন পরীক্ষাধীন থাকিতে হইবে। পরে সকল কথাই জানিতে পারিবে। আমার আশা আছে কালে তুমি আমাদের মধ্যে একজন প্রধান ব্যক্তি হইবে।”

কাশীনাথ কহিল, “আপনার কথাই স্বীকার করিলাম। এখন কি করিতে হইবে?”

গৌরীশঙ্কর উঠিয়া গিয়া পার্শ্বের গৃহ হইতে এক খণ্ড কাগজ লইয়া আসিলেন। কহিলেন, “ইহাতে স্বাক্ষর কর, আমি সাফী স্বরূপে স্বাক্ষর করিতেছি।”

কাশীনাথ স্বাক্ষর করিল। তখন গৌরীশঙ্কর বিপ্রদাসকে ডাকিয়া বলিলেন, “ইহাকে মন্দিরে লইয়া যাও।”

বিপ্রদাস কিছু বিস্মিত হইয়া পিতার প্রতি চাহিল। গৌরীশঙ্কর কহিলেন, “ইনি দীক্ষিত হইয়াছেন।”

বিপ্রদাস আর কোন কথা না কহিয়া, কাশীনাথকে অম্ববর্তী হইতে সঙ্কেত করিয়া, অগ্রে অগ্রে পথ দেখাইয়া চলিল। কাশীনাথও বিনা বাক্যে তাহার অনুসরণ করিল।

গৌরীশঙ্করের বৃহৎ অটালিকার সকল অংশ কাশীনাথ দেখে নাই। বিপ্রদাস প্রথমে অন্তরমহল পার হইল। আরও কয়েকটা প্রকোষ্ঠ উত্তীর্ণ হইয়া একটা দরদালানে আসিয়া উপনীত হইল। তাহার এক প্রান্তে একটা ক্ষুদ্র অঙ্ককার গৃহ। চাবি দিয়া কবাট খুলিয়া বিপ্রদাস প্রথমে প্রবেশ করিল। তৎপরে গৃহের প্রাচীরে একটা দ্বার মুক্ত করিল। দ্বার অত্যন্ত কঠিন, কিন্তু নিঃশব্দে মুক্ত হইল। বিপ্রদাস বর্তিকা জালিয়া কাশীনাথকে কহিল, “সাংঘানে আমার পশ্চাতে আইস।”

দ্বারপথে উভয়ে প্রবেষ্ট হইলে বিপ্রদাস পুনরায় দ্বার রুদ্ধ করিল। বর্তিকালোকে কাশীনাথ অস্পষ্ট দেখিতে পাইল সম্মুখে সোপানাবলী রহিয়াছে। বিপ্রদাস এবং কাশীনাথ সাংঘানে সেই সোপানশ্রেণী অবতরণ করিতে লাগিল। পথ অন্ধকার, সঙ্কীর্ণ, কোন স্থানে মস্তক অবনত করিয়া গমন করিতে হয়। কাশীনাথের মনে হইল গৌরীশঙ্করের গৃহ ত্যাগ করিয়া তাহার অনেক দূর যাইতেছে। অবশেষে বিপ্রদাস একটা ক্ষুদ্র দ্বারের সম্মুখে আসিয়া দাঁড়াইল। এ দ্বারও পূর্বের আয় অত্যন্ত কঠিন, সেইরূপ নিঃশব্দে মুক্ত হইল। তাহার প্রবেশ করিবামাত্র দ্বার স্বয়ং রুদ্ধ হইল।

বিপ্রদাস বর্তিকা নির্ধারিত করিল। কাশীনাথ দেখিল, অকস্মাৎ আলোকে আসিয়া উপস্থিত হইয়াছে। সম্মুখে উচ্চ, প্রশস্ত গৃহ, আলোকে উদ্ভাসিত হইয়াছে। গৃহের আয়তন বৃহৎ, উচ্চ গবাক্ষশ্রেণী হইতে দিবালোক আসিতেছে। গৃহের আকৃতি এবং সজ্জা দেখিয়া কাশীনাথ বিস্মিত, চমৎকৃত হইয়া দাঁড়াইল। হস্ত্যতল মার্জিত মন্থন কৃষ্ণপ্রস্তরনির্মিত। গৃহের প্রাচীরে চারিদিকে শিল্পকুশল চিত্রকরকৃত নানা বর্ণের নানাবিধ চিত্র। এক স্থানে সুরাস্রবের যুদ্ধ, দূর হইতে মোহিনী অমৃতভাণ্ডহস্তে দাঁড়াইয়া দেখিতেছেন; আর এক স্থানে প্রাচীন উপনিষদের ইতিবৃত্ত—অগ্নি তৃণদাহনে এবং বায়ু তৃণগ্রহণে অশক্ত হইয়া, অতৃপূর্ক ব্রহ্মমূর্তির স্বরূপ নির্ণয় করিতে না পারিয়া লজ্জাবনতমস্তকে দেবমণ্ডলী মধ্যে ফিরিয়া যাইতেছেন, ইন্দ্র ব্রহ্মের পরিচয় জিজ্ঞাসা করিতে যাইতেছেন, ব্রহ্ম অন্তর্হিত হইতেছেন, বিভ্യാকৃপিনী উমা ইন্দ্রের অজ্ঞান দূর করিবার জন্ত আর এক দিক হইতে আগমন করিতেছেন; বেদোক্ত আর্ঘ্য এবং দক্ষ্যদিগের যুদ্ধ অস্ত্র চিত্রিত রহিয়াছে—দক্ষ্যগণ পরাজিত হইয়া দূরস্থিত পর্বতাভিমুখে পলায়ন করিতেছে; ব্রহ্মচারী অর্জুন ছদ্মবেশী গণপতির সহিত বিচিত্র মল্লযুদ্ধ করিতেছেন; সভাস্থলে শিশুপাল ক্রোধাক্ত হইয়া দণ্ডায়মান রহিয়াছে, জনার্দন স্নানকালে স্মরণ করিয়াছেন, প্রথর জালাংশিতে সভামণ্ডল উজ্জলিত করিয়া ঘূর্ণমান চক্র বেগে শিশুপালের প্রতি ধাবিত হইতেছে; ধর্মরাজ যুধিষ্ঠির অশ্বমেধ

যজ্ঞ করিতেছেন, চন্দ্রনোক্ষিত মালাভূষিত অশ্ব নিকটে দাঁড়াইয়া রহিয়াছে, আহৃত পরাজিত নরপালগণ মণ্ডলাকারে উপবিষ্ট রহিয়াছেন; রাবণের বিপুল মৃতদেহ পড়িয়া রহিয়াছে, অগ্নিকুণ্ড হইতে নির্মল নিষ্কলঙ্ক স্বর্ণপ্রতিমার ছায় মীতাদেবী উথিত হইতেছেন, নিকটে অগাধ প্রেমপরিপূর্ণ কাতর লোচনে রামচন্দ্র দাঁড়াইয়া রহিয়াছেন; ঋপদের সভাতলে ব্রাহ্মণবেশধারী অর্জুন লক্ষ্য ভেদ করিবার মানসে ধনুকে জ্যা রোপণ করিতেছেন, ব্রাহ্মণ-মণ্ডলী এক হস্তে কমণ্ডলু অপর হস্তে কৃষ্ণাজিন লইয়া দণ্ডায়মান হইয়া বিরক্তি প্রকাশ করিতেছেন, ক্ষত্রিয়গণ হাসিয়া ধনঞ্জয়ের প্রতি ঘৃণা কটাক্ষপাত করিতেছেন। গৃহতলে চারিদিকে স্ননিগুন ভাস্করখোদিত বহুবিধ প্রতিমূর্তি। একদিকে শম্ভুচক্রগদাপন্নধারী নারায়ণের প্রসন্ন চতুর্ভুজ মূর্তি—নবধনশ্যাম কান্তি, লোহিত করতল, লোহিত পদতল; অত্রদিকে দ্বিভুজ শ্যামেন্দীবর শ্রীরামচন্দ্র মূর্তি; গাণ্ডীবধারী দেবেশ্রতুল্য সব্যসাচী; ভীমকায়, ভীমগদাধারী ভীম; মহেন্দ্রবাহু কাণ্ডবীর্ষ্যার্জুন; গন্ধমাদনবাহী অঞ্জনানন্দন; প্রাচীন, তেজস্বী ভীম; ধীর প্রশান্তমূর্তি যুধিষ্ঠির; যোগেশ্বর মহাদেব। গৃহের মধ্যস্থলে বিভূতিভূষিত, জটাজুটধারী তাপস মূর্তি; তাহার পার্শ্বে খেতপ্রস্তরনির্মিত বেদী। কাশীনাথ সবিম্বরে একে একে এই সব দেখিল। আরও দেখিল, প্রাচীরে, গৃহের কোনে, গৃহের পার্শ্বে নানাবিধ অস্ত্র সজ্জিত রহিয়াছে। খড়্গ, তরবারি, ত্রিশূল, বর্ষা, ধনুক; একদিকে বহুসংখ্যক বন্দুক স্তূপীকৃত হইয়া রহিয়াছে।

অনেকক্ষণ কেহ কোন কথা কহিল না। পরে কাশীনাথ জিজ্ঞাসা করিল, “এখন কি করিতে হইবে?”

বিপ্রদাস কহিল, “তোমাকে একটা অস্ত্র লইতে হইবে। ধনুক ও বন্দুক ছাড়া যাহা তোমার ইচ্ছা লইতে পার।”

কাশীনাথ বাছিয়া একটা তরবারি লইল। কোষমুক্ত করিয়া দেখিল, অসি লঘু এবং শাণিত, লঘুহস্ত, শিক্ষিতকৌশল ব্যক্তির হস্তে প্রচণ্ড অস্ত্র। কহিল, “এই অসি লইলাম।”

বিপ্রদাস বলিল, “তবে এখন চল।”

“এখানে আর কিছু করিতে হইবে না?”

“আর কিছু না।”

বিপ্রদাস দ্বার রুদ্ধ করিয়া পূর্বের ছায় বর্জিকা জালিল। সেই অন্ধকার সঙ্কীর্ণ পথ দিয়া উভয়ে ফিরিয়া চলিল।

বিপ্রদাস অগ্রে, কাশীনাথ তাহার পশ্চাতে যাইতেছিল। অন্দরমহল পার হইবার সময় কাশীনাথ দেখিল একটা দ্বারের অন্তরালে একটা রমণী দাঁড়াইয়া রহিয়াছে। সেই দ্বারের সম্মুখে দিয়া যাইবার সময় রমণী হস্ত প্রসারিত করিয়া কাশীনাথের হস্তে একখণ্ড ক্ষুদ্র কাগজ দিল। চকিতের ছায় চক্ষে চক্ষে মিলিল—কাশীনাথ দেখিল রমণী অসামান্য রূপলাবণ্যবতী। চকিতের ছায় রমণী আবার সরিয়া গেল।

বিপ্রদাসের অলক্ষ্যে, কটাক্ষে কাশীনাথ পাঠ করিল, “সাবধান! এ জালে পড়িলে আর মুক্তি নাই।” পত্রখণ্ড কাশীনাথ বস্ত্রমধ্যে গোপন করিয়া, মনে মনে হাসিয়া বলিল, আর সব জাল ছিঁড়িতে পারা যায়, রূপের জাল বড় বিষম!

গৌরীশঙ্কর বসিয়া কাশীনাথের অপেক্ষা করিতেছিলেন। কাশীনাথের হস্তে অসি দেখিয়া কহিলেন, “উত্তম। পুরুষের অস্ত্রই এই।”

ক্ষণেক পরে গৌরীশঙ্কর কহিলেন, “আর একটা কৰ্ম আছে।”

কাশীনাথ কহিল, “বলুন।”

গৌরীশঙ্কর কহিল, “তোমার ঐ অসি দিয়া তোমার হস্তে একটা চিহ্ন করিতে হইবে। তুমি জিজ্ঞাসা করিবে, স্তম্ভ শরীরে আঘাত করিবার কারণ কি? ইহাও দীক্ষার একটা অঙ্গ। এই দেখ।”

গৌরীশঙ্কর আপনার বাহুমূলে খত-চিহ্ন দেখাইলেন। কাশীনাথ লক্ষ্য করিয়া দেখিল, চক্রবর্তী চিহ্ন। গৌরীশঙ্কর বিপ্রদাসকে হস্ত দেখাইতে বলিলেন। বিপ্রদাসের বাহুমূলে কাশীনাথ ছত্রচিহ্ন দেখিতে পাইল। গৌরীশঙ্কর কহিলেন, “যে কৰ্ম আমি স্বয়ং করিতে না পারি, অথবা পুত্রকে করিতে আদেশ না করিতে পারি সে কৰ্ম তোমাকে করিতে বলিব না। সে বিষয়ে তুমি নিশ্চিত থাকিও।”

কাশীনাথ গৌরীশঙ্করের হস্তে অসি দিয়া, বাহু প্রসারিত করিয়া কহিল, “চিহ্ন করিয়া দিন।”

“কি চিহ্ন করিয়া দিব!”

“শূল চিহ্ন।”

অসি লইয়া গৌরীশঙ্কর কাশীনাথের বাহুমূলে, অত্যন্ত কৌশলের সহিত শূল চিহ্ন করিয়া দিলেন। কাশীনাথ যন্ত্রণায় শব্দ করিল না, মুখ বিকৃত করিল না, তাহার নেত্রপদ্ম পর্যন্ত হেলিল না। চিহ্নান্তে বিপ্রদাস ক্ষতস্থানের উপর এক প্রকার প্রলেপ লেপন করিয়া দিল, তাহাতে শোণিত স্রাব বন্ধ হইয়া কৃষ্ণবর্ণ চিহ্ন হইল।

গৌরীশঙ্কর কাশীনাথকে গাঢ় আলিঙ্গন করিয়া কহিলেন, “তোমাতে আশাতীত গুণ-রাশি দেখিতেছি। তোমার ছায় শত জন যুবক পাইলে অল্প দিনেই আমরা কৃতকার্য হইতে পারি।”

গৃহে ফিরিবার সময় পথে কাশীনাথ সেই পত্র বারকয়েক পাঠ করিয়া কিছুই বুঝিতে পারিল না। পত্রদাত্রী রমণীকে দর্শন করিবার ইচ্ছা বলবতী হইতে লাগিল।

এই সকল কথা কাশীনাথ ত্রীপতিকে বলে নাই। পূর্বে ছিঁ এক কথা বসিয়াছিল, কিন্তু তাহার পরে যাহা ঘটতেছিল কিছুই বলিতে পারিল না। তাহার অনিচ্ছা দেখিয়া ত্রীপতিও কোন কথা জিজ্ঞাসা করিত না।

সৌর প্রতিকরণ।

মানমন্দির ও তদন্তরস্থ যন্ত্রাদি পরিদর্শন করিয়াছেন এমত লোক বঙ্গীয় পাঠকদিগের মধ্যে এত অল্প বলিয়া অনুমান করা যায় যে এই সকল বিষয়ে কোন কথা বলিতে হইবে যন্ত্রাদির আকারপ্রকার ও ব্যবহারাদি বিষয়ে কোন কথা না বলিয়া পারা যায় না। এদিকে আবার জ্যোতির্বিজ্ঞানের যে সকল গুঢ় রহস্য উদ্ভেদন জন্ত এই সকল যন্ত্র ব্যবহৃত হইয়া থাকে তাহার জ্ঞান ব্যতিরেকে যন্ত্রসমূহের ব্যবহার হৃদয়ঙ্গম করা দুঃসাধ্য। এই সকল কারণে আমি গ্রীণউইচ্চ মানমন্দির পরিদর্শন বৃত্তান্ত আরম্ভ করিয়া ভিন্ন ভিন্ন প্রবন্ধে যথেষ্ট বিশেষ বর্ণনায় প্রবৃত্ত হইয়াছিলাম। ইতিমধ্যে আমার কয়েকজন বন্ধু সমালোচনাচ্ছন্দে আমার নিকট ইহা ব্যক্ত করেন যে এই সকল প্রবন্ধ ক্রমশঃই ছুর্ত হইয়া পড়িতেছে, তাহা পাঠ করিয়া আর স্মৃতি অল্পতর করা যাইতেছে না। মানমন্দির দর্শনে ছুঃখ বিস্তর, বিপদের ত কথাই নাই,—কোনদিক হইতে কোন লৌহমুদ্রারূপী দূরবীক্ষণ দণ্ড স্থাপিত হইয়া পিতৃমাতৃস্মৃতিফলে বহুগুণ্যাজিত মস্তকটা চূর্ণ হইয়া যাইবে,—কাজ নাই এমন মানমন্দির দর্শনে প্রবণে বা! এইরূপ ছুঃখ বিপদের বর্ণনা, তাহার উপর আমার আজ্ঞ সঞ্চিত অসুস্থপ্রমাণ জ্ঞানভাণ্ডার হইতে জ্যোতির্বিজ্ঞান বিষয়ক উপলব্ধি (সকল?) পাঠকবর্গের পরিদর্শনার্থ উন্মোচিত করা,—এতদ্বারা কাহাকেও স্মৃতি অল্পতর করাইতে চেষ্টা করার ঝুঁটতা আমার কখনও হইয়াছিল বলিয়া বোধ হয় না। এ কারণ আমি আর অধিক দূর অগ্রসর না হইয়াই ভারতীয় পাঠকদিগকে গ্রীণউইচ্চ মানমন্দিরের এক নির্জন প্রকোষ্ঠে* পরিত্যাগ করিয়া আসিয়াছিলাম। কিন্তু ইত্যবসরে আমার উপর কয়েকজন বন্ধু এই নির্জন গৃহে একটা অব্যবহার্য “প্রতিফলক দূরবীক্ষণের” সাহচর্যস্বত্ব পসন্দ না করিয়া তথা হইতে সত্বর নির্গমনের অভিপ্রায় প্রকাশ করিয়াছেন।

হিংস্র জন্তু হইতে নিজেকে রক্ষা করিয়া চলাই বুদ্ধিমানের কার্য। পশুশালায় বাহার পশু দর্শন করিতে গমন করেন তাঁহারা হিংস্রজন্তুদিগকে পিঞ্জরাবদ্ধ অবস্থায় দেখিতে ভাববাসেন এবং পরিদর্শনকালে তাহাদিক হইতে আপনাকে বিশিষ্টরূপে ব্যবধান রাখিতে চেষ্টা করেন। মানমন্দির একটা ভীষণ পশুশালা; তথায় অতি সতর্কিতভাবে চলিতে হয়, আমি এ যাত্রায় পাঠকদিগকে হিংস্রপশুদিগের সন্নিধান হইতে যথাসাধ্য দূরে রাখিতে চেষ্টা করিব। কিন্তু আমার বিনীত প্রার্থনা এই পাঠকগণ যেন ইহা স্মরণ রাখেন যে মানমন্দিরের পশু সকল মহিষজাতীয়,—যাঁহাকে ভয়চকিত দেখিতে পাইবে তাঁহাকেই তাড়না করিতে চেষ্টা পাইবে।

* গত চৈত্র (১৩০০) মাসের ভারতী প্রস্তাব।

অতঃপর আমি যন্ত্রের আকার ও গঠন ইত্যাদি বর্ণনা যথাসাধ্য পরিত্যাগ করিয়া তাহার উদ্দেশ্য ও ব্যবহার সম্বন্ধে আলোচনা করিতে সচেষ্ট থাকিব।

প্রতিফলক দূরবীক্ষণ পরিদর্শন করিয়া আমরা বিশেষ কিছুই জ্ঞানলাভ করিতে পারি নাই; কারণ পূর্বেই কথিত হইয়াছে যে তাহা তখন অব্যবহৃত ছিল। এই গৃহ হইতে নিষ্ক্রান্ত হইয়া আমরা মানমন্দিরের অপর এক অংশে প্রবেশ করিলাম। পথে যাইবার সময় মানমন্দিরের কার্যগৃহ (আফিস,—যে গৃহে মানমন্দিরের গণকগণ বসিয়া গণনার কার্যে ব্যাপৃত থাকে) হইয়া যাইতে হয়। তথায় দেখিতে পাইলাম কতকগুলি যুবক এক মনে গণনাতে নিবিষ্ট হইয়া রহিয়াছে; দেখিলে মনে হয় যেন তাহারা গণনার কলমাত্র,—যেন গণনার জন্তই তাহারা সত্ত্ব জন্মগ্রহণ করিয়া কার্যে প্রবৃত্ত হইয়াছে। তাহাদের মধ্যে এই টুকু আশ্চর্যের বিষয় ছিল যে অধিকাংশেরই মুখের গঠন ঠিক একরূপ বলিয়া মনে হইতেছিল, এবং বয়সও প্রায় এক বলিয়া অনুমান হইল। আমার সঙ্গী বন্ধুটা তাহাদের মুখ দেখিয়া এমন একটা মন্তব্য প্রকাশ করিয়া ফেলিলেন যে তাহা শুনিয়া আমি অতি কষ্টে এই কার্যগৃহের নিস্তরতাবিদারক উচ্চ হাশ্ব সংবরণ করিতে সক্ষম হইয়াছিলাম। আমরা এই গৃহে প্রবেশ করিবামাত্র সকলেই আগন্তুকদিগের অভ্যর্থনার্থ মস্তক উত্তোলিত করিয়া আমাদের প্রতি দৃষ্টিনিষ্ক্রেপ করিলেন; আমার বন্ধুটা অমনি বাঙ্গলাভাষায় বলিয়া উঠিলেন (স্বপশুই জ্ঞানসিক্তিক)—“ভাই, এই গণকের দল ফরমাইশ দিয়া গড়াইয়া আনা হইয়াছিল? তা নইলে সবগুলি এমন ছাঁচের তৈয়ারী হবে কি করে?”—আমি ইত্যবসরে গৃহটা পরিদর্শন করিতে করিতে তাহার এক কোণে দেখিতে পাইলাম একটা মাত্র প্রাণী বসিয়া আছেন যিনি আমাদের দিকে দৃষ্টিপাত করা দূরে থাকুক আমাদের অস্তিত্ব পর্যন্ত উপলব্ধি করিতে উদাসীন বা পরানুগ ছিলেন। তিনি একটা মহিলা, যুবতী গণক! এই নুতনত্বের প্রতি দৃষ্টি নিষ্ক্রেপ হওয়ারই বোধ হয় আমি বন্ধুর কথায় হাশ্ব সংবরণ করিতে পারিয়াছিলাম।

তথা হইতে আমরা যে গৃহে গমন করিলাম তাহাতে একটা যন্ত্র ছিল,—ইহার নাম “সৌর প্রতিকরণ যন্ত্র” Photo-heliograph। এই যন্ত্রদ্বারা, যে সকল দিবসে সূর্য্য মেঘমুক্ত থাকে সেই সকল দিবসে সূর্য্যের প্রতিকৃতি গ্রহণ করা হইয়া থাকে।

সৌর প্রতিকরণ যন্ত্র বৈষুব দূরবীক্ষণের ছায় একটা স্তম্ভোপরি স্থাপিত; তাহার গতি-বিধি সমস্তই বৈষুবের ছায়। কেবল একটামাত্র বিশেষত্ব ভিন্ন অপর সর্ববিষয়ে ইহা বৈষুব হইতে কোন প্রকারে বিভিন্ন নহে,—সেই বিশেষত্ব এই যে বৈষুবের দূরবীক্ষণ হইতে “দৃষ্টিখণ্ডের” কাচ খসাইয়া লইয়া তৎপরিবর্তে তথায় একটা “প্রতিকরণ যন্ত্র” ফটোগ্রাফিক প্লেট বসাইয়া দেওয়া হইয়া থাকে। অতএব দূরবীক্ষণের কেজ্জুলে দৃশ্যবস্তুর যে প্রতি-বিম্ব সম্প্রতিত হয় বাহা দৃষ্টিখণ্ডের কাচদ্বারা পরিবর্তিত হইয়া দৃষ্টিগোচর হইয়া থাকে, তাহা এক্ষণে প্রতিকরণ যন্ত্রের অভ্যন্তরে প্রবিষ্ট হইয়া, পরিবর্তিতাকারে দৃষ্ট হওয়ার পরিবর্তে, প্রতিকৃতি উৎপাদিত করিয়া থাকে।

১৮৯১ খৃষ্টাব্দে গ্রীণউইচে যে সকল প্রতিকৃতি গৃহীত হইয়াছিল তাহার একটা তালিকা দৃষ্টে জ্ঞাত হইলাম যে উক্ত বৎসর ৩৬৫ দিবসের মধ্যে ৯৩ দিন মাত্র প্রতিকৃতি তুলিবার সুযোগ ঘটিয়াছিল, অবশিষ্ট ২৭২ দিবসে সূর্যকে এক মিনিটও সম্পূর্ণরূপে মেঘমুক্ত পাওয়া যায় নাই। এই ৯৩টা প্রতিকৃতির মধ্যে আবার ৩২টা অকর্মণ্য বলিয়া পরিত্যক্ত হইয়াছিল। কারণ প্রতিকৃতি গ্রহণের সময় বায়ুতড়িত মেঘস্ববক আসিয়া সূর্যকে আচ্ছাদিত করিয়া ফেলিয়াছিল; অতএব সমস্ত বৎসরে ৬১টা মাত্র প্রতিকৃতি এরূপ পাওয়া গিয়াছিল যদ্বারা কার্যসাধন হইতে পারে। মাল্ভেরে ছর্ভাগ্যের সীমা আয়ত্ত করা সহজ ব্যাপার নহে; এত চেষ্টা যত্ন ও এত আয়োজন করিয়া যে যন্ত্র নির্মিত হইয়াছে, সামান্য বায়ুতড়িত মেঘ ও আসিয়া তাহার কার্যসাধনপথে কণ্টক হইয়া দাঁড়াইতেছে। মেঘের গতি নিয়ন্ত্রিত করা মাল্ভেরে সাধ্যাতত্ত নহে, কাজেই এই যন্ত্রের ব্যবহার সাময়িক ব্যাপারে পরিণত হইয়া থাকে। বিশেষতঃ ইংলণ্ডের মতন স্থানে,—যেখানে মেঘমুক্ত সূর্য্য আবিভূত হওয়া 'মাহেঙ্কপের' পরিচায়ক,—তথায় এই যন্ত্রের কার্য অতিশয় সক্ষীর্ণ।

আবার ইহাও জানা যায় যে যেখানে ছর্ভাগ্য যত প্রবল, সেখানে তাহার হস্ত হইতে নিষ্কৃতি পাইবার জন্ত মানবের চেষ্টা ও অধ্যবসায় তত অধিকতর,—যেখানে কার্যসাধন পথে যত বাধা, সেখানে ঐ বাধা অতিক্রমণের জন্ত চেষ্টা তত অধিকতর। ইহাই মানবধর্ম এবং ইহাই মনুষ্যত্ব! ল্যাটিন কবি Cicero বলিয়াছেন,—যে ব্যক্তি বা প্রাণী যতটুকু বাধা অতিক্রম করিয়া অন্তর্ভাগে অগ্রসর হইতে পারে ততটুকুকে তাহার "জীবন" বলা যায়।" কার্যসাধন, বাধা অতিক্রমণ,—অবশ্যস্তাবী, ইহাই অধ্যবসায়ের লক্ষণ। তাহাকে স্থান এবং কাল আয়ত্ত করিয়া রাখিতে পারে না। বাহা এক স্থানে সাধন করিতে হইবে; বাহা এক্ষণে সাধন করা যায় না তাহা কালান্তরে সাধিত হইবে। গ্রীণউইচে যে অত্যন্ত সংখ্যকপ্রতিকৃতি পাওয়া যায় তদ্বারা স্চারুক্রমে কার্য নির্বাহ হয় না; কার্যসাধনতৎপর বৈজ্ঞানিক সমাজ এই স্থানগত বাধা অতিক্রম করিতে সচেষ্ট হইলেন। ইংরাজদিগকে এইরূপ স্থাননির্বাচন জন্ত অধিক আয়াস স্বীকার করিতে হয় নাই, কারণ ভারতে সূর্যের আবির্ভাবের অপ্রতুল নাই। গ্রীণউইচের অভাবপূরণ জন্ত হিমালয়ের উপত্যকাপ্রদেশে গঙ্গা ও যমুনার উৎপত্তিস্থলের মধ্যভাগে দেৱাদুন নামক স্থানে এক ক্ষুদ্র মানমন্দির স্থাপিত হইল। ইহার সৌর প্রতিকরণ বিভাগ গ্রীণউইচের শাখা বলিয়া পরিগণিত হয় এবং তাহা হইতে প্রতি বৎসর বহুসংখ্যক প্রতিকৃতি উৎপাদিত হইয়া গ্রীণউইচে প্রেরিত হইয়া থাকে। বাহার কখনও দেৱাদুন গমন করেন তাহার তত্ত্ব জরীপবিভাগের শাখা আফিসের কোন কর্মচারীর সাহায্যে অনায়াসে সৌর প্রতিকরণ যন্ত্র পরিদর্শন করিতে পারেন। এই যন্ত্রটি গ্রীণউইচের যন্ত্র হইতে অপেক্ষাকৃত বৃহৎ। ইহাতে প্রত্যেকবার ছইটি করিয়া প্রতিকৃতি গৃহীত হয়, তাহার একটা ফরাশি রাজধানীতে 'পারিমানমন্দির' প্রেরিত হয়। গ্রীণউইচ প্রেরিত প্রতিকৃতি Royal Society এবং পারিতে প্রেরিত প্রতিকৃতির ব্যয়ভার French Institute বহন করিয়া থাকে।

পাঠকদিগের মধ্যে অনেকেই জ্ঞাত আছেন যে মাস্জাজে একটা মানমন্দির আছে, তাহা ভারত সাম্রাজ্যের স্বকীয় সম্পত্তি। তাহাতে সৌরপ্রতিকরণ বিভাগ নাই। এক্ষণে ইহা স্থিরীকৃত হইয়াছে যে মাস্জাজ মানমন্দির ও দেৱাদুন মানমন্দির উভয়কে একত্র করিয়া নীলগিরিতে স্থাপিত করা হইবে।

সূর্যের প্রতিকৃতিতে তাহাকে একটা গোলাকার বিষয়রূপে লক্ষিত হইয়া থাকে। সাধারণতঃ রক্ষীণ কাচ সহযোগে সূর্যের দিকে নেত্রপাত করিলে তাহার দেহকে নিষ্কলঙ্ক বলিয়া অনুভব করা যায়; কিন্তু দূরবীক্ষণ সাহায্যে ইহা প্রতীত হয় যে ঐ দেহ স্থানে স্থানে জালিমা দ্বারা অল্পরঞ্জিত হইয়া থাকে। ঐ সকল কালিমার আকৃতি এবং প্রকৃতি কিছুতেই সর্বত্র একরূপ নহে। সৌরদেহে তাহাদের সংখ্যা এবং স্থিতিও সকল সময়ে একরূপ থাকে না। এই সকল পরিবর্তনের ক্রম, কালিমা সমূহের স্বরূপ, এবং তাহাদের উৎপত্তির কারণ নির্দেশ করিতে হইলে সৌরদেহের ধারাবাহিক কালব্যাপী পর্যবেক্ষণ প্রয়োজন। ঐরূপ পর্যবেক্ষণ করিতে গিয়া ইহা লক্ষিত হইয়াছে যে সৌরদেহকে বহুক্ষণ দূরবীক্ষণের দৃষ্টিক্ষেত্রের অন্তর্ভূত রাখিতে না পারিলে তাহার দেহে কোনরূপ পরিবর্তন ধারণার আয়ত্ত করা যায় না। এই সকল অল্পবিধা বিদূরণ জন্ত, এবং সৌরদেহের দিকে বহুক্ষণ নেত্রপাত করিয়া থাকিতে সক্ষম হইলেও তদ্বারা দৃষ্টি শক্তির অবশ্যস্তাবী অপচয় নিবারণ জন্ত, সৌরপ্রতিকরণ প্রণালী আবিষ্কৃত হইয়াছিল।

এই প্রণালী অল্পসারে যথাক্রমে বহুসংখ্যক প্রতিকৃতি গ্রহণ করিয়া তাহাদিগকে পরাপর একত্র মিলিত করিলে দেখা যায় যে, কালিমা সকল অধিকাংশ স্থলেই উত্তপ্ত ফেনব্দব্দদের স্তায় সৌরদেহে প্রস্ফুটিত হইয়া উঠে; অনেক স্থলে ইহাও দৃষ্ট হইয়াছে যে তাহারা যেন অভ্যন্তর-ভাগ হইতে বাহিরের দিকে ফুটিয়া উঠিয়াছে। এতদ্বারা সহজেই ইহাদিগকে, সৌরদেহাবরণের তরলত্ব হেতু, আভ্যন্তরিক ছর্দমনীয় উত্তাপের ফল বলিয়া প্রতীতি করা যায়। আবার কোনটা বা অল্প প্রস্ফুটিত হইতে হইতে মিলিয়া যায় এবং কোনটা প্রস্ফুটিত হইয়া বহুদিবস পর্যন্ত সৌরদেহে গহ্বরাকারে বিরাজ করিতে থাকে। এই সকল গহ্বর সময় সময় এত বৃহৎ হয় যে সহস্রাধিক পৃথিবী তাহার ভিতরে ফেলিয়া দিলেও তাহা পূর্ণ করিতে সক্ষম হইবে না। ইহার যতদিন সৌরদেহে অবস্থিতি করে ততদিন ঠিক এক স্থানে থাকে না; পরন্তু অল্পে অল্পে ক্রমশঃ বাম হইতে দক্ষিণদিকে অপস্থত হইতে থাকে, এবং দেহের দক্ষিণ প্রান্তে অপস্থত হইয়া নির্দিষ্ট সময়ান্তরে বামপ্রান্তে পুনরাবিভূত হয়। সকল কালিমা পক্ষে এই অপসরণ প্রণালী সাধারণ এবং সর্বস্থলে উক্তরূপ আবর্তন কাল এক মনান হওয়াতে ইহা প্রতীত হইয়াছে যে ঐ সকল কালিমা মূলতঃ সৌরদেহই উক্তরূপ নির্দিষ্ট ক্রমসারে নিয়ত আবর্তিত হইয়া চলিতেছে, অর্থাৎ সূর্য্য নির্দিষ্ট সময়ে একবার করিয়া স্বীয় মেরুদণ্ড আবর্তন করিতেছে। এই বিঘূর্ণন কাল সৌর সপ্তবিংশতি দিবস বলিয়া স্থিরীকৃত হইয়াছে। কিন্তু ইহা জানিতে হইবে যে সদাগতিশীল ধরাপৃষ্ঠ হইতে ঐ

বিঘূর্ণনকাল নিরাকরণ করা হইয়াছে। যদি ঐসময়ে ধরার স্বীয় কক্ষে গতি উক্ত সৌর বিঘূর্ণনের সহিত সমন্বয় করা যায় তবে দৃষ্ট হইবে যে সূর্য্য সৌর ২৫ দিবসে একবার বীর মেরুদণ্ডাবর্তন করিয়া থাকে।

বর্তমান সময়ে প্রতিকরণ প্রণালী কেবল যে সৌর রহস্ত উদ্ভেদন জন্ত ব্যবহৃত হইতেছে তাহা নহে; ইহা দ্বারা অনেক নক্ষত্র পুঞ্জ ও নীহারমালার স্বরূপাবিস্তৃত হইয়াছে। রবার্ট্‌ন নামক জনৈক ইংরাজ জ্যোতিষী নানাবিধ নাক্ষত্রিক আবিষ্কার দ্বারা জগদ্বিখ্যাত হইয়াছেন; ইহার যাবতীয় আবিষ্কার একমাত্র প্রতিকরণ প্রণালীতে সাধিত। নাক্ষত্রিক প্রতিকরণ প্রবন্ধান্তরের আলোচ্য বিষয় হইবে।

শ্রী অপূর্ণচন্দ্র দত্ত :

সমুদ্র লঙ্ঘন।

দেবদৈত্যত্রাস রাক্ষসরাজ রাবণকে বধপূর্ব্বক জানকীকে উদ্ধার করিয়া শ্রীরামচন্দ্র অদোঘা নগরে প্রত্যাগত হইলে নাগরিকদিগের আনন্দের সীমা রহিল না। বহুবিধ উৎসবে নগর পরিপূর্ণ হইল। কয়েক দিবস অতীত হইলে পরমভক্ত মহাবীর হনুমান যুক্ত করে শ্রীরামচন্দ্রকে নিবেদন করিলেন, “মহারাজ, আমার একটু ভিক্ষা আছে।”

পবনন্দনের বাক্য শ্রবণ করিয়া প্রীতিপ্রফুল্ল লোচনে, স্নিতমুখে জানকীবরত কহিলেন, “বীর, প্রার্থনা করিবার পূর্বেই তোমার অভীষ্ট সিদ্ধ হইয়াছে। তোমাকে আমার অন্দের কি আছে?”

হনুমান যথোচিত বিনয় সহকারে কহিলেন, “বহু দিন প্রবাসে বাস করিয়া একবার স্বদেশ দর্শন করিবার অভিলাষ জন্মিয়াছে। এক্ষণে এই উৎসব আনন্দময়ী নগরীতে আমার কোন কৰ্ম্ম নাই। মহারাজের অনুমতি পাইলে কয়েকদিবস কিস্কিন্দায় যাপন করিয়া পুনরায় মহারাজের নিকট আগমন করি।”

রাম সহাস্ত্রে কহিলেন, “তুমি স্বচ্ছন্দে গমন কর। গমনকালে মৈথিলীর অনুমতি লইয়া যাইও।”

জানকীর নিকট অনুমতি লইবার কালে দেবী কৌতুক করিয়া হনুমানকে কহিলেন, “বৎস, তুমি কিস্কিন্দায় গমন করিয়া বিবাহ করিয়া বধুকে সঙ্গে লইয়া আসিও। তোমার বয়স অধিক হইতে চলিল, আর কত কাল অবিবাহিত রহিবে? তোমার কীর্তি এবং

বশোরাশিতে সমগ্র আর্ঘ্যাবর্ত ও ত্র্যমাবর্ত পরিপূরিত সুরভিত হইয়াছে। তুমি ইচ্ছা করিলেই কোন স্তম্ভরী বানরীকে পত্নীরূপে গ্রহণ করিতে পার।”

হনুমান কহিলেন, “দেবি, আপনি কি জানেন না আমার হৃদয়ে রাম নাম শোণিত অক্ষরে খোদিত রহিয়াছে? সেই হৃদয়ে অপরকে গ্রহণ করিব? আমি দস্তে তুণ ধারণ করিয়া রামচন্দ্রের দাস্ত্র স্বীকার করিব, পরন্তু অপরীতুল্যা বানরীর প্রতি কটাক্ষপাত করিব না। রামের সেবক আমি, আমি রামসর্ব্বস্ব, জয় রাম বলিয়া যে গুরুতর কার্যে নিযুক্ত হইয়াছি তাহাতেই সিদ্ধ হইয়াছি। সংসারাত্রমে কিরূপে অতিক্রমি জন্মিবে?”

আনন্দাশ্রু মোচন করিয়া জানকী কহিলেন, “ধন্ত ভক্তশ্রেষ্ঠ! তোমার সাধনা যেরূপ সিদ্ধিও তদনুরূপ। তুমি কিস্কিন্দাবাসীদিগের নয়ন পুলকিত করিয়া শীঘ্র ফিরিয়া আইস। তোমার অস্থপস্থিতি কালে আর্ঘ্যপূজের ও আমার আনন্দ নিরানন্দে পরিণত হইবে।” অতঃপর সীতা হনুমানের মস্তকে অঞ্জলি বদ্ধ পূর্ব্বক তাঁহাকে আশীর্বাদ করিলেন। হনুমান তাঁহাকে প্রদক্ষিণ করিয়া এবং রামের পাদবন্দনা করিয়া শুভ দিনে যাত্রা করিলেন।

অনন্তর কিস্কিন্দা নগরে হনুমানের আগমন বার্তা রাষ্ট্র হইলে সর্বত্র আনন্দধ্বনি সমুখিত হইল। বানরশিশুগণ কিলকিলা রবে তাঁহাকে বেষ্টন করিয়া নৃত্য করিতে আরম্ভ করিল। বানরীগণ মঙ্গলহৃচক হুলুধ্বনি করিয়া তাঁহার মস্তকে লাজাঞ্জলি বর্ষণ করিল। যুবকবৃন্দ শ্রদ্ধাভরে তাঁহাকে অভিবাदन করিল। কেহ স্তম্ভক কদলী লইয়া আসিল, কেহ তাঁহার বশোপান করিতে লাগিল। অবিবাহিতা যুবতী বানরীগণ পরস্পরে কহিতে লাগিল, এই মহাবীর বানরশ্রেষ্ঠ যে বানরীর পাণিগ্রহণ করিবেন, বানরীকুলে সেই ভাগ্যবতী। হনুমান আনন্দিত হইয়া যথারীতি সকলকে সম্ভাষণ করিলেন।

কিন্তু নগরবৃদ্ধগণ এই সংবাদ শ্রবণ করিয়া প্রসন্ন হইলেন না। তাঁহারা স্থবির, বিজ্ঞ, শাস্ত্রজ্ঞ। কেহ বৃক্ষকোটরবাসী, কেহ বৃক্ষারোহণে অক্ষম হইয়া বৃক্ষমূলে বাস করেন। নগরের বাহিরে গমনাগমন কাহারও ঘটে না। কেহ মহামহোপাধ্যায়, কেহ আচার্য্য, কেহ শাস্ত্রী, কেহ নৈয়ায়িক। তাঁহারা বালক যুবক এবং রমণীদিগের আচরণে রুষ্ট হইলেন। পর দিবস মহতী সভা আহুত হইল। হনুমান সেই সংবাদ অবগত হইয়া সভায় উপস্থিত হইয়া একান্তে উপবিষ্ট হইলেন।

সভা সমবেত হইল। বানর বানরীগণ সসম্মুখে চতুর্দিকে দণ্ডায়মান হইল। বালকেরা দূর হইতে সভয়ে দর্শন করিতে লাগিল। ক্রমশঃ বৃদ্ধগণ আগমন করিতে লাগিলেন। তাঁহাদিগের ললাটে দীর্ঘ ত্রিপুণ্ড, চক্ষু কোটর গত, দংষ্ট্রা গলিত, চর্ম্ম লোল। তাঁহাদিগকে দেখিয়া, ভীত হইয়া, তাঁহাদিগের গতির অনুকরণ করিতে করিতে, বানর শিশুগণ কিচিমিচি শব্দে পলায়নপর হইল। অপর বানরগণ তাঁহাদিগের চরণে প্রণিপাত করিল।

বৃদ্ধগণ আসন গ্রহণ করিলে সর্বসম্মতিক্রমে বৃদ্ধতম, সর্বশাস্ত্রবেত্তা উল্লুক ভট্ট সভার শীর্ষস্থান অধিকার করিলেন। শ্রোতাগণ অবহিতচিত্তে উৎকর্ণ হইয়া তাঁহার বাক্যবিষ্ঠাস শ্রবণ

করিতে লাগিল। উল্লুক ভট্ট কহিতে লাগিলেন, “এই পুণ্যদর্শন কিঙ্কিয়া নগরীতে হুম্মান নামে এক বানরাধম বাস করিত। বানরকুলকলঙ্ক সেই পামর দেশান্তরে গমন করে। অধুনা এই নগরে প্রত্যাবর্তন করিয়াছে। তাহার আগমনে বানর যুবক এবং বানরী যুবতীসমূহ বানর সমাজের নেতৃত্বগের বিনামূল্যে, অগ্রপশ্চাৎ ফলাফল বিবেচনা না করিয়া নিরতিশয় আনন্দ প্রকাশ করিয়াছে। বালকদিগের কোন উল্লেখ করিব না, কারণ তাহারা যেরূপ অল্পবুদ্ধি তাহাদিগকে বানর না বলিয়া মনুষ্য বলিলেও ক্ষতি নাই। যুবকগণ সেই কুলপাণ্ডুল হুম্মানকে নগরবৃক্ষের স্থায় সম্মান করিয়াছে, নারীগণ তাহাকে শাজাজলি দিয়া মঙ্গলাচরণপূর্বক নগরদ্বারে অভ্যর্থনা করিয়াছে। এমন কি, কোন কোন যুবতী তাহাকে পতিত্বে বরণ করিতে মনস্থ করিয়াছে।” সভাস্থ যুবক যুবতীগণ লজ্জায় অধোবদন হইল। উল্লুক ভট্ট বলিতে লাগিলেন, “এই অপরাধে ইহারা সকলেই সমাজচ্যুত হইতে পারে, কিন্তু অজ্ঞানরূত অপরাধের মার্জনা আছে। এই দুর্ভুক্ত দুরাচার হুম্মান সমাজের নিকট কিরূপ অপরাধী, এবং তাহার অপরাধের কোন প্রায়শ্চিত্ত আছে কি না অপরাপর পণ্ডিতগণ বিবৃত করিবেন।”

পণ্ডিতপ্রবর বিবৃতানন তর্কযড়ানন কহিলেন, “যে সকল মূঢ় মতিচ্ছন্ন যুবকগণ এই কুলান্দার হুম্মানকে ঈদৃশ সম্মানিত করিয়াছে সমাজচ্যুত করিলেও তাহাদিগের গুরু দণ্ড হয় না। যে রমণী তাহাকে পতিত্বে বরণ করিতে পারে তাহাকে গৃহবহিষ্কৃত করা কর্তব্য। তথাপি ভট্ট মহাশয় যথার্থ বলিয়াছেন যে অজ্ঞানরূত অপরাধ মার্জ্জনীয়। এক্ষণে এই হুম্মানের দুষ্কৃতের কথা সবিস্তরে কহিতেছি, শ্রবণ কর। পুণ্যভূমি কিঙ্কিয়ায় বানরগণ পুষ্কষপরম্পরায় সনাতন ধর্ম রক্ষা করিয়া আসিতেছে। বৃক্ষের শাখায় শাখায় ভ্রমণ, পল্ল এবং অপক্ল ফল ভক্ষণ, দুর্ভলকে নখাঘাত ও দংশন, বলবানকে দংষ্ট্রাপংক্তি প্রদর্শন করিয়া পলায়ন, এই সকল প্রধান কর্তব্য বানরগণ চিরকাল পালন করিয়া আসিতেছে। প্রবাসে কালযাপন বানরদিগের পক্ষে নিষিদ্ধ। বৃহৎ কলেবরা, গভীরসলিলা নদীর পরপারে গমন করিলে জাতিনাশ হয়। সমুদ্রের পারে গমন করিলে সে পাপের প্রায়শ্চিত্ত নাই। এই দুর্কিনীত হুম্মান সমুদ্র উত্তীর্ণ হইয়া পরম পবিত্র ধর্মনিষ্ঠ বানরকুল কলঙ্কিত করিয়াছে। সমুদ্র লঙ্ঘনকালে এই মহাপাতকী সুরমা নারী রাক্ষসীর আন্তবিবরে প্রবেশ করিয়া পুনর্বার নির্গত হয়। এক্ষণে এই পামর সেই রাক্ষসীর উদগীর্ণ উচ্ছিষ্ট মাত্র। এই নষ্ট, ভ্রষ্ট, উচ্ছিষ্ট পতিতের প্রতি এই সমবেত পণ্ডিতমণ্ডলী কি দণ্ড বিধান করেন?”

দংষ্ট্রাবহুল, প্রকাণ্ডোদর মর্কটশাক্তী ক্রোধে কম্পাঘিত কলেবর হইয়া কহিলেন, “স্পর্ধায় হিতাহিত শূন্য হইয়া এই অর্বাচীন রাক্ষসের সহিত যুদ্ধ করিয়াছে। রাক্ষসরাজের উত্তান হইতে এই লুন্ড একাকী অমৃতফল ভক্ষণ করিয়াছে, আমাদিগের জন্ত কিছুই লইয়া আইসে নাই। লঙ্কাদহনকালে এই হতভাগার মুখ দগ্ধ হইয়া যায়, সেই সময় ইহার লজ্জাও দগ্ধ হয়। লঙ্কার লেশমাত্র থাকিলে এই দগ্ধানন এখানে কিরূপে আগমন করিত?”

সর্গশাস্ত্রবিশারদ কপিকুলভূষণ ভট্টলাঙ্গুল বিছাবারিধি মহাশয় কহিলেন, “কোন লোভে এই মুর্থ সমুদ্র লঙ্ঘন করিয়াছিল? এই কিঙ্কিয়ার বাহিরে দর্শন করিবার অথবা শিক্ষা করিবার কি আছে? সকল ধর্মের সার ধর্ম এই স্থানে, সকল বিচার পরাকাষ্ঠা এই স্থানে, সর্গপ্রকার উন্নতির চরম উন্নতি এই স্থানে। মহামূর্থ ব্যতীত কে এই কিঙ্কিয়াপুরী পরিত্যাগ করে?”

পণ্ডিতগণের বাক্য শ্রবণ করিয়া বানরগণের ক্রোধ বর্ধিত হইতে লাগিল। সভাস্থলে ঘোর কোলাহল সমুথিত হইল। “সমাজ হইতে পাতিত কর,” “মুখভঙ্গী প্রদর্শন কর,” “লাঙ্গুল আকর্ষণ কর,” “দংষ্ট্রা উৎপাটন কর,” “নগর বহিষ্কৃত করিয়া দাও,” এইরূপ নানাবিধ শব্দ হইতে লাগিল। সেই কোলাহলের মধ্যে এক উগ্রমূর্তি বানর চীৎকার করিয়া কহিল, “কাহার জন্ত এই বর্কের বানর সমুদ্র পারে গমন করিয়াছিল? সীতাকে অমূল্যদান করিবার জন্ত? সীতা ত মানবী—”

বক্তার বক্তৃতাপ্রবাহ অকস্মাৎ বন্ধ হইয়া গেল। সংক্ষুব্ধ, ভীমগর্জিত সমুদ্রের স্থায় সেই কোলাহল নিমেঘের মধ্যে স্তব্ধ হইল। সভাস্থ সকলে সভয়ে দেখিল মহাবীর হুম্মান জুড় হইয়া সমুদ্র লঙ্ঘনকালে যে মূর্তি ধারণ করিয়াছিলেন সেই মূর্তি ধারণ করিয়াছেন। তাহার সেই বিশাল, ভীতিবর্দ্ধক দেহ দর্শন করিয়া বানরগণ ত্রাসে বাব্ধূন্য হইল। যন ঘোর মেঘগর্জনের তুল্য গভীর স্বরে হুম্মান কহিলেন, “কিঙ্কিয়া নিবাসী পণ্ডিতগণ! আমাকে তোমরা সমাজচ্যুত কর, অথবা আমার নিন্দা কর তাহাতে কোন ক্ষতি নাই, কিন্তু জীবনে সাধ থাকিলে জানকী অথবা শ্রীরামচন্দ্রের অবমাননাসূচক বাক্য আমার সমক্ষে মুখে আনিও না। তোমাদের বাক্য শ্রবণ করিয়া আমার পূর্ব বিশ্বাস আরও দৃঢ় হইয়াছে। রাজরাজেশ্বরী রাজলক্ষ্মী জননী জানকীর উদ্ধারের নিমিত্ত, অথবা তাঁহার আদেশ পালন করিবার জন্ত লঙ্কায় গমন ত অতি তুচ্ছ কথা, সপ্তসমুদ্র লঙ্ঘন করিতে পারি, হস্তমুখে এই দেহ বিসর্জন করিতে পারি।”

এতদ্বিষয়েও মতভেদ আছে। কিছুদিন হইল মিঃ গ্রেণফেল যিনি ভারতবর্ষীয় মুদ্রা আইনের জন্ম দাতা নীচী দল হইতে ও পার্লামেন্ট সভা হইতে অবসর গ্রহণ করেন তিনি এক প্রবন্ধে দেখাইতে চেষ্টা করিয়াছেন, স্বর্ণের মাহার্ব্যই ইহার কারণ। অর্থাৎ পশ্চাদির মূল্যের সহিত তুলনায় স্বর্ণের মূল্য চড়িয়া গিয়াছে, রৌপ্যের মূল্য প্রায় স্থায়ীভাবে রহিয়াছে। আর একভাবে ধরিলে, স্বর্ণ মুদ্রার হিসাবে অস্ত্র জিনিষের ও রৌপ্যের দাম (বিলাতে) কমিয়া গিয়াছে। ইহার মাথার্থ্য সম্বন্ধে মতস্থির করিবার অগ্রে দুই একটা সংবাদ জানা আবশ্যক। প্রথমতঃ, ইহা নিশ্চয় যে রৌপ্যের কাটুতি আমদানি অপেক্ষা অনেক অধিক। এমন কি, 'শার্মান অ্যাক্ট' রদ হইবার আগেই কাহারও কাহারও মতে (M. ottoman Hanpt in the Mexican Financier) সমস্ত পৃথিবী লইয়া বার্ষিক বিক্রয় রৌপ্যের অর্ধেকেরও কম খরচ। শার্মান অ্যাক্ট রদ হওয়ার পর, আরও অধিক রৌপ্য বাজারে আসিয়াছে। সেই আইন অনুসারে ইউনাইটেড স্টেটস্ গবর্ণমেন্ট বৎসর বৎসর রৌপ্য (৫৪০০০০০০ আউন্স) ক্রয় করিয়া রাখিয়া দিতেন, স্তরায় রৌপ্য তাহাতে তত স্তলভ হইতে পাইত না। ইহাতে বেশ বৃদ্ধিতে পারা যায়, হয় রৌপ্য উত্তোলনের কার্য কমিবে, না হয় রৌপ্যের মূল্য স্তলভ হইয়া যাইবে এবং যতদিন রৌপ্য খননের খরচ না পোষায়, ততদিন মূল্যের অবনতি হইতে থাকিবে। ২ ভরি রূপার তুলিবার খরচ আজকাল ২০। ২৫ পেন্স মাত্র, স্তরায় রূপার দাম পূর্বেকার অর্ধেক হইয়া যাইতে পারে। সে অবস্থা প্রায় দাঁড়াইয়াছে।

স্তলভঃ রৌপ্য মূল্য স্তলভ হইবার যথেষ্ট কারণ আছে। সেইরূপ স্বর্ণের মাহার্ব্যতার কারণও নির্দেশ করা যায়। এক সময়ে (আজ ২০ বৎসর মাত্র হইল) নুতন খনির আবিষ্কার না হইলে স্বর্ণের ভূভিক্ষ হইত। এক্ষণেও স্বর্ণের যেকোন প্রয়োজন, উৎপত্তি তত নহে। বৎসর বৎসর ২৫০০০০০০ পাউন্ড মাত্র। তদ্ব্যতীত প্রায় ইয়ুরোপের সর্বত্রই স্বর্ণ মুদ্রার প্রচলন, কিছুদিন আগে (১৮৭৬ সালের পূর্বে) তাহা ছিল না। স্তরায় স্বর্ণ ও রৌপ্যের পার্থক্যের কারণ দুইটি। এই পার্থক্য মুদ্রাবিপ্লবের একটা প্রধান কারণ। অনেকে মনে করেন ইহাই একমাত্র কারণ। তাহা যে ভ্রমাত্মক পরে দেখান যাইবে।

এক্ষণে দেখা যাউক এই পার্থক্য ঘটিলে মুদ্রাবিপ্লবের ভারত সম্বন্ধে কি ফল? প্রথমত দেশে যত রৌপ্য আছে তাহার মূল্য কমিয়া গিয়াছে। তদ্ব্যতীত আমাদিগকে বৎসর বৎসর ইংলেণ্ডে যে রাজস্ব (ইহা একপ্রকার কর বলিতে হইবে) প্রেরণ করিতে হয় তাহা স্বর্ণ মুদ্রার হিসাবে। কিন্তু ভারতীয় রাজস্ব রৌপ্য মুদ্রায় গৃহীত হয়। রৌপ্যের ও রৌপ্যমুদ্রার মূল্য কমিয়া গিয়াছে, তাহা বলিয়া কি ভারতের ভার অধিক হইয়াছে?

এই প্রশ্নের সহিত আর একটা প্রশ্ন জড়িত এই বাৎসরিক করের কথা যদি ছাড়িয়া দেওয়া যায়, ইংলেণ্ডের সহিত আমাদের যদি কেবল বাণিজ্য সম্বন্ধই হইত, তাহাই হইলে এই মুদ্রাবিপ্লবের কি ফল ঘটিত।

ইহা আর বিশেষ করিয়া বলিতে হইবে না, মুদ্রাবিপ্লব হওয়াতে রৌপ্য মুদ্রার হিসাবে

ভারত গবর্ণমেন্টকে অনেক বেশী কর পাঠাইতে হয়। কিন্তু ভারতবর্ষ হইতে বাস্তবিক রৌপ্য প্রেরণ করা হয় না, এদেশ জাত ফসলাদি রপ্তানি করা হয়। এক্ষণে দেখিতে হইবে, ইহার পরিমাণ বৃদ্ধি হইয়াছে কিনা। যখন টাকার দর ২ শিলিং ছিল তখন যদি ১৭০০০০০০ পোণ্ডের দর ১৭ মণ জিনিষ পাঠাইতে হইত, টাকার দর ১ শিলিং হওয়াতে সেই ১৭ মণ, কি ৩৪ মণ, কি তাহার কম পাঠাইতে হয়, দেখিতে হইবে। অর্থাৎ ভারতজাত জিনিষের মূল্য রৌপ্যের মূল্যের সহিত কমিয়া আসিতেছে, কি স্বর্ণের মূল্যের সহিত চড়িতেছে, কি পূর্বেবৎই রহিয়াছে? যদি কমিয়া যাইতেছে প্রমাণ হয়, তাহা হইলে দেশের লোকসান, গবর্ণমেন্টেরও লোকসান। যদি বাড়িতেছে কিম্বা পূর্বেবৎই রহিয়াছে বৃদ্ধিতে পারা যায় তাহা হইলেও গবর্ণমেন্টের ও যাহাদের আয় রৌপ্য মুদ্রায় নির্ভরিত, তাহাদের লোকসান। কিন্তু দালালদের ও (হয়ত অল্পপরিমাণে) প্রজাদের লাভ। একটা উদাহরণ দিলে হয়ত ইহা আরও পরিষ্কার ভাবে বৃদ্ধিতে পারা যাইবে। ধরা যাক, ১মণ ভারতীয় জিনিষের দাম পূর্বে (যখন টাকার দাম ২শিলিং) ১পাউন্ড অর্থাৎ ১০টাকা ছিল; এক্ষণে (যখন টাকার দাম ১শিলিং মাত্র) সেই জিনিষের দাম কত? দাম যদি ১০ টাকাই থাকে তাহা হইলে বিলাতে ১পাউন্ড পাঠাইতে হইলে আমাদিগকে দুই মণ জিনিষ পাঠাইতে হইবে। রূপার দাম বাজারে কমিয়া গিয়াছে বটে কিন্তু ভারতের পক্ষে কিছু সস্তা হইল না। কিন্তু যদি সেই ১মণ জিনিষের দাম এখন ২০ টাকা হয় তাহার ফল কি হইবে দেখা যাউক। গবর্ণমেন্টের রাজস্ব রৌপ্য মুদ্রায় গৃহীত হয়, স্তরায় গবর্ণমেন্টকে পূর্বাৎপেক্ষা কম (ফসলের হিসাবে প্রায় অর্ধেক) গ্রহণ করিতে হইল। এর লাভ কাহার? ফসল যে বিক্রয় করে, না যে ভারতবর্ষ ও ইংলেণ্ডের মধ্যে ভারতবর্ষের উৎপন্ন দ্রব্য লইয়া ব্যবসা চালায়? না মহাজনের? ভারতবর্ষীয় সামাজিক অবস্থার কথা পর্যালোচনা করিলে অনায়াসেই প্রতীত হইবে যে এই লাভ উক্ত দুই দলের হস্তেই যায়। এতদ্ব্যতীত যাহাদের আয় রৌপ্যমুদ্রায় নির্ভরিত তাহাদের লোকসান, আর গবর্ণমেন্টের লোকসানের অর্থ—ভারতবর্ষের লোকসান। কিন্তু সে লোকসান যদি রাজস্বের লাভের সামিল হইত তাহা হইলে ইহা তত দোষনীয় হইত না। এক্ষণে দেখিতে হইবে ভারতবর্ষীয় ফসলের মূল্য (ইংলেণ্ডের বাজারে) রৌপ্য মুদ্রার হিসাবে পূর্বেবৎই আছে কি অধিক হইয়াছে। লর্ড হার্সেলের সভাপতিত্বে মুদ্রাবিষয়ক যে সমিতি স্থাপিত হয় তাহাদের মতে রৌপ্যের দাম যেরূপ কমিতেছে, সেইরূপ ভারতজাত দ্রব্যের রৌপ্য মূল্য বাড়িতেছে—তবে এই কমবেশীর সামঞ্জস্য হওয়া কাল সাপেক্ষ। যতদিন না হয় ততদিন অবশ্য ব্যবসার ক্ষতি। আর এই সামঞ্জস্য ঘটিলেও এক শ্রেণীর লোকের ব্যয়ভার আর এক শ্রেণীর উপর গিয়া পড়িবে, এবং গবর্ণমেন্টেরও ক্ষতি, কারণ অনেক স্থলেই তাহারা প্রজাদের সহিত কিছুদিনের জন্ম বন্দোবস্ত করিয়া ফেলিয়াছেন, স্তরায় খাজনা বৃদ্ধি করা সহজ নহে। এই কথার মাথার্থ্য বিশেষ রূপে প্রমাণ করিতে গিয়া পাটনা কলেজের প্রিন্সিপ্যাল মিঃ ইয়ুবাক্ক একটা দৃষ্টান্ত ব্যবহার করিয়াছেন, তাহার পর্যালোচনা করিলে অনেক কথা জানিতে পারা যাইবে।

মনে কর একজন ইংরাজ ব্যবসাদার ভারতবর্ষ হইতে চামড়া রপ্তানি করিতেছে। যখন ১ পাউণ্ডের মূল্য ১০৭ টাকা ছিল তখন ১ পাউণ্ডে ১০খানি চামড়া পাওয়া যাইত। যখন ১ পাউণ্ডের দাম ২০৭ টাকা, যদি রূপার টাকার হিসাবে চামড়ার দর পূর্ববৎ থাকে তবে লাভ ব্যবসাদারের—এ দেশের প্রজা ১০খানা চামড়ার দর ১০ টাকাই পাইবে। কিন্তু যখন সে এই টাকা লইয়া ধর বিলাতী কাপড় কিনিতে গেল বিলাতী কাপড়ের দাম চড়িয়া গিয়াছে স্ততরাং সে দেখিতে পাইবে তাহার চামড়ার দর অধিক দাম লওয়া উচিত ছিল। ইহাতে মিঃ ইউব্যাক্স বলেন ব্যবসা এইরূপ বিনিময় মাত্র, মুদ্রার মূল্য যখন কমিতেছে কি বাড়িতেছে মূর্থ প্রজা তখন ব্যবসাদারের কাছে ঠকিতে পারে, কিন্তু পরিশেষে মুদ্রার মূল্যের উপর ব্যবসা নির্ভর করে না। আমাদের মনে হয় এই যুক্তি সম্পূর্ণ নহে। যদি চামড়ার টাকা লইয়া প্রজাকে বিলাতী দ্রব্যই কিনিতে হইত, তাহা হইলে কারবার এই প্রণালীতেই হইত তাহাতে সন্দেহ নাই। কিন্তু সেই টাকার কতকংশ খাজনা দিতে এবং অল্পাংশ বিষয়ে ব্যয় হয় যাহা রৌপ্যমুদ্রার নির্দ্ধারিত, স্ততরাং এ দেশজাত দ্রব্যের মূল্য রৌপ্যমূল্যের হ্রাসের সহিত বৃদ্ধি পাইতে পারে না।

এই কথা যথাযথ আরও স্পষ্টভাবে প্রমাণ করিবার জন্ত লর্ড হার্সেলের বিপরীত মতাবলম্বীদের যুক্তি বিবেচনা করা যাক। মিঃ নারোজির মতে মুদ্রার মূল্য যখন ১ শিলিং তখন আমাদের কাছে ইংলণ্ডে ঋণশোধের জন্ত পূর্বেকার দুই গুণ ফসল রপ্তানি করিতে হইবে। তিনি এইরূপ একটা উদাহরণ দেন, আমি বিলাতে এক গাঁট তুলা পাঠাইলাম। আমার তাহার উপর ১০০০ হাজার টাকা মূল ধন ও ১০০ টাকা লাভ পোষণ দরকার। রূপার দাম চড়িলে আমি অধিক সংখ্যক স্তবর্ণ মুদ্রা পাইব। রূপার দাম কমিলে কম সংখ্যক স্তবর্ণ মুদ্রা পাইব—এইমাত্র। কারণ, তিনি বলেন, আমি যদি স্তবর্ণমুদ্রার হিসাবে বিক্রয় করিতে যাই, আর একজন তুলাওয়াল আমা অপেক্ষা অল্প দামে বিক্রয় করিতে পারিবে, কিম্বা আমার লোকসান হইবে। এই যুক্তির সহিত পূর্বেলিখিত যুক্তির তুলনা করিলে বেশ বৃদ্ধিতে পারা যাইবে যে দুইটির কোনটাই সম্পূর্ণ নহে।

এস্থলে একটু পুনরুক্তি আবশ্যিক। চীনের মত স্বাধীন দেশেও রৌপ্যমুদ্রা প্রচলন থাকায় মুদ্রাবিল্পে কিঞ্চিৎ লোকসান হইবে। তদ্ব্যতীত মুদ্রা বিনিময়ের অস্থিতির দরুনও ইয়ুরোপীয় জাতিদের সহিত তাহাদের ব্যবসার কিছু অসুবিধা। তত্রাচ প্রথমোক্ত যুক্তি তাহাদের সম্বন্ধে অনেকটা খাটে। ভারতবর্ষের কিন্তু অবস্থা অল্পপ্রকার। ইহাকে বৎসর বৎসর আমদানী অপেক্ষা রপ্তানি অধিক করিতে হয়; অর্থাৎ অল্প দেশের পক্ষে যেরূপ ব্যবসা অর্থে এক দেশের ব্যবহার্য্য জিনিষের সহিত অল্প দেশের ব্যবহার্য্য দ্রব্যের বিনিময়, আমাদের তাহা নহে। আমাদের দেশের মূল ধন বিলাত হইতে আসিয়াছে, আমাদের দেশের বিত্তাভূক্তি শাসন জ্ঞান প্রভৃতি তথা হইতে আগত, সৈন্তসামন্ত ও বিলাতী। ইহার খরচের দরুন আমরা বিলাতকে বৎসর বৎসর অনেক শস্ত বাধ্য হইয়া প্রেরণ করিতে হয়, তাহা বিক্রয় না

হইলেই নয়। কাজেই আমাদেরকে সম্ভাদরে সে সকল ছাড়িয়া দিতে হয়। একজন চাষীকে যদি নির্দ্ধারিত দিনের মধ্যে কতক টাকা যোগাড় করিতে হয়, তাহা হইলে তাহাকে অনেক লোকসান করিয়াও শস্তাদি ছাড়িয়া দিতে হয়, ইহা সকলেই জানেন। সেইরূপ ইয়ুরোপীয় ব্যবসাদার নিজের দরে ভারতীয় জিনিষ ক্রয় করিতে পারেন। চীনেরা ইয়ুরোপীয় জিনিষের বিনিময়ে আপনাদের জিনিষ দেন, স্ততরাং এই দুই জিনিষের মূল্যের সামঞ্জস্য অনেকটা আপনা হইতেই হইয়া দাঁড়ায়, কিন্তু ভারতের সে স্বাধীনতা নাই। যখন মুদ্রাবিল্পক আইন প্রকটিত হইবার পর ভারতসচিব ১ শিলিং ৪ পেনির কম তাঁহার বিল বিক্রয় করিবেন না মনস্থ করিলেন, তাহাতে কি ফল হইল? কেহই বিল কিনিতে চাহিল না। অর্থাৎ ভারতবর্ষে পূর্বেকার দরিদ্র চাষীর অবস্থাপন্ন হইয়াও নিজের দরে শস্ত বিক্রয় করিতে দৃঢ়-প্রতিজ্ঞ হইল। আমরা বলিতেছি না এরূপ চেষ্টা করা অত্যাশ, সে চেষ্টা যে বিফল হইবার নিশ্চয় সম্ভাবনা ছিল, নিতান্ত অল্প লোকে ও তাহা বলিতে পারিত। কলিকাতা মুদ্রা সমিতির কয়েকজন সভ্য ব্যতীত বোধ হয় কেহই এরূপ যত্ন সফল হইবে বলিয়া আশা করিতে পারেন নাই। আমরা তখন এক বিষয় সবিশেষ পর্যালোচনা না করিয়াই সাধারণ নিয়মের উপর নির্ভর করিয়া ইহার বিফলতা নির্দেশ করিয়াছিলাম। এখন দেখা যাইতেছে ভূতপূর্ব রাজস্বসচিব শ্রম ডেভিড্ বারবারও ইহার বিরোধী ছিলেন। বোধ হয় লর্ড ল্যান্ডাউনের পরামর্শেই ইহা অবলম্বন করা হয়। তাঁহার মতে যখন ভারতে ব্যবসা মন্দা ছিল তখন এই পরীক্ষা করিয়া যে সময়ে ভারতীয় দ্রব্যের কাটুতি অধিক সেই সময়ে হাল ছাড়িয়া দেওয়া ঠিক হয় নাই। ইহার যথাযথ কতদূর প্রমাণিত হইত বলা যায় না। তবে ইহা নিশ্চয় যে অবশেষে ইহা অবশ্যই নিষ্ফল হইত। আমরা যে বিষয়ের পর্যালোচনা করিতেছি তাহা কিছু নূতন কথা নহে। মিল এ বিষয়ে বিশদভাবে সাধারণ নিয়ম ব্যবস্থা করিয়া গিয়াছেন। তিনি বলেন, “যে দেশকে অল্প দেশে নিয়মিত কর প্রেরণ করিতে হয় তাহার ক্ষতি দুই প্রকারে ঘটয়া থাকে। যাহা পাঠাইতে হয় তাহাত” ক্ষতিই, তাহার উপর আরও অধিক ক্ষতি এই, তাহাকে বেশী দামে ও অল্পদেশের জিনিষ কিনিতে হয় ও অল্প দামে নিজের জিনিষ ছাড়িয়া দিতে হয়।”

এই বিষয়টা আমাদের পক্ষে এরূপ প্রয়োজনীয় যে ইহা আর এক ভাবে দেখিলে হয়ত মন্দ হইবে না। পূর্বেই বলা হইয়াছে, রৌপ্যের মূল্যের হ্রাসতাই মুদ্রাবিনিময়ের গোলযোগের কারণ নহে। যদি আমাদের দেশে স্বর্ণ মুদ্রারও প্রচলন থাকিত তাহা হইলেও দুই মুদ্রার পার্থক্য লক্ষিত হইত। সকল দেশেই ব্যবসা বিনিময়ে এইরূপ হয়। কিন্তু আমাদের ইংলণ্ডের সহিত বিশেষ সম্বন্ধ থাকায় এই পার্থক্য আমাদের বিরুদ্ধে বরাবরই চলিত। এই বিষয় সম্পূর্ণরূপে বিবৃত করা আমাদের উদ্দেশ্য নহে। যাহারা এ বিষয়ে বিশেষভাবে চর্চা করিতে চান তাঁহারা মিঃ গোসেনের পুস্তক (Mr. Goschen on Foreign Exchanges) পাঠ করিয়া দেখিবেন। স্থূলতঃ মুদ্রাবিনিময়ের হার দুই জাতির পরস্পরের নিকট দায়িত্ব

অমুসারে স্থিরীকৃত হয়। এখান হইতে বিলাতে কোন জিনিষ রপ্তানি হইল তাহার দাম টাকায় সেখান হইতে আসে না। সেখানকার কাহারও যদি এখান হইতে কোন কারণে টাকা পাওনা থাকে তাহার বিল কিনিয়া পাঠাইয়া দিলেই চলে। সুতরাং যদি বিলাতের বাজারে আমাদের দায়িত্ব অনেক হয়—তাহা হইলে আমাদের বিল বাজারে অনেক পাওয়া যাইবে কাজেই এ সকল বিলের দাম সস্তা হইবে। ইহার বিশেষত্ব এই বাণিজ্যের অবস্থা যাহা হউক বিলগুলি বিক্রয় হওয়া চাইই।

পূর্বে ছই জাতির পরস্পরের যে দায়িত্বের কথা বলা হইয়াছে তাহার অর্থ সকল প্রকারেরই দায়িত্ব। মিঃ গোসেনের একটা উদাহরণ এখানে উদ্ধৃত করা প্রয়োজন। তিনি বলেন রুসিয়ার বড় লোকেরা যে বিদেশে টাকা খরচ করেন যাহার জন্ত সেণ্ট পিটার্সবার্গের ব্যাঙ্কারদের উপর চেক কাটেন, তাহাতে রুসিয়ার বিলের দাম কমিয়া যায়। এই দৃষ্টান্ত আমাদের প্রতি আরোপ করিলে ভারতের বিশেষ অবস্থার কথা বুঝিতে পারা যাইবে। আমাদের দেশে লোকে বিলাতে যাহা খরচ করেন, তাহাতে মুদ্রাবিনিময়ের হার আমাদের বিরুদ্ধে যায়। আমাদের দেশের লোকের অর্থে অবশ্য আমাদের দেশের রাজকর্মচারী, ইংরাজ ব্যবসাদার, চাকর সাহেব প্রভৃতি বুঝিতে হইবে। সুতরাং স্পষ্টই দেখিতে পাওয়া যাইতেছে বাস্তবায়নসময়ে ভারতলক্ষ্মী কি অবস্থায় পড়িয়াছেন ও পড়িবেন।

ভারতসচিবের বিল সকলের আরও এক বিশেষত্বের কথা বলা হয় নাই। ফ্রান্স ও ইংলণ্ডের মধ্যে কার্যকলাপ স্বত্রে যদি ফ্রান্সের বিলের দাম কমিয়া যায় তথাপি সে কম বড় বেশী দূর যাইতে পারে না। ফ্রান্স হইতে স্বর্ণমুদ্রা পাঠান অস্ববিধাজনক বলিয়াই এইরূপ বিলের প্রথা হইয়াছে। কিন্তু স্বর্ণমুদ্রা পাঠাইবার খরচ যদি বিলের ডিসকোণ্টের অপেক্ষা কম হয় তাহা হইলে মুদ্রা পাঠাইয়া ইংলণ্ডের ঋণ শোধ হইবে। বলা বাহুল্য এরূপ উপায় ভারতবর্ষে অবলম্বন করিতে পারে না। ইহার দূরত্ব, ইহার রৌপ্য মুদ্রার চলন, ইহার অসঙ্গতি, যথেষ্ট প্রতিবন্ধক। সুতরাং এ সকল বিলের দামের নিম্ন সীমা নির্ধারণ করা যায় না।

আমাদের যুক্তি অকাট্য না হইলেও ইহা কেহই অস্বীকার করিতে পারিবেন না যে স্থূলভ রৌপ্যের ও রৌপ্যমুদ্রার প্রচলনই মুদ্রাবিল্পবের একমাত্র কারণ নহে। ভারত রাজপুরুষগণ কিন্তু ইহার উপরই একমাত্র দোষারোপ করিতেছেন। ইহার কারণ এক প্রকার নির্দেশ করা হইয়াছে। এ গোলমাল বিষয়ে ভারত গবর্ণমেন্টের দায়িত্ব অতি অল্পই। যাহা হউক এই বিষয়ের এই ভাগটী লইয়াই মুদ্রা আইন জারি হইয়াছে। তাহার ফল যে কিছুই হয় নাই, এমন বলা যায় না। টাকাতে যে পরিমাণ রূপা আছে তাহার দাম ১০ পেন্স মাত্র কিন্তু টাকার দাম প্রায় ১৪ পেন্স।

ইহার ফলাফল কি? ইহা পর্যালোচনা করিতে হইলে মিঃ নাউরোজির যুক্তিই ঠিক বলিয়া ধরিয়া লওয়া যাউক। অর্থাৎ স্বীকার করা যাক যে রৌপ্যের হিসাবে (রৌপ্য ও রৌপ্যমুদ্রার মূল্য আগে একই ছিল) ভারতজাত দ্রব্যের মূল্য রৌপ্য মূল্যের হ্রাস সত্ত্বেও,

পূর্ববৎ রহিয়াছে। তাহার কারণ, তিনি বলেন, কোন ব্যবসাদার ইহা অধিক মূল্যে বিক্রয় করিতে গেলে অল্প ব্যবসাদারেরা তাহার অপেক্ষা অল্প মূল্যে সে দ্রব্য বিক্রয় করিবে। এক্ষণে কিন্তু সকলকেই অধিক রৌপ্য বিনিময়ে জিনিষ বিক্রয় করিতে হইবে—কারণ, তাহাদের খরচ রৌপ্য মুদ্রায়, (খাজনা ইত্যাদি) এবং ইহার রৌপ্যমূল্য বাড়িয়া গিয়াছে।

ইংলণ্ডের সহিত ভারতের ব্যবসা বাণিজ্য এইরূপ। ভারতের সহিত অল্প রৌপ্যব্যবহারী দেশের ব্যবসার গোলমাল পড়িয়া গিয়াছে। তদ্ব্যতীত তাহাদের জিনিষের কাটুতি অধিক হইতেছে, কারণ তাহাদের দ্রব্য সস্তা। শিল্পজাত দ্রব্যের পক্ষে এরূপ কাটুতিও বাঞ্ছনীয়। সুতরাং মুদ্রাবিল্পবক আইন সম্পূর্ণ নির্দোষ না হইলেও লর্ড ল্যান্সডাউনের সহিত স্বীকার করিতে হইবে যে ইংলণ্ডের সহিত ব্যবসাদার বিষয়ে যে আইনদ্বারা কিঞ্চিৎ সুরবিধা হয় দোষ সত্ত্বেও তাহা পরীক্ষণীয়।

মুদ্রাবিল্পবের পর্যালোচনা করিতে গেলে ইহাকে দুই ভাগে বিভক্ত করিতে হইবে। এক ভাগ সমগ্র রৌপ্যমুদ্রাব্যবহারী দেশের পক্ষে খাটে—আর একটা ভারতের পক্ষে বিশেষভাবে প্রযুক্ত। এই শেষ ভাগের কথা বিবেচনা করিলে অনেক চিন্তার উদয় হয়। ইংলণ্ডের অধীনে আসিরা ভারতবর্ষ অনেক ভাবে উন্নতি লাভ করিয়াছে। কিন্তু কে ভাবিয়াছিল যে এই উন্নতির জন্ত আমাদের এত অধিক মূল্য দিতে হইবে?

বদরিনাথ।

২২ মে শুক্রবার,—কাঠের একটা সাঁকো দিয়ে অলকনন্দা পার হইয়া ধীরে ধীরে বদরিনাথে প্রবেশ করলাম। আঘাতের পর প্রতিবাত স্বাভাবিক নিয়ম; বদরিনাথের পথে যখন চলছিলুম, তখনকার সেই উৎসাহ, আগ্রহ, মনের একটা ভয়ানক আবেগ, অভীষ্টস্থানে এসে সমস্তই যেন সংযত হয়ে গেল। এই রকমই হয়ে থাকে।

পথে যখন অবিশ্রান্ত সংগ্রাম করতে হয়েছে তখন মনে হয়েছিল, এই নিদারুণ যুদ্ধের অবসানে এমন একটা কস্মশীলতার মধ্যে গিয়ে পড়বো যেখানে পূজার্চনার অবিরাম কলরবে, মানবহৃদয়ের সুখ দুঃখ ও হর্ষ শোকের বিপুল উচ্ছ্বাসে, এক স্মৃগভীর কল্লোল উথিত হচ্ছে। নদীর জলপ্রবাহ সমুদ্রের ফোঁদল উন্মিরাশির নিকোঁধ নৃত্যের মধ্যে মিশে যেমন হারিয়ে যায়, সেইরূপ হিন্দুর মহাতীর্থে, নারায়ণের পুণ্য পীঠতলে, দেবমহিমার এক অনন্ত প্রশান্তির মধ্যে, আমার এই ক্ষুদ্র জীবনের ব্যাকুল বাসনা এবং অশান্ত উবেগও সমাহিত হবে। কিন্তু এখানে পৌঁছে কেমন নিরাশ হয়ে পড়লাম।

বদরিনাথে প্রথম প্রবেশ করেই চারদিকের একটা নিরুদ্ভম, একটা উদাসীন ভাব চোখের সম্মুখে পড়লো। মনে হলো এ উদাসীনতা বৃষ্টি হিন্দুধর্মের মর্মবিজড়িত। তীর্থ-যাত্রীদের উদ্ভম উৎসাহে কি হবে, একটা অলস কর্মহীনতা তীর্থস্থানে যেন চিরস্থায়ী রকমের আড্ডা বেঁধেছে। অলকনন্দা অতি নিরুদ্বেগে মস্থর গমনে বরফ রাশির নীচে দিয়ে চলে যাচ্ছে, সহরের অধিকাংশ ঘর বাড়ী এখন পর্যন্ত ও বরফের তলায় পড়ে আছে। যে কয়খান ঘর দেখা যাচ্ছে তাদের অবস্থাও অতি শোচনীয়। কতক বরফের প্রসাদাৎ, আর কতক আমাদের পূর্বগত সন্ন্যাসী মশায়দের রূপায়, আর কতক বা ঘরগুলি এই তিন বৎসর কাল ধরে বন্ধ থাকে বশত। সন্ন্যাসী মশায়রাই ক্ষতি করেছেন কিছু বেশী। ঘরের দ্বার জানালাগুলি বেবাক্ অস্থ-হিত হয়েছে, অবিষ্টি সে গুলো যে সশরীরে স্বর্গে গিয়েছে তা নয়। যে সকল সন্ন্যাসী সর্ব-প্রথমে এখানে এসেছিলেন তাঁরা দেখেছিলেন তখনও হাট বাজার বসেনি, স্ততরাং আলানি কাঠ পাওয়া অসম্ভব, তাই আপনাদের শীতের হাত থেকে পরিত্রাণ করবার জন্তে এই সমস্ত জানলা দরজা ব্রহ্মাকে উপহার দিয়েছেন, এবং তীর্থস্থানে এসে পরের জিনিষপত্র নাশ করে “আত্মানাং সততং রক্ষৎ” এই মহানীতি-বাক্য অক্ষরে অক্ষরে পালন করবার জন্তে তাঁদের মহৎ হৃদয় যে কিরূপ ব্যাকুল হয়ে উঠেছিল—এই সমস্ত জানালা দরজার অভাবই তার প্রত্যক্ষ প্রমাণ। কিন্তু পরে যে সকল যাত্রী আসবে তারা এই বরফ রাজ্যে এসে এদের অভাবে যে কত কষ্ট পাবে, এ কথা চিন্তা করবার বোধ করি তাঁদের অবসর হয়নি।

পুর প্রবেশ করবার পূর্বে যে সকল পাণ্ডা আমাদের পেয়ে বসেছিল তাদের হাত থেকে যে কি রকম করে অব্যাহতি পেলুম সে কথা পূর্বেই লিখেছি। বদরিনারায়ণে এসে কোথায় উঠবো তা লছমীনারায়ণ আমাদের দেবপ্রসাদেই বলে দিয়েছিল। তার শ্রীহস্ত লিখিত সেই ঠিকানা এখনও আমার ডাইরী বয়ে আছে, তা এইঃ—“কুম্ভধারা কি উপর মোকান লছমী-নারায়ণ পাণ্ডা, বেণীপ্রসাদ রাম নাথকী চাচী।”—প্রথম কথাগুলোর অর্থ বুঝেছিলুম যে কুম্ভধারার উপরে লছমীনারায়ণ পাণ্ডার বাড়ী, আর যেখানে বেণীপ্রসাদ আছেন। তা সে বেণীপ্রসাদ মান্ধুই হোন, আর লছমীনারায়ণের গৃহবিগ্রহই হোন। কিন্তু শেষের দিকটার অর্থ নিতান্ত হেয়ালীর মত বোধ হওয়াতে সে অর্থ নিকাসনে অসমর্থ হয়ে তখনই লছমী-নারায়ণকে সে কথা জিজ্ঞাসা করেছিলুম। কিন্তু কি কারণে জানিনে উক্ত পাণ্ডাশ্রেষ্ঠ ঐ কথা কয়টার অর্থ সন্ধকে আমাকে সজ্ঞান করার আবশ্যকতা মোটেই অহুভব করেনি। আমার কৌতূহল প্রবৃত্তির আগ্রহাতিশয্য দেখে উপরন্ত বলেছিল, “বস, উয়ো বাৎ বোলনেসেই তেরা মানুম হোংগা”—স্ততরাং কথাটা আর মোটেই বোঝা হয়নি। কিন্তু এখনও মনে পড়ে সে দিন সমস্ত অপরাহুটা এই কথার অর্থ নির্ণয়ের জন্ত বৈদান্তিক ভায়ার সঙ্গে কিরূপ অনর্থক বাক্যব্যয় করতে হয়েছিল। বৈদান্তিক শুধু তর্কিক নন একজন সুরসিক এবং ভারি সমজদার লোক; তাই তাঁর প্রথমেই সন্দেহ হোল এই বেণীপ্রসাদ লোকটা লছমীনারায়ণের হয় শ্যালক না হয় ভগিনীপতি। সন্ধকটা কিছু মধুর রসাত্মক বলেই পাণ্ডার পো আমাদের কাছে তার মর্ম

ভেদ করা বাহ্যল্য জান করেছিল। যাহোক বৈদান্তিক শুধু এই অহুমানের উপর নির্ভর করে ক্ষান্ত হলেন না, এবং আমিও এই অহুমানের বিরুদ্ধে কিঞ্চিৎ প্রতিবাদ করেছিলুম। স্ততরাং তিনি কথাটার খাতু এবং শব্দগত অর্থ বের করবার জন্ত প্রস্তুত হলেন। গভীর গবেষণা এবং প্রচুর চিন্তার পর শেষে তিনি এই স্থির কলেন যে সেখানে বেণীপ্রসাদ আছে এবং রামনাথের খুড়ী আছেন, কেন না “চাচী” শব্দের অর্থ খুড়ী ছাড়া আর কিছু হতে পারে না, কাজেই “রামনাথকী চাচী” এক সম্পূর্ণ পৃথক ব্যক্তি। তবে জীলোকের নাম ধরে আড্ডা খুঁজতে হবে এই যা মনের মধ্যে একটা খটকা লেগে রইল। বৈদান্তিক বলে বসলেন যায়গায় যায়গায় অমনতর ছই একটা জীলোক থাকে, পুরুষের চেয়ে তাদের খ্যাতি অনেক জেয়াদা। বলা বাহ্যল্য স্বয়ং লছমীনারায়ণ আমাদের সঙ্গে আসতে পারে নি। কারণ, সে আরও কয়দিন দেবপ্রসাদে না থাকলে অনেক নূতন যাত্রী তার বেদখল হয়ে যাবে তার এই ভয় ছিল; তবে সে আমাদের ভরসা দিয়েছিল যে শীঘ্রই আমাদের সঙ্গে এসে মিশবে। যাহোক বদরিনাথে এসে সেই “রামনাথকী চাচীর” অহুসন্ধান বেণী নিগ্রহ ভোগ কর্তে হয়নি। সকল পাণ্ডাই তীর্থের কাকের মত রাস্তায় ব’সে থাকে, যখন তারা শুনলে যে আমরা লছমীনারায়ণের লোক, তখন তাদের মধ্যে একজন এসে নিজেকে বেণীপ্রসাদ বলে পরিচয় দিলে। বেণীপ্রসাদের আকার প্রকার কি রকম তা আমরা কেহই জানতুম না। স্ততরাং কলিকাতা, কালীঘাট কি ঐ প্রকার কোন স্থান হলে স্ততঃই সন্দেহ হ’তো যে হয়ত বা একটা জাল বেণীপ্রসাদ এসে আমাদের স্কন্ধে ভর করেছে, এবং গোলযোগের মধ্যে যখন আসল বেণীপ্রসাদটা বেরিয়ে পড়বে তখন আমাদের এক বিষম মুস্থিলে পড়তে হবে। কিন্তু বদরিনাথের মত স্থানের এখনও ততটা অধঃপতন হয়নি! স্ততরাং এই লোকটা বেণী-প্রসাদ বলে পরিচয় দেবা মাত্র আমরা অসঙ্কোচে তার সঙ্গে চলতে লাগলুম।

কিন্তু বেণীপ্রসাদ বেচারীও আমাদের নিয়ে মহা বিপদে পড়লো। তাদের ঘরবাড়ী এখনও বরফে ঢাকা, আরও পনের বোল দিন না গেলে তারা বরফ স্তূপের মধ্যে হতে প্রকাশ হচ্ছে না। বেণীপ্রসাদ নিজে অস্ত্র লোকের একটা কুঠুরী দখল করে বাস কচ্ছে; স্ততরাং এ রকম অবস্থায় সে আমাদের কোথায় রাখে, এই ভাবনাতে অস্থির হয়ে পড়লো। যাহোক শেষে সে পাহাড়ের উপর আর একজনের একটা ঘরে আমাদের আড্ডা স্থির করে দিলে। এই ঘর যার সে এখনও এখানে এসে পৌঁছেনি, আমাদের আশঙ্কা হতে লাগলো ঘরওয়াল হটাৎ এসে আমাদের প্রতি অর্কচন্দ্রের ব্যবস্থা না করে। কারণ, এরা বিলক্ষণ অতিথীপরায়ণ হলেও—অতিথীসেবার পুণ্যটুকু তাদের জন্তে রেখে অস্ত্র লোকে যে তার অর্থগত উপস্বস্ত্র টুকু ভোগ করবে এ এদের পক্ষে অসম্ভব। কিন্তু অনর্থক উদ্বিগ্ন হওয়াতে কোন লাভ নেই ভেবে আমরা সেই ঘরেই আড্ডা গাড়বার যোগাড় করে নিলুম। ঘরটি বেশ লম্বা চওড়া বটে, কিন্তু তার আভ্যন্তরিক অবস্থা অতিশয় শোচনীয়, দ্বারগুলি পূর্বাগত শাবু সন্ন্যাসীদের অগ্নি সেবায় লেগেছে। রাতে ছুর্জয় শীত আসছে তখন এই ঘরে কি করে

তিষ্ঠান যাবে, এখন এই চিন্তাতেই আমরা সকলে ব্যতিব্যস্ত হয়ে পড়লুম। সন্ধ্যা হতেও আর বেশী দেবী নেই। সন্ধ্যার সময় একবার নারায়ণ দর্শনে যাব ইচ্ছা ছিল, কিন্তু সুনলুম অপরাহ্নেই নারায়ণের দ্বার বন্ধ হয়ে গিয়েছে, স্মরণ্য রাত্রি যাপনের জন্তে আশুনের যোগাড়ে প্রবৃত্ত হওয়া গেল। সন্ধ্যার পূর্বে হতেই এমন শীত বোধ হতে লাগলো যে কার সাধ্য ঘরের বাহির হয়! শীতে দাঁতে দাঁতে ঠেকতে লাগল এবং সর্কশরীর পুরু কষলে ঢাকা থাকাসত্ত্বেও শীতে সর্কীক্ষ অবশ্য হয়ে এল। শুনেছি মহাকবি কালীদাসকে কে একবার জিজ্ঞাসা করেছিল “মাঘে শীত না মেঘে শীত?”—তার উত্তরে কবির নাকি বলেছিলেন, “যত্র বায়ু তত্র শীত।” কখন বদরিকাশ্রম দর্শন কর্তে এলে কালীদাস তাঁর এই উত্তরের অসারতা বুঝে নিশ্চয়ই লজিত হতেন। চার দিকে উঁচু পাহাড়ে ঘেরা এই বায়ু-প্রবাহ-শূন্য স্থানেও যেরকম মারাত্মক শীত তা কবি-প্রতিভার আয়ত্বভূত নয়, যে সকল পুণ্য-প্রয়াসী তীর্থ-যাত্রী এ সকল স্থানে আসে তারাই তা মর্মে মর্মে অনুভব করে। তবু এ মে মাস মাঘ মাসের প্রবল শীত অনুমান করবার শক্তি মানুষের নেই। আমরা বহুকষ্টে কাঠ সংগ্রহ করে আশুণ জালুম এবং তার পাশেই শয্যা রচনা করা গেল। সে রাত্রে আর কিছু আহাির হলো না।

হিমালয় পর্বতের মধ্যে এতদূরে জনমানবশূন্য চির ভূয়ারাশির ভিতরে এতখানি সমতল ভূমি দেখলে প্রাণে বড়ই আনন্দ বোধ হয়। হরিদ্বার হতে যাত্রা করে এতদূর এসেছি, এর মধ্যে যা কিছু অল্প সমতল জমী দেখিছি তা শ্রীনগরে, তা ভিন্ন সমস্ত যায়গাই “কুঞ্জ পৃষ্ঠ মুক্ত দেহ”—অষ্টবক্র বিশেষ। হরিদ্বার হতে বদরিকাশ্রম ছইশত মাইলেরও বেশী। একেই হিমালয় প্রদেশের প্রাকৃতিক দৃশ্য ভারী গস্তীর, এ গাভীরোর সঙ্গে স্বতঃই সাগরের গাভীরোর তুলনা কর্তে ইচ্ছা হয়। কিন্তু এ ছই জিনিষের মধ্যে আশ্চর্য্য রকমের তফাৎ। একটি মহাউচ্চ, অসমান, কঠিন; সূদীর্ঘ শ্রামল বৃক্ষশ্রেণীর চিরন্তনের বাসভূমি,—আর একটি স্নগস্তীর, সমতল, তরল, উদ্ভিজ্জের নাম বর্জিত, যতদূর দৃষ্টি যায় শুধু গভীর নিলীমায় সমাচ্ছন্ন। তবু এ প্রভেদের মধ্যে কেন যে তুলনার কথা মনে আসে তা ঠিক বলা যায় না, বোধ করি এ উভয়কে দেখেই আর একজনকে মনে পড়ে, এই মহান সৌন্দর্যের মধ্যে বিশ্বপিতার মহিমা ব্যাপ্ত আছে, তাই একটি দেখে আর একটির কথা মনে উদয় হয়। হিমালয়ের একেই ত গস্তীর দৃশ্য তার উপর বদরিকাশ্রমের দৃশ্যটা আরও গস্তীর, ছই দিকে ছইটা পর্বত একেবারে আকাশ ভেদ করে দাঁড়িয়েছে এবং তাদের স্তম্ভচ্ছায়া বদরিকাশ্রমকে ঢেকে ফেলেছে। পাণ্ডাদের মুখে সুনলুম এই ছটি পর্বতের একটির নাম “নর” অপরটির নাম “নারায়ণ,” আরও সুনলুম এই পর্বতত্রয়ের অঙ্গ ক্রমেই বিস্তৃত হচ্ছে। শাস্ত্রে না কি লেখা আছে ক্রমে এরা বর্দ্ধিত কলেবর হয়ে নারায়ণের মন্দির ঢেকে ফেলবে, স্মরণ্য বদরিকাশ্রম তীর্থ চিরদিনের মত হিমালয়ের পাশাপাশি লুকিয়ে যাবে। তবে পাণ্ডারা এই ভরসা করে যে ছ চার শ বছরের মধ্যে সে রকম দুর্ঘটনা ঘটবার কোন সম্ভাবনা নেই, কাজেই আও

দারিত্রতার আক্রমণ সম্বন্ধে তারা নিরাপদ, তবে তাদের ভবিষ্যৎ বংশীয়দের যথেষ্ট বিপদের আশঙ্কা রইল বটে!

যে উপত্যকার উপর বদরিকাশ্রম প্রতিষ্ঠিত তা অতি সুন্দর, শুধু ভল্লের নয় কবিরও এখানে উপভোগের যথেষ্ট সামগ্রী আছে। এই পুণ্যভূমি ভেদ করে অলকনন্দা প্রবাহিত হচ্ছে। কিন্তু বছরের বেশী সময়ই তা বরফে আচ্ছন্ন থাকে, এখনও ইহা বরফে ঢাকা। আরও কিছু দিন পরে বরফ গলে তার ললিত তরল স্রোতে ভেসে যাবে, সে দৃশ্য ভারি সুন্দর!

বদরিকাশ্রম উত্তর দক্ষিণে লম্বা, দৈর্ঘ্যে বোধ হয় ৪০০ ফিটের বেশী নয়, কিন্তু অসমান পাহাড়ের মধ্যে এই স্থান টুকুই খুব দীর্ঘ বলে বোধ হয়। দীর্ঘে এতখানি হলেও প্রস্বে বেশী নয়; আরও দেখলুম প্রস্থ-দেশ খানিকটা চালু, কিন্তু বিশেষ মনোযোগ দিয়ে দেখলেই তবে তা বুঝতে পারা যায়, নহিলে সহসা বোধগম্য হয় না। ছই পর্বত হতে অনেকগুলি ঝরণা বের হয়ে অলকনন্দায় পড়েছে এবং নদীবক্ষে বরফ ভেদ করে সেই জল ধীরে ধীরে চলে যাচ্ছে। উপরে যে কুর্শ-ধারার কথা বলেছি তা এই বদরিনাথের বাজারের মধ্যে দিয়ে নেমে নদীতে পড়ছে, এই ঝরণাতে বাজারের লোকের যথেষ্ট উপকার হয়। ‘কুর্শ-ধারা’ ছাড়া বাজারের পাশেই আর একটা ঝরণা আছে। বাজারে যে কত গুলি দোকান আছে প্রথম দৃষ্টিতে দেখে তা ঠিক বৃহতে পাল্লম না, এখনও অনেকগুলি দোকান বরফের নীচে সুপ্রাবসায় লুপ্ত আছে, কিন্তু সমস্ত ঘর বাড়ীর একটা সঠিক ধারণা না হলেও বোধ হ’লো পাণ্ডাদের বাসস্থান ও দোকান সব শুদ্ধ ত্রিশ পঁয়ত্রিশ খান ঘরের বেশী হবে না। বাজারে দরকার মত জিনিষ পত্র সকলই পাওয়া যায়, তবে দরকার অর্থে যদি কেহ অনুমান করে থাকেন ছতা, ছাতা, সাবান, পমেটম ইত্যাদি সৌখীন রকমের জিনিষপত্র সব পাওয়া যায়, তবে আমি আমার কথা ফিরিয়ে নিচ্ছি। পাহাড়ের মধ্যে এসে অনাবশ্যক বহুবিধ দরকারী জিনিষের কথা একেবারে ভুলে গিয়েছিলুম; আবশ্যক বোধ হত আটা, ভাল বি, লবণ, লক্ষা আর কাঠ। আর বাঙ্গালী মানুষ, অনেকদিন উপরি উপরি ডাল রুটির শ্রাদ্ধ করতে করতে এক এক দিন চাট্টি ভাতের জন্তে প্রাণ আকুল হ’য়ে উঠতো, স্মরণ্য মধ্যে মধ্যে চাউলের খোঁজও যে না হতো এমন নয়। তার উপর যে দিন বড়ই নবাবী করবার প্রবৃত্তি হতো সে দিন গোটা ছইচার “পেড়া”র (সন্দেশ) আয়োজন করা যেত, কিন্তু এ রকম জুমাহস প্রকাশ কর্তে প্রায়ই ভরসা হতো না—কারণ, সে সকল সন্দেশের জন্মদিন স্থির কর্তে হলে বহুদর্শী প্রবৃত্তিবিন্দু পণ্ডিতকে যত্নপূর্বক ইতিহাস অনুসন্ধান কর্তে হয়, কত কীটই যে তার মধ্যে বাসা বেঁধে বংশাঙ্কনে বাস করে তারও ঠিক নেই। এখানে যে কয়খান দোকান আছে, তার সকলগুলিতেই কিছু না কিছু খাদ্যদ্রব্যের যোগাড় থাকে, আর প্রতাহ ছাগলের পিঠে বোকাই দিয়ে অনেক জিনিষের আমদানীও হয়। আমাদের দেশে যেমন গাড়ী কি বলদ বা ঘোড়ার উপর জিনিষ পত্র চাপিয়ে একস্থান হতে স্থানান্তরে নিয়ে যাওয়া হয়, এ দেশে সে রকম হবার যো নেই। পাহাড়ে ঘোড়াই হোক আর বলদই হোক এই সকল জুর্গমপথে তারা বোকা বইতে সম্পূর্ণ অশক্ত। একে পথ ছুরারোহ, তার উপর এত সংকীর্ণ যে বৃহৎকায় পশু সে সকল পথে চলা ফেরা করতে পারে না, আর যদিই বা তা সম্ভব হয় ত শীঘ্রই তারা হাঁফিয়ে পড়ে। ক্ষুদ্রকায় কষ্টসহ ছাগল জাতিই এ পথের একমাত্র অবলম্বন এবং তাদের উপরই এ দেশের লোকের জীবন নির্ভর করচে। বাঙ্গলা দেশে যখন ছিলুম তখন জানতুম মা জুর্গার কাছে বলি দেওয়া ছাড়া ছাগলের ছাগজন্ম দার্থকের আর কোন পথ নেই, এমন কি ছাগমাংসে উদর পরিতৃপ্তির আশায় মুগ্ধ গুপ্ত কবি লিখে গিয়েছেন “এমন পাঠার নাম কে রেখেছে বোকা, শুধু সেই বোকা নয় তার ঝাড়ে

বংশে বোকা।” উদর-পরায়ণতার বশবর্তী হয়েই তিনি রহস্যপূর্ণক মানব সন্তানকে লক্ষ্য করে উক্তপ্রকার মন্তব্য প্রকাশ করেছেন। এতদ্বিধ কবিরাজ মহাশয়ের ‘বৃহৎ ছাগলাথ যত’ সেবনে দেহ পুষ্টি এবং ছাগলপুষ্টি পানে উদরাময় নিরাকৃত হয়, এরূপও শুনা গিয়াছে। এই জন্তই আমাদের দেশ ছাগবংশের প্রতি যা কিছু কৃতজ্ঞ, কিন্তু এই বরফরাজ্যে এসে দেখি ছাগলের দ্বারাই এখানে রেলওয়ের কাজ চলছে এবং ছাগলই এ দেশের স্বথ সমৃদ্ধির কারণ হয়ে রয়েছে। প্রতিদিন কত ছাগলের পিঠে কত জিনিষ চাপিয়ে পাহাড় হতে পাহাড়ান্তরে নিয়ে যাওয়া হচ্ছে, কিন্তু কোন দিনও তাদের পদখলনের কথা শুনতে পাওয়া যায় নি। তবে এরা যেমন ছোট জানোয়ার, তেমনি অল্প বোঝা বয়। বলিষ্ঠ ছাগলের পিঠেও দশ সেরের বেশী বোঝা চাপাতে দেখিনি, কিন্তু এরা তার চেয়েও ভারি বোঝা বহিতে পারে। বোধ হয় অনেক দূর চলতে হয় বলে বোঝা লঘু করা হয়, আর যখন দলে দলে ছাগল এই কাজে লাগান হয় তখন বোঝা ছোট হওয়াতে ব্যবসায়ীদের বিশেষ কোন ক্ষতিও হয় না, বরং বেশী বোঝা দিলে যদি কোন ছাগল পথের মধ্যে অক্ষম হয়ে পড়ে ত বিপদের কথা। এই সকল যে শুধু এই তীর্থস্থানের ও হিমালয় প্রদেশের লোকের খোরাক বয় এমনও নয়। ভোট ও তির্নতের লোকেরাও লবণ প্রভৃতি তাদের প্রয়োজনীয় দ্রব্যাদি জিনিষ কেনবার জন্তে দলে দলে ছাগল নিয়ে আসে। চৈত্র বৈশাখ ও জ্যৈষ্ঠ মাসে এবং আষাঢ়ের কয়েকদিন পর্যন্ত প্রতিদিন দলে দলে লক্ষকর্ণ বৃহদাকৃতি ছাগল যাতায়াত করে। তার পর যখন বর্ষা নামে তখন স্থানে স্থানে বেগবতী ঝরণা সকল হ’তে অবিশ্রাম জল ঝরতে থাকে, পথও দারুণ পিচ্ছিল হয়, তখন চলাচল এক রকম অসম্ভব হয়ে উঠে। তার পরে শীতকাল—তখন ত বরফে রাস্তাঘাট সমস্তই একেবারে বন্ধ হয়ে যায়, স্ততরাং যা কিছু কেনাবেচা তা এই ক মাসের মধ্যেই শেষ করে নিতে হয়।

বদরিনাথে একটা মন্দির আছে, মন্দিরটি দেখতে তত পুরাণ বলে বোধ হয় না। তবে যে অল্পদিনের মন্দির তাও নয়। মন্দিরের বাহিরে চার পাশে সামান্য একটা উঠান। এই উঠানের চারদিকে একটা এক মহলা ছোট চক, তাতে অনেক ছোট খাট দেবতার অধিষ্ঠান আছে। নারায়ণের সঙ্গে এই সকল দেবতার কোন পার্থিব সম্বন্ধ নেই, এগুলি পাণ্ডাঠাকুরদের রোজগারের অবলম্বন মাত্র। নারায়ণের প্রাক্ষণে যখন এদের স্থান হয়েছে তখন এরা মাহাত্ম্য অংশে নিতান্ত খাট নয়, এই হেতুবাদে পয়সাওয়ালারা অনেক যাত্রী এই সকল রিগ্রহের মাথায় দুই এক পয়সা চড়ায় (অর্থাৎ প্রণামী দেয়)। মন্দির-প্রাক্ষণে প্রবেশ করবার একটা দ্বার আছে, তার কপাট অতি প্রকাণ্ড। মন্দিরটি আমাদের দেশের মন্দিরের মতই, মন্দিরের গায়ে বিশেষ কিছু কারুকার্য দেখলুম না, আমাদের দেশের সাধারণ মন্দিরগুলি যে রকমের বৈচিত্র-বিহীন এও তাই, তবে দেবমাহাত্ম্যেই এর মাহাত্ম্য এত বেশী। উঁচুতে কালীঘাটের মন্দির চেয়েও খাট বলে বোধ হলো। তবে এটি আগাগোড়া পাথরে গাঁথা—এ পাথরের রাজ্যে পাথরের উপর যে মন্দির নির্মিত তার পক্ষে এটা কিছু আশ্চর্য্য কথা নয়, বরং ইষ্টক-নির্মিত হলেই একটু আশ্চর্য্য হবার কারণ থাকতো। এ দিকে যত মন্দির দেখলুম সকলগুলিই পাথরে গাঁথা।

মন্দিরটি জীর্ণ হয়েছে। কিন্তু উপরেই বলেছি বাস্তুদৃষ্টি তা তেমন জীর্ণ বলে বোধ হয় না। সকলের বিশ্বাস এ মন্দির শঙ্করাচার্য্য প্রতিষ্ঠিত করেন। এ কথা অবিশ্বাস করবার কোন কারণ নাই, ইহা বহু-প্রাচীন জনপ্রবাদ, এবং তার কতক কতক প্রমাণও যে নেই এমন নহে। কিন্তু মন্দিরটি দেখলে কেহই বিশ্বাস করবেন না যে এটি শঙ্করাচার্য্য প্রতিষ্ঠিত, এমন আধুনিকের মত দেখায়। আমি প্রথমে একটু আশ্চর্য্য হয়েছিলুম, কিন্তু পরে

তবে দেখলুম যে মন্দিরটি বছরের মধ্যে আট ন মাস বরফের নীচে ঢাকা থাকে, রৌদ্র স্তম্ভের সঙ্গে ও বড় একটা দেখা সাক্ষাৎ হয় না, স্ততরাং তার উপরের দিকে ময়লা ধরবার অতি অল্পই সম্ভাবনা। কিন্তু আর বেশী দিন বেমেয়ামত অবস্থায় রাখা উচিত নয় ভেবে মন্দিরাক্ষয় এর মেরামত আরম্ভ করেছেন, তবে কত দিনে যে এই কাজ শেষ হবে, কখনও হবে কি না, তা ভবিষ্যৎ জ্ঞান না থাকলে শুধু অল্পমানের উপর নির্ভর ক’রে বলা ভারি শক্ত। হয়ত মেরামত শেষ হতে না হতে আরও ছুটার জন মোহান্তের জীবন কাল কেটে যাবে। কারণ, একেত বছরে দু তিন মাসের বেশী কাজ হবার যো নাই, তার উপর যে রকম “গদাই লক্ষর” তাবে কাজ চলতে তাতে একদিক গোড়ে তুলতে, আর একদিক ভেঙ্গে না পড়ে। হায় কলিকাল! স্বয়ং বিশ্বকর্মা থাকতে নারায়ণের মন্দির মেরামতের জন্ত আজ কিনা সামান্য রাজমিস্ত্রী তাদের ছুর্দল হাতে ছোট ছোট পাথরের চাপ নিয়ে টানাটানি করচে এবং যতটুকু কাজ করচে তার চেয়ে অনেক বেশী পয়সা ফাঁকি দিয়ে থাকে—এদের নরকেও স্থান হবে না!

এখন পর্যন্ত অদৃষ্টে নারায়ণ দর্শন ঘটেনি, কিন্তু বাল্যকাল হতে শুনে আসছি বদরিকাশ্রমের নারায়ণের মূর্তি পরশ পাথরে নির্মিত। স্পর্শনগি উপকথার বস্তু, এবং কল্পনা ও কবিতাতে কখন কখন তার শক্তি অল্পভব করা যায় বটে, কিন্তু এই পৃথিবীতে যদি সে রকম একটা জিনিষের অস্তিত্ব থাকতো তাহলে এই বোর জীবন-সংগ্রামের দিনে অনেকের পক্ষে সুবিধার কথা ছিল। বাটাবিজ্রাটের ভয়টা ত কমে যেতই, তা ছাড়া ইনকম ট্যাক্সের জন্তও এতটা কষ্ট পেতে হতো না, এবং অনাহারে থেকে ভজতার দণ্ডস্বরূপ খাট বাটা বিক্রয় করে ট্যাক্স দেবার দায় হতেও অনেকাংশে নিষ্কৃতি পাওয়া যেত। কিন্তু কবিতা ও কল্পনাতে যা মেলে এ নিষ্ফলতার পৃথিবীতে তা কোথা হতে মিলবে? দেশে থাকতে কতদিন শুনেছি, কখন ঠাকুরমার কাছে কখন বা বাচস্পতি মহাশয়ের বক্তৃতাতে যে—হিমালয় পর্বতে এমন সব ষোণীশ্বরী আছেন যারা যোগবলে ভয়কে কাঙ্কন এবং বিষকে অমৃত করতে পারেন। কিন্তু হরদৃষ্টবশতঃ এ পর্যন্ত বিষের জালা অনেক সহ কলুম বটে, কিন্তু অমৃতের আশ্বাদন ত বড় একটা ঘটল না, তা ঘটলে বোধ করি আবার এই সংসারের কৰ্মভোগের মধ্যে এসে পড়তে হতো না। তবে এটুকুও বলা যেতে পারে যে অমৃতের আশ্বাদন না পাই, এমন এক আধ জন সম্যাসী দেখা গিয়েছে বটে যারা সচ্চিদানন্দের করুণামৃত-ধারা পান করে জীবনকে কৃতার্থ করেছেন। কিন্তু তাঁদের কোন কথা জিজ্ঞাসা করা ঘটেনি, তাঁদের সেই স্বর্গীয় জ্যোতির সম্মুখে উপস্থিত হলে সাংসারিক আসক্তি-পূর্ণ বাসনা ও চিন্তা ভগ্নীভূত হয়ে যায়। কিন্তু আমাদের পাপহৃদয়ে যে আশ্বাসবাণীর ঘোষণা হয় আমরা তার উপযুক্ত নই, স্ততরাং হৃদনের; মধ্যে সে কুহকও অন্তর্হিত হয়ে যায়। তখন বাস্তবিকই একটা অনন্ত যাতনায় প্রাণ আকুল হয়ে উঠে, এবং কাতর হৃদয় বিদীর্ণ করে স্ততই ধ্বনিত হয়ঃ—

“যাহা পাই তাই ঘরে নিয়ে যাই আগনার মন ভূলাতে
শেষে দেখি হায়! ভেঙ্গে সব যায় ধূলা হয়ে যায় ধূলাতে।
স্বথের আশায় মরি পিপাসায়, ডুবে মরি ছঃখ পাথারে;
রবি শশি তারা কোথা হয় হারা, দেখিতে না পাই তোমারে।”

রাতে শুয়ে হী হী করে কাঁপতে কাঁপতে কত কথাই ভাবতে লাগলুম। বৈদান্তিকের স্বপ্ন-নিদ্রাটা আমার কাছে নিতান্ত চক্ষুশূল বলে বোধ হচ্ছিল। বিশেষ যতক্ষণ ঘুম না আসে চূপ করে পড়ে আকাশ পাতাল চিন্তা করার চেয়ে ততক্ষণ কথা কহাতে বোধ করি একটু বেশী আরাম আছে, কিছু না হোক কথাবার্তায় শীতের প্রকোপটা অনেক কম বিবেচনা

হয়। অতএব বৈদান্তিকের সজ্ঞাজাত নিদ্রাটুকু বিনষ্ট কর্তে মনে কিছুমাত্র দ্বিধা উপস্থিত হলো না, কাঁচা ঘুম ভাঙাতে বৈদান্তিক বোধ করি আমার প্রতি কিঞ্চিৎ উদ্বায়ুক্ত হয়ে ছিলেন। কিন্তু আমি যেই তাঁকে সন্নিহনে জিজ্ঞাসা করলাম “আচ্ছা নারায়ণের দেহ যে পরশ পাথরে নির্মিত বলে, এ কথাটার অর্থ কি? আমি ত অনেকক্ষণ ভেবে কিছুই ঠাহর কর্তে পারলাম না সত্তি সত্তি পরশ পাথর ত আর নেই!”—আশু তর্কের একটা সন্দেহ সম্ভাবনা দেখে ভার্যার নিদ্রা এবং বিরক্তি ছই এককালে দূর হয়ে গেল। তিনি সোৎসাহে পার্শ্বপরিবর্তন করে বলতে লাগলেন যে, পরশ পাথর কথাটার অর্থ নিয়েই আমি গোল কচ্ছি, আমাদের দেশের সকল বিষয়েরই এক একটা নিগূঢ় অর্থ আছে—যাকে আজকাল আমরা আধ্যাত্মিক অর্থ বলে থাকি, এবং বৈদান্তিকের মতে কেহ কেহ তার প্রতি অত্যাধিক কটাক্ষপাতও করে থাকেন। বোধ হয় তিনি আমার উপর কটাক্ষ করেই কথাটা বলেন, কিন্তু উপস্থিত ক্ষেত্রে তিনি গুরু আমি শিষ্য, স্তত্রাং কোন রকম উচ্চবাচ্য না করে শুনতে লাগলাম। তিনি অর্দ্ধরাত্র-ব্যাপী সূদীর্ঘ বক্তৃতা দ্বারা আমাকে যা বুঝালেন তার মোদাখানা এই যে পরশ পাথরের গূঢ় অর্থ ধর্ম। কারণ, কল্পিত পরশ পাথর স্পর্শে যেমন লোহা সোণা হয়ে যায়—তেমনি ধর্মের সংস্পর্শে তুচ্ছ দ্রব্যও মূল্যবান হয় এবং যা নিতান্ত মলিন তাও উজ্জল ও তেজোময় হয়ে উঠে, লোকে তখন তা আগ্রহভরে কণ্ঠে ধারণ করবার জন্ত ব্যাকুল হয়। নারায়ণের দেহ পরশ পাথর নির্মিত, তার অর্থ কি না তিনি ধর্মস্বরূপ, তাঁকে স্পর্শ করা দূরের কথা দর্শন মাত্র মানুষ খাঁটা সোণা হয়ে যায়। পাপ মনকে যে স্পর্শমণি নিষ্পাপ পবিত্র করে তুলতে পারে—লোহাকে তুচ্ছ সোণা করার পরশমণি তার কাছে কোথায় লাগে!

স্বীকার করতে লজ্জা নেই, বাস্তবিকই বৈদান্তিক ভার্যার এই বক্তৃতা আমার অতি মিষ্ট লেগেছিল। এমন একটা সঙ্গার কথা তাঁর কাছ হতে আমি মুহূর্তের জন্তও প্রত্যাশা করিনি। কিন্তু তাঁর কথা শুনে আমার হৃদয়ে আর একটা নূতন চিন্তার উদয় হলো—হায়! দেবতার পদতলে এসেও আমার সেই জীবনব্যাপিনী চিন্তা দূর হয়নি! আমার মনে হলো—এ সংসারে রনণীহৃদয়ই একমাত্র স্পর্শমণি! দেবতার মহিমা যেখানে প্রবেশ করতে অক্ষম, সেখানেও সে আপনাত উজ্জল মহিমা বিকাশ করে, এবং পুরুষের লোহময় কঠোর হৃদয়কেও পুণ্যময় এবং পবিত্র করে তুলে। আমার একখানি স্পর্শমণি ছিল, হঠাৎ তা হারিয়ে ফেলেছি। দেখি যদি হিন্দুর এই মহাতীর্থে আর একখানি স্পর্শমণির সন্ধান পাই—বাতে এই পাপ ভার-নত ধূলিমলান জীবনকে সজীব উজ্জল এবং পবিত্র করে তুলতে পারে!

শ্রীজলধর সেন।

বাবিলোনীয় জ্যোতিষীগণ।

যুরোপীয় প্রাচীন লেখকগণ বাবিলোনীয়দিগকে জ্যোতিষশাস্ত্রের প্রবর্তয়িতা বলিয়া লিপিবদ্ধ করিয়াছেন। তদুপরবর্তী অপেক্ষাকৃত আধুনিক লেখকগণও-প্রাচীনদিগের পদাঙ্কানুসরণ করিয়া জ্যোতির্বিজ্ঞান প্রতিষ্ঠার উচ্চাসন বাবিলোনীয়দিগকে দিয়া আসিতেছেন। কিন্তু প্রকৃত প্রস্তাবে ইহারা এই উচ্চ সম্মানের উপযুক্ত পাত্র কি না তাহা বড় কেহ এ পর্যন্ত অস্বীকার করেন নাই, এবং অনেকেই প্রাচীন লেখকদের বিরুদ্ধে প্রশ্ন উত্থাপন না করিয়া পুরাতন মত অদ্রাস্ত বলিয়া গ্রহণ করিয়া আসিতেছেন। সম্ভ্রতি কয়েকটি পাশ্চাত্য পণ্ডিত প্রাচীনগণের মুক্তিহীন কথায় সম্পূর্ণ বিশ্বাস স্থাপন না করিয়া জ্যোতিষশাস্ত্রের আমূল ইতিহাস যথাসম্ভব পর্য্যালোচনা করিতে আরম্ভ করিয়াছেন, এবং এই প্রশঙ্গে বাবিলোনীয় জ্যোতিষের ইতিহাসও কিঞ্চিৎ প্রকাশ করিয়াছেন।

কোন সময়ে বাবিলনে প্রথম জ্যোতিষ-চর্চা আরম্ভ হয় তাহা আজও ঠিক নির্দ্ধারিত হয় নাই, এবং কোন সময়ে হইবে কি না সে বিষয়েও বিশেষ সন্দেহ বর্তমান। প্রাচীন গ্রন্থাদি অস্বীকার করিলে ছই এক স্থানে ইহার উল্লেখ দেখিতে পাওয়া যায় বটে, কিন্তু তদ্বারা অভূতদয়-কাল নিরূপণের কোনই সহায়তা করে না। কারণ, এই সকল গ্রন্থাদিতে লিপিবদ্ধ কালের প্রায়ই একতা লক্ষিত হয় না এবং একাধিক গ্রন্থলিখিত, একই ঘটনার বিবরণ-মধ্যে অনেক সময়েই নানা পার্থক্য দেখা গিয়া থাকে। কাজেই এই প্রকার বিভিন্ন প্রকৃতির নানা গ্রন্থের মধ্যে কোনটি প্রকৃত তাহা এখন নির্দেশ করা এক প্রকার অসম্ভব হইয়া দাঁড়াইয়াছে, এবং অস্ত্রান্ত্র উপায়ে নিরূপিত কাল ও বিবরণের উপরও সন্দেহ উৎপন্ন হইতেছে। আধুনিক পণ্ডিতগণ অস্বীকার করেন, বেলস্ নামক স্থবিখ্যাত নৃপতির রাজত্বকালে জ্যোতিষ-চর্চা বাবিলনে প্রথম আরম্ভ হয়। বেলস্ একজন নানা বিজ্ঞাপারদর্শী গুণবান নৃপতি ছিলেন, ইহার রাজত্বকালে অনেক জ্যোতিষগ্রন্থ লিখিত হইয়াছিল। যে সকল প্রাচীন গ্রন্থ বিখ্যাত জ্যোতিষাচার্য্য বেরোসস্ লিখিত বলিয়া প্রসিদ্ধি আছে, আধুনিক পণ্ডিতগণ বলেন সেগুলি সমস্তই উক্ত বাবিলোনীয় নৃপতি বেলস্ প্রণয়ন করিয়াছিলেন। বেরোসস্ কেবল গ্রন্থগুলি ভাষান্তরিত করিয়াছিলেন মাত্র।

সকল শাস্ত্রের মূলে প্রায়ই কতকগুলি অন্ধবিশ্বাস ও কুসংস্কারের সমষ্টি দেখিতে পাওয়া যায়। মানুষ এই সকল বিশ্বাসের বশবর্তী হইয়া সংসারে কাজ করিতে আরম্ভ করে। কিন্তু কেবল বিশ্বাস দ্বারা কাজ করা শীঘ্রই তাহাদের পক্ষে অসম্ভব হইয়া দাঁড়ায়। তাহারা স্বতঃই একটি দৃঢ় অবলম্বন খুঁজিতে আরম্ভ করে, এবং শেষে পূর্ববিশ্বাসের নানা সংস্কার করিয়া ও ইহাকে নানাপ্রকারে ভাঙ্গিয়া গড়িয়া অন্ধবিশ্বাসের মূলগত সত্যটি আবিষ্কার করে, এবং

পূর্বেকার ভিত্তিহীন শাস্ত্রকে সজীব ও সমূল করিয়া গড়িয়া তোলে। বাবিলোনীয় জ্যোতিষিকদিগা কতকটা পূর্বেকার প্রকারে ক্ষুণ্ণি প্রাপ্ত হইয়াছিল। প্রথমতঃ অবিবাদীগণ গ্রহনক্ষত্রযুক্ত আকাশমণ্ডলকে পার্থিব ঘটনাবলির অবিকল প্রতিবিম্ব বলিয়া বিশ্বাস করিত, এবং গ্রহাদির ভেদযোগ প্রভৃতি জ্যোতিষিক ব্যাপার সংঘটনকালীন পৃথিবী যে অবস্থায় থাকে ও যে সকল ঘটনা ইহাতে সংঘটিত হয় গ্রহাদির সেই সেই অবস্থায় তৎ তৎ ঘটনা পৃথিবীতে নিশ্চয়ই লক্ষিত হইবে বলিয়া তাহাদের মনে দৃঢ় সংস্কার ছিল। জ্যোতিষ শাস্ত্র দ্বারা ভবিষ্য ঘটনা জানা যায়, এ প্রকার বিশ্বাস আদিম বাবিলোনীয় জ্যোতিষীগণের মধ্যে ছিল না। পৃথিবীতে কোন একটি ঘটনা সংঘটিত হইবে, নতঃস্থ জ্যোতিষগণ পরস্পর কি প্রকার অবস্থায় থাকিবে, এবং এতদুভয় মধ্যে প্রকৃত সম্বন্ধই বা কি, তাহাই নির্ণয় করা ইহারা শাস্ত্রের একমাত্র উদ্দেশ্য বলিয়া মনে করিতেন। এতদ্ব্যতীত ইহাদের মধ্যে আরও একটি বিশ্বাস অতি প্রবল ছিল। ইহারা বলিতেন,—অন্ত পৃথিবীতে যে সকল ঘটনা প্রত্যক্ষ হইল তিনশত ষাইট হাজার বৎসর পূর্বে অবিকল সেই সকল ঘটনা পৃথিবীতে লক্ষিত হইয়াছিল, এবং ৩৬০,০০০ হাজার বৎসর পরেও ঠিক ঐ ঘটনাগুলি সংঘটিত হইবে।

জ্যোতিষীগণ কি প্রকারে গণনা করিয়া এই তিনশত ষাইট হাজার সংখ্যা প্রাপ্ত হইয়াছিলেন, সে সম্বন্ধে আধুনিক পণ্ডিতগণের মধ্যে নানা মতভেদ দেখা যায়। অনেকেই বলেন গ্রহাদি পরিদর্শন বা অন্ত কোনও নির্দিষ্ট নিয়মাবলম্বনে উক্ত সংখ্যা আবিষ্কৃত হয় নাই। সেমাইট (Semite) ধর্মশাস্ত্রোক্ত মূল সংখ্যা ছয়কে দশ (উভয় হস্তের অঙ্গুলি সংখ্যা) দ্বারা গুণ করিয়া গুণফল ৬০-কে বাবিলোনীয়গণ সম্ বলিত, এবং ইহাকে আবার দশ দ্বারা গুণ করিয়া লক্ষ সংখ্যা ৬০০ শত নামে অভিহিত হইত। এই শৈবোক্ত সংখ্যাটি তাহাদের ধর্মশাস্ত্রোক্ত ক্রিয়া-কার্যে সর্বদা ব্যবহৃত হইত, এবং ইহা সাক্ষাৎ ঈশ্বর হইতে আগত পবিত্র সংখ্যা বলিয়া পূজা ছিল। ইহা হইতে আজকাল অনেকেই অনুমান করিতেছেন, এই স্বর্গীয় ও পবিত্র সংখ্যা ৬০০ শতের বর্গ করিয়াই সম্ভবতঃ বাবিলোনীয়গণ ৩৬০,০০০ সংখ্যার উপনীত হইয়াছিলেন। যাহাই হউক, বাবিলনে জ্যোতিষশাস্ত্র প্রতিষ্ঠার এই প্রথম উত্তমের ইতিহাসে কোনই বিশেষত্ব লক্ষিত হয় না। যে কোন জাতির আদিম ইতিহাসে অনুসন্ধান করিলে পূর্বেকার প্রকারেই একটি সংস্কার প্রায়ই লক্ষিত হইয়া থাকে। পাশব প্রকৃতি বোম্ব অসভ্যজাতির মধ্যেও সৃষ্টিপ্রকরণাদি সম্বন্ধে এইরূপ অনেক আঙ্গুণি সিদ্ধান্ত বড় হুস্তাপ্য নহে।

বাবিলনে প্রকৃত জ্যোতিষচর্চার স্বত্রপাত ঠিক কোন সময়ে হয় তাহার স্থিরতা নাই। আকাতিমানদিগের অভ্যুদয়ের পূর্বেকার অর্থাৎ খৃষ্ট পূর্বে সাত সহস্র অঙ্কে লিখিত যে সকল গ্রন্থাদি প্রাপ্ত হওয়া গিয়াছে, তাহাতে গ্রহাদির পূর্ণ বিবরণ ও গ্রহোপগ্রহাদির উদয়াস্ত সম্বন্ধে নানা কথা লিপিবদ্ধ দেখিতে পাওয়া যায়। ইহা দ্বারা অনুমিত হয় খৃঃ পূঃ সপ্ত সহস্রাব্দে বাবিলোনীয় পণ্ডিতগণ কিঞ্চিৎ জ্যোতিষশাস্ত্র জানিতেন, এবং গ্রহতারকাদির

পরিদর্শন প্রথা তাহাদের নিকট সম্পূর্ণ অপরিজ্ঞাত ছিল না। ব্রিটিশ মিউজিয়মে প্রাচীন বাবিলনের কয়েকখানি প্রস্তরলিপি রক্ষিত আছে, ইহার সাহায্যে জ্যোতিষশাস্ত্র প্রতিষ্ঠার কাল নিরূপণার্থে কয়েক বৎসর হইল নানাবিধ চেষ্টা হইয়াছিল এবং প্রকৃত প্রস্তাবে প্রস্তর-ফলকগুলি যথার্থই বাবিলনের খোদিত হইলে এই চেষ্টা ব্যর্থ হইবার কোনই কারণ থাকিত না। কিন্তু উক্ত প্রস্তরস্থ খোদিত গ্রহাদির চিত্র ও বিবরণের মধ্যে কোনটিতেই সংঘটন-কালের উল্লেখ দেখিতে পাওয়া যায় না, ইহাতে এগুলি অপ্রকৃত এবং আধুনিক সময়ে খোদিত বলিয়া সকলেই স্থির করিয়াছেন। কাজেই জ্যোতিষচর্চার প্রকৃত কাল নির্ণয় অতীব দুঃসাধ্য ব্যাপার হইয়া দাঁড়াইয়াছে।

বাবিলোনীয় পণ্ডিতগণ নভঃস্থ দৃশ্যমান জ্যোতিষগণকে নানা অংশে বিভক্ত করিতেন। এই গ্রহনক্ষত্রযুক্ত আকাশের অংশ সকল এক একটি পৃথক দেবতার নামে অভিহিত করিয়া তৎ তৎ দেবতার নির্দিষ্ট গুণাবলি তারকামণ্ডলিতে আরোপিত করিতেন। জ্যোতিষ-শাস্ত্রের এই শৈশবাবস্থায় গ্রহাদি নামকরণের পূর্বেকার প্রথা প্রচলিত থাকায় আকাশের তাৎকালিক অবস্থার সহিত আধুনিক অবস্থার তুলনা করা বড়ই দুঃসহ হইয়া পড়িয়াছে। এক এক দিগাংশস্থ সকল গ্রহতারা একই নামে অভিহিত হওয়ায়, এবং কখন কখন গতি বৈচিত্র্য দ্বারা একই জ্যোতিষ একাধিক নামে আখ্যাত হওয়ায়, প্রাচীন গ্রন্থোন্নিখিত গ্রহাদির সম্যক পরিচয় পাইবার আর উপায়ান্তর নাই। এতদ্ব্যতীত এক জাতীয় সাতটি করিয়া জ্যোতিষ লইয়া শ্রেণী-বিভাগদ্বারা নামকরণ প্রথা কয়েক খানি গ্রন্থে দৃষ্ট হইয়াছে। ইহার মধ্যে এক গ্রন্থে সপ্তগ্রহ ও সপ্ত যমজ তারকা ডিকু ও মাসু নামে অভিহিত হইয়াছে ওনা যায়। এই গ্রন্থে নামকরণের আরও একটি অভিনব উপায় আবিষ্কৃত হইয়াছে। আকাশের যে অংশে যে জ্যোতিষ অবস্থিত সেই অংশের নামানুসারে গ্রহগণের নামকরণ হইত, এবং এই প্রকার এক একটি তারকাপুঞ্জ এক একটি নির্দিষ্ট দেবতা কর্তৃক রক্ষিত বলিয়া কল্পনা করিয়া উক্ত দেবতাগণকে বৎসরের নানা অংশের অধিপতিরূপে উল্লেখ করা হইত।

প্রাচীন জ্যোতিষ গ্রন্থাদি পাঠ করিলে বাবিলোনীয়দিগের জ্যোতিষ চর্চার একটা গূঢ় কারণ দৃষ্টিগোচর হয়। আজকাল আমরা যে উদ্দেশ্যে জ্যোতিষ শাস্ত্রালোচনা করি তাহাদের সেই উচ্চতর উদ্দেশ্য আদৌ ছিল না, কোন প্রকারে শুভাশুভ লক্ষণাদি জ্ঞাত হওয়াই তাহাদের একমাত্র লক্ষ্য ছিল। বোধ হয়, এই হীন উদ্দেশ্যে জ্যোতিষ চর্চা আরম্ভ হওয়া বশতই ইহার আশানুরূপ উন্নতির কোনই লক্ষণ দেখা যায় না। তাহাদের ক্ষুদ্র আকাঙ্ক্ষাটি পরিতৃপ্ত হইলেই যাহারা যথেষ্ট মনে করিত, এবং জ্যোতিষ শাস্ত্রের সর্বপ্রধান অঙ্গ গ্রহ তারকাদির গতিবিধি নির্ধারণ তাহাদের নিকট একটি অনাবশ্যকীয় বিষয় বলিয়া বিবেচিত হইত। কোন একটি আরক্ত কার্যের ফলাফল স্থির করিতে হইলে বাবিলোনীয়গণ সাধারণতঃ আকাশকে আট সমানাংশে বিভক্ত করিত এবং প্রত্যেক বিভাগস্থ নক্ষত্র সকল কি অবস্থায় আছে তাহা পরিদর্শন করিয়া আবার কোন সময়ে জ্যোতিষগণ

ঠিক উক্ত প্রকার অবস্থায় ছিল তাহা পঞ্জিকা সাহায্যে দেখিয়া সেই অতীত কালের সংঘটিত কার্যাদির যে ফল হইয়াছিল বর্তমান কালেও অবিকল সেই ফল হইবে বলিয়া স্থির করিত। মানবজাতির মধ্যে একটু জ্ঞানের উন্মেষ হইলেই প্রথমতঃ কাল ও স্থান দুইটি জগতের চিরন্তন সামগ্রীর উপর তাহাদের মন স্বতই আকৃষ্ট হইয়া পড়ে, এবং ক্রমে এই অনন্ত ও অব্যয় ভাবদ্বয়কে মানববুদ্ধির ক্ষুদ্র ভাব মধ্যে সীমাবদ্ধ করিয়া ইহাদের একটা স্থিতি যাহাতে থাকিয়া যায় তাহার জ্ঞান প্রকৃতিক চেষ্টার আবির্ভাব হয়, এবং এই চেষ্টার কলস্বরূপ সময়াদি পরিমাপের একটা স্থূল নিয়ম আবিষ্কৃত হয়। এই কারণেই বোধ হয় সময়ের স্থূল পরিমাপ বিষয়ে মহা অসভ্য জাতি হইতে সভ্যতম জাতি মধ্যেও একই নিয়ম বর্তমান দেখিতে পাওয়া যায়। প্রাকৃতিক পরিবর্তনের মধ্যে ঋতু পরিবর্তনটি সহজ দৃশ্য ও স্পৃহং ব্যাপার বলিয়া বোধ হয়, ইহাদ্বারা সময় নির্দেশ করিবার প্রথা সকল জাতির মধ্যেই প্রচলিত আছে। এক ঋতু হইতে আরম্ভ করিয়া সেই ঋতুর পুনরাগমন পর্যন্ত কালটিকে সকলেই স্থূল সময় গণনার পরিমাপ দণ্ড-স্বরূপ নির্দেশ করিয়া থাকেন। জ্ঞানালোকবর্জিত মহারণ্যবাসী কাকির মধ্যেও কাল গণনার এই নিয়মটি লক্ষিত হয়। তবে পার্থক্যের মধ্যে এই, সূসভ্য জাতিগণ সূক্ষ্ম গণনা দ্বারা এই কালকে বৎসর নামে অভিহিত করিয়া গণনা কার্যের স্মৃতিার্থে বৎসরকে ক্ষুদ্র ক্ষুদ্র অংশে বিভক্ত করে মাত্র। বাবিলোনীয়দেরও মধ্যে পূর্বোক্ত সাধারণ নিয়মে বৎসর গণনা প্রচলিত ছিল। কিন্তু মাস ইত্যাদি গণনারার্থে ইহাদের সহিত অন্যান্য জাতীয় প্রথার কিছুই ঐক্য লক্ষিত হয় না। ইহারা বৎসরকে দশমাসে বিভক্ত করিত, কিন্তু ইহাদের বৎসর ঠিক কতদিনে পূর্ণ হইত তাহা জানিতে না পারায় মাসের দিনসংখ্যা কত ছিল তাহা এখন আর জানিবার যথার্থ উপায় নাই। তবে যে আজকালের মত চন্দ্রমাস প্রচলিত ছিলনা সে বিষয়ে আর সন্দেহ নাই। কারণ, ত্রিশদিনের মাস গণিত হইলে দুই তিন বৎসর পরে মাসের সহিত ঋতুর একতা ক্রমে লোপ পাইয়া নানা বিজ্ঞাট উপস্থিত করিত। এইজন্ত আধুনিক পণ্ডিতগণ অনুমান করেন বাবিলোনীয় মাস ৩৬ দিন পূর্ণ হইয়া দশমাসে বৎসর শেষ করিত। স্ট্রিজিণ্টের মতে, প্রাচীন বাবিলোনে মাসের বিশেষ কোন নাম ছিল না। প্রথম, দ্বিতীয়, তৃতীয় ইত্যাদি ক্রমিক সংখ্যাচক শব্দ দ্বারা মাসের পরিচয় পাওয়া যাইত। এই প্রথা বহুকাল ধরিয়া বাবিলনে প্রচলিত ছিল। আকাডিয়ানদিগের অভ্যুদয়ের অনেক পরে ইহারা মাসের নামকরণ করিতে শিক্ষা করিয়াছিল।

বাবিলোনীয়গণ মাস গণনার পূর্বোক্ত নিয়ম কয়েক শতাব্দী পরে পরিবর্তন করিয়াছিল। কিন্তু ঠিক কোন সময়ে গণনা প্রথার সংস্কার করিয়া অধুনাতন নিয়মে দ্বাদশ মাসে বৎসর গণনা আরম্ভ করিয়াছিল তাহার স্থিরতা নাই। বোধ হয় চন্দ্র পর্যবেক্ষণ দ্বারা ত্রিশ দিনে মাস গণনা স্মৃতিধাজনক বিবেচিত হওয়ার এই নবপ্রথা প্রবর্তিত হইয়াছিল। খৃঃ পূঃ ৭০০০ অব্দে বাবিলন আকাডিয়ানগণ কর্তৃক বিজিত হইলে জেতাগণের প্রভাবে বাবিলনের

প্রাচীন গণনা প্রথার অনেক পরিবর্তন সাধিত হইয়াছিল, এবং জেতাগণেরও জাতীয় প্রথার ব্যতিক্রম ঘটয়াছিল। আকাডিয়ানগণ পূর্বে ত্রয়োদশ ভাগে বৎসর বিভক্ত করিয়া ২৮ দিনে মাস পূর্ণ করিত। কিন্তু বাবিলন জয়ের পর বিজিতগণ মধ্যে মাস গণনার অভিনবপ্রথা দেখিয়া তাহারা ভ্রমসঙ্কুল জাতীয় প্রথা পরিত্যাগ করিয়া বাবিলনের প্রচলিত নিয়মমুতাবে প্রতি মাস ত্রিশদিনে পূর্ণ করিয়া এই প্রকার দ্বাদশ মাসে বৎসর গণনা করিতে আরম্ভ করিয়াছিল, এবং এই গণনা দ্বারা সৌর বৎসর ৩৬৫ দিন অপেক্ষা কমিয়া যায় দেখিয়া কোন কোন বৎসর ত্রয়োদশ মাসে পূর্ণ করিয়া বৎসরের অল্পতা পূরণ করিত। এই পরিপূরক মাস পুরোহিতগণ কর্তৃক অনির্দিষ্ট নিয়মে নির্ধারিত হইত। আকাডিয়ান অভ্যুদয়ের পূর্বে বাবিলোনীয়গণও বৎসরের পূর্বোক্ত স্বল্পতা অল্প উপায়ে পূরণ করিতেন। ইহারা প্রতি বৎসরের একটু একটু নির্দিষ্ট মাসের বিংশতি দিবসের পর উপযুক্ত পরি দুই দিবস এক-বিংশতি দিবস বলিয়া গণনা করিতেন। জ্যোতিষের সকল ব্যাপারেই আকাডিয়ানগণ প্রাচীন বাবিলোনীয়দিগের অপেক্ষা অনেকাংশে হীন ছিল, কিন্তু দুই একটি বিষয়ে আকাডিয়ানদের প্রাধান্য দেখা যায়। দিন ও মাসের পৃথক পৃথক নামকরণ দ্বারা যে স্মৃতিধা প্রাপ্ত হওয়া যায়, তাহা ইহারা বেশ বুঝিত। প্রতি মাস চারি সমানভাগে বিভক্ত করিয়া প্রত্যেক বিভাগস্থ দিন সকল পরিজ্ঞাত গ্রহাদির নামামুতাবে আখ্যাত করা ইহাদের মধ্যে একটি সুন্দর প্রথা ছিল। অনেকে অনুমান করেন দিবসাদি নামকরণের আধুনিক প্রচলিত প্রথা আকাডিয়ান জ্যোতিষশাস্ত্র হইতে গৃহীত হইয়াছে।

বাবিলোনীয়গণ তাহাদের প্রাচীন নামকরণ প্রথা পূর্কোপের এক অবস্থায় রাখে নাই। কাল সহকারে ইহার অপকর্ষতা হ্রদয়ঙ্গম করিয়া যাহাতে জ্যোতিষগণ স্মৃতিধাজনক নামে অভিহিত হয় তদ্বিষয়ে বিশেষ সচেষ্ট হইয়াছিল, কিন্তু এ বিষয়ে আকাডিয়ান প্রথা অনুসরণ করে নাই। পরস্পর নিকটবর্তী নক্ষত্রকে এক এক শ্রেণীভুক্ত করিয়া প্রত্যেক গুঞ্জকে পশু ইত্যাদির প্রতিকৃতি কল্পনা করিয়া তাহারা এগুলিকে মেঘ-বৃষ মহিষাদি জীবগণের নামে অভিহিত করিত। নক্ষত্র নামকরণের অন্যান্য অনেক প্রকৃষ্টতর উপায় থাকিতে বাবিলোনীয়গণ কেন যে এই অপূর্ণ প্রথা অবলম্বন করিয়াছিল তাহার স্থিরতা নাই। যে যে জীবের নামে নক্ষত্রগুঞ্জকে অভিহিত করা হইত, তাহাদের সহিত জীবদিগের আকৃতিগত যে কোন সৌসাদৃশ্য ছিল তাহা কোনক্রমেই বোধ হয় না। অধুনাতন চিন্তাশীল পণ্ডিতগণ অনুমান করেন নক্ষত্রগুঞ্জের উদয় ঋতুতে কর্তব্য কৃষি বাণিজ্যাদির উল্লেখ করিয়া তদর্থে আবশ্যকীয় জীবদিগের নামে তারকাগুঞ্জগুলিও আখ্যাত হইয়াছে।

পূর্বোক্ত প্রকারে জ্যোতিষগণের নামকরণ কার্য শেষ হইলে বাবিলোনীয় জ্যোতিষীগণ উল্লিখিত জ্যোতিষিক সঙ্কেত ও প্রতিকৃতি ইত্যাদির সাহায্যে রাশিচক্র বিভাগ দ্বারা তাহাদের পর্যবেক্ষণ ও গবেষণার ফল সকল লিপিবদ্ধ করিতে চেষ্টা করিয়াছিলেন। আধুনিক জ্যোতির্বেতাগণ স্থির করিয়াছেন,—এই রাশিচক্র লিখন প্রথা বাবিলোনীয়গণ সর্ব

প্রথম উদ্ভাবন করেন এবং বহু শতাব্দী পরে ইজিপ্টের জ্যোতিষীরা বাবিলনে ইহা শিক্ষা করিয়া পরে পৃথিবীর সমগ্র সভ্যদেশে এই প্রথার বিস্তার করেন।

যদিও বাবিলোনীয়গণ তাঁহাদের উন্নতি যুগের শেষাংশে জ্যোতিষ্কগণের নামকরণাদির উপযোগিতা সম্যক উপলব্ধি করিয়াছিলেন, কিন্তু আধুনিকগণের নিকট সেই সকল নাম সম্পূর্ণ অর্থশূন্য হইয়া দাঁড়াইয়াছে। কারণ বহু গ্রন্থাদি অল্পসন্ধান করিয়াও কোন জ্যোতিষ্কটি বাস্তবিক কি নামে অভিহিত হইয়াছে তাহা এখন পরিষ্কার হওয়ার বিশেষ সম্ভাবনা আছে। বলিয়া বিবেচিত হয় না। তবে অল্পদিন হইল পূর্ববর্ণিত রাশিচক্রাঙ্কিত কয়েকখানি সূত্রং প্রস্তর-ফলক একটি প্রাচীন বাবিলোনীয় ভজনালয়ের তলদেশে প্রাপ্ত হওয়ায় এবং বাবিলোনীয় ভবিষ্যৎবক্তাদিগের কয়েকখানি প্রাচীন পঞ্জিকার উদ্ধার সাধিত হওয়ায়, ইহাদের দ্বারা নক্ষত্রাদির পরিচয় অবগতির কিঞ্চিৎ সহায়তা হইবে বলিয়া আশা করা যাইতেছে।

পূর্বেই বলা হইয়াছে বাবিলোনীয়গণ নক্ষত্রাদি পর্যবেক্ষণ দ্বারা ইহাদের গতি নির্ধারণ কার্যে সম্পূর্ণ অনভিজ্ঞ ছিল। জ্যোতিষ্ক সকল গতিশীল ও ইহারা রাজিকালে পূর্ক হইতে পশ্চিমাভিমুখে গমন করে, বাবিলোনীয়গণ ইহাই জানা যথেষ্ট বলিয়া জ্ঞান করিত। পৃথিবীর কক্ষে বিষুবরেখা হেলিয়া থাকায় দক্ষিণাকাশস্থ যে সকল নক্ষত্র প্রায়ই অদৃশ্য থাকে তাহাদের আকস্মিক উদয় বাবিলোনীয়গণ বড়ই বিস্ময়কর ব্যাপার বলিয়া বোধ করিত, এবং এই সকল নক্ষত্রের উদয়কালে তাহারা নানাবিধ শুভ ও দৈবকার্য্য মহোৎসবে সম্পন্ন করিত। গ্রহদিগের জটিল গতির বিষয় ইহারা কিছুই জানিত না এবং বাস্তবঃ ইহাদের গতি উচ্ছিন্ন ও অস্বাভাবিক দেখিয়া গ্রহগণকে অপদেবতা বলিয়া ভয় করিত ও শাস্ত্রপ্রকৃতি দেবগণের আশু বিষয়শাস্তি মানসে সর্বাংশে জগতের নিয়ম সংহারকারী হুই গ্রহগণকে পূজাদি দ্বারা সন্তুষ্ট করিত। অনেকে অহুমান করেন এই সময় হইতেই সূপ্রসিদ্ধ সেমোটিক ধর্ম সংস্থাপনের স্বত্রপাত হয়। বাবিলোনীয়গণ কেবলমাত্র কাল্পনিক আশঙ্কার বশবর্তী হইয়া সপ্তগ্রহকে তাহাদের উপাস্ত দেবতা করিয়া তুলিয়াছিল এবং অবিকল একই কারণে হুইফ, মারিভয়, বজ্রাশ্বি ভয়াদি আপদকেও দেবতা বলিয়া পূজা করিতে শিক্ষা করিয়াছিল। এতদ্ব্যতীত ইহারা চন্দ্র ও সূর্য্য গ্রহগণকে একটি মহা অশুভ লক্ষণ বলিয়া ভয় করিত। কিন্তু কিছুদিন পরে আবার এই মত পরিবর্তন করিয়া গ্রহগণকে একটি শুভ চিহ্ন বলিয়া দেখিত।

আধুনিক জ্যোতিষীদিগের নিকট বাবিলোনীয় জ্যোতিষশাস্ত্র যে সর্বাংশে হীন তাহাতে আর অণুমাত্র সন্দেহ নাই। ডায়োডোনস্ নামক জনৈক খ্যাতনামা বাবিলোনীয় জ্যোতিষ্ক-রেকর্ডা তাঁহার এক গ্রন্থে লিখিয়াছেন, চন্দ্র সূর্য্যের গ্রহণব্যাপার বাবিলনের জ্যোতিষ্কদিগণ কিছুই বৃদ্ধি করেন না, এবং কি উপায়ে গ্রহণের কাল নিরূপিত হয় সে বিষয়েও তাঁহারা সম্পূর্ণ অজ্ঞাত ছিলেন। বেরোসস্ স্বয়ং লিপিবদ্ধ করিয়াছেন, বাবিলোনীয়গণ চন্দ্রের একাঙ্ক উজ্জল এবং অপরাঙ্ক চিরতমসাবৃত বলিয়া বিশ্বাস করিত। হুই একখানি প্রাচীন গ্রীক ও ল্যাটিন গ্রন্থেও জ্যোতিষ সম্বন্ধে পূর্বোক্ত প্রকার হুই একটি ভ্রমসঙ্কুল সিদ্ধান্তের

উল্লেখ দেখিতে পাওয়া যায়। আধুনিক পণ্ডিতগণ অহুমান করেন ইহাও বাবিলোনীয়দিগের ভুল বিশ্বাসের ফল মাত্র। বাবিলোনীয় জ্যোতিষ আলেক্সান্দ্রিয়া বিশ্ববিদ্যালয় সংস্থাপনের পর ক্রমে ইজিপ্টে বিস্তৃত হইয়াছিল এবং তদপরবর্তী গ্রীক ও ল্যাটিন গ্রন্থকারগণ তাৎকালিক দার্কটোম বিচার কেন্দ্রস্থল আলেক্সান্দ্রিয়া হইতে সম্ভবতঃ ঐ সকল বিবরণ জ্ঞাত হইয়া লিপিবদ্ধ করিয়াছিলেন। কি উপায়ে বাবিলন হইতে জ্যোতিষশাস্ত্র ইজিপ্ট ও অশ্রাশ্র দেশে পরিব্যাপ্ত হইয়াছিল, সে সম্বন্ধে নানা মত প্রচলিত আছে। আধুনিক পণ্ডিতগণের মধ্যে অনেকেই বলেন, যে সময়ে যিহুদী, সিরিয়ান, ও বাবিলোনীয়গণ সিলুসিডিয়াগণ কর্তৃক উৎপীড়িত হইয়া মাতৃভূমি পরিত্যাগ পূর্বক ইজিপ্টে আশ্রয় গ্রহণ করিয়াছিলেন, সেই সময়ে ইহারা বাবিলোনীয় জ্যোতিষশাস্ত্র ও তদানুসঙ্গিক কুমসংস্কারাদিও সঙ্গে আনিয়া তদানুসারে জাতীয় উৎসব ও পূজাদি সম্পন্ন করিত। নূতন অধিবাসীগণ এই প্রকারে তাহাদের জাতীয় বিশ্বাসাদি তাগ করিতে সম্পূর্ণ অনিচ্ছা প্রকাশ করায় ইজিপ্টীয়ান পণ্ডিতগণ বাবিলোনীয় জ্যোতিষের কিয়দংশ গ্রহণ করিয়া তাহা নানা দেশে বিস্তৃত করিয়াছিলেন।

উপসংহারে বক্তব্য এইমাত্র যে, অনেকে মনে করেন আধুনিক উন্নত জ্যোতিষ্কিচ্ছা বাবিলনের নিকট অনেক বিষয়ে শ্লথী, কিন্তু ইহা সম্পূর্ণ ভ্রমসঙ্কুল। বাবিলনের প্রাচীন গ্রন্থকার বেরোসসের লুপ্ত গ্রন্থ সকলের যদি সম্পূর্ণ উদ্ধার হইত তাহা হইলেও যে আমরা বিশেষ কোন শিক্ষণীয় বিষয় দেখিতে পাইতাম, এরূপও আশা করা যায় না। তবে বিশ্বাসের বিষয় এই যে, বোর তমসান্দ্রন প্রাচীনকালেও জ্যোতিষ্কিচ্ছার উন্নতিকল্পে মনোনিবেশ করা বাবিলোনীয়গণ কর্তব্য স্বরূপে জ্ঞান করিতেন, এবং অধুনাতন কালের পরম্পরাগত শিক্ষার সফল ও আকাশ পরিদর্শনার্থ আবশ্যকীয় সূক্ষ্ম যন্ত্রাদির সাহায্য ব্যতিরেকেও প্রাচীন জ্যোতিষীগণ যে তাঁহাদের ক্ষুদ্র আকাঙ্ক্ষা পরিতৃপ্ত করিতে কৃতকার্য হইয়াছিলেন, ইহাও বড় কম গৌরবের বিষয় নহে।

শ্রীজগদানন্দ রায়।

গল্প ত অন্ন—।

হাঃ! হাঃ! হাঃ! হাঃ! হিঃ! হিঃ! হিঃ! হিঃ!—হাস্তে হাস্তে পেটে ব্যথা ধরে গেল। আরে না হেসে কি থাকা যায়—হাঃ! হাঃ! হাঃ! হাঃ! বাপু, কি ভয়টাই পেয়েছিলুম! এখনও মনে হলে গায় কাঁটা দেয়। কথাটা কি? তাই ত বল্চি। বলতে গেলেই হাসি পায়। অত ব্যস্ত করিস্ কেন? রোস না, বল্চি।

দেখ্ ভাই ছিরে, যখন আমি সহরে চাকরি কোরতে আসি তখন সব আমায় পাড়াগেয়ে ভূত বলত—বুঝেছিস, ভূত। ভূত ও বুঝি সহরে আর পাড়াগেয়ে হয়। পাড়াগায়ে ছেলেবেলায় কি করতাম জানিস ত? চৌধুরীদের বাগান থেকে জামরুল পেড়ে খেতুম, শালিক পাখীর বাসা থেকে ছানা পেড়ে আনতুম। একবার সেই ভট্টাচার্যদের মাচা থেকে লাউ পেড়ে আনতে—বাপু! কি মারটাই মেরেছিল! পাড়াগেয়ে ভূতের বুঝি এই সব কাজ! আর সহরে ভূত বুঝি গায়ে গন্ধ মেখে, হাতে ফুলের তোড়া নিয়ে, বকে চাদর এঁটে গড়ের মাঠে বেড়িয়া বেড়ায়! তখন তখন পাড়াগেয়ে ছিলুম বইকি! আরে তোর চেয়ার টেবিল মোফা, বাহারে বাহারে ছবি, অত শত সাত সতের পাড়াগেয়ে কে জানে?

তখন ভাই কথায় কথায় নাকাল হতুম। নতুন নতুন কথা শুনেই দিন যেত। বাবু বলে, “ও কেনারাম, ড্রয়িং রুম থেকে অ্যালবামটা নিয়ে আয় ত!” কি বলেরে বাবা! যদি জিজ্ঞাসা করতে যাই ত তেড়ে খেতে আসে। সেই সাজান ঘরটায় গোটাকতক ছোট ছোট পিড়ী ছিল, তার উপর আবার গদি মোড়া—ঠিক যেন শালগ্রামের সিংহাসন। আমি অনেক ঠাউরে তাই একটা নিয়ে এলুম। বাবুর হাসির চোটে ঘর ফেটে গেল। “আনতে বল্লম অ্যালবাম নিয়ে এল ফুটুইল!—বেটা পাড়াগেয়ে ভূত কি না!” বাড়ীর ভিতরে ছেলে মেয়েরা সারাদিন আমার কথার ছল ধ্বংস আর আমায় ক্ষেপাত। তাদের উপদ্রবে পাড়াগেয়ে ভূত সহর ছেড়ে পালায় আর কি!

সেই এক কাল গিয়েছে—বুঝি ছিরে? কই, এখন ত আর কেউ পাড়াগেয়ে ভূত বলে না। আজ কালকার দিনে ভূত ও আবার মানুষ হয়। এখন আমি বাবুর খাস চাকর। আমি কাপড় না কুঁচিয়ে দিলে বাবুর এখন গছন্দ হয় না, সখের যত জিনিস আমি না এনে দিলে এখন আর মনে ধরে না। বাবা, সেই কেনারাম, পাড়াগেয়ে ভূত—হাঃ! হাঃ! হাঃ! হাঃ! গল্পটা কি? আরে, তাইত বল্চি—তা অত তাড়াতাড়ি কেন? গল্প বল্চি না ত পাঁচালি গাইচি না কি? হ্যাঁ দেখ্, ছিরে, অমন করে তাড়া দিলে সব ভুলে যাব, আসল কথাটাই বলা হবে না। তুই ততক্ষণ আর একবার তামুক খা না! হ্যাঁ ভাই, বল্ছিলাম কি যে এখনত আর পাড়াগেয়ে ভূত নই। বাপু, কতই দেখলুম, কতই শিখলুম এই সহরে এসে! এই যে জুতো পায় দিয়ে রয়েচি বাপু পিতামহ কি কখন এমন দেখেছিল? বাবুর কাপড় যখন কোঁচাই তখন কি আমার একখানা কাপড় কোঁচাই নে? বাবু বেড়াতে গেলে আমি—ঘর আগলে বসে থাকি, কেমন? তা আমার ত প্রাণে কোন সাধ যায় না? আমায় কত বিশ্বাস, জানিস? ওসব গন্ধ জিনিস টিনিস আমার হাতেই থাকে—বুঝেছিস? তা আমি—সে কি আবার বলতে হবে না কি? মদটা আসটাও বাবুর একটু আধটু চলে—সেও আমার হাতে। এখন আর পাড়াগেয়ে ভূত নেই—এখন নড়তে চড়তে কেনারাম—কেনারাম নইলে আর কিছু হয় না। তা এই যে বাবু পাঁচ শো টাকা মাইনে পায় আর আমি আট টাকার চাকর, বাবুতে আর আমাতে তফাৎ কি! বাবু না হয় লিখতে পড়তে

শিখেছে আমি শিখিনি—এই যা। বাবু কি আমার চেয়ে সেয়ানা? আমি যে তাকে এই এত ঠকাই সে কি কিছু টের পায়? কি বলি, কপাল? তাই হবে।

গল্পটা বলব? এই বলি। আরে সে বড় মজার—বাপু, এমন ভয় আমি কখন পাই নি। গেল বার পূজার সময়, বুঝেছিস, বাবু বাড়ী যাবে বলে অনেক জিনিস কিনেছিল। আমি ও দেশে যাব—কিছু কিনেছিলুম। যাবার দু দিন আগে রাত্তিরে খাওয়া দাওয়া কোরে, জিনিস পত্র সব দেখে শুনে বাবু ঘুমুল। ঘরে একটা ছোট আলো এক কোনে ঢাকা ছিল—প্রায় অন্ধকার, বেশী আলো থাকলে বাবুর ঘুম হয় না। আমি বাবুর পাশের ঘরে শুয়েছি। খানিক ক্ষণ আগুড়ুম বাগুড়ুম কত কি ভেবে ঘুমিয়ে পড়লুম।

“সাপ!”

“বাপ!” বলে চেঁচিয়ে এক লাফে আমি ঘরের বাহিরের বারান্দায়।

বাবু ডাকে, “ওরে কেনারাম, দৌড়ে আয়। আমায় সাপে কামড়েছে! একবার দেখে গিয়ে ডাক্তার ডেকে নিয়ে আয়।”

আমি ঘরে ঢুকি আর আমাকেও থাক্! চাকরী কোরতে এসেছি বলে ত আর প্রাণ দিতে আসি নি। আমি বল্লম, “বাবু, আমি চল্লম ডাক্তারের কাছে।”

বাবু বলে, “আরে, না, না, ডাক্তার আসতে ততক্ষণ আমি মরে থাক্। শীঘ্র এসে আমার পা বেঁধে দিয়ে তবে ডাক্তার ডাকতে যা।”

আমি বল্লম, “বাবু আপনি তবে বাইরে বেরিয়ে আসুন। ও ঘরে যেতে আমার ষড় ভয় কোরচে। আমায় যদি তেড়ে খায়!”

“তবে রে বেটা নেমকহারাম, আমি মরি আর তোর প্রাণের ভয় বড় হল!”

আমি বল্লম, “বাবু, আপনার যা হবার তা ত হয়েচে, আমায় আর কেন মারেন! আপনি বেরিয়ে আসুন না।”

বাবু বললে “আরে কেনারাম, আমি যদি চলতেই পারব তা হলে আর তোকে ডাকব কেন? আমার সর্ক শরীর কেমন কোরচে, মাথা ঘুরচে, কিছু দেখতে পাচ্চিনে। আমি মরি, আর তুই এসে একবার আমায় দেখবি নে? তোর শরীরে কি দয়ামায়া নেই!”

দেখ্ ভাই ছিরে, তখন আর চুপ কোরে থাকতে পারলুম না। দেশলাই কাঠি একটা জ্বলে আলো জ্বললুম। দরজার একটা ছড়ুকা ছিল সেইটে না নিয়ে বাবুর ঘরের দরজা গোড়ায় গেলুম। ছড়ুকা রেখেচি এগিয়ে—যদি কিছু দেখি ত এক যা দিয়েই দেব দোড়। আমায় দেখে বাবু বলে, “আয়না, তোর কোন ভয় নেই।” না, তা কি আর আছে! হস্ত ঘরের ভিতর গজরাছে, আমি গেলেই আমায় খেয়ে ফেলবে! সে কথাটা আর না বলে প্রাণটা হাতে কোরে আমি বাবুর কাছে গেলুম। বাবু ঘরের কোনে মাটিতে বসে আছে, দরদর করে ঘাম পড়চে, চোক কপালে উঠেচে। আমি দেখে ভাবলুম আর ডাক্তার ডেকে কি হবে! যার কাল এসেচে তাকে আর ডাক্তারে কি কোরবে! বাবুর পায়ের বড়

আঙ্গুল দিয়ে রক্ত পড়তে। বাশুরে কি সর্বনেশে কামড়টাই কামড়েছে! বাবু কৌটার কাপড় এঁটে হাঁটুর নীচে বেধেছে। আমি চুপি চুপি জিজ্ঞাসা করলুম, “বাবু, সেই—নতাতা—কোথায়!”

বাবুর সর্বশরীর এলিয়ে পড়তে। বললে, “ওই খাটের ভিতর ছিল, কি জানি এখন কোথায় আছে?”

আমি দূর থেকে আলোটা তুলে ধরে মশারির ভিতর চেয়ে দেখি—ওরে বাবোরে! আমি বাবুকে একেবারে হড়্ হড়্ করে টেনে আমার ঘরে নিয়ে এসে দরজা বন্ধ কোরে দিলুম। খাটের ভিতর এতখানি চক্র ধোরে—বাপুরে, গিয়েছিলুম আর কি!

বাবু বলে, “দেখ্চিস কি, বাধু, বাধু, যা কিছু থাকে তাই দিয়ে প্রাণপণে বাধু যেন বিষটা না ওঠে।”

এদিকে বিষ যে প্রায় মাথায় উঠল বাবু তার কিছুই টের পায়নি। আমি তার মন বোঝাবার জন্ত আলনার দড়ী ছিঁড়ে পায় খুব করে বাঁধলুম। যেখানে যেখানে বাঁধলুম তার ছই দিক ফুলে উঠল। তখন বাবু বলে, “ওটা কি এখনও খাটে আছে না কি?”

“আছে বই কি!”

“তবে একবার ভাল করে দেখ্ দেখি। যদি জাত সাপ না হয় ত কোন ভয় নেই।”

রাতে না কি আর কিছুতে খায়! তবু যদি চক্র আমি না দেখতুম! তা সে কথা বললে বাবু আরও ভয় পাবে বলে আমি আলোটা হাতে কোরে একটা জানুলা খুলে দেখলুম! সেখান থেকে বেশ দেখা যায়, কোন ভয়ও নেই। চক্র—কই—নেই ত! প্রথম বার দেখবার জুল হয় নি ত? কিন্তু মস্ত একটা বিছানায় পড়ে রয়েছে। জানুলায় ঠক্ ঠক্ কোরে শব্দ কোরলুম, তা নড়েও না চড়েও না। এ আবার কি জাতের! খোলব ছাড়ছে বুধি, তা হলে খাটে উঠবে কেমন করে? গলা খাঁকরাপি দি, তবু নড়ে না। হুড়কোটা নিয়ে খাটের বাজুতে বার কতক ঠক্ ঠক্ কোরলুম—কিছুতেই কিছু হয় না। তখন আমি বস্তুতে পারলুম যে ওটা ঝায়েল হয়েছে। তবে আর ভয় কি! আর ছ চার বা দিলেই হয়ে যাবে। দেখ্ ভাই ছিরে, এমন আশ্চর্য্য কখন দেখি নি। অত যে ভয় কোথায় যেন চলে গেল। বাবুকে বললুম, “বাবু, আপনি যখন খাট থেকে নামেন তখন কি ওটার ঘাড়ে পা দিয়েছিলেন?”

“অত কি আমার মনে আছে! কিন্তু আমার পায়ের তলায় যেন কি পড়েছিল।”

আমি বললুম, “তবে ঠিক হয়েছে। আপনার পায়ের তলায় পড়ে ওটা জখম হয়েছে।” এই বলে আমি বাবুকে তুলে ধরে দেখালুম। বাবু বলে, “হ্যাঁরে, ওই টে রে! তা এখন ত কোন ভয় নেই, নড়তে পার্চে না, তুই একবার দেখ না কি ওটা!”

“ভয় আবার কিসের? আমি এখুনি দেখ্চি,” বলে আমি দরজা খুলে, হড়কো হাতে কোরে আস্তে আস্তে মশারির এক কোন তুলে একেবারে দে দমাদম্! সাপের গুটি সেখানে

থাকলে তাদের নিবংশ কোরে ফেলতুম। খাট খানা ভেঙ্গে যায় আর কি! তার পর যে আর নড়বে না সে ত জানাই কথা। তখন আমি আলোটা কাছে নিয়ে ধরে দেখি—ও—হোঃ! হোঃ! হোঃ! হোঃ! হাঃ! হাঃ! হাঃ! হাঃ! হিঃ! হিঃ! হিঃ! হিঃ! —ও—

বাবু বলে, “বেটা আমার শ্বাস হয়ে এল আর তুই হেসে বাড়ি মাথায় কোব্চিস? আমায় ত সাপে খেয়েচে, আর তুই কি সাপের পাঁচ পা দেখেছিস্ না কি?”

আমি হাসি চাপতে না পেয়ে বললুম, “আপনিও দেখুন না এসে।” বলে আমি বাবুর হাত ধরে জোর কোরে টেনে নিয়ে এলুম। বাবু দেখে বলে, “সত্যি না কি!”

“সত্যি না ত আমি কি আর ভোজবাজি জানি না কি?”

বাবু বলে, “ওরে, বাধন গুল খুলে দে, পা সমস্ত টাটিয়ে উঠেচে যে!”

বাবুর পায় আট দিন ফুলো ছিল, আর দশ দিন খুঁড়িয়ে খুঁড়িয়ে হাঁটত।

বাবু বললে, “দেখ, কেনারাম তুই হাস্‌লি হাস্‌লি, অনেক দিনের চাকর, ক্ষতি নেই। আর আমি যে ভয় পেয়েছিলুম। তোর উপর এখন রাগ হচ্ছে না কিন্তু খবরদার, আর কারুর কাছে যদি গল্প করিস্, টের পেলে তোকে তাড়িয়ে দেব।”

তা ভাই গল্পটা এই। জিনিসটা কি? বললে যে বাবু আমায় তাড়িয়ে দেবে! তোকে চুপি চুপি বলব, তুই কাউকে বলবি নি? মাইরি, কাউকে বলবি নি? আচ্ছা, তবে—খবরদার, খবরদার, যদি কাউকে বলিস। সেটা একটা রেশমের নতুন কোমর বন্ধ, বাবু দেখবার জন্ত বার কোরে খাটে তুলে ফেলে রেখেছিল। আঁউমাঁউ কোরে লাফিয়ে উঠতে বাবুর পায়ে একটা পেরেক ফুটে গিয়েছিল, তাইতে রক্ত বেরিয়েছিল। দেখ্ ভাই ছিরে, তোকে এই বললুম—চুপিচুপি—কেউ যেন না টের পায়, বুঝেছিস্? কি ভয়টাই পেয়েছিলুম, কি মজাটাই হয়েছিল—তোকে তাই চুপিচুপি বললুম—হাঃ! হাঃ! হাঃ! হাঃ! হোঃ! হোঃ! হোঃ! হোঃ!

শ্রীনগেন্দ্রনাথ গুপ্ত।

চক্র।

ষষ্ঠ পরিচ্ছেদ।

গৌরীশঙ্করের মনে যাহাই থাকুক, প্রকাশে যথেষ্ট রাজভক্তি প্রদর্শন করিতেন। রাজজাতি বিদেশী, দেশের শাসনকর্তা বিদেশী, কিন্তু রাজদরবারে গৌরীশঙ্করের অত্যন্ত সম্মান। কাশীনাথ ইহা বুঝিতে না পারিয়া একবার এ বিষয়ে তাঁহাকে প্রশ্ন করিয়াছিল। গৌরীশঙ্কর মুহু মুহু হাসিয়া কহিলেন, “রাজকর্মচারীরা কি করিতেছে, তাহাদের কি অভিসন্ধি জানিতে না পারিলে আমরা কি করিব? যাহারা আমাদের কাছে এই কঠিন কর্মে নিয়োগ করিয়াছেন তাঁহাদের আদেশানুসারে আমি রাজগৃহে যাতায়াত করি।”

বিস্মিত হইয়া কাশীনাথ জিজ্ঞাসা করিল, “আপনাকে আবার কে নিয়োগ করিবে? আপনিই ত এ কর্মে অগ্রণী।”

গৌরীশঙ্কর কহিলেন, “কেবল তোমাদের চক্ষে। আমি ত সামান্য নিমিত্ত মাত্র। এই মহৎ কর্মে যাহারা প্রধান উছোগী তাঁহারা মহাপুরুষ! তাঁহারা হই গুরু, পরামর্শদাতা, পথপ্রদর্শক।” যুক্তকর ললাটে স্পর্শ করিয়া গৌরীশঙ্কর মহাপুরুষদিগকে উদ্দেশে প্রণাম করিলেন।

কাশীনাথ কোতূহলাবিষ্ট হইয়া কহিল, “তাঁহাদের দর্শন পাই না?”

গৌরীশঙ্কর কহিলেন, “যথা সময়ে তাঁহারা স্বয়ং দর্শন দিবেন। দর্শন চাহিলে পাইবেন না। যাহাকে তাঁহারা সাক্ষাৎ উপদেশ দিবার, অথবা কোন কঠিন কর্মে নিযুক্ত করিবার উপযুক্ত বিবেচনা করেন তাহাকে দর্শন দেন। তুমি হয়ত শীঘ্রই দর্শন পাইবে। কিন্তু আপাততঃ আমার নিয়োগানুসারে কর্ম করিতে হইবে।”

কাশীনাথ কহিল, “আমি কেবল আপনার আজ্ঞার অপেক্ষা করিতেছি।”

গৌরীশঙ্কর তিব্যক্ দৃষ্টিতে মধ্যে মধ্যে কাশীনাথকে দেখিতেছিলেন। কাশীনাথের শেষ কথা শুনিয়া তাহার প্রতি তীক্ষ্ণ দৃষ্টিপাত করিয়া কহিলেন, “যদি পার ত তোমায় কোন বিশেষ কর্মে নিযুক্ত করিতে পারি।”

কাশীনাথ জব্দঙ্গী করিয়া কহিল, “করিয়া দেখুন।”

“আমাদের সকল কথাই যে গোপনে হয় এ কথা তোমায় বলা নিষ্পয়োজন?”

“সম্পূর্ণ নিষ্পয়োজন।”

“আমাদের দলভুক্ত নানা ব্যক্তি নানা স্থানে বাস করেন, আবশ্যিক মত তাঁহাদিগকে

সংবাদ দিতে হয়, আবশ্যিক মত লোক পাঠাইতে হয়। তোমাকে কয়েক স্থানে ঘাইতে হইবে।”

“স্বীকৃত আছি।”

“যাহা তোমাকে বলিয়া দিতেছি মনে করিয়া রাখ। আজি পূর্ণিমা। অমাবস্তার রাত্রে মন্দিরে সকলকে সমবেত হইতে হইবে। বলিও মহাপুরুষেরা কোন সম্বাদ পাঠাইবেন, তাহাই শ্রবণ করিতে হইবে।”

“পত্র লিখিয়া দিবেন?”

“একটা অক্ষরও না। আমাদের কোন কর্মে পত্র লিখিবার আদেশ নাই। নিদর্শন দেখিতে চাহিলে দেখাইও।”

“কি নিদর্শন দেখাইব?”

“তোমার বাহতে যে চিহ্ন আছে তাহাই নিদর্শন। যাহাদিগকে দেখাইবে তাঁহাদিগেরও বাহতে চিহ্ন দেখিবে।”

কোন কোন স্থানে কাহার সহিত সাক্ষাৎ করিতে হইবে, গৌরীশঙ্কর বুঝাইয়া দিলেন। কাশীনাথ বিদায় হইলে, গৌরীশঙ্কর রাজগৃহে গমন করিলেন। গভীর মূর্তি, পিঙ্গল চক্ষু রাজপুরুষ তাঁহাকে সাদর সন্ভাষণ করিয়া আসন গ্রহণ করিতে বলিলেন। গৌরীশঙ্কর তাঁহাকে সমস্তমে অভিবাদন করিয়া উপবেশন করিলেন।

রাজপুরুষ জিজ্ঞাসা করিলেন, “দেশের সংবাদ কি?”

গৌরীশঙ্কর কহিলেন, “আপনারা ত সকল সংবাদই রাখেন, নূতন কি বলিব?”

“তোমাদের মত লোকের নিকটই ত সংবাদ পাই। তোমরা অনেক দেখ শুন, অনেক বুঝিতে পার, স্বদেশীয়দিগের মনের অবস্থা জান, তোমাদের নিকট অনেক বিষয় আমরা জানিতে পারি।”

“আপনারা কি মনে করেন, সকলে আপনাদের নিকট সকল কথা সত্য বলে?”

“কেহ সত্য, কেহ মিথ্যা, কেহ কতক সত্য কতক মিথ্যা বলে। সেই সকল কথা মিলাইয়া আমরা এক রকম মোটামুটি বুঝিয়া লই। আমাদের জানিবার অনেক উপায় আছে।” রাজপুরুষ অল্প হাসিলেন।

গৌরীশঙ্কর কিছু মুহু স্বরে জিজ্ঞাসা করিলেন, “সম্প্রতি কোনরূপ আশঙ্কাজনক কোন সম্বাদ পাইয়াছেন?”

“কই, না, আশঙ্কার ত কোন কারণ দেখিতেছি না। তুমি কিছু জান?”

“আপনারা দেখিতেছেন চারিদিকে শান্তি, এই কোটি কোটি প্রাণী রাজদণ্ড ভয়ে নির্দিবাদের কালযাপন করিতেছে। কিন্তু আপনাকে কি বলিতে হইবে যে, সমুদ্রের শান্তমূর্তি দেখিয়া, আশ্র-প্রতারিত হইয়া মনে করা উচিত নহে যে, চিরকালই সে মূর্তি সেইরূপ থাকিবে? এ কথা আপনারা যেমন জানেন, এমন আর কে জানে? এই নিস্তরঙ্গ প্রশান্ত-

দর্শন সমুদ্রে পর্বতপ্রমাণ সর্বগ্রাসী তরঙ্গ উঠিতে কতক্ষণ? এই সাম্রাজ্যের কীর্তি-অটালিকার অগ্নি লাগিতে কতক্ষণ?”

রাজপুরুষ গৌরীশঙ্করের দিকে মস্তক হেলাইয়া, দৃষ্ট স্থির করিয়া দৃঢ়ভাবে কহিতে লাগিলেন, “তোমাদের ঐ মূল ধারণা ভ্রান্ত। তোমাদের সংখ্যা বিস্তর বলিয়া সমুদ্রের সহিত তুলনা করিও না। সমুদ্রে সমষ্টি রহিয়াছে, তোমাদের মধ্যে কেবল ব্যষ্টি। সমুদ্রের জল তুলিয়া যদি বহু কোটি গোম্পাদে নিক্ষেপ করিতে পার, তাহা হইলে তোমাদের সহিত প্রকৃত তুলনা হয়। এই দেশ এত জলসিক্ত এবং আর্দ্র যে এখানে কিছুতে অগ্নি জলে না। এই কারণে আমরা নিশ্চিন্ত আছি।”

গৌরীশঙ্কর কহিলেন, “বুঝিলাম, এ দেশে একতা নাই। সহস্রাধিক বৎসর ধরিয় পরাধীনতা আত্মবিরোধ প্রভৃতি নানা কারণে একতা এক প্রকার অসম্ভব হইয়া পড়িয়াছে। কিন্তু আপনারা কি মনে করেন, একতার বীজ পর্য্যন্ত বিনষ্ট হইয়াছে?”

“তাহা বলিতে পারি না, কিন্তু যতদিন অঙ্কুর দেখিতে না পাওয়া যায়, ততদিন আর কি বিবেচনা হইতে পারে?”

“অঙ্কুরোদগম ত অলক্ষ্যে হইবার সম্ভাবনা আছে?”

“অঙ্কুর দেখিতে না পাইলেও অজ্ঞাত লক্ষণে কিছু জানিতে পারা যায়। তোমাদের মত রাজভক্ত ব্যক্তিদিগের নিকট হইতেই প্রথমে সংবাদ পাওয়া যাইবে।” রাজপুরুষ পূর্বের স্তায় মূহু হাত করিলেন।

গৌরীশঙ্কর কহিলেন, “আমাদিগের কর্তব্য আমরা সর্বদা করিব। কিন্তু আপনাদের কি মনে হয় না যে অতি সামান্য কারণে রাজ্যে ঘোর অশান্তি উপস্থিত হইতে পারে?”

“না হইতে পারে এমন কিছুই নাই। কিন্তু তোমাদের অবস্থা যেরূপ দেখিতেছি, তাহাতেই আমরা কতক নিশ্চিন্ত রহিয়াছি। আমাদের রাজত্ব এ সময় ফুরাইলে তোমাদেরই অমঙ্গল। আমাদের ক্ষতি নাই এমন কথা বলিতেছি না, কিন্তু আমাদের রাজ্যনাশের আশঙ্কা, তোমাদের সর্বনাশের ভয়। অরাজকতা হইলে তোমাদের মত ধনী, সন্মানিত ব্যক্তিদিগের অত্যন্ত ক্ষতি হইবার সম্ভাবনা।”

“সেই কারণে আমরা নিরন্তর আপনাদিগের মঙ্গলপ্রার্থী। কিন্তু যদি কখন শান্তি ভঙ্গের চেষ্টা হয়; আর আপনারা সে বিষয়ে কিছু অবগত না থাকেন তাহা হইলে এরূপ সংবাদ যাহার নিকট হইতে প্রথমে প্রাপ্ত হইবেন তাহাকে বিস্মৃত হইবেন না।”

“সামান্য উপকারের জন্ত যখন আমরা সর্বদা পুরস্কার দিয়া থাকি তখন এরূপ মহৎ উপকার বিস্মৃত হওয়া সম্ভব নহে।”

অজ্ঞাত বিষয়ে কিছুক্ষণ কথাবার্তা কহিয়া গৌরীশঙ্কর বিদায় গ্রহণ করিলেন।

সপ্তম পরিচ্ছেদ।

উপবনবাহিনী তটিনী তীরস্থিত তরুচ্ছায়াশীতল শান্তি নিবাসে ফিরিয়া আসিয়া অদ্বৈত-প্রসাদের বর্ষীয়সী ভগিনী ভ্রাতাকে সকল কথা বলিলেন। নৌকার প্রকৃত ঘটনা শ্রবণ করিয়া, নিরঞ্জনের পত্র স্মরণ করিয়া অদ্বৈতপ্রসাদ কৌতুক অল্পভব করিলেন।

অজ্ঞাত কথার পর বৃদ্ধা কহিলেন, “দেখ, শ্রীপতি আর কাশীনাথ ছেলে দুইটা বড় ভাল। আমার মনে হয় কি জান?”

অদ্বৈতপ্রসাদ কহিলেন, “বল।”

প্রভাবতী ও নির্মলা সেই স্থানে উপবিষ্ট ছিল।

বৃদ্ধা কহিলেন, “শ্রীপতির সঙ্গে প্রভার আর কাশীনাথের সঙ্গে নির্মলার বিবাহ দিলে ভাল হয়। কাশীনাথের অবস্থা তেমন ভাল না হউক সে বেশ লেখা পড়া শিখিয়াছে, আর তুমি মনে করিলেই তাহার একটা ভাল চাকরী করিয়া দিতে পারিবে। শ্রীপতিদের ঘর তোমাদের সমান, কুটুম্বিতা বেশ ভাল হইবে।”

নির্মলা লজ্জিত হইয়া উঠিয়া পলাইল, কিন্তু প্রভাবতী বসিয়া রহিল। পিতৃস্মার কথ্য শুনিয়া কেবল চক্ষু নত করিল।

অদ্বৈতপ্রসাদ কহিলেন, “আমি ত তাহাদিগকে দেখি নাই, এখানে আসিবে বলিয়াছে, আদিলে দেখিতে পাইব। জিজ্ঞাসাবাদ করিয়া তখন বুঝিতে পারিব।”

“কাজটা হইলে কিন্তু বড় ভাল হয়। মেয়ে দুইটা ডাগর হইয়া উঠিতেছে, তা তুমি ত কিছু চেষ্টা করিবে না! দুইটা বেশ ভাল ছেলে পাওয়া গিয়াছে তাহাদের যেন হাতছাড়া করিও না।”

“দেখি, তাহারা ত আসিবে বলিয়াছে। ঠাকুর শীঘ্র আসিবেন, তাঁহাকে জিজ্ঞাসা করি তিনি কি পরামর্শ দেন।”

বৃদ্ধা বিরক্ত হইয়া কহিলেন, “মেয়ের বিবাহ দিবে তাও গুরুকে জিজ্ঞাসা করিতে হইবে? তিনি গুরু আছেন তাঁহাকে মাথায় করিয়া রাখিবে। কিন্তু এ সব কাজে তিনি কি পরামর্শ দিবেন? তুমি নিজে বুদ্ধিমান, অত বড় চাকরী করিয়াছ, এতদিন কি সকল কর্মে গুরু পরামর্শ লইতে?”

অদ্বৈতপ্রসাদ বিব্রতভাবে কহিলেন, “এতদিন সদ্গুরু পাই নাই। এখন তাঁহার অমুমতি না লইয়া কোন কর্ম করিব না।”

সে সময় কথা এই পর্য্যন্ত রহিল। অদ্বৈতপ্রসাদের ভগিনী কথা মন্দ বলেন নাই। মাধুস সংসারের ব্যবস্থা সর্বদা উত্তম করে, কিন্তু জীবনের গতি, ঘটনার সমবায় মনুষ্যের ব্যবস্থাদীন নহে।

নির্মলা প্রভাবতীকে নির্জনে পাইয়া, ভৎসনা করিয়া কহিল, “হ্যাঁ লা, তুই হলি কি?”

“হলাম আবার কি !”

“তোমার কি এতটুকুও আক্কেল নেই, লজ্জা সরমের মাথা একেবারে খেয়েচ ?”

প্রভাবতী বুঝিয়া, মুচুকিয়া হাসিয়া কহিল, “কখন আবার লজ্জা সরমের মাথা খেলাম !”

“আ মরণ, যেন কিছু জানেন না ! এই যে এখন কাঁকা আর পিসিমা তোমার বিয়ের কথা বলছিলেন, আর তুমি দিব্য বসে হাঁ কোরে শুনছিলি !”

“শুধু আমার বিয়ের কথা ?”

“আবার রঙ্গ ! পোড়া মুখ তোমার ! কথা কহিতে লজ্জা করে না ? আমি কি আমার বিয়ের কথা বসে বসে শুনছিলাম না কি ?”

“শুনে ত পালিয়ে এলে, না শুনে ত আর এসনি, তা হলেও না হয় বুঝতাম যে তোমার বড় লজ্জা। তা পালিয়ে আসবার কি কথাটা হয়েছিল ?”

“তোমার মতন বেহায়া না হলে ত কেউ আর অমন কোরে বসে থাকতে পারে না ?”

তখন প্রভাবতী কিছু গভীরভাবে কহিল, “যদি সে কথা আমার শোনবার না হত তা হলে বাবা আমায় উঠে যেতে বলতেন। আমি ত এতে দোষের কিছু দেখছি নে।”

নির্মলা কিন্তু এ কথা অস্বীকার করিল না।

কয়েক দিবস পরে নির্মলা ও প্রভাবতী অপরাহ্নকালে নদীর তীরে ভ্রমণ করিতেছে, এমন সময় নির্মলা দেখিল, শ্রীপতি ও কাশীনাথ সেই দিকে আসিতেছে। তাহাদিগকে দেখিয়া নির্মলা প্রভাবতীর অঞ্চল টানিয়া কহিল, “ও মা, কি লজ্জার কথা ? আমাদের বোধ হয় দেখতে পেয়েচে। পালিয়ে আর, পালিয়ে আর !”

“কেন, কি হয়েছে ?”

“কারা আসছে দেখতে পাসনি ? দিব্য দাঁড়িয়ে আছি যে ?”

প্রভাবতী দেখিতে পাইল, কাশীনাথ ও শ্রীপতি আসিতেছে। তাহাদিগকে দেখিয়া, লজ্জিত বা ত্বরান্বিত না হইয়া, নির্মলাকে কহিল, “তা পালাতে হবে কেন ? চোর ডাকাত আর নয়, বাঘ ভালুকও নয়।”

নির্মলা কহিল, “আমার যেমন গ্রহ, তোকে আবার লজ্জার কথা বলতে গিয়েছি! তোমার যদি লজ্জাই থাকবে তা হলে আর ভাবনা কি ! আমি যাই, তুমি ওদের সঙ্গে দাঁড়িয়ে গল্প কর।” বলিয়া, প্রভাবতীর অঞ্চল ত্যাগ করিয়া নির্মলা বেগে গৃহান্তিমুখে পলায়ন করিল। গমনকালে মধ্যে মধ্যে ফিরিয়া চাহিল। প্রভাবতী ধীর গতিতে, কিছুমাত্র ব্যস্ত না হইয়া, গৃহে চলিয়া গেল।

অদ্বৈতপ্রসাদ, শ্রীপতি এবং কাশীনাথের পরিচয় পাইয়া, স্বাগত জিজ্ঞাসা করিয়া পরম সমাদরে তাহাদিগকে অভ্যর্থনা করিলেন। আহ্বানের সময় অদ্বৈতপ্রসাদের ভগিনী স্বয়ং পরিবেশন করিলেন। ফল ও মিষ্টান্ন প্রভাবতী দিয়া গেল। নির্মলা তাহাদের সম্মুখে বাহির হইল না।

অনেক রাত্রি পর্যন্ত অদ্বৈতপ্রসাদ যুবকদ্বয়ের সহিত নানা বিষয়ে সদালাপ করিতে লাগিলেন। অদ্বৈতপ্রসাদ গভীরবুদ্ধি, মানবচরিত্রতত্ত্বে বিশেষ অভিজ্ঞ, শ্রীপতি এবং কাশীনাথের স্বভাবে প্রভেদ শীঘ্রই লক্ষ্য করিলেন। বুঝিলেন দুই জনই সুশিক্ষিত, নানা শাস্ত্রে সুদৃষ্টি, সজ্জন, মিষ্টভাষী। বরং কাশীনাথ শ্রীপতির অপেক্ষা তীব্রমেধাবী। কিন্তু শ্রীপতির চরিত্রে গাভীর্য্য, গভীরতা অধিক, যৌবনমূলক দাঙ্কিত্য অল্প। কাশীনাথ অব্যবহিত চিত্ত, চপল, পণ্ডিতমত। অদ্বৈতপ্রসাদ রাত্রে শয়ন করিয়া ভগিনীর কথা শ্রবণ করিলেন। তাঁহারও বিবেচনা হইতে লাগিল শ্রীপতিই প্রভাবতীর উপযুক্ত পাত্র।

অদ্বৈতপ্রসাদের অনুরোধে দুই বন্ধু দুই চারি দিন থাকিতে সম্মত হইল। অনিচ্ছাও বড় ছিল না। কলকোলাহলপূর্ণ মহা নগরী পরিত্যাগ করিয়া প্রকৃতির এই শান্ত শোভায় তাহাদের নয়ন মন পরিতৃপ্ত হইয়াছিল। অদ্বৈতপ্রসাদকে দেখিয়া, তাঁহার সহিত বাক্যালাপ করিয়া, শ্রীপতি তাঁহাকে অত্যন্ত শ্রদ্ধা ভক্তি করিতে শিখিল। কাশীনাথ আশ্রয় প্রসাদ লাভ করিল।

প্রভাবতী নদীতীরে উচ্চানে পূর্বের স্থায় ভ্রমণ করিত। নির্মলা কখন আসিত কখন আসিত না। তাহার যেমন লজ্জা তেমনই কোতুহল, সকল সময় ঘরের ভিতর ঢুকিয়া থাকিতে পারিত না। শ্রীপতি অথবা কাশীনাথের সহিত সাক্ষাৎ হইলে, প্রভাবতী কিছু লজ্জা প্রকাশ করিত না, কথা কহিলে নিঃশঙ্ক চিত্তে কথা কহিত। কাশীনাথের সহিত প্রায় সাক্ষাৎ হইত। একদিন কথার কথায় কাশীনাথ সেই নৌকার ঘটনা উত্থাপন করিল। কহিল, “যে ডাকাতটা তোমাদের দরজা ভাঙিতেছিল আমি তাহাকে জলে ফেলিয়া দিয়াছিলাম।”

কথাটা মিথ্যা। কাশীনাথ না বুঝিয়া, কথাটা না তলাইয়া, দস্তপ্রগল্ভতাবশতঃ, অথবা প্রভাবতীর মনে কৃতজ্ঞতার ভাব প্রবল করিবার জন্ত, বলিল। প্রকৃত ঘটনা প্রভাবতী যতক্ষণ দেখিয়াছিল। কিছু বিস্মিত হইয়া জিজ্ঞাসা করিল, “তুমি ফেলিয়া দিয়াছিলে ?”

“তুমি বুঝি দেখ নাই ?” কাশীনাথ হাসিতে লাগিল।

প্রভাবতীকে কয়েক বার দেখিয়া কাশীনাথের মনে স্বপ্নের স্থায় নানা কথা উদ্ভিত হইতেছিল। প্রভাবতী তাহার সহিত অকপট হৃদয়ে কথোপকথন করিত। কাশীনাথ আশ্রয়প্রাপ্তি অঙ্ক হইয়া মনে করিল প্রভাবতী তাহার প্রতি অনুরক্ত হইয়াছে। এই অমূলক কল্পনাকে চিত্রপট করিয়া তাহার উপর দৃষ্টিস্বত্বকর নানা চিত্র অঙ্কিত করিতে লাগিল। প্রভাবতী স্থিরবুদ্ধি, সন্দরী—এমন কীর্ত্ত কাহার প্রাথমিক নহে ? হউক শ্রীপতি ধনীর সন্তান, কাশীনাথের তুল্য বুদ্ধিমান, গুণবান নহে। কাশীনাথের আশ্রয়বিস্তৃতি জন্মিল। আপনাদের মনোভাব কিছু স্পষ্ট, কিছু অস্পষ্ট ভাবে ব্যক্ত করিল। স্পষ্ট কহিল, “প্রজাপতির নিকট আমাদের সাক্ষাৎ হইয়াছে, নহিলে নৌকার যখন তোমাদের বিপদ আমি সেখানে উপস্থিত থাকিব কেন ? আমি তোমার পিতাকে বলিব, কিম্বা আর কাহাকেও দিয়া বলাইব, তিনি আমাদের বিবাহে আপত্তি করিবেন না।”

এরূপ কথা শুনিয়া প্রভাবতী চমকিত, ভীত হইল। এ সকল কি কথা? এমন কথা কি তাহার শুনিতে আছে? স্থির বুদ্ধি প্রভাবে শীঘ্রই আশ্ব-সম্বৃত হইল। কাশীনাথের কথার কোন উত্তর না দিয়া স্পষ্টাক্ষরে, অতি ধীরে ধীরে কহিল, “তুমি মিথ্যা বলিয়াছ। তুমি দস্য্যকে জলে ফেলিয়া দাও নাই, তোমার বন্ধু ফেলিয়া দিয়াছিলেন, আমি স্বচক্ষে দেখিয়াছিলাম।”

শ্রীপতির উল্লেখ শুনিয়া কাশীনাথ ক্রোধে জ্ঞানশূন্য হইল। কহিল, “শ্রীপতি ধনী, আমি দরিদ্র, তাহার তুলনায় আমি কে? শ্রীপতিকে দেখিয়া, তাহার ঐশ্বর্যের পরিচয় পাইয়া আমার দিকে ফিরিয়া চাহিবে কেন? কেন তোমায় দেখিয়াছিলাম? দস্য্যর হাতে যখন পড়িয়াছিলে কেন তখন তোমায় মুক্ত করিলাম? তোমায় না দেখিলে আমার এ যন্ত্রণা হইত না।”

প্রণয়ের অল্পরাগ অভিমান জানিবার পূর্বেই প্রণয়ের অভিশাপ প্রভাবতীর ললাটে লিখিত ছিল।

মিথ্যা অমুযোগ বাক্য শ্রবণ করিয়া প্রভাবতীর আকর্ণ মুখমণ্ডল আরক্ত হইয়া উঠিল। পুনর্ব্বার আশ্বসংযম করিয়া পূর্ব্বাপেক্ষা মুহু স্বরে কহিল, “তুমি মিথ্যা কথা কহিয়াছ। মিথ্যা বলিলে কেন?”

তপ্ত লোহশলাকার ছায় এই কথা বারম্বার কাশীনাথের মর্ম্মস্থল দধু করিতে লাগিল। আর কোন কথা না কহিয়া দ্রুত গমনে অস্ত্র চলিয়া গেল।

সেই সময় তটিনীর কলপ্রবাহ যেন আরও মধুর হইয়া আসিল, বিহঙ্গের সাক্ষ্য কুজ্ঞন মল হইয়া আসিল, পাটল পশ্চিমাকাশের কোমলতা কমনীয়তর হইল। প্রভাবতীর হৃদয়ে তুমুল কোলাহল, জীবন সমুদ্রের প্রথম তরঙ্গ প্রবল বেগে তাহার হৃদয়ে আঘাত করিয়াছে, চক্রে কর্ণে অগ্নি সৃষ্টি হইতেছে। কিন্তু প্রকৃতির বিশাল শান্তিতে তাহার হৃদয়ে অশান্তি মগ্ন হইয়া যাইতেছে। শান্তিজলের ছায় তটিনী বহিয়া যাইতেছিল, তপ্ত ললাটে স্নেহশীতল স্পর্শের ছায় শীকরসম্পূর্ণ বায়ু স্পৃষ্ট হইতেছিল। প্রভাবতী পাষাণের ছায় স্তব্ধ হইয়া রহিল।

শ্রীপতি সেই স্থান দিয়া গমন করিতে করিতে প্রভাবতীকে দেখিয়া তাহার সম্মুখে আসিয়া দাঁড়াইল। বাতাহত কদলী যেরূপ অশ্রুদিকে নমিত হয় প্রভাবতীর হৃদয় কাশীনাথের পক্ষ, নিষ্ঠুর বাক্যে শ্রীপতির প্রতি সেইরূপ আকৃষ্ট হইয়াছিল। শ্রীপতিকে দেখিয়া, অশ্রু কথা না কহিয়া জিজ্ঞাসা করিল, “নৌকাতে সে দস্য্যকে কে জলে ফেলিয়া দিয়াছিল?”

আশ্চর্য্য হইয়া শ্রীপতি প্রভাবতীর দিকে চাহিল, কিন্তু তৎক্ষণাৎ অশ্রুদিকে মুখ ফিরাইল। শ্রীপতি এবং প্রভাবতীতে অধিক বার সাক্ষাৎ বা অধিক কথাবার্তা হয় নাই। শ্রীপতি ভাল করিয়া প্রভাবতীর মুখ দেখিল না—সেই অল্পক্ষুরিত ওষ্ঠাধর, ক্ষণে রক্তবর্ণ ক্ষণে পাণ্ডুবর্ণ গণ্ডস্থল, আর্দ্র নয়ন পল্লব, এবং বিরক্তি ও আগ্রহে উজ্জল চক্ষু দেখিল না। যদি লক্ষ্য করিয়া দেখিত তাহা হইলে—তাহা হইলে—কাশীনাথ সে আশঙ্কা করিয়াছিল হয়ত তাহার

ঘটত। কিন্তু শ্রীপতি ভাল করিয়া চাহিয়া দেখিল না, কেবল বিশ্বাসাকুল হইয়া জিজ্ঞাসা করিল, “কোন নৌকা? কোন দস্য্য?”

“সেই যখন আমাদের প্রথম দেখা হয়, তোমরা আমাদের রক্ষা করিলে!”

“সে কথা এখন আবার কেন?”

“তোমার বন্ধু বলিতেছেন যে দস্য্যকে ধরিয়া তিনি জলে ফেলিয়া দেন। আমি স্বচক্ষে দেখিয়াছি তুমি ফেলিয়া দিয়াছিলে। সত্য ঘটনা তুমি জান।”

“আমার বন্ধু আর আমি এক। এ কথা লইয়া আবার তর্ক কেন?”

কথাটাকে দৃঢ় ভাবে ধরিয়া প্রভাবতী কহিল, “তর্ক নয়। তুমি কি মিথ্যা বলিতে পার?”

শ্রীপতি মাথা তুলিয়া কহিল, “মিথ্যা বলিব কেন?”

“কোন একটা কর্ম্ম অপর লোক করিয়াছে সে কর্ম্মটা তুমি করিয়াছ বলিয়া গোরব করিতে পার?”

“এমন ছর্কু ছি যেন কখন আমার না হয়!”

“বা বা বলেন গাছের শিকড় কাটিলে গাছের যে দশা হয় মিথ্যা বলিলে মানুষের তাহাই হয়!”

শ্রীপতি ভক্তি সহকারে কহিল, “তিনি মহাপুরুষ! তুমি অনেক পুণ্য করিয়া এমন পিতা পাইয়াছ।”

পিতার প্রশংসা শুনিয়া হর্ষগর্ভে প্রভাবতীর মুখে আনন্দজ্যোতি ফুটিয়া উঠিল। সে সময়ও শ্রীপতি যদি একবার তাহার মুখের দিকে চাহিয়া দেখিত! কিন্তু তাহা ত দেখিল না, প্রভাবতীকে নিরন্তর দেখিয়া কহিল, “অন্ধকার হইয়া আসিল, গৃহে যাও।”

“যাই,” বলিয়া প্রভাবতী উঠিল। স্বরের কোমলতাও শ্রীপতি লক্ষ্য করিল না।

শ্রীপতি আসিয়া দেখিল কাশীনাথ ললাট অন্ধকার করিয়া একাকী বসিয়া রহিয়াছে। কাশীনাথই প্রথমে কথা কহিল। বলিল, “দরিদ্রের কোন রূপ স্নেহের আশা করা অশ্রায়। সম্পদ থাকিলে সকল প্রকার সৌভাগ্যই সহজে লাভ হয়।”

“এমন কথা কেন বলিতেছ?”

“ধনীর সম্ভান হইলে কি আমি প্রভাবতীকে বিবাহ করিতে পারিতাম না?”

“কই এ কথা ত তুমি আমাকে বল নাই। আমি মনে করিতেছিলাম এ পর্য্যন্ত তোমার সংসারে আস্থা জন্মে নাই, গৃহস্থ হইবার ইচ্ছা নাই।”

“বিদ্রূপ করিতেছ?”

“বিদ্রূপ করিব কেন? কিন্তু যদি তুমি বিবাহ করিতে চাও তাহা হইলে ত কোন আপত্তি দেখিতেছি না। প্রভাবতীর পিতাকে আমি বলিব যে, আমার অন্ধক বিষয় তোমার—আমি এত সম্পত্তি লইয়া কি করিব? যদি কোন আপত্তি থাকে এই কথায় মিটিয়া যাইবে। আর প্রভাবতীও ত পিতৃসম্পত্তি প্রাপ্ত হইবে।”

ভ্রাম্মাচ্ছাদিত অগ্নির ঠায় যে ক্রোধ কাশীনাথের হৃদয়ে প্রধুমিত হইতেছিল তাহা পুনর্ব্বার প্রজ্জলিত হইয়া উঠিল। কহিল, “ভিক্ষা লইব? ভিক্ষালব্ধ ধনে ঐশ্বর্য্যশালী হইয়া ধনীর কন্যাকে বিবাহ করিব? প্রভাবতী বলিবে তুমি আপনার ঔদার্য্য গুণে আমার ভিক্ষা দিয়াছ? তোমার ঐশ্বর্য্যে সে এখনই মুগ্ধ, চরিত্রের মহত্ত্ব দেখাইয়া তাহাকে আরও বশীভূত করিবে? কেন, আমি কি ইচ্ছা করিলে স্বয়ং উপার্জন করিতে পারি না যে তোমার অর্থের প্রত্যাশা করিব?”

ছুই ব্যক্তি পরস্পরের হস্ত ধারণ করিয়া দণ্ডায়মান থাকিলে, পরকতশিখরমুক্ত প্রচণ্ড ধারাধার তাহাদিগের মধ্যে আসিয়া যেমন তাহাদিগকে বিচ্ছিন্ন করে, কাশীনাথের কথা সেইরূপ ছুই বন্ধুর মধ্যে আসিয়া পড়িল। জলরাশির প্রচণ্ড আঘাতে অন্ধপ্রায় ব্যক্তি যেমন দ্বিতীয় ব্যক্তির হস্ত পুনরায় ধারণ করিবার আশায় হস্ত প্রসারিত করে ত্রীপতি সেইরূপ কাশীনাথের হৃদয় স্পর্শ করিবার প্রয়াস পাইল। কহিল, “তুমি আমার বালাবন্ধু, যদি কোন অশ্রয় কথা বলিয়া থাকি, ক্ষমা কর। তোমার স্মৃতি আমি কণ্টক হইব না, এখানে বিষয়রূপী হইয়া থাকিব না। কি করিলে প্রভাবতীর সহিত তোমার বিবাহ হয় বল, তাহাই করিব।”

তথাপি কাশীনাথ বৃথিল না। কহিল, “প্রভাবতী তোমাতে অহুরক্ত, তুমি চলিয়া গেলে কি সে তোমায় ভুলিবে, না আমার ক্ষমা করিবে? তাহার পিতাই বা তোমাকে ছাড়িয়া আমার কন্যা দান করিতে সম্মত হইবেন কেন? তোমাতে আর আমাতে! তুমি ধনী, গুণবান, ভাগ্যবান, উদার চরিত্র, আমি দরিদ্র, দুর্ভাগ্য, গুণহীন, ঈর্ষাপূর্ণ। আমি তোমার সমকক্ষ হইব? শাঙ্গীল দেখিলেই শৃগাল লাঙ্গুল গোপন করিয়া পলায়ন করে। তুমি কেন যাইবে, আমি যাইব।”

হলাহলভূলা বাক্য শ্রবণ করিয়া ত্রীপতি স্তব্ধ হইল। কাশীনাথের ব্যবহারে বেরূপ মর্শ্বপীড়া প্রাপ্ত হইল তাহা প্রকাশ করিবার চেষ্টা করিল না।

স্বর্ণরৌপ্য পরীক্ষা করিবার জন্ত বেরূপ কঠিনপাথরের আবশ্যক মনুষ্যের স্বভাব পরীক্ষা করিবার নিমিত্তও সেইরূপ নিকষের প্রয়োজন হয়। পরীক্ষায় পড়িয়া, নিকষে ঠেকিয়া কাশীনাথের স্বভাব প্রকটত হইল। আত্মাভিমান পূর্ণ বলিয়াই বন্ধমূল বালাবন্ধুদের মূলে আঘাত করিতে তাহার কিছুমাত্র মমতা বোধ হইল না।

রাত্রে বিশ্বাস্তিময়ী, শান্তিময়ী নিদ্রা কাশীনাথের চক্ষে আসিল না। কাশীনাথ শয্যা ত্যাগ করিয়া গৃহের বাহিরে আসিল। রাত্রি অন্ধকার—চন্দ্র নাই, মেঘে কখন নক্ষত্র চাকিতেছে, কখন একমাত্র ক্ষীণরশ্মি নক্ষত্র দৃষ্ট হইতেছে। অন্ধকারে বায়ু বেগে বহিতেছিল, যেন পৃথিবীময় শূন্যতা বহন করিয়া বিচরণ করিতেছিল। শূন্য, শূন্য, শূন্য—আকাশ শূন্য, শূন্য পৃথিবী, অন্ধতমসে সেই সর্লব্যাপী শূন্যতা আবৃত হইয়া রহিয়াছে। কাশীনাথ আপনার স্বদরের প্রতি চাহিয়া দেখিল—সেখানেও সেইরূপ শূন্য, সেইরূপ অন্ধকার—নক্ষত্রশূন্য,

অপরিমেয়, অনন্ত অন্ধকার। সেই অন্ধকারে অন্তরাগ্না আশাশূন্য হইয়া, হাহাকার করিয়া সঞ্চরণ করিতেছে। অন্ধকার ভবিষ্যৎ—স্বপ্ন নাই, শাস্তি নাই, বন্ধু নাই, আত্মীয় নাই, বিশ্বাস নাই, আশা নাই। কাশীনাথের চক্ষের সমক্ষে জীবনাকাশে তরুণ সূর্য্য তৈলশূন্য প্রদীপের ঠায় নির্কাপিত হইয়া গেল।

প্রভাত হইতেই গৃহে বিশেষ প্রয়োজন আছে বলিয়া, অধৈতপ্রসাদের নিকট বিদায় লইয়া, আর কাহারও সহিত সাক্ষাৎ না করিয়া কাশীনাথ চলিয়া গেল।

রাত্রিকালে শয়ন করিবার সময় নির্মলা প্রভাবতীকে ব্যঙ্গ করিতেছিল। সে দেখিয়াছিল প্রভাবতী কাশীনাথের সহিত কথা কয়, ত্রীপতির সহিত ও কথা কহিতে লজ্জা বোধ করে না। সন্ধ্যার সময় যাহা ঘটয়াছিল নির্মলা তাহার কিছু জানিত না। প্রভাবতীকে বলিল, “কি লো, স্বয়ম্বর হবি না কি?”

প্রভাবতী অশ্রমনস্ত ছিল, নির্মলার কথা ভাল করিয়া শুনিতে পাইল না। কহিল, “হয়েছি!”

ক্রমশঃ ।

ব্রাহ্মণ ও বৌদ্ধ ।

(দ্বিতীয় প্রস্তাব)

পূর্ক প্রবন্ধে* বৌদ্ধমতের অধঃপাত ও তাহার কারণ আংশিকরূপে আলোচিত হইয়াছে। এখন সেই অধঃপাতের চতুঃস্পর্শস্থ কএকটা ঘটনা ও পরবর্ত্তী আধ্যাত্মিক জীবনের তৎকর্তৃক অহুরঞ্জন স্থূলতঃ বিবেচ্য।

ভারতবর্ষের আধ্যাত্মিক ইতিহাসে বৌদ্ধমতের নির্কাশন একটা প্রকাণ্ড ঘটনা। দেশীয় ইতিবৃত্তে এ ঘটনার যে বিবরণ আছে, অনেক পণ্ডিতজনের নিকট তাহা অল্পপাদেয়। বস্তুতঃ এ ঘটনার উপর এমনই এক পুরু অন্ধকার রহিয়া গিয়াছে যে, কস্মিনকালেও তাহার ভেদ হইবে কি না সন্দেহ। কিন্তু স্বীয় জন্মভূমিতে বৌদ্ধমত যে এক প্রকার সম্পূর্ণরূপে বিলুপ্ত তাহার সন্দেহ নাই। যদিই বা বৌদ্ধসম্প্রদায় ভারতবর্ষে জৈনদিগের মধ্যে নিমগ্ন হইয়া থাকে, তাহা হইলেও সংখ্যায় তাহারা ও পূর্কবাস্তালার প্রকাণ্ড বৌদ্ধেরা অতি অল্প। দেশের আধ্যাত্মিক জীবনের উপর তাহাদের বল নগণ্য।

* বৈশাখ মাসের ভারতী ।

বৌদ্ধ অধঃপাতের প্রায় সমকালে বৈদিক কর্মকাণ্ড বিশেষ প্রবলভাবে অভ্যুদিত হয়। এরূপ হইবার কারণ নির্দেশ করা বড় কঠিন বোধ হয় না। মতামতের স্বল্প, কেবলমাত্র বুদ্ধিগ্রাহ্য বিভেদ লইয়া একটা ব্যাপক আন্দোলন চলা অসম্ভব। অধিকাংশ লোকের দৃষ্টিস্থল বাহ্যভাবেই আবদ্ধ থাকে। তাহাই সম্প্রদায়-বিরোধে বিশ্বদল ও তুলসীপত্র, তিলক ও অর্ধচন্দ্র লইয়াই মারামারি কাটাকাটি। কর্মকাণ্ডের অভ্যুদয়ের প্রধান নায়ক দুইজন হিন্দুস্থানী ব্রাহ্মণ—কুমারিলা ভট্ট ও মণ্ডন মিশ্র। মণ্ডন কুমারিলা ভগিনীপতি। প্রবাদ এই যে, কুমারিলা কাঠিকেয় ও মণ্ডন ব্রহ্মার অংশ সম্ভূত। কুমারিলা ভগিনী মণ্ডনগ্নী স্বয়ং সরস্বতী।† শৈবগম মতে কাঠিকেয় শঙ্করব্রহ্ম যথা—

ভিষ্ণুমানাং পরাং বিন্দো রব্যক্তাস্মা বরেং ভবং।

শব্দ ব্রহ্মেতি তং প্রোহঃ সর্বাগম বিশারদাঃ ॥

শঙ্করব্রহ্ম পক্ষান্তরে বেদ। এজগতই বোধ হয়, কুমারিলাকে কাঠিকের অংশ বলা হইয়াছে। নতুবা পৌরাণিক কাঠিকের সহিত কুমারিলের প্রকৃতি সাম্য দেখা যায় না।

বেদ ও বেদ অন্তর্গত ধর্ম বিদ্যেয়ী বৌদ্ধদিগের বিধবংসসাধনে বন্ধপরিষ্কার হইয়া দেশব্যাপী এক আন্দোলন আরম্ভ করিলেন। বুদ্ধের বিরুদ্ধে কুমারিলা প্রধান অভিযোগ এই যে, তিনি ব্রাহ্মণ না হইয়াও সাধারণের শিক্ষক হইয়া দাঁড়াইয়াছিলেন। বর্ণাধিকার অতিক্রমই তাঁহার চক্ষু বুদ্ধের অমার্জনীয় অপরাধ। রাজপুত্র-অধিকৃত হিন্দুস্থানে কুমারিলা যে অধিক শ্রদ্ধা বা সাহায্য পাইয়াছিলেন এমন বোধ হয় না। তাহার কারণও ছিল। প্রথমতঃ, অনেকের অভিপ্রায় যে, আমরা এখন যাহাকে হিন্দুজাতি বলি, রাজপুত্রগণ তাহার অন্তর্গত নহে—শক বা অশ্ব কোন আগন্তুক জাতি হিন্দুগণের অন্তর্ভুক্ত হইয়া রাজপুত্র নামে পরিচিত হয়। দ্বিতীয়তঃ, বহুকাল যাবৎ তাহার বেদ-বহির্ভূত শক্তি উপাসনায় অহুরক্ত হইয়াছিল। দাক্ষিণাত্য এখনও স্থিতিশীল—প্রাচীন আচার এখনও জীবিত, তৈলস্নেহ যেরূপ বলবৎ আছে দেশের আর কোথাও সেরূপ নাই। ব্রাহ্মণ পিটার দি হার্মিট দক্ষিণ প্রদেশ উত্তপ্ত করিয়া তুলিলেন। তদদেশীয় প্রধান রাজাকে স্বীয় মতে স্থাপন করিয়া তাহার সাহায্যে বৌদ্ধ নির্যাতন আরম্ভ করিলেন। দেশীয় ইতিবেত্তারা বলেন যে, হিমালয় হইতে আসমুদ্র ভূভাগ বৌদ্ধরক্তে রঞ্জিত হইয়াছিল। এই কথাতাই পণ্ডিতদিগের বৌদ্ধ-নির্যাতনের প্রতি অবিশ্বাস। তৎকালে কোন রাজারই সমগ্র ভারতবর্ষে বিস্তৃত অধিকার ছিল না। এ নিমিত্ত বহুস্থানব্যাপী বৌদ্ধনির্যাতন হওয়া সম্ভবপর হয় না। কিন্তু এ সিদ্ধান্তের তলে যে কথাটি আছে তাহা সিদ্ধ নহে। এ দেশের রাজারা যুরোপের আধুনিক রাজাদিগের স্থায় প্রজার জীবনরক্ষা করিতে সম্প্রদায় নিরীক্শেযে সক্ষম ছিলেন না। তাহা হইলে ভারতবর্ষের ইতিহাস অশ্রুপ হইত। নরবলি, বলবান কর্তৃক ছর্কল পীড়ন প্রভৃতি নৃশংস ব্যাপার তাহা হইলে

† মাধব শঙ্কর-বিজয়দেবীয়।

এ দেশে স্থান পাইত না। তাহা হইলে প্রজারা বিদেশীয় আক্রমণকালে রাজার জন্ত যুদ্ধ করিত। এই বিষয় আলোচনা করিলে বৌদ্ধনির্যাতনের দেশীয় ইতিবৃত্তি নিতান্ত হেয় বলিয়া বোধ হয় না।

যাহা হউক বৌদ্ধমতের অধঃপাত ও বৈদিক কর্মকাণ্ডের অভ্যুদয় হইতে গুরুতর বহুদূর-ব্যাপী ফলোৎপত্তি হইয়াছে। যে শক্তির প্রভাবে ব্রাহ্মণধর্ম মুসলমানদিগের আন্তরিক ও বাহ্যিক অত্যাচার হইতে আশ্রয়লাভ করিতে সক্ষম হইয়াছে, তাহার সঞ্চার এই আন্দোলন হইতে। হিন্দুগণের যে পরস্পর্শকাতরতা ও আভ্যন্তরিক প্রতিরোধ শক্তি তাহার উৎপত্তি বর্ণিত ঘটনাবলী হইতে। সিংহল দ্বীপে অত্যাচারী খৃষ্টিয়ান রাজত্বের ইতিহাস আলোচনা করিলে এ বিষয়ের কতক পরিমাণে উদ্ভাসন হয়। সিংহলবাসীদের সহিত এ দেশীয়দের জাতিগত প্রভেদ নাই। ওলন্দাজেরা সিংহল অধিকার করিবার পর বৌদ্ধমতান্ত্রিত সিংহল-বাসীরা অচিরে খৃষ্টিয়ান ধর্ম অঙ্গীকার করিয়া নিজের দাসত্বের তিলকস্বরূপ বৈদেশিক নাম গ্রহণ করে। সিংহল দেশীয় “টম ডিসিল্ভা গুণবর্ধন” ইত্যাকার কিস্তৃত নাম এখনও এই দাসত্বের স্মারক। ইহাতে সন্দেহের স্থল অতি অল্পই যে, বর্ণবিভেদ নিবারক ও মনুষ্যের মধ্যে সমতার বিধায়ক ধর্মতত্ত্বের বিলোপ না হইতে ভারতবর্ষে হিন্দুগণের নিজস্ব মুসলমান অধিকারের স্রোতে ভাসিয়া বহুকাল অন্তর্হিত হইত। বস্তুতঃ বলা কঠিন যে, বিজিত ভারতবর্ষের উপর মুসলমান অভ্যুদয়ের পদাঙ্ক দৃঢ়তররূপে সন্নিবিষ্ট কিম্বা অজিত যুরোপে দৃঢ়তর।* আকবর বাদসাহের বিগুহ একেশ্বরবাদ উপনিষদের উপদেশের অন্তর্গত—এ বিষয়ের একটা উজ্জল দৃষ্টান্তস্থল। এখানে এ কথা বিস্তারিত আলোচনা নিশ্চয়োজনীয়। ইহা বলিলেই যথেষ্ট হইবে যে, “বেদবাদরতাঃ নাশ্বদন্তীতি বাদিনঃ” পণ্ডিতদিগের চেষ্টার যে ফল তাহা একদিকে মন্দ হইলেও অশ্রুদিকে মন্দ হয় নাই। এরূপ দুঃখ ভাঙিত ছর্দিনের মধ্যেও যে হিন্দুগণের একটা নিজস্ব আছে তাহার একটা প্রধান কারণ পূর্বেই কই কর্মকাণ্ডের অভ্যুদয়।

বেদের ভাবার্থ ত্যাগ করিয়া শুধু শকার্থের উপাসনায় যে কুফল তৎসম্বন্ধে অত্যাুক্তি করা অসম্ভব। কিন্তু অল্পকাল মধ্যেই ভট্টপথাবলদ্বীপদিগের কর্তৃক উদ্ভূত আলোচনা এমন একটা ভাব ধারণ করিল, যাহাতে ফলাংশে মন্দ অপেক্ষা ভালই অধিক ঘটিয়াছিল। ইহার অনতিপরে আধুনিক ভারতের ব্রাহ্মণাচার্য্যশ্রেষ্ঠের প্রয়ত্নে কর্মকাণ্ড, পৌত্তলিকতা প্রভৃতি এমনি একটা গভীর মধ্যে আবদ্ধ হইল যে, সহস্র চেষ্টাতে তাহা উল্খন করা সম্ভব হইবে না। পূজ্যপাদ শঙ্করাচার্য্য ব্রাহ্মণ-প্রধান জাতির পুনর্জন্ম দিয়াছেন বলিলে ঠিক বলা হয়—কিছুমাত্র অত্যাুক্তি হয় না। আচার্য্য প্রবরের জীবনী আলোচনা করা বর্তমান প্রবন্ধের

* Draper's History of the Intellectual Development in Europe & Robertson's Charles V. দ্রষ্টব্য।

উদ্দেশ্যের বহির্ভূত। ভারতের আধ্যাত্মিক জীবনের উপর তাঁহার যে প্রভাব তাহারই আলোচনা এখানে যথেষ্ট হইবে।

যে ঘটনার মধ্যবর্তী হইয়া শঙ্করাচার্য সাধারণের সম্মুখে উদিত হন তাহা সম্যকরূপে মর্শ্বস্পর্শী। বৌদ্ধনাশ যজ্ঞে পূর্ণাহুতি দিয়া কুমারিলা নিজ কার্যের কৈফিয়ৎ লইতে বসিলেন। বৌদ্ধ আচার্যগণের মুখ হইতে কদাচিত সত্য বাহির হইয়া থাকিতে পারে। তাহা হইলে তাহাদের বিনাশে কুমারিলা সত্যনাশরূপ বোর পাতকে পতিত হইয়াছেন। তাহার প্রায়শ্চিত্ত চিন্তা করিয়া তিনি নিজের তুণ্যবলের ব্যবস্থা করিলেন। স্বতচ্চিত্ত দেহে মন্ত্র-পুত অগ্নিতে দেহ আহুতি করিতে কুমারিলা প্রবেশ করিয়াছেন এমন সময় দূর হইতে তরুণ সন্ন্যাসীবেশী আচার্য্য বলিবেন, এরূপ অতি বিগর্হিত কার্যে কাহার প্রবৃত্তি?

য এনং বেত্তি হস্তারং যষ্টিনং মন্ততে হতঃ।

উভৌ তৌ ন বিজানিতৌ নায়ং হস্তি ন হস্ততে ॥

“আঃ, এ মৃত্যুর সময় কে আবার বৌদ্ধ আসিয়া উপস্থিত হইল?”—অগ্নিশয্যা হইতে কুমারিলা এই উত্তর করিলেন।

আচার্য্য নিকটে আসিয়া বলিলেন, “আমি বৌদ্ধ নহি—শঙ্কর যতি।”

পরে শঙ্করের উপদেশ শুনিয়া কুমারিলা স্বীকার করিলেন যে, বেদের ভাবার্থ বুঝিতে তাঁহার ভুল হইয়াছে। আচার্য্য তাঁহাকে আশ্রয়ত্যাগ সঙ্কল্পে বিরত হইতে বলিলেন। জীবন রক্ষা করিয়া সর্বসাধারণের ভিতর নিজের ভ্রম স্বীকার করিয়া বেদের যথার্থ মর্ম্মানুসারে সত্য প্রচারে ব্রতী করিবার চেষ্টা করিলেন। কিন্তু কুমারিলা শরীরাত্মক ভ্রমীভূত হইয়াছিল বলিয়া তাহাতে কুমারিলা স্বীকৃত হইলেন না। তবে সত্য প্রচার ও প্রতিষ্ঠার জন্ত বলিলেন যে, “আমার ভগিনীপতি কর্শ্বকাণ্ডে আমার অপেক্ষা পারদর্শী ও তাহার প্রতিষ্ঠা সর্বত্র অক্ষুণ্ণ। তাহাকে বিচারে পরাস্ত করিয়া স্বীয় মতে আনিলে সত্যের প্রচার কার্যের সুবিধা হইবে।”

শঙ্কর ও মণ্ডনের বিচারে যে একটি সত্য সন্ধিসংসার সৌরভে পরিবাসিত তাহাতে মুগ্ধ হইয়া কালক্ষেপ করা এরূপ প্রবন্ধের পক্ষে অনুচিত। অভিমানশূন্য হইয়া কেবলমাত্র সত্য নির্বাচনের চেষ্টার যেমন দৃষ্টান্ত শঙ্কর মণ্ডনের বাদ তেমন বোধ হয় জগতের সাহিত্যের আর কোন স্থানে নাই। বিচার অন্তে মণ্ডন স্বীকার করিলেন যে, বেদের যথার্থ উদ্দেশ্য সেই এক অদ্বিতীয়, নির্কিংশেব পূর্ণ পরব্রহ্মের জ্ঞান। বিচারে পরাস্ত হইয়া মণ্ডনের মনে কেবল একটামাত্র ছঃখের উদয় হইল। সে ছঃখ নিজের পরাজয় জনিত নহে। ছঃখ এই যে, জৈমিনি ঋষির বাক্য সমূহ প্রমথিত হইল। শঙ্কর তাহাকে আশ্রয় করিলেন যে, বস্তুতঃ জৈমিনি ঋষির বাক্য প্রমথিত হয় নাই। তবে ঋষির যথার্থ হৃদয়গত ভাব মণ্ডন ধারণ করিতে পারেন নাই। ঋষির যথার্থ উদ্দেশ্য এই যে, যাহারা পরব্রহ্মে বিমুগ্ধ তাহারা বেদে বিশ্বাস করিয়া বেদোদিত কার্য করিলে ক্রমে বেদের উপর দৃঢ়রূপে বিশ্বাস করিতে পারে। পরে সমগ্র বেদ বিশেষতঃ বেদের শিরোভাগ উপনিষদ সমগ্র মেলন করিয়া তাহার যথার্থ অর্থ জানিতে পারিয়া ব্রহ্মে নিষ্ঠা স্থাপনারূপ পরম পুরুষার্থ লাভে সক্ষম হয়।

এই বিচার হইতে একটা মহৎ ফল উৎপন্ন হইল। মণ্ডন গৃহস্থশ্রম পরিত্যাগ পূর্বক সন্ন্যাস গ্রহণ করিলেন। আশ্রমাস্তর গ্রহণে ইহার নাম হয় সুরেশ্বর আচার্য্য। মহীশুর দেশে শঙ্করাচার্য্য কর্তৃক স্থাপিত শৃঙ্গ গিরির মঠের ইনি প্রথম অধিপতি। ব্রহ্মসূত্রের শঙ্কর প্রণীত ভাষ্যের বাস্তবিককার এবং “নৈকশ্মসিদ্ধি” নামক বৈদান্তিক গ্রন্থের রচয়িতা বলিয়া ইনি অদ্বৈতবাদী সম্প্রদায়ে বিশেষরূপে পূজ্য। “সর্বদর্শন সংগ্রহ” প্রভৃতির গ্রন্থকার সর্বত্র সমাদৃত মাধবাচার্য্য ইহারই শিষ্য পরম্পরায় অবস্থিত। এ কথা বলায় অযুক্তি হয় না যে, সুরেশ্বর আচার্য্য হইতেই বেদান্ত মতের বহুল প্রচার। ইহার শৃঙ্গগিরির মঠে প্রতিষ্ঠিত হইবার অল্প কালের মধ্যেই শঙ্করাচার্য্যের তিরোভাব ঘটে। দক্ষিণ অঞ্চলে যত স্মার্ত্ত অর্থ্যাৎ বিশেষ সম্প্রদায়-হীন ব্রাহ্মণ অত্মপিও সুরেশ্বরের আসন হইতে তাহাদের শাসন হইতেছে।

শঙ্করাচার্য্য যে দশটি সন্ন্যাসী সম্প্রদায়ের প্রবর্তক বলিয়া বিখ্যাত বহু কাল যাবৎ তাঁহারই ব্রাহ্মণদিগের উপদেষ্টা ছিলেন। পরে যখন রামানুজ প্রভৃতি আচার্য্যেরা বিশিষ্ট-অদ্বৈতাদি মতের স্থাপনা করেন, তখন তাঁহার যে শঙ্করাচার্য্যের দৃষ্টান্তে প্রণোদিত হইয়া ছিলেন তাহাতে আর সন্দেহ নাই।

শুক্লাদ্বৈত পন্থার প্রবর্তক বল্লাভাচার্য্য প্রথম বয়সে শঙ্কর দণ্ডী ছিলেন। ইহার শিষ্যবর্গ মহারাজ সম্প্রদায় বলিয়া বিখ্যাত। চৈতন্য মহাপ্রভুর দীক্ষা গুরু কেশব ভারতীও একজন শঙ্করদণ্ডী ছিলেন। রামমোহন রায় যে ব্রাহ্মসমাজকে শঙ্করের উপদেশের উপরে প্রতিষ্ঠিত করিয়াছিলেন একথা সকলেই জানেন।

গত দ্বাদশ শতাব্দীর মধ্যে যতরূপ ব্রাহ্মণ সম্প্রদায় অর্থ্যাৎ বেদমূলক সম্প্রদায় হইয়াছে, তাহাদের উপর শঙ্করের কীর্তির উজ্জ্বল ছায়া পড়িয়া আছে।

শঙ্করকে পরিত্যাগ করিয়া উচ্চ হিন্দুধর্মের আলোচনা অসম্ভব, আচার্য্যপ্রবর সন্ন্যাসী সম্প্রদায়ের প্রবর্তনা না করিলে বহুকাল পূর্বে ভারতবর্ষে ব্রাহ্মণত্বের লোপ হইত ইহাই সম্ভাবনা।

আর একটি কথা। শঙ্করাচার্য্য ভারতবর্ষে জ্ঞান প্রচারের জন্ত যে সন্ন্যাসী সম্প্রদায়ের স্থাপনা করেন, তাহা যে অনেক অংশে পূর্বপ্রচলিত বৌদ্ধ ভিক্ষু সম্প্রদায়ের দৃষ্টান্তে গঠিত ইহাই স্থির বলিয়া বোধ হয়। তবে এ বিষয়টির সম্যক আলোচনা এখনও বিদ্বন্মণ্ডলীর মধ্যে ঘটে নাই বলিয়া একটু সংকুচিত ভাবে এ কথাটা বলা আবশ্যিক।

শঙ্করাচার্য্যের উপদেশ ও কার্য বর্তমান সময়ের পক্ষে কি বিষয়ে অল্পপাদেম তাহা সমযান্তরে বিবেচ্য।

শ্রীমোহিনীমোহন চট্টোপাধ্যায়।

বাবু-ভীতি বা বাবু-ফোবিয়া।

“বাবু-ভীতি” কি তাহা বুঝিতে হইলে, “বাবু” পদার্থটি যে কি তাহা প্রথমে জানা আবশ্যিক। “বাবু” বলিতে কেহ কেহ বুঝিবেন দাড়ি-ছড়ি-বড়ি-চেন-চসমা-চুরুট-ধারী, ইংরাজী-শিক্ষাভিমাত্রী, অভক্ষ্যভোজী, বাকসরস্ব, স্বধর্মত্যাগী, বঙ্গদেশীয় জীববিশেষ। কেহ কেহ বুঝেন প্রকৃত শিক্ষিত, স্বদেশহিতৈষী, উদারপ্রকৃতি, স্বাধীনচেতা, চিন্তাশীল ও পরভুক্ত-কাতর এক সম্ভ্রদায়ের ব্যক্তি বিশেষ। “বাবু-ভীতি” এক প্রকার নূতন রোগ। এই রোগের অন্ততম কারণ দ্বিতীয় প্রকারের বাবু। কিন্তু এখানে বলা আবশ্যিক যে এই রোগ সশব্দে কেবল বঙ্গদেশীয় বাবু বুঝায় না, কুমারিকা হইতে শিমলা শিখর, বঙ্গোপসাগর হইতে গুজরাট পর্যন্ত ভূ-বিভাগবাসী উক্ত দ্বিতীয় লক্ষণাক্রান্ত ব্যক্তি মাঝেই ‘বাবু’ নামে অভিহিত। এক্ষণে সাধারণকে সাবধান করণার্থ অতি সংক্ষেপে এই রোগ সশব্দে গুটিকতক কথা বলা যাইতেছে।

রোগের নাম করণ—কতকগুলি বহুদর্শী চিকিৎসক ইহাকে “বাবু-ম্যানিয়া” নাম দিতে চাহেন। কিন্তু বৃটিশ ফারমাকোপিয়ার মতে ম্যানিয়া নাম দেওয়া যুক্তিসঙ্গত নহে। যত প্রকার ম্যানিয়া আছে সকল প্রকারের লক্ষণের সহিত ইহার লক্ষণ-সমূহ মিলানি দেয়িলাছি, অধিকাংশের সঙ্গেই ইহার অনৈক্য দৃষ্ট হইল; কিন্তু যত প্রকার ফোবিয়া আছে তাহার লক্ষণের সহিত অক্ষরে অক্ষরে মিলে। যেমন হাইড্রোফোবিয়ার জলকে ভয় হয়, সেইরূপ “বাবু-ফোবিয়ার” বাবুর চেহারাকে ভয়, কলমকে ভয়, ও বক্তৃতাকে ভয়। সুতরাং ‘বাবু-ফোবিয়া’ নামই বিজ্ঞান, অভিধান, ও যুক্তি সঙ্গত।

রোগের ইতিহাস—১৮৮৩ খৃঃ অব্দের পূর্বে এই সংক্রামক রোগের কোন প্রকার লক্ষণ কোথাও দেখা যায় নাই। ইহার পূর্বে কদাচিৎ কখন এই রোগাক্রান্ত ছু একটা রোগীর কথা শুনা গিয়াছে বটে, কিন্তু তাহা ধর্মব্যয়র মধ্যেই আসে না। বিশেষতঃ ভাল ভাল চিকিৎসকের মত এই যে তাহা আদৌ ‘বাবু-ফোবিয়া’ নহে, অল্প প্রকার ফোবিয়ার বিকার বা পরিণাম ফল মাত্র। ১৮৮৩ খৃঃ অব্দে হঠাৎ ইহার সংক্রামক ভাব প্রথম প্রকাশ পায়। ইলবার্ট বিলই তাহার মূখ্য কারণ। কলিকাতার ব্রান্সন নামে এক ফিরিঙ্গী ব্যারিষ্টার ও এলাহাবাদের মর্গিৎ পোষ্ট পত্রের এ্যাটকিন্স নামক অপর একটা ফিরিঙ্গী এই রোগাক্রান্ত হইলেন। এ সময়ের ইহাই উল্লেখযোগ্য ঘটনা। ডাক্তারেরা তাঁহাদের পীড়া গুরুতর বলিয়া স্থির করেন। তাঁহাদের প্রাণহানি না হইলেও একজনের পসার ও অস্ত্রের খ্যাতি নষ্ট হয়। তৎপরে ৩৪ বৎসর ইহার তত প্রকোপ দৃষ্ট হয় নাই। ১৮৮৭ খৃঃ অব্দে ইহার সংক্রামকতা অত্যন্ত বৃদ্ধি পায়। “জাতীয় সমিতি”ই তাহার মূল কারণ। সুতরাং শুর লিপেল গ্রিফিৎ এই

পাতা যুক্তিবেন না।

পীড়াগ্রস্ত হইলেন। বাহাতে মহারাষ্ট্রবাসীগণ এই আন্দোলনে যোগ দান না করেন, বাবুদের দ্বারা বিপথে চালিত না হইলেন, তজ্জন্ম মধ্য ভারতের কোন দরবারে তিনি বিধিমত চেষ্টা করেন ও ভারতবাসীকে বিশেষ সতর্ক করিয়া দেন। শুর সায়েদ আহম্মদ খাঁও এই পীড়ার হস্ত হইতে নিস্তার পান নাই। লক্ষ্মী সহরে তিনি জাতীভাষাদিগকে এই বলিয়া সাবধান করেন যে, যদি তাঁহারা বাবুদের পদধূলি লেহানাভিলাষী না হন, তবে যেন স্বরায় লক্ষ প্রদানে ট্রেনে উঠিয়া মাজাজ গমন করেন; কারণ, বিলম্বে বিপৎপাতের সংপূর্ণ সম্ভাবনা। গ্রিফিৎ ও আহম্মদ কর্তৃক এই রোগ বিস্তৃত হইয়া পড়ে এবং ভয়ানক ভাব ধারণ করে। ১৮৮৮ খৃঃ অব্দে ইহার প্রচণ্ডতা অত্যন্ত বৃদ্ধি পায়। ১৮৮৯ ও ১৮৯০ অব্দে এই রোগের কথঞ্চিৎ প্রশমন হয়। ১৮৯১ মালে ইহা মুহূর্ত্তাব ধারণ করিয়া ১৮৯২ মালে পুনরায় ভয়ানক আকারে প্রকাশ পায়। এবার স্বদূর ইংলেণ্ড পর্যন্ত ইহার প্রকোপ লক্ষিত হইয়াছিল। ব্যবস্থাপক সভার পুনঃগঠনই ইহার কারণ। ম্যাকলীন নামে একজন ইংরাজ এই রোগাক্রান্ত হইলেন, আর তাহার ফলে তাঁহার নামান্তর M. P. নামক উজ্জল উপাধিটি খসিয়া পড়ে। অত্যাধি এই রোগ সমভাবে আধিপত্য বিস্তার করিয়া আসিতেছে। ফিলিপ্প, কনষ্টাম, র্যাডিস, বেল প্রভৃতি অনেকই কতক মাত্রায় এই রোগে ভুগিতেছেন। অধুনা কোন কোন উচ্চপদস্থ রাজকর্মচারীও এই রোগাক্রান্ত হইয়াছেন শুনিতে পাওয়া যায়—কয়েক সপ্তাহ পূর্বের “ব্ল্যাঙ্ক এণ্ড হোয়াইট” গল্পে তাহার একটি দৃষ্টান্ত পাওয়া গিয়াছে। এই রোগ মারাত্মক না হইলেও অতিশয় যন্ত্রণা-দায়ক এবং সংক্রামক বটে। ডেক্সোজরের ছায় ইহা হাড়গোড় ভাঙ্গিয়া দেয়, এবং চিরকালের জন্য বুদ্ধি-বৈকল্য সংঘটন করে।

রোগোৎপত্তির কারণ—এ পর্যন্ত চিকিৎসা-শাস্ত্রবিদগণের গবেষণায় ইহার দুইটা কারণ নির্দ্ধারিত হইয়াছে। ১ম—ভারতে ভারতবাসীর নব্রতাব, ২য়—ইংরাজী শিক্ষার প্রচলন। ভারতবাসী সাধারণতঃ শাস্ত্রপ্রকৃতি ও ধীরস্বভাব। নম্রতা ও বিনয় তাহাদের চরিত্রের প্রধান সঙ্গুণ। ইংরাজী শিক্ষা লোকের মনে স্বাধীনতার বীজ বপন করে। ভারতবাসীর এই স্বাধীনতা-লিপ্সাই বাবু-ভীতির একটি প্রধান কারণ। রোগের বিস্তৃতি ও সংক্রামকতা বৃদ্ধি হইবার বহুবিধ কারণ আছে। তন্মধ্যে গভর্ণমেণ্ট কর্তৃক বাবুদের প্রার্থনা পূরণ, এবং তাহাদের অভিমতানুযায়ী শাসনতন্ত্রের কোন প্রকার পরিবর্তনের আশঙ্কাই প্রধান।

রোগের লক্ষণ—এই রোগ মজ্জাগত, অস্থিগত ও স্নায়ুগত। কিন্তু প্রধানতঃ ইহাকে বহুত সশব্দীয় পীড়াই বলা যাইতে পারে। যক্ষণ বিকৃত হইলে পরিপাক শক্তির হ্রাস হয়, সুতরাং মেজাজ সদা সর্কদাই বিগড়াইয়া থাকে। মেজাজ খারাপ হইলে কাণ্ডাকাণ্ড, কর্তব্যাকর্তব্য, বক্তব্যাবক্তব্য জ্ঞানের বৈলক্ষণ্য ঘটে; নিজের কার্য ও চিন্তা প্রভৃতির উপর আয়ত্ত থাকে না, আত্ম-শাসন নষ্ট হয়। পীড়িতাবস্থায় রোগী এমন কথা বলে, এমন কাজ করে যে রোগোন্মুক্ত হইলে তাহা স্মরণ করিতে ও মরমে মরিয়া যায়। ইহার আর একটা লক্ষণ এই যে রোগী পীতবর্ণ বা কামলা রোগগ্রস্ত হয়। যক্ষণ যেমন পিত্তের, মস্তিষ্ক তদ্রূপ চিন্তার, আধার।

যুক্তের পীড়া হইলে যেমন পিত্ত দোষিত হয়, মস্তিষ্কের পীড়া হইলে সেইরূপ হিতাহিত জ্ঞান বা বিবেক অন্তর্হিত হয়। কোপিত পিত্ত রক্তের সহিত মিশ্রিত হইয়া শ্রাবা বা কামলা রোগ উৎপন্ন করে। পীতবর্ণ চক্ষুই এই রোগের লক্ষণ। কামলারোগী সকল বস্তুর পীতবর্ণ দেখে। তদ্রূপ “বাবু-ভীতি” রোগগ্রস্ত ব্যক্তির দর্শনশক্তি এরূপ বিকৃত ও বিসদৃশ হয় যে কোন পদার্থের প্রকৃত বর্ণ সে নির্ধারণ করিতে পারে না। অতএব এই রোগের লক্ষণ—১ম বিকৃত মেজাজ, ২য়—কুট বা বিকৃত দৃষ্টি-শক্তি।

চিকিৎসা—এ পর্যন্ত এই রোগের কোন ঔষধই আবিষ্কৃত হয় নাই। ইহার অব্যর্থ বা অমোঘ কোন ঔষধ নাই—ইহার ডীঃ গুপ্ত এখন পর্যন্ত উদ্ভূত হন নাই। যক্ষ্ম পীড়ার যে চিকিৎসা, ইহাতেও তাহা ফলদায়ক হইবারই বিশেষ সম্ভাবনা। তবে ঠেকাপাথি মতে মুষ্টিযোগ প্রয়োগে ও ছ একস্থলে বিশেষ উপকার দর্শিয়াছে। জোলাপ, জৌক বসাইয়া রক্তমোক্ষণ, শিরোচ্ছেদ দ্বারা রক্তনিঃসারণ, বিশেষ উপকারী। কোন কোন স্থলে পদোন্নতি, ফার্নো, প্রিভিলের লিভ, স্থান পরিবর্তন, বাতুলালয়ে বাস ও হাইকোর্টের গুতায় এ রোগের আশু উপকার হইতে দেখা গিয়াছে। বস্ত্তঃ রোগের প্রকোপ হ্রাস করিবার শেখোক্তা একটা উৎকৃষ্ট ঔষধ।

পথ্যাপথ্য—কোন প্রকার মাদক বা উত্তেজক দ্রব্য সেবন নিষেধ। গরম মসলা ও মাংস অল্প পরিমাণে ব্যবহার করা যাইতে পারে। শৈলাবাস আবশ্যিক। সম্পূর্ণ বিশ্রাম, ফার্নো লইয়া বিলাত যাত্রা প্রয়োজন। সর্বপ্রকারের উদ্বিগ্ন উত্তেজনার কারণ সর্বথা পরিহার একান্ত কর্তব্য।

মস্তব্য—এই পীড়া মারাত্মক না হইলেও অতিশয় সংক্রামক বটে। এই বিষ একবার শরীরে প্রবেশ করিলে পুত্র পৌত্রাদি পর্যন্ত রোগগ্রস্ত হইবার সম্ভাবনা। ইহা একেবারে কখন আরোগ্য হইতে দেখা যায় নাই। ইহা হইতে নানা প্রকার জটিল রোগের উৎপত্তি হয়, অতএব রোগের প্রথমাবস্থা হইতেই বিশেষ সাবধান হওয়া কর্তব্য।

পূর্বে এই পীড়া কেবল শাসনকার্যে লিপ্ত ইংরাজগণের মধ্যে দেখা যাইত, এখন অনেক দেশীয় লোককেও বাবু-ভীতি রোগগ্রস্ত দেখা যায়—যথা, সতীশ বাবু। বিচার ভিন্ন অঙ্গ বিভাগেও ইহার প্রাদুর্ভাব দেখা যাইতেছে। শিক্ষা বিভাগে সম্প্রতি ইহার বিকটমূর্তি বর্তমান যথা—নিয়োগ সম্বন্ধে নূতন মারকিউলার।

যাহাতে এই রোগগ্রস্ত ব্যক্তির স্বাস্থ্য ভাল থাকে, এবং ইহার অধিক বিস্তার ঘটিতে না পারে, তদ্বিষয়ে গভর্ণমেন্টের দৃষ্টি রাখা একান্ত কর্তব্য। যদি এখন হইতে কর্তৃপক্ষ ইহার সংক্রামকতা নিবারণে সচেষ্ট না হয়েন, তবে অতীত বাবু, বর্তমান বাবু, ভবিষ্যৎ বাবু, ক্রঃ বাবু, আদি বাবু ও অন্ত বাবু, বাবু-ভীতি বিকারগ্রস্ত ব্যক্তিদিগের মধ্যে ভয়ানক মারী ভয় ও অনর্থ উপস্থিত করিবে। ইহার বিস্তার নিবারণ ও রোগ শান্তির জন্ত একটা আশ্রম বা asylum, এবং এ রোগের অব্যর্থ ঔষধ আবিষ্কারার্থ পুরস্কার ঘোষণা করা কর্তব্য।

জনৈক “বাবু-ভীতি” চিকিৎসক।

কবি কৃতিবাস।

আজকাল আমাদের দেশে কৃতিবাস সম্বন্ধে কিছু কিছু আন্দোলন চলিতেছে। স্থানে স্থানে সভাসমিতি, কৃতিবাসের স্মৃতি চিত্র স্থাপনার্থ অর্থসংগ্রহের সাগ্রহ উদ্যোগ, সাময়িক পত্র পত্রিকায় এ বিষয়ে নানানরূপ আন্দোলন চলিতেছে। আশা করি বাঙ্গালীর অশ্রান্ত কার্যার্থ-ষ্ঠানের স্থায় ইহারও যেন কেবল আন্দোলনেই উপসংহার না হয়।

এতদিন পরে বাঙ্গালীর এই হঠাৎ উদ্ভূত ভক্তির আবেগ অনেকের নিকট বিশ্বয়কর বোধ হইতে পারে। কিন্তু ভাবিয়া দেখিলে ইহাতে আশ্চর্যের বিষয় কিছুই নাই। প্রিয়জন বিয়োগে বহুদিন বিগত আত্মীয়-স্বজনগণের কথাও মনে পড়ে। বর্তমান শোকাক্রান্তের স্মৃতির আলোকে ভূতপূর্বের স্মৃতির তিমির গর্ভও আলোকিত হয়, ইহা স্বভাবের নিয়ম। বহুদিনের হারাইয়া বাঙ্গালীর জাতীয় জীবন ও চরিত্র গঠনে প্রধানতঃ যে তিন জন মনীষী সহায়তা করিয়াছেন তাঁহাদের মনে পড়িয়াছে। তাঁহারা কৃতিবাস, কাশীদাস ও কবিকঙ্কণ।

প্রায় চারিশত বর্ষের পূর্বে ফুলিয়া গ্রামে এই মহাকবির জন্ম হয়। বঙ্গীয় সাহিত্যকুঞ্জ তখন অনেক বিহঙ্গকাকলীতে স্তম্ভিত হয় নাই। বৈষ্ণব কবিদের মধুর কলতান তখন নৈশাকাশে না মিলাইয়া যাইলেও অস্পষ্ট ও দূরশ্রুত হইয়া আসিতেছিল। সেই অস্পষ্ট উদালোকে আর একটা পাপিয়ার উচ্চকণ্ঠ শ্রুত হইতেছিল। সে স্বর পঞ্চমে উঠিলেও মর্শবেদনা ব্যঞ্জক, দারিদ্র্য ছঃখকাতর—উহা কবিকঙ্কণের।

বস্ত্তঃ কৃতিবাসের প্রতিভা সম্যক বৃষ্টিতে হইলে তাঁহাদের পূর্ব ও পরবর্তী কবিদের সহিত পরিচিত হইতে হয়। বিখ্যাত ফরাসী সমালোচক টেইন্ মিন্টনের প্রতিভায় দক্ষপীড় বেন্জনসন্ প্রভৃতির উচ্ছ্বল অসংযত কল্পনার সহিত পিউরিটানদের কঠোরতার অপূর্ণ সংমিশ্রণ দেখিতে পান। একদিকে এলিজাবেথীয়ান কবিদের অলৌকিক কল্পনা ও স্বভাব-কবিত্বের যুগ,—অপরদিকে ড্রাইডেন, পোপ প্রভৃতির কৃত্রিমতার যুগ—এই যুগসন্ধি স্থলে পিউরিটান কবিমিন্টন—সাহিত্যের এই যুগদ্বয়ের যোজন শৃঙ্খল।* বৃহত্তর সহিত ক্ষুদ্রের তুলনায় যদি অশ্রায় না হয়, তবে ইহা বলা যাইতে পারে যে, আমাদের সাহিত্যে কৃতিবাসের স্থানও কতকটা এইরূপ। একদিকে বৈষ্ণব কবিদের উচ্ছ্বল ভাবপ্রবণতা, অপর দিকে ভারতচন্দ্র, কাশীদাস প্রভৃতির কৃত্রিমতার মধ্যে কবিকঙ্কণ ও কৃতিবাস। এজন্ত কবিকঙ্কণ ও কৃতিবাস, বিশেষতঃ শেখোক্ত কবিত্তে বৈষ্ণব কবিদের গভীরতা ও ভারতচন্দ্রের কবিতার লক্ষণ দেখিতে পাওয়া যায়। ভারতচন্দ্রের অপেক্ষা ইহাদের কল্পনা তজ্জ্বলই স্মৃদুর্গামী, তজ্জ্বলই ভারতচন্দ্রের অপেক্ষা ইহাদের গভীরতা অধিক। কৃতিবাসের চরিত্র চিত্রণ ও রসবর্ণনায় তাহার বহুল দৃষ্টান্ত পাওয়া যায়। ভারতচন্দ্রের শব্দযোজনা, ভাষার পারিপাট্য বঙ্গীয় সাহিত্য

* See His “History of English Literature” Vol. II. Bk. II. Pp. 31-18.

সংসারে অতুল। কিন্তু মৌলিকত্বের হিসাবে ধরিতে গেলে ফুলিয়ার দরিদ্র বাসুণ কবিকে ভারতচন্দ্রের অপেক্ষা উচ্চ আসান দিতে হয়। কারণ পারশ্ব ও সংস্কৃত সাহিত্যে অভিজ্ঞ কৃষ্ণচন্দ্রের সভাসদ রাজ-কবি শুধু কবিকঙ্কণের নিকট নহে, কবিরঞ্জন রামপ্রসাদের নিকটেও অনেকাংশে ঋণী। এ সময়কার বাঙ্গালা সাহিত্যের সংবাদ বাঁহারা রাখেন তাঁহাদের নিকট এ কথা নুতন নহে। অশ্রান্ত বিদেশীয় কবিদের নিকট ঋণী বলিয়া কোন কোন সমালোচক কবিশ্রেষ্ঠ মিন্টনকে তাঁহার উচ্চ সিংহাসন হইতে অধঃপাতিত করিবার বিফল চেষ্টা করেন আর তজ্জন্মই বোধ করি অক্ষাপ্পদ ত্রীযুক্ত রাজ নারায়ণ বসু কবিকঙ্কণকে মাইকেল মধুসূদনের অপেক্ষা উচ্চ স্থান দিয়াছেন।

বৈষ্ণব কবিদের পর এজন্ম মৌলিক প্রতিভার অমর মুকুট ফেবল কবিকঙ্কণ ও কৃত্তিবাসই ধারণ করিবার উপযুক্ত। বৈষ্ণব কবিদের পর বলিবার কারণ, ইহাদের কবিতায় প্রকৃতির যে বিজন রহস্য সংবাদ ছিল,—যে নিশ্চল, স্বাস্থ্যকর বিশুদ্ধ বায়ু ও উজ্জল স্বচ্ছ সূর্যালোক ছিল—যে বিশ্বব্যাপ্ত আকুলতা ও অতৃপ্ত আকাঙ্ক্ষার মর্শোচ্ছাস ছিল—উহা কবিকঙ্কণ প্রভৃতি কাহারও ছিল না—ভারতচন্দ্রের ত আদৌ নহে। তদবধি আজ প্রায় পাঁচ শতাব্দীর পরে বিহারিলাল ও রবীন্দ্রনাথের কণ্ঠে সেই বৈষ্ণব কবিদের প্রতিধ্বনি শুনা যাইতেছে।

কৃত্তিবাস বঙ্গের আদি কবি। বঙ্গীয় আদিকবি যখন রামায়ণ লিখিয়াছিলেন সে আজ প্রায় চারি শত বৎসরের কথা। তখন না জানি বঙ্গদেশ কিরূপ ছিল! “সুজলা, স্নফলা, শস্ত-শ্রামলা” বঙ্গভূমি তখন দুর্ভিক্ষের হাহাকারে ও শোচনীয় অন্নচিন্তারূপ বিষাদের মধ্যে আচ্ছন্ন হয় নাই। আমরা কৃত্তিবাসের অতুলনীয় গ্রন্থ পাঠ করি আর আজকালকার আমাদের এই কঠোর ক্লিষ্ট জীবন সংগ্রামের কথা মনে পড়ে। তখন বাঙ্গালীর জীবন সম্পূর্ণ বিভিন্ন খাদে প্রবাহিত হইত। এখন কৃত্তিবাস ও কবিকঙ্কণ গিয়াছেন, আমাদের জীবন প্রণালীও স্বতন্ত্র পথ ধরিয়াছে—কেবল জানকী ও ফুল্লরার শোকগাথা বঙ্গবাসীর হৃদয়ে অমররথায় “স্তরে স্তরে পুঞ্জিভূত” করিয়া রাখিয়াছে।

অথবা এ বিষয়ের ইতিহাস ও প্রকৃত্ত্বের গুরুভার যোগ্যতর হস্তে সমর্পণ করিয়া অতঃপর আমরা রামায়ণ সমালোচনায় প্রবৃত্ত হইব। প্রকৃত পক্ষে ইহা সমালোচনা হইবে কি না বলিতে পারি না, কারণ সে যোগ্যতা আমাদের নাই। তবে এ সম্বন্ধে অনেকে নিজ নিজ মতামত ব্যক্ত করিলেও দুই এক বিষয় পরিত্যক্ত থাকিতেও পারে, সে সকল বিষয়ে আলোচনার জন্মই এ প্রবন্ধের অবতারণা।

কৃত্তিবাসের গ্রন্থ মূল বাঙ্গালীর রামায়ণের সম্পূর্ণ অনুবাদ নহে—অনেক স্থলে উপাখ্যান ভাগেরও অনুবাদী নহে। অক্ষম লোকেই পূর্ববর্তী কবির কাব্য অনুসরণ করিতে গিয়া কেবলমাত্র অনুবাদ করিয়া বসেন। প্রতিভাশালী ব্যক্তিমাতেই পূর্ববর্তী কোন আদর্শের অনুসরণ সঙ্গেও স্বীয় স্মরণ মার্গ অবলম্বন করেন। মহাভারতকার বাঙ্গালীর কাব্য অনুসরণ করিয়াছেন; তথাপি প্রতিভাশালী ব্যক্তির হস্তে অমুকৃত কাব্যও কিরূপ উজ্জল আকার

ধারণ করিয়াছে! ভার্জিলের দ্বীনীয়াদ্ কাব্য হোমারের অনুকরণ; মিন্টন ও ভার্জিল দাস্তের অনুকারী, মালোর “ফটসের” মূল ভাবটা অন্ততঃ আধুনিক কবি গেটে অনুকরণ করিয়াছেন। এরূপ দৃষ্টান্ত সাহিত্য-জগতে বিরল নহে। তথাপি উক্ত কোন কবিই কেবলমাত্র অনুকরণের উপর নির্ভর করেন নাই, স্বীয় প্রতিভাবেল স্বতন্ত্র পন্থা অবলম্বন করিয়াছেন। কৃত্তিবাসও অনেক স্থলে উপস্থান ভাগ পরিত্যাগ করিয়াছেন ও তত্তৎস্থলে নিজ কল্পনার সাহায্যে নুতন কাহিনী রচনা করিয়াছেন। অনেক স্থলে এরূপ স্বাতন্ত্র্যে লিপিকুশলতার গুণে বর্ণনীয় বিষয় উজ্জল হইয়াছে, অনেক স্থলে গ্লান হইয়া পড়িয়াছে। কৃত্তিবাস অনেক স্থলে এক কাণ্ডের কথা অল্প কাণ্ডে সন্নিবেশিত করিয়াছেন, অনেক স্থলে মূলের ঘটনা বিবৃত না করিয়া স্বকপোল করিত রচনা প্রথিত করিয়াছেন। এ ক্ষুদ্র প্রবন্ধে আমাদের পূর্বোক্ত কথাগুলির সাপক্ষে বহুল উদাহরণ উদ্ধৃত করা অসম্ভব। উমার জন্ম কথা, তপস্যা, ও মদনভয় ইত্যাদি মূলে আদিকাণ্ডে পাওয়া যায়, কৃত্তিবাস এ সব কথার আদৌ উল্লেখ মাত্র করেন নাই। বিশ্বামিত্রের সহিত বশিষ্ঠের কলহ, বিশ্বামিত্রের তপস্তেজঃ, ত্রিশঙ্কর কথা, মূলে আদিকাণ্ডে আছে। কিন্তু কৃত্তিবাস এ সকল কথা পরিত্যাগ করিয়াছেন। ইহাতে বর্ণনীয় বিষয় উজ্জল হইয়াছে, কৃত্তিবাসের বিচার ক্ষমতা প্রকাশ পাইয়াছে। কারণ, মূলে এই দুইটা কাহিনী জোর করিয়া বসাইয়া দেওয়া হইয়াছে, প্রধান ঘটনার সহিত মুখ্য ভাবে ইহাদের কোনও বনিষ্ট স্ববন্ধ নাই। আদিকাণ্ডে উমার জন্ম কথা ইত্যাদি পরিত্যাগের আর এক কারণ সম্ভব। এদেশে শাক্ত বৈষ্ণবের কলহ চিরপ্রসিদ্ধ। এ কারণ শ্রীরামভক্ত কৃত্তিবাস যে উমার জন্ম কথা পরিত্যাগ করিবেন, ইহা কিছু আশ্চর্যের বিষয় নহে। কিন্তু পরবর্তী ঘটনার সহিত ইহার সামঞ্জস্য হয় না—কিরূপে তাহা আমরা পরে দেখিব। ইতিপূর্বে কোন সাময়িক পত্রিকার লেখক দেখাইতে সচেষ্ট হইয়াছিলেন যে, অহল্যার পাবাণ কাহিনী মূল রামায়ণে নাই। কৃত্তিবাস এখানে সম্ভবতঃ পদ্ম পুরাণের আশ্রয় গ্রহণ করিয়াছিলেন। অঙ্গদ রায়বার কবির মৌলিক সৃষ্টি, ইহাতেও মহীরাবণের মৌলিক উপাখ্যান কল্পনার দূরগামিতা ও লিপিকুশলতার গুণে, বর্ণনীয় বিষয় বেশ উজ্জল হইয়াছে। কিন্তু এ সকল অতিসামান্য ঘটনা। শ্রীরামচন্দ্রের অকাল বোধন ও দুর্গোৎসব ও নীল পদ্মের স্থানে দেবীর চরণে স্বীয় নীল নলিনের উৎসর্গ কথা মূলে আদৌ নাই—কৃত্তিবাস এ কথা সন্নিবেশিত করিয়াছেন। এটা একটা প্রধান ঘটনা—কারণ, আমাদের দেশের একটা সর্বশ্রেষ্ঠ জাতীয় উৎসব অনেকটা ইহার উপরেই স্থাপিত। অথচ মূলে রাবণ-বধার্থ অগস্ত্যমুনি শ্রীরামচন্দ্রকে সূর্যাস্তব পাঠ করিতে উপদেশ করার কথা বর্ণিত আছে। আমাদের বোধ হয় যে মহীরাবণের এই দুর্গোৎসব বৃত্তান্তও প্রসিদ্ধ। যে কৃত্তিবাস আদিকাণ্ডে উমার জন্ম ও তপস্যা ইত্যাদির কথা একেবারে পরিত্যাগ করিয়াছেন, তিনিই যে তিন কাণ্ড লিখিতে না লিখিতে এরূপ দেবীভক্ত হইয়া পড়িবেন, ইহা আশ্চর্য্য বলিয়া বোধ হয়। আর এরূপ ভক্তির একটা প্রাসঙ্গিক কারণও নির্দেশ করা যায় না। বোধ হয় কোন শাক্ত কবি রামায়ণে আপনার ধর্ম্মাহরণের কীর্ত্তিচিহ্ন রাখিয়া গিয়াছেন।

শুধু ইহাই নহে। কৃত্তিবাস এক কাণ্ডের কথা অপর কাণ্ডেও সম্মিলিত করিয়াছেন। এরূপ স্বকৃতি অল্পসারে পরিবর্তন কার্য কোথাও সঙ্গত কোথাও বা অসঙ্গত হইয়াছে। যথা, চিত্রকূট পর্বতে ভরত-মিলন বৃত্তান্ত মূলে অযোধ্যা কাণ্ডে বর্ণিত হইয়াছে। কৃত্তিবাস অরণ্য কাণ্ডে বর্ণনা করিয়াছেন, এরূপ হওয়াই সঙ্গত। কিন্তু সেতু বন্ধন ইত্যাদি লঙ্কাকাণ্ডের কথা কেন যে সুন্দরাকাণ্ডে বর্ণিত হইয়াছে বলিতে পারি না। এরূপ স্বাধীনতায় কৃত্তিবাসের কল্পনা ক্ষুদ্রিত্তি পাইবার বিলক্ষণ অবকাশ পাইয়াছে। কবি যদি কেবল মূলের উপর নির্ভর করিতেন তবে আমরা মহীরাবণবধ, অঙ্গদ রায়বার রাবণের বধার্থ ব্রহ্মাস্ত্র আনয়ন কাহিনী ইত্যাদি আমরা দেখিতে পাইতাম না। ৬জয়গোপাল তর্কালঙ্কার মহাশয়ের অল্পকম্পায় কৃত্তিবাসের মূল রামায়ণ আমাদের সকলের নেত্রগোচর হওয়া চ্ছলভ। তথাপি এখন আমরা এই পরিবর্তিত গ্রন্থ দেখিয়াও স্থানে স্থানে কৃত্তিবাসের মনোহর কল্পনায় বিমোহিত হই। ভারতচন্দ্রের ভাষার কথা পূর্বে বলিয়াছি। ভারতচন্দ্রের কল্পনা, কৃত্তিবাসের তুলনায় বিমোহিনী হইলেও তাদৃশ সূদূরগামিনী নহে। তাঁহার কল্পনা বর্ধমানের রাজবাটা, বকুলতলা, মালিনীর বাটা বিশেষরূপে চিত্রিতা করিতে পারে, মানসিংহের সৈন্যসংখ্যা গণনা করিতে পারে, তাঁহার কৈলাস পুরীর স্তম্ভসঙ্খ্যার কল্পনাও এই রাজবাটার অল্পপাতে! কৃত্তিবাসের কল্পনা এরূপ ক্ষুদ্র রাজবাটার চৌহদ্দীতে সীমাবদ্ধ নহে। উহা যমপুরীতে গিয়া পানীদের অনন্ত নরক যাতনায় শিহরিয়া উঠে; চন্দ্রলোকে শীতে অসাড় শরীর রাবণের ছদ্মশা বর্ণনা করিতে কুণ্ঠিত হয় না। উত্তরাকাণ্ডে এই চন্দ্রলোকে গমন ও যমপুরীর বর্ণনা স্থানে স্থানে আমাদের “স্বর্গ-বিচ্যুতি” স্মরণ করাইয়া দেয়।

কিন্তু কবিকল্পণ, ভারতচন্দ্র, কাশীদাসের অপেক্ষা আর একজনের সহিত কৃত্তিবাসের তুলনা খুব সঙ্গত বলিয়া বোধ হয়। তিনি হিন্দি সাহিত্যের তুলশীদাস। আশ্চর্যের বিষয় এই যে এপর্যন্ত কৃত্তিবাসের কোন সমালোচককে এ বিষয়ে আলোচনা করিতে দেখিলাম না। অথচ কৃত্তিবাসের ও তুলশীদাসের যত সাদৃশ্য এরূপ আর কোনও ছই কবির মধ্যে লক্ষিত হয় না। উভয়েই প্রতিভাশালী কবি। উভয়ের কাব্যের বর্ণনীয় বিষয় একই। উভয়ে একই কবিকে অল্পসরণ করিয়াছেন। উভয়েই নিজ নিজ সাহিত্য ও জাতীয় জীবন গঠনে অশেষ সহায়তা করিয়াছেন। কৃত্তিবাসের অপেক্ষাও বোধহয় তুলশীদাসের কৃতিত্ব এ বিষয়ে অধিক। কারণ, হিন্দি সাহিত্যের পরিসর অতি অল্প। উভয়ের কাব্য পাঠে আমাদের বোধ হয় যে তুলশীদাস কৃত্তিবাস অপেক্ষা স্পষ্টত ও অশেষ শাস্ত্রবিৎ ছিলেন। কৃত্তিবাস প্রধানতঃ কেবল মূল রামায়ণ ও স্বীয় কল্পনার উপরই নির্ভর করিয়াছিলেন। তুলশীদাস অনেক শাস্ত্র-সিদ্ধ মতন করিয়া নিজের কাব্যায়ত উদ্ধার করিয়াছিলেন।† উভয়ের চরিত্রাঙ্কণে,

† নানা পুরাণ নিগমগম সম্মতং যং রামায়ণে নিগদিতং কচিদন্তোহপি।

শাস্ত্রমুখায় তুলশী রঘুনাথ গাথা ভাষা নিবন্ধমতি মঞ্জল মাতনোতি ॥

তুলশীদাসের রামায়ণ—আদিকাণ্ডের মঙ্গলাচরণ।

কৃত্তিবাসের ভাষা সরল, স্নমধুর, তাবের সম্পূর্ণ অল্পগামী, বিবিধ অলঙ্কার ভাবে জড়িত নহে। তুলশীদাসের ভাষা পণ্ডিতের ভাষা,—শব্দপারিপাট্যে ছন্দহতায় ও উপমা বহুলতায় জটিল। অন্তরা হিন্দি কবির স্তায় ইহা সরল হিন্দিতে লিখিত নয়—ইহার তিন ভাগ নির্ভাজ সংস্কৃত, এক ভাগ হিন্দি। উত্তরাকাণ্ডের শেষাংশ ব্যতীত তুলশীদাস বান্ধীকিকে সম্পূর্ণরূপে অল্পকরণ করিয়াছেন। কৃত্তিবাসের স্তায় তিনি স্বাধীনভাবে কল্পনারাজ্যে বিচরণ করিতে পারেন নাই। অল্পকৃত কাব্যের ষথাষথ অল্পসরণে, অভিনব বিবিধ ছন্দ রচনায়, স্নকুমার শব্দনির্বাচনের মমতায় তুলশীদাসের কল্পনা তত ক্ষুদ্রিত্তি পায় নাই। তুলশীদাস যে প্রগাঢ় পণ্ডিত ও দার্শনিক, তাহার আভাষ তিনি ছত্রে ছত্রে রাখিয়া গিয়াছেন। কৃত্তিবাসের বিশেষ স্থখাতির কথা এই যে তিনি স্বীয় পাণ্ডিত্য আড়ালে রাখিয়া বর্ণনীয় বিষয় বেশ হৃদয়গ্রাহী করিয়াছেন। এ সকল কথার ষথার্থ্য বারান্তরে উপলব্ধি হইবে।

ক্রমশঃ।

শ্রীবীরেশ্বর গোস্বামী।

পার্শ্ব সম্প্রদায়।

পার্শ্বগণ ভারতে ঔপনিবেশিক মাত্র। পার্শ্ব অর্থাৎ আরবিক “ফার্স” নামক প্রদেশের নামানুসারে এই সম্প্রদায়ের নামকরণ হইয়াছে। গ্রীক জাতি যখন আপনাদিগের প্রচণ্ড তেজগর্বে প্রাচ্য ভূখণ্ডে প্রবেশ পূর্বক তাঁহাদিগের প্রবল বীর্যবন্ধ প্রকাশ করেন, সেই সময় তাঁহারা এই প্রদেশকে ‘পার্শ্ব’ অর্থাৎ পারস্য এই নামে আখ্যাত করিয়াছিলেন। কিন্তু পারস্যবাসীগণ স্বদেশকে ‘ইরান’ এই নামে অভিহিত করিত, এবং আপনাদিগকে ‘ইরানী’ বলিত। ‘ইরানী’ এবং সংস্কৃত আর্ধ্য এ উভয় শব্দই এক ধাতু মূলক।

প্রত্নতত্ত্ববিৎ পণ্ডিতগণ বলেন, ভারতীয় ব্রাহ্মণগণ যেমন বিস্তৃত আর্ধ্য বংশোদ্ভব, পারস্য-বাসী ও পার্শ্ব সম্প্রদায়ও সেইরূপ স্পষ্টত আর্ধ্য বংশ হইতে সমুদ্ভূত। বাহ্য প্রকৃতি হইতে বিচার করিয়া কোন কথা বলিতে হইলে ইহাই বলা যাইতে পারে যে, প্রতীচ্য ভূখণ্ডের প্রান্তবর্তী দেশসমূহের অধিবাসী-বৃন্দ যদি আর্ধ্যবংশোদ্ভব বলিয়া পরিগণিত হন, তাহা হইলে মধ্য এশিয়ার অদূরে অবস্থিত ভারতের প্রতিবাসী পারস্যবাসীরাও সেই বংশোদ্ভব বলিয়া পরিকীৰ্তিত হওয়া কিছু মাত্র বিচিত্র নহে। এতদ্বিন্ন ভারতের অনেক পৌরাণিক কাহিনী পারস্য পুরাবৃত্তে রূপান্তরিত ভাবে সম্মিলিত দেখা যায়, এবং এই উত্তর দেশের পৌরাণিক দেব-দেবীগণের মধ্যেও নামগত সাদৃশ্যের বিস্তর পরিচয় পাওয়া যায়।

ইতিহাস পাঠে অবগত হওয়া যায় যে, পারস্যের আদি ধর্মমত ব্যাক্ট্রিয়া রাজ্যে প্রবর্তিত

ধর্মমতের ভিত্তির উপর সংস্থাপিত ছিল। কিন্তু মহাত্মা জোরস্তার এই ধর্মের সংস্কার সাধন পূর্বক ইহাকে অপেক্ষাকৃত উদার এবং মহাত্মাবাদী-সম্বন্ধ ধর্মমতে পরিবর্তিত করেন। জোরোস্তারের ধর্মমত পারস্যে প্রবর্তিত হওয়ার পর মেজীয় ধর্মের সংমিশ্রণে ইহার প্রচুর পরিবর্তন সাধিত হয়, এবং তাহাই ভারতীয় পার্সি সম্প্রদায়ের মধ্যে বিস্তৃতি লাভ করে। এই স্থানে বলা আবশ্যক যে ধর্মগ্রন্থ ক্ষমতাদর্পিত মুসলমানগণের নিদারুণ অত্যাচার ও কঠোর উৎপীড়নে উৎপীড়িত হইয়া পার্সিগণ বোম্বাই প্রদেশে উপনিবেশ স্থাপন করিতে বাধ্য হইয়াছিল, তাহাতে ভারতীয় ধর্মের সংশ্রবে ইহাদিগের ধর্মমতের প্রচুর পরিবর্তন ঘটে।

পার্সিদিগের রাজনৈতিক জীবনের কথা চিন্তা করিলে সহসা ইহুদি জাতির সহিত ইহার তুলনীয় বলিয়া মনে হয়। ইহুদি জাতির ঋষি ইহারাও যুগান্তীত কাল হইতে বিদেশীয়গণের নিকট হইতে ঘোরতর অত্যাচার সহ্য করিয়া আসিয়াছে, ইহুদিদিগের ঋষি ইহারাও পর-জাতির উৎপীড়নে স্বদেশ হইতে নির্বাসনে এবং বৈষয়িক ব্যাপারেও—বাণিজ্য কুশলতা, ধনবত্তা প্রভৃতি বিষয়ে—ইহুদি জাতির সহিত ইহাদের সমতা লক্ষিত হয়। দুই একটি বিষয়ে এই দুই সম্প্রদায়ের মধ্যে আশ্চর্য্য ঐক্য দেখা যায়—পার্সিদিগের নিকট পুণ্যভূমি পারস্য স্বর্গাদপি গরীরসী, ইহুদিদিগের নিকট প্যাগেট্টাইন ও তজ্রপ আদরনীয়া। কিন্তু এই উভয় দেশেই মুসলমান আধিপত্য বিস্তৃত। যাহাই হউক পার্সি সম্প্রদায় যে ইহুদিগণ অপেক্ষা অধিক সৌভাগ্যশালী সে বিষয়ে সন্দেহ নাই। বর্তমান কালে পারস্যেও ইহারা স্বপ্নে ও নিরুদ্বেগে কাল যাপন করিতেছে। ভারতবর্ষে স্তর দিনসী মাণিকজি পেটিট, স্তর জেমসেটজি জিজিভাই, স্তর কাউরাসজি জাহাঙ্গীর রেডিনি প্রভৃতি পার্সি ধন-কুবেরগণের অতুল ঐশ্বর্য্যের কথা কাহারও অবিদিত নাই, তাহাদের অতুল দানশীলতা পাশ্চাত্য সভ্য জগতেরও বিস্ময় উৎপাদন করিয়াছে। রাজনৈতিক বিষয়েও ভারতীয় সকল জাতি অপেক্ষা পার্সিদিগকেই অধিক সৌভাগ্যবান বলিতে হইবে। জেতার রাজ্যে বৃটীশ রাজ-তরনীর পরিচালকগণের সহিত একামনে উপবিষ্ট হইয়া আজ পার্সি-কুল-গোরব দাদাভাই নৌরজী ভারতের ঋষিগণের অধিকারের প্রসঙ্গ জলদ গভীর স্বরে উত্থাপিত করিতেছেন,—এ সৌভাগ্য অপর কোনও ভারতবাসীর অদৃষ্টে এ পর্য্যন্ত ঘটে নাই। কিন্তু ইহুদিগণের সম্বন্ধে বিচার করিয়া দেখিলে আমরা কি দেখিতে পাই? গৃহহীন অনাথ পথিকের ঋষি ইহারা এখনও স্বদেশ হইতে নির্বাসিত হইয়া পরদেশে বিচরণ করিতেছে; এবং তদংশীয় রাজজীবনের বিন্দুমাত্র রূপ-কটাক্ষের উপর ইহাদের ইহ জীবনের সুখ, মনের শান্তি, এবং অর্থের গৌরব, সমস্তই নির্ভর করিতেছে। অসীম ঐশ্বর্য্যের অধীশ্বর হইলেও ইহাদের অনেকের জীবন পরামতোস্তী পররূপাপ্রাপ্তী ভিক্ষকের ঋষি বিড়ম্বনাপূর্ণ।

পার্সিদিগের সংখ্যা ইহুদিগণের অপেক্ষা অনেক অল্প; এবং ইহুদি জাতির ঋষি ইহারা নানা বিভিন্ন দেশে উপনিবেশ স্থাপন করেন নাই। কয়েক সহস্র মাত্র ইহাদের পিতৃভূমি পারস্যের জেদ্ নগরে ও তাহার চতুঃপ্রান্তবর্তী গ্রাম-সমূহে বাস করিতেছে, অবশিষ্ট পার্সিগণ

ভারতেই তাহাদের বাসস্থান সংস্থাপিত করিয়াছে। ইহুদি জাতি মহা ঐশ্বর্য্যশালী হইলেও তাহাদের মধ্যে অনাথ দরিদ্র এবং অসহায় ভিক্ষকের সংখ্যা নিতান্ত অল্প নহে, অনার্যুত পথপ্রাপ্তে পড়িয়া ক্ষুধায় সমস্ত দিন আর্তনাদ করিলেও অনেকের অদৃষ্টে মুষ্টিভিক্ষাও তুল্লাভ হইয়া থাকে। কিন্তু পার্সি সম্প্রদায়স্থ ধনাঢ্যগণ স্বজাতীয় দরিদ্রগণকে দারিদ্র্যের হস্ত হইতে ময়ূর রক্ষা করিয়া থাকেন। দানশীলতার জন্ত পার্সি সম্প্রদায় জগদ্বিখ্যাত,—কিন্তু রূপণতার কলঙ্ক ছাপ ইহুদি জাতির সমাজ-দেহ হইতে বৃষ্টি কখনই অপনীত হইবে না!

বর্তমান কালে ভারতবর্ষে পার্সি সংখ্যা এক লক্ষেরও নূন,—অশীতি সহস্র হইবে। এই স্ববিশ্বীর্ণ ভারতের তরঙ্গায়িত লোক-সমুদ্রের মধ্যে এই কয়টি প্রাণীর স্বাতন্ত্র্য নিঃসন্দেহই বিলুপ্ত হইত; কিন্তু কতকগুলি সামাজিক এবং পরিচ্ছদগত ব্যবহার-বৈচিত্র্য বশত জনসাধারণ হইতে ইহারা সম্পূর্ণ পৃথকভাবে অবস্থান করিতে সক্ষম হইয়াছে। অত্যাচার সকল জাতির সহিত তুলনায় ইহাদের পরিচ্ছদগত পার্থক্য সর্বাপেক্ষা অধিক বিশেষত্ব পূর্ণ। ভারতের কোন জনপূর্ণ নগরীর রাজপথে অগণ্য পথিকের মধ্যে একজন মাত্রও জোরোস্তারের মন্ত্র দীক্ষিত শিষ্যকে দেখিয়াই তাহাকে পার্সি বলিয়া চিনিতে পারা যায়। পার্সিদিগের মধ্যে জাতিভেদ প্রথার প্রচলন নাই, এবং অর্থ-সঞ্চয়ের জন্ত সমুদ্র পারবর্তী দেশ-সমূহে ব্যবসায় উপলক্ষে গমনাগমন করিলেও সমাজ-চ্যুতির সম্ভাবনা নাই। অর্থায়ুরাগে ইহারা পৃথিবীর সকল জাতিকেই প্রায় একরূপ অতিক্রম করিয়া উঠিয়াছে। ইহারা জড়োপাসক নহে বটে, কিন্তু সমুদ্র রজত খণ্ড ইহাদের প্রিয়তম দেবতা; লৌহময়, পাষণ-নির্মিত, কিম্বা মৃত্তিকা-গঠিত কোনও প্রকার পুত্তলিকার পূজা করিতে ইহারা প্রস্তুত নহে, এবং লক্ষ্মীদেবীর সাকার দেহের উপাসনায় ইহারা কিছুমাত্র ব্যস্ত নহে সত্য, কিন্তু মহারাণী ভারতেশ্বরীর মন্তকালিত স্বর্ণ ও রৌপ্যের ক্ষুদ্র ক্ষুদ্র চক্রের উজ্জল মহিমার উদ্দেশে ইহাদের হৃদয়ের সমস্ত প্রীতি এবং ভক্তি সমর্পিত হইয়াছে।

অত্যাচার কথা বলিবার পূর্বে পার্সিদিগের ধর্ম সম্বন্ধে দুইটি বিষয়ের উল্লেখ করা বাহুল্য নহে। প্রথম, জোরোস্তারের ধর্ম পারস্য দেশ হইতে বিদূরীত হইয়া কিরূপে ভারতবর্ষে প্রচলিত হইল; দ্বিতীয়, ভারতীয় পার্সিগণের দ্বারা এই ধর্মের কিরূপ পরিবর্তন সাধিত হইয়াছে।

প্রথমোক্ত বিষয়টি সম্বন্ধে অগ্রে কিঞ্চিৎ আলোচনা করা যাউক। ইরানীয় আর্য্যগণের প্রাথমিক ইতিহাস পর্য্যালোচনা করিলে জানিতে পারা যায় যে, অতি পূর্বকালে একমেনি-য়ান, নিলিউসিডি এবং আর্সাসিডি বংশীয় রাজগণ বংশ পরম্পরায় পারস্যের রাজসিংহাসন অধিকার করিয়া ছিলেন। তাহার পর শাসেনিয়ান রাজ বংশ পারস্য সিংহাসন অধিকার করিয়া পার্সিদিগের লুপ্তপ্রায় জাতীয়তাকে সুপ্রকাশিত এবং স্মৃদৃঢ় ভিত্তির উপর প্রতিষ্ঠিত করিবার জন্ত বদ্ধপরিকর হন। এই বংশীয় প্রথম রাজা আর্দ্রশীর বাবকান বিশেষ চেষ্টায় নানা স্থান হইতে জোরোস্ত্রীয় ধর্ম সম্বন্ধীয় কতকগুলি পবিত্র গ্রন্থ সংগ্রহ পূর্বক প্রাচীন পারস্যীয় ধর্মকে বিধিবদ্ধ করিয়াছিলেন। খৃষ্টের তৃতীয় শতাব্দী হইতে (প্রায় ২২৫ খৃষ্টাব্দ)

পরবর্তী ৪০০ বৎসর পর্যন্ত অর্থাৎ এই শেষোক্ত বংশীয় শেষ রাজা ইয়াজাগীরের রাজত্বকাল পর্যন্ত (৬৫৯ খৃষ্টাব্দ) জোরোস্ত্রীয় ধর্ম সর্বপ্রকার অত্যাচার ও উৎপীড়ন হইতে পরিত্রাণ পাইয়া রাজ্যগ্রহণের ছায়াম সংবন্ধিত হইয়াছিল।

কিন্তু ইহা জন সাধারণের হৃদয়ে স্মৃষ্টিরূপে প্রতিষ্ঠিত হইবার অবসর পায় নাই। কারণ, উপরোক্ত ঘটনার অল্পকাল পরেই খালিফ উমারের অধিনায়কত্বে মুসলমানগণ তীষণ যুদ্ধ ক্ষেত্রে অবতীর্ণ হইয়াছিল। সশেষীয় বংশের শেষ রাজা ইয়াদাগীর্দ সাহাবাদের যুদ্ধক্ষেত্রে মুসলমান হস্তে পরাস্ত হইলে পারস্তে মুসলমান ধর্মের অভ্যুদয়ের সূত্রপাত হইল। এই ঘটনা সপ্তম শতাব্দীর মধ্যভাগে অর্থাৎ প্রায় ৬৪২ খৃষ্টাব্দে সংঘটিত হয়। ক্রমে মুসলমান ধর্মের বিস্তৃতির সহিত জোরোস্ত্রীয় ধর্মের অধোগতি হইতে আরম্ভ হইল, কোরাণ আবে-স্থার স্থান অধিকার করিল, এবং মহম্মদের সমুজ্জ্বল মহিমা জোরোস্ত্রের পুণ্যস্থতির ক্ষীণ প্রভা মলিন করিয়া ফেলিল। যে ভাষায় এই ধর্মগ্রন্থ লিখিত ক্রমে সেই জৈদভাষাও সাধারণের আয়তনের অতীত হইয়া পড়িল।

কিন্তু তথাপি সমগ্র পার্সি সম্প্রদায় এই বিজাতীয় ধর্ম গ্রহণ করিল না। অনেকই বিবিধ উৎপীড়ন ও নির্যাতন সহ করিয়াও বীরের স্থায় আপনার পৈত্রিক বিশ্বাস এবং পূর্ব পুরু-গণের ধর্ম অবলম্বন করিয়া রহিল। কিন্তু অত্যাচার দ্রঃসহ হইয়া উঠিলে ইহাদের অনেকে খোরাসানের পর্তময় দুর্গম প্রদেশে কিম্বা সন্নিকটবর্তী মরুভূমিতে বাস করিয়া প্রায় শতবর্ষ পর্যন্ত আপনাদিগের শাস্তিময় পৈত্রিক ধর্মের উদ্বোধনে রত হইয়াছিল, কিন্তু এখানেও তাহাদিগকে মধ্যমধ্যে অত্যাচার সহ করিতে হইত। ক্রমে একদল ইয়েদা কিম্বা বাসস্থান সংস্থাপিত করিল; অল্প একটি বৃহত্তর দল পারস্ত উপসাগরের প্রবেশ পথে অশ্রুজ দ্বীপে উপনিবেশ স্থাপন করে, কিন্তু এখানেও মুসলমানদিগের অত্যাচারে ব্যতিবাস্ত হইয়া এই সকল জোরস্ত্রীয় পলাতক পোতারোহণ পূর্বক ভারতের পশ্চিম উপকূলে উপনীত হইল। এই প্রদেশের যে স্থানে ইহারা সর্বপ্রথম উপনিবেশ স্থাপন করে তাহার নাম ডিউ।

ভারতবর্ষের আচার ব্যবহার ভারতবর্ষের ভাষা এবং রীতি নীতির সহিত পার্সিদিগের এই প্রথম পরিচয়। এখানে পঞ্চদশ বর্ষকাল অবস্থানের পর এই সকল প্রবাসী ৭১৭ খৃষ্টাব্দে গুজরাটের অন্তর্গত সঞ্জান নামক স্থানে উপনীত হয়। এ সময়ে যাদবরাণা নামক একজন ক্ষুদ্র রাজা এই প্রদেশের উপর আধিপত্য করিতেন, এই ব্যক্তি স্থশিক্ষিত এবং উদার-প্রকৃতি-সম্পন্ন ছিলেন। তিনি পার্সিদিগকে তাঁহার রাজ্য মধ্যে বাস করিতে অনুমতি প্রদান করিবার পূর্বে তাহাদের ধর্মমত জানিতে চান। কিন্তু তাহারা এরূপ কোশল সহকারে আপনাদিগের ধর্মমত প্রকাশ করিল যে, জোরোস্ত্রীয়-ও হিন্দু মতের মধ্যে বহুবিধ সাদৃশ্য আছে তাহাতে যাদবরাণার আর অপ্রতীতি জন্মিল না। তাহারা বলিল, “আমরা ইশ্বরের, সূর্যের এবং পঞ্চভূতের পূজা করি, আমরা গো জাতির বিশেষ সম্মান করিয়া থাকি ও গো-মূত্রের দ্বারা আত্মশুদ্ধি সম্পন্ন করি; দিবসে পাঁচবার উপাসনা করা আমাদের অভ্যাস,

আমাদের বিবাহ উৎসবে নৃত্য গীতাদির প্রচলন আছে এবং আমরা পূর্বপুরুষদিগের প্রাণাদি, ক্রিয়া ও সম্পাদিত করিয়া থাকি !”

হিন্দু রাজা পার্সিদিগের ধর্মের সহিত স্বধর্মের এই প্রকার সৌসাদৃশ্য দেখিয়াই হউক বা অপর কোনও কারণ বশতই হউক অল্পগ্রহপূর্বক তাহাদিগকে তাঁহার অধিকার মধ্যে বাস করিবার অনুমতি প্রদান করিলেন। পার্সিগণ এই অভিনব বাসস্থান প্রাপ্ত হইয়া সর্বশক্তিমান পরমেশ্বরের নিকট তাহাদের কৃতজ্ঞ হৃদয়ের ভক্তি প্রকাশের জন্ত ৭২১ খৃষ্টাব্দে এখানে এক অগ্নি মন্দির সংস্থাপিত করিলেন।

ইহার পর তিনশত বৎসর কাল পার্সিগণ নিরুপদ্রবে শান্তির সহিত সঞ্জানে বাস করিতে সক্ষম হইয়াছিলেন এবং এই সময়ে ইহাদের মধ্যে জনসংখ্যার এরূপ বৃদ্ধি হয় যে অল্পদিনের মধ্যেই পার্সিগণকে গুজরাট, সুরাট, নোসারি, ব্রোচ এবং কাশে প্রভৃতি স্থানে উপনিবেশ স্থাপন করিতে হইয়াছিল। ক্রমশ আরও দুই শতাব্দী কাল ধরিয়া বহুসংখ্যক পার্সি পারস্ত হইতে বিদায় গ্রহণ পূর্বক ভারতবর্ষে বাসস্থান সংস্থাপন করিতে লাগিল।

ষোড়শ শতাব্দীর আরম্ভে মুসলমানগণের প্রবল আক্রমণে সঞ্জানের হিন্দু রাজাকে অত্যন্ত বিব্রত হইয়া পড়িতে হইল; কিন্তু পার্সিদিগের সাহায্যে সঞ্জানরাজ আততায়ীগণকে পরাস্ত করিতে সক্ষম হইলেন। বাধাপ্রাপ্ত জলস্রোতের স্থায় মুসলমানগণ কিছুদিন নিবৃত্ত ছিল বটে কিন্তু শীঘ্রই তাহারা অধিক মৈত্র সংগ্রহ করিয়া নব বল ও উৎসাহ সহকারে পুনরায় হিন্দু ও পার্সিদিগকে আক্রমণপূর্বক তাহাদিগকে বিধ্বস্ত করিয়া ফেলিল। পার্সিগণ নোসারীতে পলায়ন করিলেন, এবং প্রায় আটশত বৎসর পূর্বে সঞ্জানের অগ্নি মন্দিরে যে পবিত্র অগ্নি প্রজ্জ্বলিত করিয়া প্রতিনিয়ত সযত্ন রক্ষা করিতেছিলেন তাহাও সঙ্গে লইয়া গেলেন। এই ঘটনার কিছুদিন পরে প্রাচীন ও নবাগত উপনিবেশিকদিগের মধ্যে অন্তর্বিবাদ আরম্ভ হইল। অবশেষে সুরাটের ৩২ মাইল দক্ষিণে উদওয়ারা নামক একটি মন্দিরে পবিত্র অগ্নি পরিরক্ষিত হইল। বর্তমান কালে ভারতের সমস্ত অগ্নি মন্দিরগুলির মধ্যে এইটাই সর্ব প্রাচীন। সেই পুরা প্রজ্জ্বলিত অগ্নি এখনও সেখানে অব্যাহত ভাবে প্রজ্জ্বলিত আছে, বিশ্বাসী-হৃদয় পার্সিগণ এই মন্দিরের প্রতি অতি গভীর সম্মান প্রদর্শন করিয়া থাকেন।

১৬১১ খৃষ্টাব্দে সুরাটে ইংরাজ বণিকদিগের কুঠী সংস্থাপিত হইলে পার্সিগণ দলে দলে আসিয়া সেখানে বাস করিতে লাগিল; এবং ব্যবসা বাণিজ্যে তাহারা এমন কার্যনৈপুণ্য ও উৎসাহ দেখাইতে লাগিল যে অল্প কালে মধ্যেই তাহাদের প্রচুর অবস্থাগত উন্নতি লক্ষিত হইল। এই সময় তাহারা সুরাটের নবাবের বিশ্বাসভাজন হইয়া অনেকে উচ্চ রাজকর্মেও নিযুক্ত হইয়াছিলেন। এতদ্ভিন্ন অনেকে জাহাজ নির্মাণ কার্যেও দক্ষতা লাভ করিয়াছিল; এবং নেক সাত খাঁ নামক জনৈক পার্সি ভাস্কর বিদ্যায় অসাধারণ কৃতিত্ব প্রদর্শন করিয়া মোগল সম্রাটের বিশেষ অনুগ্রহ ভাজন হইয়াছিলেন। কথিত আছে এই ব্যক্তি মোগল

সম্রাটের নিকট হইতে সুরাটস্থ ইংরেজ বণিকদিগের জন্ম কয়েকটি বাণিজ্য বিষয়ক অধিকার লাভ করিতেও সক্ষম হইয়াছিলেন।

এই ঘটনার পরই বোম্বাই নগরে বৃটিশ অধিকার সংস্থাপিত হইল, সঙ্গে সঙ্গে পার্সি বণিক ও জাহাজ নির্মাণাগণ সেখানে আপনাদিগের বাসস্থান নির্দিষ্ট করিয়া লইল। এখন বোম্বাই সহর ভারতপ্রবাসী পার্সিদিগের প্রধান বাসভূমি হইয়া দাঁড়াইয়াছে।

প্রকৃত পক্ষে ভারতের পশ্চিমোপকূলে ইংরাজাধিকার বিস্তৃতির সূত্রপাত হওয়াতেই ভারতবর্ষে পার্সিদিগের উন্নতি ও সমৃদ্ধি সাধিত হইয়াছে। কিন্তু ইহাদের সংখ্যাগত উন্নতি ইহাদের স্বজাতির মধ্যেই আবদ্ধ আছে। ভারতবর্ষে গদার্পণ করার পর ইহারা অল্প ধর্মাবলম্বীগণকে যে স্বধর্মে দীক্ষিত করিবার চেষ্টা করিয়াছে এ সম্বন্ধে কিছু মাত্র প্রমাণ পাওয়া যায় না। পার্সি পিতার সন্ততি ভিন্ন অল্প কেহ এ পর্যন্ত পার্সি সম্প্রদায়ভুক্ত হইয়াছে এরূপ শুনিতে পাওয়া যায় নাই।

সুপ্রসিদ্ধ পণ্ডিত শ্রী মনিয়ার উইলিয়ামস্ বোম্বাই নগরে অবস্থানকালীন একজন সম্রাট পার্সি ভদ্রলোকের সহিত তাঁহার সাক্ষাৎ হয়। অত্যন্ত নানান কথাবার্তার পর তিনি উক্ত পার্সি ভদ্রলোককে জিজ্ঞাসা করিলেন যে অল্প ধর্মাবলম্বীদিগকে স্বধর্মে দীক্ষিত করা সম্বন্ধে তাঁহাদের উদাসীনতা প্রকাশ করিবার কারণ কি?

উক্ত পার্সি ভদ্রলোকটি এইরূপ ভাবে তাহার প্রত্যুত্তর করিয়া ছিলেন:—

“আমাদের ধর্মে এমন কিছু নাই যাহাতে অল্প ধর্মাবলম্বীকে আমাদের ধর্মে দীক্ষিত করিতে নিষেধ করে, বরঞ্চ আবেহাতে ইহাও অবগত হওয়া যায় যে পূর্বেকালে অধি-পূজক প্রচারক বর্তমান ছিল। ইতিহাস পাঠেও জানিতে পারা যায় যে জোরোস্ত্রীয় ধর্মমত গ্রহণ না করার নিকটবর্তী প্রদেশ সমূহে যুদ্ধানল প্রজ্জ্বলিত হইয়াছিল। সাহ নামা গ্রন্থেও এ প্রকার যুদ্ধের উল্লেখ আছে। সাধু ও অসাধু উভয়কেই শিক্ষা দেওয়া জোরোস্ত্রারের প্রতি আদেশ ছিল। কিন্তু আমরা স্বীকার করি এখন আর আমাদের ধর্ম প্রচারের কোন প্রকার বন্দোবস্ত নাই এবং পার্সি পিতামাতার সন্ততি ভিন্ন অল্প কাহাকেও আমাদের ধর্মের অন্তর্ভুক্ত করা হয় না। আমাদের বিশ্বাস আমাদের সম্প্রদায়ের মধ্যেই ধর্মের সত্য সম্বন্ধে সম্পূর্ণ অনভিজ্ঞ এমন লোক অনেক আছে—ইহাদেরই ধর্ম-বন্ধনীর মধ্যে আনা প্রধান আবশ্যিক, বিধর্মীদের মধ্যে প্রচার তাহার পরে।”

উক্ত পার্সি ভদ্রলোকটি যে একজন চিন্তাশীল সমাজহিতৈষী-ব্যক্তি তাহাতে আর সন্দেহ নাই। তাঁহার এই কথা কয়টির মধ্যে ভাবিবার বিষয় অনেক আছে—বিশেষতঃ আমাদের অযাচিত হিতাকাঙ্ক্ষী পাজিগণের!

শ্রীদীনেন্দ্র কুমার রায়।

আলোচনা।

প্রথমবারের “সাধনা” পত্রে “নিছনি” শব্দের অর্থ লইয়া একটা জ্ঞানপ্রদ ও কৌতূহলবর্ধক আলোচনা হয়। প্রথমতঃ “শব্দতত্ত্বাধেয়ী” এই ছদ্ম নামে একজন প্রশ্ন করেন যে, “নিছনি” শব্দের প্রকৃত অর্থ কি ও তাহা সংস্কৃত কোন শব্দ হইতে উৎপন্ন। (১) তাহার উত্তরে শ্রীযুক্ত জগদানন্দ রায় লিখেন, ইহার অর্থ “অনিচ্ছা।” (২) পরে শ্রদ্ধাস্পদ শ্রীযুক্ত রবীন্দ্রনাথ ঠাকুর লিখিয়াছেন, “নির্মল্লন শব্দই যে নিছনি শব্দের মূল রূপ তাহাতে আর সন্দেহ নাই।” (৩) এবং নির্মল্লন শব্দের ভিন্ন ভিন্ন অর্থ লইয়া প্রাচীন কবিদিগের প্রযুক্ত “নিছনি” শব্দের ভিন্ন ভিন্ন স্থলে অর্থ নির্দ্ধারণের চেষ্টা করিয়াছেন। ইহাকে উপলক্ষ করিয়া শ্রীযুক্ত দীনেন্দ্রকুমার রায় বলেন যে, “সাধারণতঃ “নিছনি” শব্দের উপহার অর্থ করিলে সর্বত্র সঙ্গতি হইতে পারে।” (৪) পরিশেষে ত্রিপুরা হইতে “জনৈক পাঠক” লিখিয়াছেন যে, তদেশীয় রক্ত ব্যবহার অল্পসারে “নিছনি” বস্তুবাচক নাম। স্বর্ণমুদ্রা, রোপামুদ্রা প্রভৃতি এমন কি মরকতাদি মণিও “নিছনি” রূপে ব্যবহার করা প্রচলিত আছে। * * * মঙ্গলোদ্দেশে অথবা অমঙ্গল অব, দুরীকরণার্থে মহিলাগণ * * * মুদ্রা বা মণিরূপে নিছনিদ্বারা নিছাইয়া থাকেন।” (৫)

প্রশ্ন দুইটি—“নিছনি” শব্দের উৎপত্তি ও অর্থ। উৎপত্তি স্থির হইলে অর্থ নির্দ্ধাস স্বগম। শ্রীযুক্ত রবীন্দ্রনাথ বাবু “নির্মল্লন” শব্দ হইতে “নিছনি” শব্দের উৎপত্তি ধরিয়াছেন। কিন্তু যে নিয়মে সংস্কৃত শব্দ দেশভাষায় রূপান্তরিত হয় সে নিয়মে প্রথমোক্ত শব্দের কি শেষোক্তের পূর্ক বা মূলরূপ হওয়া সম্ভবপর? মকারের কি একেবারে লোপ সম্ভব হয়? সংস্কৃত “নিমল্লন” শব্দ দেশভাষায় অপভ্রংশ ব্যবহারে “নেণ্ডতা” রূপ ধারণ করিয়াছে কিন্তু এখানে মকারের সাক্ষী স্বরূপ ওকারের শিরহু চন্দ্রবিন্দু। আর একটা কথা এই যে, অপেক্ষাকৃত আধুনিক সময়ে যাহারা গছে এই শব্দ ব্যবহার করিয়াছেন তাহারা রচনার বৈশিষ্ট্য রক্ষার যত্নশীল হইয়া “নিছোনি” লিখিয়াছেন। “রাজাবলী” গ্রন্থ মুতুঞ্জয় তর্কালঙ্কার কর্তৃক “আঠার শ বিশদীয় সনে গোড়ীয় ভাষাতে রচিত হয়।” ইহাতে “নিছোনি” শব্দ দুই স্থানে ব্যবহৃত হইয়াছে এই ব্যবহার অল্পসারে এ শব্দের উৎপত্তি ও অর্থ সম্বন্ধে কতক পরিমাণে আভাস পাওয়া যায়। “জাইগীর বাদসাহ.....অনেক বহুমূল্য রত্ন পুত্রের (সাহজাইর)

(১) “সাধনা” ১ম বর্ষ, ১ম ভাগ, পৃ: ২৮৬।

(২) “সাধনা” ১ম বর্ষ, ১ম ভাগ, পৃ: ৩৮১।

(৩) “সাধনা” ১ম বর্ষ, ১ম ভাগ, পৃ: ৪৮৬।

(৪) “সাধনা” ১ম বর্ষ, ১ম ভাগ, পৃ: ৫৩০।

(৫) “সাধন” ১ম বর্ষ, ২য় ভাগ, পৃ: ৫৩৮।

নিছোনি করিয়া দিলেন।” (৬) “বুদ্ধা জী আপন মৃত পুত্রের চারিদিকে সাহজাঁহার হাত ধরিয়া সাতবার ফিরাইয়া কহিল যে, যা আমার এই মৃত পুত্রের নিছোনি করিয়া তোকে তোর প্রাণ দিলাম।” (৭)

এই দৃষ্টান্ত দেখিয়া মনে হয় যে, ‘নিছোনি’ শব্দের আটপ্রহরিয়া অবস্থা ‘নিছনি’ হিন্দী ভাষার প্রকৃতি অনুসারে বিচার করিলে বোধ হয় সংস্কৃত উপসর্গ ‘নি’ পূর্বক হিন্দী ধাতু ‘ছনা’ অর্থাৎ ছোঁয়া হইতে এ শব্দের উৎপত্তি। অপবিত্র, অশুদ্ধ, হেয় এইরূপ অর্থেও হিন্দী ও বাঙ্গালায় ‘ছনা’ বা ‘ছুঁয়া’ ধাতুর ব্যবহার দেখা যায়। যথা, ছুঁতো হাঁড়ী (বাঙ্গলা)—ছোতা হণ্ডী (হিন্দী)। “ইয়ে চিছ ছোতা ছয়া” এরূপ প্রয়োগও হিন্দীতে আছে। অবোধ্যা প্রদেশে সরযুদীর পার্শ্ববর্তী স্থলে “ছোতা” শব্দ “ছোনা” রূপে পরিবর্তিত হয়। সে দেশে “ছোনা” অর্থে অপবিত্র, অশুদ্ধ। “অছোনা” তাহার বিপরীত। অতএব ইহাই সম্ভবপর যে নি পূর্বক ছনা ধাতুর উত্তর এ “ই” প্রত্যয় হইতে “নিছোনি” শব্দ নিষ্পন্ন হইয়াছে।

ই প্রত্যয় ক্রিয়ার উত্তর কি অর্থে সংযুক্ত হয় তাহা স্থির করিবার জন্ত যথাক্রমে বাঙ্গালা ও হিন্দীর দৃষ্টান্ত লওয়া যাইতে পারে :—

বাঙ্গলা।	হিন্দী।
মছন+ই=মছনি। (৬)	মখনা+ই=মখনি।
চালন+ই=চালনি।	চালনা+ই=চালনি।
দর্শন+ই=দর্শনি। ইত্যাদি।	দর্শন+ই=দর্শনি। ইত্যাদি।

এই সকল দৃষ্টান্ত হইতে পাওয়া যায় যে করণ বাচ্যে ই বা ঙ্গে প্রত্যয় হয়। নিছনা বা নিছোনা ক্রিয়ার করণের নাম নিছোনি বা নিছনি অর্থাৎ যাহার দ্বারা নিছোনা করা যায়। ছনা ধাতু হইতে নিষ্পন্ন পদে যে ধাতুর উকারের স্থানে ওকার হয় তাহা পূর্বেই দেখা গিয়াছে (যথা, ছোতা বা ছোনা)। এগন দেখিতে হইবে যে এই সকল পদে ছনা ধাতুর অর্থের কিরূপে ব্যাপ্তির আধিক্য হইয়াছে। ছনার অর্থ প্রথমতঃ স্পর্শ। পরে স্পর্শের বিশেষত্ব অর্থাৎ যে স্পর্শের দ্বারা অপবিত্রতা বা অশুদ্ধি জন্মায় এইরূপ স্পর্শ সূচিত হয়। শেষে আবার অশুদ্ধিক হইতে বিশেষত্বের লোপ হইয়া দাঁড়াইতেছে সামান্যতঃ দোষ অকল্যাণ, পাপ ইত্যাদি।

সমস্ত নিষ্কাশন করিয়া পাওয়া যায় যে, নিছোনি বা নিছনি শব্দ দাঁড়াইতেছে “যাহার দ্বারা দোষ নিবারিত হয়।”

(৬) ২য় সং। শ্রীরামপুর ১৮১৪ খৃঃ পূঃ ১৫৪।

(৭) ২য় সং। শ্রীরামপুর পৃঃ ১৫৫। “নিছোনি” কেবল ত্রিপুরায় আবদ্ধ মহিলা ব্যবহার নহে।

(৮) সর্বত্র ঙ্গে হওয়া বোধ হয় উচিত।

যে সকল বাক্যে “নিছনি” শব্দ ব্যবহৃত হইয়াছে তাহাতে পূর্বেক্তভাবে “নিছনি” শব্দ গ্রহণ করিলে সুন্দর অর্থ সঙ্গতি হয়।

পরাম কেমন করে মরম কহিলু তোরে
জীবন নিছনি তব পাশ।—বসন্তরায়।

এখানে “জীবন-নিছনি” অর্থ বুঝিতে হইবে “এমন বস্ত্র যদ্বারা জীবনের দোষ খণ্ডন হয়।” (৯)

তোমার পিরীতে হাম হইলু বিকিনী,
মলে কি কালাঙ আর কি দিব নিছনি।—বসন্তরায়।

এখানে শ্রীযুক্ত রবীন্দ্র নাথ বাবু বলিয়াছেন, “এখানে নিছনি বলিতে কি বুঝাইতেছে বলা শব্দ। এরূপ স্থলে সংস্কৃত মূলটী বাহির করিতে পারিলে অর্থ নির্ণয়ের সাহায্য হইতে পারে।” (১০)

ত্রিপুরাস্থ “জটনৈক পাঠক” ইহার যেরূপ অর্থ নিষ্পত্তি করিয়াছেন স্থূলতঃ তাহাই ঠিক বোধ হয়।

নিরমল কুলশীল বিদিত ভুবন।

নিছনি করিলু তোমার ছুঁয়া চরণে ॥

শ্রীযুক্ত রবীন্দ্র নাথ ঠাকুর বলেনঃ—“এখানে নিছনি অর্থে স্পর্শই আরাধনার অর্থ বুঝাইতেছে।”

“জটনৈক পাঠক” ইহার এইরূপ অর্থ করিয়াছেনঃ—“আমার বংশ মর্যাদা অকলঙ্কিত বলিয়া জগৎ বিখ্যাত, তোমার চরণ স্পর্শ করিয়া তাহাতে ‘নিছনি’ রূপে ছিলাম।” ইত্যাদি।

স্থূল কথা দোষ বা অমঙ্গল নিবারক বস্ত্র এ অর্থ এখানেও স্পষ্টপ্রযুক্ত। এইরূপ আলোচনায় ইহাই নিষ্কণ্ট অর্থ দাঁড়ায় যে, নিছোনি বা নিছনি শব্দের অর্থ প্রধান বা মৌলিক পূর্বেক্ত রূপ। পরে লক্ষণাবৃষ্টির দ্বারা ভিন্ন ভিন্ন অর্থ হইয়াছে যাহার নির্ধারণ ছঃসাধ্য নহে। “নিছনি লইয়া মরি” এরূপ স্থলে নিছনি গৃহীতায় পূর্ব ব্যক্তির দোষ সংক্রমণ সূচিত হয়।

শেষে আর একটা কথা আছে। শ্রীযুক্ত জগদানন্দ রায় কোথা হইতে ‘নিছনি’ শব্দার্থে ‘অনিচ্ছা’ পাইয়াছেন জানা আবশ্যক। কেন না কেহি প্রণীত বাঙ্গলা ইংরেজি অভিধানেও (১১) ঐরূপ অর্থ পাওয়া যায়।

শ্রীমোহিনীমোহন চট্টোপাধ্যায়।

(৯) শ্রীযুক্ত রবীন্দ্রনাথ বাবু বলিয়াছেন “এখানে নিছনি বলিতে কতকটা উপহারের ভাব বুঝায়।”

(১০) ইতি পূর্বে নির্মূল্য শব্দকে নিছনি শব্দের মূল রূপ বলিয়া রবীন্দ্র নাথ বাবু যে উক্তি উদ্ধৃত হইয়াছে বোধ হয় বর্তমান বাক্যের দ্বারা কথঞ্চিৎ তাহার অর্থ সন্ধান করা তাহার অভিপ্রায়।

(১১) ২য় সংস্করণ। শ্রীরামপুর ১৮১৮ খৃঃ অক্ষ।

উদ্ভিজ্জাণু—ব্যাক্টেরিয়া।

এই বিশাল বিশ্ব-সংসারে অল্প সহস্র সহস্র উদ্ভিদের মধ্যে এক প্রকারের উদ্ভিজ্জ আছে যাহারা সম্পূর্ণরূপে মানব চক্ষুর অগোচর, মানব ইন্দ্রিয়ের বোধাতীত এবং অনন্তগুণে ক্ষুদ্র। কিন্তু এরূপ ক্ষুদ্র হইলেও, এমন কি আণুবীক্ষণিক অল্প অনেক পদার্থ অপেক্ষা ক্ষুদ্রতর হইলেও, ইহাদিগের জীবন-কাহিনী ও কার্যকলাপ অতিশয় বিস্ময়জনক। নিতান্ত নগণ্য, নিতান্ত নিরীহ অহিংসক উদ্ভিদ জাতীয়, এবং একটি মাত্র কোষাবিশিষ্ট ক্ষুদ্রাদপি ক্ষুদ্র পদার্থ হইয়াও, এই উদ্ভিজ্জাণু, সকলের অজ্ঞাতনামে অহর্নিশ কত যে অপ্রতিবিধেয় অত্যাচার দ্বারা কেবল ফল, মূল, পশু পক্ষীর নহে, কিন্তু আমাদের ছায় উচ্চ শিক্ষিত সভ্য ও জ্ঞানান্ধিমামী “সৃষ্টির শ্রেষ্ঠ জীব” মানবের পর্যাস্ত, অপূরণীয় মহান অনিষ্ট সাধন করিতেছে, বিংশতি বৎসর পূর্বে তৎসম্বন্ধে কিছুই জানা ছিল না। ছুশিকিৎস ও অনারোগ্য নানাবিধ ব্যাধি কত সহস্র সহস্র কত কোটি কোটি মানব সন্তানকে অপরিণতকালে ভূপৃষ্ঠ হইতে অপসারিত করিয়াছে ও এখনও করিতেছে। কি অপরিজ্ঞাত কারণে এক এক মহামারী উঠিয়া কত সময়েই না কোন কোন দেশের গৃহ-পালিত পশুপক্ষীদিগকে প্রায় নিমূল করিবার উপক্রম করিয়াছে! কৃত সময়েই না কৃষকের সমুদয় আশার এক মাত্র সম্বল ক্ষেত্রজাত শস্ত অকস্মাৎ শুকাইয়া গিয়া গরিব কৃষক পরিবারদিগকে দুর্ভিক্ষের নিষ্ঠুর ক্রোড়শায়ী করিয়া দিয়াছে! কিন্তু কে জানিত এ সমুদায় অলক্ষিত, অজ্ঞানিত ‘দৈব’ কারণের মূলে এককোষী আণুবীক্ষণিক উদ্ভিজ্জের জৈবনিক ক্রিয়া; কে স্বপ্নেও ভাবিত যে দেশ-উৎসর্গকারী মহামারীর সাংঘাতিক ব্রহ্মাঙ্গ এক ক্ষুদ্রতম উদ্ভিজ্জাণু; নানাবিধ ছুশিকিৎস ও মারাত্মক ব্যাধির মূল কারণ—এক নিরীহ উদ্ভিদ জাতীয় ক্ষুদ্রতম পদার্থ-বিশেষ! নিঃস্বার্থ বিজ্ঞান-পরিসেবকগণের অক্রান্ত গবেষণা অল্পসন্ধিৎসা ধন! আমরা এক্ষণে এই আপাতনিরীহ ও নগণ্য উদ্ভিদ কোষাণু গুলিকে প্রকৃতপক্ষে চিনিয়াছি। ইহাদের মারাত্মক প্রকৃতি, অতি নিষ্ঠুর ও নিদারুণ অত্যাচার এবং অপকার সাধনের অমিত ক্ষমতা সিংহ শার্দূল বা অল্প হিংস্রক পশু পক্ষী অপেক্ষা অতীব ভয়ানক। বিশেষতঃ আমরা বরং হিংস্র খাপদ বা অল্পবিধ শত্রুর বিরুদ্ধে আত্মরক্ষার্থ প্রস্তুত হইতে পারি, কিন্তু অলক্ষিত এই আণুবীক্ষণিক লিলিপুষ্টিয়ান শত্রু হস্ত হইতে আত্ম-রক্ষণের কোনও উপায় অবলম্বন করিতে আমরা অনেক সময়ে নিতান্তই অসমর্থ। তবে, এ জগতে যেমন কোন কিছুই নিরবচ্ছিন্ন অমঙ্গলের নিদান নয়, সেইরূপ এই উদ্ভিজ্জাণুগণও কেবল মাত্র অনিষ্টের নিদান নহে। ইহাদিগের হইতেও এই পৃথিবীর প্রভূত উপকার সাধন হইয়া থাকে। জন্তু ও উদ্ভিদ রাজ্য এই ক্ষুদ্রতম উদ্ভিজ্জাণু দ্বারা অশেষরূপে উপকৃত হইয়া থাকে। আমরা বর্তমান প্রবন্ধে এই উপকারী ও অপকারী আণুবীক্ষণিক উদ্ভিদিক লিলিপুষ্টিয়ানদিগের বিষয় সংক্ষেপে আলোচনা করিবার মনস্থ করিয়াছি।

আজকাল অনেকেই “ব্যাক্টেরিয়া,” “কমা ব্যাসিলি,” “মাইক্রোব” ইত্যাদি শব্দ গুলির সহিত পরিচিত। কিন্তু অতি অল্প লোকেই উক্ত নামধেয় পদার্থগুলির প্রকৃতি ও কার্যের বিষয় অবগত আছেন এবং উহাদিগকে ভয়ানক শত্রুরূপে পরিগণনা করিতে অভ্যস্ত হইয়াছেন। বাহাইউক, আমাদের উল্লিখিত লিলিপুষ্টিয়ান শত্রু আর কেহই নহে এই ব্যাক্টেরিয়া বই। বলা বাহুল্য ইহারা উদ্ভিদ জাতীয় এবং অতি নিষ্ঠুর শ্রেণীর উদ্ভিদ। আমরা জানি অনেকে ব্যাক্টেরিয়া, কিম্বা মাইক্রোব, কিম্বা ব্যাসিলিকে কীটাপু মনে করিয়া এক বিশেষ ভ্রমে পড়িয়া আছেন। উহাদের জন্তু এবং সর্কসাধারণের জন্তু আমরা পুনরায় বলিতেছি, ব্যাক্টেরিয়া, অথবা মাইক্রোব, অথবা ব্যাসিলি উদ্ভিদ ভিন্ন আর কিছুই নহে। ইহাদিগকে অনায়াসে জীবাণু বলা যাইতে পারে। কেননা, জীব শব্দ বৈজ্ঞানিক ভাষায় উদ্ভিদ ও জন্তু উভয় শ্রেণীর সাধারণ সংজ্ঞা, উভয়ার্থবোধক ও উভয়েতেই প্রযুক্ত। কিন্তু অনেকেই নাকি জীব বলিতে মছা, পশু, পক্ষী, কীট, পতঙ্গ প্রভৃতি জন্তুই বোঝেন, আমরা তাই কোন ভ্রম বা সংশয়ের সামান্যতম ছায়া পর্যাস্ত বাহাতে না স্পর্শে এমন সংজ্ঞা—উদ্ভিজ্জাণু—ব্যাক্টেরিয়া—অবলম্বন করিয়াছি।

ভাবনা বা ছাতা সকলেই জানেন। বিশেষতঃ বর্ষাকালে যে প্রচুর পরিমাণে পুস্তকের গাত্র ইহার জন্মে প্রত্যেক পাঠক নিশ্চয়ই তদ্বিষয় বিশিষ্টরূপে অবগত আছেন। আমাদের প্রবন্ধ শীর্ষক উদ্ভিজ্জাণু সেই ভাবনা জাতীয়। ইংরাজিতে ইহাকে Fungus বলে। তবে ব্যাক্টেরিয়া অতি ক্ষুদ্র, অনন্তগুণে ক্ষুদ্র, এবং নিতান্তই আণুবীক্ষণিক ভাবনা। নিতান্তই আণুবীক্ষণিক এই জন্তু বলিলাম যে অতি প্রবলতম আণুবীক্ষণ যন্ত্রের সাহায্য ব্যতিরেকে ইহাদিগের প্রকৃত অবস্থা গোচরীভূত হইবার নহে। কিছুকাল পূর্বে মতবৈধ ছিল যে ব্যাক্টেরিয়া ভাবনা (Fungus) পরিবারভুক্ত কি এক প্রকার শৈবাল (Algae) পরিবারভুক্ত। কিন্তু এক্ষণে সে দ্বিধা আর নাই। আমাদের ব্যাক্টেরিয়া ভাবনা-পরিবারভুক্ত। যদি কেহ ইচ্ছা করেন জানিয়া রাখিতে পারেন ব্যাক্টেরিয়ার সাধারণ বৈজ্ঞানিক নাম সিকোমাইসিটিজ (Schizomycetes) কথাটা লম্বা বটে কিন্তু মানে হচ্ছে ‘ভাঙ্গা ভাবনা’। ব্যাক্টেরিয়া সাধারণতঃ এক ছই বা তিন ভাগে বিভক্ত হয়, অর্থাৎ ভেঙ্গে ভেঙ্গে বংশবৃদ্ধি করে, এইজন্ত উক্ত বৈজ্ঞানিক সংজ্ঞা। সিকোমাইসিটিজ ব্যতীত অল্প আর এক রকম আণুবীক্ষণিক ভাবনা আছে, তাহাদিগকে saccharomycetes (শর্করা-ভাবনা) বলে। সাক্কারোমাইসিটিজ শর্করাকে বিশিষ্ট করিয়া অ্যালকোহল প্রস্তুত করে। সিকোমাইসিটিজ (ভাঙ্গা-ভাবনা) ও সাক্কারো-মাইসিটিজ (শর্করা ভাবনা) উভয়ই ভাবনা পরিবার ভুক্ত। কিন্তু উভয়ের প্রকৃতি ও কার্যগত পার্থক্য অনেক এবং সম্পূর্ণরূপে বিভিন্ন। শর্করা-ভাবনার কথা কোন ভবিষ্য প্রবন্ধের জন্ত রাখিয়া আমরা বর্তমান প্রবন্ধে কেবল ভাঙ্গা-ভাবনা অর্থাৎ সিকোমাইসিটিজের বিষয়ই আলোচনা করিব।

সিকোমাইসিটিজ একটি মাত্র কোষ সম্পন্ন উদ্ভিজ্জাণু। এক ছই বা ততোধিক ভাগে

বিভক্ত হইয়া বংশবৃদ্ধি করে, অথবা আপনাদের মধ্যে ক্ষুদ্র ক্ষুদ্র বীজাণু (Spores) উৎপাদন করিয়া তাহা হইতে ভবিষ্যৎ কোষাণুর বিকাশ করিয়া বংশ বৃদ্ধি করে। ইহারা একাকী বা দলবদ্ধ হইয়া জলে অথবা জীবন্ত বা মৃত জাত্তব ও উদ্ভিদিক পদার্থ মধ্যে বাস করে। ইহারা উদ্ভিদের সবুজ অংশ (chlorophyl) বিহীন। এইনিমিত্ত সাধারণ উদ্ভিদের শ্রায় মৃত্তিকা ও বায়ু হইতে আপনাদের আহাৰ সংগ্রহ করিতে পারে না। জীবিত বা মৃত জাত্তব পদার্থ হইতেই ইহাদিগকে আহাৰ সংগ্রহ করিতে হয়। কিন্তু আহাৰ সংগ্রহ করিবার শ্রেণী ইহারা যেখানে বাস করে তন্মধ্যে অতি আশ্চর্য ধরণের ও বহুল পরিমাণের বিশ্লেষণ কাৰ্য সাধন করে। যে জলে কোন পচিত জৈবিক পদার্থ না থাকে, সে জলে ইহারা বাঁচিতে পারে না। বস্তুতঃ অতি পরিষ্কার ও বিশুদ্ধ জল মধ্যে ইহারা কখনই জীবন ধারণ করিতে সক্ষম হয় না। স্তরায় যে জলে বা যে আর্দ্র স্থানে পচা ফল মূল জীব জন্তু বিদ্যমান থাকে, সেইখানেই ইহারা জন্মে। যদিও ইহারা উদ্ভিজ্জাণু বলিয়াই অভিহিত, তথাপি অনেক ক্ষুদ্র ক্ষুদ্র আণুবীক্ষণিক জাত্তবাণুর সহিত ইহাদের অনেক সাদৃশ্য আছে। ফলতঃ উদ্ভিদ ও জন্তু রাজ্যের মধ্যে গঠন, ক্রিয়া ও প্রকৃতিগত নানা সাদৃশ্য-সম্পন্ন যে অসংখ্য অসংখ্য উদ্ভিজ্জাণু ও জাত্তবাণু বিদ্যমান থাকিয়া হৃদয়দর্শী বৈজ্ঞানিকের উক্ত উভয় রাজ্যের মধ্যে কোনরূপ একটা কেশ সমান ও সীমারেখা নির্দেশ করিবার সমূহ প্রয়াস ব্যর্থ করিয়া দিয়া থাকে, ব্যাকটেরিয়া সেই উদ্ভিজ্জাণু শ্রেণীভুক্ত।

এই উদ্ভিজ্জাণু বাস্তুবিক কত ক্ষুদ্র আমরা কতক পরিমাণে তাহা ধারণা করিতে পারি, যখন মনে করি যে এক বর্গ ইঞ্চি পরিমিত স্থানের উপর একটি একটি করিয়া বিছাইয়া দিলে চল্লিশ কোটি ব্যাকটেরিয়া একস্তরের (layer) মধ্যে ধরিতে পারে। প্রত্যেকের সাধারণ দৈর্ঘ্য এক ইঞ্চির বিংশতি সহস্র ভাগের এক ভাগ মাত্র। ইহাদের আকার নানা প্রকার। কতকগুলি (যেমন মাইক্রোবস্) একজাতীয় অতি ক্ষুদ্র গোলাকার বিন্দুর শ্রায়। অল্প কতকগুলি (যেমন ব্যাসিলি জাতীয়) হৃদয় হৃদয় স্বত্রাকার। আবার অল্প কতকগুলি (ইহাদিগকে স্পিরিলা বলে) কর্ক-স্কুর মতন ঘোরান ঘোরান। এই কর্ক-স্কুর গঠনের মতন উদ্ভিজ্জাণুর মধ্যে যাহাদের ঘোরান বা পাক দেওয়া অংশ অল্প অর্থাৎ একটি বার ঘোরান এবং দেখিতে (,) চিহ্নের শ্রায়, তাহাদিগকে 'কমা' বলে। অল্প কেহ কেহ আবার ডিম্বাকৃতি। এই নানাবিধ আকারের সকলের সাধারণ নাম ব্যাকটেরিয়া। ব্যাকটেরিয়ার মধ্যে কতকগুলি গতি শূন্য, আবার অনেকের গতি আছে। গতিমান গুলি কখন বা আপনাদের চতুর্পার্শ্বে ঘুরিয়া বেড়ায়, কখন বা বেগে সস্তরণ করে। কেহ কেহ বা পর্যায়ক্রমে আপনাপনি একবার কুঞ্চিত হয়, আবার সরল হয়। সাধারণতঃ ব্যাসিলি ও স্পিরিলা গতিশীল। কিন্তু তাই বলিয়া প্রত্যেক প্রকারের ব্যাসিলি বা স্পিরিলা গতিশীল নহে, অনেকে আবার স্থিতিশীল। সম্প্রতি জানা গিয়াছে মাইক্রোকস জাতীয় উদ্ভিজ্জাণুও গতিশীল। ব্যাসিলির সস্তরণ করিবার স্থবিধার জন্ত পুচ্ছের মতন একটা অংশ (Flagella) থাকে।

পুচ্ছ সাহায্যে ব্যাসিলি-কোষ সবেগে সস্তরণে সক্ষম হয়। কিন্তু গতিমান ব্যাকটেরিয়া ও এইরূপ এক অবস্থার অধীন যখন তাহাদিগকে স্থিতিশীল বা অচঞ্চল হইয়া থাকিতে হয়। এই অবস্থা উহাদিগের বীজাণু গঠনের অব্যবহিত পূর্কীবস্থা। ব্যাকটেরিয়ার বংশ বর্ধন ছই প্রকারে হয়। এক প্রকার এই যে ক্ষুদ্র ক্ষুদ্র উদ্ভিজ্জাণু কোষগুলি পরিণতি লাভ করিয়া আপনানাই ছই তিন ভাগে বিভক্ত হইয়া বংশ বৃদ্ধি করে। অপর প্রকার এই যে এক একটি কোষ আপনার মধ্যে বীজাণু (Spores) উদ্ভাবন করে এবং এই বীজাণু হইতেই উহার ভাবী বংশ উৎপন্ন হয়। আমরা এ কথা পূর্কই বলিয়াছি। মাইক্রোকস কেবল বিভক্ত হইয়া এবং ব্যাসিলি বিভাজিত হইয়াও বীজাণু উৎপাদন করিয়া আপনাদিগের বংশ বৃদ্ধি করিয়া থাকে। বীজাণু গঠনের পূর্কই অসংখ্য অসংখ্য পরিণত উদ্ভিজ্জাণু কোষানানাকারে একত্রে দলবদ্ধ হয়, এবং জেলির শ্রায় এক প্রকার পদার্থ নিঃসরণ করিয়া বিশ্রাম করে। এইরূপ জেলিবৎ বিশ্রামকারী উদ্ভিজ্জাণুদিগকে zoogteae বলে। এই অবস্থায় প্রত্যেক দল বিশ্রাম করিয়া যথাসময়ে বীজাণু উৎপাদন করে। বীজাণু পরিণতি হইবার কালে কোষের অভ্যন্তরস্থ তাবৎ পদার্থ একটি দিকে সঞ্চিত হয়। এই নিমিত্ত কোষের ঐ অংশটি একটু উচ্চ হইয়া উঠে। পরে এই উচ্চাংশটি মূলকোষ হইতে বিচ্ছিন্ন হইলে মূল কোষের মুতু হয়। ঐ বিচ্ছিন্ন অংশটিই মৃত কোষের বীজাণু। এই বীজাণু নানাবিধ প্রতিকূল অবস্থাপন্ন ও নানা অপকারজনক তাপ বা শৈতাবীন হইয়াও কোনরূপ ক্ষতিগ্রস্ত হয় না। মুতিকাভ্যন্তরে প্রোথিত হইয়া বহু বৎসর পরেও যদি কোনরূপে মুক্তিকার উপর নীত হয় তাহা হইলে ইহা অক্ষুণ্ণ অবস্থার মধ্যে অক্ষুরিত হইয়া পুনঃ আপন বংশ বৃদ্ধি করিতে থাকে। বীজাণুর এই আশ্চর্য শক্তির জন্তই নানা রোগমূলক উদ্ভিজ্জাণুর অপকার সাধন ক্ষমতা এত অমিত। অক্ষুরণের পূর্কই বীজাণু একটু স্ফীত হয় এবং ইহার ওজ্জ্বল্য একটু হ্রাস হইয়া যায়। পরে বীজাণুর উপরি-স্বক মধ্যস্থলে বিদারিত হইলে বীজাণুর অভ্যন্তর দেশ সেই বিদারণ গথ দিয়া বাহির হইয়া পড়ে এবং ইহাই ক্রমে স্বত্রাকারে পরিবর্তিত হইয়া নূতন কোষ বা উদ্ভিজ্জাণু রূপে পরিণত হয়।

এই উদ্ভিজ্জাণুদিগের মধ্যে নানা বিভিন্ন জাতি ও বংশ আছে। কিন্তু তৎসমুদয় সম্পূর্ণরূপে নিরূপণ করা নিতান্ত দুষ্কর ব্যাপার। গঠনগত (morphological) অসদৃশতা হইতে জাতি ও বংশ নির্ণয় একবারেই অসম্ভব বলিলেই হয়। কেননা একই বংশের অণু-ভাবনা অবস্থাভেদে ভিন্ন ভিন্ন আকারের হইয়া থাকে। এই নিমিত্ত ইহাদিগের শ্রেণী-বিভাগ সম্বন্ধে পণ্ডিতগণ মধ্যেও বিশেষ মতভেদ হইয়া থাকে। তবে আমরা জানি ইহারা যে কোনরূপ জৈবিক পদার্থ আশ্রয় করিয়া তন্মধ্যে বাস ও বংশবৃদ্ধি করে, সেই পদার্থের মধ্যে এক অতি আশ্চর্যকর বিশ্লেষণ আনয়ন করে। অতি জটিল রাসায়নিক যৌগিক পদার্থকেও রুচ বা অতি সরল যৌগিক পদার্থে পরিণত করিতে পারে। এই রাসায়নিক ক্রিয়ার ফল সাধারণতঃ তিন প্রকারের।

- (১) রঞ্জিত পদার্থ নিঃসারণ ও উৎপাদন।
- (২) ফার্মেন্টেশনে অনেক পদার্থকে উদ্ভিজ্জিত করিয়া উহাদের রূপান্তর সাধন।
- (৩) নিম্নশ্রেণীর জন্ত ও মনুষ্যশরীরের রস বিশ্লেষণ করিয়া দৃশ্যিকিংশ ও সংক্রামক রোগজনন।

উক্ত ত্রিবিধ ক্রিয়াফলাহুসারে উদ্ভিজ্জাণুদিগকে বর্ণোৎপাদক (Chromogenous), ফার্মেন্টেশনজনক (Zymogenous) ও রোগজনক (Pathogenous) এই তিন প্রধান শ্রেণীতে বিভক্ত করা হইয়া থাকে। সম্প্রতি জানা গিয়াছে যে জন্তুদেহে রোগোৎপাদক উদ্ভিজ্জাণু দ্বারা যে সমুদয় রোগোৎপন্ন হয়, তাহা ফার্মেন্টেশন দ্বারাই সাধিত হইয়া থাকে। এই জন্তু এই সকল সংক্রামক ও বিষাক্ত রোগকে Zymotic বা ফার্মেন্টেশন মূলীয় বলা হয়।

যবক্ষারজান-সম্বলিত পদার্থ—যেমন, সিদ্ধ আলু, মাংস, পাউরুটি, ডিম্বের খেতাম, নানাবিধ পিষ্টক প্রভৃতি—বাসি রাখিলে কখন কখন উহাদের উপর চাকা চাকা লাল দাগ দেখা যায়। মধ্যযুগে খৃষ্টান রোমান ক্যাথলিক সম্প্রদায় খৃষ্টের মৃত্যুদিবস স্মরণ (Eucharist) পর্ক উপলক্ষে বাসি পাউরুটির গায়ে কখন কখন এইরূপ লোহিত চিহ্ন দেখিয়া নিরঙ্কর লোক সাধারণকে বোঝাইতেন যে, ইহাতে বিশ্বর শোণিতবৃষ্টি হইয়াছে। কারণ, খৃষ্টানদিগের উক্ত পর্ক উপলক্ষে পুরোহিতগণ যে রুটি ও সুরা উৎসর্গ করিয়া পরে উপাসকদিগকে বণ্টন করেন, সেই রুটি ও সুরাকে বিশ্বর সাক্ষাৎ শরীর ও শোণিত বলিয়া ঘোষণা করেন। সহজ-বিশ্বাসী মুর্থ লোকদিগের বিশ্বাস কতই না ঘনীভূত হয় যখন তাহারা বাস্তবিক প্রত্যক্ষ করে যে রুটির গায়ে শোণিতের ছায় লোহিত চিহ্ন রহিয়াছে! কিন্তু বস্তুতঃ উক্ত লোহিত চিহ্ন অতি ক্ষুদ্র মাইক্রোকক্স জাতীয় এক প্রকার উদ্ভিজ্জাণুর সম্পূর্ণ প্রতারণাপূর্ণ কীর্তি বই আর কিছুই নহে। আমাদের এ দেশেও কখন কখন বাসি পিষ্টকের উপর উক্ত উদ্ভিজ্জাণু দ্বারা ঐরূপ লোহিত বর্ণের চক্রাকার চিহ্ন উৎপন্ন হইয়া থাকে। ইহাকে কুসংস্কারাগণ গৃহিণীগণ সিতলা ওলাবিবি বা পঞ্চানন্দের “থেলা” মনে করিয়া কতই না সন্মান হন। কিন্তু এ সমুদয় ভীতি-ভাবনা-উদ্ভীপক দেবলীলা রহস্যের মূলীভূত একমাত্র কারণ বায়ু অবলম্বিত পরাচিত (parasitic) উদ্ভিজ্জাণু। ইহারা বায়ু সহকারে নানা স্থানে পরিভ্রমণ করিতে করিতে হয়ত কোন গতিকে রুটি বা পিষ্টকোপরি পতিত হয়, এবং বঙ্গ বাহ্য উপাদেয় খাদ্য পাইয়া অনাহৃত হইয়াও আপনারা আপনাদের উদর পূর্তি করিতে থাকে। কিন্তু আমাদের দৃর্ভাগ্যক্রমে এই ধুই ভোক্তাগণের ১৫২০ মিনিটের মধ্যেই “জন্ম, মৃত্যু, বিবাহ” হইয়া যায়। (পাঠকেরা অল্পগ্রহ করিয়া লেখককে মার্জনা করিবেন, উদ্ভিজ্জাণুর বাস্তবিক বিবাহ না হইলেও জন্ম সন্তানোৎপাদন ও মৃত্যু হয় বটে।) স্মরণীয় উদ্ভিজ্জাণুগণ পিষ্টকের উপর বসিয়া বসিয়াই আপনাদের বংশবৃদ্ধি করিতে থাকে। এই সঙ্গে সঙ্গে ইহাদের স্বভাবসিদ্ধ বিশেষ ধর্মীহুসারে বর্ণোৎপাদন করে। এই বর্ণ প্রথমে বিন্দু বিন্দু, পরে ক্রমশঃ বিস্তৃত হইয়া বড় গোলাকার চিহ্নবৎ হয়। কেবল লালবর্ণ নহে, সস্ত

নানা বর্ণ—যেমন পীত, সবুজ, নীল, পীত-হরিৎ, নীলাভ-হরিৎ ইত্যাদি বিবিধ বর্ণ ভিন্ন ভিন্ন উদ্ভিজ্জাণুদ্বারা নিঃসারিত হইয়া থাকে। আমাদের গাত্রমার্জনীতে (গামছা) সময়ে সময়ে নীল বর্ণের ছাবকা ছাবকা দাগ জন্মে। উহাও এই বর্ণোৎপাদক উদ্ভিজ্জাণুদ্বারা। এই বর্ণীয় উদ্ভিজ্জাণুর নাম Micrococcus cyaneus—ইহারা গোল আলুর খণ্ড খণ্ড অংশের উপর গাঢ় নীলবর্ণ উৎপাদন করে।

নানা পদার্থের মধ্যে ফার্মেন্টেশন উৎপাদন করিয়া উদ্ভিজ্জাণুরা অনেক অদ্ভুত পরিবর্তন সাধন করে। এই পরিবর্তন ফল অনেক সময়েই সমূহ অনিষ্টজনক। বিশেষতঃ জীবদেহে ইহাদিগের অনিষ্টকর ফল অতি ভয়ানক। আমরা অবশ্য ফার্মেন্টেশনের কথা উল্লেখ করিয়াও এস্থলে যে ফার্মেন্টেশনদ্বারা সুরা, দধি, সিকা ইত্যাদি প্রস্তুত হয়, সে ফার্মেন্টেশনের সৃষ্টি কোন কথা বলা এস্থলে অনাবশ্যক। শর্করা-ভাবনার বিষয় যখন আমরা আলোচনা করিব, তখন এতৎসম্বন্ধে উল্লেখ করা যাইবে। আমরা বলিতেছিলাম যে, নানা ছুরোরোগ্য ও সংক্রামক ব্যাধি বা দেশব্যাপী মড়ক ও মহামারী এক এক সময়ে পল্লী, গ্রাম, জনপদ, নগর এবং সমগ্র দেশ পর্যন্ত একবারে উৎসর্গ করিয়া দেয়, যাহার প্রচণ্ড প্রকোপ প্রশমনে বিজ্ঞানের স্তম্ভীক শক্তি পর্যন্ত অসমর্থ—সে সমুদয় ভীষণ ব্যাধির মূল কারণ এই উদ্ভিজ্জাণু ও উদ্ভিজ্জাণুর ফার্মেন্টেশন জনিত এক বিষাক্ত পদার্থ। রোগজনক উদ্ভিজ্জাণু কোন মতে একবার জন্তু শরীরে প্রতিষ্ঠ হইলে অতি শীঘ্রই দেহস্থ শোণিতের মধ্যে আপনাদের বংশবৃদ্ধি করিতে থাকে এবং সত্ত্বর এত ভয়ানকরূপে বৃদ্ধি পায় (আমরা পূর্বেই বলিয়া আসিয়াছি প্রত্যেক পনের কুড়ি মিনিটের মধ্যে এক এক নূতন বংশ উৎপন্ন হয়) যে কিছুতেই তাহাদের বেগ নিবারণ হইবার নহে। ইহারা শরীরের শোণিতের মধ্যে পরিবর্তিত হইয়া তৎসঙ্গে সঙ্গে একপ্রকার বিষাক্ত রাসায়নিক পদার্থ প্রস্তুত করে। ইহাই শোণিতসহ সংশ্লিষ্ট হইয়া জন্তুর সম্পূর্ণ অনিষ্টসাধন এমন কি প্রাণসংহার পর্যন্ত করিয়া থাকে। আর মারাত্মক নানা রোগ যে সংক্রামক হয় তাহাও ঐ সকল উদ্ভিজ্জাণুর জন্ত! রোগীর খুঁত, গয়ের, প্রস্বাস, শোণিত, পুঁজ, মল, মূত্র প্রভৃতির সহিত অসংখ্য অসংখ্য উদ্ভিজ্জাণু কোষ বহির্গত হইয়া জল বা বায়ুর সহিত মিশ্রিত হয়, এবং স্তম্ভদেহী জন্তুগণ পানীয় ও নিঃস্বাস গ্রহণের সহিত অজ্ঞাতসারে ইহাদিগকে শরীরস্থ করিয়া আপনাদের জীবনকে মহা বিপদাপন্ন করে। হাম, বসন্ত, বিস্ফটিকা, ধনুঠেকার, টাইফইড্ জ্বর, পীত জ্বর, হুতিক জ্বর, উপদংশ, যক্ষা, ডিপথিরিয়া, ইরিসিপেলাস, এবং খুব সম্ভব হাইড্রোফোবিয়া প্রভৃতি সংক্রামক রোগের একমাত্র কারণ এই সকল উদ্ভিজ্জাণু। ইহাদিগের অনিষ্টকারী শক্তি কত ভয়ানক বোঝা যায় যদি আমরা স্মরণ রাখি যে ইহারা বিশেষতঃ ইহাদিগের বীজাণুগণ বেনী তাপও শৈত্যে (ফ্রিটস জলের উত্তাপ এবং মেরু প্রদেশের শৈত্য) সহজে নষ্ট হয় না। বীজাণু বহু বৎসর অক্ষয় অবস্থায় পড়িয়া থাকিয়াও অক্ষয় অবস্থায় অক্ষয়িত হইয়া বংশ-বর্ধন করিতে পারে। ইতরং মারাত্মক রোগ-মূলীয় একটা বীজাণু যদি (যত বৎসর পরেই হউক না কেন)

কোনমতে একবার কোন জন্তুদেহে প্রবিষ্ট হইবার সুবিধা পায়, উহা কেবল সেই হতভাগ্য জন্তুরই সর্জন্য করিয়া নিরস্ত হয় না। রোগের বীজ দেশময় পরিব্যাপ্ত করিয়া সমগ্র দেশকে উৎসন্ন করিতে পারে। এইরূপেই ইয়ুরোপে পীতজ্বর সময়ে সময়ে উপস্থিত হইয়া কত সহস্র সহস্র লোককে অকালে মৃত্যুমুখে নিপতিত করিয়াছে। কেবল মগ্গজাতি নহে, গো, মেঘ, ছাগ, মহিষ, ঘোটক, হস্তী, কপোত, কুক্কট, খরগস প্রভৃতি নানা গৃহ-পালিত পশু পক্ষী, রেসমকাট এবং চা, কাফি, আলু, কপি, বিট, আঙ্গুর, গম প্রভৃতি নানা উদ্ভিদও নানাবিধ মারাত্মক উদ্ভিজ্জাণুর দ্বারা আক্রান্ত হইয়া কত সময়ে কত দেশে কত প্রকারের মহামারী ও দুর্ভিক্ষের সূচনা করিয়া থাকে।

উদ্ভিজ্জাণু ব্যাক্টেরিয়া সাধারণতঃ বায়ু ও জলের সহিত মিশিয়া থাকে। বায়ুসহ কত সহস্র সহস্র লক্ষ লক্ষ উদ্ভিজ্জাণু বিচরমান থাকে, সে সম্বন্ধে আমাদের কোন ধারণা নাই বলিলেই হয়। পরীক্ষাদ্বারা জানা যায় যে প্রত্যেক মিনিটে একবর্গ ফুট স্থানের উপর সহস্র সহস্র উদ্ভিজ্জাণু পতিত হইতেছে। যেখানে বেশী লোকের সমাগম হয়, সেখানে বেশী পরিমাণে বায়ুর সহিত মাইক্রোব মিশ্রিত থাকে। পর্কতের উপরে অথবা আরও উচ্চদেশে উদ্ভিজ্জাণুর বড়ই অভাব। তীর হইতে ৬০৭০ মাইল দূরে সমুদ্র-পৃষ্ঠে বায়ু মধ্যে কোন মাইক্রোব দৃষ্ট হয় না। কিন্তু ভূ-পৃষ্ঠ সংলগ্ন বায়ু স্তরে অসংখ্য উদ্ভিজ্জাণু বিচরমান থাকে। পল্লীগাম অপেক্ষা নগর ও জনপদের বায়ুতে অধিক পরিমাণে নানা উদ্ভিজ্জাণু সংমিশ্রিত পাওয়া যায়। অগাধ বায়ু-মাগরে অসংখ্য অসংখ্য উদ্ভিজ্জাণু একত্রে থাকিলেও ইহাদের বিশেষত্ব এই যে, ভিন্ন শ্রেণীর উদ্ভিজ্জাণুগণ পরস্পর হইতে সম্পূর্ণ স্বতন্ত্র হইয়া এক এক ভিন্ন দলরূপে অবস্থান করে। একদল অপর দলের সহিত মিশ্রিত হয় না। বায়ু-মাগলে সাধারণতঃ যে উদ্ভিজ্জাণু বেশী পরিমাণে বর্তমান থাকে, তাহারাই মাইক্রোক্কম্ জাতীয়। ইহা ব্যতীত স্তর প্রান্ততকারক “স্ট্রিপ্ট” নামক শর্করা-ভাবনা শ্রেণীর এক প্রকার উদ্ভিজ্জাণুও সচরাচর পাওয়া যায়।

বায়ুর স্থায় জলের সহিতও অসংখ্য অণু-ভাবনা মিশিয়া থাকে। সকল প্রকার জলের সহিত অর্থাৎ যেমন নদীর জল, কূপের জল, পুষ্করিণীর জল, উৎসের জল, ঝরণার জল, ইত্যাদি সমান পরিমাণে উদ্ভিজ্জাণু পাওয়া যায় না। শীত গ্রীষ্ম ইত্যাদি ঋতু ভেদে উদ্ভিজ্জাণুর পরিমাণ ভেদ হয়। পুষ্করিণী ও নদীর জলে সাধারণতঃ অনেক অধিক পরিমাণে নানা প্রকারের অণু-ভাবনা মিশ্রিত থাকে। গভীর কূপের জল অনেক পরিমাণে উদ্ভিজ্জাণু শূন্য। সমুদ্র জলে কোন প্রকারের মাইক্রোব বা ব্যাসিলি থাকিতে পারে না। জলের অপেক্ষা নদী বা পুষ্করিণীর পাকের সহিত অসংখ্য পরিমাণে মাইক্রোব বাস করে। এমন কি সমুদ্রের তলে পাকের সহিত অনেক মাইক্রোব পাওয়া যায়। চাঁ খড়ির স্তরের উপর গভীর কূপ খনন করিতে পারিলে সে কূপের জল প্রায় সম্পূর্ণরূপেই মাইক্রোব-শূন্য হয়। জলে এত প্রচুর পরিমাণে নানাবিধ উদ্ভিজ্জাণু থাকে বলিয়া পানীয় জলের বিশুদ্ধতা নিতান্ত আবশ্যিক। অনেক সংক্রামক রোগের বীজ অর্থাৎ উদ্ভিজ্জাণু জলের সহিত মিশ্রিত হইয়া বহুকা

বাচিত্তে পারে। এই জন্ত অনেক সময়ে পানীয় দ্বারা আমরা সাংজাতিক রোগগ্রস্ত হইয়া থাকি। আমরা পূর্বেই বলিয়াছি রোগের মূল কারণ নানা উদ্ভিজ্জাণু—বিশেষতঃ ইহাদের বীজাণু নানা অবস্থা-বিপর্যায় অনায়াসেই সহ্য করিতে পারে। শীত ও উত্তাপাতিশয্যে ইহারা যেমন নষ্ট হয় না, সেইরূপ জলমধ্যে নিমজ্জিত হইয়াও ইহারা পচে না। অতএব এই ক্ষুদ্রতম শত্রুদিগের হস্ত হইতে পরিভ্রাণ লাভের জন্ত পানীয় জল যথাসাধ্য বিশুদ্ধ করা আবশ্যিক। পরীক্ষা দ্বারা দেখা গিয়াছে বালিস্তরের ভিতর দিয়া মাইক্রোবপূর্ণ জল নিঃসৃত করিলে উহার মাইক্রোব সংখ্যায় অনেক হ্রাস হইয়া যায়। পানীয় জল শোধিত করিবার জন্ত সর্কাপেক্ষা প্রকৃষ্ট উপায়—উহাকে প্রথমে ভাল করিয়া ফুটাইয়া তৎপরে বালি ও কয়লা সংযোগে পরিষ্কার করা। ইহাতে উত্তাপ ও বালি এই উভয়বিধ উপায়ে অধিকাংশ মাইক্রোব বিনষ্ট ও বিদূরিত হইয়া পানীয় জলকে বিশুদ্ধ করে। ব্যাসিলি জাতীয় উদ্ভিজ্জাণুই সচরাচর জলের সহিত অধিক পরিমাণে মিশ্রিত থাকে।

উদ্ভিজ্জাণু-তত্ত্ব অতি অল্পদিন হইল বিজ্ঞানের চর্চাধীন হইয়াছে। যদিও ইতিপূর্বে কোন কোন জার্মান পণ্ডিত এতৎ সম্বন্ধে আলোচনা করিয়াছেন, তাহা হইলেও কিঞ্চিদধিক ত্রিশৎ বৎসর পূর্বে জীবের স্বতঃজনন সমস্যা (Spontaneous Generation of Life) লইয়া প্রথিতবশ্য ফরাসী বৈজ্ঞানিক পাষ্টর, সুবিখ্যাত ইংরাজ প্রকৃতিতত্ত্ববিদ ডাক্তার বাষ্টিয়ানের সহিত যে স্প্রসিদ্ধ তর্ক-দ্বন্দ্ব অবতরণ করিয়া স্বকীয় অসাধারণ মেধাবলে বায়ুস্তরে অসংখ্য অসংখ্য আণুবীক্ষণিক জীবাণুর বিচরমানতা প্রমাণ করিয়া স্বতঃজনন মতবাদের ভ্রম নিঃসংশয়িতরূপে খণ্ডন করিয়াছেন, সেই অবধি উদ্ভিজ্জাণু বা মাইক্রোব তত্ত্ব বৈজ্ঞানিক ভাবে আলোচিত হইয়া আসিতেছে। আর মাইক্রোব-প্রকৃতি তত্ত্বানুশীলনেও পাষ্টর সর্বাগ্রণী। নানা কঠোর ত্যাগস্বীকারে কদাপি পরাভুত্ব না হইয়া মহামতি পাষ্টর স্বকীয় অশেষ সহিষ্ণুতা, অসদৃশ যত্ন ও পরিশ্রম, এবং তীক্ষ্ণ স্বস্বদর্শী জ্ঞানপ্রভাবে মাইক্রোব প্রকৃতি-তত্ত্ব অধ্যয়ন করিয়া এবং কতিপয় স্থলে মাইক্রোবদিগের মারাত্মক শক্তি রোধের উপায় ও সাংজাতিক কার্যফলের প্রতিবিধান পস্থা উদ্ভাবন করিয়া অসংখ্য অসংখ্য মানব ও জন্তুর যে অপরিশোধনীয় উপকার সাধন দ্বারা অজ্ঞাতসারে আপনাদিগের অক্ষয় অমর কীর্তি সংস্থাপন করিয়াছেন, তজ্জন্ত সমগ্র মানব পরিবার চিরদিন অশেষ ঋণপাশে আবদ্ধ থাকিবে। মাইক্রোব তত্ত্বানুশীলন ক্ষেত্রে পাষ্টরের নানা অলুসন্ধান, পরীক্ষা ও আবিষ্কার ঐ ক্ষেত্রেই অতীত সহযোগী কর্মচারীদিগকে প্রভূত সাহায্য ও উৎসাহ দান করিয়া সকলের সমবেত যত্নে ও কার্যফলে মাইক্রোব-বিজ্ঞানকে বর্তমানের উন্নত অবস্থায় আনয়ন করিয়াছে।

ক্রমশঃ

শ্রীশ্রীপতিচরণ রায়।

শকুন্তলা।

একেলা কুটার দ্বারে করতলে মাথা রাখি,
বালিকা চাহিয়া আছে দৃষ্টি হারা স্থির আঁখি।
সমাধি-মগন যেন বিকচ-ললিত তম্বু,
কোন দেবতার পায় মিশে অণু পরমাণু।
সমুখেতে উপবনে ফুলে ফুলে গেছে ভরে,
সখী দৌড়ে আনমনে জল দেয় ঝারি করে।
পালিত হরিণী-শিশু খেলা করে ছুটে ছুটে,
বিহগের কল কণ্ঠে কি মাধুরী উঠে ফুটে।
সুস্নিগ্ধ প্রভাত সেই অতি শুভ্র নীলাশ্বর,
প্রভাতের শিশু রবি বরষিছে মুহূ কর।
নিশির শিশিরে ভেজা শ্যামল পল্লব দলে,
সমুজ্জল রত্ন প্রায় রবির কিরণ জলে।
অদূরে মালিনী নদী কূলে কূলে বহে যায়,
কম্পিত তরঙ্গ বৃকে কাঁপে রবি-কর হায়!
স্নিগ্ধ শান্ত তপোবন, তাপস-তনয় দূরে,
শুনা যায় বেদ গান করিতেছে সমস্বরে।
প্রকৃতির নীরবতা ভেদ করি উঠে গান,
যেন ভেদি নীলাশ্বর স্বরগে উঠে সে তান।
সুনীরে ভাসিয়া আসে বহু দূর শোনা যায়,
সমস্ত অরণ্য-হৃদি কাঁপিয়া উঠিছে তায়।
বালিকা আপনা হারা নিশ্বাস পড়ে না যেন,
রয়েছে অচলময়ী পাষণ প্রতিমা হেন।
শুভ্র তুষারের মত ক্ষুদ্র স্নকোমল করে,
হেলাইয়া তনু-লতা মাথা রাখি তার পরে।
চেয়ে আছে এক দৃষ্টে ছুটি সে নলিন আঁখি,
দেখাতেছে প্রাণে তার যেন কি স্বপন আঁকি।
কোথা কোন দূর দেশে কোন সমুদ্রের পারে,
উড়িয়া গিয়েছে প্রাণ চেতনা লয়েছে হরে।
কোথা কোন সিংহাসনে কোন প্রাসাদেতে হায়!
হৃদয়-দেবতা তার তুলিয়া আছেন তায়।
তুলেছেন মনে নাই হৃদয় পরাণ তার,
মিশে সে চরণ তলে চিহ্ন মাত্র নাহি আর।

শুক্লাশ্বরে দীপ্ত রবি আপন জ্যোতিতে ভরা,
স্বর্য়ামুখী তারি পানে চাহিয়া আপনা হারা।
তেমনি বিভুল আঁখি প্রাণহীন তনু-লতা,
চাহিছে উদ্দেশে কার তুলিয়া জগৎ কথা।
আপনি আপনহারা বালিকা বিরহ-ভরে,
ক্রতপদে মুনি যান অদূরে গন্তীর স্বরে—
বজ্রসম অভিশাপি “যার ভাবে হলি ভোর,
মোর শাপে সেও যেন না হেরে আনন তোর।
অবহেলা করি মোরে রহিলি পাষণ হেন,
এ গরব যার লাগি সে ফিরে না চাহে যেন।
দেবতার অপমান প্রেম উপাসনা লাগি
সে করিবে হয় জ্ঞান যার লাগি সর্বত্যাগি।
কথা শেষে মুনিবর চলে যান ক্রোধভরে,
সখীরা মিনতি করি ফিরাইতে চাহে তাঁরে।
কি মুছ অক্ষুট কথা কহি যান দৌহাকার,
বিষম মলিন কান্তি ফিরে দৌহে আসে হায়!
দেখে তারা দ্বারে বসি পাষণ প্রতিমাখানি,
রয়েছে অচল ভাবে প্রাণ আছে কিনা জানি!
উঠাল তুলিয়া দৌহে কোমল নলিনী-লতা,
চাহিল দৌহার পানে মেলিয়া নয়ন-পাতা।
তেমনি স্নিগ্ধ শান্তি বিকশিত উপবন,
তেমনি মধুরে বহে প্রভাতের সমীরণ।
অদূরে মালিনী নদী কলোলে বহিয়া যায়,
সমুখের কুঞ্জবনে মধুর স্বরভি ভায়।
সরাসে অলক-জাল বিষয়েতে আঁখি ভরা,
স্বপ্নময়ী বেশে যেন চাহিছে আপনা হারা।
হৃদয়ের পাতে পাতে আকুল বিষ্ময়-রাশি,
একটি স্বপন কথা অলখিতে যায় ভাসি।
বুঝিতে পারে না, হায়, স্বপ্ন সে কি জাগরণ,
যদি স্বপ্ন তবে কেন ফুরাইল সে স্বপন!

শ্রীসরোজকুমারী দেবী।

PANCHCOPI DEY,
39-1, Ramtanu Bose Lane,
P. O. Bechoo St. Calcutta.

কাণ্ডে।

১৭৫৩ খৃষ্টাব্দে ফ্রান্সের অন্তঃপাতী নোলাই নগরে লাজের কাণ্ডের জন্ম হয়। ইহার পিতার অষ্টাদশ সন্তান ছিল, তন্মধ্যে কাণ্ডে (লাজের) সর্বকনিষ্ঠ ছিলেন। তাঁহার পিতা স্বীয় তত্ত্বাবধানে রাখিয়া সন্তানদিগের সুশিক্ষার বন্দোবস্ত করিতেন। তাহাতে এই ফল হইয়াছিল যে কাণ্ডের ভ্রাতা ভগিনীরা সকলেই আপন আপন কার্যক্ষেত্রে সর্বোচ্চ পদ লাভ করিয়া গিয়াছেন। কাণ্ডের বয়স যখন নয় বৎসর তখন তাঁহার পিতৃবিয়োগ হয়। কিন্তু গুণবতী মাতার যত্নে তাঁহার শিক্ষা বাধা প্রাপ্ত হয় নাই; কাণ্ডে মহিলা স্বামীর শিক্ষার আদর্শ গ্রহণ করিয়া কনিষ্ঠ সন্তানকে পিতার অলুরূপ করিতে যত্নবতী হইয়াছিলেন।

কাণ্ডের বয়স যখন দশ বৎসর তখন একদা তিনি মাতৃসমভিব্যাহারে তাঁহাদের কোন আশ্রয়ের গৃহে বেড়াইতে গিয়াছিলেন। তখন তাঁহার শীলতা ও শিষ্টাচারে সকলে মোহিত হইয়া এক বাক্যে প্রকাশ করেন যে এত অল্প বয়সে এরূপ ভদ্রব্যবহার সন্তানদিগের মধ্যে অতি বিরল। মাতা সন্তানের প্রশংসা শ্রবণে নিজেকে গৌরবান্বিতা মনে করিয়া কাণ্ডেকে পুরস্কৃত করণার্থ তাঁহার অভিলাষানুসারে ঐ রজনীতে তাঁহাকে এক নাট্যাশালায় অভিনয় দেখাইতে লইয়া গেলেন। তথায় যে নাটকের অভিনয় হইতেছিল তাহার এক স্থলে, এক দল সৈন্ত আসিয়া একটি দুর্গ আক্রমণ করিতেছে এবং দুর্গবাসী সৈন্তেরা ঘোরতর যুদ্ধধারা আক্রমণকারীদিগকে পরাভূত করিতে প্রয়াস পাইতেছে, ইহা অভিনয় হইতেছিল। যুদ্ধের ত্রুণপাত হইতেই কাণ্ডে অতিশয় মনোযোগের সহিত অভিনয় দেখিতেছিলেন। যখন আক্রমণকারী দল তাহাদের কামান সকল শ্রেণীবদ্ধ করিয়া দুর্গপ্রাচীরের সম্মুখে সজ্জিত করিতে লাগিল তখন বালক কাণ্ডে অস্তির হইয়া হঠাৎ উঠিয়া দাঁড়াইলেন।

উপরোক্ত দুর্গ একটি অল্পচ পাহাড়ের শিখর দেশে অবস্থিত। তাহার এক পার্শ্বে প্রাচীরের বহির্ভাগে ঐ পাহাড়ের একটি প্রস্তরচূড়া দ্বিধ্বংস নমিত হইয়া রহিয়াছে। এই প্রস্তরখণ্ডের পার্শ্বে ও পশ্চাতে সমতল ভূমি দ্বিধ্বংস বিস্তৃত হইয়া পাহাড়ের গাত্র বহিয়া নিম্নগামী হইয়াছে। এই সমতল ভূমিতে প্রস্তরখণ্ডের পার্শ্বে দুর্গপ্রাচীর সম্মুখে রাখিয়া আক্রমণকারী সেনাদল কামান সজ্জিত করিতেছে। ইহাই নাটককারের কল্পনা এবং অভিনেতৃবর্গের অভিনয়।

কামান সকল যথাস্থানে সন্নিবিষ্ট হইয়াছে, সৈন্তগণ সজ্জিত হইয়া কেবলমাত্র সেনাপতির আজ্ঞার প্রতীক্ষায় দণ্ডায়মান আছে, দর্শকগণ উৎসাহে ও উৎসুক্যে পরিপূর্ণিত হইয়া নিশ্চল নিস্তব্ধভাবে ঘটনা পরম্পরিতে মনোভিনিবেশ করিয়া রহিয়াছেন। এমন সময়ে নাট্যাশালা বিদীর্ণ করিয়া বালক কাণ্ডের চীৎকার প্রতিধ্বনিত হইয়া উঠিল,—তিনি আক্রমণকারী সেনাপতিকে লক্ষ্য করিয়া বলিয়া উঠিলেন, “ওহে নিরোধ! তুমি দেখিতে পাইতেছ না,

তোমার গোলন্দাজ সকল অরক্ষিত? দুর্গপ্রাচীরাত্তর হইতে একবার গোলাবর্ষণই তোমার সমস্ত সৈন্য ধ্বংস প্রাপ্ত হইবে! সত্তর তোমার কামান সকল পার্শ্বস্থ প্রস্তরখণ্ডের উপর স্থাপন করিল গোলন্দাজদিগকে তাহার পশ্চাতে লুকায়িত থাকিয়া গোলাবর্ষণ করিতে আদেশ কর, নতুবা তোমার আক্রমণ চেষ্টা বিফল হইবে!”—অভিনেতৃদল কিংকর্তব্যবিমূঢ় হইয়া নিশ্চল হইয়া রহিল; দর্শকবৃন্দ মুগ্ধনেত্রে ক্ষণকাল কার্ণোর দিগে চাহিয়া থাকিয়া উচ্চরবে হস্ত করিয়া করতালি দিয়া উঠিল; নাট্যশালার অধিকারী স্বয়ং নাটককারের বর্ণনাকৌশলের ক্রটি দেখিয়া স্ত্রিয়মান হইয়া রহিলেন; এবং কার্ণোমহিলা পুত্র কর্তৃক এবিধ আকস্মিক বাধা প্রদানে নাট্যশালার অপমান ভয়ে ভীত হইয়া সত্তর পুত্রকে লইয়া গৃহে প্রস্থান করিলেন।

কার্ণোর বয়স যখন দ্বাদশ বৎসর তখন তিনি ওহু বিদ্যালয়ে শিক্ষার্থ প্রেরিত হইলেন। তথায় তিন বৎসর অতিবাহিত করিয়া পঞ্চদশ বৎসর বয়সে ঐ বিদ্যালয়ের শেষ পরীক্ষায় উত্তীর্ণ হইয়া সর্বোচ্চ স্থান লাভ করিলেন।

ঐ বিদ্যালয়ে একটা বিশেষ নিয়ম এই ছিল যে শেষ পরীক্ষায় যিনি সর্বোচ্চ স্থান লাভ করিতেন তাঁহাকে কোন দার্শনিক বিষয়ে একটা প্রবন্ধ লিখিয়া এক নির্দিষ্ট দিবসে তাহা সাধারণের সমক্ষে পাঠ করিতে হইত। উপস্থিত ব্যক্তিমাঝেই প্রবন্ধ লেখককে উক্ত বিষয়ে যদিচ্ছা প্রশ্ন জিজ্ঞাসা করিবার অধিকার ছিল, এবং বালক তাহার উত্তর দানে অসমর্থ হইলে তাহা বিদ্যালয়ের পক্ষে অতিশয় নিন্দার কারণ হইত। দুই এক স্থলে এইরূপ দুর্ঘটনা ঘটবার পর বিদ্যালয়ের কর্তৃপক্ষগণ এই নিয়ম করেন যে, বালকের সমভিব্যাহারে সর্বদা একজন শিক্ষক থাকিবেন, তাঁহাকে ‘মেন্টর’* বলা হইবে। তিনি সঙ্গে থাকিয়া বালককে দুর্ভ্রম প্রশ্ন-সমূহের উত্তর দানে সহায়তা করিবেন। সময়ে সময়ে জিজ্ঞাসিত প্রশ্ন এত জটিল হইয়া উঠিত যে বালকগণ তাহার উত্তর দানে সক্ষম হইবে ইহা কিছুতেই প্রত্যাশা করা যাইতে পারিত না, এই হেতু মেন্টরের উপস্থিতি একপ্রকার অনিবার্য হইয়া দাঁড়াইয়াছিল।

বালক কার্ণো যখন স্বীয় প্রবন্ধ হস্তে করিয়া জন কোলাহলের মধ্যে একাকী উচ্চমুখে আসিয়া দাঁড়াইল তখন সকলে চমকিত হইয়া দেখিল যে, বহু বৎসরের পর এবার মেন্টর আপন কার্যস্থলে অল্পপস্থিত হইয়াছেন। কিন্তু পরে জানা গেল যে বালক কার্ণো স্বীয় উৎকৃষ্ট বশতঃ মেন্টরের অধীন হইয়া সর্বদা সমক্ষে উপস্থিত হইতে কিছুতেই স্বীকৃত না হওয়াতেই এইবার মেন্টরের পদচ্যুতি ঘটয়াছে। পাঠকগণ ভাবিয়া দেখুন সে দিবস বিদ্যালয়ের কর্তৃপক্ষগণের কিরূপ উৎকণ্ঠায় দিনাতিপাত হইতেছিল। তাঁহাদের মধ্যে এক ব্যক্তি বিদ্যালয়ের সম্মান রক্ষার্থ কার্ণোকে গুলি করিয়া হত্যা করিবার ভয় পর্যন্ত প্রদর্শন করিয়াছিলেন, কিন্তু কার্ণো কিছুতেই মেন্টরের বশতা স্বীকার করিলেন না। কার্ণোর প্রবন্ধ-পাঠ শেষ হইলে পর জনৈক মহিলা গাত্রোথান করিয়া লাটিন ভাষাতে নানাবিধ কূট দার্শনিক প্রশ্ন সকল জিজ্ঞাসা করিতে আরম্ভ করিলেন। একে দার্শনিক প্রশ্ন, তাহাতে আবার লাটিন ভাষায়,

* পাঠকগণ ‘টেলিমেকস’ গ্রন্থ কল্পন।

তাহাতে আবার একটা অপরিচিতা মহিলা কর্তৃক জিজ্ঞাসিত হইতেছে, দর্শকগণ অবাক হইয়া রহিল। কিন্তু কার্ণো অকুতোভয়ে উত্তর করিতে লাগিলেন। সভা ভঙ্গের পর সকলের জয়ধ্বনিতে উৎফুল্ল হইয়া কার্ণো মঞ্চ হইতে অবতরণ করিলেন। শিক্ষকগণ অপ্রত্যাশিত ফললাভে উল্লসিত হইয়া কার্ণোকে একেবারে কোলে তুলিয়া লইয়া গৃহে গমন করিলেন।

যে মহাপুরুষের বালাজীবনের দুইটামাত্র ঘটনা এস্থলে উল্লিখিত হইল তাঁহার ভবিষ্য-জীবন সম্পর্কে পাঠকদিগকে কল্পনা করিবার অবসর দিয়া আমি প্রবন্ধের উপসংহার করিতেছি। এইমাত্র বলিতে পারি যে ইনি একাধারে জগদ্বিখ্যাত বৈজ্ঞানিক, দার্শনিক, যোদ্ধা, রাষ্ট্রনেতা, সমাজনেতা—সমস্তই হইয়াছিলেন! ইহারই প্রবর্তিত নিয়মে অত্যাধিক ফরাসিরাাজ্যে যুদ্ধবিজ্ঞা শিক্ষা দেওয়া হইয়া থাকে। অল্পদিন গত হইল কার্ণোর নাম পৃথিবীময় ধ্বনিত হইয়া গিয়াছে; ফরাসি প্রজাতন্ত্রশাসনের নেতা কার্ণোর হত্যাবিবরণ এখনও পৃথিবীর সংবাদপত্রস্তম্ভ পরিত্যাগ করে নাই; এখনও যেন সেই উচ্চ শোণিতের প্রবাহ মাহুঘের প্রাণে আসিয়া স্পর্শ করিতেছে। প্রবন্ধের আলোচ্য বিষয়ীভূত কার্ণো বিগত রাষ্ট্রনেতা কার্ণোর পিতামহ ছিলেন! পাঠকগণ শুনিয়া আরও বিস্মিত হইবেন যে প্রবন্ধোক্ত কার্ণো মহা রাষ্ট্রবিপ্লবের সময় ‘দেশের শান্তিরক্ষিণী সভার’ প্রথম সভাপতি হইলেন। কার্ণো পরিবারে প্রজাতন্ত্র শাসনপ্রণালী তাহাদের ধর্মনীতিতে রুধিরাকারে প্রবাহিত হইতেছে। তাঁহাদের নামগোরব এত প্রবল যে তাহার একটা দৃষ্টান্ত উল্লেখ না করিয়া ক্ষান্ত হইতে পারিতেছি না। আমেরিকা মহাদেশের মধ্যভাগে যে পানামা যোজক রহিয়াছে তাহা কাটিয়া খাল করা হইতেছে। ঐ খাল কাটা উপলক্ষে অর্থব্যয় লইয়া ফরাসিরাাজ্যে এক গুরুতর বিসম্বাদ উপস্থিত হইয়াছিল; এবং কয়েকজন দুই চকাস্তকারী নিজেদের মুক্তির জন্ত ষড়যন্ত্র করিয়া রাষ্ট্রনেতা কার্ণোর জ্যেষ্ঠপুত্রকে তাহাতে জড়িত করিতে চেষ্টা পাইয়াছিল। বিচারের সময় বালক কার্ণো বিচারকের সমক্ষে আবেগের সহিত বলিয়াছিলেন যে, “কার্ণো শোণিত যে ধর্মনীতিতে প্রবাহিত হয় তথায় মিথ্যা প্রবঞ্চনা কিম্বা কোন প্রকার হীনতা সঞ্চারিত হইতে পারে না!” বংশ মধ্যাদার পুরুষোত্তম ক্ষেত্র হিন্দুস্থানে এইরূপ গর্ভিত বাধ্য শ্রবণ করা যায় কি?

শ্রীঅপূর্ণচন্দ্র দত্ত।

কেমনে বুঝিবে ?

কেমনে বুঝিবে সে গো পরাণ আমার ?
নাহি যার হাসি-পাশ, চতুর রচনা-ভাষ,
মধুর লহরীময় মদির উল্লাস,
কে করে আদর তারে সংসার মাঝার !
যা কিছু আছিল মোর দিয়েছি সকলি,
পরিপূর্ণ প্রেম আর নীরব ব্যাকুলি।
কি করে মানব যথা বিরোধী দেবতা,
দরিদ্র কাঙ্গাল আর কি পাইবে কোথা ?
শুকান হিয়াটি এই শুধু যে সম্বল,
তাই নিয়ে সাধ তার করিবে অর্চন ;
ইচ্ছা হয় দলে বেগু চরণের তল,
পবিত্র পরশে তব লভিবে যৌবন।
বারেকের দৃষ্টিখানি গাঁথা রবে তায় ;
সংসার ভুলিয়া রবে আপন মায়ায় !

মালা ।

কি যেন পড়েছে মনে তাই চেয়ে আছি !
কি যেন পুরাণোক্তা পড়িতেছে মনে ;
কার তরে গাঁথিয়াছি ফুল মালা গাছি,
চরণ-শব্দ কার শুনেছি স্বপনে ;
গৃহ তেয়াগিয়া পথে আসিয়াছি তাই
হাতে লয়ে শুধু এই কুসুমের মালা ;
কি যে তারে দিব হেন কিছু হেথা নাই—
বুঝি রে শুকায়ে গেছে যৌবনের ডালা !
কত না প্রাণের আশা, স্নেহের কাহিনী,
প্রাণের অভিমান, বিরহ বিলাপ,
গাঁথিয়া ফুলের সাথে কেটেছে যামিনী,
সহিয়াছি বিরহের যোর অভিষাপ।
গেঁথেছি জীবন মোর বসি তরুতলে,
দেখা পেলে পরাইয়ে দেব তার গলে।

শ্রীনগেন্দ্রনাথ গুপ্ত।

বদরিকাশ্রমে নারায়ণ দর্শন।

বৈদান্তিকের কথার পর আমার কিঞ্চিৎ নিদ্রাকর্ষণ হলেও অতি সকালেই আমি জেগে উঠেছিলুম। কোন স্থানে উপস্থিত হলে অনেক সময়ই রাতে ঘুম তত গভীর হয় না, এবং সকালে সহজে নিদ্রা ভঙ্গ হ'লে প্রাণের মধ্যে যেন একটা অভাব অনুভব হয়। মনে পড়ে ছেলে বেলায় যে দিন প্রথম বিদেশে যাই, তার পরদিন নিদ্রাহীন প্রভাত কেমন অপ্রসন্ন এবং স্নিগ্ধতাহীন ব'লে বোধ হয়েছিল, তার পর আরও কত বিদেশ বেড়ালুম, এই শেষের কর বৎসর ত নিত্য নূতন বিদেশ, যত্র সাংগৃহ সন্ধ্যাস! প্রভাতে উঠেই প্রাণের মধ্যে একটা অভাব অনুভূত হলো কেন? একি মায়া। মায়াবাদের উল্লে যাহার অবস্থান, তাঁহার পুণ্যমন্দির দ্বারেও মায়াই প্রভাব!

যাহোক সে জন্ত দেবতার প্রতি আমার অভক্তি হয় নি। শঙ্করাচার্যের সমুজ্জল প্রতিভা মানব মস্তিষ্কে বিস্মিত করেই ক্ষান্ত হয় নি, তাঁর ধর্ম্মাহ্বারাগ, অতীত ও ভবিষ্যতের মধ্যে শৃঙ্খলা সাধনের জন্ত যত্ন, মানবজাতির প্রতি অপক্ষপাত সহায়ত্বতির পরিচয়, এই

মন্দির সগর্বে বহন করচে। এখানে এসে সর্বপ্রথমেই আমার হৃদয়ে যে সুপবিত্র মহৎ গীতটি ধ্বনিত হ'লো, অনেকদিন আগে কলিকাতার আদি ব্রাহ্ম সমাজের এক বার্ষিক অধিবেশনে কোন শ্রদ্ধেয় গায়কের কণ্ঠে তা গীত হতে শুনেছিলুম, সে দিন ১১ই মার্চের প্রভাত, বাহিরে সমুজ্জল সূর্য্যকিরণ, এবং প্রভাতের তুষার শীতল বায়ু-প্রবাহ, কিন্তু মণ্ডপের মধ্যে শত শত সহৃদয় ভক্তের সমাগম হয়েছিল, তাঁরা সংযত হৃদয়ে সচ্চিদানন্দের উপাসনায় মগ্ন, অত্মদিকে উচ্ছাসময়ী ভাষায় ধ্বনিত হচ্ছিল :—

“গগনের থালে রবি চন্দ্র দীপক জলে,
তারকামণ্ডল চমকে মোতি রে।
ধূপ মলয়ানিল, পবন চামর করে
সকল বনরাজি ফুলন্ত জ্যোতি রে।
কেমন আরতি হে ভব খণ্ডন তব আরতি,
অনাহত শব্দ বাজন্ত ভেরী রে।”

দেব মন্দিরের চতুর্পার্শ্বে যে পুণ্য ও পবিত্রতা বিস্তৃত আছে তাই আমাদের অনেক উর্দ্ধে নিয়ে যেতে পারে; কিন্তু তীর্থ স্থানের ছুরদৃষ্ট, বদরিকাশ্রম ভিন্ন আর কোথাও এ পবিত্রতা শাস্তি ও স্নিগ্ধভাব আছে কি না জানিনা; আমি ত অনেকদিনই অনেক স্থান হতে অপূর্ণ হৃদয়ে ফিরে গিয়েছি, আমার হৃদয় শুষ্ক, ভক্তিহীন, হয়ত ঠিক ভাবগ্রহণ কর্তে পারি নি, যে সকল দৃশ্যে অনেকে মুগ্ধ হয় আমার চপলচিত্ততার ভিতর হয়ত বিশেষ কিছু মধুর এবং মহানভাব ধারণা কর্তে পারি নি, তাই বুঝি আশা ব্যর্থ হয়েছে, কিন্তু যে দৃশ্য দেব-মন্দিরে সর্দদা দেখা যায় তাতে শুধু আমি কেন, অনেকেই ব্যর্থ মনোরথ হন। হয়ত কোথায় ধর্পর্যাবতে ছাগ শিশুর ছিন্ন মস্তক রক্তসিক্ত হয়ে ধূলায় গড়াগড়ি যাচ্ছে, কতকগুলি নিদ্রয় লোক রাফসের তায় নৃত্য করছে, আর কেহ কেহ ভক্তিভরে “মা মা” চীৎকার কচ্ছে, এই সকল ভয়ানক দৃশ্যের মধ্যে ভক্তি যে কিরূপে অব্যাহত থাকে তা বোধ করা আমাদের সাধ্য নয়। আবার কোথায় যত রকম মন্দ লোক সমস্ত জুটে একটা মহা হটগোল আরম্ভ করেছে, সে সকল জায়গায় পিতৃ পিতামহের শ্রাদ্ধ হ'তে আরম্ভ করে পরবর্তী তিন লাখ তেষ্ট্রি হাজার বংশধরকে স্বর্গে পাঠানির অতি সহজ ব্যবস্থা হচ্ছে, যেন কোন রকমে সংসারের কাজ শেষ করে স্বর্গে প্রবেশ কর্তে পাল্লিয়ে মানব জন্ম সার্থক হ'লো। এখানে কিন্তু তার কিছু সূচনা দেখা গেল না, যেন এখানে অনুষ্ঠান আছে, তার উপদ্রব নেই, মাছুয়েহ আছে, পুত্রের ভক্তিরও অভাব নেই; সকল ভাব; বহুকালের উন্নত কল্পনা, এখানে যেন জমাট বেঁধে তার উপর একটা স্তমহান দেব-মহিমা প্রতিষ্ঠিত করে রেখেছে, সেই মহিমা অনুভব করে আমরা পরিতুষ্ট হয়ে যাই, জীবনকে ধ্বংস বলে হয়। দেব-মন্দির ও দেবতা পায়ণময়, কিন্তু যুগান্ত প্রবাহিত ভক্তি প্রেম ও পবিত্রতায় তা সমুজ্জল হয়ে উঠেছে, দেব-মন্দির ও দেবতা অপেক্ষাও তাদের পুণ্য-শ্রুতি অধিক সৌরভময়!

ক্রমে পূর্নদিক পরিষ্কার হ'লে আমার দেব দর্শনস্পৃহা বলবতী হয়ে উঠলো। প্রত্যুষে বোধ হ'লো কে যেন স্নিগ্ধ রাগিনীতে সন্তোষ ও সন্ত্রমময় আগ্রহ ঢেলে দিচ্ছে, সেই ললিত মধুর শব্দ পৃথিবীর বাত্ময় হতে ধ্বনিত হয় না; সেই মঙ্গলবাত পৃথিবীর শোক সন্তপ্ত, ছুঁথ ভারাবনত, পাপক্লিষ্ট পৃথিবীর কর্ণে অভিনন্দন সঙ্গীতরূপে প্রতীয়মান হয়।

৩০ মে শনিবার,—স্বর্ঘ্যোদয় হল। অত্যন্ত ব্যস্ত হয়ে নারায়ণ দর্শন কর্তে বের হয়ে পড়লুম, কিন্তু শুনলুম বেলা আটটার আগে মন্দিরের দ্বার খোলা হয় না, কাজেই কিয়ৎক্ষণ এদিক ওদিক বেড়াতে লাগলুম। মন্দিরের চকের বাহিরে একটা ক্ষুদ্র ঘরে ডাকঘর বসেছে, এটা সাময়িক পোষ্ট আফিস, যাত্রীর যাতায়াত বন্ধ হ'লে এ পোষ্ট আফিসও বন্ধ হবে। ডাকঘরে টিকিট, খাম, পোষ্টকার্ড প্রভৃতি দরকারী সকল জিনিষই পাওয়া যায়। পোষ্ট মাষ্টারটি গাড়োয়ালী, দিব্য গৌরবরণ, গোলগাল চেহারা এবং মাথায় এক বিকট পাগড়ী, লোকটা লেখাপড়া অতি সামান্য জানে, ইংরাজী নাম ও ঠিকানাগুলো কোন রকমে পড়তে পারে। আমি খানকতক পোষ্টকার্ড কিনে দেশে চিঠি লিখতে প্রস্তুত হলাম; শীতে হী হী ক'রে কাঁপচি, আর বহু কষ্টে আঙ্গুলের আগা বের করে কোন রকমে কলম ধ'রে বাদলা দেশে এই পোষ্টকার্ড কখন লিখচি, পাঁচ সাত দিন পরে তা বঙ্গের একখান ক্ষুদ্র গ্রামে একটা সামান্য পরিবারে একজনের প্রবাসে সূস্থ সংবাদ ঘোষণা দ্বারা কিঞ্চিৎ হর্ষ এবং শান্তি আনবে, কিন্তু কেহ কি একবারও দেখবে, একবারও ভাববে কত অলিখিত প্রবাস কাহিনীতে ক্র পোষ্ট কার্ডের উভয় পৃষ্ঠা পূর্ণ হয়ে গেছে। প্রবাসীর মনে এ কথা অনেক সময় উদয় হলেও বোধ হয় গৃহজীবী তাঁর সংসার চিন্তার মধ্যে এত কথা ভাববার অবসর পান না।

পত্র লিখে বখন বাইরে এলুম, তখন শুনা গেল মন্দির-দ্বার উদ্ঘাটিত হয়েছে, স্বামীসি ও বৈদান্তিক আমার সঙ্গে আসেন নি, স্তত্রাং তাঁদের ডেকে একসঙ্গে মন্দিরে প্রবেশ করবো ইচ্ছা করলুম। কতদিন হলো এক অভীষ্ট লক্ষ্য করে আমরা কোন দূরবর্তী পূর্ন রাত্রা হতে যাত্রা করেছি, আমরা পরস্পরের জীবনের যেন অবিচ্ছিন্ন অবলম্বন, জীবনের উপর দিয়ে কত বিপদ চলে গেছে, সে স্রোতোবেগে আমরা বিচ্ছিন্ন হইনি, আজ এই পরম আনন্দের দিনেও একত্র হয়ে যাই। কিন্তু অধিকদূর যেতে হলো না, মন্দিরের কাছেই তাঁদের ছাড়নের সঙ্গে দেখা হলো; তখন তিনজনে মহাহর্ষে মন্দির প্রবেশ করা গেল, আমার মনের মধ্যে কেমন একটা নূতন ভাবের সঞ্চার হলো।

চতুর্ভুজ নারায়ণ মূর্তি দৃষ্টিগোচর হ'লো। মূর্তি ঘোর কৃষ্ণবর্ণ পাথরে প্রস্তুত; বিগ্রহের গায়ে বহুমুলা অলঙ্কার। অলঙ্কার নারায়ণকে আপাত মস্তক ঢেকে ফেলেছে, সেই মণিসুত হীরকাদি জড়িত হেমাভরণের মধ্যে হতে এমন একটা উজ্জল স্নিগ্ধ শ্রামকাস্তি বিকশিত হচ্ছিল, তা দেখলে মনে বাস্তবিকই বড় আনন্দ সঞ্চার হয়। নারায়ণের শরীরস্থ মণি মুক্তাদির জ্যোতিতে গৃহ আলোকিত। পূর্বে গল্প শুনেছিলুম ভাদ্র মাসে যে দিন মন্দির-দ্বার বন্ধ হয় সে দিন মন্দির মধ্যে সে প্রদীপ জ্বলে রাখা হয় বৈশাখ মাস পর্যন্ত অর্থাৎ

এই ন মাস কাল অনবরত তা জ্বলতে থাকে, আর যে সমস্ত নৈবিদ্য করে দেওয়া হয় এ দীর্ঘকালেও তা নষ্ট হয় না, যেমন তেমনি থাকে। এই শেষের কথাটি সত্য হতে পারে, কারণ ঠিক ন মাস বদরীনারায়ণের মন্দির বরফের তলে থাকে, বরফের মধ্যে নিহিত থাকতে তা নষ্ট হয় না কিন্তু আগের কথাটির যথার্থ্য সম্বন্ধে তেমন বৈজ্ঞানিক যুক্তি পাওয়া যায় না, যদি মনে করা যেত সেই প্রদীপ এত সুরহৎ যে তাতে ন মাস দিনরাত্রি জ্বলবার উপযুক্ত তৈল দিয়ে রাখা হয়, তাই জ্বলবার পক্ষে আর কোন বাধা থাকে না; কিন্তু তাতেও বিজ্ঞান প্রতিবাদী। বরফের দ্বারা এইরূপ বন্ধ স্থানে আলোক অচিরেই নির্বাপন হয়; দেবতা স্বয়ং চেষ্ঠা করেও অগ্নির এই দৌর্ভাগ্যটুকু বোধকরি দূর করে দিতে পারেন না। বাহোক যখন সেই মন্দিরস্থিত ক্ষুদ্র প্রদীপটি দৃষ্টিগোচর হলো, তখন সমস্ত বিবাদ খণ্ডন হয়ে গেল, এ যুক্তির দিকে আমাদের অগত্যা বিশ্বাস করতে হ'লো মন্দিরের অভ্যন্তরস্থ মণি, মুক্তা এবং হীরক স্তূপই মন্দির মধ্যভাগ দীপালোকের স্থায় উজ্জল রাখে। বিশেষ যে দিন নারায়ণের দ্বার বন্ধ হয় সে দিন জ্যোতির্ময় অলঙ্কারগুলি নারায়ণের শরীরে পরাণ হয়; তাদের আলোতেই বর অধিকতর আলোকিত হয়। তার পরে যে দিন প্রথম দ্বার খোলা হয় সে দিন অনেক সম্মানী উপস্থিত থাকে, দ্বার খোলবামাত্র তারা মন্দিরের মধ্যে এই অলঙ্কার জ্যোতি দেখতে পায়, স্তত্রাং মনে করে প্রদীপ জ্বালা আছে। নারায়ণের দেহ পরশ পাথরে নির্মিত ব'লে যে প্রবাদ আছে বৈদান্তিকের মতে তার আধ্যাত্মিক ব্যাখ্যা থাকলেও আমার বোধ হলো নির্জন দেবালয়ের দেবতা যে বরফ রাশির মধ্যে আপনার নিভৃত সিংহাসন স্থাপন করেছেন, সেখানে এত হেমাভরণ, স্তূপাকার মণি মুক্তার উজ্জল বিকাশ দেখেই সাধারণে বিশ্বাস করে নিয়েছে, দেবতার দেহ পরশমণি-নির্মিত।

বাহোক বদরীনারায়ণের এই বহু মূল্যবান অলঙ্কার প্রাচুর্য দেখে আশ্চর্য হবার কোন কারণ নেই। আমাদের দেশে ক্ষুদ্র ক্ষুদ্র গ্রাম্য বিগ্রহদেরই কত লোকে কত মূল্যবান অলঙ্কারাদি উপহার দেয়; বদরিকাশ্রম ভারতের শ্রেষ্ঠ তীর্থ, বদরিকাশ্রমের নারায়ণের মহিমা নিখিল দেব-মহিমার উর্দ্ধে, স্তত্রাং নানা দিশবিদেশের রাজাগণ বদরীনাথকে কত মূল্যবান মন্য উপহার দিরাছেন তাহার সংখ্যা নেই। তার উপর গড়োয়াল যখন স্বাধীন ছিল তখন গড়োয়ালের রাজা প্রায়ই নারায়ণকে বহুমূল্য অলঙ্কারাদি উপহার দান করেছেন।

মন্দির মধ্যে দেখলুম শুধু নারায়ণ একা নেই, আরও ছচারটি অতিথি অভ্যাগত বিগ্রহ আছেন, কিন্তু তাঁরা নারায়ণের উজ্জল প্রভায় কিঞ্চিৎ নিশ্চত হয়ে পড়েছেন। তাঁদের দিকে দৃষ্টিও সহসা আকৃষ্ট হয় না। আমাদের সঙ্গে আরো অনেক যাত্রী মন্দিরের মধ্যে প্রবেশ করে ছিল, আমার হৃদয়ে যত ভক্তির না উদ্দেক হোক, এই সকল সমাগত যাত্রীদের ভক্তি ও নিষ্ঠা দেখে আমি মোহিত হয়ে গেলাম, আমার হৃদয়ে এক স্বর্গীয় ভাবের উদয় হলো। আমার কাছেই একটা বুদ্ধা দাঁড়িয়েছিল, সে বড় কষ্টে নারায়ণ দর্শন কর্তে এসেছে, পা একবারে হুলে গিয়েছে, দাঁড়াবার শক্তি নেই, তবু প্রাণপণ শক্তিতে একবার দাঁড়িয়ে নারায়ণের শ্রীমুখ

নিরীক্ষণ করচে, তার মুখে এমন উজ্জ্বল প্রফুল্ল ভাব, চক্ষে এমন নিষ্পন্দ, সতুষ্ট দৃষ্টি এবং একরূপ একাগ্রতা যে বোধহলে শারীরিক যন্ত্রণার কথা একটুও তার মনে নেই, তার যেন মনের ভাব, সব কষ্ট ছুঃখ এবার সার্থক হয়েছে। বৃদ্ধার সঙ্গে একটু বয়স্ক পুত্র ও একটু বিধবা কন্যা। আমরা যে দিন বদরিকাশ্রমে পৌঁছি, এরাও সে দিন এখানে এসেছিল। বৃদ্ধা অনেকক্ষণ নারায়ণ দর্শন করে শেষে ভক্তি ভরে প্রণাম করে, তার পর পুত্রটির দিকে চেয়ে বলে “বেটা, জন্ম সফল কর গিয়ে”—সেই কথা—সেই কথা কয়টির মধ্যে যে কত আনন্দ তা বর্ণনাতীত। ছেলেটি মার এই কথায় প্রীতিপূর্ণ হৃদয়ে নতজাহ্ন হয়ে মায়ের পদধূলি গ্রহণ করে, মাও আশ্চর্য্যে ব্যস্ত জীবনের অবলম্বন ছেলেটিকে বুকের মধ্যে টেনে নিলে। এ দৃশ্য স্বর্গীয়, আমাদের সকলের চোক দিয়ে জল পড়তে লাগলো। পুত্র মায়ের প্রতি কর্তব্যের এক অংশ সম্পন্ন করে অতুল আনন্দ বোধ করলে, এবং মায়ের স্নেহপূর্ণ বুকের মধুর প্রশান্তির মধ্যে স্থান পেয়ে হৃদয় সে মনে করে তার অপার্থিব পুরস্কার হয়ে গেল। হায়, মাতৃহীন আমি—আজ মর্মে মর্মে মাতার অভাব অনুভব করুম।

তার পর আমরা ধীরে ধীরে মন্দির হতে বের হয়ে “তপ্তকুণ্ড” দেখতে চলুম। মন্দিরের বাহিরে একটু নীচেই একস্থলে ছোট পাথর দিয়ে বাঁধান জল রাখবার একটা অনতিবৃহৎ চৌবাচ্চা নির্মিত আছে, তার গভীরতা বেশী নয়, নারায়ণমন্দিরের নীচে দিয়ে তার এক পাশে একটা ঝরণা এসে পড়েছে, এই ঝরণার জল ভারি গরম; এত গরম যে তাতে স্নান চলে না। তাই পাণ্ডারা উক্ত চৌবাচ্চায় সেই ঝরণার জল এনে ফেলেছে, আর একদিক দিয়ে একটা ঠাণ্ডা জলের ঝরণাও তার মধ্যে এসে মিশেছে, এবং ছুই জল একত্র মিশে স্নানের উপযুক্ত ঈষদ্বষ্ণ জলে পরিণত হয়েছে। এই স্থানটির চারিপাশে পাথরের স্তম্ভ দিয়ে উপরে ছাদ তৈয়ারী করা হয়েছে; অনেকেই এখানে স্নান কচ্ছেন দেখলুম, আমারও বড় স্নান করবার ইচ্ছা হলো, গায়ের কাপড় চোপড় খুলছি, স্বামীজি তাড়াতাড়ী আমাকে নিষেধ করলেন, আমি তাঁকে বলুম এ গরম জলে স্নান করায় এমন কি আপত্তি হতে পারে—তিনি বলেন স্নান করায় ক্ষতি না হতে পারে, কিন্তু গায়ের কাপড় খুলে শরীর অন্যরূত করতে বুকে হঠাৎ ঠাণ্ডা লাগতে পারে, তাঁর কঠোর শাসনে অগত্যা আমাকে স্নান বন্ধ করতে হলো, কিন্তু বৈদান্তিক ভাষা নিরঙ্কুশ, তিনি গায়ের কাপড় চোপড় খুলে দিব্য স্নান কর্তে লাগলেন, তাঁহার সেই সজোরে গাওঁ মার্জ্জন এবং মুহূ হৃদয়ের অর্থ আমি এই বৃষ্ণলাম যে “তোমরা কোন কাজের লোক নও, অতি সাবধান হয়ে সর্বত্র নিষেধ বিধি মানলে জীবনের অনেক স্তম্ভ ভোগ হতে বঞ্চিত থাকতে হয়।”

বৈদান্তিকের স্নান প্রায় শেষ হয়েছে এমন সময় মোহান্ত মহারাজ আমাকে ডাকিয়ে পাঠালেন। ইনি সেই-যোশী মঠের মোহান্ত, নারায়ণের সেবার ভার এখন ইহারই উপর ছাড়া আছে। একটু কথা বলতে ভুলে গিয়েছি। এই মন্দির বন্ধ হলে তার চারি মোহান্তের কাছে থাকেনা; গড়োয়ালের রাজার (এখন তিহরীর রাজা) এ মন্দির, তাঁরই

কর্মচারীগণ এসে মন্দিরের দ্বার খুলে জিনিস পত্র বুকে পড়ে দিয়ে যান আর বন্ধের পূর্বে এসে সমস্ত বুকে নিয়ে চাবী বন্ধ করে চলে যান; অবশ্য জিনিস পত্র যে তাঁরা স্থানান্তরিত করেন তা নয়, সমস্তই মন্দিরের মধ্যে থাকে, তবে তাঁরা একবার পরীক্ষা করে দেখেন মাত্র। এতদন্ত বৎসর বৎসর যে লাভ হয় তা মোহান্তেরই প্রাপ্য। মোহান্ত আমাকে কেন ডাকলেন তা বুঝতে পারলুম না; স্বামীজিকে আমার সঙ্গে যাবার জন্ত অহুরোধ করলেন, কিন্তু তিনি কোথাও যাওয়া পছন্দ করেন না, স্তরং আমি একা চলুম। একটা বড় ঘরের ভিতরে একটা উঁচু গদীর উপর কতকগুলি তাকিয়ার মধ্যে স্থল দেহ, মধ্য বয়সী মোহান্ত মহারাজ বসে আছেন, চারিদিকে ফরাসের উপর অস্ত্রাস্ত্র লোক আছে; কেহ বাকস সমুখে নিয়ে বসে আছে, কারও কাছে কতকগুলি খাতা পত্র, কেহ নিষ্পরোয়া ভাবে ধূমপান কচ্ছে, ছুই চার জন লোক এক পাশে বসে খোসগল আরস্ত করে দিয়েছে। মনে করেছিলুম বুঝি বিহুতি ভূষিত অঙ্গ, ব্যাঘ্রচর্ম্মাসন, কমণ্ডলুধারী, রুদ্রাক্ষ শোভিত যোগীবরকে অগ্নিকুণ্ডের মধুখে উপবিষ্ট দেখবো। চারিদিকে পূজার্চনার দ্রব্য এবং সংযত ধর্ম্মালোচনাতৎপর বিনীত শিষ্য মণ্ডলীকে দেখা যাবে। কিম্বা এ নারায়ণের সেবাইৎ, বিহুতি, ব্যাঘ্রচর্ম্ম, রুদ্রাক্ষ পরিবেষ্টিত যোগী না দেখি, বৈষ্ণবের মত একটা কিছু নিশ্চয়ই দেখতে পাবো; কিন্তু হৃৎকের সঙ্গে বলতে হলে, সে আশায় ভারি নিরাশ হলুম, মোহান্তের আফিসে উপস্থিত হয়ে যে দৃশ্য দেখলুম বড়-বাজারের কুঠীয়াল কি মাড়োয়ারী মহাজনের গদীর সঙ্গেই তার তুলনা হতে পারে। একটু সস্তম, একটু বিনয়—কোন ভাব এখানে নেই, যেন ধর্ম্ম কর্ম্ম শুধু ভান মাত্র, ব্যবসা করাই এসমস্ত অহুষ্ঠানের উদ্দেশ্য। দেবতার দ্বারেও অর্থের-খ্যাতি, অর্থের সম্মান, প্রেম ভক্তি বিনয় প্রভৃতি হৃদয়ের দেবভাব অপেক্ষা অধিক। যেখানে অপার্থিব দেব মাহা-য়োর উপর তুচ্ছ সংসারের কোলাহল এবং হীনতা প্রতিষ্ঠিত সেখানে দেবমর্ধ্যাদা বিড়ম্বিত।

আমি মোহান্তের সম্মুখে উপস্থিত হবামাত্র “আইয়ে বাবু সাব” বলে মোহান্ত অভিবাদন করলেন, সকলেই সরে সরে আমার জন্ত একটা যায়গা করে দিলে, আমি মোহান্তের অহুরোধ-ক্রমে এক পাশে উপবেশন করলুম। মোহান্ত মহারাজ গল্প কর্তে লাগলেন, তাঁর গল্পে বাজে-কথাই বেশী, ধর্ম্ম প্রসঙ্গ সখকে তাঁর তেমন আগ্রহ দেখলুম না, বরং সে সখকে কিছু বলে তিনি কৌশল ক্রমে কথাটা উল্টে দিতে চেষ্টা করেন। স্তরং সচরাচর মোহান্তরা যে শ্রেণীর লোক ইনিও যে সে শ্রেণীর বেশী উপরে তা মনে করবার বিশেষ কোন কারণ দেখলুম না। যোশীমঠ সখকে কথা হলে তিনি এই বলেন উক্ত মঠ শঙ্করাচার্য্য স্বামীরই প্রতিষ্ঠিত, যোশীমঠে ছচারি খানি পুস্তক আছে, তার কোন কোন খানি পাঠোপযুক্ত এবং তা হতে অনেক পুরান সত্য সংগ্রহ করা যেতে পারে কিন্তু সে জন্ত কষ্ট স্বীকার করে এমন লোক প্রায় দেখা যায় না; স্তরং পুস্তক-গুলিতে যে সত্য সংগৃহ্য আছে, তা শীঘ্রই চিরবিলীন হয়ে যাবে। মোহান্তের কাছে যে বিশেষ কিছু প্রত্যাশা নাই, তা তাঁর কথার তাবই বুঝতে পারলুম।

এই সমস্ত কথাবার্তা শেষ হলে তিনি আমাকে ডাকবার কারণ বললেন। তিনি বলেন যে মন্দিরটি জীর্ণ হয়ে গেছে, এখন হতে যদি জীর্ণ সংস্কার না করা হয় ত হিন্দুর একটি প্রধান কীর্তি লোপ হবে, তাই তিনি জীর্ণ সংস্কারের কাজ আরম্ভ করে দিয়েছিলেন, কিন্তু এই কাজে বহুল অর্থের প্রয়োজন, এদিকে তেমন বড় লোক বেশী আসেন না, অল্প লোকের দৃষ্টি নেই, স্তত্রাং মোহান্ত মহাশয়ের ইচ্ছা ছোট বড় সকলের কাছে চাঁদা সংগ্রহ করে হিন্দুর এই মহাতীর্থকে বজায় রাখেন। এ সমস্ত কথা মোহান্ত একা বলেন না, তাঁর মোসাহেবেবরাও অনেক কথা বলেন। সমস্ত কথা শেষ হলে মোহান্ত মহাশয় একখানি চাঁদার খাতা বের করেন; এবং আমার হাতে দিলেন, আমি খাতাটি উল্টেপাল্টে দেখে মোহান্তের হাতে ফেরত দিলাম, এবং আমার দীনতা জানিয়ে বললাম আমার অবস্থায় মোহান্তের হাতে ফেরত দিলাম, এবং আমার দীনতা জানিয়ে বললাম আমার অবস্থায় যথায়োয্য মিতে প্রস্তুত আছি। কিন্তু আমার কাছে যে কিছু টাকা কড়ি আছে তা অতি সামান্য, তা এই দীর্ঘ পথের পাথের হিনাবেই বখেই নর—স্তত্রাং তা হতে কিছু দান থররাত করা যায় না, তবে শঙ্করাচার্যের প্রতিষ্ঠিত এই মন্দিরের একখান পাথর গাঁথনার খরচের যদি দাহ্য্য কর্তে পারি তাহলে আমার অর্থ মার্ফক। আমি পাঁচটি টাকা দিলাম, মোহান্ত মহাশয় বলেন পারসী হরফমে মং লিখিয়ে আংরেজিমে দস্তপং কর দেনা” তিনি মনে করেছিলেন আমি যখন বাবু তখন আমি ইংরাজি ফার্সি উভয় বিদ্যাত্তেই পারদর্শী। কিন্তু আমি ত আর ফার্সি জানিনে আমি বললাম নাগরীতে দস্তপং করি। কিন্তু একথা শুনে মোহান্ত ব্যস্তভাবে বলেন “নেহি নেহি বাবু আংরেজি লিখনেসে দস্তপংকি কদর মাস্তি হোগা।” বুললুম ইংরাজী দস্তপংতের মান বেশী। মোহান্তের এই এক কথাত্তে আরও অনেক বিধর বুলতে পারলাম; ইংরাজীতেই নাম সই করে সেখান হতে বের হলুম।

শ্রীজগদগর মেন।

প্রহসন।

অষ্টম দৃশ্য।

নরেন্দ্র বাবুর অন্তরস্থ গৃহ। জোঠাইমা সন্ধ্যায় প্রবৃত্তা।

উড়ে ঝি। বড় দিদি ঠাকুরাণ, ভা ভা এঁয়া এঁয়া এঁয়া এঁয়া ই ই ই ই ই রে।

জে। কি হয়েছে বুড়ী কাঁদচিস কেন ?

উ। হঃ-হঃ-হঃ-হঃ-হঃ-অঃ-অঃ-অঃ-অঃ আঁ আঁ আঁ আঁ।

জে। আরে মোলো কেঁদে কেঁদে গেলি যে। কি হয়েছে বল না ?

উ। মু কাঁদিমি না কাই করি মি ? হিঁ ই ই ই ই ই ই ই।

জে। কেউ কি তোকে কিছু বলেছে ? কি করে বুঝব কেন কাঁদচিস। বুড়া মাগী এক সং।

উ। (সরোদনে) তিমিত দেখিমি না। চক্ষে দেখিকিড়ি আইলা তাই আঁখি ফাটিকিড়ি জড় বাহিড়িলা।

জে। প্রভা কোথায় ?

উ। বলাই মোড় পিড়তা ভাত খাইকিড়ি খেড কড়িতে লাগিলা।

জে। তবে কি ভাল করে বল এইখানে বোস স্থির হ।

উ। (উপবেশন) কড়তা বাবু পিড়তার যে বড় ঠিক কড়িলা মু দেখিকিড়ি আইলা।

জে। (সোৎসুক) কেমন বরটি রে ?

উ। কেম-ড়-বড়-টা-রে ? ভা ভা এঁয়া এঁয়া এঁয়া উঁ উঁ উঁ উঁ উঁ।

জে। মরণ আর কি !

উ। মোড় মড়ন নাই। (চক্ষু মুছিয়া) সোনার পিড়তার বুড়া বড় হইলা।

জে। (বিস্মরে) বুড়া—বর ! বলিস কি রে ?

উ। মু কাঁই মিছা কথা কহিমি ?

জে। ইয়ারে ঝি তার চুলগুলো কি সব দান ? ঠাকুরপো বলে একটু বয়স হয়েছে বটে কিন্তু দেখতে বেশ। তাই আমি রাজী হয়েছি।

উ। মু যে টিকে দিন ঐ বাবুর বাড়ী কাম কড়িখিলা মু যে জানি লা পাঁচশ ষাট পাড় হই গেলা।

ছে। ও বাবা! হীরের গুড়ো প্রভা আমার বুড়োর হাতে! আমি বেঁচে থাকতে? ঠাকুরপো এদিকে আমি যা বলি শোনে আর প্রভার বিয়ের কথা শুনবে না। আজ যদি এখানে প্রভার মা থাকত তা হলে আছড়ে পড়ত। আমি মাছুম করেছি প্রভা আমার। ঠাকুরপো আমার কথা অবিশ্যি শুনবে।

উ। পিড়ভা তোড় ঝিয়ারি মোড় কলজেড় ঝিয়ারি। বাবু যদি ঐ বুড়োটোর সাথে পিড়ভার বিয়ে দিবে, মু মাথা ফাটারে কিড়ি কাঁদিবা। আঁখিড় রকত বাড় করিবা। জে। আর কাঁদিস নি। চল আমরা দুজনে ঠাকুরপোর কাছে যাই। দেখি কি হয়।
উভয়ের প্রস্থান।

নবম দৃশ্য।

নরেন্দ্র বাবুর বহিদ্দিকস্ত গৃহ।

ছই ভ্রাতার উপবিষ্ট।

ন। ভাই আজ তুমি এসেছ ভাল হয়েছে। তোমার সঙ্গে অনেক পরামর্শ আছে।
একজন চাকরের প্রবেশ।

চ। বাবু একজন চাপরাশী এই চিঠিখানা দিয়ে গেল।

ন। টেবিলে রেখে যা।

হ। আপনি নাকি প্রভার বিবাহের সমস্ত স্থির করেছেন।

ন। ঠিক—হ্যাঁ—একরকম—বটে।

পুনরায় ভ্রাতার প্রবেশ।

ভ। বাবু ডাকপিয়ন এই বড় পত্রখানা এনেছে।

ন। দেখি। বড় জরুরি পত্র।

ভ্রাতার প্রদান ও প্রস্থান।

হ। দাদা, আজ যে চিঠিতে চিঠিতে স্তপাকার হয়ে উঠল।

ন। বড় মুস্থিলেই পড়েছি।

হ। কেন আবার কি হল?

ন। এই দেখ না কতগুলো চিঠি জড় হয়েছে। আমি পারিনে তুমি পড় ত ভাই।
সকালে কতগুলো এসেছে আবার এখন।

হ। (প্রথম পত্র পাঠ)

প্রিয় নরেন্দ্র,

তোমার সহিত আমার যদিও পূর্বে পরিচয় ছিল, কিন্তু বহুদিনের অদর্শন; তুলিবারই কথা। নতুবা সহপাঠী বীরেশ্বরকে তুলিবে কেন? সে যাহা হউক গুনিলাম তোমার একটা বিবাহযোগ্য কন্যা আছে। আমার একমাত্র পুত্র শ্রীমান নবকিশোরের সহিত বিবাহ দিবার মানস করিয়াছি। তাহা হইলে আমাদের পূর্ব বন্ধুত্ব দৃঢ়বদ্ধ হইবে। শীঘ্র উত্তর দিবে কারণ দশদিনের মাত্র ছুটি। বলা বাহুল্য নবকিশোর এণ্টেন্স পাশ হইয়াছে।

তোমার অভিনন্দন

বীরেশ্বর চট্টোপাধ্যায়।

ন। ওঃ হোঃ বীরেশ্বর লিখেছে তার ছেলের সঙ্গে আমার মেয়ের বিবাহের জন্ত। এর চেয়ে আত্মাদের বিষয় কি হতে পারে? কিন্তু—

হ। এই চিঠিখানার সঙ্গে আর একখানা আছে।

ন। কে লিখেছে দেখ ত।

হ। আপনার আফিসের বুককিপার পূর্ব পত্রের বিষয়ে বিশেষ মনোযোগী হতে অনুরোধ করেছে।

ন। ভাল! তারপর এগুলো পড়। এখানা আমাদের আফিসের এন্টিকার্কের হাতের লেখা দেখছি।

হ। সেও যে প্রভাকে বিয়ে করতে চায়। বেশ ছেলে সচ্চরিত্র সুপুরুষ প্রভার যোগ্য বর।

ন। আর মাথা মুগু! সবগুলো এখন পড়ে যাও। আমার মাথার ঠিক নেই।

হ। (চতুর্থ পত্র) এখানা আপনার শ্বশুরবাড়ী হতে এসেছে।

ন। সেখানে আবার কি হল।

হ। (পত্রপাঠে সহাস্তে) দাদা আজ দেখছি প্রভার বরের ছড়াছড়ি। এখানা বড় মামা লিখেছেন।

ন। কি লিখেছেন?

হ। ভূপতিচরণ রায় বলে একটি সুপাত্রের সহিত প্রভার সন্ধক করেছেন। বিশেষ কিছুই দিতে হবে না শুধু মেয়েটি চায়।

ন। এও ত বেশ সন্ধক। আমার অবস্থায় এর চেয়ে আর কি ভাল বন্দোবস্ত হতে পারে।

ঘটকীর প্রবেশ।

(স্বগত) এ আবার কোথা হতে?

ঘ। বাবু আপনি আমাকে যেখানে পাঠিয়েছিলেন, তাদের খুব মত আছে। বিশেষ বর আপনার প্রভাকে কোথা থেকে দেখেছে। এখন তারা আজই পাকা পত্র করতে চায়।

হ। কোনটা দাদা ?

ন। আমাদের আফিসের কেসিয়ার দীননাথ গাঙ্গুলি।

হ। (হাসিয়া) এখন ঘটকীকে কি বলবেন বলে দিন।

ন। বাছা, আমার আজ বড় শরীর অসুস্থ করেছে, কাল সকালে তোমাকে খবর দেব।

ঘ। দেখবেন বাবু যেন হেলায় হারাবেন না। এমন সখন্ধ এমন পাত্র আর পাবেন না। আহা ছেলেত নয় যেন হীরের টুকরো। সোণা একদিকে আর পাত্র একদিকে। বড় বেশী দিতে হবে না। কুলের ঘর। সাড়ে তিন হাজারের মধ্যে সব। একি কম স্নবিধা। বিবাহ হলে আপনার মেয়ে যে কি স্নখী হবে তার কি বলব। যেমন শশুর শ্বশুরী তেমনি বাড়ী ঘর। কলকাতার কাছে। ছুফটার রাস্তা। আপনারা যেমনটা চান তেমনি মিলেছে।

ন। সব বুঝলেম। আজ পাকাপত্র করতে গেলে আমাকে সেখানে ত থাকতে হবে। আমি যে মাথা তুলে বসতে পারছি নে।

ঘ। তবে আমি চলেম। খুব সকালে আসব। ঘটকীর প্রস্থান।

ন। সেই ভাল। ভাই হরেন সত্য সত্য মাথা ঘুরচে। কাকে রাখি কাকে তাড়াই স্থির করতে পারছি নে।

হ। আজ গঙ্গাধর চৌধুরীর বাড়ী থেকে লোক আসবার কথা আছে না ?

ন। আমি এখনি বারণ করে পাঠাব। সেও একটা বিষম সমস্যা। বড় বৌ ঠাকরণ বৈকে বসেছেন। তার সঙ্গে সঙ্গে কি মাগী ক্ষেপে... দিনরাত্রি বিড় বিড় করছে কাঁদছে বলে বুড়ো বরের সঙ্গে বে দিতে দেব না।

হ। ভাগ্যি সেজবৌদিদিকে সঙ্গে আনি নি তা হলে মহা বিদ্রাট উপস্থিত হত দেখছি।

ন। সে আর বলতে। আমি ক্ষেপে যাব দেখছি তুমি যদি এর একটা উপায় না কর।

হ। (চিন্তাপূর্ণক) আমার বুদ্ধিতে একটা যোগাচ্ছে। আপনি যদি সম্মত হন। তা হলে সকলদিক বজায় থাকে। অথচ আমাদের প্রতি কারো কোপদৃষ্টি পড়ে না।

ন। আমি কি বুঝছি না। বন্ধুবিচ্ছেদ আত্মীয়বিচ্ছেদ, হয়ত চাকরি নিয়ে টানাটানি, বৌ ঠাকরণের প্রাণে দারুণ আঘাত দেওয়া, যা এজীবনে কখনো করিনি। এমন কি গ্রাণে গিয়ে বাস করা ভার হবে। তুমি কি উপায় স্থির করেছ বল। আমি জানি আমার মত হতবুদ্ধি অপেক্ষা তোমার উদ্ভাবিত বুদ্ধি অনেক কাজ করবে।

হ। এদের একজনের সঙ্গেও বিয়ে দেওয়া হবে না। আমার বন্ধু বরেন্দ্রই দবার চেয়ে যোগ্য পাত্র। এক কাজ করা যাক। এদের সকলকেই একটা অছিলা করে নিমন্ত্রণ করা যাক। বরেন্দ্রকেও আনতে বলি। আর প্রভাকে বলে দিই বরেন্দ্রের গলাতে যেন মালা দেয়।

ন। স্বয়ম্বর না কি ?

হ। হলেই বা, তাতে দোষ কি ? আপনি না পারেন তার পর যা করতে হবে আমার ভার।

ন। আমার মনে কিছু ভাল লাগচে না। তোমার উপর ভার দিলেম আমার প্রভা ও মান তোমাকে ছুইই রক্ষা করতে হবে।

হ। এই মতলব ভিন্ন আমি আর কোন উপায় দেখিনি। কেন না সকলেই প্রায় আপনার আফিসের লোক। সকলের কোঁক একদিকে। আমি শুনেছি এবং আরো বেশ জানি আপনি যত না জানেন। যাকে অমত করবেন সেই আপনার শত্রু হবে।

ন। তবে তুমি সব উদ্যোগ কর। কাল সন্ধ্যাবেলা হবে। বড় বোঁঠাকরণ কেঁদে মারা তাঁকে একটু বুঝিয়ে আদি। প্রভার কপালে যা আছে হবে আমি আর ভাবতে পারি নে। উভয়ের প্রস্থান।

দশম দৃশ্য।

নরেন্দ্র বাবুর বাটার সন্নিকটস্থ রাজপথ। বুককিপার ভূপতি রায়ের প্রবেশ।

ভূ। মনের আনন্দেই চলেছি। যথার্থই কি আজ আমার রত্ন লাভ হবে ? যখন নরেন্দ্র বাবু নিজে লিখেছেন তখন অবশ্যই। (নবকিশোরের অস্ত পথে প্রবেশ)

ন। এখন আর আরি ঝাড়ুদার নই, চাকর নই, রাজা বুলেই হয় সম্রাট বুলেই চলে। কারণ যে রাজ্যের অধীশ্বর হতে যাচ্ছি তাতে মহারাজ অপেক্ষা আমার সম্পদ অধিক। (সম্মুখে দৃষ্টিপাতে) বাড়ীটা দেখছি দিবা সাজান হয়েছে। তবে কি নরেন্দ্র বাবুর ইচ্ছা আজই বিবাহ হয়। (ঈষৎ হাস্তে) তাতে কি আমার অনিচ্ছা ? বাবা কিছু মনস্কু হতে পারেন। তিনি আমোদ করতে পেলেন না। কিন্তু বধুর মুখ দেখলে তাঁর সকল ছঃখ দূর হবে। ভিন্ন পথে এষ্টিকার্কের প্রবেশ।

ধী। সত্য সত্য কি আজ আমার বিবাহ। হরেন্দ্রবাবুর পত্রের ভাবে সেই রকম বোধ হয়। তবে আমার অদৃষ্ট ! এই জন্মই কি আমার এতদিন বিবাহে ইচ্ছা ছিল না। নব্বলে পড়েছি প্রথম দৃষ্টিতে অল্পরাগ; আমাতে কি বর্ণে বর্ণে ফলে গেছে ! আর একদিনও বিলম্ব ভাল লাগে না। সকলি অল্পকুল কেবল এক ভাবনা আমি বিষয় সম্পত্তিহীন। তা হলেমই বা। “স্বামী ভাগ্যে ধন।” অমন রূপগুণবতী ভাৰ্যা যার তার আবার বিষয় ভাবনা কেন ? প্রাণের অদম্য উৎসাহে উপার্জনে ব্রতী হব। ছুই বৎসরের মধ্যে নরেন্দ্র বাবুর জামাতার ক্ষমতা দেখে সকলে অবাক হবে। (গ্রন্থরস)

কেসিয়ারের প্রবেশ।

কে। ঘটকীর ৭ টার সময় আসবার কথা ছিল আমি ছটার সময় বাড়ী থেকে বেরিয়েছি। বাড়ীর লোককে বলে এসেছি সে ঠিক এখানে এসে পৌছবে। আর না যদি আসে তাতেই বা ক্ষতি কি? নিজেই হাল ধরব। নরেন্দ্রবাবুর পত্রে লেখা ছিল “প্রভা স্বয়ং পতিবরণ করবে।” এর ভাব কি? স্বয়ম্বরের ন্যায় একটা কিছু নরেন্দ্র বাবুর মাথ হয়েছে বোধ হয়। সে আরো আনন্দের কথা। বাঙ্গালীর ঘরে বর কস্তাব বিবাহের পূর্বে দেখা শুনা হয় না। সেই জন্ত পরে পরস্পর মনোমিলন ঠিক হয় না। কেবল নিরুপায়ে স্প্রীতিহ্বরে আবদ্ধ হয়। কিন্তু আমার বেলা বিপরীত হবে। প্রাণে আনন্দের চেউ খেদছে। আর কিছু নয় আজ একবার ভাল করে কাছে দেখতে পাব। কথা কি কইবে না? কইতেও পারে। শীত্র শীত্র যাই। আঃ পথগুলো কি আমারি জন্তে এত লম্বা হয়েছে!

প্রস্থান।

নরেন্দ্রবাবুর দ্বারদেশে জমানারের প্রবেশ।

জ। (স্বগত) আজ নরেন্দ্রবাবু বাড়ীটাকে সাজিয়েছেন বেশ। মনে করেছেন বড়লোক জামাই হবে তাঁর মাছের জন্ত এ সব করতে হয়। কিন্তু তিনি জানেন না গঙ্গাবর রার এখন আর বড়লোক নয় তাঁর পায়ের ধুলো। অমন রূপবতী স্ত্রীশীলা কস্তার পিতা অপেক্ষা সম্পত্তিশালী আর কে? নরেন্দ্রবাবু তুমি আমার সমস্ত বিষয় নিয়ে যদি কেবল প্রভাকে দাও তা হলেই এ দাস কৃতকৃতার্থ হবে। আজ চাটুর্ঘ্যেকে সঙ্গে ধরা হয়নি। কারণ নরেন্দ্রবাবু “বিশেষ নিমন্ত্রণ” লিখে পাঠিয়েছেন। প্রভামরাকে বোঝার আমার কাছে আনবে। ছুদিন বাদে যে স্বামী হবে তার সঙ্গে কথা কইতেই বা কি দোষ আছে? যদি কাছে আসে গেটোকত সংস্কৃত শ্লোক শুনিতে দিতে হবে। কেন না এখনকার মেয়ে মুর্থ বরকে মনে মনে ঘৃণা করতে পারে। দেখি মনে আছে কি না নন্দনমস্তার সেই শ্লোকটা (মনে মনে চিন্তা)।

হ। আস্থন আস্থন। হরেন্দ্রবাবুর অগ্রসর হওন।

জ। নরেন্দ্রবাবু কোথা?

হ। তিনি অত্যাচ্ছ কাছো বড় ব্যতিব্যস্ত আছেন। চলুন দালানে বসবেন। আপনি এসেছেন তাঁকে খবর দিই গে এখন আসবেন।

জ। অত্যাচ্ছ কাকেও কি নিমন্ত্রণ করা হয়েছে?

হ। আজ্ঞে দাদার আফিসের কয়েকটা বন্ধুকে মাত্র।

জ। চলুন।

দালানের মধ্যে চেয়ারে উপবেশন। নবকিশোরের প্রবেশ।

হ। এই যে একজন এসেছেন। এই চেয়ারে বসুন।

বুককিপার ও এন্টিক্লার্কের প্রবেশ ও উপবেশন।

কেসিয়ারের প্রবেশ।

হ। আপনি বসুন। আপনারা সকলে এসেছেন দেখলে দাদা মহাশয় কত আনন্দিত হবেন। (স্বগত) সকলকেই আনন্দিত দেখছি, কিন্তু— হরেন্দ্রের প্রস্থান।

একাদশ দৃশ্য।

হরেন্দ্রের গৃহ।

হরেন্দ্র ও তাহার বন্ধু বরেন্দ্র।

হ। চলনা দালানে একবার বসবে।

ব। না ভাই কেন আমাকে রুগা অনুরোধ করছ?

হ। কেন ভাই এতে দোষ কিছু দেখি না। ভদ্রলোক বসবে—

ব। (হাসিয়া) ওরা হয়ত মনে করবেন আমি ওদের একজন প্রতিদ্বন্দী। (দীর্ঘনিশ্বাস তাগ)

হ। (স্বগত) তুমি আমাকে ঠকাবে? আমি তোমাকে ঠিক ধরেছি। আজ ছুদিন ধরে তোমার পরীক্ষা করছি যদি না তুমি ও পড়ে থাক তা হলে তা হলে আমি যে এম ডি এক-জামিন দিয়েছি সে সব মিথ্যা। (প্রকাশ্যে) ওরা তা কখনই মনে করবেন না। আর যদিই বা তাই হয় তা হলেই বা কি?

ব। কেন ভাই এত জেদ? এলেম ষ্টুডেনসিপের টাকা আদায় করতে, ধরে রাখলে যাচ্ছা তাই। আবার অচ্ছ কথা এখন কেন ভাই?

হ। আমি দাদাকে ডেকে আনি। তিনি বলেন নি বলে বুঝি তোমার মন উঠছে না।

প্রস্থান।

ব। হরেন শোন শোন—চলে গেল। আমি যে কেন যেতে চাচ্ছি নে তার তুমি কি বুঝবে? আমি যে কি জন্ত তোমাদের বাড়ী এসেছি তার তুমি কি জান? থাকতে বললে আমি চোরটার মত আজ্ঞা পালন করলেম মানে কি নেই? জন্ম বিদীর্ণ হয়ে যাচ্ছে তবু এখনও ঘরের ভিতর স্থির হয়ে রয়েছি এটা তুমি ত তুমি স্বয়ং বিধাতা ভিন্ন আর কেহ জানেন না জানবেনও না। আজ সে এক বছরের কথা একটাবার এখানে এসেছিলেম, একবার মাত্র দেখেছিলেম। সেই অবধি সে দেবীমূর্তি এ পাষাণে খোদিত হয়ে গেছে। কাল পুনর্বার বহুদিনের পর সেই প্রিয়দর্শন। প্রাণ আকুলিত হয়েছে। যখন প্রভা দত্তার ঘাবে তখন অন্তরাল থেকে প্রাণভরে একবার দেখে নেব এইমাত্র বাসনা। তাতে তুমি আর বঞ্চিত করো না। ভাই হরেন, জানি প্রভা আমার হবে না। বড় বড় মহারথী যে জন্ত লাগানি আমি কোন পুঙ্খানুপুঙ্খ সে আশা রাখব তবু মন বুঝে না। (বরেন্দ্র চিত্তাঙ্গ)

নরেন্দ্রবাবুর প্রবেশ।

ন। (হস্তধারণে) এস বরেন দালানে বসবে চল। এখানে একা কেন? উভয়ের প্রস্থান।

দ্বাদশ দৃশ্য।

হরেন্দ্রের গৃহ হরেন্দ্র ও প্রভা।

হ। প্রভা, আমার কথা শুনবিনে?

প্র। কাকা বাবু—

হ। কাকাবাবুকে এত ভালবাসিস এত মাঝ করিস আর আজ একটা কথা রাখবিনে?

প্র। কাকাবাবু, আপনি কি বলছেন? আমি সে পারব না আর যা বলবেন সব শুনব।

হ। আচ্ছা তোমাকে কিছু করতে হবে না। শোভাকে দিয়ে যে কাগজ গুলো দিয়েছিলেম সব পড়া হয়েছে।

প্র। (অধোমুখে) হয়েছে।

হ। তবে সকলিত জেনেছ। তাতে ছজনের রূপ গুণ বিদ্যা ধর্ম কর্ম বিষয় আশয় যা কিছু সব লেখা আছে। অবশ্যই তার মধ্যে কোনটা না কোনটা তোমার বরণীয়। তবে আমাদের মতে বরেন্দ্রই যোগ্যপাত্র।

প্র। (নীরব)

হ। দেখ প্রভা, আর কিছুর জ্ঞান নয়। আমি পোকের দ্বারা অনুসন্ধান করে জেনেছি, দাদা যাকে বঞ্চিত করবেন সেই তাঁর পরম শত্রু হবে। গঙ্গাধর রায়ের বংশ দেশে আমাদের কত শত্রুতা করেছিল জানত। তোমাকে বিবাহ করতে না পেলে সে শত্রুতা ভয়ানক বৃদ্ধি হবে। আর দেখছ দাদার এক আর্ফিসের চারজন। যেন সকলে ষড়যন্ত্র করে তোমার হস্তপ্রার্থী হয়েছে। এরাও যে কম তা মনে কোর না। তবে সামান্য ইতর-বিশেষ আছে মাত্র। দাদাও ভেবে অস্থির। তাই আমি এই উপায় করেছি। যদি তোর মনোনীত নয় বলা যায় তা হলে আমাদের অপরাধ হয় না।

প্র। (অধোমুখে নিয়ন্ত্রণে) আমি একটাবার মাত্র ছ মিনিটের মত যাব। কিন্তু আমার সঙ্গে শোভা আর বিভা থাকবে। তারা যা করবে তাই হবে।

হ। সেই ভাল আমি তাদের তোমার কাছে পাঠিয়ে দিই। প্রস্থান।

উড়েনী ঝির প্রবেশ।

উ। বড় দিদি ঠাকরণ কাঁই গেলা? হিঃ হিঃ হিঃ হিঃ হিঃ। পিড়তার কত বড় আসিখিলা টিকে দেখিলা না। হঃ হঃ হঃ হঃ হঃ।

জ্যোতাইয়ার প্রবেশ।

জ্যো। ও বুড়ী শীঘ্র শীঘ্র আয় আয়।

উ। মোড় বড় হাসি পাইলা মু কাম কড়িতে পারিমি না। হা হা হা হা হা।

জ্যো। (সহাস্ত্রে) এর পর হাসিস। খাবারের জায়গা গুলো করে রাখবি চল।

উ। মোড় হাসিকিড়ি নাড়ী ফাটি গেলা। টিকে সবুড় কর। এখন মোড় মাথা ফাটিয়ে কিড়ি ফেলিলে মু যিমি না। হি হি হি হি হি হিঃ।

জ্যো। আরে প্রভা ডাকছে।

উ। পিড়তা! বটে চল।

উভয়ের প্রস্থান।

ত্রয়োদশ দৃশ্য।

সভা প্রাপ্তন।

সকলে উপস্থিত। নরেন্দ্র বাবু ও প্রভার প্রবেশ।

ন। প্রভা, ইহার সকলেই তোমার বিবাহ করিতে অভিলষী সকলেই প্রায় রূপে গুণে সমতুল্য। (হস্ত দ্বারা মুখোত্তলন) একবার দেখ মা জননী কোনটি তোমার মনোনীত।

প্র। (অধোবদনে স্থিতি)

শো। (জনাস্তিকে) বাবা, দিদিমণি লজ্জা করচে আপনি একবার ঐ দিকে যান।

নরেন্দ্র বাবুর প্রস্থান।

নব। (স্বগত) এ পাপগুলো কোথা হতে জড় হলো? আমি এর পূর্বে কিছু জানতে পারিনি।

ডু। (স্বগত) বড় বড় নক্ষত্রের কাছে আমি ক্ষুদ্র আলো মিটমিটে হয়ে গেলাম। তবে আমার একটা আশা প্রভার মাতামহের অহরোধ অবশ্য পালনীয়।

দী। (স্বগত) দেখছি আমার নিতান্ত ছরাশা। শুনেছিলেম কোন সম্বন্ধ হয় নাই আর আজ একেবারে ছজন কি আশ্চর্য্য! কিন্তু ছজনের মধ্যে সেই যে ভাগ্যবান সে কে আমি? ঈশ্বরের ইচ্ছায় গরীব ধনী হয় ধনীও গরীব হতে পারে। আমি তাঁর স্মরণ করি।

কে। (স্বগত) চক্ষে দেখেও স্মৃখ। এত রূপ! এত নম্রতা! যেন লজ্জামাখান মাধুরী স্বয়ং মূর্তিসমতী। প্রতিদন্দ্বীদেব মধ্যে আমি কি সকলের অপেক্ষা অমনোনীত? কিসে? স্ত্রীলোক বুদ্ধ ও বালক অপেক্ষা যুবাকে মনোনীত করে। বোধ হয় আমার যুক্তি বিফল হবে না।

প্র। (স্বগত) এস প্রিয়তমে, আর কেন দূরে দাঁড়াইয়া, এস প্রানে প্রানে মিশে যাই। এই কণ্টকগুলো কি তোমার পায়ে বিধছে? তুমি আমার হৃদয়েশ্বরী হয়ে বোস; ওরা

কোন ছার, গ্রামকে গ্রাম নগরকে নগর উৎসন্ন করে দেব। সুধু তুমি একবার আমার বামে দাঁড়াও তোমার মোহিনী চক্ষু ছুটা হৃদয়ের ছাঁচে তুলে নিই। মালা ছড়াটা গাথতে তোমার কচি চম্পকাসুলিতে কত লেগেছে। না না আনন্দেই গেথেচ। কারণ সে যে আমার জন্ম। যখন তুমি আমার পরাবে তখন এই অর্কটীনগুলো জানবে কি ছুঃসাহসে এখানে এসেছে। গঙ্গাধর রায়ের নয়নের মণি হৃদয়ের প্রাণ আঁধারের আলো চক্ষে দেখনি এই তোদের পরম ভাগ্য।

ব। (স্নানভাবে স্বগত) আমি কি প্রভার যোগ্য? না না এ যে স্বর্গের জিনিষ।

শো। (মুহূষরে) দিদিমণি এস না। এখনও কি তোমার দেখা হয়নি?

প্র। (মুহূষরে) ভাই শোভা, আমার হয়ে তুই মালাটা নে।

শো। (মুহূষরে) দূর, তোমার বে আমি মালা দেব বাঃ!

প্র। না ভাই আমি পারবো না। আমার হাত কাঁপচে।

শো। আচ্ছা তোমার হাতটা ধরে দেব, কোনটা?

প্র। (মুখ ঝঁষৎ উন্নত করিয়া বরেন্দ্রের প্রতি দৃষ্টিপাত)

শো। (মুহূষরে) ওই সর্কের ধারেরটা? (মালা নিষ্ক্ষেপ)

উড়েনী ঝিরের প্রবেশ।

উ। হঃ হঃ হঃ হঃ হঃ হঃ হঃ। শোভা আর পিড়তাকে দিদি ঠাকুরাণী ডাকিলা। (গমন করিতে করিতে) হঃ হঃ হঃ হঃ হঃ হঃ হঃ পিড়তা আমাড চন্দ্রমুখী। পিড়তা আমার লাভগনিধি। পিড়তা আমার ফুলকুমারী।

তিনজনের প্রস্থান।

ন। (বরেন্দ্রের প্রতি রাগতভাবে) তুমি কোথা থেকে হে? বিনা নিমন্ত্রণে এসেছ দেখছি।

ব। (সহাস্ত্রে) আজ্ঞে না।

ভূ। (রাগতভাবে) তুমিত বড় বেরাদপ দেখতে পাচ্ছি। নরেন্দ্রবাবুর পরিবার সমস্যায় তুমি অপরিচিত হঠাৎ এখানে কেন?

ধী। (সক্রোধে) হরেন্দ্রবাবু, যদি অপমানিত করবার ইচ্ছা হয়েছিল নিমন্ত্রণের প্রয়োজন কি?

দী। (ক্রোধবিদ্বেষে) আমি জানি এ বাটার কেহ ভদ্রলোকের সম্মান জানে না যে জন্ম প্রথমে ঘটককে দূর করেই দিয়েছিলেন। কি গ্রহের ফের তাই আজ এখানে আসতে ইচ্ছা হয়েছিল।

জ। (দৃঢ়স্বরে) নরেন্দ্রবাবু কোথায় আমি তাকে দেখতে চাই। সে ত আমার প্রজা আমার দাসাছদাস তার কন্ঠাকে বিবাহ করতে চেয়েছিলেন এই তার দেবতার বর। তাতে আবার এত জুয়োচুরি।

ব। (ক্ষুব্ধভাবে) কেন একটা নিরপরাধ ব্যক্তিকে গালাগালি দিচ্ছেন? তাঁর দোষ কি? ন। (পূর্ববৎ) দোষ কি? তুমি চূপ কর খোদামুদে। আর জায়গা পাও নি এখানে এসেছ চালাকি করতে।

ভূ। নবকিশোর ঠিক বলেছে। যদি এইরূপ মনের ভাব স্পষ্ট বলে পাঠালেই হত। নরেন্দ্রবাবুকে অতি ভদ্রলোক বলে জানতেম কিন্তু এখন দেখছি বিড়াল তপস্বী।

ব। আপনারা যে অতি ভদ্র তা ত কথাবার্তায় দেখছি।

ধী। তোমার ফোড়ন দেবার দরকার? ক্রীলাত করেছ চূপ করে থাক বেশী কথা কইলে ভাল হবে না।

দী। জানি আমি সব জানি। সেইজন্ম এত বড় মেয়ের বিবাহ হয় নি। যেখানে মধুক আসে ভেঙ্গে যায়।

ব। বড় বেশী দূর গড়াচ্ছে। রাগে অন্ধ হয়ে দিকবিদিক জ্ঞানশূন্য হয়েছেন যে।

ন। বেশী দূর গড়িয়ে দিই এসনা। নিতান্ত ছুর্লল নই।

ভূ। প্রতিদ্বন্দ্বী হয়েছ দেখা যাক ওঠ বিলম্ব কেন? (পিরানের অগ্রভাগ গুটান)

ধী। তাই ভাল। তোমাকে কি শুণে যে নরেন্দ্রবাবু আমাতা করলেন একবার পরীক্ষা করা মন্দ নয়।

দী। আমার কাছে এমন জিনিষ আছে একেবারে নিকেশ করতে পারি। ছুঃখের বিষয় পরের বাড়ী (সক্রোধে) যাই হোক আমার আর সহ হচ্ছে না। (পকেট হইতে পিস্তল বাহির করণ)

জ। (ক্রন্দনের স্বরে) ওগো কি হবে গো আমার প্রভাকে এনে দাও গো!!!

ন। (ক্রুদ্ধভাবে) কি এত লোককে কাঁদিয়ে তুমি স্ত্রী। (কীল উত্তোলন) চল রাস্তায়।

ধী। ঠুপিড ড্যাম চূপকরে রয়েছে, যেন কিছুই জানে না। চড়ের বহরটা দেখে রাখ। যেমন এখান থেকে রাস্তায় বেরবে যা হয় একটা শেষ করব। (চড় প্রদর্শন)

দী। আজ তোরি একদিন কি আমারি একদিন। (পিস্তল ছুড়িবার উপক্রম)

ভূ। (ক্রোধে কেশ উৎপাতনে) এখানে মিছে গোল করলে কি হবে? বেরিয়ে পড়া যাক।

জ। ওহে ঐ বুরি প্রভা আমার কাঁদচে। আমার চিনতে না পেরে আর কার গলায় মালা দেছে। (রোদন করিতে করিতে চেয়ার শুদ্ধ পতন)

সকলের হড়মুড় করন হরেন্দ্রের বরেন্দ্রকে লইয়া প্রস্থান।

(সকলের ক্রন্দন)

শোভার গান গাইতে গাইতে প্রবেশ।
 শো। বাঁহবাঁ কেমন মজা বাহবা কেমন মজা।
 নতুন জামাইবাবুর হয়েছে মতন সাজা।
 কেউ তোলে কীল, কেউ তোলে চড়
 কারো বা মাথায় বেধেছে রগড়
 পিস্তল ছোটো কড় কড় কড়
 আমোদখানা দেখে যা।।
 আর সহচরী, আর স্তরী করি
 একা হেসে মরি, সঙ্গে বাঁজা।।
 (বিভার গান গাইতে গাইতে প্রবেশ।)
 বি। আহা দেখ দেখ, না পরে পলক
 বিধেছে মরম নিরাশা বাণে।
 কেহ আশ্রহার, কেহ মত্তপারা
 বহে অশ্রধারা, বিষম বয়ানে।।
 শো। হেথা দেখ ভাই, একিরে বানাই
 প্রকাণ্ড হাঁ করা, বিষম বড়ো।
 বি। আহা, বিবাহের আশে, এসেছিল সে,
 নববর বেশে, কুপোকাত শেষে,
 উভয়ে। (হাস্তের সহিত)
 মরি দেখে হাসি পায় খেদে গড়া গড়ি যায়
 বুঝি হয়েছে বা হায় চেয়ার সমেত হাড়টি গুঁড়ো।
 প্রভা পেলেছ গো বেশ, প্রাণের আদেশ,
 সেজেছেও বেশ যেন ফুলরাণী সনে ফুলের রাজা।।

সম্পূর্ণ।

গোড়া যাকবের না।

মুসলমানের অবরোধ।

বঙ্গদেশে এবং উত্তর পশ্চিম ভারতে অবরোধ প্রথা প্রচলিত আছে। যত দক্ষিণে আসা যায় তত দেখিতে পাওয়া যায় যে ক্রমে ক্রমে অবরোধের বন্ধন শিথিল হইয়া গিয়াছে। এমন কি বোম্বাই এবং মাদ্রাজ অঞ্চলের হিন্দু মহিলারা অবরোধ কাহাকে বলে জানেন না বলিলেও অতুক্তি হয় না। সকলে বোধ হয় এ কথা স্বীকার করেন যে হিন্দুদিগের মধ্যে অবরোধ প্রথা মুসলমানদের হইতে আসিয়াছে। ভারতবর্ষে মুসলমান অভ্যুদয়ের পূর্বে এ দেশে যে অবরোধ প্রথা ছিল না তাহার অকাটা প্রমাণ এই যে দাক্ষিণাত্যে কখনই স্ত্রী-স্বাধীনতা লোপ পায় নাই—কারণ, মুসলমানেরা কখনই এ প্রদেশ ভাল করিয়া হস্তগত করিতে পারেন নাই।

অনেকেই ধারণা যে স্ত্রীলোককে “পর্দায়” রাখা মহম্মদের আদেশ, এবং ইহা মুসলমানগণের ধর্ম্মাদেশ! আমরা এই প্রবন্ধে দেখাইব যে এই সংস্কার সম্পূর্ণ ভ্রান্তিমূলক। আমরা প্রসিদ্ধ আর্বা গৃহাদি হইতে প্রমাণ করিব যে স্বয়ং মহম্মদ “পর্দার” পক্ষপাতী ছিলেন না। মহম্মদের সময়ে ভদ্র স্ত্রী ও পুরুষ একত্র হইয়া অসঙ্কোচে ভ্রমণ করিতেন, সমাজে স্ত্রী ও পুরুষ একত্রিত হইয়া গল্প করিতেন, ভদ্র মহিলারা পুরুষের সহিত স্ত্রীক হাও করিতেন, অধিক কি, মহিলারা পুরুষের সম্মুখে গীত বাঁচাদিও করিতেন। “পর্দা” কিম্বা “জনানা” কাহাকে কহে, মহম্মদের সময়ে তাহা কেহ জানিত না।

মুসলমান ধর্ম্ম সংক্রান্ত কোন বিষয়ের বিচার করিতে হইলে প্রথমে কোরাণ এবং তাৎপরে হুদিমের আশ্রয় গ্রহণ করিতে হয়। এখন দেখা যাক “পর্দার” বিষয়ে কোরাণে কি আছে :—ঈশ্বর কহিতেছেন :—

(কোরাণ সূরা ত্বুন নূর ৪)

ওলায়ুব্দিনা জিন্নত হুমা ইল্লা মা জহরা মিন্‌হা ইত্যাদি।

অর্থাৎ স্ত্রীলোকের উচিত নহে তাহাদের জিন্নত (রূপ) কাহাকেও দেখান, অনাবৃত অংশ ব্যতীত। কিম্ব স্বামী, পিতা, ঋগুর, পুত্র, ভ্রাতা, ভ্রাতৃপুত্র, ভাগিনের, মুসলমান স্ত্রীলোক, দাস দাসী (মম্বুক্ অর্থাৎ গোলাম) এবং বালক বালিকার সম্মুখে জিন্নত লুকাইবার আবশ্যক নাই।

কেবল আবৃত জিন্নত দেখাইতে বারণ করা হইয়াছে, অনাবৃত জিন্নত কেহ দেখিলে আপত্তি নাই।

জিন্নত দুই প্রকার। জিন্নত বাতিনা অর্থাৎ আবৃত সৌন্দর্য্য, এবং জিন্নত জাহিরা অর্থাৎ অনাবৃত সৌন্দর্য্য।

পূর্বে দেখা গিয়াছে যে অনাবৃত জিনত দেখাইতে নিষেধ নাই। এখন দেখা যাউক জিনত জাহিরা (অনাবৃত সৌন্দর্য্য) বলিলে কোন কোন অঙ্গ বুঝায়।

প্যাগম্বরের জামাতা আলির মতে জিনত অর্থে স্ত্রীলোকের স্বাভাবিক রূপ এবং গহনাদির সৌন্দর্য্য সমষ্টি।

কিন্তু কেবল জিনত শব্দের অর্থে গোলমাল মিটিবে না। জিনত জাহিরা এই বা কাটির ব্যাখ্যার উপর সমস্ত নির্ভর করিতেছে।

প্রসিদ্ধ ইবনু ই জরির এবং ছরস্-ই-মন্সুরের মতে জিনত জাহিরা অর্থে মুখ এবং হস্তের মেহদি বুঝায়।

মেহদি আলতার ছায়া এক প্রকার রং। মুসলমান মহিলারা হাতে পায়ে এবং অন্ত্র অঙ্গে ব্যবহার করিয়া থাকেন।

উল্লিখিত দুই গ্রন্থকার বলেন যে, স্ত্রীলোকে তাহার জিনত জাহিরা যে কেহ বাটতে আইসে তাহাকেই দেখাইতে পারেন, অর্থাৎ মুখ এবং হাত লুকাইবার আবশ্যক নাই।

দ্বিতীয় খলিফের পত্র আবছুল্লাও বলিয়াছেন যে, জিনত জাহিরা অর্থে মুখ এবং হাত বুঝায়। ইবনু-ই-অবিশেবা এবং আব্দু বিনু হুমেদ প্রভৃতিও ইহাই বলেন। অত্যাচার অনেক গ্রন্থেও “জিনত জাহিরা” এইরূপ ব্যাখ্যা আছে, স্থানাভাবে এখানে উল্লেখ করা গেল না।

এখন স্পষ্টই প্রতীয়মান হইতেছে যে কোরাণের উল্লিখিত বচনটি হইতে কোন ক্রমেই প্রমাণ হয় না যে ঈশ্বর স্ত্রীলোককে “পর্দায়” রাখিবার আদেশ দিয়াছেন। যখন মুখ হাত দেখাইতে বারণ নাই, তখন আর “পর্দা” কোথায় ?

কেহ কেহ বলেন যে যদি ঈশ্বরের আজায় “পর্দার” অর্থ না হইত তাহা হইলে ব্যক্তি বিশেষের নিকট একেবারেই জিনত না লুকাইতে বলিয়াছেন কেন ? ইহার উত্তর অতি সহজ। সকল সমাজেই ব্যক্তিবিশেষের সহিত ব্যবহারের তারতম্য আছে। কাহাকেও বা অধিক বিশ্বাস করা হয়, কাহাকেও বা অল্প, কাহারও সম্মুখে অধিক সাবধানতা, কাহারও নিকট বা অল্প, ইহা যুক্তিসঙ্গত বলিয়াই বোধ হয়। এই নিয়মটি যে আপেক্ষিক বিশ্বাসের উপর স্থাপিত হইয়াছে, তাহা স্পষ্টই বুঝা যাইতেছে। কারণ মুসলমান মহিলা কেবল মুসলমান স্ত্রীলোকের সম্মুখে সম্পূর্ণ সৌন্দর্য্য দেখাইতে পারেন, কাফের স্ত্রীলোকের নিকটেও নহে।

কোরাণে আর একটি বচন আছে তাহার উপর “গোড়া” মৌলবীরা অবরোধ প্রথার ভিত্তি স্থাপন করেন।

ঈশ্বর আদেশ দিতেছেন :—

(কোরাণ, সুরাতুল্ আহ জাব্ব, রুকু ৭)

যা আইয়ু হল লজিনা * * * * * অবদা। অর্থাৎ, যখন তুমি পেগম্বরের স্ত্রীর নিকট হইতে কোন দ্রব্য চাহিতে যাও, পর্দার পশ্চাৎ হইতে চাহিও।

মৌলবী বলিবেন যে, রূপের কথা শুনিয়া বিবাহ করিতে ইচ্ছা হইলে কি হইত ? ইহার উত্তর দিতে আমরা অসমর্থ, তবে এই মাত্র বলিতে পারি যে গণক ডাকাইয়া খড়ি পাতিয়া রূপ গণিয়া বিবাহ করিবার ইচ্ছার কথা আমরা কখনও শুনি নাই এবং বুঝিতেও পারি না।

এই ত গেল কোরাণে অবরোধের কথা। এখন দেখা যাক হুদিসে কি আছে। হুদিস্ অর্থে মহম্মদ কি বলিয়াছেন এবং কি করিয়াছেন উভয়ই বুঝায়। বলা বাহুল্য যে প্যাগম্বরের কথা অপেক্ষা তাহার কার্যের উপর নির্ভর করিয়া এ বিষয়ের মীমাংসা করাই যুক্তিসঙ্গত। তাই বলিয়া কেহ যেন না মনে করেন যে মহম্মদের আদেশ হইতে “পর্দা নাই”, এ কথা প্রমাণ করিতে আমরা অক্ষম। প্রথমে দেখা যাক মহম্মদ কি বলিয়াছেন।

সইদু ইবনু-ই-মন্সুর, ইবনু-ই-জরির এবং ছরস্-ই-মন্সুর লেখক বলেন যে, প্যাগম্বর-পত্নী আরেশা বলিয়াছেন যে, একবার তাহার নিকট তাহার ভ্রাতৃপুত্রী বসিয়াছিলেন এমন সময়ে হঠাৎ মহম্মদ সেই কক্ষ মধ্যে প্রবেশ করিলেন। সেই যুবতীকে উত্তমরূপে বস্ত্রাবৃত না দেখিয়া মহম্মদ বলিলেন, যুবতীর উচিত নহে, মুখ এবং হাত ব্যতীত অল্প অল্প পুরুষকে দেখান।”

আব্দুউদ বলেন যে, একবার মহম্মদের স্থালীকা অসুমা অতি হৃদয় বস্ত্র পরিধান করিয়া মহম্মদের সম্মুখে উপস্থিত হন। মহম্মদ মুখ ফিরাইয়া বলিলেন, “যুবতী স্ত্রীলোকের মুখ এবং হাত ব্যতীত অল্প অল্প পুরুষকে দেখান অত্যাচার।”

হুদিসে মহম্মদের এ প্রকার অনেক আদেশ আছে, স্থানাভাবে অধিক উল্লেখ করা গেল না। উপরোক্ত দুইটি হইতে স্পষ্টই প্রমাণ হইতেছে যে মহম্মদ স্ত্রীলোককে মুখ এবং হাত অনাচ্ছাদিত রাখিতে বলিয়াছেন। স্ততরাং পেগম্বরের আজায় “পর্দার” মূলে কঠোরঘাত করিতেছে !

এই প্রবন্ধের প্রারম্ভে বলা হইয়াছে যে মহম্মদের সময়ে (১) স্ত্রী ও পুরুষ একত্রে ভ্রমণ করিতেন, (২) সমাজে স্ত্রী ও পুরুষ একত্র হইয়া গল্প করিতেন, (৩) ভদ্র মহিলারা পুরুষের সহিত কর-মর্দন (shake hands) করিতেন, অধিক কি, (৪) মহিলারা পুরুষের সম্মুখে গীত বাজাদিও করিতেন। আমরা এই পরম্পরা ক্রমে হুদিসের সাহায্যে চারিটি কথা সপ্রমাণ করিব।

স্ত্রী ও পুরুষের একত্র ভ্রমণ।

প্রসিদ্ধ গ্রন্থ আব্দুউদ ও ইমাম আহম্মদে দেখিতে পাওয়া যায় যে খৈবর যুদ্ধের সময়ে একটি যিফার যুবতী মহম্মদের নিকট আসিয়া যুদ্ধে যাইবার বাসনা প্রকাশ করেন। পেগম্বর জিজ্ঞাসা করিলেন, “তুমি সেখানে কি করিবে ?” যিফার যুবতী উত্তর করিল, “আমি রোগী ও আহতদিগের সেবা করিতে ইচ্ছা করি।” মহম্মদ ইহা শুনিয়া ঐ যুবতীকে সঙ্গে লইয়া যাইতে সম্মত হইলেন। যুবতী যুদ্ধক্ষেত্রে সহযাত্রী হইল। সেকালে কোন প্রকার শকট

ইহা হইতে “বিজ্ঞ” মহাশয়েরা কি প্রকারে যে অবরোধ প্রথার সৃষ্টি করিলেন তাহা ত’ আমরা বুঝিতে অক্ষম। যদি আহ জাব্ (পর্দা) শব্দ আছে বলিয়াই “পর্দার” ভিত্তি হয়, তাহা হইলে আর কিছু বলিবার আবশ্যক থাকে না।

পেগম্বরের জ্বর কাছে কোন দ্রব্য চাহিতে গেলে হট করিয়া ঘরে ঢুকিও না, এইমাত্র ঈশ্বর আদেশ দিয়াছেন। ইহা হইতে যিনি পেগম্বর পত্নীর এবং সমস্ত স্ত্রীজাতির অবরোধের ব্যবস্থা দিলেন, তিনি অবশ্যই একজন বিচক্ষণ লোক। ইংরাজ মহিলাদের ভিতর অবরোধ প্রথা নাই, কিন্তু তাহাদের কক্ষে কাহারও প্রবেশাধিকার আছে কি? ইংরাজ মহিলার কথা দূরে থাক, পুরুষেরও ঘরে কার্ড না পাঠাইয়া প্রবেশ করিলে অর্দ্ধচন্দ্র খাইতে হয়। দুই শতাব্দীর পরে হয়ত এমন কোনও “বিজ্ঞ” ব্যক্তির আবির্ভাব হইবে যিনি বলিবেন যে, সে কালে ইংরাজ পুরুষেরা “জেনানার” আবদ্ধ থাকিতেন।

বলা বাহুল্য যে সভ্য সমাজে এমন লোক অতি অল্প বাহার গৃহে দিবারাত্রি অপরিচিত লোক প্রবেশ করিলে, বিরক্ত না হন। পেগম্বর-পত্নীর বেলায় এ নিয়মের ব্যতিক্রম হইবে কেন? মহম্মদ-পত্নীকে অথবা বিরক্তি হইতে রক্ষা করিবার জন্তই যে ঐ আদেশটি হইয়াছিল, তাহা বোধ হয় সকলেই সহজে বুঝিতে পারিতেছেন।

কোরানে “পর্দার” কথা আর কোথাও উল্লেখ নাই। উপরোল্লিখিত দুইটি বচন হইতে কোন ক্রমেই ইহা প্রমাণ হয় না যে ঈশ্বর স্ত্রীলোককে অবরোধে রাখিবার আদেশ দিয়াছেন। বরং কোরানের আর একটি বচন হইতে স্পষ্টই বোধ হয় যে পুরুষে স্ত্রীলোকের মুখ দেখিলে কোনই দোষ হয় না।

ঈশ্বর মহম্মদকে বলিতেছেন :—

লা ইয়াহিন্নো লকন্নিসাও মিম্বাদো ওলা অন তবদলা বিহিন্মা মিন্ অজওয়াজিন্ ওয়াল ও আজবকা হসন্ হুমা।”

অর্থাৎ—মহম্মদ, তোমার আর বিবাহ করা উচিত নহে, অথ স্ত্রীলোকের রূপ তোমার পছন্দ হইলেও—ইত্যাদি।

স্ত্রীলোকের মুখ না দেখিলে রূপ পছন্দ হইবে কি প্রকারে? কেবল কটা রং হইলেই আরব দেশের স্ত্রী হইবে না। আরবদের পছন্দটা কিছু মাড়োয়ারি ধরণের। স্থানীয় হওয়া চাই, হস্ত ও পদ মেহদি রঞ্জিত এবং (বোধ করি) দাঁতে মিসি দেওয়ারও প্রয়োজন করে। মুখ না দেখিয়াই যে মহম্মদের অল্পবয়সে এ কথা, বোধ হয়, আদেশ দিবার সময়ে ঈশ্বরেরও মনে হয় নাই, নতুবা তাহার উপযুক্ত ব্যবস্থা হইত। অধিক কি, যদি মহম্মদের সময়ে স্ত্রী ও পুরুষের মধ্যে সামাজিক ঘনিষ্ঠতা না থাকিত, তাহা হইলে “পরস্ত্রীর মুখাবলোকন করিও না” বলিলেই ত’ সব মিটিয়া যাইত। মুখ না দেখিলে ত’ আর অল্পবয়সে জন্মিবার বিশেষ সম্ভাবনা নাই। হয়ত কোন মস্তকি (নৈয়ারিক) ছিল না। আরব দেশে উদ্ভূত গতিবিধির একমাত্র উপায়। পেগম্বর স্বয়ং যে উদ্ভূত আরোহ

করিলেন, ঐ বিফার যুবতীকেও সেই উদ্ভূতপরি নিজে পশ্চাতে বসাইয়া সংগ্রামস্থলে লইয়া গেলেন। খৈবর যুদ্ধ শেষ হইলে পুরকার স্বরূপ মহম্মদ স্বহস্তে ঐ যুবতীর গলায় হার পরাইয়া বিদায় দিলেন।

উদ্ভূতপুষ্ঠে যুবতী লইয়া স্বয়ং পেগম্বর যখন ভ্রমণ করিয়াছেন, তখন আর “পর্দা” কোথায়? ইহা ফিটনে চড়িয়া গড়ের মাঠে বায়ু সেবন করা নহে। উদ্ভূতপরি দুইজন বসিলে গাত্র সংঘর্ষণ হইবেই, বিশেষতঃ আরবের ত্রায় পার্শ্বীয় প্রদেশে যে সেইরূপ ঘটবে তাহাতে আর সংশয় কি। এ স্থলে এ বিষয়ে আমাদের নিজের মত না লিখিয়া পেগম্বরের সর্বপ্রধান পত্নী আয়েশা যাহা বলিয়াছেন তাহাই লিপিবদ্ধ করা যাউক।

ইব্ন-ই-সাদ বলেন যে, আয়েশা তাঁহার ভ্রাতার সহিত উদ্ভূতারোহণে ভ্রমণান্তে বলিলেন—
“ফতোসিবো ওয়াজহি জহরা অখি”—অর্থাৎ আমার মুখ আমার ভাইয়ের পৃষ্ঠদেশে লাগিতে লাগিল।

এখন বোধ হয় কাহারও কোন সন্দেহ রহিল না যে উদ্ভূত পুষ্ঠে বিফার যুবতীর জন্ত Reserved Ladies' compartment-এর ব্যবস্থা বোধ হয় স্বয়ং পেগম্বরও করিতে পারেন নাই। যদি তাহা সম্ভব হইত, প্রিয়তমা আয়েশার জন্ত তিনি অবশ্যই তাহা করিতেন।

কেহ হয়ত বলিবেন যে বিফার যুবতী ত’ আহতদিগের গুশ্রবা করিতে যাইতেছিল, তাহার আবার “পর্দা” কি? সেই জন্ত আর একটি ঘটনার উল্লেখ করা যাইতেছে।

পূর্বোক্ত গ্রন্থের আর এক স্থানে আছে যে নোমানকন্দি নামক একজন কাকের মহম্মদীয় ধর্ম গ্রহণ করিয়া পেগম্বরের সমীপে আসিয়া তাহার স্ত্রী বিধবা কস্তার সহিত মহম্মদের বিবাহের প্রস্তাব করিল। মহম্মদ বলিলেন “তখাস্ত”। উকিলদ্বারা বিবাহ সমাধা হইল।

বোধ হয় সকলে অবগত নহেন যে মহম্মদীয় ধর্ম মতে বিবাহের সময়ে স্ত্রী ও পুরুষ একত্রিত হইবার আবশ্যক নাই—উকিল দ্বারা সমস্ত কার্য সম্পন্ন করা যাইতে পারে। মহম্মদ এই প্রকার উকিল দ্বারা তিনটি যুবতীর পাণিগ্রহণ করিয়াছিলেন।

মহম্মদ নব পরিণীতা পত্নীকে আনিবার জন্ত আবু উসৈদ অনুদারি নামক একজন লোককে পাঠাইলেন। এই ব্যক্তির সহিত মহম্মদের অথবা তাঁহার সহধর্মিণীর কোনও সম্পর্ক ছিল না। পেগম্বরপত্নী ঐ অপরিচিত ব্যক্তির সহিত এক উদ্ভূত একটী অনাবৃত “হাউদায়” পতি সমীপে উপস্থিত হইলেন। ইহা মহম্মদের মৃত্যুর এক বৎসরের মাত্র পূর্বের কথা।

প্রসিদ্ধ তিব্বাণি এবং তব্রি নিম্নলিখিত ঘটনাটি লিপিবদ্ধ করিয়াছেন। মহম্মদের কস্তা জৈনব কানানা নামক একজন অপরিচিত কাকেরের সঙ্গে মক্কা হইতে মেদিনার পথে কতক দূর উদ্ভূত চড়িয়া গিয়াছিলেন।

মহম্মদের ভ্রমণের একটি ঘটনার উল্লেখ করিব। উহা হইতে স্পষ্টই প্রতীয়মান হইবে

যে পেগম্বর নিজে পর্দা মানিতেন না, এবং তৎকালে ভদ্র মহিলাদিগের ভিতর অবরোধ প্রথার নাম গন্ধ পর্য্যন্ত ছিল না।

মহম্মদের প্রধানা পত্নী আয়েশার ভগ্নীর নাম অস্মা। পেগম্বরপত্নীর ভগ্নী বলিয়াই যে অস্মাকে সম্ভ্রান্ত মহিলা বলিতেছি এমন নহে! অস্মা প্রথম খলিফার কন্যা, এবং ইহারই পুত্র আবুছল্লা বিন জবৈর পরে আরব পারস্ত প্রভৃতির অধীশ্বর হইয়াছিলেন। ইহার স্বামী একজন প্রসিদ্ধ জায়গিরদার ছিলেন।

সহি বুখারি এবং সহি মুসলিম্ গ্রন্থে আছে যে একদিন মহম্মদ উষ্ট্রারোহণে বন্ধু বান্দব সমভিব্যাহারে ভ্রমণ করিতেছিলেন। পথিমধ্যে দেখিলেন যে তাঁহার শালী অস্মা পদব্রজে তাঁহার ছই ক্রোশ দূরস্থিত জায়গির হইতে আসিতেছেন। মহম্মদ নিজের উটকে বসাইয়া সর্বসমক্ষে অস্মাকে আপন উষ্ট্রে আরোহণ করিতে আহ্বান করিলেন।

এই ঘটনাটি হইতে অন্ততঃ ছই প্রকারে প্রমাণ হইতেছে যে মহম্মদের সময়ে অবরোধ প্রথা প্রচলিত ছিল না। কারণ, ১—তাহা হইলে কখনই অস্মার ছায় মহিলা পদব্রজে জায়গিরে যাইতেন না, এবং ২—মহম্মদ কখনই তাঁহাকে নিজ অল্পচরবর্গের সম্মুখে উষ্ট্রে আরোহণ করিতে অল্পরোধ করিতেন না।

কোন কোন “গোড়া” মৌলবী বলিয়া থাকেন যে পেগম্বর যাহা করিয়াছেন তাহা সকলের করা উচিত নহে। কারণ, পেগম্বর “নাস্তুম্” ছিলেন, অর্থাৎ ঈশ্বর তাঁহাকে পাপ হইতে রক্ষা করিতেন। ইহার উত্তরে অপর পক্ষে বলা যাইতে পারে যে, যে যুবতীরা তাঁহার সঙ্গে উষ্ট্রারোহণে ভ্রমণ করিতেন তাহারা ত “নাস্তুম্” ছিলেন না।

হিদায়ার টীকা আইনিতে আছে যে, দ্বিতীয় খলিফার পুত্র আবুছল্লা একটা অপরিচিত স্ত্রীলোকের সহিত এক উষ্ট্রে কয়েকবার মক্কা হইতে মেদিনা গিয়াছিলেন।

হাকিম তাঁহার ইকলিল্ নামক প্রসিদ্ধ পুস্তকে লিখিয়াছেন যে সফওয়ান্ নামক এক যুবর সহিত মহম্মদের প্রিয়তমা পত্নী আয়েশা একবার মক্কার পথে কতকদূর গমন করিয়া ছিলেন। উষ্ট্রাপরি আয়েশার পশ্চাতে যুবা বসিয়াছিলেন।

বোধ করি আর অধিক উদাহরণ দিবার আবশ্যক নাই। উল্লিখিত কয়েকটি ঘটনা হইতে স্পষ্টই বুঝা যাইতেছে যে, মহম্মদের সময়ে স্ত্রী ও পুরুষ অসঙ্কেচে একত্র ভ্রমণ করিতেন, তখন “পর্দার” নাম গন্ধ পর্য্যন্ত ছিল না।

স্ত্রী ও পুরুষের কথাবার্তা।

মুসলমান মহিলারা প্রায় সকলেই কিছু কিছু লেখাপড়া জানেন। সম্ভ্রান্ত পরিবারে বালকের মত বালিকারও কোরাণ পাঠ করিতে হয়। বালিকা বয়ঃপ্রাপ্ত হইয়াও বিছাভাদ্য ভ্যাগ করেন না, মৌলবীর নিকট ধর্ম গ্রন্থাদি পাঠ করা ইহাদের এক প্রকার নিত্য কর্ম

বলিলেই হয়। মৌলবীর নিকট যখন সম্ভ্রান্ত মহিলারা বিছাছুল্লান করেন, তখন তাঁহাদের মধ্যে প্রায়ই কোন প্রকার পর্দার ব্যবধান থাকে না।

ইসলাম-ধর্ম-শাস্ত্রজ্ঞ মাত্রেই জানেন যে মহম্মদের ভাৰ্য্যাদিগের নিকট হইতেই লোকে অধিকাংশ “রিওয়ায়েত” (হাদিস) শিক্ষা করিয়াছিল। তৎকালে অবরোধ প্রথা প্রচলিত থাকিলে পেগম্বরের সহধর্ম্মীগণ কখনই রিওয়ায়েত শিক্ষা দিতে পারিতেন না।

বিখ্যাত গ্রন্থ অত্-তবরিতে আছে যে মহম্মদের পৌত্রের প্রপৌত্রী প্রসিদ্ধ ফাতিমা পুরুষ-দিগের সহিত গল্প করিতেন।

আবুল ফরজ ইসফাহানি প্রসিদ্ধ লেখক। মুসলমান সমাজে ইহার সমধিক আদর। ইনি একজন সত্যপ্রিয় লেখক, সেই জন্ত ইহাকে মুসলমানেরা সূছুক্ (সত্যবাদী) বলেন। ইনি লিখিয়াছেন যে, ইমাম হুসেনের কন্যা স্নেকনা কুরেশবাসীদিগের সহিত একত্রে বসিয়া গল্প করিতেন। কেবল তাহাই নহে ইনি একজন খাতনামা মসকরা (জরিফা) ছিলেন এবং পুরুষ কবিদিগের সহিত ছড়া কাটাইতেন!

উল্লিখিত গ্রন্থকার লিখিয়াছেন যে একবার স্নেকনার আয়েশা (বিস্ত তল্হা) নামী কোন সম্ভ্রান্ত যুবতীর সহিত, কে অধিক সুন্দরী বলিয়া বাজি হয়। সে সময়ে অমর (ইবনি রবিয়া) নামক একজন কবি ছিলেন। ইনি যুবা এবং ইহার চরিত্রও যে নিতান্ত নির্দোষ ছিল তাহা নহে।

ছই যুবতীতে-তির করিলেন যে, অমর যাহাকে অধিক রূপসী বলিবেন তাঁহারই জিৎ। যুবা কবি একজন সন্ধিকুশলী (diplomatic) ব্যক্তি ছিলেন। ছই যুবতীকেই সন্তুষ্ট করা তাঁহার অভিপ্রায়। তিনি তুষিত নেত্রে উভয় যুবতীরই রূপরশি যতক্ষণ পারিলেন ভাল করিয়া দেখিলেন এবং পরিশেষে গম্ভীরভাবে উত্তর করিলেন যে, আয়েশার রং অতি চমৎকার এবং স্নেকনার গঠন অতি মনোহর!

সহি মুসলিম নামক প্রসিদ্ধ গ্রন্থ পাঠে অবগত হওয়া যায় যে, যমনের সুবাদারের ভগ্নী মহম্মদের নিকট আসিয়া ধর্ম্মালোচনা করিতেন। গ্রন্থকার বলেন যে, ঐ যুবতীর গওদেশে ছুলির দাগ ছিল। যদি সুবাদারের ভগ্নী অবগুণ্ঠনবতী হইতেন, তাহা হইলে গ্রন্থকার কখনই তাঁহার কচ্ছুরোগের উল্লেখ করিতে পারিতেন না। এই ঘটনা হইতে কিয়াফা লেখকও হির করিয়াছেন যে সেকালে অবরোধ প্রথা ছিল না।

স্ত্রী ও পুরুষের করকর্দন।

অনেকগুলি হাদিস হইতে স্পষ্টই দেখিতে পাওয়া যায় যে মহম্মদের সময়ে পুরুষকে স্পর্শ করা স্ত্রীলোকের পক্ষে এখনকার মত মহাপাতক স্বরূপে দৃষ্ট হইত না।

সহি বুখারিতে আছে যে, একবার মহম্মদ একজন স্ত্রীলোকের ক্রোড়ে মস্তক রাখিয়া হুনিদ্রায় শান্তি দূর করিয়াছিলেন। যখন প্যাগম্বর নিদ্রিত, ঐ স্ত্রীলোক মহম্মদের ইকুন

(তুফলি) বাছিয়া পুণ্য সঞ্চয় করিতেছিল। হাক্কিজ, আইনি এবং দিম্ব্রাতি বলেন যে, ঐ স্ত্রীলোকের সহিত মহম্মদের কোনও সম্পর্কের নাম গন্ধও ছিল না।

কাজি আইয়াজ বলেন যে, প্যাগম্বর বলিয়া এ সকল বিষয়ে তাঁহার বিশেষ কোন অধিকার ছিল না।

সহি বুখারি এবং সহি মুন্সিমের মতে, বনি কৈস্ জাতীয় একজন স্ত্রীলোক আবু মুনা অশরির কেশকীট বাছিয়া মস্তক ধৌত করিয়া দিয়াছিলেন। অশরির সহিত ঐ স্ত্রীলোকের কোনও সম্পর্ক ছিল না।

ইসাবা নামক গ্রন্থে আছে যে, লয়লা নামী এক যুবতী হঠাৎ পশ্চাৎ হইতে আসিয়া মহম্মদের স্বন্ধে হাত রাখিয়া বিবাহ বাঞ্ছা ব্যক্ত করিলেন। প্যাগম্বর “তথাস্ত” বলিলেন।

জমিউল্ জামেহ নামক পুস্তকে আছে যে, উম্মেবিশর নামী একজন স্ত্রীলোক মহম্মদের গায়ে হাত দিয়া দেখিয়া বলিল যে প্যাগম্বরের অর হইয়াছে।

ইসাবার এক স্থানে আছে যে, মারিয়া নামী একজন মহিলা মহম্মদের সহিত করমর্দন (মুসাফা) করিয়া বলিলেন প্যাগম্বরের হস্তের ছায় কোমল হস্ত তিনি কখনও স্পর্শ করেন নাই।

আরবী ইতিহাস পাঠে অবগত হওয়া যায় যে, মহম্মদ মক্কা জয় করিলে প্রসিদ্ধ সরদার আবু সূফিয়ানের পত্নী স্বয়ং আসিয়া মহম্মদের করমর্দন (মুসাফা) করিলেন। কোন কোন গোড়া মৌলবী বলেন যে, প্যাগম্বর নিজ হস্ত বন্দ্যবৃত্ত করিয়া স্ত্রীলোকের সহিত সেকহাও করিতেন। কিন্তু তিবরানি এবং সেয়ুতির মতে অনেকবার মহম্মদ অনাবৃত হস্তে ভদ্র মহিলার করমর্দন করিয়াছেন বলিয়া শুনা যায়।

পুরুষের সম্মুখে মহিলার গীত বাদ্য।

তিবরানি বলেন যে, মহম্মদ-জায়া আয়েশা তাঁহার পালিতা অনুসার বালিকার বিবাহ দিয়া, আসিলে মহম্মদ জিজ্ঞাসা করিলেন, “তুমি সেখানে কি করিলে?” আয়েশা উত্তর করিলেন, “সেলাম এবং আশীর্বাদ করিয়া আসিলাম।” প্যাগম্বর বলিলেন “অনুসার জাতি গীত-বাদ্য-প্রিয়, তাহার গঞ্জলু (টপ্পা) বড় ভালবাসে, তুমি তাহাদের সখের “আতৈনা আতৈনাকুম” গান কর নাই?”

স্থানাভাবে আর অধিক উদাহরণ দেওয়া গেল না। উপরোক্ত ঘটনাবলি হইতে বোধ হয় সকলেই দেখিতে পাইতেছেন যে অবরোধ প্রথার সহিত ইসলাম ধর্মের কোন সংস্রব নাই। অবরোধ প্রথার উৎপত্তি কি প্রকারে হইল, অথবা উহার দোষ ও গুণ ইত্যাদি বিচার করা এ প্রবন্ধের উদ্দেশ্য নহে।*

ক্রীসিদ্ধমোহন মিত্র।

* বৈশাখের ভারতীতে উল্লেখ করা হইয়াছিল যে ইনি এই বিষয়ে একখানি পুস্তক রচনা করিতেছেন। এই প্রবন্ধ সেই পুস্তক হইতে সংকলিত। পুস্তকখানি শীঘ্রই বোধ হয় ইংলণ্ডে মুদ্রিত এবং প্রকাশিত হইবে।

আকবর সাহের হিন্দুপ্রীতি।

তৃতীয় প্রস্তাব।

রাজা রায়-সিংহ।—বিকার প্রতিষ্ঠিত বিকানিয়ার রাজবংশের রাজা কল্যাণ সিংহ (যেই ইতিহাসে ইনি রায় কল্যাণ মল্ল বলিয়া বিখ্যাত) তিন পুত্র রাখিয়া ১৬৩০ সনতে পরলোক গমন করেন। পুত্রগণের মধ্যে রায় সিংহ সর্বজ্যেষ্ঠ। মধ্যম রাম সিংহ ও কনিষ্ঠ পৃথী সিংহ। জ্যেষ্ঠ বলিয়া রায় সিংহ সিংহাসনাধিকারী হইলেন। রায় সিংহের আমলে বিকানিয়ার রাজ্যের সীমা ও ক্ষমতা বিস্তৃত হইয়া ইহাকে মারবার মহা প্রান্তরে এক বিশিষ্ট রাজ্য করিয়া তুলিয়াছিল।

কল্যাণ মলের আমলে রায় সিংহ একবার দিল্লীশরের সহিত পরিচিত হইয়াছিলেন, কিন্তু সে আলাপে বিশেষ ফললাভ হয় নাই। পিতার মৃত্যুর পর তিনি সম্রাটের সহিত পূর্ণ পরিচয় আরও দৃঢ়মূল করিতে মনস্থ করেন। তাহার কতকগুলি কারণও ঘটিয়াছিল। প্রথমতঃ—বিকানিয়ারে সম্যকরূপে রাঠোরদিগের ক্ষমতা বন্ধমূল হয় নাই। দ্বিতীয়তঃ—জাঠগণ সম্যকরূপে হীনবল না হইলে রাঠোর-প্রভৃতি চিরস্থায়ী ভিত্তির উপর স্থাপিত হইবে না, এবং তৎসাধন সংকল্পে বাদসাহের সহায়তা বিশেষ প্রয়োজন। তৃতীয়তঃ রাজধানের করক জন নরপতি সেই সময়ে মোগল বাদসাহের সহিত সখ্যতা ও সন্ধি স্থাপন করিয়া অতিশয় বন্ধিত প্রতাপ হইয়াছিলেন। মোগল রাজত্বের বিরুদ্ধাচরণ করা বা সম্রাটের ক্ষমতার বিরুদ্ধে দাঁড়ান—রাঠোর সাম্রাজ্যের সমূহ অনিষ্টকারক এই সকল ভাবিয়া বিকানিয়ারেশ্বর রায়-সিংহ আকবর সাহের সহিত সখ্যতা বন্ধনে আবদ্ধ হইলেন।

রায়-সিংহ যশলমীরার রাজবংশের যে নরপতির কন্যার পাণি গ্রহণ করিয়াছিলেন আকবর সাহও সেই রাজার অপর কন্যাকে বিবাহ করেন। এই সম্পর্ক ধরিলে আকবরের সহিত তাঁহার বিশেষ নিকট কুটুম্ব সম্বন্ধ দাঁড়ায়। মহারাজ মানসিংহ এই সময়ে বাদসাহের সভায় বিশিষ্ট ক্ষমতাসালী হইয়া উঠিয়াছিলেন। তিনিই রায়-সিংহকে বাদসাহের সহিত পুনঃ পরিচিত করিয়া দেন। কিন্তু মুসলমান ইতিবৃত্তকারেরা বলেন রায় সিংহ তাঁহার পিতা কর্তৃক সম্রাটের সহিত বিশেষরূপে পরিচিত হন।

সম্পর্ক-গুণেই হউক বা কূট-রাজনীতিবশেই হউক, বা স্বভাবসিদ্ধ হিন্দুপ্রীতি বশতই হউক আকবরসাহ বিকানিয়ারেশ্বর রায়সিংহের প্রতি যথেষ্ট অল্পগ্রহ প্রদর্শন করিলেন। বাদসাহ সেই সময়ে নব-বিজিত “নাগর” প্রদেশ রায়সিংহকে প্রদান করেন। এতদ্ব্যতীত

তঁাহাকে “মহারাজা” উপাধি—“হিন্দার” প্রদেশের শাসন কর্তৃত্বভার, এবং চারি-হাজারী মন্সবদারের পদ প্রদান করিয়া মারবারের মধ্যে তাহার নাম বিধোষিত করিয়া দেন।

রাঠোর জাতি স্বভাবতই দুর্ধ্ব ও যুদ্ধকুশল, তাহাতে আবার দিল্লীধরের সহায়তা পাওয়াতে মণিকাঞ্চন সম্মিলন হইল। রায়সিংহ—নিজ অল্পজ রামসিংহের দ্বারা “জোহয়” “কুনিয়া” প্রভৃতি প্রতিদ্বন্দ্বী জাঠদিগকে দমন করাইলেন। বীরশ্রেষ্ঠ জাতুবৎসল রামসিংহ ভ্রাতার কার্যে এই যুদ্ধে প্রাণত্যাগ করেন।

রায়সিংহ তেজস্বী রাঠোরকুল সম্ভূত মহাবীর হইয়াও কেন যে যখন সম্রাটের বস্ত্রপ্রাণ চুষন করেন, তাহা উল্লিখিত ঘটনাবলী হইতে বিশেষরূপে প্রমাণিত হয়। জাঠদিগকে দমন করিয়া রাজ্য বৃদ্ধি করাই তাহার মূল উদ্দেশ্য। যদিও তিনি “সময়-সেবক” রাজনীতিজ্ঞদের ঘূর্ণার্শ নীতি অবলম্বন করিয়াছিলেন, তত্রাচ, বিক্রমে ও শৌর্য্য বীর্য্যে তিনি গৌরবের জলন্ত মূর্তি স্বরূপ ছিলেন। বিকার-বংশধরণ স্বল্প সীমাবদ্ধ মরুক্ষেত্র মারবারের মধ্যেই স্ব স্ব নাম বিস্তার করেন, কিন্তু বীরপ্রবর রায়সিংহ ভারতের অনেক মহাযুদ্ধে সম্রাটের সেনাপতিত্ব করিয়া আপনাম নাম চতুর্দিকে বিধোষিত করিয়াছিলেন। আহম্মদাবাদের প্রসিদ্ধ যুদ্ধই তাহার বীরত্ব প্রকাশের মূল সূত্র। উক্ত স্থানের শাসনকর্তা মীরজা মহম্মদ হোসেন সম্রাটের বিরুদ্ধাচারী হইলে রায়সিংহ কেবলমাত্র রাঠোর সৈন্যবলের সহায়তার তাহাকে নিহত ও আহম্মদাবাদ অবিরুদ্ধ করেন। এই ঘটনা হইতেই আকবরসাহ তাহার বীরত্বের প্রকৃত পরিচয় পান।

ইহার পর মোগল সম্রাট, মালদেব পুত্র চন্দ্রসেনকে দমন করিবার জন্ত সাহ-কোয়াদি মহরম ও রায়সিংহকে যোধপুরে প্রেরণ করেন। আকবরের ভ্রাতা মির্জা মহম্মদ হাকিম পঞ্জাব-আক্রমণের উদ্যোগ করিলে রায়সিংহ কুমার মুরাদের সহিত তাহার বিরুদ্ধে প্রেরিত হন। আকবরের রাজত্বের অষ্টবিংশতি বৎসরে তিনি বঙ্গদেশের শাসন কর্তৃত্বভার প্রাপ্ত হইয়া আসেন।

রায়সিংহের সহিত আকবর যদিও পূর্বে হইতেই সাংসারিক সম্বন্ধ বন্ধনে আবদ্ধ ছিলেন তথাপি সেই বন্ধন স্মৃচ করিবার উদ্দেশ্যে তিনি কুমার সেলিমের (জাহাঙ্গীর) সহিত তাহার এক কঠোর পরিণয় প্রস্তাব করেন। অজ্ঞাত অনেক রাজপুত্র নরপতি ইতিপূর্বেই মোগলের সহিত সাংসারিক সম্বন্ধে আবদ্ধ হইয়াছিলেন, স্ততরাং রায়সিংহ মহানন্দে এই প্রস্তাবে সম্মতি প্রদান করিলেন। পরিণয় কার্য্য মহোৎসবে সমাধা হইয়া গেল। বিকার-নির্যাসের কঠা সম্রাটের পুত্রবধু হইলেন। এই পরিণয়ের ফলস্বরূপ হতভাগ্য কুমার পারভিজ জন্মগ্রহণ করেন।

রায়সিংহের আর একটা কঠা ছিল। তাহার সহিত বাঙ্গুর (বুঁদী) রাজপুত্রের বিবাহ হয়। জামাতার অকাল মৃত্যুতে ও কঠার বৈধব্যে রায়সিংহ অতিশয় মনঃপীড়িত হইয়া পড়েন। বাদসাহ এই সংবাদ পাইয়া তঁাহাকে সাঙ্ঘনা প্রদানোদ্দেশ্যে বিকারিয়ায়

আগমন করিয়াছিলেন। তৎকালীন প্রথামতে বিধবাগণ স্বামীর শবদেহের সহিত চিতায় আরোহণ করিতেন। আকবর রায়সিংহের কঠার “সতী” হওয়ার সম্বন্ধে অনেক আপত্তি ও যুক্তিবাদ প্রদর্শন করিয়া, রাজপুত্রের চির প্রথা হইতে তঁাহাকে নিবৃত্ত করান।

মুসলমান ইতিহাস লেখকদিগের মতে—রায়সিংহ আকবরের পরমাত্মীয় ও পরমপ্রিয় হইলেও তাহার জীবনের শেষ দশায় সম্রাটের বিরাগভাজন হইলেন। এমন কি সম্রাট পুনঃ পুনঃ ডাকিয়া পাঠাইলেও তিনি বিকারিয়ায় পরিত্যাগ করিয়া আগরায় যান নাই। আকবর তাহার এই ব্যবহারে অত্যন্ত বিরক্ত হইয়া উঠেন। কিন্তু সে মনোমালিঞ্চ আবার অতি অল্পকালের মধ্যেই পূর্ক-সৌহার্দ্যে পরিণত হয়।

কার্য্য-জীবনের শেষভাগে রাঠোর-বীর মহারাজ রায়সিংহ আবুলফজলের সহিত নাসিক যাত্রা করেন। ইহার পরে উদয়পুরের মহারাণার বিরুদ্ধেও তিনি প্রেরিত হন। আকবরের মৃত্যুর পরও তিনি জাহাঙ্গীর কর্তৃক “পাঁচহাজারী মন্সবদারী” পদে উন্নীত হন। খসক বিদ্রোহী হইলে যখন সম্রাট জাহাঙ্গীর পঞ্জাবে পুত্রের বিরুদ্ধে যুদ্ধযাত্রা করেন, তখন রায়সিংহ সম্রাটের মহিলা-শিবিরের রক্ষকরূপে সঙ্গে গিয়াছিলেন। জীবনের শেষ ভাগে রাঠোররাজ—জাহাঙ্গীরেরও বিরাগভাজন হন। ইহা হইতে বিশেষ প্রমাণ পাওয়া যায়, শেষ অবস্থায় তিনি মোগল বাদসাহদের প্রতি নানা কারণে অসন্তুষ্ট হইয়াছিলেন। ১৬৩২ খৃঃ অব্দে, ১৬৮৮ সম্বতে; রায়সিংহ প্রচুর ঐশ্বর্য্যশালী রাজভাণ্ডার ও বহুদূর বিস্তৃত রাঠোর রাজ্য ও নাম রাখিয়া ইহলোক পরিত্যাগ করেন। শেষে আমরা রায়সিংহের পূর্ক পুরুষ-গণের এক বংশাবলী প্রদান করিলাম।

উদয়সিংহ (মোটারাজা)—উদয়সিংহের ইতিবৃত্ত অনুসরণ করিবার পূর্কে আমাদিগকে মারবারের ইতিহাসের আর একটা পরিচ্ছেদে পিছাইয়া বাইতে হইবে। মালদেব মারবারের শেষ-স্বাধীন রাজা, উদয়সিংহ তাহার তৃতীয় পুত্র। কি প্রকারে উদয়সিংহের সহিত আকবরের প্রথম সম্বন্ধ সংঘটিত হয়, তাহা না বুঝাইলে উদয়সিংহের বিবরণ অসম্পূর্ণ থাকিয়া যাইবে, অতএব সে কথা প্রথমেই কিছু বলা আবশ্যক।

ভাগ্য পরিবর্তনে শোচনীয় অবস্থার পড়িয়া—পরিজনত্যাগ ও সিংহাসনচ্যুত হইয়া, হুমায়ুন যখন মারবারে প্রবেশ করেন; মালদেব তাহার সেই দুর্দশার সময়ে কোন প্রকারে সাহায্য প্রদান না করিয়া বরঞ্চ তদ্বিপন্নীত ব্যবহার করেন। পরে সৌভাগ্য-রবির পুনরুদয়ে হুমায়ুন যখন দিল্লীর সিংহাসন পুনরধিকার করিলেন, তখন মালদেব হুমায়ুনের নিকট হইতে সন্ম্যক অনিষ্ট আশঙ্কা করিয়াছিলেন। তাহার নিতান্ত সৌভাগ্যের বিষয় এই যে হুমায়ুনকে অধিককাল এই রাজ্যস্থখ ভোগ করিতে হয় নাই। তাহার অপঘাত মৃত্যু ঘটিলে আকবরসাহ দিল্লীর সিংহাসনে উপবিষ্ট হইলেন।

আকবরের বয়ঃক্রম যখন পঞ্চদশ বর্ষ মাত্র, তখন তিনি মাতার নিকট হইতে মালদেবের সেই পূর্ককার অত্যাচার কাহিনী আদ্যোপান্ত শ্রবণ করেন। একদিকে মাতার উত্তেজনা

ও প্রতিহিংসা-প্রবৃত্তি; অপরদিকে রাজ্যবুদ্ধি আকাজ্ঞা, উভয়দিক হইতেই পেষিত হইয়া মারবার আক্রমণে দৃঢ়প্রতিজ্ঞ হইয়া ১৪৬১ খৃঃ অব্দে পঞ্চদশ বর্ষ বয়স্ক আকবরসাহ সৈন্যদল সহ রাঠোর রাজধানী আক্রমণ করিলেন।

রাঠোর সেনাদল বাদসাহের আগমন সংবাদ পাইয়া পূর্বে হইতেই “মৈরথা” নামক এক দৃঢ় ছর্গে একত্রীকৃত হইয়া ছিল। আকবর সর্কপ্রথমে এই ছর্গ বেঠন করিলেন। একদিকে “মৈরথা” ছর্গে রাঠোর সেনাদল—তৎপরে সম্রাটের অগণ্যবাহিনী এবং মালদেবও ঘটনাক্রমে এই সেনাদল হইতে সম্পূর্ণরূপে বিচ্ছিন্ন। কয়েকদিন যুদ্ধের পর ছর্গ মধ্যস্থ রাঠোর সেনাদলের কিয়দংশ সম্রাট শিবির ভেদ করিয়া মালদেবের সহিত মিলিত হইল। কিন্তু তাহাতে বিশেষ ফল দর্শিল না। রাঠোর-রাজের ভাগ্যলক্ষ্মী নিতান্তই অপ্রসন্ন ছিলেন—তিনি সেই যুদ্ধে সম্পূর্ণরূপে পরাজিত হইলেন। “মৈরথা” ছর্গপ্রাকারে মোগল রাজপতাকা উজ্জীযমান হইল।

“মৈরথা” অধিকারের পর, আকবর “নাগর” নামক আর একটা ছর্গ মালদেবের হস্তবিচ্যুত করিয়া লইলেন। রাজ্য বিস্তারের ইচ্ছা অপেক্ষা প্রতিহিংসা প্রবৃত্তিই যে তাঁহার হৃদয়ে পূর্ণভাবে বিরাজ করিতেছিল তাহার কারণ স্বরূপ এইমাত্র বলা যাইতে পারে যে, তিনি উল্লিখিত ছর্গাধিকৃত প্রদেশদ্বয় বিকানিয়ারপতি রায়সিংহকে অর্পণ করিলেন।*

মানবভাগ্য স্বভাবতই পরিবর্তনশীল। বিশেষতঃ একবার পতনের দিকে মুখ ফিরাইলে সহস্র চেষ্টাতেও তাহার গতির পরিবর্তন হয় না। মালদেবেরও তাহাই ঘটিল। বহিঃশত্রুর ও প্রতিবেশী সমস্ত রাজগণের ক্রমাগত আক্রমণে মালদেব এতদূর ব্যতিব্যস্ত হইয়া পড়িলেন যে অন্তোপায় হইয়া পরিশেষে আকবরের অধীনতা স্বীকারই তাঁহার দ্বিঃসঙ্গ হইল।

আকবর এই সময়ে রাজপুতানার ক্ষুদ্র বৃহৎ সামন্তগণের অনেককেই স্ববশে আনয়ন করিয়াছিলেন। সম্রাট আজমীরে শিবির সংস্থাপন করিয়া—বিজিত রাজ্যভাগের আয়গণ্য উপহার লইবার জন্ত এক ক্ষুদ্র দরবার করেন। এই দরবারে অনেক রাজপুত রাজার উপস্থিত হন। মালদেব যবনের বশুতা স্বীকারে ক্রতসংকল্প হইয়াও স্বয়ং সম্রাটের দরবারক্ষেত্রে উপস্থিত হইলেন না। তাঁহার অজ্ঞাতম পুত্র চন্দ্রসেন উপটোকনাদি লইয়া আজমীরে সম্রাট সদনে উপস্থিত হন। মালদেব নিজে না আসিয়া প্রতিনিধি স্বরূপ পুত্রকে প্রেরণ করিয়াছেন, এই ব্যাপারে আকবর মহা রুষ্ট হইলেন। ইহার দণ্ডস্বরূপ তিনি সমগ্র যোধপুর রাজ্যের সনন্দ বিকানিয়ারপতি তাঁহার অহুগ্রহ-ভাজন রায়সিংহকে অর্পণ করিলেন।

“উদয়সিংহ” নামেই যেন কি একটা কুলক্ষণ আছে। মিবারপতি মহারাণা উদয়সিংহ যবন করে শিশোদিয় রাজকুলের স্বাধীনতা অর্পণ করিয়াছিলেন। মারবারেশ্বর উদয়সিংহও সেইরূপ আকবরের সামন্ত-রাজরূপে আত্মসমর্পণ করিয়া সর্ক বিষয়ে উগ্র মরুক্ষেত্রের

* পূর্বে দেখুন।

স্বাভাবিক উগ্রতা বিনষ্ট করেন। যে মারবারে মিবারের মত প্রাকৃতিক দৃশ্যের উৎকর্ষতা নাই—যে মারবার কেবল ইক্ষু-ঝোপ ও কণ্টক বৃক্ষে,* ও মধ্যে মধ্যে ক্ষুদ্র, বৃহৎ, অসীম মরুক্ষেত্রে পরিপূর্ণ,—যে মারবারে অগণ্য সৌধ অসংখ্য রাজপথ, ঐশ্বর্যের কোলাহল কিছুই ছিল না সেই মারবারে একটা পদার্থ ছিল—তাহা রাঠোরদিগের প্রকৃতিগত ভেজ ও স্বাধীনতা। উদয়সিংহ সেই ভেজ—সেই স্বাধীনতা যবন সম্রাটের নিকট বিক্রয় করিয়া অমৃত কীর্তি রাখিয়া গিয়াছেন।

কেবল মারবারের স্বাধীনতা বিক্রয় নয়, উদয়সিংহ যবন সম্রাটের সহিত পারিবারিক মঞ্চ ও স্থাপন করিয়াছিলেন। কেহ কেহ বলেন তিনি নিজ ভগিনী যোধবাইকে আকবরের করে সমর্পণ করেন। এই যোধবাই আকবরের প্রিয়তমা মহিষী ছিলেন। আজও আগরা ছর্গ মধ্যে মহারাঞ্জী রাঠোর কুল সম্ভবা যোধবায়ের নামে একটা আলাহিদা রক্তপ্তর নির্মিত মহল বর্তমান আছে। অনেকে অনুমান করেন এই যোধবাই জাহাঙ্গীরের জননী।†

* “আখরা ঝোপরা,
ফোখরা বার,
বাজরা কা রোটি,
মথরা কা ডাল,
দেখহো! রাজা, তেরি মারবার।”

অর্থৎ—আখের ঝোপরা (ঝোপ), কণ্টকের বেড়া, বাজরা'র রোটি, ও মথরা'র দাইল, মরুক্ষেত্রে মারবারের পরিচায়ক চিহ্নস্বরূপ।

† মোগল সম্রাটগণ রাজপুত রাজকুমারীগণের পাণিগীড়ন করিয়া, অন্তঃপুর মধ্যে তাঁহাদিগকে যাবনিক নামে বিভূষিত করিয়াছিলেন। “আকবর নামা” যোধবাই সম্বন্ধে একটু গোলমাল করিয়া গিয়াছেন। সেই গোলমাল টুকু যাবনিক নাম লইয়া। তিনি এ সম্বন্ধে বিশেষ করিয়া কিছু বলিয়া যান নাই। জাহাঙ্গীরের ৭শী প্রধানা মহিষী ছিলেন।

(১) রাজা ভগবান দাসের কন্যা, মানসিংহের ভগিনী, ১১৩ হিজরায় জাহাঙ্গীরের সহিত ই'হার বিবাহ হয়। ১১৪ হিজরায় ই'হার “হলতান উম্মিনা বেগম” নামে এক কন্যা জন্মে। (কাফি খা ইহাকে “হলতান বেগম” বলিয়া গিয়াছেন।) ১১৫ হিজরায় জাহাঙ্গীরের জ্যেষ্ঠ পুত্র—ইতিহাসে স্বনামখ্যাত কুমার খসরু জন্মগ্রহণ করেন। ১০১১ সনে মানসিংহের ভগিনী অহিফেন সেবনে আত্মহত্যা করেন। আত্মহত্যার কারণ গর্ভজ সন্তানগণের অবাধ্যতা।

(২) বিকানিয়ারেশ্বর কল্যাণ মন্ডের পৌত্রী—বর্তমান প্রস্তাবে পূর্বেলিখিত রায় সিংহের কন্যা। বদৌনি ই'হার কথা উল্লেখ করিয়া গিয়াছেন কিন্তু “তুজুকই জাহাঙ্গীরি”তে ই'হার সম্বন্ধে কোন উল্লেখ নাই।

(৩) মালদেব পুত্র “মোটারাজা” উদয় সিংহের কন্যা—১১৪ হিজরায় ই'হার বিবাহ হয়। “তুজুক”র লিখন মতে তিনি “জগৎ গোসাইণী” বলিয়া পরিচিতা ছিলেন। সম্রাট সাহজাহান ই'হার গর্ভসম্বৃত। ১১৮ হিজরায় ই'হার মৃত্যু হয়।

(৪) খাজা হোসেনের কন্যা—ইনি কুমার পারভিজের জননী।

এই সম্বন্ধ স্থাপনের জন্ত উদয়সিংহ তত দোষী নহেন। কেন না, তাঁহার পূর্বেও জন কয়েক রাজপুত নৃপতি যখন সম্রাটের করে স্ব স্ব ভগিনী ও কন্যাকে অর্পণ করিয়া পবিত্র সূর্য্য ও চন্দ্র বংশীয় শোণিতের সহিত চাষ্টাই শোণিত মিশ্রিত করাইয়া ছিলেন।

অপমানিত ও ভয়মনোরথ হইয়া, চন্দ্রসেন পিতৃসমীপে প্রত্যাগত হইলেন। বিপদের উপর নূতন বিপদ উপস্থিত হইল, তাঁহার প্রতিবেশী শক্র সংখ্যা অত্যন্ত বৃদ্ধি হইল। তাহার এই অবসরে মারবার রাজ্যের উপর যথেষ্টাচার আরম্ভ করিল। মল্লদেব ইহাদের উৎপাতে এতদূর ব্যতিব্যস্ত হইয়া পড়িলেন যে তিনি অথ কোন উপায় না দেখিয়া উদয়সিংহকে সম্রাট সম্মিধানে অধীনতা স্বীকারের পরিচয় স্বরূপ পাঠাইয়া দিলেন। উদয়সিংহ রাঠোর সৈন্যদল লইয়া দিল্লীতে ও আগরায় বাস করিতে লাগিলেন। সম্রাট তাঁহাকে এক হাজারী মজবদার পদে উন্নীত করিয়া সম্মানিত করিলেন।

মারবার রাজবংশে এইরূপে সর্বপ্রথমে যবনের অধীনতা স্বীকার ঘটিল। উদয় সিংহ ক্রমে বাদসাহের প্রিয়পাত্র হইয়া উঠিলেন। দিনে দিনে তাঁহার সহিত উদয়সিংহের

(৫) রাঠোরের অশ্বতম সামন্ত-রাজ রাজা কেশু দাসের কন্যা—ইহার এক কন্যা সন্তান হয় নাম “বারি বাহু বেগম।”

(৬) কুমার জাহান্দারের মাতা (ইহার নাম জানা যায় নাই)

(৭) ,, সাহরিয়ানের মাতা ,, ,, ,, ,, ,,

(৮) ক্ষুদ্র তিব্বতের (৯) আলিয়ানের এক কন্যা।

(১০) মানসিংহের জ্যেষ্ঠ পুত্র জগৎ সিংহের এক কন্যা।

(১১) মেহেরউল্লিমা খানাম—ইনি জগৎপ্রসিদ্ধা মুরজাহান। মুরজাহানের জাহাঙ্গীরের উরসে সন্তান হয় নাই।

উল্লিখিত তালিকার মধ্যে আমরা যোধবাইএর নাম দেখিতে পাই। কিন্তু তিনি উদয়সিংহের কন্যা বলিয়া উল্লিখিত হইয়াছেন। আকবরের মাহবাবগণের মধ্যেও আমরা এক “যোধবাইএর” উল্লেখ দেখিতে পাই। এই যোধবাই সম্ভবতঃ উদয় সিংহের ভগিনী হইতে পারেন। আকবর জননী “হামিদাবাহু” অষ্টপুত্র মধ্যে “মরায়াম্ মাখানী” বলিয়া পরিচিতি ছিলেন। যোধবাইও “মরায়াম্ উজ্জামানি” এই যাবদিক সজ্জা লাভ করিয়াছিলেন। এই “উজ্জামানি”ই জাহাঙ্গীরের গর্ভধারিণী বলিয়া কথিত। “তুজুকে”—একস্থলে লিখিত আছে—“আমাদের সম্পূর্ণ আশা আছে ঈশ্বর “মরায়ামকে” কৃপা করিবেন।” ইহাতেই যেন একই সন্দেহ হয় তিনি সম্ভবতঃ হিন্দু ছিলেন বলিয়া এইরূপ বলা হইয়াছে। জাহাঙ্গীরও নিজ জীবনকালে নমস্কৃত পুস্তকপুস্তকপে বলিয়া কেবল মাত্র নিজ গর্ভধারিণী সম্বন্ধে কোন কথা বলেন নাই, তাহারও কি ইয়া একটা প্রতিপাতক কারণ নহে? কিন্তু সন্দেহের উপর আরও সন্দেহ। প্রসিদ্ধ ইতিহাসজ্ঞ ব্রহ্মসেন সাহেব একস্থলে যোধবাইকে আকবর মহিষী বলিয়া—আবার অপর স্থলে তাঁহাকে জাহাঙ্গীর মহিষী বলিয়াছেন। আমার মতে “উজ্জামানি” রাজা বিহারী মল্লের কন্যা ও ভগবান দাসের ভগিনী। এ বিষয়ে ইতিহাস-তত্ত্ব কোন পাঠক কিছু লিখিয়া পাঠাইলে ইচ্ছা লইয়া একটু আলোচনা হইতে পারে। অনেকে আকবরের মহিষীকে যোধবাই ও তাঁহার পুত্রবধূকে যোধবাই বলিয়া বিভিন্নরূপে নির্দেশ করিয়া থাকেন।

প্রীতি ও বন্ধুত্ব বর্দ্ধিত হইতে লাগিল। এই উদয়সিংহই মুসলমান ইতিহাসবেত্তাগণের “মোটরাজা।” আকবর সাহ তাঁহার শারীরিক স্থূলতার জন্ত তাঁহাকে এই অদ্ভুত আখ্যা প্রদান করিয়াছিলেন।

সম্রাটের আচরণে ও সদ্ভাবহারে বশীভূত হইয়া উদয়সিংহ রাজধানীতেই বাস করিতে লাগিলেন। বৃদ্ধ মালদেব, এরূপ চিরস্থায়ী অধীনতা স্বীকার করিবার জন্ত পুত্রকে দিল্লীতে পাঠান নাই। বিশেষতঃ যখন তিনি শুনিলেন, মারবারের প্রকৃত যুবরাজকে উপেক্ষা করিয়া সম্রাট উদয়সিংহকে রাজ্যোপাধিতে ভূষিত করিয়াছেন তখন কেবল তিনি নহেন বনগ্র রাঠোর সামন্ত-সম্রাটই উদয়সিংহের উপর বিরক্ত হইয়া উঠিলেন।

জাতীয়সম্মান যে এতদূর আহত হইবে রাঠোররাজ তাহা স্বপ্নেও ভাবেন নাই। রাজস্থানের জলন্ত গৌরব মহারাণাকে গোপনে সাহায্য করিয়া বীরপ্রসূ রাজপুতানায় যিনি মুসলমান অধিকারের মূলোচ্ছেদ করিয়া দিতেছিলেন, তাঁহার উরসজাত পুত্রকে এই ঘৃণিত উপায়ে যবনের ক্রীতদাস হইতে দেখিয়া সেই হতভাগ্য পিতার আর দুঃখের ইয়ত্তা রহিল না। ঘোরতর নিরাশার ও মর্শ্বেদনায় পীড়িত হইয়া মনে মনে প্রতিহিংসা পোষণ করিয়া মারবারগৌরব মালদেব ১৫৬৯ খৃঃ অব্দে ইহলোক ত্যাগ করিলেন।

মালদেবের মৃত্যুর পর যোধপুরের রাজসিংহাসন শূন্য হইল—উদয়সিংহ তখন আকবরের নিকটে। সমগ্র রাঠোর-প্রধানেরা তাঁহার ব্যবহারে বিরক্ত ও সংকুচিত হইয়া তাঁহারা আপনা আপনি সঙ্কল্প করিয়া উদয়সিংহের কনিষ্ঠ চন্দ্রসেনকে মারবার-সিংহাসন প্রদান করিলেন।

উদয়সিংহের রাজ্যাভিষেক মালদেবের মৃত্যুর অব্যবহিত পরেই হইয়াছিল, এ কথা কেহ কেহ বলিয়া থাকেন। কিন্তু আমরা এই ভ্রান্তিময় মতের সমর্থন করিতে পারি না। যখন মালদেবের মৃত্যু হয়, তখন উদয়সিংহ মোগল রাজধানীতে। রাজ্যের সামন্তেরা চন্দ্রসেনকেই গৃহীত দিয়াছিলেন। উদয়সিংহের স্ব স্ব রক্ষার্থে—বাদসাহকে রাঠোরদিগের বিরুদ্ধে পুনরায় অস্ত্র ধারণ করিতে হইয়াছিল। কয়েক বৎসরব্যাপী যুদ্ধের পর বীরপ্রবর রাঠোরকুলগৌরব চন্দ্রসেন সমরক্ষেত্রে মহাশয়ন করিলে, উদয়সিংহ সম্রাটের সহায়তার মারবারে একচ্ছত্র আধিপত্য লাভ করিলেন।

উদয়সিংহ সমসাময়িক রাজপুত নৃপতিগণের মধ্যে বিশেষ ক্ষমতাসালী ছিলেন। তিনি সম্রাটের পক্ষ হইয়া অনেক স্থলে সংমিশ্রিত মোগল ও রাঠোর সৈন্য পরিচালিত করিয়া বিজয় শ্রী লাভ করেন। অশীতি সহস্র অশ্বারোহী রাঠোরী সৈন্য তাঁহার নিজ আয়ত্তাবীন ছিল। সমসাময়িক রাজপুত নৃপতিগণের মধ্যে সে সময়ে অথ কাহারও এরূপ সেনাবল ছিল না।

রাঠোর-রাজ উদয়সিংহ মহা প্রতাপশালী যোদ্ধা হইলেও তিনি শ্রায়পরাগণ ও বিবেচক শাসন-কর্তা ছিলেন। একটা শোচনীয় কাহিনী তাঁহার রাজপুত নামের উপর গভীর ঝালিয়া ক্ষেপণ করিয়া গিয়াছে। সে লোমহর্ষণ ঘটনা কল্পনার চক্ষে আশ্রিত ও শরীর


শিহরিয়া উঠে। উদয়সিংহ যখন আকবরের নিকট হইতে বিদায় লইয়া মারবারে প্রত্যাবর্তন করিতে ছিলেন, সেই সময়ে পথিমধ্যে তিনি অক্ষুট-ঘোবনা, মুকুলিতাকী, এক কুমারী মূর্তি অবলোকন করেন। এই সুন্দরীর রূপরাশি তাঁহার হৃদয়ে দৃঢ়বদ্ধ হয়।

রাজপুত্র রাজগণের মধ্যে একটা প্রাচীন প্রথা ছিল—তাঁহারা জীবনের প্রথম বিংশতি বৎসর রমণীর মুখ দর্শন করিতে পাইতেন না, এমন কি তাঁহাদের বিবাহ পর্য্যন্ত হইত না। কেবল শাস্ত্র ও শস্ত্র চর্চার তাঁহাদের দিনাতিপাত করিতে হইত। ইহা একটা মহা মূল্যবান নিয়ম; ইহাতে যে কেবল রাজোচিত ও বীরোচিত শিক্ষা সমাধা হইত একরূপ নহে, রাজকুমারগণের দৈহিক বল ও হিন্দ্রিয় সংযম ক্ষমতা বিশেষরূপে পরিপুষ্টিকরিত।

উদয়সিংহ অবশ্য এই নিয়মের বহির্ভূত ছিলেন না। জীবনের শ্রেষ্ঠ ভাগ, যে সময়ে হিন্দ্রিয় শক্তি ঘোবনের উচ্ছ্বলতা ও হৃদমণীয়তায় বিশেষ অবাধ্য হইয়া উঠে, সে সময়ে তিনি মহা-সংযমী ছিলেন। কিন্তু পরিণত বয়সে এই অতুল রূপবতী কুমারীকে দেখিয়া তিনি পূর্নশিক্ষা, সংযম, সমস্তই প্রবৃত্তির মন্দিরে বলিদান দিলেন।

অনুসন্ধানে উদয়সিংহ যখন জানিতে পারিলেন যে কুমারী ক্ষত্রিয়গণী নহেন, বাইভীলারার এক আর্ধ্যপত্নী ব্রাহ্মণকন্যা তখনও তিনি পূর্ন সংকল্প হইতে বিচ্যুত হইলেন না। তিনি রাজ্য দেশাধিপতি, তাঁহার ইচ্ছার কে বিরুদ্ধাচরণ করিতে সাহসী হইতে পারে? কিন্তু সেই হতভাগ্য ব্রাহ্মণ যখন জানিতে পারিলেন যে, তাঁহার কন্যার কুমারীধর্ম নিরাপদ নহে, আয়াত্মায়ের বিচারকর্তা স্ত্রীজাতির সন্ত্রম রক্ষাকর্তা স্বয়ং মারবারেশ্বর তাহার উপর অত্যাচার করিতে প্রবৃত্ত; তখন ব্রাহ্মণ ক্ষিপ্তপ্রায় হইয়া উঠিলেন। এক দিন এক স্তম্ভীর হোমকুণ্ড খনন করিয়া তিনি তাহাতে মন্ত্রপুত্র অগ্নি প্রজ্জ্বলিত করিলেন। তৎপরে সেই প্রভাতকমলবৎ নিরুপমেয় সৌন্দর্যশালিনী কুমারীকে স্বহস্তে নিধন করিয়া তাহার দেহ খণ্ড খণ্ড করিয়া সেই প্রজ্জ্বলিত অগ্নিতে আহুতি দিতে লাগিলেন। তাঁহার এই বীভৎস যজ্ঞ-কাণ্ড দর্শনে সকলেই স্তম্ভিত ও সূতকল্প হইল। অবশেষে ব্রাহ্মণ নিজে সেই জ্বলন্ত মহা প্রজ্জ্বলিত অনলে আত্মদেহ বিসর্জন করিলেন। তাঁহার মুত্থাকালীন কঠোর অভিশাপ উদয়সিংহের প্রাণে মহা বিভীষিকা উৎপাদন করিল। ১৫৯৫ খৃঃ অকে উদয়সিংহ যোরতর মানসিক অশান্তি উপভোগের পর ইহলোক পরিত্যাগ করিয়া সকল যন্ত্রণা হইতে মুক্তি লাভ করিলেন।


উদয়সিংহের মৃত্যুর পর তাঁহার পুত্রেরা মরুক্ষেত্রের স্থানে স্থানে পৃথক পৃথক রাজ্য সংস্থাপন করিলেন। তাঁহার সপ্তদশটা পুত্র জন্মিয়াছিল। তাঁহার বংশধরগণের প্রতিষ্ঠিত রাজ্য সমূহের মধ্যে আজও অনেক গুলি বর্তমান আছে। কৃষ্ণগড়, রূপনগর, রটলাস, প্রভৃতি রাজ্যের রাজত্বগণের দেহে আজও উদয়সিংহের শোণিত প্রবহমান। অল্প পৃষ্ঠার উদয়সিংহের বংশধরগণের একটা তালিকা প্রদত্ত হইল।



বিকানিয়ার রাজবংশাবলীর তালিকা।

শিখা।

(রাজ্য প্রতিষ্ঠাতা—সংস্ক ১৫৪৫)



মহানদী বন্ধে ।

৯ই অগ্রহায়ণ ১৩০১ সাল অপরাহ্নে নৌকাযাত্রা করা গেল। আমরা পশ্চিমাভিমুখে অগ্রসর হইতে লাগিলাম। নদীর স্রোত আমাদের প্রতিকূল। বর্ষা আগমনে মহানদী ছুঁদান্ত প্রতাপ লইয়া বহিয়া যাইত, তাহার উন্নততা, যৌবন-দর্প কূলে কূলে উছলিয়া উঠিত, কত জনপদ, কত পল্লীগাম, কত মনুষ্য ও পশু আপনার পক্ষিপ-বন্ধে ধরিয়া উল্লাসে নাচিয়া নাচিয়া পর্বত-ছহিতা চলিয়া যাইত, আজ কালপ্রভাবে তাহার দর্প চূর্ণ, এখন আর তাহার সে তেজ, সে গর্জ নাই, এখন সে ধীর ক্ষীণ ও বিষণ্ণভাবে কল কল রবে বহিয়া যাইতেছে মাত্র। তাহার এই হীনদশা দেখিলে বস্ততঃ দুঃখ হয়। সেই মহাপরাক্রম-শালিনী খরস্রোতা মহানদীর আজ যে দিকে চাও, সেই দিকেই দেখিতে পাইবে, স্থানে স্থানে স্রুদূর বিস্তৃত অনন্ত বালুকারাশি ধু ধু করিতেছে। সর্বস্থানে জলের গভীরতা সমান নয়। কোথাও তিন চারি ফুট, কোথাও বা পনের ষোল ফুটেরও অধিক। নদী এখন স্থির শান্ত স্তনিস্থল। অত্যাশ্চর্য্য নদীর ত্রায় ইহার স্রোত একটানা। নদীর মধ্যে স্থানে স্থানে দ্বীপসমূহ বিরাজিত। এই সকল দ্বীপে গ্রাম্য গো মহিষাদি চরিয়া বেড়ায়। তিন বৎসর হইল হঠাৎ ভীষণ বন্যা আদিয়া বিস্তর গো মহিষ স্রোতে ভাসাইয়া লইয়া গিয়াছিল। ইতিপূর্বেও কয়েকবার এই প্রকার দুর্ঘটনা ঘটিয়াছিল শুনা যায়। এজন্ত অনেক ব্যক্তিকে বিলক্ষণ ক্ষতিগ্রস্ত হইতে হইয়াছিল। কটকবাসীদিগকেও সেই সময় সশঙ্কিত-চিত্তে কিছু দিন বাস করিতে হইয়াছিল। কারণ বন্যার জননীমা হইতে কটক সহরের অধিকাংশ স্থান নিম্ন। প্রস্তর ও মৃৎর বাধ দ্বারা কটক সহর রক্ষিত। সেই বন্যার জল আর আধ ফুট উচ্চ হইলেই বাধ উলঙ্ঘন করিয়া জল সহরে প্রবেশ করিত এবং অধিকাংশ স্থান জলমগ্ন হইত। সেই সময় ইঞ্জিনিয়ার সাহেবদিগকেও অত্যন্ত শশব্যস্ত হইতে হইয়াছিল।

দেখিতে দেখিতে পশ্চিম গগনে রবি চলিয়া পড়িলেন, পশ্চিমাকাশ হিম্বুল বর্ণে রঞ্জিত হইয়া পরিশোভিত হইল। মহানদীর স্বচ্ছ-স্নানিস্থল-সলিলরাশির উপর তাহার প্রদীপ প্রতিবিম্ব পতিত হওয়ায় স্তরে স্তরে রং ফলাইয়া দৌন্দর্য্য অধিকতর ফুটিয়া উঠিল। সান্দ্র-গগনে দুই একটি তারকা ফুটিয়া উঠিবার কিঞ্চিৎ পূর্বেই আমরা ধবলেশ্বর নামক স্থানে পৌছিলাম। কটক হইতে ইহা চারি পাঁচ মাইল দূরে। আমাদের সম্মুখে কতকগুলি বড় বড় আমগাছ আড়াল পড়ায় ধবলেশ্বরের মন্দির স্পষ্ট লক্ষিত হইতেছিল না। ইহার পূর্বে আর একবার এই মন্দির দর্শন করিয়াছিলাম। এই মন্দির মহানদীর একটি দ্বীপে সংস্থাপিত। এই দ্বীপটির পশ্চিম দিক প্রস্তরময়। এজন্ত মহানদীর স্রোতে টিকিয়া আছে; পূর্বেই উক্ত হইয়াছে মহানদীর স্রোত একটানা। এ দিক প্রস্তরময় না হইলে ধবলেশ্বরের

এই মন্দির কোন কালে ধ্বংস প্রাপ্ত হইত। মন্দির অত্যন্ত প্রাচীন; কতদিন ইহা দংস্থাপিত হইয়াছে এবং তন্মধ্যস্থিত শিবলিঙ্গই বা কতদিন প্রতিষ্ঠিত হইয়াছে স্থানীয় লোক ইহার সঠিক উত্তর দিতে অক্ষম। বোধ হয় চারি পাঁচ শত বর্ষের পূর্বে ইহা নিশ্চিত হইয়া থাকিবে। পূর্বে এই মহাদেবের বিশেষ কোন নাম ছিল না। ধবলেশ্বর নামকরণ সম্বন্ধে এইরূপ একটি কিম্বদন্তী আছে। একব্যক্তি অপর একব্যক্তির একটি কৃষ্ণকায় গরু চুরি করিয়া পলাইতেছিল। যাহার গরু চুরি হইয়াছিল সে এবং তাহার গ্রামস্থ অত্যাশ্চর্য্য সকলে একত্রিত হইয়া চোরের অনুসরণ করিল। চোর অন্তোপায় হইয়া মন্দিরের দ্বার উন্মুক্ত পাইয়া মন্দির মধ্যে গরুসহ আশ্রয় গ্রহণ করিল, এবং ভিতর হইতে দ্বার রুদ্ধ করিয়া দিল। এ দিকে পশ্চাদনুসরণকারী ব্যক্তিগণ মন্দিরের দ্বারদেশে উপস্থিত হইয়া চোরকে গালি দিতে এবং নানাপ্রকার ভয় প্রদর্শন করিতে লাগিল। চোর এ দিকে নিরুপায় হইয়া গলগম্বীরূত-বাসে মহাদেবকে এই বলিয়া আরাধনা করিতে লাগিল যে “হে মহাদেব, আমি মহাবিপদে পড়িয়াছি। এখন চোর হইলেও তোমার আশ্রিত। যিনি মহৎ তিনি আশ্রিত জনের উপকার করেন। এখন আমার প্রাণ সঙ্কটাপন্ন। তুমি দেবাদিদেব মহাদেব, তুমি এই নীচ অধমের প্রতি সদয় হও এবং আমাকে এই বিপদ হইতে উদ্ধার কর। এই কৃষ্ণকায় গরুকে ধবলকায় করিয়া দাও। ধবলেশ্বর নামে তুমি সম্মানিত এবং সকলে তোমাকে অদীম ভক্তির সহিত অর্চনা করিবে।” মহাদেবের অন্তঃকরণ দীনের কাতরোক্তিতে দ্রব হইল, তিনি সদয় হইলেন। গরুর চর্ম্ম প্রার্থিতরূপে পরিবর্তিত হইল। এ দিকে অশ্রু ব্যক্তিগণ অজস্র গালি বর্ষণ করিতে লাগিল এবং দ্বার খুলিবার জন্ত পীড়াপীড়ি করিতে আরম্ভ করিল। চোর স্বীয় বাসনা-পূর্ণ দেখিয়া ভিতর হইতে উচ্চস্বরে কহিল “তোমরা কেন আমার বিরক্ত করিতেছ, কি হইয়াছে?” তাহারা উত্তরে বলিল “আমাদের গরু চুরি করিয়া আবার কি হইয়াছে, যেন কিছুই জান না। শীঘ্র দ্বার খোল, গরুর সহিত এখনই তোমাকে রাজদ্বারে ধরিয়া লইয়া যাইব।”

চোর বলিল “এ গরু আমার নিজের, তোমরা কেন আমার ভৎসনা করিতেছ, তোমাদের কি বর্ণের গরু ছিল?” তাহারা বলিল “আমাদের গরু কৃষ্ণবর্ণের। দ্বার খোল, তাহা হইলেই দেখা যাইবে।” চোর বলিল “এ আমার শাদা গরু, তোমাদের নয়।” তাহারা সকলে একবাক্যে বলিল “যদি শাদা হয় তোমারই হইবে। এখন দ্বার খোল।” চোর নির্ভয়ে দ্বার খুলিল, সকলে বিশ্বয়পূর্ণ-নেত্রে দেখিল, প্রকৃতই শাদা গরু। তাহারা কিয়ৎক্ষণ কিংকর্তব্য-বিমূঢ় হইয়া পরস্পরের মুখের দিকে দৃষ্টি করিতে লাগিল। ইহার তাৎপর্য্য তাহাদের নিকট তেজিবাজির ত্রায় বোধ হইতে লাগিল। কিছুক্ষণ পরে তাহারা বুকিল ইহা মহাদেবের মহম্ব এবং সকলে তাঁহাকে সাষ্টাঙ্গ প্রণিপাত করিয়া চোরকে অব্যাহতি দিয়া গৃহে গমন করিল। সেই অবধি ধবলেশ্বর নাম বিখ্যাত হইল। কটকবাসীরা ধবলেশ্বরকে অতিশয় ভক্তি ও সম্মান করিয়া থাকে। ধবলেশ্বরের শপথের তুল্য কটকবাসীর নিকট প্রধান

শপথ আর নাই, এমন কি নিম্নশ্রেণীর মধ্যে ধ্বলেশ্বরের শপথ দ্বারা অনেক বিবাদ বিসম্বাদ নিষ্পত্তি হইয়া যায়। এই তীর্থস্থানে অনেক অপূত্রক পূত্র কামনায় এবং অনেক রোগী হুশিকিৎসায় রোগ দূরীকরণের আশায় মধ্যে মধ্যে “হত্যা” দিয়া থাকে, এবং শুনা যায় তাহাতে সফলই উৎপন্ন হইয়া থাকে। বাহিরের সমভূমি হইতে মন্দিরের অভ্যন্তর কিছু নিম্নাভিমুখে। আলোক প্রবেশ করিবার আদৌ উপায় নাই সুতরাং মহাদেব দর্শন করিতে হইলে প্রদীপের সাহায্য ব্যতীত যাওয়া একেবারে অসম্ভব। মন্দিরের দ্বারদেশ হইতে প্রায় ৩০ ফুট দূরে এবং ৫।৬ ফুট নিম্নে মহাদেব স্থাপিত। একজন পাণ্ডা আমাদের পথ প্রদর্শক হইয়া প্রদীপ হস্তে অগ্রসর হইতেছিল—আমরা তাহার হস্তস্থিত প্রদীপের ক্ষীণ আলোকে অতি সাবধানে অগ্রসর হইতেছিলাম। পাণ্ডা মধ্যে মধ্যে আমাদের কাছে “উঁচু নীচু” বলিয়া সতর্ক করিয়া দিতে লাগিল—কারণ সেই আলোকের সাহায্যে দুই তিন হাত পরিমিত স্থান মাত্র অস্পষ্টভাবে আমাদের দৃষ্টিগোচর হইতেছিল। সেই সময় মন্দির মধ্যে দেখিলাম একটিনিঃসহায় দরিদ্র ব্যক্তি মহাদেবের পাণ্ডুর্য ও নির্ম্মালা পাইবার জন্য পাণ্ডাকে কাকুতি মিনতি করিতেছে, কিন্তু স্বার্থপর কঠিন প্রাণ পাণ্ডা তাহার কাতরোক্তিতে কর্ণপাত না করিয়া চলিয়া আসিতেছিল, পরে আমাদের কর্তৃক অল্পকষ্ট লইয়া নিতান্ত বিরক্তভাবে সেই ব্যক্তিকে নির্ম্মালা দিল। সে তাহা অতিশয় ভক্তির সহিত গ্রহণ করিয়া নিজেকে পবিত্র জ্ঞান করিতে করিতে তাহা মস্তকে ও বক্ষে স্পর্শ করাইয়া মন্দির হইতে নিষ্ক্রান্ত হইল।

মন্দির অতি জীর্ণ ও পুরাতন বলিয়া তন্মধ্যে অসংখ্য চর্ম্মচটিকা বাস করিতেছে। তাহাদের দুর্গন্ধে মন্দির মধ্যে ক্ষণকালও তিষ্ঠান দুঃকর। পাণ্ডা মহাশয়কে এই ক্ষুদ্র জীবগুলিকে অস্ত্র পাঠাইবার ব্যবস্থা করিতে বলা হইয়াছিল কিন্তু জীবগুলিকে বহিষ্কৃত করিতে তিনি বড় অনিচ্ছুক। কারণ যদি মহাদেবের কোপাঘাতে তাহার দক্ষিণার ব্যবস্থা ন্যূন হইয়া পড়ে। এখানে প্রতি বৎসর কাঠিক মাসের রাস পূর্ণিমার রাত্রিতে এবং পৌষ মাসের মকর সংক্রান্তির দিনে দুটি মেলা হইয়া থাকে, তাহাতে বহু লোকের সমাগম হয়। কাঠিক মাসের রাস পূর্ণিমার অপেক্ষা মকর সংক্রান্তির যোগে বিস্তর জনতা হয়। উড়িষ্যার অস্ত্রাশ্রয় তীর্থ স্থানের স্থায় এখানেও পরে অপর দুইটি মন্দির সংস্থাপিত হইয়াছে। একটি এই দ্বীপের উপরে, মহাদেবের নাম বিরিকীশ্বর এবং অপরটি নদীর অপর পারে নাম মঞ্চেশ্বর। ধ্বলেশ্বরের মন্দিরের চতুষ্পার্শ্বে প্রস্তর নির্ম্মিত নানা দেব দেবীর প্রতিমূর্তি রহিয়াছে। তাহাদের আর পৃথক মন্দির হইয়া উঠে নাই। কোনটি বা নিপতিত কোনটি বা অর্দ্ধাধিত অবস্থায় রহিয়াছে। বোধ হয় ঐ সকল প্রতিমূর্তি পরে নানা স্থান হইতে সংগৃহীত হইয়াছে। ছুঃখের বিষয় যে সকল গুলিই নাসিকা এবং কোন কোন অঙ্গ প্রত্যঙ্গ হীন। লোকে বলে ইহা কালা পাহাড়ের কীর্তি। মন্দিরের সম্মুখে উৎকল ভাষায় লিখিত আছে যে “মন্দির সংস্কারের জন্য অস্ত্রতঃ একটি পয়সা দান না করিলে কাহারও ধ্বলেশ্বর

দর্শনের ফল হইবে না”। সকলে বলে ইহা আটগড় রাজার হুকুম অনুসারে লিখিত হইয়াছে। মন্দিরের সামান্য দেবোত্তর সম্পত্তি হইতে যাজকগণ প্রতিপালিত হয়। মন্দিরের অধিকাংশ আয় রাজা নিজে গ্রহণ করিয়া থাকেন, আয়ও নিতান্ত কম হয় না। তবু এইরূপ হুকুম জারি করা কিরূপ সঙ্গত তাহা পাঠক পাঠিকা সহজেই উপলব্ধি করিতে পারিবেন। রাজার ভক্তি-ন্যূনতা ইহাতে পষ্টই প্রতীয়মান হইতেছে।

সেই দিন রাত্রিতে ধ্বলেশ্বরে অবস্থিত করিয়া তাহার পর দিবস ১০ই অগ্রহায়ণ অতি প্রত্যুষে আমাদের নৌকা ছাড়িল। মহানদীর উত্তরপার্শ্বে স্তর বিস্তৃত গিরিশৃঙ্গ, স্থানে স্থানে পলি, সমতল ভূমি, শ্রামল শস্ত ক্ষেত্র এবং অসংখ্য আশ্রয় কানন। কেহ কেহ বা প্রাবৃটের ভীষণ প্রকোপ ভয়ে পাহাড়ের কিঞ্চিৎ উচ্চ স্থানে কুটীর নির্মাণ করিয়া বাস করিতেছে, দূর হইতে তাহাদের সেই তৃণাচ্ছাদিত ক্ষুদ্র কুটীর গুলি চিত্রের স্থায় আমাদের চক্ষুর সম্মুখে প্রতিবিম্বিত হইতে লাগিল। স্থানে স্থানে পীতবর্ণ সর্ষপ ফুল বাঁশ বনের অন্ধকার স্থানকে আলোকিত করিয়া কুটীরা রহিয়াছে। আমরা যতই অগ্রসর হইতেছি, পাহাড় গুলি ততই নিকটবর্তী বোধ হইতে লাগিল। কোন কোন পাহাড় একেবারে নদীর জলের সহিত সংযুক্ত হইয়া রহিয়াছে। বৃহৎ বৃহৎ শৈল খণ্ডে ক্ষুদ্র তরঙ্গের অবিশ্রান্ত ঘাত প্রতিঘাত এবং সূর্য্যকিরণ পতনবশতঃ অতি সুন্দর দৃশ্য প্রতিফলিত হইতেছিল। যে দিকেই নিরীক্ষণ করি সে দিকেই প্রকৃতির অপকল্প দৃশ্যে মন প্রাণ বিমোহিত হইতে লাগিল। চতুর্দিকের নানা দৃশ্য দেখিতে দেখিতে আমরা নরাজ নামক স্থানে আসিয়া পৌঁছিলাম; তখন বেলা প্রায় ১১টা। নদীর সম্মুখেই একটি ক্ষুদ্র পাহাড়ের উপরে নরাজের ডাক বাঙ্গলা। পাহাড়ের পশ্চিম দিক বর্ষার প্রবল ঝোটে নৌত হওয়ার প্রকাণ্ড প্রকাণ্ড প্রস্তর খণ্ড সমূহ বাহির হইয়া পড়িয়াছে। ডাক বাঙ্গলা হইতে পশ্চিম ও দক্ষিণ দিকের দৃশ্য অতীব মনোহর। এইখান হইতে কাঠগুড়া নামক মহানদীর একটি শাখা নির্গত হইয়াছে। পূর্বের সম্বলপুর প্রভৃতি স্থান হইতে এই পথে বানিজ্য দ্রব্য সকল কটকে নীত হইত। এখন ইষ্টক এবং প্রস্তর নির্ম্মিত বাঁধ দ্বারা ওই শাখা নদীকে আবদ্ধ করা হইয়াছে। সুতরাং নদীর অধিকাংশ জলরাশি মহানদী দিয়াই প্রবাহিত হইতেছে এবং পণ্য দ্রব্য সকল মহানদী দিয়া কটকে নীত হইয়া থাকে। ওই স্থানে বহু পরিমাণে “বেলে” পাথর পাওয়া যায়। কটকের আবশ্যক মত এই জাতীয় প্রস্তর এই স্থান হইতে সংগৃহীত হয়। প্রস্তর খনি নদীর অতি সন্নিকট। নৌকায় প্রস্তর তুলিবার জন্য একটি ক্রেন (Crane) আছে। এই খনি হইতে এক মাইল দূরে দুইটি পাহাড়। তন্মধ্যে উচ্চতর পাহাড়টিতে আমরা অপরান্ত্রে বেড়াইতে গিয়াছিলাম। পাহাড়ের উচ্চতা ৩০০।৩৫০ ফুট হইবে! পাহাড় উঠিবার পথের বাম পার্শ্বে একটি অর্দ্ধ প্রোথিত অবস্থায় বৈরাগীর আশ্রম আছে। দেওয়ালে কক্ষের কয়েকটি অবতার মূর্তি অঙ্কিত আছে। চিত্র গুলি নিতান্ত মন্দ নয়। পাহাড়ের উপর সিদ্ধনাথ দেবের মন্দির। জনৈক ভক্ত পথিকের কষ্ট লাঘব উদ্দেশ্যে মন্দিরে

উঠিবার জন্ত অশীতি সংখ্যক প্রস্তর সোপান নির্মাণ করিয়া দিয়াছেন। কিন্তু বাস্তব পক্ষে হিতে বিপরীত হইয়াছে। সোপান শ্রেণীর জন্ত উঠিবার সুবিধা দূরে থাকুক অসুবিধাই বিস্তর। উঠিবার কষ্ট চার পাঁচ দিন পর্য্যন্ত স্থিতি পটে জাগরুক ছিল। মন্দিরটি অনুমানিক ৬০ ফুট উচ্চ। ইহার নিম্ন অর্দ্ধাংশের চতুর্থাংশ প্রস্তর কাটিয়া প্রস্তর হইয়াছে। মন্দিরটি বহু পুরাতন বলিয়া বোধ হয়। সম্প্রতি ইহার জীর্ণ সংস্কার আরম্ভ হইয়াছে। ধবলেশ্বরের মন্দিরের স্থায় ইহার অভ্যন্তর তত অন্ধকার নয়। কতক গুলি দেব দেবীর প্রতিমূর্তি মন্দিরের গায়ে সন্নিবেশিত আছে, কিন্তু সকলগুলিই নাসিকাহীন এক ভগ্ন মন্দিরের দক্ষিণ দিকে একটি মনুস্তম্ভ খোদিত গুহা আছে। বোধ হয় ইহা পুরাকালে কোন বৌদ্ধীর আশ্রম ছিল। গুহার দুইটি প্রকোষ্ঠ, বোধ হয় একটি শয়ন গৃহ এবং অপরটি রন্ধন শালা রূপে ব্যবহৃত হইত। যে প্রস্তর খণ্ডে এই গুহা খোদিত তাহা ৩০ ফুট উচ্চ ৪০ ফুট দীর্ঘ। পাহাড় কাটিয়া গুহা নির্মিত হইয়াছে। জমৈক ব্রাহ্মণ প্রতাহ মহাদেবের পূজা করিয়া যায়। কিন্তু স্থান জঙ্গল পূর্ণ বলিয়া রাজিতে এখানে থাকিতে কেহ সাহস করে না। মন্দির ও গুহা দেখিয়া পাহাড়ের আরও উচ্চ স্থানে উঠিলাম। তথা হইতে কটক সহরের শুভ্র অটালিকা শ্রেণীর কিয়দংশ, ধবলেশ্বরের মন্দির, মহানদী এবং কাঠসূড়ীর প্রবাহ অনেক দূর পর্য্যন্ত দৃষ্টিগোচর হয়। অসমান অপ্রশস্ত দীর্ঘ বক্র পথেরখার দুই পার্শ্বে ছোট বড় অগণ্য বৃক্ষ শ্রেণী, অতি সুসজ্জিত দেখাইতে ছিল। পাহাড়ের পাদদেশের অনতিদূরে হ্রিত ও পীত বর্ণের শস্ত ক্ষেত্র, কোথাও শস্ত পল্ল হওয়ার ক্ষেত্রটি উচ্চ গাঢ় পীতবর্ণে শোভা পাইতেছিল। স্থানে স্থানে সমতল ভূমির উপরে এই শস্ত ক্ষেত্রগুলি নানা কারুকার্য্য সম্বলিত গালিচা বিস্তৃত বলিয়া ভ্রম জন্মাইতেছিল। আশে পাশে কুটিরগুলি অতি ক্ষুদ্র দেখাইতেছিল। এই অপরূপ মন মুগ্ধকর দৃশ্যাবলী যেন চিত্রপটে আঁকিত বলিয়া বোধ হইতে লাগিল।

উপরিভাগে একটি ক্ষুদ্র মন্দির আছে। মন্দিরটির নিম্নার্দ্ধ পাহাড়ে খোদিত এবং উর্দ্ধাংশ পরে নির্মিত হইয়াছে। সম্মুখ হইতে উর্দ্ধাংশই দেখা যায়। মন্দিরটি দেবতাশূন্য। এখন তাহা চর্মচটিকার আবাস এবং ভ্রগন্ধে পরিপূর্ণ। এই পাহাড়ের দক্ষিণ দিকে তাগড় নামক একটি ক্ষুদ্র পল্লী আছে। কুটিরগুলির মুখ্য প্রাচীর গৈরিক বর্ণে রঞ্জিত। উপর হইতে তাহার শোভা অতি রমণীয়। একপ পরিষ্কার পল্লী কদাচিৎ দৃষ্টিগোচর হয়। এক একজনের দুই একখানি কুটির, সম্মুখে অনতিবৃহৎ প্রাঙ্গণ—প্রাঙ্গণে দুই চারিটি গাণ্ড ফুলের গাছ, লাউ কুমড়ার মাচা। ক্ষুদ্র ক্ষুদ্র বালক বালিকাগণের আনন্দ কোলাহলে প্রাঙ্গণ পূর্ণ। রমণীগণ গৃহকার্য্যে ব্যস্ত, সে অতি সুন্দর মধুর দৃশ্য—কেমন নিরিবিলি ভাবে তাহাদের ক্ষুদ্র সংসার চলিয়া যাইতেছে, সেই চিত্তাই মনোমধ্যে পুনঃ পুনঃ উদ্ভিত হইতে লাগিল। কি পবিত্র শান্তি ও প্রফুল্লতার ভাব এখানে বিরাজিত। এই স্বল্পভূমি দরিদ্র দিগকে ঐশ্বর্যের দাস্তিকতা ধনের গৌরবতা স্পর্শ করে নাই—তাই তাহাদের জীবন অতি সুখের—সংসার শান্তিময়।

১১ই অগ্রহায়ণ। নরাজের অপর তীরে দাভাকোট বা দেবীকোট নামক স্থানে রাজি যাপন করা গেল। এখানেও একটি ক্ষুদ্র পাহাড়ে একটি স্বাভাবিক গুহা আছে, কিন্তু সমরাত্য বশতঃ তাহা দেখা হইয়া উঠিল না।

১২ই অগ্রহায়ণ। দাভাকোট হইতে আমরা কন্দরপুর বা কন্দর্পপুর নামক স্থানে পৌছিলাম। ইহার অনতিদূরে একটি দ্বীপের উপরে মহাদেবের একটি পুরাতন জীর্ণ মন্দির আছে। ইনি “পশ্চিমেশ্বর” নামে খ্যাত। পূজা পদ্ধতিতে কিছু বিশেষ আছে। একজন মালী ইহার পুরোহিতের কার্য্য করিয়া থাকে। প্রতাহ পুষ্প বিহগুদ্বারা মহাদেবের পূজা হয়। বঙ্গদেশে নিম্নশ্রেণীর লোককে মহাদেবের পূজা করিতে দেখা যায় না—এক ব্রাহ্মণ ভিন্ন মহাদেবের পূজা করিতে অল্প কোন জাতির অধিকার নাই। পূজারি ব্রাহ্মণগণ প্রাণতয়ে স্থানান্তরে পলায়ন করিয়া থাকিবে। সেই অবধি মন্দিরের মালীর দ্বারাই শিবের পূজার কার্য্য হইয়া থাকে। শিবের ধ্যান মন্ত্র ইহাদের কণ্ঠস্থ এবং উচ্চারণও পরিষ্কার। পুষ্প বিহগুদ্বারা হস্তে লইয়া মন্ত্র উচ্চারণান্তে অঞ্জলি প্রদান করে। এইরূপেই শিবপূজা সমাপ্ত হয়।

কন্দরপুরের সন্নিকটে একটি বিস্তৃত অরণ্য এবং ইহা নানাবিধ বিহঙ্গের আবাসভূমি। উবা আগমনে দোয়েল, পাপিয়া, ভৃঙ্গরাজের স্তম্ভুর কাকলি বনভূমি প্রতিধ্বনিত করিয়া শূন্য মুক্ত বায়ুতে ছড়াইতে লাগিল। স্বর্ঘ্যোদয়ের পরে আবার তাহাদের স্তম্ভুর সঙ্গীতের সহিত ঘূষু এবং ছোট বড় নানাবিধ বিহঙ্গমগণ স্ব স্ব কণ্ঠ মিলাইতে লাগিল। সেই স্বর মিশ্রিত হওয়ার অরণ্যে এক মহা কোলাহল উথিত হইতে লাগিল। একপ স্তম্ভুর রব দ্বারা কদাচিৎ আগন্তুক নগর ও পল্লীবাসীদিগের শ্রবণ পরিতৃপ্তি হইয়া থাকে কিন্তু অসত্য অরণ্যবাসীদিগের নিকট ইহার মধুর স্ব কোথায়! ঐ স্থান জঙ্গলশূন্য হইয়া চাষ আবাদ হইলে তাহারা কত সুখী হইত!

গবর্ণমেন্টের অনুকরণে আটগড়ের রাজা সম্প্রতি ইহাকে রক্ষিতারণ্য (Reserved forest) করিয়াছেন। জঙ্গলটিতে বৃহৎ বৃক্ষ অতি বিরল এবং চতুষ্পার্শ্বেই পল্লী আছে। রক্ষিতারণ্য করায় এই সকল পল্লীর প্রজাদিগের অশেষ কষ্ট হইয়াছে। অল্পকরণে সচরাচর বিধময় ফল উৎপন্ন হয়। এইরূপ সামান্য জঙ্গলকে গবর্ণমেন্ট কখন রক্ষিতারণ্য করিতেন না। দুই তিন বৎসর পূর্বে এই অরণ্যের পার্শ্বস্থ যে সকল শস্তক্ষেত্র ছিল তাহা মৃগ ও বন্য বরাহ প্রভৃতির উৎপীড়ন জন্ত পরিত্যক্ত হইয়াছে। আরও পাঁচ সাত বৎসরের পরে বৃহৎ হিংস্র জন্তুর সমাগম হইলে এই পল্লী সমূহের প্রজাদিগের অবস্থা আরও শোচনীয় হইবে। রক্ষিতারণ্য না করিয়া ইহার আবাদ হইলে প্রজাদিগের অবস্থা উন্নত হইবার এবং রাজারও আয় বৃদ্ধি হইবার সম্ভাবনা ছিল। কিন্তু এখন সে আশা করা সম্পূর্ণ বৃথা।

এই জঙ্গলে কয়েক প্রকার সুন্দর সুন্দর পর্ণবৃক্ষ (ferns) পাওয়া যায়। (ক্রমশঃ) শ্রীগিরিবাল্মী দেবী।

বুধোপগ্রহণ।

সূর্যের সর্বাঙ্গীক নিকটবর্তী গ্রহের নাম বুধ। কোন কোন জ্যোতির্বিদের ধারণা আছে যে, বুধ ও সূর্যের মধ্যভাগে অপর এক কিসা একাধিক ক্ষুদ্র গ্রহ বিচরণ করিতেছে; কেহ বা মনে করেন যে, ঐ স্থলে একরাশি উল্কা বিচরণ করিতেছে; কিন্তু পর্যবেক্ষণ দ্বারা তাহার কোন লক্ষণ দৃষ্ট হয় নাই, এবং যে পর্য্যন্ত তাহা স্থিররূপে জানা না যায় সে পর্য্যন্ত বুধকেই আমরা সূর্যের সর্বাঙ্গীক নিকটবর্তী গ্রহ বলিব। সূর্যের চতুর্দিকে একবার স্বীয় কক্ষে পরিভ্রমণ করিতে এই গ্রহের, ৮৭ দিন ২৩ ঘণ্টা ১৫ মিনিট ৪৪ সেকেন্ড সময় লাগে। সূর্যাসিকান্ত মতে ইহার আবর্তনকাল ৮৭ দিন ৫৮ দণ্ড ১০ পল ৫৬ বিপল। ইহার কক্ষ বৃত্তাভাসাকার,*—ঐ বৃত্তাভাস পথে পরিভ্রমণকালে বুধ কখনও সূর্যের কিছু নিকটে এবং কখনও বা অপেক্ষাকৃত দূরে গমন করিয়া থাকে। যখন সর্বাঙ্গীক নিকটে আসে তখন সূর্যকেই হইতে তাহার দূরত্ব ২,৮৫,৬২০০০ মাইল, এবং যখন অভ্যধিক দূরে যায় তখন তাহার দূরত্ব ৪,৩৩,৪৭০০০ মাইল হইয়া থাকে। মোটামুটি বলিতে গেলে ইহার দূরত্ব পরিমাণ গড়ে সাড়ে তিন কোটি মাইলের অধিক বলা যায়। বুধের আকার গোল, এবং তাহার ব্যাসপরিমাণ প্রায় তিন হাজার মাইল। পৃথিবী হইতে তাহাকে অতি ক্ষুদ্র দৃষ্ট হইয়া থাকে—এ কারণ তাহার দেহ সম্পূর্ণ গোলাকার কিসা পৃথিবীর মতন চাপা তাহা নির্ণয় করা সহজসাধ্য নহে। কিন্তু জনৈক বিখ্যাত জ্যোতিষী বিশেষ অবধানতার সহিত পর্যবেক্ষণ করিয়া জ্ঞাত হইয়াছেন যে বুধের দেহ অপেক্ষাকৃত চাপা তাহার স্থল-ভাগের ব্যাস হইতে চাপা অংশের ব্যাস প্রায় ত্রিশ ভাগের এক ভাগ ন্যূন। পৃথিবীর দেহের উত্ত্ববিধ ব্যাসের অনুপাত প্রায় তিনশত ভাগের এক ভাগ মাত্র।

সুতীক্ষ্ম দূরবীক্ষণ দ্বারা বুধকে কলা পরিবর্তনশীল দৃষ্ট হইয়া থাকে। চন্দ্রের স্থায় তাহাকে অমাবস্তা হইতে ক্রমে পূর্ণিমা এবং পূর্ণিমা হইতে ক্রমে অমাবস্তা স্থানীয় হইতে দেখা যায়। কিন্তু তাহাদের মধ্যে বিশেষ পার্থক্য এই রহিয়াছে যে পূর্ণিমাস্থানীয় বুধ সূর্যের অন্তরালে গমন করাতে তাহাকে একেবারেই দেখা যায় না; অমাবস্তাস্থানীয় অবস্থায় তাহা পৃথিবী ও সূর্যের মধ্যবর্তী হওয়ার সময় সময়ে তাহাকে তেজোময় দৌরদেহে কালিমার আকারে দৃষ্ট হইয়া থাকে। জ্যোতির্শাস্ত্র দৌরদেহে বুধ কতৃক এবিধ কালিমা সম্প্রাতকে “বুধোপগ্রহণ” কহে।†

* Ellipse শব্দের বাঙ্গলা ‘বৃত্তাভাস’ অনেক কাল চলিয়া আসিয়াছে, কিন্তু কোন বিশেষ কারণে ভবিষ্যতে ইহার ব্যবহার বন্ধ করিতে বাধ্য হইতেছি। ত্রিঃ—

† ভারতী (১৮৩৩) ৭১৫ পৃষ্ঠা দ্রষ্টব্য।

চন্দ্রের কক্ষের স্থায় বুধের কক্ষও ধরাকক্ষের সহিত ঈষৎ তীর্থাগভাবে অবস্থিতি করিতেছে; এ কারণ বুধ যতবার পৃথিবী ও সূর্যের মধ্যবর্তী হয় ততবারই বুধোপগ্রহণ লক্ষিত হয় না। ঐরূপ মধ্যবর্তী হওয়ার সময় বুধ যদি ধরাকক্ষ সমতলে কিসা তাহার অতি নিকটে অবস্থিতি করে তাহা হইলে বুধোপগ্রহণ দৃষ্ট হইবার কথা। এই হেতু মচরাচর কয়েক বৎসরান্তে একবার করিয়া বুধোপগ্রহণ ঘটতে দেখা যায়।

পূর্বে বলা হইয়াছে যে বুধের একবার স্বীয় কক্ষে আবর্তন করিতে প্রায় ৮৮ দিন লাগে। এই ৮৮ দিনে পৃথিবীও স্বীয় কক্ষের কিয়দংশ পরিভ্রমণ করে। অতএব একবার পৃথিবী ও সূর্যের মধ্যবর্তী হওয়ার পর বুধ ৮৮ দিবসান্তে ঐ স্থানে উগনীত হইলে পৃথিবীকে আর নিকটে দেখিতে পায় না; ততদিনে পৃথিবী যে স্থলে চলিয়া গিয়াছে বুধ অপেক্ষাকৃত দ্রুত-গতি বশতঃ সেই স্থান অতিক্রম করিয়া গেলে পৃথিবীর সহিত পুনরায় মধ্যবর্তী হইয়া উপস্থাপিত হইবে। পৃথিবী ৮৮ দিবসে প্রায় ৮৬ অংশমত বৃত্তাংশ গমন করে; এ দিকে আবার বুধ প্রতিদিন পৃথিবী হইতে প্রায় ৩.৩ অংশ অগ্র গমন করে। অতএব বুধ স্বীয় কক্ষে এক আবর্তন পূর্ণ করিলে পৃথিবী তাহা হইতে ৮৬ অংশ অগ্রে অবস্থিতি করিবে এবং বুধের ঐ দূরত্ব অতিক্রম-করিতে প্রায় ২৮ দিন লাগিবে। এইরূপে দেখা যায় যে বুধ একবার পৃথিবী ও সূর্যের মধ্যবর্তী হইলে পুনরায় ঐরূপ হইতে প্রায় ১১৬ দিবস লাগে।

কোন গ্রহ কক্ষ যে দুই বিন্দুতে ধরাকক্ষ সমতলকে ছেদ করে তাহাদিগকে ঐ গ্রহের ‘পাত’ বলা যায়। পূর্বে বাহা বলা হইল তাহা হইতে প্রতিপন্ন হইবে যে, বুধ যখন স্বীয় কক্ষের ‘পাত’ বিন্দুতে কিসা তাহার অতি সন্নিকটে সূর্য ও পৃথিবীর মধ্যগত হয় তখনই বুধোপগ্রহণ ঘটে। মনে করা যাউক একবার ‘পাত’ সান্নিধ্যে অবস্থিতি কালে ঐরূপ উপগ্রহণ ঘটিয়াছে; পুনরায় যখন বুধ সূর্য ও পৃথিবীর মধ্যগত হইবে তখন তাহা স্বীয় কক্ষপথের ‘পাত’ হইতে প্রায় ৬৬ অংশ পশ্চাতে থাকিবে, অতএব কোন পাতই উপগ্রহণ ঘটতে পারিবে না। তৃতীয় বার যখন বুধ সূর্য ও পৃথিবীর মধ্যগত হইবে তখন তাহা দ্বিতীয় পাত হইতে ৪৮ অংশ অগ্রে থাকিবে, অতএব সে স্থলেও উপগ্রহণ ঘটা অসম্ভব।

গণনা দ্বারা সিদ্ধান্ত করা যায় যে বুধ যথাক্রমে প্রতি তিন বৎসরান্তে একবার মে মাসে ও একবার নবেম্বর মাসে পাত-সান্নিধ্যে সূর্য ও পৃথিবীর মধ্যগত হইয়া থাকে। অর্থাৎ যদি মনে করা যায় যে একবার মে মাসেতে উপগ্রহণ ঘটিল, তবে সাধারণতঃ তাহার তিন বৎসরান্তে যে মে মাস আসিবে তাহার পরবর্তী নবেম্বরেতে অর্থাৎ সাড়ে তিন বৎসরান্তে পুনরায় উপগ্রহণ ঘটবার সম্ভাব্যতা দেখা যায়। কিন্তু ইহা জানিতে হইবে যে ঠিক সাড়ে তিন বৎসরান্তে বুধ মধ্যগত হইলেও পাতস্থানীয় হয় না; আবার স্থল ও সময় বিশেষে তিন বৎসরান্তে সূর্যের বিপরীত দিকে এবং ছয় বৎসরান্তে সূর্য ও পৃথিবীর মধ্যগত হইয়া পাতস্থানীয় হইয়া থাকে। এইরূপে জানা যাইতেছে যে একবার ছয় বৎসরান্তে ও পুনরায়

৭ বৎসরান্তে নবেম্বর মাসে উক্ত নিয়মে তাহাদের মধ্যবর্তী মে মাসে যথাক্রমে উপগ্রহণ ঘটবার লক্ষণ দেখা যায়।

পূর্বে কথিত হইল যে, ঐ সকল সময়ে গ্রহ ত্রিক পাতে সমাবিষ্ট হয় না। সূর্যের ক্ষুদ্র ব্যাস পৃথিবী হইতে কলামানে মে মাসে ৩১ কলা ৪৪ বিকলা এবং নবেম্বরে ৩২ কলা ২৪ বিকলা হইরা থাকে। উপরোক্ত কালে যদি গ্রহবিষ মধ্যগত হওয়ার সময় সূর্যের কেন্দ্র হইতে সৌরবিষের ব্যাসার্ধ হইতে অধিক দূরে অবস্থিত করে তবে আর উপগ্রহণ ঘটিতে পারিবে না।

একটা দৃষ্টান্ত দেখা যাউক ;—বিগত ১৮৯১ খৃঃঅঃ ৯ই মে যে বুধোপগ্রহণ ঘটে তাহাতে গ্রহ সৌরকেন্দ্রের দক্ষিণ ভাগে ১২ কলা ৩৪ বিকলা দূর দিরা গমন করিয়াছিল। বিগত ১০ই নবেম্বর পুনরায় উপগ্রহণ ঘটয়াছিল, কিন্তু তাহাতে গ্রহ সৌরকেন্দ্রের ৪ কলা ২৩ বিকলা মাত্র উত্তরভাগ দিরা গমন করিয়াছিল। পূর্বে বিধান মতে ১৮৯৮ খৃঃ অঃ মে মাসে এক উপগ্রহণ ঘটবার কথা, কিন্তু তাহাতে গ্রহ সৌরকেন্দ্র হইতে ৩৪ কলা, ৪৭ বিকলা উত্তরে থাকিবে ; অতএব ঐ স্থলে তাহা সৌরবিষের বহির্ভাগে থাকতে উপগ্রহণ ঘটিবে না। আবার ১৯০১ খৃঃঅঃ নবেম্বরে উপগ্রহণ ঘটবার কথা, কিন্তু তখন গ্রহ সৌরকেন্দ্র হইতে ১৮ কলা ৫০ বিকলা দক্ষিণে থাকিবে। নবেম্বরে সূর্যের ব্যাসার্ধ ১৬ কলা ১২ বিকলা মাত্র, অতএব এ স্থলেও উপগ্রহণ অসম্ভব হইবে।

আমেরিকার জ্যোতিষী নিউকুম বুধের এই স্থিতিবৈচিত্র্য গণনা করিয়া যে তালিকা প্রদান করিয়াছেন তাহা দৃষ্টে জ্ঞাত হওয়া যায় যে নবেম্বর মাসের উপগ্রহণকালে ধরা-কক্ষের সহিত তুলনায় নিম্নলিখিত স্থিতি বৈচিত্র্য ঘটিয়া থাকে ;—

৬	বৎসরান্তে	গ্রহ	৩১	কলা	৩৫	বিকলা	উত্তরে
৩	৭	"	২৩	"	১৬	"	দক্ষিণে

অপসরণ করতঃ সৌরবিষ অতিক্রমণ করে। সেইরূপ মে মাসের উপগ্রহণ কালে—

৬	বৎসরান্তে	৬৫	কলা	৩৭	বিকলা	দক্ষিণে	
৩	৭	"	৪৮	"	২১	"	উত্তরে

অপসরণ করিয়া থাকে।

এক্ষণে এই বিধান প্রয়োগ করিয়া দেখা যাউক ভবিষ্যতে কোন কোন বর্ষে উপগ্রহণ ঘটিবে। পূর্বে দৃষ্ট হইয়াছে যে, ১৮৯৮ খৃঃঅঃ মে মাসে সৌরকেন্দ্র হইতে গ্রহের দূরত্ব ৩৪ কলা, ৪৭ বিকলা উত্তরে, এবং ১৯০১ খৃঃঅঃ মে মাসে ১৮ কলা ৫০ বিকলা দক্ষিণে থাকিবে; অতএব সৌরকেন্দ্র হইতে গ্রহের দূরত্ব—

১৯০৪	খৃষ্টাব্দে	মে মাসে	২৯	কলা,	৫০	বিকলা (দক্ষিণে)
১৯০৭	"	নবেম্বরে	১২	"	৪৫	" (উত্তরে)
১৯১১	"	মে মাসে	১৮	"	৩১	" (উত্তরে)

১৯১৪	খৃষ্টাব্দে	নবেম্বর	১০	কলা	৩১	বিকলা (দক্ষিণে)
১৯১৭	"	মে মাসে	৪৭	"	৬	" (দক্ষিণে)
১৯২০	"	নবেম্বর	২১	"	৪	" (উত্তরে)
১৯২৪	"	মে মাসে	১	"	১৫	" (উত্তরে)
১৯২৭	"	নবেম্বর	২	"	১২	" (দক্ষিণে)

ইত্যাদি ইত্যাদি ইত্যাদি

উপরোক্ত তালিকা দৃষ্টে জ্ঞাত হওয়া যায় যে যেহেতু মে ও নবেম্বরে সূর্যের ব্যাসার্ধ যথাক্রমে ১৫ কলা ৫২ বিকলা, ও ১৬ কলা ১২ বিকলা থাকে অতএব বিগত উপগ্রহণের পর ১৮৯৮, ১৯০১, ১৯০৪, ১৯১১, ১৯১৭ ও ১৯২০ খৃষ্টাব্দে উপগ্রহণ লক্ষিত হইবে না। পরন্তু ১৯০৭, ১৯১৪, ১৯২৪ এবং ১৯২৭ খৃষ্টাব্দে উপগ্রহণ সংঘটন অবশ্যস্বাভাবী। এইরূপে পর পর হিসাব করিয়া দেখিলে যে সকল বর্ষে উপগ্রহণ সম্ভাবনীয় তাহার একটি সূদীর্ঘ তালিকা প্রস্তুত করা যাইতে পারে। কিন্তু ইহা অবশ্য স্মরণ রাখিতে হইবে যে এই গণনারও "বিকল্প" আছে ; যথা,—১৯৪৭ খৃষ্টাব্দে যদি গণনা করা যায় তবে দেখা যাইবে ঐ বৎসর নবেম্বরে বুধ সৌরকেন্দ্র হইতে ১৭ কলা ৯ বিকলা (দক্ষিণে) দূরে থাকিবে। অতএব ঐ স্থলে সৌরদেহ হইতে গ্রহের দূরত্ব ৫৭ বিকলা মাত্র দৃষ্ট হইবে। কিন্তু যদি তথায় বুধ অল্প গ্রহে কিম্বা অপর কোন জাতীয় পদার্থ কর্তৃক আকৃষ্ট হইয়া কিছুমাত্র বিচলিত হয় তবে তাহার সৌরবিষোপরি সম্প্রতি হইবার সম্ভাবনা রহিয়াছে। সেইরূপ ১৯৩৭ খৃঃঅঃ মে মাসে গ্রহ সৌরকেন্দ্র হইতে ১৬ কলা ১ বিকলা দূরে থাকিবে ; অতএব তথায় সৌরবিষ হইতে ৯ বিকলা মাত্র দূরে থাকতে ঐ সময় উপগ্রহণ দৃষ্ট হওয়ার আরও অধিকতর সম্ভাবনা রহিয়াছে।

এ স্থলে ইহা জানা আবশ্যক যে বুধ ৩৬ বৎসরে সূর্য ও পৃথিবীর মধ্যবর্তী হইলেও পাত-স্থানীয় না হওয়াতে সর্বত্র ৩৬ বৎসরান্তে উপগ্রহণ ঘটিতে পারিতেছে না। আবার ৬ বৎসরান্তে উপগ্রহণের সংখ্যাও অতি বিরল, এবং মে মাসে তাহা ঘটা অসম্ভব। কারণ, পূর্বে দৃষ্ট হইয়াছে যে নবেম্বরের উপগ্রহণে ৬ বৎসরান্তে বুধ ধরাকক্ষের সহিত তুলনায় ৩১ কলা, ৩৫ বিকলা (উত্তরে) অপসরণ করিয়া থাকে, এই অপসরণের পরিমাণ প্রায় সৌরব্যাসের সমান হওয়াতে, (উভয়ের অন্তর ৪৯ বিকলা মাত্র) প্রথম উপগ্রহণ প্রায় সৌরব্যাসই পরিমিত দক্ষিণাংশে অর্থাৎ সৌরবিষের প্রায় প্রান্তপ্রদেশে না ঘটিলে তাহার হয় বৎসরান্তে পুনরায় উপগ্রহণ ঘটবার সম্ভাবনা নাই। ঐ কারণে ইহা দৃষ্ট হইবে যে মে মাসের উপগ্রহণে ছয় বৎসরান্তে উপগ্রহণ ঘটিতে পারে না।

এক্ষণে দেখা যাউক কত বৎসরান্তে উপগ্রহণ ঘটা অবশ্যস্বাভাবী। পূর্বে কথিত হইয়াছে যে নবেম্বরের উপগ্রহণে বুধ ৬ বৎসরান্তে ৩১ কলা ৩৫ বিকলা (উত্তরে)

৩	৭	"	২৩	"	৩৬	" (দক্ষিণে)	পরিয়া যায়।
---	---	---	----	---	----	-------------	--------------

ইহা হইতে দৃষ্ট হইবে যে—

১৩ বৎসরান্তে	৮ কলা	১৯ বিকলা	(উত্তরে)
২০ ”	১৪ ”	৫৭ ”	(দক্ষিণে)
৩৩ ”	৬ ”	৩৮ ”	(দক্ষিণে)
৪৬ ”	১ ”	৪১ ”	(উত্তরে)
এবং	২১৭ ”	০ ”	১৪ ” (উত্তরে)

বুধ সৌরদেহাতিক্রম করিবে। অতএব ঐ সকল সংখ্যক বৎসরান্তে উপগ্রহণ সংঘটন অবশ্যসম্ভাবী। আবার ইহা দেখা যাইতেছে যে ২১৭ বৎসরান্তে গ্রহ আবার প্রায় স্থানে উপনীত হইয়া সৌরদেহাতিক্রম করিয়া থাকে; অতএব ২১৭ বৎসরান্তে পুনরায় ৬ বৎসরান্তরীয় উপগ্রহণ সংঘটনের সম্ভাবনা রহিয়াছে। গত ১৭৭৬ ও ১৭৮২ খৃষ্টাব্দে নবম্বরে দুইটি উপগ্রহণ ঘটয়া গিয়াছে; আবার ১৯৯৩ ও ১৯৯৯ খৃষ্টাব্দে ঐ রূপ ঘটনার সম্ভাবনা, গণনাদ্বারাও ইহা সপ্রমাণিত হয়। ঐ দুই বৎসরে সৌরকেন্দ্র হইতে গ্রহের দূরত্ব যথাক্রমে ১৫ কলা ২৯ বিকলা (দক্ষিণে) এবং ১৬ কলা ৬ বিকলা (উত্তরে) থাকিবে। আবার তাহার ২১৭ বৎসরান্তে এইরূপ হইবে:—

২২১০ খৃষ্টাব্দে গ্রহের সৌরকেন্দ্রান্তর	১৫ কলা,	১৫ বিকলা	(দক্ষিণে)
ও	২২১৬ ”	১৬ ”	২০ বিকলা (উত্তরে)

এ স্থলে দৃষ্ট হইবে যে ২২১৬ খৃষ্টাব্দে উপগ্রহণ না ঘটিলেও সম্ভাবনা রহিয়াছে। কারণ, তথায় সৌরব্যাসার্দ্ধ ১৬ কলা ১২ বিকলা মাত্র। এক্ষণে মে উপগ্রহণের পর্যায় গণনা করা যাউক:—পূর্বে কথিত হইয়াছে যে উপগ্রহণ কালে গ্রহের অপসরণ পরিমাণ

৬ বৎসরান্তে	৬৫ কলা	৩৭ বিকলা	(দক্ষিণে)
৭ ”	৪৮ ”	২১ ”	(উত্তরে);
অতএব	১৩ ”	১৭ ”	১৬ ” (দক্ষিণে)
২০ ”	৩১ ”	৫ ”	(উত্তরে)
৩৩ ”	১৩ ”	৪৯ ”	(উত্তরে)
৪৬ ”	৩ ”	২৭ ”	(দক্ষিণে)
২১৭ ”	০ ”	১৭ ”	(উত্তরে)

এ স্থলে প্রথমেই দৃষ্ট হইতেছে যে যেহেতু ছয় বৎসরান্তে বুধ সৌরব্যাসের দ্বিগুণেরও অধিক সরিয়া যায় অতএব একবার উপগ্রহণের ছয় বৎসর পরে গ্রহ পুনরায় সৌরদেহ অতিক্রম করিতে পারে না। সেইরূপ ৭ বৎসরান্তেও উপগ্রহণ ঘটতে পারে না। ইহাও লক্ষিত হইবে যে নবম্বরের উপগ্রহণে যেরূপ ছয় বৎসরান্তরীয় উপগ্রহণের সম্ভাবনা রহিয়াছে সে উপগ্রহণেও সেইরূপ ২০ বৎসরান্তে উপগ্রহণ ঘটিলেও সম্ভাবনা আছে; কিন্তু এক উপগ্রহণ

সৌরবিশ্বের দক্ষিণাংশের প্রায় প্রান্তভাগে না ঘটিলে ২০ বৎসরান্তে আবার উপগ্রহণ ঘটিলে সম্ভাবনা নাই। নবম্বরের উপগ্রহণের ঠায় মে উপগ্রহণেও দেখা যায় যে ২১৭ বৎসরান্তে বুধ পুনরায় প্রায় স্থানে আগমন করিয়া থাকে।

এক্ষণে একটা প্রশ্ন এই জিজ্ঞাস্য হইতে পারে যে, বুধোপগ্রহণ কেবলমাসে মাসে ও নবম্বরের মাসেই ঘটিলে কারণ কি?—তাহার কারণ এই যে, বুধের কক্ষের পাতনয় ক্রান্তিবৃত্তের যে প্রদেশের সহিত এক সমস্থানে অবস্থিত পৃথিবী উপরোক্ত মাসে সেই প্রদেশ পরিক্রমণ করিয়া থাকে। বুধ এবং পৃথিবী উভয়ে উক্ত প্রদেশে একত্র সমাবিষ্ট না হইলে উপগ্রহণ ঘটতে পারে না। এ কারণ ঐ দুই মাস ভিন্ন বুধের উপগ্রহণ ঘটা অসম্ভব।

বুধোপগ্রহণের উপযোগিতা বিষয়ে জ্যোতির্বিদ সমাজে অনেক মতভেদ রহিয়াছে। মাত্র স্বার্থপর জাতি, কেবল নিজের কিসে উপকার হইতে পারে তাহাই লক্ষ্য রাখিয়া কার্য করে। পৃথিবীর দূরতা নির্ণয়ার্থ “শুক্রেপগ্রহণ” অতি উপাদেয়; তাই লক্ষ্য মূদ্রা ব্যয় করিয়াও “শুক্রেপগ্রহণ” পর্যবেক্ষণার্থ দেশ দেশান্তরে যাতায়াত করিতে দেখা যায়। কিন্তু বুধোপগ্রহণ দ্বারা কেবল মাত্র বুধতত্ত্ব আর কিছুই জ্ঞাত হইবার সম্ভাবনা নাই; এবং বুধতত্ত্ব এত জটিল যে তাহার সম্যক পর্য্যালোচনা করা অতীব দুঃসাধ্য হইয়া পড়িয়াছে। বুধ অতি ক্ষুদ্র গ্রহ, এবং সূর্যের অত্যধিক নিকটবর্তী; এ কারণ সহজে অল্লেখ্য করা যাইতে পারে যে সূর্যের আকর্ষণ তাহাতে অতিশয় প্রবল হওয়াতে তাহার গতি পর্য্যালোচনা অপেক্ষাকৃত সহজ সাধ্য হইবে। কিন্তু দুর্ভাগ্যবশতঃ বুধের গতি পর্য্যালোচনার ঠায় অপর সকল গ্রহেরই গতি পর্য্যালোচনা এত জটিল ভাব ধারণ করে নাই। ইহার কারণ এই যে, বুধের গতিতে মিলিতই কোন অজ্ঞাতকুলশীল পদার্থের আধিপত্য লক্ষিত হইতেছে। এই আধিপত্যের কারণবিষ্কার না হওয়া পর্যন্ত বুধতত্ত্ব সমাধিত হইতে পারিতেছে না। এ দিকে আবার বুধ এত দ্রুত গমন করে এবং সর্বদা সূর্যের এত নিকটে থাকে যে তাহাকে, মুক্তনেত্র দূরে থাকুক, দূরবীক্ষণ দ্বারাও প্রত্যক্ষ করা দুঃসাধ্য হইয়া পড়ে। কোপার্নিকাসের জীবনের একটা মহৎ দুঃখ এই ছিল যে তিনি বুধ গ্রহকে কখনও জীবনে প্রত্যক্ষ করিতে সক্ষম হন নাই। সূর্যোদয়ের অব্যবহিত পূর্বে পূর্ব গগনে অথবা সূর্যাস্তের অব্যবহিত পরে পশ্চিম গগনে ভিন্ন আর কুত্রাপি বুধকে দেখা যায় না। একজন ইংরাজ জ্যোতিষী বহুকাল চেষ্টা করিয়াও বুধকে দেখিতে না পাইয়া বলিয়াছিলেন যে, “বুধ সূর্যরাজ্য ভূতাবিশেষ,—বহুলোকের নিকট ঋণগ্রস্ত হইয়া পড়িয়াছে। এক্ষণে ঋণ পরিশোধে অসমর্থ হওয়াতে স্বীয় প্রভুর অন্তরালে থাকিয়া চলা ফিরা করিতেছে, যেন প্রভুর ভয়ে কেহ তাহাকে কিছু বলিতে না পারে।”

যদিও সাধারণতঃ বুধকে নেত্রগোচর করা সাধ্যায়ত্ত নহে কিন্তু তথাপি বুধ লাভেরিয়ের গণিত সমস্যার হাত এড়াইতে কিছুতেই সক্ষম হয় নাই। লাভেরিয়ে যে কেবল বুধকে কবলিত করিয়াছেন তাহা নহে, বুধের সঙ্গে সঙ্গে তাহার এক গুপ্ত প্রণয়িণীর অস্তিত্ব পর্যন্ত আবিষ্কার

করিয়াছেন। লাভেরিয়ের বৃথত্ব * নামক গ্রন্থই এক্ষণে বৃথ বিবয়ে একমাত্র আদর্শ গ্রন্থ বলিয়া পরিগণিত হইয়া থাকে। কিন্তু যে অজ্ঞাতকুলশীল পদার্থ গোপনে থাকিয়া বৃথকে বিচলিত করিতেছে তাহার পরিচয় না পাওয়াতে ঐ বিচলনের স্বরূপ সুস্পষ্ট জ্ঞাত হওয়া যাইতেছে না। লাভেরিয়ের মৃত্যুর পর আমেরিকান জ্যোতিষী অধ্যাপক নিউকম্ এই কার্যে হস্তক্ষেপ করিয়াছেন। যে পর্যন্ত এ বিষয়ের সম্যক মীমাংসা না হইবে সে পর্যন্ত বৃথের গতিবিচলন জ্ঞাত হইবার নিমিত্ত বৃথোপগ্রহণ পর্যবেক্ষণ একটা প্রকৃষ্ট উপায় বলিয়া পরিগণিত হইবে। গণনা দ্বারা যে সময়ে বৃথের সৌরদেহোপরি সম্পাত কাল সাধিত হয়, পর্যবেক্ষণ দ্বারা প্রত্যক্ষ দলের সহিত তাহার বৈষম্য জ্ঞাত হওয়া যাইতে পারে, এবং সেই বৈষম্যাহুসারে তাহার জনরিতা পদার্থের স্থিতি ও স্বরূপ জ্ঞাত হওয়া সম্ভাবনীয়। কিন্তু তাহারও একটা বিশেষ অন্তরায় এই রহিয়াছে যে সূর্য্যকিরণের প্রাথর্য ও উপরোক্ত পদার্থের (বা পদার্থ নিচয়ের) ক্ষুদ্রতাহুসারে তাহার দর্শনীয়তার অভাব অবশ্যস্বীকার্য। এই সকল নানা উৎকট কারণে বৃথ এক প্রকার অসম্পাণ্ড সমস্তারূপে জ্যোতির্বিদ সমাজের পরিহার্য বিষয় হইয়া পড়িয়াছে, এবং ঐ সমাজের নিকট বৃথোপগ্রহণের আদরও হ্রাস হইয়াছে। অনেক জ্যোতির্বিদ বৃথোপগ্রহণ পর্যবেক্ষণকে পশ্চিম বিবেচনা করেন। কিন্তু ইহা সকলেই স্বীকার করিয়া থাকেন যে, বৃথ একটা অতি জটিল সমস্তা, এবং ইহার সম্পূর্ণ একান্ত বাহুসার্য। এই সমস্তার সম্পূর্ণ জ্ঞান জগতে দ্বিতীয় লাভেরিয়ের অবতারণ প্রয়োজন হইবে।

শ্রীঅপূর্ণ চন্দ্র দত্ত।

রাজা রামমোহন রায়ের ডাকাইতি।

গত অগ্রহায়ণ মাসের “সাহিত্যে” প্রকাশিত “রামমোহন ও রামজয় বটব্যাল” শীর্ষক প্রবন্ধ সম্বন্ধে দুই একটা বলিবার কথা আছে। নানা কারণে ইতিপূর্বে প্রবন্ধটিকে অতিক্রম করিয়াছিলাম।

প্রবন্ধলেখক শ্রীযুক্ত বাবু উমেশচন্দ্র বটব্যাল মহাশয় একস্থানে লিখিয়াছেন, “মহাশয় রাজা রামমোহন রায়কে খর্ব করা আমার অভিপ্রায় নহে। * * * তাহার জীবন-চরিত লেখক (শ্রীযুক্ত নগেন্দ্রনাথ চট্টোপাধ্যায়) মহাশয় যদি অনর্থক ৮ রামজয় বটব্যালের উপর কলঙ্ক দিয়া তাহাকে বাড়াইবার চেষ্টা না করিতেন, তাহা হইলে, এই প্রতিবাদ আবশ্যক হইত না।” প্রতিবাদের বিষয় এইঃ—নগেন্দ্রবাবু লিখিয়াছেন যে, রামমোহন রায় পৌত্তলিকতার বিরুদ্ধে দণ্ডায়মান হইয়াছিলেন বলিয়া ৮ রামজয় বটব্যাল তাহার

* *Theorie du Mercure*, par V.-J.-J. Le Verrier.

প্রতি নানা প্রকার অত্যাচার করেন। লেখক মহাশয় বলেন, “প্রকৃত পক্ষে রামজয় রামমোহনের উপর অত্যাচার করা দূরে থাকুক, রামমোহনই তাহার উপর অত্যাচার করিয়াছিলেন।”

প্রমাণ স্থলে লেখক হৃগলীর জজ-আদালতের নথি হইতে রামমোহন রায়ের বিরুদ্ধে ৮ রামজয় বটব্যাল মহাশয় একটা মোকদ্দমা করিয়াছিলেন তাহার আরজি উদ্ধৃত করিয়াছেন। আরজিতে বর্ণিত আছে যে রামমোহন রায় ও তাহার নায়েব শতাধিক নাটয়াল লইয়া “দলাদলীর আখেজে দাঙ্গা হাঙ্গামার দ্বারায়” বাদী ৮ রামজয় বটব্যালকে কতক জমী হইতে বেদখল ও ধাত ফশল লুট তরাজ করিয়াছিলেন এবং বৃক্ষাদি কাটিয়া ছিলেন। এ কারণ ২০৯২ টাকার দাবীতে বাদীর নালিশ।

লেখক বলেন, “এই মোকদ্দমায় জজ আদালতে ও সদর দেওয়ানী আদালতে বাদী ডিক্রি পাইয়াছিলেন।”

আলোচ্য প্রবন্ধ হইতে এই কয়েকটা কথা পাওয়া যাইতেছেঃ—

(১) লেখকের প্রতিবাদের কারণ—নগেন্দ্রবাবুর “অনর্থক ৮ রামজয় বটব্যালের উপর কলঙ্ক দিয়া” রামমোহনকে “বাড়াইবার চেষ্টা।”

রামমোহন রায় যে ক্ষমানীল সহিষ্ণুতার সহিত মতের জয় পীড়ন স্বীকার করিয়াছিলেন তাহার অপর অনেক প্রমাণ আছে। অতএব নগেন্দ্রবাবু ৮ রামজয় বটব্যালের অত্যাচারের কথা বাহা লিখিয়াছেন তাহা সত্য হইলেও রামমোহন রায়ের কোন বুদ্ধি নাই। তবে ৮ বটব্যাল মহাশয়ের বংশধরগণ কৃত্তী ও বর্তমান। এজন্য লেখকের প্রতিবাদ অন্যায়ক হয় নহে; ইহার দ্বারা উদ্দেশ্যান্তর সাধিত হইয়াছে।

(২) লেখকের প্রতিজ্ঞা—“রামজয় রামমোহনের উপর উৎপাত করা দূরে থাকুক রামমোহনই তাহার উপর উৎপাত করিয়াছিলেন।”

আলোচনার সুবিধার জন্ত এই প্রতিজ্ঞাটা দুই অংশে বিভক্ত হইতে পারেঃ—(ক) ৮ বটব্যাল মহাশয় রামমোহনের উপর উৎপাত করেন নাই; (খ) রামমোহন তাহার উপর উৎপাত করিয়াছিলেন।

(৩) প্রতিজ্ঞার সাধন—“রামমোহন রায় ও রামজয় বটব্যালের মধ্যে কে কাহার প্রতি অত্যাচার করিয়াছিলেন, হৃগলীর বিচার আদালত-সমূহের নথি অহুসন্ধান করিলে, তাহার কতক কতক নিদর্শন আজও পাওয়া যাইবে।” “রামজয়ের পৌত্র শ্রীযুক্ত বাবু প্রিয়নাথ বটব্যাল” ঐ নথি-সমুদ্র মন্বন করিয়া পূর্বোক্ত আরজি উদ্ধার করিয়াছেন। উহা হইতে পাওয়া যায় যে, ৮ রামজয় বটব্যাল মহাশয় রামমোহন রায়কে ডাকাইতি প্রভৃতি বহুবিধ ফৌজদারী অপরাধে অভিযুক্ত করিয়া প্রতিকারের জন্ত দেওয়ানী আদালতের সাহায্য লইয়াছিলেন, যেখানে ওরূপ অপরাধের বিচার অসম্ভব।

মোকদ্দমার ফলে ৮ বটব্যাল মহাশয় ডিক্রিলাভ করেন। কিরূপ ডিক্রি তাহার উল্লেখ

নাই। তবে আরজির ভঙ্গী দেখিয়া বোধ হয় টাকার ডিক্রি। সাধ্যের (খ) অংশের দিক্কার জন্ত শুধু ডিক্রি যথেষ্ট নহে*। কেননা ডিক্রির বলে রামমোহন রায় খেসারতের দায়ী হইয়াছিলেন বলিয়া যে “দলাদলির আখেজে লুট তরাজ” করিয়াছিলেন এরূপ শ্রায় বা যুক্তি দেখা যায় না। লেখক মহাশয় রামমোহনের বিরুদ্ধে উপযুক্ত প্রমাণ পাইয়া থাকিতে পারেন কিন্তু নিজ প্রবন্ধে তাহা প্রকটিত করেন নাই। কেন বলা কঠিন। প্রমাণের অভাবই কি ইহার কারণ নহে? লেখক মহাশয় নিঃসংশয়ে বলিয়াছেন যে, “কে কাহার প্রতি অত্যাচার করিয়াছিল” তাহার প্রমাণ ৬ রামজয় বটব্যাল মহাশয়ের আরজি। উক্ত আরজি লেখক মহোদয় আপ্তবাক্য বলিয়া গ্রহণ করিয়া থাকিতে পারেন কিন্তু সে কথা স্পষ্ট করিয়া বলেন নাই কেন? তাহা হইলেই ত সকল আপদের শাস্তি হইত এবং ৬ বটব্যাল মহাশয়ের যশঃজ্যোতি বর্তমান কাল পর্যন্ত আসিয়া পহুঁছিল। কিন্তু তাহা হইলেও একটা সাধ্যের সাধনের অভাব থাকিয়া যাইত যে ৬ রামজয় বটব্যাল মহাশয় রামমোহনের উপর উৎপাত করেন নাই। এ সাধ্যের প্রতি লেখক মহাশয় এত বিমুখ কেন যে ইহাকে একটা “হেলা ফেলা” গোছ প্রমাণ হইতেও বঞ্চিত করিয়াছেন? অথবা তাহার বিচারে একজন বিধর্মীর সম্বন্ধে স্থানীয় কামরূপী জনশ্রুতির ৭২ বৎসরের পরবর্তী ক্ষীণীভূত প্রতিধ্বনিই যথেষ্ট প্রমাণ আর ৬ বটব্যাল মহাশয় যে রামমোহন রায়ের উপর মিথ্যা দোষারোপ করেন নাই ইহা ত স্বতঃসিদ্ধ।

উপসংহারে বক্তব্য যে, বটব্যাল বংশের পূর্বকীর্তি ঘোষণা করিয়া লেখক মহোদয় সাধারণকে ঋণী করিয়াছেন। তবে রামমোহন রায়ের কর্তৃক দলাদলীর আখেজে ডাকাইতি আচরিত হইয়াছিল কি না তৎ সম্বন্ধে তিনি যে প্রমাণ প্রয়োগ করিয়াছেন তাহার অসামর্থ্য নিম্নসর পাঠকমাত্রেই স্বীকার করিবেন এবং লেখককে সাহসিকতার জন্ত ধন্যবাদ দিবেন—এরূপ বিশ্বাস হয়।

শ্রীমোহিনী মোহন চট্টোপাধ্যায়।

* লেখক মহোদয়ের নিকট বিনীতভাবে একটি জিজ্ঞাস্য আছে :—উক্ত মকদ্দামায় রামমোহন কি কের জবাব দিয়াছিলেন? যদি দিয়া থাকেন লেখক কি তাহা দেখিয়াছেন? রামমোহন দলাদলির আখেজে লুট তরাজ করিয়াছিলেন কি না এ বিষয়ে কি কোন “ইয়” ধার্য হইয়াছিল। বাদী ডিক্রী পাইলেই যে তরাজ আরজির প্রতি কথা বেদবাক্য ইতিপূর্বে ইহা ওনা যায় নাই। লেখক মহাশয় কি শুনিয়াছেন?

ব্রিটিশ রাজনীতি।

বিলাতীয় রাজনীতির বিশেষত্ব কি তাহা বুঝাইতে হইলে ইহা বলিলেই যথেষ্ট হইবে যে, ষাঁহার ইহার ফলাফল ভোগ করিবেন ইহার গঠন তাঁহাদেরই হস্তে। এই জন্ত এই রাজনীতি ইংরাজ জাতীয় জীবনের সহিত বিশিষ্ট ভাবে সংলগ্ন হইলেও ইহা হইতে সকল জাতিই শিক্ষালাভ করিতে পারেন, ইহা মানব বিজ্ঞানের এক বিশেষ অংশ বলিয়া ধরা যাইতে পারে। আধুনিক সভ্যতার ইতিহাসে ইহা সর্বাঙ্গপক্ষে আদরণীয় স্থানের অধিকারী। আমরা ইংরাজ রাজনীতির ঐতিহাসিক ও দার্শনিক প্রসঙ্গের অবতারণা করিতে ইচ্ছা করি না। সে প্রসঙ্গ ছরুহ ও বহুল সময় সাপেক্ষ। ইহার যে ভাব লইয়া এক্ষণে বিলাতের লোকসমূহ চিন্তিত ও ব্যাকুলিত হইতেছেন, আগ্রহ ও ছুরাশা প্রকাশ করিতেছেন, তাহারই কথঞ্চিৎ বিবরণ দেওয়া আমাদের উদ্দেশ্য। বাস্তবিক বিলাতীয় আধুনিক রাজনীতির বিষয়ে শুধু ইহার দার্শনিক অর্থের কথা বলিলে ইহার অতীব অসম্পূর্ণ বিবরণ দেওয়া হইবে। যে চিন্তা, ব্যাকুলতা, আগ্রহ ও আশার কথা বলা হইল, এই সমস্ত হৃদয়ঙ্গম করিতে না পারিলে ইহার জীবন্ত ভাব সম্পূর্ণ প্রতীত হইবে না। আমাদের সে বর্ণনা-কৌশল নাই, থাকিলেও সে ভাব ব্যক্ত করা সহজ নহে। যিনি হাইডপার্কের সভাসমিতিতে কখনও উপস্থিত হন নাই, রাজনৈতিক সমিতিতে বিপরীত পক্ষীয়দিগের প্রতিবন্ধিতা না দেখিয়াছেন, পার্লামেন্টে সভ্য নির্বাচনের সময় নিজে ভোট দিয়া কিম্বা অন্য প্রকারে যোগ না দিয়াছেন, সভ্য নির্বাচনের পর সহরের সাধারণ গম্য স্থানে জনতার মধ্যে উদ্গমুখে তাহার ফলের জন্ত অপেক্ষা না করিয়াছেন, তাহা প্রকাশিত হইলে হর্ষজনক চীৎকারে যোগ না দিয়াছেন, কিম্বা যিনি পার্লামেন্ট সভায় কখনও প্রবেশাধিকার পান নাই, তাঁহাকে বর্ণনাদ্বারা ইংরাজ রাজনীতির জীবন্ত ভাব বুঝাইতে যাওয়া আমাদের সাধ্যাত নহে। বাস্তবিক এই সকলে যোগ না দিলে বুদ্ধিতে পারা যায় না ইংরেজের জাতীয় দস্তের কারণ কি? তাহার মধ্যে থাকিয়া অনেক সময়ে ভুলিয়া যাইতে হয় আমাদের এ সকলের সহিত সংশ্রব খুব অল্পই। সেরূপ ভুলিয়া যাইবার কারণও অনেক আছে। স্বাধীনতার রাজ্যে ভারতীয় ও আফ্রিকান স্বর্ঘ্যে তাপিত মনুষ্যও স্বাধীনতা লাভ করে। গত সাধারণ সভ্যনির্বাচনে আমার ছুইটি ভোট ছিল। জীবনে আর হয়ত কখনও তাহা হইবে না, পার্লামেন্ট মহাসভার সভ্যনির্বাচনে মত নিবন্ধ করিয়া জীবন সার্থক করিয়া লইয়াছি।

এই রাজনীতির বর্তমান লক্ষণ প্রবিধান করিবার জন্ত গত বৎসর যে ঘটনা হইয়া গিয়াছে তাহা স্মরণ করিলেই যথেষ্ট হইবে। গত বৎসর ছুইবার লর্ড রোজবেরী-প্রমুখ

মন্ত্রীদল আয়ুপক্ষীয় সভাগণ কর্তৃক পরাভূত হন। পার্লামেন্টে সমাদৃত হইবার পরেই মিঃ ল্যাবুসিয়্যার প্রস্তাব করেন লর্ড সভার আইন পাস সম্বন্ধে যে ক্ষমতা আছে তাহা আর থাকা সম্ভব নহে। মন্ত্রীদলের অমতেও সে প্রস্তাব অল্পমোদিত হয়। বাঁহারা ইহার পক্ষ সমর্থন করেন না তাঁহারা অবশ্য জানিতেন না যে মন্ত্রীদল ইহাতে পরাভব লাভ করিবেন, কিন্তু তাহা হইলেও বুঝিতে পারা যাইতেছে উন্নতিশীল দলের অগ্রগামী সভ্যগণের এ বিষয়ে মতামত কি? কিন্তু তাই বলিয়া এই বিষয়টি যে আধুনিক রাজনীতির মূলমন্ত্র ইহা মনে করিলে ভ্রমে পড়িতে হইবে। ইহার কারণ নির্দেশ করিবার অগ্রে বিভিন্ন মতাবলম্বী দল সকলের কিঞ্চিৎ বিবরণ দেওয়া আবশ্যিক।

স্থলতঃ ধরিতে গেলে পার্লামেন্ট মহাসভায় চারটি প্রধান প্রধান দল আছে। কিন্তু স্থিতিশীল ও উন্নতিশীল দলের মধ্যে পূর্বে যেরূপ পার্থক্য ছিল এখন আর তাহা নাই। প্রথম রিকর্ড বিল পাস হইবার পর হইতে স্থিতিশীলতা ক্রমশঃই অসম্ভব হইয়া পড়িয়াছে। তাহার পূর্বে ছই সভাতেই লর্ডদিগের একপ্রকার একচেটিয়া ক্ষমতা ছিল। নিজেরা বড় সভায় বসিতেন, এবং ছোট সভায় আপনাদের পেটাওয়া লোকদের অধিবেশন হইত। সে বিল পাসের বিবরণ ইতিহাস মাত্রই পীওয়া যায়। তৎসংক্রান্ত একটি কথা বিশেষরূপে উল্লেখ যোগ্য। মিঃ গ্লাডষ্টোন তখন ইটন ছাত্রসভার একজন প্রধান সভ্য ছিলেন, সে সভায় এই বিলের বিরুদ্ধে তিনি যে বক্তৃতা করেন তাহার কিয়দংশ রক্ষিত হইয়াছে, তাহাতে ভবিষ্যৎ গ্লাডষ্টোনের দোষ গুণ সমস্তেরই অক্ষুট আভাস পাওয়া যায় তাহার দীর্ঘ জীবনে রাজনৈতিক মতের বহুল পরিবর্তন ঘটিয়াছে। কেমন একটা রহস্যময় রাজনৈতিক idealism তাঁহার সমস্ত কার্যকলাপেই লক্ষিত হয়। যাহা হউক প্রথম পার্লামেন্ট সংস্কারের আইন পাস হইবার পর শাসনভার ক্রমশঃই সাধারণ লোকের হস্তে আসিয়া পড়িতে লাগিল। তাহাতে স্থিতিশীলদলেরও উন্নতিশীলতা বৃদ্ধি পাইতে লাগিল। তাহার পর তাঁহাদের বাহাও বা কিছু স্থিতিশীলতা ছিল ১৮৬৬ মালে প্রত্যেক গৃহস্থকে সাধারণ সভার সভ্য নির্বাচনের ক্ষমতা দিয়া তাহাও তাঁহারা এক প্রকার ছাড়িয়া দিলেন। এ বিল মিঃ গ্লাডষ্টোন প্রথমতঃ প্রস্তাব করেন, তাহাতে পরাভূত হইয়া মন্ত্রী ত্যাগ করেন, কিন্তু মিঃ ডিজরেসি ও লর্ড ডার্বি মন্ত্রী পাইয়া সেই আইনই পাশ করিলেন। এই রাজনৈতিক পরিবর্তনশীলতা হইতে এক নূতন নীতির প্রবর্তন হইয়াছে। ইহার নাম Opportunism, অর্থাৎ যাহা সুবিধা তাহাই কর্তব্য কোন বিশ্বাসের দ্বারা রাজনৈতিক বিষয়ে চালিত হইতে যাওয়া ভ্রমাত্মক। এই মতের প্রধান পৃষ্ঠপোষক স্থিতিশীলদিগের অল্পতম নেতা মিঃ বালফোর। তিনি একদিকে সাধারণতন্ত্র শাসন বিধির পক্ষপাতী, অপরদিকে স্থিতিশীলদিগের একজন নেতা। তাঁহাদের প্রধান নেতা লর্ড সল্‌সবারি এরূপ সুস্পষ্টভাবে তাঁহার মতের পরিচয় দেন নাই, কিন্তু তাঁহারও বিশ্বাসের আশ্চর্য্য পরিবর্তন ঘটিয়াছে দেখা যায়। উন্নতিশীলদিগের মধ্যে বাঁহারা আয়ারল্যান্ডকে স্বায়ত্তশাসন ক্ষমতা দিতে অনিচ্ছুক, তাঁহাদের স্থিতিশীলদিগের সহিত

সমবেত কার্যকলাপে এই পরিবর্তন বিশেষ ভাবে ঘটিয়াছে। লর্ড সল্‌সবারি ডিজরেসির পুরোস্তিত আইনের বিরোধী ছিলেন; এক্ষণে শেখোক্ত দলের অল্পতম নেতা মিঃ চেম্বারলেন তাঁহার সহকারী। ইনি বয়স্ক অধিবাসী মাত্রেরই নির্বাচন ক্ষমতার পক্ষপাতী। সুতরাং আশ্চর্য্য কি যে বিভিন্ন দলের পার্থক্য এক্ষণে সাধারণ মত ও বিশ্বাস গত নহে, বিশেষ মত ও বিশ্বাস গত! ব্রীটিশ রাজনীতির এই আধুনিক বিশেষত্ব পরে আরও সুস্পষ্ট প্রতীয়মান হইবে।

এই তিন দল ব্যতীত আয়ারল্যান্ডের একটি দল আছে। আয়ারল্যান্ডের বাহাতে স্বতন্ত্র পার্লামেন্ট ও স্বতন্ত্র শাসন ভার লাভ হয় তাহার চেষ্টা করাই ইহাদের মুখ্য উদ্দেশ্য। ছঃখের বিষয় নেতার অভাবে এই দলের কার্যকলাপ অতীব বিষময়জনক হইয়া দাঁড়াইয়াছে। এই দলের গঠন মিঃ পার্ণেলের মেধা ও ক্ষমতার বিশেষ পরিচায়ক। তাঁহার পূর্ববর্তী আইরিস নেতা-গণ কেহ ইংরাজের বিরুদ্ধে যুদ্ধে যোগ দিয়া, কেহ ডাইনামাইটাির দ্বারা, কেহ বা নিষ্ফল বক্তৃতার দ্বারা আয়ারল্যান্ডের হিত সাধনের চেষ্টা করিতেন। মিঃ পার্ণেলই প্রথম সকল দলের সামঞ্জস্য করিয়া পার্লামেন্টের সাহায্যে নিজকার্য সাধনের সম্ভাবনা দেখিলেন, ও তদনুসারে চেষ্টা করিতে প্রবৃত্ত হইলেন। নিজে ইংরাজ ও প্রটেস্ট্যান্ট ধর্মাবলম্বী হইয়াও রোমান ক্যাথলিক আইরিসদিগের বশ করিয়া লইলেন। যখন তাঁহার বশঃসৌরভে সমগ্র ব্রীটিশ দ্বীপপুঞ্জ অমোদিত, যখন নিজ ক্ষমতাবলে গ্লাডষ্টোন-প্রমুখ উন্নতিশীল দলকে তিনি ষায় মতাবলম্বী করিতে সক্ষম হইলেন, আয়ারল্যান্ডের আভিলাষ সফল হওয়া সম্ভবপর হইয়া উঠিল, এমন সময়ে তাঁহার চরিত্রে এক বিশেষ দোষ আরোপিত হইল। আয়ারল্যান্ডের গুডাকাজ্জী সকলেই ইহা অবিশ্বাস করিতে প্রস্তুত হইলেন, কিন্তু শীঘ্রই তাহা অসম্ভব হইয়া পড়িল। মিঃ গ্লাডষ্টোনের অহুরোধে আয়ারল্যান্ডীয় সভ্যগণের অধিকাংশই মিঃ পার্ণেলের নেতৃত্ব অস্বীকার করিলেন। তিনিও আর পূর্বের সুবুদ্ধির ন্যায় কাব্য করিলেন না। তিনি যদি তখন কিছু দিনের জন্য অবসর লইয়া সাধারণের মতের প্রতি শ্রদ্ধা প্রকাশ করিতেন, যদি তাহার পর বিবাহাদি করিয়া পার্লামেন্টে ফিরিয়া আসিতেন, তাহা হইলে আইরিস দল তাঁহার পূর্বতন কার্যকলাপ ও অসামান্য ক্ষমতার গুণে তৎসঙ্গেও পুনরায় যে তাঁহাকে নেতৃত্ব বরণ করিত সে বিষয়ে আর তিলমাত্র সন্দেহ নাই; এবং তাহা হইলে তাঁহার আকাঙ্ক্ষিত হোমরুল (আইরিস স্বায়ত্ত শাসন) আজ এরূপ অবস্থাপন্ন হইত না। তাঁহার জীবিতাবস্থাতেই আইরিস দল ছই ভাগে বিভক্ত হইয়াছিল। দলাদলিতে বেরূপ হয় তাহাই দাঁড়াইল, পরস্পরের প্রতি গালিবর্ষণেই তাঁহাদের অধিকাংশ সমগ্র ব্যয়িত হইতে লাগিল। মিঃ পার্ণেলের মৃত্যুর পর তাঁহার অল্পসঙ্গী গণ অল্প দলের সহিত যোগ দিবেন এরূপ বাঁহারা আশা করিয়াছিলেন তাঁহাদিগের আশা বিফল হইল। পার্ণেলের মৃত্যুর পরেও তাঁহার নেতৃত্ব লইয়া দ্বন্দ্ব করা আয়ারল্যান্ডবাসীদের পক্ষেই সম্ভবপর। আমাদের দেশের লোকের মত সেখানেও দার্শনিক বাচ্ চতুর তর্কিকের দলই বেশী, সেই জন্ত

তাহারা কাজ ভুলিয়া সাধারণ অভিপ্রায় সিদ্ধ করিতে সক্ষম না হইয়া পরস্পরের শত্রুতা করিতেছেন, এবং আয়র্লণ্ডের স্বায়ত্ত্ব শাসনে অনুপযুক্ততা প্রতিপন্ন করিতে যথেষ্ট চেষ্টা করিতেছেন। অন্ততম দলের কোন কোন নেতাকে ইংরাজ নিয়োজিত পুলিশের শরণাপন্ন হইয়া নিজের দলের শত্রুদিগের হস্ত হইতে শরীর রক্ষা করিতে হইয়াছে। ইহা অপেক্ষা বিপক্ষীয়দিগের বিক্রমজনক কার্য আর কি হইতে পারে? স্পষ্ট তাহাই নহে—যে সকল সভ্য পার্লেমেন্টের পদচ্যুতির সহায়তা করিয়াছিলেন, তাহাদের মধ্যেও দলাদলি চলিতেছে। সকলেই স্ব স্ব প্রবান। অনেকেই পরস্পর ঈর্ষাপরবশ পরস্পরের প্রতি অবিশ্বাসী। আইরিশ দলের বর্তমান অবস্থা হইতে আমাদের অনেক শিক্ষার বিষয় আছে।

আইরিশ দলের দল-বিভাগ স্পষ্ট ব্যক্তিগত নহে। হঠাৎ আইরিশ জাতির তাহাদের মনো-নীতি নেতা পার্লেমেন্টে ত্যাগ করিতে হইল; আশ্চর্য্য কি তাহাদের মধ্যে কেহ কেহ সে ত্যাগস্বীকার করিতে সম্মত হইবেন না? বিশেষতঃ ইংরাজ উন্নতিশীল দলের সহিত সখ্যতাতে কাহারই প্রায় প্রগাঢ় বিশ্বাস নাই। তদ্ব্যতীত আইরিশ দলের মধ্যেও উন্নতিশীল স্থিতিশীল দুই বিভাগ আছে। এই সকল আনুসঙ্গিক কারণ পার্লেমেন্টের মৃত্যুর পরেও তাহার দলকে বিভক্ত রাখিয়াছে। তাহার জীবন ও মৃত্যু উভয়ই শিক্ষাপ্রদ। সমস্ত জীবনের আশা ও চেষ্টাকে একটা ছক্কাযে প্রায় নিরর্থক করিয়া তাহার অন্তদিন পরেই মানবলীলা সঞ্চরণ মানব তত্ত্বের অনেক গভীর প্রশ্ন উত্থাপিত করে।

এই কয়টা প্রধান দল ব্যতীতও উন্নতিশীল দলের মধ্যে অনেক বিভাগ আছে। ক্রমশঃ বেক্রম রাজনীতি বিষয়ে বহুল উপ-বিভাগ আছে, সে অবস্থা ইংলণ্ডে এখনো আসে নাই, আশা করা যায় কখন আদিবেও না। কিন্তু উন্নতিশীলতা ও মত বিভাগ কতক পরিমাণে সমগামী—এবং তদনুসারে উন্নতিশীল দলের মধ্যে অগ্রগামী (Radical) ও পশ্চাৎগামী দুইটা দল ভাগ হইয়াছে। উপরোক্ত দলের সহিত আইরিশদিগের অগ্রগামী দলের বিভিন্নতা এই, ইহারা শেখোক্ত লোক সমূহের মত কাজ ভোলেন না। ইহা হইতে অন্যায়সেই বুঝিতে পারা যায় আইরিশদের রাজনীতি বিষয়ে শিক্ষা সম্পূর্ণ হয় নাই। তাহার উপর কেণ্টিক চরিত্রে—ভারতবানীর চরিত্রের স্তায়—বাকপটুতার সমাধিক্য, কার্যকারিতার অভাব। একটা উদাহরণ দিলেই সম্যক প্রতীকমান হইবে। আজকাল ইংলণ্ডের আভ্যন্তরিক বিভাগের রাজ-সচিব মিঃ অ্যাস্কুইথ মন্ত্রীর লাভের পূর্বে অগ্রগামী দলভুক্ত ছিলেন। তখন স্বাধীনতার উপর বক্তৃতাচ্ছলে এমন অনেক মত প্রকাশ করিতেন যাহা কার্যে পরিণত হওয়া স্কটস; এক্ষণে নিজে কর্তৃক পাইয়াছেন কিন্তু কার্য কলাপে সেরূপ আধিক্য কিছুই লক্ষিত হয় না। এইরূপ বিভিন্নতার একটি কারণ, এতদিন ইংরাজবংশজাত আয়র্লণ্ডবাসী ব্যতীত অপর দেশের শাসন কার্যে অতি সামান্য অধিকার ছিল। দেশের কর্মচারীদের মধ্যে প্রধান কার্যে প্রটেস্ট্যান্ট ইংরাজের সংখ্যাই অধিক। তদ্ব্যতীত স্থানীয় শাসনকার্য যে সকল বোর্ডসমূহের দ্বারা পরিচালিত হইয়া থাকে সে সকল বোর্ডেও উপরোক্ত দলের লোক অতীব অল্প। তাহা

দলিয়া ইহাই একমাত্র কারণ বলা যাইতে পারে না। তবে এই কারণে জাতীয় চরিত্র উর্দ্ধগামী না হইয়া বরং নিম্নগামী হইয়া পড়িয়াছে।

অন্যদিন হইল কমন্স সভায় একটা নূতন দল হইয়াছে। তাহার ভবিষ্যতের সহিত এক প্রকারে ইংলণ্ডের ভবিষ্যৎ—ইয়ুরোপের ভবিষ্যৎ জড়িত। ইহা শ্রমজীবীদিগের দল। উন্নতিশীলতলের অগ্রগামী সভাগণ শ্রমজীবীদিগের বরাবরই পক্ষপাতী ছিলেন। কিন্তু এই নূতন দলের মতে—অস্বতঃ এই নূতন দলের কাহারও কাহারও মতে—এইরূপ পক্ষপাতীত্বই যথেষ্ট নহে। এক্ষণে ইহাদের দল অতি ক্ষুদ্র। তিনজন কি চারিজন সভ্য মাত্র এই দলভুক্ত। তাহাদেরও মধ্যে মত বিভেদ দেখা যায়। কিন্তু সেজন্য ইহার প্রতি বীতশ্রদ্ধ হইবার কোনও কারণ নাই। কি স্থিতিশীল কি উন্নতিশীল উভয় দলেই শ্রমজীবীদিগের অনুগ্রহ-পার্থী। মিঃ গ্লাডষ্টোন সাধারণের শিক্ষার আইন বিধিবদ্ধ করিয়া ও তাহার ভাড়াটীয়া বাটীতে থাকেন তাহাদের সভানির্দোষনে ক্ষমতা দিয়া, শ্রমজীবীদিগকে নূতন জীবন দান করিয়াছেন। তাহার সহিত স্পষ্ট ইংলণ্ড কেন সর্বত্রই প্রতীকমান হইতেছে যে এতদিন ব্যবসা শিল্পাদি কার্যে যে অর্থনীতি প্রচলিত ছিল তাহা ভ্রমাত্মক। যে নীতি অল্পসংখ্যক অর্থশালী ও শ্রমজীবীর মধ্যে, ধনধান ও পরিদ্রের মধ্যে পার্থক্য প্রবল হইতে থাকে সে নীতি সম্যক-প্রকারে সম্মত হইতে পারে না। মানবদর্শনীয় সমস্ত কার্যেরই প্রতিদ্বন্দ্বিতা এক বিশেষ লক্ষণ, কিন্তু সে প্রতিদ্বন্দ্বিতার সহিত সুসভা সমাজে আর একটা ভাব জড়িত—দয়া। অক্ষম ব্যক্তির ক্ষমতাবানের নিকট পরাজিত হওয়া যেমন স্বাভাবিক, ক্ষমতাবানের অক্ষম ব্যক্তির প্রতি রূপা করা ও তেমনি স্বাভাবিক। এই দুইটির সামঞ্জস্য করিলেই মানব সমাজের শ্রী বৃদ্ধি হয়; একটীর অপেক্ষা আর একটীর আধিক্য তাহার বিপরীত ফলপ্রসূ। এই দল যে কেবল নীতিশাস্ত্রে সম্মত তাহা নহে, ইহা সর্বশাস্ত্র সম্মত। কারণ, এক সমাজের মধ্যে যদি এমন দুইটা প্রতিদ্বন্দ্বী দল হইয়া থাকে যে তাহাদের একদল স্পষ্টপক্ষশালী আর একটা দল কষ্টে দিনপাত করিতেছে তাহা হইলে সে সমাজের মঙ্গল নাই। দ্বিতীয় দল সুবিধা পাইলে, প্রথম দলের বৈরসাধনা করিবে। তাহার ফলে সকল কাজ কর্ম বন্ধ হইয়া যাইবে; সেইরূপ অর্থশালী ও শ্রমজীবীদিগের মধ্যে দয়াবনা থাকিলে ব্যবসা বাণিজ্যের শ্রী বৃদ্ধি অসম্ভব। পরস্পরের কলহে শ্রমজীবীদিগের অধিক কষ্ট; কিন্তু সকলেরই ক্ষতি। যতদিন দরিদ্র ব্যক্তিদিগের ক্ষমতা কিছুই ছিল না, যতদিন শ্রমজীবীগণ শিক্ষা পায় নাই, ততদিন কিছুই গোলমাল ঘটে নাই। এখন সে সকল পরিবর্তিত হইয়াছে, কি উন্নতিশীল কি স্থিতিশীল সকলেই সাধারণ প্রজাবর্গের হিতকর আইন বিধিবদ্ধ করিতে ব্যস্ত।

গতবৎসর যে দুই তিনটি প্রধান প্রধান বিল কমন্স সভায় অনুমোদিত হয় সেই কয়টিরই উদ্দেশ্য এই। প্রথমটি রেলওয়ে কর্মচারীদিগের কার্যকাল ধার্য্য করিয়াছে। কিছু দিন হইল ইহা প্রকাশ হয় যে ইহাদের মধ্যে কাহাকে কাহাকেও দিন ২০ ঘণ্টা করিয়া থাকিতে হইবে ইহা যে নিবারণিত হওয়া কর্তব্য তাৎসম্বন্ধে আর কাহারও দ্বিমত থাকিতে পারে না।

কিন্তু পূর্বাঙ্গীভিত্তিক অর্থনীতি, অল্পসংখ্যক বিচার করিলে দেখা যায় যে তদনুসারে ইহা অসঙ্গত। কারণ, যদি কেহ অর্থের জ্ঞান ২০ ঘণ্টা খাটিতে সক্ষম হয় তাহা হইলে আর কাহারও তদ্বিষয়ে মত প্রকাশ করিবার কি ক্ষমতা আছে? এক্ষণে দেখা যাইতেছে, বিলাতীয় রাজনীতিতে একরূপ অর্থনীতি গ্রাহ্য হইবে না।

বিলাতীতে প্রত্যেক পল্লিগ্রামে এক প্রকার পঞ্চায়ত স্থাপিত হইয়াছে। অনেকে হয়ত জ্ঞাত নহেন বিলাতে এখনও এক প্রকার দাসত্বের প্রচলন রহিয়াছে। এখানে যেমন গবর্নমেন্ট জমীদার, বিলাতে তেমনি পঞ্চায়তের প্রধান পুরুষ। আসিয়ার অনেক জায়গায় জমীদারী আছে। তাহাদের নিকট হইতে প্রজারা জমী জমা করিয়া লয়, কিন্তু অল্প জমা লইবার যো নাই, অন্ততঃ ৮০১২০ বিঘার কম জমা পাওয়া যায় না। এই জ্ঞান সে দেশে চাষীরা বর্জিত লোক। জমীর চাষ বাহারা করে তাহাদের বাসের জন্ম জমীর নিকট কয়েকটি কুঠি নির্মিত আছে। তাহারা ভিন্ন আর কাহারও এই কুঠারে বাস করিবার অধিকার নাই, কাজেই মজুরদিগকে বরাবরই মজুরী করিতে হয়, অল্প কার্য করিতে গেলে সে গ্রামে (অধিকাংশ স্থানেই) থাকিবার যো নাই। কিছুদিন হইল একটি বিল পাস হয়, তাহাতে মজুরেরা ইচ্ছা করিলেও গ্রামের সুবিধা অল্পসংখ্যক তিন 'একার' (প্রায় ২ বিঘা) জমী জমা লইতে পারিবে। কিন্তু মজুরেরা একরূপ জমা লইতে পারে ইহা বড় বড় প্রজাদিগের অধিকার লভিত নহে, কাজেই এ বিলে তত বিশেষ ফল হয় নাই। এই পঞ্চায়তের উপর এত দিন অল্পসংখ্যক বাহাতে কাব্য হয় তদ্বিষয়ে মনোযোগ দিবার ভার হইয়াছে এবং ইহাতে মজুরেরা ও তাহাদের প্রতিনিধিরা থাকিবেন, স্তত্রং এতদিনে পল্লিগ্রামস্থ মজুরদিগের দায় মোচন হইল।

আজকাল শ্রমজীবীদিগের দলবন্ধন গাঢ় হইয়া আসিতেছে, সেই জ্ঞান তাহাদের মনোভাবের সহিত কলহ ও পুনঃ পুনঃ ঘটিতেছে। একরূপ কলহ উভয় পক্ষেরই ক্ষতিকারক, এই কারণে, একরূপ কলহ বাহাতে আপোনে নিষ্পত্তি হয় তদনুসারে একটি আইন এই বৎসর বিধিবদ্ধ হইবে। এইরূপ প্রয়োজন মত আইন বিধিবদ্ধ করিতে জানেন বলিয়াই ইংলণ্ড আজ এত জাতীয় উন্নতি লাভ করিয়াছেন।

এই প্রকার আইনের সহিত আর এক প্রকার আইন সংশ্লিষ্ট। পঞ্চায়ত নিয়োগ হইয়াতে ইংলণ্ডে স্বায়ত্ত শাসন সম্পূর্ণতা লাভ করিয়াছে। তাহার সঙ্গে সঙ্গে স্কটলণ্ড ও আইরিশ শাসন প্রচলিত হইয়াছে। বাহারা হোমরুলের বিরোধী অর্থাৎ আয়ারল্যান্ডে আর একটি পার্লামেন্ট হয় ইহাতে অনিচ্ছুক তাহারাও সেখানে স্বায়ত্ত শাসন প্রচলন ইচ্ছা করেন। কিন্তু একরূপ স্বায়ত্ত শাসন (আমাদের দেশে যে রূপ প্রচলিত) যথেষ্ট নহে। ইংলণ্ড, স্কটলণ্ড ও আইরিশ ও আয়ারল্যান্ডের মধ্যে অনেক বিভিন্নতা আছে; তদনুসারে বিভিন্ন প্রকারের আইন প্রচলিত আছে। এ সকল বিষয়ে অত্যন্তম প্রদেশের সভ্যদিগের মতামত প্রকাশ করা উচিত নহে, আজকাল এইরূপ রাজনীতিই অধিকাংশ লোকের মনোনীত। সকল প্রদেশে

পার্লামেন্ট স্থাপন ও এক পার্লামেন্টে সাধারণ বিষয়ের ব্যবস্থা এই মতই অনেকের। কেহ কেহ এই সাধারণ পার্লামেন্টে উপনিবেশের প্রতিনিধিগণকেও দেখিতে চান। ইহা বেশ বিশ্রাস হয়, অল্পদিনের মধ্যেই এইরূপ আইন বিধিবদ্ধ হইবে। আয়ারল্যান্ডের কথা লইয়াই এই প্রস্তাবের প্রথম উত্থাপনা হয়, স্তত্রং সর্বপ্রথমে আয়ারল্যান্ডের বিরয়টি স্থিরীকৃত হওয়া আবশ্যিক। কিন্তু তদ্বিষয়ে অনেক সন্দেহ আসিয়া পড়িয়াছে। মিঃ গ্লাডষ্টোন অবসর লইলে যখন লর্ড রোজভেরী প্রধান মন্ত্রীত্ব গ্রহণ করেন, তখনই তদ্বিষয়ে অনেক ব্যাধাৎ ঘটে। লর্ড রোজভেরীর মতে ইংলণ্ড এ বিষয়ে মত না দিলে কিছুই হইবে না—তিনি যদিও পরে ইহার অর্থ আছে বুঝাইতে চেষ্টা করিতেছেন। তাহার সহকারীদের কাহারও কাহারও এইরূপ অভিলাষ; তাহা হইলে এ প্রস্তাবের মীমাংসা হইতে অনেক দিন লাগিবে। কারণ, অনেকের মতে ইহাতেই ইংলণ্ডের প্রাধান্য—ইংলণ্ড যে সর্বস্বত্বী ও আয়ারল্যান্ড তাহার অধীন এ কথা তাহারা সাহস করিয়া স্পষ্টভাবে বলিতে পারেন না বটে, কিন্তু একরূপ ভাব যে এখনও সম্পূর্ণ চলিয়া যায় নাই তাহাতে আর সন্দেহ নাই। জমশং চলিয়া যাইবে, কিন্তু তাহার এখনও অনেক বিলম্ব আছে।

আয়ারল্যান্ডের প্রতি ইংলণ্ড হীন চক্ষু দেখে। এই ভাব ইংরাজ মনে বিশেষ প্রবল। সমস্ত পৃথিবীতে ইংলণ্ড অগ্রগণ্য হইবে, যতদূর সম্ভব সত্য বিস্তৃত হইবে এই ভাব (imperial instincts) ঠিক বুঝিতে না পারিলে ইংরাজের অশান্ত জাতির সহিত সন্ধন বুঝিতে পারা যায় না। এই ভাবটি মধ্যবিৎ ব্যক্তিমানেরই হৃদয়ে নিহিত। গরীব লোকে ও সাধারণ লোকের মনে এখনও এ ভাব সম্পূর্ণরূপে জাগরক হয় নাই, কিন্তু তাহাদেরও ইংলণ্ড যে সর্বপ্রগণ্য এটি অনেকটা ধারণা আছে। ইহা নিতান্ত নিখ্যাৎ নহে, কোন জাতিরই একরূপ সর্বাদীন উন্নতি দেখা যায় না। ইহাদেরও জাতিগত দোষ অনেক আছে, কিন্তু মনুষ্য স্বভাবে সম্পূর্ণতার আশা করা বুঝা। বাহা হউক, এই জ্ঞানই, অশান্ত জাতির সন্ধন ইংরাজের বিভিন্ন রাজনৈতিক দলের মধ্যে মতভেদ অন্তর্ভুক্ত। লর্ড সল্‌সবেরি এবং লর্ড রোজভেরি দুই জনেই এ বিষয়ে একমত। বাহারা ভারত কিং অল্প কোন বিষয়ে বিলাতীয় দলবিভাগানুসারে ভিন্ন মত অল্পসংখ্যক করেন তাহারা বিফল প্রযত্ন হইবেন।

লর্ড সভা লইয়া এক্ষণে স্থিতিশীল ও উন্নতিশীল দলে সত্য সত্যই গোল বাধিয়াছে। লর্ড সভার সত্য-সংখ্যা চারি শতের আধক। তাহার মধ্যে কুড়িজন কি পঁচিশজন মাত্র রোজভেরির দলস্থ। অবশ্য এই চারিশতের মধ্যে অধিকাংশ সত্যই সাধারণতঃ অল্পপন্থিত থাকেন। কিন্তু যখনই লর্ড সল্‌সবেরি হুকুম দেন তখনই আসিয়া স্বীয় মত নিবদ্ধ করিয়া চলিয়া যান। এইরূপে উন্নতিশীল দলের রাজস্বকালে লর্ড সভার সহিত কম্প সত্যর কেবলই কলহ বিবাদ হয়। ইহা হওয়া কোন মতেই বাঞ্ছনীয় নহে, একজন লোকের (সল্‌সবেরির) মত এত অধিক ক্ষমতা থাকা ভাল নহে। দুই দলে ইহা লইয়া যে তর্কবিতর্ক চলিতেছে

তাহার বিবরণ দেওয়া অনেক সময় সাপেক্ষ। একটি কথা বলিলেই এ বিষয়ের গূঢ়ত্ব বুঝিতে পারা যাইবে। লর্ড সভার প্রতি কি করা উচিত স্থির করা বড়ই দুঃস্বপ্ন। সকল দেশেই ছুটি সভা আছে, ইংলণ্ড হইতে হঠাৎ একটি উঠাইয়া দিতে জনসাধারণ স্বীকৃত হইবে? বেশ বলিতে পারা যায়, হইবে না। আমেরিকাতে সেনেটের যে সাধারণ সভা অপেক্ষা এত বেশী ক্ষমতা তাহার একটি কারণ, এখানে যত বড় বড় রাজপুরুষ প্রবেশ করিতে চেষ্টা করেন। এইরূপে দেখিতে পাওয়া যাইবে কোন বিশেষ আইন দ্বারা শাসন প্রণালী পরিবর্তন করিতে গেলে কুফল ফলিতে পারে। ইংরাজসমূহ ইহাতে কখনই যোগ দিবেন মনে হয় না। আমাদের বিশ্বাস লর্ড রোজবেরি প্রমুখ উন্নাতনীল দল হইয়া অবিক সমর নষ্ট করিবেন না।

যুগু।

কেবল প্রভাত যবে, উঠিছে অরুণ,
জাগিয়া শুনিতে পাই ও স্বপ্ন করণ।
বিজন মধ্যাহ্ন কাল চমকে উত্তাপে,
ঐ মৃত্ত এক তান ধন ঘন কাঁপে।
তপন ভূবিয়া গেলে শাস্ত সন্ধ্যা মাঝে,
তখনো ও নীন স্বপ্ন ধীরে ধীরে বাজে।
কি গান গাহিস তুই সারাদিন ধরে?
কি কথা বুলিতে চার বল দেখি মোরে?
তুই কি রে ধরণীর কোমল সাস্বনা?
থাকিস সেথায় শুধু যেথায় বাতনা?
কুপ্তমিত উপবনে সুনীল আকাশে,
আনন্দের উৎসগুলি যেথায় বিকাশে;
সেথায় তোমার ঐ সস্করণ গীত—
শুনিতে পাই না কভু হতে উথলিত।
সকলি হারিয়ে বারা একা আছে প'ড়ে
তুমি যাও তার কাছে সাস্বনার তরে।
বসন্তের পানী যত কোকিল পাঁপিয়া,
আনন্দ স্নুদিনে গায় আকাশ ছাপিয়া।
বসন্ত চলিয়া গেলে তারা চলে যায়,
হৃদয়ের তরে শুধু থাকে হার হার।
তখন আসিয়া তুমি ধীরে তার পাশে,
সাস্বনা ঢালিয়া দাও তব শান্তি ভাবে।

এসে দু দিনের পরে চলে যায় স্মৃথ,
চিরকাল আজীবন থাকে সাপে ছপ।
চিরকাল বারমাস তাই সারাদিন,
ঢালিস সাস্বনা তুই শ্রান্তি ক্লাস্তি হীন।
ভাঙ্গা বাড়ী, পোড়ো ঘাট, শুষ্ক উপদন,
নেই তোর আপনার সাধের ভবন।
একদিন তাহাদের ছিল কত ধন,
ছিল কত আপনার প্রিয় পরিজন।
সোপানে সোপানে ঢালি হুপূরের ধ্বনি,
আপিত এ ঘাটে কত রূপসী রমণী।
ভাঙ্গাচোরা এ আলয়, নিশুঙ্ক কানন,
একদিন পেয়েছিল কত যে বতন।
ওর কোলে একদিন করেছিল মেলা
কত হাসি কত বাঁশি কত স্মৃথ খেলা।
সে সকল কথা আজ কেবল রে স্মৃতি!
শুধু আজ আছে তোর সস্করণ গীতি!
তটিনীর কোলে শুয়ে এ ভাঙ্গা হৃদয়,
সারাদিন ঐ গানে মগ্ন হয়ে রয়।
অবিরাম মুহু মুহু কুল কুল কুল,
তরঙ্গের অতি ধীর বিলাপ আকুল!
থেকে থেকে যুযুধার্নি করণ মধুর,
সাস্বনা ঢালিয়া প্রাণে ব্যথা করে দূর।

শ্রীহিরণ্ময়ী দেবী।

নূতন বিজ্ঞান।

জমিকা।

মাষ্টার দাস ওর্ফে গুরুদাস একজন বেয়াড়া বিদ্বান্ ও বুদ্ধিমান্ লোক। তাঁহার প্রতিভারও বিলক্ষণ ছিট আছে। স্মরণ্য কাগ্যকলাপ কতকটা খাপছাড়া। Genius is akin to madness; এই সমীচীন বচনের তিনি কতকটা সার্থকতা করিয়া থাকেন। ইচ্ছাপূর্বক আপন চালচলন একটু কি-জানি-কেমন বাকা করিয়া রাখেন। ফলে আজীবন বিকট অব্যবসায় সহকারে ভারতীর নৈবেদ্য বহিরা আসিতেছেন। পুস্তক তাঁহার জীবন মরণের সার্থী। কি আহাৰে, কি বিহারে, কি নিদ্রায়, কি জাগরণে, কি ধ্যানে, কি স্বপনে, তাঁহার করকমলে একখানি স্মৃন্দর চক্চকে পুস্তক কৃতসংলগ্ন হইয়া থাকা চাই। বরণ তাঁহার স্বল্পবেশে কেহ কখন মস্তক না দেখিলেও দেখিতে পারেন, কিন্তু হাতে পুস্তক নাই, এমন কেহ কখন দেখিয়াছেন বলিবার যোঁটুকু নাই। শ্রামের হাতে বাঁশী, শিবের হাতে শিল্পা, রামের হাতে বহুর্সীল, সধবার হাতে লোহা যেমন অপরিহার্য্য ব্যাপার, মাষ্টার দাসের হাতে পুস্তকও সেইরূপ। বোধ হয় তাঁহার বিবেচনার পড়াশুনা অপেক্ষা পুস্তকের সহবাস অবিক ফলদায়ক। কেহ তাঁহাকে book-worm বলিলে আঙ্কাদে আটখানা হইয়া পড়েন।

আঁচা-আঁচি।

কেহ অনুমান করেন মাষ্টার দাস বিশ্ববিদ্যালয়ের একটা মহর্ষি রত্ন। বিশেষ প্রতিষ্ঠার সহিত এম-এ পাশ করিয়া থাকিবেন। অগাধ বিজ্ঞা অগাধ বুদ্ধির সংযোগে বিষম বিরাট ভাব ধারণ করিয়াছে। আর কেহ বা বলেন তিনি প্রবেশিকা পরীক্ষায় ভগ্ন-উরু; তবে কিছুকাল দিনরাত হোমস্টিডি করিয়া নিদারুণ উন্নতি লাভ করিয়াছেন। এ দেশে হোমস্টিডির তাৎপর্য্য ঘরে নিষ্করকার বেকার বসিয়া থাকা মাত্র। তবে মাঝে মাঝে কোনরূপ ফাজিল আড়ম্বরের আবশ্যক।

ফলে তাঁহার চেহারায় বিশ্ববিদ্যালয়ের প্রতিভা বেজায় চমকাইয়া থাকে। নাতি দীর্ঘ শাতি খর্ব; নাতি গোর নাতি কৃষ্ণ; কাঁটতট নাতি বক্র নাতি সোজা; অস্থিপঞ্জর সার; চক্ষের চারিধারে কালি ঢালা; হস্তপদ জীর্ণশীর্ণ এবং ধনুকের মত বাকা; চালচলন গস্তীর, Mathematical পরিমাণযুক্ত; নীরব, নিব্বুম, ঘুমন্ত স্বপনের মত তাঁহাকে সতত গত্যাত করিতে দেখা যায়। তাঁহার সমস্ত বিপুল বিজ্ঞা যেন দেহে স্পষ্ট লেখা রহিয়াছে।

অপটিক্‌সে যে তিনি বিশেষ ব্যাপ্ত চক্ষের তুলি তাহার সাক্ষী। আনাতিমির দক্ষতার আর কি পরিচয় দিব? লোকে বিনা সাহায্যে তাঁহার দেহখানি দেখিলেই তদ্বিষয়ে বিশেষ জ্ঞানলাভ করিতে পারে। তাঁহার সমস্ত শরীর সতত উদ্ভের আয় দোহুলামান দেখা যায়; যেন আপাদমস্তক নিয়ত centre of gravity খুঁজিতেছে। ষ্ট্যাটিক্‌স্ ও ডাইনামিক্‌স্‌দেব সার মর্ম্ম যেন সে বরবপু ফাট্টিয়া যুগলভাবে লোকের নয়নপথে পতিত হয়। Mental philosophyর আলোচনায় কারা যেন সাংসারিক মায়া কাটাইয়া ক্রমে ছায়ার আয় spiritual হইয়া আসিতেছে। অধিক কি বলিব, তাঁহার সমস্ত ফিজিক্যাল entity যেন মেণ্ট্যাল হইয়া দাঁড়াইতেছে। অজীর্ণ ও শিরঃপীড়ার বাবস্তার জন্ত চিকিৎসকের কাছে যাওয়ার তিনি নাকি বলিয়াছেন, “আপনার এরোগ উপশমের হাত মানুষের নাই। আপনার পাকস্থলী সমুদায়ই প্রায় মস্তিষ্কে পরিণত হইয়াছে।” মাষ্টার দাস যার তার কাছে এই কথা বলিয়া বড়ই হুঃখ প্রকাশ করিয়া থাকেন। যাহা হউক, তাঁহাকে দেখিবামাত্র নিটারারী ক্যার্যাক্টরের আধ্যাত্মিক ভাব হাড়ে হাড়ে বিবিধা যায়। মুখরূপ র্যাম্পাটের উপর নাসাতোপনয় সতত বারুদে ঠাসা; এক হাতে পুস্তক, আর হাতে ইণ্ডিয়া রুব; কথা বহু, বাধুনিযুক্ত, তীব্র, কাটাকাটা, ছেঁড়াছেঁড়া, syllogism এর তেহাইনিশিষ্ট; হস্তপদ বুদ্ধির আয় হুঃখ; মাষ্টার দাস সর্বত্র সম্মানিত ও আদৃত হইয়া থাকেন।

বাতিক।

বিজ্ঞান মাষ্টার দাসের বিষম বাতিক। নূতন আবিষ্কার বা রচনা সান্নিপাতিক পিপাসা। এপিপাসার সহিত প্রলাপ অবশ্যস্তারী। স্মতরাং নিজে যাহা লিখেন বা বলেন, তাহাই তাঁহার নূতন প্রসঙ্গ বলিয়া বোধ হয়। তিনি আশৈশবই নূতনের ভক্ত। তাঁহার বেশবিভাষ নূতন; কথাবার্তা নূতন; ভাবভঙ্গি নূতন। চোগার পৃষ্ঠদেশ ভারতবর্ষের মানচিত্রের অক্ষুরণে ত্রিকোণ ফাঁক; পেণ্টুলেন একটু ছোট ও চলচলে; পাহুকা বিলাতী ছাঁচে দেশী ভাব ঢালা। কেশবিভাষে তিনি বড়ই বিরক্ত। Beauty is most adorned when unadorned; এই আর্ষবাক্যে তাঁহার ধ্রুব বিশ্বাস; স্মতরাং যাহাতে পারিপাট্য না দেখায় তাহাই করেন। চুলগুলা বরং টানটুনি করিয়া উল্টা বুনিয়া থাকেন। শিরঃপীড়ার জন্ত একটা তাঁমার পরমা লাল ফিতার গাথিয়া সতত গলায় ঝুলাইয়া রাখেন।

মাষ্টার দাসকে লোকে মিটিং পাগুলা বলে। এমন মিটিং কখন হয় নাই, যেখানে তিনি বক্তা বা শ্রোতা হইয়া উপস্থিত ছিলেন না। অল্প স্বল্প সংবাদপত্রেও লিখেন। তবে বৈজ্ঞানিকের মত কম কথায় অনেক ভাব ঠাসিয়া দেন। রেক্টার গাঁথুনী অপেক্ষাও তাঁহার লেখা পাকা। বহুদিনের কথা, ঠিক মনে নাই, মন্থভোজী বৃক্ষের কথা লইয়া সভাজগতে যে এককালে একটা মহা হুলস্থূল পড়িয়া গিয়াছিল, ইহা নাকি মাষ্টার দাসের গবেষণার একমাত্র

প্রবন্ধ-ফল। স্পেসার সাহেব যখন বেপুনে উঠিয়া দিন-রয়েক নিরুদ্দেশ হন, তখন তিনিই নাকি ইংলিশমান পত্রে মহা বৈজ্ঞানিক আন্দোলন করিয়াছিলেন। উক্ত পত্রের হিরণ্যকশিপু স্তম্ভে তিনি যে বৈজ্ঞানিক প্রবন্ধ contribute করিয়াছিলেন, তাহাতে সমস্ত এ্যাংগ্লো-ইণ্ডিয়ান পাবলিক একদম স্তম্ভিত হইয়াছিল। “হাইড্রজেন গ্যাসের বেলুনে চড়িয়া স্পেসার বেচারী বড়ই বিপন্ন হইয়াছেন। বেলুন বেগে ইথিরিয়াল রিজন ভেদ করিয়া মাধ্যাকর্ষণের হাত একবারে এড়াইয়া বৃহস্পতির কেন্দ্রের সন্নিকট পৌঁছিয়াছে; স্মতরাং হরিশ্চন্দ্রের মত সাহেবকে মধ্য আকাশে ঘুরিতে হইবে।” অমনি চারিদিকে হা হা পড়িয়া গেল। নোকে কয়েক দিবস হতাশ হইয়া হাঁ করিয়া আকাশমুখ তাকাইয়া বসিয়াছিল। ভূনিয়া-ছিন্নাম ইংলিশম্যান সম্পাদক নাকি এ গভীর বৈজ্ঞানিক গবেষণাটির সহিত স্বীয় মত পত্রস্ত করিয়া বেঞ্জিয়মের জ্যোতিষ-পরিশদে পাঠাইয়াছিলেন। কিন্তু আক্ষেপের বিষয় তাহার কোন কনগ্র্যাচুনেটরা উত্তর অণ্ডাবধি আসিল না। হয়তো এনূতন ব্যাপার কোন মহাপুরুষ আশ্রয়সাং করিয়াছেন। যাহা হউক, এখনতো তাহার আর কোন দাদ-ফরিদই নাই। উঁবাদি হইয়া গিয়াছে।

ধূনার গন্ধ।

চক্ষু নাকি নাকি আশ্রয় বাহির হয় না। প্রতিভাও সেইরূপ চুকন সাপেক্ষ। সামান্য উত্তেজনায় হতাশনের মত জ্বলিয়া উঠে। একদা কোন বিজ্ঞান সমিতিতে জনৈক দেশহিতৈষী বৈজ্ঞানিকের বক্তৃতায় মাষ্টার দাস একবারে বেসামাল হইয়া পড়েন। বক্তা হাশেলে নূতন আবিষ্কার লইয়া হতভাগ্য বাঙ্গালিকে উত্তেজনা করিবার মানসে স্ত্রীজন-সুলভ কোমলতা পরবশ হইয়া দরবিগলিত চক্ষে উচ্চৈশ্বরে কাঁদিতে লাগিলেন। অণ্ড বিষয় হইলে লোকে এশোকানলকে হিংসা বলিত। বৈজ্ঞানিক উদারো ইহাকে স্বদেশবাৎসল্য বলিয়া থাকে। মাষ্টার দাস তদর্শনে কোঁপাইয়া, কোঁকাইয়া, মাটি আঁচড়াইয়া, বুক চাপ-ড়াইয়া, ছপ্পুরে মাতন আরম্ভ করিলেন। বলা বাহুল্য, সভাসভের পর পথ হারাইয়া একদম বাগবাজারের পোলে উপস্থিত। পরে অনেক ভাবিয়া চিন্তিয়া, কাপড় ঝাড়িয়া পরিয়া, রাত্র প্রভাতে গৃহে প্রত্যাগমন করিতে পারিয়াছিলেন। বিবাগী হইবারই বিশেষ সম্ভাবনা ছিল। বঙ্গমাতার কপালগুণে দিক্‌পালগণ তাঁহাকে এবাত্রায় রক্ষা করিয়াছিলেন। সেই দিন তিনি চক্রহর্য্য সাক্ষী করিয়া শপথ করিলেন, “বিজ্ঞান ব্যতীত আমার দ্বিতীয় উপাস্ত্র নাই। নূতন আবিষ্কারের জন্ত আজ প্রাণ বলি দিলাম। এ বৈজ্ঞানিক ব্রত উদ্বাপন না করিয়া সংসারে আর কোন স্মৃতি অধেষণ করিব না।”

পাটবাঁট।

মাষ্টার দাসের অবস্থা সচ্ছল নহে। তবে পলিটিক্যাল একনোমির সাহায্যে বাহিরে কেহ সহস্যা টের পায় না। এ অবস্থায় একনোমিতে দৃষ্টি থাকাই কর্তব্য। বৈজ্ঞানিক পরীক্ষা

ব্যয় সাপেক্ষ। সূত্রাং তাঁহাকে স্বল্প পরীক্ষার উপায় দেখিতে হয়। গায়ের মাপে জামা না করিয়া তাঁহাকে জামার মাপে গা করিতে হইল। সূত্রাং তিনি আধ্যাত্মিক পরীক্ষার মনঃসংযোগ করিতে বাধিত হইলেন। খান ছই ভাঙা চেয়ার, স্টুট এবং স্বহস্তরচিত এক প্লান্‌চেটে লইয়া পরীক্ষা আরম্ভ করিলেন। নখ চুল রাখায় খরচ বরং বাঁচিয়াই থাকে; এ-পরীক্ষায় তাই তাঁহার আগ্রহ সূত্রিত হইল। তবে ইংরাজী আধ্যাত্মিক বিজ্ঞানে ইংরাজী ধরণের ভূতেরই সমাগম হইয়া থাকে; তাহারা কিছু দেশী চণ্ডুর মত পিঁড়ায় বসিতে না ভালপড়ে লিখিতে পারে না। তাই যা একটু নটখটি। এইরূপ কয়েক বৎসর পরীক্ষার তাঁহার অগাধ ফললাভ হইয়াছিল। সে সময় টেলিফোন, মাইক্রোফোন প্রভৃতির এদেশে নূতন আমদানী। তাঁহার কৰ্মফল সমস্ত একত্রিত করিয়া ইংরাজীতে এক বিপুল মাষ্টার দাস গ্রন্থ রচনা করেন। The Esoteric Principles and practices of Gujumotophon নামক প্রসিদ্ধ গ্রন্থ আমেরিকার Lunar Telephonic Societyতে প্রেরণ করেন। এক্ষেত্রে বিন্দুটে টাকায় তবু কমবেশ আট আনাও পাওয়া যায়; বিখ্যাত মাষ্টার দাস বেচারী কিছুই ফেরৎ পান নাই। চঃখের বিষয় পাশ্চাত্য সভ্যতা বাঙ্গালার গৌরব করিতে বড়ই নারাজ। স্বেচ্ছ আমাদের শ্রীকাতর না হইবে কেন?

একদা মাষ্টার দাসের একটা দূরবীক্ষণের আবশ্যক হইল। অতিপ্রায় Astral bodyর প্রত্যক্ষ পরীক্ষা। সামর্থ্য নাই ক্রয় করেন; প্রতিবাসীর নাই যে একবার চাহিয়া লন, দেশে কাহারও আছে কি না তা জানেন না, যে গিয়া একবার দেখিয়া আসেন। পরে অনেক ভাবিয়া চিন্তিয়া স্থির করিলেন নিজের যন্ত্র নিজে রচনা করিবেন। গাণিতিক কি করিয়াছিলেন? তিনি বা না পারেন কেন? What man has done man can do। নিজের দূরবীক্ষণ নিজে প্রস্তুত করিতে বসিলেন। Lives of great men all remind us &c., এই মহাবাক্য তাঁহার একমাত্র ভরণ। মন্ত্রের-সাধন-কিন্দা-শরীর-পতন করিয়া কয়েকনবাবাকো লাগিয়া গেলেন। বিজাতীয় বায়ুমাধ্য দ্রব্য লন, আদৌ এমন ইচ্ছা নাই। সূত্রাং দেশী তত্ত্বের চোঙা ও অদ্ভুত সখল। Truth is stranger than fiction। পরিশেষে পরীক্ষার পূর্ণসমোরথ হইয়া সমস্ত বৈজ্ঞানিক জগতের পূজ্য হইয়া দাঁড়াইলেন। সোণাখারি Gold Mining Company নাকি সমস্ত Stock in trade বিক্রয় করিয়া উক্ত মহানজ-জনক রচনার পেটেই লইয়া একচেটে ব্যবসা আরম্ভ করিয়াছে। এখন তাহার shareও তাই অগ্নিমূল্যে বিক্রয় হইতেছে।

তাড়িৎ সঞ্চক্রেও তাঁহার অনেক নূতন কারখানা আছে। “দাসঘট” তাঁহার জলন্ত কীর্তি। সামান্য মৃত্তিকার ঘট “খড়িমাটির-বাসদেব” অলঙ্কারে তাঁহার চক্ষে Leyden jar অল্পভূত হয়। বৃষ্টির সময় একটু কাকের পালক লইয়া উহাতে নানা পরীক্ষা করেন। সেই পরীক্ষার ফলে আজ তিনি সর্বত্র পূজ্য। এভিন্ন মাছলী ধারণ, দক্ষিণমুখে ভোজন, উত্তর শিয়রে শয়ন, পূর্বমুখে আত্মিক প্রভৃতি সঞ্চক্রে নানা বড় বড় বৈজ্ঞানিক ব্যাখ্যা দ্বারায়

জগতে প্রতিষ্ঠাতাজন হইয়াছেন। “গাত্র তিলক রচনা” নামক এক সুদূরপর্যায় প্রবন্ধ আমেরিকার Light of the World পত্রিকায় প্রকাশিত করার নূতন জগতও তাঁহার বশসৌভতে আমোদিত হইয়াছে। উহার স্থূল মর্ম এই যে গাত্র তিলক রচনা করিলে শরীর প্রকৃত লেডনকার হইয়া পড়ে, সূত্রাং তাড়িৎ প্রবাহ দেহবাসে কারাবাস করে। লতাভণ্ডে রক্ত ফুৎ করল করিবার চেষ্ঠায় বিফল হন। But even failure in scientific experiment is a sort of success। তাঁহার বিশ্বদরে সকল বিজ্ঞানই আছে। নূতন বিজ্ঞানের নাম শুনিলে দৌড়াদৌড়ি তাহার শ্রীবর্ধনে বক্রপরিষ্কর হন। পরিণতিবাদ আধুনিক নূতন মহাব্যাপার। তাহাতেও তাঁহার হস্তচিহ্ন আছে। তাঁহার মতে পরিণতিবাদ অতি সত্য—অতি নায্য—সত্যসিদ্ধ। তবে ডার্বিন কাল সহকারে, অবস্থা সহকারে জাতীয় জীবনের নানারূপ বিকাশ বলেন। মাষ্টার দাসের মতে ব্যক্তিগত জীবনই জন্মজন্মান্তরে ঐরূপ বিভাসমান হইয়া থাকে। বানর হইতে মানুষ মহা ভুল কথা। তাঁহার মতে মনুষ্য পাইবার জন্মই ভেকগণ শীতকালে যোগাসনে বসিয়া থাকে। আফ্রিকার প্রাচীন পরিণতিবাদে ইহার ভূরি ভূরি প্রমাণ আছে। এভিন্ন Botanyতেও তাঁহার পদ চিহ্ন পাওয়া যায়। তাঁহার মতে Palmaci, Plantainaci, Kochuaci প্রভৃতি এক জাতীয় লতা।

ফিলাটেলি আজকালের নূতন বিজ্ঞান। মাষ্টার দাস তাহারও ভয়ঙ্কর পক্ষ। তিনি আমড়াতলার ফিলাটেলি সভার একজন জীবন্ত সভ্য (Live member)। লর্ড হারিস, ইণ্ডিয়ান ডেলি নিউস সম্পাদক প্রভৃতি বড় বড় সাহেব বিবির নাম দেখিয়া তাঁহার নূতন প্রতিভা ফুটিয়া উঠিয়াছে। এমন কি, নিজের বাটতে নিজের ব্যয়ে তিনি ফিলাটেলিস্ট ইউনিয়ন নামক মহাসভা প্রতিষ্ঠিত করিয়াছেন। অনেক বড় বড় মোটা মোটা জমকাল নাম সভ্যশ্রেণিভুক্ত দেখা যায়। ফলে হোমরা চোমরা সকলেই প্রায় দূরদেশস্থ লোক। এফের টনীরও মহুমেন্ট্যাল নাম এক পাশে পড়িয়া আছে। সভার অধিবেশনে নানা কার্যবশতঃ বড় একটা কেহ যাওয়া আসা করেন না। তবে পাঁচ সাত জন বেকার বেটাছেলে মাঝে মাঝে তথায় আসিয়া তর্জন গর্জন করিয়া থাকে।

ফিলাটেলি মাষ্টার দাসের এখন একমাত্র অবলম্বন। ইহাতে জ্ঞান আছে, বিজ্ঞান আছে, অর্থও আছে। সূত্রাং ইহা তাঁহার প্রাণে কথা কহিয়া থাকে। তবে তাঁহার একবারে বাধা পথে চলিবার ঘো নাই। তিনি সদাই ব্যঙ্গ করিয়া বলিয়া থাকেন, “বাধা পথ কাণায় চলিতে পারে”। মস্তিষ্কের বিশালতা প্রযুক্ত সামান্য সামগ্রী তাঁহার হাতে পড়িবামাত্র দশানন হইয়া দাঁড়ায়। জাগতিক দাগী ঠ্যাঙ্গা সংগ্রহ করিয়া সাধু ও সাধারণ্য সংস্থাপন করাই ফিলাটেলির উদ্দেশ্য। এই সুবিশাল তত্ত্ব হইতে সহসা তাঁহার মন্থণ মস্তিকে চিন্তা পিছলাইয়া বৈজ্ঞানিক বিজ্ঞানে হুড়ুত করিয়া আসিয়া পড়িল। তিনি তদবধি জাগতিক বিজ্ঞান সংগ্রহ করিয়া সাধারণ্য সংস্থাপন দ্বারা নিয়মাদি নিরাকরণে জীবন বিসর্জন করি-

লেন। এই নব বিবানে তাঁহার চিরকীর্তিস্তম্ভ ক্রমশঃ সমুচ্চ হইয়া অচলভাবে দাঁড়াইয়া জগজ্জনকে ইহকাল পরকাল স্তম্ভিত করিয়া রাখিবে।

আসন্ন।

গোরস্থান গলি। একতলা ১২ ফুট আন্দাজ লম্বা একটা অতি প্রাচীন কুটারি। মাটির দাসের বৈটকখানা। ঘরের চারিদিকে ভাঙ্গা প্রাচীর, চিপা চাপা, রাবিস মাটি, কচুবন, ঘাস, ঘেঁটু, গাব ভেরেণ্ডা প্রভৃতি আয়নির্ভর প্রকাশ করিতেছে। গৃহের ছাদ মাজা-ভাঙ্গা—অষ্টবক্র। কড়ি বরগা—জ্বরাপিদ্ধ। প্রায় বেন অন্ত দত্ত বাহির করিয়া গৃহাভিমুখে হাত বাড়াইয়া পৈশাচিক মূর্ত্যের তরঙ্গ দেখাইতেছে। গৃহের মধ্য কয়েকখানি ভাঙ্গা বেঞ্চ এবং দুইখানি হাড়গোড়ভাঙ্গা দরের মত নজগজে চেয়ার; মধ্যে একটা বুচারশপের কাউন্টারের মত অতি প্রাচীন মোটা ময়লা টেবিল; তত্পরি একটা ত্রিভঙ্গ মুরারা ভাঙ্গা-চিম্নি কেরোসাইন ল্যাম্প; ছাদ এত নীচু যে কড়িতে কাটে কাটে বাধা গুটী কয়েক chinese lantern লোকের মাথার ঠেকিতেছে। কিন্তু ঘরের ভিতরকার অরাজ্জীর্ণ বেশ চাতুরীর সহিত ঢাকা। দেওয়াল, মিনিং, দরজা, চোকাট প্রভৃতি নানা বর্ণের বিজ্ঞাপনে মোড়া। গৃহের গায়ে বিস্তর ক্ষুদ্র ক্ষুদ্র অক্ষয় গাছ আছে, তাহাতে নানা রঙের বিজ্ঞাপনের নিশান উড়িতেছে। সেই বিবিধ রঙ্গক্ষে সভাগৃহের অপূর্ণ শোভা হইয়াছে। অবিকল্প টানাখা খানি সমুদারই বিজ্ঞাপনে প্রস্তুত। এইরূপে গৃহটী বেন ক্ষুদ্র সাজান রথের মত নয়নাভিরাম হইয়াছে।

কাগজে অনেক বড় বড় ধামপাল বস্তুর নাম দেখিয়া ছেলের দল ছুটিল। আর সব থিয়েটার একদম মাটি। বিনা ব্যয়ে থিয়েটারের স্বখ কেই বা ছাড়ে? তবে কুড়ি দুই মাত্র লোকে সভাগৃহ “ন স্থানং পোস্ত দারয়েং” হইয়া পড়িল। বাকি শ্রোতার দল উঠানে ও রাস্তার গজ গজ করিতে লাগিল। স্থানাভাবে মহা গোল উঠিল। কলরবে পোকের আরও ভিড় বাড়িতে লাগিল। ক্রমে কলরব কোলাহলে এবং কোলাহল কলহে পরিণত হইতে লাগিল। হাততালি, ইষ্টকবৃষ্টি প্রভৃতি আলমঙ্গিক ব্যাপার আর কিছুই বাধি রহিল না।

এই তুকানে নিরমিত সময়ে, অর্থাৎ, অবধারিত সময়ের ২.৫০টা বাদে সভা আরম্ভ হইল। নবাব ফাজিলরাম on the bench. In the chair বলায় সভার বাতায় জন্মে নবাব সাহেব কিছু বেজায় জমকাল। চৌকি মধ্যে তাহার কোন রকমেই সামঞ্জস্য হইল না। অগত্যা শ্রোতা কয়েকজনকে উঠাইয়া দিয়া একখানি বেঞ্চ খালি করিয়া তাহাকে প্রদত্ত হইল। বলা বাহুল্য, বেঞ্চখানি সভাপতি মহাশয়ের বিশাল কলেবর, আলবোলা, তাম্বুলকরঙ্গ, জরের গেলান, হেনা আতরের মিনি, গোলাপ জলের বোতল প্রভৃতিতে ভরিয়া গেল। স্বর্ধের বিবর শীতকাল, নচেৎ সে ক্ষুদ্র গৃহে সেদিন বুঝি হালের পুনরাভিনয়ের ভয় ছিল। নবাব সাহেবকে সভাপতি করিবার কারণ নাম ডাক। অবিকল্প পরিচিতির প্রতি মাটির

দাসের বিশেষ অনাস্থা। Familiarity breeds contempt। যে সর্কল উদীরচেতী বড়লোক কায়িক সভাস্থ হইতে পারেন নাই, তাঁহাদের দুই চারিজন পত্রদ্বারা উপস্থিত হইয়াছিলেন। আমরা গোলমালে সকল কথা শুনিতে পাই নাই। বোধ হয় লর্ড হারিসের এই মর্মে একখানি পত্র পঠিত হয়। “শ্রীযুক্ত বাবু গুরুদাস ভক্ত, কলিকাতা গোরস্থানের ফিলটেলিষ্টস্ ইনস্টিটিউশনের পার্ফরমেন্ট সেক্রেটারী, সোণাখালি গোল্ড কোম্পানীর অনাহারী ডিরেক্টর, লাইভ মেম্বর, এভারলাইটিং পাইরোটেক্‌নিক্‌হল, কলিকাতা, ইত্যাদি, ইত্যাদি। মহাশয়, মহারাষ্ট্রীয়-গণ ইতিহাসের কয়েক পংক্তি মাত্র অধিকার করিয়াছে; আপনাদের ছায় বৈজ্ঞানিক বাঙ্গালি স্বরায় সমুদায় ইতিহাস একচেটয়া করিবেন। আমার সভায় উপস্থিত হইবার বড় সাধ ছিল। রাজকার্য্যে মহা ব্যস্ত। বিশেষতঃ অজ্ঞানঘন গোহত্যা-বিরোধী হিন্দুদের জালায় আজকাল কোথাও একপা বাড়াইবার যো নাই। আর যখন নবাব ফাজিলরাম স্বয়ং উপস্থিত আছেন, তখন আমার উপস্থিতি অতিরিক্ত মাত্র। সহায়ত্ব সহকারে রহিলাম, মহাশয়, আপনাদের সত্যি সত্যি আমি।” (বক্তাদে প্রশংসা)।

বক্তৃতা।

পরে নানা প্রকার ক্লেশকর জুরোধ পত্র পঠনান্তে সভাপতি মহাশয় আধ আধ সামান্য দুইচারি কথার মাটির দাসকে তাঁহার প্রগাঢ় চিন্তা প্রসূত বক্তৃতা করিতে অনুরোধ করিলেন। বক্তা মহাপ্রভু অন্ন জল টানিয়া প্রস্তর মূর্ত্তিবৎ কয়েক মিনিট দাঁড়াইলেন। পরে চারিদিক অবলোকন করিয়া যে বক্তৃতা পাঠ করিয়াছিলেন, নিম্নে তাহার কিয়দংশ অবিকল পর পর উদ্ধৃত করা গেল।

মুখব্যাদান।

নবাব সাহেব, বিজ্ঞানবুদ্ধি শ্রীমান ও শ্রীমতিগণ, পুস্তকের প্রারম্ভে অনেকে “মুখবন্ধ” নিধিয়া থাকেন। একথাটার এরকম প্রয়োগ বড়ই বিপর্দায় ব্যাপার। মুখ-খুল্যাকে কোন্ মঙ্গলিতে “বন্ধ” বলা যায়? আমরা বৈজ্ঞানিক। ভাষা, ভাব, ভঙ্গি, রস, ভাল, লয়, মনের জন্ত লালায়িত নহি। কোন রূপে মনের কথা প্রকাশ হইলেই হইল। অনঙ্কার-শাস্ত্র এক প্রকার বিজ্ঞান-বিরোধী বিষয়। আমরা কথার প্রতি অক্ষর, মারা, দাঁড়ি, বিন্দু-পর্দাস্তও ওজন না করিয়া ব্যবহার করি না। কাণের স্বখ—স্বখ নয়; চিত্তস্বখই—স্বখ। বিজ্ঞান-বিহীন লোকে প্রায়ই কথার বিপরীত ব্যবহার করিয়া ফেলেন। আসি=বাই, বৈরাগী=গৃহী, কুটির=অট্টালিকা, রক্ষক=ভক্ষক, খাটি=মাটি, বাবু=চাকর, বাড়ন্ত=কমত, কোন্ শাস্ত্রে আছে? “তবে আমি আসি,” জাত বৈরাগী,” “কোমল কুটির,” “শান্তি রক্ষক,” “খাটি টানা,” “আফিস বাবু,” “চাল বাড়ন্ত,” প্রভৃতি ভরফর অপভ্রংশের দৃষ্টান্ত। আমি এসকল আর্থপ্রয়োগ অবজ্ঞা করি। কেহ নাস্তিক বলে—বনুক। আমি আজ অর্ধপ্রতিপত্তি

“মুখবন্ধকে” দূর করিলাম। যাহা হউক, মুখব্যাদানে আমি এই মাত্র বলিতে চাই যে আপনারা একটু স্বৈর্য ও ধৈর্য সহকারে এ বহুশ্রমসাধ্য বিষয়ে কর্ণপাত করিলে কৃতার্থ হই (Hear, hear.)। নিরবধি কঠোর গবেষণায় যে অমূল্য রত্ন পাইয়াছি, তাহা আজ আপনাদের হাতে সমর্পণ করিয়া নিশ্চিত হইব। (এই সময় ক্ষণেক বিশ্রাম, জলপান, উজ্জ্বল প্রভৃতি তুচ্ছ হইল। পুনশ্চ টেবিলে উপুড় হইয়া পড়িলেন। কারণ একে চক্ষের দৃষ্টি কম, তাহাতে আলোক মিটু মিটে।)

ফিলাটেলি।

অতি সামান্য ঘটনায় বিজ্ঞানের জন্ম। আর্কিমিডিসের স্নানের টব, নিউটনের আত, গেলিলির লর্ধন, ওয়াটের সরা, ইহার সাক্ষ্যস্থল। ছেলেখেলায় টেলেকৌ গত কল্যের কথা মাত্র। সেইরূপ একটু বয়স্ক বালকের খেলায় আজ ফিলাটেলি। (বজ্রনাদে হুড়মুড় হুদাড়া।) ইহার আবির্ভাব যত সহজ, বিষয় তত নহে। নানাদেশীয় দাগী ষ্ট্যাম্প সংগ্রহ করা বড় সহজ ব্যাপার নহে। তথাচ এই বিশাল বিজ্ঞান অজানিত ভাবে জগতে ফুটিয়া উঠিয়াছে। কেহ জানে না, শুনে না, শনৈঃ শনৈঃ ইহার পুষ্টি হইতেছে। বিলাতী জ্ঞান তরঙ্গ আজ নাচিতে নাচিতে ভারতে অভাগত। লর্ড হারিস বসে ফিলাটেলি মণ্ডলীর সভাপতি (Hear, hear.)। সেই উত্তাল তরঙ্গ ক্রমে কলিকাতায় গড়াইয়া আসিয়াছে। যেমন বিলেতী মেগ বোম্বাই ট্চ করিয়া আইসে, পাশ্চমিক বিজ্ঞান এবং সভ্যতাও সেইরূপ ভায়া বোম্বাই আমদানি। সেই জন্ত বোম্বাই ভগিনী কলিকাতার বিশেষ ধন্যবাদের পাত্রী। (দিগন্তব্যাপী করতালি।)

বৈজ্ঞানিক বিজ্ঞান।

আমি বহুদিন সময়ে ফিলাটেলির সাধনা করি। এইরূপ তন্ময় থাকা প্রযুক্ত গতমাসে একদা সহসা আমার চক্ষে তীব্র জ্যোতিঃ পড়িল। যেন অন্ধের চক্ষু দান হইল। চারিদিকে বিজলী খেলিতে লাগিল। জগৎ নূতন শোভা ধারণ করিল। পৃথিবী স্বর্গের মত বোধ হইল। মনে আশাবায়ু ছুটিল। জীবন সন্দেশের স্থায় মিষ্ট বোধ হইল। শোণিত তড়িৎবেগে ধমনীতে ছুটিতে লাগিল। আমি বাহুজ্ঞান শূন্য। সম্মুখে ধূতুরার ফুলের স্থায় বৈজ্ঞানিক বিজ্ঞান খেলিয়া বেড়াইতে লাগিল। কে যেন কাণে কাণে বলিল, “এতদিনে রে বৎস! তোর পূণ্যবলে আমি তোরই হাতে ধরা দিলাম। যা! জগতের বিজ্ঞাপন-সমুদ্র আলোড়ন কর! হুল্লভ রত্ন পাইবি।” (এবার মাষ্টার দাস কয়েক মিনিট অর্ধনিমীলিত-নেত্র আকাশমুখে তাকাইয়া স্তম্ভের স্থায় দণ্ডায়মান; শ্রোতৃবর্গের স্বাসরোধ; সভাপতি নিদ্রিত, স্বপন দেখিতেছেন যেন তাঁহার মাথার খুলির মধ্যে “ইন্দ্রসভার” অভিনয় হইতেছে। ক্রিষ্ণিৎ পরে সকলের মোহ ঘুচিল। মাষ্টার দাস আবার প্রায় টেবিলের সহিত অঙ্গ মিলাইয়া জলদগন্তীয়ে অরম্ভ করিলেন।)

আমি তদবধি আগতিক সমগ্র বিজ্ঞাপন সংগ্রহ আরম্ভ করিলাম। স্বপ্নের পরিশ্রমে ক্লান্তি নাই—অবসাদ নাই। দিন দিন বরং ক্ষুণ্ণি বাড়িল। পরে একমনে একপ্রাণে তাহাদের সাধারণপাত আরম্ভ করিলাম। এইরূপ সংশ্লেষ, বিশ্লেষ, ভাঙ্গা, গড়া প্রভৃতি সহকারে আরোহ প্রণালীতে নিয়মাদি নিরাকরণে সমর্থ হইলাম। প্রতিভা অর্থে পরিশ্রম। কোন বিষয়ে শ্রম বিফল হইবার যো নাই। শ্রমের ফল স্বতঃসিদ্ধ। আজ সেই নিজের ক্ষুদ্র আবিষ্কৃত নিয়মাদি মহাশয়দিগের সম্মুখে বিবৃত করিব। বিজ্ঞান একটু কর্কশ ও কুটুচে ব্যাপার। স্মরণ্য কিছু সময় লাগিবে। বিব্রত হইবেন না। (Go on, go on, Bravo! Bravo!) তবে ফিলাটেলির মত এ গবেষণায় আপাততঃ পরিশ্রমের মূল্য নাই। আমার মতে বিজ্ঞা বিজ্ঞার জন্ত অর্জন করাই উচিত। বিজ্ঞানের মূল্য বিজ্ঞান। অমূল্য রত্নের আবার মূল্য কি? যাহার অর্থকরী বিদ্যার আবশ্যক, সে রেলওয়ে কক্ক, টেলিগ্রাফ কক্ক, ময়দার কল কক্ক, ডাক্তারি শিশুক, ওকালতী কক্ক। আমার নিকাম ব্রত। স্মরণ্য ও সকল স্বার্থপর বিষয় ভাল লাগে না। (বেশ! বেশ! সাবাস! সাবাস!)

(ক্রমশঃ)

সদারণের খেয়াল।

মরণ সোহাগ ।

ও কি আর ফুল আছে ?
ও যে শুধু বরাদল !
কেন আর সমীরণ
উহারে ছুঁইবি বল !

মধুর সোহাগে তোর
ওত আর গাহিবে না !
নয়নে ঢালিয়া স্মৃতি
ওত আর চাহিবে না ?

স্মৃতির পরশে স্মৃতি
ভুকাইবে দলগুলি,
সমীর কিরিয়া যারে
মরণ সোহাগ ভুলি !

গত অগ্রহায়ণ মাসে হিন্দুজ্যোতিষীগণের বিবরণ নামক যে প্রবন্ধ
প্রকাশিত হয় তাহার—

শুক্লপত্র ।

পৃষ্ঠা	পঙ্ক্তি	অঙ্ক	শুক্ল
৪৬০	১৬	ষষ্ঠ্যাকানাং ষষ্টির্ষদা	ষষ্ঠ্যাকানাং ষষ্টির্ষদা
ঐ	১৭	এহধিকা	ত্র্যহধিকা
ঐ	২৩	গণিক প্রতিপাদকালি	গণিত প্রতিপাদকানি
৪৬৪	১৪	পাশ্চাত্য মতের	পাশ্চাত্য মতে
ঐ	২৭	কিরূপে সিদ্ধান্ত	কিরূপে সিদ্ধ
৪৬৫	১৯	লিখিত হইতেছে	লিখিত হইয়াছে
৪৬৫	২৭	বাসুদেব শাস্ত্রীর	বাসুদেব শাস্ত্রীর
৪৬৬	৭	দশ গীতিকার	দশ গীতিকার
ঐ	৮	অর্থ-ভট্টায়ে	আর্য্য-ভট্টায়ে
ঐ	২৪	বাশিষ্ঠসিদ্ধান্তিকার	বাশিষ্ঠসিদ্ধান্তিকার
৪৬৭	১৩	কোন কিছুই	কোন কিছুই
৪৬৮	১৬	কাষ্যসিদ্ধান্তের	স্বর্ঘ্যসিদ্ধান্তের
৪৬৯	৮	তাহাও বুঝি	তাহাও
ঐ	২০	তৎসমুদায় ছিল না	তৎসমুদায় পূর্বে ছিল না।

বীণাপাণি।

আঁখি মুদে ভাবিতে ভাবিতে,
আধ তন্দ্রা আধ জাগরণে,
ছিন্ন ভিন্ন চিন্তার মাঝারে,
এ কাহার ছবি এল মনে ?

এলো থেলো কেশদাম গুলি,
এলো মেলো বায়ুর পরশে,
উড়ে পড়ে ফনিরীর সম,
হংসী নিভ গ্রীবাতে উরসে।

একা বসে তমালের তলে,
বীণা লয়ে গাহে আনমনে,
নিকটেতে হরিণী দাঁড়ানে,
এক দিঠে নেহারে আননে !
এ কাহার ছবি এল মনে ?

এত নহে সে দেবী আমার ?
কোথা সেই পঙ্কজ কানন ?
হিল্লোলেতে হেলিছে কমল ?
মরাল করিছে সস্তরণ ?

এ স্বপনেতে গাহে যেন বীণ !
যুমায়ে পড়িছে বার বার !
কই প্রাণের সে পুলক রোমাঞ্চ ?
কোথা সেই গম্ভীর ঝঙ্কার ?
এ ত নহে সে দেবী আমার ?

কই জাগাইতে মুম্বু প্রকৃতি
বিহঙ্গের গীত বনে বনে ?
মাতোয়ারা দক্ষিণ সমীর,
বিকাশিতে কলিকা কাননে ?

ছুটাইতে বধুর বয়ান
দিবানিশি সাবিরী সাবিরী
কই ফেরে "বউ কথা কণ"
অবিরাম গাহিয়া গাহিয়া ?

আঁখি মুদে ভাবিতে ভাবিতে
আধ তন্দ্রা আধ জাগরণে,
ছিন্ন ভিন্ন চিন্তার মাঝারে
এ কাহার ছবি এল-মনে ?

মধুর এ বিষয় মুরতি !
ছল ছল নলিনী নয়ান,
মুহু মুহু অক্ষুট ভাষায়
না জানি গাহিছে কোন গান ?

কেন আকুলিত হতেছে অন্তর
রুদ্ধ অশ্রু উথলে নয়নে,
ও প্রেম ভরে সঁপিতে পরাণ
কারে চায় জানিব কেমনে ?

শ্রীগিরীদ্রমোহিনী দাসী।

বর্ণচ্ছত্র।

শুভ্রালোক বিশ্লেষণজাত বর্ণবৈচিত্র্য আমরা জগতে সর্বদাই দেখিতে পাই। রামধনু
অপূর্ণ বর্ণবিচ্ছাদে ও পত্রপ্রান্তসংলগ্ন শিশির-বিন্দুতে বালসৌরকিরণের অদ্ভুত বর্ণচ্ছত্র-
সকলই ইহার প্রকৃষ্ট উদাহরণ। এত গেল স্বভাবের কথা,—কৃত্রিম উপায়েও আমরা সহজে
আলোক বিশ্লেষণ দেখিতে পারি। ত্রিকোণ কাচ ফলকের মধ্য দিয়া, সাধারণ শুভ্রালোক
আসিতে দিলে, ইহা মৌলিক বর্ণে বিভক্ত হইয়া উজ্জল লোহিত পীতাদি বর্ণযুক্ত একটি
অপূর্ণ দৃশ্য রচনা করে,—বৈজ্ঞানিকেরা ইহাকেই Spectrum, বর্ণচ্ছত্র * বলিয়া থাকেন।
ঝড় দেয়ালগিরি-লম্বিত বহুকোণ যুক্ত কাচফলকগুলি দ্বারা কোন পদার্থ দেখিলে, এই
জন্তই ইহা নানা বিচিত্র বর্ণে রঞ্জিত দেখা যায়। ত্রিকোণ কাচফলকের এই বর্ণ বিশ্লেষণী-
শক্তির কথা বালকবৃদ্ধ সকলেই অবগত আছেন, বাল্যকালে উৎসবের সময় দেয়ালগিরিচ্যুত
জুই এক খানি কাচ সংগ্রহ ইচ্ছার, তৈল গন্ধামোদিত ক্ষুদ্র করাস গৃহে ভূত্যগণের সহিত
কিছু অধিক বন্ধুত্ব স্থাপনের চেষ্টায় নানা মিষ্টান্ন ঘুষ দিয়া পরে একখানি ভগ্নকাচ লাভের
কথা আজও স্মরণ আছে। এই কাচ দ্বারা অপূর্ণ বর্ণ-ময় একটা নূতন সংসার দেখিয়া,
বোধ হয় তখনকার জন্ত অকৃতজ্ঞ ভূত্যের উৎকোচ নিন্দা ও উৎসবের সকল আনন্দের
কথা একবারে ভুলিয়াছিলাম। প্রবীন বৈজ্ঞানিকদের নিকটেও এই ক্ষুদ্র কাচ খণ্ডের কম
আদর নয়। বালক ইহাদ্বারা পার্থিব পদার্থের বিবিধ উজ্জল বর্ণের সমাবেশ দেখিয়া আক্লা-
দিত হয়,—বৈজ্ঞানিক কেঁটা যোজন স্থিত ক্ষুদ্র নক্ষত্রের গঠনোপাদান ও গতিবৈচিত্র্য
নির্ধারণ করিয়া ও অতীন্দ্রিয় নক্ষত্র মালার নিখুঁৎ ছবি তুলিয়া দৃষ্টির অনন্ত প্রসারতায়
বিমুগ্ধ হন। অল্পায়াসেই ত্রিকোণ কাচ সংগ্রহ করিয়া যথেষ্ট আলোক বিশ্লেষণ করিতে পারা
যায়, এজন্য অপরাপর বৈজ্ঞানিক যন্ত্রের ছায়া, বর্ণচ্ছত্র দেখিবার জন্ত জটিল যন্ত্র নির্মাণের
কোনই আবশ্যক হয় না। কেবল এই ক্ষুদ্র কাচখণ্ডের সাহায্যে আজকাল যে সকল
অভাবনীয় আবিষ্কার হইতেছে, তাহার হিসাবে, আধুনিক বিজ্ঞানে এই সামান্য যন্ত্রটি অমূল্য
বলিলেও অত্যুক্তি হয় না। কেবলমাত্র আলোক-বিজ্ঞানে নয়, বর্ণচ্ছত্র দ্বারা বিজ্ঞানের
সকল শাখাতেই নানা অভিনব তত্ত্ব আবিষ্কৃত হইতেছে। আধুনিক রসায়নবিদ পণ্ডিতগণ
বর্ণচ্ছত্রের পরীক্ষাদ্বারা পদার্থের প্রকৃতি নির্ণয় করিতেছেন এবং অল্পদিনের মধ্যে এই
উপায়ে কয়েকটি সম্পূর্ণ অপরিজ্ঞাত মৌলিক পদার্থের অস্তিত্ব আবিষ্কার করিয়াছেন।
এতদ্ব্যতীত পদার্থ বিশ্লেষণের পরিজ্ঞাত উপায় গুলির মধ্যে, বর্ণচ্ছত্র পরীক্ষা প্রথাই
(Spectrum Analysis), অতি হৃদয় ও সরল উপায় বলিয়া নির্দিষ্ট হইয়াছে।

* পূজনীয়া "ভারতী" সম্পাদিকা কয়েকটি বৈজ্ঞানিক প্রবন্ধে "বর্ণচ্ছত্র" ইংরাজি Spectrum শব্দের
সমাসবাদ রূপে ব্যবহার করিয়াছেন, বর্তমান প্রবন্ধে তাহাই অনুসৃত হইল। শ্রীঃ—

জড় বিজ্ঞানের ইতিহাস পর্যালোচনা করিলে দেখিতে পাওয়া যায়, ইহার প্রত্যেক শাখা প্রশাখার পূর্ণতার জন্ত অনেক পণ্ডিতের বহুকাল ব্যাপী অনুসন্ধান ও গবেষণার আবশ্যক। একজনের আজীবন পরিশ্রম দ্বারা কোন বিজ্ঞানই উন্নতির উর্দ্ধ সোপানে পৌঁছে নাই। আলোক-বিজ্ঞান ও বর্ণচ্ছত্রের ইতিহাসে এ নিয়মের ব্যতিক্রম হয় নাই। অনেক খ্যাতনামা বিজ্ঞানচার্যের অবিচ্ছিন্ন অধ্যবসায় ও পরিশ্রমের ফলে আলোক-বিজ্ঞানের আজ এই উন্নতি হইয়াছে,—তবে তাড়িৎ-বিজ্ঞানাদির পরিণতি হইতে যেমন অধিক সময় লাগিয়াছে, সৌভাগ্যক্রমে বর্ণচ্ছত্রের উন্নতির জন্ত তত সময়ের আবশ্যক হয় নাই। আলোক-বিশ্লেষণ দ্বারা জটিল যৌগিক পদার্থের প্রকৃতি নির্ণয়ের কথা ত্রিশ বৎসর পূর্বে কোন রসায়নবিদ-পণ্ডিত কল্পনাই করিতে পারেন নাই, কিন্তু আজ কেবল বর্ণচ্ছত্রের সাহায্যে পার্থিব পদার্থ ত দূরের কথা, স্বর্ঘ্য ও বহুদূরস্থিত নক্ষত্রাদির গঠন-উপাদান এবং চির রহস্যময় ছায়াপথের প্রকৃত তথ্য স্থিরীকৃত হইতেছে।

বর্ণচ্ছত্রের আদিম ইতিহাস পর্যালোচনা করিতে হইলে, সার্ আইসাক নিউটনের কথা প্রথমেই আসিয়া উপস্থিত হয়। সাধারণ শুভ্রালোক যে রামধনুস্থ কয়টি মূলবর্ণের সমষ্টি তাহা নিউটনই খৃঃ পূঃ ১৬৭৫ অব্দে সর্বপ্রথম প্রচার করেন। একটি অন্ধকার গৃহে ক্ষুদ্র ছিদ্র দ্বারা স্বর্ঘ্য-কিরণ প্রবিষ্ট করাইয়া পরে পূর্বে বর্ণিত ত্রিকোণ কাচ সাহায্যে আলোক বিস্ফিষ্ট করিয়া, লোহিত পীত বেগুনীয়া ইত্যাদি কয়েকটি বর্ণচ্ছত্র অর্থাৎ বর্ণশ্রেণী ইনিই সর্বপ্রথমে বিজ্ঞানের আয়ত্তীভূত করিয়াছেন। কিন্তু বিস্কন্ধ বর্ণচ্ছত্র পাতকৌশল এবং রশ্মি সকলের বাঁকিবার পরিমাণ, সে সময় সম্পূর্ণ অপরিজ্ঞাত ছিল, এজন্ত নিউটনের পাতিত বর্ণচ্ছত্রে সমগ্র মৌলিক বর্ণ দেখা যায় নাই। ইহা দ্বারা কেবল দুই বা ততোধিক বর্ণ মিলিয়া একটি অবিচ্ছিন্ন ও মিশ্র বর্ণচ্ছত্র রচিত হইয়াছিল মাত্র। বাহাউক, শুভ্রালোক যে, কয়েকটি মৌলিক বর্ণের সমষ্টি তাহা নিউটনই সর্বপ্রথম প্রচার করেন, এবং বর্ণচ্ছত্রের বর্ণগুলি একখানি স্থূলমধ্য কাচের (Double convex lens) সাহায্যে একত্রিত করিয়া পুনরায় স্বেতালোক উৎপাদন দ্বারা তাহা প্রত্যক্ষ দেখাইয়াছিলেন। কিন্তু নিউটন অবলম্বিত উপায়ে অবিমিশ্র বর্ণচ্ছত্র রচনা অসম্ভব বলিয়া, সৌর বর্ণচ্ছত্রের প্রধান লক্ষণ প্রসিদ্ধ কৃষ্ণ রেখা গুলি সে সময় আবিষ্কৃত হয় নাই।

বর্ণচ্ছত্র দ্বারা আজ কাল যে সকল অদ্ভূত কার্য সাধিত হইতেছে তাহা বুঝিতে হইলে আলোক কি প্রকারে বিস্ফিষ্ট হয় তাহা মোটামুটি জানা আবশ্যক। আধুনিক পণ্ডিতগণ বলেন, শুভ্রালোকের উপাদান মূল বর্ণগুলির প্রকৃতি সমান নয়। প্রত্যেক বর্ণ, বিশ্বব্যাপী ঈশ্বর নামক পদার্থের কম্পনজাত এক একটি নির্দিষ্ট তরঙ্গদ্বারা উৎপন্ন হয়। এই তরঙ্গের দৈর্ঘ্য বর্ণচ্ছত্রের লোহিতাংশেই সর্বাপেক্ষা অধিক এবং লোহিত হইতে বর্ণালুক্রেমে কমিতে কমিতে ভায়লেট অংশে ইহা অত্যন্ত অল্প হইতে দেখা যায়; গণনা করিলে লোহিতের তরঙ্গ দৈর্ঘ্যে ভায়লেট তরঙ্গের প্রায় বিংশ গুণ হইয়া পড়ে! যদিও মৌলিক বর্ণগুলির তরঙ্গ-দৈর্ঘ্যের

এই প্রকার পার্থক্য লক্ষিত হয়, কিন্তু কোন নির্দিষ্ট পদার্থ মধ্যে ইহাদের গতি একই থাকে, এজন্ত তরঙ্গের দৈর্ঘ্য হিসাবে ঈশ্বর কণার কম্পন পরিমাণের ত্রাসবৃদ্ধি হইতে দেখা যায় এবং দীর্ঘ তরঙ্গযুক্ত বর্ণের কম্পন সংখ্যা ক্ষুদ্র তরঙ্গযুক্ত বর্ণের কম্পন পরিমাণ অপেক্ষা অল্প হইয়া থাকে! এই কারণে লোহিতাদি বর্ণ অপেক্ষা ভায়লেট দ্বারা ঈশ্বরকণা সকল অতি নীচ কম্পিত হয়। বিজ্ঞানানুরাগী পাঠক পাঠিকা গণ জানেন আলোক রশ্মি কোন এক নির্দিষ্ট স্বচ্ছ পদার্থ দিয়া গমনকালীন, সকল সময়েই সরল পথ অবলম্বন করিয়া থাকে। একটি অন্ধকার গৃহের জানালার ছিদ্র দিয়া স্বর্ঘ্যকিরণ প্রবেশ করাইয়া, বায়ুতে ভাসমান ধূলিকণা দ্বারা রশ্মিপথ সহজেই পরীক্ষা করা বাইতে পারে। কিন্তু উক্ত নির্দিষ্ট পদার্থ ত্যাগ করিয়া, গাঢ় বা তরলতর আর একটি নূতন পদার্থে প্রবেশ করিতে আরম্ভ করিলে রশ্মিসকল পূর্বে অবলম্বিত সরল পথানুক্রমে চলিতে পারে না, এই দুই পদার্থের সন্ধিস্থলে আসিয়া ইহাদের পথ পরিবর্তন হয় এবং পদার্থের গাঢ়তা হিসাবে বাঁকিয়া নূতন পথানুক্রমে চলিতে থাকে। এতদ্ব্যতীত আলোকপথ বাঁকিবার আরো কয়েকটি নির্দিষ্ট নিয়ম আছে, বর্তমান প্রবন্ধে সকল গুলির বিবরণ অনাবশ্যক।

আলোকপথ পরিবর্তনের কোন পরিমাণ নির্দিষ্ট নাই, একই রশ্মি অবস্থাভেদে নানা পথে চলিতে পারে। আলোক বাহক (Medium) পদার্থ গুলি সমান থাকিলে, রশ্মি সকল কোন পদার্থ হইতে গাঢ়তর পদার্থে বক্রভাবে প্রবেশ করিয়া যে নূতন পথ অনুসরণ করে, তাহা পরীক্ষা করিলে আলোক বাহক পদার্থ ঘূর্ণের সন্ধিস্থলস্থ লম্বের সহিত প্রায় এক সরল রেখায় দেখা যায়, কিন্তু গাঢ় পদার্থ হইতে তরলতর পদার্থে প্রবেশ করিলে ইহার ঠিক বিপরীত ফল লক্ষিত হয়,—এস্থলে নূতন আলোকপথ উক্ত লম্ব হইতে দূরে গিয়া সন্ধিস্থলের সহিত এক সমতলস্থ হইবার চেষ্টা করে। সকল আলোক-পথ পরিবর্তনই এই দুইটি স্থূল নিয়ম দ্বারা সাধিত হয়। যদি কোন দুইটি স্বচ্ছ পদার্থের সন্ধিস্থলস্থ পরস্পর সমান্তরাল হয় তাহা হইলে পূর্কোক্ত নিয়ম প্রয়োগ করিলে দেখা যায়, আলোক-পথ ভূমিধরে দুইবার বাঁকিয়া, ইহার পূর্বে পথের সহিত ঠিক সমান্তরাল হইয়া বাহির হইয়া আইসে। কিন্তু ত্রিকোণ কাচফলকের মধ্যে সমান্তরাল ভূমি নাই, এজন্ত আলোক-পথ ভূমিধরে দুইবার বাঁকিয়া গিয়া, পরস্পর বিচ্ছিন্ন হইতেই চেষ্টা করে, সমান্তরাল হইবার কোনই সম্ভাবনা থাকে না। ত্রিকোণ কাচফলকের গঠনে এই বিশেষত্ব আছে বলিয়া ইহা দ্বারা আলোক-বিশ্লেষণ হইয়া থাকে। নিউটন প্রমুখ পণ্ডিতগণ রশ্মিপথের এই জটিল পরিবর্তনের নানা কারণ উল্লেখ করিয়া গিয়াছেন। কিন্তু প্রাচীন সিদ্ধান্ত ভ্রান্ত বলিয়া প্রমাণিত হওয়ার, আধুনিক পণ্ডিত-সমাজে ইহা অগ্রাহ হইয়াছে এবং গাঢ় পদার্থ অপেক্ষা তরল স্বচ্ছ পদার্থে আলোকের গতি দ্রুত হওয়াই রশ্মিপথ বাঁকিবার একমাত্র কারণ বলিয়া আজ কাল নির্দিষ্ট হইয়া থাকে।

এতদ্ব্যতীত আলোক-পথ পরিবর্তনে আরো দুই একটি ঘটনা দেখিতে পাওয়া যায়।

রশ্মিপুঞ্জ পদার্থদ্বয়ের সন্ধিতল ঠিক লম্বভাবে ভেদ করিয়া পদার্থান্তরে প্রবিষ্ট হইলে ইহার পথের কোনই পরিবর্তন হয় না, যে সকল রশ্মি তির্যাক্ ভাবে প্রবিষ্ট হয় তাহাদেরই কেবল পথ পরিবর্তন হইয়া থাকে। পূর্বেই বলা হইয়াছে পদার্থান্তরে প্রবেশ দ্বারা আলোকের গতি পরিবর্তিত হয় বলিয়া আলোক-পথের পরিবর্তন হয়। আলোকরশ্মি মাত্রই এই নিয়মের অধীন, কিন্তু পদার্থান্তরে প্রবেশকালীন লম্ব রশ্মিপুঞ্জ প্রত্যেক রশ্মির গতি এককালে পরিবর্তিত হয় বলিয়া আলোক-পথের পরিবর্তন দেখা যায় না। কিন্তু রশ্মিসকল তির্যাক্ভাবে প্রবেশ করিলে আলোক-তরঙ্গের সকল অংশ এক কালীন ভিন্ন পদার্থে প্রবেশ করে না, তরঙ্গের যে অংশ প্রথম সন্ধিতল পৃষ্ঠ হয়, তাহাই কেবল পৃথক গতিতে চলিতে থাকে এবং কিছুকালের জন্ত তরঙ্গের অবশিষ্টাংশের গতি পূর্নবৎ থাকিয়া যায়। এই প্রকারে একই আলোক তরঙ্গের বিভিন্নাংশ যুগপৎ ধীর ও দ্রুত গতিতে চলে বলিয়া, সমগ্র তরঙ্গ ঐ পদার্থ মধ্যে প্রবিষ্ট হইলে পূর্নের গতি বৈচিত্র্য হেতু আলোকতরঙ্গ ভিন্নপথাবলম্বী হয়, এবং ইহারই ফলে পথ-পরিবর্তন সাধিত হয়।

আলোক-পথ পরিবর্তন বৃষ্টিবার জন্ত, প্রায় সকল বিজ্ঞান গ্রন্থেই একটি সুন্দর উদাহরণ দেখা যায়। এটি বৃষ্টিতে বিষয়টি অপেক্ষাকৃত সহজ বোধ হইতে পারে। ইহাতে রশ্মিসকল একদল চলিষ্ণু সৈন্তের সহিত এবং সৈন্তশ্রেণী সকল আলোক তরঙ্গের সহিত তুলনা করা হইয়া থাকে। সৈন্তদল সরল পথায়ুক্রমে এক গতিতে ও সম পদক্ষেপে অগ্রসর হইয়া যেমন সম্মুখবর্তী জলাশয় পদতরাজে পার হয় এবং প্রত্যেক সৈন্তশ্রেণী জলপ্রবিষ্ট হইবামাত্র জলের বাধা অতিক্রমণার্থে বেমন ইহার গতি হাস হয়, আলোকরশ্মি সকলের গাঢ়তর পদার্থে প্রবেশ কালীন কতকটা এই প্রকার ঘটনা থাকে। সৈন্তদল সরল পথায়ুক্রমে আসিয়া লম্বভাবে জল প্রবিষ্ট হইলে, প্রত্যেক সৈন্তশ্রেণী একই সময়ে জল প্রবিষ্ট হয় এবং ইহার গতি এককালীন সমভাবে পরিবর্তিত হয়। কাজেই ইহা দ্বারা সৈন্তদলের গমনপথের কোনই পরিবর্তন দেখা যায় না এবং শ্রেণী ভঙ্গও হয় না। কিন্তু ইহারা তির্যাক্ ভাবে আসিয়া জলাশয় পার হইতে আরম্ভ করিলে, একই শ্রেণীর কতক সৈন্তকে ধীরপদে জল পার হইতে এবং ইহার অপরাংশকে দ্রুতপদে স্তলভাগ অতিক্রম করিতে দেখা যায়। এই প্রকারে একই শ্রেণীর বিভিন্ন অংশ এক সময়ে পৃথক গতিতে অগ্রসর হওয়ার পূর্নপথের বৈলক্ষণ্য হয়। একটু ভাবিলে স্পষ্টই প্রতীতমান হইবে আলোকপথ পরিবর্তনও অবিকল এই প্রকারে সংঘটিত হইয়া থাকে।

এই ত গেল আলোক-পথ পরিবর্তনের স্থূল ও সাধারণ নিয়ম; কোন এক নির্দিষ্ট মৌলিক বর্ণ-রশ্মি অর্থাৎ বর্ণচ্ছত্রস্থ লোহিত পীতাদির মধ্যে কোন একটী বর্ণ বাছিয়া লইয়া পরীক্ষা করিলে ঠিক পূর্ন বর্ণিত ফল দেখা যাইবে। কিন্তু বর্ণচ্ছত্রস্থ প্রত্যেক বর্ণ লইয়া পরীক্ষা করিলে, ইহাদের প্রত্যেকের পথপরিবর্তনের পরিমাণ মধ্যে কোনই একতা লক্ষিত হইবে না। কোন বর্ণের পথ অধিক কোনটির বা অল্প বাঁকিয়াছে দেখা যাইবে। এই মৌলিক

বর্ণগুলির পথ পরিবর্তনেরও এক নিয়ম আছে। পরীক্ষা দ্বারা দেখা গিয়াছে, বর্ণ সকলের ঠিকতরঙ্গের ক্ষুদ্রতা হিসাবে, ইহাদের বাঁকিবার শক্তি বৃদ্ধি পায়, অর্থাৎ ক্ষুদ্রতরঙ্গযুক্ত বর্ণের আলোকপথ বৃহৎ-তরঙ্গযুক্ত বর্ণ অপেক্ষা অধিক বাঁকিয়া যায়। মৌলিক বর্ণগুলির এই এই প্রকার পৃথক বাঁকিবার শক্তি থাকার বর্ণচ্ছত্রের বিকাশ হয়, অথবা বর্ণচ্ছত্র রচনা সম্ভব হইয়া পড়িত। আমরা শুভ্রালোক ত্রিকোণ কাচ ফলকের মধ্য দিয়া আনিয়া, শুভ্রালোকস্থ ভিন্ন প্রকৃতির মৌলিক বর্ণগুলিকে পৃথক পৃথক ভাবে বাঁকিবার স্বযোগ প্রদান করি। ভায়লেটের রশ্মি তরঙ্গ সর্বাপেক্ষা ক্ষুদ্র বলিয়া, ইহা দ্বারা এগুলি অত্যন্ত বাঁকিয়া কাচ হইতে বাহির হয় এবং দীর্ঘ তরঙ্গশীল-লোহিত অল্পই বাঁকিয়া আসে। এজন্ত শুভ্রালোক হইতে লোহিত ও ভায়লেট বর্ণ বিচ্ছিন্ন হইয়া পড়ে, এবং এতদ্বয়ের মধ্যবর্তী বর্ণগুলিরও উক্ত অবস্থা ঘটে,—ইহাদের তরঙ্গদৈর্ঘ্য পরস্পর সমান নয় বলিয়া, ইহারাও পরস্পর বিচ্ছিন্ন হইয়া, লোহিত ও ভায়লেটের মধ্যবর্তী স্থানে তরঙ্গ দৈর্ঘ্যানুসারে সজ্জিত হইয়া প্রকাশিত হয়। সাধারণ শুভ্রালোক এই প্রকারে বিশ্লিষ্ট হইয়া লোহিতাদি মণ্ড মৌলিক বর্ণযুক্ত উজ্জল সুপ্রশস্ত বর্ণচ্ছত্র রচনা করে।

শ্রীজগদানন্দ রায়।

ঝুমঝুমি।

থাক্ থাক্ রেখে দাও
ছুঁয়োনা ও ঝুমঝুমি,
কি যে ও অমূল্য ধন
কেমনে বুঝিবে তুমি ?

তোরা তুচ্ছ ভেবে ওরে
পাশ দিয়ে চলে যাস,
আঁখিতে আসে না জল
পড়ে না একটি শ্বাস !

আমার হৃদয়ে পশি
ঐ রুণু রুহু তান,
শিরে শিরে বেজে ওঠে
আলোড়িত করি প্রাণ !

নিভৃত অন্তর তলে
মৃদু মৃদু ও রাগিনী,
অতীতের রাজা হতে
জাগায় সে কি কাহিনী !

একটি শিশুর নব
অতুল মধুর মুগ,
কেশের পল্লব মাঝে
ফুলটি সে টুক টুক !

চঞ্চল ছুঁটি সেই
উজ্জল নয়ন তারা,
বরষিত প্রাণে কি যে
আনন্দ কিরণ ধারা !

ছোট সেই হাত ছুঁটি
আমার হৃদয় মাঝে,
আজিও আজিও তার
কোমল পরশ বাজে !

ঝুমঝুমি ধরি হাতে
ধীরে সে বাজাত যবে,
কি সুখা ঝরিত তাহে
আমার পরাণে তবে !

ছন্দহীন অর্থহীন
রুণু রুহু শুধু,
তোমরা ত বুঝিবে না,
বুঝিবে না কত মধু !

আজিকে সংসার মাঝে
শিশুটি সে নেই আর,
শুধু পড়ে আছে হোথা
ঝুমঝুমি খানি তার !

আর শুধু আছে পড়ে
হৃদি মাঝে ভালবাসা,
আজিকে বুঝতে যাহা
নাহি আর কোন ভাষা !

কত মুখ কত আশা
এনে ছিল মাঝে করে,
সকলি তাহার সাথে
সমূলে গিরিছে মরে !

কেবল জাগিছে মনে
ওই ওর মৃদু তানে,
দিন রাত ধরে সেই
মরণের ভার প্রাণে !

সেই ভিক্ষা কিছু কাছেরে,
সেই তার মুখ পরে,
অনিমেঘ চেয়ে থাকি,
সারা দিন রাত ধরে !

তার পরে সেই ছবি
শ্রান্তদেহ হিমময়,
ক্লান্তিভরে নিমৌলিত
নিষ্পন্দ নয়নদ্বয় !

থাক্ তবে থাক্ থাক্
উহারে ছুঁয়ো না আর,
সব গেছে আছে শুধু
ওই ঝুমঝুমি তার !

কালীভক্ত রামপ্রসাদ সেন।

(সমালোচনা)

কালীভক্ত রামপ্রসাদ সেন অল্পমান ১৬৪২ শকে জন্মগ্রহণ করেন; স্মরণ্য বর্তমান কাল হইতে প্রায় ১৭৩ বৎসর হইল তিনি ধরা ধামে অবতীর্ণ হইয়াছিলেন। শুনা যায় তিনি কালী সাধনায় সিদ্ধিলাভ করেন; তাঁহার ইষ্টদেবী অন্তিম কালে তাঁহার মনস্বামনা পূর্ণ করিয়া ছিলেন—তাঁহার ব্রহ্মরক্ষ, ভিন্ন হইয়া মৃত্যু হয়। তাঁহার লুপ্তাবশিষ্ট কাব্য বিদ্যাসুন্দর দ্বারা তাঁহাকে ধর্মভীরু ও তেজস্বী বলিয়া বোধ হয়। তাঁহার পদাবলী দৃষ্টে জানা যায় যে তিনি নম্রতা ও ভক্তির অবতার ছিলেন। তাঁহার সকলি লোপ হইতে পারে কিন্তু তাঁহার ভক্তি-ভাবের যে প্রসাদী সুর ইহা কখনই লুপ্ত হইবার নহে—ইহাই তাঁহাকে চিরস্মরণীয় করিয়া রাখিয়াছে। বাজারে তাঁহার যে পদাবলী দৃষ্ট হয় তাহার সকল গুলি তাঁহার রচিত বলিয়া বোধ হয় না। উক্ত সংগৃহীত পুস্তকে “প্রসাদ” “রামপ্রসাদ” “দ্বিজ রামপ্রসাদ” “রামপ্রসাদ দাস” “প্রসাদ দাস” “কবিরঞ্জন” ইত্যাদি ভণিতায়ুক্ত পদগুলি দৃষ্ট হয়। সিদ্ধ রামপ্রসাদ তাঁহার কাব্যে অধিকাংশ স্থলে প্রসাদ ভণিতাই ব্যবহার করিয়াছেন তবে কোন কোন স্থলে রামপ্রসাদ ও কবিরঞ্জন উপাধিও ব্যবহার করিয়াছেন। যাহা হউক “প্রসাদ” ভণিতায়ুক্ত পদের রচনায় যেমন প্রগাঢ় ভক্তিরসযুক্ত আধ্যাত্মিকভাবের গভীরতা ও রচনালালিত্য দেখা যায় অল্প ভণিতায়ুক্ত পদে সেরূপ দেখা যায় না। প্রসাদ কালীর প্রতি তীব্র ও রক্ষ ভাবের কখন অঙ্গের করেন নাই। যাহারা তাঁর উক্তিধারা ভক্তি প্রকাশ করিতে গিয়াছেন তাঁহাদের ভক্তি কত প্রকাশ হইয়াছে জানি না রচনা ও ভাবের সমূহ হানি হইয়াছে। সংগৃহীত পুস্তকে অনেক গুলি গীতের ভাব প্রায় একই, কিন্তু পরস্পরে তুলনা করিলে “প্রসাদ” ভণিতায়ুক্ত পদের রচনা-কোশল ও আভ্যন্তরিক গভীরতার সহিত অল্প পদের অনেক প্রভেদ দৃষ্ট হয়। ইহাতে বেশ বোধ হইতেছে যে ক্ষুদ্র কবিগণ স্বীয় রচনার বহুল প্রচার আশায় প্রসাদের পদাবলীর মধ্যে প্রক্ষেপ এবং তাহার অলঙ্করণ করিয়া গিয়াছেন। প্রকৃত ভক্তের যেমন ইষ্টদেবে তন্ময় উপস্থিত হয় স্মরণ্য ভক্তি ও ভাবের উৎস যেমন স্বাভাবিক গতি অবলম্বন করে অলঙ্কারাদিগের তেমন হয় না। অলঙ্কৃত হয় বটে কিন্তু তাহাতে সে নৈসর্গিক সজীবতা থাকে না।

কোন কোন পদে “দ্বিজ রামপ্রসাদ” বলিয়া ভণিতা দৃষ্ট হয় ইহাতে কেহ কেহ বলেন যে, যে সময় রাজা রাজবল্লভ বৈষ্ণবদের যজ্ঞোপবীতরূপ দ্বিতীয় সংস্কার লইয়া আন্দোলন

করিতেছিলেন সে সময় রামপ্রসাদও সেই শ্রোতে গা ভাসান দিয়া “দ্বিজ উপাধি ধারণ করেন। কিন্তু ইহা যে প্রকার কষ্টকল্পনা সেই প্রকার প্রসাদের দৃঢ় চরিত্রের বিরুদ্ধ; বস্তুতঃ আমরা দেখিতেছি যে কবিওয়ালার দলে একজন রামপ্রসাদ প্রাচুর্য হইয়াছিলেন। তাঁহাকে সকলে রামপ্রসাদ ঠাকুর বলিত। তিনি কবির দলের গুরু হারুঠাকুরের পৌত্র ও নীলু (নীলমণি) ঠাকুরের ভ্রাতৃপুত্র।

১২৩৮ সালে শান্তিপুরের রামবাবু শ্রামবাবুর বাটীতে একবার “কবির লড়াই” হয়। একদলের দলপতি ছিলেন রামপ্রসাদ ঠাকুর অল্প দলের অধিকারী ছিল বিখ্যাত চিন্তে ময়রা। সে সময় চিন্তের অল্প বয়স ছিল বলিয়া বাবুবা বলিয়াছিলেন—“এ সং কেন আনা হইয়াছে।”

যখন আসন্ন বসিল, চিন্তের গাঁথনদার শ্রামাচরণ বন্দ্যোপাধ্যায় নিম্নের কবিতা রচনা করিয়া চিন্তেকে গাহিতে বলেন—

আসছে যত সং, বাজিছে মৃদঙ, জয়ঢাক ইংরাজি বাদ্য।
আবার বাজে ঘণ্টা ঠঠং ঠং।
যেমন ঢাকের পিঠে বাঁওয়া থাকে বাজেনাকো একটা দিন।
তেমনি ঐ নীলুর দলে রামপ্রসাদ একটীন্দ্র ॥
মরি হায় কি মুরত, টিকযেন বজরার মুরত,
দেখতে শোভাখ, এতে নাই কোন পদাখ
যেমন নবাব মরে নবাব হলো উজীর আলি আড়াই দিন ॥
রামপ্রসাদ শম্মা, কাজেতে অকম্মা
দাঁড়িয়ে টিক যেন ধোপার বিশ্কম্মা
সিঁদ্বিরস্ত বস্ত্রহীন লবেদার আঁস্তীন ॥

রামপ্রসাদের গাঁথনদার গদাধর মুখোপাধ্যায় নিম্নরূপ উত্তর রচনা করিয়া গাহিতে বলিলেন। রামপ্রসাদ স্বয়ং কিছু বলিতেন না শুদ্ধ দাঁড়াইয়া থাকিতেন তাঁহার পরিবর্তে আর একজন গান করিত, এই কারণেই “চাপানে” তাঁহার প্রতি বিজয় করা হইয়াছে।

যেমন কালীঘণ্টের দক্ষিণে এক্ষণে দিব্য পরিচয় হয়ে রয়েছে।
চোৎমাগে জল থাকে না তবু আদ্যগঙ্গা বলে লোকে মানতেছে।

যেমন সরোবরের মাগু কিছু
জল শুকোয় পাড় তবু তার থাকে উচু
যদি মাঝখানে হয় শোলা কচু
নাম তবু তার তাল পুকুর,
তেমনি দলপতি ইনি আমাদের রামপ্রসাদ ঠাকুর।
যেমন সোনা নাই তার সোনাবেড়ে নাম রয়েছে দেশ মাশুর।
তেমনি দলপতি ইনি আমাদের রামপ্রসাদ ঠাকুর।
গেল মানীজনের মান, হচ্ছে অপমান যত অমানুষের কাছে।
মহতের মর্যাদা আছে মহতের কাছে।

চিন্তে পাঁটা ধরিল—

আর এক কথা কই এরা চুণকে বলে দই;
পাঁকা ধানেতে দেই মই।
আবার বেটো ঘোড়ায় জীন কমেছে লেজেতে দিয়ে লাগাম।
কর্তা করেছেন শিষ্য ভেবা গঙ্গারাম ॥

শ্রামাচরণ মাতুল গদাধরের বিপক্ষ দলেই গাঁথনদার হইতেন সেই জন্ত তাঁহাকে বেটো ঘোড়া বলিয়া বিক্রম করিয়াছেন। যাহা হউক ইহা দ্বারা বেশ জানা গেল যে দ্বিজ রামপ্রসাদ ভণিতায়ুক্ত যে পদ গুলি আছে তাহা সম্ভবতঃ এই রামপ্রসাদের রচনা হইবে। ইনি অনেক গুলি গীতের ভাব প্রসাদ ও কমলাকান্তের রচনা হইতে গ্রহণ করিয়াছেন। আমি নিম্নে অনেকগুলি সমান ভাবায়ুক্ত পদ লিখিতেছি যাহার রচনা ও ভাব দেখিলে পাঠকগণ অন্যায়সে বুঝিতে পারিবেন যে সে গুলি একজনের রচিত নহে।

মন হারালি কাজের গোড়া।

তুমি দিবানিশি ভাব বসি কোথায় পাব টাকার তোড়া।
চাকী কেবল ফাঁকি মাত্র শ্যামা মোর হেমের বোড়া।

তুই কাচ মূলে কাঞ্চন বিকালি ছিছি মন তোর কপাল পোড়া।
কর্মসূত্রে যা আছে মন কেবা পাবে তার বাড়।
মিছে এদেশ সেদেশ করে বেড়াও বিধির লিপি কপাল জোড়া ॥
কাল করিছে হৃদয়ে বাস, বাড়ছে যেন শালের কৌড়া।
ওরে সেই কালের কর বিনাশ স্থাস ধররে মন্ত্র সৌড়া ॥
প্রসাদ বলে ভাবুছো কি মন পাঁচসোয়ারের তুমি ঘোড়া।
সেই পাঁচের আছে পাঁচা পাঁচি তোমায় করবে তুলা ফোড়া ॥ ১।

আমি কাজ হারালাম কালের বশে।

গেল দিন মিছে রঙ্গ রসে।

যখন ধন উপার্জন করেছিলাম দেশ বিদেশে।
তখন ভাই বন্ধু দারাহত সবাই ছিল আমার বশে ॥
এখন ধন উপার্জন না হইল দশার শেষে,
সেই ভাই বন্ধু দারাহত নির্ধনেরে সবাই রোসে।
যম দূত আসি শিয়রেতে বসি ধর্বে যখন অত্র কেশে
তখন সাজিয়ে মাচা কলশী কাচা বিদায় দেবে দণ্ডী বেশে।
হরি হরি বলি শ্মশানেতে ফেলি যে যার যাবে আপন বাসে।
রামপ্রসাদ মলো কামা গেল অন্ন খাবে অনায়াসে ॥ ২।

মন কেন মায়ের চরণ ছাড়া।

ও মন ভাব শক্তি পাবে মুক্তি বাঁধ দিয়া ভক্তি দড়া।

নয়ন থাকতে না দেখলে মন কেমন তোমার কপাল পোড়া।
মা ভক্তে ছলিতে তনয়রূপেতে বাঁধেন আসি ঘরের বেড়া।
মারে যত ভাল বাসে বুঝা যাবে মৃত্যু শেষে

মোলে দণ্ড চুচার কামাকাটা শেষে দিবে গোবর ছড়া।
ভাই বন্ধু দারাহত কেবল মাত্র মায়ার গোড়া।
মোলে সঙ্গে দিবে মেটে কলসী কড়ি দিবে অষ্ট কড়া।
অঙ্গে যত অভরণ সকলি করিবে হরণ
দোসর বস্ত্র গায়ে দিবে চার কোণো মাঝ খানে ফাড়া।
যেই ধ্যানের একমনে সেই পাবে কালিকা তারা।
বের হয়ে দেখ কন্যারূপে রামপ্রসাদের বাঁধু বেড়া ॥ ৩।

এই তিনটি গানের মর্ম এক তবে ভিন্ন ভিন্ন বিষয় লইয়া রচিত। দ্বিতীয় গানের ভণিতায় রামপ্রসাদ না হইয়া “প্রসাদ” হইলেই ছন্দের মাত্রা ঠিক থাকে। দ্বিতীয় তৃতীয়ের প্রথম দুই চারি ছত্র প্রসাদের রচনা বলিয়া বোধ হয় কিন্তু সমস্ত ছত্রগুলি তাঁহার রচনা কিনা খুব সন্দেহ। অল্পমান হয় কোন কবি প্রসাদের লুপ্ত রচনা উক্ত প্রকারে পূর্ণ করিয়া দিয়াছেন।

বলমা আমি দাঁড়াই কোথা।

আমার কেউ নাই শঙ্করি হেথা।

মা সোহাগে বাপের আদর এ দৃষ্টান্ত যথাতথা।
যে বাপ বিমাতারে শিরোধরে এমন বাপের ভরসা বুথা।
তুমি না করিলে কৃপা যাব কি বিমাতা যথা।
যদি বিমাতা আমায় করেন কোঁলে দেখা নাই আর হেথা সেথা।
প্রসাদ বলে এই কথা বেদাগমে আছে গাঁথা
ওমা যেজন তোমার নাম করে তার হাড়ের মালা ঝুলি কাঁথা ॥ ১।

বলমা আমি দাঁড়াই কোথা।

আমার কেউ নাই শঙ্করি হেথা ॥

নমস্তুং কশ্মেভ্যো বলে চলে যাব যথা তথা,
আমি সাধু সঙ্গে নানারঙ্গে দূর করিব মনের ব্যথা।
তুমি গো পাষণের স্ত্রী আমার যেম্নি পিতা তেম্নি মাতা।
রামপ্রসাদ বলে হৃদি স্থলে গুরুত্ব রাখ গাঁথা ॥ ২।

এই উভয় গানের ভাব স্বর সমান তত্রাপি প্রথম গানটি কত ভাল।

মলেম ভূতের বেগার খেটে।

আমার কিছু সম্বল নাইকো গৌটে ॥

মিছে হই সরকারী মুটে, মিছে মরি বেগার খেটে

আমি দিন মজুরি নিত্য করি, মা পঞ্চভূতে খায়গো বেঁটে।

পঞ্চ ভূত ছয়টা রিপু দশেদ্রিয় মহা লেঠে

তারা কারো কথা কেউ শুনে না দিনভো আমার গেল ঘেটে।

যেমন অন্ধজনে হারাদণ্ড পুনঃ পোলে ধরে এঁটে

আমি তেম্নি ধারা ধর্ভে চাইমা কশ্ম দোষে যায় গো ছুটে।

প্রসাদ বলে ব্রহ্মময়ী কশ্ম ডুরি দেনা কেটে।

প্রাণ যাবার বেলা এই করো মা যেন ব্রহ্মরক্ষু যায়গো ফেটে ॥ ১।

কালী পদ মরকত আলানে মন কুঞ্জে বাঁধ এঁটে।

কালীনাম তীক্ষ্ণ খড়্গেপ কশ্ম পাশ ভেল কেটে।

নিতান্ত বিষয়াসক্ত মাথায় কর বেসার বেটে।

ওরে একে পঞ্চভূতের ভার আবার বেগার মর খেটে।

মতত ত্রিতাপের তাপে হৃদিভূমি গেল ফেটে।

নব কাদম্বিনীর বিড়ম্বনা পরমায়া যায় দেটে ॥

নানা তীর্থ পর্যটনে শ্রম মাত্র পথ হেঁটে।

পাবে ঘরে বসে চারি ফল বুলনারে ছুঁখ চেটে।

রামপ্রসাদ কয় কিসে কি হয় মিছে মলেম শাস্ত্র ঘেঁটে।

এখন ব্রহ্মময়ীর নাম করে ব্রহ্মরক্ষু যাক ফেটে ॥ ২।

প্রথম গানের ভাব ও রচনা কেমন চমৎকার! ভক্তের মন করুণ ও শান্তিরসে
মাগ্নুত করে। কিন্তু দ্বিতীয় গানে তেমন কিছু নাই। যেন বোধ হইতেছে রচনাটি অত্যন্ত
কষ্ট সাধা হইয়াছে।

প্রসাদের অনুলকরণকারী যত কবি তীর্থগমনের আবশ্যকতার বিষয় বর্ণন করিয়াছেন।
কিন্তু তাহার মতে পরমারাধনাতেই মুক্তিলাভ।

মন ভেবেছো তীর্থে যাবে।

কালিপাদপদ্ম স্তম্ভা ত্যজি কুপে পড়ে আপন খাবে।

ভবজ্বরা পাপরোগ নীলাচলে নানা ভোগ

জ্বরে কাশী সর্বনাশী ত্রিবেণী স্থানে রোগ বাড়াবে।

কালীনাম মহৌষধি ভক্তি ভাবে পান বিধি

ওরে গান কর পান কর আত্মারামের আশ্রয় হবে।

মৃত্যুঞ্জয় উপযুক্ত সেবায় হবে আশুমুক্ত

ওরে সকলি সম্ভবে তাতে পরমাত্মায় শিশাইবে।

প্রসাদ বলে মন ভায়া ছাড়ি কল্পতরু ছায়া

ওরে কাঁটা গাছের তলে গিয়ে মৃত্যু ভয়টা কি এড়াবে ॥

উহার “কাজ কি আমার কাশী” ও “মন ছাড় না দেবাদেবী” এবং কমলাকান্তের “তাই
কালরূপ ভালবাসি” গানে কালীর পদ সেবাই রাশি রাশি তীর্থ দর্শন কলের তুল্য বলিয়া
কথিত হইয়াছে। প্রসাদের মতে কালীভক্তের গয়া কাশী করা নিস্পয়োজন।

“কালী কালী বল রসনারে” এই গানেও তীর্থ ভ্রমণ মিথ্যা বলিয়াছেন। তাহাতে মন
উচাটন বই আর কিছু হয় না, অতএব নিবৃত্ত হইয়া কালী সাধন করা উচিত।

“কাজ কি ওরে মন বেয়ে কাশি
কালির চরণে কৈবল্য রাশি।”
“কাজ কি আমার কাশি
যার কৃত কাশি তরুরসি বিগলিত কেশী।” ইত্যাদি

এ গুলি যে অল্প কবির রচিত তাহাতে কোন ভুল নাই যে হেতু এ গুলিতে প্রসাদ রচিত ভাবের সঙ্গীভতা নাই।

গানের বহি

বা

মনস্তত্ত্ব।

আমার জন্মভূমি পল্লীগ্রাম মজিলপুর, সেখান হইতে কলিকাতায় আসিতে হইলে স্থল এক জল উভয় পথেই আসা যায়, এখন রেলপথ হইয়াছে। তখন আসিতে হইলে ঘোড়ার গাড়ীতে বা শালতীতে আসিতে হইত। পৌছিতে প্রায় সমস্ত দিনই লাগিত। যে সময়ের কথা বলিতেছি, তখন আমি আট বৎসরের বাণিকা মাত্র। একবার আমরা ছইখানি গাড়ীতে করিয়া কলিকাতায় আসিতেছিলাম। এখন কলিকাতা হাড়ে হাড়ে মিশিয়া গিয়াছে। পিয়াছে কি? কিন্তু তখন (সহরবাসীরা মাপ করিবেন) কলিকাতাকে ভোক্তার দেশ বলিয়া জনপূর্ণ অরণ্য বলিয়া বোধ হইত। যাক, আমরা ছইখানি গাড়ীতে আসিতেছিলাম, এক খানিতে গুরুজনেরা ছিলেন, একখানিতে আমাদের মাহু-করা ষি, ও আমরা ছই ভগ্নীত ছিলাম। তখন সব জায়গায় পাকা রাস্তা ছিল না, গাড়ী উচ্চ নীচ সরু মেঠো রাস্তার উপর দিয়া উচ্চ খাইতে খাইতে ধূলা উড়াইয়া মাঠের পর মাঠ গ্রামের পর গ্রাম অতিক্রম করিয়া চলিতেছিল। আমরা গাড়ীর দরজা খুলিয়া নির্নিমেষ নেত্রে সেই বিস্তীর্ণ হরিৎ-প্রান্তরে কোথাও একদল গাড়ী চলিতেছে, কোথাও তরুনুলে রাখাল ঠেস দিয়া বসিয়া আছে। কোথাও বা পখি-পাখিস্থ জলাশয়ে কমল ফুটিয়াছে, হংস খঞ্জন প্রভৃতি চলিতেছে, ইত্যাদি শোভা দেখিতে দেখিতে আসিতেছিলাম। স্থলে স্থলে বাতক্ষেত্র বাতাসে হিল্লোল তুলিতেছিল। স্থলে স্থলে গাছপালার ছায়ার মাঝে মাঝে এক একখানি কুঁড়ে ঘর, কুঁড়ে

প্রাঙ্গনে ধূলি ধূসর দেহে কৃষকের ছোট ছোট ছেলেরা ছায়ায় বসিয়া খেলা করিতেছিল, কৃষক-বধু মাটির কলস কক্ষে করিয়া আধ ঘোমটা টানিয়া গাড়ীর প্রতি চাহিয়াছিল, সেই ছায়াময়রা কুটারখানি দেখিয়া কি জানি না,—আমার গাড়ী হইতে দোড়িয়া নামিয়া যাইতে ইচ্ছা করিতেছিল। কিছু পরে আমাদের গাড়ী একটি বিস্তীর্ণ ক্ষণের মধ্য দিয়া চলিতে লাগিল। চারিদিকে ইতস্ততঃ বিক্ষিপ্ত নরকঙ্কাল, কোথাও একটা ভাঙ্গা মাটির কলসী পড়িয়া রহিয়াছে, কোথাও শব্দাহ হইতেছে, এই সব দেখিয়া মনে একটু একটু ভয়ের সঞ্চার হইতে লাগিল ও সঙ্গে সঙ্গে একটা অন্ধকার ছায়া পুঙ্কের সে আনন্দ-উৎসাহতাকে চাকিয়া ফেলিল। গাড়ীর মধ্যে আমরা তিনজন হইয়াও ছইজন, কারণ কি চুলিতেছিল, দে বিধম ঢুলুনি, তাহাকে সারা পথ কিছুই দেখিতে দেয় নাই। এতক্ষণ আমরা নীরবে দেখিতে দেখিতে আসিতেছিলাম, একধেয়ে দৃশ্য আর ভাল লাগিল না, ছটফটানি ধরিয়াছে, আমি আমার কনিষ্ঠা ভগ্নীকে বলিলাম, “ভাই স্বরে, এখন আমার কি ইচ্ছা করচে বল দেখি?”

সে বলিল—

“শীগগীর করে বাড়া বেতে?”

আমি। “না”

“তবে মজিলপুরে যেতে?”

“তাও না”

“তবে মাঠে বেড়াতে”

“দূর বলতে পারিলিনি? এখন ভাই একখানি গানের বই পেতে ইচ্ছা করচে, তাহলে বেশ পড়তে পড়তে যাই”।

সঙ্গীতপ্রিয় কে নর? কিন্তু আমার কাছে ইহার বেন ইতর বিশেষ কিছু ছিল না, স্বরযুক্ত কথা শুনিলেই স্বরমুগ্ধ হরিণীর মত অভিভূত হইতাম, তা সে কেন যেমনই গান হোক না। আজিও যে হই না এ কথা বলিতে পারিলাম না। কি মাঝির গান, কি বাউলের গান, কি প্রেম সঙ্গীত সকলই আমার কর্ণে মধুর।

সে বলিল “তা গানের বই কোথা পাবে?”

আমি বলিলাম “কি জানি ভাই আমার কেমন মনে হছে পাব”।

বাস্তবিক আমার তখন মনে হইতেছিল, একখানি বই পাইব।

আমরা খুঁজিতে আরম্ভ করিলাম, এটা সেটা নাড়িয়া খুঁজিতেছি, এইবার কি ধমকাইল—

“কি উম্ গুম্ কচ্চিস্ গড়ে বাবি?” আবার ঢুলুনি! আমরা নিবৃত্ত হইলাম না, কিন্তু কোথায়? গাড়ীতে আমাদের প্রয়োজনীয় ছ একটি জিনিসপত্র ব্যতীত আর কিছু ছিল না। তাহা হইলে কি হয়, মনে হইতেছে পাইব, সেই বিশ্বাসের উপর নির্ভর করিয়া গাড়ীর পকেটের মধ্যে হাত দিলাম, হাতে একটি দ্রব্য টেকিল, কাগজ? বাহির করিয়া দেখি

কাগজ নহে বই। কি বই? গানের বই। প্রথমকার তিন পৃষ্ঠা নাই একখানি ব্রহ্মসঙ্গীত! সুরো মুখের দিকে অবাক হইয়া চাহিল। পরে হাত জোড় করিয়া উভয়ে প্রণাম করিলাম।

হে নাথ! সেই অজ্ঞান বালিকাদ্বয় সেদিন যে ভাবে পূর্ণ হইয়া গিয়াছিল তাহা তোমার অবিদিত নাই, আজ আরাধনাতেও সে ভাব আসে না। সেই প্রশস্ত প্রান্তর-মধ্যে তোমাকে দেখিয়াছিলাম। এমন কতবার দেখিয়াছি। আজ সেই অজ্ঞান তমসাস্ত্রর বাল্যকাল বিদূরিত হইয়াছে, প্রথর জ্ঞানালোকে চক্ষু ঝলসিত। আজি আর তোমাকে দেখিতে পাই না। তুমি কোথায়? সেদিন যাহা তোমার প্রত্যক্ষ দান ভাবিয়া ওহণ করিয়াছিলাম, আজি তাহা হঠাৎ মিলিত মনস্তত্ত্বজ্ঞাত বলিয়া প্রতিপন্ন করিতে বসিয়াছি। তোমার দান ফুরায় নাই, এমন কত না দিয়াছ, আজও এমন কত না দিতেছ? কিন্তু আমার বিশ্বাস বা সারল্য ফুরাইয়াছে। হে নাথ! তুমি সর্বত্র বিরাজমান, আমি অন্ধ হইয়া বেদ বেদান্ত দর্শনের মধ্যে হাতড়াইয়া তোমাকে অন্বেষণ করিতেছি!

স্বীয় নাভি গন্ধে অন্ধ মৃগ ভ্রমে যথা বনালয়ে।

ওগো তোমারি অঙ্গতে থাকি থাকি তোমা পাশরিয়ে।

মনস্তত্ত্বই বল, আর যাই বল এমন ঘটনা আমার জীবনের মধ্যে অনেক ঘটয়াছে। আর একদিনের বাল্য ঘটনা একটি উল্লেখ করিতেছি।

আজ রথযাত্রা। সারাদিন ধরিয়া স্বহস্ত রচিত নিশানে, পুষ্পমালায় ক্ষুদ্র একখানি রথ সাজাইয়াছি। কত কোলাহল, কত মতভেদের মধ্য দিয়া এতক্ষণে রথসজ্জা শেষ করিয়াছি। এইবার সকলে মিলিয়া টানিতে আরম্ভ করিলাম। ক্ষুদ্র ক্ষুদ্র ঘণ্টা নিদ্রা করিয়া আমাদের রথখানি চলিতেছে, কিন্তু একি! রথের মধ্য হইতে সহসা কি পড়িয়া গেল? জগন্নাথ! সর্দনাশ! ঠাকুর ভাঙ্গিয়া গিয়াছে! বিবাহ রাত্রে সশব্দ ভাঙ্গিয়া গেলে যে কষ্ট হয়, অকূল সমুদ্রে নৌকা ভাসাইয়া মাঝি ডুবিয়া গেলে যেরূপ কষ্ট হয় বৃষ্টি তখন আমাদের ক্ষুদ্র প্রাণে সেইরূপ কষ্ট সেইরূপ তোড়পাড় হইয়াছিল, “অবশ্য ঠাকুরের কাছে কোন অপরাধ করিয়াছি তাই ঠাকুর ভাঙ্গিয়া গেল!” এখন সন্ধ্যা প্রায় হয় হয়, বাজার ভাঙ্গিয়া গিয়াছে, ঠাকুর আর মিলিবে না! তখন একজন বলিল “এসো কাদার ঠাকুর গড়িয়া দিই।”

দলের মধ্যে আমি বড়, আমার অহুমতি ব্যতীত কিছু হয় না, অত্ৰ বালকবালিকার আমাদের সম্মুখ দিয়া রথ টানিয়া যাইতেছে, সঙ্গীরা ব্যস্ত হইয়া উঠিল; আমি নিস্তরে ভাবিতেছিলাম, কি দোষ করিয়াছি? অবশ্যই কিছু করিয়া থাকিব, নহিলে যাবে কেন? এমন সময় হঠাৎ আমার মনের ভিতর কে যেন বলিয়া দিল “খুঁজলেই পাবে!” তখন আমার সে স্মিরমান ভাব দূর হইয়া গেল, পূর্বের আনন্দ আবার ফুটিয়া উঠিল, “চল না ঠাকুর পাগা যাবে!” বলিয়া সকলে মিলিয়া চারিদিকে ছাদে সিঁড়ির কোণে গাছের তলায় ঠাকুর খুঁজিতে

লাগিলাম। কিন্তু কই খামসুন্দর ত মিলিল না। একজন বালক বলিল “এতক্ষণে কাদার ঠাকুর গড়া হয়ে যেত”।

আমি বলিয়া উঠিলাম “তোমার ইচ্ছা হয় গড় গে, আমি ঠাকুর না পেলে রথ চালাব না।”

তখন আবার আনাচে কানাচে রান্নাঘর টেকশাল চারিদিক খুঁজিয়া বেড়াইতে লাগিলাম। এখনো রথের আটদিন আছে, আটদিন খুঁজিব, যদি না পাই আর রথ করিব না, ঠাকুরও কিনিব না, গড়িবও না, আপনি যদি আসেন, তবেই রথ চালাব।

প্রেম কি যাচলে মেলে খুঁজলে মেলে,

সে যে আপনি উদয় হয় শুভযোগ পেলে!

আমাদের শুভযোগ এখনও উপস্থিত হয় নাই কাজেই মিলিতেছিল না। অবশেষে একটি মাটির ঘরের কোণে কতক গুলি ইঁদুর মাটি রাশ করা ছিল, তাহার মধ্যে খুঁজিতে আরম্ভ করিয়া আমরা অঞ্জলি অঞ্জলি করিয়া মাটি সরাইতে লাগিলাম। একখানা মাটির খুরি, একটা প্রদীপ বাহির হইল, অবশেষে একি? পোড়ামাটির একটি ক্ষুদ্র জগন্নাথ! সকলে আনন্দধ্বনি করিয়া ঠাকুর লইয়া চলিলাম, পুকুরে স্নান করাইয়া অঙ্গার ঘসিয়া খড়ি গুলিয়া সিন্দুর লেপিয়া ঠাকুরের অঙ্গরাগ করা হইল, তবু সে কত সুন্দর! রথ আবার চলিল, অত্ৰ বালকেরা দেখিতে আসিল। বালকেরা শত মুখে সেই আশ্চর্য ঘটনার কথা বলিতে লাগিল। একটি বালক বলিল “ওর উপরে ঠাকুরের ভর হয় নাইলে যা মনে করে তা কেমন করে পায়!”

বিমল হৃদয়-নন্দনে আর কি পাইব তোমারে?

চাহি না চাহি না যৌবনে, সে স্বপ্ন-শৈশব কোথা রে?

সারল্য বিশ্বাসে গঠিত, যে ডাকে নিকটে তাহারি,

নাহিক সন্দেহ-অনৃত জ্ঞান-অভিমান চাতুরী!

আমার জীবনে অনেক স্বপ্নও সত্য হইয়াছে। কোনরূপ বিশেষ ঘটনা ঘটবার সময়ে প্রায়ই আমি তাহা স্বপ্নে দেখিয়াছি। দৃষ্টান্তস্বরূপ ছু একটি এখানে উল্লেখ করিব।

আমি আমার পুত্রবধু করিবার নিমিত্ত একটি তরী কচ্ছাকে মনোনীত করিয়াছিলাম। বিবাহ শীঘ্রই হইবে সশব্দ স্থির। এই সময়ে স্বপ্ন দেখিলাম কোন কন্মোপলক্ষে আমি আমার একজন আত্মীয়ের বাটীতে মিমস্তিত হইয়াছি, এবং সেখান হইতে যখন ফিরিয়া আসিতেছি, তখন সেই বাটী হইতে একটি বালিকা আসিয়া আমার পায়ের মধ্যে প্রবিষ্ট হইল ও অতি যত্নের সলজ্জভাবে বলিল, “আপনি যাহাকে মনোনীত করিয়াছেন সে ত আপনার বধু হইবে না, আমিই আপনার পুত্রবধু হইব।” স্বপ্ন দেখিয়া আমি কিছু বিস্মিত হইলাম, কারণ যেখানে সশব্দ হইতেছিল সেখানে উভয় পক্ষ হইতেই একরকম পাকা কথা হইয়াছে তবে সেখানে বিবাহ কেন না হইবে? আশ্চর্যের বিষয় এই যে হঠাৎ সেই পূর্বদৃষ্ট কথটির এমন একটি উৎকট

রোগ প্রকাশ পাইল যাহাতে সে বিবাহ একেবারেই বন্ধ হইয়া গেল এবং অত্যাচর অনেক সঙ্কট ভাঙ্গিয়া গিয়া শেষে সেই স্বপ্নদৃষ্টা কল্পাটাই আমার বধু হইলেন। এখন এখানে আমার বক্তব্য এই যে, এ লেখা পড়িয়া আমার উপস্থিত বধুমাতাদের কিছু ক্ষুণ্ণ হইবার প্রয়োজন দেখি না, কারণ পূর্বদৃষ্টা কল্পাটাই আমার বধু না হইলেও বধু সম্বন্ধে আমি নিরাশ হই নাই।

প্রায় তিন বৎসর পূর্বে কলিকাতার নিকট আমার ভগিনীপতির কঠিন পীড়া হয় এবং তাহাতেই তিনি ইহলোক ত্যাগ করেন। আমি তখন লক্ষ্যে ছিলাম। তাঁহার মৃত্যু সংবাদ পাওয়া দূরে থাক পীড়ার সম্বাদও কেহ আমাকে দেয় নাই। আমি সন্ধ্যার সময় একাকী ঘরে শুইয়াছিলাম, শরীর সে দিন কিছু অস্থস্থ ছিল, তখন আমি না নিদ্রিত, না জাগরিত, কেমন এক প্রকার অবসন্ন আচ্ছন্নভাবে ঘেন চাহিয়াছিলাম। এই অবস্থায় দেখি আমার ভগিনীপতি একটি কালো জামা গায়ে, এবং মাথা প্রায় এক রকম নেড়া বলিদেই হয়, খুব ছোট ছোট চুল, তিনি মুহূর্ত্তের আমাকে বলিতেছেন, “আপনি ভাবচেন কেন? এইবার আমি ‘তাহার’ কেমন ভাল করিয়া আসিয়াছি!” বলিয়া অদৃশ্য হইলেন। হঠাৎ ভয়েই বোধ হয়, আমার সে অবসন্ন ভাব দূর হইয়া গেল, আমি ত্রস্তে উঠিয়া নীচে নামিয়া গেলাম, যেখানে আর দরকলে ছিলেন সেইখানে গিয়া বসিলাম, তাঁহার আমাকে দ্রুতপদে আসিতে দেখিয়া বলিলেন “কি হয়েছে?”

আমি বলিলাম “আমার কেমন ভয় কক্ষে, আমি এইরূপ দেখিলাম।”

তাঁহার বলিলেন, “ও স্বপ্ন বইত নয়।”

এরূপ দাব্বনা বাক্যে আমার মন অস্থস্থ স্তব্ধ হইল না। কেননা পূর্বে যতবার এইরূপ স্বপ্ন দেখিয়াছি সত্য হইয়াছে। এবারই যে হইবে না তাহা কি করিয়া মনে করি। যে ভয় করিয়াছিলাম তাহাই ঠিক। কলিকাতার আসিয়াই শুনিলাম আমার ছোট ভগ্নী বিধবা হইয়াছে, এবং যে রাত্রি আমি স্বপ্ন দেখি ঠিক সেই দিন এখানে সেইরূপ বেশে, সেইরূপ পরিচ্ছদে সেই শোচনীয় ঘটনা ঘটয়াছে। ইহাপেক্ষাও দুঃখকটক পরমাশ্চর্য্য স্বপ্ন দেখিয়াছি আপাততঃ তাহা বলিবার ইচ্ছা নাই।

আমার পিতার মৃত্যুর পূর্বেও আমি জানিতে পারিয়াছিলাম, কিন্তু তাহা স্বপ্নে নহে। একদিন বৈকালে আমার কনিষ্ঠ ভ্রাতা কয়েকখানি “সোফা” প্রভৃতি নীলাম হইতে কিনিয়া আনেন। আমার পিতাঠাকুর সেগুলি দেখিবার জন্ত নীচে নামিয়া আসিলেন। তখন আমি সেখানে। তাঁহাকে দেখিবার হঠাৎ আমার মনে হইল তাঁহার পক্ষাঘাত হইবে। ঐ কথা কে যেন আমাকে বলিয়া পেন। তাঁহার সম্পূর্ণ স্বস্থ শরীর হইলেও আমি ঐ চিন্তাতে কিছু বিনম্ব হইয়া পড়িলাম। সেদিন সন্ধ্যার সময় পিতৃদেবের চরণ বন্দনা করিয়া মানসিও শ্রুত্বালয়ে গমন করিলাম সেই রাত্রি পাতালে শুনিলাম তাঁহার পক্ষাঘাত হইয়াছে। আমি দেখিতে আসিলাম তিনি আমার চিবুক ধরিয়া সজল নয়নে বলিলেন, “মা! আমি চিকিৎসা দাম।” তিনি যে আর বাঁচিবেন না তাহা আমি পূর্বেই জানিয়াছিলাম।

আমার জীবনে আর একটি যে আশ্চর্যজনক ঘটনা ঘটয়াছে অত্যাশ্চর্য্য হইতে পারে না। একদিন সন্ধ্যার পর আমরা পাঁচজনে আমাদের বাহিরের ঘরে বসিয়াছিলাম। গল্প গুজব সাহিত্য আলোচনা ইত্যাদি হইতেছিল, আমি দ্বারের দিকে সম্মুখ করিয়া বসিয়াছিলাম, ঘরে ছইটি বাতী জলিতেছিল, আমার একজন আত্মীয় বন্ধিম বাবুর “বুড়াবয়সের কথা” পাঠ করিতেছিলেন, সে সম্বন্ধে তর্ক বিতর্ক চলিতেছিল, আমরা সকলেই তন্মগ্ন ছিলাম, এমন সময়ে হঠাৎ একটি রুদ্ধ রমণী দ্বার দিয়া গৃহের মধ্যে প্রবেশ করিয়া দাঁড়াইল এবং বিড় বিড় করিয়া কি বলিল, ভাল বুঝিতে পারা গেল না। অল্প সকলে দ্বারের দিকে পৃষ্ঠ করিয়া বসিয়াছিলেন স্তব্ধ হইয়া তাহাকে দেখিতে পান নাই। তাহার দিকে চাহিয়া আমার মনে হইল, বুড়ীটাকে যেন কোথায় দেখিয়াছি এবং সে কি বলে ও কেন আসিয়াছে জানিবার জন্ত মুহূর্ত্তের ছেলেদের বলিলাম “দেখ ও আবার কে?” ছেলেরা সে কথায় কর্ণপাত না করিয়া যিনি পুস্তক পাঠ করিতেছিলেন তাঁহার সঙ্গেই কথা কহিতে লাগিল। বুড়ীটা দাঁড়াইয়া থাকার আমার কেমন অশোভাস্তি বোধ হইতেছিল, আমি পুনর্বার বলিলাম,

“কে ও জিজ্ঞাসা কর না।” তখন যিনি পড়িতেছিলেন তিনি বলিলেন “কি?”

আমি মুহূর্ত্তের কহিলাম “একটা বুড়ী।”

তিনি তখন তর্কে মাতিয়াছিলেন, তিনি বলিলেন “আপনি শুনুন।”

এতক্ষণের পর বুড়ী নড়িল। কিন্তু দ্বার দিয়া তা বাহির হইল না, দেয়ালের নিকট গিয়া অস্থস্থ হইল। তখন আমি উঠিয়া দাঁড়াইলাম এবং বলিলাম “তোমরা শীঘ্র বাহিরে আইন” বলিয়া বারান্দায় আসিয়া দরওয়ানকে জিজ্ঞাসা করিলাম, “একটা বুড়ী আসিয়াছিল কি না এবং এই মাত্র তাহাকে বাইতে দেখিয়াছ কি না?”

তখন ছেলেরা কি ব্যাপার জিজ্ঞাসা করিল। আমার কথা শুনিয়া সকলে নীচে নামিয়া চতুর্দিক পর্যবেক্ষণ, অন্বেষণ করিয়া দেখিল কেহ কোথাও নাই। আমি বাহিরের ঘরে বসিয়াছিলাম বলিয়া পাছে অপর লোক কেহ আসে তাই দরওয়ান সদর দরজা ভিতর হইতে বন্ধ করিয়া দিয়াছিল, আর খিড়কীর দরজার চাবি বন্ধ। বুড়ীটাকে দেখিয়া মনে হইতেছিল তাহাকে যেন কোথায় দেখিয়াছি, এখন মনে পড়িল আমাদের বাটার পার্শ্বে এক সদ্গোপ বাস করে সে বুড়ী তাহার মা, কিন্তু সে যে একমাস হইল মরিয়াছে!

পার্সি সম্প্রদায়।

(দ্বিতীয় প্রস্তাব)

জোরোস্তারের ধর্ম পারস্য দেশ হইতে বিদূরিত হইয়া কিরূপে ভারতবর্ষে আসিয়া পড়িল তাহা আমরা ইতিপূর্বে আলোচনা করিয়াছি; ভারতীয় পার্সিগণের দ্বারা এই ধর্মের কি পরিবর্তন সাধিত হইয়াছে, বর্তমান প্রস্তাবে আমরা সেই কথাই আলোচনা করিব।

একথা বলা বাহুল্য, যে, স্বর্ণপ্রস্থ ভারত ভূমিতে বহুজাতি, ভিন্ন ভিন্ন ধর্মাবলম্বী, এবং বিভিন্ন সংস্কারপন্ন সম্প্রদায় সমূহ বহুদিন হইতে বাস করিয়া আসিতেছে; পারস্যবাসীগণের যে পরিমাণেই জাতিগত স্বাতন্ত্র্য প্রিয়তা থাক, ঐ সমস্ত লোকের সংশ্বে তাহাদের মধ্যে পরিবর্তন সংঘটন অবশ্যস্বাভাবিক।

পারস্য হইতে জোরোস্তারের ধর্ম বিদূরিত হইবার পূর্বে হইতেই ইহার অবনতি আরম্ভ হইয়াছিল। তখন হইতেই শতশত অক্ষসংস্কার ও বহুবিধ বিরোধী নিয়ম জালে আবদ্ধ হওয়াতে ইহার পবিত্রতা, জীবনশক্তি, এবং কর্মশীলতা শিথিল হইয়া আসিতেছিল; বহুবিধ শাস্ত্র প্রণেতা আবির্ভূত হইয়া স্ব স্ব মত প্রচলন করিয়া গিয়াছিলেন, এবং আধুনিক হিন্দু ধর্মের ত্রায় এই ধর্মের মধ্যে ধীরে ধীরে সাকার উপাসনার প্রবর্তনার সহিত ধর্মের প্রাথমিক সরলতা ও একেশ্বরবাদের সুস্পষ্ট সত্য ক্রমে জটিলতা পূর্ণ হইয়াছিল। কিন্তু তথাপি ইহাদিগের ধর্মগ্রন্থ জোরোস্তার এবং ভেদ্বিদাদে একেশ্বর বাদের পূর্ণ পরিচয় প্রাপ্ত হওয়া যায় এবং ইরাণী আর্ধ্য ও হিন্দু আর্ধ্যগণ প্রবর্তিত অগ্নি উপাসনা ব্যতীত অল্প কোন প্রথা ভারতীয় পার্সিগণের মধ্যে প্রবেশ করিতে পারে নাই। ভারতের পার্সি ঔপনিবেশিক জাতি ভিন্ন প্রায় সমস্ত হিন্দু আর্ধ্য জাতির মধ্যে হইতে অগ্নি উপাসনা লুপ্ত হইয়াছে।

পার্সিদিগের সমস্ত বিশেষত্ব নির্দেশ করা সহজ নহে; স্মরণ্য বর্তমান প্রবন্ধে আমরা স্থূল স্থূল বিবরণ বিবৃত করিব।

পার্সিদিগের সর্বশক্তিমান অনন্ত পুরুষের নাম অহর মজদা; তিনি জগতের সৃষ্টিকর্তা এবং নিখিল বিশ্বের প্রাণ, ক্ষমতা, জ্ঞান ও সত্যের মূল স্বরূপ। তাহাদিগের বিশ্বাস সমস্তই তাহার সৃষ্টি, তাহার স্পর্শপ্রকাশ নহে; কিন্তু তথাপি তাহারা চির পরিবর্তনের মধ্য দিয়া পরিপূর্ণতার দিকে অগ্রসর হইবে, কারণ জগৎ রচনার সম্পূর্ণ শৃঙ্খলার মধ্যে বহু পরিবর্তন এবং ক্রমান্বয়বর্তিতা অবশ্যস্বাভাবিক। হিন্দুর ত্রায় ইহারা বিশ্বাস করে, যে, পৃথিবীর কোন পদার্থই নূতন নহে, যাহা আছে সমস্তই পুরাতনের পুনঃসংস্কার; পুরাতন উপাদান লইয়া নূতন গঠিত হইতেছে। বিশেষত্ব যে শক্তিতে সৃষ্টি করেন, তাহার নাম স্পেস্টোমেনিয়স্, এবং যে

শক্তিতে বিনাশ করেন, তাহার নাম এংগ্রোমেনিয়স্ বা অহিমান। এই শেখোক্ত শক্তির কোন প্রকার অনিষ্টকারিতা নাই, ইহা প্রথমোক্তের সৃষ্টিকার্যের সহায়তা করিবার জন্ত উপাদান সংগ্রহ করিয়া দেয়। ইহারা বলে মনুষ্যের যথেষ্ট স্বাধীনতা আছে, তাহারা ভাল মন্দ বিচার করিতে পারে, এবং ইচ্ছাশক্তি দ্বারা অনেক সময় প্রাকৃতিক নিয়ম, এমন কি, সৃষ্টিশক্তি ও বিনাশ শক্তিকেও বাহত করিতে পারে; এতএব মনুষ্যের বিনাশের জন্ত তাহাদের অজ্ঞতা ও দোর্বল্যই অধিক পরিমাণে দায়ী, এবং এংগ্রোমেনিয়স্কে দোষী করা অবিধেয়।

জোরোস্তারের শাস্ত্রের মতে বিদ্যাতার সৃষ্টিকার্যে মনুষ্য যেরূপেই সাহায্য করুক, তাহাই সং, এবং তজ্জন্ত তাহারা স্বর্গে যাইবার অধিকারী; কিন্তু বিনাশের পথে অগ্রসর করিবার জন্ত তাহারা যে কার্য সম্পন্ন করে তাহা অসং,—সে জন্ত তাহাদিগকে নরকে যাইতে হইবে। প্রকৃত পক্ষে, অশ্মজের সহিত অহিমানের কোন বিবোধ না থাকিলেও পার্সি সাধারণের বিশ্বাস অহিমানের অর্থ 'অপদেবতা' এবং অশ্মজের সহিত তাহার চির বিরোধ বর্তমান।

বিদ্যালয়ের ছাত্রাদিগের জন্ত বহুদিন পূর্বে একখানি পার্সি ধর্ম-পুস্তক প্রচলিত ছিল, আমরা তাহার কিয়দংশের অনুবাদ এ স্থানে উদ্ধৃত করিতেছি; পার্সি ছাত্রগণ কিরূপ ধর্মোপদেশ লাভ করে, ইহাতে তাহার কিঞ্চিৎ মর্ম অবগত হওয়া যাইবে। ইহাতে লিখিত আছে;—

“আমরা একমাত্র ঈশ্বরকে বিশ্বাস করি,—তিনি স্বর্গ এবং পৃথিবী, দেবদূত সমূহ, চন্দ্র, সূর্য, গ্রহ, নক্ষত্র ও অগ্নি, জল প্রভৃতি সমস্ত পদার্থ সৃষ্টি করিয়াছেন। আমরা তাহারই পূজাচ্ছন্দা করি, এবং তাহারই নিকট আমাদের প্রার্থনা জ্ঞাপন করি। আমাদের ঈশ্বরের মুখ নাই, তিনি নিরাকার এবং অদ্বিতীয়; তিনি কোন নির্দিষ্ট স্থানে বাস করেন না। আমরা তাহার গৌরব বর্ণনা করিতে অক্ষম, আমাদের মন তাঁহাকে ধারণা করিতে পারে না। তিনি একাধিক সহস্র নামে পরিচিত, কিন্তু তাহার প্রধান নাম হর্মজ (সর্বজ্ঞ আত্মা), পাক (পবিত্রস্বরূপ), দাদার (স্ববিচারক) এবং পারওয়ার্দগার (পালন কর্তা)। পবিত্রস্বরূপ হর্মজের উপাসনার জন্ত কোন কোন সজীব ও গৌরব পূর্ণ সৃষ্ট পদার্থের এবং চন্দ্র, সূর্য, অগ্নি, জল, প্রভৃতির সাহায্য গ্রহণ প্রয়োজনীয়। আমাদের মহাপুরুষ জোরোস্তার বলিয়াছেন, পরমেশ্বর অদ্বিতীয় এবং তিনি তাহার সুপরিজ্ঞাত মহাপুরুষ। জোরোস্তারের আদেশ এই, যে, আবেস্তায়, ঈশ্বরের সাধু ইচ্ছায় বিশ্বাস স্থাপন করিতে হইবে, তাহার আদেশ ও অতিপ্রায় অহুসারে কার্য করা উচিত, কায়মনোবাক্যে পবিত্র থাকা, এবং সংকার্যের অহুষ্ঠান করা অবশ্য কর্তব্য। প্রত্যহ পাঁচবার উপাসনা করিতে হইবে। মৃত্যুর পর চতুর্থদিন প্রভাতে ত্রায়-বিচার হইবে এবং পুনরুত্থান দিন আসিবে, একথা একান্ত বিশ্বাস; স্বর্গের আকাঙ্ক্ষা এবং নরকের ভয় রাখিতে হইবে।”

এই বর্ণনা যদিও অসম্পূর্ণ তথাপি ইহা হইতে বুঝা যায় যে, অক্ষভাবে অগ্নি উপাসনাই পার্সিধর্মের সারমত নহে। অগ্নি ইহাদের নিকট পবিত্রতা ও সর্বশক্তিমন্তর চিহ্ন স্বরূপ; ইহাই অবলম্বন করিয়া তাহারা ঈশ্বরের সম্মুখীন হয় এবং সেই জন্তই ইহারা অগ্নিমন্দির সযত্নে রক্ষা করে। কাহারও কাহারও মতে ইহারা জড়োপাসক, কিন্তু ইহারা বণে ইহারা কখনই অগ্নিকে ঈশ্বর বলিয়া উপাসনা করে না। সুপ্রসিদ্ধ পুরাতত্ত্ববিৎ হিরোডোটাস্ সুস্পষ্টরূপে উল্লেখ করিয়াছেন, যে, ইহাদের কোন মন্দির ছিল না; কিন্তু আবেস্তার পবিত্র অগ্নি সযত্নে রক্ষা করিবার নিমিত্ত মঠের উল্লেখ আছে। ইহাদের পবিত্র অগ্নি তিন শ্রেণীতে বিভক্ত, আতসবেরাম্, অজ্রান্ এবং দাদুগা। ভারতবর্ষে আতসবেরাম চারিহানে সংরক্ষিত রহিয়াছে; যথা, উদয়ারা, নোসেরা সুরাট এবং বম্বে। ইহাদের অগ্নিমন্দিরের পার্সি নাম “আগিয়ারী” বা আতসখানা। “মোনী মন্দির” অর্থাৎ যেখানে পার্সিদিগের শব দেহ স্তব্ধ হয়, তাহার নিকটে অস্তোষ্টি ক্রিয়ার জন্ত যে মন্দির অবস্থিত, তাহার নাম “সাত্রি”।

পার্সিদিগের মধ্যে দুইটা বিভিন্ন সম্প্রদায় আছে, এক সম্প্রদায়ের নাম “কদনী,” অল্প সম্প্রদায়ের নাম “সাহান সাহী”। এই শেষোক্ত সম্প্রদায়ের সংখ্যাই অধিক। বস্মাহুস্তানের কোন কোন নিয়ম পালন লইয়াই এই উভয় সম্প্রদায়ের মধ্যেই যে কিছু পার্থক্য। উপাসনা স্থল যে বনিকিা দ্বারা আচ্ছন্ন থাকে, তাহার মধ্যে ছিদ্র করিয়া সেই ছিদ্র পথে ইহারা অপরকে পবিত্র অগ্নি দেখিতে দেয়। পার্সি পুরোহিত গণের নাম “মোবেদ,” ইহাদিগকে সর্বদা মন্দিরের অভ্যন্তরে থাকিতে হয়; মন্দির মধ্যে দিব্যারাত্রি অগ্নি জলে, এবং অগ্নিতে নানাবিধ গন্ধদ্রব্য নিক্ষেপ্ত হয়। অগ্নিকে উজ্জল করিবার জন্ত কখন কখন অগ্নিতে ছাগস্নেহ প্রদত্ত হয়। পুরোহিতেরা মন্ত্রোচ্চারণের সময় বস্ত্রদ্বারা মুখ মণ্ডল আচ্ছাদিত করে, কারণ, নিষ্ঠুর বা নিশ্বাসে সেই পুত্র অগ্নি অপবিত্র হইতে পারে।

আবেস্তার পাঁচ প্রকার বিভিন্ন শ্রেণীর অগ্নির উল্লেখ আছে। কিন্তু তাহাদের মধ্যে পার্থক্য কি তাহা অতি বিজ্ঞ পারসিক পুরোহিতও অবগত কিনা সে বিষয়ে যথেষ্ট সন্দেহ। কথিত আছে, তাহারা প্রকৃতির বিভিন্ন শক্তিবাচক। “আতস বেরাম্” নামক অগ্নিই সর্বাপেক্ষা অধিক পবিত্র, ইহার একাধিক সংস্র উৎপত্তিহান আছে; ভোন্দাদ্দ গিথিয়ারাছেন, বিভিন্ন প্রকার অগ্নির সংগ্রহেই ইহার উৎপত্তি! (১)

হিন্দু ব্রাহ্মণের স্থায় পার্সি পুরোহিত গণ জন সাধারণ হইতে সম্পূর্ণ বিভিন্ন শ্রেণীভুক্ত। ইহাদের শাস্ত্রোপদেষ্টাগণের সাধারণ নাম “হারবাদ্”! কিন্তু পুরোহিত শ্রেণী “মোবেদ” নামেই অভিহিত হয়, ধর্মকর্মের সহিত সংশ্রববিহীন ব্যক্তিগণ “বেহদিন্” নামে পৃথক। পুরোহিতবংশে জন্ম গ্রহণ না করিলে কেহই পুরোহিত্য গ্রহণ করিতে পার্য না। পুরোহিত্য গণ আবার দুই শ্রেণীতে বিভক্ত; দস্তর ও মোবেদ। দস্তরগণ পুরোহিতের মধ্যে শ্রেষ্ঠ,

(১) Vide westergaard's Edition, Viii. pp 81-96.

কিন্তু তাহাদের সংখ্যা অধিক নহে। পুরোহিতবর্গের পরিচ্ছদ সর্বসাধারণের হইতে কিঞ্চিৎ স্বতন্ত্র। ইহাদের আর এক বিশেষত্ব ইহারা কখন মস্তক মুণ্ডন করেন না।

পোরোহিত্য সম্বন্ধীয় তাবৎ কাণ্ডাই, কি মন্ত্রোচ্চারণ, কি সামাজিক ক্রিয়াকর্মে প্রয়োজনীয় অহুষ্ঠান সাধন, সমস্তই মোবেদদিগকে সম্পন্ন করিতে হয়। মোবেদদিগের বংশধরগণই হারবাদ হইয়া থাকে; কিন্তু ইহারা শাস্ত্র ব্যবসায় অবলম্বনে বাধ্য নহে। অনেক হিন্দু পুরোহিতের স্থায় বহুসংখ্যক মোবেদ শাস্ত্রজ্ঞানশূন্য; ক্রিয়াকাণ্ডে তাহারা জেদ মন্ত্র উচ্চারণ করিয়া থাকে বটে, কিন্তু ঐ সকল মন্ত্রের অর্থ আবিষ্কার করিতে হইলেই তাহাদের চক্ষু স্থির! অধ্যাপক হগ্ একবার ইহাদের পরসণা, ইরান্দি, দারুন্ প্রভৃতি ক্রিয়া দেখিবার সুযোগ পাইয়াছিলেন। তাহার পুস্তকে এই সকল ক্রিয়ার সবিশেষ উল্লেখ আছে। (২)

পার্সিদের ধর্ম সম্বন্ধীয় প্রাত্যহিক ক্রিয়াকর্ম অনেকটা হিন্দুদিগের অনুরূপ। ইহারা প্রত্যুষে শয্যা হইতে গাত্রোথান করিয়া “সাদর” নামক পবিত্র গাত্রাবরণে সর্কাদ্ আবৃত করে। তাহাদের দ্বিতীয় কাণ্ড, পবিত্র যজ্ঞসূত্র দ্বারা (কুষ্টি) কোটীদেশ বেষ্টনপূর্বক ছর্কোব্য মন্ত্র উচ্চারণ করা; এই-গাত্রাবরণ ও যজ্ঞসূত্র বর্তমান জোরোস্ত্রিগণের প্রধান পরিচরজ্ঞাপক চিহ্ন।

সপ্তমবর্ষ বয়সের সময় পার্সি বালকদিগকে অগ্নিমন্দিরে লইয়া যাওয়া হয়; অগ্রাণ্ড ক্রিয়া শেষ হইলে মোবেদ বালকের মস্তকে জল সিক্তনপূর্বক তাহার দীক্ষা শেষ করেন। অনন্তর তাহাকে মন্দিরভ্যন্তর হইতে বাহিরে আনিয়া দুই একটা দাড়িমপত্র চর্ষণ করিতে দেওয়া হয়। আমাদের দেশে বৈষ্ণব সম্প্রদায়ের নিকট তুলসীপত্র ও শাক্ত মতাবলম্বীগণের নিকট বিষপত্র যেমন, পার্সি সম্প্রদায়ের নিকট দাড়িমপত্র সেইরূপ অতি পবিত্র বলিয়া পরিগণিত; প্রত্যেক অগ্নিমন্দিরের নিকটেই দুই একটা দাড়িম বৃক্ষ রোপিত হইয়া থাকে। দাড়িমপত্র চর্ষণের পর পক্ষগব্য দ্বারা বালককে স্নান করান হয়; অনন্তর কিঞ্চিৎ গোমূত্র পান বিধি। যেতবর্ণ বৃষের মূত্র অতি পবিত্র।

আমরা উপরে পার্সিদিগের উপনীত অর্থাৎ কুষ্টির কথা বলিয়াছি; এই পবিত্র সূত্র পশম হইতে নির্মিত। কিন্তু আমাদের দেশের ব্রাহ্মণগণের যজ্ঞোপবীতের স্থায় ইহাও পার্সি পুরোহিত শ্রেণীর অন্তঃপুরিকাগণের দ্বারা প্রস্তুত হয়। প্রত্যেক উপবীত দ্বিসপ্ততি সূত্রে বিভক্ত। এই আধ্যাত্মিক বস্তু পরিধান বিষয়ে ইহাদের অসাধারণ নৈপুণ্য ও অমুরাগ দেখিতে পাওয়া যায়। গোমূত্র দ্বারা হস্ত পদ ও মুখ প্রক্ষালন পূর্বক উপাসনা করা ইহাদের প্রাত্যহিক তৃতীয় কর্ম; এই উপাসনার শেষ ভাগ এইরূপ:—“হে প্রভু, সর্বপ্রকার কুচিন্তা, কুকথা এবং কুকার্য, যাহা আমার মনে উদয় হইয়াছে, মুখে বহির্গত হইয়াছে এবং মৎকর্তৃক অমুচিত হইয়াছে, আমার প্রকৃতিগত সেই সকল শারীরিক, মানসিক, ঐহিক এবং পারত্রিক সমস্ত পাপ ক্ষমা কর।

(২) See at the end of West's edition of Hang's essays.

এইরূপে প্রত্যাহ দত্ত প্রকালন হইতে নৈশ শয়ন পর্যন্ত প্রত্যেক কার্যেই ইহারা যথারীতি উপাসনাদি করিয়া থাকে।

যে সকল পার্সি ধর্মসম্বন্ধে একান্ত উদাসীন; তাহাদিগকেও সময়ে সময়ে অগ্নিমন্দিরে সমাগত হইতে হয়। দিব্যাজি মন্দির দ্বারা উন্মুক্ত থাকে। “অদ্রিবাহিং” এবং “আদর” এই দুই অগ্নিরক্ষক দেবদূতের নামে যে দুইমাস উৎসর্গীকৃত, সেই দুইমাসেই অধিক সংখ্যক উপাসক মন্দিরদ্বারে সমাগত হয়। এই দুই মাসের মধ্যে তৃতীয় ও নবম দিবস অধিক উৎসবপূর্ণ। প্রত্যেক মাসের সপ্তদশ দিবসের নাম ‘শ্রোম্’ এবং বিংশতি দিবসের নাম ‘বেরাম’। মন্দির দর্শনপক্ষে এই উভয় দিন সর্কাপেক্ষা অধিক উপযোগী। গৃহেই হউক আর মুক্ত প্রান্তরেই হউক উপাসনাকালে পার্সিগণ সূর্য্য কিম্বা সমুদ্রের দিকে লক্ষ্য করিয়া উপাসনা করে। ইহাদের প্রাত্যহিক উপাসনার নাম “জায়ী”। ইহাদ্বারা সূর্য্য (মিত্র) অগ্নি (বেরাম) চন্দ্র (মা) কিম্বা বরুণ (আদ্রিহুয়) ইহাদেরই উপাসনা স্থচিত হয়।

পুরুষের ছায় পার্সি রমণীগণেরও অগ্নিমন্দিরে উপস্থিত হইবার এবং উপাসনা করিবার অধিকার আছে। কিন্তু রমণীগণ পুত্রকন্যাদিগের জন্মদিন, বিবাহ প্রভৃতি উপলক্ষ্যে ভিন্ন ভিন্ন সময়ে প্রায়ই অগ্নিমন্দিরে গমন করেন না। ইহাদের মন্দির গমনের সময় মধ্যাহ্নকাল, কারণ এই সময়ে মন্দিরে পুরুষ সংখ্যার অল্পতা লক্ষিত হয়। পুরুষের ছায় স্ত্রীলোককেও উপবীত ধারণ ও স্নানোচ্চারণ করিয়া থাকেন।

অতি বাল্যকালেই পার্সি বালক বালিকাদিগের বিবাহের বাগদান হয়; সাত আট বৎসর বয়সই তন্মধ্যে উপযুক্তকাল। ইহাদের বিবাহক্রিয়া অনেক পরিমাণে হিন্দুদিগের ছায়। বালকের বয়স বার বৎসর হইলেই তাহার বিবাহের দিন স্থির হয়। বিবাহে প্রচুর অর্থ ব্যয়। অল্পদিন হইতে পার্সি সম্প্রদায়ের মধ্যে সমাজ সংস্কার আরম্ভ হইয়াছে এবং বাল্যবিবাহ অনেক পরিমাণে তিরোহিত হইতেছে।

হিন্দু বিবাহের ছায় ইহাদের বিবাহেও বর কন্যার হস্তদ্বয় রেশমীসূত্রে বাঁধিয়া দেওয়া হয়। তাহার পর পুরোহিত বে মন্ত্র পাঠ করেন তাহা এই :—“তোমরা পরস্পর পরস্পরের প্রতি-ভাজন, সেই নিমিত্ত তোমরা এখন সম্মিলিত হইতেছ। অতঃপর প্রতি কলু্যবিতনেত্রে দৃষ্টিপাত করিও না, পরস্পরের প্রতি স্নেহিত ও সন্মান প্রদর্শন করিতে এবং পরস্পরের কথা চিন্তা করিতে শিক্ষা কর। বিবাদ পরিত্যাগ কর, সত্যে রত হও, এবং কারমনোবাক্যে পবিত্রতা রক্ষা কর। অস্ত্র লোকের অর্থে লোভ করিও না, নিজের অর্থ বুদ্ধির চেষ্টা করিবে, সং বন্ধ লাভ করিতে মত্ত করিবে এবং দরিদ্রকে সাহায্য করিবে। পিতা মাতার প্রতি ভক্তি প্রদর্শনে বিরত হইবে না।”

বিবাহের পর অশ্রান্ত অল্পাধীন শেষ হইলে বর ও কন্যা পরস্পরের প্রতি ধাত্ম নিক্ষেপ করে। সাধারণের বিশ্বাস, যাহার নিক্ষেপ্ত ধাত্ম অগ্রে অপরের গাত্র স্পর্শ করিবে, দম্পতির মধ্যে সেই অপরকে চিরজীবন বশীভূত করিয়া রাখিবে।

ইউরোপীয় জাতির সংস্পর্শে আসিয়া, এবং পাশ্চাত্য ভাব সমাজ মধ্যে প্রবেশ করায়, সর্কাবিধ সামাজিক প্রথার পরিবর্তন সংঘটিত হইতেছে। আধুনিক কালের হিন্দু বিবাহের ছায় পার্সি বিবাহেও কন্যার পিতাকে কন্যা বিদায়ের জন্ত সর্কাবাস্ত হইতে হয়; পার্সি পিতা কন্যার বিবাহ দিয়াই অবাহতি পান না, নবজামাতাকে সংসার যাত্রার উপযুক্ত সংস্থান পর্যন্ত তাঁহাকে যোগাইতে হয়। আমাদের অপেক্ষা ইহাদের আর্থিক অবস্থা অনেক ভাল সেই জন্ত ইহারা কোন প্রকারে এই ব্যয়ভার বহন করে, নতুবা হয় ত ইহারা শিশুকন্যা বধ করিতে বাধ্য হইত। পার্সি সম্প্রদায়ের বিধবা বিবাহ প্রথা প্রচলিত আছে। ইহাদের মধ্যে এক স্ত্রী জীবিত থাকিতে দ্বিতীয় দারপরিগ্রহ করা সম্পূর্ণ নিষিদ্ধ; কিন্তু স্ত্রী জুশরিভা কিম্বা বন্ধ্যা হইলে পুরুষেরা পুনর্বার বিবাহ করিতে পারে। কিন্তু স্বেচ্ছায় একরূপ বিবাহ বন্ধনে আবদ্ধ হইতে কাহারও অধিকার ছিল না, পঞ্চাইতের মতামতের উপর এইরূপ বিবাহ নির্ভর করিত।

বর্তমান সময়ে পার্সিদিগের মধ্যে পঞ্চাইতের ক্ষমতা প্রচুর পরিমাণে হ্রাস হইয়াছে। তথাপি এখনও ইহাদিগের দ্বারা সমাজের বহু উপকার সাধিত হয়।

গর্ভবতী রমণীর প্রসব বেদনা উপস্থিত হইলে তাহাকে তৎক্ষণাৎ গৃহের নিকটতম অংশে আশ্রয় গ্রহণ করিতে হয়; চল্লিশ দিন পর্যন্ত তাহাকে সেখানে থাকিতে হয়, সেই কালে কেহই তাহাকে স্পর্শ করিতে পারে না। সন্তান জন্মের পঞ্চদিনে গৃহ পুরোহিত বালকের কোষ্ঠীপত্র প্রস্তুত এবং তাহার জন্ত গণনা করে। যে লগ্নে বালকের জন্ম, তদনুসারে তাহার নাম করণ হয়; এই সকল বিশেষত্ব অল্পাধিক পরিমাণে হিন্দুদিগের অল্পাধিক অল্পকরণ বলিয়া অনুমান হয়। কিন্তু এই প্রথা অল্পকরণ না হওয়াও অসম্ভব নহে, কারণ এই প্রথা পার্সিদিগের অতি প্রাচীন, এবং বহু পূর্ক হইতেই পার্সিগণের জ্যোতিষের প্রতি বিশেষ অনুরাগ আছে; কিন্তু শিক্ষিত সম্প্রদায়ের মধ্যে এ সম্বন্ধে ক্রমে বীতরাগ লক্ষিত হইতেছে।

পার্সিদিগের মধ্যে মৃতদেহের সংস্কার কিরূপে নির্কাহ হয়, তাহা বোধ হয় সকলেই অবগত আছেন। এই বিষয়ে হিন্দু মুসলমান এবং খৃষ্টান কোন ধর্মাবলম্বীগণের সহিতই ইহাদের মিল দেখা যায় না। শবভুক পক্ষীর আহ্বারের জন্ত মৃতদেহ “মোনী মন্দিরে” রক্ষা করা হয়! পৃথিবীর সভ্য অসভ্য কোন দেশে একরূপ প্রথা প্রচলিত নাই। (৩)

সাধারণের বিশ্বাস মৃত্যুর পর তিন দিন পর্যন্ত মৃতব্যক্তির আত্মা মোনীমন্দিরের চতুর্দিকে ব্যাপ্ত থাকে; চতুর্থ দিনে তাহা মিত্রের বিচারাসন তলে গৃহীত হয়। ইহলোককে অহুষ্ঠিত ব্যক্তির উচিত্যাহুষ্ঠিতা অনুসারে আত্মার বিচার হইয়া থাকে। বিচার শেষ হইলে আত্মাকে চিন্তাবত পিরীতম্ (“বিচার সেতু”) নামক এক সংকীর্ণ সেতু অতিক্রম করিতে

(৩) Modern India and Indians. (Tribner and Co.) Third Edition, p. 80. By Monier Williams.

হয়। এই সেতুর প্রবেশ পথ এক ভীষণ কুকুর দ্বারা সুরক্ষিত। পাপাত্মা এই কুরখার সেতু অতিক্রম করিতে না পারিয়া পথিমধ্যে কণ্টকপূর্ণ, সর্পাদি সারীস্থপ সঙ্কুল হ্রদে পতিত হয় এবং অতি দারুণ যন্ত্রনা ভোগ করে; পার্শ্বিগণের বিশ্বাস এই সংকীর্ণ পথ নরকের প্রান্ত হইতে স্বর্গদ্বার পর্যন্ত বিস্তৃত, ধার্মিকগণই এই পথ অতিক্রম করিয়া স্বর্গে প্রবেশ করিতে সক্ষম। স্বর্গ পথ সম্বন্ধে এইরূপ ধারণার জন্ম পার্শ্বিগণ মুসলমানদিগের নিকট ঋণী বলিয়া বোধ হয়।

ভারতবর্ষে সমস্ত জাতির ভিত্তির পার্শ্বিগণের মধ্যেই পাশ্চাত্য সভ্যতার প্রভাব সর্বাপেক্ষা অধিক পরিমাণে লক্ষিত হয়। কিন্তু এইরূপে একদিকে দিন দিন নানাবিধ কুসংস্কারের হস্ত হইতে আপনাদিগকে ছিন্ন করিয়া অল্পদিকে এই মুষ্টিমেয় সম্প্রদায় আশ্চর্য্য ক্ষমতার সহিত আপনাদিগের আচার ব্যবহার এবং রীতি নীতির স্বাতন্ত্র্য রক্ষা করিয়া চলিতেছে। জোরোস্ত্রীর ধর্মের মূল শিক্ষা ও সংস্কার কি, মূল আবেস্তার বিস্ময় উপদেশ কিরূপ, তাহা জানিবার জন্ম শিক্ষিত সম্প্রদায়ের মধ্যে একটা জাগ্রত উৎসাহ জন্মিয়াছে, স্মরণ্য ধর্ম জীবনের উপর বর্দ্ধিত এবং সুপীড়িত আবর্জনা রাশিও ক্রমশঃ অপসৃত হইতেছে; শিক্ষা ও সভ্যতা বিস্তারের ইহা একটি সফল।

শ্রীদীনেন্দ্রকুমার রায়।

বিদ্যাসাগরের নিকট বঙ্গসাহিত্য কতদূর ঋণী।

প্রাতঃস্মরণীয় পণ্ডিত ৬ ঈশ্বরচন্দ্র বিদ্যাসাগর একজন ক্ষণজন্মা মহাপুরুষ। এমন দীনবদ্ধ, বিপন্নর আশ্রয়, এমন দয়ালুচেতা মহদত্ত্বঃকরণ ব্যক্তি কদাচিৎ দেখিতে পাওয়া যায়। কিন্তু এ প্রবন্ধে আমরা তাঁহার সে সকল গুণের আলোচনা করিতেছি না। বঙ্গভাষা তাঁহার নিকট কতদূর ঋণী তাহাই মাত্র আপাততঃ আমাদের বলিবার ইচ্ছা।

বিদ্যাসাগর মহাশয়ের বঙ্গসাহিত্যগারে প্রবেশের পূর্বে বঙ্গসাহিত্যের অবস্থা এই প্রকার ছিল। সে সময় পুস্তকাদি অতি দুর্লভ সংস্কৃত বাঙ্গালায় লিখিত হইত এবং কথিত ভাষা প্রায় বর্তমানকালের গ্রাম্যভাষাপেক্ষাও নিকৃষ্ট ছিল, স্মরণ্য, তৎকালে বঙ্গসাহিত্য অতি নীরস ও শ্রীহীন ছিল। বঙ্গসাহিত্যের এই প্রকার দুর্লভতা প্রযুক্ত ইহা অনেকেরই আয়ত্তগম্য ছিল না।

বিদ্যাসাগর মহাশয়ই দুর্লভ সংস্কৃতভাষা হইতে অতি সুমার্জিত বঙ্গভাষার সৃষ্টি করিলেন। বঙ্গভাষাকে এইরূপ গঠন করাই বিদ্যাসাগর মহাশয়ের প্রধান কীর্ত্তি।

সাধারণতঃ বঙ্গসাহিত্যকে তিন শ্রেণিতে বিভক্ত করা যাইতে পারে। প্রথম, নদীয়ার ক্রীচৈতন্যের অভ্যুদয়ের প্রাক্কাল; দ্বিতীয়, ভারতচন্দ্রের কাল; তৃতীয় আধুনিক বা ইউরোপীয় কাল। এই আধুনিক কালকে আবার চারি ভাগে বিভক্ত করা যাইতে পারে। ১ম সংস্কৃত-বাঙ্গালার কাল। ২য়, রামমোহন রায় প্রভৃতির কাল। ৩য়, বিদ্যাসাগর প্যারিচাঁদ মিত্র প্রভৃতির কাল; ৪র্থ বঙ্কিম ও মাইকেলের কাল। প্রকৃতপক্ষে ধরিতে গেলে, বিদ্যাসাগর মহাশয়ই যে শেবোক্ত অর্থাৎ আধুনিককালের বঙ্গসাহিত্যের জন্মদাতা, তাহা বলা যাইতে পারে।

সংস্কৃত বাঙ্গালা কালের লোকের এই ধারণা ছিল যে, সংস্কৃতকথা বাঙ্গালা লিখিত ভাষার অধিক ব্যবহার করিলে বিশুদ্ধবাঙ্গলা হইবে, এবং তাহার দ্বারা বঙ্গসাহিত্যের উন্নতিও হইবে। কিন্তু, এই প্রকার মতাবলম্বী ব্যক্তিগণ, সাধারণ লোকদিগের সাহিত্য জ্ঞানেচ্ছার দিকে দৃকপাত না করিতে তাঁহাদিগের উদ্দেশ্য সফল হয় নাই। এই প্রকার সংস্কৃত বাঙ্গালায় লিখিত একখানি পুস্তকের নাম ও লিখন প্রণালী উদাহরণ স্বরূপে উল্লেখ করা যাইতে পারে; যেমন মৃত্যুঞ্জয় বিদ্যালঙ্কার প্রণীত “প্রবোধচন্দ্রিকা”। ইহার ভাষা এত দুর্লভ ছিল যে তাহা সংস্কৃত কি বাঙ্গালা তাহা বুঝিতে পারা যাইত না। মাননীয় শ্রীযুক্ত বাবু রাজনারায়ণ বসু মহাশয় এই পুস্তকখানির আংশিক সমালোচনা কালে, ইহার ভাষার দুর্লভতা প্রমাণ করিবার জন্ম ইহা হইতে যে একটি মাত্র লাইন গ্রহণ করিয়া দৃষ্টান্ত স্বরূপে ব্যবহার করিয়াছেন তাহা নিম্নে প্রদত্ত হইল :—

“কোকিল কলালাপ বাচাল যে মলয়াচলানিল সে উচ্ছীকরাতাচ্ছ নিব্বাস্তঃকণাচ্ছয় হইয়া আসিতেছে।” ইহাকে কখনই প্রকৃত রূপে বিশুদ্ধ বাঙ্গালাভাষা বলা যাইতে পারে না। পুরাকালে ব্রাহ্মণ পণ্ডিতগণ কথিত ভাষার সংস্কৃত ভাষা ব্যবহার করিতেন। সংস্কৃত-বাঙ্গালা কালে কথিত ভাষা সম্বন্ধে তদ্রূপ কোন কঠোরতা না থাকিলেও, লিখিত ভাষায় যে অনেকটা সেই প্রকার ছিল, তাহা প্রবোধচন্দ্রিকার ভাষা পাঠ করিলে সহজেই অনুমিত হইয়া থাকে। এই প্রকার নীরসতার জন্ম বঙ্গদেশের লোকেরা ভাষা ও সাহিত্য সম্বন্ধে অত্যন্ত উদাসীন ছিল, কতিপয় সংস্কৃত ভাষাভিজ্ঞ বিজ্ঞ ব্যক্তিই তৎকালে পুস্তকাদি প্রণয়ন করিতেন; স্মরণ্য, বঙ্গসাহিত্য তৎকালে ভ্রান্তাচ্ছাদিত হীরকখণ্ডের ন্যায় সকলের দ্বারা অনাদৃত হইয়া পড়িয়া রহিল।

ইহার কিছুকাল পরে মহাশয় রাজা রামমোহন রায় বঙ্গসাহিত্যের দুর্লভতা দর্শনে মর্ম্মাহত হইয়া ইহার উন্নতির জন্ম চেষ্টা করেন; এবং ১৮১৬ খৃষ্টাব্দে তাঁহার দশোপনিষদ বাঙ্গালার গণভূমিকার সহিত প্রকাশিত হয়; এবং কেহ কেহ রামমোহনকেই বঙ্গ গণসাহিত্যের প্রকৃত সৃষ্টিকর্ত্তা বলিয়া উল্লেখ করিয়া থাকেন।

রামমোহন রায়ের অভ্যুদয়ের কয়েক বৎসর পরেই কণিকাতা তত্ত্ববোধিনী সভা হইতে

“তত্ত্ববোধিনী পত্রিকা” নামে একখানি ধর্ম ও সামাজিক বিষয় সম্বলিত সুন্দর পত্রিকা নিয়মিত রূপে প্রকাশিত হইতে থাকে। সর্বপ্রথম মহর্ষি দেবেন্দ্র নাথ ঠাকুর ইহার সম্পাদক ছিলেন এবং তৎকালে বঙ্গের অনেক কৃতবিদ্য লেখক ইহার পরিচালনার ভার গ্রহণ করিয়া ছিলেন, তন্মধ্যে স্বর্গীয় অক্ষয় কুমার দত্ত ও স্বয়ং বিদ্যাসাগর মহাশয়ের নাম উল্লিখিত হইতে পারে।

কিন্তু রামমোহন রায়ের পথপ্রদর্শন বা তত্ত্ববোধিনী পত্রিকার পরিশ্রম সর্বপ্রথমে বঙ্গদেশের সাধারণ লোকদিগের হৃদয় বঙ্গসাহিত্যের দিকে আকর্ষণ করিতে সমর্থ হয় নাই। তখনও লোকে বঙ্গসাহিত্যের প্রতি বীতশ্রদ্ধ ছিল, সুতরাং রামমোহনের প্রদর্শিত পথ অবলম্বন করিতে চেষ্টা করে নাই, কিম্বা তত্ত্ববোধিনী সভার পরিশ্রমের গুরুত্ব উপলব্ধি করিতে পারে নাই।

বঙ্গসাহিত্যের প্রতি সাধারণ লোকের এই প্রকার উদাসীন্যকালে, স্বর্গীয় বিদ্যাসাগর মহাশয় এই ফলহীন সাহিত্যক্ষেত্রে আসিয়া দণ্ডায়মান হইলেন। তিনি দেখিলেন যে বঙ্গসাহিত্যক্ষেত্রে অরণ্য ও কণ্টকে আবৃত; চতুর্দিকে নীরসতা ও অসুন্দরতার লক্ষণ পূর্ণমাত্রায় বিরাজমান। তিনি স্বহস্তে ভূমি কর্ষণ করিয়া অরণ্যশূন্য আদি পরিস্কৃত করিয়া তথায় ফলবান বৃক্ষাদি বপন করিয়া, সেই মরুসদৃশ কণ্টকাকীর্ণ প্রদেশকে একটি সুন্দর উদ্যানে পরিণত করিলেন। তিনি অমূল্য সংস্কৃত কোষাগার হইতে অতি মূল্যবান সুন্দর ভাবরত্নমালা সংগ্রহ করিয়া, বঙ্গসাহিত্যের অলঙ্কার স্বরূপে ব্যবহার করিলেন। এই অপূর্ণ অলঙ্কার নিষ্প্রাণে, তাঁহার কারুকার্য ও দক্ষতা দর্শন করিয়া সকলেই বিস্ময়সাগরে মগ্ন হইল। তিনি হৃদয়গ্রাহী নূতন বঙ্গগদ্য সৃষ্টি করিলেন।*

বিদ্যাসাগর মহাশয় বঙ্গসাহিত্যসেবায় ব্রতী হইয়া যে সকল সারবান পুস্তক প্রণয়ন করিয়াছিলেন তাহাই এক্ষণে সংক্ষেপে ক্রমিক ভাবে বিবৃত হইবে। তাহাদ্বারা তাঁহার কার্যতৎপরতা ও বঙ্গসাহিত্যের উন্নতির নিমিত্ত তাঁহার গুরুতর পরিশ্রম ও তদ্বিষয়ে সফলতা সম্বন্ধে কথঞ্চিৎ আভাস পাইতে পারা যাইবে।

সিবিল্ সার্ভিস পরীক্ষার কোন বিশেষ নিয়মামুযায়ী ইংরাজ সিবিলায়ান্ ছাত্রদিগের বাঙ্গালা পুস্তক অবশ্য পাঠ্য ছিল; কিন্তু দুর্ভাগ্যক্রমে তৎকালে কোনও সহজ বাঙ্গালা পুস্তক ছিল না, এ নিমিত্ত “প্রবোধচন্দ্রিকা,” “জ্ঞানপ্রদীপ” প্রভৃতি কয়েকখানি ছুর্দোষী বাঙ্গালায় লিখিত পুস্তক, বঙ্গভাষা ও সাহিত্যে সম্পূর্ণ অপরিচিত ইংরাজছাত্রদিগকে পাঠ করিতে হইত। ইহা পাঠ করিতে একপক্ষে তাহাদিগকে যেরূপ পরিশ্রম করিতে হইত, অপরপক্ষে তদ্রূপ সময়েরও অপব্যয় হইত। এই সময়ে বিদ্যাসাগর মহাশয় ফোর্ট উইলিয়াম কলেজের ছেড্ রাইটার এবং মার্শাল সাহেব তথাকার সেক্রেটারি ছিলেন। বাঙ্গালা পুস্তক পাঠসময়ে ইংরাজযুবকদিগের এই প্রকার অসুবিধা দেখিয়া, মার্শেল সাহেব বিদ্যাসাগর মহাশয়কেই

* রামগতি ঝায়রত্নের বাঙ্গালা ভাষা ও সাহিত্যবিষয়ক প্রস্তাব।

একখানি সরল পাঠপুস্তক প্রণয়নের ভার দিলেন। প্রথমতঃ, তিনি “বাসুদেব চরিত” নামে একখানি পুস্তক প্রণয়ন করেন, কিন্তু তাহা গভর্নমেন্টের অমুমোদিত না হওয়াতে মুদ্রিত হয় নাই।

কিছুদিন পরে, তিনি গভর্নমেন্টের পুনরুন্নতি ক্রমে, হিন্দী বৈতালপঞ্চিশির বঙ্গানুবাদ করিয়া, বাঙ্গালা পাঠ্যপুস্তকরূপে ১৮৪৭ খৃষ্টাব্দে মুদ্রিত ও প্রকাশিত করেন। এই একমাত্র “বৈতালপঞ্চিশির” দ্বারাই ভবিষ্যৎ বঙ্গসাহিত্যের সুদৃঢ় উন্নতিমূল স্থাপিত হইল। তখনও বিস্কন্ধ বাঙ্গালা সাহিত্যের শৈশবকাল; তখনও লোকে বিস্কন্ধ বাঙ্গালা ভাষা লিখিতে পারিত না, সুতরাং ইহা দৃঢ়তা সহকারে বলা যাইতে পারে যে, বেতালের তাললয় সংযুক্ত প্রাজ্ঞ ও বিস্কন্ধ ভাবার দ্বারাই সুন্দর বঙ্গগদ্যের আদর ও উন্নতির চেষ্টা আরম্ভ হইল। বেতালে একদিকে যেমন শব্দবৈচিত্র্য অপর দিকে তদ্রূপ প্রাঞ্জলতা ও সুললিতভাবমালার সমাবেশ পরিলক্ষিত হইয়া থাকে। বেতাল প্রকাশের সহিতই বঙ্গগদ্যসাহিত্য সম্পূর্ণ এক নূতন দিকে ধাবিত হইল। লোকে “বেতাল” পাঠ করিয়া মুগ্ধ হইয়া, বারম্বার তাহা পাঠ করিতে লাগিল। ইহা অবশ্য স্বীকার্য, যে, বেতালে ভাবের আদিত্ব নাই, অর্থাৎ ইহা অল্প গ্রন্থের অনুবাদ মাত্র। কিন্তু ইহাতে যে লালিত্য, যে বর্ণনাবৈচিত্র্য এবং সুমধুরতা আছে, তাহা তাঁহার স্বরচিত এবং তজ্জন্মই বেতাল সাধারণ লোক কর্তৃক এতদূর আদৃত হইয়াছিল।

বেতালের অনুবাদের এক বৎসর পরে অর্থাৎ ১৮৪৮ খৃষ্টাব্দে, বিদ্যাসাগর মহাশয় মার্শম্যান সাহেবের History of Bengal হইতে বাঙ্গালার ইতিহাস অনুবাদ করেন। বলিতে গেলে ইহার পূর্বে বাঙ্গালার কোন ভাল ইতিহাস ছিল না; বিদ্যাসাগরের “বাঙ্গালার ইতিহাস” বঙ্গবাসীর ইতিহাস জ্ঞানলাভ সম্বন্ধে সমধিক সাহায্য করিয়াছিল; ইহার ভাষা অতি সুন্দর ও স্থানে স্থানে তেজোময়।

১৮৫০ খৃষ্টাব্দে Chamber's Biography অবলম্বনে, “জীবনচরিত” নামক একখানি বালক বালিকার পাঠ্যপুস্তক পুস্তক অনুবাদ করেন।

১৮৫১ খৃষ্টাব্দে বেথুনকলেজের পাঠ্যস্বরূপে Chamber's Rudiments of knowledge পুস্তক অবলম্বনে “বোধোদয়” রচিত হয়। বিদ্যাসাগর মহাশয় চিরকাল জ্ঞানিষ্কার পক্ষপাতী ছিলেন। আজ যে বেথুনকলেজ কলিকাতার এক শীর্ষস্থান অধিকার করিয়া রহিয়াছে; বাহার রূপায় আজকাল শতশত বালিকা শিক্ষাপ্রাপ্ত হইতেছে, সেই বেথুনকলেজের একজন প্রধান উদ্যোগী ও স্থাপয়িতা বিদ্যাসাগর মহাশয়। বাহা হউক, বোধোদয়ের ভাষা সম্বন্ধে অনেকের মতভেদ আছে; এবং কেহ কেহ বলেন যে এ পুস্তক খানি বালক বালিকার পাঠ্যরূপে ব্যবহার করা সম্পূর্ণ অসম্ভব, কারণ, ইহাতে অতি দুর্লভ ভাব সমূহ দৃষ্ট হইয়া থাকে; কিন্তু ইহার ভাষা মোটের উপর যে অতি বিস্কন্ধ তাহা সকলেই প্রায় স্বীকার করিয়া থাকেন।

১৮৫২ খৃষ্টাব্দে কালিদাসের অভিজ্ঞান শকুন্তলা অবলম্বনে বাঙ্গালা “শকুন্তলা” রচিত ও

প্রকাশিত হয়। যে মহাকবি কালিদাসের অমৃতময়ী লেখনীপ্রসূত পুস্তকাবলী আজকাল কেবল মাত্র ভারতবর্ষে নহে পরন্তু সমগ্র ইউরোপে আদৃত হইতেছে, তাঁহার সর্বোৎকৃষ্ট গ্রন্থ অভিজ্ঞান শকুন্তল—যাহা কয়েক বৎসর পূর্বে জার্মানদেশে নাট্যকারের রঙ্গমঞ্চে প্রদর্শিত হওয়াতে বহুসংখ্যক জার্মান পণ্ডিত ও দার্শনিকগণ চমৎকৃত হইয়াছিলেন, সেই শকুন্তলার বঙ্গানুবাদ করা যে অতি ছরুহ ব্যাপার তাহা বলা বাহুল্য মাত্র। বিদ্যাসাগর মহাশয়ের তেজস্বিনী লেখনী তাহা সরল বঙ্গগঞ্চে অল্পবাদ করিয়া নবরঙ্গাগ্রগণ্য কালিদাসের গুণপনা যদি স্বদেশবাসীদের হৃদয়ে অঙ্কিত করিতে সমর্থ হইয়া থাকেন, তাহা হইলেই যে তাঁহার চেষ্টা সফল হইয়াছে সকলেই স্বীকার করিবেন।

সেই বৎসরেই বিদ্যাসাগরের অক্ষয়কীর্তি “বিধবাবিবাহ উচিত কি না” সম্বন্ধে ১ম ও ২য় ভাগ পুস্তকদ্বয় প্রকাশিত হয়। এই পুস্তক দুখানি বঙ্গীয় হিন্দুসমাজমূলে একটি ভয়ঙ্কর কুঠারঘাত স্বরূপ প্রতীয়মান হইয়াছিল। পূর্বেই উক্ত হইয়াছে বিদ্যাসাগর মহাশয় আজীবন দীন ছুঃখীর ছুঃখদূরকর্তা ছিলেন। তিনি বিধবা বালিকাদিগের মর্মভেদী গভীর নিখাদ, তাহাদিগের ভয়ঙ্কর অসহ্য যাতনা, তাহাদিগের নীরব অশ্রুধারা, তাহাদিগের প্রতি কঠোর অত্যাচারের বিষয় দর্শন ও শ্রবণ করিয়া, বহুকাল হইতেই ইহার বিরুদ্ধে দণ্ডায়মান হইবার চেষ্টায় ছিলেন। কিন্তু সামাজিক রীতি নীতি তাঁহার উদ্দেশ্যের সফলতার পক্ষে প্রতিবন্ধক হইল! হিন্দুসমাজ অশ্রান্ত সমাজের ছায় কেবল সামাজিক নিয়মাবলীর দ্বারাই বদ্ধ নহে; শাস্ত্রোক্ত বিধিনিষেধ ও ধর্ম পালনের সহিত ইহার অভেদ্য সম্বন্ধ। বিদ্যাসাগর মহাশয় বাল্যাবধি গুনিয়া আসিতেছেন যে বিধবাবিবাহ হিন্দুশাস্ত্র মতে কখনও ছায়সঙ্গত নহে; কিন্তু, তথাপি, তিনি অধ্যবসায় হইতে বিরত হইলেন না। তিনি সংস্কৃত কলেজ লাইব্রেরীতে গিয়া প্রত্যহ সন্ধ্যা হইতে গভীর রাত্রি পর্যন্ত পরিশ্রমের সহিত শাস্ত্রগ্রন্থাদির পৃষ্ঠা দেখিতেন—যদি তিনি কোন প্রকারে তাঁহার উদ্দেশ্যের সহায়তার নিমিত্ত কোন শ্লোক প্রাপ্ত হইতেন। অনেক পরিশ্রমের পর তিনি হঠাৎ একদিন পরাশরসংহিতায় দেখিতে পাইলেন এই শ্লোকটি লিখিত রহিয়াছে:—

“নষ্টমুতে প্রব্রাজিতে ক্লীবে পতিতে পতৌ।

পঞ্চস্বাপংসু নারীনাং পতিরত্নোবিধীয়তে ॥”

ইতিহাসে যেমন পাঠ করা যায়, প্রসিদ্ধ আকিমিডিস্ পরাক্রান্ত হাউরো কর্তৃক, কোন একটি স্বন্দর মুকুটের স্বর্ণের ভাগ অবধারণ করিবার নিমিত্ত আদিষ্ট হইয়াছিলেন, এবং অনবরত পরিশ্রম করিয়াও তাহার উপায় নির্ধারণ করিতে না পারিয়াও তথাপি অধ্যবসায় হইতে বিরত হইলেন নাই, এবং অবশেষে ঘটনাক্রমে একদিন স্নান করিতে করিতে জলাধার হইতে তাঁহার দেহাতিরিক্ত জল বাহির হইয়া যাওয়াতে কোন প্রকারে এই ঘটনা হইতে মুকুটের স্বর্ণের পরিমাণ নির্ধারণোপায় উদ্ঘাটন করিতে পারিয়া, আনন্দে বিহ্বল হইয়া “Eureka! Eureka!” অর্থাৎ পাইয়াছি, পাইয়াছি, বলিয়া চীৎকার করিতে

করিতে রাজপ্রাসাদভিষুখে ধাবমান হইয়াছিলেন, তদ্রূপ অধ্যবসায়সম্পন্ন বিদ্যাসাগর মহাশয় উপরোক্ত শ্লোকটি দেখিতে পাইয়া আনন্দে “পেয়েছি! পেয়েছি!!” বলিয়া চীৎকার করিয়া উঠিয়াছিলেন। বিদ্যাসাগর মহাশয় “বিধবাবিবাহ” সম্বন্ধে শাস্ত্রমত পাইয়া যেন সামাজিক ব্যক্তিবর্গের বিপক্ষে দণ্ডায়মান হইয়া বলিলেন “স্বার্থপর স্বদেশবাসিগণ! তোমরা স্বার্থের নিমিত্ত জরীবস্থাতেও বৃদ্ধান্ত্রীর মৃত্যুর পরদিবসই বিবাহ করিতে কুণ্ঠিত হওনা, আর অপরিণত বয়স্ক বালিকাবিধবার পুনর্বিবাহ দিবস সময়েই অন্ধের ছায় শাস্ত্রের দোহাই দিয়া লোকের চক্ষে ধূলি নিক্ষেপ করিতে চেষ্টা কর বটে, কিন্তু আমি শাস্ত্রের নিয়ম—ঋষির উচ্চারিত বাক্য পুনরুচ্চারণ করিয়া দৃঢ়স্বরে বলিতেছি ‘বিধবাবিবাহ সম্পূর্ণ শাস্ত্র সঙ্গত অতএব সামাজিক নিয়মাহুগত’।” এই পুস্তক প্রকাশিত হইবার পরেই যেন সমাজে একটা বিষম ছলছল পড়িয়া গেল। অনেক গোড়া হিন্দু তাঁহাকে বাতুল বলিয়া উপহাস করিতে লাগিল এবং কেহ কেহ তাঁহার প্রাণ বিনাশেরও নাকি বড়বন্দ করিয়াছিল।

যাহা হউক, বিধবাবিবাহ প্রকাশে প্রকারান্তরে বঙ্গ ভাবার অনেকটা উন্নতি হইল। প্রথমতঃ, লোকে সামাজিক নিয়ম বহিষ্ঠত এই প্রকার মতনামধিত পুস্তক কোতুল বশতঃ আগ্রহের সহিত পাঠ করিতে লাগিল। দ্বিতীয়তঃ, লোকে তাঁহার ভাষাচার্য্য ও কটতর্কাদি পাঠ করিয়া মোহিত হইয়া অজ্ঞাতরূপে তাঁহার ভাষার অহুকরণ করিতে লাগিল। তৃতীয়তঃ, বহুসংখ্যক সংস্কৃত ভাষাবিৎ পণ্ডিতবর্গ বিধবাবিবাহের অশাস্ত্রীয়তা প্রমাণ করিবার জন্ত প্রতিবাদ লিখিতে গিয়া বিদ্যাসাগরের “বিধবাবিবাহ” পাঠে তাহার ভাষাপরিপাটে মুগ্ধ হইয়া অজ্ঞাতসারে (কোন কোন স্থলে জ্ঞাতসারেও) তাঁহার ভাষার অহুকরণ করিতে লাগিলেন। স্ততরাং দেখা গেল যে, বিধবাবিবাহ প্রচারের সহিত লোকের মন, অলক্ষিতরূপে সাহিত্য চর্চার দিকে ধাবিত হইয়াছিল, এবং ক্রমে ক্রমে লোকে বিদ্যাসাগরী ভাষার অহুকরণে পুস্তকাদি রচনা করিতে লাগিল; আরও, এই সামাজিক বিপ্লবের সহিতই তাঁহার খ্যাতি চতুর্দিকে বিকিরিত হইয়া পড়াতে সঙ্গ সঙ্গ লোকের নিকট তাঁহার অশ্রান্ত পুস্তকাদির আদরও সমধিক বদ্ধিত হইতে লাগিল।

১৮৫৫ সালের এপ্রিল ও জুনমাসে “বর্ণ পরিচয়” প্রথম ও দ্বিতীয়ভাগ প্রচারিত হয়। এই বর্ণপরিচয়ই বিদ্যাসাগর মহাশয়ের উদ্ভাবনী কৌশলের উত্তম পরিচায়ক। বর্ণপরিচয়ের দ্বারা অলক্ষিতরূপে বঙ্গসাহিত্যের এতদূর উন্নতি হইয়াছে যে, তাহা কল্পনা করা যায় না। বিবেচনা করিলে দেখা যায় যে বিদ্যাসাগরের পূর্বে, এমন কি বিধবাবিবাহ প্রকাশিত হইবার পূর্বে সাধারণ লোকের বঙ্গভাষার উন্নতি চেষ্টা ছিল না। পূর্বেই উক্ত হইয়াছে যে, সংস্কৃত-বাঙ্গালার বৈকট্য নিবন্ধন লোকের বাঙ্গালা সাহিত্যের প্রতি অত্যন্ত বিতৃষ্ণা ছিল এবং যদিও বিদ্যাসাগর মহাশয় ইতিপূর্বে কয়েকখানি পুস্তক প্রকাশিত করিয়াছিলেন এবং যদিও সেই সময় অপর কয়েক জন বঙ্গ লেখক অশ্রান্ত পুস্তক প্রণয়ন করিয়াছিলেন কিন্তু বঙ্গসাহিত্য সম্বন্ধে সাধারণ লোকের অজ্ঞতা-প্রযুক্ত তাহার তেমন চর্চা

হয় নাই। কারণ, ইতিপূর্বে শিশুদিগের শিক্ষার উপযোগী কোন পুস্তকই ছিল না। বিদ্যাসাগর মহাশয় বর্ণপরিচয় প্রকাশ করতে লোকের সে অভাবের মোচন হইল। ব্রাহ্মণবালক হইতে কৃষকবালক পর্যন্ত সকলেরই নিকট বর্ণপরিচয় আদৃত হইল। বস্তুতঃ, কোন একটি নূতন ভাষা শিক্ষা করিতে হইলে সেই ভাষার কতকগুলি সহজ প্রাথমিক (Elementary) পুস্তক না থাকিলে তাহা আয়ত্তগত করা অতি দুর্লভ হইয়া পড়ে। এখন যদি বাঙ্গালায় এই প্রকার কোন পুস্তক প্রণীত না হইত তাহা হইলে বঙ্গভাষা ও সাহিত্যের অবস্থা এবং ইহার আদর কতদূর হইত তাহা সহজেই অল্পমান করা যায়।

১৮৫৬ খৃষ্টাব্দে বিদ্যাসাগর মহাশয় “সংস্কৃতভাষা ও সংস্কৃত সাহিত্য বিষয়ক প্রস্তাব” সম্বন্ধে একটি স্থললিত প্রবন্ধ বেথুন সোসাইটির অধিবেশনে পাঠ করেন। তৎকালে বঙ্গের অনেক খ্যাতনামা কবি ও সাহিত্যসেবক তথায় উপস্থিত ছিলেন; তাঁহার সেই তেজস্বিতা-পরিপূর্ণ গভীরভাবময় প্রবন্ধপাঠ শ্রবণ করিয়া সকলেই চমৎকৃত হইয়াছিলেন। তাঁহার এই প্রবন্ধপাঠ করিবার এক বিশেষ উদ্দেশ্য ছিল। বাঙ্গালাভাষা সংস্কৃতভাষার অপভ্রংশ; সুতরাং লোকে সংস্কৃতভাষা সম্বন্ধে যদি কিছু জানিতে ইচ্ছা করে এবং সংস্কৃত পুস্তকাদি বাঙ্গালা ভাষায় অনুবাদ করিতে বা কোন প্রকারে তাহা বঙ্গভাষায় প্রকাশ করিতে চেষ্টা পায়, তাহা হইলে তদ্বারা বাঙ্গালাভাষা ও সাহিত্যের উন্নতির আশা অনেক। তাঁহার এই উদ্দেশ্য অনেকটা সফল হইয়াছিল।

সেই খৃষ্টাব্দেই “কথামালা” ও “চরিতাবলী” প্রকাশিত হয়। এ দুইখানি বালকদিগের পাঠ্যগ্রন্থ এবং ইংরাজি পুস্তকের অনুবাদ। কথামালার বালকদিগের শিক্ষোপযোগী অনেক গুলি নৈতিক গল্প আছে এবং চরিতাবলী একখানি আদর্শ গ্রন্থ; বিখ্যাত ব্যক্তিগণের জীবনচরিত লইয়া আলোচিত হইয়াছে। এই দুইখানি পুস্তকের ভাষা সরল ও স্মৃতিশীল।

১৮৬১ খৃষ্টাব্দে বিদ্যাসাগরের গৌরবনিশান “সীতার বনবাস” উজ্জীর্ণমান হইল। এই পুস্তকখানি ভবভূতির উত্তরচরিত অবলম্বনে লিখিত। সীতার বনবাসের ভাষা এমনি স্থললিত, এমনি মধুরীময়, যে, যে কেহ ইহা পাঠ করিয়াছে সেই মুগ্ধ হইয়াছে। স্থানে স্থানে ইহা এমনি শোকরসেপূর্ণ, যে, পড়িতে পড়িতে অশ্রুসম্বরণ করা যায় না। সাক্ষী সীতাদেবী সমগ্র ভারতবাসীর চক্ষে একটি আদর্শ রমণী, তাঁহার পতিভক্তি, গুরুভক্তি ও কষ্টসহিষ্ণুতা জগতে অতুল্য। বিদ্যাসাগর মহাশয় সেই প্রাতঃস্মরণীয়, কীর্তিমণী, ও কষ্টসহিষ্ণুতা জগতে অতুল্য। বিদ্যাসাগর মহাশয় সেই প্রাতঃস্মরণীয়, কীর্তিমণী, ও কষ্টসহিষ্ণুতা জগতে অতুল্য। বিদ্যাসাগর মহাশয় সেই প্রাতঃস্মরণীয়, কীর্তিমণী, ও কষ্টসহিষ্ণুতা জগতে অতুল্য।

১৮৬৪ খৃষ্টাব্দে “আখ্যানমঞ্জরী” ১ম ভাগ ও ১৮৬৮ খৃষ্টাব্দে ২য় ও ৩য় ভাগ প্রকাশিত হয়। ইহাদিগের ভাষা সুন্দর ও হৃদয়গ্রাহী। ইহা বালকদিগের পাঠ্য পুস্তকরূপে বিদ্যালয়সমূহে ব্যবহৃত হইয়া থাকে।

তৎপরে ১৮৭০ খৃষ্টাব্দে তিনি সেক্সপীরের Comedy of Errors অবলম্বনে “ভ্রান্তিবিলাস”

প্রণয়ন করেন। সেক্সপীরের কমেডি অফ এরর্স অতি কৌতুহলাবহ নাটক। ভ্রান্তিবিলাসেও সেই কৌতুহলতা ও হাস্যরসের অবতারগার ক্রটি হয় নাই। ভ্রান্তিবিলাসের ঘটনাবৈচিত্র্য সেক্সপীরের বটে কিন্তু সরলগদ্যে তাহার বর্ণনাকৌশল বিদ্যাসাগরের। ভ্রান্তিবিলাসের ভাষা সরস এবং শ্রীতিপদ। এখানিও বঙ্গসাহিত্যে একখানি সুন্দর গ্রন্থ।

১৮৭১ খৃষ্টাব্দে “বহুবিবাহ উচিত কি না” নামক একখানি পুস্তক রচিত হয়। বিধবা-বিবাহ প্রচার হওয়াতে সমাজে যেমন হুলস্থূল পড়িয়া গিয়াছিল, “বহুবিবাহে” ততদূর না হইলেও সমাজ যে তদ্বারা কতকটা সঞ্চালিত হইয়াছিল তাহা বলা যাইতে পারে। কৌলীভ্র প্রথা (বহুবিবাহ) বঙ্গাল সেন প্রবর্তিত করিয়া গিয়াছেন বলিয়া উক্ত হইয়া থাকে। এই বহুবিবাহ প্রথাপ্রবর্তনে তাঁহার যে সহৃদয় ছিল তাহা নিঃসন্দেহ, কিন্তু দুর্ভাগ্য ক্রমে কালক্রমে তাহার ফল হইল বিপরীত ও ভয়ানক। বিদ্যাসাগর মহাশয় চিরকাল সহায়হীনা নারীজাতির সহায় স্বরূপ ছিলেন, তাহার পরিচয় আমরা “বিধবাবিবাহে” পাইয়াছি এবং বহুবিবাহ রহিত করিবার চেষ্টাও এ সম্বন্ধে দ্বিতীয় উদাহরণ। তিনি তাঁহার পুস্তকদ্বারা বুঝাইবার চেষ্টা পাইলেন, যে, বর্তমানকালে আমাদের সমাজে বহুবিবাহ করা কখনই কর্তব্য নহে। তিনি এ সম্বন্ধে যে সমস্ত ছারামুগত যুক্তি দেখাইয়াছেন, তাহা এ স্থলে বিশদরূপে প্রকাশ করিতে চেষ্টা পাওয়া নিম্নয়োজন, কেবল ইহা বলিলেই যথেষ্ট হইবে, যে, তাঁহার “বহুবিবাহ” এই কুপ্রথা রহিত করিতে অনেক পরিমাণে সমর্থ হইয়াছিল; এবং বঙ্গসাহিত্যের উন্নতি পক্ষেও ইহা সাহায্য করিয়াছিল। এই পুস্তকখানিতে তাঁহার সাহিত্য লেখা প্রায় শেষ হয়।

উপরি উক্ত এই কয়েকখানি পুস্তক ভিন্ন তাঁহার রচিত আরও যে কত অপ্রকাশিত পুস্তক আছে, তাহার নির্ণয় নাই। “বেতালপঞ্চবিংশতি” হইতে “বহুবিবাহ” পর্যন্ত এই প্রায় ত্রিশখানি সুন্দর গ্রন্থের দ্বারা বিদ্যাসাগরের নাম সাহিত্যজগতে চিরস্মরণীয় থাকিবে। বিদ্যাসাগর মহাশয় যদি অশ্রান্ত সংকারণের দ্বারা নিজেকে যশস্বী নাও করিতেন, তথাপি কেবল মাত্র বঙ্গসাহিত্যের উন্নতির দ্বারা তাঁহার নাম বঙ্গবাসীর হৃদয়ে অঙ্কিত থাকিত। তিনি মৌলিক-ভাব পরিপূর্ণ পুস্তক অধিক প্রণয়ন করেন নাই বটে, কিন্তু কেবল মাত্র অনুবাদ ও ভাব সংগ্রহের দ্বারা তিনি বঙ্গভাষাকে এমন পরিমার্জিত করিয়া গিয়াছেন; যে, তাঁহার পূর্বে কেহ সেরূপ পারেন নাই, ভবিষ্যতে কেহ পারিবেন কি না সে বিষয়েও ঘোর সন্দেহ আছে।

কোন একজন স্কচ দার্শনিক বলেন, যে, কোন ব্যক্তি যদিও কোন মৌলিক-ভাববিশিষ্ট পুস্তক না লেখেন, কিন্তু সামাজিক কুরীতি ও ভ্রমাদি দূরীকরণ মানসে পুস্তকাদি প্রণয়ন করিয়া সামাজিক লোকদিগের প্রমাদাদি দেখাইয়া দিতে চেষ্টা করেন, তাঁহাকে প্রকৃত সাহিত্য-সেবক ও স্বদেশহিতৈষী বলা যাইতে পারে। বিদ্যাসাগর মহাশয় যদিও বেশী মৌলিক গ্রন্থ রচনা করেন নাই বটে, কিন্তু প্রকৃত সাহিত্যের উন্নতির জন্ত তিনি কেবল স্বদেশীয় সংস্কৃতভাষা হইতে নহে পরন্তু বিদেশীয় ইংরাজিসাহিত্য হইতেও ভাবসমূহ সংগ্রহ করিয়া বঙ্গভাষাকে

সজ্জিত করিয়াছিলেন এবং স্বদেশীয় সামাজিক কুরীতির বিনাশ মানসে বিধবা-বিবাহ ও বহুবিবাহ সম্বন্ধে পুস্তক প্রণয়ন করিয়া সমাজের বহু উপকার করিয়া গিয়াছেন।

আরও তিনি যে সময় সাহিত্যজগতে প্রবেশ করেন, সে সময় বঙ্গসাহিত্যের পরিবর্তনের সময়। তখন বিদ্যাপতি চৈতন্য ও কবিকঙ্কনের কাল হইতে, ইংরাজিসাহিত্য-সংশ্রবে, বঙ্গ-সাহিত্য সম্পূর্ণ এক বিভিন্ন দিকে ধাবিত হইতেছিল। সাধারণ লোকে—এমন কি বিদ্বান লোকেও ইংরাজি শিক্ষার দিকে এতদূর আকৃষ্ট ও সংস্কৃতসাহিত্যের প্রতি তন্নিবন্ধন এতদূর বীতশ্রদ্ধ হইয়াছিল, যে, তৎকালে তাহাদিগকে পুরাতন সংস্কৃতভাষা বা মৌলিক বঙ্গভাষা শিক্ষা দেওয়া সম্পূর্ণ অসম্ভব হইয়া দাঁড়াইয়াছিল। এই পরিবর্তনের সময়, সমগ্র বঙ্গ-সাহিত্যের এই প্রকার পতনাবস্থাকালে বিদ্যাসাগর যে অদ্ভূত অপূর্ণ কৌশল অবলম্বনে তাহাকে বিপদ হইতে রক্ষা করিয়াছিলেন, তাহাতে তাঁহার প্রভূত বুদ্ধিমত্তা ও উদ্ভাবনী-কৌশলের পরিচয় পাওয়া যায়। তিনি অতি বিচক্ষণতার সহিত এক মধ্য পথ অবলম্বন করিলেন। সংস্কৃত হইতে ভাবমালা লইয়া তিনি শকুন্তলা, সীতারবনবাস ইত্যাদি প্রণয়ন করিলেন; হিন্দি হইতে বেতালপঞ্চবিংশতি ও ইংরাজি হইতে বঙ্গের ইতিহাস, বোধেশ্বর, ভ্রান্তিবিলাস, কথামালা ইত্যাদি রচিত হইল। তাঁহার ভাষা সংস্কৃতভাষা বা সংস্কৃতবাদালা বা গ্রাম্যবাঙ্গালা বা ইংরাজিবাঙ্গালা হইল না; তিনি এক নূতন উপাদানে নূতন নিয়মে সকলের আয়ত্তগম্য ও সরল এক নূতন ভাষা সৃষ্টি করিলেন। হইতে পারে, স্বর্গীয় রাজা রামমোহন রায় বঙ্গগণের সৃষ্টিকর্তা, কিন্তু বর্তমান কালের “বিদ্যাসাগরী ভাষার” সৃষ্টিকর্তা; স্বয়ং বিদ্যাসাগর মহাশয়। বিদ্যাসাগরের রচিত ভাষার একদিকে যেমন উত্থান অপর দিকে তেমনি পতন ছিল, একদিকে যেমন বীর ও করুণরসাত্মক অপর দিকে তদ্রূপ হাস্য ও বীভৎস-রসাত্মক ছিল। সেই জন্ত তাঁহাকে সমগ্র বঙ্গসাহিত্যের “ঐক পিতৃ সদৃশ না বলিলেও তাঁহাকে ইহার পরিপোষণ-কর্ত্রী মাতা বলা যাইতে পারে।” * তাঁহারই যত্নে বাঙ্গালা গণসাহিত্যের বর্তমান স্তম্ভসজ্জিত ও নিশ্চল অবস্থা।

বিদ্যাসাগর মহাশয় কেবল মাত্র ভাষাকে সজ্জিত করিয়াই ক্ষান্ত হইয়া নাই, লোকে যাহাতে ভাষা ও সাহিত্য শিক্ষা করিয়া বঙ্গসাহিত্যকে আরও উন্নত করিতে পারে, সে বিষয়ে বিশেষ সচেতন ছিলেন। প্রথমতঃ তিনি দেখিলেন, সাধারণ লোকে সহজে স্বদেশীয় অমূল্য শাস্ত্রগ্রন্থাদি পাঠ করিতে পারে না; কারণ তাহা সংস্কৃতভাষায় লিখিত হওয়াতে, তাহাদের সহজলভ্য নহে। এই জন্ত বালক বালিকাগণ যাহাতে সংস্কৃতভাষা শিক্ষা করিয়া বঙ্গসাহিত্যের আরও উন্নতি করিতে পারে, তজ্জন্ত চারিভাগ “ব্যাকরণকৌমুদী” প্রকাশিত করেন। ইহার পূর্বে সংস্কৃতভাষা শিক্ষা করিবার জন্ত স্কুলমারমতি বালক-দিগকে ছুরহ মুদ্রাবোধ ব্যাকরণ পাঠ করিতে হইত; কিন্তু তাহা সকল ছাত্রের আয়ত্তগত

* রজনীকান্ত গুপ্তের “বিদ্যাসাগরের জীবন চরিত”

করিতে পারিত না। ব্যাকরণ কৌমুদী প্রচারিত হইবামাত্র সাধারণ লোকের সংস্কৃত শিখিবার ইচ্ছা প্রবল হইয়া উঠিল। দ্বিতীয়তঃ বালকগণ যাহাতে ইংরাজি শিক্ষা করিয়া ইংরাজিসাহিত্যভাণ্ডার হইতে অমূল্য রত্নাদি আহরণ করিয়া বঙ্গসাহিত্যাগারে সজ্জিত করিয়া রাখিবার চেষ্টা করে, তাহার সুবিধার জন্ত বিদ্যালয় সমূহ স্থাপন করিলেন। তাঁহার মুখ্য উদ্দেশ্য ছিল বঙ্গসাহিত্যকে কোন একটি সূদৃঢ় ভিত্তির উপর স্থাপন করা, কিন্তু তৎকালে বঙ্গসাহিত্যের শৈশবতাপ্রযুক্ত ইহার ভবিষ্যদবস্থা অত্যন্ত সন্দেহসঙ্কুল ছিল; সুতরাং তিনি প্রগাঢ় চিন্তার পর বঙ্গসাহিত্যকে সংস্কৃত ও ইংরাজিসাহিত্যের উপর দণ্ডায়মান করাইলেন। তাহার সফল আজ বঙ্গের এক প্রান্ত হইতে অপর প্রান্ত পর্য্যন্ত পরিব্যাপ্ত। বঙ্গীয়যুবকগণ ইংরাজি শিক্ষা প্রাপ্ত হইয়া ইংরাজিসাহিত্য সম্বন্ধে জ্ঞানলাভ করিয়া, সেক্সপীয়র, মিল্টন, সেলি, প্রভৃতি কবিগণের গ্রন্থাদি হইতে, স্কট কলিন্স প্রভৃতি ঐগিন্দ্র উপন্যাসকারদিগের পুস্তকাবলী হইতে ভাবমালা সংগ্রহ করিয়া বিসুদ্ধ বঙ্গভাষায় পুস্তকাদি প্রণয়ন করিতেছেন এবং অপরদিকে ভারবি কালীদাস ইত্যাদি স্বদেশীয় মহা-কবিশ্রমের সঙ্গ্রহাবলী হইলে স্নগন্ধ পুস্তাদি চয়ন করিয়া বঙ্গসাহিত্যবালাকে ফুলাভরণে সজ্জিত করিতেছেন। আরও তাঁহার জীবনচরিত পাঠে অবগত হওয়া যায়, যে, তিনি প্রথমে ইংরাজি জানিতেন না, তৎপরে বঙ্গসাহিত্যের উন্নতিকল্পেই ইংরাজিসাহিত্যে অভিজ্ঞ হওয়া অত্যাশঙ্ক্য বিবেচনা করিয়া বহুপরিশ্রমের সহিত ইংরাজিসাহিত্যে পারদর্শী হইলেন। স্বার্থশূন্য হইয়া স্বদেশীয় ভাষার উন্নতির জন্ত পরিশ্রম করিয়া বিদেশীয়ভাষা শিক্ষা করিতে কয়জন লোককে দেখা যায়? কোন প্রকার ঈর্ষাপরতন্ত্র না হইয়া বা তাঁহার মহৎ চরিত্রের বিরুদ্ধে দোষারোপ করিতে চেষ্টা না করিয়া সম্পূর্ণ নিরপেক্ষভাবে আমরা একবার স্বর্গীয় রাজেন্দ্রলাল মিত্রের জীবনচরিত পর্যালোচনা করিব। স্বীকার করি, তিনি বঙ্গসাহিত্যের উন্নতি চেষ্টায় অনেক পরিশ্রম করিয়াছিলেন, কিন্তু তাঁহার জীবনচরিত পাঠে অবগত হওয়া যায়, যে, তিনি প্রায় দ্বাবিংশতি বিভিন্ন ভাষায় পারদর্শী ছিলেন। তিনি এতগুলি ভাষাভিজ্ঞ হইয়াও মাতৃভাষা ও সাহিত্যের উন্নতির জন্ত যাহা করিতে পারেন নাই, বিদ্যাসাগর মহাশয় কেবলমাত্র দুইটি ভাষাতে অভিজ্ঞ হইয়া তাঁহার অপেক্ষা যে অনেক গুণ অধিক উপকার করিয়া গিয়াছেন; তাহা একবাক্যে সকলে স্বীকার করিবেন। আরও ইহা সর্বজনবিদিত যে বিভিন্ন জাতির মধ্যে পরস্পরের সাহিত্যদ্বারা আদানপ্রদান, পরস্পরের নৌহাদ্যপরিপূষ্টি এবং স্ব স্ব সাহিত্যের উন্নতিরও এক প্রধান উপায়। বিদ্যাসাগর মহাশয় সর্বপ্রথম এই উপায়টি নির্ধারণ করিতে সমর্থ হইয়াছিলেন এবং তাঁহার উদ্দেশ্যের সহায়তা স্বরূপ এই উপায় অবলম্বনে বঙ্গসাহিত্যের বিশেষ উন্নতি করিয়া গিয়াছেন।

কেবল তাহাই নহে, কি প্রকারে বাঙ্গলাপত্রিকাদি পরিচালনা করিতে হয়, তাহা তিনি তাঁহার বহুকাল তত্ত্বাবোধিনী পত্রিকার সম্পাদকতা ও সোম প্রকাশের তত্ত্বাবধানকালে দেখাইয়াছেন।

এখন পর্যন্ত বঙ্কিম ও মাইকেলের কাল সম্বন্ধে কিছু বলা হয় নাই। কিন্তু ইহাদিগের পূর্বে বাঙ্গালার নীতিগুরু স্বর্গীয় অক্ষয়কুমার দত্ত এবং ইংরাজি অঙ্কুরণে প্রথম উপস্থান লেখক প্যারীচাঁদ মিত্রের সম্বন্ধে কিঞ্চিৎ বলিলে বোধ করি প্রসঙ্গভঙ্গ হইবে না।

অক্ষয়কুমার বিদ্যাসাগরের সমসাময়িক। উভয়েই এক সালে জন্মগ্রহণ করেন। অক্ষয়কুমার ব্রাহ্মসমাজে সন্মিলিত হইয়া তত্ত্ববোধিনী পত্রিকার অনেককাল সম্পাদকতা করিয়াছিলেন এবং তাঁহার যত্নে কেবল তত্ত্ববোধিনী পত্রিকা নহে বঙ্গ সাহিত্যেরও অনেক উন্নতি হইয়াছে। কিন্তু তাহার মূল কারণ স্বয়ং বিদ্যাসাগর মহাশয়। অক্ষয়কুমারের ভাষা পরে দোষশূন্য ও বিশুদ্ধ হইলেও সর্বপ্রথম তজ্জপ ছিল না; প্রথম প্রথম, বিদ্যাসাগর মহাশয় তাঁহার লেখা সংশোধন করিয়া দিতেন এবং অক্ষয়কুমার বিদ্যাসাগরের নিকট হইতেই বিশুদ্ধ বাঙ্গালা লিখিতে শিক্ষা করেন। বঙ্গ সাহিত্য সমাজে প্যারীচাঁদ মিত্রের আসনও কম উচ্চ নহে। কথিত ভাষায় উপস্থাসাদি রচনা করিয়া ইনিই সর্ব প্রথমে জন সাধারণে এরূপ সাহিত্যের গৌরব স্থচনা করেন।

এখন, স্বর্গীয় কবি মাইকেল মধুসূদন দত্ত বিদ্যাসাগরের নিকট কতদূর ঋণীতাহা দেখাইব। কবি মাইকেল বাঙ্গালার মিলটন। তাঁহার মেঘনাদ বধ কাব্যের শ্রায় এপর্যন্ত কোন কাব্যই সৃষ্ট হয় নাই। তিনি অমিত্রাক্ষর ছন্দের জন্মদাতা এবং বাঙ্গালার কাব্য জগতে তাঁহার খ্যাতি অতুল্য। কিন্তু এমন অনেক সময়ে হইয়াছে যে, বিদ্যাসাগর যদি মাইকেলকে আর্থিক সাহায্য না করিতেন, তাহা হইলে তাঁহার কবি স্বস্তির সমধিক বিকাশ হইত কিনা সন্দেহ; স্তরং, বঙ্গসাহিত্যে আজকাল যে অমিত্রাক্ষর ছন্দের এত আদর তাহা প্রকাশিত হইত না। এক সময়ে বিদ্যাসাগর পুত্রোপম মাইকেলকে ৪০০০ টাকা দান করিয়া যৌর বিপদ হইতে রক্ষা করেন।

তৎপরে, বঙ্গের স্বপুত্র বাঙ্গালার স্কট, প্রসিদ্ধ উপস্থাসকার বঙ্কিম চন্দ্র চট্টোপাধ্যায় মহাশয়ের লিপিতাত্ত্ব্যের বিষয় বলাই বাহুল্য মাত্র। তিনি জ্যোতিষ্ময় স্বর্ষ্যের শ্রায় বঙ্গবাসী মাত্রেই স্পর্শিত। আজকাল বঙ্গভাষায় যে এত উপস্থাস দেখা যাইতেছে, তাহার মূলভূত কারণ বঙ্কিমচন্দ্র। তাঁহারই রচনাপদ্ধতি অনুসরণে আজকাল এত অধিক পুস্তক রচিত হইতেছে এবং বঙ্গভাষার উন্নতির জন্ত তিনি কতদূর চেষ্টা করিয়াছেন এবং তাহাতে কতদূর সফলকাম হইয়াছেন, তাহা তাঁহার এক একখানি উপাদের উপস্থাসই বর্ণনা করিয়া থাকে। যদিও বঙ্কিমবাবুর পুস্তকের ভাষা বিদ্যাসাগর মহাশয়ের ভাষা নহে, কিন্তু বিদ্যাসাগর মহাশয় নিম্নিত ভিত্তির উপর তাহার গাঁথনি সহজ সাধা হইয়াছিল তাহাতে সন্দেহ নাই। বিদ্যাসাগরের মার্জিত এবং প্যারীচাঁদ মিত্রের প্রাম্য এতদুভয়ের সংমিশ্রণে একটি নূতন ভাষায় তাঁহার পুস্তকাদি রচিত। *

* রাজনারায়ণ বসুর বাঙ্গালা ভাষা ও সাহিত্য।

বর্তমানকালের বঙ্গসাহিত্যকে একটি শতক্ষেত্রের সহিত তুলনা করা যাইতে পারে। রামমোহন রায়ের পূর্বে ইহা সংস্কৃত-বাঙ্গালারূপ লতা গুল্মাদি দ্বারা পরিপূর্ণ প্রান্তরের স্তায় ছিল। রামমোহন সেই কণ্টকপরিপূর্ণ প্রান্তর হইতে লতা গুল্মাদি উৎপাটন করিয়া, পরিষ্কার করিয়া চলিয়া গেলেন অর্থাৎ তাঁহার দ্বারাই বঙ্গগদ্য সাহিত্যের ভিত্তি স্থাপিত হইল। তৎপরে বিদ্যাসাগর মহাশয় সেই অঙ্কুরভূমিকে পরিশ্রমের সহিত কর্ণ করিলেন, বিদেশজাত ফলফুলের বীজাদি সংগ্রহ করিয়া স্নন্দররূপে বপন করিলেন, ভূমিতে ইংরাজি ও সংস্কৃত সাহিত্যরূপ সার দিতে ভুলিলেন না এবং সেই বঙ্গসাহিত্য বীজগুলি বাহাতে স্ফুটাদির দ্বারা না নষ্ট হইয়া যায়, তাহার উপায় নিরূপণ করিয়া দিলেন। তাঁহার পর অক্ষয়কুমার নীতিরূপ জল লইয়া, সেই স্কুমার বঙ্গসাহিত্য চারা বৃক্ষগুলির মূলদেশে সেচন করিতে লাগিলেন, এবং কয়েক বৎসর পরে সেই ক্ষুদ্র ক্ষুদ্র সাহিত্য বৃক্ষগুলি বড় হইয়া ফলভারাবনত হইয়া পড়িল; সেই বৃক্ষগুলিতে ছই প্রকার স্নমিষ্ট ফল ফলিল। এক প্রকার ফল লইয়া মাইকেল হেমচন্দ্র প্রভৃতি মহোদয়গণ সাধারণ লোকদিগকে কবিত্বের আশ্বাদ দিলেন, অপরদিকে প্যারীচাঁদ মিত্র বঙ্কিমচন্দ্র প্রভৃতি মহাশয়গণ অল্প প্রকার ফল লইয়া লোকদিগকে উপস্থাসের আশ্বাদ দিলেন। লোকে এই দুই প্রকার ফল খাইয়া, পরি-তুষ্ট হইয়া, ইহাদিগের বৃক্ষের বপনকর্তাকে ধন্যবাদ দিতে লাগিল, এবং বাহাতে সাহিত্য বৃক্ষে তজ্জপ আরও উপস্থাস ও কবিতাফল জন্মায় সেইরূপ পরিশ্রম করিতে লাগিল।

উপরোক্ত উপমা দ্বারা ইহা বুঝা যাইতেছে, যে, বিদ্যাসাগর মহাশয় বঙ্গসাহিত্যকে বহু পরিশ্রমের সহিত সূক্ষ্ম ভিত্তির উপর স্থাপন করিলে পর, আধুনিক বঙ্গলেখকগণ তাহার উন্নতি চেষ্টায় নিযুক্ত হন। ইহা অবশ্য স্বীকার্য, যে, মাইকেল, বঙ্কিম, ও হেমচন্দ্র প্রভৃতি বঙ্গসাহিত্য সেবকগণ বঙ্গসাহিত্যের শোভা বিস্তার করাইয়াছেন, কিন্তু বিদ্যাসাগর মহাশয় বঙ্গসাহিত্যের প্রকৃত উদ্ধার সাধন না করিলে, তাহাকে নূতন করিয়া তাঁহাদের সম্মুখে না ধরিলে, বঙ্গসাহিত্যের বর্তমান উন্নতি হইত কি না সন্দেহ; এ সম্বন্ধে আশ্রয় একটি প্রশ্ন এই যে, বিদ্যাসাগর মহাশয়ের বাঙ্গালা সাহিত্য গঠনের পর হইতেই এত কৃতবিদ্য বঙ্গলেখক দৃষ্ট হইতেছে; উচ্চ ইংরাজি শিক্ষা প্রাপ্ত উপাধিদারী বঙ্গবাসীগণ এবং সংস্কৃত-ভাষাভিজ্ঞ পণ্ডিতগণ, বিদ্যাসাগরের প্রদর্শিত পথ অবলম্বন করিতেছেন; অর্থাৎ প্রথমোক্ত মস্ত্রদায় ইংরাজি সাহিত্য পুস্তকসমূহ হইতে বিশুদ্ধ বঙ্গভাষায় গ্রন্থাদি অনুবাদ করিতেছেন; এবং শেষোক্ত দল স্বদেশীয় মনীষাসম্পন্ন প্রাচীন পণ্ডিতদিগের গ্রন্থাদি হইতে লুপ্তপ্রায় রত্নাদি উদ্ধার করিয়া বঙ্গসাহিত্যাগারে সঞ্চিত করিয়া রাখিতেছেন। আর একটি কথা এই, যে, বর্তমান কালে যে কোন ব্যক্তি জীবনচরিত, ইতিহাস, বৈজ্ঞানিক পুস্তকাদি বা নীতিগ্রন্থাদি বা অল্প কোন প্রকার ভাব পরিপূর্ণ পুস্তক প্রণয়ন করুন না কেন, তাঁহাকে বিদ্যাসাগরী ভাষায় অনুকরণ করিতে হইবেই। অবশ্য প্রহসনাদি লিপিতে হইলে টেকটাইভাষায় সাহায্য লইতে হইবে।

সেই জন্ম ইহা দৃঢ়তা সহকারে বলা যাইতে পারে, যে, বর্তমান পরিবর্তন কালে, বঙ্গ-ভাষা ও সাহিত্যের যে এত উন্নতি তাহার আদিকারণ বিদ্যাসাগর মহাশয়। আজকাল যে এমন স্রষ্টা বা স্রষ্টা বাঙ্গালাভাষা ব্যবহৃত হইতেছে, বিদ্যাসাগর মহাশয়ের বেতালপঞ্চ-বিংশতিই তাহার মূল। তাঁহার এক এক খানি অনুবাদ গ্রন্থ এক এক খানি মূল গ্রন্থাপেক্ষাও মূল্যবান। সংস্কৃত ও ইংরাজিভাষা হইতে কি প্রকার সরল বঙ্গানুবাদ করিতে হয়, বিদ্যাসাগর মহাশয়ই তাহার পথ প্রদর্শক; তিনি মাসিক পত্রিকাটির লিখন প্রণালীর পথ প্রদর্শন করিয়া বর্তমান সাহিত্য চর্চা প্রবল করাইয়া গিয়াছেন ও ব্যাকরণাদি প্রণয়ন করিয়া সংস্কৃত শিক্ষার উপায় দেখাইয়া দিয়া বঙ্গসাহিত্যের উন্নতি-পথ প্রশস্ত করিয়া দিয়াছেন। তাঁহাই অধ্যবসায় ও পরিশ্রমের দ্বারা বঙ্গগদ্য-সাহিত্যের উন্নতি ও পরিপুষ্ট সাধিত হইয়াছিল। সেই জন্ম ইহা মুক্তকণ্ঠে বলা যাইতে পারে, যে, যতকাল বাঙ্গালাভাষা আদৃত হইবে, যতকাল লোকে বঙ্গগদ্যের প্রশংসা করিবে, ততকাল বিদ্যাসাগর মহাশয়ের নাম সমগ্র সাহিত্য জগতে সর্বোচ্চ স্থান অধিকার করিবে।

আজ পূজাপাদ বিদ্যাসাগর মহাশয় বঙ্গদেশ কাঁদাইয়া, বঙ্গভাষা ও সাহিত্যকে অনাথা করিয়া, জগৎকে শোকসাগরে ডুবাইয়া অনন্ত কাল-সাগরে নিমজ্জিত হইয়াছেন বটে, কিন্তু বর্ণপরিচয় হইতে নীতার বনবান পর্যন্ত সমস্ত গ্রন্থগুলিতে তাঁহার নাম চিরদিন স্বর্ণাক্ষরে খোদিত থাকিবে; যতকাল লোকে বাঙ্গালা কথা কহিবে বা বঙ্গভাষার পুস্তকাদি প্রণয়ন করিবে, ততকাল লোকে তাঁহার পরলোকগত আত্মার স্মৃতিস্মরণের নিমিত্ত কার্যনো-বাক্যে জগৎপাতা ঈশ্বরের নিকট প্রার্থনা করিবে এবং যদি সোভাগ্যক্রমে ভবিষ্যৎ কালে বঙ্গসাহিত্য, সংস্কৃত বা ইংরাজিসাহিত্যের সমকক্ষ হইয়া, তাহাদিগের ত্রায় জগৎ প্রসিদ্ধ খ্যাতি লাভ করিতে সমর্থ হয়, তখনও বঙ্গসাহিত্য বদ্ধাঙ্গলি হইয়া, অবনতমস্তকে ও ভক্তিপূর্ণ হৃদয়ে, স্বর্গীয় বিদ্যাসাগর মহাশয়ের পবিত্র আত্মাকে অভিবাদন করিয়া বলিবে “আমি আপনার নিকট চিরজীবন ঋণী, আপনি আমার বিপদে রক্ষাকর্তা ও পিতৃসদৃশ পালনকর্তা”।

৮ঈশ্বরচন্দ্র এই নম্বর জগৎ পরিত্যাগ করিয়া গেলেও, বঙ্গসাহিত্য-জগতে চিরকাল অবিদ্যমান রহিবেন।

শ্রীযতীন্দ্র নাথ বসু।

হেনরী মারে।

সিপালোগা নদীর তীর রজনীর অন্ধকারে আচ্ছন্ন হইয়াছে; যুদ্ধও শেষ হইয়া গিয়াছে। যুদ্ধ বড় ভীষণ হইয়াছিল। যুদ্ধে পরাজিত হইয়া দক্ষিণ প্রদেশীয় সেনাদলের একতৃতীয়াংশ যুদ্ধক্ষেত্র পরিত্যাগ করিয়া পলায়ন করিতে বাধ্য হইয়াছিল, কিন্তু তাহারা বহুসংখ্যক শত্রু-সৈন্য বিনাশ করিয়াছিল। যে যুদ্ধে আমেরিকাখণ্ডের ভবিষ্যৎ ভাগ্য নির্ধারিত হইয়াছিল এবং যে যুদ্ধ সমস্ত পৃথিবীর মানবগণের ইতিহাসে একটি আবশ্যকীয় ঘটনা, এই যুদ্ধ সেই মহাসমরের একটি সামান্য অঙ্কমাত্র; তাহা হইলেও এই যুদ্ধ অনেক সাহসী সৈনিককে মরণের শাস্তি দান করিয়াছিল এবং অনেক রমণী এবং শিশুকে পতি ও পিতার মৃত্যুশোক দান করিয়াছিল।

আকাশের ইতস্ততঃ মদীর্ঘ মেঘও ভাসমান। কুয়াসা-পূর্ণ আকাশের বুকে তারকা-গুলি তাহাদের ক্ষীণ স্নিগ্ধ জ্যোতি বিস্তার করিতেছিল, কিন্তু আশঙ্কা হইতেছিল, যে শীঘ্রই তারকাদিগের জ্যোতি নির্ধারিত হইবে এবং চতুর্দিক ব্যাপ্ত তুষাররূপ আরও উচ্চ হইয়া উঠিবে। ষেতবর্ণ তটের মধ্য দিয়া নদী একটি ক্রম সর্পের মত বহিয়া যাইতেছিল।

কিছুদূরে প্রজ্জ্বলিত অগ্নির চতুর্দিকে সৈনিকগণ পরিশ্রমের পর নিদ্রামগ্ন। রোলাও পিয়ার্স সেই তুষারমণ্ডিত ভূমির উপর পদচারণ করিয়া পাহারা দিতেছিল; তাহার বোধ হইতেছিল যেন প্রভাত আর আসিবে না! একবৎসর এইরূপ যুদ্ধকার্যে ব্যাপ্ত থাকিয়া যুদ্ধের সমস্ত কার্য তাহার অভ্যস্ত হইয়াছিল এবং সমস্ত দিন যুদ্ধ বা পথ অতিবাহনের পরেও শীতকালের রাতে এইরূপ পাহারা দেওয়া আর তাহার নিকট তেমন কষ্টকর বলিয়া বোধ হইত না। কিন্তু আপাততঃ যুদ্ধে আহত হওয়ার রক্তপাতবশতঃ রাত্রির শীতে সে বড়ই কাতর হইয়া পড়িয়াছিল। সেই নিশীথের গভীর নিশ্চিন্তা এবং অদূরবর্তী স্রোতস্বতীর অবিরাম কলগীতি তাহার হৃদয়ে কেমন এক নির্জীবতা আনয়ন করিতেছিল। কিছুক্ষণ ধরিয়া সে অন্ধজ্ঞান-শূন্য প্রায় হইয়া তুষারের উপর আপনার পদচিহ্নের অহুসরণ করিতে ছিল এবং কিছুক্ষণ পরে চমকিয়া উঠিয়া আবার প্রকৃতিস্থ হইতে চেষ্টা করিতেছিল; কিন্তু আবার পদচারণ করিতে আরম্ভ করিতে করিতেই তাহার নিদ্রাকর্ষণ হইতেছিল। পরিশেষে সে আর না পারিয়া, নিদ্রাকাতর হইয়া সেই শীতল তুষারমণ্ডিত ভূমির উপর শয়ন করিল—শীতে অবসন্ন আড়ষ্ট অঙ্গ আবার বনপূর্কক টানিয়া উঠিয়া দাঁড়াইল এবং আবার অল্প অল্প খোঁড়াইয়া বেড়াইতে আরম্ভ করিল। তাহার শরীর শীতল হইয়া আসিয়াছিল; ছিন্ন পরিচ্ছদের ছিন্নস্থান দিয়া তাহার গায়ে তুষার প্রবেশ করিতেছিল এবং হৃক স্পর্শে তাহা ধীরে ধীরে গলিয়া যাইতেছিল; সেই শীতল সংস্পর্শে তাহাকে জাগ্রত করিয়া রাখিল। রোলাও মনে মনে সেই তুষারকে গালি দিতে দিতে পকেট হইতে

মতপূর্ণ একটি বোতল বাহির করিল। তাহাতে মত বড় অধিক ছিল না, সে তাহার দ্বিগুণ মদ্য পান করিতে পারিত। কিন্তু অনেক অভিজ্ঞতায় সে আত্মস্বথ ত্যাগ শিক্ষা করিয়াছিল এবং কেবল এক ঢোক মাত্র পান করিয়া অবশিষ্টটুকু পরে পান করিবে বলিয়া রাখিয়া দিল। ইহাতে তাহার শীতল গোধিত একটু উত্তপ্ত হইল এবং তুষারও অধিক মাত্রায় গলিয়া তাহার নিদ্রাকর্ষণ নিবারণ করিতে লাগিল।

তাহার বোধ হইল যে আর এক নূতন পথে পদচারণ করিলে পাহারার এই একঘেয়ে ভাব কতকটা দূর হইবার সম্ভাবনা। সে পূর্বে যে পথে ভ্রমণ করিতেছিল, সেই পথের সহিত সমকোণ করিয়া আর এক পথে ভ্রমণ করিতে লাগিল। তুষারের উপর তাহার ছইবারকার পদচিহ্নগুলি যেন একটি বৃহৎ ক্রস প্রস্তুত করিল। তাহার শরীর আবার পূর্বের মত অবসন্ন হইয়া আসিতেছিল, এমন সময় সেই নিস্তরতা-সঙ্গকারী মানবকণ্ঠস্বরের সহসা তাহার অবসন্নতা দূর হইয়া গেল।

“যদি তোমার হৃদয় মানবের হৃদয় হয় তবে আমাকে সাহায্য কর।”

রোলাও দেখিতে পাইল যে সে যেখানে দাঁড়াইয়াছিল, সে স্থান হইতে প্রায় ২০ ফিট দূরে তুষারমণ্ডিত মৃত্তিকার উপর একজন মানব একহস্তের উপর ভর দিয়া অল্প উঁচু হইয়া উঠিয়াছে। সে যেখানে ছিল সেখানকার বস্তু দেখা যায় এরূপ আলোক ছিল। রোলাও আপনার বন্দুক সম্মুখে ধরিয়া সাবধান হইয়া তাহার দিকে অগ্রসর হইতে লাগিল, এবং যেখানে যেখানে উচ্চ মৃত্তিকাস্তূপ বা তুষারমণ্ডিত ঝোপের পশ্চাতে শক্রসৈন্য লুকাইয়া থাকিতে পারে, সেখানে সেখানে সতর্কভাবে দৃষ্টিনিক্ষেপ করিতে লাগিল।

ভূপতিত মানব বলিল, “আমি একাকী আছি।”

বড় দুর্বলতা-ব্যঞ্জক করণ ক্রন্দনের সহিত প্রতি বাক্য উচ্চারিত করিতে লাগিল। তাহার পরিধানে দক্ষিণ প্রদেশীয় সৈনিকের পরিচ্ছদ। রোলাও দেখিতে পাইল, যে তাহার একটি বাহ ও একখানি পদ দেহ হইতে বিচ্ছিন্ন অবস্থায় রহিয়াছে এবং তাহার গাওস্থল হইতে কপাল পর্যন্ত বিস্তৃত একটি তরবারির ক্ষতচিহ্ন।

সে রোলাওর দিকে চাহিয়া হাঁপাইতে হাঁপাইতে বলিল, “আমি মরিতেছি!”

যুবক তাহার দিকে চাহিয়া দেখিল এবং প্রায় অশ্রুসিক্তভাবে ধীরে ধীরে আপনার ঘাড় নাড়িল।

দক্ষিণ প্রদেশীয় সৈনিক বলিল, “তাহা আমি জানি, সেজ্ঞা আমি বিন্দুমাত্রও ছুঁখিত নহি। যখন আমার সামর্থ্য ছিল তখন আমি তোমাদিগের দলের কয়েকজনকে নিহত করিয়াছি এবং শক্তি থাকিলে এখনও তাহা করিতাম। এখন আমার মরিবার পান্না পড়িয়াছে, এবং আমি প্রশান্তভাবে মৃত্যুর জন্ত অপেক্ষা করিতেছি। আমার পত্নী চার্লস টাউনে আছেন। আমি তাঁহাকে একখানি পত্র লিখিতে ইচ্ছা করি। তুমি কি আমার জন্ত সে কার্যটুকু করিবে? বোধ হয় একজন মানবের পক্ষে অপর মানবের নিকট এ যাক্স

খুব বেশী নহে। তাহার নিকট হইতে বিদায় না লইয়া আমি এই তীষণ কান্তারে পড়িতে ইচ্ছা করি না।”

তাহার পার্শ্বে ভূমিতে জাহ্নু পাতিয়া বসিয়া রোলাও বলিল “তুমি শীঘ্র কার্য সমাপন কর; আর অল্পক্ষণ পরেই আমাকে শিবিরে ফিরিয়া যাইতে হইবে”।

তাহার হাত অসাড় হইয়া আসিয়াছিল তথাপি সে পকেট হইতে একখানি পুরাতন পত্র বাহির করিল এবং তাহারই অলিখিত পৃষ্ঠায় আহত ব্যক্তি যাহা বলিতে লাগিল তাহা লিখিয়া লইতে লাগিল।

আহত ব্যক্তি বলিল “প্রিয়তমে রোজ,”

রোলাও সহসা যেন সর্পদংশিতের মত চমকিয়া উঠিল এবং ক্রুদ্ধ দৃষ্টিতে তাহার সঙ্গীর দিকে চাহিয়া রহিল। দক্ষিণ-প্রদেশীয় সৈনিকও আশ্চর্য হইয়া তাহার দিকে চাহিল। ক্রমে তাহার মুখের ভাব পরিবর্তিত হইল।

রোলাও ডাকিল “জীম্ ভিকার্স!”

আহত ব্যক্তি ডাকিল “রোলাও পিয়ার্স!”

এক মুহূর্তের জন্ত তাহার উভয়েই নীরব রহিল।

রোলাও ধীরে ধীরে বলিল “শেষবার যখন আমি তোমার নাম উচ্চারণ করিয়াছিলাম; তখন প্রতিজ্ঞা করিয়াছিলাম যে তোমাকে দেখিতে পাইলেই গুলি করিব”।

ভিকার্স বলিল “আর বোধ হয় তোমার আমাকে গুলি করিবার আবশ্যক হইবে না। আমি দুইবার গুলি খাইয়াছি আরও একবার খাইতে আমার বড় আপত্তি নাই; সে যাহা হউক তুমি পত্রখানা শেষ করিয়া লও। পিয়ার্স! আমি তোমাকে যে সংবাদ লিখিতে বলিতেছি সে সংবাদ না পাইলে সে একেবারে নিঃশব্দ হইয়া পড়িবে, তাহার আর এক পয়সাও থাকিবে না এবং সে ও তাহার শিশু অনাহারে মৃত্যুমুখে পতিত হইবে। আমি জানি আমি নীচ ধূর্ততা অবলম্বন করিয়া তাহাকে পাইয়াছিলাম এবং ইহাও নিশ্চয় যে আমি তাহাকে পাইবার জন্ত নরহত্যা করিতেও প্রস্তুত ছিলাম। কিন্তু ইহা সত্ত্বেও যদি আমি কখনও কোন জীলোকের জন্ত ভাবিয়া থাকি তবে সে রোজের জন্ত, আর সেও আমাকে ভালবাসে। যদি তোমার ইচ্ছা হয় আমাকে গুলি কর; কিন্তু আগে পত্রখানা শেষ করিয়া লও।”

রোলাও আবার দৃষ্টি নত করিয়া সেই কাগজে লিখিতে লাগিল।

ভগ্নস্বরে সে বলিল “বলিয়া যাও”। ভিকার্স বলিতে লাগিল—প্রত্যেক কথা এমন সাগ্রহের সহিত বলিতে লাগিল যে তাহাতেই তাহার ভাবনানায় গভীরতা প্রকাশ পাইতে লাগিল। পত্রে অর্থের কথাই অধিক; ঐ অর্থ সশকীয় সমস্ত দলিলাদি দুই দিবস পূর্বে ফিলিপ্পাইলের অববোধের সময় পুড়িয়া গিয়াছিল। পত্র যখন শেষ হইল তখনই ধীরে শিবির হইতে ভেরীফানি শ্রুত হইল।

রোলাও বলিল “এই তেরীক্ষনি শুনিয়া প্রহরীদিগকে শিবিরে প্রত্যাগমন করিতে হইবে আমাকেও এখনি ফিরিতে হইবে। স্ত্রীধা পাইলেই আমি পত্রখানি পাঠাইয়া দিব”। সে উঠিল; ভিকার্স নীরবে কৃতজ্ঞতা পূর্ণ কাতর দৃষ্টিতে তাহার দিকে চাহিয়া রহিল এবং ধীরে ধীরে বাম হাতখানি উত্তোলন করিল। তাহার দক্ষিণ হস্ত ছিন্ন ভিন্ন হইয়া গিয়াছিল। এক মুহূর্ত ইতস্ততঃ করিয়া রোলাও তাহার সহিত কর মর্দন করিল। এবং “এই লও” বলিয়া সে তাহার পার্শ্বে আপনার মদ্যের বোতলটী রাখিয়া বলিল “সাহসহীন হইয়ো না; হয়ত তোমার অবস্থা তুমি যত মন্দ ভাবিতেছ বাস্তবিক তত মন্দ নহে। যদি তোমাকে সাহায্য করিতে পারি দেখিব”।

হতভাগ্য আহত সৈনিকের নয়ন অশ্রুপূর্ণ হইল। হতভাগা বলিল “আমার বোধ হয় রোজ তোমাকে বিবাহ করিলে ভালই করিত”। রোলাও সম্বর ফিরিয়া দাঁড়াইল।

রোলাও বলিল “আমি যত শীঘ্র পারি ফিরিয়া আসিব”। তাহার পরে সে আর একবারও পশ্চাৎ দিকে দৃষ্টি নিক্ষেপ না করিয়া শিবিরে ফিরিয়া গেল। শিবিরে যে বৃহৎ তাম্বুতে হাসপাতাল প্রস্তুত হইয়াছিল সে সেই তাম্বুতে প্রবেশ করিল। উভয়পার্শ্বে দুইসারি সৈন্য দল পড়িয়া আছে; কেহ বা অবসন্ন হইয়া নিদ্রার কোড়ে শান্তিলাভ করিতেছে; কেহ বা যন্ত্রণায় শয্যায় পার্শ্বপরিবর্তন করিতেছে। একজন লোক চুরুটের পাইপ মুখে দিয়া একটা রোগীর নিকট ঝুঁকিয়া দেখিতেছিলেন। তাঁহার পরিধানে সেনাদলের চিকিৎসকের বেশ। রোলাও তাঁহাকে বলিল “নেড! তোমার কার্য শেষ হইলে আমি তোমাকে কিছু বলিতে চাই”।

চিকিৎসক দৃষ্টি না তুলিয়াই সম্মতি সূচকভাবে ঘাড় নাড়িলেন। কার্য সমাপ্ত হইলে আপনার রক্ত রঞ্জিত অধুলিগুলি মস্তকে কেশের মধ্যে প্রবেশ করাইয়া দিয়া, হাঁটু তুলিয়া রোলাওর দিকে ফিরিয়া বলিলেন :-

“এই শেষ রোগী! সন্ধ্যা হইতে আমি কেবল এই কার্যই করিতেছি। পরিশ্রমে একেবারে কাতর হইয়া পড়িয়াছি; বাহা বলিবার আছে সংক্ষেপে বল। আর এক ঘণ্টা পরেই আবার যাত্রা করিতে হইবে; আমি ইহার মধ্যে একটু ঘুমাইয়া লইব”।

রোলাও বলিল “আমার অশ্রদ্ধা হইতেছে আজ তুমি ঘুমাইতে পাইবে না। জীম ভিকার্সকে তোমার মনে আছে?”

চিকিৎসক বলিলেন “জীম ভিকার্স! হাঁ, বে রোজ বিসপুকে বিবাহ করিয়াছিল!”

রোলাও সম্মতি সূচক ভাবে ঘাড় নাড়িল। তাহার পর বলিল “সে বাহিরে পড়িয়া আছে; তাহার বাহুতে ও পদে গুলি লাগিয়াছে। সে বলিতেছে যে সে এখনই মরিবে! তুমি একবার চল, তাহাকে দেখিয়া আসিতে হইবে”।

আলস্তবিজড়িত ভাবে হাই তুলিয়া চিকিৎসক বলিলেন “বোধ হয় সে বিপক্ষ দলের সেনা! আমি তাহাকে আমাদের সেনাদলে দেখিতে পাই নাই”।

রোলাও বলিল “হাঁ! কিন্তু আমার বোধ হয় তোমার নিকট একজন মহুগ্নের জীবন যেমন মূল্যবান আর এক জনেরও সেইরূপ—আর তুমি রোজকে জান। হয়ত তুমি তাহাকে বাঁচাইতে পারিবে”।

নেড টেবিলের উপরিস্থিত একটা ব্যাগে কতকগুলি অস্ত্র ও অস্ত্রাভ্য আবশ্যকীয় দ্রব্য পুরিয়া লইল। তাহার পর উভয়ে একত্রে যাত্রা করিল। তাহারা আসিয়া দেখিল ভিকার্স নিদ্রিত। শূন্য মদের বোতল তাহার পার্শ্বে তুব্বারের উপর পড়িয়া আছে।

প্রায় ১০০ গজ দূরে একটা ভগ্ন ঘর ছিল। তাহারা আহত ব্যক্তিকে সেই ঘরে লইয়া গেল। সে জাগরিত হইয়া যন্ত্রণায় কাতরভাবে চীৎকার করিতে লাগিল। সেইস্থানে উপস্থিত হইয়া নেড নীরবে ভিকার্সের ক্ষত পরীক্ষা করিতে লাগিল; হস্ত ও পদ একেবারে ছিন্ন ভিন্ন হইয়া গিয়াছিল এবং পাজরার তিনখানি অস্থি অশ্বের পদাঘাতে ভগ্ন হইয়া গিয়াছিল। রোলাও তাহার বন্ধুর মুখের দিকে চাহিয়া রহিল কিন্তু রোগীকে পরীক্ষা করিবার সময় চিকিৎসকের বদনে যে ভাব দৃষ্ট হয় তাহা হইতে কিছুই অনুমান করা যায় না। কার্য শেষ করিয়া চিকিৎসক অস্ত্রাদি ব্যাগে পুরিয়া সে গৃহ পরিত্যাগ করিলেন। রোলাও দ্বার পর্যন্ত তাঁহার অনুগমন করিল।

সে বলিল “তুমি কি বোধ কর? রোগী কি বাঁচিয়া উঠিবে?”

“ভালরূপ শুশ্রূষা ও খাদ্য পাইলে বাঁচিতেও পারে।”

“আমরা কি উহাকে সঙ্গে লইয়া যাইব?”

“না। তাহা হইলে কর্ণেল আর রক্ষা রাখিবেন না। দুই দিবসের মধ্যেই আমা-দিগকে পিটার্সবরোতে মিডের সহিত দেখা করিতে হইবে—এখন আমরা একজন খঞ্জ বন্দীকে লইয়া বিব্রত হইতে পারি না। আমাদের যথাসাধ্য আমরা তাহা করিয়াছি”।

রোলাও বলিল “আমি উহাকে পরিত্যাগ করিয়া যাইতে পারিব না”।

নেড ঘৃণাব্যঞ্জকভাবে হাস্য করিয়া বলিল “তুমি যে দেখিতেছি সহসা রোগীর প্রতি বড়ই আকৃষ্ট হইয়া পড়িয়াছ!”

রোলাও বলিল “আমি পূর্বে যেরূপ ছিলাম এখনও ঠিক সেইরূপ আছি। এ কেবল রোজের জন্ত—”

চিকিৎসক ক্ষণকালের জন্ত নীরব রহিলেন, আপনার সন্তানের গাত্রে চিকিৎসার জন্ত অস্ত্র বিধাইতে যে ভাব হয় তাঁহার বদনে সেইভাব দৃষ্ট হইল; তিনি বলিলেন “আচ্ছা তুমি যদি আমার মতামত চাও তবে তাহা দিতেছি। তুমি যদি তাহাকে মরিতে দাও তবে তুমি বোধ হয় রোজের জন্ত ভাল কাজই করিবে। তুমি উহাকে রক্ষা করিতে পারিবে না। হাসপাতালে যত্ন ও শুশ্রূষা সত্ত্বেও সে একমাসেও সারিয়া উঠিতে পারিবে না।”

রোলাও অস্পষ্ট অগচ দৃঢ়ভাবে বলিল “হয়ত কেহ আসিয়া আমাকে সাহায্য করিলে আমি ইহাকে নিকটবর্তী নগরে লইয়া যাইতে পারিব।”

“নিকটবর্তী নগর এ স্থান হইতে ৩০ মাইল দূরে! তুমি ইহাকে কেমন করিয়া সেখানে লইয়া যাইবে? তাহা ভিন্ন চাহিয়া দেখ।” তিনি আকাশের দিকে দেখাইলেন। আকাশ ঘন ধূস্রবর্ণ মেঘে আচ্ছন্ন। “আর এক ঘণ্টার মধ্যেই বৃষ্টি আরম্ভ হইবে। তুমি তুম্বারে আচ্ছন্ন হইয়া যাইবে। আর তাহার পরে—দূর হউক ছাই—তোমার সহিত এখানে তর্ক করা বাতুলের কার্য্য,—বিপক্ষ দলের একটা সেনাকে শুষ্ক করা করিবার জন্ত যে ছুটা পাইবে তাহা বোধ হয় না।”

রোলাও বলিল “আমি ছুটা করিতে পারিব।”

“তাহা হইলে সেনাদল পরিত্যাগের অপরাধে তোমাকে গুলি করিবে।”

“সে যাহা হইবার হইবে। তখন তোমরা আমাকে খুঁজিয়া পাইবে না, তখন তোমরা বহুদূর চলিয়া যাইবে, সেখান হইতে আর কেহ আমাকে খুঁজিতে আসিবে না। আমি নাম ডাকের সময় উপস্থিত থাকিব, তাহার পরে পিছাইয়া পড়িতে চেষ্টা করিব।”

নেড হাত দিয়া আপনার মাথা চাপিয়া ধরিল যেন তাহা না হইলে তাহার সঙ্গী এই অদ্ভুত কল্পনায় তাহার মস্তক ফাটিয়া যাইবে!

সে ক্রুদ্ধস্বরে বলিল “আমি অনর্থক এইরূপ বাক্যব্যয় করিয়া সমস্ত রাত্রি কাটাইতে পারি না। আমি শিবিরে চলিলাম।”

সে ফিরিয়া চলিল, রোলাও তাহার অনুসরণ করিল। সে জানিত যে সে মূর্খের মত কার্য্য করিতেছিল। সে তাহা ভালরূপই জানিত কিন্তু একখানি নারীবদনের চিন্তা তাহার হৃদয় পূর্ণ করিয়াছিল। যাহাকে রোজ ভালবাসে সে তাহাকে মৃত্যুমুখে ফেলিয়া কেমন করিয়া চলিয়া যাইবে! হয় ত সে চেষ্টা করিলে তাহাকে বাঁচাইতেও পারে।”

সেনাদল যখন যাত্রা করিল, তখন তুম্বার পতন আরম্ভ হইয়াছে। সেনাগণ নিতান্ত শিথিলভাবে চলিতে লাগিল; সে পথ বড়ই বন্ধুর তাহারাত সকলে আহত বা শ্রমে কাতর। ইহা ভিন্ন তাহারা সকলেই জানিত যে ৬০ মাইলের মধ্যে কোথাও শত্রু-সৈন্য নাই। রোলাও ক্রমে ক্রমে পিছাইয়া পড়িতে লাগিল। সেনাদলের শেষভাগে আহতদিগের বহনকারী শকটগুলি নেডের কর্তৃত্বাধীনে ছিল। রোলাও সেখানে যাইয়া আস্তে আস্তে নেডকে বলিল :—

“এই পত্রখানির যাহা করিতে হয় করিও!” নেডের হাতে পত্রখানি গুঁজিয়া দিল, এবং তাহার পর বলিল “বিদায়! যদি পারিয়া উঠি তবে ইহার পরের সেনাদলের সহিত যাইব, আর যদি না পারি—”

এই সময় তাহারা যে স্থানে উপস্থিত হইল, সে স্থানে রাত্তা ঘুরিয়া গিয়াছে; সেখানে অনেকগুলি বৃক্ষও ছিল, রোলাও সহসা সেই বৃক্ষগুলির মধ্যে অদৃশ্য হইয়া গেল। সৈন্যদল চলিয়া গেল—রোলাও তাহাদিগের অস্ত্রের বন্ বন্ শব্দ শুনিতে পাইল। সেই তুম্বারভার-কাতর পবনে শীঘ্রই সে শব্দ মিশাইয়া গেল। তাহার পর সে কতকগুলি গুরু পত্র ও

বৃক্ষশাখা লইয়া সেই গৃহে ফিরিয়া গেল। সেখানে তাহার অবশিষ্ট টোটাগুলির একটির সাহায্যে শীঘ্রই অগ্নি প্রজ্জ্বলিত করিল। ভিকার্স নীরবে তাহার কার্য্য দেখিতে লাগিল।

তাহার পর বলিল “রোলাও! ইহার অর্থ কি?”

রোলাও সন্তোষের ভাব দেখাইয়া বলিল “দেখিতেছি যদি তোমাকে বাঁচাইতে পারি।”

ভিকার্স বলিল “তাহা পারিবে না! নেড যাহা বলিয়াছে তাহা আমি শুনিয়াছি। আমি মরণের যাত্রী, বুদ্ধিহীনের মত কার্য্য করিও না; আমাকে রাখিয়া সেনাদলের অনুসরণ কর। মানবের সাধ্য নাই যে আমাকে বাঁচায়। তথাপি কি তুমি যাইবে না? আমি জানি তুমি চিরদিনই এইরূপ একগুঁয়ে। কোন চিন্তা একবার তোমার হৃদয় অধিকার করিলে তুমি আর তাহা পরিত্যাগ করিতে চাহ না। কিন্তু ইহা যে উন্মাদের কার্য্য! ইহা বাতুলতা! তুম্বারের দিকে চাহিয়া দেখ আর এক কিছা ছই ঘণ্টা কালের মধ্যেই আমরা তুম্বারে আচ্ছন্ন হইয়া যাইব। আমি জানি তুমি আমার জন্ত ইহা করিতেছ না রোজের জন্তই করিতেছ। যদি ইহাতে কোন ফল হইত তবে আমি তোমাকে যাইতে বলিতাম না, কিন্তু কোন ফল হইবার সম্ভাবনা নাই। আমি আর এক দিবসের অধিক বাঁচিব না। কিছুতেই আমাকে রক্ষা করিতে পারিবে না।”

রোলাও তাহার বন্দুক তুলিয়া লইয়া বলিল “আমি জঙ্গলে যাইতেছি। যদি সেখানে কোন শীকার থাকে তবে এই শীতল বাতাসের সময় তাহার আশ্রয় স্থানে প্রবেশ করিয়াছে। আমি এখনই ফিরিয়া আসিব।”

সে ভয়কুটারের কতকগুলি কাষ্ঠ অগ্নিতে নিক্ষেপ করিয়া বাহির হইয়া গেল।

সেই তুম্বার-সমাচ্ছন্ন পথে ছয়পদ অগ্রসর হইবার পূর্বেই সে স্থানের নিস্তকতা ভগ্ন করিয়া ভিকার্সের কর্ণস্বর শ্রুত হইল। সে বলিল “রোলাও! বিদায়!” তাহার পর একটি বন্দুকের আওয়াজে সে ভয়গৃহ কাঁপিয়া উঠিল।

রোলাও ছুটিয়া ফিরিয়া আসিল, দেখিল ভিকার্সের মৃতদেহ পড়িয়া রহিয়াছে—তাহার বাম করে একটি পিস্তল। গৃহে প্রজ্জ্বলিত অগ্নির আলোক পিস্তলের নলের উপর পড়িয়াছে।

ইহার দশ মিনিট পরে ভিকার্স তুম্বারে সমাচ্ছন্ন হইয়া পড়িয়া রহিল, আর রোলাও সেই তুম্বার বৃষ্টির মধ্যে সেনাদলের পদচিহ্ন অনুসরণ করি গমন করিতে লাগিল।

ক্রীহেগেজ প্রসাদ ঘোষ।

বসন্ত সঙ্গীত ।

সে ভুলেছে, আমি কেমনে ভুলি!
নূতন বসন্তে নূতন হাওয়া,
মধুর নয়নে মধুর চাওয়া,
ফুল ভুলে চুলে পরাইয়ে দেওয়া,
খাকিয়া খাকিয়া পাপিয়া বুলি,—
হায়! সে ভুলেছে বলে কেমনে ভুলি!

গাছের তলায় খেলার ভাগ,
প্রাণের মাঝারে প্রেমের টান,
কথায় কথায় মান অভিমান,
ভাল বাসে কি না এই আকুলি!
হায়! সে ভুলেছে তাই কেমনে ভুলি!

ধীরে ধীরে বলা মনের কথা,
নয়নের নীরে প্রেম আকুলতা,
পুরাতন ছলে নূতন ব্যথা—
আবেগে দেখান হৃদয় খুলি।
হায়! সে ভুলেছে বলে কেমনে ভুলি!

স্বপনেতে যেন আশ্রম বিনিময়,
স্বপ্নের সাগরে মগন হৃদয়,
মুহুর্তের মাঝে অনন্ত বিলয়
স্বর্গে পরিণত মরত ধূলি!
ওগো! সে কি তোলা যায়! কেমনে ভুলি!

নূতন বিজ্ঞান ।

(বক্তৃতা)।

বিজ্ঞাপন ।

বিজ্ঞাপন পাশ্চাত্য সভ্যতার মেরুদণ্ড। বিজ্ঞাপন বলে ইংরাজ—আজ ইংরাজ; ইংলও সভ্যজগতের কেন্দ্র। বলিতে কি, বিলাতি এবং বিলাতের সকলই বিজ্ঞাপন। ইহা জন্মবলের ভিত্তি, স্তম্ভ, খিলান, ছাদ, হৃদয়, ছর্গ, কেতন এবং কিরীট। নেপলিয়নের বীরচক্ষে ইংরাজ The nation of Shopkeepers মাত্র। আজ ক্ষুদ্র কাঙ্গালী বিলাতবাত্রী বাঙ্গালীর নিশ্চিন্ত নয়ন বিজ্ঞাপনের তাড়িদালোকে বলসিয়া গিয়াছে। তিনি ইংরাজকে The nation of advertizers বলিয়া হাঁপ ছাড়িলেন। বসন্ত: জন্মবলের বসায় বিজ্ঞাপন, শোয়ায় বিজ্ঞাপন, আহারে বিজ্ঞাপন, বিহারে বিজ্ঞাপন, ধর্মে বিজ্ঞাপন, কর্মে বিজ্ঞাপন, জন্মমৃত্যু-বিবাহে বিজ্ঞাপন; বিজ্ঞাপন তাহার অস্থিমজ্জাগত; জীবন—বিজ্ঞাপনময়। বিজ্ঞাপন তাহার ধ্যান, জ্ঞান, সাধনা, সিদ্ধি, তপ, যপ, যোগ, যাগ, সমাধি। ভারত সেই পুণ্যফলে দিন দিন স্নজলা, স্নফলা, শ্রামলা, কমলা, বিমলা হইয়া দাঁড়াইতেছে। ইংলও যে আমাদিগকে বিজ্ঞাপন ও মদের বোতল মুক্তহস্তে দিয়াছে, ইহা শক্রপক্ষেও মুক্তকণ্ঠে স্বীকার করিবে। ফলে বিজ্ঞাপনের আলোচনায় নিখিল সংসারের আলোচনা হইয়া থাকে। ইহাতে মনুষ্য-মনের যতদূর সংশ্লেষ বিশ্লেষ জ্ঞান জন্মে, বুদ্ধ মিলের এ্যানালিসিস্‌দূরের কথা, সমগ্র বিজ্ঞান-দর্শনের অহুশীলনে তাহার এক কপর্দকও হয় না। যিনি সভ্যজগতের বিজ্ঞাপন-বারিধি মছন করিয়াছেন, তিনি মছমছচারিত্র সংগঠন করিলেও করিতে পারেন। সভ্যতার ভবিতব্যতা প্রকৃত তাঁহারই হস্তগত হইয়াছে।

পাঁচভূত ।

বিশ্বব্রহ্মাও পাঁচ ভূতের খেলা মাত্র। যদিকে দেখ, সেই পাঁচভূত বই আর কিছুই নয়নগোচর হয় না। বিজ্ঞাপন প্রপঞ্চও পাঁচভূতের লীলাময় তরঙ্গ। তবে ভূতের প্রভিন্নতা আছে। বিজ্ঞাপন বিশ্লেষ করিলে যে পঞ্চগব্য পাওয়া যায়, তাহাদিগকে সাঁটে বৈজ্ঞানিক ভাষায় লপ, লেপ, টিপ, টাপ, চপ বলায় দোষাবহ হয় না। লপ, অর্থাৎ লপন, অর্থাৎ মুখ; তাহা কখন, অর্থাৎ মুখপাত, অর্থাৎ নাম। স্ততরাং ইহাতে নামের লালিত্য, সৌন্দর্য্য, চাতুর্য্য, মাধুর্য্য, অল্পপ্রাস, ভাব, হাব, হাছতাশ প্রভৃতি বুদ্ধিতে হইবে। লেপ, অর্থাৎ আলোপ, অর্থাৎ আলোপনা। আলোপনার যেমন ঘর, দ্বার, সিঁদুক, প্যাঁটরা, পিঁড়ে, চলচৌকি প্রভৃতি বিশেষ শোভা পায়, প্রশংসাপত্রে সেইরূপ বিজ্ঞাপনের সর্কথা সাতিনয়

শোভা বাড়িয়া থাকে। টিপ, অর্থে ছিট, ছাট, তিলক, ফোঁটা, নিশান, হোদিস, মার্ক, ছাবাছুবি, খাবাখুবি, আঁকা বোকা, এঁাকা ব্যাকা, সিলমোহর, চাপড়াস ইত্যাদি বুঝিতে হইবে। টাপ, এখানে ঢাকাঢুকি, চাপাঢুপি, ছাঁদবাদ, তুকতাক, মস্ততস্ত, ফুকফুক, ফাঁকিফুকি, গণ্ডিগণ্ডি প্রভৃতি তাৎপর্যে ব্যবহৃত হইয়াছে, জানিতে হইবে। টাপ, অর্থে আদব, কারদা, কদরং, কেরামং, চানচনন, ডোল ডাল, ভাবভঙ্গি, ওড়ন পাড়ন প্রভৃতি বুঝিতে হইবে। আমি এই কয়েকটি ভৌতিক তত্ত্বের পর পর সংক্ষেপ আলোচনা করিতে মনস্থ করিয়াছি। তবে কৃতকার্য হওয়া অদৃষ্টাধীন কাণ্ড; তাহাতে আমার কোনও সূহাস্ত নাই। পরিণতিবাদ প্রচারের প্রারম্ভেই উহাদের পানিউটেসন কখনেদন এত ভয়ানক জটিল হইয়া পড়িয়াছে যে এক একটা পৃথক ভাবে নিরাকরণ করার বিস্তর কাঠ খড়ের আবশ্যক। অধিকন্তু ভূতগুলি ভয়ানক চঞ্চল; উহাদের ফটো লওয়া উড়া পানী অপেক্ষা শতগুণে কঠিন। আর জানেনই তো ভূত মাত্রই ভয়ঙ্কর অস্তিত্ব। নিরঞ্জল, অকৃত্রিম, পাটি, স্বরূপ রূপ জানা ভার।

লপা।

লপাই বিজ্ঞাপনের প্রধান অঙ্গ। আর শুদ্ধ বিজ্ঞাপনে কেন, সকল বিষয়েই লপ সূচনা ধার। বাহারা সুলভ কলের জাহাজে ৬ কালনাধামে বেড়াইতে গিয়াছেন, তাঁহারা অবশ্যই নামব্রহ্মের প্রতিমা সন্দর্শন করিয়া কৃত্তার্থ হইয়াছেন। মস্ততস্ত নামই ব্রহ্ম! কৃষ্ণ অপেক্ষা কৃষ্ণের নাম দমে ভারি। ইহা সেই প্রেমের ভুলটে বৈজ্ঞানিক পরীক্ষিত ব্যাপার। তাই নামের ভরণে পদার্থের ভরণও একটা দৈনিক সমস্ত। কথার বলে, পাদাপুতের নাম পদ্মলোচন। ইহা সেই অসীম রহস্যতমী কথা মাত্র। অধিক কি বলিব, যিনি অপারনামতা-সমুদ্র তলাইয়াছেন, তিনি স্বর্গও হাতে পাইয়াছেন। ইহাতে অন্ধ বিশ্বাস দূর হয়, কুসংস্কার ছুটিয়া পলায়, কুনাহুকা থাকে না; লোককে সচ্চিদানন্দ হইয়া কোথায় তিব্বতের জঙ্গলে বা সাইবিরিয়ার বরফ নক্ষর মধ্যে বসিয়া হাঙ্গ করিতে থাকে। কুংহমিনাল ইহার দেদীপ্যমান দৃষ্টান্ত। তাই মাহুশ-নামের জন্ম এত লাগানিত। জগতে নামই সার ও সারাংসার। নামই ধের, আরাধা ও পূজ্য। আবার মহুশজগতেও বেকথা, জড়জগতেও সেই। মাটির নাম ধরিত্রী, শূণ্ডের নাম স্বর্গ, জলের নাম জীবন, পুকুরের নাম শিবগঙ্গা, জম্বাঙ্কের নাম নজর মহম্মদ, কাপড়ের নাম আনির খাঁ, মদের নাম সূধা, উৎপীড়নের নাম স্তানিটেসন, অপব্যয়ের নাম ফ্যানিন্ ফণ্ড, ভল্লুক নাচের নাম আদ্রশাসন, টাকাঘণ্টের নাম মকদ্দমা, ঘুঘুর নাম ইকুইটি, জবর-দস্তের নাম শান্তিরক্ষক, চোদ্দার বাদরের নাম দিক্‌পাল। মহাকবি সেক্সপীয়র বলেন What's in a name? অথচ নায়ক নায়িকার বতনুর পারিরাছেন স্মিষ্ট নাম রাখিয়াছেন। কবি নাইলে এমন সৃষ্টমো কার? আমি বলি What's in a thing? জগতে নাম বই আর কি আছে? "হরিনাম বই আর কি বন আছে সংসারে!" এ মহাবাক্য যিনি বলেন, তিসিই ষপার্থ জ্ঞানী। তাঁহারই প্রকৃত পুরুষার্থ লাভ হইয়াছে। সভ্যতার ইতিহাস

Nominalism মাত্র। ইহাই প্রকৃত জ্ঞান—বিজ্ঞানের চরম কারখানা; আয়দর্শনের আদি, অন্ত ও মধ্য।

বৈজ্ঞানিক বিজ্ঞানেও নাম একটা ভূত—প্রকাণ্ড ভূত। মিষ্ট নাম বিজ্ঞাপনে মহা উপাদেয়। তাই বিজ্ঞাপনে অল্পপ্রাসের এত আদর—এত ছড়াছড়ি। নামের অল্পপ্রাসে মধু সতত গড়াইয়া পড়ে। লোকে দুই হাতে লুটিয়া খায়। নিয় সংগৃহিত নামগুলিতে কার না জিহ্বায় জল সরিয়া থাকে? মলিনী মালিনী, আমেলা বামেলা, বিজয়া বাজনা, উমনো ঝুনো, (গ্রহ); কটিকা বটিকা, সূধা মাত সমুদ্র, কবিকন্দন কুইনাইন, দ্রুদমন, বক্রং বক্রং, অর্শ বিমর্শ, বাত নিপাত, সমন-ভবন-না-হয় গমন, হাঁপ বিদ্যাপ, যক্ষ্মারি কেশরী, বিকার শিকার, জর-নিবারে-মধুকটভারে, (উষধাদি); হামিখুদি তৈল, পঞ্চকুটের তাম্রকুট, গোলকের নোলোক, মোহিনী মেলা, কটকটে বিস্কুট, গিল্টির গহনা, অনারারী সেক্রেটারী, বোম্বাই চারপাই, বিলাতী ধুতী, ইত্যাদি। (বলুন এই হলে এক দীর্ঘ লাঠি লইয়া পৃথিবীর মানচিত্র দেখাইবার মত নানাবিধ আকারের ও বর্ণের বিজ্ঞাপন দেখাইতে লাগিলেন।) লোকে বলে রসায়ক বাফের নাম কাব্য; একথা যদি ঠিক হয়, তাহা হইলে বিজ্ঞাপনগুলিই প্রকৃত কাব্য হইয়া দাঁড়াইতেছে। সামান্য দুইচারি কথার তাহাদের যত রস থাকে, তাহা সমস্ত গয়ার, তোটক, অনুতাকর প্রভৃতিতেও পাওয়া যায় না। আমার মতে Exchange gazette, সংবাদপত্রের মলাট প্রভৃতি সমস্তই অচিরং মহাকাব্য মধ্যে পরিগণিত হইবে।

আমি উপরে সামান্য কয়েকটি অল্পপ্রাস-সৌন্দর্যের দৃষ্টান্ত দিয়াছি মাত্র। এক্ষণে আর কয়েকটি নূতন এবং উচ্চবর্ণের অল্পপ্রাসবিশিষ্ট নামের উল্লেখ না করিয়া ক্ষান্ত হইতে পারিতেছি না। তবে সেগুলি সামান্য লোকদের বড় একটা মিষ্ট লাগিবে না। ফলে সেরূপ অল্পপ্রাস আপায়র সাধারণের জন্মও মনস্থ হয় নাই। আজকাল কবির স্বরের মিলই রচিতসঙ্গত বলেন। তাঁহাদের মতে ব্যঞ্জনের মিল ষট বিশেষ। অধিকন্তু অল্পপ্রাস সংসারে কবিই রাজা; তাঁহারা বাহা ইচ্ছা তাহাই করিতে পারেন। মহাজনো যেন গতঃ স পহাঃ বিজ্ঞাপনেও উহার ভূরি ভূরি পৃষ্ঠপোষক দৃষ্টান্ত পাওয়া যায়। যথা, সাহা নামো, সারসা প্যারিসা, বিলাতী মাড়ী, মাথাধসা, নন্দী ফিরিঙ্গী, গিরগিট সাহেবকী গোলাী, ম্যামেরিয়া নাশা পুরিয়া, নামা আদমনী হজমী, ব্রহ্মা ও বিস্মাট, খুজুরা বা খরচা, হাকিমী ওষধী, নবানী কাপি, ঈশ্বরী যুগনাভি, কাশমেরী কলসি ইত্যাদি।

ফলে বালক ও কুদ্রবুদ্ধি লোকেই অল্পপ্রাসের রূপ রূপ খুন খুন ভয়ানক ভালবাসে। অপেক্ষাকৃত বয়স ও বুদ্ধিমান লোকে তাবেই ভোর। তাঁহারা কাব্যের মিল দেখেন না, বন্ধন চাহেন না, কাটা কাটা স্পষ্ট স্পষ্ট বোল খোঁজেন না। তাব তাঁহাদের ঘোর পিপাসা—কিন কিমে, টিপ টিপে, নধর, নিটোল চল চলে, ধূমাকার—ভাব। তাই এখনকার কবির ও পাঠকের পিছনে পিছনে তাড়া করিয়া ছুটিয়াছেন। তাঁহারাও আর পুরাতন নকরুড়ে ষপার্থ-প্রাণীর "তিন তিন দুই তিন তিন" প্রভৃতি গণ্ডির মধ্যে থাকিতে চাহেন না।

ঐহারা "কেমন আছেন সখি, মদনমোহন" রূপ দাসত্ব বন্ধন হইতে নির্লাগমুক্তি প্রাপ্ত হইয়াছেন। এপ্রকার ভাব মনে আসিলে বরং ঐহারা স্বাধীন-ইচ্ছাপূর্কক লিখিয়া থাকেন, "রাধারমণ, সখি, আছেন তো কুশলে?" যখন লোকে ভাবভক্ত; ভাবে এতদূর গদগদ— উন্নত, তখন বিজ্ঞাপন ভাবপূর্ণ না হইবে কেন? তাহাও তো সেই মানসিক নিয়মাবলম্বনে গ্রথিত হইবে। তাই বিজ্ঞাপন প্রায়ই দিশাহারার তায় ভাবের চেউ তুলিয়া ছন্দবদ্ধ ছিঁড়িয়া দাপটের লোকের চিত্তরঞ্জন করিয়া ফিরিতে থাকে। বস্তুতঃ ভাবাত্মক নাম বড়ই পরিপাটি। আর বিজ্ঞাপনেও তাহার বিপর্যয় আদর। পত্রপাঠমাত্র লোকের নাকে, মুখে, চকে যেন একটু কাব্যনেশা ঢুকিয়া যায়। তাই জরের ঔষধকে এপ্রণালীতে জরের ঔষধ বলা নিষেধ। স্তত্রাং স্বর্গের স্রুধা, মর্তের মাধুরিমা, ইহকালের সম্বল, পরকালের কলম, সমস্তই তাহাদের অন্তপ্রাসনে নিঃশেষিত হইয়াছে। যথা, চন্দ্রচূড়, পারিজাত মধু, মার্জিতচূর্ণ, চন্দ্রবিন্দু, স্রুধাসাগর, বিজয়া পতাকা, ব্রজলীলা, চতুর্বেদ, পঞ্চবাণ, স্রুধাসমুদ্র, অষ্টবহু, নবগ্রহ, হরগৌরী রস, ইন্দ্রধনু, বসন্তবল্লরী, ইত্যাদি। (লাঠির দ্বারা দর্শন)। জরের ঔষধের বীর ও রৌদ্ররশ্মিত নাম; যথা, কোদণ্ড টঙ্কার, বিষম বজ্রনাদ, করাল কালেশ্বর, মদন ভঙ্গ, হিরণ্যকসিপু, ভীমনীম মহাদ্রাবক, কালান্তক কজ্জলী, নৃসিংহ জনাধিন, হুর্ধ্ব প্রভঞ্জন, কুরুক্ষেত্র শঙ্খনাদ, পলাশি পাবক, ইত্যাদি।

ঔষধ ব্যতীত ভাবমার্গের অপর কয়েকটি সাধারণ দৃষ্টান্ত না দিয়া স্মৃতির হইতে পারিলাম না। যথা, সাতভাই চম্পক, কেন বোন পারুল, আলোয়া, কাণামণি বিহঙ্গিনী, কালমাণিক দীপিকা, আবাচ অষ্টক, (খোস গল্প); নজগজে হার, খুবড়ো, টেপেশ্বরী, একানেড়ে (মহাকাব্য); যমের ভুল, যমের অরুচি, চুলামুখ, কালাপানি, হরিণবাড়ী, ঘাটের মড়া, জলার পেঙ্গী, বোল কড়াই কাণা, (Tragedy); ফাঁসী, গলায় দড়ী, ব্রহ্মহত্যা, বিলাপ আনন্দ, লহরী, (প্রহসন); Sree Gourango Esq. শ্রীএকাদশী ভক্ত প্রণীত, পঞ্চানন্দ, দামাপোড়া বেতাল সহস্র নাম (জীবনচরিত); তপ্তিরাম, নাছোড়বন্দা, অকাল কুশাণ্ড, দিশাহারা, নিশি, (সংবাদপত্র); মক্কেলের বদলে মোক্তারের ফাঁসী, বেগুন চোরের কালাপানি, ফাঁসীর পর আপিল, (নব্যদায়ভাগের নবীননজির); গয়ার গাপ, সর্পীণ্ড করণ, কলির পাণ্ডা, কালীঘাটের কাঙ্গালী, হাড় হাবাতে, অলপ্পেয়ে, (ইতিহাস)। এসমস্তই আইনমত নৃতন রেজিষ্টারী করা গ্রন্থ। পণ্যদ্রব্যের ভাবাত্মক নাম; যথা, অব্যয় দোয়াত, নির্ঝর কলম, চারি আনার তাড়িৎ, চিরপ্রজ্বলিত বাতি, চণ্ডালগড়ের শুভুক ভামাক, সোণার পাথর বাটি, পড়ে পাও চোদ্দ বড়ি, মাতলার সরাপ, সধবা সিঁথি, ফকিরচাঁদ হার, পদ্মমালা থালা, কাঞ্চন নগরী ঝারি, বিধুমুখী বাটা, মতিহারীর মিসি, প্যারেডাইজ সোপ, এলিসিয়ম পোমেড, ওলিম্পিয়েন্ চিরুণী, ইত্যাদি।

ভাবমার্গে কখন বা একজন কবি, কখন বা সমস্ত একখানি পূর্ণ প্রাচীন কাব্য বিজ্ঞাপিত নামে পাওয়া যায়। যথা, বেণিসংহার তৈল শকুন্তলা হোটেল, মিন্টন রূপাণ, ভা

সেক্সপীয়র সাল, কালিদাসপেড়ে কাপড়, রঘুবংশ ষ্টিক্, ভারবি পাউরুটি, বাইবেল টুপি, বিজ্ঞাপতি বাণী, কীর্তিবাসী কাপি হাউস, রামায়ণ কলপ, মহাভারতী পটপটি, মালতী মাধব চাউল, ক্রীর্ধ ছাতা, কাউপার রুমাল, বার্ণস্ গলাবন্ধ, ভারতচন্দ্র নুপুর, ওয়ার্ডস্ওয়ার্থ চৌকি, মাইকেলী আটভাজা, ইত্যাদি।

ধর্মভাব নামের পরম উপাদান। এটা আমাদের নিজস্ব। লোক জন, হাট ঘাট, মাঠ ময়দান, রাস্তা নালা, ছেলে পিলে, উঠান চক, ডোবা ডাবা, ঘটি বাটি, পুঁথি পাটা, ঔষধ মাছলী, প্রভৃতির নাম প্রায়ই দেবতা ছাঁকিয়া লওয়া হইয়া থাকে। এদেশে দেবতা বিজ্ঞাপনের একটা প্রকৃত গরম মসলা। এমন কি, তারকনাথ, বৈষ্ণনাথ, বিশ্বেশ্বর, কানাই, বলাই, রাম, লক্ষণ, ইন্দ্র, চন্দ্র, বক্রণ, কুবেরাদি, তেত্রিশ কোটি দেবতাও অনাটন; স্তত্রাং ফকির, ব্রহ্মচারী, সম্যাসী, পরম হংস, বাবাজী, বৈরাগী, অবধূত, যোগী, ঋষি, পীর, প্যাগম্বর, অবধি টান ধরিয়াছে। যথা, শ্রামসুন্দর রেজাই, চক্রপাণি ছিট, স্রুধাপঞ্চানন, গদাধর সালসা, জনাধিন ফস্ফোজোন, জরচিন্তামণি, রামরাজা তাস, হাঁপ নীলকণ্ঠ, বিকার বৈষ্ণানর, আলা মালিক নবি মালিক গোলাপ জল, বৈজন্ত বাসন, বৈদিক পাঠশালা, ষড়দার্শনিক ঔষধালয়, পৌরাণিক পঞ্চরং, আর্ধ্য চসমা, ব্যোমকেশ তৈল, পীলা ধূয়াটি, সদাশিব পাচন, সম্যাসীদত্ত মহাব্যাধির মহৌষধ, স্বপ্নাদি জয়মঞ্জল রস, ভোলামহেশ্বরের তুকতাক, রুক্ষসৈপায়ন পাশা, সীতা সাবিত্রী কণ্ঠমালা, আবা আবা ধবলী উড়ানী, বলদেব রেকাব, জগন্নাথ জামা, দিগম্বরী দাড়ী ইত্যাদি। অধিক কি বলিব, পেটেন্ট ঔষধাদির নাম করিতে গেলে ঘরে বসিয়া সকল তীর্থেরই ফললাভ হইতে পরে। ঔষধগুলির ঐহিক অপেক্ষা পারত্রিক দৃষ্টি ভয়ানক প্রবল। বিশেষতঃ আজকাল যে ধর্মের একটা বিষম রি-এ্যাক্সনারী চেউ উঠিয়াছে, তাহাতে ধর্মের ধূয়া ব্যতীত আর উপায়ান্তর নাই। তাই মুদী, পকালী, ময়রা, ধোঁপা, নাপিত প্রভৃতি ধর্মপথে অগ্রণী হইয়া দাঁড়াইয়াছে। এঘোর বিপ্লবে কাহারও নিস্তার নাই। স্তত্রাং এ নৃতন ভরঙের দ্রব্যাদির বড়ই আদর বাড়িয়াছে। যথা যাও, যথা চাও, ধর্মেরই ছড়াছড়ি দেখিতে পাইবে। নৃতন ধরণের ধর্মভীত সাইনবোর্ড, প্ল্যাকার্ড, বিজ্ঞাপন প্রভৃতির ধ্বজবজ্রাঙ্কুশ রেখায় চারিদিক সমাচ্ছন্ন করিয়াছে। হিন্দুধর্ম-রক্ষা-করা রস-করা, সনাতন ধর্মরক্ষিণী চিনি, সন্ধর্মের বুড়ি মুড়ি, ব্রজের বড়াই ফুটকড়াই, লীলাচলের বরফ, নিত্যানন্দ মালপো, পরম হাঁসের ডিম, ইত্যাদি না বলিলে আর দোকানপাট চলে না। যদি সহায় সম্পদ চাও, মালা লও; নতুবা হাঁ করিয়া বসিয়া মাছি তাড়াইতে হইবে। ধর্মের দ্বারে এখন আর আগের মত ভালমন্দের বিচার নাই। সব সমান, মুড়ি মিছরির একদর জয়ডঙ্কায় সজোরে কাটি দাও, উন্নতির পথ আপনি খুলিয়া যাইবে। তাই বোধ হয় লোকে কথায় বলিয়া থাকে, ধর্মের ঘরে কুটের অভাব নাই।

ধর্মের আর ছই একটি অভিনব চিত্তরঞ্জক অস্থানপত্র দেখাইয়া সংক্ষেপত নিশ্চিত হইব। (এবার মাঠার দাস একটি Chinese লণ্ঠনে মারা, হাড়গিল্লা-মার্কী, রক্তবর্ণ, অশস্ত

অক্ষরে মুদ্রিত ক্ষুদ্র বিজ্ঞান লাঠির দ্বারা দর্শাইলেন)। ইহা একটি হবুকুক্ষেত্র ব্যাপার। “চ্যাংরা মিউনিসিপাল কালীঘাট; বিনা ব্যয়ে দর্শন; স্নলভ স্নন্দর স্বাস্থ্যকর মাংস; হোমরা চোমরা কমিসনরদের নামে প্রতিষ্ঠিত; মহামহোপাধ্যায়গণের ব্যবস্থিত; বামিংহাম হইতে নূতন লোহার মা সর্দমঙ্গলা স্বয়ং আনিয়েছেন; উন্নতিশীল ব্যাঙ্ক-এক্সলিক্যান্ট হিন্দুগণ এতদ্বারা নিমন্ত্রণ জানিবেন।”

আর ঐ যে লাল কাল নানা বর্ণবিশিষ্ট বিজ্ঞাপনখানি পাখায় মারা রহিয়াছে; আক্ষেপের বিষয় উল্লেখ্য মহাপুরুষেরা এ পোড়া দেশে সহায়ত্ব পাইলেন না। “শিব-রাম কানাই পার্ভেয়িং কোম্পানী। আর ধর্মের ভয় নাই! স্বধর্মে থাকিয়া ছু-শ মজা!! আমাদের গুরুজী শুদ্ধ শ্রোত্রিয় ব্রাহ্মণ; সদাচারী, শিখাধারী, ত্রিসন্ধ্যাকারী, ধর্মের জন্ত দয়া করিয়া অবৈতনিক পাচকত্রত অবলম্বন করিয়াছেন। আমরা বিজাতীয় কোন জিনিস, ব্যবহার করা দূরের কথা, নাম গন্ধ পর্যন্ত রাখি না। বহু-কুক্কুটের ব্যামন, বহুবরাহের ফুলুরি, বলিদত্ত অজের জিবেগজা, গোময়ের ডালনা প্রভৃতি পবিত্র আহারীয় সকল সময়ে অত্র প্রস্তুত থাকে। Prevention of cruelty to animals এর সভাপতি-নির্দিষ্ট নিয়ম সমস্ত বিনা পিছালকোডের মধ্যাহ্নে মাননা করিয়া থাকি। প্রাণিগণকে পশুজন্ম হইতে মোচন করিবার পূর্বে সপ্তাহকাল তুলসী কাননে রক্ষা করা যায়। অধিকন্তু উহাদিগকে প্রত্যহ তুলসীপত্র ভোজন, গঙ্গাম্নান, সর্কাসে চন্দন লেপন প্রভৃতিও করান হইয়া থাকে। দেবী চাউল ও গুড়ে গুরুজী স্বয়ং পরম উপাদেয় দশগুণা ডেলাইট সোমরস প্রস্তুত করেন। ইহাদ্বারা বিজাতীয় ধর্মনাশা কন্দনাশা ধননাশা বিয়ার, ত্রাণ্ডি, গ্লিমনেড, সোডা প্রভৃতি অপের পান বহুল পরিমাণে নিবারণিত হইবে। ইহাতে মর্ত্যে বসিয়া পূর্ণ মাত্রায় স্বর্গের সুখ পাওয়া যায়। আর গন্ধের, পৌলার, বহুতের, বন্ধার, ক্যান্সারের ভয় নাই! মা জাহ্নুরী বোতলে!! ইহা গুরু পুরুত ব্রাহ্মণ বৈষ্ণব, সাধু সঙ্জন, গৌসাই, গোবিন্দের সেবা!!! ফলেন পরিচরিত! শুদ্ধ কথার কথা নহে! রৌদ্রে, গরমবাতাসে প্রাণ তর!! জ্ঞানাতীত, ধ্যানাতীত, স্বপ্নাতীত আবিষ্কার আর অধিক কি লিখিব!!! সামান্য ব্যয়ে উপবন-বিহারোপযোগী তৌর্যত্রিক উপভোগের জন্ত সতত ঠিক মজুত রাখা যায়।” শুনিতে পাই আমাদের কপাল গুণে এ সুবিশাল ধর্ম্মাহুষ্ঠানের নাকি অকালমৃত্যু হইয়াছে। দেশহিতৈষী মাত্রই অশ্রু বিসর্জন করিবেন!

লেপ।

জগতে “জয় আমি” বড়ই কার্যকর। তবে তাহারও কায়দা আছে। সাদাসিদা লোকের কাছে সাদাসিদা “জয় আমি” খাটে ভাল; কিন্তু সংসার মহা কুটিল, সভ্যতা ভয়ঙ্কর জটিল, উন্নতির পথ ভীষণ কষ্টকমর। তাই “জয় আমি” অনেক সময় ভয়ানক কারিকরি সাপেক্ষ। আপনার জয় আপনি গাও, ক্ষতি নাই। ফলে একটু আবডালে হইলে

ভাল দেখায়। পরমুখে “জয় আমি” দেখিতে, শুনিতে, বুঝিতে, চিন্তিতে বড়ই মিষ্ট লাগে। ঠিক সুর লগে বসিলে মন ভরিয়া যায়। তাই লেপ, অর্থাৎ আত্মপ্রশংসা আরাধনের ঘূর্ণ-পাক সদৃশ ঘুরিয়া করা উচিত। “জগদ্বিখ্যাত কে, এম, দাস, ভুবনবিখ্যাত শ্রীহাড়ি খাঁ বিশ্ববিজয়ী রাধা কলু বেচারারা সাদাসিদা লোক। কারচুপি জানেন না। পাছকা-ব্যব-সারী গোলকবাঁধার ঘোরফেরে কখন ফেরেন নাই। সরলতা সহকারে কেবল কালের মাত্র Abreast এ চলিতে শিখিয়াছেন। বিজ্ঞাবুদ্ধি ব্যতীত কারচুপি কোথায়? গ্রন্থকার ভাষার কৃতবিত্ত বিশ্ববিখ্যাতের ধ্বজা; অনেক আয়দর্শনের কঁকি কর্ত্ত্ব; তাঁহার আত্মগরিমার ঢাক রগড়ের সহিত বাজাইতে জানেন। অনেক ভঙ্গি সহকারে তালমানলগ্নে কাটি দিয়া থাকেন। সে কৃতবিত্ত চাতুরী অথো কোথায় পাইবে? ধর্মের ঢাক আপনি বাজে; গ্রন্থ-কারের ঢাক অপর দিয়া বাজাইতে হয়। তবে লেখকের মাথা চালার সঙ্গে কাটি পড়া চাই। বেনামা ঢাক রণবাদ্য বিশেষ। “মঞ্জু-কুঞ্জ-বন্দ-বন বিহারিণী”; কাব্যের স্মধুর কিল্কিণী সদৃশ রুপু বহু নাম একে মনোহারিণী; তাহাতে প্রকাশক শ্রীদীননাথ দাসদের দশকুসুমী বাজনার বিশ্বজন বিমোহিত—অবাক নয়নে তাকারিতবান। “মহাকবি গদাধর রক্ষিত প্রণীত। আমরা কৃতজ্ঞতা সহকারে প্রকাশ করিতেছি যে বঙ্গীয় সেনাপায়ের গদাধর বাবু অল্পকম্পা পূর্নক আমাদিগকে এ পুস্তক প্রকাশের অল্পমতি দিয়া সাধারণকে বদান্ততাপাশে আবদ্ধ করিয়াছেন। বাঙ্গালার এপুস্তকের দ্বিতীয় নাস্তি। দশ হাজার কাপি দশদিনে নিঃশেষিত হইয়াছে। এহণেচ্ছ মহাভাগগণ স্বরায় আবেদন করুন; নচেৎ যে দশ বিশ খানি বাকি আছে তাহাও আর থাকে না।”

উপস্থাসের নাম “অশালিকা” রাখিয়া গ্রন্থকার চিন্তিত। উপস্থাসের একটু মিটে কড়া নাম চাই; নতুবা বীরমধুরস থাকে না। কিছুতেই আর কড়া হইতেছে না, সহসা “হর্ষাক্ষ যেমতি” Inspiration এর আয় মনে পড়িল। অমনি “ক্লেণ্ড-অশালিকা” মিটে কড়া নাম দাস্তকে আবির্ভাব। পরে দোকানদারের টিপনীতে ভারত ভূমি মাতিয়া উঠিল। “শ্রীযুক্ত বাগ্যানচরণ সোম প্রণীত। গ্রন্থকার একাধারে বঙ্গীয় স্টু ও ছগো। অতি উচ্চারণে হৃদি! মনোহর ভাব! বিস্ময়কর ব্যাপার! হৃদয়বিদারক ঘটনা! অলস্ত বীরতা! নিঃসন্দেহ! অতীত পিপাসা!!!

এই পুস্তকটি ভজকট অর্থকুরোধ নাম হওয়াই সম্ভব। “বৃহস্পতি-বৈবর্ত-কেন্দ্র-বিদ্যা-বিদ্যা-বিদ্যা-শ্রীল শ্রীযুক্ত রামনিধি জ্যোতিষ্করুদ্রম প্রণীত। “ইনি বঙ্গীয় পুস্তক-প্রকাশকের ফলিত জ্যোতিষ যন্ত্র; স্বরায় প্রকাশিত হইবে। একচেটিয়া বিক্রয় করিয়া বঙ্গীয় ঘটক। পুরাতন পুস্তক বিক্রোতা, স্ত্রীপাড়া।”

এই পুস্তকের ধর্ম বিবৃতি। গোবিন্দভাষ্যমোদিত শ্রীমন্ ভগবন্ চিরকুমার নারায়ণ স্বামী প্রণীত। ইনি সাক্ষাৎ শুকদেব গোস্বামী। হিন্দুস্তান আখ্যানামধারী মাত্রেই এপুস্তক গণ্য হইয়া রাখা উচিত।”

এই একখানি থিয়েটারের ছাণ্ডবিল দেখুন (যষ্টির দ্বারা দর্শান)। ইহাতে লেপের বিশেষ উদাহরণ পাইবেন। “অবাক কারখানা! তাজব ব্যাপার! অপূর্ণ পর্ক! বিরাট আনন্দ! সুবিশাল সুখ! অতলস্পর্শ হর্ষ! অত্ন! অত্ন! অত্ন! স্টীক মুখবোধ ব্যাকরণ! বঙ্গীয় গ্যারিক আকন্দজী কর্তৃক নাটকাকারে প্রণীত। ইহাতে রস আছে! কস আছে! শিক্ষা আছে! দীক্ষা আছে! ভিক্ষা নাই! শীঘ্র চলে আসুন! আবালবৃদ্ধবনিতা, বন্ধু, বান্ধব, দেশী, বিদেশী, আত্মীয়, কুটুম্ব, প্রতিবাসী! এ স্মরণে ছাড়িলে আর বরাতে লাগিবে না! চির নবীন থাকিবে! মনের বাল্যকাল ফিরিয়া পাইবে! সংসার অভিনব দেখিবে! জীবনের বসন্তহিরোল নবানুরাগে পুনশ্চ দৌহুলামান হইবে! প্রবেশ মূল্য চারি আনা মাত্র।”

ফলে লেপের এসকল দৃষ্টান্ত একচেলে খেলা। সহজে বুঝা যায়। ইহাতে বিলক্ষণ সংস্পর্শ দোষ আছে। গ্রহকার, প্রকাশক এবং বিক্রেতায় ছোঁয়ালাপা আছে বলিয়া অনেক সময় জানা যায়। যদিও বৃহৎ কাঠে দোষ নাই বটে; তথাপি অনেক খিটখিটে পিটপিটে লোকের কাছে পেরাইট, থিয়েটারের ম্যানেজর ও অধ্যক্ষ ছোঁচ পড়িয়া থাকে। তাই বলি লেপের নির্দোষ পবিত্র পদ্ধতি নিম্নোক্ত প্রশংসাপত্র। ইহা অপদার্থকে শিরোমণি করিয়া তুলে। লোক ভ্রান্ত পথিকের মত মরীচিকাতিমুখে বিনা জলে ধাবমান হয়। অথবা পতঙ্গের ছায় আঁধার হইতে আলোকে দৌড়িয়া যায়। Out of darkness it createth light. ফলে যদি কখন কেহ নিজ ভ্রম টের পান তখন অনুষ্ঠান্ত আর তাঁহার সহায়তা যাজ্ঞা করেন না। তখন তাঁহার কার্যকুশল রেলের গাড়ী শুদ্ধ Velocityতেই চলিয়া যায়। লেপের কয়েকটা মনোহর দৃষ্টান্ত নিম্নে সন্নিবেশিত হইল।

“মহাশয়, অল্পগ্রহ করিয়া আপনার পরিস্থানে সাবান দশ বান্স পাঠাইয়া চিরবাধিত করিবেন। আমি আগে গাঢ় কৃষ্ণবর্ণ ছিলাম। আপনার আবিষ্কৃত সাবান এক বান্স ব্যবহার করিয়াই ফুট গৌরবর্ণ হইয়াছি। অধিক কি বলিব, প্রতিবাসিনিগণ হিংসায় দশ বান্স আনাইয়া দিতে নির্বন্ধসহকারে অনুরোধ করিয়াছেন। দাম অত্রপত্র। তুলিবেন না; মাথার দিব্য!

শ্রীমতী ইলাইজা ক্যাকলাস ছিটেন।

প্রধান অভিনেত্রী, থিয়েটার রোড,

কলিকাতা।

“SANITARY POWDER”

কলিকাতা মিউনিসিপাল কমিসনারগণ এবং ডাক্তারী কনগ্রেস কর্তৃক প্রশংসিত।

মহাশয়,

আপনার পাউডারের মহা গুণ। বাড়ীর চারিদিকে নতুন টিপের মত ছড়াইয়া দিলে কোন ছুর্গন্ধ থাকে না; অর্থাৎ সকল ছুর্গন্ধকে ঢাকিয়া সুখসেব্য করিয়া তুলে। জ্বর, ওলাউঠা, বসন্ত, ডিপ্‌থিরিয়া প্রভৃতি ছোঁয়াচে রোগ কাছে আসিতে পারে না; যেন গণ্ডির

মধ্যে গ্রেপ্তার হইয়া যায়। আবার যদি দৈবাৎ মিউনিসিপাল কর্মচারীদের চক্ষে লাগিয়া যায়, তাহা হইলে তাঁহারা বিশ্বসংসার পূত দেখেন; জরিমানা করিবার আদৌ চেষ্টা থাকে না। এক টাকায় আপনার এক প্যাকেট পাউডার খরিদ করিবার পরেই বিনা আবেদনে শতকরা তিন টাকা হারে আমার মিউনিসিপাল টেক্স মকুপ হইয়াছে।

রায় কাণমল বাহাদুর।

এভারলাস্টিং পাইরোটেক্‌নিক্‌ হল,

কলিকাতা।”

“ইংরাজী অকালমৃত্যুহরণং সর্বব্যাবিনিবারণং।

ডাক্তার টিনভাই কন্ন ডুবুং কর্তৃক প্রণীত।

বাইবলের পর ইহার মত পুস্তক আর প্রকাশিত হয় নাই।

মহাশয়,

আপনার নির্দিষ্ট প্রক্রিয়া সাধন দ্বারা আমি নির্বিবাদে অশীতি বর্ষ বয়ঃক্রম অতিক্রম করিয়াছি। বলা বাহুল্য, যেরূপ স্বাস্থ্য ও শক্তি আছে, তাহাতে আর তিন শত বৎসর নিশ্চয়ই চলিবার সম্ভাবনা। আমার আবার নূতন দাঁত বাহির হইতেছে।

খোদাবক্স আশারাম বাগ্লা।

ডিপ্‌টীকর্টাবল, পাইবাগ, ফলসপয়েন্ট।”

“মহাশয়,

আপনার Protein Salve ব্যবহারে আশ্চর্য্য হইয়াছি। হোমিওপ্যাথিক মাত্রায় ব্যবহার করিলেও মাসাবধি ক্ষুধাতৃষ্ণার নামগন্ধ থাকে না। মূল্যও যৎসামান্য মাত্র। জগতে আর ছুর্ভিক্ষের ভয় থাকিবে না। আপনার এই অলোকসামান্য আবিষ্কার স্বরায় গবর্নমেন্টের ক্রয় করা কর্তব্য। কাষ কি Famine fund?

শ্রীষড়ানন যোগবাশিষ্ট,

সিদ্ধাশ্রম, কেওয়াটা রোড,

হুগলী।

টিপ।

আজ কাল সভাজগৎ মার্কার দাস। মার্কা বই আর কোন কথাই নাই। বিদ্যা বল, ব্যবসা বল, দান বল, ধ্যান বল, ধর্ম বল, কর্ম বল, সকলেরই মার্কাগত প্রাণ। যে দিকে তাকাও; সব মার্কাগত। বড়দের বা ভালদের বোধ হয় মার্কাই মূল। তাই ইংরাজীতে বড় বা ভাল লোককে The man of mark বলে। রাজার মার্কা আছে, আদালতের মার্কা আছে, মিউনিসিপ্যালিটির মার্কা আছে, পুলীসের মার্কা আছে, বিশ্ববিদ্যালয়ের মার্কা আছে, কাপড়ের মার্কা আছে, সাবানের মার্কা আছে, টাকার মার্কা আছে, চর্মের মার্কা

আছে, মর্শের মার্কা আছে; এমন কিছুই দেখা যায় না যাহার মার্কা নাই। তাই বলি, কি জড়, কি অজড়, কি স্থাবর, কি জঙ্গম, সকলেরই অস্তিত্ব এখন মার্কার আবদ্ধ।

আগে শুদ্ধ সপবারই মার্কা ছিল। ক্রমে টিপ হইতে কালসহকারে উল্কা, কাঁচপোকার সিন্দুর প্রভৃতিতে পরিণত হয়। আজ কাল দেখি সকল সামগ্রীই সধবা। এখন নিখিল সংসার নিখিল সংসারের মার্কা বৃকে করিয়া দাঁড়াইয়া আছে। রাজার মার্কা ইউনিফরম, মিউনিসিপালটির মার্কা হাডগিন্স, পুণীসের মার্কা লাল পাগড়ী, ডেপুটির মার্কা সামলা, ব্রাহ্মের মার্কা দাড়ি চসমা, সফিষ্টের মার্কা লম্বা চুল, রাজশেখর মার্কা কুন্তীর, ধনী মার্কা হাতী, মকদ্দমার মার্কা গাথা, ব্রাণ্ডের মার্কা বানর, কুকুর, শিয়াল, বিড়াল, ইত্যাদি। এইরূপে কাক চিল, ইঁদুর বাঁদর, কীট পতঙ্গ, প্রভৃতি, সকলই মার্কার নিঃশেষিত হইল। পরে তরু মেরু, লতাপাতা, ফুল ফল, ছাল চামড়ার টান পড়িল। শেষে জীবজন্তু হইতে তেত্রিশ কোটি দেবতায়ও সংকুলান হয় না। মহুয়ের আবালবৃদ্ধবনিতা কোথায় তলাইয়া গেল। পরে অন্যটন প্রযুক্ত অঙ্গপ্রত্যঙ্গ ছেঁড়াছিড়ি আরম্ভ হইল। কোথাও মাথা, কোথাও মুখ, কোথাও দাড়ি, কোথাও গৌফ চলিয়া গেল। অনন্তর হাত পা, কেশ বেশ, নাক চোক, নখ দাঁত, প্রভৃতি আর কিছুই বাকি রহিল না। দিন দিন আঁটের বুদ্ধি, আবিষ্কারেরও বুদ্ধি; পরস্পর পরস্পরের মার্কার সহায়। স্ততরাং ক্রমে পিপা মার্কা বোতল, বোতল মার্কা পিপা, গেলাস, মার্কা জালা, জাদা মার্কা গেলাস, করাত মার্কা খুর, খুর মার্কা করাত, বাঁটা মার্কা জুতা, জুতা মার্কা বাঁটা, প্রভৃতি সামাজিক ব্যাপারের ঞায় The law of receive and bestow এর মার্কা পাকাইয়া তুলিল। ক্রমে তাহাতেও আর সংকুলান হয় না—এবার নূতন গবেষণা—নূতন পত্তন—নূতন অহুষ্ঠান। যে যার রচনা কোঁশলের উপর নির্ভর করিতে লাগিল।

ছঃধীরাম অনেক পরিশ্রম, বিদ্যা ও বুদ্ধি খরচ করিয়া অমোঘ জরের ঔষধ আবিষ্কার করিলেন। মার্কাভাবে প্রচার করিতে না পারিয়া মুমূর্ষুর ঞায় চিন্তিত। যাহা ভাবেন তাহাই রেজিষ্টারি হইয়া গিয়াছে। পরে বিস্তর মাথা কুটিয়া শ্মশানেশ্বরে দৃষ্টি পড়িল, সে সৌম্যমূর্তি অদ্যাবধি কাহারও হস্তগত হয় নাই। এই দেখুন কেমন হুন্দর ট্রেড মার্ক হইয়াছে। যেন অন্যথা এতদিনে লোকের মনোবাহু পূর্ণ করিতে স্বয়ং শশ্মানভূমি পরিত্যাগ করিয়া বোতলের বন্ধে অবতীর্ণ হইয়াছেন। উক্ত ঔষধের বিপর্যয় কাটুতি দেখিয়া এককড়ি বাবু তাহার স্বপ্নধ্যায় জরের ঔষধে নিমতলার ঘাটে ট্রেড মার্কা করিয়া জরো রোগী সব একটেটীয়া করিবার চেষ্টার সর্বত্র বিজ্ঞাপন বিস্তরণ করিলেন।

খুদীরাম গ্রন্থকার। দশবার বৎসর পরিশ্রম করিয়া সটাক প্রীমিউমগবদনীতা ও তাহার বঙ্গাহুবাদ প্রকাশিত করেন। মনে বড় ভয় পাছে কেহ লুকাইয়া ছাপাইয়া লয়। জগতে প্রতিভা-চোরও বিস্তর, আবিষ্কার আশ্রয় না করিতে পারিলেও আবিষ্কার-ফল বেমানম উপভোগ করে। তিনি তাই অনেক ভাবিয়া চিন্তিয়া নিজ মুখমণ্ডল ট্রেড মার্ক স্বরূপ

পুস্তকের মলাটে প্রতিষ্ঠিত করিলেন। ইহাতে যশেরও প্রত্যাশা আছে। পাঠকেরা ঘরে বসিয়া চাক্ষুষ জীবন্ত মূর্তি দর্শন পাইবেন। আর গ্রন্থকারের সাক্ষাৎ পরিচয়ে সৌহার্দ্যেরও সম্ভাবনা। গুণজ্যোতির সঙ্গে রূপজ্যোতি বলসিলে জগৎ বাধিয়া যায়। জোজ্জ্বল ক্যাবলা ডুবুং কোণে—অপার সংসারের এক কোণে বসিয়া হান্ত করিতেছেন। তিনি দেখিলেন খুদীরামের মুখখানা একে বিরক্ত, তাহাতে ছাপার দোষে আরও ভয়ঙ্কর বিরক্ত হইয়াছে। তাঁহার তীব্র বুদ্ধিতে তৎক্ষণাৎ পাকা নকলের সন্ধান উপস্থিত। তিনি বাঙ্গালা-পাঁচ-মার্কা “পাঁচখানি টাকার একখানি গীতা; হিন্দুর বাইবেল; বঙ্গাহুবাদ সমেত; মূল্য ছই পয়সা মাত্র; ট্র্যাঙ্ক সোসাইটিতে প্রাপ্তব্য” বলিয়া যাবতীয় খপরের কাগজে বিজ্ঞাপন দিলেন। বলিতে কি, নকল এত পরিপাটি হইল, যে লোকে তাড়াতাড়ি নকলকে আসল বলিয়া কিনিতে লাগিল, ভয় পাছে নকলে ঠকিতে হয়। সেই দিন অবধি আসল মুখস-মার্কা গীতা অচল হইয়া পড়িল। পরিশেষে নকলের এত কাটুতি হইল যে ফিার-ওয়ালারা দ্বারে দ্বারে “চাই পাঁচমার্কা গীতা” বলিয়া উচ্চৈঃস্বরে দিনরাত ফিরিতে লাগিল। অনন্তর আলুওয়ালারা, পটলওয়ালারা, রিপুকর্ষ প্রভৃতির “পাঁচ-মার্কা গীতা” না রাখিলে আর ব্যবসা চলা ভয়ানক ভার হইয়া দাঁড়াইল। আশ্চর্যের বিষয়, আসল মুখস মার্কার হস্ত, কল্প, বাঁহুগাদি রদ মূর্তিমান থাকতেও কোথায় অন্তর্দান হইল।

বোধ হয় আপনাদের আর অধিক প্রাকটিক্যাল ইলাস্ট্রেশনের আবশ্যক নাই। আপনারা সকলেই এবিষয়ে বিশেষ বিদিত ব্যংগ্ন আছেন। বক্তৃতা বহুল ভয়ে আর অধিক উল্লেখও করা গেল না। তবে এই পয্যন্ত নিঃসঙ্কোচে বলা যাইতে পারে যে কখন কখন ঘরের পরমা দিয়া শুদ্ধ মার্কা লইয়া কাঁদিয়া ঘরে ফিরিতে হয়; আবার কখন বা দাম দিয়া বিসুদ্ধ মার্কা কিনিয়া ফেলিয়া দিবার জন্তও কাঁড় লাগে।

ক্রমশঃ

সদ্যরঙের খেয়াল।

সম্পাদকের চিত্রচয়ন।

চূড়ান্ত অভিনিবেশের জাজ্জল্যমান ছবি দেখিতে চাও ত মাসিকপত্রে স্বলিখিত প্রবন্ধপাঠে নিবিষ্টচিত্ত লেখকের প্রতি চাহিয়া দেখিও।

জৈনক সর্ফরাজ, মিউনিসিপ্যালিটির বেবন্দোবস্তের কথা উল্লেখ করিয়া একটু মুকিবরানা চালে হাসিয়া একজন কমিশনারকে বলিলেন “আমি হলে ত মিউনিসিপ্যালিটির

কমিশনার পদের জন্ত দরখাস্ত না করে বরঞ্চ পাগলা গারদের অধিবাসী হবার জন্তে দরখাস্ত কর্ত্তম”।

উপস্থিত কমিশনার বাবু নীরস স্বরে বলিলেন “তাহলেই আপনার দরখাস্ত মঞ্জুর হওয়া অধিকতর সম্ভবপর হত।”

গঙ্গারাম বাবু একদিন সন্ধ্যার সময় তাহার বন্ধুর বাড়ীতে নিমন্ত্রণ খাইতে গিয়াছেন। আহায়ে বসিবার কিছু পরেই ভারি ঝড়বৃষ্টি আরম্ভ হইল। এই ছুযোগে গঙ্গারাম বাবুকে সে রাত্রি গৃহে ফিরিয়া যাইতে নিষেধ করিয়া বন্ধুবর সেদিন তাহার বাটীতেই গঙ্গারামের শয়নের ব্যবস্থা করিলেন। গঙ্গারাম বাবুও তাহাতে রাজী হইলেন। কিন্তু খানিক পরে হঠাৎ যে কোথায় অদৃশ হইলেন আর কোন ঠিকানা করা গেল না। ঘণ্টা খানেক বাদে আবার ভিজিতে ভিজিতে গঙ্গারামের পুনরাবির্ভাব হইল। বন্ধুবর বিস্মিত হইয়া জিজ্ঞাসা করিলেন “কি হে কোথায় গিয়েছিলে!”

“গৃহীণীকে বলিয়া আসিলাম যে আজ বাড়ী যাইব না।”

বালিকা বিদ্যালয়ঃ—প্রোফেসরঃ—“গেলবারে আসি তোমাদের বলিয়াছি যে স্ত্রীলোকের অপেক্ষা পুরুষের মস্তিষ্ক বৃহত্তর, এখন স্ত্রীবোধিনি! বল দেখি ইহা হইতে তুমি কি সিদ্ধান্তে উপনীত হইলে?”

স্ত্রীবোধিনিঃ—“মস্তিষ্কের শ্রেষ্ঠত্ব তার পরিমাণের উপর নির্ভর করে না, তার গুণবস্তুর উপর নির্ভর করে”।

অনেক বৎসর আগে সুইজারল্যান্ডের কোন নগরে একটা নরহত্যাকারীর ফাঁসির আদেশ হয়। কিন্তু সেই রাজ্যে কোন নির্দিষ্ট জলাদ না থাকাতে রাজপুরুষেরা তাহার নিকটবর্তী রাজ্যের জলাদকে জিজ্ঞাসা করিলেন—একজনকে ফাঁসী দিতে সে কত পারিশ্রমিক চায়। সে ছই শত স্বর্ণমুদ্রা চাহিল। রাজপুরুষেরা ইহা অত্যন্ত অধিক বিবেচনা করিয়া তাহাকে ছইশত রৌপ্য মুদ্রা দিতে চাহিলেন। জলাদ কোন মতেই স্বীকৃত হইল না। তখন বিচারকেরা একটা সভা ডাকিয়া এই স্থির করিলেন যে “অপরোধীকে একশত টাকা দিয়া তাহাকে এ রাজ্য হইতে বিদায় করা যাক, তাহার পর উহার যেখানে খুসি সেখানে গিয়া ও ফাঁসি খাউক।”

“হিন্দু জ্যোতিষীগণের বিবরণ।”

(মন্তব্য)

গত অগ্রহায়ণ মাসের ভারতীতে শ্রীযুক্ত যোগেশ চন্দ্র রায় মহাশয় আমার লিখিত হিন্দু জ্যোতিষীগণের বিবরণের সমালোচনা করিয়াছেন, এবং পৌষ মাসের নব্যভারতে যুধিষ্ঠিরের অভ্যুদয় কালশীর্ষক একটা প্রবন্ধ লিখিয়াছেন। এ সম্বন্ধে আমার কিঞ্চিৎ বক্তব্য আছে।

আমরা বরাবর জানিতাম যে একজন আর্ঘ্যভট্ট আছেন, এবং তিনি যে আর্ঘ্যাপষ্টশতিকা ও দশ গীতিকা নামক দুই পুস্তক রচনা করিয়াছিলেন তাহাও শ্রুত হইয়াছি। তাহার পুস্তক লুপ্ত হইয়াছে, তবে টীকাকার মহাশয়গণ তাহার পুস্তক হইতে অনেকগুলি বচন প্রমাণ স্বরূপ উদ্ধৃত করায় আমরা জানিতে পারি যে ঐ ধীশক্তিসম্পন্ন জ্যোতিষী কোন সময়ে জন্মগ্রহণ করিয়া ভারত ভূমিকে অলঙ্কৃত করিয়াছিলেন। আর্ঘ্যভট্ট নামে কোন জ্যোতিষী আর্ঘ্যভট্টের নামক গ্রন্থ প্রণয়ন করেন। তিনি ঐ গ্রন্থের একস্থানে লিখিয়াছেন।

যুক্ত্যন্দানাং যুক্তির্বিদ্যা ব্যতীতাপ্রয়শ্চ যুগপাদাঃ

ত্র্যধিকাবিংশতিরব্দাস্তদেহ মম জন্মনোহতীতাঃ ॥ ১০

এই শ্লোকটি অবিকল আর্ঘ্যসিদ্ধান্ত হইতে উদ্ধৃত হইয়াছে ইহা আমরা মৃগ্মরী সমালোচনায় অবগত হইয়াছি। আবার আমরা ৮ অক্ষয় কুমার দত্ত মহাশয়ের হিন্দু উপাসক সম্প্রদায়ের উপক্রমপিকায় দেখিতেছি যে তিনি উক্ত শ্লোকটি আর্ঘ্যাপষ্টশতিকা হইতে উদ্ধৃত করিয়াছেন। স্মরণ্য তিন স্থানে দৃষ্ট হইল বলিয়া যে ইহা তিন জনের সম্পত্তি ইহা কখনই হইতে পারে না। যদি এ শ্লোকটি আর্ঘ্যাপষ্টশতিকার হয় তাহা হইলে নিঃসন্দেহে জানা যাইতেছে যে আর্ঘ্যভট্ট ৩৯৮ শকে জন্মগ্রহণ করেন এবং ৪২১ শকে গ্রন্থখানি প্রণয়ন করেন। কিন্তু দৃঢ় প্রমাণ অভাবে এ বিষয়ে আমরা স্থির মীমাংসায় উপস্থিত হইতে পারিলাম না। তবে বেটিলি সাহেবের জ্যোতিষিক গণনা অনুসারে ৫৩৮ খৃষ্টাব্দে ভারতবর্ষে ব্রহ্মগুপ্ত দ্বারা যথার্থ গণনার বীজ রোপিত হয়; এবং বশিষ্ঠসিদ্ধান্ত ৯২৮ খৃষ্টাব্দে, সূর্য্যসিদ্ধান্ত বরাহ কব্জক ১০০০ খৃষ্টাব্দে, আর্ঘ্যসিদ্ধান্ত ১৩২২ খৃষ্টাব্দে ও সিদ্ধান্ত শিরোমণি ১৫৫৬ খৃষ্টাব্দে রচিত হয়। অপর সিদ্ধান্তগুলি ব্রাহ্মণ পণ্ডিতের কার্দানি মাত্র।

শ্রীযুক্ত যোগেশ বাবু নক্ষত্র ধ্রুবক দ্বারা সময় নিরূপণ করা যুক্তিযুক্ত বলেন না। কিন্তু আমাদের মতে নক্ষত্রধ্রুবকের ক্রান্তিপাতের সহিত সক্ষত্র দ্বারাই যথার্থরূপে সময় নিরূপিত

হইতে পারে। পুরাতন সিদ্ধান্ত লিখিত ধ্রুবকগুলি সকলই নিরয়ণ-রূপে লিখিত, অতএব আমরা অয়নাংশ কিছুই পাইতেছি না; সূত্ররাং সে গুলির ষথার্থ সময় নিরূপণ করাও জরুর। পুরাতন সিদ্ধান্তগুলির রচনার সময় কোনটীতে সত্যযুগের শেষ, কোনটীতে ত্রেতার শেষ, আবার কোনটীতে দ্বাপরের শেষ, বলিয়া লিখিত আছে। ইহা দ্বারা কেবল যে আপন আপন সিদ্ধান্তের অসম্ভব প্রাচীনতা প্রতিপাদন করা হইয়াছে, তাহাতে কোন সন্দেহ নাই। নতুবা অত প্রাচীন যে জ্যোতিষ গ্রন্থ আছে ইহা আমাদের বিশ্বাসের বহির্ভূত। বিশেষতঃ যখন এই গ্রন্থগুলিতে কলার ষাবনিক সংজ্ঞা “লিপ্ত” লিখিত আছে তখন বোধ হইতেছে উক্ত সকল সিদ্ধান্তগুলিই ষবনেশ্বরের পরবর্ত্তী রচনা। কাহারও কাহারও মতে রাশিচক্রের ব্যবহারও মিশর দেশ হইতে গৃহীত হইয়াছে। ইহাতে আশ্চর্য্য হইবার কোনও কারণ নাই; যেহেতু বেদাঙ্গ জ্যোতিষে রাশিচক্রের কোন বর্ণনা নাই। রামের জন্ম সময়ে বাব্বীকি কর্তৃক ইহা ব্যবহৃত হইয়াছে, আবার মহাভারতেও ইহার বর্ণনা নাই। এই সকল বিষয় পর্যালোচনা করিয়া অনেকের এই মত যে মহাভারত রামায়ণের পূর্বে রচিত হইয়াছে। ক্রমশঃ আমরা এতদ্বিভাগে অবতরণ করিব।

সূর্যাসিদ্ধান্তাদি জ্যোতিষ গ্রন্থে অয়নাংশ সাধনের যে নিয়ম দেওয়া আছে তাহাতে জানা যায় যে অয়নচক্র ৭২০০ বৎসরে একবার আন্দোলিত হয়। এ আন্দোলন অনেকাংশে ষড়ীর পেণ্ডুলমের স্থার। তবে প্রভেদ এই মাত্র যে ষড়ীর পেণ্ডুলম এক সেকেন্ডে একবার আন্দোলিত হয় আর ইহার সেই আন্দোলন শেষ করিতে ৭২০০ বৎসর লাগে, সূত্ররাং অয়নচক্রের এক প্রান্ত হইতে প্রান্তান্তরে প্রত্যাবৃত্ত হইতে, অথবা মধ্যস্থান অর্থাৎ যে স্থানে অয়নাংশ শূন্য রহিয়াছে সে স্থান হইতে এক প্রান্তে গমন করিয়া পুনর্বার সেই স্থানে প্রত্যাগমন করিতেও ইহার ৩৬০০ বৎসর অতিবাহিত হয়। যখন দেখিতেছি যে নিরংশ স্থান অর্থাৎ মেঘের আদি হইতে এক প্রান্ত অর্থাৎ ২৭ অংশে গমন করিয়া পুনরায় মেঘের আদিতে প্রত্যাবৃত্ত হইতে অয়নচক্রের ৩৬০০ অতিবাহিত হয় তখন এই সংখ্যার অনায়াস ভাঙ্গা বা গুণ পূরক (multiple) যুগপৎপ্যাণ্ডিতে নিরংশ স্থান থাকা অসম্ভব নহে। সূত্ররাং সিদ্ধান্ত-কারগণ আপনাপন প্রাচীনতা প্রকাশ করিবার এই স্বযোগ কেন পরিত্যাগ করিতে বাইবেন। বিষ্ণুপুর্নোত্তর পুরাণের অন্তর্গত শাকল্যসংহিতা বা ব্রহ্মসিদ্ধান্তের এই উদ্ধৃত অংশ “তৎপশ্চাৎ চলিতং চক্রং” দ্বারা জানা যাইতেছে যে গ্রন্থকারের পূর্বে অয়নচক্র মেঘের পশ্চিমে ছিল, অতএব ইনি যে অয়নের নিরংশ সময়ের পূর্বে বর্ত্তমান ছিলেন তাহাতে কোনই সন্দেহ নাই। সূর্যাসিদ্ধান্তে যে প্রকার গভীর চিন্তা ও ভাবার প্রাজ্ঞতা দৃষ্ট হয় তাহাতে বেশ বোধ হয় যে ইহার লেখক অনেক গুলি পূর্ববর্ত্তী সিদ্ধান্তের সাহায্য পাইয়াছিলেন। সূর্যাসিদ্ধান্ত লিখিত নক্ষত্র ধ্রুবক ঠিক কিনা তাহার প্রমাণ স্বরূপ টীকাকার ব্রহ্মসিদ্ধান্তোক্ত ধ্রুবকগুলিও উদ্ধৃত করিয়াছেন। পাছে কেহ মনে করে যে সূর্যাসিদ্ধান্ত লেখক ব্রহ্মসিদ্ধান্তের অমুকরণ করিয়াছেন সে জ্ঞা তিনি ধ্রুবক সাধনের একটি পৃথক নিয়ম নিপিবদ্ধ করিয়াছেন। তাহা এই—

প্রোচ্যন্তে লিপ্তিকা ভানাং স্বভোগোহখদশাহতঃ ।

ভবন্ত্যতীত ধিক্যানাং ভোগলিপ্তায়ুতাক্রবাঃ ॥ ৮ম অধ্যায় ১ ।

ভোগের দশম ভাগ ধরিয়া নক্ষত্রগণের লিপ্ত লিখিত হইল, অতএব পূর্বনক্ষত্রের ভোগ-লিপ্তে তাহা যোগ করিলে সেই নক্ষত্রের ধ্রুবক প্রাপ্ত হইবে। একটি উদাহরণ দিলে এ নিয়মটি সহজ বোধ হইবে। আদ্রার লিপ্ত সংখ্যা “অক্ষরঃ” লিখিত আছে। প্রতি নক্ষত্রের ভোগ ৮০০ লিপ্ত। আদ্রার পূর্ববর্ত্তী ৫টি নক্ষত্র আছে, সূত্ররাং সেগুলির ভোগ ৪০০০ লিপ্ত হইল। এখন ইহাতে $8 \times 10 = 80$ যোগ কর; ৪০৪০ লিপ্ত বা ৬৭ অংশ ২০ কলা হইল, সূত্ররাং ইহাই আদ্রার ধ্রুবক। টীকাকার “অক্ষরঃ” শব্দের অর্থ পাঠ “গোহক্ষরঃ” (৪৯) “গোহক্ষরঃ” (৩৯) গুলিকে শাকল্যসংহিতার প্রমাণ মতে অশুদ্ধ বলেন।

“সৌরোজ্জয়ভাষ্যে শত্ৰুজয়োহগাঙ্করঃ কলা” ইতি নর্শদোক্তো ধ্রুবকঃ দশকলোনপঞ্চ দশভাগ মিথুনে ইতি সর্জনভাভিমতো ধ্রুবকঃ দশ কলায়ুত ত্রয়োদশভাগাঃ পর্কভাভিমতো ধ্রুবকশ্চ নিরন্তঃ।” টীকাকার এই প্রকার লিখিয়া অল্প টীকাকারগণের মত খণ্ডন করিয়াছেন। সে বাহা হউক ব্রহ্মসিদ্ধান্তেও আদ্রার ধ্রুবক “সত্রিভাগাদিরমা” অর্থাৎ ৬৭°-২০' লিখিত আছে। ব্রহ্মসিদ্ধান্তে লিখিত ধ্রুবকের সহিত সূর্যাসিদ্ধান্তে লিখিত ধ্রুবকের কিছুমাত্র প্রভেদ নাই। সূর্যাসিদ্ধান্ত লেখক ধ্রুবক-সাধনের নিয়ম দিয়াছেন সূত্ররাং পাঠকের ঘাড়ে একটি বোঝা চাপাইয়াছেন কিন্তু ব্রহ্মসিদ্ধান্ত লেখক তাহা স্পষ্ট প্রকাশ করিয়া লিখিয়া দিয়াছেন। উভয় গ্রন্থ হইতে দুইটি শ্লোক উদ্ধৃত করিয়া দেখাইলে পাঠকবর্গের ইহা সম্যক বোধ হইবে। সূর্যাসিদ্ধান্তে চিত্রা হইতে অম্বরাধা এই চারিটি নক্ষত্র বুঝাইতে নিম্নলিখিত চরণ দৃষ্ট হয়—

থবেদা সাংগরনগা গজাগাসাগর্ত্ববঃ

আবার ব্রহ্মসিদ্ধান্তে হস্তা হইতে বিশাখা এই চারিটি বুঝাইতে এই শ্লোকাংশ লিখিত আছে—

খতাপ্তিঃ খধৃতি গোহতিধৃতি বিশ্বাশ্বিনস্তথা

অতএব সূর্যাসিদ্ধান্ত মতে ভোগের দশম অংশের গণনায় ধরিলে চিত্রার ৪০, স্বাতীর ৭৪, বিশাখার ৭৮ অম্বরাধার ৬৪ হয়। সূত্ররাং পূর্বোক্ত অক্ষপাত দ্বারা ধ্রুবক সাধিত হইলে উক্ত নক্ষত্রগুলির ধ্রুবক ক্রমান্বয়ে ১৮০°, ১৯৯°, ২১৪° ও ২২৪° হয়। ব্রহ্মসিদ্ধান্ত মতে হস্তাদির ধ্রুবক ১৭০° ১৮০° ১৯৯° ও ২১৪° হয়, সূত্ররাং উভয় গ্রন্থের মিল পদে পদে রহিয়াছে। ব্রহ্মসিদ্ধান্ত মতেও রেবতীর ধ্রুবক ৩৫৯° ৫০' (ষড়ংশানাং ষষড়্ গুণাঃ)। এই সকল দেখিয়া তিনি আমাদের বেশ ধারণা হইয়াছে যে সূর্যাসিদ্ধান্ত পরবর্ত্তী রচনা। ইহা কখনই অয়নের

নিরংশ সময়ে লিখিত হয় নাই। ইহা বরাহ কর্তৃক লিখিত বলিয়া বোধ হয়। উজ্জয়িনীর জ্যোতিষীগণ যে তাঁহার ৪২১ শকাব্দ জন্মাদ দিয়াছেন তাহা এক্ষণে যথার্থ বলিয়াই বোধ হইতেছে। তিনি যে প্রকার বিখ্যাত হইয়াছিলেন তাহাতে তাঁহার লিখন প্রমাণস্বরূপ ধরিয়া তাঁহার সময় হইতেই অয়নাংশ গণনা করা হইতেছে। এই জন্মই আমরা সূর্যাসিদ্ধান্ত মতে গণিত অয়নাংশ বর্তমান সময়ে প্রায় ২১ অংশ দেখিতে পাই, কিন্তু বাস্তবিক ইউরোপীয় মতে তাহা প্রায় ২২ অংশ ২১ কলা। সূর্যাসিদ্ধান্তে অয়নাংশ সাধন করিবার যে নিয়ম তাহার সাধারণ অর্থ ছাড়িয়া দিয়া আমি কু-অর্থ করিয়াছি, শ্রীযুক্ত যোগেশচন্দ্র রায় মহাশয় এইরূপ বলিয়াছেন। মূলে যে প্রকার আছে আমি সেই প্রকার অর্থ করিয়াছি। অল্পপাত দ্বারা স্বীয় অর্থ বিস্তারিত করিয়া দেখাইতেছি। মনে করুন ১৮১৬ শকের অয়নাংশ জানিতে হইবে। পূর্বে উক্ত হইয়াছে যে ৩৬০০ কলাকে বা ৪২১ শকে সূর্যাসিদ্ধান্ত মতে অয়নাংশ শূন্য ছিল—অতএব

$$\frac{(1816-821) \times 3600 \times 360 \times 3}{8020000 \times 10} = \text{অয়নাংশ (বর্তমান বৎসরের)}$$

$$\frac{8185}{200} = 20 \text{ অংশ } 55 \text{ কলা } 30 \text{ বিকলা।}$$

“ভূদিন”টি দিনে না রাখিয়া বৎসরেই রাখা হইয়াছে, যেহেতু উহাতে “গুণে”র বৃথা কষ্ট-ভোগ করিতে হয়।

শ্রীযুক্ত যোগেশচন্দ্র রায় মহাশয় ভিন্ন ভিন্ন জ্যোতিষীগণের গ্রন্থ হইতে অনেকগুলি তারার ঋবকাংশাদির একটি তালিকা উদ্ধৃত করিয়া প্রকাশ করিয়াছেন। সকল জ্যোতিষীরই গ্রন্থে যখন ঋবকাংশাদি প্রায় তুল্য রহিয়াছে অথচ তাঁহাদের সময়ের পরস্পর বহুকাল অন্তর আছে তখন নক্ষত্র ঋবক দ্বারা সময় নিরূপণ করিতে যাওয়া এক প্রকার নিষ্ফল হইয়াছে। নক্ষত্রগুলি স্থির রহিয়াছে ইহাতে দ্বিক্রমি নাই, তবে ক্রান্তিপাত বিন্দুরই অগ্রসরণ হইতেছে; তাহাতেই ঋতুরও পরিবর্তন ঘটতেছে। সূত্রাত্ম ক্রান্তিপাত সম্বন্ধে যে স্থানে চিত্রা ও রেবতী ছিল এবং অয়ন সম্বন্ধে যে স্থানে “পুনবসু”র পাদভ্রম ছিল বা কর্কটের আদি ছিল; বর্তমান সময়ে সে স্থানে তাহা না হইয়া প্রায় ২২ অংশ ২১ কলা পূর্বে হইতেছে—অর্থাৎ ক্রান্তিপাত ও অয়ন সম্বন্ধে নক্ষত্রগুলি বিচলিত হইয়াছে, সূত্রাত্ম সহজ দৃষ্টে ইহাই বোধ হইবে যে নক্ষত্রগুলি অগ্রসর হইতেছে। শ্রীযুক্ত রায় মহাশয় আর একটি আপত্তি উত্থাপন করিয়াছেন যে যখন সূর্যাসিদ্ধান্ত ভাবতী ও গ্রহলাঘব অয়নাংশ শূন্যের ভিন্ন ভিন্ন সময় দিয়াছেন তখন বরাহমিহিরের সময়েরও বিভ্রমতা হইতেছে। কিন্তু তিনি একস্থানে (ভারতী ৪৬২ পৃঃ) ইহাও লিখিয়াছেন যে “জ্যোতিষীগণের নিয়মই এই যে তাঁহারা গ্রন্থ রচনাকালে অন্ততঃ ২০২৫ বৎসর পূর্কের কোন সময়কে করণাদ করিয়া থাকেন। গণনায় অপর কুহারও সূরিদা হটক বা না হটক স্বয়ং অর্হণাদি সাধন করিতে হইলেই

এরূপ ব্যবস্থার প্রয়োজন ঘটে।” সূত্রাত্ম রায় মহাশয়ের নিজের কথা মতেই প্রতিপন্ন হইল অয়নাংশ শূন্যের অথবা বরাহমিহিরের এক বই দুই সময় হইতে পারে না। ব্রহ্মগুপ্ত-কৃত খণ্ডখাদের আমরা-কৃত টীকায় লিখিত আছে যে “নবাধিকপঞ্চশতসংখ্যাকে বরাহমিহিরাচার্য্যো দিবংগতঃ”—অর্থাৎ ৫০৯ শকে বরাহমিহিরের মৃত্যু হয়। অতএব উজ্জয়িনীর জ্যোতিষীগণ যে তাঁহার ৪২১ বা ২৭ শক জন্মাদ বলিয়াছেন তাহা অযথার্থ বলিয়া বোধ হয় না। তবে অয়নের শূন্যতা যে ২০৬ শকে ঘটয়াছিল তাহার কোন সন্দেহ নাই, সূত্রাত্ম বরাহের সময় অয়নাংশ ৩ ও ব্রহ্মগুপ্তের সময় তাহা প্রায় ৪ ছিল। তাঁহারা সকলেই নিরয়ণ রাশির গণনা করিয়া গিয়াছেন, এবং আমরাও তাহাই করিতেছি। ইহাতে আমাদের লাভ বই অনিষ্ট নাই। আমাদের অয়নাংশগুলি সঞ্চিত হইতেছে এবং প্রাচীন গণনাগুলির সময় অবধারণ করিতে বিশেষ সাহায্যপাওয়া যাইতেছে। ইহার নিদর্শন রামায়ণ ও মহাভারত হইতে প্রদর্শন করিব। ইংরাজদের বৎসর কতক পরিমাণে সারণ মতে গণিত হয়, এই জন্ম প্রতি বৎসর নির্দিষ্ট মাসের প্রায় এক সময়েই ক্রান্তিপাত ও অয়ন হইয়া থাকে। জুলিয়ান বৎসর ও সৌর বৎসরের অল্প অন্তর প্রযুক্ত ১৫০০ বৎসরে স্বল্প গণনার সহিত প্রায় ১০১২ দিনের অন্তর দাঁড়াইয়া যায়, এই জন্ম মহাত্মা বীণুথুঠের জন্মাৎসব জাহ্নয়ারি মাসের প্রারম্ভে সম্পাদিত হইয়া আসিয়াছিল। খৃষ্টীয় ধর্ম্মে অটল বিশ্বাসী জগদ্বিখ্যাত জ্যোতিষী নিউটন সাহেবের রূপায় ইউরোপ অবগত হইয়াছে যে মহাত্মা বীণুথুঠ উত্তরায়ণ আরম্ভে বা ২৫শে ডিসেম্বরে জন্মগ্রহণ করেন। সূত্রাত্ম সে অবধিই খৃষ্টধর্ম্মাবলম্বীরা যথার্থ দিনে জন্মাৎসব করিতে শিখিয়াছেন। অয়নাংশের অপ্রচলনই যে এ প্রকার গোলযোগের প্রধান কারণ তাহা বেশ বুঝা যাইতেছে। শ্রীযুক্ত রায় মহাশয় আর একটি সন্দেহ করিয়াছেন যে সূর্যাসিদ্ধান্তের অয়নাংশ বিষয়ক শ্লোকদ্বয় প্রক্ষিপ্ত, এবং অনুমান করেন যে প্রাচীন কোন সিদ্ধান্তই অবিকৃত ভাবে দৃষ্ট হয় না; আর বাহা দৃষ্ট হয় সেগুলি প্রাচীন সিদ্ধান্তসমূহের নূতন সংস্করণ মাত্র। তিনি যে বিষয়ে সন্দেহ করিয়াছেন তাহা ভাস্করাচার্য্য কর্তৃক উল্লিখিত হইয়াছে, তবে তিনি “রুতোয়া” শব্দের স্থানে “কৃত্বা” এই পাঠ দেখিয়া সে বচনের ৩০০০০ অর্থ করিয়াছেন। রজনাত্ম দ্বিতীয় পাঠটি অযুক্ত বদিয়াছেন যেহেতু ইহা দ্বারা অয়নের রাশিচক্র ভ্রমণ স্বীকার করিতে হয়। পাঠান্তর প্রযুক্ত যদি রায় মহাশয় প্রক্ষিপ্ত বলেন তাহা হইলে বড় ভ্রমের বিষয়, যেহেতু এমন সর্লক্ষ স্বন্দর সিদ্ধান্তে যে ঐ টুকু উল্লিখিত হইবে না ইহা আমাদের ক্ষুদ্র বুদ্ধিতে বিশ্বাস হয় না। প্রাচীন জ্যোতিষীগণ সম্যক্ আদৃত হইবার জন্ম সিদ্ধান্তগুলিতে মুনি ঋষির নাম দিয়াছেন বটে, কিন্তু আধুনিক জ্যোতিষীগণ বোধ করি সে প্রকার বহু পান নাই। যিনিই তাহা করিতে গিয়াছেন তাঁহার সে আয়াস ব্যর্থ হইয়াছে। ইহার প্রমাণস্বরূপ আমরা “জ্যোতির্বিদ্যাত্মক-এর নাম উল্লেখ করিতে পারি। আমাদের লিখিত অল্প বিষয় রায় মহাশয় কোলকাতক সাহেবের Essay on Hindu Astronomyতে দেখিতে পাইবেন।

পুরাণগুলি ব্যাসদেব কর্তৃক রচিত এ প্রকার প্রবাদ আছে বটে, কিন্তু পুরাণগুলিতে পরস্পর বিরোধী অনেকগুলি বিবরণ লিপিবদ্ধ থাকায় বোধ হইতেছে 'সেগুলি কখনই এক মস্তিষ্কের উদ্ভাবনা নহে'। আমাদের মতে ব্যাস অর্থে বহুদর্শী বিদ্বান ব্যক্তি স্বীকার করিলে সকল গোলযোগের অবসান হয়। ভবিষ্যৎবাণীস্বরূপ রাজগণের রাজস্বকাল যখন দ্বাপরের শেষ হইতে ৪১৪১ (ক্রম ক্রমে ৪১৪৪ হইয়াছিল) বৎসর লিখিত হইয়াছে তখন লেখক যে উক্ত কালের পরভবিক তাহাতে সন্দেহ করিবার কোনই কারণ দেখা যায় নাই। তবে ২৫৩ শকের পূর্বে যে পুরাণগুলি ছিল না তাহা আমরা বলি না, যেহেতু অমরকোষে পুরাণ কথার উল্লেখ আছে। আবার বরাহমিহির পঞ্চসিদ্ধান্তিকার অন্তর্গত যে ব্রহ্মসিদ্ধান্তের উল্লেখ করিয়াছেন তাহাও আবার বিষ্ণুধর্মোত্তর পুরাণের অন্তর্গত। ভগবান্ পাণিনি 'পুরাণ' বিষয়ে একটি ব্যাকরণ স্বত্র দিয়াছেন। তাহাধারাও পুরাণ কথার প্রাচীনতা প্রতিপাদিত হইতেছে।

শ্রীকানাইলাল ঘোষাল।

ব্যাসগুহা।

৩০ মে শনিবার—মন্দির মেরামতের জন্ত পাঁচটাকা দান ক'রে এবং সেই দানের কথা ইংরাজী অক্ষরে নাম সহি দ্বারা খাতাভুক্ত ক'রে, বদরীনাথের প্রধান পাণ্ডা—মহাত্মা শঙ্করাচার্যের শ্রেষ্ঠতম প্রতিনিধির নিকট হতে বিদায় গ্রহণ করলাম। সে সময় মনে একটা বড় আক্ষেপ জেগে উঠেছিল, কোথায় সেই জ্ঞান এবং ধর্মের অবতার, মহাপণ্ডিত, নরদেবতা শঙ্করাচার্য; আর কোথায় ঘোর সংসারী, বিষয়াসক্ত, পাণ্ডিত্যবিহীন, ব্যসননিরত এই সর্দার পাণ্ডা। মহান হিমালয়ের অত্রভেদী উচ্চতা হতেও সমুচ্চ মহত্ত্ব ও জ্ঞান একদিকে, আর একদিকে ক্ষুদ্র ধূলিকণা হতেও ক্ষুদ্রতর এই পাণ্ডাপুত্রটির আত্মাভিমান এবং ক্ষমতা-দর্প; এ দুয়ের মধ্যে তুলনা হয় না, কিন্তু তবু উভয়ের অবস্থান তুলনার উপযোগী। বাস্তবিক যার উৎসাহ ও তেজে পৃথিবীপ্লাবিত কর্মময় বৌদ্ধধর্ম ভারতবর্ষ হতে নিন্দাসিত হয়েছিল, হিন্দুধর্মের সংস্কারে বন্ধপরিষ্কার হয়ে যিনি সমস্ত হিন্দুজাতির কৃতজ্ঞতাভাজন হয়ে গেছেন, এবং সকলের অশান্ত আকুল-হৃদয় গভীর আশাভরে যার উপর নির্ভর ক'রে শান্তিলাভ করেছিল, সেই শঙ্কর ও তাঁর এই পাণ্ডা, এ উভয়ে যে একজাতীয় জীব, তা বিখ্যাতই হয় না। শঙ্করাচার্যের দুর্ভাগ্য—এরা সকলে তাঁর আসন কলঙ্কিত করচে। এই পাণ্ডার সম্বন্ধে পরে যে সকল কথা শুনেছি, তা আর কাগজে কলমে লেখা যায় না, এমনি বীভৎস আচরণ। তীর্থস্থানের অধিনায়কগণের কথা অনেকেই শুনেছেন; দেবতার নামে উৎসর্গীকৃত অর্থ ক্রিপা অথবা ব্যয়িত হয় তার নূতন দৃষ্টান্ত প্রয়োগ নিশ্চরোজন। চক্ষের সমুদ্রে

আজও কলিকাতার প্রধান বিচারালয়ে অকারণে রাশি রাশি অর্থ জলস্রোতের মত ভেসে যাচ্ছে। ছুঃখপাপতাপক্লিষ্ট শত শত নরনারী তাহাদের বহু কষ্টে উপার্জিত অর্থের ছই একটি পরমা বাচিয়ে তাই নিয়ে তীর্থদর্শন কর্তে যায়, দেবচরণে সেই কষ্টোপার্জিত অর্থ দিয়ে আপনাকে কৃতার্থ বোধ করে; আর মঠের অধিকারী মহাশয়েরা বিলাস-লালসা তৃপ্তির জন্তে সে অর্থ ব্যয় করে।

বাইরে এসে দেখি স্বামীজি ও অচ্যুত বাবাজি আমার জন্তে অপেক্ষা করছেন; এইবার আমাদের মধ্যে প্রথম কথা উঠলো "এখন কোথায় যাওয়া যায়?" বাস্তবিকই এবার আমাদের নিরুদ্দেশ-যাত্রা। যেখানে ও যে পথে লোক যায়, এতদিনে আমরা তা শেষ করলাম; এইবার হতে এক নূতন পথে যেতে হবে, সে পথে কখন লোকে চলে না, এবং তীর্থযাত্রীর দলও সে পথে যেতে আগ্রহ প্রকাশ করে না। এই নূতন পথ দিয়ে আমাদের ব্যাসগুহা দেখতে যেতে হবে। এই নূতন পথে চলতে একজন পাণ্ডার সাহায্য লওয়া ভাল হিরক'রে একবার লছমীনারায়ণ পাণ্ডার খোঁজ করা গেল। সে পূর্বেদিন রাত্রেই বদরিকাশ্রমে এসে সশরীরে হাজির হয়েছে; লছমীনারায়ণ দেবপ্রয়াগে আমাদের ভরসা দিয়েছিল যে শীঘ্রই নারায়ণ মন্দিরে এসে পৌছবে, কিন্তু এত শীঘ্র আসবে তা একদিনও আমাদের মনে হয় নি, তার এত তাড়াতাড়ি আসবার কারণ জিজ্ঞাসা করে জানতে পারলাম, নারায়ণ দর্শন করবার জন্তে যে ব্যাকুল হয়ে সে এখানে এসেছে তা নয়, কাশীনাথ জ্যোতিষী মহাশয় তার একজন সম্ভ্রান্ত যজমান তাঁর কাছে বিলক্ষণ দশটাকা প্রাপ্তির সম্ভাবনা, কিন্তু "রামনাথকি চাটীর" দ্বারা সে কাজটা যথাবিহিত সম্পন্ন হবে, লছমীনারায়ণের সে আশা ছিল না, তাই সে প্রাণপণে হেঁটে এসেছে। জ্যোতিষী মহাশয় সেই রাত্রেই বদরীনাথ পৌছিয়েছেন; আমরা তাঁকে পাণ্ডুকেশর রেখে এসেছিলাম, তার পর আমরা ঘুরতে ঘুরতে আসছি, তিনি বাহকস্বন্ধে নির্ভাবনায় আসছিলেন; স্মরণ্য আমাদের আগেই তাঁর এখানে পৌছবার সম্ভাবনা বেশী ছিল।

আমাদের সঙ্গে ব্যাসগুহা পর্যন্ত যাবার জন্ত লছমীনারায়ণকে বলা গেল; কিন্তু এ প্রস্তাবে সে অস্বীকার করে, বলে, তার অনেক যাত্রী রাত্রে এসেছে, পরদিন সকালেও অনেকে এসে পৌছবে, এরকম অবস্থায় তাদের নারায়ণ দর্শনের বন্দোবস্ত না ক'রে আমাদের সঙ্গে কি রকম ক'রে অতদূর যায়! এ ছাড়া ব্যাসগুহার পথও তার সম্পূর্ণ অজ্ঞাত, এবং এ পর্যন্ত কোন যাত্রী সে পথে অগ্রসর হয় নি, বিশেষ সে একটা তীর্থ বলেই গণ্য নয়। তার কথায় মনটা কেমন দমে গেল। কিন্তু এখান হতে ফিরে যাওয়া হচ্ছে না, আর খানিকটা যেতেই হবে, স্মরণ্য এ পথেই যাওয়া ভাল; স্বামীজি ও আমি এই রকম সিদ্ধান্ত করে ফেললাম। বৈদান্তিক ভায়ার সাংসারিক আকর্ষণ কিছু ছিল ব'লে বোধ হয় না, কিন্তু আর এ পথে অগ্রসর হতে তিনি বিষম নারাজ; আমার ও স্বামীজির মতলব শুনে ভারি চটে উঠলেন, বলেন, পাণ্ডারা যে পথ চেনে না, তীর্থযাত্রীরা যে স্থানকে তীর্থের

হিসাবে নগণ্য মনে করে, সেখানে এত কষ্ট করে দৌড়নর কি দরকার, শরীরকে শুধু শুধু কষ্ট দেওয়াই যদি অতিপ্রায় হয়, তবে তার ত অনেক উপায় আছে। আমি ভায়ার উপর রাগ করে বল্লম “তুমি যুধা তীর্থভ্রমণের উদ্দেশ্যে এতকাল অতিবাহিত করে, শুধু যাত্রী-নির্দিষ্ট তীর্থে যুরে মন্দির এবং ঠাকুর দেখেই কি তুমি তোমার জীবনকে ধ্বংস এবং হৃদয়কে পরিতৃপ্ত বোধ কর? এই হিমালয়ের মহান গভীর শাস্তিপূর্ণ ক্রোড়ের মধ্যে কি এমন কোন তীর্থ নেই যাত্রীদের দেবতা এবং দেবমন্দির তাকে পবিত্র ও বিখ্যাত না করলেও প্রকৃতির বিচিত্র শোভা এবং শাস্তির কোমল উৎসে তা সমলঙ্কৃত?” বক্তৃত্বাধারা ভায়াকে বিলক্ষণ বাধ্য করা যেত, স্তত্রাং অবিলম্বেই তিনি তাঁর আপত্তি ত্যাগ কল্লেন।

আমাদের যখন এই রকম তর্ক বিতর্ক চলছিল সেই সময় সেখানে ছ-চারজন গোট পাণ্ডা উপস্থিত ছিল, আমরা ব্যাসগুহা দেখবার জন্ত উৎসুক হয়েছি শুনে তারা সকলেই ভারি বিস্ময় প্রকাশ করে বল্লেন সেখানে যাবার কোন রকম বন্দোবস্ত নেই, অলকনন্দা পার হতে হবে, কিন্তু কোথাও সাঁকো নেই, নদী জ’মে শক্ত হয়ে গিয়েছে তারই উপর দিয়ে অতি সস্তূর্ণপে কোন রকমে পার হতে হবে, হঠাৎ একটা চাপ ব’সে গিয়ে সব শুদ্ধ ডুবে যাওয়ার কিছুমাত্র আটক নেই! একজন পাণ্ডা বল্লেন কিছুদিন আগে একজন অলকনন্দা পার হতে গিয়ে বরফ ভেঙ্গে ডুবে গিয়েছিল, অতএব সেখানে যখন দেখবার যোগ্য কিছু নেই তখন এত কষ্ট করে যাবার কি এত আবশ্যিক? আমরা কিন্তু এ যুক্তিতে কর্ণপাত কল্লম না; এবং বলা বাহুল্য এই রকম যুক্তি অল্পযারে চললে আর এতদূর পর্যন্ত অগ্রসর হবার সম্ভাবনা থাকতো না।

বরাবর এই একটা আশ্চর্য ব্যাপার দেখে আসা যাচ্ছে যে, যে সমস্ত যাত্রী তীর্থভ্রমণ করতে আসে তারা শুধু দেবমন্দির ও দেবতা ছাড়া আর কিছুতে মনোনিবেশ করে না, হয়তো তারা সেটা বাহুল্য জ্ঞান করে, না হয়, একমনে একপ্রাণে অতীষ্ট দেবতার চিত্তান্তেই তারা তন্ময় হয়ে থাকে, এবং তাতেই তারা এমন নিবিষ্টচিত্তে পথ চলে, যে চতুর্দিকে আর বা কিছু দেখবার আছে, তার প্রতি দৃষ্টিনিষ্ফেপের অবসর পায় না; এ পর্যন্ত কত তীর্থ-যাত্রীর সঙ্গে দেখা হল, তারা বাহুপ্রকৃতির সৌন্দর্য, চতুর্দিকের অভিনব দৃশ্যরাজির বৈচিত্র্য মৃশ্বে কোন কথাই বলে না।

যাহোক আপাততঃ ব্যাসগুহার উদ্দেশ্যেই রওনা হওয়া গেল।

বদরিকাশ্রম ভ্রাগ ক’রে চলতে আরম্ভ কল্লম; তিনটি প্রাণী পূর্নবৎ চলছি বটে কিন্তু পথ অনির্দিষ্ট, অধিকতর ছুর্গম এবং একান্ত নিষ্কল। চলতে চলতে ক্টিং যদি কোন সাধু সন্ন্যাসীর সঙ্গে দেখা হয় ত পথের কথা জিজ্ঞাসা কল্লেন একটু অবাক হয়ে আমাদের দিকে তারা চেয়ে থাকে, তার পর বলে “ইস্‌তরক কৈ যাঁয়গা পর হোগা মালুম নেহি,” স্তত্রাং অল্প লোকের কাছে পথের সন্ধান জানার আশায় নিরাশ হয়ে আমরা নির্লাকভাবে এবং কতকটা মন্দিষ্টচিত্তে অলকনন্দার ধারে ধারে চলতে লাগলুম। আগে পাছে সেই উন্নত পর্বতশ্রেণী

তুয়ারাচ্ছন্ন, বন্ধুর, তরুতৃণহীন পর্বতের আর অন্ত নেই; মধ্যে শুধু সঙ্কীর্ণ-বন্ধিম অধিত্যকা ভেদ করে অলকনন্দা অক্ষুটশঙ্কে ছুটে চলেছে এবং তার কম্পিত জলপ্রবাহ কঠিন প্রস্তর ভিত্তিতে এসে ধীরে ধীরে আঘাত করচে। ক্রমে বরফের স্তূপ আবার দৃশ্যমান হয়ে পড়লো অলকনন্দার জলধারা অদৃশ্য হয়ে এলো, অবশেষে বরফের নদী ভিন্ন আর কিছুই দেখা গেল না। কঠিন জমাট বরফ রাশিতে নদীগর্ভ সম্পূর্ণ আচ্ছন্ন।

অনেকক্ষণ চলার পর আমরা তুয়ারাচ্ছন্ন নদীতীরে এসে দাঁড়ালুম। চারিদিকে শুধু বরফ ধূধু করছে, নিম্নে উল্কে যদিকে চাই কেবল বরফ, পথের চিহ্ন নেই, নদীর চিহ্ন নেই, গন্তব্য স্থান কোনদিকে ঠিক নেই, এমন কি দিকনির্ণয়ের পর্যন্ত উপায় নেই, আমরা তিনজনেই দিকভ্রান্ত হয়ে বরফ নদীর তীরে দাঁড়িয়ে ভাবতে লাগলুম। যদিক হতে আমরা এসেছি সেদিক ঠিক আছে—এখনও কিরে যেতে পারি। অনির্দিষ্ট বিপদের মধ্যে প্রবেশ করবার পূর্বে আর একবার ভেবে দেখলুম, তার পর ভগবানের নাম স্মরণ করে নদী পার হওয়াই স্থির কল্লুম।

ব্যাসগুহা যে কোথায় তা এখন পর্যন্ত স্থির হয় নি। স্বামীজির বিশ্বাস আমাদের সম্মুখের পর্বতের গায়েই নিশ্চয় ব্যাসগুহা দেখতে পাওয়া যাবে। স্বামীজির অল্পমানের উপর নির্ভর করেই আমরা নদী পার হতে প্রবৃত্ত হলুম। এখানে নদী পার হওয়া বড়ই ছঃসাহসের কাজ; আগেই বলেছি নদীর উপর কোন সাঁকো নেই তার উপর কোন স্থানে বরফ কি অবস্থায় আছে তা নির্ণয় করা দুর্লভ, আমরা যে বরফরাশির উপর দাঁড়িয়ে আছি তার নীচেই যে নদী নেই তারই বা ঠিক কি? অতএব আর বেশী চিন্তা না ক’রে তাড়াতাড়ি চলতে লাগলুম। বৈদান্তিক তাঁর দীর্ঘ পার্কতা যষ্টি হস্তে পথ প্রদর্শক হলেন, এক এক পা অগ্রসর হন আর সেই যষ্টিগাছটি বরফে বসিয়ে দিয়ে জমাট বরফের পরিমাণ নির্দেশ করেন; আমিও বৈদান্তিকের সঙ্গে সঙ্গে চলতে প্রস্তুত হলুম কিন্তু স্বামীজি আমাকে ভারি ধমক দিয়ে পিছে হটিয়ে দিলেন, এবং তাঁর সঙ্গে সঙ্গে চলতে অল্পমতি কল্লেন; আরো বল্লেন যদি আমি তাঁর কথার অবাধ্য হই তবে তিনি তখনই সেস্থান হতে ফিরে যাবেন, আমার মত উচ্ছলমতি বালকের সঙ্গে তাঁর চলা পুথিরে উঠবে না। আমি হস্তমুখে তাঁকে নির্ভয় হতে বল্লুম, কিন্তু তিনি পুনশ্চ ভয় দেখিয়ে বল্লেন, হঠাৎ আমার পা-ছুটো আমার অজ্ঞাত মারেই বরফের মধ্যে পুঁতে যেতে পারে তখন আমাকে টেনে তোলা তাঁদের ছজনের সাধ্যায়ত্ত্ব হবে না। অগত্যা তাঁর সঙ্গে সঙ্গে চলতে লাগলুম; বুঝলুম স্বাধীনতা না থাকলে স্বর্গেও স্ত্রণ নেই, কিন্তু স্বামীজির স্নেহ কোমল ভৎসনায় মনে অধীনতার সস্তাপ স্থান পায় না।

সেই তুয়ারাচ্ছন্ন নদীর পরিসর কতখানি তা জানা নেই স্তত্রাং আমাদের সকলকে অতি সস্তূর্ণপে পদক্ষেপ কর্তে হলো। অনেকক্ষণ হতে চলছি, এতক্ষণ হয়তো নদী পার হয়ে পর্বতের কঠিন প্রস্তরের উপর দিয়ে চলছি, কিন্তু তবু সতর্ক হয়ে যেতে হচ্ছে। আমি

লক্ষ্য করে দেখলুম, বৈদান্তিক এবং স্বামীজি দুজনেই বেশ সচ্ছন্দভাবে চলে যাচ্ছেন, তাঁদের আকার প্রকার এবং গতিতে ভয়ের কোন চিহ্ন দেখা গেল না, কিন্তু স্বীকার কর্তে লজ্জা নেই আমার মনে মধ্যে মধ্যে বিলক্ষণ ভয়ের সঞ্চার হচ্ছিল। সংসারের বন্ধন কাটিয়েছি, সম্যাস অবলম্বন করা গেছে, পৃথিবীতে স্থখ নেই, এবং বেঁচে থাকবার যে কিছু প্রলোভন তাও দূর হয়েছে, কিন্তু তবু জীবনের মায়া বিসর্জন দিতে পারিনি। যার কোন কাজ নেই সেও জীবনটাকে মূল্যবান মনে করে। জীবন বিসর্জন দেওয়া সহজ বলে মুখে যতই আশা-লম করি না কেন, যখন বিপদের মেঘ চারিদিকে ঘন হয়ে আসে এবং সংসারের উন্নত তরঙ্গ ফেণিল হয়ে উঠে, তখন আমরা নিরাশ্রয় হাতছাড়া কৃতান্ত্রী বন্ধ ক'রে ভগবানের করুণা প্রার্থনা করি, তখন আমরা বুঝতে পারি আমরা শুধু কাপুরুষ নই ভগবানের চির-মঙ্গল ইচ্ছার উপর নির্ভর কর্তেও আমরা অশক্ত; আমরা দুর্বল এবং বিশ্বাসহীন।

অনেকক্ষণ পরে একটা চড়াইয়ের উপর উঠা গেল, তখন নির্ভয় হলুম, কারণ সেটা আর নদীগর্ভ হ'তে পারে না। পাহাড়ের উপর উঠে অনেক অল্পসন্ধানে ব্যাসগুহার কোন সন্ধান পাওয়া গেল না, চারিদিক তন্ন তন্ন করে খুঁজতে লাগলুম কিন্তু কোথাও গুহার নাম নেই, ছোট ছোট ছ-একটা গুহা থাকলেও তা বরফে ঢাকা। পাহাড়ের পর পাহাড়, শৃঙ্গের পর শৃঙ্গ এই রকম বহুদূর চলে গেছে; অনেক অল্পসন্ধানের পর একটা উঁচু যায়গা দেখা গেল, পাহাড়ের অনেকখানি যায়গা ঘুরে বহুক্ষেপে সেই উঁচু যায়গাটাকে উঠলুম। স্বামীজি শুনেছিলেন বরফাচ্ছন্ন পর্বতের মধ্যে ব্যাসগুহার সম্মুখে কিছুমাত্র বরফ নেই, সে যায়গাটা শৈবালদলে সমাচ্ছন্ন। এই স্থানে উপস্থিত হবামাত্র সেই দৃশ্য আমাদের চোখে পড়ে গেল, স্তবরাং আমরা সহজেই বুঝতে পারলুম এ যায়গাটাই ব্যাসগুহার সম্মুখভাগ। এত ভয় উদ্বেগ এবং পরিশ্রমের পর আমাদের আকাঙ্ক্ষিত বস্তু আবিষ্কৃত হলো দেখে আমরা অত্যন্ত আনন্দ বোধ করলুম। বাঙ্গালীর ছেলে লিভিংষ্টোন, ষ্ট্যানলের মত কখন বিপদসঙ্কল অনাবিষ্কৃত দেশ আবিষ্কার করিনি এবং জীবনে সে আশাও নেই, কিন্তু স্বতঃপ্রবৃত্ত হয়ে অন্ধভাবে রাত্তা হাতড়ে ব্যাসগুহায় উপস্থিত হওয়াতে আমার মনে ভারি অহঙ্কারের সঞ্চার হলো, মনে কর্তে লাগলুম দায়ে পড়লে আমরাও লিভিংষ্টোন, ষ্ট্যানলের মত এক একটা বৃহৎ কাজ করে ফেলতে পারি; সমস্ত বিশ্বসংসারের লোক তখন বিশ্বাস-বিহ্বলনেত্র এই বঙ্গবীরের দিকে চেয়ে কি ভাবে তা করনা কর্তে বেশ আরাম বোধ হ'ল এবং অনেকখানি আশ্বপ্রসাদ ভোগ করা গেল।

ব্যাসগুহার সম্মুখের সেই প্রাঙ্গণটা বেশ পরিষ্কার পরিচ্ছন্ন, একটা ছোট অনাবৃত উঠানের মত। আশ্চর্যের বিষয় এই যে এখানে বিন্দুমাত্র বরফ নেই, অথচ আশে পাশে স্তুপাকার বরফ; সেই ঋতুশ্রেষ্ঠের কোন মারা মস্ত বলে চিরদিনের জন্ত এখান হতে বরফ-রাশি তিরোহিত হয়েছে তা আমাদের মত ক্ষুদ্র মানববুদ্ধির অগম্য, আমরা অবাক হয়ে, তার কারণ খুঁজতে লাগলুম কিন্তু কোন কারণই নির্দেশ কর্তে পারলুম না। এই বরফহীন

গুহা-প্রাঙ্গণটি যে নীরস কালাপ-থর মাত্র তাও নয় পাথরের উপর ক্রমাগত জল পড়লে যেমন এক রকম সবুজ পাতলা শেওলা জন্মে, এখানেও তেমনি শেওলা জন্মিয়ে আছে; কিন্তু এই শৈবালদল পাতলা নয়, গালিচার আসনের মত পুরু, তার রং বড়ই চক্ষুতৃপ্তিকর, বিশেষতঃ তার মধ্যে আবার ছোট ছোট লাল ও সাদা ফুল ফুটে প্রকৃতির হস্তনির্মিত সেই আসনখানিকে আরও স্নন্দর এবং প্রীতিকর ক'রে তুলেছে।

অনেকক্ষণ পর্যন্ত আমরা সেই মনোহর আসনখানির দিকে চেয়ে রইলুম। সেই পুরু শৈবালরাশির উপরে খুব ছোট ছোট লাল ও সাদা ফুল ফুটে রয়েছে, তাতে আসনখানিকে মনি মুক্তাখচিত বলে বোধ হচ্ছে। এমন আশ্চর্য্য দৃশ্য আর কখন দেখেছি বলে মনে হলো না, এরকম জিনিষ আমার কাছে এই নূতন, আমার সঙ্গে কোন বৈজ্ঞানিক পণ্ডিত থাকলে হয়ত এই বরফরাজ্যে এরকম প্রাকৃতিক বৈচিত্র্যের কারণ অবগত হবার জন্তে চেষ্টা করতেন এবং হয়ত কৃতকার্য্যও হতে পারতেন। কিন্তু আমরা কেহই বৈজ্ঞানিক নই, কোন একটা স্নন্দর জিনিষ দেখলে তাকে বিশ্লেষণ না ক'রে তার সৌন্দর্য্য উপলব্ধি করেই কেবল আমরা আনন্দিত হই। জ্যোৎস্নাপুলকিত শুভ্র শারদ যামিনীতে পূর্ণচন্দ্রের দিকে দৃষ্টিনিষ্ক্রেপ ক'রে ক্ষুদ্র শিশু হতে প্রেমিক কবি পর্যন্ত সকলেই স্থখ এবং তৃপ্তি অনুভব করে; চন্দ্র কি বস্তু, দূরবীক্ষণ যন্ত্রে তাকে পর্যবেক্ষণ করে তার মধ্যে কতগুলি পর্বত মাগর, এবং মরুভূমি আবিষ্কার করা যায়, তা বৈজ্ঞানিকের গবেষণার বিষয়। কিন্তু তাঁর এই গবেষণাজনিত আনন্দ শিশু ও কবির আনন্দ অপেক্ষা অধিক কি না তা কে বলবে? এদানী বৈজ্ঞানিকেরা প্রমাণ করবার চেষ্টা করছেন যে মঙ্গলগ্রহে মল্লয় অপেক্ষা উচ্চ শ্রেণী জীবের বাস আছে, সেই সকল অপার্থিব প্রাণী ক্রমাগত লাল আলো দেখিয়ে আমাদের পৃথিবীর মনুষ্যের সঙ্গে আলাপ পরিচয় করবার চেষ্টা করচে; আর একজন কবি হয়ত সেই মঙ্গল গ্রহকে অনন্ত গগনোচ্ছানের একটা লোহিত কুম্ব বলে বিশ্বাস ক'রেই সন্তুষ্ট। হয়ত এ ভ্রম—কিন্তু কত সময় আমরা ভ্রান্তিতেই সন্তুষ্ট থাকি; আমাদের মত উদ্দেশহীন জীবনের সুদীর্ঘ যাত্রাটাই কি ভ্রম! কিন্তু এ ভ্রম বিদূরিত করবার জন্ত আমরা কিছুমাত্র ব্যস্ত নই, বরং যখন একটা ভ্রম দূর হয়ে যায়, আমরা স্পষ্ট হতে হঠাৎ জেগে উঠি এবং কঠোর সত্যের অতি পরিষ্কৃত কঠিন শিলাতলে নিষ্কিন্ত হই, তখন শান্তির আশার আর একটা অভিনব ভ্রমের কুহক রচনার জন্ত আমাদের প্রাণ আকুল হয়ে হঠে।

যাহোক এ দার্শনিক তত্ত্ব এখন থাক। ব্যাসদেবের আসন দেখতে দেখতে মাথার মধ্যে এতখানি দার্শনিক ভাব গজিয়ে তোলা অনেকের নিকটই বাহুল্য বোধ হবে। আসন দর্শন ত্যাগ করে আমরা তিনজনেই গুহার মধ্যে প্রবেশ করলুম। ব্যাসগুহার নাম শুনে ভেবে-ছিলুম এ বৃষ্টি একটা ছোট গুহা, তার মধ্যে ব্যাসদেব এবং বড় জোর তাঁর লোটা কল্প-ধরতে পারে; কিন্তু গুহার প্রবেশ ক'রে দেখতে পেলুম সে এক প্রকাণ্ড গহ্বর, তার মধ্যে এক-দেড়-শ লোক অনায়াসে বসতে পারে, তার মধ্যে বিস্তীর্ণ দেওয়াল, তাতে যুগান্তরের

কালী ও ঘোঁষার দাগ লেগে আছে। ব্যাসদেবের গুহা, কাজেই এখানে যাগ যজ্ঞের অভাব ছিল না, এ হয়ত তারই ঘোঁষার চিহ্ন! আমি কল্পনাচক্ষে মহাভারতীয় যুগের হোম যজ্ঞসমাকীর্ণ এক স্ববিস্তীর্ণ আশ্রম, একটি শান্তিপূর্ণ পবিত্র তপোবনের চিত্র দেখতে পেলুম। শুনেছি থিয়োজফিষ্ট মহাশয়েরা বলেন এক একটা যাগগার বৈদ্যুতিক হাওয়া খুব ভাল, সেই সেই যাগগা হিন্দুদের তীর্থস্থান। এ কথাটা কতদূর সত্য তা জানি নে এবং এ যাগগাটা যদিও তীর্থের নিষ্ঠ হতে নিজের নাম খারিজ করেছে, তবু যে শান্তি পবিত্রতা ও স্বর্গীয়ভাব এই গিরি-অন্তরালে সংগুপ্ত আছে, অনেক তীর্থে তা একান্ত দুর্লভ। আমরা গুহার মধ্যে অনেকক্ষণ বসে রইলুম, পৌরাণিক স্থতির তরঙ্গ আমাদের প্লাবিত করতে লাগলো। এমন স্থানে এসে কি গান না ক'রে থাকার যায়? স্বামীজি আমাদের গান করতে অনুরোধ করেন, এবং নিজেই আরম্ভ করেন :—

“মিটিল সব ক্ষুধা, তাঁহারই প্রেমসুখা
চলরে ঘরে লয়ে যাই।”

পথশ্রমের এই দারুণ ক্লান্তির পর ভাঙ্গা গলাতে গুহা প্রতিধ্বনিত ক'রে এই গানটি বার বার গাওয়া গেল; এমন মিষ্টি লাগলো যে নিজেরাই মোহিত হয়ে পড়লুম। যাঁরা ভাল গায়ক তাঁরা এখানে গান আরম্ভ করলে বুঝি পৃথিবী স্বর্গ হয়ে যায়! আমি ছুই এক পালটা গেয়ে ছেড়ে দিতে চাই স্বামীজি আবার আর একটা আরম্ভ করেন, আমাকে আবার গাইতে হয়, তাঁর ক্ষুধা যেন আর মেটে না, শেষটা তাঁকে দেখে বোধ হ'ল তাঁর যেন “স্বপ্ন-পান অভিনাষ অভিনাষই থেকে গেল।”

আমরা এইভাবে অনেকক্ষণ কাটিয়ে দিলুম। বেলা ১ টা বেজে গেল, আর বেশী দেরী করলে পথে কোন বিপদে পড়তে হবে মনে করে আবার উঠে পড়লুম। তবু কি সেখান হতে উঠতে ইচ্ছে করে? আর এখানে আসবো সে আশা নেই, তবে, দীর্ঘ নিশ্বাস ফেলে সে স্থান হতে বিদায় নিলুম; এমন কতস্থান হতে বিদায় নিয়েছি, ভবিষ্যতে আরও কিছু সুন্দর দৃশ্য দেখতে পাব এই আশাতেই এমন সকল স্থানের প্রলোভন ছাড়তে পেরেছি, নতুবা হয়তো চিরজীবন এই সকল পুণ্যদৃশ্যের কাছে পড়ে থাকতুম।

গুহাত্যাগ করে তিন জনে নদী তীরে এলুম। যে রাত্তা দিয়ে নদী পার হয়েছিলুম তার চিহ্ন মাত্র দেখা গেল না, স্মরণে আবার পূর্ববৎ সস্তপ্ণে নদী পার হতে হলো, কিন্তু নদী পার হয়ে দেখি আমাদের পথ ভুল হয়ে গেছে, তখন ব্যাকুল হয়ে পথ খুঁজতে লাগলুম, এবং তিনমাইলের যাগগার সাত মাইল ঘুরে বেলা তিনটের পর বদরিকাশ্রমে পুনঃ প্রবেশ করলুম। আমাদের বিলম্ব দেখে পাণ্ডা বাবাজিরা আমাদের নামে খরচ লিখে বসেছিল, আমাদের সশরীরে এবং সুস্থ ভাবে ফিরতে দেখে তারা খুব খুসী হলো এবং আমরা কি দেখলুম তা বলবার জ্ঞান আমাদের অনুরোধ করলে; লোকগুলো বুদ্ধিমান সন্দেহ নেই, আমাদের এত কষ্টের অভিজ্ঞতা দুটো বাহবা দিয়ে আয়ত্ব করে নিলে।

শ্রীজলধর সেন।

রাজা রসালু।

পৃথিবীর সর্বপ্রদেশে সর্বজাতিরই মধ্যে উপকথার প্রচলন আছে। ভারতবর্ষের ত কথাই নাই। বাল্যকালে স্ববির পিতামহ ও ব্রজা পিতামহীর নিকট গল্প শুনিবার জন্ম গুণ্ডল্য প্রকাশ করেন নাই এ দেশে এমন কেহ আছেন কিনা জানি না। যেমন বাল্যকালে রাজা-রাণীর, রাক্ষস রাক্ষসীর, ভূত প্রেতিনীর গল্প শুনিতে স্কুলমার মতি বালক বালিকার অভিলাষ, তদ্রূপ বয়োপ্রাপ্ত হইলে প্রবীন মানবেরও উপভাস প্রভৃতি অধ্যয়ন করিতে অভিরুচি দেখিতে পাওয়া যায়। ফল কথা শিশুনোরজনকারী উপকথা বা পরিণতবুদ্ধি প্রাপ্ত বয়স্কের উপভাস নবেল একই জিনিষ। উভয়ই কল্পনা প্রসূত। সকল প্রদেশেই দেখিতে পাওয়া যায় যে ভদেশ নিবাসীদের মধ্যে মহাপরাক্রমশালী দ্বিধিজরী মহাবীরের জনশ্রুতি আছে। জনৈক মহাপুরুষ অসংখ্য নরনারীকে উৎপীড়নকারী দৈত্যদানবের হস্ত হইতে মুক্ত করিয়া, অলৌকিক কার্য্য কলাপ দেখাইয়া, প্রতিবন্দী রাজত্ববর্গকে রণে পরাজিত করিয়া আপনার বশোরাশি বিস্তার করিয়াছেন এরূপ বীরের কীর্তিকলাপ সম্বলিত উপভাস ও রাক্ষস নিহন্তা Jack the Giant killer সদৃশ বীরের উপকথা সকল জাতিরই মধ্যে শুনিতে পাওয়া যায়। ভারত-বর্ষের পঞ্জাব অঞ্চলে এইরূপ অর্দ্ধ ঐতিহাসিক অর্দ্ধ কাল্পনিক রসালু নাম খ্যাত এক মহাবীর নরপতির প্রবাদ এখনও আছে। পঞ্জাবী কথকেরা এখনও রাজা রসালুর কীর্তিকলাপ, অলৌকিক অধ্যবসায় ও শৌর্য্য কীর্তিত করিয়া আপনাপন উপজীবিকা লাভ করিয়া থাকে। এখনও নিশীথভাগে গ্রাম্যালোক অগ্রিকুণ্ডের চতুর্দিকে সমবেত হইয়া কথকাথ্যাত রসালু কাহিনী শ্রবণ করিয়া বিস্ময়াহিত ও আনন্দবিহ্বল হয়। রাজা রসালুর উপভাস কত শত বৎসর হইতে কীর্তিত হইয়া আসিতেছে কে বলিতে পারে। পঞ্জাবী কথকেরা বলিয়া থাকে যে এই উপাখ্যানটি বহু প্রাচীনকাল হইতে বংশাবলী ক্রমে তাহাদের বংশে চলিয়া আসিতেছে।

রাজা রসালুর উপাখ্যান, সর্বপ্রথমে জেনারেল আবট নামক জনৈক ইংরাজ সৈনিক কর্মচারী ইংরাজী ভাষায় অনুবাদিত করেন। তৎকৃত অনুবাদ ১৮৫৪ খৃষ্টাব্দে কলিকাতার আসিয়াটিক সোসাইটি নামক সভার পত্রিকায় প্রকাশিত হয়। তৎপরে কলিকাতা রিভিউ নামক পত্রিকাতে কাপ্তেন আর, সি, টেম্পল নামক আর একজন ইংরাজ কর্মচারী রাজা রসালুর সম্বন্ধে একটি প্রবন্ধ প্রকাশ করেন। ১৮৮৩ খৃষ্টাব্দে মে মাসে রেভারেণ্ড চার্লস্ সুইনার্টন নামা একজন ইংরাজ পাদরী ইহার ইংরাজী অনুবাদ করিয়া Folklore Journal নামক ইংরাজী পত্রিকাতে প্রকাশ করেন। সেই বৎসরের আগষ্ট ও সেপ্টেম্বর মাসে বোম্বাই সহরে চাঁদা করিয়া রাজা রসালুর উপাখ্যানের রূপান্তর প্রকাশিত হয়। তৎপরে সুইনার্টন সাহেব এই উপাখ্যানের তিন প্রকার অপভ্রংশ সংগ্রহ করিয়া উপভাস-

রূপে গ্রথিত করিয়া প্রকাশ করেন। উপাখ্যানের প্রথম ভাষ্য তিনি পঞ্চাবের অন্তর্গত ঘাজী নামক গ্রামে একজন পত্রপ্রদর্শকের নিকট হইতে শ্রবণ করেন। দ্বিতীয় ভাষ্য রাওল-পিণ্ডী নিবাসী জুনা নামক জনৈক প্রাচীন কথকের নিকট হইতে সংগ্রহ করেন। তৃতীয় ভাষ্য কাশ্মীর প্রদেশ নিবাসী সরথা নামা আর একজন কথক তাঁহার নিকট কীর্তন করিয়া-ছিল। রাজা রসালুর উপাখ্যানের উক্ত তিন ভাষ্যের পরস্পরের মধ্যে অনেক অংশে প্রভেদ দেখিতে পাওয়া যায়। উহাদের এক একটিতে এমন বিবরণ আছে যাহা অপর ভাষ্যটিতে নাই। রাজা রসালুর উপাখ্যানের সারমর্ম নিয়ে প্রদত্ত হইল।

উজ্জয়িনী রাজ বিক্রমাদিত্যের বংশীয় শূলবানানাথ্য এক নরপতি শীয়ালকোট নগরে রাজ্য করিতেন। তিনি দুই দারপরিগ্রহ করিয়াছিলেন। জ্যোষ্ঠা রাজ্যের নাম ইচ্ছান ও কনিষ্ঠার নাম লুনা। লুনা নীচবংশোদ্ভব ছিল। তাহার পিতা চর্মকারের ব্যবসায় করিত। জ্যোষ্ঠা রাণীর গর্ভে রাজা শূলবানের এক পুত্র হইয়াছিল। তাহার নাম পুরণ। জ্যোতির্কেন্দ্রীদের পরামর্শ-সারে রাজা পুরণকে জন্মমুহূর্ত্ত হইতেই এক নির্জন স্থানে রাখিয়াছিলেন—যাহাতে তাহার উপর তাঁহার দৃষ্টি কোনরূপে না পড়িতে পারে। যৌবন সীমায় পদার্পণ করিবামাত্রই রাজ্যের পুরণ আপনার নিভৃত নিবাস ত্যাগ করিয়া পিতৃসমীপে আসিয়া পিতার চরণ বন্দন করিল। রাজা শূলবান পুত্রকে বিমাতা রাজ্ঞী লুনাকে অভিবাদন করিবার নিমিত্ত অন্তঃপুরে প্রেরণ করিলেন। ছুট্‌চারিনী লুনা সপত্নী তনয়ের যৌবন স্তম্ভরূপ লাভ্যা দর্শন করিয়া তাহার প্রেমাসক্ত হইল ও পুরণের নিকট আপন মনোভাব জ্ঞাপন করিল। রাজকুমার পুরণ বিমাতার এইরূপ নীচপ্রবৃত্তি দেখিয়া ঘৃণার সহিত তিরস্কার করিয়া তাহার নিকট হইতে চলিয়া গেল। লুনা এই প্রকারে ব্যর্থ মনোরথ হইয়া নরপতি শূলবানের নিকট সপত্নীতনয়ের নামে মিথ্যা অভিযোগ করিল। সত্য মিথ্যা বিচার না করিয়াই ত্রেণ-নরপতি স্বীয় আত্মজকে নির্কাসিত করিয়া তাহার প্রাণদণ্ডের আজ্ঞা প্রদান করিলেন। ঘটকেরা রাজকুমার পুরণকে বনমধ্যে লইয়া যাইয়া তাহার হস্তপদাদি ছিন্ন করিয়া একটি ভগ্নকূপ মধ্যে তাঁহাকে নিক্ষেপ করিল। এইরূপ শোচনীয় অবস্থায় রাজকুমারকে কূপমধ্যে কিয়ৎকাল যাপন করিতে হইয়াছিল। পরে টিলানিবাসী বিখ্যাত যোগীবর গুরু গোরক্ষনাথ কূপমধ্য হইতে তাহাকে উত্তোলিত করিয়া আপনার অলৌকিক যোগবলে তাহার ছিন্নহস্তপদ যথা-সংলগ্ন করিয়া পুত্রনির্কিশেবে লাগন পালন করিতে লাগিলেন।

রাজকুমার পুরণ যোগীবেশ ধারণ করিয়া শীয়ালকোটের নিকটবর্ত্তী একস্থানে তপশ্চর্যা করিতে লাগিলেন। তাঁহার অলৌকিক তপোবলের কথা শুনিয়া, রাজা শূলবান ও রাজ্ঞী লুনা পুত্রলাভ কামনার তৎসমীপে সমাগত হইলেন। রাজকুমার তাঁহাদিগকে চিনিতে পারিলেন। রাজ্ঞী লুনা যোগীবেশধারী সপত্নীতনয়ের নিকট এই বর প্রার্থনা করিলেন যে অচিরে যেন তাঁহার এক পুত্র ভূমিষ্ঠ হয়। যোগী বলিলেন আপনার শীঘ্রই একপুত্র হইবে কিন্তু আপনার সপত্নীশ্রমেয় পুত্রশোকে অহরহঃ ক্রন্দন করিতেছে তদ্রূপ আপনাকেও পুত্রশোকে

জরজর হইতে হইবে। আপনার বড়বয়সায় পড়িয়া রাজ্ঞী ইচ্ছানের পুত্রের যেমন হৃদশা হইয়াছে, তদ্রূপ আপনার তনয়ও রমণীর বড়বয়সায় পড়িয়া পঞ্চত্ব লাভ করিবেন।

সময়ক্রমে রাজ্ঞী লুনা এক পুত্রসন্তান প্রসব করিলেন। রাজা শূলবান তনয়ের নাম রসালু রাখিলেন। পাছে পুত্রমুখ সন্দর্শন করেন এই ভয়ে রাজা ভূমিষ্ঠ হইবামাত্রই রাজ-কুমার রসালুকে দ্বাদশ বৎসর যাবৎ নিভৃত নিবাসে প্রেরণ করিলেন। দ্বাদশ বৎসর অতি-বাহিত হইলে রাজকুমার রসালু রাজধানীতে আগমন করিয়া পিতৃচরণ বন্দনা করিলেন। যত জীড়া ছিল তন্মধ্যে ধনুকের দ্বারায় প্রস্তরখণ্ড নিক্ষেপ করাই রাজকুমার রসালুর বড়ই প্রিয়জনক বোধ হইত। পুরনারীগণকে নদী হইতে কলস করিয়া জল আনিতে দেখিলেই রসালু ধনুকের দ্বারায় প্রস্তরময় গুলি নিক্ষেপ করত তাহাদের কলস ভাঙ্গিয়া দিতেন। পুর-নারীগণ মন্ত্রীসমীপে রাজকুমারের বিপক্ষে অভিযোগ করিল। মন্ত্রীও নরপতি সমীপে যাইয়া বলিলেন যে রাজকুমারকে বাবস্থার নিষেধ করা সত্ত্বেও তিনি রাজ্যে অবহেলা করিয়াছেন, অতএব রাজকুমারকে নির্কাসিত করা উচিত। নরপতি শুনিয়া বলিলেন “মন্ত্রীবর, আমি একপুত্র নির্কাসিত করিয়া শোকাক্রান্ত হইয়া আছি। আপনি পুনর্বার আর একপুত্রের নির্কাসনের কথা বলিতেছেন। যতই মুদ্রা লাগে তাহা দিয়া মুগ্ধ কলসের বিনিময়ে পুরনারীগণকে কাংশ্রময় কলস ক্রয় করিয়া দিন।” এই আদেশ দিয়া আত্মজ রসালুকে অস্থান করিয়া নরপতি আজ্ঞা দিলেন যে পুনরায় যেন পুরনারীগণের কলস ভাঙ্গিয়া না দেয়। কিন্তু পুরনারীগণকে কাংশ্রময় কলসে জল আনিতে দেখিয়া, রাজকুমার রসালুও এক লৌহময় ধনুক নির্মাণ করাইলেন ও তদ্বারায় লৌহময় গুলি নিক্ষেপ করতঃ উহাদের কাংশ্রনির্মিত কলসও ভাঙ্গিয়া দিতে লাগিলেন। রাজমন্ত্রীর নিকট পুরনারীগণ পুনরায় অভিযোগ করাতে রাজকুমারকে নির্কাসিত করিবার জন্ত তিনি নরপতি শূলবানের নিকট পুনরায় আবেদন করিলেন। নরপতি বলিলেন “মন্ত্রীবর, রসালু আমার একমাত্র বংশধর উহাকে আমি নির্কাসিত করিতে পারি না। অতএব প্রত্যেক বাটীতে এক একটি কূপ খনন করাইয়া দিন যাহাতে পুরনারীগণ অবাধে জল তুলিতে পারে। কিন্তু শীয়ালকোট নগরে যে সর্বোচ্চ তোরণ ছিল তাহার উপর হইতে নগরস্থ সমস্ত বাটী দেখা যাইত, তদুপরি আরোহণ করিয়া গুলি নিক্ষেপ করতঃ রাজকুমার পুত্রের শ্রায় পুরনারীগণের কাংশ্রনির্মিত কলস ভাঙ্গিয়া দিতে লাগিলেন। নাগরিকগণ পুনর্বার রাজকুমারের বিপক্ষে অভিযোগ করিল। মাহুষের ধৈর্য আর কতদিন থাকিতে পারে। নরপতি এইবার আদেশ করিলেন রাজকুমার যেন তৎক্ষণাৎ তাঁহার রাজ্য ত্যাগ করিয়া অপরত্র চলিয়া যায়। রাজ্ঞী লুনা পুত্রের জন্ত রাজ্যের নিকট কতই অহুন্নর বিনয় করিলেন কিন্তু নরপতি সে কথায় জ্রক্ষেপ না করিয়া পুত্রের নির্কাসন দণ্ডাজ্ঞা প্রদান করিলেন। শীয়ালকোট নগরে যে সমস্ত যুবক বলবীর্যে অদ্বিতীয় ছিল, তাহাদিগকে আপন সমভিব্যাহারে লইয়া রাজকুমার রসালু রাজ-ধানী পরিত্যাগ করিয়া চলিয়া গেলেন।

পরিভ্রমণ করিতে করিতে রাজকুমার রসালু গুজরাট রাজ্যে উপস্থিত হইলেন। তত্রতা নরপতি রসালুর যথোচিত সমাদর করিয়া তাঁহাকে জিজ্ঞাসা করিলেন “মহাশয়, আপনি রাজকুমার হইয়া কেন পিতৃরাজ্য ত্যাগ করিয়া এই দূরদেশে আসিয়াছেন?”

রসালু বলিলেন “কীলামের সন্নিকটে এক রাজ্য আছে যেখানে রাক্ষসেরা বাস করে। কিন্তু রাক্ষসগণকে প্রস্তরীভূত করিয়া এক প্রতিদ্বন্দ্বী নরপতি ঐ রাজ্য দখল করিয়া লইয়াছেন। ঐ রাজ্যের চতুর্থাংশে আমার পিতার স্বত্ব আছে যেহেতু পূর্বতন রাজগণের সহিত আমার আমার পিতা সন্ধিস্থত্রে বদ্ধ। কিন্তু অধুনাতন নরপতি আমার পিতার স্বত্ব দিতে অস্বীকার করিতেছেন। সেই জন্ত আমি আমার পৈতৃকসম্পত্তি বাহাতে পাই সেই চেষ্টায় যাইতেছি।” গুজরাটধিপতি বলিলেন “আমার যে সমস্ত রণনিপুণ বীর আছে, তাহা-দিগকে আপনার সহিত প্রেরণ করিতেছি। আপনাকে সাহায্য করিবে।”

রসালু সসৈন্তে প্রস্তরীভূত রাক্ষসের দেশে যাইয়া তথাকার নরপতিকে রণে পরাজয় করিয়া রাজ্যের শাসনভার এক দক্ষ প্রতিনিধির হস্তে ছত্ত করিলেন। কীলাম নগরে অবস্থানকালে রাজা রসালু শুনিলেন যে টিল্লা নামক গ্রামে এক বিখ্যাত ফকির বাস করেন। শুনিয়াই তিনি মনে মনে স্থির করিলেন যে এই ফকিরের নিকট একবার যাইতে হইবে। এদিকে ফকিরও তপোবলে জানিতে পারিলেন যে রাজা রসালু তাঁহার তপোবল পরীক্ষা করিতে আসিতেছেন। ইহা জানিয়া ফকির মনে মনে স্থির করিলেন যে তিনিও রাজা রসালুর পরাক্রম পরীক্ষা করিবেন। এই বলিয়া তিনি ব্যাঘ্ররূপ ধারণ করতঃ রাজা রসালুর আবাসের চতুর্দিকে বিচরণ করিতে লাগিলেন। রসালুর অহুচরবর্গ তাঁহাকে সংবাদ দিল যে এক বৃহৎকায় ব্যাঘ্র তাহার আবাসের চতুর্দিকে বিচরণ করিতেছে। শুনিবামাত্র রসালু ব্যাঘ্রকে আক্রমণ করিলেন। ব্যাঘ্র আক্রমণ করিবার মানসে লক্ষ লক্ষ করিতে লাগিল। রসালু তৎক্ষণাৎ স্বীয় অমোঘ তীর নিক্ষেপ করিলেন। তাঁহার ধ্বংসের অব্যর্থ সন্ধান দেখিয়াই ব্যাঘ্র ভীত হইয়া পলায়ন করিল। তৎপরে রসালু ফকিরসম্মুখে গমন করিয়া তাঁহাকে অভিবাদন করিলেন। রাজাকে দেখিয়া ফকির বলিলেন “নরপতি, এই স্থান নির্ঝিরোদ্রী ফকিরগণের আবাসস্থল। গণ্ডগড় নামক নগরে রাক্ষস বাস করে। আপনি যদি সেই সমস্ত রাক্ষসগণকে পরাজিত করিতে পারেন তাহা হইলে আপনার যশোরাশি ভূমণ্ডলের সর্বপ্রদেশে বিকীর্ণ হইবে। নির্ঝিরোদ্রী ফকিরগণকে পরাজিত করিলে ত আর আপনি যশস্বী হইতে পারেন না।”

ফকিরের এই কথা শুনিয়া রসালু বলিলেন “যোগীবর, আপনি আমার কৌতুক করিতেছেন। আমি শপথ করিতেছি যে যতদিন পর্যন্ত না আমি রাক্ষসগণকে পরাজিত করিতে পারিব ততদিন পর্যন্ত আমি গৃহে বাস করিব না।”

ফকির বলিলেন “নরনাথ আমি আশীর্বাদ করিতেছি যে রাক্ষসগণের সহিত রণে আপনি জয়লাভ করুন। আর আমি স্বীয় যোগবলে জানিতে পারিতেছি যে যতপি আমার

দুটি আদেশ পালন করেন তাহা হইলে নিশ্চয়ই আপনি রাক্ষসগণকে বলে পরাজিত করিতে পারিবেন।”

রসালু বলিলেন “বলুন, আপনার আদেশ দুটি কি।”

ফকির বলিলেন, “প্রথমতঃ নিরাপাণী ব্যক্তিকে কখনই হত্যা করিবেন না; দ্বিতীয়তঃ কখনই নারীবধ করিবার জন্ত হস্তোত্তোলন করিবেন না।” শুনিয়া রাজা রসালু টিল্লানগর পরি ত্যাগ করিয়া মক্কানগরাসম্মুখে গমন করিলেন।

মক্কানগরে উপস্থিত হইয়া রাজা রসালু অত্রতা অধিপতি হজরৎ ইমাম আলি লাকের সহিত সাক্ষাৎ করিলেন। মক্কাদ্বিপতি তাঁহাকে জিজ্ঞাসা করিলেন “মহাশয় আপনাকে দেখিয়া বোধ হইতেছে যে আপনি একজন অদ্বিতীয় বীর! কি মানসে আপনি এখানে আসিয়াছেন ও আমার দ্বারা আপনার কোন উপকার হইতে পারে কি না বলুন।”

রসালু বলিলেন “মহাশয় আপনার নিকট দুই বিষয়ে সাহায্য প্রার্থনা করিতেছি। আপনি ব্যতিরেকে পৃথিবীতে আর এমন কেহ নাই যে ঐ দুই বিষয়ে আমাকে সাহায্য করিতে পারে।” হজরৎ আলী বলিলেন “মহাশয়, কিসে আপনার উপকার করিতে পারি বলিতে আজ্ঞা হউক।”

রসালু বলিলেন “আপনার নিকট আমার প্রথম নিবেদন হইতেছে যে আপনি স্বয়ং আমাকে মুসলমানধর্মে দীক্ষিত করিবেন। দ্বিতীয়তঃ যখন আমি শিয়ালকোটাদ্বিপতির বিপক্ষে অস্ত্রধারণ করিব তখন সেই রণে আপনাকে আনায় সাহায্য করিতে হইবে।” হজরৎ আলি সাহায্য করিতে অস্বীকার করিয়া তাঁহাকে মুসলমানধর্মে দীক্ষিত করিলেন ও বলিলেন যে অচিরে তাঁহার পিতাও রণে পরাভূত হইয়া মহম্মদীয়ধর্ম অবলম্বন করিবেন। ইতিমধ্যে এক জ্যোতির্কর্ত্তা আসিয়া হজরৎআলিকে বলিল “শিয়ালকোট নগরের এক প্রাচীর ভূমিসাৎ হইয়াছে ও তথার অরাজকতা উপস্থিত।” ইহা শুনিয়া হজরৎ আলি বলিলেন “দেখা যাউক কি হয়।”

রাজা রসালু হজরৎআলির আদেশ অপেক্ষার মক্কা নগরে বাস করিতে লাগিলেন।

এদিকে শিয়ালকোট নগরস্থ হুর্গের প্রাচীর ও তোরণ সকল ভূমিসাৎ হইতে দেখিয়া রাজা শুলবান ঐ সমস্ত ভগ্নপ্রাচীর প্রভৃতি পুনর্নির্মাণ করিবার আদেশ করিলেন। স্থনিপুণ কারী-করগণ তিনবার ভগ্নসংশোধন করিল কিন্তু তিনবারই সংশোধিত প্রাচীর প্রভৃতি ভাঙ্গিয়া গেল। এইরূপ ব্যাপার দেখিয়া রাজা শুলবান শিয়ালকোট নগরের খ্যাতনামা জ্যোতির্কর্ত্তদগণকে ডাকাইয়া তাহাদিগকে জিজ্ঞাসা করিলেন যে,—কি করিলে প্রাচীর প্রভৃতি স্থায়ী হইবে।

জ্যোতির্কর্ত্তদগণ বলিলেন “নরনাথ, আপনার পুত্র রসালুকে অথবা জাবেরো নামী জনৈক দিব্যবীর পুত্রকে বলি দিয়া উহার ছিন্ন মস্তকের উপর যতপি ভিত্তি নির্মাণ করেন তাহা হইলেই প্রাচীর স্থায়ী হইবে।”

রাজকুমার রসালু নির্ভাসিত—তাহাকে আর কোথায় পাইবেন; নরপতি শুলবান জাবেরো

নামী বিধবার পুত্রকে নিহত করিতে আদেশ করিলেন। রাজাজ্ঞায়ানী ঘাতকেরা তৎক্ষণাৎ তাহাকে বধ করিল এবং কারীগরগণ ভিত্তিমূলে জাবেরো তনয়ের মস্তক প্রোথিত করিয়া তদুপরি প্রাচীর নির্মাণ করিল। প্রাচীর প্রস্তরবৎ দৃঢ় ও স্থায়ী হইল।

জাবেরো ঘাতকহস্তে আপনার পুত্রের মৃত্যু দেখিয়া রোদন ও বক্ষে করাঘাত করিতে করিতে শিয়ালকোট রাজ্য পরিত্যাগ করিয়া মক্কাভিমুখে গমন করিল। মক্কায় উপস্থিত হইয়াই জাবেরো হজরৎআলির নিকট আপন পুত্রের হত্যাকাহিনী বিবৃত করিল। পুত্র-শোকাতর বিধবাকে সান্থনা করিয়া হজরৎআলি তাহাকে বলিলেন “এক সপ্তাহের পরে তিনি সৈন্ত সামন্ত লইয়া শিয়ালকোট নগরাভিমুখে গমন করিবেন ও রাজা রসালুর সহিত সংযোগ করিয়া রাজা শুলবানের বিপক্ষে যুদ্ধঘোষণা করিবেন। সপ্তমদিনে হজরৎ আলি ও রসালু সেনাসমভিব্যাহারে শিয়ালকোটাভিমুখে যাত্রা করিলেন। ঐ নগরের সম্মুখে পৌছিয়া হজরৎ আলি রাজা শুলবানের নিকট দূত মারফৎ এই মর্মে এক পত্র প্রেরণ করিলেন যে, তাঁহাকে স্বীয় পুত্র রসালুকে আলিঙ্গন করিয়া গৃহে লইতে হইবে ও তাঁহাকে স্বয়ং মুসলমানধর্ম অবলম্বন করিতে হইবে।

পত্রপাঠ করিয়াই রাজা শুলবান পত্রখানিকে ছিন্ন ভিন্ন করিয়া হজরৎ আলি প্রেরিত দূতকে তরবারী আঘাতে দ্বিখণ্ড করিয়া ফেলিলেন। তৎপরে দুইপক্ষে ঘোর যুদ্ধ আরম্ভ হইল। অবশেষে হজরৎ আলি স্বীয় মস্তক দেহ হইতে তরবারীর দ্বারা ছিন্ন করিয়া শিয়ালকোট নগরের প্রবেশদ্বারের উপর নিক্ষেপ করিলেন। রক্তাক্ত মস্তক দ্বার স্পর্শ করিয়া মাত্রই উহা বিদীর্ণ হইয়া গেল। ছিন্নমস্তক বীর হজরৎ আলি সৈন্ত সহিত নগরে প্রবেশ করিয়া রাজা শুলবান ও তদীয় সেনানীবর্গকে হত্যা করিলেন। এইরূপে শিয়ালকোট নগর জয় করিয়া রসালুকে রাজ্যের অধিপতি অভিষিক্ত করিলেন। পুত্রশোক বিধুয়া জাবেরোকে শিয়ালকোট নগরের অর্দ্ধাংশ দান করিয়া ও স্বীয় অল্পপস্থিতিকালে রাজ্যশাসন করিবার ভার এক প্রতিনিধির হস্তে ছাড়া করিয়া রাজা রসালু দ্বিধিজয় করিবার মানসে নগর পরিত্যাগ করিলেন। সঙ্গে কেবল ভৌরাঙ্গি নামক ঘোটক ও মাদী নামক গুকে লইলেন।

খ্যাতনামা ব্যাধরাজ মীর শিকারীর সহিত সাক্ষাৎ করিবার মানসে রাজা রসালু দক্ষিণাত্যে গমন করিলেন। ব্যাধরাজ রাজা রসালুকে দেখিয়াই বলিল “মহাশয়, বেহেতু আপনি আমার সহিত সাক্ষাৎ করিবার মানস করিয়াছেন, আপনি আমাকে আপনার শিষ্য করুন।”

রসালু বলিলেন “বহুপি আপনি আমার তিনটি আদেশ পালন করিতে প্রতিশ্রুত হন, তাহা হইলে আপনাকে আমার শিষ্য করিব।”

মীরশিকারী বলিল “মহাশয় আপনি যে আদেশ করিবেন, তাহা আমি যথাসাধ্য পালন করিব।”

রসালু বলিলেন “মহাশয় শ্রবণ করুন, আমার প্রথম আদেশ এই যে, আমি এখানে আসিয়াছি ইহা যেন কেহ জানিতে না পারে ও আমার সহিত আপনার সাক্ষাৎ হইয়াছে

এই কথা কাহাকেও বলিবেন না। দ্বিতীয়তঃ, আপনি অরণ্যের উত্তর পূর্বে ও দক্ষিণভাগে শিকার করিতে পারিবেন না। তৃতীয়তঃ, অরণ্যের দক্ষিণভাগে একটি হরিণ ও হরিণী আছে, উহাদিগকে কখনই বধ করিতে পারিবেন না।”

মীরশিকারী এই সমস্ত আদেশ পালন করিতে প্রতিশ্রুত হইলে পর রাজা রসালু স্বীয় অস্ত্র ব্যবহার কৌশলে ব্যাধরাজকে দীক্ষিত করিলেন, ও তথা হইতে দূরে অরণ্যের আর এক ভাগে বাস করিতে লাগিলেন।

এদিকে রাজা রসালুর সহিত সাক্ষাৎ হইয়াছে এই কথা ব্যাধরাজ স্বীয় সহধর্মিণীর নিকট সেই রাত্রিতে বলিয়া রসালুর প্রথম আদেশ ভঙ্গ করিলেন। পর দিবস প্রাতে অরণ্যের দক্ষিণভাগে শিকার করিতে আরম্ভ করিয়া শিয়ালকোটাধিপতির দ্বিতীয় আদেশ ভঙ্গ করিলেন। তথায় শিকার করিতে করিতে মীরশিকারী দেখিলেন যে একটি হরিণ ও হরিণী বিচরণ করিতেছে। তৎক্ষণাৎ উহাদিগকে বধ করিয়া রাজা রসালুর তৃতীয় আদেশ ভঙ্গ করিলেন। স্বীয় হস্ত হইতে শোণিত-চিহ্ন প্রক্ষালন করিবার মানসে ব্যাধরাজ জলা-ভাবে ঘাসের উপরিস্থ শিশির বিন্দুর উপর হস্ত সঞ্চালনকালে একটি সর্প ঘাসমধ্য হইতে তাঁহার হস্তে দংশন করিল, ও তৎক্ষণাৎ ব্যাধরাজ মীরশিকারী পঞ্চত্ব প্রাপ্ত হইলেন। এ দিকে রাজা রসালু বনভ্রমণ হইতে এই সকল ঘটনা দেখিতেছিলেন। তাহার মৃত্যু হইতে দেখিয়া রসালু ব্যাধরাজের পাগড়ী, তুণীর, ধনুক, বীণা ও ঘোটক লইয়া মীরশিকারীর গৃহে উপস্থিত হইলেন। শিকারী-পত্নী মৃত পতির সেই সমস্ত দ্রব্যাদি দেখিয়া শোকবিহ্বল হইয়া পড়িলেন ও রাজদ্বারে উপস্থিত হইয়া এই বলিয়া অভিযোগ করিলেন যে রাজা রসালু তাহার স্বামীকে হত্যা করিয়াছেন। কিন্তু বিচারপতির নিকট যথার্থ ঘটনা বিবরণ করিয়া রাজা রসালু মিথ্যা অভিযোগ হইতে অব্যাহতি পাইয়া সে দেশ পরিত্যাগ করিয়া চলিয়া গেলেন।

তৎপরে ভোজরাজ্যভিমুখে গমন করিলেন। ভোজ নগরে উপস্থিত হইলে ভোজ-রাজ্যধিপতিও তাহার যথাযোগ্য সমাদর করিলেন ও দুই নরপতি পরম বজ্রহস্তে বদ্ধ হইলেন। তৎপরে গণ্ডগড় নগরে গমন করিলেন। তথায় যাইয়া দেখিলেন যে নগর জনশূন্য কেবলমাত্র একটি বৃদ্ধা স্ত্রীলোক অপরিপূর্ণ পরিমাণে রুটী ও মিষ্টান্ন প্রস্তুত করিতেছে। এই দৃশ্য দেখিয়া রাজা বিস্ময়াবিত হইয়া বৃদ্ধা সমীপে গমন করিয়া তাহাকে জিজ্ঞাসা করিলেন, “মাতঃ, এই বিজন স্থানে আপনি এত খাদ্যদ্রব্য প্রস্তুত করিতেছেন কিন্তু ভক্ষণ করিবার ত লোক দেখিতে পাইতেছি না? আর আপনিই বা এত রোদন করিতেছেন কেন? আপনার অবস্থা দেখিয়া আমার বড় দুঃখ হইতেছে। আপনার দুঃখের কারণই বা কি জানিতে বড় উৎসুক হইয়াছি।”

তখন বৃদ্ধা বলিল, “বৎস, এই নগরের নরপতির নাম কাণ্ডদেব। রাজার আজ্ঞা এই যে প্রত্যহ রাক্ষসগণের ভোজনের নিমিত্ত একটি মনুষ্য, একটি মহিষ ও পাঁচ গুণ রুটী দেওয়া

চাই। এককালে আমার সাত পুত্র ছিল। তন্মধ্যে ছয়জন রাক্ষসগণের উদরসাৎ হইয়াছে। আজ আমার সর্ব কনিষ্ঠ পুত্রের পালা এবং কল্যাণ আমাকেই উহাদের ভক্ষ্য হইতে হইবে। এই ছুখেই, বৎস, আমি এত রোদন করিতেছি। এই বৃত্তান্ত শুনিয়া রাজা রসালু বলিলেন “মাতঃ, ধৈর্য ধরুন, আমিই এই দেশকে উৎপীড়নকারী রাক্ষসগণের হস্ত হইতে মুক্ত করিবার জন্ত আসিয়াছি। আমিই শিয়ালকোটাদিগণিত শূলবানের পুত্র রসালু।” তৎপরে রাজা রসালু যুদ্ধে রাক্ষসগণকে পরাজিত করিলেন এবং একজনকে মাত্র পর্তগহ্বরে বন্দী করিয়া অস্ত্র সকলকে বধ করিলেন। তদবধি গুণ্ডগড় রাক্ষসগণের উৎপীড়ন হইতে মুক্ত হইল।

গুণ্ডগড় হইতে রাজা রসালু শ্রীকোট নগরে গমন করিলেন। সেই নগরের রাজার নাম শ্রীকাপ। রাজা শ্রীকাপ ইন্দ্রজাল বলে আপন ভ্রাতা শ্রীস্বথের প্রাণবধ করিয়া তাঁহার মৃতদেহ শ্রীকোট নগরের বহির্ভাগে নিক্ষেপ করিয়াছিলেন। শ্রীস্বথের মৃতদেহ দেখিবামাত্র রাজা রসালু তাঁহাকে ইন্দ্রজাল প্রকটিত মোহ হইতে মুক্ত করিয়া পুনর্জীবন প্রদান করিলেন। নবজীবন লাভ করিয়া শ্রীস্বথ রাজা রসালুকে জিজ্ঞাসা করিলেন “মহাশয়, আপনার নাম কি ও আপনি কোথায় বাইতেছেন?”

রসালু বলিলেন “মহাশয়, আমার নাম রসালু, আমি রাজা শ্রীকাপের সহিত যুদ্ধ করিবার মানসে শ্রীকোটনগরে বাইতেছি। এই কথা শুনিয়া শ্রীস্বথ ঈষৎ হাস্য করিলেন। রাজা রসালু জিজ্ঞাসা করিলেন, “মহাশয়, আপনি হাস্য করিলেন কেন?” শ্রীস্বথ বলিলেন “মহাশয়, রাজা শ্রীকাপ আমার সহোদর। তিনিই আমাকে নৃশংসরূপে হত্যা করিয়া আমার মৃতদেহ সহরের বহির্ভাগে নিক্ষেপ করিয়াছিলেন। আপনিও কি তাঁহার হস্ত হইতে নিস্তার পাইবেন। আপনার সেরূপ সৈন্যসামন্ত নাই দেখিতেছি, আপনি তাঁহার সহিত কিরূপে যুদ্ধ করিবেন?”

রসালু বলিলেন “আমার এইরূপ বিশ্বাস যে যতপি আপনি আমাকে সাহায্য করেন, তাহা হইলে আমি রাজা শ্রীকাপকে যুদ্ধে পরাজিত করিতে পারিব।” শ্রীস্বথ বলিলেন “মহাশয় তবে শ্রবণ করুন। আপনি যখন শ্রীকোট নগরে প্রবেশ করিতে বাইবেন, দেখিবেন যে মদীর ভ্রাতা ইন্দ্রজালবলে এক তুমুল ঝটিকা উত্থিত করিয়া আপনাকে এক দূরদেশে নিক্ষেপ করিতে চেষ্টা করিবেন। আপনি যদি ঝটিকা হইতে কোনরূপে অব্যাহতি পান, তৎপরে তিনি ইন্দ্রজালবলে ভূবারপাত আরম্ভ করিবেন ও চেষ্টা করিবেন যে বাহাতে আপনি ভূবাররাশিতে নিমগ্ন হইয়া প্রাণত্যাগ করেন। তাহা হইতেও যতপি অব্যাহতি পাইয়া সহরস্থ তোরণসম্মুখে যে ঘণ্টাটি আছে সেইট বাজান, তাহা হইলে ঘণ্টাধ্বনি শ্রবণমাত্র আপনি হস্তবৃদ্ধি হইয়া বাইবেন ও সেই অবস্থায় আপনাকে সহর হইতে দূরীভূত করিয়া দিবে। তাহা হইতেও যতপি অব্যাহতি পান, তাহা হইলে রাজপ্রাসাদের দ্বারদেশে মদীর ভ্রাতৃপুত্রী বুঢ়ালের যে দোলনা আছে তাহার নিম্নে গমন করিয়াই আপনি উন্মাদপায় হইয়া বাইবেন। এই বিপদ হইতেও যতপি আপনি অব্যাহতি পান, তাহা হইলে রাজা

শ্রীকাপ আপনার সহিত চৌপাট খেলিবেন। সেই সময়ে আমার ভ্রাতৃভ্রাতৃ ও ভ্রাতৃপুত্রী আপনার সন্নিকটে বসিয়া আপনার মন আকর্ষণ করিবার চেষ্টা করিবেন। তাহাদের রূপে বিমুগ্ধ হইয়া যতপি আপনি খেলিতে খেলিতে ভুল করেন ও ক্রীড়াতে বিজিত হন, আমার ভ্রাতা তৎক্ষণাৎ আপনার প্রাণবধ করিবেন। এ উপায়ে যতপি আপনার উপর জয়লাভ করিতে না পারেন, তাহা হইলে রাজা শ্রীকাপ প্রদীপ নির্ধারিত করিয়া দিবার মানসে হরবংশ নামা ও হরবংশী নামী স্বীয় পালিত মুষিকদ্বয়কে ডাকিবেন। গৃহ অন্ধকার হইলে আপনি ক্রীড়াতে বিজিত হইবেন ও মদীর ভ্রাতা তৎক্ষণাৎ আপনার প্রাণবধ করিবেন। সেইজন্ত বনিতেনি যে, মহাশয়, আপনার শ্রীকোটনগরে গমন করা উচিত নয়।”

ইহা শুনিয়া রাজা রসালু বলিলেন, “মহাশয়, আমি প্রতিজ্ঞা করিয়াছি যে আমি তথায় বাইব। অতএব আপনি আমাকে বাধা দিবেন না?” শ্রীস্বথ বলিলেন “মহাশয়, যতপি তথায় বাইতে আপনার এতই ইচ্ছা হইয়া থাকে আপনি মজ্জ্বল বিপদসমূহ হইতে অতিক্রম করিবার চেষ্টা করিবেন। আমার পঞ্জরস্থ দুইখানি অস্ত্র আপনার সঙ্গে লইয়া যান। পথিমধ্যে আপনি একটি বিড়াল দেখিতে পাইবেন। উহাকে সঙ্গে লইবেন ও উহাকে আমার অস্ত্র দুইখানি মধ্যে মধ্যে ভক্ষ্য করিতে দিবেন। তৎপরে যখন রাজা শ্রীকাপের সহিত চৌপাট খেলিতে বসিবেন ও যখন তিনি “হরবংশ” বলিয়া স্বীয় পালিত মুষিককে ডাকিবেন, আপনিও ঐ বিড়ালটিকে ছাড়িয়া দিবেন। বিড়ালটা মুষিককে তৎক্ষণাৎ মারিয়া ফেলিবে ও আপনিও ক্রীড়াতে জয়লাভ করিবেন। এই বলিয়া শ্রীস্বথ স্বীয় পঞ্জরস্থ দুইখানি অস্ত্র রাজা রসালুকে দিলেন। রাজা রসালুও সেই দুইখানি লইয়া শ্রীকোটনগরভিমুখে গমন করিলেন। তৎপরে একাদিক্রমে শ্রীস্বথোন্নিযিত বিপদসমূহ হইতে অব্যাহতি পাইয়া চৌপাটক্রীড়ায় রাজা শ্রীকাপকে পরাজিত করিলেন। রাজ্যলাভ করিয়া রাজা রসালু শ্রীকোটনগর শাপনের ভার একজন প্রতিনিধির উপর ছত্ত করিয়া, রাজা শ্রীকাপের নবজাতা কোক্লান নামা দুইখানি সঙ্গ লইয়া আর এক রাজ্যে গমন করিলেন।

তৎপরে রাজা রসালু খিরীমুক্তি নামক শৈলময়প্রদেশে বাস করিতে লাগিলেন। ক্রমে রাজহুহিতা কোক্লান বয়ঃপ্রাপ্ত হইয়া যৌবন সীমায় পদার্পণ করিলেন। তাঁহার সহিত রাজা রসালুর উদ্বাহক্রিয়া সম্পাদিত হইল। এইরূপে কিয়ৎকাল তাঁহার সুখে কালযাপন করিতে লাগিলেন। ইত্যবসরে আটক নগরের রাজা হোদি তথায় উপস্থিত হইলেন। রাজা কোক্লান নরপতি হোদির রূপলাবণ্য দেখিয়া তাঁহার প্রেমাসক্ত হইলেন। রাজা রসালু রাজা কোক্লানের এই অভিচারিকাবৃত্তির কথা শুনিতে পাইয়া রাজা হোদিকে বধ করিবার মানসে তাঁহার অন্বেষণ করিতে লাগিলেন। হোদীর সহিত সাক্ষাৎ হইলে, রাজা রসালু তাঁহাকে অস্ত্রযুদ্ধে পরাজিত করিয়া বধ করিলেন। রাজা কোক্লান যখন জানিতে পারিলেন যে রাজা রসালু তাঁহার হস্তচরিত্রের কথা জানিতে পারিয়াছেন ও যখন শুনিলেন

যে তিনি তাঁহার উপনায়ক রাজা হোদীকে স্বহস্তে বধ করিয়াছেন, তৎক্ষণাৎ রাজপ্রাসাদের উচ্চ তোরণ হইতে লক্ষ দিয়া আত্মহত্যা করিলেন।

ইত্যবসরে রসালু স্বহস্তে আটকাধিপতি হোদীর প্রাণবধ করিয়াছেন এই কথা রাজা হোদীর ভ্রাতৃস্বজনবর্গের কর্ণগোচর হইল। তৎক্ষণাৎ তাঁহারা রাজা রসালুর বিপক্ষে যুদ্ধ-ঘোষণা করিয়া ধীরীমূর্তি নগর ঘেরাও করিলেন। কিন্তু সেই সময়ে রাজা রসালুর সেরূপ সৈন্তসামন্ত ছিল না। রাজা রসালু এত স্বল্পসংখ্যক সৈন্ত লইয়া এরূপ পরাক্রমশালী প্রতিদ্বন্দ্বার সহিত যুদ্ধে জয়লাভ করিবার আশা পরিত্যাগ করতঃ একদিন নগর হইতে নিষ্ক্রমণ করিয়া শত্রুবর্গকে আক্রমণ করিলেন। বহুক্ষণ যুদ্ধ করিয়া রাজা রসালুর কলেবর ক্ষতবিক্ষত হইয়া গেল। অবশেষে শত্রুনিষ্কণ্ট শরে বিদ্ধ হইয়া প্রাণত্যাগ করিলেন।

রাজা রসালুর উপাখ্যানের যে সংক্ষিপ্তসার উপরে লিখিত হইল, উহা হইতে স্পষ্ট বুঝিতে পারা যায় যে, যে সমস্ত অলৌকিক ঘটনাবলী রাজা রসালুর সম্বন্ধে সচরাচর কথক-গণ কর্তৃক কীর্তিত হইয়া থাকে, উহা ষোলআনাই কল্পনামূলক। কিন্তু বাস্তবিক যে রসালু নামা একজন মহাপরাক্রমশালী নরপতি পঞ্জাব প্রদেশে জন্মগ্রহণ করিয়াছিলেন, তৎসম্বন্ধে কিছুমাত্র সন্দেহ নাই। এইরূপ বীর সম্বন্ধে নানারূপ অলৌকিক কীর্তি-কলাপ রচিত করিয়া ঐতিহাসিক ঘটনাবলীকে কাল্পনিক করিয়া ফেলার উদাহরণ পৃথিবীর প্রায় সকল দেশেই দেখিতে পাওয়া যায়। প্রাচীন গ্রীসের 'ইউলিসেস', স্ক্যান্ডিনাভিয়ায় 'ওদিন', ইংলণ্ডে রাজা 'আর্থর', ফ্রান্সদেশে 'রোলণ্ড', স্পেনদেশে 'সিদ' প্রভৃতি ইহার উদাহরণস্থল। রাজা রসালু যে রাজপুত্রবংশোদ্ভব ও রাজা শালিবাহনের পুত্র ছিলেন, এবং পিতার মৃত্যু হইলে পৈতৃকসিংহাসনে আরূঢ় হইয়াছিলেন এতদসম্বন্ধে সকল ইতিহাস-বেত্তারই একমত দেখিতে পাওয়া যায়। সকলেই জানেন যে রাজা শালিবাহন একজন মহাপরাক্রমশালী নরপতি ছিলেন। তিনি যে সন জারী করিয়া যান তাহার প্রারম্ভ ৭৭ খৃষ্টাব্দ হইতে। রাজা শালিবাহন যে দাক্ষিণাত্যের অন্তর্ভুক্ত উজ্জয়িনী নগরে রাজ্য করিতেন ও পঞ্জাব প্রদেশের অধিকাংশই জয় করিয়াছিলেন—এতদসম্বন্ধে ভূয়ো ভূয়ো প্রমাণ পাওয়া যায়। তবে তিনি যে শিয়ালকোট নগরেও রাজ্য করিতেন—ইহার উল্লেখ কেবলমাত্র রসালু কাহিনীতে পাওয়া যায়। ইতিহাসপাঠে জানা যায় যে রাজা শালিবাহনের রাজ্য দাক্ষিণাত্য প্রদেশের অন্তর্ভুক্ত। কিন্তু কথকেরা বলে ও রসালুর উপাখ্যানেতেও উল্লেখ পাওয়া যায় যে পিতৃবিয়োগ হইলে রাজা রসালু শিয়ালকোট নগরের শাসনভার এক প্রতিনিধির উপর হস্ত করিয়া দাক্ষিণাত্য প্রদেশে গমন করিয়াছিলেন। তথায় মীরশিকারী নামক জনৈক ব্যাধরাজের সহিত তাঁহার সাক্ষাৎ হয়। ইহা হইতে কতক পরিমাণে প্রমাণিত হয় যে, ঐতিহাসিক শালিবাহন ও পঞ্জাবী কথকগণের শালিবাহন অথবা শূলবান্ একই ব্যক্তি। যদিও ৭৭ খৃষ্টাব্দে রাজা শালিবাহনের জন্ম হইয়াছিল ধরিয়া লওয়া যায়, তাহা

হইলে ১৩০ খৃষ্টাব্দে তাঁহার মৃত্যু হওয়ার সম্ভাবনা। ফল কথা, মোটামুটি রূপে গণনা করিলে খৃষ্টীয় দ্বিতীয় শতাব্দীর মধ্য অথবা শেষ ভাগে রাজা রসালুর অস্তিত্ব পাওয়া যায়। রাজা রসালুর রাজ্যের পূর্ব সীমা দাক্ষিণাত্য ও পশ্চিম সীমা সিন্ধু নদ ছিল, ইহারও প্রমাণ পাওয়া যায়। যদিও রাজা রসালু জীবনের অধিকাংশ ভাগই রাক্ষসবধ ও অপরাপর অলৌকিক ক্রিয়াকলাপ করিবার মানসে একাকী নানা দেশ পর্যটন করিয়াছিলেন, তথাপি সিন্ধুদের সন্নিকটে রাজা শ্রীকাপের রাজ্যের অন্তর্ভুক্ত কোন স্থানে তিনি সচরাচর বাস করিতেন, ইহারও প্রমাণ পাওয়া যায়। রাজা রসালুর মুসলমান ধর্মাবলম্বন করার সম্বন্ধে যে জনশ্রুতি আছে উহা ষোলআনাই অসম্ভব, কেন না যে সময়ে রাজা রসালুর অস্তিত্ব পাওয়া যায় সে সময় মুসলমানধর্মের উদ্ভাবনই হয় নাই। খৃষ্টীয় একাদশ শতাব্দীতে মুসলমানগণ পঞ্জাব প্রদেশ জয় করিয়া "হয় মুসলমান হও না হয় প্রাণদণ্ড করিব" এই ভয় দেখাইয়া তদেশ নিবাসী বহু-জনকে মুসলমানধর্মাবলম্বন করিতে বাধ্য করিয়াছিলেন। অনেক পঞ্জাবী কথকগণকেও এই সঙ্গ মুসলমান হইতে হইয়াছিল। মুসলমান শাসনকর্তাগণকে সম্ভট করিবার জন্তই তাহারা বোধ হয় জাতীয় বীর রসালুকে মুসলমান ধর্মাবলম্বী বলিয়া আখ্যাত করিতে আরম্ভ করে।

পূর্বেই বলা হইয়াছে যে, রসালুর সহিত অনেক প্রাচীন বীরগণের সাদৃশ্য দেখিতে পাওয়া যায়। শুধু তাহাই নহে, রাজা রসালুর উপাখ্যানে এমন অনেক ঘটনাবলীর উল্লেখ আছে, যাহার সহিত গ্রীকদের অনেকানেক প্রাচীন কাহিনীর সাদৃশ্য দেখিতে পাওয়া যায়। রসালু উপাখ্যানের প্রারম্ভেই স্বীয় সপত্নী তনয় পুত্রগণের প্রতি রাজা লুনার প্রেমাসক্তির উল্লেখ পাওয়া যায়। প্রাচীন গ্রীকদিগের মধ্যেও ফিড্রা ও হিপোলাইটস্ সম্বন্ধে ঠিক এইরূপ একটি জনশ্রুতি ছিল। ফিড্রা সপত্নীতনয় বীরশ্রেষ্ঠ হিপোলাইটসের প্রতি প্রেমালু-রক্ত হইয়া তাঁহার নিকট প্রেম ভিক্ষা করেন। কিন্তু হিপোলাইটস্ বিনাতার কুৎসিত প্রস্তাবে সম্মত না হওয়াতে, ফিড্রা স্বীয় পতি থিসিসের নিকট সপত্নীতনয়ের নামে মিথ্যা দোষারোপ করিলেন। হৃষ্টচারিণী ফিড্রার প্রেমমুগ্ধ থিসিসস্ পুত্র হিপোলাইটসকে তৎক্ষণাৎ নিরাসিত করিয়া তাহার প্রাণদণ্ডের আজ্ঞা প্রদান করিলেন। কিন্তু ডায়োনাসেবী হিপোলাইটস্কে পুনর্জীবিত করিলেন ও হৃষ্টা ফিড্রাও আপনার অপরাধ স্বীকার করিয়া-ছিলেন। রাজকুমার পুত্রগণও অনেকটা এইরূপ ঘটয়াছিল। এই স্থলে বলা আবশ্যিক যে স্মৃতি-খ্যাত নাট্যকার শ্রীযুক্ত গিরীশ চন্দ্র ঘোষ মহাশয় এই ঘটনাটি অবলম্বন করিয়া পূর্ণচন্দ্র নাটক রচনা করিয়াছেন। ব্যাধরাজ মীর শিকারীর সহিত প্রাচীন গ্রীকদের অরণ্যদেব অরফিউস্, প্যান্ ও আমফিয়নের সহিত অনেক বিষয়ে সাদৃশ্য দেখিতে পাওয়া যায়। রাজা রসালুও যেমন গুণ্ডগড়ের একটা ন্যতীত সমস্ত রাক্ষসগণকে বধ করিয়া জীবিত রাক্ষসটিকে গুণ্ডগড়ের পর্বত গর্ভে বন্দী করিয়া রাখিয়াছিলেন, প্রাচীন গ্রীক বীর হার্কিউলিস্ ও জাইগন্টিস্ নামক রাক্ষসগণকে বধ করিয়া যে যে রাক্ষস কয়েকটি পলায়ন করিয়াছিল তাহাদিগকে এটনা পর্বতের মধ্যে কারাবদ্ধ করিয়া রাখিয়াছিলেন।

শ্রীশরৎচন্দ্র মিত্র।

ব্রিটিশ রাজনীতি।

গত পৌষ সংখ্যার “ভারতীতে” “ব্রিটিশ রাজনীতি” সম্বন্ধে যে প্রস্তাব লিখিত হয়, তাহার নাম “বিলাতীয় রাজনীতি” হওয়া উচিত ছিল। “ব্রিটিশ” ও “বিলাতীয়” এই দুইয়ের পার্থক্য আমি এইরূপ বুঝি। প্রথমটি বিলাতীয় লোকের সমগ্র রাজনীতির পক্ষে নিয়োগ করা যাইতে পারে, দ্বিতীয়টি আভ্যন্তরীণ রাজনীতির প্রতিই বিশেষ ভাবে প্রযুক্ত। যে দল বিভাগের কথা বলা হইয়াছে তাহার সহিত ইংরাজের বহির্জাতিক রাজনীতির (Foreign policy) সম্বন্ধ যে অল্পই তাহা পূর্বেই উল্লিখিত হইয়াছে। যাহারা ইংরাজ রাজনীতি যন্ত্র পূর্নক পর্য্যালোচনা করিতে চান তাঁহাদের এই বিষয়টি বিশেষভাবে অনুধাবন করিতে হইবে।

অল্পদিন হইল লর্ড রোজবেরি এই বহির্জাতিক রাজনীতির ব্যাখ্যা করিয়াছেন। তাঁহার মতে পৃথিবীর নানা স্থানে ইংরাজের স্বত্ব সাব্যস্তকরা, বা জমি দখল করা (“Pegging away our claims in different parts of the world”) এই নীতির মূল মন্ত্র।* স্থিতিশীল দলের নেতা লর্ড সলসবেরি ও উন্নতিশীল দলের নেতারাঞ্জবেরি দুই জনই এই মতের পৃষ্ঠপোষক। উন্নতিশীল দলের কেহ কেহ এনীতির বিরোধী। কিন্তু তাঁহাদের মধ্যে কেবল মিঃ ল্যাবুসিয়ারই এই বিরুদ্ধ ভাব সকল সময়ে পার্লামেন্টের বাহিরে ও ভিতরে প্রকাশ করেন। উন্নতিশীল দলের কর্তৃপক্ষগণ অপর দলের রাজত্বকালে এই নীতির বিরুদ্ধাচরণ করেন বটে কিন্তু আপনাদিগের রাজত্ব কালে সেই নীতিরই অমুসরণে কার্য্য করেন। তাঁহাদের মতে এ বিষয়ে নীতি পরিবর্তন করিলে গ্রেট ব্রিটনকে অপদস্থ করা হয়, তাহাকে অস্থিত-নীতি বলিয়া প্রমাণ করা হয়। ইহা অনেকটা সত্য বটে কিন্তু ইহাই একমাত্র কারণ নহে। ব্রিটনের মধ্যবিত্ত লোকের মধ্যে বহির্জাতিক নীতি বিষয়ে অল্পই মতভেদ লক্ষিত হয়।

এই নীতি এক্ষণে স্থানভেদে তিনটি বিশেষ ভাব ধারণ করিয়াছে। ইউরোপে ইহার ভাব এক প্রকার, আসিয়া ও আফ্রিকাতে অত্র প্রকার। ভূমধ্যসাগরে প্রভুত্ব রক্ষণ, ইজিপ্টের রাজকার্য্যে তত্ত্বাবধারণ, বহুল অর্ণবপোত নির্মাণ, এই নীতির অঙ্গ। ইউরোপীয় জাতিসকলের প্রতিদ্বন্দ্বিতা ইহার সহিত জড়িত। যতদিন জার্মানি ফ্রান্সের অন্তর্গত আলশেস-লোরেন দখল রাখিবেন, ও ইংলণ্ড ইজিপ্টের শাসনকার্য্য স্বীয় তত্ত্বাবধানে রাখিবেন, ততদিন ফ্রান্সের সহিত জার্মানির ও ইংলণ্ডের বিবাদের কারণ থাকিবে। ততদিন ইংলণ্ডকে ভূমধ্যসাগর অধিকার করিয়া রাখিতে হইবে। কিন্তু আসিয়ার সহিত বাণিজ্য অধিকাংশই ইংরাজের হস্তগত, যতদিন এই বাণিজ্যের গতিবিধি স্বরেজখাল দিয়া হইতে থাকিবে, যতদিন

* Pegging away কথাটির এক বিশেষ অর্থ আছে। অষ্ট্রেলিয়াতে কোন খনির আবিষ্কার হইলে দলে দলে লোকে সেখানে উপস্থিত হয় তাহাদের মধ্যে যে যেখানে সর্বপ্রথমে খোঁটা পুঁতিতে পারে (Peg) সেই সেখানকার সমস্ত খনিজসম্পদের অধিকারী হয়।

ভারতবর্ষের সহিত তাহার ঘনিষ্ঠ সম্বন্ধ রক্ষা করিতে হইবে, এবং ইজিপ্টের দেশীয় শাসন-কর্তারা সুসভ্যজগতের অমুমোদিত ভাবে আপনারা রাজকার্য্য চালাইতে না পারিবেন, ততদিন ইজিপ্ট ছাড়িয়া দেওয়াও ইংরাজের পক্ষে অসম্ভব হইবে। এদিকে আবার যতদিন রুসিয়ার ভারতের প্রতি নজর থাকিবে ততদিন ইহার সহিতও ইংরাজের গোল বাধিবার সম্ভাবনা থাকিবে। সুতরাং দেখিতে পাওয়া যাইতেছে, যতদিন না ফ্রান্স ও রুসিয়ার মতি গতি ফিরিবে, ততদিন ইউরোপীয় যুদ্ধের ভয় যাইবে না। কেহ কেহ মনে করিবেন, আমরা ইংলণ্ডের দিকে টানিয়া বলিতেছি ইংলণ্ড নিজে সমস্ত উত্তম উত্তম স্থান অধিকার করিয়া— যাহারা তাহার স্থান চ্যুতির ইচ্ছা করিতেছে, তাঁহাদের দোষ দিবেন, তাঁহাদের হয়ত ইহা সম্পূর্ণ সঙ্গত মনে হইবে না। কিন্তু দেখিতে হইবে ইংলণ্ডের এই সর্বপ্রগণ্যতার কারণ কি? ইহা অশ্রদ্ধাতি সকলের দোষ মূলক না হইলেও ইংলণ্ডের বিশেষ ক্ষমতার পরিচায়ক তাহার সন্দেহ নাই। ইতিহাস পাঠক মাত্রেই অবগত আছেন; ফ্রান্সই প্রথম ভারত জয়ের চেষ্টা করেন। সেইরূপ, ইজিপ্টে গমন করিবার অগ্রেও ইংলণ্ড ফ্রান্সকে যোগ দিতে আহ্বান করেন, তখন সে আহ্বান অবহেলা করিয়া এক্ষণে তাহা লইয়া কলহ বিবাদ করা সকল নীতির বহির্ভূত বলিয়া মনে হয়। ফ্রান্সের সংবাদ পত্রেই ইংলণ্ডের বিরুদ্ধে প্রবন্ধ বাহির হইতেছে। দুই মন্ত্রীদলের মধ্যে এখনও কোন মনোবিবাদের আভাস পাওয়া যায় নাই। কতদিন ইহা অপ্রকাশিত থাকিবে বলা যায় না। ইউরোপের সকল দেশের মধ্যেই পরস্পর বাহিরে বন্ধুতা ভিতরে বিশেষ প্রতিদ্বন্দ্বিতার ভাব লক্ষিত হয়। কেহই হঠাৎ যুদ্ধে অগ্রসর হইতে চাহিতেছেন না, কিন্তু সকলেই যুদ্ধের আয়োজন করিতেছেন। এই নীতি আজকাল সভ্যজগতের অতীত অনিষ্ট সাধন করিতেছে। সকলেই বুঝিতে পারিবেন অর্ণবপোত নির্মাণ করিতে, তাহা রক্ষা করিতে ও যোদ্ধাদিগকে বসাইয়া বেতন দিতে যে টাকা ব্যয়িত হয়, তাহা পোতাটাকার মত কোন কার্য্যেই আসে না, ইহার সুদও পাওয়া যায় না এবং ইহা দেশের কোন শ্রীবৃদ্ধিকল্পেও ব্যয়িত হয় না। এই ব্যয় ভার ইউরোপের সকল প্রধান প্রধান দেশেই অসহ্য হইয়া পড়িতেছে। ইটালী ত একপ্রকার নির্বন। ফ্রান্সে তাহা হইতে অনেক কুফল জন্মিয়াছে। এমন কি ইংলণ্ডকেও এই সমরসজ্জার ব্যয়ে অনেক ক্ষতিগ্রস্ত হইতে হইয়াছে। তাহার সাম্রাজ্য এত বিস্তৃত, ব্যবসা বাণিজ্য এত অধিক, যে সকল দিক রক্ষা করিতে বহুল সামরিক অর্ণবপোতের প্রয়োজন। তাহার উপর ইংলণ্ডের অনেক খাণ্ডদ্রব্য এক্ষণে অত্র দেশ হইতে আমদানী হইয়া থাকে। যদি সে আমদানী বন্ধ হইয়া যায় বিলাতে ছুর্ভিক্ষের সম্পূর্ণ সম্ভাবনা। যুদ্ধ উপস্থিত হইলে শত্রুপক্ষীয়েরা (ফ্রান্স ও রুসিয়া) ইহার রসদ বন্ধের সম্পূর্ণ চেষ্টা করিবে তাহার আর সন্দেহ নাই। বাহাতে তাহারা তাহাতে সফলপ্রবৃত্ত না হয়, তাহার জন্ত প্রস্তুত হওয়া প্রয়োজন। তদনুসারে গত বৎসর ৪০ লক্ষ পাউণ্ড রণতরী নির্মাণে ব্যয়িত হইয়াছে। টাইমস্ তাহাতেও সন্তুষ্ট নন। তাঁহার মতে সম্প্রতি ২ কোর পাউণ্ড খরচ করিতে হইবে। এর পর আরও প্রয়োজন

হইতে পারে! টাইমস্ বলেন ইহা এক অর্থে অনেক টাকা বলিয়া মনে হইতে পারে বটে কিন্তু আমাদের বাণিজ্যের মূল্য ইহার একশত গুণ! সুতরাং শুধু যদি বাণিজ্যের কথা ধরা যায় তাহার তুলনায় এ ব্যয় অধিক নহে।" যাহা হউক ভবিষ্যৎ যুদ্ধ বিগ্রহে যে ইংরাজেরই বিশেষ ক্ষতি তাহার সন্দেহ নাই। সেই যুদ্ধের সম্ভাবনা রহিত করিবার জন্ত যে অগাধ অর্থ ব্যয় করিতে তাঁহারা প্রস্তুত, তাহার কারণ উপলব্ধি করা শক্ত নহে। তাহা হইলেও এরূপ অর্থনাশ জগতের বিশেষ অপকারক ইহা স্পষ্টই প্রতীয়মান হইতেছে। মনুষ্য স্বভাবে যতদিন হীনতা থাকিবে ততদিন ইহা অপরিহার্য।

ভারতবর্ষ লইয়াই আসিয়ার সহিত ইংরাজের বিশেষ সম্বন্ধ। মধ্যভারতে রুস ভয়, আফগান যুদ্ধ, আমিরের সহিত সন্ধি ও তাহাকে কর বা উপঢৌকন দান, ভারতের সীমান্তে অনন্ত-কালব্যাপী যুদ্ধ, সিমলাশৈলস্থ যুদ্ধাদলের এ বিষয়ে মতামত, ভারতের উত্তর পশ্চিম সীমার দুর্গ বিস্তার ইত্যাদি বিষয়ে আর বিশেষ উল্লেখের প্রয়োজন নাই। এই সকলের সহিত ভারতীয় সামরিক ব্যয়ের অত্যধিক্য ও তাহার সহিত ভারতের অর্থাভাব কি প্রকারে জড়িত তাহা বোধ হয় কাহারও অবদিত নাই। ওদিকে যেরূপ এদিকে ব্রহ্মদেশ লইয়াও সেইরূপ। আবার শ্রাম দেশে ফরাসী আসিয়া ঐ দেশটি ছইজাতির মধ্যে বিভক্ত হইবার পন্থা হইয়াছে, এবং তাহার উপর চীন ও জাপানে যুদ্ধ বাধিয়াছে। ভারতের সীমান্তবর্তী চীন পরাস্ত হইয়া সন্ধির প্রস্তাব করিতেছে। সুতরাং ভারতরাজ্যের এ যুদ্ধে বিশেষ লাভালাভের সম্ভাবনা। তদ্ব্যতীত কোরিয়ার স্বাধীনতা বোধিত হইয়াছে, এদিকে রুসিয়া উহার একটি সমুদ্রতীরবর্তী নগর অধিকার করিতে ইচ্ছা করিতেছেন। ইংলণ্ড যে সহজে তাহাতে সম্মতি দিবেন তদ্বিষয়ে বিশেষ সন্দেহ। যাহা হউক ইহা স্থির, এ বিষয়ে ইংরাজের দলভেদে মতভেদ লক্ষিত হইবে না।

পূর্বে যাহাকে খোঁটা পোতা নীতি" (Peggnig away policy) বলিয়াছি,—যদিও উন্নতিশীল ও স্থিতিশীল উভয় দলই একমত, তাহার সুন্দর দৃষ্টান্ত অন্বেষণ করিতে হইলে আফ্রিকার বিষয় আলোচনা করিতে হয়। ইজিপ্টের কথা পূর্বেই উল্লিখিত হইয়াছে। ইহার অধিকার মিষ্টার প্লাডটোনের সন্ত্রীকের সময় ঘটে। ইহা তাঁহার কম উদারতার কথা নহে, যে ইংরাজ হইয়াও তিনি ইজিপ্টে পদার্পণ করিতে অনিচ্ছুক ছিলেন, অবশেষে বাধ্য হইয়া তাঁহাকে স্বীয় মতের বিপরীত কার্য করিতে হইল। সেই জন্ত যুদ্ধে প্রবৃত্ত হইয়াও চাক্কা দেখাইতে লাগিলেন। তাঁহারই সময়ে সুদানে গর্ডনের মৃত্যু ও ইংরাজসৈন্তের বিপর্যায় ঘটে। যুদ্ধে প্রবৃত্ত হইয়া অস্থিরচিত্ততা ভ্রমাত্মক, ও তাহাতে ইংরাজের যে ক্ষতি হইয়াছে, বিশেষতঃ অল্পম চরিত্র গর্ডনের মৃত্যু ঘটনা, তজ্জন্ত অনেক ইংরাজ প্লাডটোনকে বিষ চক্ষে দেখেন।

ইজিপ্টের কথা নূতন নহে। কিন্তু অনেকে হয় ত জ্ঞাত নহেন, আজ চারিবৎসর হইল, জর্জি ফ্রান্স ও ইংলণ্ড সমস্ত আফ্রিকা ভাগ করিয়া লইয়াছেন। অবশ্য ইহা পোলাও

ভাগের ভায় নয়। এখনও আফ্রিকার অধিকাংশ স্থলে খেতকার পুরুষ প্রবেশাধিকার পান নাই। সুতরাং এ ভাগের অর্থ এই, ইহাদের মধ্যে কেহ অস্ত্রের অংশে বাণিজ্য বিস্তার কিম্বা সন্ধিবিগ্রহ করিতে পাইবেন না। জার্মানি ফ্রান্সের অংশে কিছুই বিশেষ হইতেছে না। ইংরাজের অংশে কিন্তু অনেক ব্যাপার ঘটনা গিয়াছে। গত কয়েকবৎসরের মধ্যে দুইটি রাজ্য স্থাপিত হইয়াছে। ইউগাণ্ডা ও মাটাবিলাণ্ড শীঘ্রই ইংলণ্ডের নূতন উপনিবেশ হইয়া দাঁড়াইবে। কি করিয়া এই দুইটি হস্তগত হইল তাহার বিশেষ আলোচনার প্রয়োজন নাই। তবে ইউগাণ্ডার ইতিহাস বিশেষ শিক্ষাপ্রদ বলিয়া তাহার কিঞ্চিৎ আভাস দিব।

কিছুদিন হইল "পূর্বে আফ্রিকার ইংরাজ বণিক সম্প্রদায়" বলিয়া এক কোম্পানি স্থাপিত হয়। তাঁহারা ইউগাণ্ডার ব্যবসা করিতে যান, এবং ক্রমশঃ তাহা হস্তগত করেন। কি করিয়া হস্তগত করেন, তাহা বিবেচনা করিবার প্রয়োজন নাই। ভিন্ন ভিন্ন লোকে ভিন্ন ভিন্ন বিবরণ দেন। যাহা হউক এদিকে যখন ইউগাণ্ডা হস্তগত হইল, তাঁহাদেরও মূলধন শেষ হইয়া গেল, সুতরাং তাঁহারা ইংরাজ গবর্নমেন্টের হাতে রাজ্য ছাড়িয়া দিতে প্রস্তুত হইলেন। লর্ড সলসবারি ইহাতে সম্মত হইয়া সেখানে রেল করিবার টাকার জন্ত পার্লমেন্টে আবেদন করেন। তখন উন্নতিশীলদল সে প্রস্তাবের বিপক্ষ হওয়াতে সে আবেদন বিফল হইল। উন্নতিশীল দল ইহারই কিছু দিন পরে রাজ্য পান। মিঃ লাবুসিয়ার উন্নতিশীল দলের পূর্বাচরিত বিপক্ষতার কথা স্মরণ করাইয়া দিয়া তখন ইউগাণ্ডা ছাড়িয়া দেওয়ার প্রস্তাব আনয়ন করিলেন। মিঃ প্লাডটোন দুইদিক বজায় রাখিয়া সমস্ত ব্যাপার অবগত হইবার জন্ত সেখানে দূত প্রেরণ করেন। দূতপ্রেরণের ফল এই মাত্র হইল যে, ম্যার জেরাল্ড পোর্টাল সেখানকার জলবায়ুর দোষে এখানে প্রত্যাগমন করিয়াই মারা পড়িলেন। অল্প ফল যে কিছু হইবে না অর্থাৎ গবর্নমেন্ট যে কখনও ইউগাণ্ডা ছাড়িয়া দিবেন না ইহা সকলেই জানিত। ফলেও তাহাই হইয়াছে। এই বিবরণ হইতে ইংরাজের বহির্জাতিক রাজনীতির রহস্য বেশ বুঝিতে পারা যায়।

এই রহস্য সম্পূর্ণ হৃদয়ঙ্গম করা আমাদের বিশেষ কর্তব্য। কোন দলবিশেষের সহিত আমাদের যদি বিশেষ ভাবে যোগ দিতে হয় তাহাতে আমাদের হানি হইবার সম্ভাবনা। সম্মতি যেসকল ঘটনা হইয়া গিয়াছে তাহার উল্লেখ করিয়া আমার এক ইংরাজ বন্ধু বলেন, ভারতীয় শাসনকার্য লর্ডসভার হস্তে স্থস্ত হওয়া উচিত। উন্নতিশীল দলের উপর বিশ্বাস করা ভ্রম। ইহার উত্তর সহজ। সাধারণ ইংরাজ লর্ডসভার উপর এতদূর বিশ্বাস কখনই স্থাপন করিবেন না। লর্ডসভা স্থিতিশীলদলের হৃদয়ঙ্গম বোধ বলা যাইতে পারে, স্থিতিশীল দলের উপর শাসনভার থাকিলে তাঁহারাও ঠিক এই নীতি অবলম্বন করিতেন—টাইমসের 'রা' তখন অল্প প্রকার হইত।

আর এক কথা। বিলাতে অন্তর্জাতিক রাজনীতির সহিত ভারতীয় রাজনীতির সম্বন্ধ অল্পই ইহা আমাদের বিশেষ প্রাধান্য করা কর্তব্য। লর্ড ল্যান্স ডৌউনের গমনকালে

কলিকাতা মিউনিসিপ্যালিটি হইতে তাঁহাকে অভিবাদনপত্র দিবার যখন প্রস্তাব হয় তখন তাহার কোন প্রধান সভ্য ইহার বিরুদ্ধে এই এক আশ্চর্য্য তর্ক উপস্থিত করেন—ডবলিন মিউনিসিপ্যালিটি লর্ড হোটনকে অভিনন্দনপত্র দেন নাই। ডবলিনে যাহা শোভা পায় কলিকাতায় তাহা শোভা পায় কি না বিবেচনা করিবার দরকার নাই, এই বলিলেই যথেষ্ট হইবে যে ডবলিন মিউনিসিপ্যালিটি লর্ড হোটনের প্রতি বিরক্তি প্রকাশ করিবার জন্ত অভিনন্দন পত্র দিতে অস্বীকৃত হন তাহা নহে, লর্ড হাউটন যে শাসনপ্রণালীর প্রতিনিধি সেই শাসনপ্রণালীর বিরুদ্ধ মত প্রকাশ করাই এই অস্বীকারের কারণ। তাঁহারাই ইহা দ্বারা “Castle Government” ডবলিন দুর্গ হইতে ইংরাজ দ্বারা আয়র্ল্যান্ড শাসনের বিরুদ্ধে মত বোষণা করিলেন। স্মরণ্য দেখা যাইতেছে ইংরাজ রাজনীতির গূঢ়মর্ম্ম বুঝিতে না পারাই এরূপ ভ্রমপ্রমাদের কারণ।

এক্ষণে এই বহির্জাতিক নীতির উপসংহার কি? দুই একবার মিঃ ল্যাবুরিয়ানের নাম করিয়াছি। তিনি এই নীতির বিরুদ্ধ মতাবলম্বী তাঁহাকে সেই জন্ত “Little Englander” বলিয়া কেহ কেহ উপহাস করেন। তিনি আবার উন্নতিশীলদলের অগ্রগামী সভাপণের নেতা; ইহা হইতে মনে হয় সাধারণ লোকের নীতি মধ্যবিৎ লোকের নীতি হইতে ভিন্ন হওয়া সম্ভব। কিন্তু যদি রাজ্য বিস্তার না হয় ইংলণ্ডের বাড়তি লোকের স্থান কোথায় হইবে? কিন্তু তেমনি সাম্রাজ্য বৃদ্ধির বিরুদ্ধেও কিছু বলিবার আছে। পূর্বেই বলিয়াছি এই জন্তে ইংরাজকে কত অগাধ মুদ্রা রণতরী প্রভৃতি নির্মাণে ও নৈসর্গক্ষেণে ব্যয় করিতে হয়। তদ্ব্যতীত আরও আপত্তি আছে। উপনিবেশ সকল অল্পদিন পরেই কার্য্যভঃ স্বাধীন হইয়া দাঁড়াইতেছে, তাহার উপর সাম্রাজ্য অতি বৃহৎ হইলে সকলকে সমবেত রাখা ক্রমশ দুষ্কর হইয়া পড়িবে। রোমক রাজ্যের ইতিহাস ইহার দৃষ্টান্তস্থল। তবে ব্রিটিশ সাম্রাজ্য যেমন অতি বৃহৎ, ব্রিটন-ক্ষমতা, ঐশ্বর্য্যও সেইরূপ বহুল। তাহা হইলেও প্রতিদ্বন্দিতার আঘাতে সে বহুলতা ক্রমশঃ হ্রাস হইয়া যাইতে পারে। এখনই ইয়ুনাইটেড ষ্টেটসের ঐশ্বর্য্য প্রায় ইংলণ্ডের সমান হইয়া দাঁড়াইয়াছে। ব্রিটিশজাতি সে বিপদ হইতে উদ্ধার পাইবার জন্ত চেষ্টা আরম্ভ করিয়াছেন। উপনিবেশ সকল ব্রিটনের সহিত আরও ঘনিষ্ঠ সম্বন্ধে সম্বন্ধিত হয় তাহার জন্ত প্রস্তাব চলিতেছে। তন্মত ইহা স্মরণ রাখিতে হইবে মনুষ্য সমাজের মনুষ্য-জাতির মত বার্কক্য স্বাভাবিক; সেই স্বাভাবিক নিয়ম অনুসারে তাহার অবনতির সম্ভাবনাও ক্রমশঃ বলবতী হইয়া দাঁড়ায়। আশা করা যায় সে দিন এখনও সূদূরবর্তী। ইহাই প্রত্যেক ব্রিটিশ রাজভক্তের আন্তরিক অভিনাষ।

আকবরসাহের হিন্দুপ্রীতি।

(৩)

রাজা জগন্নাথ। ইনি ইতিহাসের সুপ্রসিদ্ধ বিহারী মন্নের পুত্র। প্রথম অবস্থায় ইনি আকবরের বন্দী ছিলেন, পরে সম্রাট ইহার বীরোচিত গুণে সন্তুষ্ট হইয়া, মুক্তিদান করিয়া ইহাকে নিজ সেনাপতি পদে নিযুক্ত করেন। জগন্নাথ সম্রাটের পক্ষে মানসিংহের অধীনে যে সমস্ত যুদ্ধ ব্যাপারে লিপ্ত হইয়াছিলেন, তাহাতেই ইহার যশ চারিদিকে ব্যাপ্ত হইয়া পড়ে। মিবারের প্রান্তঃস্মরণীয় রাজপুত-রবি মহারাণা প্রতাপসিংহের বিরুদ্ধেও জগন্নাথ অসিচালনা করিয়াছিলেন। জগন্নাথ মানসিংহ প্রভৃতি মহাবীর ও সম্রাটের বিশ্বস্ত কর্মচারী হইলেও তাঁহার রাজপুত-কুলকলঙ্ক। সেই সময়ে যদি তাঁহার সম্রাট পক্ষ অবলম্বন না করিয়া মিবারেশ্বরের সহিত মিলিত হইতেন, তাহা হইলে ভারতে হিন্দুস্বাধীনতা পুনঃ প্রতিষ্ঠিত হইত। কিন্তু আকবরের কোশলময় রাজনীতির ছলনার পড়িয়া ইহার সামান্য ঐহিক স্মথের জন্ত স্বজাতির বিরুদ্ধে অস্ত্র-ধারণ করিয়া জাতীয় গৌরবে মহাকলঙ্ক নিক্ষেপ করিয়া গিয়াছেন। হিন্দুস্বাধীনতার যুদ্ধে জগন্নাথ, মহারাণার অতম প্রধান পুষ্ট-পোষক জয়মন্নের পুত্র রামদাসকে যুদ্ধক্ষেত্রে নিহত করেন। রাজস্বের ত্রয়োবিংশতি বৎসরে আকবর তাঁহাকে পঞ্জাবে একটি জায়গীর দেন। ইহার পর কাশ্মীর, কাবুল মালওয়া প্রভৃতি স্থানের মহাযুদ্ধে জগন্নাথ সম্রাটের অনেক উপকার করিয়াছিলেন। আকবরের মৃত্যুর পরও জগন্নাথ, কুমার পার-ভিজের সহিত উদয়পুরের মহারাণার বিরুদ্ধে কয়েকবার যুদ্ধ করিয়াছিলেন। জাহাঙ্গীরের রাজত্বের চতুর্থ বর্ষে তিনি পাঁচহাজারী মনসবদার ও তিন সহস্র অশ্বারোহী সেনানায়ক পদে উন্নীত হন। ইহার পুত্র বামচাঁদ জাহাঙ্গীরের অধীনে দুই হাজারি মনসবদার উপাধি লাভ করেন। বামচাঁদের পুত্র রাজা মনরূপ সাহাজাহানের বিদ্রোহের সময় তাঁহার একজন প্রধান সহচর ছিলেন। সাহাজাহানের রাজত্বের চতুর্থ বৎসরে তাঁহার মৃত্যু হয়। তাঁহার গোপাল সিংহ নামে একপুত্র ছিল।

রায় সর্জুন হর। ইনি বুনদীর স্নানামথ্যাত অধিপতি রায় অর্জুনের জ্যেষ্ঠ পুত্র।* ১৫৩৫ খৃষ্টাব্দে ইনি পিতৃসিংহাসনে অধিরোহণ করেন। আকবর যখন চিতোর জয় করিয়া মহাগর্ভে ক্ষীত হইতেছেন, বিজিগীষা প্রযুক্তি হৃদমণীয় হইয়া তাঁহার মনোবৃত্তিকে ক্রমাগত

* রায় অর্জুন, চৌহানকুলের রত্নস্বরূপ ছিলেন। তাঁহার রাজত্ব সময়ে গুজরাটের বাহাদুর সা চিতোর অবরোধ করেন। চিতোরের সহিত বুনদীর পূর্বে বিবাদ থাকিলেও রায় অর্জুন পূর্বে শক্রতা ভুলিয়া রাণার সহায়তা করে নৈসর্গ নইয়া ধাবমান হন। চিতোরের একটি ব্রহ্মজ বক্ষার জন্ত অসমসাহসে যবনের বাড়বাগি

রাজ্যবিস্তারে পরিদালিত করিতেছে—সেই সময়ে বুদ্ধীরাজের অধিকৃত রণঅধর দুর্গ তাঁহার দৃষ্টিপথ আকর্ষণ করে। বুদ্ধীর অধাধর এতদিন নিষ্কিবাদে এই স্তূপ দুর্গে বসিয়া রাজস্ব করিয়া আসিতেছিলেন। কিন্তু আকবর লোভপরবশ হইয়া তাহা তাঁহাদের হস্ত-বিচ্যুত করিবার জন্ত চিতোর জয়ের পর রণঅধরে উপনীত হন। রায় সর্জন বীরপুরুষ, তিনি স্বদেশ-হিতৈষী ও জাত্যভিমান সম্পূর্ণ ক্ষীত, যুদ্ধক্ষেত্র তাঁহার ক্রীড়াস্থল, এই ছংসাহসী চৌহান, সম্রাট-সৈন্যকে রণঅধর বেঠন করিতে দেখিয়াও কোনক্রমে ভীত হইলেন না। আশ্চর্যের বিষয় এই তাঁহার সৈন্যসংখ্যা সম্রাটের সহিত তুলনায় অল্পসংখ্যক হইলেও তিনি সেই স্তূপ দুর্ভেদ্য দুর্গ মধ্যবর্তী হইয়া অনারাসে মোগলবাহিনীর আক্রমণ ব্যর্থ করিতে লাগিলেন।

সুচতুর আকবর কেবলমাত্র আগ্রহাতিশয্যে রণঅধর অধিকার করিতে গিয়াছিলেন। দুর্গাধিকার সহজ নহে দেখিয়া তিনি কৌশলের পথ অবলম্বন করিলেন। মহারাজ মানসিংহ তাঁহার সহায় হইলেন। যে শঠতাবশে মানসিংহ দুর্গাধিকার করেন তাহাতে তাঁহার রাজপুত নামে ঘোর কলঙ্ক পড়িল।

আতিথ্যপরায়ণতা রাজপুতের উচ্চধর্ম। মহারাজ মানসিংহ এই সময়ে সর্জন রায়ের আতিথ্য স্বীকার করিলেন। মানসিংহ যদিও আকবরের অধীনস্থ ও শ্রেণীভুক্ত তথাপি উদার হৃদয় সর্জন তাঁহার প্রতি কোন সন্দেহ করিলেন না। আকবরসাহ ছদ্মবেশে সামান্য আসানোটা লইয়া মানসিংহের পরিবাররূপে দুর্গমধ্যে প্রবেশ করিলেন। রায় সর্জন কপটাচারী অধর রাজাকে আদরে গ্রহণ করিয়া নিজপার্শ্বে বসাইলেন। তাঁহারা নানাবিধে কথোপকথনে নিবিষ্ট এমন সময়ে তাঁহার তীক্ষ্ণদৃষ্টি-পিতৃব্য ছদ্মবেশী আকবরকে চিনিতে পারিয়া তৎক্ষণাৎ তাঁহার হস্ত হইতে আসানোটা কাড়িয়া লইয়া সম্রাটকে দুর্গমধ্যস্থ সিংহাসনে সমাসীন করিয়া দিলেন। আকবরকে এই প্রকারে সম্মান প্রদর্শন করাতে সকলদিক রক্ষা হইল বটে কিন্তু বুদ্ধীর মনে মনে মানসিংহের কপট ব্যবহারে ও রাজপুত ধর্মহীনতার অত্যন্ত রুচি হইলেন।

মানসিংহ যে গর্হিত উপায়ে সম্রাটের দুর্গপ্রবেশ-কার্য সম্পন্ন করিয়াছিলেন তাহার প্রায়শ্চিত্তরূপ কয়েকটি সন্ধির স্বত্ব তাঁহার সম্মুখে উপস্থিত করেন। তিনি সর্জনকে

মুখে রায় সর্জন হাসিতে হাসিতে জীবন বিসর্জন করেন। মিথ্যার শ্রেষ্ঠ কবি চাঁদভট্ট এই চৌহান বীরের কাহিনী লিপিবদ্ধ করিয়া একস্থলে বলিয়াছেন—

“লোর না কিয়া বহৎ জোর
ধার পর্দত অরি শিলা,
তাইন করি তরওয়ার
আদ পাতিয়া হর অরজন।”

ইহার অর্থ এই—নিম্নে ও চতুর্দিকে বারদের অগ্নি জ্বলিতেছে সেই জ্বলন্ত অগ্নিরাশির মধ্যে এক প্রস্তরখণ্ডে বসিয়া সর্জন অসি নিষ্কাশন করিলেন। দেবতারা তাহা আশ্চর্য হইয়া দেখিলেন।

সমস্ত সম্বোধন করিয়া কহিলেন—“মহারাজ! আপনি রাণার আত্মগত্যা ত্যাগ করিয়া রণঅধর দুর্গ সম্রাটকে অর্পণ করুন। সম্রাট আপনাকে বন্ধুরূপে গণ্য করিয়া ৫২টি প্রদেশের শাসন কর্তৃত্ব ভার অর্পণ করিবেন। এই প্রদেশগুলির উপস্থিত আপনি বংশধরক্রমে ভোগ করিবেন। ইহাতে দুর্গত্যাগের ক্ষতি সম্পূর্ণরূপে পরিপূরিত হইবে। তবে নিরীকৃত সংখ্যক সৈন্য লইয়া সম্রাটের সহায়তা করণ জন্ত আপনাকে রাজধানীতে থাকিতে হইবে। এজন্ত আর বাহা কিছু ক্ষতি পূরণ আবশ্যক সম্রাট তাহা করিতেও প্রস্তুত আছেন।”

দুর্গমধ্যে তৎক্ষণাৎ এক সন্ধিপত্রের খসড়া প্রস্তুত হইল। আকবরসাহ তাহাতে স্বাক্ষর করিলেন। বুদ্ধীর এরূপ অবস্থার পড়িয়াও কি প্রকারে জাতীয় সম্মান ও নিজের প্রকৃতিগত মর্যাদা রক্ষা করিয়াছিলেন—তাহা নিম্নোক্ত কড়ার কয়েকটিতে বিশেষরূপে প্রতিপন্ন হইবে।

১। বুদ্ধীর রাজবংশ কখনও যখন সম্রাটের গৃহে কণ্ডা প্রদান করিবেন না।

২। জিজির কর হইতেও তিনি সম্পূর্ণরূপে মুক্ত হইবেন।

৩। আটক প্রদেশ পর্যন্ত ভারতবর্ষের সীমা, তাহার বাহিরে গেলে জাতিপাতের সম্ভাবনা। সম্রাট কখনও বুদ্ধিপতিকে আটকের সীমার বাহিরে যুদ্ধে ব্রতী করিবেন না।

৪। নরোজার দিনে দিল্লির ও আগ্রার রাজ প্রসাদে যে—“মীনাবাজার”—অর্থাৎ খোসুরোজের বাজার হয় তাহাতে অজ্ঞাত রাজপুত নৃপতি ও সামন্তগণ স্ব স্ব কণ্ডা ও জী-দিগকে প্রেরণ করিতে বাধ্য হইবেন, বুদ্ধী রাজসংসার এ প্রকার দায়িত্ব হইতে সম্পূর্ণ পক্ষে মুক্ত।

৫। “দেওয়ানি আম” নামক সম্রাটের দরবারগৃহে সকল রাজপুত রাজারা সশস্ত্রে প্রবেশ করিতে পান না। বুদ্ধীর রাজবংশ সশস্ত্রে সজ্জিত হইয়া দরবারগৃহে প্রবেশ করিতে পাইবেন।

৬। বুদ্ধীর দেবালয় ও দেবমন্দির সঙ্কীর্ণ ব্যাপারে সম্রাট কোনরূপ হস্তক্ষেপ করিতে পারিবেন না।

৭। মোগল সরকারের প্রথাহুসারে, অনেক সময় রাজপুত নরপতিগণ, অত্র হিন্দু নরপতির অধীনে যুদ্ধ ক্ষেত্রে প্রেরিত হন। বুদ্ধী কখন এরূপ অধীনতা স্বীকারে বাধ্য হইবেন না।

৮। রাজপুত রাজাদিগের মধ্যে যাহারা সম্রাটের অধীনে সেনানায়ক স্বীকার করেন, তাঁহাদের অধারোহী সেনাদিগের পরিচ্ছদে ও অস্ত্রগাত্রে, সম্রাটের অধীনতা-সূচক এক প্রকার চিহ্ন দেওয়া থাকে। বুদ্ধীরাজসৈন্য সম্রাটের অধীনস্থ হইলেও এপ্রকার হীনতাজনক কোন চিহ্ন তাহাদের বহন করিতে হইবে না।

৯। বুদ্ধীর অধীস্থ যখন, সম্রাটের রাজধানীতে গমন করিবেন, তখন তিনি রাজপথে ও দিল্লির লালদরওয়াজা পর্যন্ত নাকারা বাজ করিয়া রাজোচিত সম্মানে যাইবেন।

১০। বন্দীর অধীশ্বর যখন সম্রাটসদনে উপস্থিত হইবেন—তখন তিনি অশ্রুত সামন্ত রাজগণের শ্রায় জাহ্নু পাতিয়া সম্রাটের প্রতি সম্মান প্রদর্শন করিবেন না।

পাঠক! একবার এই ক্ষুদ্র রাজপুত্র সামন্তের তীব্র জাতীয় ভাব, ও উগ্র চৌহান শোণিতের কার্যকলাপ অবলোকন করুন। একবার ক্ষত্রিয়-কুলকলঙ্ক মানসিংহের সহিত এই চৌহান কুলগৌরব ক্ষুদ্র সামন্ত নরপতির হৃদয়ের বলের তুলনা করুন।

আকবর সাহের সম্রাটোচিত গুণাবলীর মধ্যে “উদারতা” একটা সর্ব প্রধান গুণ। এরূপ না হইলে তিনি এত বড় হইতে পারিতেন না। বন্দীরাজার প্রস্তাবগুলি প্রকৃত পক্ষে তাঁহার পক্ষে হানিজনক হইলেও, তিনি যেরূপ গর্হিত উপায়ে রণঅশ্বরে চৌরের শ্রায় প্রবেশ করিয়াছিলেন তাহা ভাবিয়া তাহাতে আশ্চর্যের সহিত সম্মতি দান করিয়া স্বাক্ষর করিলেন। আরো বন্দীপতিকে বেনারসে এক প্রাসাদ নির্মাণ করিয়া বসবাস করিবার অহুজ্জা প্রদান করিলেন। বন্দীরাজ যদিও মোগলবাদসাহের অধীনতা স্বীকার করিলেন কিন্তু প্রকৃত পক্ষে তাহা মুক্ত স্বাধীনতার নামান্তর মাত্র।

আকবরসাহ সর্ব প্রথমেই রায় সর্জনকে গোণ্ডারানা প্রদেশাধিপতিকে দমনার্থে প্রেরণ করেন। সর্জন সিংহ, প্রভূত বিক্রমে, গোণ্ডারানা বিজিত করিয়া তদধিপতিকে সম্রাট সদনে বন্দীরূপে আনয়ন করেন। কিন্তু পরিশেষে সেই বিজিত শত্রুকে ক্ষমা করিবার জ্ঞান সম্রাটকে অচুরোধ করেন।

গোণ্ডারানা পতি সর্জন সিংহের অহুগ্রহে স্বীয় রাজ্যের কিয়দংশ পুনঃ প্রাপ্ত হইয়া, সম্রাটের অধীনতা স্বীকার করিলেন—এবং আকবরসাহ এই প্রবল শত্রুর পরাজয় পুরস্কার স্বরূপ রাজা সর্জনকে, চূনটি প্রদেশের শাসন কর্তৃত্ব প্রদান করিলেন।

পবিত্রতীর্থ বারাণসী ধামে অবস্থান প্রার্থনা করায় রায় সর্জনের কয়েকটা গৃঢ় উদ্দেশ্য ছিল। সেই সময়ে কাশীধামে, চৌর ডাকাতের অত্যন্ত প্রাচুর্য্য। এতদভিন্ন, যবনাধিকার বলিয়া হিন্দু তীর্থগুলিতে যেরূপ অত্যাচার বিচার হওয়া সম্ভব তাহার সকলই হইতেছিল। হিন্দুগণ সর্বদাই সশস্ত্রতচিত্তে-কালান্তিপাত করিত। রায় সর্জন কাশীধামের ভিন্ন ভিন্ন স্থানের প্রাসাদাদি নির্মাণ করিয়া—সকল মহলাগুলিই স্মৃশোভিত ও শান্তিশুভ্রাম্য করিয়া তুলিলেন। সমগ্র হিন্দু সম্প্রদায় এই ধর্মরক্ষক হিন্দুরাজ্যের সহায়তায় নিরাপদে তীর্থবাস করিয়া তাঁহার যশো কীর্তন করিতে লাগিল। কয়েক বৎসর এইরূপে তীর্থধামে কাটাইয়া, রায় সর্জন এই পবিত্র ক্ষেত্রেই প্রাণত্যাগ করেন। মুসলমান ইতিহাস লেখকেরা এই রায় সর্জনকে বিকৃতরূপে চিত্রিত করিয়া গিয়াছেন। এত বড় একটা মহাবীরের সম্বন্ধে তাঁহার এত অল্প ও অসম্বন্ধ বিবরণ লিপিবদ্ধ করিয়াছেন যে তাহাতে সম্পূর্ণরূপে নিরাশ হইয়া পড়িতে হয়। আমরা, বিশেষরূপে পর্যবেক্ষণ করিয়া সেই অসার অসম্বন্ধ ঘটনাবলী হইতে সর্জন সিংহের বিবরণ উদ্ধার করিয়াছি।

রাও ভোজ। প্রাতঃ স্মরণীয় সর্জন রায়ের তিন পুত্র ছিল। জ্যেষ্ঠ রাজকুমার

রাও ভোজ ধরার মধ্যে প্রতিষ্ঠা লাভ করেন। যখন লেখকেরা, দ্বিতীয় রাজকুমার হুধাকে জ্যেষ্ঠ বলিয়া উল্লেখ করিয়া গিয়াছেন। ইহা সম্পূর্ণ ভ্রমাত্মক। তৃতীয় রাজকুমার রায় মল্ল বলিয়া সাধারণে পরিচিত। জ্যেষ্ঠ রাজকুমার ভোজই পিতার মৃত্যুর পর বন্দীর সিংহাসন অধিকার করেন।

আকবর যে সময়ে গুজরাট জয়ের উদ্দেশ্যে মরুক্ষেত্রের মধ্য দিয়া উদ্বারোহী সৈন্তের অভিযান প্রেরণ করেন, সেই সময়ে রাও ভোজ ও তাঁহার কনিষ্ঠ যুবরাজ হুধা, সম্রাট কর্তৃক এই যুদ্ধে ব্রতী হন। ভোজের দুঃসাহসিকতায় গুজরাটপতি যখন, ছিন্ন মস্তক হইয়া ভূপতিত হন তখন আকবর সম্ভ্রুতিতে ভোজরাজকে বলেন “আপনি কি কিছু পুরস্কার প্রার্থনা করেন না?” বন্দীরাজ তদুত্তরে বলেন “আমার অহুমতি দিন, যেন সমস্ত বর্ষাকাল আমি নিজ রাজ্যে অতিবাহিত করিতে পারি।

রাও ভোজ পিতার শ্রায় মহাসাহসী, প্রখ্যাতনামা যোদ্ধা ছিলেন। আমেদনগর অবরোধকালে তিনি সম্রাট-সৈন্তের সঙ্গে যাত্রা করেন। চাঁদবিবির অসমসাহসিকতায় যখন সমস্ত মোগল-সৈন্ত সম্ভ্রুত ও বিস্ময়ীভূত, তখন রাও ভোজ অত্যন্তসংখ্যক রাজপুত্র সেনা লইয়া দুর্গ-প্রাচীর উল্লঙ্ঘন করিয়া সম্রাটের সেনা প্রবেশের পথ করিয়া দেন। দুর্গ জয় হইলে আকবরসাহ রাও ভোজকে মহাসম্মানে সম্মানিত করেন। তাঁহার স্মরণার্থে আহম্মদনগরের দুর্গপ্রাচীরে “রাও ভোজের বুরুজ” নাম দিয়া একটা বুরুজ নির্মাণ করিয়া দেন।

রাও ভোজ পিতার শ্রায় প্রকৃতিবিশিষ্ট ছিলেন কি না তাহা নিম্নোক্ত ঘটনাটীতে বিশেষরূপে প্রমাণিত হইবে। বন্দীরাজ তখন আগরার নিজ প্রাসাদে অবস্থান করিতে-ছিলেন। এই সময়ে আকবরের রাজপুত্র মহিষী যোধাবাইরের পরলোকপ্রাপ্তি হয়। প্রিয়-তমা মহিষীর মৃত্যুতে আকবর অতিশয় শোকসম্ভ্রুত হইয়া রাজ্য মধ্যে সাধারণকে শোক প্রকাশের চিহ্ন ধারণ করিতে অহুমতি প্রচার করেন। অশোচ চিহ্নস্বরূপ সমস্ত মুসলমান ওমরাহগণও শ্মশ্রু ও মস্তক মণ্ডন করিতে আদেশ প্রাপ্ত হন। হিন্দুরাজাদেরও উপর এই আদেশ প্রচারিত হয়। সম্রাটের ক্ষোরকারগণ প্রত্যেক আমীর ওমরাহের বাটীতে উপস্থিত হইয়া তাঁহাদের শ্মশ্রু মণ্ডন করিয়া দিতে লাগিলেন। অবশেষে যখন তাহারা বন্দীরাজের আবাসভবনে উপস্থিত হইল—তাঁহার আদেশে তাহারা তৎক্ষণাৎ সেই স্থান হইতে অপ-মানিত হইয়া দূরীভূত হইল।

অপমানিত ক্ষোরকারগণ এই ঘটনাকে অতিরঞ্জিত করিয়া বাদসাহের গোচর করিল। তাহারা বলিল—“ভোজরাজ যে কেবল আমাদের অপমান করিয়াছেন এরূপ নহে, স্বর্গীয়া মহিষীর বিরুদ্ধেও অনেক কটু কাটব্য করিয়াছেন। আকবর এই সংবাদে মহাকষ্ট হইয়া বন্দীরাজের অতীত কার্যাবলী বিস্মৃত হইয়া আদেশ দিলেন—“তোমরা সকলে সেই দাস্তিক রাজার শ্মশ্রু মণ্ডন করিয়া দাও।”

একটা মহাহাস্যামা বাধিবার উপক্রম হইল। বন্দীরাজের সৈন্তগণ সম্রাট-সৈন্তগণকে

পুনরাগমন করিতে দেখিয়া তাহাদের মনোভাব বুঝিতে পারিল। তৎক্ষণাৎ মহাদজে অসি নিষ্কাশিত করিয়া সকলেই রণসজ্জায় সজ্জিত হইল।


সৈন্য প্রেরণ করিয়া নিতান্ত অত্যাগ কাজ করিয়াছেন, তাহা আকবরসাহ আদেশ প্রচারের অল্পক্ষণ পরেই বুঝিতে পারিয়াছিলেন। তিনি রাও ভোজকে চিনিতেন। একটা মহা অনর্থ ঘটবে এই ভয়ে তিনি তৎক্ষণাৎ ভোজরাজের নিকট উপস্থিত হইলেন। উভয় পক্ষীয় সেনা সম্মুখ দেখিয়া অস্ত্রত্যাগ করিয়া স্থির ভাবে দাঁড়াইল। আকবরের হৃদয়ে কি জাগিতেছে তাহা বন্দীরাজ বুঝিয়া লইলেন। তিনি সমস্তমুখে অপ্রতিভ অমৃতপ্ত বাদসাহের নিকট অমৃতপ্ত চিত্তে ক্ষমা প্রার্থনা করিয়া বলিলেন “সাহান মা! আমার স্বর্গীয় পিতার নামে আমি ক্ষমা প্রার্থনা করিতেছি। আমি নিরোঁধ—মৃত মহিবীর সম্মানার্থে, ক্ষৌর কন্ম করিবার যোগ্য পাত্রও আমি নহি।” আকবর সাহ এই প্রকার সদাশয়তাপূর্ণ উক্তি, সেই তেজস্বী সায়ন্তের মনোভাব বুঝিয়া হইলেন। বীর না হইলে বীরত্বের গৌরব বুঝিতে পারে না। আকবর সাহ ভোজরাজকে সঙ্গে লইয়া সাদরে নিজ প্রাসাদে প্রত্যাগমন করিলেন।

এই ঘটনার পর বন্দীরাজ স্বরাজ্যে প্রত্যাবর্তন করিলেন। কিয়ৎকাল বন্দীতে বাস করিয়া রাজপুত গৌরব সম্যকরূপে উজ্জলিত করিয়া পরিশেষে ইহলোক ত্যাগ করেন।

মুসলমান ইতিহাসলেখকেরা, রায়ভোজের মৃত্যুর অশুকারণ নির্দেশ করিয়া গিয়াছেন। রায় ভোজ মহারাজ মানসিংহের পুত্র, জগৎ সিংহের সহিত কস্তুর বিবাহ দেন। কেন যে তিনি এই যবন সংস্পর্শিত রাজকুমারকে স্বীয় জামাতারূপে বরণ করেন তাহার কারণ অল্পসন্ধান করা ছুঁহ ব্যাপার। জগৎসিংহের এক কস্তা হয়। জাহাঙ্গীর সেই কস্তাকে বিবাহ করিবার জন্ত বিশেষ লোলুপতা প্রদর্শন করেন। তখন জাহাঙ্গীর নিজে সম্রাট। জগৎসিংহও ইহাতে সম্পূর্ণরূপে সম্মত। রাও ভোজ কিন্তু এই বিবাহের সম্যক প্রতিযোগিতা করেন।* ইহাতে জাহাঙ্গীর তাহার বিরুদ্ধে দণ্ডায়মান হইলেন। তিনি সম্মান রক্ষার অশু উপায় না দেখিয়া মনোহুঃখে আত্মহত্যা করেন। যবন ইতিহাস লেখকেরা একস্থানে বলিয়াছেন জগৎসিংহের কস্তা রাজ ভোজের দৌহিত্রীর সহিত অবশেষে জাহাঙ্গীরের পরিণয় হয়।

* আইন আকবর লেখক বলিয়াছেন—“It is said that Rathor and Kachwaha princess entered the Imperial Harem but no Hara princess (রাও ভোজ “হর” শ্রেণীভুক্ত চৌহান।) was ever married to a Timuride. (অনুবাদ—আকবর নাম)। P. 459.

রায় সর্জন সিংহের বংশ তালিকা।



ছইটি বোন।

সকালে সাঁঝের বেলা বাগানে বেড়ায়,
ফুল তোলে মালা গাঁথে কত গান গায়।
এক বোন ভাল ধরে, আর বোন সাজি ভরে,
নাহি কোন ভুরুক্ষেপ—ধারাল কাঁটায়।
পাইলে নুতন ফুল, সাধেতে সাজায় চুল,
দিদি দিদি বোন্ বোন্, মুখে বারোমাসি,
ভালবাসা বিনিময়ে ভালবাসাবাসি।

বালিকার “বাসীপাট” সকালেতে খাওয়া,
বিকেলের “মাথাবাধা” সাঁঝে ঘুম যাওয়া।
নিতাকর্ম আবদার, দিনে খাবে সাতবার,
তথাপি খাবার লাগি মার কাছে দাওয়া।
নাহি জানে লাজ লজ্জা, পুঁতুলের সাজসজ্জা,
মনোমত হলে পরে মুখভরা হাসি,—
দেখে পাড়াপ্রতিবেশী বলে “ভালবাসি”।

হাতে বালা পায়ে মল গায়ে মাথা ধুলা,
এর বাড়ী তার বাড়ী রোদে জলে “হুলা”।
কারো না বারণ শোনে, ছুটে যায় ছই বোনে,
হাতটা ঠেকিলে গায় অভিমানে “ফুলা”।
দোষ গুণ নাহি বোঝে, কেবলি কলহ খোঁজে,
মা'র কাছে শেখা কথা মুখে রাশি রাশি,
বোনে বোনে এক কথা—শুধু ভালবাসি।

৪

পরবে পরমা পেলে আর কেবা পায়!
কাপড়ের “খুঁটে” বেধে সবাকে দেখায়।
কাঁচের পুঁতুল কেনে, বাবাকে দেখায় এনে,
কত কি জিজ্ঞাসে কথা সরল ভাষায়।
'ছোট তাস লাল ফিতে, বল ঝিকে কিনে দিতে,'
পরের পছন্দ নিতে নয় অভিলাষি,
ছোটর ভালয় বড় বলে ভালবাসি।

৫

শীতকালে উল্লনের ছই পাশে বসা,
আগুনেতে হাত “তাপি” গালে মুখে ঘসা।
চ'খেতে আসিছে ঘুম, তবু ছ' দেবার ধুম,
এতই বালিকা হিয়া গল্প-পরবশা।
শুইতে ডাকিছে যত, “যাবনা, যাবনা” তত,
উত্তরিতে ছুজনাই সদা সমভাষি,
না হলে যে কমে যাবে ভালবাসাবাসি।

৬

করিতে গৃহিণীপনা কেঁদে করে কাদা,
চাই চাবিকাটা “খোলা” কাপড়েতে বাধা।
খেলা শালে “রাঁধা বাড়া” নিমন্ত্রণ নাই ছাড়া,
“গেনি” ‘খাবে’ ‘মেনি’ খাবে আর খাবে দাদা।
কাঠের পুঁতুল কোলে, সোহাগের তান তোলে,
নিতুই নূতন কাণ্ড—আনন্দ বিকাশি,
একদণ্ড নাহি ভোলে, ভাল বাসাবাসি।

নাপুতিনী ঘরে এলে পা কামান সাধ,
অলসক পরিবারে বিষম বিবাদ।
হাতে মাখে পকেয় মাখে, দিয়ে দেয় যাকে তাকে
কপালে সিন্দুর টিপ—দ্বিতীয়ার চাঁদ।
প্রণামের তাড়াতাড়ি, আশীর্বাদ কাড়াকাড়ি,
ঠান্দী, জ্যেঠাই, খুড়ি, বউ পিসি মাসি,
বলে “জন্মায়তী হও” কত ভালবাসি।

৮

ঘুমালে জগৎ ঠাণ্ডা—ঠাণ্ডা মা'র প্রাণ,
ক্ষণেকের তরে শুয়ে স্বখে নিজা যান।
গরমে সোয়াস্তি নাই, পাখা ধরে নাড়া চাই,
নতুবা ছয়েরি ঘুম জাগরি সমান।
সমাদরে গলা ধরে, কত মিষ্টালাপ করে,
ঘুমন্তে পড়িয়া থাকে শুধু পাশাপাশি,
স্বপনে স্বপনে মাখে ভালবাসাবাসি।

৯

কাপড়ের “বস্তা” কত একবার পরা,
আবার নূতন জুতা দাদাটিকে ধরা।
ধরিলে ছাড়ানু কবে? তখনি আনিতে হবে,
না হলে ছইটী মুখ মলিনতা ভরা।
ধীরি ধীরি গুটি গুটি, হেমাঙ্গী হরিণী ছটি,
কাণে কাণে কয় চুপে দাদা কাছে আসি,
“নয় দাদা তোকে ভাই ভারী ভালবাসি”?

শ্রীশরৎচন্দ্র সরকার।

কালীভক্ত রামপ্রসাদ সেন ।

তিনি পূর্বে মৃত্যুকে ভয় করিতেন কিন্তু সাধনায় সিদ্ধিলাভ করিবার পর হইতে তাঁহার সে ভয় দূর হয় ।

মাগের এগ্নি বিচার বটে ।

যে জন দিবানিশি ছুর্গা বলে, তার কপালে বিপদ ঘটে ॥

হুজুরে আরজি দিয়ে মা, দাঁড়িয়ে আছি করপুটে ।

কবে আদালত শুনানি হবে মা, নিস্তার পাব এশঙ্কটে ॥

সওয়াল জবাব করবো কি মা, বুঝি নাইকো আমার ঘটে ।

ওমা ভরসা কেবল শিব বাক্য, ঐক্য বেদাগমে রটে ॥

প্রসাদ বলে শমন ভয়ে মা, ইচ্ছা হয় পালাই ছুটে ।

যেন অন্তিম কালে ছুর্গা বলে, প্রাণত্যাগি জাহ্নবীর তটে ॥

দূর হয়ে যা যমের ভটা । (ভূত্যাটা)

ওরে আমি ব্রহ্মময়ীর বেটা ॥

বল্গো তোর যমরাজারে, আমার মতন নেছে কটা ।

আমি যমের যম হতে পারি, ভাবলে ব্রহ্মময়ীর ছটা ॥

প্রসাদ বলে কালের ভটা, মুখ সামলে বলিস্ বেটা ।

কালী নামের জোরে বেধে তোরে, সাজা দিলে রাখবে কেটা ॥ ২

আমি ক্ষেমার খাস তালুকের প্রজা ।

সে যে ক্ষেমক্ষরী আমার রাজা ॥

চেননা আমারে শমন, চিনলে পরে হবে সোজা ।

আমি-শুমা মার দরবারে থাকি, অভয় পদের বইরে বোঝা ॥

ক্ষেমার খাসে আছি বসে, নাই মহালে শুকা হাজা ।

দেখ বালি চাপা সিকস্ত নদী, তাতে যে মহাল আছে তাজা ॥

প্রসাদ বলে শমন তুমি, বয়ে বেড়াও ভুতের বোঝা ।

ওরে যে পদে ওপদ পেয়েছো, জাননা সেই পদের মজা ॥ ৩

এসংসারে ডরি করে রাজা যার মা মহেশ্বরী ।

আনন্দে আনন্দময়ীর খাস তালুকে বসত করি ॥

নাইকো জরিপ জমা বন্দী, তালুকে হয় না লাটে বন্দি মা ।

আমি ভেবে কিছু পাইনা সন্ধি, শিব হয়েছেন কন্দকারী ॥

নাইকো কিছু অস্ত্র লেটা, দিতে হয় না মাথট বাটা মা ।

জয় ছুর্গার নামে জমাখাটা ঐটা করি মালঞ্জারি ।

বলে দ্বিজ রামপ্রসাদ, আছে এ মনের সাধ মা ।

আমি ভক্তির জোরে কিন্তে পারি ব্রহ্মময়ীর জমিদারী ॥ ৪

প্রসাদের গানের মর্ম্ম দ্বিজ রামপ্রসাদ কর্তৃক চতুর্থগানে ব্যক্ত হইয়াছে ।

ভালব্যাপার মন কত্তে এলে ।

ভাসিয়ে মানব তরী কারণ জলে ॥

বাণিজ্য করিতে এলে, মন ভবনদীর জলে ।

ওরে কেউ করিল ছুনো ব্যাপার, কেউ কেউ বা হারাল মুলে ॥

ক্ষিত্যপ তেজ মরুদুবোম, বোঝাই আছে নাগের খোলে ।

ওরে ছয় দাঁড়ি ছয় দিকে টেনে, গোড়ায় পাদে ডুবিয়া দিলে ॥

পাঁচ জিনিষ নে ব্যবসা করা পাঁচে ডেকে পাঁচে মিলে ।

যখন পাঁচে পাঁচ মিশিয়ে যাবে, কি হবে তাই প্রসাদ বলে ॥

সামাল ভবে ডুবে তরী ।

তরী ডুবে যায় জনমের মত ॥

জীর্ণ তরী তুফান ভারি বইতে নারি ভয়ে মরি ।

ঐ যে দেহের মধ্যে ছয়টা রিপু, এবার এরাই কচ্ছে দাগাদারি ॥

এনেছিলে বসে খেলে মন মহাজনের মূল খোয়ালি ।

যখন হিসাব করে দিতে হবে, মন তখন তহবিল হবে খালি ॥

দীন রামপ্রসাদ বলে মন নীরে বুঝি ডুবায় তরী ।

তুমি পরের ঘরের হিসাব কর আপন ঘরে যায় রে চুরি ॥

প্রসাদের রচনায় কেমন স্মৃশঙ্ক ভাবের সমাবেশ রহিয়াছে । এই প্রভেদ দ্বারা তাঁহার রচনা অশ্রুতবির রচনা হইতে সহজে পৃথক্ করা যাইতে পারে ।

রাম প্রসাদী পদাবলীতে মধ্যে মধ্যে আইন বিষয়ক গানও আছে । সে সকল গুলিই যে তাঁহার রচনা তাহা বোধ হয় না । কোন কোনটিতে ইংরাজী কথা ডিক্কা ডিস্‌মিস কলেক্টরী আদি ব্যবহৃত হইয়াছে । ইহা দ্বারা বেশ বুঝা যায় সে গানগুলি তাঁহার রচনা নয় । তাঁহার

আইন সম্বন্ধীয় গানে তিনি কাজীর বিচারে প্রযুক্ত পারসী কথাগুলিই ব্যবহার করিয়াছেন।

হয়েছি ঘোর ফরিয়াদি।

এবার বুঝে বিচার কর শ্রামা ॥

ঐ যে মন করিছে জানিবদারী নেচেউঠে ছটা বাদী ॥

অবিষ্ঠা বিমাতার বেটা তারা ছটা কাম আদি।

যদি তুমি আমি এক হই তো, পুরে হতে ছুর করে দি ॥

বিমাতা মরেন শোকের, ছটার যদি আমল না দি।

স্বখে নিত্যানন্দ পুরে থাকি, পার হয়ে যাই আশানন্দী ॥

হজুরে তজবীজ* কর মা, হাজির ফরিয়াদি বাদী।

এ স্বোপার্জিত ভজনের ধন, সাধারণ নয় যে তা দি ॥

মাতা আত্মা মহাবিষ্ঠা অধিতীয় বাপ অন্যাদি।

এমা তোমার পুতে সতিন স্নতে, জোর করে কার কাছে কাঁদি ॥

প্রসাদ ভণে ভরসা মনে, বাপতো নহেন মিথ্যাবাদী।

ঠেকে বারে বারে খুব চেতেছি, আর কি এবার ফাঁদে পাদি ॥ ১

তারা আমি নই আটাশে ছেলে।

আমি ভয় করিনে তোর চোখ রাঙ্গালে ॥

* * * * *

শিবের দলিল সৈ মোহরে, রেখেছি হৃদয়ে তুলে।

এবার করবো নালিশ নাথের আগে ডিক্রীলব এক সওয়ালে ॥

জানাইব কেমন ছেলে, মোকদ্দমার দাঁড়াইলে।

যখন গুরু দত্ত দস্তাবেজ গুজরাইব মিছিল কালে ॥

মায়ে পোয়ে মোকদ্দমা ধুম হবে রামপ্রসাদ বলে।

আর্মি ফাস্ত হব যখন আমার, শাস্ত করে লবে কোলে ॥ ২

যারে শমন যারে ফিরি!

ওস্তার যমের বাপের কি ধার ধারি ॥

পাপ পুণ্যের বিচারকারী তোর যম হয় কলেক্টরী।

আমার পুণ্যের দফা সর্ব শূন্য, পাপ নিয়ে যা নিলাম করি ॥

ইত্যাদি..... ॥

* তজবীজ বিচার, মীমাংসা। তজবীজ লিখনা—to write Judgment। জানিবদারী পক্ষপাত করা।

প্রথম গানে কেমন নম্রতা ও স্বল্প ভাব প্রকাশ রহিয়াছে কিন্তু দ্বিতীয় গানে ভক্ত তেজের সহিত ভক্তি প্রকাশ করিয়াছেন।

প্রদাদের সময়ে কাজীর বিচারেই প্রচলিত ছিল যেহেতু তাঁহার একটা গানে সে প্রকার আভাস পাওয়া যায়। সে সময় তাঁহার বয়স ন্যূনাবিক ৩০।৪০ হইয়াছিল—

ছিছি মন ভ্রমরা দিল বাজী।

কালী পাদ পদ্ম সূধা তাজে, বিষয় বিবে হলি রাজি ॥

দেশের মধ্যে তুমি শ্রেষ্ঠ, লোকে তোমায় কয় রাজাজি।

সদা নীচ সঙ্গে থাক তুমি, রাজা বট রীতি পাজি ॥

অহঙ্কার মদে মত্ত, বেড়াও যেন কাজীর তাজী।

তুমি তেঁকেবে যখন শিথবে তখন, করবে কালে পাপোষ বাজী ॥

বাণ্য জরা বৃদ্ধদশা, ক্রমে ক্রমে হয় গতাজী।

পড়ে চোরের কোটার মন টুটায়, যে ভজে সে মদগাজী।

কুতূহলে প্রসাদ বলে, জরা এলে আসবে হাজী।

যখন দণ্ডপাণি লবে টানি, কি করিবে ও বাবাজি ॥

এখানে প্রসাদ ছই একটা ছতন কথাও গড়িয়াছেন যেমন গতাজী ও হাজী। উভয়ের অর্থ মৃত্যু। পূর্বের একটি গানে ভূতা হানে ভটা ব্যবহৃত হইয়াছে। এ সকল কবিদেরই সম্ভবে। প্রসাদ হেবাধেবী করিতেন না—

মা আমার অন্তরে আছ।

কে বলে অন্তরে শ্রামা

মা আমার অন্তরে আছ ॥

তুমি পাষণ মেয়ে বিষম মারা কত কাচ কাচা ও মা কাচ ॥

উপাসনা ভেদে তুমি প্রধান মূর্তি ধর পাঁচ।

যে পাঁচেরে এক করে ভাবে তার হাতে মা কোথায় বাঁচ ॥

বুঝে তার দেয় যে জন, তার ভার নিতে হাঁচ।

যেজন কাঞ্চনের মূল্য জানে, সে কি ভুলে পেয়ে কাঁচ ॥

প্রসাদ বলে আমার হৃদয়, অমল কমল সাঁচ।

তুমি সেই সাঁচে নিশ্চিত হয়ে, মনোমগ্নী হয়ে নাচ ॥ ১

আমার অন্তরে আনন্দমগ্নী সদা করিতেছেন কেলি।

আমি যে ভাবে সে ভাবে থাকি নামটা কত নাহি ভুলি।

আবার হুঁসি মুদিলে দেখি অন্তরেতে মুণ্ডমালী ॥

বিষয় বুদ্ধি হইল হত আমার পাগল বোল বলে সকলি।

আমায় যা বলে তাই বলুক তারা, অস্ত্রে যেন পাই পাগলী ॥
শ্রীরাম প্রসাদে বলে মা বিরাজে শত দলে।
আমি শরণ নিলাম চরণ তলে, অস্ত্রে না ফেলিও ঠেলি ॥ ২

নিতান্ত এদিন যাবে এদিন যাবে কেবল ঘোষণা হবে গো।

তারা নামে অশেষ কলঙ্ক হবে গো।
এসে ছিলাম ভবের হাটে, হাট করে বসেছি ঘাটে।
ওমা শ্রীহর্য্য বসিল পাটে, নায়ে লবে গো ॥
দশের ভরা তরে নাগ, ছুখীজনে ফেলে যায়।
ওমা তার ঠাই যে কড়ি চায়, সে কোথায় পাবে গো ॥
প্রসাদ বলে পাষণ মেয়ে, আসন দেমা ফিরে চেয়ে।
আমি ভাষণ দিলাম গুণ গেয়ে, ভবর্গবে গো ॥ ১

সময় তো থাকবে না গো মা কেবল কথা হবে।
কথা হবে কথা হবে মাগো জগতে কলঙ্ক হবে ॥
ভাল কি বা মন্দ কালী অবশ্য এক দাঁড়া হবে।
নাগরে যার বিছানা মা শিশিরে তার কি করিবে ॥
হুংখে হুংখে জর জর, আর কত মা হুংখ দিবে।
কেবল ঐ ছুর্গা নামে, শ্রামা নামে কলঙ্ক রটাবে ॥ ২

এই ছুই গানের ভাব এক। প্রথমটি প্রসাদের মৃত্যুর প্রায় সমকালের রচনা। তাহাই আদর্শ
করিয়া কোন কবি দ্বিতীয় গান রচনা করেন কিন্তু রচনার মাধুর্য্য ও কল্পনাসের ভাবে
প্রসাদের গানই ভাল।

আয় রে মন বেড়াতে যাবি।

কালীকল্প তরু তলায় গিয়া চারি ফল কুড়িয়ে খাবি ॥
প্রবৃত্তি নিবৃত্তি জায়া, তার নিবৃত্তিরে সঙ্গে লবি।
ওরে বিবেক নামে জ্যেষ্ঠ পুত্র তত্ত্ব কথা তায় স্মরাবি ॥
অশুচি শুচিকে লয়ে, দিব্য ঘরে কবে শুবি।
যখন ছুই সতীনে প্রীতি হবে তখন শ্রামা মাকে পাবি ॥

ইত্যাদি * * * * ॥

ছি ছি মন তুই বিষয় লোভা।

কিছু জান না মান না শুন না কথা

অশুচি শুচিকে লয়ে দিব্য ঘরে কর শোভা।
যদি ছুই সতীনে পীরিত হয়, তবে শ্রামা মারে পাবা ॥

ইত্যাদি

এই ছুই গানেরও মর্ম এক তবে রচনার প্রগাঢ়তায় প্রসাদ অদ্বিতীয়। যে প্রসাদের মন
কালীময় ভাবে পরিপূর্ণ তাঁহার তদ্বিষয়ক রচনাও যে হৃদয়গ্রাহিণী হইবে তাহাতে কোন
সন্দেহ নাই। অল্প কবি তাঁহার অহুকরণ করিতে গিয়া রচনাটা নীরস করিয়া ফেলিয়াছেন।
প্রকৃত ভক্তগণ কোন ধর্ম বা দেব দেবীর প্রতি বিদ্বেষভাব প্রকাশ করেন না।

মন কর না ঘেঘাঘেঘী।

যদি হবিরে বৈকুণ্ঠবাসী ॥

আমি বেদাগম পুরাণে, করিলাম কত খোঁজ তল্লাসী ॥

ঐ যে কালী কৃষ্ণ শিব রাম, সকল আমার এলোকেশা ॥

* * * * *
* * * * *

প্রসাদ বলে ব্রহ্ম নিরূপণের কথা দেতোর হাঁসি

আমার ব্রহ্মময়ী সকল ঘটে, পদে গয়াগঙ্গা কাশী ॥

তাই কালো রূপ ভানবাসি

* * * * *
যিনি দেবের দেব মহাদেব, কালোরূপ তাঁর হৃদয় বাসী ॥

* * * * *
ওরে একে পাঁচ পাঁচই এক মন কর না ঘেঘাঘেঘী ॥

ঈশ্বরের স্বরূপ নাই। তিনি ভাবের বস্তু। ভাবের অভাব হইলে তাঁহাকে লাভ করা
যায় না। তবে প্রতিমা গঠন কেবল মন একাগ্র করিবার উপায় মাত্র। প্রসাদ নিম্নরূপে
ঈশ্বরের বিষয় বর্ণন করিয়াছেন—

মন কর কি তত্ত্ব তাঁরে।

ওরে উন্নত আঁধার ঘরে ॥

সে যে ভাবের বিষয় ভাব ব্যতীত অভাবে কি ধর্তে পারে ॥

মন অগ্রে শশী বশীভূত কর, তোমার শক্তি মারে।

আছে কোঠার ভিতর চোরকুঠারী, ভোর হলে সে লুকাবে রে ॥

ষড়দর্শনে দর্শন পেলে না আগম নিগম তত্ত্বদারে।

সে যে ভক্তি রসের রসিক সদা নন্দপুরে বিরাজ করে ॥

সে ভাব শোভে পরম যোগী যোগ করে যুগযুগান্তরে।
হলে ভাবের উদয় লয় সে যেমন, লোহাকে চুষকে ধরে।
প্রসাদ বলে মাতৃ ভাবে অমি তত্ত্ব করি ধীরে।
শেষটা চাতরে কি ভাববো হাঁড়ি বুঝে মন ঠারেঠোরে ॥১

কে জানে কালী কেমন।

ষড়দর্শনে না পায় দর্শন ॥

কালী পদ্মবনে হংসসনে, হংসীরূপে করে রমণ।
তাকে মূলাধারে সহস্রারে, সদা যোগী করে মনন ॥
আম্বারামের আত্মাকালী, প্রমাণ প্রয়োগ লক্ষ এমন।
তারা ঘটে ঘটে বিরাজ করেন, ইচ্ছাময়ীর ইচ্ছা যেমন ॥
মায়ের উদয় ব্রহ্মাণ্ড ভাণ্ড প্রকাণ্ড তা জান কেমন।
মহাকাল জেনেছেন কালীর মর্শ্ব অস্ত্র কেবা জানে তেমন ॥
প্রসাদ ভাবে লোকে হাঁসে, সস্তরণে সিদ্ধ গমন।
আমার প্রাণ বুঝেছে মন বুঝে না, ধরবে শশী হয়ে বামন ॥২

যোগতত্ত্বকে এইরূপ ভাবে গানে সাধারণের গোচর করা প্রথমে প্রসাদই করিয়াছেন।
ক্রমশঃ

নূতন বিজ্ঞান।

(বক্তৃতা)

২

টাপ।

টাপ একটা প্রকৃত কলির কাপ। সদাই সন্দিগ্ধ—ভীত—জড়সড়—বেয়াড়া মানসিক
আতঙ্কপূর্ণ। স্তত্রাং নিয়ত প্রকাশ কোণে বসিয়া প্রচ্ছন্ন থাকিতে চায়। বস্তৃতঃ নাম ও মার্কা
অনুকরণের ভয় ও বিস্তর, তাই অনেকে অনেক সময় উহাদিগকে ফ্যাসফেসের জন্মলে
লুকহিরা রাখে। অপিচ ফ্যাসফেসও অভ্যাসগুণে নাম এবং মার্কার কাব্যালঙ্কার হইয়া
পড়িয়াছে। এমন কি, সেই হিজিবিজি আড়ম্বরে প্রকৃত পদার্থ কাহার সাধ্য নিরাকরণ
করিতে পারে! যেন অলঙ্কার প্রাচুর্যে কাব্যের প্রকৃত ভাব হৃদয়ঙ্গম হয় না, অপরিপূর্ণ
বেশভূষার দৌরাত্ন্যে যেন চেনা লোক ও আজ গুণী হইয়া পড়ে, সেইরূপ ফ্যাসফেস বা হিজি

বিজির আতিশয্যে আঘ্য নাম বা মার্কা নির্বাচন করা ছুঁটি হইয়া থাকে। একটি পূর্ণচন্দ্রে
হৃদয় উছলিয়া উঠে, কিন্তু পূর্ণচন্দ্রের ছড়াছড়ি করিলে ৬জগন্নাথজির মূর্ত্তি হইয়া দাঁড়ায়।
তাই অনেক সময় নামের রচনাচার্য্যে “প্রসাদ দাস ঘোষকে” পাহাড়পুরে উঁইস পড়িলেও
অসঙ্গত বলা যায় না। “মুচিরাম” যে “ঘটিরাম” হইয়াছিল, তাহার কারণই এই। যাহা
হউক, অনুকরণের আতঙ্ক প্রযুক্ত অনেকে আবার অনেক সময় নিজ আবিষ্কারের নামও
বিকটাকার ছাঁচে ঢালিয়া থাকেন। কোথাও বা অজানিত ভাবে আপনিই হইয়া পড়ে।
Habit is second nature. আর তাই বা কেন? শাস্ত্রে কথিত আছে আত্মলা কাঁচ-
পোকা ভাবিয়া নিজে কাঁচপোকা হইয়া দাঁড়ায়। বিজ্ঞানেও ইহার ভূরি ভূরি প্রমাণ পাওয়া
যায়। পরিণতিবাদ যাহাদের আলোচনার সামগ্রী তাঁহারা অনায়াসেই বলিতে পারেন যে
কীটপতঙ্গাদি শত্রুর হাত এড়াইবার জন্ত বৃক্ষ, লতা, তৃণ প্রভৃতি আশ্রয়ভূমির বর্ণ প্রাপ্ত
হইয়া থাকে। বিজ্ঞাপনেরও নাম বা মার্কা সেইরূপ অনেক সময় অনুকরণ ভয়ে আপনিই
অনুকরণীয় হইয়া পড়ে। এমন কি, অজানতও কিছুত কিমাকার হইয়া দাঁড়ায়। যথা,
চ্যাও ভ্যাও ননদীর হাঁপেলিঙ্গর, দৃষ্টাদৃষ্ট রোগারিষ্ট, বি. চ. ঘরের দাঁতুড়ী কোটা, এমাম
বন্ধের এত্রমা হিঙোলিনা, ভাঙ্কড়ার ভিগ্যালিকা ভার্গলিনা, ক্যাদডাকাটা কুড়ুয়া, মিস
ইলাজা ফলবার মিশ্চুরিয়া দেশান্তকারিকা, ইত্যাদি। আপনারা অবশ্যই স্থির বুঝিয়াছেন
যে এ সকল দিক্‌পাল নাম কতদূর অনুকরণীয়।

তবে কতকগুলি নাম স্মরণে ও স্বতঃই অনুকরণীয় বটে। তাহাদের Geniusএর
কাছে কাহারই অগ্রসর হইবার শক্তি নাই। আমাদের Immortal ঘাসৌরাম ও মুকুন্দ ইহার
প্রধান প্রাচীন দৃষ্টান্তস্বল। হনৌপ চাচার চা, কেদো বাগ্দির মলম, ক্যাবলার দই, বোকোর
ট্যাপের খই, দেকোদাঁত্রের পাচন, প্রভৃতি নব্য আবির্ভাব। যাহারা বিজ্ঞাপনের গুঁচ রহস্ত
ভেদ করিয়াছেন, তাঁহারা অবশ্যই মুক্তকণ্ঠে স্বীকার করিবেন যে ইহাদের কখন অনুকরণ
হরও নাই, হবেও না। ইহারা মিস্টনের মত সরল ও স্মরণে এবং বেকনের মত শুভ্র ও
সারবানু। একটি অক্ষর এদিক ওদিক হইলেই সমস্ত পারিপাট্য এবং তাৎপর্য্য একদম নষ্ট
হইয়া যাইবে। এত সারল্য, মাধুর্য্য, সৌন্দর্য্য যে সাদা কথায়, বিনা চাতুর্য্যের ফ্যাসফেসে
সংরক্ষিত হইয়াছে, ইহা সামান্য স্মৃতির বিষয় নহে। রাজার নকল আছে, আদালতের
রায়ের নকল আছে, দেশহিতৈষীতার নকল আছে; সাহেবের, টাকার, সোণার, রূপার,
ধর্ম্মকর্ম্মের নকল আছে; কেবল মাত্র এইরূপ করেকটি নাম ও অভিজ্ঞানের নাই। চেষ্টা
করিলেও হইবার যো নাই। ফরেস্‌ডাঙ্কা কলিকাতার পুরা নকল, শুদ্ধ ঠনঠনে গঙ্গার
জলোবাসে চাপচেপে হইয়া গিয়াছে। ইহাদের অনুকরণেও সেইরূপ ছদ্মশার ভয় আছে।
তাই কেহই হস্তক্ষেপ করিতে সাহস পান না। নতুবা এতদিন অনুকরণের তেহাইয়ে সংসার
তোলপাড় করিয়া ফেলিত।

“Beware” বা “সাবধান” টাপের আর একটি অঙ্গ। কারণ যেখানে বড়কে সেই

গা ভাসান দেওয়াই স্ববুদ্ধির খেলা; তবেই কাষকর্ষ ছপড় ফোড়কে চলিয়া থাকে, সর্বত্র অগ্রণী হওয়া যায়। অপিচ যেমন কীর্তনাস্ত্রের মধ্যে ঢপ আছে, তেমন বিজ্ঞাপনের মধ্যেও ঢপ আছে। বিজ্ঞাপনও তো কীর্তন বইত নয়। তবে ইহাতে শুদ্ধ নিজ গুণকীর্তনই বুঝিতে হইবে। স্ততরাং কায়দা বা ঢপ নিতান্ত আবশ্যিক। সহজে কি আর লোকের মন গলিয়া পচিয়া মরিয়া যায়?

সুখের বিষয় আজকাল সভ্যজগতে বিজ্ঞানের আদর সমধিক। যখন বিজ্ঞাপন সেই সভ্যতার কেন্দ্র, তখন আদর না হওয়াই আশ্চর্যের কথা। তাই বিজ্ঞাপনে প্রায়ই সকল বিজ্ঞানের ধ্বজা উড্ডীন দেখা যায়। কোস্ত বিজ্ঞানের সীমাবদ্ধ ও পরস্পর পরস্পরের সাপেক্ষ দর্শনইয়াও বৈজ্ঞানিক বিজ্ঞানের উল্লেখ করেন নাই। আর করেনই বা কি? বৈজ্ঞানিক বিজ্ঞান তখন তো আর সমৃদ্ধ হইয়াছে না। স্ততরাং তিনি সমাজ-বিজ্ঞানকে সর্বোচ্চে সংস্থাপন করিয়া সকলের সহযোগিতা দেখাইয়াছেন। আমার ক্ষুদ্র বিবেচনায় বৈজ্ঞানিক বিজ্ঞান সমাজ-বিজ্ঞানের শিরোমণি। ইহাতে সকল বিজ্ঞানেরই ছায়া আছে। সকল বিজ্ঞানই স্বায় রত্নরাজি লইয়া ইহাকে স্নসজ্জিত করিয়াছে। আগে কাব্যের আদর ছিল, তাই বাসীরাণ, মুকুন্দ প্রভৃতি জগতে জয়ডঙ্কা মারিয়া চলিয়া গিয়াছেন। এতদিনে— যোরতর ভয়ঙ্কর ছর্কিসহ এতদিনে শিক্ষিতের নিকট বিজ্ঞানের ধূলিগুঁড়ারও মহা খাতির হইয়াছে এবং হওয়াই উচিত। এখন বৈজ্ঞানিক ধর্ম, বৈজ্ঞানিক পরকাল, বৈজ্ঞানিক স্বর্গের জন্ত লোক লালায়িত। বলিতে পারি না, হয়ত স্বরায় টেনেল নয় তো পিয়নো কোম্পানির ষ্ট্রিমারে ভব নদীপারের অল্পস্থান হইবে। বিএ পাস করিয়া ছেলেরা ভাবে নিরঙ্কর লোকে বিনা অপটিক্‌সে কিরূপে চক্ষে দেখিতে পায়। যখন তদ্বিষয়ে বিশেষ ব্যুৎপন্ন লোকেও শতকরা পঞ্চাশ জন বিনা চস্‌মায় দেখিতে পান না। ফিজিক্স বিনা সাধারণ লোকের উঠা বসা করা অসম্ভব। জানি কি, গ্রাভিটেশনের ব্যত্যয়ে হাতপা ভাঙ্গিবারই সম্ভাবনা। ডাইনামিক্স না জানিয়া পথ চলা ভাল নয়—কেননা Laws of motion না জানায় গাড়ী—ট্রামগাড়ী চাপা পড়ার পদে পদে আশঙ্কা। এ অবস্থায় বিজ্ঞানের সিলমোহর ভিন্ন কোথায় কে কল্‌কে পাইবে? তাই পথে, ঘাটে, মাঠে, বাজারে, প্রাচীরে, দ্বারে, জানালায়, ট্রামগাড়ীতে, ষ্টেশনে, খপরের কাগজে, পাজীতে, পুঁথীতে, হোটেলের আন্তাবলে, গরুর গাড়ীতে; লোকের হাতে, ঘাড়ে, মাথায়, কপালে বৈজ্ঞানিক বিজ্ঞাপন স্রশোভিত হইতে দেখা যায় যথা। বৈজ্ঞানিক বাণী, তাড়িৎজড়িত তাবিজ, ম্যাগনেটিক্‌ মল, টেলিফোনিক্‌ কর্ণফুল, মাইক্রফোনিক্‌ মাক্‌ড়ী, অপটিকেল স্ক্রমা, এক্সোব্যাটিক্‌ কোট, ননক্‌ওটিং কন্ডাক্ট, ক্রমেটিক্‌ কণ্ঠমালা, ডিনামাইটিক্‌ পাছকা, পেরিপ্যাটেটিক্‌ প্যান্ট, কোহিসিভ শার্ট, সাইকিক্‌ মাছলী, এলো-ইলেকট্রো-হোমিওপ্যাথিক্‌ কাঁকি, কবিরাজী ধোঁকা, কেমিকেল খাদ্য, ফিজিওলজিকেল পের, ম্যাথামেটিকেল টেবিল, বটানিকেল চেয়ার, বৃন্দাবনের বিচিত্র চিত্রার নখ (anatomical) নাট্যবিহারের রঙ্গরাজ, ফুঁ এটাইজড্‌ বা ম্যাগেটাইজড্‌

ওয়াটার (Medical) প্রভৃতি দ্রব্যজাত দ্বারা জগতের অনির্কটনীয় হিতসাধন হইতেছে। এখানে যে সকল বিজ্ঞাপনের বৈজ্ঞানিক অধিকার স্রবিত্তারে দর্শান হইল, তন্মধ্যে কেবল পলিটিক্যাল একনমির কোনই নিদর্শন নাই। তাই অনেক পরিশ্রমে ও যত্নে এই মহা অপ্রতুলটী দূর করিবারও দৃষ্টান্ত পাইরাছি। “পড়ে পাওয়া চৌদ্দ আনা,” “বিনা ব্যয়ে চৌদ্দ খানা,” “অতি সস্তা, ফুরালে আর পাবে না, নজগজে সিঁধী,” “অর্দ্ধ মূল্যে, সিকি বাদে এবং সিকি কমিসনে বোয়াই সাড়ী,” “অর্থের অব্যর্থ সন্ধান,” “গুপ্তধনের গোয়েন্দা,” “একদম বড় লোকের রাস্তা, ইত্যাদিতে বিশেষ অভাব মোচন হইয়াছে। Old Charley going Home. Half price clearance sale. A rich stock of hobby horses. তিনটা পাশ করা ডাক্তার; চক্ষুরোগে অদ্বিতীয়; পীলায়কৃতের ঘম; দর্শনী নাই; শুদ্ধ সামান্য ঔষধের দাম। দীনদরিদ্রের একমাত্র বন্ধু।

বিজ্ঞানে সকল অসম্ভব ব্যাপারই স্রসাধ্য হইয়াছে; কেবল প্রতিভার স্রষ্টির জন্ত এতদিন বড়ই লাগাপড়া ছিল। তাহাও নাকি আজকাল অনায়াস সাধ্য হইয়া পড়িয়াছে। “ব্রহ্মরন্ধু, দীপক পঞ্চামৃত তৈল” মর্দনে মাথা ভাল থাকে, চুল পাকে না, ময়লা হয় না, শত যোজন স্রগন্ধ ছুটিয়া বেড়ায় এবং সপ্তাহকাল মাত্র ব্যবহারে বোকারও বুদ্ধি ফুটিয়া উঠে। অনেক বড় লোকের প্রশংসাপত্র আছে। বিলাতেও ইহার গুণ সম্বন্ধে বিস্তর বৈজ্ঞানিক পরীক্ষা হইয়া গিয়াছে।

29, Marcopolo Street,
Trickers Hospital, London, E.C.

April 1, 1888.

John Fox Doobut (ডুবুং), Esq.,
Pioneer Medical Novum Organum, Chittagong.

Dear Sir,

I have tried your world-known Oil in several cases of hereditary idiocy, and am happy to say it has had miraculous effect upon them all. I hope you will, by your godsend Philcomb, soon fill the world with geniuses.

Yours Faithfully,
J. NOWHERE, M.D.

মহাশয়, আপনি আমার যে তৈল পাঠাইয়াছেন তাহা আমি ব্যবহার করিতে সাহস পাই নাই, এবং করিবার অভিলাষও নাই। তবে এই পর্য্যন্ত বলিতে পারি যে মহাশয়ের তৈল পাইবার পরদিনেই আমি এই চিঠিবানি লিখিতে পারিয়াছি। ইতি পূর্বে কালি কলমের সহিত আমার কখনও কোন সম্পর্ক ছিল না। আপনি দেখিয়া স্রখী হইবেন বলিয়া ক্রতজ্ঞতা সহকারে প্রেরণ করিলাম। একদিনে সহসা পত্র লেখা সামান্য আশ্চর্যের কথা নহে।

আমার মত নিরক্ষর লোক আপনাকে আর কি বলিয়া ধস্তাবাদ দিবে। আশা করি স্বরায় এহু লিখিয়া মহাশয়ের শ্রীকর কমলে সমর্পণ করিয়া কৃতার্থ হইব।

একান্ত

মৃত মহাত্মা শ্রীহলধর রায় চতুর্ধরীণ, জমীদার ভগলপুর।

ভবের তেলায় “বড়” কর্ণধার। এ কথাটা কাব্য নয়—বিজ্ঞান। তাই লোক ধনী এবং উচ্চ পদের পদানত হইয়া থাকিতে চায়। “পুষ্প সঙ্গে বসে কীট দেবের মাথায়।” ইহার নিত্য শত শত প্রত্যক্ষ প্রমাণ পাওয়া যায়। পূর্বেই বলা হইয়াছে জগতে নমিছালি জন্মের একাধিপত্য। মনুষ্য চরিত্র নামতায় মোড়া বলিলেও অত্যাুক্তি হয় না। বড়র জয় জয় কার সাংসারিক জীবের চরম শিক্ষা। “সেবকত্রী,” “আজ্ঞাকারী,” “মহামহিম” বিচার শেষ পাঠ। সকল বিজ্ঞা যেন সেইখানে মিলিয়া প্রয়াগ তীর্থ উদ্ভাবন করিয়াছে। উনবিংশতি শতাব্দির উন্নত প্রান্তে, বিজ্ঞাবুদ্ধির জলন্ত ক্ষেত্রে যে বড় নামের বড় আদর হইবে ইহার আর বিচিএ কি? আজকাল শুধু বড় নামের দোহাই দিয়া বড় হওয়া যায়। বড়দের এই সোজা পথ। “সেবকত্রী” দিয়া “আজ্ঞাকারী” হইয়া “মহামহিমে” পৌছিতে হয়। শুনিয়াছি বড়গাছের ছায়ায় ছোট গাছের বৃদ্ধি নাই। ইহা Botany হইলে হইতে পারে, কিন্তু এ কথা Humanityতে খাটে না। মানুষ বড়র আশ্রয়ে বাড়িয়া থাকে। এমন কি, বড়র বাড়ীর কাছে থাকিলেও বাড়িতে পারে। বড় নামের বাতাস গায়ে লাগিলে মানুষ বা নামত্রীর বড় জন্মে। তাই ধর্মশালা, উৎসবালয়, বিজ্ঞালয়, বাগান, বাড়ী, গথ, ঘাট, মাঠ, নদী, নালা, গোলি, খুঁজি, ছাতা, জামা, লাঠি প্রভৃতিতে বড়র এত ধূলা দেখা যায়। স্বাভাবিক নিয়ম অপরিহার্য। কাহার সাধ্য তাহার অত্থা করে? আর কেনই বা কিসেই বা অত্থা ঘটবে? টমাস কার্লাইল বলেন, “For, as I take it, Universal History, the history of what man has accomplished in this world, is at bottom the History of the Great Men who have worked here. They were the leaders of men, these great ones; the modellers, patterns, and in a wide sense creators, of whatsoever the general mass of men contrived to do or to attain; all things that we see standing accomplished in the world are properly the outer material result, the practical realisation and embodiment, of thought that dwelt in the Great Men sent into the world :.....”

তবে আর বিজ্ঞাপন “বড়র” দোহাই না দেয় কেন? বিজ্ঞাপন ত এক প্রকার সামাজিক নক্সা বটে। “মহারাজাধিরাজের বৈদ্যসঙ্ঘট হাসপাতাল,” “রাণীমাতার আখড়া,” “রায়-বাহাদুরের মোরোকা,” “সাজেহান বোতাম,” হুরজিহান গলাবন্ধ, লিটন অএল, ল্যান্ডাউন নস্ট, এলিয়ট পাচনবাড়ি, যক্ষ্মাতর্কপঞ্চানন, শাঁ বাহাদুরের মিসেলিনিয়স ডেপো, গবর্ণমেন্ট

গঞ্জিকা, পাওনিয়র কোল কোম্পানী, বিডন্ স্কোয়ার, নেলসন্ রিডর, আরঙ্গজীব ফিতা, চাঁদপল ঘাট, গুলুস্তাগরের গলি, দবড়াগাজীর কুড়ল, মিউনিসিপাল স্টার্টারহাউন্স, প্রভৃতি আর কত বলিব। এ সকল বিজ্ঞাপনের বোধ করি আর আপনাদের চাক্ষু প্রমাণের আবশ্যক নাই—ইহাদের গুণাগুণ আপনাদের সকলের নিকটেই বিলক্ষণ বিদিত আছে।

নূতন চপের আর একটা উপাদান। যদি মনুষ্যচরিত্র কাটিয়া, ফাড়িয়া, ছিঁড়িয়া, খুঁড়িয়া দেখা যায় তাহা হইলে নূতনের পিপাসা প্রবৃত্তিমার্গে বড়ই প্রবল প্রতীয়মান হইবে। নূতন বোধ করি প্রকৃতির আদি কাব্যরস। নূতন নূতন সকলি লাগে ভাল। মাধ্যাকর্ষণের শ্রায় নূতন আত্মক ব্রহ্মাণ্ডের আকর্ষণ। ইহাই এ প্রকাণ্ড বিশ্বব্যাপারকে বুক ধারণ করিয়া রাখিয়াছে। অস্তুর কথা দূরে থাক, স্বয়ং বিষ্ণুই নূতন নূতন অবতার হইয়া বিশ্বসংসারকে মাতাইয়া থাকেন। বিজ্ঞাপন বিজ্ঞান বই ত নয়। ইহাতে যে নূতনের আদর হইবে, ইহাতে আর আশ্চর্য কি? আজ এগিনি বৈশাখের গীতার ব্যাখ্যায় হিন্দুসন্তানগণ “কাঁদিয়া ভিজান মাটি,” কিন্তু আজন্ম শতশত বড় বড় দিক্‌পাল ব্রাহ্মণপণ্ডিত গীতার সটক ব্যাখ্যায় মাতামুড় খুঁড়িয়া গালে মুখে চড়াইয়া প্রাণ বাহির করিয়াছেন, তাহাতে কেহ কাঁদিয়াছেন কি না সন্দেহ। ইহা নূতনের আকর্ষণ বই আর কি? নূতন কশাঘাতে পুরাতন চক্ষে দরবিগলিত ধারা বাহির করিয়াছে। থিওসফী নামও ধর্মসংসারে সেই নূতনের ছাপ মাত্র। এগিনি বৈশাখ বলেন, ইহা সম্পূর্ণ হিন্দুধর্ম; অলুকট ঠাকুরের মতে ইহা বৌদ্ধধর্ম; বৈজ্ঞানিক ডাক্তার সালজারের মতে এ্যাও নয়, অও নয়, দাদা যা বলচেন ত্যাও নয়। আমাদের বৈজ্ঞানিক লোকে কখনই কোন বিষয়ে শীঘ্র কমিটু করিতে চান না। ফলে ইহা হিন্দুধর্ম হইলে আনন্দের বিষয় বটে। কিন্তু হিন্দুধর্মের এমন বিজাতীয়, ত্র্যাণ্ডি-চুরটের গন্ধবিশিষ্ট এত ভজকট নাম কেন? বৈজ্ঞানিক নাম তো কতকটা বিজাতীয় কটভজ হওয়াই চাই। বিজ্ঞান তো আর আমাদের দেশীয় সামগ্রী নয় যে স্মৃতিষ্ট চন্দনগন্ধবিশিষ্ট নাম পাইবে। কোন দিগ্‌গঞ্জ থিওসফিষ্ট বলেন যে নূতন নাম নহিলে লোকের আকর্ষণ হইবে কেন? তাই বলি, দাদা পথে এস। নূতন তো চপের একটা প্রধান অঙ্গই বটে। আমিও তো এতক্ষণ তাই বকে মরছিলাম। ফন্দিটা ঠিক বৈজ্ঞানিক বটে। এ কথায় অনেকের মাথা ঘুরিয়া যাইবে। এতদ্বিষয়ে একটা ভয়ঙ্কর কুসংস্কার আছে। বিজ্ঞানবিবর্জিত লোকের মাথায় একটা কথা বড়ই ভয়ানক বসিয়া গিয়াছে। তাহার সকল বিষয়েই নূতনের আদর স্বীকার করেন; কেবল ধর্মই নহে। এখন বোধ করি তাহাদের চক্ষু দান হইল। এতদিনে বিজ্ঞানরাজ্য একছত্র হইয়া দাঁড়াইল। পরিচ্ছদে, আশ্রাদনে, ইন্দ্রিয়প্রপঞ্চে নূতনই রাজা। আজকাল জ্ঞানরাজ্যেও তাহার অধিকার পূর্ণমাত্রায় প্রকাশ পাইয়াছে। ইহকাল পরকাল সর্বত্রই নূতন তাড়া মারিয়াছে। জানত অজানত আমরা নূতনের দাস। সে প্রবল প্রতাপ কাহার সাধ্য সশরণ করে? সংসারে Familiarity breeds contempt! স্বন্দর্শী স্থলকায় ডাক্তার জনসনের কথা আজ বৈজ্ঞানিকেরও শিরোধার্য। “দীতার অগ্নিপরীক্ষার” পূর্বে যে রস ছিল, আজ

তাহা আর পাওয়া যায় না। “অনলে বিজলী” না বলিলে আর রোমাঞ্চ ও প্রেমে গলদশ্র হইবার সম্ভাবনা নাই। “হুমান” বলিয়া গালি দিলে আর কাহারও গায়ে লাগে না। “বগলে অংশুমালী” বলিলে অগ্নিকাণ্ড বা কুরুক্ষেত্র বাধিয়া যায়। বোকার অপেক্ষা ইষ্টুপিড, নাস্তিক অপেক্ষা খৃষ্টান, ইতর অপেক্ষা রাসকেল-এর দিকেই আমাদের ঝোক অধিক। সেইরূপ টিকি অপেক্ষা দাড়ি, জামা অপেক্ষা কোট, আহাৰ অপেক্ষা ডিনর, বাবু অপেক্ষা সাহেব, তামাক অপেক্ষা চুরট, ডাব অপেক্ষা বিয়ার, নমস্কার অপেক্ষা গুড মর্নিং, রাধামাধব অপেক্ষা বাই জোভ, প্রভৃতি বড়ই উচ্চ রুচির ব্যাপার।

চপের নূতন অঙ্গের কয়েকটা মাথালো মাথালো উদাহরণ নিম্নে প্রদত্ত হইল।

বউ মাষ্টারের ঘাড়া, মেম সাহেবের কনসার্ট, স্মপ্রিম কাউন্সেলী পাঁচালী, পি. সি. মার ওরিএণ্ট্যাল মিসেলেনী, মা, সি. মার মিউনিসিপাল বন্দবস্ত, পাঁচ হাজার টাকা পুরস্কার যে আমার মত হইবে, মেডিক্যাল কনগ্রেসী ধর্মঘট, Don't bathe in this tank (বিডন্ ক্লোয়ারে মিউনিসিপাল “সাধু সাবধান”), আমার মৃতদেহ—সকল যন্ত্র উণ্টা—পাঁচ শত বৎসর জীবিত থাকিতাম—মূল্য একলক্ষ টাকা মাত্র; জীবন্তে বিক্রয় নামা লিখিয়া দিব; ম্যানচেষ্টার ম্যাজিক টেবল, একশেচঞ্জ ভোজবাজী। Wanted a sleeping partner for a lucrative judiciary; none need apply who has not passed the conviction examination with honours; কালনার মহাপ্রভু অল্‌না, Freemason এর cremation, মুসল্লী মুষ্টিযোগ। Grand Highest Bidder Civilisation Sale at the Conviction Office, to be held on the 1st of April! A Drummer is badly wanted for the Government of Bengal; Apply sharp to: the Anglo-Indian Defence Society. Grand Picture Gallery, The Indian Civil Service, The greatest Service in the world, The Foundation of the Indian Empire. Open every morning at Sir James Westland's place. Entrance free. Soldiers in uniform are strictly forbidden.

এইরূপে নূতন বিজ্ঞাপনের নূতন অঙ্গরাগ—নূতন মাতনি। বিশ্বসংসার সেই নূতন তরঙ্গে নিয়ত বসন্ত-পূর্ণিমা বুকে করিয়া স্নেহে ভাসিতেছে। প্রকৃতি চিরনবীন ভাবে জগজ্জনের মনো-হরণ করিতেছেন। বিজ্ঞাপনের নূতন অঙ্গ অমোঘ ঔষধের মত সংসারের ছঃখতার লাঘব করিতেছে। তবে ঔষধের স্থায় বিজ্ঞাপনেরও অঙ্গপান আছে। তাহা সর্বতোভাবে রঙ চঙ সঙ সাপেক্ষ। তাই কত রকমের অনুপান সহকারে বিজ্ঞাপন কলিকাতার রাস্তায় রাস্তায় মৃতদেহে জীবন সঞ্চার করিয়া থাকে কোথাও বা গরুর গাড়ীতে আটচালা ভাবে নানা কাব্য ছটায় বিভূষিত হইয়া মৃত পথিককে নাচাইয়া থাকে; কোথাও বা গোপাল ভাঁড়ের মত মুটের মাথায় বসিয়া পুত্রশোকে বিহ্বলা জননীও মুখে হাসি টানিয়া বাহির করে, কোথায় বা ভূতের মত বিকটাকার মূর্তি ধারণ করিয়া আবার বুদ্ধবনিতার মহা বিভী-

ষিকা উৎপাদন করিয়া ফিরিয়া বেড়ায় কোথায় বা অশ্বপুষ্ঠে আরোহণ করিয়া অশ্বপুষ্ঠে জয়ধ্বজা বাধিয়া দিখিজয় করিয়া চলিয়া যায়; কোথাও বা তুরি ভেরি ধূধুরি বাজাইয়া ঘুমন্ত লোককে জাগাইয়া দেয়; কোথাও বা মধুর কাস্মেরী খেমটায় নৃত্যগীতবাদনে পথে ঘাটে লক্ষ লক্ষ লোককে বিমোহিত করিয়া মস্তমুগ্ধের স্থায় (মেসমেরিক সাবজেক্টের মত) মস্তে লইয়া চলিয়া যায়।

এই সময় অভ্যস্তরের রঙ তামাসায় বঞ্চিত হইয়া বাহিরের কয়েকজন ছষ্ট বালক আর ধৈর্যাবলম্বন করিতে না পারিয়া বিপর্যয় ইষ্টক বর্ষণ করিতে লাগিল। তাহাতে শ্রোতৃবর্গ যে যেখানে পারিল উর্দ্ধ্বাসে পলায়নশীল হইল। সভাপতি অনেক চেষ্টায় গলদঘর্ষ হইয়া আপনার ধড়বড়িত বক্ষস্থল ধরিয়া আরও বসিয়া পড়িলেন। বক্তা সহসা গৌ গৌ করিয়া ভূমে মুচ্ছিত হইয়া পড়িলেন। বক্তার বন্ধু কেবলরাম মাত্র তখনও স্থিরভাবে বসিয়া আছেন। তিনি জানিতেন বক্তা একজন প্রসিদ্ধ স্পিরিচুএলিষ্ট মিডিয়ম্। তিনি সানন্দে অগ্রসর হইয়া সকলকে উচ্চ চীৎকারে আহ্বান করিলেন। “ভয় নাই! ভয় নাই! ফের! ফের!” কিন্তু কেহই আর ফিরিল না। সকলেই নিরুদ্দেশ। পরে তিনি যে যে প্রশ্ন করিলেন তাহার উত্তর সময়ে অবিকল নিম্নে সন্নিবেশিত করিলাম।

প্র। আপনি কে?

উ। ভূত।

প্র। আপনার এ অবস্থা কেন?

উ। অপঘাত মৃত্যুর ফল।

প্র। অপঘাত?—কি রূপ অপঘাত?

উ। খুন। (সভাপতি কম্পবান্)

প্র। কে খুন করিল?

উ। লর্ড ল্যান্সডাউন। (সভাপতি এবার একদম হাঁ। ফ্যাল ফ্যাল চক্ষে অর্ধ উঠিয়া বসার ভাব।)

প্র। আপনি কি মানুষের প্রেতাত্মা?

উ। না।

প্র। তবে কি বোড়ার, না গরুর, না অস্ত কোন জীবের?

উ। আমি কোন জীবেরই নহি।

প্র। কোন জীবেরই নহেন? তবে আপনি আগে কি ছিলেন?

উ। Famine Fund।

প্র। এঁকে পাইলেন কেন?

উ। বক্তৃতা সময় আমার কয়েকবার কটাক্ষ করিয়াছিল।

প্র। এখন আপনার উদ্দেশ্য কি?

উ। লর্ড এল্‌গিনকে বলিয়া গয়াম আমার একটা পিণ্ডি দেওয়াইয়া দাও। সভাপতির দ্বারায় বলে পাঠাও।

সভাপতি। আমার ক্ষমা করুন, হিন্দুর পিণ্ডির ভার আমার দিবেন না।

উ। তবে তোমায় ধরিব।

সভা। আমার আর যা বলিবেন তাহাই করিব। এটি মাগ করুন। ইহাতে গবর্নেন্ট আমাকে একজন কনগ্রেসওয়াল ভাবিতে পারে। কনগ্রেসের মেম্বর ও রাজদ্রোহী প্রায় একই কথা।

সদারঙের খেয়াল।

মনের মানুষ।

ছিলে হেথা এতদিন, ভাল নাহি লাগে আজ ?
মনের মানুষ চাই
খুঁজিতে যাইবে তাই !
মনের মানুষ নাই,
ইহাদের মাঝে ?

এরা শুধু প্রাণ দিয়ে, তোমার কুশল চাহে !
শুধু খোঁজে তব স্বথ,
দেখিলে মলিন মুখ
বিদরিয়া যায় বুক,
কিবা হল তাহে ?

রোগেতে কাতর যবে, বসে থাকে তব পাশে ;
নাহি রাগি নাহি দিন
সমভাবে শ্রান্তি হীন
নিজ দেহ করে ক্ষীণ,
কিবা তাহে আসে !

হৃদয় বোঝে না এরা, হৃদি হীন বড় সবে !
ধরার শ্রামল সাজে,
উষার রাস্মিমা মাঝে
তোমার হৃদয়ে রাজে
মহাকাব্য যবে—

চাঁদের হাসিটি দেখি, সন্ধ্যার আকাশ পরে ;
ফুল দেখি তারা গুণি,
পাখীর সঙ্গীত শুনি,
কি যে ভাব রুণুকণি
— উথলে অন্তরে—

বুঝিতে পারে না তাহা ঘরের মানুষ যত !
ইহাদের লয়ে তবে
কেমনে হেথায় রবে ?
যাও যেথা আছে ভবে
লোক মনোমত।

খুঁজিতে খুঁজিতে যবে, ভীষণ মরুর মাঝে—
পিপাসায় যাবে দেহ
জল দিতে নাহি কেহ
নাই স্নেহ নাই গেহ
পায়ে অগ্নি বাজে !

তখন বুঝিবে কোথা মনের মানুষ !
এখন উপেক্ষাভরে
যাইতেছ দূরে সরে ;
যাও তবে আন ধরে,
অন্ধকার ফাঙ্কস !
শ্রীহিরণ্ময়ী দেবী।

বাঙ্গলার হাসির গান ও তাহার কবি।

বঙ্কিমচন্দ্রের পূর্বে বাঙ্গলা সাহিত্য-বংশাবলীতে বড় বেশী নাম নাই। যে কটা স্বাধীন রাজার নাম পাওয়া যায়, তাহার মধ্যে বোধ করি মুকুন্দরামের রাজত্বকালে বাঙ্গলা সাহিত্য প্রথম হাসির সহিত সম্পর্কে আসে। মুকুন্দরামের ষথার্থ রাজ্য কারুণ্যক্ষেত্র, কিন্তু কখন কখন তাঁহার প্রতিভা রহস্যরাজত্ব ভেদ করিয়া তাঁড়ুদত্তের চিত্রের ছায় ছুই একটা অমূল্য বর্ণনা লুটিয়া আনিয়াছে। কিন্তু সে রাজ্য তাঁহার করদ মাত্র, সম্পূর্ণ তদবীন নহে। সংস্কৃত সাহিত্যের নবরসের অন্ততম যে হাস্যরস, ঈশ্বর গুপ্তই প্রথম তাহাকে বাঙ্গলার অধীনে আনিলেন। গুপ্ত কবি রাজত্বস্থাপনা করিলেন, ভালয় মন্দয় হাস্যরস বাঙ্গলা সাহিত্যের অধিকারে আসিল। কিন্তু তাঁহার রাজত্বকালে নূতন রাজ্য সম্যক নিয়ন্ত্রিত হয় নাই, তাহার পূর্ব বর্ধরতা সংশোধিত হয় নাই, পূর্ব উচ্ছলতা শমিত হয় নাই। বঙ্কিমের হাতে যখন রাজত্ব পড়িল তখনই ইহার সংস্কার আরম্ভ হইল।

বঙ্কিমের প্রতিভা দেখিল এই নবলক্ষ্য, উর্ধ্বর, স্বভাবস্বন্দর রাজ্যকে যদি আদিরসের উৎপীড়ন হইতে রক্ষা করা যায় তাহা হইলে ইহা সাহিত্যের একটা প্রধান সহায় হইবে, —সৌন্দর্য্যে মনোজ্ঞতম বিহারক্ষেত্রের নিদান, এবং উর্ধ্বরতায় বাঙ্গলার দীনতা গারকে রত্ন-ভাণ্ডারে পরিবর্তনক্ষম। সেই পর্য্যন্ত, বঙ্কিমের রাজত্বকাল হইতে বাঙ্গলা হাস্যের স্ফীলোকে উজ্জলিত হইয়া উঠিয়াছে। কিন্তু তথাপি অভাব পূর্ণ হয় নাই। এখনও এ সাহিত্য-প্রাসাদের সর্বমহল আলোকিত হয় নাই, এখনও অনেক অন্ধকারাংশ রহিয়াছে যেখানে ইহার রশ্মি প্রবেশ করে নাই এবং করা আবশ্যিক।

আমাদের সমাজের আজকালকার একটা প্রধান বিশেষত্ব সঙ্গীতপ্রিয়তা। কি পুরুষ-সমাজ, কি স্ত্রীসমাজ, কি স্ত্রী পুরুষসমাজ সর্বত্রই সঙ্গীতের জন্ত মহা আগ্রহ। যদি কোন স্মরণীয় বা স্মরণীয় নিজে একবার ধরা দিয়া থাকেন, আর তাঁহার নিস্তার নাই প্রতি সন্মিলনীস্থলে তাঁহাকে তাঁহার বিচার শ্রেষ্ঠ ব্যবহার করিতে হইবে—সকলকে আনন্দদান করিতে হইবে। সাধারণতঃ কিরূপ গান এবং কার গান গাওয়া হইয়া থাকে ? প্রেমের গান, জাতীয় গান ও ধর্মের গান ; এবং গিরীশ ঘোষের, অন্ন স্বর সেকালের এবং অনেক-স্থলে রবীন্দ্রনাথের, —ওস্তাদী গানের রেওয়াজ প্রায় লোপ পাইয়াছে।

গিরীশচন্দ্রের মুখপাত্র থিয়েটার। থিয়েটার সেকালের যাত্রার স্থান অধিকার করিয়াছে, এবং গিরীশ ঘোষ ইদানীন্তনের সমস্ত থিয়েটারেরই সহিত কোন না কোন সময় সখস্বয়ুজ হওয়ায় একপ্রকার দেশব্যাপী যাত্রার দলের অভিনায়ক, তাই তাঁর গানের প্রচার সর্বাধিক। হাতে মাঠে বাজারে সর্বত্র তাঁর গান শুনিতে পাইবে। রবীন্দ্রনাথের গানের প্রচার

অপেক্ষাকৃত শিক্ষিত সমাজে। সে সমাজের যে অংশে একবার তাঁহার ভাব ও ভাষা ও সুরের বিচিত্র মিলন পৌঁছিয়াছে সেখানে প্রায় অল্প কবির স্থান নাই। কিন্তু সে, সকল সময় অল্প কবির কবিত্বের অভাববশতঃ নহে। গীত রচনার সঙ্গে সঙ্গে সুর রচনার ক্ষমতা দৈবাৎ দেখা যায় এবং নিজের গান নিজে গাহিবার ক্ষমতা আরও বিরল। এই তিনটা ক্ষমতাই রবীন্দ্রনাথের আছে। শুধু তাহাই নহে, তিনি যে পরিবারভুক্ত সে পরিবারের অনেকেই সঙ্গীতজ্ঞ, শুধু নিজেরা সমাজে গান গাহেন তাহা নহে, অল্পরূপে গান প্রচারের কৌশলও তাঁহাদের করায়ত্ত। যতগুলি মাসিক পত্রিকাতে স্বরলিপি চলিতেছে সে তাঁহার। চালাইতেছেন, সুরতরাং নানা প্রণালী দিয়া রবীন্দ্রনাথের গান শিক্ষিত সমাজে ছড়াইয়া পড়িতেছে। সুরকবি অক্ষয় বড়ালের এ সৌভাগ্য নাই। কিন্তু বাস্তবিকই তাঁর কতকগুলি গীত সাধারণের ভোগ্য। কোনদিন না কোনদিন কোন সঙ্গীতজ্ঞ স্বদেশবৎসল তাঁহার গান গুলিতে সুর বসাইয়া স্বরলিপি করিয়া সাধারণে প্রচার করিবেন সন্দেহ নাই। শুদ্ধ অক্ষয় বড়াল নহে, সুরণ হইতেছে নবকৃষ্ণ ভট্টাচার্য্যের ছায়া আরও কয়েকটা স্মরণ গীতিকা কবি আমাদের মধ্যে আছেন যাহাদের গীত রুখন গীত হয় না;—সে কবিরও ছুঁড়াগা এবং গায়কেরও ছুঁড়াগা।

কিন্তু আপাততঃ রবীন্দ্রনাথের গানের প্রাচুর্য্যে অল্প কবির অভাব অনুভব করিবার সময় নাই বোধ করি। তাঁর প্রেমের গানই কত শত। কত বিভিন্ন অবস্থার উপযোগী কত বিভিন্ন গান। মনে হয় যেন ও বিষয়ে মানুষের যত কিছু বক্তব্য ছিল সব উনি একা নিঃশেষ করিয়া দিয়াছেন এবং দিতেছেন। তাঁহার জাতীয়সঙ্গীত তেজস্বিতা ও মাধুর্য্যের সংমিশ্রণে অতুল্য। ব্রহ্মসঙ্গীতে তিনি অনন্যকবি না হইলেও তাঁহার গীতরাশি সংখ্যায় আর সকলকে অতিক্রম করিয়াছে, এবং কারুণ্যে ও গভীরতার কেহ তাঁহাকে অতিক্রম করে নাই। রবীন্দ্রনাথ যদি আর কিছু না লিখিতেন কেবল গীতি সাহিত্যই তাঁহাকে যশস্বী করিত।

কিন্তু—একটা অঙ্গ সে পরিহীন। তাঁহার গভীরতম গল্প রচনায় যে সূক্ষ্ম সরল কোতুক-প্রবাহ অলঙ্কিতে প্রবাহিত হইয়া সমস্ত লেখাটিকে উজ্জ্বল স্পষ্ট স্থখপাঠ্য করিয়া তোলে তাঁর গীতি-সাহিত্য সেই কোতুকাস্ত্রহীন। তিনি অল্প পরিহাসরসিক বটে, কিন্তু গানে তাহার সে প্রতিভা বিকশিত হয় নাই। কিন্তু মহাশয় সম্মিলনীতে কোতুকপূর্ণ গানেরও demand আছে এবং বড় মজলিসে তাহা বিশেষ আবশ্যক। মজলিসী-গান সূক্ষ্মভাবের গান নয়। বড় সম্মিলনীতে শ্রোতাদের মন বিক্ষিপ্তভাবে থাকে, কোন একটা বিশেষ গভীর বা করুণ সেন্টিমেন্ট মনোযোগ দিয়া শ্রবণপূর্কক হৃদয়ে ধারণ করিবার মত অবস্থা নহে। ছুটা চারিটা বন্ধু বান্ধবে মিলিয়া অপেক্ষাকৃত নিরালস্য যে সব সেন্টিমেন্টের হাতে আমরা আত্ম-সমর্পণ করিতে প্রস্তুত থাকি, বহুলোক মাঝে তাহাকে কাছে ধেসিতে দিতে চাহি না, কেননা তাহার প্রতি পরিপূর্ণ মনোযোগের অনবসর অতএব তাহার যোগ্য

অভ্যর্থনার স্থান এ নহে। সেই জন্মই বোধ করি আমাদের সম্মিলনীতে ব্রহ্ম সঙ্গীতের অবতারণাকে অনেকে আপত্তিজনক মনে করেন। শুধু যে কতকগুলি সেন্টিমেন্টের প্রতি শ্রদ্ধাবশতঃ তাহাদের নূন শ্রদ্ধার স্থলে অবতারণা করিতে চাহি না তাহাও নহে, বাস্তবিকই সে সময় আমরা আর এক শ্রেণীর সেন্টিমেন্টের প্রতি পক্ষপাতী হই। কোন কোন সময় মনের এমন অবস্থা আসে যে সে সূক্ষ্ম রঙের সূক্ষ্ম কারুকার্য্যের চিত্র দেখিতে বিমুগ্ধ হয়, তাহার সম্মুখে তখন কতকগুলি ডবডবে রঙচঙে বড় বড় ছবি ধরা চাই। সে অবস্থার পক্ষে হাসির ছায়া উপযোগী খাদ্য আর কিছু নহে। যখন বিশ পঞ্চাশজনে এক জায়গায় আমাদের জন্ম মিনা গিয়াছে তখন যদি একজন কেহ খুব গোটাকত হাসির কথা বা হাসির গান বলে, ত সকলে একপেট হাসিয়া সস্তমমনে বাড়ী ফিরিয়া আসি। যেন একটা কিছু পাওয়া গেল, সময়টা নিতান্ত নষ্ট হইল না, যে যেমনই মনের ভার লইয়া গিয়া থাকি সকলেই অনেকটা হাল্কা হইয়া ফিরিলাম। এবং মাঝে মাঝে অতিভারগ্রস্ত হৃদয়বৎসকে মহাশয় সমাজে গিয়া এইরূপে হাল্কা করিয়া আসিবার আবশ্যকও আছে; কেবল সেন্টিমেন্টের উপর সেন্টিমেন্ট চাপাইলে জীবনযাত্রা চলে না। কিন্তু এই মনোভার লাঘবকারী স্বাস্থ্যের নিদান হাস্যরস সব সময় পাওয়া যায় কোথায়? আমাদের দেশে হাসির গান কোথায়? বাহারা রবীন্দ্রনাথ ঠাকুরের নিতান্ত পক্ষপাতী তাঁহাদেরও মাঝে মাঝে ইহার অভাব অনুভব করিতে দেখিয়াছি—“একটা হাসির গান হোক হাসির গান হোক।” কিন্তু হায়! তাঁহাদের প্রিয় কবির অগাধ সঙ্গীত-সমুদ্র মনন করিয়া মরিলেও হাসির গান মিলিবার নহে। তাই অভাবে, কবির ছুঁড়াগাবশতঃ ভক্তগণের অতিভক্তিতে কোন পারিবারিক বিহাহোৎসবোপলক্ষে গ্রন্থিত গীতি-নাটিকার ছুটা একটা গান তাঁহার হাস্য রসের প্রকৃষ্ট নমুনা স্বরূপে আসরে নামান হয়।

তুমি আছ কোন্ পাড়া?
তোমার পাইনে যে সাড়া,
পথের মধ্যে হাঁ করে যে রইলে হে খাড়া।
রোদে প্রাণ যায় ছপূর বেলা
ধরেছে উদ্‌রের জালা
এম কাছে কি হৃদয় জালা, (তোমার) সকল সৃষ্টিছাড়া।
রাঙা অধর, নয়ন কালো
ভরা পেটে লাগে ভাল
এখন, পেটের মধ্যে নাড়ী গুল দিয়েছে তাড়া।

সাধ করে কেন সখা ঘটাবে গেরো।
এই বেলা মানে মানে ফেরো ফেরো।
পলক যে নাই আঁখির পাতায়,
(তোমার) মনটা কি খরচের খাতায়?
ও হাসি ফাঁসি দিয়ে প্রাণে বেঁধেছে গেরো!
সখা ফেরো ফেরো!

ঘ্যানর ঘ্যানর ঘ্যানর ঘ্যানর, সেই সে কাঁছনি—কি কব কথা!
কথায় কথায় অতিমান তাঁরি
সাধা কি যে সে মন রাখা!
গৃহে থেকে সাধ করে অরণ্যে হবে যে থাকা।

এ গানটি শ্রীযুক্ত অক্ষয়চন্দ্র চৌধুরীর, ভ্রমক্রমে রবীন্দ্রনাথ ঠাকুরের নামেই চলিয়া আসিতেছে।

এই গানগুলি হান্তরসবর্জিত নহে, এবং নাটকখানিতে দেশ কালপাত্রের উপযোগী। কিন্তু ইহাদের যদি রবীন্দ্র নাথ ঠাকুরের হান্তরসরসিকতার চূড়ান্ত দৃষ্টান্ত বলিয়া ধরা যায় তাঁহার প্রতি অবিচার হয়। বোধ করি কবি নিজে তাঁহার এ গানগুলির বিলোপ ইচ্ছা করেন। তাঁহার সঙ্কলিত “গানের বহিতে ত এগুলি স্থান পায় নাই, এবং শুনা যায় সখি-সমিতির শিল্পমেলায় অভিনয়োদ্দেশ্যে যখন এই গীতিনাটিকাখানি গ্রন্থাকারে মুদ্রিত করিবার প্রস্তাব হয় তখন কবি মত প্রকাশ করিয়াছিলেন, না ছাপাইলেই ভাল হয়। কিন্তু তিনি ছাড়িতে চাহিলেও ভক্তবৃন্দ ছাড়ে কৈ? হাসিটা যে কোন না কোন আকারে চাই ই! তাই এই কয়েকটি গানকে বারবার হাসির ক্ষেত্রে অবতীর্ণ করিয়া ইহাদের সমস্ত রস নিঃশেষিত করিয়া ফেলিয়াও পুনর্বার একটা ভ্রান্ত সংস্কারে, ইহাদেরই শরণাপন্ন হওয়া যায়।

এই গানগুলির কতকগুলি ক্রটি আছে। প্রথমতঃ ইহারা অতি উচ্চদরের হান্তগীতি-সাহিত্য নহে; দ্বিতীয়তঃ ইহাদের সংখ্যার অপ্রতুলতা এবং কায়িক ক্ষুদ্রতা বশতঃ অতি নীচুই পুনরুক্ত হইয়া পড়ে, ইহাদের আদিম রসবত্তা কমিয়া আসে, ক্রমশঃ হাসি উচিত মনে করিয়া হাসি ডাকিয়া আনিতে হয়; তৃতীয়তঃ নাটক বিশেষের অংশভূত হওয়ার ত্রিচ্ছিন্ন ভাবে গাহিলে নূতন শ্রোতার পক্ষে অবস্থাপ্রতি কল্পনা করিয়া লইয়া সব সময় হাসিতে প্রস্তুত থাকা সহজ হয় না।

রবীন্দ্রনাথকে ছাড়িয়া অপেক্ষাকৃত সাধারণের কবি গিরীশ ঘোষ বা স্ত্রীবিখ্যাত পরিহাস-রসিক অমৃত বসুর নিকট যাইলে কি পাওয়া যায়? তাঙ্কব-ব্যাপারের গোটাকতক গান।

ফাটকে আটক রবনা।

আপন করে যতন করে খুলে দেছ ডানা।
বেয়াড়া বুদ্ধির চোটে, দিয়েছ শিকল কেটে,
এখন গেটের বাইরে পা দিয়েছি, দখল কর জেনানা।
আমরা সব কলেজ বাব, নলেজ পাব,
টপ্পা গেয়ে করবো স্তখে বাবুয়ানা।
এখন তোরামরা কুটনো কোটো, বাটনা বাটো,
দাও লক্ষ্মীপূজোর আল্পনা।
আমরা সব ছাড়বো সাড়ি, রাখবো দাড়ি,
গাড়ী চড়ে আনাগোনা।

(গুণ পুরুষ) গাড়ী চড়ে আনাগোনা।

ছাড়ব না আড়নয়ন, আর মোহন বেণী—
ত্রি নারীর নিশানা।

(গুণ-পুরুষ) ত্রি নারীর নিশানা;
প্রেমের বন্দর, রইলো অন্দর, শুছিয়ে কর গিমিগনা।

এই গানটির যথার্থ রস ও কবির ক্ষমতার পরিচয় হইলি লাইনে—
“ছাড়ব না আড়নয়ন, আর মোহন বেণী
ত্রি নারীর নিশানা।”

বাকী রসিকতা সাধারণ ও পুরাতন। যেমন গল্প রচনায় অসাধারণের প্রস্তাবনা সর্বাপেক্ষা সহজ ও সাধারণ, কেন না সাধারণ অসাধারণের জাজ্ঞগ্যমান পার্থক্য সকলের চোখেই পড়ে কিন্তু সাধারণের নিজের মধ্যে যে সৌন্দর্য ও সত্য নিহিত রহিয়াছে তাহা অধিকাংশ লোকেরই চোখ এড়াইয়া যায়। তাই সংযত বিচক্ষণভাবে সাধারণ সত্যের অবতারণা সর্বাপেক্ষা অসাধারণ। রসিকতা সম্বন্ধেও সেইরূপ। সমাজের বিপ্লবাবস্থায় পুরুষ স্ত্রী বনিতেন এবং স্ত্রী পুরুষের অল্পকরণ করিতেছেন এ রসিকতাটি খুব স্থূল, আবহমানকাল সর্বত্র চলিয়া আসিতেছে, ইহার আবিষ্কারের জন্ত নূতন প্রতিভার আবশ্যক হয় নাই। তাহা ছাড়া এ গানটি সব সময় সকল সম্মিলনীতে গাহিবার উপযুক্ত নহে, বিশেষতঃ যেখানে স্ত্রীলোকেরা উপস্থিত আছেন। মাঝে মাঝে নিতান্ত বাজারে ভাবের সংস্পর্শে ইহা তাঁহাদের স্ক্রুকার কর্ণের অল্পযোগী হইয়াছে, এবং যে পুরুষহৃদয়ে স্ত্রীজাতির প্রতি যথার্থ ভক্ততার ভাব আছে তিনি পুরুষ-সম্মিলনীতেও ইহা গাহিতে সম্মুচিত হইতে পারেন, কেন না তাঁহাদের সম্বন্ধে কথঞ্চিৎ সন্দেহ ভঙ্গ হইয়াছে। অমৃতলাল বসুর অধিকাংশ হাসির গানের সম্বন্ধেই এই কথা খাটে, প্রতিভার পরিচায়ক কিন্তু বিশুদ্ধ কৌতুকময় নহে, অনেক সময় ভাবে ও ভাষায় গ্রাম্যতাদোষস্পৃষ্ট। অবস্থাচক্রে তাঁহাকে তাঁহার প্রতিভাকুমারীকে হাটের মাঝে খাড়া করিতে হইয়াছে, নানালোকের মনোরঞ্জন পেশায় তাহার স্বাভাবিক নিম্মলতা মলিন হইয়া পড়িয়াছে, তবে এখনও মাঝে মাঝে তাহার উচ্চকুলশীল ধরা পড়ে, দেখা যায় বাজারের মধ্যেই তাহার জন্ম নয়। মনে হয় এই পতিত প্রতিভাকে পতিত-পাবনী পুণ্যতোয়া স্ক্রুচি গন্ধায় অভিব্যেক করাইয়া তাহার কলুষ ধৌত করিয়া যদি বাঙ্গলা-সাহিত্যের ঘরে তুলিয়া লইতে পারা যাইত, তবে গৃহের বড় শোভা ও আনন্দের কারণ হইত। কিন্তু সে কল্পনা এখন মুখা।

হইলি যথার্থ হান্তরসের গানের সহিত আনন্দের পরিচয় হইয়াছে। তাহাদের রচয়িতার নাম জানিতে পারি নাই, প্রথমটি কোন কৃষ্ণ-নাগরিকের রচনা এই পর্যন্ত শুনিয়াছি। এইটুকু স্বত্র মাত্র অবলম্বন করিয়া ভারতীর কোন পাঠক যদি লেখকের নাম অল্পসন্ধান করিয়া ভারতীর পৃষ্ঠায় প্রকাশ করেন তবে বর্তমান লেখককে এবং বোধ করি ভারতীর অবশিষ্ট পাঠকবর্গকেও বিশেষ উপকৃত করা হয়। নিজে সে গানটি প্রদত্ত হইল।

কীর্তীগী স্তর।

ও কে যাবি তোরা ব্রজে, বড় ফলার মেতেছেরে,—মণ্ডা!

খাজা খুর্মা! গজা মণ্ডা!

ওই যে জীবগজা আর গোল গজা আ আ আ আ

গরম গরম লুচী কচুরী আর পটলভাজা—মণ্ডা!

খাজা খুর্মা! গজা মণ্ডা!

ও সারিতে বসেছিল কতকগুলি ফলারে,
তাদের পাতে দই দিতে হয়ে গেল দেবী,
আহা হয়ে গেল দেবী!
তখন দধি না পাইয়া বিপ্রদিগের ক্রোধ উপজিল ও ও ও
দে দই দে দই বলে ডাকিতে লাগিল
তারা ডাকিতে লাগিল!

ওরে দে দই দে দই পাতে, ওরে ব্যাটা হাঁড়ী হাতে
ওরে না পারিসু ত এলি কেন!

ওরে ও সারি যে, ও যে ছ-বার দিলি ই ই ই ই
ওরে এ সারি না ফিরে চলি!
দে দই দে দই পাতে, ওরে ব্যাটা হাঁড়ী হাতে,—ইত্যাদি।

ওরে ও সারি যায়, ও যায় হাঁটু বুড়ে এ এ এ এ
ওরে এ সারি যায়, ও যায় ধুলো উড়ে!
দে দই দে দই পাতে,—ইত্যাদি।

ওরে ও সারি যাস, ঘেঁসে ঘেঁসে এ এ এ এ
ওরা কি তোরা মেশো পিশে!
দে দই দে দই পাতে,—ইত্যাদি।

ওরে উদিকে দিসু মণ্ডার হুড়ো ও ও ও ও
ওরে ওরা কি তোরা বাবা খুড়ো!
দে দই দে দই পাতে,—ইত্যাদি।

যখন দয়ের উপর, উপর, মণ্ডা ভাঙ্গি ই ই ই ই
যেন বানের আগে জেলে ডিঙ্গি!
দে দই দে দই পাতে, ইত্যাদি।

যদি বেরালের ভাগ্যে, ভাগ্যে শিকা ছিঁড়ল ও ও ও ও
তবে কোথা হতে কুকুর এল!
দে দই দে দই পাতে, ইত্যাদি।

এ গানটি শুধু মজার গান নহে, উচ্চ সাহিত্য লক্ষণাক্রান্ত। যথার্থ রহস্য জিনিষটি কি? জঙ্ক ইলিয়টের একটি বাক্য এইখানে উদ্ধৃত করিলে আমার প্রশ্নের আংশিক উত্তর হইবে। Humour is the sympathetic presentation of incongruous elements in human nature and life. জঙ্ক ইলিয়ট বলিতেছেন মনুষ্য প্রকৃতিতে এবং মনুষ্যের ব্যবহারে

অনেক সময় যে অসঙ্গতি ধরা পড়ে তাহারই সহদয় বর্ণনা রহস্য। আতিশয্যও একটা অসঙ্গতি। নিম্নলিখিত পত্রটি তাহা বুঝাইয়া দিবে।

“Farewell! Farewell!” he cries in pain
His arms enfold her tight;
His kisses fall like autumn rain
Upon her forehead white;
He knows he'll see her not again
Until to-morrow night!

ভাবের এই আতিশয্য বশতঃ প্রেমিকেরা সর্বত্র কোতুকের পাত্র। এই অসঙ্গতি ও আতিশয্যের কষ্টপাথর দিয়া আমরা প্রত্যেক জিনিষের হাতকরত্ব যাচাইয়া লইতে পারি। আমাদের দেশের অধিকাংশ গল্প রচনা আতিশয্যে ভরপুর, তাই তাহার যথার্থ সাহিত্যবোধের নিকট উপহাস ও অবহেলার পাত্র। পেটুকতার মধ্যে রহস্যের ভূমি আছে। পেটুকতা মানবপ্রকৃতির একটা আতিশয্য। অত্যাচার আর পাঁচটা বৃত্তির সহিত সামঞ্জস্য করিয়া অবস্থিত নহে, আর সকলকে ছাপাইয়া উঠে। তাই ইহা হাত সাহিত্যের বিষয় হইতে পারে। রহস্য গীতিরচনায় যে প্রধান আবশ্যিক বিষয়নির্দীচনক্ষমতা—পূর্বোক্ত গানটিতে তাহার পরিচয় পাওয়া যাইতেছে। দ্বিতীয় আবশ্যিক চিত্রাঙ্কনী প্রতিভা। এমন বর্ণনাকৌশলের সহিত জিনিষটিকে শ্রোতার কল্পনার সামনে খাড়া করিয়া দিতে হইবে, যেন সাক্ষাৎ চাক্ষুষ করিতেছি। প্রেমের গানে একটা ভাবের আভাস দিলেই চলে, কিন্তু হাসির গানে অনেকটা কঠিন ঘটনা চাই কতকটা গল্পের ছাঁচ চাই। যেটা বর্ণনীয় বিষয় তাহার আগাগোড়া এবং তাহার আশপাশের সংলগ্ন ছোট খাট ঘটনাবলীও খুব স্পষ্ট ছবির মতন চোখের সামনে বিরাজ করা চাই; তবেই যথার্থ হাত সাহিত্যের সৃষ্টি হয়।

গানের উপক্রমণিকার ফলারলুক ব্রাহ্মণদের আহ্বানেই কত দক্ষতা—
ও কে যাবি তোরা ব্রজে, বড় ফলার মেতেছেরে—মণ্ডা।
খাজা খুন্দা গজা মণ্ডা!

তাহার উপর আবার “ঐ যে জীবে গজা আর গোল গজা” সেইটেই কিছু অতিরিক্ত মারাত্মক! এত প্রলোভন জিতেছিরেরও সঞ্চরণ করা দুর্লভ। অবতারিকার চূড়ার কথায় আহ্বারের “ঠাই”য়ের এইরূপ একটা স্পষ্ট বর্ণনা দিয়া প্রস্তাবিত বিষয়ে আদ্য যায়:—

ও সারিতে বসেছিল কতকগুলি ফলারে,
তাদের পাতে দই দিতে হয়ে গেল দেবী
আহা হয়ে গেল দেবী!

যে গান না গুনিয়াছে সে এই ‘আহা’র মর্ম কি বুঝিবে? ঐ খানটার সুরে ও ভাবে করুণরস আছড়াইয়া কাঁদিতেছে। শুধু যে একটা মূল আতিশয্যের বর্ণনাতেই বন্ধ থাকিতে হইবে তাহানয়, গানের মধ্যেই আবার নূতন নূতন অসঙ্গতির সৃষ্টি করিতে হইবে, যেমন সামান্যকে বৃহত্তর আসনে তুলিয়া বা বৃহৎকে সামান্য আসনে নামাইয়া পরস্পরের পরিমাণের বিপর্যয় ঘটান, যথাস্থানে অযথারসের সমাবেশ, ইত্যাদি।

মনে কর বিষয়টা খুব নিরলঙ্কার,

“ও সারিতে বসেছিল কতকগুলি ফলারে, তাদের পাতে দই দিতে হয়ে গেল দেবী”

কেহ কখন ভ্রমক্রমেও ইহাকে কবিতার বিষয় মনে করিবেন না, ইহাকে গানের আসনে উন্নীত করাই যথেষ্ট হাশ্বতর হইয়াছে, তাহার উপর যখন সেই হাস্যকর পদে সুরের দ্বারা করুণরসের যোজন্য করা হয় তখন অতি বড় গভীর লোকেরও গাভীরা রক্ষা অসম্ভব হইয়া পড়ে। তাহার পর দই দিতে দেবী হওয়ার মত গুরুতর ঘটনাটি যখন ঘটিল তখন, দধি না পাইয়া বিপ্রদিগের ক্রোধ উপজিল ট্রাজিক। কিবা কাণ্ড বাধে, কোপন বিপ্রেয়া পৈতা ছিড়িয়া শাপ দিতেই বা উত্তত হয়! নাঃ তাহারা বীররসের আশ্রয় লইল, “দে দই দে দই বলে ডাকিতে লাগিল।”

ওরে দে দই দে দই পাতে, ওরে ব্যাটা হাঁড়ী হাতে,

ওরে না পারিস্ত এলি কেন!

শেষ চরণটির যুক্তির অকাট্যতা সাক্ষাৎ গোতম মুনিও অস্বীকার করিতে পারিবেন না, সে স্বল্পবুদ্ধি পরিবেশক ত কোন ছার! হঠাৎ ব্রাহ্মণ হৃদয়ে করুণরসের আবির্ভাব হইল—

ওরে ও সারি যে, ও যে ছবার দিলি

ওরে এ সারি না ফিরে চেলি!

আহা কি সম্ভাস্তিক অবহেলা! এমন হৃদয় বিদারক অভিমানেছলছল ভৎসনাবাক্যও অল্প শুনা যায়।

ওরে ও সারি যায়, ও যায় হাঁটু বুড়ে

এ সারি যায়, ও যায় ধুলো উড়ে।

মনে প্রায় বৈরাগ্য উপস্থিত করে, বিবাগী হইয়া পাত ছাড়িয়া উঠিয়া পড়িতে ইচ্ছা যায়।

ওরে ও সারি যাস্, ও যাস্ বেঁসে বেঁসে

ওনা কি তোর মেশো পিশে?

ক্রমশ স্বেহর অতীত হইয়া আসিতেছে, মেজাজ গরম হইয়া উঠিতেছে। নাঃ এ মিষ্ট কথার কাজ নয়, কারুণ্য এখানে বৃথা অপব্যয়। অনেকক্ষণ ভালমানুষের মত কথা কথা গিয়াছে, এবার গালাগালি না দিলে চলে না, দেখনা—

উদিকে দেয়, দেয় মণ্ডার হুড়ো

রক্ত মাংসের শরীরে কত স্বেহ হয়! “ওরা কি তোর বাবা খুড়ো!”

এতক্ষণে শরতী লক্ষ্যস্থানে পৌছিল, ব্রাহ্মণদের অতীষ্ট সিদ্ধ হইল, তাহাদের পাত হাঁটু বুড়িয়া উঠিল—তখন মহা খুসী!

যখন দয়ের উপর, উপর মণ্ডা ভাঙ্গি ই ই ই ই

যেন বানের আগে জেলে ডিঙ্গি!

এই সর্কাজ সম্পূর্ণ গানটির পর দ্বিতীয় গানটি পাঠকের সম্মুখে আনিতে সক্ষম হইতেছে। কিন্তু প্রথমটির সহিত তুলনায় খাট হইলেও তার নিজের ভিতরকার একটা মাপ দিয়া বিচার করিলে নিতান্ত হেয় হইবে না।

গানটির আরম্ভ, “আইলাম প্রাণ আজি দেখিতে তোরে”

সোহিনী বাহারের খুব একটা গভীর রকম খোঁচে চরণটি শেষ হইয়াছে। তাহাতে মনে মনে অনেক খানি আশা জাগিয়া উঠে দ্বিতীয় চরণে উঁচুদরের একটা কিছু ভাব আসিতেছে— কিন্তু ভাবিয়া দেখ কি বিশ্বয় যখন শোনা যায়,—

তোমার নাকি জ্বর হয়েছে আঁমারে বলেছে হরে—

এই হরের উপর সুরের কারদানির ঘটটা খুব।

করেছে মাথা বেদনা, নেওনা আর ভাত খেওনা

(গায়কের এই খানটা অত্যন্ত করুণ ভাবাপন্ন হইতে হয়)

ছুদিন চারদিন শুকিয়ে থেকে অম্মি অম্মি যাবে সেরে!!

সেণ্টিমেন্টের চূড়ান্ত এবং গানের সমাপ্তি!!

এইরূপ ছটা চারটা গান লইয়া এতদিন আমাদের ঘরকন্না চলিতেছিল। এই ছুর্ভিক্ষের রাজ্যে হঠাৎ যদি একটা হাসির ভাণ্ডার আবিষ্কার করা যায় তবে কি অত্যানন্দের কারণ হয়। সে ভাণ্ডারধিকারী—কবির শ্রীযুক্ত দ্বিজেন্দ্র লাল রায়।

তাঁহার “আর্যগাথার” তাঁহার মনোমুগ্ধকারী, কারুণ্য রসভূয়ানু প্রেমের গীত রচনা ক্ষমতার পরিচয় পাওয়া গিয়াছিল, কিন্তু সেই কবির ভিতর যে এত হাশ্ব রসপ্রাচুর্য আছে তাহা বাঙ্গালী পাঠকের সম্পূর্ণ অগোচর।

পূর্বে বলিয়াছি অধু অসঙ্গতির বর্ণনাই যে হাশ্বরস তাহা নহে, অসঙ্গতির সৃষ্টিও হাশ্বরসের অপিকারের মধ্যে। নিম্ন লিখিত গানটি তাহার উদাহরণ:

বিক্রমাদিত্য ও তানসেনের মিলান।

হো, বিক্রমাদিত্য রাজার ছিল নবরত্ন নভাই,

আর, তানসান ছিলেন মহা ওস্তাদ এলেন তাঁহার সভায়।

অ, অর্থাৎ আন্তন নিশ্চয় তানসান বিক্রমাদিত্যের কোর্টে,

কিন্তু, ছুঃখের বিষয় তখন তানসান জন্মান নিক মোটে।

কোরাস্। তা ধিন্তাক্ ধিন্তাক্ ধিন্তাক্ ধিন্তাক্ ম্যাউ ম্যাউ ম্যাউ।

যাহোক, এলেন তানসান কলিকাতায় চড়ে রেলের গাড়ি,

আর, হুগলিবিজ্ পার হয়ে উঠলেন বিক্রমাদিত্যের বাড়ি।

অ, অর্থাৎ উঠলেন নিশ্চয় কিন্তু রেলপুল তখন হয়নি,

আর, বিক্রমাদিত্যের ছিল অল্প রাজধানী উজ্জয়িনী।

কোরাস্। তা ধিন্তাক্ ধিন্তাক্ ধিন্তাক্ ধিন্তাক্ ম্যাউ ম্যাউ ম্যাউ।

যাহোক, এলেন তানসান রাজার কাছে দেখাতে ওস্তাদি,

আর, নিয়ে এলেন নানা বাদ্য পিয়ানো ইত্যাদি।

অ, অর্থাৎ আন্তন নিশ্চয় কিন্তু হলো হটাৎ দৃষ্টি,

যে, হয়নি ক তানসানের সময় পিয়ানোর সৃষ্টি।

কোরাস্। তা ধিন্তাক্ ধিন্তাক্ ধিন্তাক্ ধিন্তাক্ ম্যাউ ম্যাউ ম্যাউ।

যাহোক, তানসান গাইলে এমন মজার, রাজা গেলেন ভিজে,

আর, গাইলেন এমন দীপক তানসান, জলে উঠলেন নিজে।

অ, অর্থাৎ যেতেন রাজা ভিজে, তানসান উঠলেন জলে,

কিন্তু, রাজার ছিল “ওয়াটার প্রফ” আর তানসান এলেন চলে।

কোরাস্। তা ধিন্তাক্ ধিন্তাক্ ধিন্তাক্ ধিন্তাক্ ম্যাউ ম্যাউ ম্যাউ।

হলো, সেইদিন থেকে প্রসিদ্ধ তানসেনের গীতিবাদ্য,

আর, আজও রোজ রোজ অনেক ওস্তাদ করেন তাঁহার শাদ্দ।

আর, ঠাণ্ডা গানের আঁকু তাঁর ত হয়েছে কবে,
আর, ভানসান মুসলমান, তাঁর আঁকু, কেমন করে হবে।
কোরাস। তা বিন্তাক্ বিন্তাক্ বিন্তাক্ বিন্তাক্ ম্যাউ ম্যাউ ম্যাউ

এই গানটার হাস্যকর স্বভাবসিদ্ধ। শুধু কোরাসের সম্বন্ধে কিছু টীকার আবশ্যক। আরম্ভের "হো" টি হাসির গানের নোটস্ তাহা বলা বাহুল্য। পূর্বেদিত দুইটি খাটি দিশী হাসির গানের—“দে দই দে দই পাতে” এবং “আইলাম প্রাণ দেখিতে তোরে”র—দৃষ্টান্তে বিশ্বাস হয় না হাসির গান জিনিষটা আদত ইংরাজী। তাহার যে ইংরাজী ধরণের সংস্পর্শমাত্র না রাখিয়া নিজের অস্তিত্ব সমর্থন করিতে পারে তাহা দেখা গিয়াছে। কিন্তু দ্বিজবাবুর প্রতিভা ইংরাজী সলিলে সিক্ত হইয়াছে, তিনি ইংরাজী ‘কমিক্ গানের’ আদর্শ হইতে তাহার উদ্বোধন প্রাপ্ত হইয়াছেন! সেটা ঘটনাচক্রবশতঃ তাঁহার বিলাতে অনেককাল অবস্থান হেতু, তাঁহার প্রতিভার ক্রটিবশতঃ নহে, বরঞ্চ ইহাতে তাঁহার প্রতিভার কুশলতা প্রদর্শনের আরও অবসর ঘটয়াছে। ইংরাজী প্রত্যেক কমিক্ গানের শেষেই একটা কোরাস থাকে, আদত গানটা একজন লোক গাহেন, এবং কোরাসে অনেকে যোগ দিয়া আমোদ সৃষ্টি করেন। কমিক্ গানের কোরাসের কথাগুলি প্রায়ই কোন বিশেষ অর্থহিত, কতকগুলি শব্দ সমন্বয় মাত্র, পাঁচজনে মিলিয়া সেগুলি সুরে উৎপাদন করিলে একটা হট্টগোলের সূত্র উৎপাদন করে। একটা উদাহরণ দেওয়া যাক্।

All you that are too fond of wine
Or any other stuff,
Take warning by the dismal fate
Of one Lieutenant Luff.
A sober man he might have been
Except in one regard,
He did not like soft water sir
So he took to drinking hard.
With his fol de rol di lol de
Rol di fol de rol di de.

আর একটা :—

Come all young blades, both high and low,
And you shall hear of a dismal go,
It is all about one Billy Vite
Who was his Parent's sole delight
Ri toll tiddle. liddle, toll lol
Tol lol, tol lol, tiddle liddle de.

এই “রলডি, ফলডি, টিডল লিডল ডি”র ঠিক অস্বরূপ অথচ সম্পূর্ণ খাটি বান্দলা ভাষান্তর “তা বিন্তাক্ বিন্তাক্ বিন্তাক্ বিন্তাক্ ম্যাউ ম্যাউ ম্যাউ (শেষটা তানপুরায় সুরের অস্বরূপ তাহা বোধ হয় সকলে বুঝিতে পারিতেছেন) অতি কুশল হইয়াছে। কথা হইতেছে ইহার আবশ্যক ছিল কি না। যদি আমোদের গানে অনেকে যোগ দিবার

আবশ্যকতা থাকে, অর্থাৎ কেবল মাত্র চুপ করিয়া বসিয়া শুনিয়া যদি আমোদ সম্পূর্ণ না হয়, কণ্ঠচর্চা করিয়া গানের অংশে যোগ দিবার যে অনিবার্য প্রবৃত্তি জাগিয়া উঠে তাহার পরিচূপ্তর যদি আবশ্যক থাকে তবে ইহার আবশ্যক আছে। এই শব্দগুলি গাহিবার জন্ত খুব বেশী সুরজ্ঞানের আবশ্যক করে না, তাই অল্পখরচেই গান গাওয়ার সখ মিটাইয়া লওয়া যায়। তাহাতে আসল গীতটিরও কোন ক্ষতি হয় না, বরঞ্চ একজায়গায় সুরাল এবং বেহারা বহুকণ্ঠের সমন্বয়ের পর যখন নূতন পদে পুনরায় পূর্বেদিত একটা গানমাত্র ভাল মান ও সুরের সঙ্গতি ঠিক রাখিয়া গানটা ধরেন তখন কাণের আরও পরিচূপ্তির কারণ হয়। নিম্নলিখিত গানটার কোরাস্ সৃষ্টিছাড়া, কিন্তু ওরিজিনাল্ এবং ভাবিয়া দেখিলে দেখা যায় সার্থক :—

(আমার) আমি একটি শালিক পাখী
কাজ করি সবই চালাকি
বেড়িয়ে বেড়াই চালে চালে
(আর) গান গাই মুদিয়ে আঁখি।
আমি গান জানি খুব বড় বড়
কিন্তু কেউ শোনে না বড়
বরং দেখায় কিং, চড়
(কিন্তু) আমি কার কি তরকা রাখি।
তার বলে শূন্য তালমান এ
জানে না ক এ সব গানে
নাহি দরকার বেশী মানে,
(উদ্দেশ্য) শুধু দেওয়া সময় ফাঁকি।
গায় পাখিয়া স্নেহ 'পিউ' গানে
কোকিল শুধু 'কুহ' তানে
চাতক 'ফটিক জল' জানে
(আমি) কত রকমারি ডাকি।
একদিন, কৃষ্ণ গোষ্ঠে লয়ে থেজু
বাজিয়েছিলেন মোহন বেহু,
কিন্তু যে গান আমি গেজু
এরি কাছে লাগে তা কি।
কে কবি আমার চেয়ে?
ব্যাসদেব ত একবেয়ে
কালিদাস ত 'ধেনো' পেয়ে
লিখেছিল শকুন্তলা,
ঋগ্বেদ পেয়াল জানা আছে
চালা সবই এক ছাঁচে;
লাগে কীর্তন এর কাছে!
(বাবা) এ কাজ নয় নাড়া আর্কফলা।
হয়ে পাকে কৃতবিদ্যা
কোছেন একদিন ব্রজা বৃদ্ধ
সেজপীর সেলি প্যাটি সিদ্ধ
হোল শালিক নিয়ে ছাঁকি।
কোরাস্। ঘুনি কটু কটু চাটুঘ্যে, মুথুঘ্যে, লাহিড়ি, ভাড়াড়ি,
কক্যে কক্যে ত্যাপ ত্যাপ প্রিং প্রিং (ছম্)

নিম্নলিখিত গানটিকে অল্পসঙ্গীতগুলির সহিত একসনে স্থান দিতে না চাহিলেও একেবারে পরিত্যক্ত্য নহে, এবং ইহার সাপক্ষে সামান্য একটা বক্তব্য আছে। বুদ্ধিমান মানুষেরও জীবনের অংশ বিশেষে স্বেচ্ছাপূর্বক ছেলেমানুষী করিবার প্রবৃত্তি আসে, তাহাতে আসল বুদ্ধির কোন হানি হয় না, তাহার নূনত্বও প্রকাশ পায় না। নিম্নলিখিত গানটী প্রতিভার সেই স্বেচ্ছাকৃত ছেলেমানুষীর লক্ষণ :-

পুরবী—আড়া।

ছিল একটি শেয়াল,
তার বড় বাপ দিচ্ছিল দেওয়াল ;
আর সে নিজের বোসে, বেড়ে
টাকা কড়ির চিন্তা ছেড়ে
গাচ্ছিল প্রেমিকায় ডাকি (এই) পুরবীর খেয়াল।
কোরাস্। ক্যা ছয়া, ক্যা ছয়া, আরে ক্যা ছয়া, ক্যা ছয়া ;
ক্যা ক্যা ক্যা ছয়া, ক্যা ক্যা ক্যা।

ইংরাজীতে একটা কবিতা গান আছে

“Never be born on a Friday
help it if you can”

এই গানটির দ্বারা উদ্বোধিত হইয়া কবি কি জন্মের স্বাভাবিক ভাবে তদনুরূপ বাঙ্গালা গান রচনা করিয়াছেন দেখা যাক্।

পার ত, জন্মা না কেউ, ‘বিহাং’বারের বারবেলা,
জন্মাও ত সান্দ্রাতে পারবে না ক তার ঠেলা।
দেপ, বিহাংবারের বারবেলায় যে আমার জন্ম হৈল,
তাই, দিল মোরে, কারো করে রোদে ধরে, আর মাথিয়ে মাথিয়ে তৈল।
দেপে মা, কারো ছেলে দিল ঠেলে, দিল না ক মায়ের দুধ,
কোরে দিল শরীর সঙ্গ বুদ্ধি গরু, খাইয়ে খাইয়ে গাইয়ের দুধ।
পরে, মিলে আমার আট টা নামায়, বাবার সেই আট শালায়,
হতে না হতে বড়, দিয়ে চড় পাঠিয়ে দিল পাঠশালায়।
দেপে গুরু মশায় (যেন কশাই) বিদ্যায় পাট শর্ম্মারে,
করেছেন সেই ফাঁকে শরীরটাকে, পিটিয়ে পিটিয়ে লম্বা রে।
বাবা, আমি উঁচুদিকেই বাড়ছি দেপে, ইকুল থেকে ছাড়িয়ে নিল,
দিল মোর চাকরি করে, তারাও মোরে ছদিন পরে তাড়িয়ে দিল।
দেপে মোরে চাকরি শুখ, বাবা মুং, বিয়ে দিতে নিয়ে, ঘরে গেল,
দেপে মোর শরীর লম্বা, বুদ্ধি রম্বা, কনের দরও চড়ে গেল।
হায়! গো বিধি দুই সনায় তুই, রুই কেবল আমার বেলা,
সে কেবল ফেলহু বোলে, জন্মে ভুলে বিহাংবারের বারবেলা!

এই গানটী সুরের গুনার বিশেষ আবশ্যক ছিল। বাবার সেই আট শালায়, “যেন কশাই,” “মুং” প্রভৃতি কতকগুলি প্যারেগ্ৰেফটিকাল উক্তি রসপ্রাচুর্য উপযুক্ত সুরকল্পনার শত গুণিত হইয়াছে। ইহার জুড়ি গানটিকে এই সঙ্গে দেওয়া আবশ্যক।

ভারি, কষ্ট পেয়ে জন্মে রে ভাই কুদিনে বারবার হে,
এবার, পুরুত থেকে পাঁজি দেপে জন্ম নিলাম সোমবারে।

এ, হুদিন দেখে জন্মানর ফল ক্রমশঃ প্রকাশঃ,
প্রথমতঃ, হলে জন্ম সবাই কাঁদে (আমি) করিলাম হাত।
দ্বিতীয়তঃ, আমার বাপ হলো এক, টাকার জালা কায়েই অবিলম্ব, ভাই,
আমার, বুদ্ধি হলো সুরের মত বিদ্যা ত অসম্ভবাই!
এবং, করিলাম ঘর সহর ভণে রূপেতে আমার আলো,
নাহেবদেদে, ডিনার দিয়ে বুদ্ধি বরং হলো আরো ধারালো।
পরে, পারে না যা কেশব সুরেন লিপে কিম্বা চেঁচিয়ে ছাই,
আমার, বুদ্ধি দেখে গভর্মেন্ট করে দিল K. C. S. I.
দিলাম, খেত পায়ে রক্ত চেলে রক্ত উপহার মহাখ্য রে,
কায়েই, সরপতী রৈলেন বাঁধা ভাই আমার ঘরে।
ওয়ং, লক্ষ্মী এসে দিলেন আমার স্ত্রী ও রক্তে ঘর পুরি,
ক্রমে, উচ্ছিন্ন খেতে বিনাপ্রাপ্তে সরভাজা ও সরপুরি। (টপাটপ)
উইলাম ফুলে দিবারাত্রি বসে খেয়ে খালি, আর
মলাম যে তাও অত্যাধিকো পোলাও কোর্শা কালিয়ার!

কিন্তু সব সময়েই কবির প্রতিভা যে ইংরাজীর নিকট ঋণী তাহা নহে। নিম্নলিখিত গানটী সম্পূর্ণ নূতন ও অতুল্য :-

নাঃ এ জীবনটা কিছু নাঃ!
(বাইরণ যা বলেন) শুধু একটা ঈঃ, আর এঃ, আর উঃ, ওঃ, আঃ!
এ ছাড়া জীবনটা কিছু নাঃ!
সব বাড়াবাড়ি, আর তাড়াতাড়ি
আর কাড়াকাড়ি, আর ছাড়ছাড়ি,
এ সব করো না ক
খাসা বসে থাক
ভায় ছড়িয়ে দিয়ে পাঃ,
আর বল জীবনটা কিছু নাঃ!
কেন চটাচটি আর রোয়ারোবী
আর গালাগালি আর দেবাদোষী
কর হাসাহাসি
ভাল বাসাবাসি
বসে পাশাপাশি খাও চাঃ!
ছেড়ে দলাদলি কর গলাগলি
ছেড়ে রেবারেবী কর মেশামেশি
ছেড়ে চাকচাকি
কর মাখামাখি
আর সবাইকে বল বাঃ,
তা নইলে জীবনটা কিছু নাঃ!
কেন দাঁতাদাঁতি আর হাতাহাতি
আর চুলোচুলি আর লাখালাখি
আর গুতোগুতি
আর জুতোজুতি
কর চুমোচুমি সার, যাঃ!
হয়ে মুখোমুখী হয়ে বুকোবুকি
হয়ে খোলাখুলি কর কোলাকুলি

প্রেমে ঠেসাঠেসী
বস খেঁষাখেঁষী

যেন শীতে বিড়ালের ছাঃ !
তা নইলে জীবনটা কিছু নাঃ !

এত বকাবকি চোখ রাঙ্গারামি
এত হতভাগি হাড় ভাঙ্গাভাঙ্গি
প্রাণ কাজে তাই
করে আই চাই

আর সনাই বাপরে মাঃ !
এ সব কিচিপিচি সব মিছিমিছি,
তাই মুহুমুহু কর উছ উছ,

প্রাণের সার যাহা
সেটা 'আহা' 'আহা'

আর হোঃ হোঃ হোঃ হিঃ হিঃ হিঃ হাঃ !
তা নইলে জীবনটা কিছু নাঃ !

শুধু নিরীহ কোতূকের গান নয়, বাল্মীকির কবি স্মৃতিশ্রদ্ধ দেখাইয়াছেন, তাহার নিদর্শন ক্রমশঃ পাওয়া যাইবে। আপাততঃ কবির সহিত পাঠকের সহিত পরিচয় কার্য্য আমার দ্বারা প্রায় সমাধা হইয়াছে, যেটুকু বাকী আছে তাহা কবি নিজেই সম্পন্ন করিবেন। এক্ষণে এ ভাটী ব্রাহ্মণ অবসর গ্রহণ করুক কবি নিজে সভায় অবতীর্ণ হউন। বর্তমান লোক কেবল একটা আপুশোষ জানাইয়া পাঠকদের নিকট বিদায় গ্রহণ করিতেছে, এক্ষণে শুধু কবির কুলচীই পড়িলাম, চারণের কর্তব্য করিতে পারিলাম না, গান গাহিয়া শোনাইতে পারিলাম না,—অথচ স্মরণেই হামির গানের অর্ধেক প্রাণ, স্মরণ-সনাথ না হইলে ইহাদের সম্যক উপভোগ করা অসম্ভব। আশা করি এই গানগুলির স্বরলিপি অনতিবিলম্বে সংগৃহীত হইয়া মৎকৃত সে ক্রটি পূরণ করিবে।*

আমার কথা ফুরাইল। এবার কবি নিজের পরিচয় দিন।

* লেখক আর কিছু না করুন কবির গুণগান করিয়া তাহার গান গানের পথ ধুলিয়া দিয়াছেন। এবার কবির কর্তব্য কবি যেন অসম্পূর্ণ না রাখেন। তাহার গানের স্বরলিপি অভাবে তাহাদের সম্যক রসাভাসনে যেন আমাদের বঞ্চিত না করেন। ভাঃ সং

লেখক
লেখক
লেখক